

N. Inv. 33/1

33

FF II
2





TOMVS I.

IOANNIS DLV- gosch Canci Crac & rerum Polonia Hi- storiographi Vita.

Ioannes Dlugosch vir fuit clarus et insignis, quippe nobili familia Wiensiensi oriundus, splendorem gentis suae virtute et disciplina militari illustravit. In qua re eo magis ac facilius excelluit, quod magnitudo corporis et membrorum firmitas commoditas ea exequi poterat, quae ingenii vivacitas imperasset, ob quam rem non mediocriter ebarus erat Inelyto Wladislao Secundo Polonorum Regi. Praeficiebaturque plerumque Ciuitatibus atque Oppidis, maxime illis quae Rex aut muniri, aut certe instaurari cupiebat. Cum itaque praefectus esset in Oppido Brzeznicza, anno a salute mundi Millesimo quadringentesimo quindecimo, ex genere, sa Beatrice, quam iam pridem propter splendorem generis et morum elegantiam, sibi legitimo matrimonio coniugauerat, filium sustulit. Qui cum aetatem suam ex talibus studiis exegisset, ut bene ac sapienter viuendi exemplum multis mortalibus praebuerit, opere precium esse puto ea omnia quae ad vitam eius pertinerent, quantum mediocritas ingenii patietur, literis commendare, ut quando non licet mihi Philosophica grauitate saeculi nostri deprauata studia et mores refutare, grauis atque integerrimi viri vitam recensendo, ante oculos hominum quasi normam aliquam ponam: ad quam omnes illi conformare se possint, qui vitam suam taliter agendam putant, ut non frustra a natura suscepisse rationem videantur. Igitur nato puero in arce praedicta, sub Christiana obseruatione caerimoniarum, assignatum est nomen Iohannes, quod deinde quasi fatale decem fratribus post eum natis, inditum est a parentibus. Nam cum primogenitus eodem nomine appellatus, non sine indole probitatis futura viueret, secundus vero et tertius filius, quibus diuersa nomina iniuncta erant, decesisissent, conuersi parentes in religionem nominis, eo vocabulo quartum appellauerunt, sub cuius auspicio primum filium viuere augurabantur. Quae res cum faeliciter cecisset, quippe quia iste non solum valeret et viuax esset, sed tota indole etiam primogenitum superaret, et iam tunc in eo virtutis prognostica quaedam intuentibus, exhiberet causa

dedit, ut ceteris deinde liberis nascentibus, bene ominatum et quasi ali-
quid perpetuitatis in se complectens, nomen imponeretur. Accessit dein-
de nomini gentile cognomen Longinus, et mox defuncto fratre, qui erat ma-
ior natu, appellatus est Senior. Primum itaque nominis observatione atque auspi-
cio, apud animum parentum praeter ceteris liberis charus esse in caput, tum fa-
ctus indies est charior, et morum quadam non puerili elegantia, et cibi atque
potus abstinentia et parcitate. Nam praeter id quod modici erat cibi, usque
ad sextum decimum annum aqua tantummodo potu contentus vixit.
Qua frugalitate, cum naturae prima incrementa debilitarentur, factum
est, ut infirmior longeque magis gracilis euaderet quam ceteri fratres.
A quibus quidem per pueriles similitudines multa indies patiebatur, eo quod
mater, ut plerumque usu euenire solet, propter naturam debiliorem, ex omni-
bus ipsum unice diligendum suscepit, et blandimenta plurima non si-
ne aliorum inuidia ei semper offerebat. Et iam non procul esse appare-
bat, quod pater in eam sententiam venturus esset quoque, ut tandem euenit.
Nam etsi per aliquod tempus pari charitate liberos omnes prosequeretur,
tandem non potuit non illi plurimum affici, in quo plura et manifestiora fu-
tura probitatis apparebant argumenta. Et proinde cum videret istum
quam plurimis optimae indolis signis totius domus suae decus atque ornamen-
tum futurum, singulari et praecipua quadam pietate ipsum complexus est, perse-
ueranterque praeter ceteris dilexit adeo, quod cum e vita decederet, omnia
quae vel in funere, vel in domesticis rationibus, isti tantummodo commise-
rit. Cum sextum aetatis annum ageret, paterque Praefectus esset Oppidi
Noe Civitatis Korczin, traditus est ad ludum literarium, ad quam rem
natura ipsa Duce ita liberali animo accessit, ut quasi iam tunc sentiret,
quanta esset doctrinae ac litterarum maiestas. Et proinde mirabili quodam
instinctu ac motu animi studiorum atque oblectamentorum puerilium instru-
menta, quibus usque ad eam diem inter aequales operam dederat, in proxi-
mam paludem abiicit, et mentem totam ad literas conuertit, tanta avidita-
te, ut nihil pro illis assequendis sibi durum ac laboriosum videretur. Et
quod mirari in ea aetate possumus, cum pueris propter humoris affluentiam,
somnus non solum familiaris, sed omnino sit necerius, surgebat cum Paeda-
gogo ante diluculum, et a latoribus arcibus, quando preces parum effica-
ces erant, gemitu et lacrymis exitum ad Scholas impetrabat. Post pater,
nam in eo loco Praefecturam, diversis in oppidis diligentem operam Gram-
maticae praebuit, in qua non mediocriter profecit, prout aetas sua et Magistrorum
peritia tunc ferebat. Tandem a parente Cracoviam missus, cum ferre
non posset rigidam et austeram naturam cuiusdam magistri, cui creditus com-
mandatusque fuerat, scripsit ad patrem precibusque, ut commodiori praefecto

se instituendum committeret. Quam rem secus ac erat pater interpretatus, significauit Mg^{ro}. Ex quo euenit, ut sauerius et inclementius postea cum discipulo ageret, quippe quod acerbitas naturæ exasperata erat, cum pueri ad patrem reclamatione, tum quod pater animaduertendi in filium Pædagogo liberalius veniam indulserat post adolescentis conqueſtionem. Cum itaq; ſeueritas et rigor præceptoris indies creſceret, iſte inconſulto patre illum deſeruit, timensq; ne in difficiliorem magis quam ſauerum incurreret, ſi alteri cuipiam ſe crederet, liberè inſtituit vitam agere, ac proinde Collegiū Diuitum intrauit, in quo ſerè per triennium Dialecticæ ac Philoſophiæ inuigilauit. Sed adeo etiam puer doctus eſſe maluit, quam videri quod nunquam aliquo titulo cum per doctrinam poſſet, inſigniri voluit. Cæterum cum neceſſaria ſibi ægrè ſubminiſtrarentur, quippe quod pater illi difficilem Nouercam ſuperduxerat, coactus eſt vitæ ſuæ modum ſtatuerè, cum nulla eſſet facultas incumbendi ſtudio, ſi deeſſent alimenta. Diu itaq; conditionem ſuam dequaſtus, examinatisq; pluribus viuendi rationibus, nullam quæ à l^{tr}arum ſtudiis aliena eſſet, ſatis laudare potuit, eoq; ſemper animus reuoluebatur, ut dura et miſera omnia pro nanciſcenda doctrina, pati paratus eſſet. Verum urgente tandem rei domeſticæ difficultate, ductus opinionè et fama quæ conſtans erat de integritate et literatūra humanitateq; Sbignei tunc Epⁱſcopi Cracoui^{en}, inter familiares ipſius curauit adſcribi. Sperauit enim fore, ut in domo viri doctiſſimi atq; optimi, non ſolùm bona ſta conditione viueret, ſed continuam etiam rationem ſtudioſorum eſſet habiturus. Cui quidem cupiditati non ſolùm non repugnauit pater, ſed laudato filii ingemò diligentiffimè etiam et efficaciter Ep^o commendauit. Receptus itaq; in familiarem à Sbigneo, ſtatim à principio non mediocriter charus quam pluribus fuit, præſertim Domino, erat enim adeo acuti et perſpicacis ingenii, ut facile ex ſolo hominis aspectu, vniuerſam ipſius naturam præſentiret, ac iudicaret. Sed cum indies Longini vita et mores non ſolùm opinionem de eo conceptam reſponderent, ſed plura etiam ſperari de ſe adducerent, ille ſibi primum Cancellariæ, deinde familiæ, poſtremo vniuerſæ facultatis ſuæ curam credidit. Quibus rebus ea integritate et diligentia duobus et viginti annis præfuit, ut et per totam vitam Sbigneus eum perſeueranter dilexerit, et in morte quoq; quid de ipſo viuus ſentiret, teſtatus ſit. Si quidem inter Executores teſtamenti ſui, quaſi præcipuum nominauerat, nec per alium quem diligentius ſupremam voluntatem ſuam exequendam eſſe putauit, quam per illum qui viuentis nullam unquam voluntatem irritam eſſe permiſiſſet. Inter initia famulatus, cum ſupra quam rati eſſent cæteri grã ipſius indies magis ac magis creſceret, apud Ep^{um} pleroſq; veterum familiarium aduerſos habuit, ferebant ægrè ſibi diuturnitatem obſequiorum

suorum ab huius diligentia quasi obscurari. Et proinde diuersis machinationibus, aut suspectum aut inuisum Dño reddere procurabant. Nec defuerunt qui quasi leuem ac temere in ea re sentientem Ep̃m coarguerent, quod tantarum rerum summam adolescentulo crederet, quippe quod tunc Longinus annum circiter decimum septimum ageret. Sed cum paulatim reliquorum animos partim conscientia quod innocentem persequerentur, partim pacientia et mansuetudo istius infregisset, et ad se diligendum conuertisset, fratris Ep̃i germani Iohannis Glomacz de Olieschnicza Palatini Sandomirien', tam diu infensum animum in se tolerauit, quoad Ep̃s efficacissimis asseuerationibus, addita iuris iurandi religione, merito diligendum persuasit. Ascitus itaq; in consiliorum secretorumq; omnium partem, nec minus ad summam rerum vniuersarum administrationem, difficile dictu est, quanta bonorum omnium commendatione singula administrabat, quantoq; in honore apud domesticos erat. Singuli illum, quod per aetatem mirabile videbatur, et venerabantur et collebant. Nunquam causam dedit ut cum aliquo litigaret, prouocantes vero interdum ratione, interdum mansuetudine, quandoq; dissimulando superauit. Nihil antiquius habuit, quam ut creditarum rerum sibi rationem integram non solum seruaret, sed etiam augeret. Et proinde statim ab initio omnes fructus, immunitates, proventus, et iura Episcopatus, quae propter negligentiam praedecessorum, quibusdam codicillis et commentariolis, non solum dispersa, sed propemodum absoluta et perdita erant, in certum ordinem et autenticum Registrum digessit et ordinauit, tanta conuenientia et circumspectione, ut non videretur praeteritas negligentias emendasse, sed potius Ecclesiam nouis fructibus locupletem atq; opulentam reddidisse. Ac deniq; id cauisse, ut in posterum tuta esset ab omni iactura negligentium, quandoquidem in unum quasi corpus compaginati membra sub oculis ita exposuit, quod facili cura successores postea vniuersa et conseruare et augere potuerint. Quo etiam beneficio, affecit Canonorum Collegium, et sacerdotes reliquos Cathedralis Ecclesiae. Nam cum Praebendae eorum, salaria et certa emolumenta diuersis Chirographis, et confusa et inordinata essent, in ordinem certum et Registrum non sine diligentia exquisita, composuit, vniuersosq; Ecclesiae illius proventus, ita distinxit atq; ordinauit, ut et facile sit vniuscuiusq; proprium noscere, et iura bonaq; Ecclesiae tuta sint aduersus iniurias cuiuscunq;. Crebris item exhortationibus persuasit Sbigneo, ut pro Ecclesia emeret Ducatum Syewierensem, in qua re dum tractaretur, varios labores et pericula sustinuit, partim ab his qui agre ferebant Sbigneum pecuniae exhauriri, partim a nonnullis, qui in eo emendo praeferrere cupiebant. Sed omnia aequissimo tulit animo, cum videret se non solum Ecclesiae, sed etiam Reip. in ea re operam nauare. Siquidem Ducatus ille non tam in

5

ditionem Ecclesie propter illam emptionem concedebat, quam etiam Regno adijci-
ebatur. Et proinde contemptis quibuscumque periculis non prius destitit quam
rem perfecisset. Ductus præterea naturali quodam instinctu et deuotione,
qua non solum Deo sed etiam Sanctis omnibus afficiebatur, maximo et studioso
ambitu impetrauit à Sbigneo et Prælatiſ cæteris Cracouiensi Ecclesie, ut vascu-
la et scriniola argentea, reliquiis Sanctorum plena, quæ hodierno tempore die-
bus solennibus monstrantur, emerentur. Ad quam rem conducendam non exi-
guam præcui partem, sponte ac liberaliter contulit. Cæterum mortuo Sbigneo,
cùm unus ex Testamenti executoribus nuncupatus esset, summo studio et di-
ligentia omnia per eum legata, exequenda curauit, nullum unquam in ea re
periculum, nullum laborem effugit. Tantamque fidem et solertiam, ut mortui
voluntas quoque perficeretur, adhibebat, quod merito executores alii omnem
curam in eum reiecerunt. Absolutissime itaque omnia, quæ ille post mortem
facienda legauerat, adimpleuit, Quæ verò viuus inchoauerat, eo modo quo
ille destinaſset, diligentissima ratione absoluit, adeo ut difficile dictu
sit, quanta alacritate et constantia utiliter dispensauerit supra duodecem
millia florenorum, quæ Sbigneus studentum et religiosorum hominum vsui
et amplitudini, Testamento destinauerat, quantumque laudis ab vniuersis
inde fuerit assecutus, palam est. Nam præter id quod integritatis et fidei
dei magnam existimationem conquisiuit, ab omnibus vir gratissimus dici
promeruit. Siquidem illi mortuo grās egit, et officium operamque suam præsti-
tit, à quo viuo plura susceperat beneficia. Quam quidem animi gratitudi-
nem, etsi viuente etiam illo, quantum facultas permiserat, semper præsetu-
liſset, et post mortem tamen adeo diligens, in exequendo quæ suprema volun-
tate mandauerat, fuerat, ut facile dubitari possit, viuenti ne an mortuo
diligentius aut diuturnius inservierit, nunquam tamen magis quam in morte
manifeste apparuisse, contenderim. Tunc enim præcipua quædam et præmo-
dum admiranda pietate eo usque se gratum, collatorumque in se beneficiorum
memorem testatus est, ut non solum alios, in quos propensissima semper fuerat
humanitas et munificentia Sbignei, superauerit, sed ipsos etiam consangui-
neos et fratres vicisse asseueretur. Nam cum illius cadaver, ut potè ho-
minis corpulenti et crassitudinis inusitata, statim tabuiſset et flueret,
sordidissimoque odore, alios omnes à se repelleret, iste nunquam ab eo sepa-
rari potuit, neque odoris fæditate, neque amicorum suasionibus, qui contra-
cturum inde noxam asseuerabant. Quos quidem opinio haud sanè falsos
habuit. Nam etsi beneficio robustæ ætatis, tunc haud quaquam consterna-
ri potuerit, irrepsit tamen in arcana spiramenta lues naturæ, et paulatim
labefactauit sensus, quos sibi subito infringere non poterat. Ex quo secu-
tum est, ut post elapsam annum grauissime ægrotauerit, asseuerantibus

Medicis, tabem illam et sordem cadaveris, illiusmodi aegritudini causam
et originem praestitisse. Accessit ad testimonium mirae erga illum virum
gratitudinis. quod cum consuetudo non haberet, ut pro contione in funere
mortui laudarentur, Longinus Epistolis ad amicos plurimis, dolorem quem
ex illius morte conceperat, expressit. Ex quibus unam legi, in qua praeter
id quod inexhausti doloris sui acerbitalatem testatus est, ita effuse et ele-
ganter virtutes moresque ac penè uniuersam vitam illius recenset, ut nullo
modo lector possit non conqueri uehementer: quod talis tantusque vir e me-
dio sit sublatus. Tantaque ipsius Epistolae ad offerendas laudes illius est effi-
cacia, ut facile affirmare ausim, nullum ex plurimis monumentis, quae nomini
suo propagando ipsemet constituit, diutius ac illustrius, quam illiusmodi Epistola
Sbignei famam conseruaturum. Sed cum non solum genere illo scriptionis, sed
quam plurimis aliis, memoriam viri de se bene meriti exornauerit, et immorta-
litati consecrauerit, dubium quandoque inter prudentes fuit, quo cum a for-
tuna melius actum est, an cum Longino cui tam egregio ac liberali viro serui-
re contigit, an cum Sbigneo, cui tanta probitatis et fidei seruum sors dede-
rat? pluresque in eam sententiam ibant, quod in ea re Sbigneus felicius fuisset,
cui eius hominis ministerio, uti contigisset, qui non solum et sciret et vellet
fideliter morem gerere, sed qui etiam cumulatisimas gratias, si quid beneficii
in eum conferretur, referre possit eo modo, ut apud omnem posteritatem, colla-
ta in se officia essent immortalia. Ceterum cum studiosissime frequenta-
ret templa et loca, in quibus Diuinis carimonis opera impenderetur, incidit ei
aliquando cogitatio, nihil in terris maius aut praestabilius esse Ordine Sacer-
dotii, quippe quod omnis eorum labor et cura, circa Diuina tantum versaretur,
et humana omnia infra eorum dignitatem haberentur. Praeterea cum ab ineun-
te aetate in frequenti consuetudine habuisset memoriter recitare passionem
Christi, non sine quodam religiosissimi animi, ex quo non mediocrem
cum admiratione septiebant voluptatem parentes, a quibus plerumque inuitaba-
tur laudibus et blandimentis plurimis, quibus puerorum ingenia delectantur.
Iam tunc ab exordio adolescentiae Sacerdotii votum nuncupauit, et sese mori-
bus vitaeque tali accommodare instituit, ut qui non tam ad Sacerdotium voto
duci, quam illud virtutibus et vitae Sanctimonia mereri videri vellet, illis
itaque artibus omnem adolescentiam exegit. Et cum iam primum et vigesimum
annum ageret, non ut plerique alii per ambitum, sed meritis suis ita efflagitan-
tibus, sacris Subdiaconatus iniciatus a Sbigneo Episcopo, nec multo post ad Diaco-
natum accitus. Sacerdotium autem quinto et vigesimo aetatis anno accepit, tan-
to favore omnium, ut videretur unus esse, per quem Deus immortalis recte pla-
cari, ac generi humano conciliari posset. Beneficia diuersis temporibus plu-
ra, ei collata, obtinuit, quae potius non renuendo suscepit, quam per ambitionem

7
impetrauerit. Nam cum Sbigneus unice ei afficeretur, velletq; apud eum te-
stari, quantum cordi haberet commodum et amplitudinem, ipsius ex officio, pro-
mouit eum ad Parochialem Ecclesiam Sancti Martini in Oppido Klobucko
resignante illam ob aduersam valetudinem patruo suo germano Bartholomeo Ple-
bano, impetrauitq; a Wladislao tertio Inclito Polonia Rege, qui Ins patronatus
in ea Ecclesia habebat, ut promotioni a se factae, consentiret, quod facile a Re-
ge exorauit: nam et illi merita Longini innotescabant, et Ecclesiae illiusmodi,
ut pote quae celebris diuesq; esset, hominem bene meritum praefici cupiebat. Nec
multo postea, crescentibus semper in eo virtutibus, visus est Sbigneo dignus, qui
in Collegio Canonorum Cracouiensis Ecclesiae conscriberetur. Et proinde
non sine unanimi totius Capituli consensu, Praebendam ei contulit, quae in fru-
ctibus mediocres excedebat. Deinde diuersis temporibus melioris sortis con-
ditionem semper ascendens, diuersas praebendas commutando possedit. Denique
ad illam erectus est, quae omnium optima et ditissima existimatur. In quibus tan-
ta integritate sua et gratia uniuersi Capituli versabatur, quod vicinarum quoq;
Ecclesiarum Praelatos, eo usq; ad se diligendum conuertit, ut cuperent multi cum
illo in eadem Ecclesia quandoq; emolumentum aliquod et viuendi opportunita-
tem habere, et ex eo facile euenit postea, ut in Vislicienſi Ecclesia primo Can-
toriam exinde Custodiam adipisceretur, in Sandomiriensi Canonicatum praeter
alia tenuiora beneficia, quae in locis pluribus consecutus, viris egregiis, et
de quorum virtutibus aliquid sperari possit, liberaliter impartiebatur. In qua re
tam studiosus fuit, ut nonnullis cupidus aliquando videretur. Credebant enim
ipsum ad impetranda beneficia, studio utilitatis accedere, cum ipse nulla alia ra-
tione in ea diligentia fuisset occupatus, quam ut meritis aliquibus volentibus
abuti bonis Ecclesiae obsisteret, aut dignos et probatos Sacerdotes in Ecclesias
induceret. Nam quantum a cupiditate pecuniae abfuerit, testantur aedificia, ve-
stes, tabulae, vasa, picturae, libri, quae in Ecclesiis ipso auctore partim exornatis,
partim instauratis, partim ex integro aedificatis, plurimis in locis, pulcherrima et
preciosissima visuntur. In villa enim Custodiae Vislicienſis, crexit opere lapideo
templum sub titulo Stephani Regis, cuius quidem structura etiam in Ciuitate
quauis inter ornatas haberetur. Piscinam insuper operis non vulgaris effodi cu-
rauit, atq; aggere circumsepsit, et aquaticum pistrinum in altero ipsius angulo,
non mediocri impensa et labore, locauit. In Oppido autem Vislicienſi iuxta Ca-
millerium Ecclesiae, coemptis duabus arcibus redditibusq; immunibus ab omni
vectigali, turrim aedificari curauit, ac etiam domum amplitudinis haud medio-
cris, ut pote in qua commodè Collegium Vicariorum illius Ecclesiae habitat.
Quod opus supra commoditatem incolendi, necessitas maxime commendandum
et acceptissimum fecit inhabitantibus. Nam cum Oppidum illud fato, ut cre-
di potest, quodam igni sit obnoxium, crebrisq; incendiis afficiatur, Vicarii

in tuto degunt, nec ut antea actis temporibus continuo aut timore, aut etiam periculo ignis infestantur. In agro Sandomiriensi in villa Prabenda Odanebow, quā in ea Ecclesia obtinebat sub titulo Beatae Mariae a fundamentis erexit templum parochiale coetili laterculo pulchritudinis ac magnitudinis maioris, quam aut villae competat, aut certe ferant emolumenta Prabenda, in cuius ornamentum ac etiam amplitudinem tale opus consumauit. Praeterea cum inter praecipuos aduocatos in aduersitatibus suis haberet Sanctum Stanislaum, et pro comperto crederet, multas insidias per illius merita ac intercessionem euasisse, volens quantum in eo erat Sanctissimo Martiri gratiam rependere, curauit ut in villa in qua ortus est, ex muro Ecclesia erigeretur atque etiam ornaretur, cum prius esset lignea et prope modum exigua et vilis, ad quod opus aliquot habuit adiutores. Nam cum Sanctus ille vniuersi Regni Patronus sit, pudebat quam plures, quod ita viliter in natali loco coleretur. Sed neque Cracouiensem Prabenda fructus, aut auarē possedit, aut inutiliter dispensauit, quinimo Ecclesiasticis aedificiis debitam partem exhibuit, partem pauperibus erogauit. Instaurauit enim domum muris et fundamento resarcitis, in quo hodie Ius Pontificum docetur, eamque ad habendum Spiritualium Consistorium per Officialem Cracouiensem assignauit. Qua liberalitate motus Thomas tunc Cracouiensem Episcopus, perpetuum Ius patronatus sibi familiaeque suae, super altare Gervasii et Prothasii, in Cathedrali Ecclesia, tradidit. DOMUM Collegii cui nomen est Hierusalem, quam moriens Sbigneus inceptam reliquerat, in usum et commoditatem Scholasticorum, mira celeritate et diligentia perficiendam locauit, quam postea igne consumptam magnifice instaurauit. Praeterea magno ambitu a Rege impetrauit exemptionem marcarum centum annui census, quas quidem liberas et immunes ab omni Regio vectigali, victui et necessitatibus degentium in ea domo in perpetuum assignauit. Fuit etiam a natura ita instructus, ut singulorum usui et commodis libenter faueret. Sed tum maxime nihil arduum et laboriosum sibi existimabat, cum ea exequeretur aut procuraret, quae dantibus operam literis, aut religiosis viris profutura essent. Ampliauit ergo Collegium quod Pauperum nuncupatur, nam veteri aedificio instaurato, totam partem quae in postico est, demptis ruinis et casulis quibusdam semirutis et absoletis, statim ex integro aedificauit. Egique ut commoditate illa inhabitandi, etiam in infirma fortuna constituti, facile studiis liberalibus operam nauare possent. Iudeorum Synagogam et diuersoria, quae e regione Collegii Artistarum erant, cum vicinitas continuam controuersiarum materiam inter Scholasticos et Iudeos subministraret, submouit ad pomerium Civitatis, ac velut extra fidelium conuersationem relegauit, coemptisque eorum habitaculis Cisterciensi ordini dedicauit, ut religiosē illic Deus coleretur, ubi per Iudeos superstitione colebatur. Magnifico Ioanni de Melschlin persuasit, ut Domum quae hodie

9

nuncupatur Hungarorum Studentum commoditati legaret. Exaduerso Collegii Iurisconsultorum, coempta ingenti area, et ab omni Regio vectigali liberata, domum egregiae amplitudinis insignisque structuræ, ex cocto latere ab ipsis fundamentis ædificauit, eamque pro habitaculo assignauit illis, qui Pontificio iuri operam impenderent. Sed neque minus magni ac liberalis animi fuit in exornandis ædificiis quam in erigendis, nam omnia quæ ab ipso ædificata sunt, non solum muris et structura, sed necessariis quibusque sunt locupletata. Visliciensis Ecclesiae liberaliter erogauit purpureas vestes auro illitas, quibus Sacerdos et gemini ministri, ad solenne Sacrificium peragendum, inornantur, una cum pallio quo altare in anteriori parte obducitur. Præterea fuit auctor aurei calicis, qui maximus in eadem est Ecclesia, et inaurati vasculi, quo Eucharistia in solenni processione ad populum circumfertur, quarum rerum precium supra quinq; millia marcarum ascendisse putatur. Erat illi cura et cogitatio præcipua, ut quaecumque possideret, meliora efficeret. Et propterea Sandomiriensis Præbendæ fructus et emolumenta aucturus, commutatione illius vnius villæ cum additamento marcarum centum, duas recepit ad utilitatem Præbendæ illius. In agris etiam aliorum beneficiorum, multa utiliter, aut instituit, aut instaurauit. Sed non minus in augendo Diuino cultu, quam in ædificandis Ecclesiis, bonisque illarum augendis, et in melius semper conuertendis, sollicitus studio susque fuit, tota enim mente et cogitatione eo conuersus erat, ut assidue secum meditaretur, quoquomodo sanctius et religiosius Diuinæ cærimonie coli frequentarique possint. Viro enim qui omnino ingenium conuerterat ad contemplationem Diuinarum rerum, non satis quicquam placebat, quod non in quotidiana fieret consuetudine ad honorem Dei, videbanturque omnia sibi vel cultu qui debetur inferiora vel minus frequentari, quam innumerabilia Dei erga genus humanum beneficia exigerent. Et proinde cum neque posset neque liceret sibi novos ritus religiosius colendi Deum excogitare, inuentos quam sanctissime obseruari, et in frequenti usu haberi procurabat. Itaque impetrauit ab Inclito Casimiro Rege Poloniae, ut liceret sibi inducere in Ecclesiam Parochialem Sancti Martini abs se ædificatam in agro klobucensi, Canonicos Regulares beati Augustini, quorum Sanctimonia et religio in præcipua apud omnes existimatione habetur. Idque deinde accedente consensu et fauore Sbignei executus est. In quam rem præter labores et expensas alias, impendit fructus et administrationem vnius Ecclesie quam germano resignauit, qui tum in eo oppido Ilebanum gerebat. Ductus præterea eadem cura, præter particularem et priuatam deuotionem suam erga Sanctum Stanislaum, cum natalem locum prius latericia ornasset Ecclesia, percurauit non sine magna difficultate, ut in Ecclesia Rupellæ Cracouiæ, in qua ille Martyrium susceperat, collocarentur Confratres sub religione Pauli

primi Heremita, ut secundum Ecclesiastica instituta horæ Canonicae frequenterentur, et reliqua in Diuinis officiis ordinata, debitis caerimoniis absoluerentur, quò populus non tam à loco, quàm etiam à Sanctimonia incolarum, ad frequentandum Ecclesiam illam inuitaretur, et debitus honos protectori et patrono totius Regni impendatur. In qua re præter sumptus alios et emptionem villæ pro victu et necessariis Confratrum illorum, ac etiam resignationem Præbendæ Sandomiriensis factam Plebano, quem ab Ecclesia Rupella amouere oportuit, innumerabiles labores subiit, cum plerosq; aduersos haberet, quibus non facile persuadere poterat, ut in Parochialem Ecclesiam Confres admitterentur. Sed facile illi fuit, unam atq; alteram repulsam tollerare spe illa, quòd eorum mentes aliquando, vel per Diuturnam instantiam ipsius, vel per merita Sancti Stanislai, cuius in honorem id agebatur, inflecti possent, ut tandem euenit, cum singuli tanta facilitate in eam rem consenserint, quanta prius pertinacia se inexorabiles præbuerant. In Sandomiriensi insuper Ecclesia, cui, quòd in ea Canonicus fuisset, præcipua quadam deuotione afficiebatur, sacerdotum numerum auxit, inductis in eam Mansionariis octo, quibus negotium est perpetuum singulis diebus solenne sacrificium, horasq; et reliqua Diuina, in honorem beatæ Mariæ virginis celebrare, coemptis duabus villis, vtz Okalina et Goyezow, apud Monasterium Sulicouiuense, ex quarum fructibus victus et reliqua dictis Mansionariis necessaria suppetere. Ad quam rem adiutores habuit, Nicolaum Penusser Archidiaconum Sandomiriensem et Thomam Epum Cracouiensem, cum uterq; ad id opus perficiendum, in morte sua nonnullas pecunias legasset, quæ negligentia quadam ppermòdum perditæ erant, nisi cura et studium istius ad eas recuperandas intercessisset. Sed cum legata illorum non satis sufficerent, in multis ipse suppleuit, et e Custodia Visliciuensi germano cessit, ut ille decimas Sancti Adalberti extra muros, et etiam Sanctæ Hedwigis, ad negocii huius supplementum, resignaret. Ex quibus omnibus eò usq; esset prouisum, ut nunquam dubitari posset futurum, quòd tam pium commendandumque opus et institutum inopia vel necessitate aliqua intermitteretur. Sed quòd mirari ac dolere homines possint, eò usq; processit malignitas sæculi nri, ut viuenti sub tanta Diuinarum rerum sollicitudine, tantoq; studio illustrandæ atq; augendæ religionis, non defuerunt persecutores, et quidem graues, quorumq; auctoritas merito formidari posset in homine benè instituto. Sed obstitit Diuina auctoritas humanæ perfidiæ, egitq; ut commenta in eum crimina, experimentum essent patientiæ ipsius non periculum. Nam cum Petrus de Sczekoczin Vicecancellarius Regni eum falsitatis insimulasset, delataq; res esset ad Regni consilium, repetitis vitæ suæ omnibus actionibus, et adductis causis rationibusq; propter quas nedum crimen, sed ne suspitio quidem in eo esse poterat, tanta modestia et circumspectione

11
causam suam peroravit, ut coactus sit aduersarius negare, se unquam ali-
quid ignominiosum, sibi obieciſſe, ut tandem persequeretur Longinus causa-
suam, sponte ad supplicium se veniſſe aſſeueraret, indignumq; facinus esse
diceret, non altius scrupulosiusq; contra fontes inquinari. Præterea iniquissi-
mum esse affirmaret, scelera quæ postea in exemplum pessimum adduci possent
impunita dimittere, obortis lacrymis Vicecancellarius veniam petit, sibiq;
ignosci postulauit, non sine Regis et circumstantium omnium admiratione,
cū viderent eum, qui tanquam reus ibi constitutus erat, constantem atq;
intrepidum, accusatorem verò sollicitum et trepidantem. Difficilior diutur-
niorq; fuit insimulatio illa, qua defuncto Sbigneo per ipsius fratrem accitus
est in iudicium, quasi loculos et secretiora scriniola compilasset. Quod
postea falsum indicauit Testamentum solemne Episcopi, quo integritas et fi-
des Longini erga Episcopum ipsum facile p̄batur. Sed neque a Rege
tutus fuit, nam cū vacante Sede Cracouiē sequeretur partes Iacobi de
Sziemo, quem Pius Pontifex maximus ad eam sedem promouerat, unā cum illo
et fratre suo iuniore Ioanne Canonico Cracouiē, in exilium missus est, in quo
per triennium fuit. Quo tempore crebrō persuasum est Regi, nihil commodi-
us ad exterminandum Cracouiē Ecclesiæ scisma, quā si vterq; senior
iuniorq; Longinus quoquomodo ē medio tollerentur. Nec defuerunt qui tam
atrox facinus patrare parati essent, nisi toto exiliū tempore in arce Melſtin
non sine diligenti studio se continuiſſent. Cū verò aliquando sollicitare-
tur, ut Regiæ voluntati non se opponeret, et Ioanni Grusczinski, quem Re-
gius fauor ad Episcopatum Cracouiē promouebat, adhaereret, maluit exi-
lium periculaq; omnia pati et subire, quā ab eo quod sibi iuris esse videba-
tur, discedere, potiusq; facultates suas ab aduersariis Iacobi paſſus est, quā
ipse in iusta causa amicum defereret. Ex qua constantia et si tunc nonnul-
lis inuisus fuerat, tamen postea iudicio omnium commendari meruit. Nam
compositis tandem rebus illis, Rex, cui cognita et perspecta satis erat pru-
dentia integritasq; ipsius, et p̄inde sentiens non paruum vsum in eo esse posse,
ad curam Rerumpublicarum instituit eum sibi conciliare. Itaq; ut præterito-
rum omnium videretur oblitus, Secretorum suorum participem habere voluit, ad-
mittendo eum in consilium. Et quoties se occasio offerebat, ad Conuentus Opti-
matum, quocunq; frequentari contigiſſet, destinabat. Quam rem ipse non sa-
tis æquo animo ferebat, quippē quod religioni mancipatus, intelligebat se non
nisi periculose in curis humanarum rerum versari posse. Sed cū Regiæ vo-
luntati aduersandum non putaret, præsertim quod in eo etiam communis om-
nium salus negligi videbatur, commissa sibi munera eo studio et diligentia
obibat, ut semper expectationi hominum de se responderet. Quamobrem gra-
tior indies apud omnes eius erat existimatio, paſſimq; aſſeuerabatur Sacerdos

Optimus et integerrimus, cuius verò circumspectus et prudentissimus. Ex quo fiebat ut ardua et difficilia omnia maximè ei crederentur, utq; ad eas causas legaretur, ad quas cæterorum ingenia minimè sufficere putabantur, præsertim vigente bello Pruthenico, quod suscipiendum minimè censuerat multis rationibus, sed inprimis propter naturam Regis, quam à bello sciebat abhorere. Sed cum cæteris Optimatibus Regni secus videretur, ultro venientibus in ditionem Pomeranis et Pruthenis plurimis, qui à Magistro tanquam tyranno ad Regem tanquam legitimum hæredem desciscebant, deditiōnem eorū accuratissimè perscripsit. Deinde cum de fine et pace semper sollicitus esset, quippe quod etiam principio belli contradixisset, non ut in aliis rebus quasi inuitus, sed spontè ac p̄p̄modum per ambitionem operam suam adhibuit. Quotiesq; de pacificatione illa agendum fuit, haud grauatim procuratiōnem suscepit, præsertim post aduentum Lauentini Episcopi, qui à Sede Apostolica eas ad res componendas Legatus fuerat. Tunc enim magis quam unquam aliàs, fretus bonitate et prudentia Legati, enixissimam operam concordiae dedit, et modis omnibus, quib; res et temporum conditiō paciabatur, partibus quietem ac pacem suasit, nec prius destitit, quam quod cogitauerat et cupiebat perfecit, interpositis iustis atq; honestis utrinq; conditionibus. Quibus ab eo excoꝑitatis atq; descriptis, cum recitarentur, Inclýtus Rex Polonia cum consilio suo, et Magister Gn̄alis Prussiae cum Assessoribus liberaliter assensere easq; susceperunt. Inditumq; est fæderi illiusmodi nomen perpetua pacis. Legationes pro Republica plures ac easdem insignes obiuit, in quibus plurimorum hominum opiniōnem sæpè etiam seipsum superauit. Cum exortum esset in Hungaria sociale ac p̄p̄modum intestinum bellum, missus est à Rege Polonia ad dirimendum illud, Regnumq; pacandum. Quæ quidem res non difficilis solū, sed penitus impossibilis plurimorum iudicio censebatur, quippe quod ambitio et libido dominandi belli causa erat, nec poni à partibus arma poterant sine manifesto periculo. Quam rem etsi ipse à principio intelligebat, prouinciam tñ suscepit, fretus persuasione quadam, Deum sc̄t non permisurum, Regnum illud Christiana religionis propugnaculum, vastari seditiōnibus intestinis, et proinde facile futurum, ut Deo integritati suæ aspirante, omnia componeret. Quod quidem non secus ac cogitasset auenit, siquidem omnia pacata reddidit, et iam pugnantes exercitus, deponere arma persuasit. Cuius rei apud omnes tanta fuit gratia et admiratio, ut Nicolaus V. Pontifex max. Regi Polonia ob id gratias quam plurimas ageret, et Sbigneo Legati delatere auctoritatem concesserit, et ad reliquias belli Hungarici sopiendas, destinauerit. Collega etiam fuit in Legatione quæ Wratislauiam missa est à Rege pro contrahendo matrimonio cum Ill^{ma} Elizabeth S^{ep}^{mi} Alberti RO^{manorum}, H^{ungariae}, et B^{ohemiae} Regis filia. In qua legatione cum plurima laude digna gesserit, illud maximè commendandum fuit, quod precibus et

18

suasionibus suis Ioannem de Campistrano, virum religionis et Sanctitatis venerandæ, in Regnum Poloniae induxit, egitq; ut illius miraculis Provincia illustraretur. Datum est insuper ei negotium redimendorum captiuorum, ut militibus satis fieret post pugnam apud Choinicza infeliciter gestam. Præterea commissæ est ei causa emendæ arcis Oppidi Marienburg. In quibus omnibus tantum difficultatis et laboris inerat, ut non immerito Collegæ in Legatione diffiderent. Itaq; vir prudens, quanquam et ipse diffidentia proximus esset, dissimulabat tamen, et per totum illud iter Collegas ad spem bonam excitauit. Postquam verò Prussiam ventum est, ea dexteritate ingenii in omnibus legitimu' modum adinuenit, capto consilio ex opportunitate rerum, ut tandem facillima omnia sint visa, quæ prius penè impossibilia videbantur. Nec longa mora, ab solutis illis quæ perficere missus fuerat, summa cum commendatione omnium remeavit. In bello, quod aduersus Mathiam Hungariæ Regem propter Bohemiæ Regnum gestum est, multas legationes utiliter gessit, multa excogitauit, multa scripsit. Obiit et legationem quam ceteri magno fastidio horrebant, reliquis, quæ omnibus difficiliorem, quippè quod in causa ipsa, non solum Optimates Regni, sed et Casimirum etiam ipsum Regem aduersantem habuit. Nam cum Sbigneus insignitus esset titulo Cardinalis, quo tempore Scisma erat in Romana Ecclesia, neq; tanti ordinis adhuc insignia recepiisset, quippè quod prudens ac bonus vir, integritatem iuris omnibus rebus præferebat, expectabatq; ut prius scisma conueniret, quam de honore sibi ultro oblato rationem habere vellet. Neutrū enim eorum qui se maximos Pontifices asseuerabant, aut spernere aut approbare volebat, et proinde nullius fauores aut sequebatur aut renuebat. Sed cum sopito scismate Nicolaus V. Romanus Pontifex ultro etiam id ei honoris obtulisset, haud immerito suscipiendum putauit. Verum simultas et inuidia quorundam præsertim Vincentii primū, deinde Wladislai Gnesnensis Archiepiscopi, quorum uterq; despectus in ea re videbatur, rem apud Regem eo usq; turbauerat, suspectamq; fecerat, quod et literis plurimis, et Oratore ob eam causam misso, Rex caueret, ne Pontifex quoquomodo Cardinalis insignia Sbigneo destineret. Ob quam rem cum Sbigneus non mediocriter turbaretur, sollicitusq; secus esset, quod aut Regi aduersandum videret esse, aut decus et ornamentum suum obmittendum, Longinus causam ultro suscepit, et studium ac diligentia suam, si Romam mitteretur, pollicebatur. Idq; facile impetrauit, cum quod Sbigneus plurimis experimentis iam dudum compertum haberet, nihil ab ipso frustra aggredi, tum quod ipse per se, quid in ea re acturus esset, non satis deliberabat, illinc tanti ordinis ambitione, hinc auctoritate Regia diuersa suadente. Sed nec temerè Longinus eam Provinciam sibi delegit, vir enim consiliū ac prudentia exquisita, intelligebat Regiam voluntatem facile immutari posse, ubi percepiisset rem illam, sibi atq; uniuerso Regno fore orna,

mento et decori. Nec quicquam pertinacius ab alijs Regibus concupisci, quã
ut aliquis ex suis in Concilium illud admittatur, apud quod uniuersa Reip.
Christiana summa versatur. Itaq; licet tota Italia sociali bello ac pestilen-
tia vastaretur, interitus utroque periculo iter arripuit. Tanta ei cupido ine-
rat, et honori hominis de se bene meriti consulere, et quibuscunq; Dignitatibus
posset Regnum illustrare. Postquam vero in Urbem venit, adeo efficax in per-
suadendo cum Pontifici tum Cardinalibus fuit, quod maxime renitente Ora-
tore Regio. causam perorauit, et Sbigneo Cardinalis insignia consignan-
da, impetrauit. Et ne diuturna expectatione hominem torqueret, quanta ma-
xima celeritate potuit, Cracouiam ingressus est. Nec mora, licet sibi multa
minarentur, praestituto die, cum Regni Optimates quam plurimi et Cracouien-
vniuersitas ad Cathedralē Ecclesiam conuenisset, pileum rubeum Cardinala-
tus insigne, literasq; Apostolicas, non sine luculenta oratione, Sbigneo assigna-
uit. Quae oratio in eo fuit, ut et deleret suspensiones quacunq; erant, quod id
aut periculosum aut indignum Regno foret: et explicaret, quantum gloriae ac
amplitudinis Polonorum nationi exinde obuenturum esset. Praeterea quan-
ta ambitione id ab alijs Principibus expeteretur, et quam pulchrum et ma-
gnum esset, Regem inter Praelatos suos hominem eius ordinis habere, cuius
consilio religio tota administratur. Ex quo factum est, ut pleriq; alter persua-
si ad veram sententiam reducerentur, caeperintq; et Longini percuracionem com-
mandare, et Sbignei amplitudinem sibi ipsis ornamento existimare. In quam
persuasionem paulo post etiam Rex adductus est, adeoq; se praeter voluntate
suam causae illiusmōi aduersatum fuisse testatus est, quod plerumq; gloriabatur
se etiam Cardinalibus imperari. Quantum vero gratiae ob id apud iam Car-
dinalē Sbigneum Longinus fuerit consecutus, non facile dixerim, cum non
solum votis illius in assequenda tanta Dignitate satisfecisset, sed etiam Re-
gi, cuius maxime iram reformidabat, se conciliasset charumq; reddidisset.
Sed nec minus Regi se ipsum conciliauit exinde, cum ppter exornatum ea
Dignitate Regnum, tum propter praestitum documentum virtutis et fidei suae
in quacunq; actione, tam apud suas quam apud exterarum nationes. Peregrina-
tiones varijs ex causis inclitas obijt. Primam suadente Sbigneo in Italiam
ad Eugenium Pontificem maximum, et inde in Germaniam ad Basiliense Con-
cilium: consecuturus Cracouien Praebendam, a qua actione sponte destitit,
cum ius suum infirmum esse comperisset, maluitq; redditus suos frustrari
quam conscientiam laedi. Secundae peregrinationis causa fuit in Pannoniam,
delatum Hungariae Regnum ad Wladislaum Poloniae Regem. In quo itinere,
cum agrestium tumultus raptores frugum temere insequeretur, et casu in Sbi-
gneum impetum fecisset, pro salute illius se opposuit, et non sine ingenti vi-
tae suo periculo incolumem Sbigneum conseruauit. Flagrauerat etiam penè

ab incunte ætate desiderio quodam videndi Hierosolymam, et Christi cur-
nabula. Itaq; quo anno forte frequentabantur veniæ, quas Iubileum vocant,
Romam se contulit, inde Venetias, ex quo loco in Syriam transmitti curauit,
delatus felici navigatione in Prouinciam, pio admodum et ardentissimo af-
fectu CHRISTI sepulchrum, mortisq; et natiuitatis ipsius loca visitauit.
Præterea reliqua omnia in quibus quoquomodo virum diuersatum fuisse, asse-
uerabant gnari regionis, et rerum illiusmodi curiosi. Dum verò vestigia Chri-
sti circuiret, visus est plerumq; non mediocriter flere, aut gaudio quod viuo
sibi illa videre contigerat, votisq; compos erat, aut miseratione mortalium,
qui eò usq; humanis illecebris detinentur, vt ne ad præsentem quidem Deum
oculos conuertant. Sed et plerumq; gratis se ad id tempus vixisse iactabat
frustra in mundo fuisse, quando quidem Opificis mundi natale solum non
prius vidiſſet. Ac subinde repetebat frequenter illud Psalmistæ. Nunc
dimittis seruum tuum DOMINE &c. Cæterum cùm naus ad reditum festi-
naret, maiore cùm mærore inde abstractus, quàm fuerat desiderium propter
quod venerat. Reuersus in patriam, cùm iam omnino à curis rerum huma-
narum se absolueret, et in quiete reliquam ætatem agere, cultuiq; Diuino inten-
dere instituiſſet, accitus est per Regem ad curam institutionem liberorum
suorum. Quod negotium diu suscipere recusauit, tandem instantibus præter
Regem Regni etiam Optimatibus, multisq; rationibus ad eam rem ipsum co-
hortantibus, præsertim persuasione illa, quod nihil Deo immortalis acceptius
facere posset, quàm eorum curam suscipere, quos ille ad imperandum gentibus
nasci voluit, nihil opportunius aut vtilius Reip. quàm illos benè instituere qui
in ea præſſe debebant, coactus est sententia sua cedere ac onus subire.
Itaq; præfuit illis aliquot annis ea dexteritate ingenii, vt contra rerum na-
turam pueri non inuiti, et discerent libenter ea quæ ipsis tradebantur, et apud
illum spretis ludis puerilibus, assidue esse cuperent. Ex quo factum est vt bre-
ui ita eos institueret, vt non minus propter indolem ac virtutes eorum, quàm
propter genus Regium chari ac venerabiles omnibus essent. Dedit hæc cura
occasionem peregrinationi ipsius ad Bobemiam. Nam cùm iam dudum
fama apud omnes vicinos Principes percrebuiſſet, de indole admirabiliq;
ingenio, ac etiam institutione inclytæ proles Regis Poloniae, Bobemi primogeni-
tum veluti legitimum heredem, in Regem peccierunt. Quorum votis cùm præ-
assensiſſet, nunquam adduci potuit, vt sine Longino ad suscipiendum Regnum
filium destinaret, quod negotium plures ob causas Longinus suscipere recusa-
bat. Sed inprimis quod Bobemia esset interdicta omnibus Catholicis. Verum
cùm obortis lacrymis Rex, tandem diceret, Duos esse adolescentuli paren-
tas, se primum qui genuiſſet, secundum ipsum qui educaſſet et instituiſſet.
Crudele admodum immaneq; futurum, si eodem tempore ab utroque quasi


raptus ad gentes ignotas mitteretur. Sed quidem si liceret cum filio ire paratum, sed cum id conditio Regni non pateretur dignum videri, quod utriusque parentis ipse vices impleret, atque tum maxime adolescentulo praesto esset, quando in nouitate rerum erat instituendus. Victus itaque cum genitoris pietate, tum filii necessitate munus suscepit, euntemque Pragam comitatus est, ibique tam diu fuit, quoad Corona illi et caetera Regis insignia exhibita fuissent. Deinde compositis rebus, ut temporum conditio ferebat, ad curam reliquorum remeauit. Valetudinis fuit varia, raro tamen cum periculo aegrotauit. In prima adolescentia constituto, inguen utrumque intumuit, sanatusque est sine sectione a Physico per id tempus egregio. In ea aegritudine castitatis votum nuncupauit, nec sine maxima difficultate postea seruauit. Cum ab Italia reuerteretur cum insignibus Cardinalatus, quae pro Sbigneo impetrauerat, febre correptus est: quam noxam in itinere contraxisse credebatur propter aerem pestilentem. Vexatus etiam est a quartana mensibus sex post regressum ex Hungaria: quo tempore et Sbigneus pro coronatione incliti Wladislai se illuc contulerat. Post mortem quoque Sbignei in aegritudinem satis periculosam incidit. In quibus omnibus adeo patienti animo fuit, ut in aequo habere videretur vitae mortisque conditionem. Sed illa omnium periculosissima fuit aegritudo, qua afflictus est post reditum ex Bohemia, cum propter aetatem iam infirmam, tum magnitudinem et grauitatem aegritudinis. Nam cum in Bohemia contraxisset noxam calculi, propter aquarum sulphurearum vim, et miserabiliter illic ab eo tortus fuisset, reuersus statim ab eadem causa vexari cepit. Accessit etiam ad dolores calculi, febris quotidiana exaestuatio, usque ad desperationem medicorum et suam intensa. Quamobrem vitae suae diffidens Testamentum non solum scripsit, sed etiam est executus distractis caeteris rebus quae legabat. Sed in primis copiosissima et egregia librorum suppellectili, ex qua omnium Studentum Collegia, secundum facultates eorum locupletiora reddidit. Et procul dubio (ut credi potest) actum erat de ipsius vita, nisi aut doctrina, qua supra omnes medicos exercebat, aut inexhausto desiderio, quo pro salute tanti viri afficiebatur Ioannes Stanconis desperantibus caeteris, non solum desperasse, sed desperatam etiam curam hominis suscepisset tanto studio et charitate, ut in dubio posuerim, plus ne diligens charitas, an medici eximia doctrina aegroti ad salutem profuerit: nam utriusque effusissimam operam ad sanandum illum adhibuit, cum reliquos omnes praeter grauitatem infirmitatis, imbecillitas aegrotantis ad desperandum impulisset, Stanconem nihil aequè terrebat, ac animus aegroti. Videbatur enim non solum vitae diffidere, sed ultro etiam mortem appetere, ut credi posset, dolore quodam qui mentem ipsius iam dudum torquebat, cum videret Rempublicam ab iis qui praesent ita administrari,

17
ut non procul ab infortunio esse appareret, et proinde cupiebat moriens, non in deterrimo statu eam relinquere. Cæterum cum iam de morte quam de vita fama constantior esset, conuenere frequentissime ad eum visendum boni homines, quibus Resp. cordi erat, lamentabanturque passim non sine maximo incommodo bonorum omnium, sed Reip. inprimis, talem virum de medio tolli. Sed præter omnes in mentem Regis altius dolor descenderat, cum intelligeret se priuari viro integerrimo, cuius consilio multa bonorum gerisset, liberos vero suos veluti altero parente orbari. Et proinde de salute ipsius sollicitus, crebro ad eum visendum descendit, interdum etiam filios misit, ut saltem charitas, qua illorum Diuinam indolem virtutesque prosequabatur, aliquam superuiuendi cupiditatem adhuc in animum, iam de morte solum cogitantem, iniiceret. Ex quorum studio et pietate, Stanconis quoque cura et diligentia augebatur adeo, ut præter spem omnium ipsum sanauerit. Propter quod non pauciores Medico quam Longino gratulati sunt illi, ob felicem curæ suæ euentum huic, quod veluti iterum vitæ restitutus videbatur. Mirabanturque plerique varietatem animi ipsius, quod cum calamitates quascunque, exilium, agritudines, ac denique omnia aduersa, patientissimo et forti animo tolleraretur, vitæ quoque studio tam modico tenebatur, ut mortem nunquam formidasset. Propinquorum erumnas aut mortes usque ad muliebrem impatientiam animo molli et effeminato ferre non posse testatus est. Nam ut de utroque parente sileam, ex quibus alterum decimo quarto ætatis anno, alterum vigesimo octauo amisit, quorumque naturaliter iactura omnibus molesta et grauissima est, huic quoque maxime debuit esse, quoniam in matre etiam perdidit alimenta et suffragia omnia, per quæ liberalibus disciplinis operam nauare desiderabat. Per patris vero obitum curæ familiari successebat, quæ etiam literarum studiis aduersa erat. Fratrum mortibus, quæ ab aliis facile tollerari consueuere, omnino impar fuit. Nam cum iam in matura ætate fuisset constitutus (quippe quod secundum et quadagesimum annum ageret) cum quandoque apud fratrem maiorem natu in vico Bambelno ageret, et latrones in domum irrupissent, atque illum sagitta confossum coram se animam exhalare inspexisset, adeo dolore consternatus est, ut non nisi difficulter retrahi potuerit, quin rebus humanis se abdicaret, et religiosum aliquo claustro includeret, ætatem ab omni humana contagione procul acturus. A qua quidem obstinatione, cum nulla suadendi efficacia, ipsum retrahere posset, recordatio tandem paternæ voluntatis eum continuit. Nam moriens pater, fratrum sororumque ac vniuersæ familiæ illi curam delegauerat. Itaque ne aut parentis suprema mandata negligere, aut vilitate quadam amitti, quasi susceptæ curæ familiari non sufficeret, Monasterio se mancipasse videretur, se ipsum a destinato proposito continuit. Laborauit et non minori

impacientia, cum renunciaretur ei in Bobemia mors fratris iunioris, qui erat et ipse Cracouiensis Canonicus. In qua re etsi potius muliebrem imbecillitatem, quam viri bene instituti robur praeferret, tamen erat et ipse apud omnes paulo excusatio, quam in reliquorum necessariorum deploratione fuisset. Nam cum in aetate confectus, ut potest qui quinquagesimum septimum ageret annum, familiarem curam fratri commisisset, eaque delegatione animum suum cogitationibus omnibus liberaisset, quae ipsum vel a studio librorum, vel a Diuinarum rerum contemplatione, auocare poterant, non immerito visus est impatienter ferre mortem illam, qua non solum fratre priuaretur, sed etiam in seruitutem curae, maximae, liberis ingeniis aduersa, ipsum reduceret. Diu itaque propemodum effaminata fratrem deflauit, nec passus est ab aliis consolari, donec mora ipsa paulatim tractabile vulnus reddidit, tantaque fuit in recenti casu propemodum animi consternatio, ut saepe asseueraret pro certo se praemori maluisse. Quod ex animo ab eo dici nullus ambigebat, qui intelligeret quemadmodum ipse omnia semper paruifecisset, quae inter prima ab aliis nuncupantur, et propter quae vita solet esse inuocunda. Nam cum omnis cogitatio ipsius esset, ut aliquando sibi ipsi uiueret, nunquam aut Dignitates aut Officia vlla suscipere voluit, quae ipsum a proposito immutare possent. Et propterea cum Rex ultro sibi Thesaurarii interdum Vicecancellarii officium offerret, pertinaciter recusauit, quamuis plerique ex necessariis ipsum ad id hortarentur, ne aut pusillanimis, aut ingratus Regi videretur. Nonnulli etiam parum Reip. affectum esse dicebant, quod ea negotia pro publica salute non susciperet, quae neminem alium aut castius aut utilius administraturum intelligerent. Renuit etiam Pragen Episcopatum cum illic esset cum Rege coronando, ea tamen conditione ipsum suscepturum, se asseuerauit, ut Bobemi Romanae Ecclesiae unirentur. Sed Bobemis renuentibus, ipse quoque conditionem oblatam spreuit, asseuerans satis sibi notam esse sarcinam Pontificis, cum quatuor atque viginti annis apud Episcopum fuisset. Nullaque ratione adduci posse, ut alium quempiam Pontificatum susciperet; ad illum flecti potuisse, non ut Episcopus fieret, sed ut Episcopatum illum mortuum suscitaret, Romanaque Ecclesiae uniret et conciliaret, fuit enim tantae religionis, ut pro amplitudine illius facile potuerit et vitam impendere. Nemo diligentius omnes ritus et caerimonias Christianas seruauit, nemo sacerdotum dignitatem, ab omni sorde et ab omni inquinamento magis immunem tenuit, castitatem cum voto tum sacerdotio debitam, cibi et potus parcitate custodiuit. Nam etsi usum bibendi aquam adulescens apud Sbigneum intermisit, tamen tam modice vinum et ceruisiam sumebat, ut vix naturali necessitati sufficeret, tantum ab est libidinem procuraret. Statura fuit inter mediocram et proceram, corpore ac membris

19
gracilibus, naso oblongo, et in inferiori parte paulo incuruatione, oculis
vivacibus sed intrusis, paululumque abactis. Lingua et sermone modice ble-
so, quod vitium studio et diligentia emendauerat, ingenium mite ac beni-
gnum habuit, mores compositos ac venustos. Amicitias et iura hospitalita-
tis ambiciosissime seruauit et coluit. Rei domesticæ diligentissimam cu-
ram gessit. Corporis ac valetudinis omnino negligens quippe quod in æ-
gritudinibus etiam familiari et consueto viuendi ordine contentus erat. Et
nunquam popularem admirationem elegantia vestis aucupabatur, sed me-
diocribus pannis contentus erat, et necessitati non ostentationi seruebat.
Erat et in eo vera ratio liberalitatis, etsi vulgus qui prodigalitatem sequi-
tur, nonnunquam parcum, quandoque etiam auarum diceret. Sermone
ad eum liberum habuit, ut inuisus esset palam, et sine modo mores et ignaui-
am sæculi nostri carpebat. Plerumque etiam ad particulares obtrectiones
descendebat, præsertim cum in graui et matura esset iam ætate. Is nunquam
aut timore aut aliqua alia ratione adduci potuit, ut aut publice aut priua-
tim sileret quæ proferenda censebat, aut proferet quæ silenda iudicabat.
In qua re eum liberioris erat animi, quod magis cupiebat aliquando, vel ob ip-
sam causam quod iusta reticere non posset, à rerum publicarum cura amoueri.
Studii eloquentiæ operam dare cepit apud Sbigneum, et quidem sine Rhe-
tore, adeo diligentia et labore suo insigniter in ea profecit, ut facile sibi
esset et eloqui, et scribere quæcumque vellet et ornata et eleganter. Scrip-
sit autem vitas beati Stanislai, et virginis Kunegundæ. Historiamque perpetu-
am Polonorum stylo mundissimo et magnifico, cuius vestigia postea nonnul-
li sæculi, in inscriptionibus suis, abstergere caperunt, ac reuicere barbariem ser-
monis, quæ usque ad ea tempora in promiscuo apud omnes erat. Tanta vero
fuit illi sciendi cura ut et posteris etiam ad sciendum iter aperiret, quod un-
decumque posset, semper libros conquirebat, atque emebat. Multos autem rediens
ex Italia attulit, præsertim quos nunquam prius in Regno visos sciebat. Im-
portarat itaque Curtium, Iustinum, Salustium, et Liuii quicquid in usu est, Ci-
ceronis etiam pleraque volumina, multosque alios cum veteres tum novos, aut The-
ologiæ aut Historiarum Authores. Sed cum ætas eam mentem ipsius, à re-
bus humanis omnino alienasset, obmissis reliquis tandem se totum Theologiæ
mancipauerat, in qua etiam iuuenis insigniter profecerat. Studii ac uniuers-
sitatis Cracouiensis adeo amantissimus curator, ut omnium illius officinarum
loca, aut illustraret per se, aut illustranda efficeret. Nam et ex ceruicibus
maioris Collegii et Artistarum Iudeorum Synagogam, quæ vicina Collegio
erat, demoluit, et diuersoria, cum studentibus permixta habentia colluuiem,
ex qua frequentes seditiones consurgebant, depulit, ipsosque et eorum Sedes
usque ad extremam Sancti Marci plateam habituros, dismovit, et assidua

litigia studentium et Iudaorum quietauit, spacia quæ Synagoga et Hospi-
talia Iudaorum satis ampla occupauerat, proprio ære cõmens, Cisterciensi
ordini in perpetuam æleemosynam, pro Collegio omnium religiosorum dicti ordi-
nis donauit, ut in loco ipso, non iam Apostaticis Spiritibus, sed Deo vero sacrifi-
ceretur. Nobile Collegium pro pauperibus studentibus, in loco qui Hierusalem
appellatur, Sbineum Cardinalem et Episcopum Cracouiensem, magnifico sum-
ptu, coctili muro fabricare induxit. Cui, morte Cardinalis secuta, et dotē
centum marcarum in oppido Bochnensi, datis quatuor millibus florenorum
ex auro Cardinalis cõmit, et igne conflagratum, sumptibus eiusdem Car-
dinalis refecit. IOannem de Melsztin hereditariam domum in platea fra-
trum, vnire et inscribere vniuersitati induxit. Collegium Pauperum Ar-
tistarum in platea Istula fædum et angustum, coempta et a iure et onere
Ciuii libertata vicina domo, et in fabricam muralem cum postica parte re-
ducta, amplum et magnificum reddidit. Collegium pauperum Canonistarum
coempta area ampla apud IOannem Golka de Miedzwiędz pro quadringen-
tis florenis, et per Regiam munificentiam ad eius instantiam libertata
proprio sumptu a fundamentis incians, proprioq; ut ita dicam, Marte, muro
et tecto coctili fabricauit, et Canonica facultati maximum robur, maxi-
mumque adiumentum adiecit.



Dedicatoria Epistola.

Reverendissimo in Christo patri, DOMINO Sbigneo de Oleſznica
 miſeratione Divina tituli Sanctæ Triſcæ Sanctæ Romanæ Eccle
 ſiæ Presbytero Cardinali, et Episcopo Cracoviensi, IOannes Longini
 Canonicus Cracoviensis viſione perfrui Remuneratoris æterni, et beata atq;
 immortalis Stola potiri, Studiõrum meorum labores. Reverendissime Pater
 ad benedictæ Trinitatis laudem, excellentiam, et gloriam, fidei Orthodo
 xæ amplitudinem, et in patria nostra tuumq; ornamentum ac decus conuer
 ſurus, Annalium rerum Poloniarum, cæterarumq; gentium Polonia vicinarum,
 memoriam, res pace et bello gestas complexus, literis mandandam ſuſcepi,
 ſopitis hominum cineribus, diuturnaq; concretis caligine, largiturus notio
 nem et memoriam, ſingulisq; lectoribus et auditoribus eorum repræſentaturus
 actionem. Non ingenii fretus potentia (tenue enim illud et aridum extat,
 et ad lucubrandum opus præſens, ut heroum illuſtria facta inſignesq; victo
 riæ, extolli adornariq; poſſent, languidum et parum ſufficiens, nec ſcribendi
 arte rudem, veterum ſuperacturus narrationem) ſed quia multa præclara
 et ſuperiorum et noſtrorum temporum acta, ſcitu digna, in perpetuam obli
 vionem iri doleam. Egregia enim extant nonnullorum Polonorum virorum
 illuſtrium geſta, et memoratu digna, ſive pacem ſive bellum ſpectes, utro
 biq; exemplorum caſibus oneroſa. In quibus et gladii fraterno aut cognato
 ſanguine cæca regnandi cupiditate rubentes, itemq; factiones, ſeditio
 nes, varia exilia, varia publicarum rerum euerſiones, Optimatum atq; Ci
 vium exterminia, reperiuntur, aliàs clariuſ illustrari depoſcentia, ſimulq;
 tuis iuſſionibus et aſſiduïs exhortationibus, etiam poſt tua fata paritu
 rus. Tu ſiquidem mira cõaritate qua ad extollendum res Patria fla
 grabas, unum id potiſſimum effecturum me precibus iuxta ac imperiis
 ſanxiſti, ſimulq; materiam ſcribendi, condendiq; res, quæ in ætate tua con
 tingerunt, fideli narratione et domeſtico præconio, præbuiſti. Et quoniam
 non una eadem fuit, eſt, et erit, Hiſtoriarum conſcriptoribus laboris et ſcri
 bendi cauſa; cùm alii ut gloriam honoremq; apud præſentes et poſteros
 aucupent, quale aliquid Tito Liuiio eveniſſe ſcimus. Vir enim lacteo elo
 quentia fonte manans, ex ultimis Galliarum, Hispaniarumq; finibus, plu
 res nobiles diſcipulos, ut nonnullorum fert aſſertio, Gaditanum quendam
 ad ſe videndum et audiendum mirandumq; quos Vrbs non potuit, con
 traxerat. Mortuus verò omnium ore ſententiaq; Latinorum laudatur,
 cineres quoq; ſui atq; oſſa, quamvis gentilis, à Patavinis de origine et

stirpe sua gloriantibus, propè ad eam Sancta Iustinae reperti, in porta Pala-
tina maiore, quo aliquid venerationis ossibus accederet, condita sunt. Alii
ut gratiam referant eorum, quorum virtutes bellicas laudant, Alii quòd re-
bus arduis et magnis pace et bello gestis adfuerit, genus assumpsere laboris.
Quod de Homero, Dares, Q. Curtio, Plutarcho, aut credi aut præsumi po-
test. Me porro nulla harum causarum, sed magnitudo rerum, sub obscura
caligine vetustatis iacentium, honestatis officium, non spes utilitatis, cha-
ritas quoq; Patria, quæ omnium omnes charitates supergredi solet, qui ut il-
lam omni ornamento, quod ex me texere possit, redundantem atq; accumu-
lantem, vel redderem vel efficerem, charitas proximi ex opere præsenti
edificanda, ad opus prolixum et ingentis laboris suscipiendum pellexit.
Antiquitatis enim et Historiæ, rerumq; domi forisq; gestarum notitia, vir-
tutis parens et vitæ magistra à Sapientibus habita, non tenuiores huma-
no generi quàm Philosophia noscitur conferre profectus. Nam etsi Philo-
sophia noscitur conferre profectus, et pro consequendis virtutibus homi-
nem dirigat et informet: ad clara tamen facinora, aut aggredienda, aut
implenda, plus hæc virium quàm illa obtinet: cum Philosophia tantum accen-
dat et moueat, illa verò opus perfectum etiam efficiat, et in qua etiam sin-
gula, quæ ad fortitudinem, ad modestiam, ad prudentiam, ad pietatem
ad religionem pertinent, velut in quodam speculo, et humanæ imbecillitatis
exemplari et irritamento, contemplari possunt. Præterea summum decus,
summamq; voluptatem claris iuxta ac obscuris hominibus, non præceptis, non
institutis, non disputationibus, sed rebus gestis, et insignium heroû moribus,
ad capeßandam virtutem, et consequendam celeberrimam laudem, et ad
comprehendendos angustos honores, affert, clarissimorum quippe hominum ge-
stis, et maximarum rerum recordatione, constat. Quæ sola res, humana et
præsertim nobilia pectora, ad immortalitatis gloriam vehementer accendit.
Dulce enim est, inter maiorum versari commercia, et veterum dicta factaq;
recensere memoria, atq; operum præstantibus actionibus inhaerere. Deniq;
cum mortales omnes sciendi et intelligendi teneantur desiderio, quibus ne-
minem alr, nisi aut ævo diuturno, aut assidua rerum contemplatione, aut
experientia, licuit potiri. Si qui ad Historiæ cognitionem, et ad perdisce-
ndum illustrium virorum, maximarumq; regionum et Ciuitatum res gestas, ar-
tes, consilia, bella, fortunam, mentem appulerint, verticem sublimioris
conscientiæ et intelligentiæ, sub breui ætatis et laboris compendio, appre-
hendent. Ad res enim pulcherrimas noscendas, per Historiæ seriem alie-
no labore partam, perducimur, et transactorum sæculorum longum ordinem,
et pleraq; mortalium tam privata quàm publica opera, sub breui temporis com-
pendio, intuemur. Eoq; uno pacto vir, iuuenis, et viridis, senibusq; unius

25
aetatis cognitionem tenentibus poterit praestare, aut saltem æquari, velut in quem praeclara rerum et optimarum artium eruditio, et uberrima gestorum et antiquitatum notitia, non ex unius capite, sed ex multorum abundantissimo fonte, manarit. Quod cum ita sit, quis tam expers humanitatis erit, qui se dare his studiis nolit, quæ adolescentiam ad maximam consequendam gloriam excitant, senectutem oblectant, secundas res ornant, aduersas salubri consilio temperant, et in uniuersum sola plurimum patriæ prosunt. Quam in illis, res hominum gesta, fortunæ euentus insperati, naturæ opera insolita, et super his omnibus rationes temporum, continentur. Memoria etenim hominum, et quod transmittitur per manus sensim elabitur, et vix unius hominis æuum exuperat. Quod autem libris bene mandatum est, perpetuo manet, nec labefactari ita facile potest, nec modo ea quæ vel facta sunt, vel dicta efficit, sed et sermones quoque notat, et cogitatus hominum effingit. Sed nec parua iactura censeri debet, quod res plurimas nostras atque facta Polonia cognitione dignissima, pro magna parte latere nos contingit, quorum notitia propter scriptorum inopiam, perit. Ea vero quæ habemus, aut angustè videmus per scripta, aut vetustate oblitterata, pleraque apud alios quam apud nos diffusius annotata. Non mediocriter ad Reip. expedite gerendam refert scire, ut clara tetraue Prædecessorum facta videamus. Nam ut bonorum gesta dum leguntur, rectè gradientibus, pieque viuentibus prosunt ad ædificationem, ita damabilia prauorum facinora, eorumque pænæ errantibus ad correctionem conducunt. Totis ideo viribus ad ea studia nobis incumbendum est, ex quibus et ad ingenii exercitationem, et ad Reip. legitimam ordinationem, non mediocris accessura est utilitas. Decet namque virtuosos viros, prudentium gesta, imò et insensatorum sæpius ad memoriam reuocare, ut bonis exemplis discant bonis operibus insistere, et malis valeant perditionem euitare. Nisi enim preciosum à vili separaueris, stulta concupiscentia se temperare non valens, præcipiti cursu demergeris in voraginem et densitatem tenebrarum. Varia itaque in Annalibus et virtutum exempla reperiens, et facta reprobæ æquæ considerans, illa capere, hæc præterire monebere. Terrebat autem me, cui quidem nec ars, nec natura dicendi peritiam contulit, onus grande et prolixum, quod indebiles artus tot supremæ scientiæ ornatissimis viris tranquille silentibus, imponebatur, terrebat immensæ difficillimæque et arduæ rei moles, claua Herculis onerosior, in qua labori summo, non vllum premium, non gratia, sed corruptissimum iudicium, et sinistra interpretatio essent responsura. Sapeque ipse mecum inter secreta ocia tacitus reputabam, quam vastum et procelosum æquor, exigua titubanti et fragili ingenii cymba, consulto ne an temerè esse sulcaturus, quantaque obtreccationi et inuidiæ caput apud modernam et

posteram ætatem obiecturus. Non enim eos, qui gesta in opere futuro perferri-
benda, aut me nequicquam concinē dictasse, aut non integrè dictis facta ex-
aquasse, neq; onus suscepti muneris impluisse, actus quoq; aliquorum plus iu-
sto extulisse, et pro fictis vera posuisse, quadam aut leuitate, aut maleuo-
lencia, inuidia uē calumniaturi sunt, (utinam falso ludar augurio) reor de
futuros. Difficillimarum enim rerum una extat, et non elucubрати tm inge-
nii, sed affluentissimi pariter et acutissimi, offensionem calumniamq; in con-
texenda historia effugere, et omnibus gratum esse ac apud summos et peri-
tos viros, expectationem quam in primordio concitaueris reliqua narratione
impleuisse, iuxta ac per asperiora dumeta sine offensione incessus. Noui
enim delicata nræ ætatis hominum ingenia, quæ nihil probant, nisi quod
Tullianam, à qua longè mihi abesse videor, representet velustatem. Noui
et inuidos, qui suo diffisi ingenio, cæteros obloquendo detrahendoq; suo insti-
tuto ac moribus utendo, impudenter lacescere contendunt. Nam etsi summo
ingenio præditus, pariq; scientia fratus forem, et offum scribendi facile me
posse implere crederem, tam arduum tamen opus aggredi, sine magno et diffi-
cultatis et pauoris respectu, non possem, propter liuorosa non nullorum obtre-
clationem, et inuidiosam calumniam. Quoniam etsi singulæ nationes, sin-
gularibus ut ingenii sic et vicis abundent, Polonorum tamen genus, ad inui-
diam, obtreclationem, plus quàm cætera, (siue id successio à priscis tradu-
cta, siue situs et inclementia cæli, siue occulta syderum vis, siue quod ge-
nus et fortunam suam cum aliorum virtute exæquare æstuet, causet) cense-
tur esse magis procliue, et ingenia Polonorum plus quàm alia ad inuidiæ faci-
nus proniora existimantur. Quò fit ut nonnulli Polonorum et omnium Scla-
uorum parentem Cham affirmant, quòd is Noë patris femora irridens, etiam
in suam posteritatem id facinus inuexerat. Hanc quoq; unam et præcipu-
am causam arbitror, quòd Polonia raros et paucissimos rerum suarum habu-
it scriptores, unoquoq; sub iniqua rerum extenuatione exhorrente scriben-
di officium, et subducente se ab obtreclatione et liuore. Alteram, quòd
paucis germinibus suis præclara, et solitum atq; vulgarem modum exceden-
tia et hæc ipsa parum iusti precii habitura prouenerunt ingenia. TERTIAM,
quòd pauci trahuntur cupiditate sapientiæ, doctrinæ aut virtutis, sed potius
honoris aut voluptatis lucri. Proinde his vacat literis tantum, quæ opus aut
Dignitates, aut quæstum aliquem pollicerentur. Eloquentiæ et scribendi ar-
tem perpauci colunt, et hi tantummodo soli, qui egregia quadam animi in-
dole impulsī, virtutem terrenis metiuntur præstantiorem. Ut nihil mirandu
sit, cæterarum nationum gesta, factaq; Scriptorum ingenii, quàm maxime
celebrata illustrataq; esse, Polonorum ex contrario defectu res amplas
et magnificas ad obliuionem obscuritatemq; recidisse, gesta Regum et

27

Principum, et virorum, atq; Ducum facta fortia, Regionum et Ciuitatum for-
 lunas, literarum lumine non patefacta, caliginem sempiternam contraxisse, et
 in æternas quasdam silentii tenebras, scriptorum penuria præcipitatas esse.
 Quorum si gratiam meruissent, præconiis eorum celebrati, apud posteros im-
 mortali fama clarescerent. Hæc itaq; inter alias me ratio pellexit commo-
 uitq; ut cæteris humanis studiis neglectis, omnes curas, studia labores, vi-
 giliasq; meas, ad illustranda heroum nostrorum egregia facta, deinceps metu-
 atq; timore omnium abiecto, conferrem, et veteribus alienisq; insistere non
 contentus, proferrem in ulteriora pedem, corpus nouæ Historiæ, arido licet
 et ieiuno stylo conficiendo. Quatenus Reges et Principes, cæteri qui Remp.
 administraturi sunt, virorum fortissimorum imagines, quas Scriptores Anna-
 lium reliquerunt expressas, imitati, animum, mentem et operationes suas, ex-
 cellentium hominum virtutibus et actionibus conforment, Singula autem
 rebus Polonicis undecunq; coherentia et immixta, collecta undiq; et conne-
 xa, quæ rebus Annalibus Polonorum videbantur quomodolibet conducere, ope-
 re præcuium visum est perscribere, et præsentis nrõ connectere operi. Syreneos
 cantus oblectata aure transiturus, ut qui rerum gestarum, neq; odio, neq; in-
 uidia, neq; assentatione, aut fauore, aut gratia, vellem corrumpere purita-
 tem, in iis præsertim, quas mihi coram intueri contigit. Aetatis siquidem
 superioris, tempora, aliorum adminiculis, quæ verò in nostram incidere ætate
 Marte, ut aiunt, nostro, quasdam verò res quibus vetustas fidem abroga-
 uerat, aut illas literarum unica fidißima custodia non perennauerat, ex
 fama quæ sola durabat, scrupulosius sýnceriusq; quò poteram, descripsi.
 Et quæ per varias Ecclesias, Apotecasq; et alia loca sparsa erant, curauì
 colligere, et collecta in præs opus utcunq; deducere. Plura verò quæ parum
 concinè, parumq; verè inserta fuerant, ex agitata factis aut dictis pudor,
 rem, omisi. Res et facta veterum, ut suis non fraudentur præconiis, de
 caligine in lucem extracturus, non pro magnitudine operis et virtutis præ-
 stantia, quæ eruditissimum Scriptorem aut magnum quendam poëtam effla-
 gitant, non pro ingenii fiducia, nec scribendi dicendiue peritia, vel aucupan-
 da gloria, sed pro imbecillitate mea, et animi in patriam gratitudine, et
 ne temporis mei ætatem mutam aut in bonoram relinquerem, ingenuè profes-
 sus magnam vim ingenii, magnum dicendi nitorem inesse Scriptori Anna-
 lium oportere: qui inter tot Historiarum et casuum acervos, et laudandi
 et vituperandi materiam modumq; teneat, et singula grauitè expediat, et
 peritis atq; imperitis, prudentibus atq; insipientibus, disertis atq; indiser-
 tis placeat, atq; gratum se uniuersis ex æquo reddat. At certè inter
 difficillima censetur difficillimum, aliorum sensus et desideria et volun-
 tates verbis sufficienter perscribere. Ex omnibus autem literis, quæ

ad humanitatis comparata sunt studia, nullæ mihi splendidius relucere
atq; excellere visæ sunt, quàm quæ rerum gestarum ordinem nobis comen-
dant. Ex eis enim ad recte viuendum imbuimur, et singulares fructus,
ac egregiam quandam iucunditatem comparamus, studio imitationis accen-
dimur, a prauis ad recta reuocamur. Porro cum cæterarum quoq; gentiu
et Regionum gesta, commendatione laudeq; constat esse referta, ad quorum
expressionem venustandam, ingenua Scriptorum certarunt ingenia: Polo-
norum pauca admodum, per tot ætatum spacia, et ea quidem abscisse, com-
memorata sunt. Paucissimiq; Principes et Reges, cæteri q; Polonorum He-
roes suorum factorum meruere Scriptores, nonnullorum vero fama cum
ipsis sepulta et extincta est. Itaq; Polonorum res per contrarium Athe-
nensium euasere similes angustæ, tenues, parua, atq; obsoletæ, cum fo-
rent multo maiores quàm scriptis feruntur, Scriptorum incuria et segni-
tie ex claritate magnifica, ad obscuritatem et angustiam pertractæ, nec
ut decuit pro iusto atq; integro celebratæ, adeo ut nec à Vincentio
Cracouien Epò, suæ ætatis Scriptore egregio, potuerint præclaro ingenio
extolli ita, quàm plurima Regum, Principum, Pontificum, ac cæterorum
Heroũ Polonia celeberrima opera sempiterna obliuione obruta sunt, scri-
bentium penuria, et eorum ipsorum languido et arido parumq; culto ingenio,
a nrâ notitione abducta, nec aliquid celebre illorum manare potuit ad po-
steros. Et cum ope literarum fulta non fuerint iuxta ac vapor ad modicum parens
cecidierunt. Nulla enim tam ingens, tam clara, tamq; admirabilis res
gesta est, quam non vetustas et obliuio obscuret, nisi lrarum splendor et
scribentium lumen accenderit, iacentq; sepultæ atq; perpetua obliuione
obrutæ, Regum et Imperatorum res gestæ, quippè quæ raro ætatem hominu
excedunt, quas Scriptorum industria immortalitati dedicauit, quoniam
opera humana caduca sunt, Scriptorum verò monumenta sua durabilitate
immortalitatis ordinem æmulantur. Accedit ad hæc anxietas amplior,
quòd cum cæterarum rerum et librorum Scriptores, viuis et florentibus
personis opera sua, quo altior illis inesset auctoritas, dedicauerint, decre-
to et approbatione eorum, robur, defensam et stabilimentum acceptura, ego
præsens opus meum Pr.^{ti} tuæ iam ex mortalium conuersatione subtrahito et
absenti, et iam corpore concreto, et mortali exuto, dedico, tuo suffragio et
mortali orbandus tutela. Idq; eo libentius mea tenuitas aggreditur, qd
me ad id in mortali corpore positus, tua exhortatione, cuius auctoritas apud
me etiam post fata magna est, impellebas, ac sæculum nostrum, velut quodam
sydus clarissimum, splendore morum, virtutum atq; actionum tuarum, illu-
strabas. Nec ulli alteri quàm tibi vigilias ac labores vires quoq; quales-
cunq; illud est mei ingenii dicandas censui, pro summa clementia, iustitia

prudentia, probitate humanitate, et in patriam charitate, quam omnium
 iudicio magno studio, magnisq; sermonibus, in vita et post cineres, videmus
 te consecutum. Maacta insuper virtutis, non a me solum, sed ab universis
 nostri Polonici generis hominibus, perpetuo celebrandus aucto, cuius et ego æ-
 ternorum laborum præconium lris ad perennitatem mandabo. Unde omnis
 spes atq; defensa in solo caelesti præsidio, et in superis qui nræ regioni et
 urbibus præsidunt, ponenda mihi est; quo pietate agni caelestis, et beatissimi
 Patroni S Tanislai et Protomartyris Poloniae Episcopi Cracouien' tuaque
 intercessione, quem Diuinitate propicia, et operum merito exultum, corpore
 concreto et mortali, in calicolarum numerum translatum, et cum creatore
 suo cumq; angelis eius, ac beatissimis glorificatorum hominum Spiritibus lætum et
 tranquillum æuam agere reor, obtenta, nullas inuidorum et obrectatorum ca-
 lumnias pertimescam: sperans vos erratibus meis, quæ me humanitus non po-
 tuisse hoc opere cuitare profiteor, veniam apud clementissimum Deum, simul,
 quæ recte scribendi iustam et fidelem suppellectilem atq; mentem, in Diui-
 num bonorem, patriumq; decus et amplitudinem, proximorum vero instructio-
 nem, et profectum redundantem facile impetraturos, simulq; pudori meo pbe
 consulturos, qui opus proprium ac sæueritatem censorum reformidans, vos in-
 tutissimos Patronos censesq; accepi. Enitar si quidem pro viribus, uti-
 nam tantum insit mihi roboris et neruorum, ne res gestas in maius deprimam
 aut extollam, et actus hominum plus iusto celebrem vel sugillem, aut si quid
 offensum iri veritatem gestarum rerum suspicabor, id quam diligentissime
 declinem: non longius amore quam veritate, nec quantum scribendo valeam,
 sed quantum res exiget, progressurus. Ad quæ sollicitum me tua admonitio red-
 debat instructiorem, ut nemo dubitet me in facinorum relatione malignitate
 aut odio, in virtutem quoq; commendatione affectione usum esse, et passione
 animi tractum his gloriam, cæteris ignominiam tribuisse. Succensere autē
 mihi nemo poterit iustē, si veritatem Historiæ sequens, aliquorum mores, actio-
 nes et facinora detexero, cuius natura et conditio est, secundas iuxta ac
 aduersas res virtuosas perinde ac viciosas actiones, sycerē perscribere,
 ac posteris transmittere in citamenti et cautelæ speculum et exemplar. Mor-
 dacitatemq; Scriptorum non ex austeritate mea, sed ex morbo iudicet pro-
 cesisse. Malignum ratiocinem, qui una et altera virtute enarrata, de
 viciis subliceat. Et enim futurum ipse vaticinor, quod Reges, Principes, et
 cæteri viri Heroici, præsentis nostri opere, non secus quam speculo et exem-
 plo, ad colendam virtutem, et præclara ædenda facta, excitari poterint et
 incendi, ut enim reperiri solent homines virtutibus præclari et insignes, ita
 nonnulli sunt viciosi et detestabiles. Quales Catilinam et Clodium Ro-
 mæ extitisse legimus, pluribus viciis in patriæ perniciem deprauatos, qua-

lesq; et in nostra Wladislai Ducis Poloniae filios, et Casimiri primi Poloniae Regis, qui et instaurator et Monarcha appellatur, Sbigneum naturalem filium, et caeterarum regionum Reip. legimus fuisse, sed nec defuturos esse aliquis ambiget sensatus. Si quis autem et sacras et gentiles Historias velit percurrere, reperiet profecto in omni aetate paucis bonis et virtutis editis, mixtos fuisse pessimos, et hos ipsos non solum per opera, sed etiam per auitam et paternam progeniem, nomen, genus, familiam, et fortunam, quo amplior eis gloria et ignominiae inureretur nota, designatos. Reperiet insuper pro conditione mortali viros optimos, rebus aduersis oppresses, scelestos vero saepe numero blandis fortunae muneribus in sublime actos fuisse. Quae rerum conditio acerbè nimis censeretur posset, nisi animae et corporibus excedentes (quod et plerique sensere gentiles) in perpetuas transmigrant sedes, supplicia pro maleficiis, premia pro virtutibus habiturae. Si quem vero disertum et pinguiorem Mineruam, ac eruditam linguam sortitum, incultus rusticanus, aut prolixior stylus huius operis, nulla suauitate aures mulcens, nec verborum declamatoria subtilitate frondescescens, nec vernanti flore scintillans, offendit, cogit et operationes donorum non apud unum consistere, nec unatributas et applicatas esse. Nec me temeritatis arguat, si ex fragili vase meo, lolium et steriles gignente auenas, longum et inconditum sermonem, prouti operi minimè competiturum, protulero, praesertim cum Scriptores magis illustribus et eruditis, materiam scribendi, videar magis praebuisse, quam praerupisse. In qua maiori cum laude et dicendi copia poterint versari, exquisitiorem pollicioresq; illam suo ingenio sua industria reddiduri, ut potè qui celeritate ingenii ex paucis norunt multa colligere. Velle quidem ego esse breuiloquus, sed rei gestae series, si paucis deprompta fuerit, insipida est, nec aliquam legenti, nisi illam scrupulosa descriptione detexeris, illustraueris, infixeris, praestat voluptatem. Succurrit quoque nonnullos, rem silentio absoluere potius, quam transcurrere ieiuna et truncata descriptione. Sed nec quempiam puto adeo stolidum et rerum ignarum, quae aut caeteros, qui pro summis Scriptores habitus sunt, credat singula componere ea dicendi facundia limasse, ut nullus illic interuenerit error aut labes, id enim reueruatum soli nouimus Diuinitati. Nihil enim vetat credi posse, quod tamen possibile est, siue sic siue aliter accidere potuisse. Sed et labi in multis, humanae fragilitatis est, in omnibus iuxta ac se res habere, at, sentire, perfectionis Diuinae. Nam si Demosthenes summus et eloquentissimus vir apud Graecos, interdum Ciceronis aures offendit, si Homerus nonnunquam scribitur dormire, et in opere longo fas est obrepere somnium. Si Ciceronem in carmine eloquentia deseruit, quid putandum est mihi contingere posse, homini mediocri et parum erudito, quem pedestri

et quotidiano calle currentem, fas non est cum priscis, sed tantummodo cum ætatis meæ scriptoribus conferri, neq; magnorum virorum ingeniis, sed meis tantummodo viribus æstimari. Et quanquam opus præsens primum sibi Oratorem deposcat, et longè Scriptorem alium quàm qui ego esse potuerim, dicendi et scribendi peritum, diutius quoq; ingenium et sermonis suppellectilem, magis quàm quæ mihi conveniat locupletem sortitum, cui et amplior ubertas sermonis, et feratior contigit libertas ingenii, ne ieiunius sermo eximiis derogasse videatur præconiis. Ego tamen tarditatem meam, ea quæ ex alto dabitur diligentia compensatum iri conabor. Et quo minus possum ingenio, eò magis mihi et ignorantie meæ parsum et delatum iri confido, verum quemadmodum priscorum respectu mutus mihi et elinguis videor, ita in modernorum non balbus, satq; erit priscorum ingenia, quæ exprimere siccum meum et aridum ingeniolum prohibet, colere saltem et mirari. Maior fateor extat huius operis amplitudo, quàm vel ætate mea percenseri, vel ingenio bebeti possit compræbendi: cum virum exposcens, qui et in oratoria excellat, et multarum artium peritiā teneat, et cui acre celerrimum atq; argutum contigisset Herculeo magis robori quàm meo conveniens. Si igitur minus ornate atq; graviter, quàm vel rei assumptæ dignitas, vel legentium expectatio exigit, opus præsens implevero, id imputetur partim inscitie meæ, partim rerum magnitudini, quas pertracto, et tribuatur errori iusta venia, qui imperfectus perfectum non poteram texere opus. Non enim tantummodo nostra, sed et priscorum ætas à me describenda, plena est egregiis gestis, plena pulchrorum varietate factorum, plena est illustrium virorum casibus, et multifariorum exemplorum sarcinis, adeo gravida onerosaq; ut rarus tanta dicendi facultate redundet, tam nitido et perspicaci ingenio polleat, qui non aliquando patriæ nostræ, tam seditiones quàm factiones, varias quoq; illius transmutationes et exterminia descripturus, ardeat et balbuciat. Si qua igr in re lector offensus fuerit, veniam precor dare velit, vel ignorantie vel verborum sitati. Sit quæso pronior ad indulgentiam quàm ad repræhensionem. Et hoc à me rogatus obseruet, ut quod minus bene minus accurate aut legitime scriptum aduertet, benigniter emendet. Ego enim ingenue profiteor, et debilius me scripsisse, et hebetius dictasse, quàm rerum maiestas et pondus requirebat. Ex eo autem præcipue veniam datum iri opinor infantie meæ, quod aliis doctis et eruditis viris silentibus, prior ad scribendum consurrexi, malens aliquid parum culte, parumq; ornate quàm nihil scripsisse. Quod si cætera displicebunt, affectio certè mea et pietas in patriam non poterunt culpari. Satis insuper erit mihi dum commendari nequibo, contemptum apud proprios effugisse, et non dicendi peritis, sed à litterarum sapore ieiunis satisfacisse. Quicquid enim ingenium meum præstare potuit, in præsens opus

ad patriæ ornamentum conteci. Neque enim quia multa dare non potui, ma-
num ex toto à labore retrahere licitum putavi. Vnusquisque enim tanti in patriâ
debitor est, quantum ingenii sui vires valent exolvere, externus putandus, qui
illam aliquo munere non extulerit, non adiuvet. Exigebas etiam R^me Pr
iure tuo à me illustrandæ patriæ causa, ut res gestas superiores et præsentis
stylô meo literis mandarem, astruens non mediocrem me Reip. nrâ allaturû
profectum, si præsentibus vâtera coniungerem, ex utrisque corpus perpetuâ
Historiæ compacturus. Ego itaque, etsi cæteris Historiographis ingenio et stu-
dio doctrinæ posthabendus sum, nec ulla ratione illis conferendus, iussione
tamen tua et auctoritate fretus, opus arduum et ingens obedienter aggres-
sus sum, singulis Polonia Proceribus, Satrapis, Optimatibus, et alumnis, sumo
solatio illud fore arbitratus. In quo si quid inconcinnius scriptum offende-
rint, imperiti ingenii arrogantia non imputant, sed primum charitati profun-
dæ in Patriam, deinde tuæ parum consultæ, cui recalcitrare nefas putave-
ram, iussione: amoris tuo in me eo officio responsurus. Vera autem potius,
quàm speciosa, vetustissima novis accumulans, verâ de veris, aut proxima
veris, quæ ad cautelam, memoriam, et gestorum notitiam expedire videban-
tur, scripturus, cum conscriptorem omnia deceat veritati postponere, non,
nulla Historiis et Annalibus Polonorum, parum concinè, parumque pudicè,
et quæ fastidium exagitant, inserta, fabularum ineptiam redolentia pero-
sus, Poëticiis magis figmentis decora, quàm sincera Historiarum traditioni
consentanea, præcidi repudiaviq;: ne vas purum et fidele, iuxta quoque ve-
tus Proverbum, operam simul et oleum perditurus, infectum incrustatq;
ex modico fermento iri contingat, quoniam neque vetustiore tempore, neque
auctorum auctoritate, ab evidenti figmento, apud rerum et Historiarum pe-
ritos, poterant licite defendi. Cætera verò etsi vera, aut verisimilia
putentur, non tamen ea sic affirmare ausim, ut veri periculum mihi, et
in meum caput assumam, et additionis huius assertio, ex fide liberetur
mea, cum quod res vetustate abolitæ, coniecturis et opinionibus illustra-
ri nequiverint, tum quod nimia vetustate res scribendæ obscuratæ sunt, et
longioris ævi spatium, refelli ne an acceptari debeant, dinosci ad liquidum
non potest, tum quod rara sub iisdem temporibus apud Polonos ac penè
nullæ fuerint literæ, una omnium operum atque eventuum humanorum fidissi-
ma industria. Et si quæ in privatis aut publicis fuere monumentis, ea
crebris, Polonis ea tempestate ferè omnes ades suas atque arces ex ligno
fabricantibus, perire incendiis. Quæ verò fuerunt diligentiori in no-
stram ætatem tractata custodia, pauca fuere, et hæc ipsa nodosa et
truncata, ex quibus per nos prorogari ad liquidum vetustatis memoria
non poterit. Perdifficile siquidem et laboriosum nimis videtur,


Historia veritatem complecti ad solidum: cum res gestas possibile non
 sit uniuersas scribentem uidisse, quas aliorum narratio, gratia aut odio
 acta, peruertit saepenumero atque corrumpit, veritas narrantium non de-
 terminat sed inuoluit. Omnium tamen difficultatum, nulla difficilior in
 rebus gestis perscribendis, quam offensionem, calumniam, et lapsum effu-
 gere, et omnibus satisfacere et placere posse, rerum praesertim et eorum qui
 ea gesserunt consiliorum, ignarum, de quibus plus quam difficile est, prae-
 ter euentus iudicare, cum etiam ii qui spectando adsunt, aliter atque ali-
 ter saepenumero, ut ferè usu euenit, referunt. Sed et verba rebus, res
 temporibus contemperare, et de singulis quae in distinctis et plurimum à
 se porrectis regionibus et aetatibus acciderunt, iustum et modestum primò,
 et tandem cultum atque elaboratum calamo exarare, et in opus deducere,
 atque depromere sermonem, ardui atque difficillimi, vixque ferendi laboris: ope-
 ra est hominis solidas vires et perspicax ingenium, tenacissimamque memo-
 riam habentis, cuius ego ne dum conditionem qualificationemque, sed nec
 simulacrum umbramque profiteor me sortitum. Si quis verò ob id me carpen-
 dum putat, quod non solum Polonorum res gestas perscripserim, sed etiam HUn-
 garorum, Bohemorum, Ruthenorum, Pruthenorum, Saxonum, Lithuanorum,
 Romanorum insuper Pontificum, atque Imperatorum et Regum, à multis igno-
 ratas attingerem, sciat me consultò, et cognoscendae veritatis facibus impul-
 sum necessitate id egisse, quoniam et Regionem ipsam, plurima autem fœdera,
 aut bella cum Polonis: cum propter conformitatem linguæ, tum propter vicini-
 tatem Regionum propinquitatemque habuere adeo, ut plerisque etiam temporibus
 vnius Principis regerentur imperio. Cum enim Polonicis rebus plura coherent
 externa, non indecorum est visum ea inscribendo non arrogantia (neque enim
 vires meas ignoro) sed ne ignorentur etiam à nostris, attingisse. Unde ob eam
 rem cano iam capite, ad perdiscendas Ruthenas literas meipsum appuleram,
 quatenus Historia nostra series crassior redderetur. Romanos quoque Pon-
 tifices aut Reges, eorumque excessus et tempora, ob multos respectus inserui-
 mus, quod et venisset perficiatque opus, et ratio annorum Summorum Pontifi-
 cum cardinem praestituat veritati, iucundius cumulatiueque munus legentibus,
 et iis potissimum viris, qui altis scrupulosisque in rebus versari soliti sunt,
 largiturus. Discordia autem Scriptorum plerumque leuitate et negligentia
 offensus, secutus sum in relationibus et rebus ambiguis, quo me vel similitudo
 rerum, vel scribentium auctoritas et opinio traxit vulgatiore. Ut autem legen-
 tibus Annalia hæc rerum gestarum firmior credulitas, minorque suspitio occur-
 rat, plures Epistolas et contractus praesenti operi inserui, quo et ex ipsa ve-
 ritate opus firmitatem contrahat, et studiosos curiososque rerum in lecturâ amæ-
 na diuerticula prouocent, afficiantque amplius et inuitent; ratus id plus vo-

luptatis quam molestia lectoribus allaturum. Opus denique praesens viris do-
 ctis et eruditis, ac Scriptoribus illustribus, et signanter parenti meae almae
 Cracouiensi vniuersitati, limandum, corrigendum, et emendandum permitto,
 pro singulari gratia habiturus, si quis errata mea praetermissa, aut minus
 prudenter et inconcine scripta, doctrinae suae ventilabro, in frugem uberi-
 orem sementis, verterit, transtulerit, adiuuerit, erexerit, et imperfectum inor-
 natumque, sua incude poliuerit, ornaueritque. Ad quod omnes viros doctos,
 industrios, disertos, dicendi et rerum peritos exhortor et inuito. Quicquid
 enim a me indocte, inconcine, ficte, contumeliose, praeue, incondite, et incau-
 te scriptum est, id non pro scripto, et non pro dicto haberi velim, gratulatu-
 rus si quis errata mea improbando, correxerit. Non enim me ipsum amaui, ut
 meo latente errore, alios errare velim. Neminem mortalium adeo peritum ra-
 tus existere, per quem plenus, purus, et elucubratus, nullum neuum et vi-
 cium redolens, posset condi stylus. Veniam a singulis datum iri mihi de-
 poscens, si in hoc opere maiora viribus meis tentauerim, et sermonem inconci-
 num quandoque, nonnunquam abortiuum protulerim. Sciens et profitens iux-
 ta sententiam Seneca, neminem esse circumspectum et industrium, cuius non
 diligentia aliquando sibi ipsa excidat, neminem tam maturum, cuius non gra-
 uitatem in aliquem lapsum casus impingat: neminem tam timidum offensarum,
 qui non illas dum vitat incidat. Atque sub hoc respectu, illo ante omnia
 depulso periculo, ne a quoquam sterilis mens, et parum argutus sermo culpetur,
 implorato Spiritus Sancti auxilio, confidentius ad iniciandum opus destina-
 tum accedo, sperans clementiam Diuinam habetudinem et imperfectionem
 meam suppleturum ~

Diuisio operis istius in Libros Duodecim & quid vnoquoque libro contineatur ~

Visum autem est mihi bonum, opus hoc omne in duodecim Libros diuidere. Con-
 tinebit autem primus Sclauorum genus et Polonorum ex his descendentiū origi-
 nem, et quae apud illos sub gentilibus Principibus contigerunt. SEcundus quo-
 tpe Poloni a Diis gentium ad fidei Orthodoxae leges conuersi sunt, et Regum consecu-
 ti Diadema. TERcius quo ordine Polonicum Regnum instauratum sub Casimiro
 Monacho, et collapsum sub Boleslao sit. QVartus successionem DVcalem Wladi-
 slai, et filii eius Trophea. QVintus variam propter pluralitatem Principum scisura.
 SExtus Civilium bellorum cladem refert. SEptimus nobis saeuam Tartarica
 vastationem, et viri beatissimi Stanislai Canonisationem. OCTauus Dia-
 dematis Regum resurrectionem, a Przemislao maioris Poloniae Duce innouatam.
 NONus Wladislai Loktek bella et triumphos, et mutilationem enormem Regni

Polonici, a Bohemis et Cruciferis, sub Casimiro filio eius attentatam,
aperiet. Decimus et Undecimus, externorum Regum successionem. Duo
decimus euentus bellorum, quæ populus Polonicus cum Bohemis, Almanis,
Turcis, pro fide, et pro recuperanda Patria, sub duobus Regibus Wladislao
et Casimiro gessit, monstrabit ~



TOMVS I.

IOANNIS LON-

gini Canonici Cracouien

Historia Polonica in tres

Tomos digesta LIBER I.

Quomodo post diluuium generale circa
 ædificationem turris Babyloni vnâ lingua
 Hebræâ à creatione mundi vsq; in illa tempo-
 ra durantem Deus Opt. max. in septuaginta et
 duas linguas diuiserit. Et qua ratione posteri-
 tas Noë ob varietatem linguarum indeq; dissidi-
 orum subsecutam rituum alterationem partes
 mundi nempe Asiam, Aþricam & Europam
 (quarum etiam fines describuntur) impleuerit.



Humanum genus in ipsa sui creatione et fabrica
 in puritate et in innocentia in primo nostro paren-
 te Adam conditum (quem alterum post se Trasi-
 dem Deus, si tantummodo Plasmatoris potius, qz
 sua soris voci obedisset, disponebat facere, quæ
 ad propriam formauerat effigiaueratq; imaginem,
 ab Angelis paulominus imminutum, nobilissimum
 inter creaturas, et creaturis ipsis dominaturum
 pro libito: infundens illi animam rationale præ-
 uia à bonis discreturam) dum primum contra
 Præceptum Dominicum, pomo ligni vetiti prægustato, à Paradisi gaudiis, in
 terram spinis et tribulis obsitam, eiectum est, in sudore vultus et amaritu-
 dine doloris pane vesciturum. Deinde cum se temporis successu factis libi-
 dinibus coinquinasset, deprauassetq; iniusta licentia, iustam punitionem
 exigens, vagum et pfugum in terra miseria oberrans, aquis diluuii (octo
 tñ modo animabus ad substituendam originem fidei et operum meritò reseruatis)

Diuinitas delictis provocata humanis, deleuisset. Tandem propiciante Deo sedato Cataclysmo, vehementer germinans, in similem prauaricationem, quam sibi Adam et posteritati suae in Paradiso contexuerat, antiqui hostis suggerente versutia, casurum, pariter coeperat in Deum transgressione grassari, et communi deliberatione, communiq; sumptu et labore, ducentesimo primo anno post diluuium, Nemrod Gigante, filio Thanan, auctore et suaso: re inter Nubiam et Aegyptum, negatam immortalitatem, vel potius parentum primorum transgressione perditam, arte se recuperaturum, et breuissimum vitae spacium quod Deus indulserat, protelaturum se existimans, turrim Babilon in sublimem edificandam coctili latere vice caementi at arena interstrato, atq; interlito bitumine, quod ora illa passim e terra gignit, volens equiparari altissimo, constituit. Cuius grossitudo fundamenti trecentorum passuum erat, ut opus erigendum quod sensim artabatur solidius consisteret: quatenus altitudine et robore eius, omni pauore remoto, aduersus quoslibet casus tutum et securum decatero consistere valeret, et tam undarum alluionem, quam reliqua Dei contra se ferenda, prohiberet et arceret aedicta, proprio arbitrio absq; subiectione et qualibet lege victurum. Misericordem autem se Deus filiis Adae, prout et pollicitus fuerat, demonstrans, praesumpta quidem temeritatis et superbia scelus aedificantium turrim, irruptione diluiali, ne uniuersa obduceret absumeretq;, iuxta faedus quod pepigerat, punire distulit: ne tamen amplius serperent conatus improbi, unam Hebraeam quam uniuersi sonare et intelligere consueuerant linguam, et quae sola tunc in usu erat, ab Adam usq; in illa tempora deriuatam, in duas et septuaginta (superbam mentem sermonemq; construendum confusus, opusq; turris, quod aliquantulum creuerat exterminaturus) diuisit. Noe siquidem generatio, in Chaldaea et Damasci Syria, ac maiori Armenia siue Assyria, in qua Ninive sita est, sedes suas atq; habitacula posuerat. Caeterae regiones Asiae, Aethiopiae, atq; Europae, nulla hominum frequentatione aut populatione cultae, feris tantummodo peruiuae vastam solitudinem retinebant, donec primordia nostrae originis superbia confundente, unitatem simplicium linguarum diuisio separauit, ex qua et in moribus, conuictibus, animis, gestibus, legibus, iudiciis, caeremoniis, ritibus, varietas secuta est, propter quam odius magis quam linguis dissidentes, ad quaerendas nouas sedes, populandasq; nouas terras discessere. Et filius quidem Sem in viginti duas linguas diuisis, filius vero Cham in tres et triginta Aethiopicam occupantibus: a filius Iaphet decem et septem linguis sortitis, Europea uniuersa in haereditatem sempiternam accepta est. A flumine autem Tanais, quod Poloni sua lingua Don, Tartari Edil, vocant, Europea sumens principium, hinc Tirreno inde Septentrionali et Gaditano Oceano, termi,

natur. Ex Riphæis autem montibus Tanais oriens, adeo præcipiti cursu
 ruit, ut cum vicinia flumina Mæotis et Bosphorus, frequenter solidentur
 in glacies, solus ex confractuosus montibus euaporans, nunquam Scythico
 Algore indurescit. Aphrica et Europæ alteram partem concludens, alte-
 ram inicians, famosus limes fretum Gaditanum in finibus Gallia, à Gadi-
 bus Herculeis nuncupationem sumit. Oceanus Septentrionalis, qui ver-
 sus Septentrionem aliquando Sarmaticum nominatur mare, quod in litoribus
 suis Sarmatæ siue Poloni regiones et urbes possideant, ex quibus sunt illæ
 duæ magis insignes, Lvbik, quæ Polonice Bvkwiecz vocatur, et Gdanske
 à Polonis populatæ, plurimas insulas in se tenens, Scandiam, Frisiam, Sco-
 tiam, et Hyberniam, et alias minores regiones, circa Tirrbenum cum insu-
 lis, quæ Tirrbeni litore includuntur, vzt Maiorica, Minorica, Enica frumen-
 taria, Corsica, Sardinia, Sicilia, Mitilena, Venetiis, Cretha, donec
 ad Mæotim paludem peruenitur. Bysantium insuper siue Constantinopoli-
 tana urbs, in Europa sita est. Hos itaq; omnes terminos, et usq; ad Gadi-
 ram, quæ cum Pella includit Decapolim, septem filii Iaphet vzt Gomer, Ma-
 gog, Madai, Iauan, Thubal, Mosoch, et Thiras vel alias Thorias, in cogno-
 minationibus, linguis, et familiis suis possederunt. Porro tres filii Gomer,
 primus Ascenar, à quo Sarmatæ seu Sauromatæ, quos Græci Reginos vocant,
 ex quibus processerunt Calabri, Siculi, Apuli, et Latini qui Latium habi-
 tant. Secundus Riphæ à quo Paphlagonæ, qui Paphlagonia contigua Gal-
 litiæ, in Italiam transuecti Eneæ vocati sunt, à quibus Veneti, Ligures et
 Aemili processerunt, Tercius Thogor à quo Phrygii, qui terram suam Phrygiā
 appellauerunt. Quatuor filii Iauan, quorum primus Elissa, à quo Græci qui
 Eulides dicuntur. Secundus Tharsis à quo Cilices qui Ciliciam habita-
 runt, quorum Metropolis Tharsus. Tercius Cætim, à quo Cætisimæ Cypri,
 et secundum hoc Cyprius filius Iaphet non filius Semprouenit, quorum Ci-
 uitas Cittiū dicitur. Quartus Dodanim, à quo Rodii, quorum Rodus Ciui-
 tas dicitur. De Gomer filio Iaphet, Galathæ, qui Latine Gallogræci di-
 cuntur, olim enim Senones Galli, quandam partem Græciæ inuadentes, à Gal-
 lis et Græcis, Gallogræciam appellauerunt. De Madai Medi, a quibus
 Media nomen sumpsit, De Iauan Iones, qui et Græci, à quibus Ionium
 mare, ex quibus Græci qui Troiam et fines eius habitauerunt, processerunt.
 Qua destructa Priamus et Anthenor Venetias nauigio peruenierunt, ex qui-
 bus Anthenore mortuo et Paduæ sepulto, Priamus cum comitibus Germani-
 am occupauit, et ab ipso et Anthenore Germano, Germania fuit dicta, quæ
 nunc à Teutos (qui est Mercurius) Teutonia vocatur, à Latinis autem
 Alemania dicitur, à Lemano fluuiō, quæ hæc continet regiones, Lotharin-
 giam seu Brabantiam, Vestualiam, Phrisiam, Thuringiam, Saxoniam, Sueuiam,

Bauariam, Franco niam, et inde Gallias irrumpentes, a fractione patriæ
et eorum ferocitate Francia fuit dicta. Simili quoque nauigio ex Troia Bri-
tus adueniens, eam Prouinciam quæ nunc Anglia dicitur, a suo nomine Bri-
taniam nominauit, a qua etiam olim Syluaria, nunc citra mare minor Brita-
nia nominatur. De Mosoch filio Iaphet Cappadoces, quorum Metropolis
Massaca, quam Tyberius Cæsar a suo nomine Cæsaream appellauit. Thi-
ras a quo Thracæ quasi Thiraces, et a nomine patris sui terram a se po-
pulatam Thraciam vocauerunt. Sextus filius Iaphet Thubal, a quo Hybe-
ri qui et Hispani processerunt, qui primo Cætubeles sunt vocati, quasi cætus
Thubal, et attendentes stellam, quæ ibi post occubitum occultatur, occasum e-
ius vesperum, stellam Hesperum, et patriam a stellæ nomine Hesperiam vo-
cauerunt. Pagis autem et vicis circa fluuium qui nunc Iberus constructis,
qui prius Cætubeles, ab Ibero tandem fluuio, corrupto vocabulo, Celti-
beros se et regionem a se possessam, vocauerunt, quæ Oceano et Thirreno,
Ibero et Pireneis montibus terminatur, Celtiberiam appellarunt, quæ postea
ab Hispano in ea dominante, Hispania denominationem accepit. Septimus
filius Iaphet Magog, a quo Scythæ qui et Massagethæ appellantur, Gotti,
Sueui, Alani, Hunni, Hi sunt filii Iaphet, filii Noë, filii Lamech. Pri-
mus autem homo de genere Iaphet venit ad Europam Alanus nomine, cum
tribus filiis suis, quorum nomina sunt hæc, Isicon, Armenon, Negro. Isicon
autem habuit quatuor filios, quorum nomina sunt hæc, Francus, Romanus,
Momauros et Brito, a quo primo Britannia dicta et habitata est. Secundus
autem filius Alani Armenon, habuit quinque filios, hi sunt, Sochus, Valgo-
tus, Cebidus, Burgundus, Longobardus. Tercius filius Alani Negro, ha-
buit quatuor filios quorum nomina sunt hæc. Vandalus a quo Vandali sunt di-
cti, qui nunc Poloni dicuntur, qui etiam fluctum nomine suo qui nunc Vistula
alias Vistula vulgariter nuncupatur, Vandalum censuit appellari. Secun-
dus filius Negnonis Targus, tercius Saxo, quartus Bogorus. Sic igitur
ab Isicone primogenito Alani, orti sunt Franci, Romani, et cæteri Latini
et Alemanni. A secundo filio Alani orti sunt Gotti et Longobardi. A Ne-
gnone autem tercio filio gentes sunt diuersæ per totam Europam, vñ tota
Russia usque ad orientem, Polonia maxima terrarum, Pomerania Cassu-
bia, Suetia, Sarnia quæ nunc Saxonia dicitur et Noruegia. A filio Ne-
gnonis tercio qui Saxo vocabatur, Bohemia, Morauia, Styria, Carinthia,
Carniola, quæ nunc Dalmatia dicitur, Libna, Croatia, Seruia, Pannonia,
Bulgaria, et Elissa. Itaque natus filiorum Iaphet, omnium Sclauorum
parens, egressus de campo Sennar, transita Chaldaea Græciaque, circa
Ponticum mare et fluuium Istrum quem nunc Danubium vocitamus (qui
Germanicis iugis ortus, montem qui Raurakos vocatur, latè effusus,

41

omnem Europam emetitur; sumptis ex celtis inicio, quadraginta amnes omnes fere nauigabiles in se recipiens, latum spacium itinere terreno conficiens, in Euxinum mare, quod vulgatiore vocabulo Pontus appellatur, ab Euxio fluvio qui eum influit, ut quibusdam placet, denominatum, cum antea vocaretur Axenum, septem ostiis Pontum influit, quorum quatuor adeo grandia sunt, ut per sexaginta millia passuum, non misceantur aequori, suaves haustus, amaritudine freti, nativum et incorruptum saporem retinentes, in tam proterso cursu, non vincantur.) cum filiis, cognationibus, et familiis suis consedit, et primum Pannoniam, primam et veterem Sclavorum sedem, parentem et alumnam, quae nunc Hungaria, Longobardis, Sclavos inde pellentibus, deinde Hunnis ea cedentibus, sortita est vocabulum, inde Bulgariam vel Mesiam, Dalmatiam, Serbiam, Caruatiam, Bosnam, Rasciam, Carinthiam, et Illyricum, caeterasque illarum orarum, et Adriatici, Ionii, Aegaeique maris tractus, et insulas, successione nepotum populavit. Graecis ab oriente, a meridie Latinis et Italis, et Teutonicis ab occidente confinas. In quo et foelicitas generis Sclauonici, quod tam optimas terras sortitum fuit, notari potest. Nullae enim terrae orbis, praeter Indiam, quam haec a Sclavis primum possessae, aurum, argentum, Sal, aes, ferrum, cuprum et caetera metalla, quae mortales prima ducunt, feratius noscuntur producere. Et eiusdem amplior in Deum praevaticatio, quod illud evincendum ob scelera decernens, Hunnis, Turcis, et aliis nationibus, tam dives et opulentum solum, possidendum concessit, furoris sui magnitudinem in eo potissimum ostendens, quod et barbaricam rabiem in Sclavos saevire, et ex sedibus originariis migrare permiserit. Maxima siquidem et grandia generi Sclauonico propiciatio Divina contulerat, perpetuo apud nationem ipsam mansura, si illius legitima atque iussa scrupulosiori cura servavisset, sed legem Dei, multiplici enormitate excessuum, praevaticantibus, omnia erepta, atque in alias gentes inuecta sunt. Prouinciaram autem quas Danubius a Barbarico ad Mediterraneum mare secludit, prima est Misia siue Mesia a messium proveniunt vocata, unde et eam veteres Cereris horreum nuncupabant, Haec a modernis Bulgaria appellatur, ab Euro Thraciae, a meridie Macedoniae, ab occasu Histriae iuncta.

Egressus Lech & Czech, fratres de Pannoniis vicinas terras petunt, Czech Bohemiam fratre Lech concedente apprehendit & Pragam atque Wielograd Ciuitates erigit &c.

Pannoniorum Regnis propriarum et aduenarum gentium habitatione

coalescentibus, urbibusque nonnullis et coloniis crebris in illis constructis, primum discordiarum et odiorum fomes, deinde apertarum guerrarum et cladum fragor inter Iaphet nepotes, pro terminis terrarum, coloniarum et urbium, subortus, civili et fraterno sanguine, aliquoties praeliis commissis, terram fœdauit. In eam etenim summam numerumque creuerant, ut eis Regna quæ possederant angusta viderentur. Duo itaque filii Iani nepotis Iaphet Lech et Czech, quibus Dalmatia, Seruia Sclauonia, Caruathia, et Bosna contigerant, et presentium et futurarum collisionum discrimen et pericula vitaturi, pari et concordi voce et deliberatione, originario solo relicto, nouas sedes quærendas populandas decreuerunt. Et cæteris quidem fratribus in Pannoniis remanentibus, ipsi cum omnibus coloniis, familiis, et substantiis quæ ditionis eorum erant, ex Sclauonia, Serbia, Caruathia, et Bosna, et ex Castro Psari in altissima rupe (quam fluius Hui, Slauniam Caruathiamque determinans, alluit) sito, cuius et inbactenus nonnulla aspiciuntur, priscam magnificentiam testantes, ruinæ, et cuius vetustam nuncupationem villagium Psari, sub arcis loco situm, in eam diem retinet, in quo principum præfatorum Lech et Czech familiarior peculiariorque habitandi, et illic subditis iura reddendi, esse usus consueuerat. Egressi vicinas et proximas terras versus occidentem (sciebant enim orientem cæteris nationibus refertum esse) petierunt. Oram autem quam Moraua, Egra, Alba, Multana fluius alluunt, perambulantes, glebam eius animaduertentes fecundam, et aquis paucis irriguam, nil tamen præter vastam solitudinem habentem, culti soli, iunior natus Czech, eam sibi a germano Lech natu maiore multifariis precibus obtinuit in perpetuam hereditariamque sortem et possessionem, relinquere. Cum enim longo tempore in locis illis, et signanter in monte qui lingua illorum Rzip vocatur, inter Albam, Multanam, et Egram positum, statua communia habuissent, soli fecunditas et cælestis auræ temperies, valliumque et montium crebri sinus, adeo alterum Principem suasque colonias et familias ceperat deuinxeratque, ut cæteris neglectis et abdicatis, hanc sibi sedem et posteritati sufficere arbitraretur. Fratre autem altero Principe Lech precibus suis condescendente, duas sedes ponit duasque urbes condit; unam ad ripas Multanæ fluminis, quam Pragam suilingua, gii intitulauit vocabulo, alteram ad fluentia fluius Morauæ et hanc Wicliegrad nominauit. In colonias quoque terra distributa plures vicos et rura construxit. Terraque uniuersa ab eo cognomen sortita, etiam in præsens Czeska vocitatur, licet Latina lingua, quæ Sclauonicum nomen proportionaliter sonare non potuit, quod Slavi Deum eorum lingua Bob-uocitent, eam Bohemiam appellent. Ea quoque pars terræ, quam Moraua flu;

uius circumfluit, a nemoribus et syluis, plerasque planicies virides, et gra-
minosas mericas in se habentibus, aliam appellationem vult Moraua, usurpa-
uit. Bohemia longitudinem latitudinemque parem asseritur habere in coronae
rotunditatem formata, sylua uniuersam ambit, quam veteres Herciniam vo-
cauere, a Graecis et Latinis Scriptoribus nominata. Amnibus et ipsa irrigua,
inter quos Alba seu Laba ex montibus qui Bohemiam Morauiamque distermi-
nant, oriens, mediam Prouinciam perlabitur, qui Polonia seu Sarmatia Euro-
pae et Germania limitem facit. Item Multana insigniores censentur. Mul-
tana autem citra Metropolim Pragam decurrit, medius ponte lapideo quorunde-
cem fornices habente, commissus, Brunam vero fluvius Ruda interfluit.

*Lech ingreditur in Poloniam et in ea conleat,
Cuius natura et fecunditas recensetur
& quibus regionibus sit contermina ~*

Lech itaque iuniori fratri Czech valedicens, cum coloniis, familiis, sar-
cinisque suis et omni substantia ab eo digressus, superatis montibus et
saltibus, qui nomine vetusto Hercinii vocantur, Poloniam et Bohemiam
ambientibus, regionem latissimam, syluis, nemoribus, et borris vastam, solitu-
dinibus et desertis, et quibusdam perpetuis penitus indagibus septam, pluri-
mis fluminibus, torrentibus et aquis irriguam, glebam quidem bonam habentem,
sed cuius fecunditas, nisi stercore aleretur, diuturna consistere non po-
test, gelubus tamen et frigore rigentem, extra septimum et ultimum clima-
sitam reperiens, in ea conleat, eamque sibi et suae posteritati, haereditandam
et possidendam primus capit: quippe animantia et germinantia omnia pacien-
tius et tolerabilius ad summum frigoris, quam ad summum caloris accedunt.
Quapropter Europae regio quamuis hyemali constricta rigore, cultior tamen
est et amplior situ et populis, quam Aethiopia solis ardore torrida, quia et natu-
ra sui plus habet spacii, et caeli clementia incolarumque prouidentia, fri-
gus a se per ignes arcentium et focos, minus deserta. Regio Polonica fa-
cunda frugibus, amena fructibus, deliciosa piscibus, sapida lacticiniis, cla-
mosa venationibus, copiosa armentis et gregibus, dulcis mellibus, commoda
equis, referta alitibus, diues ferro et plumbo, gloriosa caera crassa buty-
ro. Esto quod in plerisque locis, abscissa magis quam sperata culturae respon-
det fecunditas. Numerosa regio, et ideo diues pecorum, et abundans la-
ctis, herbifera. In plerisque locis agrum atque ieiunum solum, et natura sterile,
nemorosum tamen et arboribus varii generis consitum, aut pro alueariis apum,
aut pascendo pecori congruum, nec usque quaque ociosum. Vini et olei propter
Aquilanarem rigorem indigens, ceruisia pro vino utitur, quae ex Cerere tritici

hordei aut siliginis, fit. Ager in plerisque locis crassus, in aliis vero arenosus, sylvestris, incultus, et infaecundus. Salis vero adeo graviora, ut sales in illa magis extrahant, quam decoquant. Rigida niuibus et lubrica glacie, aura et ventorum flatibus salubris. Terræ motum quos alia regiones frequenter usque ad ruinam et internitionem Civitatum et vicorum, et scisuram Alpium patiuntur, et alluvionem nisi per raro, et quasi prodigioso tempore, prorsus ignara. Frumenta cuiuslibet generis in annos plures et tempora, absque omni læsione conservans, quæ apud vicinam et finitimam regionem Pannonicam, si anni unius spatium exceßerint, in vermes et muscas evadunt. Habet et Sulphureos montes, parum tamen feraces et aluminosos, sed balnea naturalia non novit. Magistratus et officia publica apud Polonos non annua sunt, sed ad vitam durantia, quamquidem illorum observationem, neminem sensatum satis probare crediderim. Annuis enim vicibus mutare Magistratus Præsidium et Officialium, salus communis est, et quasi quidem Reip. nervus. In qua et Principis existimationem, quo obedientius et venerabilius illi pareatur, si mutare potis est, terribilis efficitur, sed contemptibilior redditur, si ei mutationis facultas præripitur, videmus evidentissime inclusam: dum nec insolens ob insolentiam sequestrandus, diutius cum pernicie aliorum manere permittitur, et alius moderatior illi succedens parem destitutionem veretur. Ab Aquilone Polonia, Septentrionalis pars est Slauonia, quæ habet ab oriente Russiam, ab Austro Hungariam, à Subsolano Moraviam et Bohemiam, ab occidente Daciam et Saxoniam collaterales. Terminatur autem Polonorum regio ad Aquilonem à Sarmatis, qui et Getæ vocantur, in Daciam et Saxoniam, à Thracia autem per Hungariam siue verius Pannoniam, hinc descendendo per Carinthiam in Bavariam. Ad Austrum vero iuxta mare Mediterraneum ad Epirum derivando per Dalmatiam, Caruatiam, et Histriam finibus maris Adriatici definitur, ubi Venetias et Aquilegiam constat sequestrari

*Flumina Poloniae primaria septem, quorum nomina
& fontes originarii atque ostia subnectuntur*

Septem præcipuis fluminibus, quæ amnes quandoque (quod loca à se rigata et circa quæ fluunt amœna efficiunt) nuncupamus, quæ regionem ipsam circumfluunt, partim ex montibus cadentia, partim ex occultis terræ visceribus erumpentia, in Oceanum, pluribus aliis fluminibus, in eadem regione consurgentibus, aucta et inflata, decurrunt, nomina lingua sua Slauonica dedit. Vni quidem VISLA, quod auctores et Hi-

Storiographi antiqui Vistulam dicunt, nonnulli vero Vandalum, à Vandalo
 filio Negnonis primogenito. Alani filii Laphet, filii Noë, plerique à Polonorum
 Ducissa Vanda, quæ ob victoriam de Germanis relata, diis se deuouens
 in illum se dedit præcipitem. A nationibus quoque Polonis orientalibus vici-
 nis ab aquæ candore Alba aqua. Est quod idem fluuius sit denomina-
 tionem quadruplicem sortitus, rectius tamen Vistula nominatur, quasi pendens
 fons enim eius propè oppidum Skoczow supra villam Wstronie in terra Teszi-
 nensi, de supercilicio montis, qui vulgo dicitur Skalka, ex summo Alpium
 Sarmaticorum cacumine, magno undarum et fragoso strepitu excurrrens, an-
 tequam in subiectum recidat solum, pendenti magis quam fluenti similis e-
 xistimatur. Per Cracouiensem Ciuitatem, singulare totius Poloniae decus,
 medius iam aliquibus susceptis fluminibus validior effectus decurrit: apud
 Polonos celeberrimus. Maiorem enim Polonici Regni irrigat regionem, qui et
 ipse inter Polonicas amnes Principatum facile sortitus. Longius enim quam
 cætera flumina terrestre conficiens spatium, ab occidente in orientem aliquan-
 tulum progressus, tandem in Septentrionem flectit iter, frequentioribus etiam flu-
 minibus, qui in illum exonerantur, quorum aliqua magis vulgata annotabimus,
 auctus, intra ostia se scindens (quorum primum apud Ciuitatem Gdansk,
 alterum apud villam Tepht, quod Hab, id est magnus lacus dicitur, tertium
 apud Oppidum Elbiag, quod Nogath vocatur) in Oceanum Sarmaticum gran-
 dis albo fluore et haustu salubris, deuoluitur. Pisces Salmones et Esoces,
 qui raris tantummodo nobilibus amnibus contingunt, gignit. Plurima autem
 flumina, ab Occidente, Austro, et Septentrione excipiens, à sui nominis deno-
 minatione non declinat. Alteri ODRA, quasi spolians, eo quod præci-
 piti cursu spolia nemoribus et campis inferre consuevit, qui et ipse à Scriptori-
 bus Latinis Guttalus inscribitur, cuius fons propè Oppidum Odri, quatuor
 ostiis infunditur in magnum paludem, quorum primum apud Swinia, quod in
 Polonico vulgari significat Scrophæ, secundum apud villam Dziwno, quod in
 Polonicali ydionate sonat mirabile, tertium apud villam Piiana, quod in Polo-
 nicali lingua sonat spuma, quartum apud Oppidum Wolgoseh, euoluens aut
 se de lacu, stricto alueo in Oceanum siue Sarmaticum mare, propè Oppidum
 Strzalsmith illabitur. Tercio WARTHA, quod significat scrutinium,
 non enim uno eodemque alueo contentus, sed in plures diuisus et distractus, lo-
 cis vicinis quasi quædam scrutinia per aquas diffusas inducit, cuius fons in
 terra Cracouiensi in vico ignobili Kromolow, qui circa Castrum Santhok
 fluuiio Nothes mixtus, et ipsius vocabulum, appellatione propria amissa, sor-
 titus, flumen Odra circa Oppidum Kostrzin ingreditur. Quarto NIESTR,
 cuius fons in Sarmaticis montibus propè Castrum Sobien in terra Przemi-
 sliensi, ostia in mare maius inferius nigrum et album Castrum. Quinto

BVG, cuius fons in palude in superiori parte Castri et oppidi Oliesko in villa Koleczow, ostia in flumine Narew propé oppidum Siraczec, et inferius Drobiezin. Sexto NIEMEN, cuius fons ex syluis paludibus oppidi Kopielow, longo spacio terrarum confecto, in duos alueos propé Castrum et oppidum Prussiae Ragneth, scinditur, et priori ac vetusto deinceps nomine amisso, fluxius unius alvei versus Liuoniam decurrens cognominatur Ros:sa, alter ad Prussiam spectans, Lilia appellatur, tandem diuerso meatu ambo propé Castrum Memel in lacum magnum ex Oceano deriuatum se infundunt. Qui adeo recuruis et indirectis ac sinuosis circumagitur fluori:bus, ut qui in eo nauigant, integro die nauigatione exacta, ignem in foc:co besterna diei ex propinquitate loci propter alvei circulationem, frequenter sumant. Septimo NIEPR, hic in Latino Drinus siue Boristhenes appellatur, cuius fons ex finibus Moschouiae ex syluis Wiasnia, ostia in lacu propé Oppidum Daszow, Lacus uero utroq; flumine inflatus, Oce:ano se miscet, minora etiam flumina, quorum a praefatis septem fluminib; praecipuis absorbuntur nomina subnectam.

*In Istulam primum flumini hanc
flumina a meridie influunt*

Primus autem fluxius Poloniae siue Lechia VISLA bis augetur fluminibus. Quorum etsi aliqui commixtione aliquorum aliorum fluminum nomen amittant, digni tamen visi sunt qui huic operi inserentur. Primo Biala, qui propé fontem vistulae ex Sarmaticis montibus oriens ostia propé oppidum Zembrze. Item Sola cuius fons in Sarmaticis montibus, ostia propé Oppidum Osowiecim. Item Skara cuius fons in Sarmaticis montibus, ostia circa villam Smolicze. Item Raba cuius fons in Sarmaticis montibus, ostia circa oppidum Vsczie. Hunc aliqui scripserunt ex inundatione ingenti, quae ante annos ducentos contigerat, quod ego ridiculum reor, ortum esse. Item Dunaiecz niger et albus, cuius utriusque fons in Alpibus Hungariae altissimis, quorum niualis semper vertex, qui Thatri a vulgo appellantur, ostia circa oppidum Opatowiecz. Item Lososina cuius fons propé Oppidum Tchimbarg, ostia in Dunaiecz propé oppidum Oczechow. Item Vsechow cuius fons propé villam Lanki, ostia e regione villa Przemakow. Item Poproth cuius fons ex monte Pannonico Thatri propé Kuczuwna et Filka villas, qui longo itinere in Hungaria confecto per Sarmaticos montes alueo deriuato, Dunaieczowi inter veterem et nouam Sandecz miscetur. Item altera Biala cuius fons in Sarmaticis montibus propé villam Giebulthow, ostia in Dunaiecz propé villam Biala. It' Visloka

47

cuius fons in Sarmaticis montibus ostia circa villam Zdakow. Item Brze-
 znicza, cuius fons prope oppidum Wieliepolie, ostia in Vislokam circa vil-
 lam Kanciecz. Item Vislok cuius fons in montibus Sarmaticis, ostia in
 flumine Shan circa villam Thunicza. Item Mliczka cuius fons in syl-
 ua prope Oppidum Brzozow, ostia circa villam Gnieuwiczam. Item Shan
 cuius fons in montibus Sarmaticis, ex monte qui dicitur Bieskod, et plani-
 cie Huska Polonina vocata. Item Rogoznik maior et minor, uterq; ex
 alpibus quas vocamus Thatri ortus, uterq; se in fluvium Dunaiecz, una cu
 fluviu Lipithnicza, qui apud montem Obidowa oritur, circa villam Liudo-
 mierz exoneratur. Item Wiar, cuius fons ex montibus Sarmaticis in monte
 Tribueb, ostium in flumine Shan circa villam Orzech. Hæc autem flumi-
 na omnia ex parte Meridionalis Plagæ, et in eadem orta, in fluvium Visla,
 aut per se aut cum aliis fluminibus, illabuntur.

*Pauciores plaga Orientalis non
 contemnendos tamen mittit*

Primus Wißnicza, cuius fons circa villam Strzoza, ostia circa vil-
 lam Ribitwi. Item Gielczow cuius fons circa villam Borzaczin, ostia
 in flumine Wieprz circa villam Siestrzewitow. Item Bystrzicza, cu-
 ius fons circa villam Chrzanow, ostia in flumine Wieprz, circa villam Bli-
 now. Item Por cuius fons prope villam Zawieprzice, ostia in flumine Wieprz
 circa villam Nawoß. Item Wieprz in Belzensi terra, cuius fons ex lacu Wie-
 przowe leziuro, prope villam Rogozno et Rathanie ostia circa oppidum Ste-
 zicza. Item Ropa cuius fons circa oppidum Biecz ex montibus Sarmati-
 cis, ostia inferius oppidum Iasziel in Visloka. Item Iasziel, cuius fons ex
 montibus Sarmaticis circa villam Liczowno, ostia in Visloka prope Ca-
 strum Goliesch. Item Lada cuius fons ex monte prope villam Chrzanow, et
 ostia in flumine Thniew, duobus miliaribus a Krzeschow in borra. Item Tniew
 ex paludibus prope villam Dzikow, et ostia in flumine Shan inter Kopki et
 Krzeschow. Item Brnew cuius fons in villa Brnew, ostia in Shan in villa
 Brennicza. Item Biala cuius fons in villa Godzieschow, ostia in Brnew cir-
 ca venationes Turobinen. Item Sanna cuius fons ex merica prope villam
 Wierzechowiska, ostia circa oppidum Zawichost. Item Zapotb cuius fons ex
 lacu Kolpithe, ostia in Thniew circa villam Luckowa. Item Zolkiew cuius
 fons in villa Zolkiew, ostia in Wieprz circa Crasnystaw. Item Wolucza,
 cuius fons circa villam Czizow, ostia in Wieprz inter villam Liethiczow
 et Dworziska. Item Wieprzecz cuius fons in villa Wieprzecz, ostia in Wie-
 prz, circa villam Nielisch. Item Chodel cuius fons circa villam.

ostia eius circa villam Dobro. Item Thysmienicza, cuius fons ex villa
Gozdnicza propé Parczow. ostia in Wieprz propé villam Gorka ~

*A Septentrione autem flumina
in Villam cadentia sunt ista ~*

Primus Narew cuius fons ex paludibus propé Oppidum Sloným,
ostia circa Nowýdwor in Masovia, atras ostendens undas, Visla
mixtus, per longum spacium nativum non deponit colorem. Eo vel
maximé memorabilis, quód venenata eum non sustinent, sed quám primúm
attigerint aquas eius, singuli serpentes, qui se lignorum struibus, per mul-
ta spacia applicati abdiderunt, sýbilo edito, quasi fatalem sibi effugiunt,
vasaq; navigantia destituunt. Quæ res non exteros solúm, sed et indige-
nas sui, in admiratione tenere solet. Item Pisz, cuius fons ex lacu circa
villam et Castrum Pisz, ostia in flumine Narew circa oppidum Nowýgrod.
Item Lidinia cuius fons circa oppidum Cziechanow, ostia in Varka penes
Nowemiasztho. Item Swider cuius fons ex sýluis Czysz et Mienske, ostia
in villa Wlera é regione Civitatis Warschouien. Item Orzicz cuius fons
ex sýluis et paludibus propé Oppidum Midborg, ostia in flumine Narew
circa villam Magnuszewo inferius Kosan. Item Plona, cuius fons circa oppi-
dum Plonisko, ostia in flumine Wlera circa villam Santhoczino. Item Vkra
cuius fons circa oppidum Dzialdow, ostia in flumine Narew supra villam
Nowýdwor. Item Strkwa cuius fons circa oppidum Bielsko, ostia circa Ci-
uitatem Ploczko. Item Ossa diuidens Polonorum terras á Pruthenorum,
cuius fons ex lacu propé oppidum Radzin, ostia non longé ab oppido et Ca-
stro Grudziandz. Gradibus Boleslai Chabri Polonorum primi Regis, quas
per ferream columnam in illo locauerat, insignis. Item Drwanecz, cuius
fons in villa Drwanecz, ostia circa Zlothoria. Item Biedrza cuius fons
in paludibus et sýluis oppidi Thikoezin, ostia in Narew circa oppidum Go-
niadz. Item Omolow cuius fons ex paludibus circa Castrum Sezibno, osti-
a circa oppidum ostralanka. Item Renia ex sýluis Sulew, ostia in Narew
circa oppidum Siraczec. Item Liwna cuius fons ex lacu Bieskerzie, ostia
inferius oppidum Kwidzin. Et hic solus ex fluvíis Prussiae Vislam ingre-
ditur ~

*Ab Occidente veró fluvíus Visla
his irrigatur fluminibus ~*

Primo utroq; Przemscha albo et nigro, albi fons in borra oppidi O-
grodzeniecz, nigri in sýluis Trzisemik, ppé villam Rokibno, ostia utriusq;

(albus enim miscetur nigro) circa villam Kopeziowicze, & regione oppi-
di Oszwieczim. Item Smierdziaca, cuius fons in syluis Zalesie, propé
Thenczin, ostia propé villam Smierdziaca. Item Rudawa cuius fons in
villa Gierzmanowicze, ostia in Crac' Ciuitate. Item Pradnik cuius fon-
tes in villa Słyszowa, ostia infra Ciuitatem Crac'. Item Dlubnia cuius
fons circa villam Langrod, ostia circa villam et Monasterium Mogila.
Item Srzeniawa cuius fons in villa Wierszechowisko, ostia circa oppidum
Koschicze. Duo autem ii fluii Dlubnia et Srzeniawa, quod nullis annibus
in Polonia suppetit. Solis feruore, aut hyemali constrictione non diminuun-
tur in alueis, sed æquo retinentes tenore undas, Soli de siccitate et fri-
goris immensitate non queruntur, soli supernos imbres et cælestes pluuias
non requirunt, sed naturali fecunditate diuites in fonte, æstus et pruina
intemperiem non horrescunt. Item Brzeznicia cuius fons in villa Sandek
træ Siemierien', ostia in nigrum Przemscha circa villam Pogonia. Item
Niedzica cuius fons in villa Zandowicze, ostia circa villam seu locum
Lawy, terras Crac' et Sandomirien' diuidens. Item Nida cuius fons in
villa Moskurzow consurgens, per aliquale spacium se condens, subterra-
neum agit gurgitem, et tandem in borra villæ Dzierzkow Exaptura Cra-
couien' emergit, ostia ab utraq; parte oppidi et Castri Nouæ ciuitatis Cor-
czin propé villam Grothniki. Hic in aliquot paucis tamen locis Gnesn'
et Cracouien' Dioceses diuidit. Item Schodnia cuius fontes in villa
Młyny et Slotkow, ostia in flumine Czarna propé oppidum Polamiecz. Item
Pokrzywnica cuius fons circa oppidum Lagow, ostia circa villas Skotniki
et Krczin. Item Lukawa cuius fons circa villam Błkowianjy ostia circa
Slupca. Item Kamiona cuius fons in villa Nogi propé villam Odrowasz
ostia circa villam Pawlowicze. Item Krempa cuius fons ex paludibus vil-
læ Rzeschow, ostia circa oppidum Soliecz. Item Morawicza, cuius fons ex
syluis czierpielow villæ Włoszczowicze, ostia in Nidam in parte dextra
inter Zermiki et Brzegi, qui et ipse in aliquibus locis, inter Crac' et Gnesn'
Diocesim habetur pro limite. Item Ilza cuius fons in syluis villarum Bie-
szkow et Sbdow, ostia in flumine Chodza propé villam Osuchow. Item
Chodza cuius fons circa villam Pakoslaw, ostia propé villam Janowicze.
Item Radomirza qui inter Crac' et Gnesn' Diocesim limitem facit, cu-
ius fons ex syluis villæ Bąbnów, ostia propé oppidum Ricziwol. Item Pil-
cza, cuius fons ppé Castrum Pileza, a quo Castrum sub quo oritur et
Ciuitas quam præterfluit, denominatur, terram Si radien' et Sandomi-
riensem in aliquibus locis determinans, ostia circa villam Ostrowij. It'
Drzewicza cuius fons in syluis villæ Perusza, ostia in Pileza circa villa'
Dzierzazna. Item Pilezica cuius fons ex syluis Krasoczin et Liudinia

ostia in Pileza circa villam Cziemiatbki. Item Lucieza cuius fons prope oppidum Rosprza in villa Blizin, ostia in Pileza in villa Barkowicze. Item Wolborza, cuius fons in syluis oppidi Tbuszin, ostia in Pileza prope villam Zawadi. Item Moszenica, cuius fons prope villam Strozbe, ostia in Wolborza inferius Oppidum Wolborz. Item Bzura cuius fons in villa Lagiewniki prope Oppidum Zgierz, ostia prope oppidum Wysehogrod circa villam Kamien. Item Rawa cuius ortus ex sylua villae Lieseziny ostia in Bzura supra villam Kozlow. Item Ieziora cuius fons in villa Osuchow ostia circa Czirsko. Item Zgowiatka cuius fons ex lacubus villarum Kamieniecz, Chalmo, et Orlie, ostia circa Ciuitatem Wladislauen. Item Vda cuius fons ex lacu et villa Gadz, ostia circa oppidum et Castrum Swiecie. Item Wierziba cuius fons ex lacubus villarum Koscierzino et Garses ostia circa oppidum Gniew in superiori parte. Item Motlawa cuius fons circa Castrum Grabino, ex palude circa villam Githlandt, ostia circa Ciuitatem Gdansk. Item Radunia, cuius fons ex lacu et palude Grabia ostia ab altera parte Ciuitatis Gdansk. Item Brda fluuius Pomeraniae cuius fons ex lacu Krasko, in cuius utero exortus, in alterum lacum amplum dictum Liuthomie ingreditur, ex quo se euoluens, subintrat lacum amplissimum Charzikowj, ubi quasi victor se extrahens, aliquali spacio terra confecto, proprio alueo decurrens in Vislam prope oppidum Fordan tra Ciuium exoneratur. Item Mthawa cuius fons in lacu Mthawsko, exoneratur autem Vislam prope oppidum Nowe. Item Kamiona alius a priore, cuius fons ex lacu Schlochow, ostia circa villam Dzedzno supra Monasterium Koronow, quod ueteri nomine appellabatur Bischowia, et hic terram Maioris Poloniae et Ciuiuiensem diuidit a Pomerania. Item in terra Pomeraniae villa Sobkow in Wladawa ex lacu Lieba, egreditur fluuius Lieba, derivationem nominis ex lacu trahens, cuius ostia in mare circa villam Gethnow in bonis Episcopatus Wladislauen Ecclesiae.

*Odra secundus Polonorum fluuius, qui etiam
Guhalus dicitur infrascriptos accipit fluuios.*

Primo Olseham, qui in Sarmaticis montibus habet fontem circa oppidum Iablonkow, ostia circa oppidum Oderberg. Item Osoblokam cuius fons in Sarmaticis Alpibus in syluis dictis Gruk Manthel ostia circa oppidum Chrapkowicze. Item Nissam cuius fons circa oppidum Waczkow et villam Wartha, ostia circa oppidum Surgosch. Item Waldapew cuius fons circa villam Czinkow, ostia circa Monasterium Sancti monialium Pramonstratensis Ordinis Czarnowasz. Item Olauam cuius fons

circa villam Wilkowa supra oppidum Grodkow, ostia circa Ciuitatem
 Wratislauian'. It' Nissam alterum a priore, cuius fons circa oppidum Lubé
 ostia circa villam Wilkschin. It' tertium Nissam cuius fons propé oppidum
 Sithauam circa villam Schochow, ostia circa villam Schidla, quod a duo-
 bus superioribus aliud est. Item Morawicza, cuius fons propé oppidum Ol-
 brachetice, ostia circa Niemieczka Ostrawa oppidum. Item Bobr cuius
 fons propé Oppidum Herborst ex montibus, ostia circa oppidum Crosna.
 Item Stobrawa cuius fons in borris et syluis Olieschno, ostia circa villam
 Kolno. Item Kłodnicza cuius fons supra oppidum Gliwice decurrit
 ostia circa oppidum Koslie. Item Widawa cuius fons in syluis villæ
 Stradomia, ostia propé Ciuitatem Wratislauiensem circa villam Banowi-
 cze. It' Opawica cuius fons circa oppidum Bruntal, ostia circa villam
 Trzebowicza. It' Ostrowicza cuius fons circa oppidum Fridlandt, ostia
 circa oppidum Ostrawa Niemieczka. Item Pszina cuius fons ex paludi-
 bus supra oppidum Bauorno, ostia circa villam Tbworow. Item Obracu-
 ius ortus ex syluis villæ Obrá supra oppidum maius Kozmin, ostia circa
 villam Gluszin. Item Baricz cuius fons ex sylua Monasterii Olobok, et Op-
 pidi Ostrzeszow, ostia superius maiorem Glogouiam circa villam Wielkie.
 et hic diuidit Gnesnen' Diocesim a Wratislauien'. Item Kaczbach cuius fons
 circa oppidum Koffin, ostia propé oppidum Parchowicze. Item Quissa cu-
 ius fons circa Monasterium Oblink, ostia circa Monasterium Lubens. Item
 Plisk, cuius fons ex paludibus propé oppidum Droszen et circa oppidum Szwidni-
 cza, ostia circa villam Galki. Item Sproua cuius fons ex Alpibus circa vil-
 lam. ostia inter monasterium Nouæ Cellæ et Franckfordiam. It'
 Notesz cuius fons circa oppidum Notesz lacum amplissimum Goplo irrigat, et
 fluium Wartha circa Santhok incurrens, eiq; permixtus Odram fluium
 circa oppidum Costrzin ingreditur. Item Orlia cuius fons ex syluis oppidi
 Kozmin, propé villam Orlia, ostia in Baricz inter villas Belkaczow et Pako-
 slaw. Item Ruda cuius fons in villa Vosziska ex torrente Szrebrnik,
 et fluit circa villam Palowicze, et oppida Zari et Ribniki, et Monasterium
 Rvda, ostia in Odram secus oppidum Kozlie supra villam Dzierzgowiecz.
 Item Koczawa qui diuidit Epátum Crac' a Wratislauien', cuius ostia in
 Odram inferius Oppidum Kozlie, ortus veró anté oppidum Býthom ex torren-
 te Kliczborn, et in Odram inferius villam Sosznice, ingreditur fluium Kło-
 dnicza, et commixti intrant Odram anté oppidum Kozlie ~

*Wartha tertius Polonorum fluius a quo & oppidum
 Vartha nomen sortitur, infrascriptæ amnes in se accipit.*

Primo Isduartham, cuius fons circa villam Barunow, ostia in villa Wa-
sose. Item Viduam cuius fontes circa villam Kodrag, ostia in Grabia
circa villam Podogorzicze. Item Nir qui Lancicien' terram a Stradi-
ensi distinguit, cuius fons in syluis villarum Viskitno et Wicze in loco
qui dicitur Smierdziaca woda, ostia circa Chelm villam Archiepiscopalem
inferius duobus miliaribus Oppidi Vnieiow. Item Przosna cuius fons ex palude
prop' Oppidum Byczina consistente ostia circa villam Liszow prop' Oppidu
Pyzdri. Item Ruda cuius fons circa Ciuitatem Wielun, ostia in Przosnam
circa molendinum Radzeschow. Item Grabia cuius fons ex syluis villae
Sczigwin pp' Oppidum Tuszyn ostia circa villam Pstrokonie. Item Olobok
cuius fons in villa Lgotha ostia in Przosnam circa molendinum Radze-
schow. It' Nirzee cuius fons in syluis villae Capituli Crac' Ciszemin
ostia in loco qui Gorki appellatur in Nir circa villam Capitularem Liasko-
uicze. Item Czibna cuius fons ex lacubus Pobiedziska oppidi, ostia in
Ciuitate Posnaniens' post Ecclesiam Cathedrali. It' Glowmia cuius fons
ex syluis villae Giemiello ostia inferius villam Zawadi pp' Ciuitatem Po-
snaniens'. It' Raklicza cuius fons supra villam Lubenow, ostia circa oppi-
dum Miedzirzecz. It' Obra alius a priori, cuius fons ex syluis villae
Czerequicze, ostia circa Oppidum Skwirzina. Hunc fluvium Odra flu-
uius exuberans aliquando irrigat per antecessum. It' Luthinia cuius fons
circa villam Lgotha, ostia inferius inter villas Lgow et Dambno. It' Wie-
rzicze, qui etiam dicitur Trzemesla, cuius fons ex syluis villae Borzan-
czice, ostia inferius villam Kantbki. It' Goplienicza cuius fons ex lacu
Goplo, ostia circa villam Morzislauam. It' Koprziwnicza cuius fons cir-
ca villam Dziadouicze prop' oppidum Thurek, ostia circa molendinum
Prandoczin. It' Wrzesnia cuius fons in villa Mniebow Praepositi Gnesn'
ostia circa villam Pietrzikow. Et hic fluuius Gnesn' et Posn' Diocesim
diuidit. It' Qwieczichowska diuidens terras Maioris Poloniae et Cui-
ciae, cuius fons ex monte Niewschastow, ostia in Notesz circa oppidu Pa-
koscz. It' Biala cuius fons ex syluis villae Zbiesko, ostia circa villam Ka-
pains. It' Wielina cuius fons ex riuo villae Iankowo, plures lacus, vzt
Rogowskie, Skurskie, Thonowskie, et Lauicze ingreditur, ex quibus se
euoluens, per medium Oppidorum et Monasterium Wagrowiecz, Ianow
Mlyn, maiorem Poloniam et Paluki diuidit, decurrens, ostia intra Castru
et oppidum Oborniki. It' Notesz cuius fons circa oppidum Notesz, lacum
amplissimum Goplo irrigat, ex inde se emergens defluit iuxta oppidum Pa-
koscz, in Labischin, ostia circa antiquum Castrum Santbok. It' Groda
cuius fons ex lacubus Stetinen', ostia in Notesz in superiori parte oppidi
Vsczie. Item Dobrzicza cuius fons ex lacubus Noblini ostia in Grudam

circa Othocze. Item Krampnica, cuius fons ex lacubus Krampska ostia in Grudam infra Plicziemin brod. Item Drwa cuius fons ex lacu Drawsko inter Draim et Falkenberg, ostia in Nofsz inter Czarnkow et Lemberg.

*Dniestr quartus fluuius Polo-
nicarum Ruthenicarumq; regionu.*

Vi in Latino vel Græco Thirsannis aliàs Thiras, in Tartarico Tur-
Qlo appellatur. Is diuidit Sarmatiam à Datia quam beatus Augustinus
Antiquam vocat, quæ quondam fuit Regnum Gotorum, cuius fons ppè
Castrum Sobien ex monte Bieskod, et ex loco qui appellatur Dambrowicza,
propter singularem quercum illic stantem, ex cuius radicibus duo fluuii,
quos prædiximus Dniestr et San in Polonicales terras currunt, tercius Thi-
cia qui Czysa in Lannonicas regiones. Franguntur autem circa album Ca-
strum et exonerantur in Euxinum mare. Notabilibus fluuiis etiam ex
Valachia regione, quæ et ipsa Polonorum Regno subiecta est, et à meridie
orienteq; fluentibus, fecundatus, primo fluuius Strius cuius fons est in mon-
tibus Sarmaticis, propè villam Visoczka, illum circa oppidum Zidaczow illa-
bitur. Item Thysmienterza cuius fons est in Sarmaticis montibus circa Po-
kuczie, ostia circa oppidum Czeszibiesy. It' Pruth cuius fons est in montibus
Sarmaticis, ostia in Szereth, inferius oppidum Thekucze. It' Basza cuius fons
ex lacu circa villam Stephanowicze, ostia in Pruth circa villam Pieczora.
It' Szereth cuius fons ex palude in villa Scharkow propè Castrum Oliesko,
ostia in Danubium, circa et inferius Thargouische. It' Sbrucz cuius
fons est in palude vocata Kuszmin propè Oliesko, ostia circa Rieziwol
Castrum. It' Smotricz cuius fons est ex montibus Sberaske, Civitatem
silu et petra admirabilem Camieniecz suis undis cingens, ostia circa vil-
lam Vsezie dictam. It' Lipa cuius fons ex paludibus Oliesko propè villa
Czeremoszna, ostia inferius Halicz circa villam Baranow. It' Szeklo cu-
ius fons ex mericis Dobrzeslani ex sylua dicta Zalizne nogi, ostia in Vi-
szniam circa villam Lowericze. It' Dresza cuius fons circa oppidum Dro-
bun, ostia in Pruth propè Ziaskitarg, atq; Filistinorum forum. It' Moldaua
cuius fons ex montibus Sarmaticis ex monte Kirbelia, ostia in Szereth ppè
Romanow targ. It' Soczaua cuius fons ex montibus Sarmaticis ex monte
alto qui vocatur lueo supra villam Dzikoue, ostia in Pruth circa oppidum
Czarnouicze. It' alius Szereth ex montibus Szereth, ostia in Pruth in
Valachia in villa
It' Stripa cuius fons ex palude et lacu circa
villam Szubowcze circa Camieniecz, ostia circa villa Chmieloua. It' Blozvia,
cuius fons ex palude Felschlin circa villa Blozwie, ostia circa villa Dolobow.

*Bug quintus fluuius Polomicalium
& Rutemicalium regionum.*

Fluore fluens atro RVthenis omnibus abominabilis est, nam ad fluentia eius a Polonis et primo Rege eorum Boleslao magno, vires eorum uniuersae attritae sunt, et Vrbis etiam eorum Metropolis Kiou, in eam usque diem ostendens vestigia, caedes et conquisitio, his irrigatur fluminibus. Primo Muchouiecz cuius fons ex syluis et palude Iaroicuisze prope Oppidum Thurou, ostia circa Castrum et oppidum Brzesze, et altero Bess, cuius fons in borra villa Przewarsk, ostia circa villam Kluschow. et Huczew cuius fons ex syluis Grodek villa Podborzicze ostia in villa Grodek, ubi prius antiquitus Castrum Wolhin, a quo uniuersa terra Wolynska appellabatur, erat, quae nunc Chelmen et Lucen nominatur. et Rathba cuius fons in superiori parte villa Wierzebratba, ostia prope villam Sziedlicz. et Swinia cuius fons circa villam Drzewna ostia in Rathba inferius villa Dworce. et Wilczwin cuius fons in paludibus villa Potuschin, ostia prope villam Podzemierz. Item Poltek, cuius fons in villa Zubrza non longe post Leopolum, ostia circa oppidum Bvsko. et Nur cuius fons ex syluis oppidi Bielsko, ostia circa villam Taskow. et Liw, cuius fons ex syluis oppidi Lukow, ostia circa Camieniecz Masouia. et Kostrzin cuius fons ex syluis Dambrowka, ostia in Liw circa villam Polikouo. et Blothnia cuius fons ex paludibus quae vocantur Baranowo blotbo, ostia circa oppidum Sokale. Item Drzewonia cuius fons in palude circa villam Dworce, ostia circa oppidum Sokalie. et Wlodawa fluuius in palude villa Sosnowicze prope Oppidum Chelm in terra Chelmen exortus, terram praedictam Chelmensem a terra Brzeszen determinat, et frequenti influentia aquarum auctus, fluuium Bug prope villam Sosno illabitur.

*Niemen sextus fluuius Polomicalium
et Rutemicalium regionum.*

Qui a Latinorum Scriptoribus Curuntius inscribitur, variis ut supra diximus incuruatus fluxibus, hos accipit amnes. Primo Merecz cuius fons circa villam Grudzewo, ostia circa oppidum Merecz. Item Vilia cuius fons circa villam Kamien, ostia circa oppidum Kowno. et Vistulicz cuius fons circa oppidum Mobilno, ostia circa villam et Curia Dubno. et Swiatba ex Samogitia cuius fons prope Wolkomiriam in villa Remigola, ostia circa Mariuorder, et hic diuidit Lithuaniam et Samogitiam. Item Niewieza cuius fons circa oppidum Kieidany, ostia infra oppidum Kowno.

et circa villam Vilka. Item Vilna cuius fons circa villam Lowarziski, ostia in Viliam infra Ciuitatem Vilno. It' Miedniki cuius fons circa oppidum Krossy, ostia circa oppidum Soczawa in Niemen iuxta oppidum Merecz. It' Brzesnia cuius fons circa villam Swiatha, ostia in Viliam propé Oppidum Niewianiczani. It' Kothra cuius fons ex lacubus Giersebani, ostia circa villam Mieczniki ~

Dniepr septimus fluvius Polonicum & Ruthenicarum regionum.

Vocatus à Latinis Drinus aliàs Boristhenes, circa Kiow urbem Metropolim Russiae currens, hos fluuios cadentes in se habet. qui in Tartarico vocatur Kresze. Primo Przpiecz, cuius fons non longè à Castro Liubomia in villa Holowno, ostia inferius Castrum Czarnobolie circa villam Poohost. Item Stir cuius fons in palude circa Olienko in villa Leszenow, ostia in fluuium Przpiecz non longè à Pinsko. It' maior Slucz cuius fons circa villam Chouicze, ostia in fluuium Przpiecz inferius oppidum Tburow. Item minor Slucz cuius fons circa oppidum et Castrum Kozmin, ostia in fluuium Przpiecz circa Grodek. It' Czietrzew cuius fons circa Castrum et oppidum Czudnow, ostia in fluuium Przpiecz circa villam Munuezkouicze. It' Sluniew cuius fons ex paludibus villa Saticzow, ostia infra Ciuitatem Luczko. Item Rosz cuius fons ex paludibus propé oppidum Smolniani, ostia circa Castrum et oppidum Orseba in Dniepr. Item Iasbodka cuius fons circa oppidum Kopilow, ostia in Przpiecz infra oppidum Pinsko. Item Brzezina, cuius fons ex paludibus et desertis Russiae maioris propé Oppidum Poloczko, ostia in Dniepr, propé oppidum appellatum Dobrogiska. Hic fluuius Brzezina Lithuaniam à terris Russiae diuidit. Item Swislocz cuius fons circa villam Porostow in superiori parte, ostia in Brzezina circa oppidum Borisow. Item Swinia, cuius fons ex lacu Wloska, ostia in mare propé Rigam. Item Polotba à quo Ciuitas et regio Polocen' appellatur, cuius fons circa Castrum Brze-
wa, ostia in fluuium Dwina, iuxta Castrum Poloczko. Item Bok cuius fons ex superiori parte syluae Olienko, ostia in Dniepr circa Castrum et oppidum Daschow. Item Visebew cuius fons in villa Nouosiedlcze, ostia inferius Castrum Rathno in Przpiecz. Item Liutba cuius fons circa villam Tremno, ostia in Visebew non longè à Rathno. Item Berezina cuius fons circa oppidum Vborez ostia circa oppidum Strzeszno. Item Brzeznicza fluuius terram Lucensem distinguens à Lithuanis, et ille est verus limes Poloniae Regni. It' Orsza cuius fons

ostia in Dniepr circa

Item Bobr cuius ortus

ostia

in Dniepr circa

Item Borissow cuius fons circa

Item Orinia cuius ortus

circa oppidum Dambrouicza, ostia in flumine Stir.

*Quibus Ciuitatibus Vistula curius est
singularis commendatio. Odraq, Varta,
& Dniestr flumini insignes illustrantur.*

Fluuius autem Visla, qui mare Oceanum tribus ostiis illabitur, et in orientis partem parum flexus, quadraginta et amplius flumina in se recipiens, plures nobiles et insignes quam alii flumini nactus est Vrbes. Licet enim Odra, cuius aqua occidentem petunt, Ratiboriam, Bregal, Wratislauiam, et Franckfordiam, Wartha uero qui medius inter eos decurrit, Slradiam, Pyzdri, P Osnaniam, Dniepr Kiiouiam famosas urbes habeant, Visla tamen inter Polonicos fluuios facile praeipue annis, amplioribus nobilitatur locis, uidelicet CRacouiensi, Sandomiriensi, Warschouiensi, Plocensi, Wladislauensi, Thorunensi, Culmensi, Grudziadzensi, Suecensi, Gneuens, Tharschouiensi, et Gdanensi, urbibus. Ligna quercina et taxina diuersi generis pro igne et nauigiis, picem, cineres, fraxinos, telam simplicem, terementinam, ceram, crudum, mel, plumbum, cuprum, ferrum, et frumentum pluresq; alias res, quibus portus Anglicani et Flandren perstrepunt, ex regionibus Polonorum mari Oceano, aluo suo subministrans. Meminisse hoc loco par est, quia tribus Pontificalibus Basilicis Visla fluuius inclutus sit, cum in quolibet ex residuis annis una tantummodo numeretur. Ea autem quae de Visla seu Vistula qui et Vandalus, et de Odra qui Guttalus fluminibus narrauimus, Solino teste defenduntur. Ita enim Germania Principium describere orsus, inquit. Mons Seno ipse ingens nec Riphæis minor collibus, initium Germania facit. Hunc Ingenones tenent, a quibus primis post Scythas nomen Germanicum consurgit. Diues virorum terra, frequens populis numerosis et immanibus. Extenditur inter Hercinium Saltu et rupes Sarmatorum. Vbi incipit Danubio, ubi desinit Rheno perfunditur. De internis eius partibus Albis, Guttalus, Vistula, amnes altissimi, precipitantur in Oceanum.

Niemen inter omnes fluuios pacificus.

Notandum est autem quod omnes fere Polonici amnes uel Vistula, Guttalus, Varta, Bug, Niepr, Niestr, fundunt et subiuunt suorum aluorum rippas, multasq; arbores cum magna parte soli, frequenter etiam et vi.

cos absorbent, solus Niemen tam profundum et ad instar Caldaris rotundum
habet alueum, ut silenter decurrens nec nemoribus neque campis nocens, su-
is contentus ripis fluat, omnia insuper flumina Poloniae, et lacus et insulas
moliuntur, nonnunquam quoque veteribus alueis destitutis, novos alueos, novasque
insulas, novos insuper lacus, quasi quadam alluvione efficiunt, plerumque etiam
in veteres reflectuntur.

DWINA amnis fluit secus Civitates Russiae Poloczko et Vitepsko. It' ab
alia parte Wytepsko fluit Withba satis insignis fluvius. Post Istulae flumi-
nis ostium, Cronis, Rubonis, Turuntii, Kersinii, fluxiorum ostia in Oceanum.

*Descriptio Poloniae à quatuor plagis et vnde
Russia pellibus delicatis ditissima dicatur.*

Vniuersam itaque regionem, quam septem fluvii praedicti et caeteri omnes
qui in eos decurrunt et perlabuntur, ab eorum ortu usque ad Oceanum,
num, Lech Lechitarum seu Polonorum parens et Princeps comple-
xus, sui iuris fecit, et in illa per se et suos nepotes frequentibus populis ha-
reditat, et propicia Diuinitate haereditabit. Ab oriente nullis quidem nisi
Graecis, et mari Leonino, ad quas per sylvas et nemora Ducenorum et ampli-
us miliarium spacium, et per plura flumina, ipsi etiam Principali Conditori tunc
ignota habentia nomina, pro ea tempestate eundum erat vicinis. Quaequidem
regio Orientalis ab uno nepotum Liech qui Rus vocabatur, post plures aeta-
tes inhabitata et populata, Russia nomen accipiens, in latissimas ditissi-
masque Prouincias, regiones, et vrbes creuit, quas in praesentiarum cernimus,
ubi Sabellorum, Mardurum, et aliorum nobilium animalium pelles, quas vici-
nae solitudines producunt, pro summa opulentia habentur. Quarum incolae
ipsarum pellium delicatarum decora ingredine, licet tenuem et inopem ha-
beant conuictum, ditissime vestiuntur. A meridie Alpes quae Pannoniam
perpetuis iugis determinant, et usque in mare Leoninum porriguntur, et in mul-
ta spacia porrecta magnam longitudinem et latitudinem conficiunt, Polono-
rum tamen Principum per longas aetates et successiones regebantur et pare-
bant imperio. Ad quod nonnullorum Priscorum Scriptorum euidentis testimo-
nium potest adduci. Ptolemaeus enim Historicus et veterum gestorum scru-
pulosus indagator scribit. Quod anno Martiani Imperatoris tercio, qui cir-
ca annum incarnationis Domini Quadringentesimum quinquagesimum Octa-
uum imperauit, surrexit in Polonia Princeps, qui Bulgaris Mesianisque impe-
rabat, volens etiam in Hungaria dominari. Hunc Hungari variis muneri-
bus allectum, explorata illius diminuta potentia, improvisum aggressi, cum

tota militia peremerunt. Ab occidente Germaniam, quam à Polonorum
Prouincijs Alba siue Labia fluius interfecat. A Septentrione mare O-
ceanum, Datiam, Suetiam, et Noruegiam, ac ultima terrarum ipsis etiam
incolis tunc inaccessibilia, freto superato ostendens ~

*Vnde dicuntur Lechitar Poloni, Vandali, Scithar,
& Germani, et de Russ opinio, à quo Russia ~*

Quamuis autem à primo Principe et Conditor Lech, regio eius Liechia
et gentes eius Lechita appellatae sunt, quia tamen in plerisque locis
camporum planicies ad serendum aptae, recenti cultorum diligentia et
industria, in breui tempore excisione nemorum auctae, et in similem planiciem
reductae, speciem naturalium quasi camporum praeberunt. Lechita et ii prae-
sertim qui in campestribus habitabant, et à ceteris cognatis et familijs qui
syluis insederant, et à vicinis gentibus in circumhabitantibus Polianye
id est campestris tam frequenti usu et appellatione vocati sunt, ut veteri
nomine abolito, tam gens quam regio generali iam et usitato vocabulo Polonia
etiam à Scriptoribus aliquibus nominetur. Vicina tamen nationes et prae-
sertim Ruthenorum quae in suis Annalibus, de stirpe Principis Lech artas
se esse gloriantur Polonos et eorum regiones Liechitas appellant in hunc
diem. Apud Sclauos quoque, Bulgaros, Caruatos, & Hunnos eadem adhuc
manet appellatio, licet et in plerisque locis à nonnullis Authoribus intitu-
lentur et scribantur Vandalitha à fluvio Vandalo, qui idem quod Visla est,
quod ipsius quoque fluminis principalitatem signat. A veteribus autem Scri-
ptoribus et Historiographis Sarmatia Europea appellatur, et tam Poloni quam
Rutheni Sarmatae nominantur. Idque reor iustum et verum, quod Polonis et
Ruthenis indidit antiquitas vocabulum. Vnde et Alpes quibus contermi-
nant Sarmatici ubique ab Authoribus inscribuntur. Scythas plerique nonnul-
li Germanos parum iusto vocant cognomine, quod omnis ea regio, quae inter
Thanaim et Albam ac Istulam flumina est posita Scythia nominatur à Scri-
ptoribus, quam cum processu temporis Poloni et Rutheni populandam introi-
sent, Scythae et ipsi à nonnullis vocati sunt. Et quoniam Istula Scythiae
et Germaniae tenens confinia, in Polonorum medietate decurrit, et à sui fon-
te siue ab ortu usque ad occasum nulla gens alia quam Polonica illum incolit
atque populatur, Poloni etiam esse Germani existimantur et vocantur. Assere-
re nonnulli eam rationem conantur, Russ non Lechonis nepotem sed Germa-
num extitisse, et secum una atque Czech fratre tercio ex Caruatiā egres-
sum, amplissima Russorum Regna, quorum Kiouia caput et metropolis est,

et quæ Dniestr, Niepr, Niemen, Pruth, Slucz, Styr, Strucz, Smotricz Szereth, amplissimis irrigantur amnibus, populasse, et terminos suos ultra Nouogrod, auro, argento et pellibus ditissimam et notissimam, inter paludes et stagna sitam Russia Ciuitatem ad fines propè terra dilatasse. Quæ scriptorum de origine Ruthenorum varietas, plus obnubilat eorum originem quàm declarat ~

*Ruthenorum Principem Romam & totam Italiam
quatuordecim annis possidentem Theodoricus
Gothorum Rex necauit, et Regnum Italiae obtinuit ~*

AB eo quoq; Russone, primo Russiae patre et populatore, Odonacer Ruthenus stirpem et genus ducens, cum Ruthenorum copiis sub Anno Natiuitatis Christi, Quingentesimo Nono, sub Leone Papa primo, et Leone primo Imperatore, in Italiam adueniens, capta Ticinio et ferro atq; igne destructa, Orestum captum capite damnans, et Augustulum qui Imperium occupare præsumpserat effugans, Romam urbem victor cum suis ingressus, totius Italiae Regnum, nullo inquietare audente possedit. Quod cum per annos quatuordecim in summa pace et ocio gubernasset, Theodoricus Gothorum Rex per Bulgariam et Pannoniam in Italiam magna fatiga pertingens, dum non longè ab Aquilegia in pascuis uberrimis se et copias suas reficeret, Odonacer cum totius Italiae viribus ipsum illic inuadens, à Theodorico et Gothicis contritus est. Qui cum paucis fugiens, Romam à populo ingredi velitus, Rauennam se recepit, quem triennali obsidione in Rauenna maceratum, et conditionem facere coactum, Theodoricus cepit necauitq; et Regnum Italiae à Ruthenis ereptum in se Gothosq; transtulit ~

Lacus Poloniae præstantiores ~

Fluuiorum Polonicae utcumq; pro qualitate laboris assumpti potuerant à me, tam ubi oriuntur et emergunt, quàm ubi exonerantur et decidunt, describi descriptione expedita: ad describendum Lacus famosos, qui in Polonica regione et Prouinciis sibi subiectis consistunt, animi inflexi, qui et ipsi vel flumina generant, vel ex fluminibus gignuntur, aut quod plerisq; contingit, per flumina fecunditatem et incrementum consequuntur. Esto quod cernamus plures lacus absq; incremento, aut sorbere ingentia flumina, aut tanquam hospites iuxta suscipere ac emittere. Appellantur autem lacus aquarum, grandis congeries, ex occultis terræ meatibus in unum defluens atq; consistens locus: multa commoda mortalibus

Subministrans. Et quamvis nonnulli lacum à Stagno plurimum asserant dif-
ferre, et parum concinè putent stagnum lacum, et lacum stagnum (quemadmo-
dum dictiones ipsas p uno et eodem significato Scriptorum solet committere
auctoritas) nuncupari. Cùm lacus viuas undas in se habeant, stagna vli-
ginosas, putres ac olidas, ac tetrum odorem spirantes. Nos tamen quonia
ita fert Polonorum et RVthenorum locutio, qui nulla distinctione facta,
vno vtuntur pro altero, lacum à stagno non sequestrabimus. Non est autem
mibi animus omnium Poloniae lacuum et ceterarum orarum Regno subiecta,
nomina et situs describere (esset enim ingentis et difficilis opus laboris,
quoniam cùm regio Polonica et terra sibi subiecta situm habeant bassum,
et Oceano Sarmatico p maiori parte confrontatum, frequentibus et penè
innumerabilibus lacubus referta est). illustriores itaq; et magis famatos
satis erit attingere. Et quoniam lacus Goplo adeo vniuersali Polonorum
consensu grandis et famatus est, vt rem aliquam grandem significaturi Po-
loni ex lacus praedicti magnitudine per nomen Goplo diffiniant, huic et nos
pro sui merito et pro nominis appellatione inter lacus Polonicos Principatu
tribuemus ~

GOPLO in Prouincia Maioris Poloniae lacus amplissimus et Polonis cele-
berrimus est, piscium multitudine adeo facundus, vt in vicinia quaeq; capti
in eo pisces quadrigis delati, sufficientiam vel potius abundantiam mortali-
bus subministrans. Hic apud oppidum fontis sui nominis Notesz ex fontibus
scaturientibus exortus, iamq; illic ubi exoritur continuo grandis et profun-
dus tam longo latoq; tractu diffusus, vt maris speciem visentibus repræsen-
tet. Nam medium miliare in latum quinq; in longum protenditur, et deinde
circa Castrum Sarsen non mediocrem de se emittit fluvium, qui Notesz ap-
pellatur, ex suo generatum et profluentem utero, piscium genera in illo gusta-
tu et specie, quàm in alijs lacubus praestantiora ~

CZARTHORIA Lacus propè Castrum et Oppidum Nouae Ciuitatis Kor-
czin, et ex fertilitate piscium, et ex conditore suo Cazimiro Secundo Polonorum
Rege insignis, qui duorum fluuiorum Istulae et Nidae alueis aliorum per indu-
striam inductis, lacum perpetuum et satis protensum, qui ab vtroq; fluuio tam
undis quàm piscibus facundaretur, constituit ~

SWIECZIEHOW Lacus ppè villam Epalem Crae Swiecziechow, à quo
et denominationem accepit consistens, fontes perennes in utero suo ebullen-
tes habet. Esto quod etiam nonnunquam ex Visla flumine non longè decurren-
te irrigationem accipiat ~

SLIESZINO Lacus, oppido sui nominis imminens, ex monte Przewloki ortus, quatuor miliaria Polonica in longum quartale miliaris in latitudinem conficit, et fluvium Goplienicza ex se circa villam Gappa parturiens fluvio Varta apud villam Morzislaw miscetur ~

POWIDZ Lacus ingens Oppidum sui nominis Powidz irrigans, tria miliaria in longum unum miliare in latum conficit ~

BAN supra oppidum Dolsko lacus ingens, plures lacus in se in quamlibet partem gignens ~

LIEDNICA amplissimus lacus maioris Poloniae, cuius initium circa villam Drzonek, plures lacus ex se minores emittens, duobus miliaribus a Robiedziska Oppido situs, Insulam non mediocrem habens in sui corpore, in qua Gnesna Ecclesia Metropolitana primum a veteribus memoratur magis quam scribitur fundata fuisse. Quod murorum ruinae et reliquiae testantur. Et processu temporis propter difficultatem accessus Gnesnam translata. Duo miliaria et amplius in longum conficit ~

BLANDNO Lacus amplissimus Maioris Poloniae, qui amplitudinem lacus Goplo asseritur superare, oppido Ebaszin impendens piscibus uberissimus, quem fluctus Odra apud oppidum Koszin ortus, a principio usque in finem irrigat. Anguillas plures numero gignit ~

NIEZAMISL Lacus magnus maioris Poloniae, non longe a fluvio Varta, qui et oppido a quo sumit exordium dedit nomen, qui usque ad oppidum Glusina decurrit, odiosus Cruciferis de Prussia, qui ad illius litora per Marischaicum Poloniae in villa Polowicza profligati sunt ~

WONIESKA magnus lacus Maioris Poloniae, cuius initium penes Oppidum Osieczno, et finis usque ad villam Kurzagora protenditur, et illic fluvio Obra miscetur ~

DOMINICZE Lacus ingens Maioris Poloniae circa oppidum Brenno sumens initium, et apud Monasterium Przementh terminatur.

PCZOWO Lacus magnus Maioris Poloniae qui et oppido ad rippas suas residenti nomen dedit ~

LVBSTOVO Maioris Poloniae lacus magnus circa villam sui nominis

consistens, quem fluvius Goplieniczka irrigat, et ad duo miliaria in longum protensus, latitudine vero coartatur ~

TVLANVS Lacus Maioris Poloniae, villa ex se denominata nomen dedit, unum miliare in longum conficiens, circa Oppidum Pakoscz terminum sumens, fluvio ex oppido Gembicze decurrente, rigatus ~

IELIEN Lacus circa Civitatem Gnesnensem consistens, magis Civitate Gnesnensi quam suo situ insignis ~

DRAWSKO Lacus ingens Maioris Poloniae, continens in ambitu suo septem miliaria Germanica, piscibus facundus, a Drawa fluvio qui illum irrigat cognomen sortitus, qui et arcis insigni sibi impendenti nomen dedit Drabim ~

NOBLINI Lacus Maioris Poloniae prope Castrum proxime nominatum Drabim consistens, tria miliaria in longum quartale in latum conficit ~

KRAMPSKO Lacus Maioris Poloniae, quatuor spatiis divisus prope Walcz consistens, tria miliaria in longum quartale in latum conficit ~

Lacus terrae Lublinensis ~

IEDLINO Lacus circa Civitatem Lublinensem in borra consistens, cui villa eiusdem nominis a lacu sortita vocabulum imminet, medium miliare in longum, et dimidium in latum conficiens ~

CZARNE Lacus terrae Lublinensis, alius ab illo qui in terra Chelmensi consistit, ab oppido Parczow duobus distans miliaribus, in omnes partes se aequaliter porrigens, medium miliare in quamlibet partem conficit ~

RACZNO Lacus terrae eiusdem prope villam Koliczbowicze situs, unius quartalis miliaris continentem in omnes partes habens ~

GLAMBOKIE Lacus terrae Lublinensis, qui superiacet villa Vstunow a lacu cognominata, ex rotunditate sua ad quartale miliaris aequali tenore porrectus ~

ROSKOPACZOW Lacus terrae eiusdem, iuxta quem villa appellata Roskopaczowska volia consistit, miliare unum in longitudine, medium in latitudine habens, fluvium ex se sui nominis emittens, qui fluvio Tiszmienica miscetur ~

DRZASTHOW Lacus terræ Lublinen' propè villam Lanczna consistens
medium miliare in longitudinem, quartale in latitudinem conficiens ~

TRZACZANO Lacus terræ Lublinensis in borra propè villam Lan-
czno consistens, Sphericum habens corpus cuius longitudo et latitudo
quartale miliaris non excedit ~

NADOSZ Lacus terræ Lublinen' non longè ab eadem villa Lanczno
positus medium miliare in longum, quartale in latum conficit ~

OSTWISZ Lacus terræ Lublinen' non longè ab eadem villa Lanczno
consistens, medium miliare in longum, quartale in latum conficit ~

BYESCZE Lacus terræ Lublinen' duobus miliaribus distans à Lan-
czno, quartale miliaris in longum, et dimidium quartalis in latu conficit.

Lacus terræ Cuiaviensis ~

BIELSKO Lacus terræ Cuiavien' circa villam Bielsko, à quo et vil-
la derivatum est nomen, singulares. et qui raro in alijs Polonicis reperiri-
tur lacubus pisces, quos Sziolucze nominamus, sapidi saporis gignens, me-
dium miliare in longum conficit ~

BRDOW Lacus terræ Cuiavien' inter Klodauam et Isdbiczam oppi-
da consistens, medium miliare in longum conficiens ~

LVBOTHIN Cuiavien' terræ lacus eiusdem nominis villam irrigans, in
fluvium Notesz amnem ex se cadentem emittens, medium miliare in lon-
gum conficit ~

THVR Lacus terræ Cuiavien' magnus alius à priori, non longè ab oppi-
do Bidgostia situs, piscium qui Kleseze vocantur multitudine repletus
medium miliare in longum conficiens ~

ORLIE Lacus terræ eiusdem, Ep'i Cuiavien', amplitudine sua insi-
gnis et piscibus facundus fluvium Zgowiatka ex se emittens, miliare unu
in longum conficiens ~

KRZEWIATKA Lacus terræ eiusdem magnus, non longe ab oppido

Regio Kowalie situatus medium miliare in longum conficiens ~

LANCZKO Lacus terræ eiusdem Ep̃i Cuiaviens, haud longé ab oppi-
do Pakosetz, à fluuio Notesz dum iam lacum Goplo liquisset generatus,
unum miliare in longum conficiens, latitudine verò parum extensus ~

PTVR lacus terræ eiusdem, cui villa à lacu denominata imminet,
unum miliare in longum, quartale in latum conficiens, irrigatione flu-
minis Notesz facundus ~

BORZIMOWSKI Lacus terræ Cuiaviensis ad unum miliare in
longitudinem extensus ~

Lacus terræ Pomeraniæ ~

LEBSKO Lacus magnus Pomeraniæ in terra et hæreditate Ep̃atus
Wladislauiens Charbrono consistens, à fluuio Leba qui illum influit
Lebsko appellatus, Pomeraniæ terram à Stolpen determinans ~

VSDZICZE Lacus Pomeraniæ amplissimus, continens ad longitudinē
quinq; miliaria, qui incipit propè Castrum Kischow, et protenditur propè
Castrum Tucholia ~

OSZIECZNO Lacus magnus Pomeraniæ propè Castrum Osziek si-
tus unum miliare in longum, medium in latum conficit. A quo Castrū
Osziek denominationem accepit ~

STWORZONA GACZ Lacus ingens terræ eiusdem, habens in
longitudinem septem, in latitudinem quinq; miliaria, non longé ab oppi-
dis, Tucholia, Schlochow, et Bythom habens situm, ex cuius utero fluuius
Brda consurgit ~

BORZECHOVO Lacus Pomeraniæ propè oppidum Staragrad, medi-
um miliare in Longitudinem, et quartale in latum conficiens ~

BIALA Lacus terræ Pomeraniæ propè oppidum Tucholia consistens, uni-
us miliaris in longitudine, mediū verò miliaris in latitudine. Ex quo la-
cus fluuius eiusdem nominis ortus, fluuium Wierziszta ingreditur ~

KRAG Lacus terræ Pomeraniæ in districtu Swecen' propè Oppidum Tucholia, medium miliaris in longum, in latum verò quartale miliaris conficiens ~

SVCHOM Lacus terræ Pomeraniæ in Districtu Swecen', quartale miliaris in longum et latum ex æquo conficiens ~

OSTROVICZE Lacus Pomeraniæ in Districtu Swecen' in longum miliare unum, quartale verò miliaris in latum conficiens ~

DESCZNO Lacus Pomeraniæ in Districtu Swecen' ad quartale miliaris se extendens ~

PIASECZNO Lacus terræ Pomeraniæ in Districtu Swecen' ad quartale miliaris protensus ~

STEKLNO Lacus terræ eiusdem propè villam Grodek consistens unum miliare cum medio in longum, in latum medium miliare conficit ~

MVKSCHA Lacus terræ Pomeraniæ propè oppidum Tucholia situs, æqualiter in longum et latum ad quartale miliaris porrectus ~

KREMPSKO Lacus terræ Pomeraniæ inter Schlochow et E mersztin situs, tria miliaria in longum, et unum miliare in latum conficiens ~

LVKAMIE Lacus terræ eiusdem propè Choiniczam situs, quinque miliaria in longum et unum miliare in latum conficiens ~

CHARZIKOWY Lacus magnus terræ eiusdem sex miliaria in longum, in latitudinem verò duo conficiens. Fluvius autem Brda, ex ventre lacus Krempsko se euoluens, primum lacum Lukamie ingreditur, et inde se extrahens tercio lacui Charzikowy influit, ubi victor effectus proprio alveo, notabile spacium terræ conficiens, in Vislam tandem exoneratur ~

Lacus terræ Chelmenis ~

SWITASCH Lacus magnus terræ Chelmen' circa villam sui nominis situs, quinque miliaria in girum, duo miliaria in longum, unum in latum conficiens, et optimos pisces forcipes Klezcze, produciens ~

SACZKO Lacus magnus terræ eiusdem binominus, alio enim nomine ab incolis vocatur Luczomir, sed propter villam cui est proximus Saczko nomine vulgariori appellatur. Fluvium ex se Luczomir sui nominis emittens, medium miliare in longum et in latum quoque conficit ~

THVR Lacus magnus terræ eiusdem, in omnes partes æqualiter porrectus, in longum duo cum medio, et in latum similiter duo cum medio miliaria conficit. Qui et villæ propè se consistenti nomen sui vocabuli Thur indidit. Rigatur et à flumine Luczomir, in eum ex Saczko decurrente, qui inde egressus, et nonnullos lacus ignobiles prætergressus, hæret in Przecz flumine.

BIALE Lacus magnus terræ Chelmen in solitudine inter duas villas Radstow et Wetlie consistens, unum miliare in longum, medium vero in latum conficit. Crassos adeo pisces klesze produciens, ut ex illorum adipe multa vasa impleantur aruina. Aqua vero lacus eius in mensibus Maio et Aprili corpora humana ingredine tingit et fuscatur, nec sibi per aliam aquam ingredo potest dilui ~

ORZECROW lacus magnus terræ eiusdem in borra vasta propè duas villas Samorouicze et Szodroczas consistens medium miliare in longum quartale miliaris in latum conficit. Rigatur à fluuio Luczomir, qui ex lacu Thur derivatus, illum ingreditur, fundit se in lacum propinquum qui dicitur Orzechowiecz ~

ORZECHOWIECZ Lacus terræ eiusdem in borra propè lacum Orzechow consistens, quartale miliaris in longum et latum conficit, Sphericus enim est æqualiter se in omnes partes porrigens, qui etiam à flumine Luczomir irrigatur, et inde se evoluens Ostrowie lacum ingreditur ~

OSTROWIE Lacus terræ eiusdem propè villam Niewyż consistens medium miliare in longum, quartale in latum conficit, Rigatur et ipse à flumine Luczomir, qui ex his lacubus paululum progressus fluuio Przecz se miscet ~

MSCHANE Lacus terræ eiusdem propè villam Zamorouicza consistens, quartale miliaris in longum, et dimidium in latum conficit, frequentissimos lapides, os silices habens in fundo, qui cum piscibus una detrahuntur in aridum ~

POLMO Lacus magnus terræ eiusdem, iuxta villam sui nominis Polmo consistens unum miliare in longum, medium vero in latum conficit ~

PIASECZNO lacus terræ eiusdem propè villam Liuboczina consistens mi-
liare unum in longum et medium in latum conficiens, fluvium Krzemianka
ex se amittens ~

SMOW Lacus terræ eiusdem à villa sui nominis iuxta quam consistit appel-
latus, montibus undiq; septus, in longum et latum rotundus, est enim aquali-
ter porrectus ~

KRZEMNO Lacus terræ eiusdem, cui sui nominis villa Krzemno super-
iacet, rotunditatem præseferens, et æquales latitudinis et longitudinis par-
tes habens. Rigatur à flumine Krzemionka qui in illum ex lacu Piaseczno
defluens, exinde in fluvium Przipecz decidit

LVKIE Lacus magnus terræ eiusdem propè villam Dubieczko situs, quar-
tale miliaris in longum et in latum conficit, quod ad rotunditatem declinat.

WIELKIE Lacus terræ eiusdem propè villam Polapÿ situs, quartale mili-
aris in longum et in latum propter sui rotunditatem conficit

CZARNE Lacus terræ eiusdem propè villam Saczko consistens, quartale
miliaris in longum et in latum conficiens ~

KINACZ Lacus terræ eiusdem, cui villa sui nominis imminet, medium mi-
liare in longum, quartale in latum conficit ~

OKVNIN Lacus terræ eiusdem propè villam Ostrow, quartale miliaris
in longum, dimidium in latum conficiens ~

PLOCZICZE Lacus magnus terræ eiusdem propè villam Wielbli consistens
medium miliare in longum quartale in latum conficit ~

STRZIBOSCH Lacus magnus terræ eiusdem, villæ Szodrogosze im-
minens, quem fluvius Przipecz irrigat, per dimidium illius decurrens, ro-
tundus est et æqualiter in omnes partes porrectus ~

WIECZINNO Lacus terræ Chelmen propè Oppida Chelmza et Kowa-
lie situs, unum cum mediò miliare longus, et medium latus ~

Lacus terræ *Russiar* ~

NOBEL Lacus magnus terræ Russiæ in Districtu Pinsko consistens quæ
fluvius Przypiecz rigat, et facundum efficit in piscibus ~

OLBIASCH Lacus magnus terræ Russiæ in Districtu Pinsko, quem
idem fluvius Przypiecz undis et piscibus locupletat ~

ORZECZOW Lacus magnus terræ Russiæ in Districtu Brzesten' alius à
priori, qui et ipse à fluvio Krzna, piscibus valdè facundo, rigatur ~

Lacus terræ Prussiæ ~

DRVSZEN magnus lacus Prussiæ, propè Elbing Ciuitatem, quatuor milia:
ria in longum duo in latum protensus ~

S PERDENI Lacus ingens terræ eiusdem, circa oppidum Liecz, septem mili:
aria in longum, medium in latum diffusus ~

HANNVS BORG Lacus terræ eiusdem, ab oppido eiusdem nominis circa quod
consistit, trahens vocabulum, quatuor miliaria in longum, vnum verò cum dimi:
diò in latum conficiens ~

PARTHECZINO Lacus Culmensis propè Castrum Barthian situs, tria mi:
liaria in longum duo verò in latum protensus ~

MALDESSE Lacus terræ Culmensis inter Radzim et Rogozno oppida consi:
stens, qui vnum miliare in longum quartale in latum conficit ~

DAMBROWNO Lacus terræ Prussiæ oppidi sui nominis muros ambiens,
vnum miliare in longum quartale in latum protensus ~

MELNO Lacus terræ Prussiæ propè oppidum Gronfeldt situs, vnum miliare
in longum quartale verò in latum conficiens ~

LVBNO Lacus terræ Prussiæ propè oppidum præfatum Gronfeldt situs,
vnum miliare in longum quartale verò in latum protensus. Vterquè autem lacus
prædictus vzt Melno et Lubno, Cruciferis de Prussia cæterisque Almanis
odiosus et execrabilis est. In eorum enim meditullio per Polonos et eorum Re:
gem Wladislaum secundum magna cæde profligati sunt.

SCHEILANG Lacus terræ Prussiæ propè oppidum Osterrod consistens, qui circa villam Schenberg exortus, quinq; miliaribus in longum, quartale verò miliaris in latum diffunditur ~

GESZTRYTH Lacus terræ Prussiæ à villa Ikschane usq; ad oppidum Gilana protensus, quinq; in longum miliaribus uno verò in latum diffusus est ~

STAWANTH Lacus terræ Prussiæ propè Oppidum Koger consistens, duo cum dimidiò miliaria in longum quartale verò in latum conficit ~

LİK Lacus terræ Prussiæ, duo miliaria in longum, quartale verò miliaris in latum conficiens ~

Lacus terræ Lithuanie ~

B ERSTHI Lacus terræ Lithuanie medium miliare in longum conficiens fluvium ex se gignens qui vocatur Kotpha, facundus piscibus, ut nullus in Lithuania eo sit facundior. Illic venationes bisontium et cervorum Regi, et Curia eiusdem nominis ~

DVBICZE Lacus Lithuaniae, cui oppidum à lacu denominatum Dubieze imminet, et quamvis quatuor videantur lacus, unam tamen habent denominationem, quoniam etsi paludes quædam illos intersecant, undæ tamen illorum simul mixta, omnem altercationem dirimunt ~

Notandum insuper est ~

Vod à lacu seu palude insigni triginta miliaribus supra oppidum Smolensk. versus Novogrod sito, oriuntur tres fluvii de quibus in superioribus mentionem fecimus. Primus Dzwina qui vadit in Rigam versus Oceanum. Secundus Volga, qui creditur esse fluvius Poricus, super montem Thanais vadit, et intrat mare Caspium, quem fluvium Scythæ Persæ, Græci Pyrethon, Poloni et Rutheni Volgam appellant. Tercius Dniepr qui in Latino et Græco vocatur Boristhenes, et intrat mare Ponticum circa Castrum Czarnygrod. Item Dniestr fluvius in Latino et Græco vocatur Thirsannis, et dividit Sarmatiam à Datia, quam beatus Augustinus Antiquam vocat, et quæ quondam fuit Regnum Gothorum ~

ITEM montes Pannonie inferioris qui habent ortum à monte Carpelbe in

Mathaneste, quam vocamus Valachiam, nominantur Sarmatici, et Valachi
vocantur omnes ^{montes} gentes Germaniae usque ad fluvium Rhenum propter earum
ortum. Ex montibus autem illis Sarmaticis oriuntur tres alii fluvii nota-
biles et insignes. Istula atque Visla, Guttalus atque Odra, et Alba siue iuxta
antiquos Albis alias Labia ~

ITEM ex Sarmatia praefata egressae sunt gentes ea, quae possederunt
Scandiam, et novam Datiam, quae dedit ortum Teutonis, Vandalis, Gothis,
Longobardis, Rugis, et Iepidis, quos vocant aliqui Cymbrs, quos hodie voca-
mus Pomeranos. Illa autem Sarmatia occidentalis, ortum habet a Sarma-
tia orientali quae est infra mare Caspium, et habet ortum a Saruth, qui
fuit quartus ante Abraham de Sem ~

Lacus terrae Dobrzinensis ~

GORZNO Lacus terrae Dobrzinensis amplitudine et fecunditate piscium
insignis Episcopi Plocei a fluvio irrigatus ~

MOKOWO Lacus magnus terrae eiusdem non longe ab oppido Dobrzin situs.

SKAMPSKO Lacus terrae eiusdem non longe ab oppido Lipno situs ~

Lacus terrae Belzensis ~

BRZIMICZE Lacus terrae Belzensis, medium miliare in longum quartale
in latum conficiens. In quo propter sui profunditatem difficilis est piscatura,
singularem ab aliis lacubus secretam habens naturam. Nam certo tempore
aliquando infra triennium, aliquando infra biennium, magno edito mugitu
et fluctibus intumescantibus, concussus in montem petrosum sibi contiguum,
per cavernas occultas et subterraneas ingreditur. Et paucissimas undas
in alveo suo relinquens, multitudinem piscium facile a piscatoribus concluden-
dam et comprehendendam reliquit ~

Descriptio montium Poloniae ~

Q Vamvis autem Polonicum Regnum pauciores quam caetera Climata mon-
tes habeat, ut potest quod in planiciebus et campesribus situm primum
sui nominis et principalem ab illis accepit denominationem, habet tamen
quam plures montes tam saxeos quam terreos, quorum insigniores describemus.

Pro sui autem fama et celebritate Caluariam proponemus omnibus et Prin-
cipem, ut est, aliorum constituemus, cui Wawel subnectens, quoniam apud illu-
summam rerum consistere, et Regiam illi imponi concessum est ~

CALVARIA mons excelsus est in terra Sandomiriensi, oppido Opatow
propinquus, assiduo penè rigens frigore, et frequentes niues, nebulas et plu-
uias producens, scaturientes in plerisq; locis habens fontes, famosissima quon-
dam, si veteri et vulgata assertioni standum est, Cyclopum, quod et ingentes
acerui lapidum testantur, ex arce quam monti imposuerant ruinati, nunc vero
religiosorum virorum sub Regula Scti Benedicti militantium, habitatio. In-
certum à quo Cyclopum, et quo tempore arx tanta, tot parietum continens lon-
gissimas et tam grandes auro suo moles, sumptu tam magnifico extructa fue-
rit. Cuius monstrofi ædificiū, monstrosam lapidum congeriem, atq; ruinaru
aceruos ingentes, neq; vepres dumosaq; germina, nec arbores frequentes aut
musci potuerant contegere. In arcis locum succedente Monasterio, à Magno oti
Boleslao Polonorum Rege ex petra superædificato, in quo ligni Domini, magna
mortalibus beneficia conferens, notabilis habetur portio, à Beato Emerico filio
beati Stephani Hungaria Regis, monente per visum Angelo, illic relicta. Ob
quam rem locus ipse in celebri habetur reuerentia, et in assidua mortalium, suis
necessitatibus succurri, per virtutem Sctæ Crucis deposcentium, frequentatione.
Qua in re altitudinem Diuinæ providentiæ, et eius dispensationis mira opera libet
admirari. Nam qui pro salute humani generis pati dignatus est in monte Cal-
uaria, is lignum in quo paciebatur, pro salubritate et consolatione Polonorum in
monte eiusdem appellationis voluit consistere. Accessit ad hæc admiratio am-
plior. Nam cum Lithuani ea tempestate gentiles et idolatra, clandestino incur-
su Regnum Polonia irrupissent, et spoliato prædicto Monasterio, etiam lignu
salutifica crucis in suam terram apportaturi rapissent, prius quàm Sandomirien-
regionem egredierentur, quadriga in qua lignum sacratissimum rebebatur, substi-
tit, nec ab equis aut bobus stupentibus barbaris mouari potuit, ingens illic pestis
exorta, maxima strage tam homines quàm pecora absumebat. Quo malo Lithua-
ni perterriti, consilioq; Polonorum quos captiuos ducebant usi, lignum Domini,
cum in locum suum detulere. Et illic omnis pestifera vexatio, non secus quàm
quondam post interceptionem et restitutionem Archæ à Philistæis conqueuerit ~

WAWEL mons saxeus, qui à Visla fluuio cursu præcipiti alluitur in quo et Ba-
silica insignis Martýris famosissimi Beati Stanislai, et prima præcipuaq; Polono-
rum arx Crac, atq; Regia sita est. Videntur autem etiam in diem hanc in monte
ipso plures specus aut cauernæ, seu antra latebrosa, in quibus Draconem et bellua
mira magnitudinis habitasse, et incolæ loci magnis incómodis affecisse, lris et
fama vulgatum est ~

CZESTOCHOVA, qui et clarus mons propter Monasterium in eo situ
et Ecclesiam Beatae Mariae virginis, illic superaedificatum, meruit appella-
ri. Ad quem frequenti et annua deuotione fit concursus, propter eiusdem
Beatae Mariae Virginis, quae illic ostenditur, imaginem, quae vel à beato Lu-
ca Euangelista, vel ad instar saltem imaginum quas pingebat aestimatur for-
mata ~

KONIYSCHA qui et Equirea in Latino appellatur, Oppido Proschori;
cuius mons imminens, Ecclesiam parochialem superaedificatam habens, ab euen-
tu raro et mirabili nomen sortitus est. Nam cum miles quidam Polonus genere,
de Domo et familia Srzeniauitarum Przibyslaus nomine, illum aliquanto tem-
pore constructa illic aede, cum coniuge et liberis inhabitaret, in una noctiu
eques rarae magnitudinis, quem miles ipse ad facundandum equarum partus uni
Pannoniorum Satrape, triennio iam exacto vendiderat, ducens secum frequen-
tem equarum, à se ex Pannonia depulsarum gregem, quem noctibus tantummodo,
(ne dies furtiuum depræhendisset ex Pannoniis discessum) notatus est condu-
xisse, aduenit, et ungula pedis domum et portam Heri quondam sui, ac blando
hinnitu, quo aperiretur, pulsare cepit. Cuius crebra in portam percussione et
hinnitu sibi multipliciter noto, miles Polonus excitatus, et à somno expergesci-
tus, primum quidem Hostiles verebatur insidias, deinde vero cum per diligen-
tem explorationem omnia pacata esse agnouit, nouo hospiti portas aperuit, et
secum unam maximam equarum et pullorum subiugaliū, ex quo breui locuple-
tatus est, accepit gregem. Qui muneris sibi præstiti gratum se suo Auctori Deo
ostendens, Ecclesiam ex cocto latere monti imposuit, dotemque præstitit ~

THINIECZ mons fluuio Visla suprapendens Arcem continens et Monaste-
rium Canobitarum Scti Benedicti inter omnia Monasteria Regni primum
et insigne ~

GOLIESCH mons fluuio Visloka imminens, in quo arx eiusdem Monasterii
de quo immediate egimus Thiniecen ~

LIVOCZ mons non longè ab oppido Kolaczicze et eidem oppido imminens.

MRVKOW mons petuosus et altus, oppidum Zmigrod prospectans arcis vetu-
stae monstrans vestigia

CHENCZIN mons arcem habens cum oppido sui nominis sibi superimpo-
sitam Lazuri et aris tam ex se quam per circuitum ferax ~

RABSCHTIN mons saxeus arce insignis et oppido Ilkusch propinquus,
habens in circuitu solum plumbi venis facundum ~

PELCZISKA mons uno militari a Vislicien oppido distans. Ecclesiam
superædificatam ex petra habens, et villæ Episcopali Crac' sui nominis
imminens ~

BABA mons altissimus supra fluvium Sola, herbas multifarias germinans
et oppido Ziwiecz imminens ~

DZIEWKA mons quem fluvius Sola alluit ~

IAWORNİK mons in Oszwieczimensi regione, in quem ferax sylve,
strium ferarum hoc est Ceruorum et Damarum fit concursus ~

SKRZECZNO mons in Oszwieczimen' trā, in quo alites omnium gene-
rum constat habere conuentum, a torrente Kosboroua alluitur ~

SADLNİK mons Oszwieczimensis excelsus, ex quo torrens Kosboroua erumpit ~

SVCHA mons supra fluvium Sola non longè ab oppido Ziwiecz ~

SOLA mons sal gignens, et salsos gurgites emittens, a quo Polonico idyō-
mate vocabulum sortitus est. Sal enim Poloni sua lingua sol appellant, in trā
Oszwieczimensi situs ~

ZARNOWKA mons Oszwieczimensis, qui torrenti subter se fluenti no-
men dedit ~

OSSOBITHA mons Oszwieczimensis, torren' sui nominis Osobiti generans.

WIELKA PVSCZA. mons terra eiusdem oppido Kanthi imminens ~

WOLEK mons duos habens subter se torrentes, et in vertice arcem fortem
et munitam ~

Montes terræ Russiæ ~

KOBRZIN mons altus in terra Russiæ, quem fluvius Muchowiecz am-
bit oppido sui nominis Kobrzin imminens ~

CHELM mons altus à quo terra Chelmenfis denominationem accepit, cui
arx supraposita est ~

KRZEMIENIECZ mons altus in terra Podolia habens arcem fortem in sui
vertice, totus saxeus, silices frequentes producens, à quibus monti nomen in-
ditum est. Poloni enim et Rutheni silicem Krzemien appellunt ~

HALICZ mons altus terræ Halicien' argillosus, qui à fluuio Dniestr allui-
tur, cui arx superimposita est. Dedit regioni et arci nomen ~

LISSA GORA mons altus Civitati Leopoliē' imminens in terra Rusiæ
in quo arx magna et Regia quæ alta consuevit appellari, sita est.

POTHILICZ mons altus terræ Belzensis, qui à fluuio Potbiliczka allui-
tur, Oppido sui nominis imminet, in quo quondam arx notabilis, quemadmo-
dum fossata profunda demonstrat, fuit ~

Mons terræ Siradiensis ~

CHELM mons terræ Siradien' alius à priori totus saxeus, villæ sui nomi-
nis superiacens, non longè ab oppido Przedborz situs, tanta altitudine emi-
nens, ut Sandomiria, Olsehtin, Czeszobouia, Piotrkow, Caluaria, et plura
alia oppida ex eo claro die spectentur. Ecclesiam habens Comite de Skrzin
muralam, et septem fossatis profundis videtur cinctus ~

Montes maioris Poloniae ~

RZERZYCHOVA mons Maioris Poloniae non longè à fluuio et Oppido Var-
tha, excelsum habens verticem vicinas prospectantem Ciuitates ~

THVRZA mons Maioris Poloniae non longè ab oppido Gromadno, syluis et
borris obsitus, statius quas illic Maioris Poloniae exercitus habuit aliquot
hebdomadis, expectans importationem Coronarum, quas Romanorum et Hun-
garorum Rex Sigismundus pro Vitoldo Duce magno Lithuaniae et consorte
sua Iuliana, Regnum Poloniae laesus, transmiserat, insignis ~

ZIRKOW mons Maioris Poloniae altus non longè ab oppido Pyzdri situs,
quem fluuius Luthnia præterfluit, ex quo Posnania et cæteræ Ciuitates
Maioris Poloniae claro die spectantur ~

GIECZ mons magnus et latus inter Gnesnam et Posnamiam situs, ubi quondam Ducalis arx habebatur, hodie verò habetur Ecclesia ~

BIESKOD mons propè Castrum Sobien terras Polonicales à Pannonicis distinctans. In illius enim vertice situatus est lapis Ruthenicis inscriptus literis, et à Leone Duce quondam Russiae locatus, limites Regnorum Poloniae et Hungariae demonstrans. Ex hoc monte ad eius verticem ii fluvii insignes et memorabiles orti consurgunt, vñt Niestr, San, Strii, et Czissa, et in subiectas regiones vñt Poloniam, Russiam, et Pannoniam diverso itinere ex ipsa montis summitate franguntur ~

NICZKO mons terræ Plocensis propè Sarnow et Radzanow Oppida consistens quem fluvius Wkra alluit. Sub tempore guerrarum munitus à Cruciferis, sed à Masovia militibus expugnatus, omnium Cruciferorum desiderio aut capto praesidio

NOTANDVM. Quòd montes Pannoniae inferioris, qui sunt circa Danubium vocantur Sarmatici, qui habent ortum à monte Carpatho in Methaneste quam vocamus Valachiam. Et tali nomine vocantur omnes montes Germaniae usq; ad fluvium Renum propter eorum ortum. Ex montibus autem istis Sarmaticis oriuntur tres fluvii notabiles et insignes vñt Istula atq; Visla, Guttalus siue Odra, et Alba siue iuxta antiquos Albis aliàs Labia ~

ITEM ex Sarmatia praefata egressae sunt gentes eae, quae possederunt Scandiam et novam Datiam, quae dedit ortum Teutonis Vandalis, Gottiis, Longobardis, Rugis, et Iepidis, quos vocant aliqui Cymbros, quos hodie vocamus Pomeranos. Illa autem Sarmatia occidentalis, ortum habet à Sarmatia orientali, quae est infra mare Caspium, et habet ortum à Saruth, qui fuit quatuor ante Abraham de Sem ~

*Lech Metropolim Gnesno fundat & in ea
sedem suam Ducalem ponit. Et quos Deos Poloni
adhuc Idolatrorum illis temporibus coluerunt.*

Aliquanto autem tempore Lech Lechitarum parens, vir sapientia, industria, fortuna et vitae integritate praestans, etiam si natura eam illi excellentiam non contulisset, facile illius aetatis illiusq; gentis Princeps, regionem novam girans et speculans, saepiusq; cum suis examinans et

deliberans, quisnam locus pro sua habitatione et pro fundanda Principatus sui sede esset, aptior, campestres planicies, fecunditatem soli, et clementia auræ præseferentes, quas plures vicini lacus suapte nati ambiebant, ex quibus quasi eorum generati vtero perennes amnes prodibant, piscium salubritate et abundantia fertiles, reperiens, stativa sua illic ponit, et tam ipsius Principis Lech quam omnium natu maiorum, qui sub eius consistebant imperio, decreto, locus ipse placuit et electus est pro prima Regni sede et urbe. Eiq; Lechiticum siue Polonicum nomen Gnezo ab euentu impositum est, quod in vulgari sonat nidum. Ibi enim primū Princeps et parens Polonorum Lech stativa figens, peregrinari desit, et illic sibi et omnibus suis natu maioribus nidificandum, et sedem Ducalem figendam et manendam esse decrevit. Illic quoq; in altis et proceris arboribus aquilas nidificasse comperit. Ibi veteri ritu Diis patriis sacrificio celebrato, quo Principi et suæ posteritati Regnum stabiliant, valintq; illi et genti suæ propiciū, tam operum quam bellorum Duces, ac bonorum consiliorum auctores esse, plurimis iugulatis hostiis litauit. Cerealia etiam frumenta noua virginaliq; terræ, primū aratri dolabro violatæ inserta sunt, cū antea rostro fuerit intacta, nec ullis saucia vomeribus. Conditā autem noua urbe, et principalioribus familiis populata, arce insuper pro Principe, quo eius imperium etiam loci præeminentia à cæteris secretum veneratione ampliori colatur, extructa, omnis reliqua multitudo Principis ordinatione in colonias distributa, in varia loca uberiorem glebam et situm habentia deducta est. Propter terrarum enim diffusionem infæcundam, cogebantur noui cultores latè diffundi. Quo autem anno post confusionem linguarum Princeps prædictus Lech ex Slauonia Caruatiq; excesserit, et quo anno quouē tempore primū terras Polonorum populare ceperrit, parum apud Authores constat. Gessisse tamen Sarmatas cum finitimis et nonnullis aliis longè positis nationibus, ut cum Cæsaribus Romanis vñ Tiberio, Valentiniano, ac cæteris, bella, legimus. Et dum se Sarmatæ per Pannonias Romanis tunc subiectas, diffudissent, easq; vastarent, Valentinianum Imperatorem aduersus eos bella parantem fluxu sanguinis apud Strigonium extinctum esse. Carolū quoq; magnum cum Polonis bellasse, et Ducem eorum Lech superasse, Martinus Gallicus, ut in sequentibus narrabimus, auctor est. Constat autem Polonos ab initio suæ originis idolatras extitisse, et pluralitatem Deorum ac Dearum. Iouem, Martem, Venerem, Plutonium, Dianam, et Cererem, cæterarum gentium et nationum errore lapsos, credidisse coluisseq;. Appellabant autem Iouem Iessam lingua sua, à quo velut Deorum summo omnia temporalia bona, et omnes tam aduersos quam felices successus sibi credebant præstari, cui etiam præ cæteris Diis amplior impendebatur honos, frequentioribusq; colebatur sacris, Martem vo-

77.

cabant Ladam quem Præsidentem et Deum belli Poëtarum figmenta pronuntiat. Triumphos de hostibus et animos feroces ab illo sibi precabantur conferri, asperrima illum placantes cultura. Venerem nuncupabant Dzidzialam, quam nuptiarum Deam existimantes, prolis fecunditatem et filiorum atq; filiarum ab ea sibi deposcebant numerositatem donari. Plutbonem cognominabant Nya, quem infernorum et animarum dum corpora linqunt, servatorem et custodem opinabantur, postulabant se ab eo post mortem in meliores inferni sedes deduci. Quibus etiam delubrum primarium in Gnesnen Civitate, ad quod ex omnibus locis fiebat congressus, fabricarunt. Diana quoq; quod superstitione gentili fœmina et virgo existimabatur à Matronis et virginibus sexta simulacbro suo offerebantur. Ceres frumentorum grana sacris certatim ingerentium, à colonis et agriculturam exercentibus, colebatur. Habebatur et apud illos pro Deo temperies, quem sua lingua appellabant Pogoda, quasi bonæ auræ largitorem. Item Deum vitæ quem vocabant Zywie. Et quoniam Imperium Lechitarum in regione vastissima, sylvas et nemora continente, fundari contigerat, quas Dianam inhabitare, illarum nactam imperium, à veteribus perditum fuerat. Ceres autem mater et Dea frugum, quarum satione regio indigebat, finge batur Diana lingua eorum Dziewana, et Ceres Marzana, apud illos in præcipuo cultu et veneratione habitæ sunt. His autem Diis Deabusq; à Polonis delubra simulacraq; sunt erecta, et sacra instituta, flamines luciq; consecrati, in præcipuisq; et frequentioribus locis, venerationes et solennitates cum sacrificiis institutæ, ad quas mares et fœminæ cum paruulis convenientes, Diis suis victimas et hostias de pecoribus et pecudibus armentisq; nonnunquam de hominibus in prælio captis offerebant. Confusam enim ac popularem Deorum multitudinem placandam libaminibus crede bant. In eorum etiam honorem ludicertis temporibus anni decreti et instaurati sunt. Ad quos peragendos, multitudo utriusq; sexus ex vicis et agris in vrbes convenire pro diebus institutis iussa, ludos huiusmodi impudicis et lascivis decantationibus et gestibus, nonnunquam plausu et delicata fractura, cæterisq; Venerèis cantibus, plausibus, et actibus, Deos Deasq; præfatas receptis invocando observationibus, celebrabat. Horum ludorum ritum et nonnullas eorum reliquias, Polonos, quamvis ab annis quingentis Christianitatis cultum professos, constat usq; in præsentia tempora annis singulis et Pentecostis diebus repetere, et veterum superstitionum gentili; um annali ludo, qui ydiomate illorum Stado id est Grex appellatur, quod greges hominum ad illum peragendum convenient, et in cuneos seu greges divisi, homines tumidi et seditiosi, in voluptates, segnitiam, et commensationes proni, peragunt meminisse.

De Polonorum natura & moribus ~

Polonorum nobilitas gloriae appetens, et in rapinas prona, periculorum et mortis contemptrix, promissi parum tenax, subditis et inferiorum gravis, Principi suo fida, lingua praecipua, ultra facultatum modum expendere solita, agrorum sationi et armentorum nutrimento dedita, in aduenas et hospites humana et benigna, hospitalitatis ultra ceteras gentes amatrix, plebs rusticana in ebrietatem, rixas, calumnias, et caedes prona, nec facile aliam gentem reperies, tot domesticis homicidiis contaminatam. Nullius laboris atque operis fugax, frigoris atque inediae patiens, superstitionum et figmentorum sequax in rapinas prona, hostilitatis sectatrix et auida, nouitatum rapax, et alieni appetens, in construendis aedibus parum operosa, casis vilibus contenta, audax et temeraria, ingenio calida et parum facili, gestu et habitu decora, viribus praepollens, statura ardua proceraque, corpore valida, membris apta, colore albo et nigro permiscua, ferox caeli influentia, aura cruda, gellidaque sydera et inclementes venti, et longae niues perpetuo rigentes atque Alpes natura Polonis causant et ingenia. Aduenae forenses et peregrini homines, etiam si in illis ingenium spectatur aut vita, raro ad regendos et non nisi procedente tempore et aetatis successione, assumuntur Magistratus, et si quando id contingit, raro tamen sine inuidia. Utinam Poloni virtuosos Hispanorum uterentur ingeniiis, qui nullum hominum genus, in quo virtus elucescit fastidiunt, conuersisque ex Iudaeis et Saracenis Pontificia et celsiores Magistratus mandant, hac quoque benignitate Remp. suam florentiorem rectioremque efficiunt. In hoc Bohemis dissimiles, qui nefas ducunt quoslibet Regni sui Magistratus nisi in una, etiam per improbos et ignauos, continuari familia, pollui putantes si in alteram transferantur. Prouidi alioqui in ceteris in hac tamen re videntur mihi non parum desipere, velut qui Diuinitati ius ponunt, et donorum eius gratia obscurare aut usurpare contendunt. Illud genti ingenium, ea indoles, ut tenuem virtuti, tenuem doctrinae honorem tribuat, ad illosque fascis Dignitatum et Magistratuum officia deferat, qui effusiores omnibus opibus abundant. Anima habent contemptricem mortis, ad necemque aliorum promiorem.

Ciuitates et oppida apud Polonos et sub Regno Poloniae consistentia magis insignia magisque memorabilia et praestantiora ea esse dimoscuntur.

CRACOVIA per Gracum Principem Polonorum ad vada fluminis Vistulae alias Vistulae condita, et a Graco G. mutata litera in C. Cracouia appellata est. Illic Regum et Principum Poloniae ortus et crepundia, illic regenerationis in Christo aguntur eorum primordia, illic totae eorum Genealogiae cineres magnificis urnis et sumptibus reconduntur, illic

opportunitate et gratia loci præeminens omnium Polonorum facile arx et Metropolis, illic tam Regia quam Pontificis honorifica sedes. Diuisa autem est in tres vrbes. CRACOVIAM mediam vocant cui arx in colle petroso et editiori, à veteribus Wawel nuncupatus imminet, à Vistula ablutus, saxo in plerisque locis absciso superimposita, et in coronæ modum, muris, pallatiis, turribus, cæterisque propugnaculis munita. In ea Regia est sedes, et Sancti STANISLAI Martýris et Pontificis Crac' sacri corporis gleba et basilica, petra quadra fabricata, ossibus et corporibus reliquisque venerandis Sanctorum plurimorum, Clauo insuper Dominico, et Beati Ioannis Baptiste mandibula. Item corpore Sancti Floriani dotata. Altera ad meridionalem plagam vrbs CAZIMIRIA à Cazimiro secundo Polonorum Rege suum illi imponente nomen fundata, eiusdem beati Martýris Stanislai nobilitata martýrio, ædibus religionum quam Ciuium feratior, infrequens enim exultat ædificiis, cum templa superorum aliquem teneant locum. Tercia Ciuitas FLORENTIA, quæ à Beati Floriani in ea prius quam conderetur ædificatione templo denominationem accepit, et ipsa ab eodem Cazimiro secundo Polonorum Rege fundata. Cracouia vrbs etsi pluribus præmineat commoditatibus: ea tamen vel insignis sola, quod ad omnes regiones sibi vicinas, vtz Pannoniam, Bohemiam, Morauiam, Russiam, Podoliam, Lithuaniam, proportionabiliter porrecta, à quibus merces variarum rerum accipit et porrigit studio generali. Item Coronationibus, corporibus, incunabulis et sepulchris Regum, Item Ecclesiis Collegiatis quatuor fit illustris. Copiam petrae et lignorum et cuiuslibet materiae alterius ad erigendum muros et alia necessaria construenda in propinquo habens. Vistulam præterea amnem nauigabilem opportunumque ad importandum quæ vsui forent, subter mœnia Cracouien' et Cazimiriae vrbis medium fluentem. Magnarum insuper gentium haud longè fines abest, quarum commercium maximè in eam urbem mutui vsus contraxere.

GNEZNA Polonorum altera Metropolis, nomine magis quam re, et veteri potius splendore quam nouo lumine insignis, et nisi Primatialis Ecclesia illam diffunderet, ignoraretur à plerisque. Omnium tamen Polonicae urbium mater, à nido vocata Nidus, à primoque Principe Lechone fundata. Et quoniam ibi primum cum familiis et cognationibus constitit, et tam Regiam quam urbem exiit, nidus ex euentu appellata. Eo vel solo parum felix, quod cum plures vrbes Polonicae partuerit, se ipsam exinaniuit, Lacubus ferax et solo. Beati tamen Martýris Adalberti corpore ex Prussia in maiorem Ecclesiam translato faelicissima.

LEOPOLIS tertia Polonorum Metropolis, quæ dignitas ad illam ex vrbe

Halicien' sub Wladislao tertio Polonorum Rege translata est. Duabus arcibus quæ illi superimminent insignita, et plurimarum mercium, quæ per mare Leoninum, terrestri deinde itinere ad illam transmittuntur, inuecta, ferax, Amne tamen nauigabili, qui commoda urbium augere solet, indiga ~

POSNANIA, Priscorum Polonia Regum, arx, sedes, et Regia atq; sepultura, Pontificali honore insignis flumine Wartha irrigua, et ædibus religionum ampla ~

WRATISLAVIA à Mieczslao Polonorum Principe, sub quo primum Polonia à Diis gentium ad Christianitatis iura conuersa est, condita, Cathedra honore et corporibus beatorum Cantianorum Martyrum ac templis Sanctorum pulchro opere fabrefactis, fluminoq; Guttalo illam alluente celebris ~

WLADISLAVIA, ad fluenta Vislæ sita, à Wladislao Monarcha Polonia et Cazimiri primi Regis Polonia filio, nomine suo illam vocitante, condita. Qui pro illius incremento sedem Episcopalem Cruszuiciensem in eam transtulit, nulla alia re nisi Cathedra Pontificali memorabilis, quæ nisi illam ostenderet, à pluribus eam ignorari potius quam sciri contigeret, cum in propatulo sita sit, nullos habens muros, nulla propugnacula, nulla mania, et cuilibet hosti ad diripiendum facile exposita ~

PLOCZKA. Sede Episcopali, et arce urbi confrontata insignis, amne qpp Visla, qui illic undis inflatus alucum suum late spargit, irrigua ~

CHELM Quæ ad differentiam noua Chelm ad fluenta Vislæ sita Chelma vocatur, honore tantummodo Cathedra Pontificalis, insignis ~

KAMIEN à lapide, plures enim dum condebatur locus ille lapidum habebat congeries, appellationem sortita, Lingua enim Polonica lapidem Kamien vocant, excellentia Pontificali nobilis ~

LVBVSCH veteri magis denominatione quam presenti significato insignis. Quæ cum Dignitate Pontificali tantummodo excelleret, communi vero habitatione rara et sterilis foret, Pontificalis sedes in Eurschewald apud dum magis cultum, magisq; tutum translata est. Priscum tamen retinens vocabulum non Eurschewalden sed Lubucen appellatur ~

PRZEMISLIA à Przemisla fundata, Episcopali Dignitate et arce ac

Templo in arce ex petra quadra erecto magis quam vlla alia re, fluvio insup
San subter illam decurrente insignis ~

KAMIENIECZ Petram altam spissam et abruptam in Coronæ modum
undiq; habens pro muris et mœniis, quam fluvius non mediocris Smotricz vel
Szeretb, undiq; cingit et alluit: aliquantulum dum illam circumfluit, sta-
gnans. Tam inusitato et raro naturæ solius effigiata situ, ut conspectus
eius singulos in admirationem rapiat, præruptis undiq; interclusa rupibus,
non vallo vel fossa quemadmodum aliæ urbes, sed profundis vallata præ-
cipiis, quæ intuentem horrore quodam percellunt, aliarum rupium in circuitu
velut quodam vallo communita, septoq; naturali abscondita, ut nemo prius
illuc urbem intelligat esse quam in ipsam fuerit ingressus. Unus tantum ad
illam accessus ex arce, et à Plaga meridionali, arduo tamen ascensu patet.
Pontificali et ipsa eminentia et arce urbi superimpendente insignis, Solo, melle,
cæra, et pecore ferax ~

KIIOVIA ab uno Principum gentiliū kig. condita, et ab illius nominis
propriete vocabulum sortita, Maxima quondam et famosa urbs, trecentis
templis, quorum nonnulla ruinavit vetustas, honore insuper Cathedrali, et
amne nobili et feraci Dniestr aliàs Boristhene, arce quoq; in edito colle, ex
quercinis roboribus constructa, propinquitate insuper maris memorabilis. Adeo
piscium ferax, ut pisces in amne Dniestr semicubito capti minores, feris relin-
quantur ~

VILNA Honore Episcopali et arce æditiori insignis, duobus fluminibus
Vilna et Vilia illam à parte utraq; ambientibus, fœcunda ~

MEDNIKI Pontificis tantummodo sede, et fluvio Miedniki, secus illam de-
currente clara ~

LVCKO multa soli fœcunditate nobilis, et uno fluvio pulcherrimo Styr
vocato irrigua. Pontificatu et arce insignis, à Wladimiro Principe condita.

CHELM tantummodo Pontificali honore et arce vulgata, adeo inculta et
ignobilis, ut hic honor illi detrabi debeat, et in Rvieschow Oppidum culti-
us et magis habitatum transferri ~

SOCZAVA Honore Episcopali insignita, mercibus opulenta, quam fluvius
eiusdem nominis præterfluit. Et hæc quidem sunt urbes in Polonia

Regno, Pontificale habentes^{decus}. Cætera quas subnectemus, minus vulgatae sunt, et Collegiatarum Ecclesiarum nomine aliis præstantes ~

SANDOMIRIA Regionis magnæ Sandomiriensis caput, et quæ à Visla fluuio alluitur, celebritate indulgentiarum, quæ secunda Iunii maximo illic hominum concursu frequentantur, memorabilis ~

VISLICIA à Vislao Comite Herœ peruetusto Poloniae, nomen suum illi imponente sub gentilitate condita, et in meditulis amnis Nidæ sita, palustribus locis undequaq; septa. In qua obstrepentes et rem Diuinam turbantes ranas fama fert, Sacerdotem quendam loci pro sua Sanctimonia, silentium ranis iniunxisse, atq; eo tempore negantur illic ranæ coarare ~

KIELCZA à Gedeone Craouiensi Episcopo erecta ~

OPATHOW foro et rerum venalium importatione famata. Famosior si magis opulentum quàm sit Lukawa eam præterfluens amnem sortita fuisset ~

SANDECZ à Venceslao Polonorum et Bohemorum Rege, utriusq; enim Regni tunc tenebat iura, in æditiori loco ad confluentium duorum fluminum Dunaiecz et Kamienicza fundata ~

SCARBIMIRIA solo facunda et fluuio Nidzicza irrigua.

THARNOW per Spicimirum Castellatum CRacouiensem condita.

LANCZICIA palude protensa et vix permeabili, latus illius septentrionale cingente, nobilis ~

CALISCH Ciuitatum vetustissima cuius nomen inter Polonicales Ciuitates per Ptolomeum in sua Cosmographia descriptas, tantummodo potest dinosci. Przosna flumine palustrem illic causante situm alluitur ~

WIELVN, à quo vniuersa Regio, quæ prius Rudensis vocabatur, Wielunen vocitari capta est. Collegio Ruden et Ciuibus in eam translatis, per Caziimirum secundum Regem Poloniae, ad riuos pulcherrimos et terra plana ebullientes, condita ~

KVRZELIOW arenosum solum habens, ideo habitatoribus infrequens ~

LOVICZ a Iaroslao Boguria Gneznensi Archiepiscopo ad flumen Bzu.
ra condita, habitatoribus copiosa ~

GLVSCHINA nulla alia re quàm Canonicali Collegio memorabilis ~

NISSA propter fluuium Nissa penes illam decurrentem huiusmodi nomen sor.
tita est, a Boleslao victorioso dicto Krziuousthy Polonorum Duce et Monar.
cha condita ~

OPOLIE duabus pulcherrimis arcibus insignis ~

BRZEG Oppidum, quod in litore fluminis Odra conditum sit, vulgari
Polonico Brzeg quod litus sonat appellatum ~

GLOGOVIA maior, flumine Odra iam illic undis inflato et duobus Casty.
venusta ~

GLOGOVIA minor Arce tantummodo et fluuiio Osobloga clara ~

LEGNICZA Arce, templis, et mœnibus insignis ~

RATHIBOR Arce ornata et flumine Odra irrigua ~

ODMYCHOW Arcem quidem habens superimpendentem, sed fluminis indiga.

KRVSZWICZA vetus quondam Regia, lacu amplissimo Goplo circumami.
cta, et segetibus frugifera ~

WARSCHOVIA.

SOCHACZOVIA.

PVLTHOWSKO Ecclia Collegiata et Clero in ea residente celebris, et
pulcherrima arce illi supereminente spectabilis, pisca frumento et cæterarum
rerum venalium importatione opulenta. Illic vini rarissimus usus nec vineæ
cultura cognita. Habet tamen quendam potum coctum Polonica regio ex tri.
tico, humulo, et aqua, qui vulgari Polonico Ływo, id est ceruisia appellatur,

quo nil melius ad ipsum corpus alendum inhabitatores delicatos reddit. Ad-
uenas sui saporis mira delectatione delicatos ultra cæteras regiones retinet.
Anne Narew Pultowsko irrigua ~

Habet quoq; Regnum Polonia nonnulla oppida, esto quod neq; Pontificali
neq; Collegiatarum Ecclesiarum, honore fulgent, insignia. Et imprimis ~

G D A N S K nedum apud Polonos verum etiam apud cæteras nationes vi-
cinas memorabile. Haud magnum quidem Oppidum, sed frequenti Emporio
celebre, quod multarum rerum merces in illud flumine Visla, qui illic ostio
uno ex tribus miscetur Aequori Oceano Sarmatico, magnarum gentium fines
contingens, quarum mercium illic terra undis et Pelago frequenti, et mutuo
usu ex variis regionibus trahuntur ~

T H O R V N pulcherrimis ædificiis et tectis cocto latere radiantibus,
adeo memorabile, ut vix aliud sibi pulchritudine, situ et resplendentia,
exæquari possit, et super ripam Istula, ponte ligneo super ædificato magna
arte et impensa, positum ~

E L B I N G ex vicinitate maris plurimas sortita commoditates muris q; et
et turribus satis insignis. Verum fide quam sub tempore guerrarum in Cazi-
mirum tercium Regem Polonia demonstravit, insignior ~

Referuntur insuper et in Cosmographia Ptolomei describuntur, et aliaru
Polonicalium urbium sedes et nomina, vzt Calischia, Sedibaba, Lutida-
num, Budorigum, Leucaristus, Sczurgum, Limosalcum, Ascanalis, Rugium,
Virunum, Viritium, et Arsonium, in quibus neq; loca neq; nomina præter so-
lam Calisch potuimus cognoscere ~

*Olim Poloni paucis contenti & legum,
hostium, atq; opum ignari, arbitrio Ita:
bant Principis, & datias tribuebant ~*

On solum autem sub Imperio et Principatu primi Principis et Conditoris
N Polonorum Lech, qui generis et seminis Polonici Princeps esse prome-
ruit, sed et sub filiorum suorum et nepotum, quorum quilibet in Prin-
cipatum succedens, auito et paterno nomine Lech appellabantur, guberna-
tione et regimine, Polonorum Prouincia per diuturna tempora, longasq; æ-
tates et successiones, secuta potiebatur pace tranquillitateq; bella raro

repellens. Quippé quæ Alpibus aut freto septa aliarum nationum, quas a continente habebat confrontatas, audiebat magis quam sentiebat bella, et vicinia longo terrarum mediante tractu. Sed neq; æquore aut terra, cæterarum regionum more, gens Polonica frequentabat fora, aut transmarinarum peregrinarumq; gentium mercibus aut connubiis se miscebat, verum simplici alimento quod natium producebat solum, et hirsuto humilique vestitu domestica elaborato arte, contenta, omnium mollium et delicatorum expers, sitim undis, esuriem frumento carna, pisce, melle, lacte, olereq; sedabat. Nullas habens tunc opes quibus vicinas et finitimas sibi gentes, vel aduocaret, vel ad sui incolatum frequentationem alliceret. Legum autem humanarum rudis et ignara, Principum arbitrium pro lege observabat, et quicquid a Principe sancitum, mandatum, et decretum esset, prono deuotoq; animo exequebantur, cum contumaces et rebelles, sæuera animaduersione nullo penitendi dato spacio, plecterentur. Propter quod Imperium Principis pro legum norma habebatur, nihil temere, nihil tumultuose agi licebat, ad Regum arbitrium seu digna seu indigna, aut etiam extrema quæq; patienda essent, omnes erant positi. Pendebant autem singuli pro Principe statutis vicibus aut diebus, labores, datias, obsequia, et tributa, ac pro mensa et Curia sua frumentum, carnes domesticas et sylvestres, pisces, mel, et aliorum victualium necessaria iuxta Ducis arbitrium. Et sylvestrium quoq; animalium, Mardurum, Castorum, Ermeliorum et vulpium, quibus Polonorum Regio pro ea tempestate ferax fuit, pelles, sub certo numero pro tributo conferebant. Huiusmodiq; laboribus, datias, et rebus, annua tributa reddebant, auri, argenti, æris, cæterorumq; metallorum, nullus apud eos usus, præter ferrum, quod vel bastis vel aratro cæterisq; instrumentis competebat, illis temporibus fuit. Culmo regentes iuguria, et nudo solo accubantes. Pecore et frumento dites, litium discordiarum, et iudiciorum ignari. Omnium superfluum apparatus omnes. Propter quod nemo ad eos peregrinus aduentavit hospes, nemo pannos, nemo aromata, nemo vina, ac cæteras humani generis oblectamenta ad luxum pertinentia, quibus maximè humanus et ferox animus remittitur et languescit, intulit. Sciens hæc apud gentem, parco et grosso victu asuetam, in contemptu magis quam in precio haberi, tunc enim Polonia nil lasciuium nil luxuriosum habere nouerat. Mutua autem fora non, nisi cogente necessitate, obibant, non quidem proprio aut forensi numismate (nullum enim extabat tunc, et si quod importabatur reiciebatur) sed et vitæ rerum necessariarum cambio commercio et permutatione utebantur, quibus magis quam pecuniis res per illos aut dabantur aut parabantur, nullus itaq; tunc hostis, nullus liuor, nulla cum externis gentibus bella, nulla fæderum raptura, nulla Ciuium violatio, omnia pacata et tranquilla, omnia beata et tuta adeo erant, ut ætas illa sub Principe Lech

filiiq; suis et nepotibus traducta, aurea potius quam Lechitica possit vocari. In qua etiam tenues transgressiones, et parui puniebantur excessus, ne ad grauiores ex facilitate fieret transitio. In ipsis quoq; iniciis comprimebantur delicta, ne facta imitatio ceteros inuolueret, erant autem Polonis tunc Reges et Principes magis quam leges terribiles ~

Duabus rebus Polonorum regio prodigiola et miranda est ~

Vas Solinum cetera orbis mirabilia scrupulosius inuestigata describen-
Quem admiror. Tacuisse, et quæ haud immerito pro sui raritate, ut natu-
ræ præpotentis opera, nibilo aliis inferiora, iis quæ à Solino enumeran-
tur possunt adiungi. VNA, quod in campis villæ Nochow propè oppidum
Srzem in Posnaniensi Diocesi sita, Item in villa Kozielsko in Districtu Pa-
luki propè Oppidum Lekno vniuersi generis spontè et sola arte naturæ, absq;
omni humano adminiculo variarum formarum, et iis similes quas humanus
conuictus habet in usu, sub terra nascuntur ollæ, teneræ quidem et molles
dum consistunt in natiuo nido sub gleba, sed dum fuerint extractæ, et ven-
to aut sole duratæ, satis firmæ, diuersis formis et quantitatibus compositæ,
non secus quam artificio figuli effigiatæ, et quarum quod admirabilis reor,
gnationis augmentatioq; naturalis nunquam nota est, gleba etiam non debi-
scente decreuisse. ALTERA, quod in syluis, campis, et borris oppidi Lotbi-
licze, et villarum Grabienicze et Prosznie in terra et regione Belzensi, et Chel-
mensi Diocesi, pinearum arborum ea est natura et conditio, ut si earum ali-
qua pars, ut potè ramus præcisa vel decerpta fuerit, aut vniuersa arbor
succisa, quod lignum sub anima vegetatiua fuerat, in naturam silicis post
annos aliquot conuertitur et transformatur, et iuxta ac naturalis silex igne
excussus producit, quantitatem et proportionem in qua præcisum est retinens,
saxi verò et silicei qualitatem et naturam ~

Polonorum varia à situ et locorum cognomina ~

Igente quam narrauimus inter Polonos parsimonia, modestia, et tranquill-
Vitate, ad id res eorum creuerant in immensum, ut et has oras quas colen-
das acceperant, habitabiles cultasq; efficerent, et nonnullas insulas ma-
ritimas contingerent: germina coloniarum suarum usq; ad Almaniam quæ nunc
Missna dicitur, diffundendo. Propter quod pleriq; ex illis, qui desertas et sin-
gulares regiones subissent, varia cognomina sunt sortiti, vzt Drzewianie à
multitudine sylvarum, in quibus primum sedes suas posuerunt, Notabilium

Ciuitatum vzt Bvkwiecz quæ nunc Lubek, Ham quæ Hamborg, Breme, Slieſnik. Czeſznina, primarij fundatores. Item Kaſzubiane à plicatio: ne rugarum in veſtimentis quibus primum veſtiri conſueuerant. Huba enim in Polonico ſive Slauonico dicitur Ruga, Kaſch autem dicitur plica in Impera: tiuo modo. Item Trawiane ab abundantia graminum appellati. Locus eni quem inſederant gramimibus uberrimis erat refertus. Item Pomeranie, eo quod maris vicini Septentrionali, oram illam maritimam incolebant, à quibus terra Pomerania eſt denominata. Item Serbiam à Præfecto Serb extiterunt cognominati. Quamvis autem varijs iis et alijs à ſitu locorum, vel nomini: bus Præfectorum appellentur: vnum tamen Lechiticum ſeu Polonicum ſingu: li ſonant linguagium, licet Teutonicis, qui eorum terras occuparunt mixti quædam verba confuſione ydiomatum nunc ineptè et corruptè pferant, Cæ: teri vero Poloni, qui ad reliquas oras populandas ſe conuerterant, vniuer: ſali nomine non mutato Poloni appellantur, licet inter eos ſit quædam per re: giones quas incolunt, quæ à Capitibus urbium, quæ in illis ſucceſſione tem: porum conſurgebant, denominationem acceperunt, diſcretio. Omnes tamen tam propinqui quàm longè poſiti tributa conſtituta Principi Lech, filijs, et nepotibus ſuis poſt illum, nulla interpoſita renitentia et contradictione, per: ſoluebant, ſingularibus etiam largitionibus et donis ex bonis terræ ho: norando ~

Maiores nati filius Lech patre abſumpto in Princi: patum Poloniae ſine omni controuerſia ſuccedebat, donec vniuerſa Lech progenies, vna cum rebus à ſe geſtis Scriptorum inopia abſumpta fuerit. Et quàm neceſſaria ſit Annalium cognitio ~

Inter filios autem et nepotes primi Principis et Conditoris Polonorum Lech, illo rebus humanis exempto, nulla fiebat diuiſio. Primus enim dum viueret et communi omnium deliberatione maior natus in Solium et Principatum decedentis ſuccedebat. Quæ quidem conſtitutio ſolidam et inuiola: tam habuit obſervationem et executionem, donec vniuerſa Principis Lech per lineam rectam deſcendens conſumeretur progenies, in longas ætates, ſucceſſiones et tempora deriuata, ſub quibus omnibus nepotibus omnia memorabilia ge: ſta et bella, à Lechone et ſuis poſteris aut illata aut repulſa, et res geſtæ quantumvis illuſtres, memorabiles, et magnificæ, caſus quoque eorum et ſucceſ: ſus, quibusque et quot annis apud Lechitas et Polonos geſſere Imperia, qui: bus quoque fulſere virtutibus et moribus, aut quibus vicijs abundarunt, et quæ in proprios aut externos adiderint facinora, temporis diuturnitate et

literarum penuria, nullis tunc apud Polonos extantibus scriptoribus et literis, in perpetuam oblivionem venire, ita ut illorum nomen obscurum et absoletum prorsus sit, Principibus Polonorum illius ævi illiusque temporis munus id non curantibus, nec quicquam pensi habentibus, ut eorum origo, bella et opera in posterorum venirent notitiam. Quæ rerum maligna negligentia etiam in eam diem apud Polonos manet: cum nulli Polonorum qui prius fuerant, Principes, Reges, aut Heroës, rerum gestarum et temporum suorum Historiam describere alicui Scriptorum mandauerint. Cui rei Romanorum Græcorum, Hebræorum, Hispanorum, Persarum, Medorum, Gallorum, Germanorum, cæterarumque gentium, Reges, Duces, et Cæsares, nomen suum transmissuri ad posteris ætatis homines, præcipuam et scrupulosam curam leguntur impendisse, Scriptoresque rerum suarum et præcones, altis et exquisitis extulisse honoribus. Non fortuita autem et ignobilis, sed plurim utilis et necessaria humano generi, Annales conscribendi res, ut vix sequens ætas, sequensque successio, laudatos mores actus, et virtutes quas imitetur, bonorum Principum et Heroum pro speculo habeat, et se illis conformare contendat, depravatos vero, Deosque et hominibus inuisos, sciens pro illis sugillationem et execrationem ad se etiam post fata venturam, devitet. Nulla siquidem aut bellica aut domestica virtus adeo insignis et excellens fuit, ut eius memoria foret diuturna, nisi posterum Scripturarum monumentis traderetur memoriæ, sed et opus quodlibet siue Heroicum siue virtuosum infirmum atque mancum censetur, quod non fuerit illustratum a Scriptoribus, qui soli certam illi constituent sedem, et res domi et bello gestas efficiunt celebriores.

*Quomodo Poloni sub duodecim
Præfectis sine Rege non diu et pessime
Steterunt sub specie libertatis*

S Tirpe Lech primi parentis et Principis Polonorum sublata radicitus, primis Polonorum Proceribus et Nobilitate apud Gnesnam de Principe surrogando deliberantibus, id omnibus pro ea tempestate optimum visum est, ut Principatus iugo solutis, omnibus viribus libertatem sectarentur, et ad subeundum novum iugum (cum antiquæ servitutis recordatione tenerentur) nulla ratione assentiret, Monarchiæ itaque statum abrogant, in quo pro libidine impune agere omnia Reges et Tyrannos licenter viderant, ad illam ex opulentia devenientes insolentiam, et per liorem et per viciationem naturæ, ut superbe populares suos fastidirent, optimis infensi, deterrimis amici essent, et quaslibet criminationes facile admitterent, iura Patriæ labefactarent, terminos eius occupari sua negligentia permetterent, faminis vim inferrent, indemnatos ple-

rosque aut facultatibus aut vita exuerent, concessa Venere non contenti illicita se facerent. Atque adeo omnibus in rebus voluntate pro ratione uterentur. Vniuersis autem hanc sententiam prona approbatione secutis, ne Resp. in longas terrarum propagines deriuata, sine Rectoribus remaneret, leges patrias et quas rudi illi agrestique saculo sufficere arbitrabantur imprimis condunt. Deinde duodecim viros ex Proceribus integrioris vite, et recentioris Spiritus, nobilitate et diuitiis prestantes, deligunt, illisque summam administranda Reip. et omnium disensionum questionumque de iniuriis, decisionem punitioremque committunt, quorum Imperium aliorum surrogatione, si forte necessitas vel utilitas postulasset, producebant. Qui etsi integritate qua poterant ampliori Regno commisso intendissent, paritas tamen et libertatis usus insolitus, fastidiosus et contemptibile eorum tandem Imperium reddidit. Veteris enim disciplina et rigoris Poloni obliti, ex concessa libertate insolescebant, Imperiumque duodecim Rectorum, si quando usu aut necessitate aliqua cogente imperassent, detrectabant, eorumque sententias et decreta improbant. Scientes contumaces et rebelles aliqua animaduersione non posse percelli, ipsi quoque duodecim Praefecti a vulgo ingeminatione quærellarum insimulabantur, quod Republica posthabita, priuatis tantummodo commodis et utilitatibus, cum legum promulgatorum prauaricatione, inhiarent. Ex quo crebra inter Praefectos et communitatem contentiones et odia exorta, bene fundatam Remp. pessundare ceperunt. Ea enim natura multitudinis perhibetur esse, quæ et freti, si enim aliquando fluctus suos impellentibus flatibus extulerit, non facilius ad priorem potest reduci tranquillitatem. Sanctum quippe nacti, Regibus et Principibus extinctis Diuinitate propicia, Poloni consilium, Imperium suum libertate et legibus stabiliendum censebant; optimum factu rati, satius parere legibus quam Regibus. Fuissetque eorum Resp. felicius incrementis prosperata, si partem libertatem pati et tuari potuissent. Paucis siquidem exceptis, ceteri insolentes, arrogantes, et rixosi facti, siue id natura gentis, siue molles dilatati Imperii causabat, impunitate transgressionum, et suapte illecti ad quæque illicita et noxia delabebantur. Iam domesticis et Ciuilibus non contenti facinoribus, etiam in vicinas gentes et regiones suas factiones diffundebant. Hinc quoque effectum, ut vicina gentes ab illis violatae, variis durisque bellis eos affligerent, et in regionibus Polonorum, nullo hostile bellum repellente, grassando, illos pro libito vastarent. Quapropter dulce libertatis nomen, ad salubrem Imperii statum destinatum, abutentibus illo Polonis, grandem Reip. perniciem et iacturam attulit, imbecilliores deinde a potentioribus oppræssi, seruum et tardum ex duodecim Rectoribus praesidium assequerantur. Tendendo enim quisque Rectorum, ad suas ambitiones et consilia dedere documenta in administranda Rep. multorum Imperium non posse utile neque diuturnum esse. Et plerisque virtuti

incumbentibus in publico, uehementiora priuatim odia susci-
tari consue-
uerant, ut unoquoque partes primas sibi uendicante, et tam in dicenda sen-
tentia, quam in ceteris id genus publicis rebus excellere conante, ad in-
gentia odia nec non seditiones et caedes uentum est, ob quas ad Monar-
chiam coacti sunt recidere.

*Quomodo res Ruthenorum cre-
uerunt & a quibus principales
Ciuitates et Castra edificata sunt.*

Ruthenorum sub idem tempus Principatus, Polonis civili bello se se colli-
dentibus, et incrementum et ortum habuit. Quorum regio apud ora-
quæ hactenus Podolia nuncupatur, adeo agro perhibetur ferax, ut
cum semel satæ fruges fuerint, recidentibus subinde seminibus segetem no-
uantibus, altera messes sine satione proueniant. Erant apud illos tres vi-
ri, eodem patre et utero geniti, Kyg, Sczyeg, et Korew, et quarta soror
Libed, tam ingenio quam uirtutibus præstantes, et qui facile in gente Princi-
patum consecuti, ceteros redegerunt in suam ditionem. A quibus principa-
lioribus Castris in Russia erectis, sua illis indiderunt nomina. Nam
Kyg supra fluium Niepr Castrum a se constructum uocauit Kiouw, Sczie-
gus, Szekawicza, et Korew Korewicza. Gentilium et ipsi errorem
secuti, stagna, lacus, fontes, aquas pro Diis colebant. Erant et alii Polo-
norum Duces uiz Radzim et Wyathko, quorum unus uiz Radzim in flu-
mine San, alter Wiathko in flumine Olba confidentes, de nominibus suis
regionibus et populis uocabula indiderant, a Radzim enim Radzimierza-
nie, a Wyathko Wyathiczanie uocati sunt. Qui ad fluium Bug conse-
derunt, Duliebanie, a Duce eorum Dulieba uocitabantur, qui postea Wolbi-
nianie et Luczanie appellati sunt. Habebant autem nationes Rutheno-
rum ex Polonis descendentes, in ducendis uxoribus et contrahendis matri-
moniis, inter sorores germanas et propinquas cognatas, discretionem, absti-
nendo a concubitu earum, propter quam honestatem sortiebantur uitam lon-
gam. Duliebianie uero et hi qui processerant ex Radzim et Wyathko, ha-
bitabant more ferarum in syluis committentes immundiciam, pudoreque solu-
to, et cognatis et alienis uxoribus rapiendo illas miscebantur. Absum-
ptis deinde Kyg, Sczyeg, et Korew, filii eorum et nepotes linea directa
succedentes, dominabantur apud Ruthenos annis multis, donec successio
huiusmodi ad duos fratres germanos uiz Oszkald et Dir peruenit. Qui-
bus apud Kiouiam dominantibus, nonnullæ Ruthenorum nationes, quæ ex
ingenti multiplicatione nouas sedes sibi quæsierant, eorum Principatum

pertasa, a Varasis tres Duces acceperunt, quoniam ex propriis neminem
 eligi, propter paritatem placebat. Primus autem Rurek, qui in Nouogrod,
 secundus Scziniew, qui in Biale uezioro, id est apud Album lacum, tertius
 Thrubor qui in Sorsk sedes suas posuerunt. Iis et cuilibet eorum a Ruthe-
 nis et populis eorum ditioni subiectis, ex quolibet capite humano pro tributo
 unus asperillus albus pendebatur. Ducibus autem duobus processu tem-
 poris, viz Scziniew et Trubor nulla prole relictis mortuis, Rurko in eorum
 Principatum succedens, et moriens filium nomine Iior reliquit. Qui adole-
 scentiam pertingens, Oszkaldum et Dir Kiuouenses Principes, nihil hostili-
 tatis ab eo suspicatos dolo occidit, et Principatus ac terras eorum occupa-
 uit. Sed neq; Duci Iior, Oszkaldi et Dir Kiuouensium Ducum diu impu-
 nita fuit occisio. Dum enim populos qui Drewlianis vocabantur, Ruthe-
 ni generis Ducem proprium Niskmam habentes, ad tributum fretus potentia
 cogeret, et prima solutione de qua inter eos conuenerat non contentus, secun-
 dam eodem anno exigeret, a Drewlianis iniuriam non ferentibus nefarie
 occisus, interit. Qui missis ad suam relictam Olham Nunciis, ut Ducem
 eorum Niskmam virum acciperet et Principatus uniret, summo opere suade-
 bant. Illa muliebri dolo usa, primis et alteris Drewlianorum nunciis beni-
 gne acceptis et retentis, Drewlianos cum Duce eorum Niskma ad se veni-
 re, quasi coniugium sociatura et Principatus unitura, iubet. Quibus iussa
 implentibus, Legatis eorum quos domi retinebat per varios cruciatus clan-
 destine primum enecatis, in occursum deinde Drewlianis procedit, et ad
 insidias locaq; iniqua, in quibus fortem exercitum collocauit, perductos, om-
 nem eorum exercitum ad quinque millia virorum se extendentem, occisioni
 mariti sui parentando, deleuit. Vsciperat autem Dux Iior ex Olha con-
 sorte sua filium unicum nomine Swiatoslaum, qui annos viriles attingens,
 vir bellicosus et in armis strenuus esse capit. Patris autem sui Iior occisio-
 nem ulturus, primam expeditionem in Drewlanos egit, et graui caede domi-
 tos sub iugum mittit, tributumq; imponit. Transfretans autem mater sua
 Olha Constantinopolim imperante apud Gracos Czemiski a Patriarcha
 Constantinopolitano in fide Christiana edocta, superstitione gentiliū
 relictā, Baptisma accepit, barbaroq; nomine Olha mutato Helena appella-
 tur. Benedixit autem ei Patriarcha Constantinopolitanus, dicens,
 Benedicta tu inter Rutbenorum mulieres, et nomen tuum in omnes generatio-
 nes sit gloriosum et benedictum. Quae a Constantinopoli in Russiam
 reuersa Swiatoslaō filio suo fidem Christi suscipere deposito gentili er-
 rore, persuasit, sed ille monita materna contemnens et irridens non ac-
 quieuit, neq; spurcos gentiles ritus deseruit ~

*Poloni sentientes Remp. libertate collabi
elegerunt in Regem Gracum cuius laudes
recensentur & victoria de Gallis rela-
ta & Bohemorum deditio eidem facta.*

Prodiens in hunc modum Polonorum rebus, et civili discordia col-
lisioneque, et externa hostilitate per tempora plura debilitatis et affli-
ctis, rursus omnis nobilitas vulgusque desiderare unum Principem Mo-
narchamque capit. Quamvis enim libertas experta dulcesceret, speciosaque ac
iucunda et omnibus praefenda esset, ad retinendam tamen Remp. et
statum eius sub pluribus Rectoribus dilapsam, ne servitutem ab hostibus co-
gantur experiri, libertatem abdicant, et ad regendum frequentes populos
latasque terras, ex re visum est unum Principem et Rectorem assumere, illi,
quem parere, qui aequo iure potentes iuxta ac tenues contineret. Hinc vero ex-
orta quaestio, quis tantam molem subire, et gentem libertatem expertam, ideoque
plus rebellionis et duricie habituram, aptior esset regere? rem in ma-
gnam difficultatem perduxit. Scrutinio tandem diligenti habito ad virum
quendam ad Vislae fluentia, in regione ad montes Lannonicos porrecta habitan-
tem, animosum, strenuum, industrium et solertem nomine Grack siue Graccum,
quod et ceteris specimine ingenii praestaret, et cuius probitatem pluribus
iam experimentis didicerant clarescere. Universi sua vota concorditer deli-
beratione conuertunt, ac ipsum approbatione et decreto cunctorum, in Princi-
pem deligunt, et sibi totius Regni gubernacula et summam rerum deman-
dant. Ille diu cunctatus inuicentium sibi fasces et purpuram manibus re-
pugnabat, apud se quoque tacitus maxima perplexitate satis, ne insanirent, quod
quasi delirum maiestatis simulacro delinirent, deliberabat. Tandem am-
biguitate discussa, importunitati potentium non valens resistere, Polonorum
Principatum suscepit, res extunc publicas Polonicas ea modestia et providen-
tia moderare capit, ut non aliter quam parens a Polonis coleretur. Neque
enim priscorum Principum more tyrannidem et superbiam in Polonos exercu-
it, sed pro subditorum utilitate et quiete singula administrans, rudem et fe-
roce populum magis benevolentia quam imperio in fide continuit, nobilitati
atque plebi aequum gratus. Hunc Gracum existimant nonnulli Romanum
de stirpe et familia Graccorum genus duxisse, et Civili seditione duo-
bus Gracis Tyberio videlicet et Caio, Tribunitiam potestatem immoderate pro le-
ge Agraria exercentibus, anno ab Urbe condita dextingentesimo secundo, fa-
ctione Principum occisis, Roma relicta, ad Polonos quaesitum ocia et latebras
diuertisse, et summam rerum apud Polonos sortitum esse. Considerans
autem Gracus plura bella in id tempus quasi quadam conspiratione contra

Poloniam ebullisse, ad resistendum quoque singulis vires deesse, quædam pa-
ctis interceptis, quædam compositione extinxit, reliqua aggressus, tanta feli-
citate et ingenio gessit, ut ex quolibet certamine gloriosus victor rediret.
Qua ex re et militum tepidi, ex superioribus congressibus infelicitè gestis,
animi firmati sunt, et apud hostes fama eius diètim crebrescens, et contem-
ptum ademit et pauorem incussit. Cum itaque Galli cæteris Prouinciis pera-
gratis, etiam Pannoniam contigissent, et eam variis guerrarum turbinibus ve-
xassent, in Poloniam ingressuris Graccus Polonorum Princeps occurrit, et pu-
gna commissa insignem et memorandam victoriam de Gallis cum robore ve-
teranorum et exercitatorum militum, tum astu et arte militari præstantibus, re-
portauit. Qui etsi suis charus esset, hoc tamen triumpho de Gallis relato cha-
rior honoratiorque esse cepit, maioriq; promptitudine ab eo tempore à Polonis il-
li obtemperatum est. Huius tanta clara fuit fama et nobilitas, ut tota Bohe-
mia illi deditiōem fecerit, et omni tempore eius vitæ, sub illius Principatu
et regimine degeret. Habet tamen nonnullorum æstimatio et assertio Graccum
Principem ante incarnationem Christi annis circiter quadringentis apud Polo-
norum gentem capisse regnare, et tam industria quam viribus celebre sibi no-
men fecisse.

*Graccus Arcem et Ciuitatem Cra-
couien' ædificat, et Draco ingens la-
titans sub arce incolis onerosus occiditur.*

Hostibus in circuitu Graccus Polonorum Princeps bello aut pactis submo-
tis, satis prospera felicitate usus, ad promouendas quoque ciuiles res ex-
ternis compositis, diligentia suæ studia conuertit. Inprimis itaque in ædi-
ficio colle, qui ab incolis Wawel appellabatur, et quem Visla undis suis alluebat,
latam et speciosam planiciem in summitate habente, arcem Regiam construit.
Deinde pro eius firmiori subsistentia, amplitudine et decore, urbem haud procul
ab arce, ab eodem flumine Visla irrigatam fundat, eiq; à suo nomine nuncupa-
tionem adaptans Gracouiam vocat. In illa quoque arce et urbe Thronum suæ re-
gni collocat, illicq; iura Polonis et Bohemis reddit, ac illam Metropolim et Prima-
riam sui Principatus designat decernitq; sedem, raro et naturali situ spem sibi
de magnitudine futuræ urbis non ambiguam faciente. Nec eum opinio fefellit,
velocibus enim incrementis, Gracco adhuc bona vigente valetudine, urbs Cra-
couien' multipliciter consurgere cepit, et in eum statum et fortunas ex tolli, ut à
vicinis regionibus et urbibus eius sorti et conditioni inuideretur. Vehemen-
tiori autem æmulatione et liuore Gnesnen' Ciuitas ei infesta esse cepit, quod
fascies primarias, et præcipuæ Dignitatis Specimen illi detraxerit, et priscum

suum obtenebrauerit candorem. Inter tot tamen primordiorum grata et fauor-
da auspitia, incommodoangebatur ingenti. Bellua enim insolita magnitudi-
nis Draconis aut Olophagi speciem habens, in antro montis Wawel, super quo
Castrum Gracus exexerat, cubile posuerat, quæ ad explendam suam esuriem
aliquot pecorum aut armentorum præbita corpora corripuens, deuorabat. Sed
nec humanis parcebat corporibus, verum quoties illius ventrem non raperti aut
non dati pecoris diutior exeruciasset rabies et fames, toties sub clara luce
diei ad mitigandam sui ventris ingluuiem, horrida, rictibus ora trabens è cu-
bili suo potenter emergeret, et valida iumentorum atq; bouum corpora, siue ad-
iuncta carpento, siue subiugata aratro inuaderet, suffocaret voraret, et in
quosq; etiam homines sauiens, aluum suum illorum horrenda cæde explebat.
Quæ execranda ingluuii rabies, adeo Ciues Cracouienses terruit afflixitq;, ut
de deserenda magis quam de habitanda urbe, propter tam infestum vastatorem,
cogitarent. Mandato autem Graci Principis, qui urbis à se fundatæ mole-
stius ferebat progressum Ciuium discessu rescindi, tria singulis diebus bel-
lua iactabantur iumentorum corpora, quorum sacietate, non hominibus solu
verum et cæteris animantibus præstabatur securitas. Sed cum hæc quoque
onerosa magis Principi quam Ciuibus, qui post mortem suam urbem deser-
tam iri verebatur, conditio videretur, iactando monstro, sulphure et cauma-
te parum igne conlecta, cara, atq; pice, iussit corpora iumentorum impleri, et
bellua exponi. Quæ cum naturali et solita auaritia deglutisset, ab igne
torrente et flammis altius diffusis interiora urgente, sensim collapsa et
extincta est.

*Gracculus tradit Polonis Leges et moritur. Cui
pro tumulo ex sabulo montem fecere altissimum.*

Cecidente bellua et immensi monstro, quod à quibusdam Scriptoribus
Olophagus intitulatur, Cracouiensis urbs periculo grandi præter spem
exuta, tentorii sui longius cepit dilatare funiculum, et facile inter
Polonicales urbes vendicare Principatum, sed et ipse Princeps Gracus ob de-
letam sua arte et ingenio belluam, parens et liberator Patriæ appellatus, apud
proprijs et externos insignis et inclutus habebatur, tunc primum leges promul-
gat, iudices constituit, decreta condit, mandata edicit, quibus rudem adhuc
illam ætatem credidit posse regulari, quibus etiam Poloni in posterum sunt usi,
Prouincia autem pace et quiete fruebatur, opibus aucta. Porro quicquid ab
illo conditum sancitumq; fuit, id per multas successiones et ætates, pro iustis-
sima lege, et perinde ac si quodam Diuino oraculo promulgatum fuisset, apud
Polonos custodiebatur: cum præter insitam legibus ab ipso conditis

naturalem iustitiam, etiam Legislatoris charitas et existimatio illis singula-
rem cultum, reuerentiam, pariterq; metum adiceret. Siluit autem in diebus
eius Polonorum regio annis multis, finitimis omnibus aut eius prudentia et fa-
ctiuitate territis aut bello perdomitis. Quapropter sub Principatu suo, et in
antiquis oppidis coloniisq; consurgebant noua tecta, et in vastis nemoribus no-
ua erigebantur colonia. Pluribus itaq; annis Gracus Princeps Polonorum fa-
liciter et prouide Rempub. administrans, in senectia uberi, plenus dierum
boiem exuens fatis est interceptus. Ad cuius exequias honestandas primi
Polonorum Proceres, reliquumq; vulgus promiscuum accurrit, et iuxta more
illius temporis cadauer suum in monte Liasothino, qui Cracouien' urbi con-
frontatus est, iusto honore et comprobatione, sepeliuit. Bustum autem eius
quo esset durabile et perpetuum, et nulla illud edax possit abolere, oblitera-
re; apud posteros vetustas, Sabulo monti in quo conditus est, arte et inge-
nio superiecto duo filii eius, a patre dum adhuc uiueret speciali mandato
ad octi, ad tantam produxerunt altitudinem, ut collis ipse omnibus vicinis
sit aditior et sublimior cacumine, humano elaborato opere, et tanti viri Sar-
cophagum et propensum Polonorum in traducenda nominis sui ad posteros memo-
ria, et tribuenda illi immortalitate, fauorem etiam in hoc tempus ostendet.
Qua etiam sepulchri aditoris formatio, Romanum eum fuisse conuincit, ut
ea fabrica conditorem urbis Romulum sepulchrum in collis modum ex petra
congestum, pro viribus exprimeret ~

*Post mortem Gracci, Lubusza filia
eius rustico Przemisl sibi in coniugem
accepto regnauit in Bohemia ~*

Czechorum gens apud quam Gracus pro sua industria et virtute, etiam
Principatum memoratur gesisse, Lubuszam, vnam ex tribus filiabus
quas Bohemis reliquerat, in Dominam et Principem assumit. Quae fastidi-
um populi iniquo animo imperium muliebre ferentis, sedatura, rusticanum quen-
dam hominem, ruri et agricultura vacantem, boues et aratrum relinquere coa-
ctum, Przemisl nomine, in coniugium et in Regnum accersit. Cuius successio
et posteritas in plures filios et nepotes deriuata, usq; ad tempora Ioannis ca-
ci Luxemburgen' Ducis, Bohemis imperauit, in Wierzlao Rege apud Olumu-
niecz occiso, extincta. Licet septennio integro regimine Przemislai, Lubusza
fatis intercepta, femina Valasta virgine Duce Amasonum morem et ingenium
sortita, cladibus aliquot viros et eorum exercitus sternendo perturbassent,
dolo magis et astu quam viribus, Przemislai tandem potentia et sui exer-
citus debellata et confracta ~

*Lecha Graci filius necato Gracco fra-
tre in Principem assumitur, tandem detecto
facinore priuatus Domino miserè obijt ~*

Expletis diebus luctus, quibus uniuersi de Polonorum Primoribus super morte Graci, iusta funeri persoluendo erant occupati, ad surrogandum in Thronum Graci alium Principem curas intendunt. Reliquerat autem Gracus duos maris, Gracum et Lechonem, et terciam filiam Vandam, in spem successionis genitos, hosq; moriens Proceribus Polonorum commenda- rat, enixis precibus orans, ut beneficiorum suorum memores, prolem suam di- gnas Principatu iudicarent, unumq; ex filiis in sua sede constituerent. Mi- nor itaq; natu Lech, maiorem natu Gracum fratrem sibi in Principatus suc- cessione, cum ratione primogeniturae, etatisq; magis maturae, tum ratione beneuolentiae et praestantiae virtutum et morum, quibus anteibat, se metuens anteferri, et se contemptum iri, temporis opportunitate seruata, fratrem ma- iorem natu clandestinè obtruncauit, et lacerum cadauer praesum sabulo abscondit. Et ne ob parricidii crimen excluderetur à Regno, fratrem men- titur venationi operam dantem, et audacius quam sat erat in belluas grassa- tum, occisum. Relationi quoq; quo facilius daretur credulitas, fictas admi- scet lachrymas. In hunc morem Polonorum Proceribus circumuentis et delusis, Rex ab eis constituitur, et primus illi decernitur Principatus. Quem cum ab annis pluribus tenuisset, et non minori illum omnes Poloni quam parentem cole- rent, fide, obedientia et deuotione, perpetrati parricidii scelere primum qui- dem secretis rumoribus miscente, post verò certa indagine illustrato patefa- ctoq;, omnibus inuisus esse capit. Tantumq; odium Procerum Poloniae in eum, ob impium scelus et immeritam fratris necem, conflatum est, ut illum à sede Principatus deicerent, et perpetui exilii poena, in detestationem et horrorem facinoris per eum admissi, mulctarent. Non mediocri ob eam rem commenda- tione digni, quod parricidii et ambitionis reatum, aquisitimo expiauerunt ani- mo et remedio, nec passi sunt tam atrocis piaculi auctorem sibi diutius impe- rare. Aliis placet Lech praefatum neq; exilio, neq; alia poena pro patrato parricidio punitum fuisse, sed Diuinitatem omnium iniuriarum ultricem, prolis facunditatem illi, et subditorum charitatem beniuolentiamq; ademisse, Quapropter tam conscientiae fraternae necis furis, quam Polonorum iustis odiis vexatus, maerore et anxietate contabuit. Et nullo memorando adito actu, à vita inglorius et detestandus excessit. Quicquid tamen sit certum est illum nullo superstitute relicto diem obiisse ~

*Lechoni successit Vanda soror quæ spreto
Rithogari Almani connubio post partum
de ipso victoriam in Vistulam se Diis immolan-
dam submergit, & in Mogila sepulta est.
~ Inde Vandali dicuntur Poloni. ~*

Troque Gracconis filio absque liberis ex humanis rebus sublato, Principa-
Vtus Polonorum gubernacula unica filia Graci, quæ Vanda, quod ha-
mus in Latino sonat, nominabatur. Polonorum universali consensu de-
lata sunt. Tantus enim amor Graci apud omnium Polonorum pectora insederat,
tantum probitas eius, et in amplianda defendendaque patria virtus, recenti in me-
moriam virescebat. Accedebat formæ tantus decor, et omnium lineamento-
rum tam venusta speciositas, ut omnium intuentium se, mentes et affectiones
in se converteret: natura dotis suæ munera prodiga largitate in illam effunden-
te. Unde ab ipsa formæ pulchritudine id nomen nacta erat, cum splendo-
re speciei suæ, singulos quasi hamo in sui amorem admirationemque raperet,
venusto vultu, aspectu decoro, eloquens in verbis, atque omni pulchritudine
composita, auditoribus dulcem præbebat alloquium. Spes autem omnium Pro-
cerum Poloniae mentes haud dubia tenebat, Principem aliquam, prudentia et
diuitiis insignem, quo amplior Poloniae regionibus Dominiorum vicinorum pue-
niret accessio, Vanda virgini quæ usque in diem illam quoslibet Procos repudia-
uerat, se associaturum esse, cum verisimile esset, quam plures illam formæ
excellencia et Dominiorum amplitudine illectos, ambituros esse. Sed hæc
Regni paterni solum sortita, alto magnoque ingenio et animo, omnium eam pro-
cantium, præsertim iuris sui se factam videntis, repudiabat connubia, et tam
salubriter tam providè et iuste singulas Reip. Domini sui regebat guberna-
batque partes, ut singulis eius factivitas et industria cederet in stuporem, mi-
rantibus cunctis, et id quadam assertione usurpantibus, talem ac tantum
virilem animum in sexu muliebri insedisse, dum et sapientes maturique viri
sententias illius magno eueherent præconio, et hostiles animi in eius aspe-
ctu et præsentia succumberent. Itaque cum sub regimine et auspiciis Van-
dæ Polonorum res atque opes florentes essent, Almanorum ea tempestate
Princeps Rithogarus, et genere et potentia illustris, et Regno Polonorum
vicinus, famam celebrem Vandæ virginis, quæ per ora multarum regionum
sonabat, audiens, et sperans tam illius forma quam Polonorum Regno se po-
siturum esse, procos mittit solennes, Vanda nuptias sub belli denunciatio-
ne, petitorios. Sed cum à Vanda, quæ cælibem vitam se custodituram de-
uoverat aliquoties promissionibus et precibus nequicquam resumptis vacui re-
diissent, Rithogarus Princeps Almanorum intelligens virginem Vandam

precibus et oblationibus amplissimis frangi, et ad tædas conjugales perlici non posse, dolens quoque se contemptum et repudiatum iri, collecto ingenti exercitu Poloniam intrat, quod precibus non poterat, armis confecturus. Nihil autem Vanda Polonorum Regina rumore belli territa est, sed copiis Polonorum in unum celerrimo adiecto coactis, exercitui Almanico occurrit, copiamque facit decertandi. Substitit paulisper Rithogari animositas, et precibus iterandis prius melius quam armis utendus ratus, aliquot ex Purpuratis suis ad Vandam virginem armis dimicare paratam, transmissis, thorum expetit, diuitias suas numerat, potentiam ostendit, minas subnectit: existimans se femineum animum ut cunq; vel precibus vel minis frangi et emolliiri posse. Oratum (inquiunt) ad te Regina Vanda nomine Principis nostri Rithogari venimus, parem te ut illi thori conjugem largiaris, sponsum habitura viridem, opibus et potentia pollentem, amplissima tibi largiturum dotis munera, si tuum assensum suo non negaueris coniugio, sin minus armis te ad id impulsurum minatur. Illa mediis fidiis constantis et virilis animi femina, adeo ne, respondit, legatis, tenuis sortis et coniugii indigna vestro Principi mulier visa sum? ut Regni mei celebritate et potentia neglecta, grauis quoque iniuria quam Regno meo inuaso intulit infertque oblita, me illi cum Regno subici consentirem, decusque Regni confunderem? Proindere, nunciate Duci vestro, et suum et cuiuslibet alterius connubium me perosam esse, satius quoque ducere Dominam me, quam dominantis conjugem appellari, bellum mihi indixit, bellum parat, Turpe putet stante acie, et virum et Principem omisso Marte, de Veneris transigere, armisque neglectis conjugalia tractare. Quo responso adito, signa canera, et suos armis correptis in aciem descendere iubet: hostilem et superbam denunciationem sibi a Legatis ingestam victri- cibus armis humiliatura. Verum dum Almanorum milites præcipui vultu Vanda Polonia Regina, diligentius contemplati fuissent, volentes experiri corpus quæ apud eos fama de singulari eius pulchritudine vulgauerat, veritatem, omnium subito corda tam eorum qui viderant, quam a cæterorum qui a referentibus audiebant, mollita, et in quandam tabem soluta sunt, ut omnes concorditer certamen futurum, quod et pro causa iniusta et cum exercitu potentiori sciebant gerendum, aperta publica denunciatione detractarent, asserentes se sacrilegium non prælum horrescere, nec velle pro causa noxia et impia notorium subire discrimen. Sic a loco certaminis diuertunt, in castraque reuersi, nulla poterant ad decertandum aut castigatione aut persuasione armis resumptis induci. Vehementi itaque mentis afflictione deiectioneque Princeps Almanorum Rithogarus consternatus, quod omnia ei secus quam sperauerat euenerant, ne ad Penates redire cogereetur inglorius, a vicinis quoque ludibriorum pati cogereetur opprobria, qui illum solo muliebri aspectu commentarentur deuictum, fati diem præocupandum statuit, conuocatisque militibus ait.

Quoniam, inquit, a vobis disertus, omni morte amariorem iniuriam hanc reputo, et qui bellum ultro inferebam, sine bello superior, Vanda enim mari, Vanda aëri, Vanda terræ imperans, Deorum immortalium voluntate vos effecit paucos et imbelles, corda quoque vestra solus aspectus eius infascinauit, et in vestrum meumque dedecus perpetuum conuertit. Ego tamen o Proceres et commilitones mei pro vobis solennem hostiam me ipsum inferis deuoueo, hanc tamen vobis a Diis quos peto, quosque desero, imprecor sortem, ut tam vram quam vestrorum filiorum et nepotum progenies, pro expiando scelere in me admissso, sub fæmineo consenesceat imperio, gladioque quem acumine contra se verso gerebat, corpore inermi incumbens vita expirauit. Vanda autem cum Primoribus Almanorum fædere celebrato, et miro maximoque bello unius voluntaria extinctione confecto, exercitum incolumem cum triumphali pompa Cracouiam reducens, cum magna reuerentia et solennitate recepta, pro tam magnifica et insigni victoria, pro tam felicibus successibus, quibus in omni vita sua supra ceteros mortales abundabat, primum Diis suis ad omnia puluinaria per dies triginta supplicationem pro re bene gesta decreuit. Qua ritè expleta seipsam spontaneam victimam Diis offerendam statuit: errore sæculi ipsius lapsa, quod tale gratum Diis arduumque et Heroicum facinus putabatur. Simulque ne actio: num eius uniformis splendor et felicitas aliquo casu aduerso obscureretur Proceribus itaque Polonorum conuocatis, victimis prius casis et sacrificio more patrio ritè peracto, in quo et gratiæ pro præstitis donis exolvebantur, et addebatur precatio, ut sibi partes meliores concederentur apud inferas sedes, de ponte in amnem Vislam saliens, undis præfati fluminis Visla se donauit, quibus præfocata mortem oppetuit, ac supra fluxum Dlubnia una a Cracouia miliari in campo sepulta est. Res apud posteros plus admirationis quam fidei habitura, sepulchro quoque idem honos qui paterno seruatus. Terrena enim melle collis in altum erectus, bustum suum in hanc diem illic testatur, a quo et loco nomen Mogila est inditum. Quod munus supremum tam Græco quam Vanda pro merito nemo a Polonis datum ambigit, tali enim utrumque perpetuitate celebrandum decreuerunt. Fluvius insuper Visla cognomen a Vanda Regina Vandalus sortitus, unde gentes quoque Polonica ab illo a plerisque Scriptoribus et gentibus Vandalitæ nuncupantur, licet vetus fluminis nomen non sit abolitum, quod Albula qui nunc Tyberis dicitur Romam præterfluenti a Tyberio in eo submerso legimus contigisse ~

*Przemislao Mimslaus, et Mimsiao Mnatha
successit in Regnum Bohemia Mnatha Vnislau
us et Wratislau, Vnislao Grzimislau, qui pa-
trum Wratislau Regnum ambiente occidit.*

Przemislai Principatu per mortem apud Bohemos finito duobus filiis
 suis immaturo funere absumptis, tercius morienti Seni Przemislao
 succedit Minislao nomine segnis et in omnia tardus et piger, mollis quoque
 et lasciuarum sectator. Minislao Mnatha successit. Quo excedente è vi-
 uis duo filii sui Vnislao et Wratislao successere, quorum alter vñt Vni-
 slao apud Pragen, alter Wratislao apud Zathoczen Ciuitates, patre
 ordinante dominatum sortiti. Ex Vnislao natus est Grzimislao, qui et
 Nieklam dictus, vir pavidus et ignauus. Cuius ignauiam patruus suus Wra-
 tislao animo metuens, et vniuersam Bohemiam ditioni suae subiicere desti-
 nans, in nepotem (iam enim pater obierat) mouet arma, et plura aduer-
 sus eum feliciter gerens, in extremum nepotis et gentis quae illi parebat,
 lactantibus etiam non parsurus excidium grassabatur. Et pugna acerrima
 in campo cui Thusco nomen est commissa, vincit Nieklam patruum suum
 Wratislao, qui in locum suum Sclerico corpore sibi perquam simili, sed animo
 et fortitudine dispari, constituto, vniuersas copias in belli discrimen addu-
 cit. Ambobus autem Ducibus vñt Wratislao et Sclerico in huiusmodi con-
 flictu cadentibus, Nieklam rerum summam potitus est, Inuentusque filius
 Wratislaoi impuber, Principi Nieklam traditus est, qui misertus patruelis
 sanguinis et aetatis, educandum illum Duringo, qui patri pueris amicissimus
 erat, tradit. Is caeca cupidine captus, tanquam gratiam Grzimislao ini-
 turus esset, caput puero piscatura operam danti, aufert, atque illud ad Nie-
 klam deferit, asserens se puero enecato solium suum firmavisse. Verum
 Nieklam impium scelus perosus obiurgato carnifice, quod illum neque amici
 memoria, neque innocentis pupilli miseratio a scelere reuocaret, Duringum
 in patibulum egit.

*Mortua Vanda sine haerede Poloni
 libertatem resumunt et duodecim
 creant Praefectos, qui diu durant ~*

Pincipatus iugo ex morte Vandae Poloni soluti, ad formandum liber-
 tatis statum omnium aspirabat intentio. Hic enim est omnium homi-
 num instinctus et affectus, ut praesentibus et recentibus in quibus
 versamur ea quae deseruimus vel non attigimus, credamus potiora. Abro-
 gato itaque vnius regimine et Principatu, duodecim Praefectos, iuxta nume-
 rum Prouinciarum, quae tunc Regno Polonorum subiacebant, creant, eosque
 vulgari vocabulo Woieuodas, id est exercituum Ductores appellant, qui-
 bus regimen Prouinciarum et bellorum administrandorum curam commit-
 tunt, et pro defendenda patria, tutandaque ab hostium inuasionem, diligen-

tes excubias facerent, et quoties id exigeret necessitas delectus agerent, et vocarent quoslibet ad arma, copiasque in hostes ducerent, et disciplina quoslibet contumaces et rebelles coercerent, pace autem reddita, iura populis subiectis darent. Quae consuetudo illo tempore capta, et per multas successiones traducta, etiam in hunc diem apud Polonos manet, et vetusti prisci temporis speciem praefert. Nam quilibet Ducatus et Prouincia Woieuodam seu Palatinum salariatum ex publico habet, qui et maiores causas suae Prouinciae, cum aliquibus aliis Magistratibus illi pro consilio iunctis iuxta iura Polonorum municipalia, constituto tempore iudiciorum, decedit. Exercitum suae Prouinciae ad bella procedentem lustrat, gubernat et praecidit. Bannitis et proscriptis dummodo iuri parere se astringant, saluum conductum largitur. Item Ministeriales publicos creandi, caeterosque et Conuentiones particulares suae Prouinciae celebrandi, pondera et mensuras instituendi, caeterasque quibus regulatur et gubernatur Prouincia ordinationes facere, sibi et non alteri est attributa facultas. Vnde et maiores nati, et qui meliora sortiti sunt ingenia, ad regendum hunc Magistratum exquiruntur, cum ex illis salus et perniciēs Reipublicae dependat. Funguntur penē eadem auctoritate sub Regibus et Principibus, quibus stante libertate, et Imperio Regum et Principum abrogato,ungebantur. Regebantur autem Polonorum Prouinciae per huiusmodi Woieuodas et Praefectos annis multis, unoquoque Woieuodarum enixius pro administranda iustitia, pro defendenda patria et libertate operam nauante, ne grauior duriorque Polonorum offensio desiderium creandi Principem animos incenderet, et statum libertatis quo res eorum publicae et privatae vehementer infloruerant, pessundaret.

Grasiantibus per Poloniam Pannoniis & Morauis, dum non possent Palatini resistere, Przemislaus miles astu et ingenio superauit, et publico edicto eligitur in Principem.

S Tante florentisque Republica Polonorum sub duodecim Palatinorum seu Praesidum gubernatione annis multis, rursus dum Poloni more ingenii humani, gubernationem Palatinorum pertæsi, desiderio noui Principis tenerentur, credentes se sub eius regimine magis feliciter victuros, temporis opportunitate ad explendum grauidum iam et maturum desiderium sunt adducti. Duplex enim et uterque in grandi et frequenti numero, ex Pannoniis primum, deinde ex Morauia (quibus caeterae nationes praebuerant auxilia) in Polonorum regiones concitatus hostis copias ducebat, Polonos

sui iuris adempta libertate facturus. Quibus etsi Polonorum turmæ sub ductu et auspiciis suorum Palatinorum occurrissent, et prælio conser- to pro viribus dimicassent, sinistram tamen et aduersam fortunam experti, et cladem aliquoties ab hostibus perpassi, ne de summa rerum periclita- rentur, caput illos anxietas et formido horrere, dum hostes continuè palan- tes per agros prædas agerent, et libera licentia vagarentur. Omnibus itaq; Remp. Polonorum, exercitibus deletis, hostibus dielini grassantibus, existi- mantibus amissam, vir unus restituit retinuitq; hanc. Erat ea tempestate vir quidam impiger Przemisl nomine, inter Polonos industria disciplinæq; mili- taris aliquanto quàm pro sorte in qua erat expertior, ingenio itaq; atq; indu- stria quàm prosapia genere maior, iustitiæ opinione insignis, ac apud vulgares propterea celebris et vir multiplici præstantia clarus, quæ res certiori spe Polonos, quàm quæ oculis subici potest, impleuerat, cui ad naturalem indo- lem frequens præliorum in quibus militauerat accesserat exercitatio. Is cum apud hostes omnia negligentius agi explorasset, ad consilium magis do- losum quàm audax, animum adiecit, et secum tacitus circumspiciens diuq; agitans, qua nam arte hostilis superaretur potentia, quam langui- dis suis viribus videbatur frangi non posse, solerti rem insolitam animo excogitat, et vani terroris vanaq; ad pugnam simulationis instruit appara- ratum. Simulacra siquidem gallearum in crebra multitudine in collibus Castris hostilibus confrontatis, primo mane Sole oriente, ordinauit suspendi. Quarum reuerberatio Solis facta radiis, adeo hostilem exterruit exerci- tum, ut vniuersi armis certatim utrunq; comprehensis, nulla lege nullo or- dine seruatis, illuc ubi galleas micantes viderant, præcipiti cursu concurre- rent, nouam victoriam de Polonis relaturi. Verum dum ad loca in quibus ab illis simulacra gallearum conspecta erant peruenissent, et nullas illic Po- lonorum acies, sed nec prius visas galleas reperissent (repente enim illas exercitum hostilem Pannoniorum et Morauorum armari videns, ut auerte- ret illos ab ea quam conceperant opinione, Przemisl subduci mandauerat) diffugisse Polonos qui apparuerant rati, solutioribus ordinibus in statua reuertuntur. Przemisl vero occasionem benegerendæ pugna, quam quæsiue- rat, se videns magis simultate et arte quàm veris viribus consecutum, Po- lonorum milites qui se illi iunxerant animat, hortaturq; ad certamen, certam illis spondens, si et ipsi quoq; deuouerint ad vincendum animos, victoriam. Atq; ita illis acerrimum ad triumphum conceptum infundens, ut ea aggre- di auderent, quod non ausuros eos hostes verisimiliter rebantur, à tergo et lateribus somno stratos et corpora curantes prima vigilia hostes aggressus fortissimè et audacissimè, alienatis à memoria periculi Polonorum sensibus, et hostium tella intrepidè excipientibus obtruncat, et plurimis occisis, cæ-

teris vero omnibus metu nimio perterritis fugientibus, hostiles copias cum paucis prosternit et deuincit, castraque hostium, pluribus rebus et spoliis referta capit, praedamque illic repertam militibus concedit. Facile autem hostium fugientium multitudo poterat deleri atque capi, sed Przemisl patriam liberasse et hostem vicisse contentus, fugientes insequi vetuit. Tantus vero ob defensionem liberatamque patriam erga Przemislaum amor esse capit, ut tam militari quam vulgari favore, quod dignus esset Imperio acclamaretur, et mox in Polonorum Monarcham et Principem uniuersorum suffragiis et consensu crearetur. Ab eo autem tempore prisco nomine abrogato Leszko appellatus est, quod signat uaser et dolosus, eo quod astu et uasfricie ac calliditate magis, quam armis et robore hostilem et aliquoties victorem exercitum superauit, siue (quod verum magis reor) ne quid illi ad conditionem auctoritatemque Principatus deesset, nomen uetus et commune Principum Poloniae ei est impositum, quod a Lechone primo caeteri Principes ex eo descendentes appellatione diminutiuam, qua singulis fere gentibus in usu est, vocabantur Leszkones non Lechones. Quod quidem nomen in generationibus Principum Poloniae in tempora nostra tractum perseverat.

Mortuo Przemislao multis Principatum ambientibus, Poloni decernunt cursum equorum ad columnam erectam. Ut qui prius eam attigerit Rex sit. Leszek clam uincos in terram per quam erat currendum recondit, et ita dum ipse equi sui pedes ferreis soleis munisset, et aliorum laeli claudique essent primus ac: currit et Rex acclamatur. Sed dum alter quidam iuuenis quod pedes spaciū cursus circūiens secundus ad columnam accurrerat, Rex Leszko prore obdoli occiso, appellatur.

Leszkonis seu Przemislai Principatu annis aliquot continuato, et felicibus successibus finito (nemo enim in diebus suis ausus fuit in regiones Polonorum bello publico, principante eo inuadere, Pannoniis et Morauis magna clade perdomitis) nouum inter Polonos de surrogando Monarcha et Principe subortum est dissidium, noua et varia post mortem suam generata sunt Principatus studia. Praefatus enim Przemislaus seu Leszek nullam suae posteritatis in virili aut faemineo sexu reliquerat progeniem, propter quod illo mortuo ad occupandum Principatum plurimorum animi variis respectibus incitati, aspirabant. Alium enim instigabat genus, alium diuitiae, alium factiuitas, alium industria, alium consanguineorum crebra

suppellex, alium maiorum clarae imagines. Hinc quoque effectum est, ut postquam Comitiorum dies ad eligendum nouum Principem aduenisset, varia quoque ambientium Principatum tam studia quam ingenia apparerent, unusquisque enim pro viribus ad se eum rapere conabatur. Pluribus itaque diebus super eligendo nouo Principe nequicquam consumptis, intendebatur magis quam remittebatur petentium illum ambitio, nec finis monstruosae electionis suffragiis eligentium multifarie diuisis, aliisque alium ordinare cupientibus, sperabatur. Ne tamen factum eligentium disturbium, quod in apertas et publicas contentiones atque scismata emulatione eligentium, crebra etiam strage et interitu multorum propterea subsequente, verendum erat, ne prodiret, vergeret atque serperet in vniuersam Reip. periculum et discrimen, post longas discordias ad sedandum exortum disturbium, haec via omnium consensu reperta captaque est. Ut certo tempore ad id constituto firmaretur columna, quam omnes Principatum Polonorum ambientes, equis distinctis et varias maculas seu colores habentibus, quam velocissimo possent cursu, a praefinito loco peterent, et quicumque ex currentibus primus columnam attigisset, ut is Polonorum regimen et Principatum, conditione cuiuslibet cessante, pernitiore cursu sortiretur. Ad assequendum itaque Rectorem per hanc viam, in qua cuiuslibet fraudis et doli nullatenus posse interponi credebant materiam, utilem et idoneam, campestris planities prope Ciuitatem Cracouiensem, versus fluuium Pradnik sita, et prospectum habens uniformem placidum et virentem, eligitur, columna figitur, spacia cursorum certis signis et terminis praefiniuntur, singula impedimentorum obstacula remouentur. Senes et grandaeui Proceres, puri et sinceri, ad inspectanda iudicandaque currentium merita eliguntur, nobile brauium Principatum vult Regni Polonorum victori et athletae collaturi. Verum ut est ingenium humanum nullis cautellis circumscriptibile, facile via capta est, per quam studiis humanis repletum decretum dolus superueniens, vincit. Vir enim quidam ingeniorum et astutiorum plenus, qui inter eos qui petebant percursum Principatum ardentior ambitiorque habebatur Leszelek nomine, omne campestre spatium, quo ad columnam currendum erat, nocte intempesta sine arbitro, ne a quoquam proci vel vulgari facinus posset, ferreis oxigonis cautè replet et sternit, sabulo ne possit fraus notari superiecto, vna tantummodo laterali semita, per quam sibi currendum credidit, sine oxigonorum labe et stramento relicta, et certis signis tantummodo sibi notis distincta. Quo facto non sine ingenti gaudio Comitiorum diem, Principatum nihil dubitans ad se peruenturum, operiebatur. Interim autem artificiosè elaboratum ingenium casus prodidit. Duo siquidem adolescentes sortis tenuis et obscurae ad locum Palaestrae solacii gratia aggressi, ludicro fœdere inter

se paciscuntur, ut pedestri cursu et itinere, columnam locatam peterent, eo premio proposito, ut victus victorem semper Regem et nominet et saluet. Verum destinatum pactum impleturi, mox in ipso primordiali cursu ab oxigonis ferreis plantas ludentibus, inhibito subsistunt, ac universam illam planiciem, similibus oxigonibus ferreis stratam reperiunt, nihil tamen de his quæ casuali depræhensione inuenerant, vulgandum rati, rem omnem silentio præmunt. Cum vero Comitiorum et constitutus Idibus Octobris currendi dies aduenisset, plurimi tam viri quam adolescentes, in discoloribus equis fortunam experturi ad palestræ locum per eos quibus eiusce rei cura mandata erat, deducuntur, universa nobilitate et plebe Polonorum ad tam grande et rarum spectaculum, in frequenti numero exitum novæ rei spectatura conveniente, præbuit ex omni parte spectaculum stratus arena campus, exstructum est Proceribus et Primatibus Regni Solium. Populi qui undiq; spectatum conuenerant, ora, mentes, atq; oculos in currentes conuerterant; quibus multiplex, ut sit, metus, fauor, misericordia, et studium iuxta affectionem qualitatis inerant. Cum itaq; omnium Regnum petentium pariter incitatus esset cursus, universorum equi læsuram oxigonorum, quos nullatenus vitare poterant, passi, primum cespitant substituntq; et ad extremum concidunt, sessorum suos vehementius illos urgentes deiiciunt, remorantur aut sternunt. Solus Leszko oxigonorum dolosus iactor, qui et ungulas equi sui babatorum ferramentis undiquaq; accuratus sepiuerat, ut etiam oxigonorum, si in illos aliquo euentu incideret, fessellisset discrimen, semita non infecta gradiens, primus et solus, non sine comitum et spectantium stupore et admiratione ad columnam equos prior aduenit, et columnam velut victor et Athleta apprehendit. Sed neq; alter ex duobus adolescentibus, quos pridem ludibrii pacto concurrisse monstrauius, qui pauciora ab oxigonis vulnera contraxerat, iamq; sanitati redditus fuerat, palestram illam negligendam duxit: quinimo equestri turmæ ad currendum dato expressoq; tempore, mox et ille itinere arcuali et cursu obliquo, non sine populari ridiculosa vociferatione et cachino, pedibus concitato rapidoq; cursu ad statuam secundus peruenit. Quamvis autem Leszek primus in equo maculoso iuxta condictum ad columnam peruenisset, et Rex Princepsq; ab universis consalutatus esset, mox tamen per competitores suos de euidenti incusatur fraude, causamq; dicere coram iudicibus ad inspiciendum constitutis merita currentium est compulsus. Producuntur autem in euidentiā patratae fraudis, omnes equi sui quatuor ungulae, ferro undiq; circumuolutæ, illoq; euidenti documento, strator iactorq; oxigonorum, et publici instituti vaser temerator esse conuincitur, omniumq; iudicio concordis sententia ambitus reus et doli artifex damnatur. Damnationis autem in

illum prolato decreto, à Competitoribus suis quos sefellerat, et cæteris qui illius exquisito irascebantur facinori, membratim laceratus et discerptus est, et fraudis suæ penam meritam pendens, atroci supplicio perit. Con- cordi autem uniuersorum instinctu et acclamatione, adolescens ille, qui pe- destri cursu statuam iocabundus contigerat, dignus Principatu iudicatus, in Thronum Regium extollitur et sublimatur, et sibi quamuis sortis ut præ- diximus inferioris et obscurioris esset singulorum consensu defertur Prin- cipatus, decernentibus cunctis recte illum iuxta edictum legis Principa- tum meruisse. Ne quid autem ad principandum priscum nomen afficeret, abrogato uelusto, Leszek vocatus est. Celebre enim id nomen apud Polo- nos protunc habebatur, ut etiam quos in Principatus Dignitatem assumere, illo quasi quodam caractere insignirent. Sic uno eodemq; tempore Sacro, sanctus Regia Maiestatis Magistratus, fraudulentis ambicijsq; homini cum sua pernicie negatus est, et humili simpliciq; viro cum summa eius laude col- latus. Verificatumq; tunc est veridica scriptura Eulogium, Multi con- sederunt in Throno sed, insuspicabilis portabit Diadema.

*Quomodo Leszek partis de hostibus
multis victoriis diu et pacifice, multis
et Virtutibus decoratus regnavit.*

Obscuram autem sortem conditionemq; suam in fastigium Regale mirabi-
li providentia Diuinitatis euactam, Leszek Heroicis extulit virtuti-
bus, tot virtuosis illustravit actionibus, ut non in rusticano lugurio
natus, sed à Regalibus thronis parentibusq; ingenuis ortus crederetur. Ani-
mus illi liberalis, vastus et impiger, audaciaq; ferox; qua non solum vicino-
rum hostium Domina sua iruadentium impetus represserat, sed etiam Panno-
niis, Morauis, Bobamis, Teutonicis, alijsq; in circuitu nationibus bella ultro
intulerat. In quibus gerendis solertia et fælicitate usus, nonnullos hosti-
um magnis præliis fudit, cæteros terris et fortunis mulcavit. Si quando verò
hostis deesset, ne militum corpora longa quiete hebetata languescerent, Cu-
rias indicebat, ludos hastarum et simulachra pugnarum, cæterosq; actus mi-
litares instaurabat, victoribus et Athletis premia proponebat, et ea cum
magna animi alacritate inter vincentes partiebatur. Qua quidem actuum
militarium et luctarum continua instauratio, et charitatem illi apud vin-
centes milites magnopere procuravit, et milites ad gerenda bella continua
armorum exercitatione atq; usu effecit constantes et pronos. Tanta insuper
liberalitate et in domesticos et in aduenas resplenduit, ut sæpe maluerit
ex largitione egere, quàm per tenacitatem ex abundantia ditescere. Nullum

benè meritum remuneratione negligens, aut petenti aut egenti premium seu suffragium denegans, ut non Rex sed omnium indigentium saluberrimus prouisor putaretur. Parco autem et castigato victu contentus, maximus ebri; etatum et crapularum osor habebatur, mensam deniq; suam admiranda prouidentia parsimoniaq; venustauerat, ut omnibus quidem vespertibus dapēs sufficerent, ingurgitationis vero occasio procul abesset. Exigua hæc fortasse et minus admiranda in Principe viderentur, nisi et iis omnibus unum specimen virtutis cætera supergrediens adiecisset. Eam enim animi continentiam modestiamq; quam dum priuatus esset a virtute nē mutuatam an a natura datam incertum est, habuerat, ad Regalem fortunam pertulit, eiusq; usum in omni tempore vitæ suæ seruauit. Sæpè quidem in actibus publicis, quoties illum Chlamide Regia vestiri aliqua necessitas impulisset, toties pannos hirsutos et vestes ignobiles in quibus suscepit Regnum, super verticem suum in eminentiori loco iussit extendi, volens ut habitus ille originariæ sortis sibi renouaret repræsentaretq; memoriam, et ipsum vitæ necisq; ciuium creatum Dominum insolascere non sineret, cuiuslibet Pompæ, arrogantiæ, et iniuriæ sibi supergressione interdicta, ab initio Principatus usq; ad vitæ exitum humanus et clemens erat. Tenuitatem vero generis originarii nunquam inficiatus est: quin etiam pro decore habuit, quod illi in eam Principatus amplitudinem ex sorte humili emergere et conscendere contigisset.

Leszek ante obitum filium Leszkonem tertium reliquit heredem se non inferiorem. Qui tandem unicum legitimum reliquit filium Pomiliū Regni successorem, et naturales viginti. Quibus sub eius ditione relictis certas in vitā suā terras inter eos diuisit.

Iusto et modesto regimine, dum apud Polonos annis multis Leszek secundus victoriosè et fœliciter imperasset longo senio confectus ad maturam ætatem perueniens vita excessit. Nonnulli asserunt hunc Leszkonem, in prælio cum Casare Carolo magno inito victum et occisum esse, ita enim reperi Martinum Gallicum de eo scripsisse. ANNO Domini Octingentesimo quinto. Imperator Carolus misit Carolum filium suum in Poloniam, qui depopulatis omnibus, Duce[m] terræ illius Leszkonem occidit, indeq; reuersus ad patrem, Vostego syluæ venatui studentem, eum inuenit. Ex quo quidem constat Polonos et tunc et antea bella et cum Imperatoribus et Regibus finitimis gessisse. Sed quo tempore

quouē ordine, aut qua fortuna, quibusue Ducibus, propter literarum et Scri-
ptorum, quibus tunc Poloni velut gentiles caruere, penuriam, parum constat.
Itaque siue naturali siue violenta morte Leszko decedens, unicum filium
sui nominis Leszkonem tertium Polonis pro hærede reliquit. Qui ob patris
præstantes actus et merita in solium paternum dignus iudicatus est succe-
dere. Nibilo autem paternis actibus, quibus per optime fuerat institutus
inferiorem se gerens, adeo celebris fama, virtutibus, et gloria apud suos et ex-
ternos habebatur, ut patris virtutem et merita transcendisse magis quam
æquasse putaretur. Plurima hic cum finitimis bella gerens nomen et gloria
gentis suæ et suum, plurimis Heroicis operibus nobilitauit. Quasdam vero
Regni Polonorum Prouincias sua prudentia et bellica virtute vacillantes,
et res nouare cupientes in fide continuit, motusque earum compressit, quasda
etiam denuo expugnatas suo adiecit imperio. Crebris autem vicibus à Pan-
noniis tunc per Græcos et Italos lacessitis, magnis precibus et largitionibus pro
administrandis bellis inuitatus, legiones Græcorum et Italorum frequenti-
bus victoriis fudit, gentemque Pannoniorum qui et ipsi Slauī sunt, ne Græcis aut
Italīs tributaria fieret, tam suo quam exercitus sui robore atque arte milita-
ri qua pollebat, prouidit. Ex legitima autem uxore, unum duntaxat filium
nomen ei Pompilius imponens progeniuit, quem in spem futuræ suæ succōnis ad-
bibitis Magistris et Curatoribus dignis moribus et virtuosis institutis prouidit
educari. Ex pluribus autem pellicibus, viginti filios omnes mares susce-
pit, ut Boleslauum, Cazimirum, Wladislaum, Wratislaum, Oddonem, Bar-
uinum, Przibislaum, Przemislaum, Iaxam, Semiamum, Semouitum, Semomi-
slaum, Bogdalum, Spicigneum, Spiczmerum, Sbigneum, Sobeslaum, Viszmu-
rum, Czepimirum, & Vislaum. Veritus autem Leszek ne eo ex humanis
rebus assumpto, super Dominiis et Principatibus suis, contentiones et bella san-
guinisque profluvia inter filios consurgerent, filium legitimum Pompiliū Mo-
narcham et Regem Polonorum Dominum constituit. Cæteros vero fratres
suos naturales suæ subiicit obedientiæ et seruituti, et iureiurando constrin-
xit et obligauit, mandans ut sibi in omnibus pareant, et illius Tribus, alique
superioritatem recognoscant. Partitur autem inter filios viginti prædictos
omnem maritimam Slauorum, Rugianorum, Poloborum, Obotritorum, Varien-
sium, et Caschubitarum oram, versus Misnam et Vestfaliam et Oceanifre-
tum se protendentem, et omnes Regiones Poloniae inter Albiam et Halebam
flumina sitas, et cuiuslibet congruam assignat portionem. Qui in illis plu-
rimo tempore Principatum gerentes, plures Vrbes, Castra, Municipia atque Ca-
stella ex suo nomine condiderunt, quas et si natio Teutonica successione
temporum occupauit occupatque in præsens, uetus tamen nomen urbium Ca-
strorum et locorum, quamuis in Almanicum transformata sint, manet etiam

in hanc diem appellatio, vñt Bvrow, Dobin, Brema, Mikielburg, Luneburg, Aldenburg, Raczesburg, Sigeburg, Plunen, Slesnik, Ilow, Zwerin, Malechow, Rostog, Kuczin, Verle, &c. Occupata sunt terra et regiones Slauorum præfata una cum Castris et Ciuitatibus præfatis per Saxones, Vestfalos, Olandros, Frisones, ceterosq; Teutonica lingua populos, et successiue Principes, Proceres, Optimates, et nobiles præfatarum regionum, ab Almanis exterminati et eiecti sunt. Ad extremum Nicolaus Princeps Slauorum cum duobus filiis Przibislae et Varczislao ab Henrico Leone Duce Saxonie deleti sunt. In vicis tamen et rure Slauici rustici generis habitant in hunc diem nec aliam linguam nisi Polonicam seu Slauonicam licet corrupto et in pluribus mutato, ppter commixtionem et vicinitatem aliarum linguarum et nationum, ydiomate sonant.

*De Castris per viginti filios Leschkonis
ædificatis, vnde clarè apparet, quàm am-
pla olim fuerat Polonorum regio, quæ nunc
à Germanis possidetur.*

Mentio de filiis naturalibus facta, per Leschkonem procreatorum, me admonet ne illorum Principatus et Dominia Vrbesq; ab illis conditas et populas, absoluam silentio, ut Polonorum posteritas intelligat, quantum sit Polonorum Regionibus per nationem Teutonicam detractum, cum omnes oras et Prouincias illas Almanis sui iuris fecerint, licet adhuc in villis et rure Slauonicum genus et lingua vigeat. Cesserat itaq; Boleslao primogenito naturali, Baruino et Bogdalo Pomerania inferior, Casimiro et Wladislao, Casubia, Iaxa et Semiamo Serbia, Wratislao Rama, Przibislae Cresmire et Oddoni Ditiuonia, quæ nunc Olsatia nuncupatur. Przemislae, Semouito, et Zemomislao Zgorzelicza, quæ nunc Teutonico nomine Brandenburg appellatur. Aliis vero residuis fratribus, quædam sortes in huiusmodi Prouinciis consistentes, adiectis quibusdam desertis sylvarum et nemorum, fuisse consignata. Condit autem Vislaus Castrum Miedzibozæ quod nunc Mejdburg dicitur. Sobeslaus Castrum Dalen quod Dalemburg dicitur. Viszimirus Castrum et Ciuitatem in ripa maris Septentrionalis Viszimiriam ex nomine suo, quæ etiam in hanc diem Viszimiria nuncupatur. A cæteris hæc Castra noscuntur erecta. Castrum Bremen in confiniis Vestphalorum et Frisonum situm, ut pondus hostile excipiat, Brzemie enim in Slauonico pondus denotat. Item Castrum Luna, quod

quod nunc Lumburg dicitur. Petra enim altissima, quam undiq; latæ planicies camporum ambiunt, in qua situm est, nomen Castro indicit, Slavi enim splendorem lunæ nocturno tempore interlucentem, Lunam vocant à cuius similitudine rupem in campestri planicie lucentem Castrumq; in ea fundatum Lunam vocarunt. Item Castrum et Civitatem Bvkwiec quam Almani Lubik appellant, licet per Slavos, in circuitu commorantes prisco intulatur vocabulo. Item Bachibor. Item Castrum Swerin. It' Castrum Lubow, quod quia à quodam Miklone conditum est, Teutonici illud Mikielburg appellant, et Principes qui in eo dominantur Mikielburgenses appellantur, à Camporum verò spaciosa latitudine in Latino Magnopolien ex duobus integris licet in duplici ydionate Latino vzt et Slauonico compositum vocitatur. Item Castrum Gilow à crassitudine terræ. Item Castrum Rostoki, à dissolutione inundationeq; aquarum. Item Castrum Verla à crudelitate. Item Zwanowo à vocando, vocatus enim vel vocandus in Slauonico Zwanj dicitur. Item Castrum Ostrow à loco insula in quo stat erectum. Item Teschin, Morlow, Bobel, Trzebieschow, Vologosch, Cziasny, Wolymiecz. &c. Plurimaq; alia Castra Municipia, Vrbes, et Castella, quæ à filiis viginti Leshkonis, filiisq; eorum et nepotibus circa Sarmaticum Oceanum et Septentrionale mare in paludibusq; insulis et desertis fretum illud ambientibus sunt constructa et erecta, quæ frequentin numero gentium propter maritimas opes et lucra incoluntur et inhabitantur. Novarumq; Urbium in oris illis varia consurrexerat structura et habitatio numerosa.

Illam enim Septentrionalis plaga, quanto minus Solari ardore exurit, et niuali gelidoq; magis frigescit rigore, tanto salubrior corporibus hominum et ad producendum humanos fetus et gramina aptior existit.

Pompilius Leshkonis filius mortuo pte in Regem coronatur, et frs obediens confirmat in statutis, Sedem Regiam Gnelna, tandem Crulzuiciam per eum ædificatam transfert. Vbi gaudens quiete nullo edito memorabili opere, relicto unico filio obiit.

Ordinationi Leshkonis tertii, in singulis, quam vivens de universis rebus confecerat, paritum est, legitimus enim filius suus Pompilius tam fratrum quam universorum Poloniae Procerum approbatione et

111

consensu unanimi patre fatis absumpto in Regem et Monarcham Poloniae susceptus et surrogatus, uniuersis viginti fratribus ex concubinis susceptis praestantibus sibi iuxta iuramentum et decretum patris, debitam obedientiam et feudalem subiectionem. Firmato itaque Pompilius Solio, viginti fratres ad procurandas quas illis pater Leschko donauit. Prouincias dimisit, quas iuxta unicuique attributam industriam coeperunt administrare. Pompilius itaque siue Popyel, suscepto Polonorum Regno, montana sub quibus Cracouiens urbs fundata consistit, pertaesus in campestribus et planiciebus delectari cepit. Unde et Sedem Regni sui a Cracouiensi arce urbeque transferens, in quibus praedecessores suos nouerat habitasse, ad originariam praescorum Principum Poloniae Gnesnam uenit rediit. Sed cum quoque huius habitatio sibi ingenerasset fastidium, volens Principatus sui in posteros relinquere monumenta, in campestribus longum prospectum habentibus, nouam arcem nouaque urbem iuxta lacus et paludes condidit, eamque Cruszviczam nominauit et in illam suam continuam mansionem transtulit, principalem sedem Regni eam constituens. Ob quam rem urbs noua faciliter mercatorum et colonorum numero impleta, inter Poloniae urbes pro ea tempestate famosa et insignis habebatur. Quoties autem aduersitati hostili aut vicinorum bellis Popyel se opposuit, aut Polonorum Principatus ab hostibus inuasi fuissent, toties fratres sui et propriis personis et omnibus copiis contra quoslibet hostes adiuuabant illum, non prius redeuntes ad propria donec hostes fusi, aut exorti motus conditione honesta compositi fuissent. Nul- lum autem opus egregium, heroicum aut insigne praedictus Popyel cogni- tus est adidisse, neque auita aut paterna in administrando Regno, in propagandis eius finibus, in adendisque militaribus actionibus, in eo refulxit propago, sed parua tantummodo gubernare contentus. De coniuge legitima unico filio suscepto, quem suo nomine Pompilium appellauit, nondum ad senectam perueniens in marcida et torpenti aetate morbo conceptus vita decessit. Nihil aequum aut timidius diffidensque fuit, caetera in illo venerabili, ora videbantur. Illud quoque criminis et enorme, siue illud sibi natura infudisset, siue venturi mali omen foret, quod in omni Sacramento atque execratione, murium deuorationem, quae successu temporum Diuino iudicio permittente secuta est, sibi imprecabatur euenturam. Latino idioma vocatus est Cinereus Almanico Oszerich, circa annum Domini- nicae Incarnationis Octingentesimum apud Polonos creditur imperasse, et Monarchiam Polonorum Monarcha ipse per annos plures rexisse.

*Quomodo rementes frēs ad Pompiliū illoq; mor-
lito inuenio, filium ipsius Pompiliū acceperunt in
Principem et curarunt recte omnia administrari ~*

Languore Pompiliū Principis, viginti fratres eius qui ad maris Sep-
tentrionalis Oram et in Pomerania inferiori Casubiaq; Principa-
tus et Dominia sortiti erant, ad se perlato, singuli de omnibus suis
habitationibus egressi, proprio cursu Cruszuiciam ad visitandum frēm
languentem, conueniunt. Sed fratrem Popyel, postridie iam animam
exhalasse reperiunt, super cuius morte non mediocri dolore consternati
plures fletus fundunt. Corpus eius iuxta morem illius temporis bono sto-
loco fundant, et honore debito funeralibus suis iusta peragunt. Ea au-
tem in omnium pectore, ad fratris filium quem unum Pompilius super-
stitem reliquerat, reperta est affectionis charitas atq; fides, ut quamuis
potuissent, probantibus id Proceribus et Primoribus Poloniae, Curatorum no-
mine administrationem Regni propter imbecillem nepotis aetatem, nancisci,
omni tamen ambitione circumscripta, nepoti Pompilio quamuis immaturo et
paruulo regimen relinquere quā illud in aliqua parte contingere malue-
runt. Unde et tunc adolescentia nepotis in dies longiores minimē expe-
ctata, ipsum in Regem et Monarcham Poloniae extulerunt, ac illi quemad-
modum a prae Sacramento constricti erant, fidelitatis obedientiaq; omagi-
um praestiterunt. Accedebant autem aliqui ex eis, quibus onus illud cate-
ri mandauerant, et per certa intervalla maiorum quaestionum et Causarum,
quae ad Pompiliū referebantur, audientiam, decisiones et edicta facientes,
in Curia nepotis donec adolesceret benigna longanimitate morabantur: rati
se Pompilio nepoti ex tam benigno assiduq; officio, in illius tenera aetate
impensio, postquam in virum euaderet, chariores fore ~

*De moribus Pompilii detestandis & quomodo
Uxor eius per blandicias viro effeminato, susci-
pit omnem Reip. curam, duobus filiis procreatis ~*

Sub diligenti et accurata Patruorum solitudine, minor Pompilius
annos adolescentiae egressus, suo iuri et potestati a Patruis reli-
ctus, ab auitis mox capit degenerare moribus, his rebus tantummo-
do intentus, quae parum commercii habere videbantur cum virtute, in om-
nia quoq; prava et scelestae peluis, turpis et flagiciosissimus habebatur.
Nulla in eo nobilis indoles, nullus actus viro heroico et Principe dignus,
nullum virtutis specimen, nullus honestatis amor, somno et crapulae et

ventri deditus. Non Baronum suorum intendebat consiliis, sed lasciviam petulantiamque sectatus, in apparandis conviviis, in trabendis ebrietatibus, in ducendis plausibus et choreis occupatus erat, posthabita omni virtutis cura, sarta tractabatur non arma, foeminarum cœlibus et conversationi implicatus. Virorum et præsertim maturorum et prudentium consilia, quasi quandam pestem et perniciem fugiebat, propter quod vicinorum hostium furor, priorum Principum strenuitate solertiaque compressus, mox reuixit: Principis Pompilii scelere et pusillanimitate accensus. Crebris itaque bellis Diuinitate permittente lacescit, muliebri illa, pauentique administri-
strabat animo, ad consuetas et radicatatas voluptates semper reflexus. Unde et sæpe contingebat, hostes quamuis minoribus potentiis fretos, commisso prælio euadere superiores. Ipse enim Pompilius tardius omnia quæ ferro administranda erant providens, primus in fugam prosiliens, cæteros magno discrimine mortis vel captiuitatis, aut fugæ ignominia inuoluebat. Si quæ autem bella feliciter sub Principatu suo gesta sunt, non suis sed Præfactorum ingenius prouenerunt, quoniam ad repellenda bella gerendaque certamina Baronum deliberatione et consilio nunquam illum velut quandam infelicitatis sentinam placebat acciri. Non solum autem ludibrio, sed et despectui apud suos et externos patuit. Qui cum deformes et hos quidem attritos et raros in cæsarie haberet capillos, turpisque propter id, sed turpior propter laxatos in omne facinus mores haberetur. Chostko à suis pro vituperii nota (quod significat vilem, attritam, et deformem scopam) cognomen accepit. Bello segnis et timidus in quolibet vero opere cunctator, aduersus denique corruptelas pecuniarum parum purus. Procatur autem illi et desponsatur ex Principibus Almaniae vicini Polonico Regno coniunx, generis nobilitate præstans, et formæ elegantia rara foeminas plures suæ ætatis supergressa, in omne tamen facinus et præsertim in ambitionem et auaritiam muliebri ingenio prona. Ea spe et respectu à Patribus et Proceribus Poloniae illi coniuncta, ut viri actus detestandosque mores in meliora verteret. Verum illa blanditiis suis muliebribus, calliditatibusque illectum et captum illaqueauit adeo, ut apud illam magis quam apud Regem totius Regni administrandi consisteret potestas, singulaque per legem decernenda, non prius rata habebantur, quam illa Reginae consensus et auctoritas probauisset. Duo denique pignora ambo mares ex illa suscipiuntur procedente tempore. Earumque prolis fecunditas ampliorem illi struxit et apud Regem et apud Primates Regni venerationis gradum, statum eius et ex amore Venereo mariti et ex reproductione filiorum credentibus perpetuum. Ex quibus omnibus Regina magis magisque insolens conditionis suæ oblita, totius Regni administrationem et regimen ad se

unam, viro hebetato et effeminato traduxit, Regiumque animum suapte
tetrum et languidum, proceribus nequicquam potiora suadentibus, ad de-
teriora quaque propensiori studio inclinavit. Filiis autem Regis nomi-
na indita sunt avita, uni quidem Leeb, alteri nomen parentis Pompilius

*Quomodo castigatum a patre Pompilium
uxor agere ferens, maritum, ut eos veneno
necaret miris per suasionibus hortatur.*

Videntes autem et ab expertis cognoscentes Patris secundi Pompilii
nepotem suum in quaque prava declinasse, et suis et exteris magno
despectui et ludibrio esse, sapius illum privatim et publice acce-
dunt, sapius per auitos et patrios cineres obsecrant, admonent, et depra-
cantur, ut suam et eorum progeniem non prostitueret non polueret, et indi-
gnis moribus scurrilibusque abusibus non contaminaret, evidenti demonstra-
tione pluribusque argumentis et exemplis illi declarantes, non Divinita-
tem solum, sed nec subditos fœda sua iudicia, et petulantia opera quoquo-
modo repraesenturos. Sapius et illi minantur Regni exterminium sapius su-
um et suorum tam suffragiorum quam consiliorum, hactenus illi præsti-
torum, allegant discessum. Verum secundo Pompilio ad malignitatem
naturalis conditione insitam, altera labes ut consortis quam ex Principi-
bus Almania duxerat impietas acceperat: quæ secundi Pompilii suapte
agrum ad omnia nefanda primum animum, ad quaque deteriora inclinabat.
Perpendens siquidem maritum suum tam Primoribus quam inferioribus
tam divitibus quam pannosis exosum et inuisum, verita ne Proceres Regni
eius malignis moribus et muliebribus actibus perturbati, ad eius proscrip-
tionem eiectioemque vel perniciem procederent, et in locum eius aliquem de
patris suis Principibus ut ad oras Septentrionales habitantibus, surroga-
rent, stirpis quoque suæ duos mares quos ex Popiel susceperat in exilium pel-
lerent, nocte et interdium animum viri muliebribus blanditiis demulcet,
lenit, fleclit, et in necem exterminiumque patruorum allicit et inclinat.
Non est (inquit) tibi sed neque proli tuæ quæ tibi successura est Patris su-
perstitibus, securæ vita, non est tranquilla Regni quod habes sed momen-
tanea prorsus et periculosa possessio. Quot quot enim Patruos habes, tot
etiam tuorum pignorum insidiosos hostes, disertos tecum miscent et familia-
res sermones, crebris te coarguunt monitis, magnam avisamentorum ad-
monitionumque congruunt suppellectilem, maximam vim praesidiarum pollicentur.

Omnia hæc callido vafroq; agunt animo, ut tibi laqueum struant, ut te subditis tuis magis reddant contemptum et exosum, non patruorum solum sed parentum se erga te opera egisse gloriantur, altam vicissitudinis compensatione crebra sermonum usurpatione exigunt. Sæpe te non Regem, non primum Principem, sed sui figmenti vocant mancipium, suorum consiliorum nituntur tergere disciplinis, non quo melior exercitatioq; sed quo contemptibilior euas. Fluitas virtutes, mores, et actus, assidua relatione obiectant. Bella te cogunt repellere aut referre, quo te celerius extinguant, vniuersæ quoq; eorum ad hoc sudant, ad hoc lucubrant ad id vnum vigilant artes et ingenia, ut te et prolem tuam exterminent, tibiq; in Regno succedant. In tua itaq; manu situm est, Princeps ne an aliorum seruus? Inclutus an ignominiosus? felix an miser esse malis? Si itaq; sapis, si aliqua prudentia viges, si tuorumq; stabilem cupis esse statum, expergiscere aliquando, et hunc quo hactenus es usus excute torporem. Et priusquam patruorum tuorum in te roborentur machinationes, priusquam te suis fraudulentis casibus includant, vitam illorum si ferro parum tutum et conueniens censes, saltem potione toxica extingue, cuius rei me fidam cooperatricem habebis atq; ministram. Dii te penates patriq; et tam palerna quam auita imago in Regnum Soliumq; Regni vocant, sed et plebs omnisq; nobilitas in patrum cælus creat vocatq; Regem, Patru tantummodo obstant, nec felicem gloriosumq; Regem esse sinunt, quibus sublati omnia tibi pro voto non dubites cessura. His aliisq; persuadendo increpandoq; modis, virum ad facinus instigat, suo artificioso seductum alloquio, et muliebribus verbis illaqueatum.

*Pompilius simulata graui in firmitate
patruos suos ad se conuocat, celebra-
tisq; exequiis filios eis commendat.*

Is vocibus pluribusq; similibus sermonibus viri animum expugnatum et incensum ad innocentem patruorum suorum necem nefanda fœmina pelliciens, opportunum tempus et modum quo destinata animo mandat, celeri effectui, ingenti sollicitudine obseruat. Eam itaq; rem huiusmodi muliebri calliditate dirigente, secundus Pompilius in grauem morbum se simulans incidisse, ad grabatum se velut languidus et moribundus reponit, Patruos crebris literis et nunciis obsecrans, ut ad eum celerrimè non cunctentur, antequam illum languor conficiat, accedere, suprema quædam mandata ab ipso percepturi. Quibus ex more prompto et deuoto animo conuenientibus, sic apud eos Popyl, audiente Regina et primoribus Procerum disseruit.

Deorum inquit beneficio proximam mihi mortem imminere, ex languore quo me correptum cernitis, edoctus, nec amplius me posse aura vitali frui aduertens, vos charissimos Patruos meos dignum existimaui accersere, ut antequam vita mea exui me contingat, de successore Regni vestro saluberrimo consilio cui parere consueui aliquid constituam, ut quemadmodum vestro regnavi munere, sic et vestro perenni immortalitate viam beneficio per successionem filiorum. Magis enim me superstitem quam extinctum, magis viventem quam mortuum existinare potero, si vobiscum meas celebrauero exequias, et vestra in mestudia palpitante adhuc anima viuens prospexero, quæ mortuo humanitatis affinitatisque studio estis impensuri: fatis enim vocantibus dissoluor, nec fas est mihi diutius vobiscum immorari. Præstate itaque viuo quod morienti essetis præstituri, impietatis enim censeretur facinus, id viuenti abnuere amico, quod etiam hostis non consuevit exanimato negare, Simulat deinde lacrymas ac gemitus cum suspiriis arte compositos, exaceranda potius uafricia quam vero dolore expressos, et velut occupatus luctu oppressus lacrymis, præpeditus singultibus aggrauatus languore dicendi, ordinem tenere non potest. Ad hæc tam dulcia et mellea suauitate delimita verba, pectoribus omnium grandi mærore perculsis, vniuersa Regia Domus magnis capit concrepere singultibus, audiens hinc veras hinc fictas lamentationum voces, inde suspiria aut horribiles ululatus, contusionesque pectorum, aut complosiones palmarum, lacerant erinem virgines matronæ anosa vultum suum. Augebat autem omnium lamenta Regina simulatricis, plus quam Punica fraude ementitus eiulatus, quæ nunc virum, nunc mariti Patruos, nunc singulos Procerum luctuose amplexa, suspiriosis fletibus mouet et perlicit, et suo ploratu simulato, veras Patruis et Proceribus lacrymas executit pro marito. Tantusque mentes omnium occupat mæror, ut etiam fama prodente vulgari assertionem (falso licet) vulgatum fuerit, simulacra quædam area et statuas in Regia positas ad tantarum lamentationum mugitum, sudorem in lacrymarum modum largius quam inanimatis conueniebat profudisse. Quid plura ad nutum Pompilii Regis sumptu liberali et magnifico funebrales apparatus inchoantur, consumunturque viuentis hominis, quod monstro par videri potest, exequiæ. In quibus tanto quisque ex Patruis Pompilii Regis et Primoribus Coloniae studium officiumque suum extulit, quanto a spectatore Rege et omnium officium scrupulose notante strictiori fauoris et benevolentiae gradu anhelabat commendari. Superstitiosis itaque exequiis more et ritu gentilitatis illius temporis expeditis, omnes qui aderant delicato excipiuntur conuiuio, et singuli epularum protelata administratione opiparè pertractantur. Quos a refectione disgressuros, et iam mærore leuatos Pompilius Rex

117

ad praesentiam suam praecipit induci, simulans se ex iucunda eorum praesentia et dulcissima allocutione imminentem fati horam leuius tolleraturum. Conspiciens autem Reginam fallacibus indulgentem lacrymis, his eam solatur verbis. Quid (inquit) charissima coniunx maestis? menses flebilibus? quid luctuosis oppræssam te quaris acerbitatibus? viduitatem nè times? At certe his, quos pro tua orphanitate tutanda relinquo Curatores, superstilibus, viduitatis incommoda te ingressuram non speres, sed illis incolumibus, virum quasi tecum reputa praesentem. Singulos enim tam Patruos meos stricta mihi affinitate iunctos, quam Baronum meorum praecipuos, quos moriturus desero, obtestatos deprecatosque esse volo, ut in te natisque nostris communibus, mei uiuat vigeatque nominis recordatio, ut pote qui te et filios tuos reliquias corporis mei et dimidium animae meae, illis pro vade relinquo. Assurgunt Patruus et Baronum venerandus Senatus, et per se quisque operam suam iuxta extremum posse, erga consortem et filios Pompilii se pro viribus nauaturum promittit, mortemque aut perniciem sibi accideri prius imprecatur et deuouet, quam Regina et filiorum salutem quoquo modo negligeret. Simpliciter enim et recto corde, quod unusquisque sentiebat depromebat certatim, ad denominandum demonstrandumque suae deuotionis et charitatis, et in Regem et Reginam affectu. Neque credere aut perpendere poterant, quod simulatae tam Regis quam Reginae fuerant lacrymae, et gemitus arte compositi nec ullo dolore expressi. Adiciunt Patruus Duces Proceresque Poloniae, quo magis fletus flebiles rescindant, Regis et Reginae lacrymas siccent, quas in veritate et non in dolo opinabantur effusas, se filiorum Regiorum nandum æpheborum ætatem supergressorum Lechonis vult et Pompilii, tam studiosam tamque accuratam curam Pompilio Rege absumpto, gesturos, iuxta ac propriam, ut alios parentes filium Regii non desiderarent. Illumque honorem et cultum, fidem et deuotionem quam ipsi patri exhibere consueuerant, in eius filios superstites cura non remissiori translaturus. Ex his gaudere se Pompilius simulat gaudio ingenti, et obortis fictis lacrymis, quas fraudis et doli magnitudo excutiebat, vniuersis in genere gratias egit, singulos deinde proprio nomine compellans, et amplexibus et falsis oculis delimens, cunctos obsecrabat, ut verbis suis dando virtutem in promissa fide permanerent. Ad horam quasi moriturus prope, Reginam coniugem duosque in successionem Poloniae à se genitos filios, illis madentibus lacrymis commendat.

Patruus Veneno à Pompilio necantur.

Inter hos sermones in spacium decliuis Olÿmpi solare approximabat iubar, et Pompilius singulis suis dolositatibus ad fallendum Patruos et primos Procerum, arte coniugis compositis, iam perfunctus erat, Patruum quoque et Proceres singulis quæ penes moriturum mortuumque Principem rite expediri solebant, peractis, dissolutionis tempus, iuxta denunciatam Diuini oraculi certificationem credebat imminere, dum Pompilius Patruis et Proceribus suis, quasi valedicturus, nectar sibi iubet surrogari per ministros, extremum fœdus potione illius et osculo cum Patruis et Proceribus percussurus. Erat autem aureum poculum, Regina ingenio subtili cœlatura et arte elaboratum, cui infusus liquor quamuis tenuis et exiguus in altum spumabat, ut cratere vix dimidio liquor vaporali ascensu in summum euadebat, qui oris flatu dissolutus, ad veram quantitatem successit, ut in bulientibus ollis cernimus, redibat. Tali itaque vase latbifer potus infusus, primum Pompilio Regi porrigitur, ut à Rege prægustatus, à cæteris velut purus et salubris haberetur. Verum Rex ad singulos Patruos et Proceres prægustationem fallacem et simulatam faciens, virtute flatus spumorum densitatem, quæ medium Crateris occupabat, nil de substantia necdum contingens, sed ne libans quidem consumebat, reliquias vero potions dimidia, in qua validum conditum erat virus, exhaurire quisque ex Patruis et Proceribus iuncto Regi perprius osculo, iubebatur. In hunc modum pestifera potione impletos, somnum sibi ex eorum assidua et suavi colloquutione obrepere fingens, re autem vera ne in suo conspectu aliquem illorum extingui contigisset, excedere de cubili iubet. Veneni autem vigore, præcordia artusque virorum nec iniuste addictorum, occupante subito, in quamdam amentionem furoremque versi, à plerisque ebrui, ab aliis vero deliri et insani putabantur. Tandem virus sedem animæ pertingens, singulos pestifero nectare ebrios, antequam noctis succederet conticinium, multis affectos cruciatibus, peremit. Patens quoque rupturæ in cadaueribus demortuis corporibus prorumpens, venosica illos infectione interiisse evidentissima demonstratione vulgavit. Tum quoque primum ab vniuersis intellectum et comperitum est, Pompilium Regem, fallaci et virulenta potione inebriasse Patruos, et sub iniquissimæ suæ mortis colore, illorum detestabilem sibi, detestabilem Patriæ, detestabilem suo vniuerso generi, mortem maturasse. Et magis uxoris persuasionibus et declamationibus, magis suis ambitionibus, quam Diuinis naturalibus et humanis scitis parere voluisse. Cupiditate siquidem terrarum quas Patruum possederunt illectus, et coniugis suæ alterius quodammodo Iesabel in Achab et ipse versus instinctionibus, consiliorumque assiduitate inescatus, de iustis possessionibus sedibusque Patruos germanos eiecturus, omni communionem sanguinis neglecta, pudore

omni posthabito, iniuriarum ultorem vilipendens DEum, neq; credens illum iustum innocentem sanguinem vindicaturum, aut sanguinem germanorum Patruorum pena celeri et condigna nunquam parentaturum, pietate simulata in crudelitatem notoriam mox emersura, necem Patruorum germanorum ut cunq; procuraturus grassabatur, nec prius a pessimis caeptis resiliit donec ea spiritu maligno instigante peregit ~

*Quomodo Pompilius negavit patruorum cor:
pora sepeliri, vnde mures cum cum vxore
et liberis suis in Cru szwieza deuorauerunt.*

Syderibus Patriæ indigna miserabiliq; occidentibus morte, mæror tacitus et suspiriorum crebra ingeminatio, mentes omnium hominum occupauit. Pauore siquidem Tyranni constricti ac veriti, ne quid in eos qui mortis necatorum publicè deplangerent grauius consuleretur, patulos non audebant proferre eiulatus. Solus Tyrannus cum consorte sua miris tripudiis hilarescebat, conuiciisque & calumniosis criminationibus in viros innoxios a se veneno necatos utebatur, asserens illos ob facinus in Regem nepotem et amicum cogitatum, caelesti verbere miraculosè percussos interiisse, dum necem nepotis Regis, de qua in besternis gratulabantur funeralibus, vniuersi ultione Diuina exceperint, impietatemq; qua sub religionis et officii prætextu, futurum Regis et nepotis fictis et simulatis lacrymis deflendo excessum, monstrabant, repentino suo interitu detexerint. Geminato autem necis et criminationis scelere in Patruos Proceresq; peccata peccatis congeminans, aliud æquè fædum adiecit. Prohibet præceptione sauerissima extinctorum cadauera a quoquam contegi aut sepeliri, negans et amicis et Patruis sepulturam, quibus ademerat vitam, qui secus agerint, hi pana capitali ut plecterentur. Primus ille tam saui exempli auctor, occupaturus insignem crudelitatis titulum non sine infamia illius sæculi emerfit.lacebant itaq; mortuorum cadauera tæbe defluentia, et vniuersis insipientibus, commiserationis et hororis ingerebant terrorem. Tyrannus interim Pompilius Lamia crudelior, maiores singulorum impetus ædidit, et totus scortorum impudicorum gremiis se infudit, non aliter libitis quàm licitis utans, existimans se de cætero beatam et fælicem vitam Patruis et Proceribus decedentibus absq; ulla repræbensione in sertis, choreis, balneis, unguentis, odoribus, somno, crapula, ebrietate, luxuq; traduceturum. Sed non est ingenio humano aut robore compressibilis manus Dei, ut quando velit non inferat ultionem delinquenti. Vitor

siquidem et omnium iniuriarum vindex Deus, scelus illud quod Pompilius suis nitebatur adumbrare et inficiare dolositatibus gravi mulctauit supplicio. Dum enim spurcissimus omnium Popiel auget scelera, celebrat conuiuia, madet mero et unguentis, dissoluitur crapula et luxu, et ut alter Sardanapalus omni lasciuia genere fœdatur et insanit, repentina Diuinitatis obruitur ultione. De cadaveribus siquidem Patruorum et Procerum quæ Tyrannus abiici iusserat in humata, insolitæ quantitatis murium multitudo ebulians, sedentem in conuiuio, et voluptati dantem operam Pompiliu Tyrannum et suam consortem, duosq; filios Pompilium et Leschkonem caput continuatis et rabidis moribus infestare desæuireq; Vos etsi militum seruorumq; sedula cura abigeret, recentesq; succederent fatigatis, uinebat tamen murium perseuerans et noctu et interdum nullo spacio ad quietem concessa, multitudo, humanis aut auxiliis aut defatigatis aut se ab eius tutela subducentibus, cum et in defensores rabies murium sapius verteretur. Noua igitur remedia præparantur extruunturq; ardentes et frequentes foci, et in medio eorum Pompilius cum uxore et filiis consistit, si forte incendiis mures arcerentur. Sed et ignes quantumcunq; flammantes muribus peruii nullum Pompilio præstabant auxilium. Sic ergo ad aliud elementum conuersus in latè patentia stagna deportatur per naues Pompilius cum uxore et liberis, et in turri localur lignea undis undiq; ambita, sed nibilo plus undæ tulerunt remediū quàm ignis rogi. Singulos enim gurgites in quos se Popiel contulerat, mures natando variis itineribus illum prosequiebantur, conscutiq; nauem assiduus corrosioibus infestabant. Milites autem et nautæ ne simul naue à muribus perforata aquarum suffocatione interirent, ipso etiam Pompilio mandante in litus nauem reducunt. Cui naue egredienti noua murium caterua occurrit, et cum his quæ illum in stagno persecutæ fuerant, simul coniuncta. Tyrannum uehementius infestat. His itaq; et aliis pluribus remediis nequicquam proficientibus, uirtutem Diuinam uniuersi agnoscetes ab eo diffugiunt. Qui uidens se ab omnibus desertum, in turrim Castri Cruszwiciensis excelsiorem cum coniuge et filiis duobus conscendit. Vbi superabundante murium multitudine, à quibus absq; interuallo oppugnabatur, duo primum filii sui, eo et infœlici matre inspectante, nullamq; ferre valente opem, deinde crudelissima coniunx, et ipse ad extremum Tyrannus Popiel, adeo lacerati et corrosi, ut cum singulis partibus artubusq; deuorati sunt, ut neq; ali cuius ossis nec nerui vestigium relinqueretur. In hunc modum scelestus et impius Popiel cum suggestrice iniqua altera Iesabel, et filiis Diuina ultione deletus, et insolito nouoq; genere mortis consumptus, manibus necatorum Patruorum et Procerum iustas pœnas dedit. Cuius interitum cognito, ossa et reliquæ peremptorum

à Tyranno Patruorum et Procerum, quæ nondum tabefacta erant, à Cru-
 szuicien' pia miseratione collecta, vnius Sarcophagi tumulo condita atq; se-
 pulta sunt. Hic autem Diuinæ ultionis casus insolitus et rarus, Lopiel Ty-
 ranno et Principi Poloniae accidens, à pluribus Scriptoribus et Historiogra-
 phis pro singulari monstro et miraculo libris insertus reperitur. Morbo autē
 sororino et ferē eadem peste Arnolphus Francorum Rex, et Romanus Impe-
 rator Augustus ex concubina Magni Caroli filius scribitur interuisse, non
 murium quidem ut hic noster Pompilius, sed pediculorum undiq; scaturien-
 tium infestatione consumptus. Qui pulpis omnibus nocte et interdiu non
 cessando corrosis ossibus nervisq; relictis, usq; ad præcordia penetrarint.
 In hunc modum Pompilius Rex cum Regina consorte et pignoribus Diuina
 ultione deletus, et aliquanto grauius præcipitatus (unde per iacturam
 et sanguinem Patruorum et Procerum innocentum se ascensurum et filios suc-
 os euecturum crediderat) quā Phæton è curru Solis. Intuere quæso
 quilibet mortalis, et diligenti studio considera, et oculos tuæ mentis in Ar-
 nolphum Imperatorem, et Pompilium Regem conyce. Quorum alter nulla
 Medicorum ope à pediculis liberari, alter nulla militum resistentia à muri-
 um corrosione defendi poterat. Quin tam dolore quā fastidio torti, mor-
 te abominabili et miseranda interierent, à quorum corporibus pediculi tam
 paruuli, et mures inermes nequiuere auelli. Quos neq; opes immensæ, neq;
 thesauri, neq; Diademata, neq; Sceptra, neq; purpuræ, à pediculis et muri-
 bus tutari potuerant. Et his duobus si cætera deessent humana infelici-
 tatis argumentis certissimis, tuos actus tuosq; exitus metire, pediculis
 Arnolphi, muribus Pompilii terrefactus, fastu posito, Deum omnipotentem
 omnibus virtutibus cordis et corporis cole. Maiores æquo animo tollera,
 pares iugi dilectione pro meritis honora, minoribus per charitatem indulgendo
 compatere, et in lege altissimi die ac nocte meditare ~

Conuentus pro electione noui Principis fit,
 in Cruſzuicza, indeq; omnes nulla re constitu-
 ta discedunt, ob idq; intestina oriuntur bella ~

ORsu murium Tyranno Lopiel consumpto, et filiis eius vnā deletis
 iudicioq; iusto Dei extinctis, Proceres Nobilesq; Polonorum vniuer-
 si, ad providendum de futuro Rege et Principe, generalem conuen-
 tum apud Cruſzuiciam indicunt, velut in vrbe quæ pro ea tempestate prima
 et famosior habebatur, in qua hactenus nil præter famam durat, vix vici
 retinens nomen, et magnarum quondam opum tenue vestigium, nec Regiam

quis fuisse sedem illic, sed nec Regiæ bustum modernus crederet. Ita sunt turpi omnia aut vetustate dissoluta, aut conflagrata incendio: supernæ Diuinitatis prudentissimo providente consilio, in horrorem sceleris à Pompilio patrati, ut locus ipse facundum licet solum habens, solitudinis potius, quam frequentis loci repræsentaret formam. Iniciato et pluribus diebus super electione futuri Regis et Principis Polonia tractatu continuato, variæ dissensiones contentionesque suborta sunt et scismata inter eligentes, nonnullis priuata ambitione et suffragiis cognatorum, Principatum sibi mollientibus usurpare, cæteris vero contraria oppositione reluctantibus et indignum iudicantibus aliquem indigenam in Principem surrogari. Filios autem interfectorum à Popiel Patruorum et Polonia Principum, ex pluribus respectibus vniuersis Proceribus et Nobilibus Polonia assumi non placuit: cum quod à pellicibus pretendebatur eorum origo, tum quod stirps et cognatio Pompilii cunctis facta fuerat inuisa et execrabilis, tum quod melus et respectus apud nonnullos suberat ne filius aliquis occisorum à Popiel in Principem euectus, patris et patruorum necem, reorta in Proceres et Nobiles Polonia culpæ causa, ulcisceretur. Votis itaque eligentium in aduersas partes diuisis, infensis animis ex Cruszwicza discessum est, nullo ordine pro administranda Repub. procurato. Interea per circuitum vicinæ nationes infesto agmine Poloniam ingressæ, pro libito eam nullo resistente, spoliis et rapinis affligebant, et nonnullos eius Districtus et oras, iuri et proprietati suæ usurpabant. Procerum in super et Nobilium Polonia deterior erat conditio, qui mutuis in se grassantes odiis, continuis se inuicem depopulationibus consumeabant. Propter quod Polonia aliquanto tempore propriis et externis bellis deserbescens, magnæ patuit ruinæ et calamitati, gaudentibus et singulari exultantibus per circuitum nationibus tripudio, quod Polonico Regno plurimorum bellorum intestinorum stridoribus se ipsum collidente, crediderunt exterminium prouenturum.

*Conuentus alter pro electione Principis indicitur, et quomodo Pias Ciuis Cruszwicien vir bonæ vitæ habuit
duos hospites miraculose.*

Polonia oram cum vidissent primi Proceres ex dissensione domestica magis, quam hostili bello vexatam et attritam, secundum apud Cruszwiciam indicunt pro eligendo Principe Conuentum. Ad quem dum vniuersus Procerum et popularium cætus de Principe ordinando conuenissent, sedatis inueteratis odiis et simultatibus (sedari enim illas et componi extrema calamitas Regno imminens pellebat) modestos et concordēs ceperunt.

habere de surrogando Principe tractatus. Erat autem in Vrbe Cruszuici; en vir quidam nomine Piaszb, ab eo quod statura quidem depressa sed robusta atque crassa, nomen sortitus, Poloni enim suo vulgari idiomate eam partem rotæ quæ in axe voluitur, truncam et crassam Piaszbam appellant. Vir simplex et rectus, naturali iustitia cæterisque gradibus virtutum insignis, sed ob inopiam agellum exiguo colens aratro, cui ut plerisque tenuitatis causa probitas fuit. Habebat paribus virtutibus uxorem Rzepic; etiam nomine, et unicum filium ex ea susceptum, nondum aliquo nomine appellatum, ambo agrorum cultui intenti, cuncta quæ humo gignente quasi uerant, et per omnia ora celebrata charitate indigentibus aduenis, peregrinis, miserabilibus, personis et quibuscunque aliis eorum opem implorantibus, cum tamen ipsi gentiles Ethnicique essent, erogabant, ut ad eorum turba maiora quam ad Regiam stipem mendicantium frequentia conueniret. Contigit autem vivente Impio Rege Pompilio à muribus corroso, duos peregrinos et hospites, nunquam antea cognitos neque visos Cruszuiciam in habitu venerando et humano aduenisse, et primum apud Regiam susceptionem simul et refectionem expetisse. Qui cum à lanua Regia prohibiti exclusique essent, in domum et hospitale agentium Piaszb ad eam se conferunt, et tam à Piaszb quam à consorte sua Rzepicza hilari vultu excipiuntur, et affectu ingenti pertractantur. Coxerat autem Piaszb urnam mellis, porcumque saginatum nutrui erat, utraq; hæc pro parando conuiuio excipiendisque vicinis hospitibus, dum more gentili tondendi filii unici casariam aduenisset dies, in quo et puero imponebatur nomen, reseruabat. Verum duorum illorum hospitem plurimum lætatus aduentu, ad conuiuium destinata peregrinorum præcurione consumenda decreuit, porcumque occiso dapas conditioni suæ congruentes præparat, mensamque ponit, et hospitibus accumbere iussis, cunctos apponit cibos, liquoremque medonis, magna sedulitate unâ cum consorte sua Rzepicza subministrat, multiplici ingeminatione precum utrumque hospitem deprecatur et obsecrat, ne pauperes et tenues dapas suas fastidiant, ne pronam suam in eorum omnia beneplacita voluntatem contemnant, sed affectum eius si appositus cibus et potus vilis sit referant in acceptum. Hospitibus autem iusta gratitudine refectionem illis præstitam commendantibus, Diuinitatem omnium bonorum operum premiatricem pro se retributuram asserentibus, liquor medonis nunciatus suapte sponte crescere et florere, ad inundatamque prodire. Monentibus autem et iubentibus hospitibus, commodantur à vicinis vacua vasa in frequenti numero et quantitate, liquorque medonis exuberans, tam diu singulis infunditur, quousque vasorum accessio deficit. Et porco insuper occiso, ea carniū multiplicatio secuta est, ut eam vix decem lintres explere.

valerent. Geminatum innouatumq; miraculum per Heliam primum apud
Sareptam Sydoniorum Urbem, deinde per Eliseum apud Samariam crederes
praestitum, nisi in Prophetarum locum ii duo vel Angeli vel Martyres suc-
cesissent. Qua re munere et largitate hospitem Piasb ditior factus, sin-
gula hospitem illorum suorum agit arbitrio. Unde pro futuro quod celebra-
turus erat pro tonsione filii conuiuium, non solum concives et vicinos, sed et
ipsum Principem Pompilium, hospitibus iubentibus inuitat, quem magnifico cu-
cum omnibus conciuibus Deo singula augente pertractauit prandio. In quo fi-
lius Piasb duorum hospitem tonditur ministerio, nomenq; ei ab eisdem duo-
bus hospitibus, Semouitus imponitur, qui ex ea die peracto officio dispa-
runt, Angeli a nonnullis crediti sunt, a quibusdam Ioannes et Paulus Mar-
tyres, quorum festum Calendas Iulii Sexto agitur. Fortè enim huiusmodi
nominibus quarenti Piasb, qui vocarentur et qui essent, se insinuauerant.
Gratissimum itaq; summo Deo, et sublimis premii hospitalitatis officium esse,
vel hinc unusquisq; aduertat, quod etiam gentilibus huiusmodi opus Deus
ipse non dedignatus sit tam liberali compensare premio, et ut Angelos ho-
spicio exceperint, et tantam suae posteritatis fecunditatem, et generis sui ex-
cellentiam et celebritatem apprehenderint, ut ex eorum lumbis Reges et
Principes Poloniae prodirent, atq; agnitione unius veri Dei, successione a septim-
gentis et amplius annis exorta, in tempus praesens multiplici florens auctaq;
germinatione, perseveret. Inter felicissimos Piasb ipse reputandus, qui ho-
spitalitatis conditionem nomenq; licet gentilis fuerat sortitus, ob illius officii,
um atq; meritum medonis liquorem ab Angelis, non secus quam vidua mulier
ad Elisei Prophetae iussionem oleum augmentatum, et donec vasa commodata
sufficerent ubertim accrescens, vidit. et ad instar Abrabae Prophetae An-
gelos hospicio suscepit. Cuius stirps Diuino munere in Ducibus Poloniae,
qui Silesiam Masouiamq; inhabitant, in hodiernum diem ex illo tempore per-
seuerat, quamuis amplitudinem et fulgorem Regiae Dignitatis, quam etiam il-
lis superaddiderat altissimus, eorum et subditorum irritatus impietatibus
et iniustitiis, iam eis abstulerit. Actum autem id scribunt Polonorum
Historiographi anno gratiae Noningentesimo quarto, quo tempore praesuit Ec-
clesiae Catholicae Agapitus Papa secundus, qui sedit annis octo diebus
sex ~

*Electio, depositio, et mors miseran-
da Ioannis Papae duodecimi ~*

Agapitus secundus quiescens in pace, successorem, in sui locum Ponti-
ficatus, Ioannem XII. natione Romanum non legitime electum, sed
per patrem suum qui potens erat intrusum, habuit. Venator fuit et totus

lubricus et fœminas publicè fouebat. Quapropter depositus erat per Ottho-
nem Cæsarem, cuius depositionem floccifaciens pro Papa se gessit, tandem cu-
uxore cuiusdam Germani se oblectans, à Diabolo in tempore percutitur, et
sine pœnitentia subito moritur, cum annis septem mensibus duobus sedisset.

*Piasth denunciatur per illos duos peregrini-
nos futura de eo electio, et sic in Principem
cum magno gaudio omnium eligitur, et Regni
Solum diu reluctans accipere cogitur.*

Cum itaq; Polonorum Proceres et uniuersa nobilitas pro electione futur-
ri Principis Cruszauiciæ dies plures in cassum consumpsissent, nec
satis inter Primores conueniret (ambientium enim Principatum, ele-
ctionem difficilem faciebant importuna suffragia) contigit eidem multitudi-
næ ad electionem conuenerat, victualium necessaria deesse. Quo de-
factu cum singuli angerentur, et discessionem electione imperfecta para-
rent, duo hospites illi qui superiori tempore filium Piasth, tonderant, me-
donisq; et carnum augmentum effecerant, domum Piasth non sine sua et ux-
oris suæ ingenti iucunditate, introeunt, atq; denunciant futurum eum oppor-
tere esse Polonorum Regem, et in Polonia annis multis regnaturum per
filiorum et nepotum successionem. Qua denunciatione ille perterritus, ho-
spitum suorum reficitur consolatione, qui illi Principatum felicibus successi-
bus augendum declarabant, Diuina voluntate cui resisti non potest proven-
turum. Proceribus itaq; et Nobilibus Poloniae, non tam fame et surisq; quàm
siti laborantibus, Piasth hospitum suorum instructione et iussu vasculum
medonis, quo se ille tantum cum domesticis alere et peregrinorum neces-
sitati subuenire consueuerat, exponit. Cumq; illa omnis cohors et congre-
gatio pro tam necessaria refectioe in domum suam concurreret, omni-
bus tamen ex tenui et exiguo iniciatus medo, liquore illius Diuina virtute
et hospitum aduentu aucto, non solum pro necessitate, sed etiam pro
satietae caput sufficere. Vbi autem tanti prodigii primum vulgata dein-
de deprehensa esset certitudo, ad eligendum virum tam Sanctum in Re-
gem, omnium corda et intentiones quasi quadam religione commotæ, inspi-
rantur. Vnusq; Piasth prodigii miraculo declaratus ex omnibus dignus
visus est ad quem Regnum deferrent, incredibileq; erat quantus ardor hui-
usmodi Dignitatis ad Piasth deferendæ, Procerum et totius Nobilita-
tis corda peruasera. Altera itaq; die illucescente in solitum atrium
conueniunt, atq; uniuersi Piasth Regem denunciant et eligunt, atq; in

gasam suam in copiosa multitudine aduenientes, iuxta denunciationem, quæ ei pridie Angelico ministerio revelata fuerat, ipsum iam virum ætatis mediæ et virilis, in Regem priò ritu assumunt. Verùm quo promptius elingentes instabant, eo electus resistebat perseverantius. Postremo reluctantem circumfusi omnes precibus devincunt (ut magis coactus quàm voluntarius Principatum susciperet, eo quidem maiori cum sua et totius posteritatis laude, quòd ad fastigium huius Maiestatis non ambitione populari, sed spectabili morum moderatione Divino instinctu credatur euectus) et Regem salutant, Regemq; sibi et universæ genti ac Regioni Polonorum constituunt et ordinant. Nihil pensi habentes, quòd vir in tugurio rusticano genitus, et nulla nobilitate insignitus, sortis etiam tenuissimæ fuerit, ut potè agrariam et mellicidarum exercens artem. Ex vili autem in quo debebat tugurio per Polonorum Procures in Aulam Ducalem deducendus, Sandalia ex suberino robore elaborata detulit secum, asservariq; in Regia mandat, posteris suis videnda exhibendaq; ut intelligerent, superbireq; et inolescere desinerent, omnes Polonorum Regnum accepturi, quòd originarius eorum parens ex humili fortuna fastigium Regium conscenderit. Foelix nimium iudicandus, ex quo tot pullularunt excellentissimæ plantæ, tot illustres Principes emanarunt, tot animæ candidatæ prodierant, Regum vñ et Principum Poloniae numerosa propago etiam ad nostra tempora frondescens ~

Piasth omnia pacifica et domi et foris rediens. Sedem ex Cracovica Gnesna transfert. Cui nepotes Lompilii, tributa pendere negant et multas in Polonos faciunt incursiones.

Resistisset autem Piasth omnibus conatibus electioni de se factæ illamq; quadam insania ad se delatam credidisset, nisi Divino oraculo hospitum de illa certior factus fuisset. Itaq; quamvis stupens et trepidus sibi iniecta consentit electioni, plurimum mirans, quæ sibi sors nec speranti sed nec cogitare audenti accidisset. Quapropter generis sui propago tanto evasit sublimior, quanto stirpis credebatur fuisse deprærior. In administrando autem et regendo Polonorum Regno adeo illi Divina pietas (quam extunc licet suo gentili ritu feruentissimè et magis præcipua, quàm tum quando privatus vixerat, operum misericordiæ cura colore adnixus est) successus felices dedit, ut admiranda cunctis et celebris eius haberetur industria. Cui singuli Procures et universa Nobilitas Polonorum, videntes specimen singularis sapientiæ, quæq; magis collata et infusa Divinitus,

quàm naturali dote concessa putabatur in eo relucere, promptam obedientiam et subiectionem in omnibus quaecunq; decreuerat aut imperauerat, exhibebant. Quieuit et sub regimine suo singulorum hostium Poloniam inuadentium furia, praedonum et furum rabies contabuit, dum et hostes mira aequitate modestiaq; compefceret, et latrones animaduersione puniret debita. Quo effectum est, ut Respub. sub iniquo et crudeli Rege Pompilio, et tandem post corrosionem suam et stirpis suae ex Baronum et nobilium intestina commotione et guerra, plurimum languida et depraessa, maximum reassumeret robur et vigorem. Hic patrato per Pompilium suum immediatum praedecessorem in Latruos et Proceres suos scelere plurimum infestus, Regiam Gnesnam in originarium et velustum locum et Sedem priscorum Principum Poloniae ex Crusauicia transtulit, indignum iudicans illic Metropolim Polonorum consistere, et iura gentibus reddi, ubi tam atrox facinus, quod etiam loci inspectione renouabatur admissum extitisset. Et quamuis sub praefati Piasth regimine et Principatu omnia florerent felicibus successibus, id tamen unum magno discrimine Poloniam diuturno tempore inuoluit, quod filii et nepotes Principum Circamarinorum, Pomeraniae, Caszubarum, aliarumque quarum superius mentionem fecimus orarum, quorum parentes veneno a Pompilio fuerant extincti, et parentum morte, et suo contemptu, alteriusque de humili sorte surrogatione in Regem, grandi furore commoti, tributarium et feudale iugum, cui in haecenus fuerant subiecti, amaritudine primum sed potius indignatione electionis permoti, abiecerunt, pro infestisq; hostibus magis, quam pro feudalibus Principibus habiti, in Polonorum gentem regionemque frequentibus debacchationibus sauebant. Dolebant siquidem Parentes suos toxico per fraudem peremptos, sed ultio Diuinitus immissa dolorem attenuabat, verum amplior cruciatus uniuscuiusque subibat praecordia, quod sibi obscurae rusticaeque sortis hominem, omnibus eis praeteritis videbant praepositum, et in locum Principatus, quolibet eorum neglecto, suffectum. Principes vero et universi Proceres Satrapaeque Poloniae, non indignum ducebant Piasth parere fascibus, et illius adorare Tribunalia, quem obscurae sortis nocebant hominem, et religione ad id non minus quam hominis virtute inducti. Ingemabaturque in singulorum pectoribus haud tenuis admiratio, quod quem pridem manus aratro apponentem, boues iungentem, et in exigua gleba arantem, ex aluicariisq; apum quastum quarentem, in vilique tugurio degentem animaduertentem, eundem iura in Regia reddentem, necis et vitae potestatem habentem, exercitus regentem, de hostibus triumphos et spolia referentem, viderant.

*Mira rerum Methamorphosis opera bea:
torum Remigii et Germani euenit.*

Hic, ne cui scrupulum ad diffidendum pariat, et scripta nostra praesen-
tia praebeant occasionem ad obtractandum, duo exempla subnectam.
VNVM. Quod legitur in vita Sancti Remigii, qui cum esset Archi-
episcopus Remensis, et sollicitus valde ut inclitum pecus suae fidei commissum
ad aulas reduceret caelestes, et Diocesim suam annis singulis per seipsum
corrigeno, deformitates et vicia zizanniaq; euellendo visitaret, ac hospi-
tatus esset in domo cuiusdam consanguineae suae, videns eam erubescere
pro eo quod vinum non haberet, omisis omnibus facta oratione ante doli-
um vacuum, et signo crucis edito vinum exire cepit desuper. ALIUD,
quod in vita Sancti Germani legitur. Qui cum in Britania cum suis disci-
pulis et sociis viris religiosus praedicaret, hyemis asperitate urgente, Re-
gis Palatium intrauit petens hospitium a Rege, qui ei negauit. Cum au-
tem Subulcus Regis egrederetur a domo Regis suam, portans portionem ei-
bi sui, misericordia motus, videns Germanum et Monachos eius in niue al-
gentes, rogatos abduxit in tugurium suum, occidens et parans eis vitulum,
quem Beatus Germanus congregatis eius ossibus super pellem, suis precibus
reparauit. Tunc mane Palatium ingreditur, et conuocato populo arguens Re-
gem de immiserordia, et ostendens eum malignum gubernatorem Regni, de-
posuit eum a Regno. Et ille cum virtuti Diuinae per quam operabatur Sanctus
resistere non posset, licet inuitus, recessit cum coniuge et liberis suis de
Palatio. Sanctus autem Germanus dictum Subulcum in Regem Britanniae con-
stituit, propter hospitalitatem et charitatem suam. Et extunc Reges illi
de Subulco sublimati sunt.

*Piasth moritur, cui filius suus
Semouitus vir Opt. succedit.*

Anis multis Polonorum Regno per Piasth prudenter et feliciter gu-
bernato, sub quibus plura per Pompilium deformata, ad euidentem
instaurationem fuere reducta, Piasth ipse senio longaeuo confectus
Centesimo et vigesimo aetatis anno rebus exiit humanis, non sine vniuersae
nobilitatis et populi grandi maerore et luctu. Singulos enim pro cuiuslibet
conditione et merito extollebat, et premiis afficiebat, parentisq; magis quam
Regis coleretur loco. Post cuius decessum fauore et voluntate concordi
totius nobilitatis, filius eius Semouitus in Regem assumitur, et Thronus

paternus illi decernitur gubernandus. Viuente siquidem patre in Principem militiae creatus, in administrandis bellis, ceterisque Regni obeundis expediendisque negotiis pluribus probitatis signis emicuit. Frigoris enim et inedia fuerat patiens, cibum potumque pro naturali mensura non pro voluptate sumebat. Vigiliarum somniisque non determinans tempora, crebris vicibus inter custodias stationesque militum excubabat, solusque universa quibus insidia hostiles strui possent circumspiciebat. Largitioneque et munificiis in omnes et saeueritate ac correptione modestus. Habitus suus nullam pompam redolens, vix Procerum et Nobilium habitui aequabatur. Quibus virtutibus adeo semilitibus et Proceribus cunctisque statibus Polonorum insinuauerat, ut plus quam charo illum singuli venerarentur affectu. Mortemque patris secuta dignum omnes Principatu acclamarent. Imperium apud Polonos Anno Saluatoris Noningentesimo primo adeptus est.

*Semouitus multa bella feliciter
gessit, tandem Gnesna moritur.*

In paternum Solum Semouitus ascendens, prioribus virtutibus aliquas diutius adiuicere conabatur. Vniuersam autem curam pro benegerenda Repub. Principatus sui, pro restituendis finibus Regni occupatis et nouis propagandis intendens. Creato primum Principe militiae, etiam Centuriones, Quinquagenarios, Decanos, Tribunos, Chiliarchos ordinum tam equestrium quam Pedestrium Ductores Praefectosque constituit. Hos antequam ad bella prodirent, certaminum simulacris et hastarum pugarumque ludis excitari, quo animosiores et cautiores in hostes existerent, disposuit. Finitis deinde Lannoniis vlt, Almanis, et Pruthenis pro terminis Regni sui sub Popiel Principis ignauia occupatis, bella mouit, et aliquot certaminibus hostes confligens magnaque strage confundens, magnae virtutis triumphator celebratus, cunctis per circuitum nationibus in terrorem erat. Recuperatis autem assiduitate bellorum veteribus Polonorum finibus, in aliud bellum mox conuersus, Principibus Pomeraniae, Caszubitarum, et Asmarinis, quorum patres per venenum extinxerat saeuitia Pompiliana, guerram pro denegato sibi et patri feudo indixit, eamque annis aliquot, Principibus illis non robore aut malitia exercitus, sed situ et difficultate locorum fortiter resistentibus, continuauit. Verum antequam duras eorum et rebellantes ceruices domuisset, immatura morte apud Gnesnam diem obiit, triginta et duobus annis in Principatu peractis.

*Tres Duces Slauorum ad Arnolphum
Imperatorē nuncios miserunt, peten' sibi
viros doctos in Sac' Scriptura transmitti.*

Arnolpho Imperatore, qui anno Natiuitatis Domini nostri Octingentesimo cæpit apud Romanos regnare, tres Slauorum Duces, vzt Rostislauus, Swiantopelkus, et Koczuel missis ad Græcorum Imperatorem Michaelē Nunciis, petiuerunt ut pro ipsis et eorum gentibus in fide Christiana erudiendis, doctos illis viros transmitteret, Methodium et Cyrillum mittit, qui Duces et gentem Slauonicam tum primum ad fidem conuertunt. Scripturas de Græco in Slauonicum transferunt, Sacra in vulgari Slauonico peragenda instituunt. Sedem Pontificalem apud Wielograd Morauiae ponunt. Accersiti posthæc Romam a Summo Pontifice arguti, quod rem Diuinam lingua Slauonica agerent, respondent, Scripturam omnem Spūm Dominum laudare permisisse. Disceptatione tandem in sacro Senatu habita licet non pauci apparuisent contradictores, obtentum tamen et decretum est, ut sacra in lingua Slauonica iuxta atq; Latina, Græca, et Hebraica peragantur ~

*Leszko filius Semouiti in
Principem Poloniæ electus ~*

Semouito decedente, eius mors magnis Poloniam inuoluit meroribus, cum enim videbant Principem sibi subtractum cuius virtute et auspiciis magnas iam res gesserant, et maiores se acturos sperabant cuius etiam largitione munifica et triumphorum relatione, priuatim et publicè opibus armisq; increuerant, uberiorēsque victoriarum tropheos, amplioraq; premia, et lacerae patriæ reintegrationem, eius ductu eius solertia se adepturos nondubitabant. Beneuolentiam autem Semouito præstitam in filium eius Leszkonem, quem unicū reliquerat conuertunt. Qui etsi nondum debitæ ætatis statum attingeret, Procerum tamen et Nobilitatis consensu communi, post patris funebres exequias, quibus summus per Polonos honos iuxta gentilitatis et illius ætatis ritum, est peractus. Leszko ipse in Principem assumitur, et certi Barones pro Procuratoribus donec adolesceret illi deputantur, sub quorum gubernatione, beltorum contra Principes Pomeranorum, Caszubitarum, Sclauorum, et Cismarinorum continuatio intermissa elanguit. In virilem autem statum Leszko perductus, paternarum virtutum caput esse imitator, singulari prudentia solertiaq; Remp. dirigens, et iustitia ac liberalitate atq; probitate in omnes subditos suos clarescens. Militiæ tamen munera nō æquē

ut pater coluit, partis et restauratis per patrem nil adiecit, et bellum contra Principes Slavorum, Caszuborum, Pomeranorum, Cismarinorumq; penitus gerere intermisit. Anno incarnationis Noningentesimo quinquagesimo secundo ad regendam Monarchiam Polonicam assumptus ~

*Leszkoni Zemomisl filius
optimus nascitur et succedit ~*

Procerum et Optimatum Poloniae charitate magis quam suo merito in annos plures Principatu Leszkonis producto, nascitur illi filius de cuius ortu plurimo exbilaratus gaudio nomen illi circa consuetam Zemomisl imponit, significatione nominis, quod sonat terram recogitans, Poloniae terrarum (in quarum futurum regimen genitus erat) sollicitam curam sibi demandans. Leschkone itaq; mortuo praefatus filius suus Zemomisl, perfectam in vita patris nactus aetatem sibi succedit, naturali virium robore plurimum valens, non minori etiam virtutum ornatu fulgescens. Enitebatur siquidem pro viribus, et id praecipua vendicabat cura, ut tam auitam quam pater, nam in omnibus actionibus exprimeret indolem et virtutum fragrantiam, iuxta ac illi ciues et forenses effundarent. Et quamvis auitam felicitatem adiciamq; in gerendis bellis non impleuit, caeteris tamen virtutibus suis nibilo fuit inferior, et quod illi bellica laude et armis hoc iste toga et prudentissima in singulis rebus libratrice modestia creditus est Patriae praestitisse ~

IOANNES PAPA X. impie moritur in eius locum Benedictus V. a Romanis contra Leonem eligitur, sed ab Othone Caesare deponitur, et in exilium ad Saxones missus illic consenesceus obiit ~

*Nascitur filius Zemomislao caecus
Mieschko nomine, qui per septennium
in caecitate permansit ~*

Augebatur autem Princeps Zemomisl dolore ingenti, quod uxor sua annis pluribus sterilis manebat, credens stirpem suam extinctam iri. Inspectore tamen et virtuosorum omnium operum remuneratore DEO, apud quem nullum opus sine premio praeterit, sterilitatis opprobrio adempto fecunda et grauida esse cepit. Sed partus die adueniente, summum gaudium, quod de ortu noua et insperata prolis Zemomisl credebatur sibi prouenturum, verti

contigit in luctum. Enixa quidem est uxor Zemomisl marem sed cæcu:
cientem, quod utriq; parenti singularem dolorem et amaritudinem infere:
bat, sterilitatis quoq; incommodum dedecore illo magis auctum, quàm præ:
cisum videbatur. Stimulabat et amplior dolor, quòd Regina illo filio uni:
cò cæco ædito parere desinens, sterilis ut antè permansit. Natus quoq; fi:
lius in annos aliquot succrescens, nec aliqua signa visivæ potentie præferens,
perpetuam caliginem oculorum prætendebatur habiturus. Pater aut pueri
in operatione virtutum nibilo factus segnior, sed pluribus placilis Deo actio:
nibus refulgens, hospitalitatem, quam quasi hereditariam à Proavis acceperat
summo studio sectabatur. Omnium autem quos non unquam legi Polonorum
Historiographorum Annales et literæ de cæcitate huius Mieszkonis con:
cordant, scribentes illum adhuc intra cellam materni uteris cæcitatib; con:
traxisse tenebras, cæcumq; effusum integro septennio ab ortu cæcitatib; eru:
mnas tollerasse. At Clementissimus Deus generi Polonico propiciationis
gratiam post tot quæ præcesserant ætates, impensurus, lumine quoq; fidei Polo:
nos ac cæteras illustraturus gentes, cæcum Principem nasci, cæcitatib; oppro:
bria septennio ferre occulto suo iudicio permisit, ut Princeps ipse caligine ocu:
lorum percussus, mente plus quàm oculis videret, et cæcitatib; à se per grati:
am Salvatoris tenebris carnalib; depulsis, propensius et ipse à se et ab uni:
versa gente sua Polonica, infidelitatis et idolatriæ sordes et tenebras effu:
geret, diuturno tempore concretas ~

*Cum post septennium Mieszko tonderetur &
pater celebraret concubium matris, aperti sunt
oculi illius, et vidit cum omnium lætitia Ario:
lis illum magnum futurum pollicentibus. Deinde
coadulto Zemomisl moritur nò sine luctu omnium.*

Instante deniq; septennio, in quo iuxta ritum Polonorum veterem &
gentilem, filius Principis debebat tonsurari, et nomen illi aptari et
imponi, Zemomisl Princeps Primores Procerum & Nobilium Polonia
Gnesnam ad solennitatem tonsurationis in filio suo quamvis cæco peragen:
dam inuitat. Die autem constituta adueniente, dum de nomine apto pu:
ero imponendo quærerent, Mieszkum illum et Patris et Procerum decre:
to appellari placuit, quòd in vulgari Polonico turbatio vel commotio, eò qd
conditione suæ cæcitatib; et parentibus et genti Polonicæ in suo exortu
confusionem intulit sonat, et ipso Zemomisl decedente maiorem turbatio:
nem esset illaturus. Verentibus Proceribus et Nobilibus Poloniæ &

id crebra sermonum et tractationum ingeminatione usurpantibus, patre suo Lemomisl mortuo, maior vel eadem turbatio quæ post mortem Pompilii acciderat, Poloniam esset inuasura. Tonsurato autem Principis Lemomisl filio, ceperunt tam ipse quam omnes corrogati Proceres epulari, ouantibus tamen omnibus solus Princeps Lemomisl filius tunc tonsurati cæcitatem mæsto animo et cogitatione demetiens, altis suspiriis pectus implebat tacitis singultibus: de tanta nati infelicitate seipsum verberando. Cui tanto dolore consternato mirum in modum subitus nuncius aduenit, denunciatus filium Mieszkone in ipsa hora perfectam claritatem et visionem oculorum accepisse. Sed Patre Principe et omnibus conuiuis dubitantibus magis quam credentibus, mater pueri Principissa de epulantium triclino exiit experimentum denuncia- tæ nouitatis palpatura. Quæ cubile quo asseruabatur ingressa videns in orbibus oculorum, prioribus nebulæ tenebris dissolutis et disparentibus, veram claritatem illuxisse, attonita præ gaudio decidit in terram, et à ministris subleuata, Spiritu resumpto, raptò in vlnas puero, ad coniugis et conuiuarum deserti conspectum, sciens nisi coram se cernerent puerum, accidenti miraculo nulla tenus credituros. Repletur summo gaudio pater, replentur et conuiuæ, pater tamen supersublato opprobrio uberius exultans lacrymis faciem irrigabat, quas lætitiæ immensitas iudices cordis, excusserat. Puer quoque Mieszko mirabundus exultat, et nunc parentum nunc conuiuarum intuitus quos nunquam ante viderat, vultus, singulis illum certatim deosculantibus, applaudet. Extenduntur dies conuiuii, epularumque præparatio intenditur, et magno strepitu mugito atque iubilo Regia concrepat vniuersa. Patrum quoque id Lemomisl ducens, singulis Proceribus et Nobilibus inuitatis, munera largitus est, munificum se cunctis eo die et tempore plus solito ostendens, quo Diuinitate propicia desuit esse infelix et orbus. Placet nonnullis Ducalem puerum Mieczslaw, quod significat habiturum gloriam, appellatum fuisse, sed ad nomen Mieszko per vocitationis diminutionem dum pueritiam ageret, defluxisse. Quam opinionem nos quoque ex multiplici respectu probamus: attento, quod Poloni Regum et Principum suorum nomina, non in leo sed in slaw terminare soliti sunt, lingua sua formando Principum et Regum nomina, Wladislaw, Boleslaw, Przemislaw, Stanislaw, Swiatoslaw. Puer Mieczslaw cultiori posthæc providentibus parentibus cura habitus est, ac tam ministrorum quam suppellectilium ad eius ingenuam educationem duplicatus est numerus et ordo. Magnum enim illum futurum, tam apud Patrem et Proceres Nobilesque Polonia, quam apud vicinas nationes declarabat naturalis cæcitatæ, et usque ad septennium perpeßæ, super naturalis quoque illuminationis Diuinitus attributæ, portentum. Quoquidem Lemomisl Princeps vehementius quam cæteri paterno incensus ardore permotus, Ariolos,

Haruspices, Diuinos, Phitonesq; sæpius scrupulose consultos inquirebat, quid filii sui cæci nati calligo, et in septennio Diuinitus collata illuminatio, protenderet. Omnium autem consona responsione accipiebat, regionem Polonorum superiorum Principum prauis moribus et ignavia cæcucientem te, nebreſcentemq; filii sui virtute et singulari providentia illustrandam et in sublime erigendam esse. Quod et si pater Divinatoresq; implendum carnaliter intellexissent, veridici tamen spiritualiq; intellectu approbatur fuisse impletum, postquam Mieczslaw ipse superstitione idolorum, qua hæreditaria successione coluerat, et quorum idolorum cultura per plures successiones traducta, septennuario qui uniuersitati deseruit significabatur numero, abiecta, lucem veri luminis et fidei, ut in sequentibus narrabimus, appræbendit. Zemomisl itaq; Polonorum Monarcha cum plures annos gratus nobilibus, gratus forensibus in Principatu exegisset, et Rempub. strenue ac prudenter gubernasset, filio Mieczslauo iam maturam ætatem sortito. Regnum derelinquens, in ætate penè eadem, qua Proauus suus Piasth licet in ritu sacrilego, complorante illum uniuersa Polonia, mortuus est, et in Gnesnen' Castro prius suis gentilitatis more appositus, Anno ab ortu CHRISTI Noningentesimo sexagesimo quarto, annis multis in Regni Polonia gubernatione absumptis.

LEO VIII. Papa natione Romanus, Ioanne deposito omnium votis electus est. Hic statuit ut nullus Papa fieret sine consensu Imperatoris, propter maliciam Romanorum, qui filios et consanguineos suos per vim intrudebant. Sedit anno, Mensibus quatuor. Cui Ioannes XIII. successit.

*Mieczslaw parenti Zemomisl succedit.
Et quamuis ad libidinem pronus esset tamen
consilio Catholicorum inducitur ad suscipiendam fidem Christianam et promittit.*

S Epultura Zemomisl Principis iusto honore confecta, Proceres et Nobiles uniuersi Poloniae unico filio eius Mieczslauo, ultimo Paganorum Duci, collatum dudum à patre innouant Regnum, et ipsum Gnesnæ in Dominum et Monarcham Polonorum assumunt: eo quidem minus cunctanter quo maiore spe suam Rempub. per illum, ut Divinatorum prodiderant iudicia amplificandam crediderant. Et quamuis iusto imperitauerit regimine, nonnullaq; bella cum finitimis fæliciter gesserit, per annos tamen multos falsa

Augurum non impleuit oracula, ut etiam quidem a spe concepta excidisse viderentur, in Venerem namque more barbarico procliuus erat. Cuius licet castissima fuerit adolescentia, ætas tamen prouectior libidinosa et lasciuia ens fuit. Septem enim pellicibus, quas uxores nominabat, utebatur, non tamen ex aliqua illarum sobolem et futurae successionis suae solacium susceperat. Qui dum orbitalis suae crebris sermonibus accusaret incommoda, per nonnullos viros Catholicos tam religiosos quam Spirituales, tum etiam Sæculares qui in Curia eius obuersabantur, et qui ex finitimis regionibus Curiam suam accedebant, per quos iam fidei splendor, et CHRISTI Redemptoris aduentus radiare in Polonis ceperat, sensim sibi suggestum est, ut sacrilegæ idolatriæ cultu relicto, unum verum Deum cognosceret, et fidem Catholicam cum gente sua profanis ritibus dedita, suscipere. Tunc enim et fecunditatem proles, et cuncta alia feliciter sibi prouentura, et ipsum inter Catholicos Principes Slauonici generis et linguæ in se et filiis suis celsiorem sortiturum Tronum, et magnum celebremque futurum. Cui suggestioni benignas auras accommodanti, plura per viros religiosos et heremitas adiecta sunt, quibus et idolorum quæ hactenus colebat spurcicies, et cultoribus eorum gebennales et perpetui preparati debebantur cruciatus, simul quoque Diuini consilii super redemptione generis, summa benignitas sibi declarabatur. Propiciatione itaque agni caelestis, qui Polonorum gentem sacrilegis ritibus spurcidam et fœdam, cæterisque Catholicis nationibus inuisam et contemptam eripere, et ad sui nominis agnitionem, vocationem, et culturam perducere voluit, inspiratus, et salutaribus consiliis et monitis virorum religiosorum et heremitarum persuasus, flexus est Christianum venerari dogma, et se per omnia eorum doctrinis acquieturum promisit, et omnes Polonorum regiones a Diis gentium ad veram orthodoxam religionem caeremoniasque eius, adducturum se spondit.

Sanctus Venceslaus et Ludimilla a fratre Boleslao in Bohemia interficuntur.

PRZEMISLAUS seu NIEKLAM BOHEMICUS Dux moriturus, Hestinicum maiorem natu filium in Principatu instituens, Dipoldo alteri filio Prouinciæ am Gurmensem in sortem dedit, Hestinico Borziwoj successit. Qui et ipse a beato Metudio Morauorum Episcopo cum Ludimila coniuge sua, filia Comitis Slamberii, ad baptismi gratiam perductus est. Borziuogius, duos filios Spitigneum et Wratislaum reliquit. Coniunx Wratislai Drabomia, mulier audax et in scelus prona, duos uno partu geminos Venceslaum et Boleslaum effudit, prior ab Ludimila enutritus, alter a matre, utriusque mores

alumnorum sortiti. Venceslaus pius, mansuetus, religiosus, et in pauperes liberalis, Boleslaus contra ambiciosus, rapere, occidere, adulterari et opprimere solitus. Ludmila patre excedente Imperium Regni sortita, iussu Drabomitiæ strangulata est, et inter Sanctas relata. Venceslaus charitate populi propter Sanctos mores celebris et admirabundus habebatur. Eo odio frater Boleslaus inflammatus, matre instigante conuiuium instruxit, et Venceslaum fratrem inuitatum, post epulas, ad Ecclesiam orationis gratia prope-
rantem in limine Anno Domini Noningentesimo tricesimo octauo, et Anno Othonis primi primo obtruncat. Qui et ipse clarissimis fulgens miraculis Sancto-
rum honores sortitus est. Mater Drobomitiæ pro scelere patrato apud Pra-
gensem arcem biatu terræ absorpta est. Boleslaus totius Bohemiæ germa-
no interfecto, cuius sibi longum putabat mortem expectare, dominium adeptus,
indignam mortem viri beati Venceslai Otho Imperator primus ulturus, Bole-
slao Principi Bohemiæ bellum indicit, longaq; inter eos altercatio annis qua-
tuordecem tractata est ~

Finis Libri PRimi.



IOANNIS LONGINI Canici Crac' Historiæ Polonicae LIBER II.

Annus Domini 965.

Mieczslaus Princeps Polonorum ducit Dambrowkam filiam Ducis Bohemiae in uxorem et fidem Catholicam cum toto Regno suscipit idolis destructis.

Monentibus autem viris Catholicis et religiosis, septem pellices, quarum carnali detinebatur amore, a se abdicare iussus (ne mollicies muliebris cum in asuefacta detineret idolatria) contubernio earum remoto, ad Principem Bohemiae Boleslaum, Sancti Venceslai interfectorem et germanum, Procos mittit, filiam eius Dambrowkam, pro unica et legitima uxore petituros. Verum dum Bohemiae Princeps responderet se magnificum et insignem generum non abominaturum, si illum ritus gentiles abycere, et fidei Sanctae Catholicae normam suscipere, contigisset, aliter enim filiam suam se nulla ratione gentili et idolorum cultori Principi desponsaturum esse. Eodem etiam responso virgo Ducalis Dambrowka Procis et Nunciis Mieczslavi Poloniae Ducis, illam de inuendo foedere matrimonii interpellantibus, usa respondit. Non convenire professioni suae Christianae, ut idolatrae nubat, ubi tamen Mieczslaus Dux Poloniae, spurcicias idolorum abiecerit, et Baptismatis lauacro renatus fuerit, non recusaturam se, ut in eius transeat amplexus. Eo responso in Poloniam relato, cum frequenti Senatu

Mieczslauus Poloniae Dux coacto, quid facto opus esset consultaret, Sa-
traparum suorum sententiis variantibus, placuit rem in crastinum differri.
Nocte vero subsequenti propiciatio Diuina erumnas longi erroris Polono-
rum miserata, Mieczslauo Poloniae Duci et plerisque suis Consiliariis per
quietem inspirat, et imperiosa iussione mandat, conditionem oblatam ne
negligantur, felicitatem Regni ex fide suscepta ab eo tempore in omnes
aetates habituri. Mouit haec visio Ducem Poloniae et Proceres, decretoque
concordi de assumenda Christiana puritatis religione facto, cum frequen-
tes nuncii in Bohemiam missi promitterent, coniuncta affinitate Princi-
pem suum non se solum, sed et uniuersam Polonorum gentem de fidei articu-
lis peroptime instructam, unda Baptismatis abluiturum esse. Affinita-
tem postulatam Dux Bohemiae ratificat, et Nuncius Ducis Polonorum Miecz-
slauus, filiam suam Dambrowkam virginem nobilem et honestam, cum dote et
suppellectili locanti et accipienti digna, tradit praefato Duci Polonorum de-
sponsandam. Fuerunt autem plures numero Polonorum Regni Proceres et
Satrapae, qui in suscipienda fide Christiana dissentiendo, grauius aduer-
sabantur. Alii dicentes esse superstitiosam Christianorum sectam, alii ob-
seruancias eius fore difficiles, alii non esse bonum postponere commoda pa-
ternarum traditionum, et nouae sectae et hactenus insolitae libera colla sub-
iugare. Has tamen et plures alias oppositiones miseratio Diuina, quae dat
salutem Regibus, erumnas longi erroris Polonorum miserata, facile dissoluit,
inspirando Polonis concordiam, et religionis Christianae pietatem, ne illa
abiecta, a Bohemis caeterisque nationibus pro contemptibilibus haberentur.
Prociis autem Ducis Poloniae Mieczslauus, pluribusque Baronibus et Nobilibus
de Bohemia Dambrowkam cum apparatu et sumptu magnifico, dotemque et
suppellectilem raram et insignem secum, ut par et dignum erat, Socero et
genero ferentem, comitantibus, ad Regiam Gnesnam peruenit. Vbi tam-
a Duce Mieczslauo et suis Baronibus et Proceribus Poloniae, quam ab omni-
bus ordinibus illi obuiam itum est, et ingressus suus magnifico cultu et su-
perbo exceptus est. Pro quo honestando insigniores matronae et virgines Po-
loniae, variis gemmis, auro argentoque onustae, caeterisque insignibus decore
Gnesnam iussu Principis conuenerant. Transactis autem paucis diebus
Dux Mieczslauus de fidei orthodoxae articulis et ritu, sufficienter per vi-
ros religiosos et Anachoriticam vitam in regionibus suis ducentes, quos
ob eam rem singulariter accersuerat, instructus, tenebris vetusti erroris
renunciat, et cum principalioribus Baronibus et Nobilibus, urbiumque Polo-
niae primoribus, saluberrimam orthodoxae religionis Christianae legem
amplexurus, de tenebris idolatriae suae in lumen fidei conuersionis primi-
tias sacro fonte consecrat, sacrum Gnesnae suscipit Baptisma. Et deposita

per regenerationis undam vetustate peccati, in nouam animæ innocentiam
 vitæq; infantiam est renatus, lauacro Baptismali sordes abluens, tam faci-
 norum quàm idolorum ex cæca et vetusta caligine idolatriæ in agnitionem,
 puritatem, atq; religionem fidei orthodoxæ vocatus, lumineq; eiusdem fr:
 dei, lumen rationis naturalis, quo etiam illum vigere altissimus concesserat,
 excedente, illustratus, ex gratia Spiritus Sancti, ex aqua et Spu renatus est,
 vetustaq; nomine Mieschko abrogato velut barbaro, Mieczslaus nominatur.
 Sed et germana sua virgo sacro charactere insignita fidei, Catholica effici-
 tur eiq; nomen Adleyda aptatur. Eodem insuper die Sacramento baptismi
 percepto, Dux Mieczslaus aliud suscipit sacramentum, et virginem Dambrow-
 kam ritu Catholico sibi desponsat, et nuptiæ felicissimæ corrogatis vicinis
 Principibus Gnesnæ pluribus diebus magnifico celebrantur apparatu, et sin-
 guli inuitati conuiuæ, delicatis tractantur necessariis, et multiplices ludi
 et spectacula in honorem et decus Principis magna solennitate instaurantur.
 Quibus finitis Principes finitimi, Baronesq; et Nobiles Bohemiæ, sumptuosus
 muneribus a Duce Mieczslao honorati, in oras proprias reuersi, Ducis Miecz-
 slai Poloniæ munificentiam et opulentiam magnifico sermone diuulgant. Ex
 eo deinde tempore vniuersa Polonorum regio fidei Sanctæ Catholicæ iugum
 suscepit, studio quoq; Ducis Mieczslai et suæ consortis Dambrowka, feruen-
 tissimo Poloni miseratione Diuina lumine fidei illustrantur. Præsidente in
 Cathedra Petri Leone octauo natione Romano, qui eodem anno rebus huma-
 nis exemptus est. Cui in Vicarium CHRISTI Stephanus septimus natione
 Germanus per electionem conformem successit, secundum alios Ioannes qua-
 tuordecimus natione Neruen, aliqui scribunt duodecimus. Strictissi-
 mo posthæc Mieczslai Polonorum Principis edicto, et omnium Baronum et No-
 bilium consensu conformi confringuntur idola, et falsorum Deorum simulachra,
 atq; ædes flammis tractuntur, cultores verò illorum et singulorum bonorum pri-
 uatione, et capitis præcisione mulctantur. Sed et singulos ritus, celebritates
 atq; festa, quibus honos et supplicatio idolis impendebatur, omnesq; incantato-
 res, Ariolos, Augures, et Phitones Mieczslaus Dux Polonorum abrogauit et
 erasit de terra, ludos omnes publicè et priuatim in honorem Deorum ge-
 stos prohibuit. Non enim Deus est nr̄ ut Dii gentium, quos sæpè populus Polonicus,
 ludis, plausibus, et gestis inhoneſtis, atq; sexcentis aliis generibus impieta-
 tis placare solebat. Felicissimus profectò et Deo amabilis Princeps, qui
 primus Polonorum regiones, fidei orthodoxæ et corpori Sanctæ Ecclesiæ per
 veritatis cognitionem et idolorum desertionem, inseruit. Et quoniam ferè in
 omnibus Ciuitatibus et Oppidis vicisq; insignioribus Poloniæ, simulachra
 Deorum et Deorum idola atq; luci habebantur, quæ lentius tardiusq; quàm
 iussio habebat Mieczslai Principis succidebantur confringebanturq; septima

dies Martii ad confringendum abolendumq; ea, in vniuersis Polonorum regionibus a Mieczslao indicta est. Qua adueniente quaelibet Ciuitas et quaq; villa Deorum suorum simulachra confringere, et confracta in paludes, lacus, et stagna, prosequente populo vtriusq; sexus, demergere, saxisq; obruere. cultoribus Deorum Dearumq; et iis praesertim quibus sacra eorum erant quaestui, profusius ingemiscantibus illachrymantibusq; non tamen quicquam metu praefectorum Ducalium mutare audentibus, coacta est. Quae quidem falsorum Deorum Dearumq; et idolorum confractio demersioq; tunc facta, apud nonnullas Polonorum villas, simulachris Dziewanae et Marzanae, in longo ligno sublati, et in paludes in Dominica Quadragesimae Laetare proiectis et demersis repraesentatur renouaturq; in hunc usq; diem, nec huius consuetudinis vetustissima ludus usq; modo apud Polonos desit ~

Anno Domini 966.

*Mieczslaus fundat Gnesnen et Cracouien
Metropoles, et septem Cathedrales Ecclesias.*

Redimenta fidei nuper suscepta et iniciata, Mieczslaus qui et Miesko Polonorum Princeps, post sacros suscepti baptismatis latices aucturus, apud caelestem Regem suorum cumulum meritorum et fulgorem sui diffusurus Principatus, in soliditatem perfecti roboris volens perducere, et in omnibus quibus religio Christiana veneraretur et coleretur, caeteris Principatibus nil omnino inferior esse, ad sacrarum locorum dotationem Ministrorumq; Dei institutionem, fideli et deuota consorte Ducissa Dambrowka, suapte religiosum, et feruenti deuotione refertum animum mariti et Principis sui, instigante, omnem curam et cogitationem suam conuertit. Et primum quidem in locis magis celebribus Gnesnae vlt et Cracouiae duas fundat Metropoles, Gnesnen vlt in honorem et titulum excellentissimi Dei, et eius genitricis virginis Mariae, a qua plenitudo totius salutis et gratiae manauit, Cracouien vero ad instantissimas preces consortis suae Dambrowka in titulum Sancti Venceslai noui eo tempore martyris, cuius eadem Dambrowka ducta germana erat neptis. Et quamuis in natione Slauonica primus Martyrio et Sanctitate insigni refulsisset, Gnesnensem tamen superiorem esse voluit, et apud illam decus principale consistere, Cracouensem vero secundam. Itaq; Ecclesia Cracouien praeripuit Gnesnen ne esset vna, Gnesnensis vero praeripuit Cracouensi ne esset prima. Pro quorum honore Metropolitico septem

alias Ecclesias, vñ Posnaniensem, Smogorzewiensem quæ nunc Wratislaviën
 Crusziciensem quæ nunc Wladislaviensis, Plocensem, Culmensẽ, Lubu-
 censem, et Camienecensem, quas iuri Metropolitico Gnesnensi et Cracouiën
 Metropolitibus voluit esse subiectas. Duæ autem Suffraganeæ quas nominavi:
 mus Crusziciensis et Smogorzouiensis, propter locorum transmutationem
 etiam titulos suos variare coactæ sunt. Smogorzeuensis enim primum in Bu-
 zinam oppidum Districtus Bregensis, sed propter uberiorem situm tandem in
 Wratislaviam translata est, et ultimi loci sortita est appellationem. Cru-
 szuiciensis verò per solitudinem loci in quo primum fundata erat, Wladisla-
 viam meruit transferri. Cæteræ Ecclesiæ Cathedralis et loca et nomina
 originaria retinent in hunc diem. Fundavit præterea et alias plures Col-
 legiatis parochialesq; Ecclesias, Monasteria et loca religiosa, scdm quod
 Neophitorum populorum cum necessitate tum devotioni videbat congruere.
 Smogorzouiën seu Wratislaviën Sancto Ioanni Baptista, principatum post
 intemeratam virginem inter omnes Sanctos retinentem, Posnaniën Sanctis
 duobus præcipuis Apostolis Petro et Paulo, Crusziciën seu Wladislaviën
 Sanctæ Mariæ virginis, Plocensem Sancto Sigismundo Regi et martyri,
 Culmensẽ Sanctæ Cruci, Camienecensem Sancto Ioanni Baptista, Lubu-
 censem Sancto Ioanni Evangelistæ, in titulos erexit, et in honorem eorum Ba-
 silicas prædictas dedicari disposuit. Quod quidem sui operis pium et
 laudabile in fundandis et dotandis tot Ecclesiis Cathedralibus meritum,
 felicitatem suam ad æterna capeßanda prouexit premia, et tam sui quàm
 omnium Successorum suorum Principum et Regum Poloniae tempora omnibus
 sæculis laude maxima efferenda mandavit, et res perituras in non peritu-
 ras cõegit transire, immarcescibilem sibi thesaurum apud superos cumulatu-
 rus. Testimonia ad id nulla exquirimus, cum operis effectus sub hominũ
 conspectu assidue relucens, dicta præponderans, quantalibet dispositione so-
 lennior, opus suum apud Deos et homines illustret. Quapropter omnium bono-
 rum retributor, multiplicavit Regni Polonici successus, multiplicavit incremen-
 ta frugum iustitiæ, Regis cumulavit gloriam, præstitit virtutis premia, post
 hæc æterna largiturus. Ordinatus est autem in Gnesnensi Ecclesia pri-
 mus Archiepiscopus, Vilibalinus, in Cracouiensi verò primus Archiepisco-
 pus Iordanus, in Posnaniën Prohorius primus Episcopus, in Wratislaviën
 Gothfridus, in Wladislaviën primus Lucidus, in Plocensi primus Angelotus
 in Culmen primus Octavianus, in Camienecen Iulianus, in Lubucen Iacintus.

Fecit eo anno Dux Russia Sviatoslaus in Kozaros qui et ipsi sunt Ruthenorum
 populi, expeditionem, et obtinuit eos bello, et cepit Castrum eorum Biallawi-
 cza et facti sunt ei tributarii ~

*Ecclesiarum Cathedrales in Polonia
à Summo Pontifice confirmantur,
& Diœceses earum distinguuntur.*

Agidius Episcopus Tusculanus Cardinalis in Poloniam à Summo Pontifi-
ce Ioanne XIII. missus, singulos Episcopatus Poloniae, ut biduas Metro-
poles Gnesnensem et Cracouiensem. Item Posnaniensem, Wratislavi-
ensem, Wladislaviensem, Plocensem, Chelmensensem, Lubucensem, et Camie-
nensem Cathedrales Ecclesias, confirmavit, et singulis Diœcesibus termi-
nos posuit easque distinxit. De quo etsi singulae Ecclesiae, eiusdem Aegidii
Cardinalis et Legati Privilegia et Literas habuissent, singularum tamen Ec-
clesiarum singulae literae, aut parum solerti cura custoditae amissae sunt, aut
frequentioribus cum tunc in Polonia non frequentes forent muri, perire in-
cendius.

Anno Domini 967.

*Fundatas Ecclesias dotat cum uxore Miecz-
slaus, et decimas instituit, multasque Colle-
giatas & Parochiales erigit. Cui antea Ste-
rili filius optimus Boleslaus nomine
Chabri postea vocatus nascitur.*

Novem Ecclesiarum Cathedralibus à se fundatis, Mieczslaus Polono-
rum Dux dotes sufficientes assignat, et tam Pontificibus eorum quam
Personatibus Dignitatibus et Canonicatibus in Cathedralibus et aliis
institutis, Monasteriis quoque et Ecclesiis Parochialibus, omnem omnium frugum
nascentium universae Polonorum regionis deputavit decimationem, se et om-
nes Barones, Proceres, Nobiles, Cives, et rusticos, non solum ad redditio-
nem sed etiam ad ducturam campestralis decimae subiiciens, largitus est.
Praeterea Ecclesiis Cathedralibus, Collegiatis, Conventualibus, et Parochi-
alibus, largas possessiones, fundos, redditus, et praedia largitus est, et precio-
sa Clenodia ex auro argentoque fabricatis, vasa et Clenodia diversi operis, ve-
stes quoque sacras, et caetera ornamenta donavit. Sed neque his contentus,
omnes Cathedrales Ecclesias à se fundatas, firmissimè, licet humilibus et
angustis muris, iuxta illius temporis qualitatem et morem, quadra et tabula-
ta petra perfecit, et ornamentis pluribus variatas, lapidibus, iuncturis, com-
missionibus ferri et plumbi communiuit. Ex omnibus tamen Ecclesiis

præfatis octo, deuotione et sumptu suo fabricatis, unam tantummodo Cru-
szuiciensem superesse videmus antiquitatem suæ fabricæ, saxo, artificio et
more attestantem, septem enim cæteræ successu temporum, et Regum, Princi-
pum, et Pontificum Polonia deuotione et liberalitate accrescente demolitæ sunt,
et in earum vicem insignes et excellentes Ecclesiæ, magnifico et sumptuoso o-
pere ampliato sitæ extructæ. Providebat et illis religiosaq; fœmina Ducis,
sa Dambrowka pro vice sua singulis Ecclesiis à viro suo fundatis, vasis ap-
paratibusq; ad cultum Ecclesiarum necessariis, et vniuersa quæ habere potu-
it in sacrorum locorum usum et ornamentum erogabat: adeo ut eam cum mari-
to suo Duce liberalitate et largitione, in Ecclesias et seruos Dei constet pio
studio certauisse. Quorum vniuersi Polonorum Procures et nobilitas æmula-
ti mores et vestigia in prædiis et villis suis ad constructionem et fundatione
Ecclesiarum, dotationemq; earum feruentius intrudebatur. Ex alto autem
benignitas Diuina in opera iam per Ducem Mieczslauum et consortem suam
Dambrowkam ædita ædendaue respiciens, prolis fœcunditatem illis conces-
sit. Nam Ducissa Dambrowka concipiens, filium pulcherrimum peperit, cui pa-
tre annuente, matreque pluribus precibus instante Auunculi materni in sacro
baptismate nomen imponitur Boleslaus, quod significat plurimum famosus, ma-
gnus illum et famosum futurum hoc nomine pretendens ~

EODEM anno Boleslaus Bohemia Dux Sancti Venceslai occisor, et Polonia
Ducis Mieczslai gener, moritur cui filius eius Boleslaus, vir plurimum mode-
stus et pius, germanus fr Ducissæ Polonia Dambrowki, succedit. Patru ma-
gis quam pris æmulatorem se gerens, ad augendum cultum Diuinum fundan-
do plerasq; Ecclesias animum intendit. Frater alter Straczikwas sæcu-
lo relicto apud Ratisbonam Bauariæ Civitatem in Canobio Sancti Emē-
rani Monachatum assumpsit. Soror altera Mlada, sacris imbula literis
et multa eruditione pollens, Monasterio Sancti Georgii in arce Pragen con-
structo, et Sacerdos illic facta, et cæteras virgines suo exemplo ad profi-
tendum virginitatem et religionem induxit ~

Anno Domini 968.

Adleydis soror Mieczslai Iesse Du-
ci Hungarorum copulatur. Cuius per-
suasione cum parte Regni Dux baptizatur ~

IEsse Pannoniorum & Hunnorum Princeps fama nobilissima virgi-
nis Adleydis Ducissae Poloniae, et sororis germanae Mieczslai ad
se plurimorum relatione perlata multiplici commendatione pulchritu-
dinis, et virtutis eius disferentibus mittit in Poloniam ad Ducem Mieczsla-
um solennes Nuncios: virginem praefatam Adleydam sibi petituros, pro con-
sorte, priore uxore fatis intercepta. Quorum petitione Dux Mieczslaus au-
dita, et in consilium Praelatorum et Baronum suorum relata, quid agendum sit
aliquanto consultat. Et quamvis et ipsa virgo Adleydis thorum gentilis Prin-
cipis magnopere abnueret, et nonnulli ex Consiliariis huiusmodi affinitatem
propter disparitatem ritus improbarent, disponente tamen caelesti providentia,
quae ex malis novit optima deligere, flectit Dux Mieczslaus animum suum, et
sororem suam virginem Adleydam, spem futurae reductionis Principis Iesse et
gentis Hunnorum ad fidem Catholicam sibi ingerens, per eam fiendam, ad con-
sensum. Itaque Duce Poloniae Mieczslao de consilio Consiliariorum consen-
tiente, contrahitur inter Poloniae et Hungariae Dominia et Principes eorum affi-
nitas, et virgo Adleydis in Hungariam deducta, Duci Iesse copulatur. Quae
velut femina religiosissima, capit magnae devotionis et sanctitatis specimen,
quamvis inter Sacrilegos et profanos homines versaretur, de se exhibere,
et sedula persuasione operibusque religiosissimis, tam virum suum Iesse Du-
cem Hunnorum quam Proceres et Nobiles suos, ad fidei Sanctae Catholicae
agnoscendum amplectendumque lumen, invitare. Fovebat et ipsa Adley-
dis Ducissa mulier benedicta viros religione et vitae puritate plurimum pot-
lentes, quos secum ex Polonia, susceptam semel fidem contagione nulla teme-
ratura conduxerat. Hi itaque Ducissae Adleydis commisso iussu et legis
Divinae Evangelique saluberrima monita saepius Duci Iesse et Consiliariis
suis instillabant. Quorum assidua doctrina, et consortis suae quotidianis
precibus et lacrymis periculis, sordes idolorum in quorum cultura in eam
diem versabatur abiicit, et cum Primoribus Baronibus fidem Sanctam susci-
piens, dirigente providentissima coniuge Adleyda baptisatur, maioremque
Regni sui partem sacro baptismatis fonte ablui procurat. Mirabili itaque
miseratione altissimi Polonis per Bohemam Dambrowkam, Hunnis per Poloniae
Adleydam Catholica veritas eadem aetate licet modicum distincto tempore,
resplenduit. Sanctificatio quoque per feminas provenit, non virorum solum,
sed et duarum inclitarum nationum. Ecce quam mirabilis imo inestimabi-
lis Divinae miserationis respectus, ut duas terras videlicet Poloniam et Hunga-
riam conferendae salutis aeternae causa, duarum mulierum obsequio visita-
ret. Vna enim earum extulit occasio, imo causa Catholica fidei myste-
ria in Polonia seminandi, et Divini verbi semen salubriter propagandi. Al-
tera vero earum fuit origo, superstitionem idolorum ex Hungaria penitus
eradiciandi,

145
et religionis Christianae principium cognoscendi. Sanctitatemque vitae assumendi cum deuotione. Quarum prima addidit Ducem Poloniae strenuum defensore[m] Boleslaum, altera genuit Stephanum Regem Hungariae, vitae merito totius Hungariae assiduum protectorem. Gratias igitur agant utriusque Regni incolae, immensa[m] Dei pietati, et in tripudium iubilationis et laudis, cum exultatione mentis et corporis, indefinenter dicentes prorumpant. Bene dictus es Domine Deus noster, qui diuturni laboris nostri et erroris misertus, oriens ex alto et viam veritatis nobis aperiendi, nostram dignatus es visitare et illuminare caecitatem, et inestimabili precio redimere captiuitatem.

Anno Domini 969.

Iesse Duci Hungariae & Adleydi uxori eius apparere visiones annunciantes partum Sancti Stephani Regis

Feruenti solitudine ad eradicandum eliminandumque ritus sacrilegos et ad plantandum in singulis locis et angulis Regni Hungariae fidem religionemque Christianam, Iesse Dux Hungariae, una cum consorte sua felici Adleyda intendente, in solita et stupenda bonitatis Diuinae dignatio Iesse Ducem consolatur visione. Astitit enim ei adhuc quiescenti adolescens decoro et placido aspectu, et stertentem in aurore ortus uehementer exterruit, ei que dixit. Pax tibi Iesse Christiane Deo dilecte, annuncio tibi vota tua ad conspectum altissimi perlata esse, perque eius aures benigne suscepta, de his quoque quae pro religione Christiana meditaris, ne sis sollicitus. Ex lumbis siquidem tuis nascetur filius, cuius solerti prouidentia, uniuersa ad cultum fidei necessaria, procurabuntur, et ad quem virum fidei ardore plenum, et religione Sanctitatemque insignem, instructione sua in singulis dirigendum, plenitudine temporis veniente, non dubites voluntate Diuina venturum, sed et ipse filius tuus primus inter Principes Hunnorum Diademate ornaturus est, tempora et terreno Regno transacto, aeternum pro labili et caduco, commutaturus. Visione huiusmodi Iesse Dux supra modum exhilatus, altera die consortem suam Ducissam Adleydam comperit gravidam. Quo signo credidit omnia sibi denunciata ex ordine infallibiliter prouentura. Similis quoque sed magis illustris visio nobili faeminae Adleydae Ducissae contigit, dum enim partui esset vicinior, apparuit illi vir venerandus Levitico amictus habitu, trementi que et visione eius pauidae dixit. Confide filia et

depone timorem, certaqs esto, quia filium es in breui paritura, Coronam
primum terrenam, deinde pro meritis immortalem adepturum, cui nato no-
men impones meum. Quem cum stupore extasi Ducissa Adleyda inquireret,
quis es Domine? aut quo nomine vocaris? Ego sum inquit Stephanus Pro-
thomartyr, qui primus stollam meam insigniui, meumq; nomen filio ex tuo utero
nascituro iube imponi, quibus dictis disparuit. Ducissa quoq; Adleydis vi-
sione praefata primum coniugi suo Duci lesse, deinde viris timoralis et religio-
sis, non sine profluvio lacrymarum, patefacta, filium post menses nouem edi-
tum Stephanum nuncupauit. Licet aliqua Hunnorum Annalia fingant, les-
se Ducem Hungariae ex Sarolt filia Gulae Ducis Transyluani uxore iam tunc
secunda Stephanum filium de quo loquimur suscepisse. Quo etiam tempo-
re Stephanus VIII. natione Germanus Leoni immediate succedens Cathe-
dram Petri iam rexerat triennio, et qui eodem decedens anno Martinum III.
natione Romanum habuit successorem ~

Mieczslaus Polonorum Princeps, attendens quod virtutum Dominus per poten-
tiam clementiae suae, super exaltanda gloria sui nominis suaeq; fidei, sibi
affectum et intelligentiam praestiterat, effectum omnemq; opem et operam,
in amplianda et propaganda fide Christiana in nonnullis Polonorum plani-
tis, quam efficacissime poterat, impendebat; producens, superna propiciante
clementia, gratissimos religionis Christianae fructus, in vniuersa Polonorum
regione, pro firmitate et profectu eorum qui crediderant, relucens ~

IOANNES Pontifex Romanus a Praefecto Urbis captus, et aliquot dies in
carcere custoditus, in exilium tandem in Campaniam mittitur. Sed Otho Im-
perator iniuriam hanc Summi Pontificis, occisis culpatoribus Romanis ali-
quibus, caeteris vero exilio mulctatis, durissime vltus est. Sedit annis VII.
diebus x.

Anno Dñi 970.

Swiatoslaus Russiae Dux Bul-
garos sibi facit tributarios ~

Non contentus Swiatoslaus Dux Russiae Principatu paterno, vici-
nis Bulgaris inferit bellum, et octoginta eorum Castris, quae ad Danu-
bii fluentia sita sunt expugnatis, Bulgaros cogit ad tributum. Swia-
toslao autem Duce Russiae in Bulgarica expeditione immorante, gens Piecze-
niegorum adueniens, Castrum Kijow, in quo mater Swiatoslai Holba alias

Helena cum tribus filiis Swiatoslai nepotibus suis, uzt Iaropolko, Olba, et Wladimiro residebat, vallat et impugnat. Fuisset autem deditio Castrum Kiiow, fame Olbam et qui virorum secum erant praementis secuta, nisi nonnulli ex Ruthenis Lieczeniegos hostes fallendo, matum illis inieciissent, suggerendo Swiatoslaum Ducem cum victore exercitu ex Bulgaria aduenire, eo enim auisamento territi Lieczinnici obsidione soluta magna trepidatione discedunt, sub quo tempore mater Swiatoslai Olba moritur ~

IOANNES Summus Pontifex Imperatoris Ottonis fretus auxilio, captiuitatem euadens Romam victor ingreditur, et diuersae factionis Principes grauius mulctat. Ob remunerationem autem collati in se beneficii Ottonem Ottonis Imperatoris filium Augustum appellat ~

VILIBALINVS Gnesnen' Metropolitanus primus Antistes annis quatuor in Pontificio munere exactis, moritur, et in Gnesnen' Ecclesia sepelitur, et genere, et virtuosus operibus nobilis. Cui Hato Italus genere eodem anno succedit ~

Anno Domini 971.

Russiae Principatus inter fratres per Swatoslaum tripartitam diuiduntur ~

Discidium post mortem suam Swatoslaus Russiae Dux inter filios suos pro Principatu Russiae se absumpto accidere veritus, Russiae Principatum inter filios diuidit. Et Iaropolkum quidem natu maiorem in Kiiouensem, Olbam vero alterum filium Drewlanis, tertium Wlodimirum Nouogrodensibus, in Duces praefecit et constituit. Magna execratione quemlibet constringens, ut sorte sua contentus ab alterius occupatione se contineat ~

Signum ignei coloris in caelo apparens, plurimorum mentes in admirationem et stuporem vertit, eaque res velut noua et inusitata religionis loco apud Polonos habita est ~

HATHO Gnesnensis Archiepiscopus nondum integro biennio usus regimine consumatus in breui moritur et in Gnesnensi Ecclesia sepelitur, Cui Robertus primus Italici generis vir anno fere eodem substitutus ~

Anno Domini 972.

*Pieczimegorum Dux victo et occiso Russia
Duce Swantolao testa capitis eius bibebat.*

Reuertenti Swiatoslao Russiae Duci a Graecorum quam hostiliter in-
uaserat Prouincia, et spolia Graecorum ferenti, Pieczinnicy hostes
sui per nonnullos Ruthenos et Kiouenses quisati, cum singulis po-
tenciis occurrunt ei, et Swiatoslaum exercitumq; suum, cum quod spoliis
onustus esset, tum quod in loco iniquo pugnaret, facile vincunt. Swiato-
slaus ipse pugnam restituere, et suorum fœdam fugam sistere satagens, in
hostium manus uiuus venit. Cuius caput Dux Pieczinigorum Bura voca-
tus præcidens, testam capitis auro ornatam cyphum fecit, ex quo in signum
clauicti hostis bibere solitus, triumphum suum quotidie innouabat.

MARTINO Papa tertio qui annis tribus, mensibus sex, diebus decem sedit,
defuncto, Agapetus secundus natione Romanus succedit, cuius temporibus
Otbo primus Dux Saxoniae, qui per Germaniam tantummodo, Berengario in
Italia Imperatore, regnabat, duorum suorum Principum Germania, sed et
germani sui Thaginari qui se illis iunxerat rebellionem et hostilem guerram
perpeßus, ex omnibus tamen triumphans, rigidam ultionem cepit. Frater ete-
nim suus Thaginarus Castro Herosburg cui se incluserat expugnato, in Eccle-
sia ad quam fugerat, confusus interijt.

Anno Domini 973.

*Otbo Rom. Rex Saxones idolatras ad
fidem Christianam reducere moritur, filium
suum Othonem habuit successorem.*

Romanorum Rex Otbo primus et Dux Saxoniae quam plurimos Sa-
xonum, cultibus idolatriæ deditos, aut salutifera suasionem aut pote-
statis suæ terrore, aut Episcoporum prædicatione fidei subiecit Chri-
stianæ. Et ut fides religioq; Christiana firmitus haberet stabilimentum
in Parthenopoli, quæ ab accolis Maydeburg vocitatur, Cathedralam Metro-
licam instituit, certos illi subiiciens Episcopatus, qui anno eodem mortuus,
Othonem secundum filium suum habuit successorem. Qui et ipse paternam

amulabatur probitatem, Ecclesie Romanæ fidelis et deuotus. In eadem autem Sancti Mauriti May'deburgen' Ecclesia Metropolitana, quæ est primaria Almania, et quam fundauerat magnificèq; dotauerat sepultus est.

Anno Domini 974.

*Boleslaus Dux Bohemiæ ad preces Dambrowczæ
sororis Ecclesiam Cathedralem Pragæ erigit dotatq; ~*

Frequentibus et variis pietatis operibus, quæ nobilis et beata femina Ducissa Dambrowka consors Mieczslai Ducis Polonia, pro cultu Diuino in noua fidei plantatione deuotissimo studio egerat, acturamq; se dissponebat, non contenta, ad Patriam suam Bohemiam oculos conuertit. Sciebat enim illam, quamuis religione Christiana annis pluribus polleret, honore tamen Pontificali inopem esse, cruciabaturq; Spiritu perpendens Poloniam posteriorem quidem ordine in lucem fidei perductam, nouam Cathedralibus Ecclesiis in ipsis primiciis fore inclutam, Bohemiam uero fidei susceptione priorem, ne una quidem Cathedra ornatam esse, sed sub exterorum Pontificum, uel Maguntinen' et Ratisponen' administratione hucusq; delituisse, illi enim Diocæsano subiecta erat. Missis itaq; crebris literis et nunciis ad fratrem Boleslaum Bohemiæ Ducem, qui post patrem Boleslaum occisorem Sancti Venceslai Anno Dni Noningentesimo sexagesimo septimo mortuum, Ducatum Bohemiæ uelut natu maior et magnæ pietatis et religionis uir, regendum susceperat, illum et sororem germanam Mladam in continentia et uirginitatis proposito Domino famulantem, rogat et obsecrat, ut tam diuturnum suum et gentis Bohemiæ non ferat opprobrium, sed illud quanto celerius meliori prouisione submoueat et tollat. Sororis itaq; suæ Dambrowki crebris precibus et persuasionibus stimulatus, in arce Pragæ Cathedram Episcopalem in Ecclesia Sancti Vitti, per auum suum beatum Venceslaum murata, innouatam fundat, illamq; certis bonis temporalibus dotat. Ad quam primus Episcopus Datmarus uir religiosus et Monasticam uitam ducens, natione Saxo, in Slauonica lingua aliquantulum eruditus, eadem Ducissa Polonia dirigente, promotus est, præsidente in Cathedra Petri Agapito Papa secundo. Præstiterat autem clementia Dei per preces beati Venceslai et merita, Ducis Boleslai Sæui Sancti Venceslai occisoris et germani, filiis filiabusq; gratiam singularem. Nam et filius suus maior natu Boleslaus propter clementiam suam et uirtuosa opera, contraria appellatione Pius vocabatur. Alter uero Straczkwas

ad cuius natale Sanctus Venceslaus a fratre Boleslao occisus, inuitatus fuerat, Monasterium Sancti Emerani in Ciuitate Ratisponen' ordinis Sancti Benedicti ingressus, Monachalem vitam gerebat. Filia quoq; sua Senior Ducissa Polonia Dambrowka et consors Mieschkonis, magnum incrementum fidei attulit, et claris fulsit virtutibus, ædens multa pietatis opera. Altera soror Mlada Regulam Sancti Benedicti in Monasterio Sancti Georgii Castri Pragensis professa, et post eiusdem loci facta Abbatissa, in bonis operibus vitam consumauit. Comparatione autem iusta facta, reperies Gnesnen', Cracouien', Wratislauensem, cæterarumq; Polonicarum Ecclesiarum fundationem, annis octo Pragen' præcesisse, nec unquam labefactas aut pessundatas aliquo casu vel errore esse, sed per gratiam Dei ab exordio usq; ad præsentem ætatem, in fidei et Christianæ religionis virenti perseverantia et augmento floruisse ~

Hæmens anni huius grandis et onerosa, pruina niue grauida, et quæ omnia maria, stagna, lacus, et paludes, inglaciauerat, a Calendis Nouembris usq; ad æquinoctium Vernale durauit, in magnam admirationem apud singulos versa, quod sine exemplo illius ætatis prouenerat ~

Anno Domini 975.

Agapito Papa Ioannes XIII. succedit.
Quem Otho Imperator ob lasciuia damnat ~

Agapitus secundus Papa Romanus, cum annis tribus mensibus sex diebus decem sedisset moritur, et in Ecclesia Sancti Petri tumulatur. Et cessauit Episcopatus diebus duodecim, cui Octavianus qui Ioannes XIII. cognominatus est, successit, natione Romanus ex patre Alberico. Qui quidem Albericus atq; Albertus filius Berengarii Italia Imperatoris, cum potens in Vrbe foret, vocatis nobilioribus Romanis induxit illos, et iuramento constrinxit, ut mortuo Papa Agapito filium suum Octavianum promouerent. Quod et factum est, ac ex Octauiano Ioannes XIII. appellatus, Cathedram piscatoris ascendit. Otho cum magno exercitu Italiam ingreditur, detestabilem insaniam Ioannis XIII. spurcicus carnalibus vacantem, damnat, Berengarium capit, et cathenis in Alamaniam ductum onerat, Octauiano filio eius in Corsicam festino cursu fugato ~

Anno Domini 976.

*Iaropelkus Kiiouien' Dux germanum
suum Olham postea Wladimirus frater
Iaropelkum cupiditate dominandi occi-
dit et uxorem eius accepit sibi in coniugē.*

Non poterat inter filios Swiatoslai Russiæ Ducis instituta à pre-
charitas et terrarum diuisio esse diuturna, sed occisione Swia-
toslai secuta, quasi Prouinciæ et regiones latissimæ Ruthenicæ
à patre relictæ angustæ illis forent, contentio inter illos de principandi
maioritate et præeminentia suboritur. Quam sibi Iaropelkus maior natu
uendicare uolens, Castrum Waras in quo germanus suus Olha consistebat
conquirens, Olham interficit, et in Ducatum Drewlianorum sanguine frater-
no dotatus succedit. Formidans autem Wladimirus minor natu Iaropolko-
nis tyrannidem, ad se quoq; aliquando prouenturam, quasi fraternam necem
ulturus, Castrum Kiiouien' et fratrem Iaropelkum in illo circumvallat. Ve-
nientem quoq; ad se in pace Iaropolkonem fratrem, suaseret et consilio sui sce-
lesti consiliarū, nomine Bluth Palatini, interficit, et omnes tres Principatus
possidere cepit. Principatibus autem sanguine fratrum germanorum quasi-
tis, non contentus, etiam Iaropolci uxorem Græcam genere ex Iaropolco gra-
uidam accepit in uxorem, ex qua filium Swiatopelkum nomine duos patres
Wladimirum et Iaropelkum habentem suscepit ~

QUINTO Calendas Nouembris igneæ acies visæ sunt in cælo per totam
noctem in Polonia' Prouinciis. Resq; huiusmodi monstruosa, uti est insueta
Polonis visa, ne quod malum imminens genti et terris Polonorum protende-
ret, hostiis maioribus Diuinitatem exorare placuit ~

Anno Domini 977.

Dambrowka Duci Isa Polonia' moritur ~

Dambrowka Ducissa Polonia' consors Mieczslai Polonia' Ducis fœmina
religiosa et deuota rebus absumitur humanis. Hæc in ætate proue-
cta caput non uelabat, sed ad instar virginum, serico et corona inco-
debat ornata. Cuius corpus in Ecclesiam Gnesnen' relatum, sepulturae

mandatum est, et funeri suo à Mieczslao Principe et Proceribus Optima;
tibusq; Polonia' magnifico et liberali sumptu iusta persoluta. Luxit aut
illam Dux Mieczslaus maritus et Boleslaus filius planctu magno, sed ad om-
nes viri Ecclesiastici non secus quàm piam matrem desiderabant ~

Anno Domini 978.

*Rutheni idolatri fulminis ido-
lum constituunt adorandum.*

Firmato Principatus sui Solio Wlodimirus Dux Russia', ad religio-
nem versus in montibus Kiouien' Castro proximis, fana, simulachra,
et idola, templaq; et delubra edificat. Inter omnes tamen suar profa-
nae superstitionis Deos, fluminis numen in præcipua apud illum cultura et ve-
neratione habebatur, cui et ampliora templa instituit, et excellentiori illud
simulachro ornavit. Nec ipse Dux tantum, sed et uniuersus Ruthenorum
populus delestabiles ritus huiusmodi secutus, fluminis numen præstantiori-
bus imolationibus et holocaustis venerabatur. Fabricauit autem Dux Wlo-
dimirus Deo suo principali flumini corpus et simulachrum ex ligno, caput
ex argento, et aures ex auro. Cæteris quoq; Diis lucos et simulachra con-
stituit, et adducens filios et filias suas, sacrificat Diis, et coinquinat se et
terram Russia' idolis. Accepit autem Wlodimirus plures uxores, ex una
general quatuor filios, Izaclaum, Msczislauum, Iaroslauum, Wschewoldum, et
duas filias. Item ex Græcia Swiatopolkum. Item ex Bohemia Viszeslaum,
Item ex quarta Swiatoslauum et Msczislauum. Item ex Bulgarica Boris et Kieb.
Tenuit et plures concubinas, in cæteras quoq; virgines et uxores alienas parum
pudicus et temperatus illas deuirginabat ~

OTHO coronam Imperii insignem à Benedicto septimo Roma accepit ~

Anno Domini 979.

*De more euaginandi gladium dum cantabatur
in Milsa Sequentia Scti Euangelij apud Polonos.*

Scrupulosiorem indaginem Mieczslaus Polonorum Dux in his qui non,
dum sacri fontis Baptismati iniciati fuerant, Polonis ostensurus, ad

plures vicos, Oppida, villagia, personaliter ipse proficiscitur, et tam adultos quam infantes mares, iuxta ac feminas, aquis regenerationis innouat, innouatosque et ablutos in fide firmat, et tam pecuniæ quam vestium largitione innouat, et in fidei et in sui charitatem pellicit. Quod quidem sui pii operis meritum in amplianda fide orthodoxa, et tunc et pluries alias fidei et sancto ingenio exhibitum, non solum illi æterna attulit premia (pia ut credulitate præsumi potest) sed etiam Principatus et regiminis sui memoriam, apud præsentis et posteros immortalem effecit. Ad omnia enim Catholica religionis opera consumanda atque explenda, virtuosos suos sine intermissione dirigebat affectus, Catholicorum Regum et Principum satagens in singulis sequi vestigia et æquare virtutem, ne religione illorum foret inferior, quorum erat claritate et Principatuum amplitudine atque Dominio non minor. Ipsius siquidem opera et instinctu Sacrosanctus mos in Procures, Militares, et quoslibet nobiles eo anno introductus est, propè ad nostra tempora usque seruatus, ut prædicti Procures Polonorum et milites diebus Dominicis audituri Diuina, ædes sacras militari gladio accincti ingrederentur, et dum à Sacerdote caneretur, SEquentia Sancti Euangelii secundum Mattheum, Iohannem, Lucam, vel Marcum, è vestigio omnes velut certamen inituri, exerebant usque ad medium gladios è vagina, cum autem à Scholaribus responderetur, Gloria tibi Domine, viceuersa in vaginas recondebant. Demonstrantes eo tam frequenti, et quolibet die Dominico repetito actu, pro defensione veritatis Euangelicæ ab eis cognita et professæ, intrepide et alacriter pugnatores, et si oporteret mortem etiam appetituros. Quem benedictum morem vehementer doleo, nescio quo laqueo sydere ex Polonia Regno abolitum esse, qui illorum singularem zelum atque fidem orthodoxam declarabat.

Anno Dñi 980.

*Omnes in toto Idolatriæ cultus
Mieczslaus sustulit in Polonia.*

Intelligens Mieczslaus Polonorum Dux plerosque suæ gentis subditos, tam nobiles quam agrestes, fallacium et veterum Deorum suorum teneri consuetudine et sacrilego ritu, thura et libamina in domibus propriis illis offerre et litare, vanam quoque superstitione distentos alligatosque, baptismatis gratiam in eam diem neglexisse, missis in singulas regiones et Ciuitates quæ pro Capitalibus habebantur. Regionum Præfectis et Præcomibus mandat, vniuersis districto imperio, ut ad proximiorum et viciniorum Cathedralium Ecclesiam à se fundatam, qualibet excusatione circumscripta, singuli

conueniant, & Christianitatis tam nomine quam baptismatis se insigniant un-
ctione, grandibus in eos et extremis usus panis, bona quoque confiscaturus
si sequi imperium suum detrectauerint, et certo termino in Cathedralium Ec-
clesiarum locis unda sacri baptismatis non fuerint renati. Inflictam
autem et infligendam penam Poloni uitaturi, certatim omnes ad suscipien-
dum fontis beneficium prorumpentes, ad Episcopalia Ecclesiarum loca
conuenientes, caractere Christiano se insignant. Ab Episcopis autem et
Sacerdotibus in articulis fidei, et in caerimoniis ac ritibus instructi, Domini
eos dies, festa quoque CHRISTI, et suae genitricis Mariae, atque Apostolo-
rum obseruare et festiuare, et in diebus Mercurii, Veneris atque Saturni
a carne abstinere iussi sunt. In hunc itaque modum zelo et opera Ducis Po-
loniae Mieczslai, omnia Polonorum simulacra radicitus euulsa, et ignibus
aut paludibus in perpetuam obliuionem tradita, studiis quoque vigilantissi-
mis Mieczslai quaecumque fuerant per totam Poloniam portenta potius quam
simulacra arasa, ritus quoque prophanus a medio, et quaelibet sortes, augu-
rationes, diuinationes, Phitones, omnesque superstitionum veterum gentilium
errores sublatis.

Anno Domini 981.

*Ditmarum Episcopi Pragen mors miseranda.
In cuius locum beatus Adalbertus eligitur.*

Primo Pragen Episcopo Ditmaro mortuo, Adalbertus natione Bohe-
mus et lingua, de nobilibus parentibus ortus. Pater eius Slawnik
mater vero Strzelislaw in Pragen Episcopum acclamatione Cleri
et populi electus est. Cuius etiam electionem Daemones in obsessorum corpori-
bus uelut dignam et sanctam ante pronunciant. Hic in baptismo nomen
Bohemicum Woyciech, quod significat exercituum consolator, acceperat.
Sed Episcopus Maydeburgensis Albertus, apud quem adolescentiam egit, eum
Adalbertum difficultate prolationis originarii nominis motus, cognomina-
uit. Extremum autem spiritum Ditmarus Episcopus Pragensis praedictus
fusurus, pluribus verbis omnibus qui astant, inter quos Adalbertus Episco-
pus unus erat, causam et seriem damnationis suae perpetuae, depromebat.
Veni mihi (inquit) quod disolutius vixi, fructu temporis perditio. Quam
vellem vixisse nunc dum morior. Decepsi me fallax saeculum, annosa
mihi pollicendo aetatem, et ecce in speratam animam et corpore saucius necor.
Damnationis autem meae facinus etsi per virtutem passionis CHRISTI

155
venia dignum esset, ob scelus tamen Bohemici populi, ultro in desideriis et voluptatibus suis permotis, qui etiam usque nihil aliud operari novit, nisi quod Sathanae digitus in eius corde latro atramento conscripsit. Iustissima Dei lege, quoniam latrare iuxta ac canis expavi, clamor, itinere recto ad inferna igne inextinguibili arsurus, proficiscor. Sic aens miseram animam, iam tunc cruciatus gehennales ob negligentiam cernentem, expiravit. Quo terrore Adalbertus correatus, omnibus deliciosis cibis et vestibus abiectis, noctu cilicio carnem amiciens, caput verò cinere aspergens, in alium hominem ex milite delicato mutatus, omnia quae habebat in egenos, pupillos, et viduas erogavit ~

Anno Domini 982.

Ioanne ob excelsus deposito per
Imperatorem Leo VIII. Surrogatur.

Agapito Papa secundo, qui sedit annis tribus, mensibus sex, diebus decem, obeunte, Ioannes natione Romanus ex patre Alberico viro nobili et pro ea tempestate in urbe potenti, impressione et ordinatione patris sui, in Papam (ut praemisimus) assumptus est. Venator et lubricus fortur fuisse, eiusque in Deum praevocationis, ut etiam in domo sua concubinas fouere non erubuerit. Duos autem Cardinales transgressionis suas Ottoni Romanorum Regi denunciantes, et ut Ecclesia succurreret expetentes, graui et horrenda pena multauit, Ioannem quidem Cardinalem naso, alterum vero manu mutilando. Quibus omnibus Ottho Romanorum Rex motus, venit in Italiam cum valido Germanorum exercitu, et Ioannem Papatu cedere coegit, qui in Papatu annos octo, menses decem, dies decem iam exegerat. In cuius locum Leo VIII. laicus communi populi voto propter singulares virtutes suas, qui Ottonem Diademate coronauit, surrogatur ~

EODEM insuper tempore Ottho Imperator deuicto Berengario, qui sua tyranni: de cum filio Alberto Italiam praemebat. Adalmundam relictam Lotharii Imperatoris, quam Berengarius tenebat captiuam, liberat, et sibi matrimonio copulat, nuptiasque et Natale Domini in Papiā celebrat, Berengario insuper in gratiam recepto, et Marchia, Toruilia, Verona, Aquilea exceptis, totam Italiam suae gubernationi restituit ~

ANGELOTUS Ploensis Episcopus natione Romanus dum Pontificatum Ploen' annis quindecim rexisset, pro conditione humana absumitur, et in

Plocensi Ecclesia tumultatur. Cui Martialis a Iohanne XI. ordinatus
genere et ipse Romanus, anno sequenti succedit ~

Anno Domini 983.

Otho I. Imperator, Benedictum V. a Romanis in
Papam contra Leonem VIII. assumptum, proscri-
bit cum nonnullis Romanis, et Leonem prae-
dictum in suam sedem restituit, tandem moritur ~

Molesti ferentes Romani, hi praesertim qui Iohanni XIII. cogna-
tione iuncti erant, affinem suum de summo Sacerdotio eiectum esse,
et Leonem octauum sibi successisse, dum Ioannem propter notoria
sua scelera et turpitudinem vitae restituere vererentur, Benedictum V. vi-
uente Leone in Papam assumunt, Qui cum mensibus duobus diebus quinque
sedisset, venit Imperator Otho de Almania, et obsedit Romam, nec prius
obsidionem soluit, donec Benedictus potestati suae traditus est. Quem Otho
misit in Saxoniam in exilium in quo mortuus in Halsburg sepelitur. Ingressus
autem Otho Romam, Leonem in suam sedem restituit, deformatam reparat,
et nonnullos Romanos res novas molientes proseribit. Filium quoque suum
Othonem tunc secum Romae praesentem per Papam Leonem procurauit in Re-
gem Romanorum benedici. Pacataque Ecclesia in Saxoniam reuersus, in Ci-
uitate Maydeburgensi, post plurima quae Imperio Romano digna peregerat, No-
nis Calendae May moritur, anno Regni sui tricesimo septimo, Imperii decimo.
Cuius corpus admirandae magnitudinis. Basilica in Maydeburg, quam ipse vi-
uens in honorem Sancti Mauricii opere sumptuoso fabricauerat, eo quo di-
gnum erat Caesareo cultu est humatum. Mortuus autem est valde senex uni-
co filio eiusdem nominis relicto ~

Annis triginta sex in Regno Poloniae exactis primus Wratislaviensis Episco-
pus, qui a priscis tunc Smogorzouien' intitulabatur, Gothfridus genere Ro-
manus, Pontificatu suo per annos decem et septem continuato moritur, et
ibidem sepelitur. Cui Urbanus primus ad petitionem Boleslai Chabri
Poloniae Ducis et Monarchae, nobilis genere natione Romanus per prouisionem
Ioannis Papae XII. fuit substitutus ~

Anno Domini 984.

*Boleslaus filius Mieczslai Iudith virginem
Lesse Hungariae Ducis filiam accipit in uxorem*

Boleslaus filius Mieczslai Poloniae Ducis, diebus luctus maternae vi-
tae excessus, qui usque in annum sextum tendebatur, expletis, Mieczslao
patre iubente, conjugaliis sacris se iniciaturus, et cum Pannoniis ve-
terem innouaturus amicitiam, Iudith virginem pulchritudine et forma insignem,
amplissimam insuper dotem auri et argenti secum ferentem, filiam Lesse
Hungarorum Ducis ex prima uxore sibi desponsat, et nuptiae apud Gnesnen
Ciuitatem in praesentia Praelatorum et Baronum, qui in frequenti numero
ex Polonis et Hungaris conuenerant in splendido apparatu et ludorum in-
stauracione celebrantur.

*Otho II. in Regem Romanorum coronatus
filium Othonem ex coniuge suscepit. tan-
dem moritur. Cui filius in Regno succedit.*

Otho secundus octogesimus secundus ab Augusto, patre et vita ex-
cedente regnare capit. Qui quamuis sub patris praesentia, a Leo-
ne Papa VIII. in Regem Romanorum designatus et coronatus:
morte tamen patris secuta, ab omnibus qui aderant denuo coronatur et
in Regni sede locatur. Huic pater viuens filiam Ioannis Graecorum Impe-
ratoris nomine Theophaniam desponsauerat, nuptiasque Papae celebraue-
rat. Ex qua idem Otho secundus filium insignem nomine suo; clarissi-
miq; sanguinis sui normam propemodum exprimentem, filiamque Nactidam su-
scipit. Et Imperii Romani strenuissime disponens moderamina, Lotba-
rium Regem Galliarum exiuit possessione. Qui cum plura bella contra infi-
deles gessisset, ad extremum toto fere exercitu in Calabria amisso, ipse
merito beati Petri Apostoli quem suppliciter inuocabat, seruatus, Romamque
reuersus, exactis in Imperio annis nouem moritur, in Ecclesiaque Sancti Pe-
tri sepelitur. Cui filius Otho tertius succedit, et a Gregorio V. cuius
fuerat consanguineus Romae coronatur.

Anno Domini 985.

*Wladimirus Russiae Dux Polonis bel-
lum in fert & certa Castra occupat.*

Profanis religionibus Russiae Dux Wladimirus perfunctus ad arma

animum intendit, Duciq; Poloniæ Mieczslao et Polonis bellum primum in-
fert, quod vario Marte gestum est, nunc Polono interdum verò Rutheno
triumphos retinente. Expugnabat autem Dux Wladimirus Castra Polo-
norum vñ Przemisl, Czerwien et alia, occupatq; expugnata, ac præsidio
forti militum imposito, suæ et Ruthenorum subiecit ditioni. Vadit deinde
contra Radzimicze, qui et ipsi à Polonis descendunt, et victis tributum
imponit ~

Summo Pontificio Leo VIII. beneficio Ottonis Imperatoris primi resumpto, con-
stituit ut nullus sine consensu Imperatoris assumeretur in Papam. Dum autem
post resurrectionem Papatus sedisset annum unum et mensibus quatuor moritur.
Cui Ioannes XIII. natione Naruien' succedit ~

Anno Domini 986.

Iordanus primus Crae' Archieps moritur ~

Iordanus primus Ecclesiæ Cracouiensis Archiepiscopus et fidei
religionisq; in noua plantatione dilatator, ætate grandæua et semo
confectus, moritur, et ibidem in Ecclesia Cracouiensi, cui præside-
bat annis uno et viginti. Cui Proculus succedit et sepelitur ~

Anno Domini 987.

*Fames ubiq; valida, & Wladimirus Dux Ruthenorum
perspectis Latinis, Græcis, et Machometicis
ritibus, Græcam fidem quæ melior videbatur suscipit ~*

Exigentibus sceleribus humanis fames valida et generalis frumentis
in uniuerso ferè mundo malè prouenientibus, secuta est. Quæ in singu-
lis regionibus multos mortalium absumens, etiam in Polonos grassata
in pluribus Ciuitatibus, vicis et villis orbitalem induxit ~

Solicitatus Wladimirus Russiæ Dux primum à Machometistis, ut ritum
pseudo Machomet susciperet, deinde à Latinis, tercio à Iudeis, ut legem
Hæbraicam, postremo à Græcis ut fidem Christianam susciperet et assume-
ret, Nuncios quidem ritus præfatos sibi persuadentes, benignè tractatos
etiam remuneratos dimisit, cum suis verò Ruthenis, quæ nam fides acce-
ptanda esset, consultat. Placuit autem ad omnes nationes prædictorum

rituum Nuncios Speculatum mitti, et cuiuslibet ritum explorari. Missi itaq; ad Bulgaros, Latinos, et Græcos, singulorum ritus, ut iussi erant, speculantur et explorant. Et Machmet quidem ritus, plura habens in se fæda et turpia, illico ab eis profanus et iniquissimus iudicatus est, Latinorum vero cærimoniam, parum illis religiosam, et templa parum ornata videbantur. Cum vero Constantinopolim aduenissent, Basilius et Constantinus Græcorum tunc Imperatores, intelligentes eos Speculandi gratia ritus sui illuc venisse, cætu religiosorum et sacerdotum vocato, magnam solennitatem instituunt, et in splendidissimis ornamentis celebritatem Missæ per Patriarcham tene:ri disponunt, Ruthenorumq; Nuncios ad Ecclesiam introductos, in loco eminentiori, ex quo omnes cærimonias videre possent, locant, honoreq; mensæ exceptos splendide tractant, et remuneratos dimittunt. Qui ad Ducem suum Wladimirum reuersi, de singulis ritibus quæ viderant disserunt, se: etiamq; spurcissimi Machometi contemnendam prorsus et repudiandam esse persuadunt, et Græcorum sectam præstantiorem, quam Latinorum fore contestantur, in Græcorum Ecclesiis plura et magis cultiora ornamenta, quam in Latinis consistere. Tantam insuper in Missa Græcorum cui intererant, testabantur se dulcedinem sensisse, ut penè extra se rapti magis cælesti quam terrenæ solennitati se putauerint interfuisse. Ad ritum igitur Græcorum suscipiendum omnium Procerum sententiæ inclinabant, persuadent, doq; Wladimiro dicebant. Si fides Græcorum bona non foret non Auiatua Holha inter mulieres prudentissima illam accepisset. Assensit itaq; Wladimirus Procerum sententiæ, et baptisma Græcorum ritu accepit. ~

Anno Domini 988.

Inundatio aquarum et siccitas ~

A Quarum inundatio frequens et diuturna fuit, quam æstas feruida et pluribus perniciosa secuta est, propter quod fruges partim dispersitæ partim diminutæ, Siccitas insuper Vernalis modum excedens acciderat, ob quam satio Vernalium frugum impedita est. Nix insuper nimia decidit quam imber assiduus sequebatur adeo ut autumnalem sationem prohiberet, famemq; induceret ~

Anno Domini 989.

*Beatus Adalbertus propter Bohemorum
scelera relicto Episcopatu Pragen' Romam
petit & Monasticam vitam duxit ~*

Adalbertus Pragensis Episcopus, populum Bohemicum, cuius erat ipse
unicus Pontifex, enormibus sceleribus (quorum hæc erant præcipua,
quod pluribus uxoribus contra legem Catholicam abuterentur, quod
gentiles et sacrilegos ritus practicabant, quod subditos proprios, filios fili;
asq; Christi ebaractere insignitos, ludæis in seruitutem vendebant, quod
fora diebus Dominicis frequentabant, quod sepulturas in profanis eligebant
locis) videns deditum esse, et omnem correctionem hætenus per eum adhibi;
tam habere in contemptu, virorum timoratorum usus consilio, sedem Episco:
palem deserere, et habitum Monasticum assumere in animum inducit. Quod
ut facilius consequi posset, Stracziwas Sancti Benedicti Monachum, et
germanum Ducis Bohemiæ Boleslai diligenti cura persuadet et precatur ut
Episcopatum Pragensem suscipiat, facilius enim illum plebis Bohemiæ abu:
sus et facinora, cum fratris Ducis Bohemiæ assistentia sanaturum. Cui
Stracziwas respondens, non licere sibi, ait, quæ contempsisset mundana
repetere, et terrenis omnibus mortuum, ad honorem fastigiumq; culminis Pon:
tificalis aspirare, subinferens se et honore Episcopali indignum, et Pastora:
li ponderi insufficientem. Ad quem vir Dei Prophetico spiritu fertur di:
xisse, Scio inquit frater, Pontificalem sedem Pragen', quam nunc iusto
titulo et vero ostio conscendere potuisses te contemnere, post iniqua via
iniustiq; titulo te petiturum esse, et successum malum habiturum, et quod
nunc recusas in perniciem tuam post uehementer expetes. His dictis Bohemi:
am et sedem suam pro tædio plebis incorrigibilis relinquens, Romam petit,
Hierosolymam visa Roma petiturus. Verum Romæ consistens, consilio viro:
rum religiosorum Monasterium Sancti Bonifacii ingressus est, vitamq; Mona:
sticam in vitæ amaritudine agere capit, fratre suo beatæ vitæ Gaudentio in
eodem Monasterio secum vna delitescente, propter suæ conuersationis et vitæ
studium, quasi Angelus Domini ab omnibus reputatus, quoniam sub corporis mor:
talis habitu, vitam ducebat sanctissimam, et tam suis quàm extraneis admiran:
dam, cum religiosè viueret, verbo et exemplo pariter resplendens ~

Anno Domini 990.

Boleslao Chabri filius Mieczslaus nascitur ~

Iudit Ducissa consors Boleslai Polonorum Ducis annos quinq; sterilitatis

161

perpressa opprobrium, tandem anno sexto facundata, virilem sexum effudit.
De cuius ortu dum et Auius Mieczslaus et pater Boleslaus Polonorum Duces
immenso exultarent gaudio, solennemq; Curiam constituto die Baptisterio:
rum indicunt, et infanti dum apud Gnesnam sacro fonte regeneraretur Aui:
tum nomen Mieczslaus imponunt, quod significat habiturus laudem.

*Wladimirum Russiae Ducem dum fidem
Christi suscepturus esset caecitas opprimit. In:
ductus in persuasione futurae coniugis suae
Sororis Graecorum Imperatoris baptizatur & vi:
sum accepit, et in baptismo nuptias celebrat.*

Congregata Wladimirus Russiae Dux gentium suarum multitudine
copiosa, Graecis bellum infert, et Castrum insigne Graecorum Korschin
conquirens vicinam ex eo sibi subiecit regionem, cogitq; oram
illam ad tributum. Mittit deinde Nuncios ad Basilium Imperatorem et
Constantinum Graecorum Caesarem, petens sororem eorum Annam coniugio si:
bi copulari, offerens si potiat eus connubio se ex templo et Castro Korszin
quod adquisierat, et regione quam subiecerat excessurum. Sed Basilus et
Constantinus Graecorum Imperatores, respondent. Non convenire sibi et
suae honestati, cum Principe gentili et idolorum cultura polluto affinitate iun:
gi, et germanam suam illius connubio sociare. Si vero errore gentili deserto
fidem Christianam profiteri vellet, non se eius petitionem abruituros esse.
Wladimirus autem Russiae Dux, eisdem Nunciis remissis, offert se prono
animo fidem Christianam suscepturum, modo venirent personaliter sororeq;
suam germanam afferent, et ipsum baptisarent. Aduersabatur autem Anna
soror Imperatorum huic affinitati, assumerq; illam multiplici renitentia dedi:
gnabatur, sed Basilus et Constantinus fratres disserendo persuadendoq;
quanta bona ex affinitate huiusmodi secutura essent, et quod uniuersa Rus:
sia ex eius connubio fidem Christi sit susceptura, animum sororis expugnat
peruincuntq; ad consensum. Veniunt itaq; Basilus et Constantinus cum soro:
re sua Anna in Korschin, et illico Wladimirum Ducem Russiae oculorum ca:
citas inuadit, fluctuareq; vario mentis aestu capit, an ritu suo gentili dere:
lictio fidem Christi et baptisma esset suscepturus. Anna autem soror Impe:
ratorum et futura sua coniunx docet caecitatem quae illi acciderat susce:
pto baptismo disparituram. Ab Episcopo itaq; Korszinensi baptisatus,
illicoq; caligine oculorum depulsa illuminatus, nuptias cum sora Imperatoru
Anna celebrat, et Ecclesiam in signum et memoriam, tam suae conversionis
quam baptismatis et illuminationis aedificat, Castroq; Korschin Basilio

et Constantino Imperatoribus derelicto et restituto, in Russiam cum noua sponsa plenus gaudio redit ~

Anno Domini 991.

Ioannem X. III. per urbis Praefectum pscriptum Otho secundus Imperator restituit, et in aduersarios ipsius amaduertit. A Papa deinde in Imperatorem vinctus dum Calabriam petens, negatum tributum repetiturus ibidem exercitum amisisset, ipse captiuatoribus suis astra circumuectus et occisus geminis superauit sua industria periculum tandem moritur filium Othonem III. habuit succe(sorem).

Oannes XIII. natione Naruiens, succedens Leoni, a Petro Praefecto urbis comprehensus, in Castrum Angeli primum detrusus, dein de in Campaniam in exilium missus est. Quo malo Otho secundus qui patri in Imperio successerat ad se perlato cum magno exercitu venit Romam, et Ioannem Papam exilii molestias duos sustinentem menses, restituit, Romanos vero captiuitatis suae reos, quosdam trucidauit quosdam laqueo suspendit, aliquos in exilium in Saxoniam mittit. Vbi etiam a Ioanne Papa praedicto unctionem et benedictionem suscepit Imperialem. Cum autem tam Roma quam Italia pacata regredi in Almanniam disponderet, audiens Ioannem Graecorum Imperatorem, suae consortis Theophaniae Imperatricis genitorem defunctum, et alium in locum suum surrogatum, sibi de Calabria uxoris suae hereditate, consuetum negare tributum, mittit legationem, responsumque accipit. Non Calabriam Theophaniae Imperatricis dotem et hereditatem esse, sed signum sanctae Crucis in Imperio urbis Constantinopolitanae hactenus seruatum, et filiabus Imperatorum pro dote dari solitum. Otho igitur Imperator ira ductus, non rationis maturitate, cum non satis exercitu Calabriam petens iusto, eam ferro et igne deuastat, et Beneuentum capiens, ossa beati Bartholomaei Apostoli inde asportat, pro vita pro Patria Graecas contemptui habens diuitias, expoliens opibus Aetnaeum. Contra Graeci auro argentoque Saracenos sibi paciscuntur in auxilium, et maioribus copiis in insidiis collocatis, pauciores cum Othone pugnam conferunt, quas cum deuicisset, ab his qui in insidiis latuerant inuasus, cum uniuerso exercitu suo, Romanis et Beneuentanis terga vertentibus obtritatus atque victus est. Et ne in manus hostiles veniret uiuus, tam insignibus quam vestibus Imperialibus abiectis, inermis se

undis committit, fluctibusq; maris naucula tota innatans nocte, a piscatoribus captus, occisi Imperatoris se fingeat Armigerum. Piscatores autem illum et ex decore et dispositione corporis (prout erat) Imperatorem suspicati, Græca lingua de illo colloquebantur, existimantes illum non intellegere, astruentes eum non armigerum, sed verum Imperatorem esse. Disponebant illum in Græciam freto deductum, Græcorum præsentare Imperatori, premia ampla relaturi. Qui periculum vitaturus, ea nautas arte circumuenit, Fingit se apud Siciliam magnam abscondisse pecuniam, petit ut nautam ad terram deducant, pecunia enim recepta, facilius nauigaturos esse. Quibus cupidine pecuniæ illectis rogata explentibus, in litus perueniens, et Episcopum probum in armis Casum nomine cum nonnullis suis militibus offendens, et illorum suffragia inuocans, nautas numero quadraginta inuadit, et nulli parcens trucidat, Diuinoq; et Sancti Petri, quem assidue inuocabat auxilio, geminalum periculum deuittat. Primumq; ad Imperatricem Theophaniam peruenit, a qua cum hilaritate exceptus, Romamq; perductus, cum ex labore et dolore sensim languesceret, Sexto Idus Decembris moritur Romæ, cum annis octo imperasset, et in Porticu Sancti Petri tumulatur. Post cuius mortem filius eius Ottho tertius octogesimus tertius ab Augusto in Romanum suffectus est Imperium. Et licet in odium Imperatricis Theophaniæ, quæ fæmina et Græca leuitate Optimatibus Imperii, de amisso in Calabria prælio, fugam et pauorem exprobrans, plures sibi hostes conciliauerat, nonnulli Henricum Ducem fratrem germanum Otthonis, in Imperium surrogare laborassent, Aui tamen et patris beneficiis recensitis, omnium iniuriarum obliti, Otthonem tertium ab Henrico prædicto, sub cuius custodia et tutela tenebatur graui ære redemptum Imperio præficiunt, qui illud singulari Ezonis Comititis Palatini Rheni prudentia industriaq; extunc administrare cepit.

Anno Domini 997.

Wladimirus Russiæ Dux totum populum suum baptizari facit, idolisq; fractis Ecclesias ædificat et eas liberaliter dotat.

Sacrilegos ritus quibus priscis temporibus Ruthenorum gens dedita erat, Wladimirus Russiæ Dux eliminaturus, tercio ex quo fide Christi illuminatu erat anno, idola, lucos arasq; et templa eorum confringit, incendit, et comminuit. Simulacrum verò fluminis,

quod præcipua veneratione à Ruthenis colebatur, ad caudam equi alligatum, spectante multitudine Ruthenorum, per terram trahi, et in flumen Dniepr mergi, gentilibus Ruthenis ex utroque sexu Deorum et simulacrorum suorum fletu et eiulatu ingenti confractionem prosequentibus, mandauit. Promulgauitque deinde Wladimirus Russiae Dux edictum, ut omnes nationes et populi sibi subiecti relictis idolis, Christi fide et baptismatis characterem se insigniant, habiturus eos pro hostibus, bonaque eorum confiscaturus, qui detractarent Sanctis suis iussionibus parere. Qua necessitate Ruthenorum populus impulsus, ad Kiiow cateruatim confluit, et fidem Christi professus in flumine Dniepr ab Episcopo Korszinensi et Presbyteris ex Grecia adductis, baptisatur, et in fide ac caerimoniis eius eruditur. Audita autem est vox et eiulatus Draconis in aëre, quarentis se ex possessione Ruthenorum diuturna, non ab Apostolis aut Martyribus, sed ab una femina eiectum esse. Edificauit autem Wladimirus primam Ecclesiam in loco quo idolis thura accendebantur, et eam beato Basilio ordinauit dicari. Sed et in aliis regionibus Russiae, templa et sacerdotes Dei multiplicat, edificat, et alteram Ecclesiam beatæ Mariæ virginis in Kiiow, et ornat eam vasis aureis et preciosa suppellectili, et tam in ea quam in aliis Ecclesiis Russiae, à Duce Wladimiro et Baronibus Russiae edificatis, Korszinensis Episcopus ministros et sacerdotes instituit. Pro quorum sustentatione Wladimirus Dux prædia et census largitus est, et primicias decimasque tam Boiariis quam agrestibus mandauit solui et offerri. Baptisauit et tunc Wladimirus duodecim filios suos videlicet Viszeslaum, Izauslaum, Swia-topolkum, Iaroslaum, Wszewoldum, Swiatozlaum, Msczyslaum, Boris, Hleb, Stanislaum, Poszwisd, et Bvdrislaum &c. Verosque Ruthenorum applicat literis, Artifices insuper ex Graecia conductos salariis prouidet, et plures Ecclesias ex muro, petra, et latere edificat.

Anno Domini 993.

Irati Bohemi Sedem Pragen vacare, contra Adalbertum absentem, Ciuitate eius capta quinque fratres illius omnesque prolapia et populum in ipsa Ciuitate occidunt, uno germano, qui Boleslao in Polonia seruiebat supstitute, à quo familia Rosarium deducitur.

Bohemorum Principales Domini, nobiles, discessione Pontificis sui Pragen Adalberti, et absentia eius septennio integro continuata,

165

plurimum angustati, et dolore amaritudineque vexati, quod Pontificali honore
 ab eis sublato, in precipitium multorum malorum ferebantur dielim, culpam
 omnem in virum Dei Adalbertum vertunt, quasi ipse omnium quae contigerant
 illis malorum fuerit suo discessu auctor et patrator. Propter quod in rabiem
 furiamque conuersi, penas quas ab Episcopo absente exigere non valebant,
 in fratres suos genusque illius et in patriam conuertunt. Et sub unius diei
 celebris tempore Oppidum Lubik in frequenti numero armisque ingressi pri-
 mumque quinq; fratres beati Adalberti germanos, vzt Sabobor, Spiczimirum,
 Dobroslaw, Zawischam, et Krzeslaw variis cruciatibus extinguunt.
 Nec fratres tantummodo viri Sancti necare contenti, sed et fratrum fili-
 os, masculum una femina insones damnant. Aberat tunc forte a Bobemia
 et paterna domo, sextus beati Pontificis Adalberti frater germanus Poraj
 nomine, in Curia etenim et obsequiis Boleslai Polonorum Ducis filii Miecz-
 slai superioribus temporibus, et pro illa tempestate versatus, trucidationem
 tyrannicam ignorabat. Hic quoque solus ex omni stirpe et familia viri Dei
 remanserat superstes, prouidente Clementissimo Deo ne Prosapia tam nobilis
 de terra uiuentium eradicaretur. Hunc enim Boleslaus Polonorum Dux, cum
 caedem fratrum suamque in super conditionem assiduus et lugubribus lacry-
 mis deplorantem videret, magis enim diram in se Bohemorum truculentiam
 quam quae in fratres fuerat adita, si in solum paternum rediret verebatur
 futuram, benignè adolescentem consolatus, bono animo esse iussit, pollicitus
 se illi temporalium bonorum quae in Bobemia habuerat possessionem haeredi-
 tariam sua munificentia resarciturum. Dat deinde promissis virtutem, et
 Poraj Sancti Adalberti germano multas possessiones, opes, et hereditates in
 Polonico Regno largitur, ac illum suo Dominio ac Polonorum Nobilitati Militu
 interserit, adiungit, et inplantat. Ex hoc autem uno surculo, multiplex in
 Polonia Regno surrexit propago, et in magnam et frequentem progenies viri Dei
 familiam, quae se de Rosis nominat, albam Rosam in campo rubeo deferens,
 et Poraj pro clamoris signo habens, euasit successionibus facundis usque ad no-
 stra tempora deriuata. Fratribus et consanguineis Pontificis S. Adalberti va-
 rio genere deletis, Bohemi deinde vniuersum populum vtriusque sexus Oppidi praedi-
 cti Lubik, septem vzt animarum millia carnificum more in ore gladii, nulli
 sexui aetati, vel conditioni parcendo perimunt. Nec his contenti, in tecta etiam
 innocua saeuunt, et oppidum praedictum igne exurunt. Quod quidem tam atrox
 facinus, neque per Dilectum protunc Bobemiae prohibuit extitit, neque aliqua ultione pu-
 nitum est. Vnde si caedis praefatae quam scriptam in Bohemorum annalibus re-
 peri vera est series, plura enim in hoc opere describo quam credo, quae nec natu-
 rali quidem compassione, etiam bestiis insita, a caede tam atroci, in aetatem in-
 firmam et domesticam facta, poterat deterri. ~

*Beatus Adalbertus Pragam per
Summum Pontificem remittitur.*

S Trage autem tam atroci et inhumana Maguntinen' Archiep'us Metro-
politani Bobemorum ad se perlata, missis ad Summum Pontificem
Nunciis, in quanto periculo fidei religionisq' Catholicae res in Bobe-
mia versentur declarat, obtestans obsecransq' ut pro rescindendis abolen-
disq' malis patrat' et patrandis suffraganeus suus Pragensis Episcopus ad
plebem Bobemicam mittatur. Summus autem Pontifex Ioannes, fidei re-
ligioniq' Christianae consulens, mandat beato Adalberto ad se accersito,
ad oues suas regressum. Declarat autem vir Dei Apostolico, aperitq' gen-
tis Bobemicae mores et qualitatem, asserens illam et ceruicem sortitam esse
durissimam, et cor indomabile, seq' incassum illic rediturum. Rogans ut si-
bi licentia praedicandi fidem Christi et verbum Dei gentibus Prussorum,
qua oram Septentrionalem incolunt, tribuatur. Tunc vir Apostolicus, si
inquit te contempto monitis instructionibusq' tuis non paruerint, excusso pul-
uere pedum tuorum linque illos, et genti Apostolica atq' perfidae presen-
tiam tuam subtrahere. Nos enim extunc a vinculo quo Ecclesia Pragen'
hactenus tenebaris, te absolvimus, et Pruthenis ceterisq' nationibus prae-
dicandi fidem Christi tibi potestatem impartimur. Qua quidem potestate
sibi tributa Sanctus Dei exbilaratus, Vrbe et Monasterio Sancti Alexii
relictis, in quo degebat, germanorum etiam et natorum caede, dum modo sa-
lus Bobemorum prouenire posset, non pertasus, Pragam reuertitur, sperans,
Bobemos veteres suas superstitiones et flagitia derelicturos. Vnde mul-
tifariis remediis plebem suam sanaturus, alios obsecrat et mulcet blando
suae institutionis alloquio, plerosq' corripit, arguit, et obiurgat. Sed omnes
suos conatus et studia perditum iri videns, et amarissime ingemiscens, sub-
sistendum ne sibi an discedendum sit deliberat. Interim sopore ex vigi-
lia oppressus, Diuinam vocem audiuit se colloquentem. Tu inquit stertis et
iterum vendor Iudaeis. Qua voce exterritus prosiliit, et in forum progres-
sus, Christianos vendi Iudaeis, ut vox caelestis denunciauerat reperiens,
data pecunia venditoribus, et fidei ludibrium dispulit, et his qui vende-
bantur praestitit libertatem.

ANNIS septem mensibus undecim, diebus quindecim Ioannes Papa xiiii.
in Pontificio Romano exactis, moritur, et in Ecclesia Sancti Petri sepeli-
tur. Et cessauit Episcopatus diebus tredecim, BEdictum Sextum na-
tione Romanum habuit successorem.

167

PRIMVS Wladislauiensis Episcopus, qui et Cruszuiciensis antiquitus di-
cebatur, annis triginta et tribus exactis in sede Cruszuiciensi moritur, et
in Ecclesia parochiali in Dzwierzno, quam ipse fundauerat, fabricauerat, et do-
tauerat sepelitur, in cuius locum eodem anno Mauritius primus surrogatur.

Anno Domini 994.

Beatus Adalbertus habita praedicandi licen-
tia in Hungariam veniens benigne acceptus per
annum integrum praedicat. Et postea discedit.

Prouidens venerandus Praesul Adalbertus Pragensis plebem Bobemi-
cam, ad quam Apostolico mandato curandam regendamque redierat suo
recalcitrare Imperio, et abominandis transgressionibus in Deum dedi-
tam esse, non sperans se amplius in gente indomita frontis, et rebeli populo
quicquam profecturum, Praga iterum relicta, Romam reuersus, a vinculo
quo Pragen' Ecclesiae ligatus erat, obtinet se per Benedictum Papam sextum
absolui, et sibi ad praedicandum barbaris nationibus ultra Poloniam situatis
licentiam praedicandi concedit. Qua obtenta cum Gaudenzio caeterisque religio-
sis viris Hungariam ingressus, ad Ducem Hungarorum lesse peruenit, et eum in
fide Catholica et carimoniis eius, quam ipse ante annos aliquot suscepisse eu-
audierat, suis monitis et praedicationibus instructurus. Cum autem Duci lesse
et consorti sua' Adleyda Ducissae eius aduentus fuisset denunciatus, sum-
ma mox laetitia concepta, ad laudes Diuinas organa laxarunt, hunc enim virum
venisse ad se qui sibi in visione fuerat dudum praemonstratus intelligebant.
Cum magna igitur veneratione et deuotione susceptus, filio Ducis lesse Stephe-
no confirmationis characterem impendit, et verbum Dei Slauis et Hunnis tam
per se quam fratres suos per unum et amplius annum, mellifluis sermone praedi-
cauit, plurimosque Slauorum et Hunnorum, adhuc cultibus idolorum deditos con-
uertens, omnem Hungarorum perambulat regionem: eos quidam qui credide-
rant erudiens, et paterna pietate confirmans, idolatras vero ab erroribus
reducens et confirmans. Ad cuius etiam exhortationem Dux lesse cum fi-
lio suo Stephano et consorte sua Adleyda, plures Ecclesias fundant et eri-
gunt atque instituunt, et temporalia illis bona largiuntur. Sed et ibi quoque
passa persecutione, et manuum violentarum in personam iniectio, non ma-
ledicens nec repugnans, sed e contra benedicens, Pannonias deserit.

LESSE Pannoniorum Dux posthac infra dies paucos naturali fato absumptus

moritur, filium suum Stephanum relinquens successorem ~

Anno Domini 995.

Benedictus vi. Papa strangulatur, Donum secundum habuit successorem.

Benedictus Sextus, Papa Romanus, cum anno uno mensibus sex sedisset a Curtio Romano nobili captus, et in Castro Angeli strangulatus est. Cui Donus secundus natione Romanus successit, sub cuius Pontificatu duo Bulgarorum Duces Petrus et Baianus, moto Græcis bello, et alijs quot relatis victorijs, Constantinopolitanam Ciuitatem adeo vexauerunt, ut eius potentia in pluribus fuerat diminuta et collapsa. A nonnullis autem scribitur, præfatum Benedictum a Tito Romano Theodori filio fame extinctum, cuius tyrannis non inuenitur vindicata. Dono tempore breui mortuo, et uno anno mensibus sex sedente ~

CRACOVIENSIS Ecclesiæ secundus Archiepiscopus Proculus, cum annis decem sedisset moritur, et in Cracouiensi Ecclesia sepelitur. Cui Lampertus per Cleri et vicinarum Ecclesiarum Parochialium Rectorum electio, nem, consensu Ducis Poloniae Mieczslai accedente suffectus est in Metropolitanam sedem ~

Robertus Gnesnen' Archiepiscopus dum annos quinque et viginti sedisset obiit, et in Gnesnen' Ecclesia sepelitur. Cui Adalbertus Pragensis Epus genere nobilis de Domo Rosarum succedit ~

Anno Domini 996.

Cracouiam venit beatus Adalbertus ibique diu prædicauit, tandem Gnesnam petit. Cui Sede vacante ad preces Ducis Mieczslai præficitur etc.

Hungaria relicta vir Dei Adalbertus Pragensem Episcopus in Poloniam aduenit, et a Mieczslao Poloniae Duce eiusdemque filio Duce Boleslao ac omni populo et Clero, cum magno iubilo et honore susceptus, in Cracouiensi primum urbe (ea enim sibi ex Hungaria egredienti occurrebat) aliquanto

tempore moratus est, et in circulo Ciuitatis prædictæ, prædicationis Sanctæ vulgaris suo Bohemico, quod à Polonis bene potuit intelligi, assidue exercebat officium. Fiebat autem ad illum ex vicinioribus oris et Districibus frequens concursus, multi enim in languoribus, ægitudinibus, et necessitatibus suis ab illo suscipiebant votiuu solatia, vexati à Dæmonibus liberationem. Rapiabatur autem vir Dei delectatione mirabili, videns uniuersam Poloniam fidei sanctæ puritate miroq; deuotionis ardore candelare, et Ecclesiis nouem Cathedralibus cæterisq; sacris locis nobilitatam esse. Pontifices verò Ministros Dei magno honore haberi, simulq; obortis lacrymis aciebat, Poloni posteriores Christiani quàm Bohemi nouem Cathedralis Pontificalibus, quasi veris octo beatitudinibus, in basi noua fide Catholica radicatis, suas illustrauerunt regiones, nouem venerantur feruntq; Pontifices, et hos omnes cæteros et peregrinos omnemq; illis præstant deuotam et sinceram subiectionem. Bohemia unam tantummodo habens Cathedralam, me unum sui generis Pontificem ferre non potuit, sed non sine Sanctæ fidei ludibrio suaq; infamia mores Catholicos perosa, me cum vituperio et dedecore expulit, exclusit, et eiecit. Tantam autem vir Dei Adalbertus, sua prædicatione, conuersatione vitæ merito et exemplo sui memoriam apud Cracouien' Urbem reliquit, ut post sui gloriosi Martyrii consummationem, in eo loco quo prædicationem suam peragere solebat, Basilicam in eius honorem conderet, quæ usq; in diem hodiernam permanet, et sollicitudine viri Dei in verbo vitæ disseminando, et Polonorum erga illum testatur deuotio. Digressus autem ex una Polonorum Metropoli Cracouien', Cleri multitudine et populi discessum eius deplorante, et in longa spacia eum sectante, in alteram Polonorum Metropolim Gnesnen', Ducis Miecislai Polonia' militibus illum comitantibus, et omnium necessariorum prouisione tractantibus, viamq; monstrantibus peruenit. Constitutus autem in rure quolibet et villagio ad quod illum venire contingebat, docebat Polonos tanta sedulitate, ut etiam conductores sui longa mora peritassi, illum frequenter relinquerent. Cum autem quodam die errore viæ lapsus ad villam quandam in Polonia maiori peruenisset; rusticis suum et comitum suorum habitum Monachalem et cuculatum quem antea nunquam viderant, irridentibus et pro insanis eos reputantibus, repente in irrisores Diuina ultio affuit, quæ illis usum auditus et loquellæ ademit, qui postea Gnesnam ad eum venientes, et scelus suum publicè confitentes, restitutionemq; vtriusq; sensus eius meritis et orationibus receperunt. Contigit autem illo tempore (ut in superioribus præmissimus) Robertum Gnesnen' Archiep'm mori, cuius locum beatus Adalbertus, maximis Miecislai Ducis et Boleslai filii sui totiusq; Cleri et populi instantiis deuictus suscepit. Vbi desides gentis animos, et parum de spe futura solictos stimulare

verbis et prædicatione succendere, callumq; in eis longa negligentia cepit ab
ore ~

*Dono Papæ mortuo Bonifacius succedit &
Ecclesia Scti Petri spoliatur tandem in tyranni;
dem versus obiit Cui Benedictus vii. succedit ~*

A Num unum menses sex Donus Papa in Pontificio exigens Romæ mori-
tur, et in Ecclesia Sancti Petri sepelitur, cessavitq; Episcopatus ali-
quot diebus. Cui succedit Bonifacius Romanorum potentia intru-
sus, cuius nomen et patria ignota, ipseque Sede Petri indignus. Hic in Vrbe Ro-
mana pluribus molestatus et perculsus adversis Ecclesia Sancti Petri spo-
liata, notabilioribus Clenodiis gemmisq; Constantinopolim fugit, deinde Ro-
mam cum pecunia ingenti reuersus, cum in Pontificatu tenendo profecturum
se non sperat in tyrannidem versus, Ioanni Diacono Cardinali oculos eruit,
et ipse tandem Cholera confectus et Melancholia extinctus est, cum uno tan-
tummodo mense et diebus duodecim sedisset. Quo mortuo Benedictus se-
ptimus Sutrien' Epus sanctitate et probitate insignis Romanum Pontifica-
tum accepit, et plerosq; Romanos rebus novis et tyrannidi studentes favore
et assistentia Othonis tercii captiuauit, et digna pena coercuit ~

Anno Domini 997.

*Origo Lithuanorum et Prutenorum
moresque, et quomodo beatus Adalber-
tus in Prussia martyrium passus sit ~*

A Stans vir Dei Sanctus Adalbertus Gnesnensis Archiepiscopus igno-
to et flagranti desiderio lauream Martyrii suscipere de qua perei-
pienda visione sibi monstrata certificatus erat. Viderat enim du-
plicem beatarum animarum caelesti fulgore radiantium, ordinem, purpura-
torum vlt et candidatorum. Cumq; stupens quid huiusmodi visio porten-
deret secum tacitus quæreretur, caelesti illi voce nunciatum est, Martyrum et
virginum duos sacerrimos cætus, iam beata immortalitate vestitos, quos vide-
rat ordines esse, et in utroq; eum consortium loco premii recepturum. Hac
itaq; visione vehementer instigatus non sine Mieczslai Ducis Polonia' et
filii sui molestia et dolore, Gnesnen sedem deserit. Et fræ suo Gaudentio

171

pro se Archiepiscopo Gnesnen relicto et ordinato, comitantibus illum Ducis Poloniae Mieczslai triginta militibus et familiaribus, versus Pruthenorum regionem Polonicae regioni confrontatam a flumine Ossa, qui et ipse in Visla decidit, terrasque Polonorum a Pruthenis determinat et ad mare Septentrionale protensus, pergit. Fuit autem pro ea tempestate Pruthenorum gens saeva et crudelis, idolatria et cultui daemonum, et tam caeco patienti et caliginoso dedita errori, ut Solem, Lunam, stellas, bestias, aves, ignem, et caetera creata pro Diis coleret, et quasdam sylvas, lacus, et aquas, quas venatu, incisione, aut piscatu contingere liceret, sacras putarent. Specialia etiam habuit idioma a Latino aliquantulum derivatum, et quod cum Lithuanico concordantiam et paritatem aliquam habet, eosdemque penitus Deos, ritus et sacra eadem colentes, unum verum et eundem summum sacrorum Pontificem, apud Civitatem eorum pro Metropoli habitam Romoue a Roma intitulatam, residentem, venerabant, cuius iussa a singulis non obedienter impleri capitale erat, et qui Pontifex lingua eorum Kriue denominatus est. Unius enim et moris et linguae cognationisque Prutheni, Lithuani, et Samogitae fuisse dinoscuntur. Nam bellis Civilibus per Caesarem et Pompeium exortis, flagrante Civilibus bellis Italia, veteribus sedibus desertis, in has quas modo incolunt oras venisse, sedesque suas in nemoribus et desertis locis, fluminibus, stagnis et paludibus obsitis, posuisse, ad instar quoque Romae Civitatem principalem Romoue condidisse, et summum sacrorum suorum Antistitem illic locasse, eos asserunt. Et quamvis gentes ipsae in prolatione verborum differunt, quemadmodum Poloni, Bohemi et Rutheni: nihilominus tamen in multis conveniunt. Nos tamen unius stirpis et linguae aestimantur. Sed Pruthenis alia fertur quam Lithuanis et Samogitis origo, cum enim Prussias Bithyniae Rex, apud quem Hannibal Paenorum Dux a populo Romano victus et fugatus exulavit, suasu Hannibalis temere contra populum Romanum suscepisset bellum, et publicam pugnam non respondentibus sibi dum extra conspiceret, intire ausus esset. Ubi etiam in hunc modum ab Hannibale increpabatur. An tu inquit o Prussias vitulinae cornu credere mauis, quam Imperatori probato? conflictu superatus, cum Bithyniae gente sua in Aquilonarem oram Romanos fugiens venit, et ex suo titulo Prussiae nomen fecit. Bithynici autem populi etiam in hanc diem manent vestigia, quoniam nonnulli Prutheni priscae linguae retinentes oracula, ab Aeliciis, Doricis, Atticis, et Ionicis populis competentem intelliguntur. Coniuges his venales erant, servilia etiam opera agere coactae. Defunctorum cadauera cum equis, armis, et vestibus, caeterisque rebus quae vivis cordi erant, incendere soliti.

IN Pruthenorum itaque

Provinciam vir Dei Adalbertus veniens, capit per interpretem a Duce

Poloniae Mieczslao ad id sibi singulariter praebitum, Pruthenico populo euangelizare Christum, et illos a cultura Daemonum auertere, docens ea quae colerent, Solem, Lunam, stellas bestias, ignem quem perpetuum vocabant, et sylvas, creaturas veri Dei esse, et in illis permissione Diuina Spiritus daemonum consistere, et cultores suos ludificare. His et alijs pluribus vir Dei sermonibus usus, loca magis habitata girabat continuo plantationi Sanctae fidei et praedicationi insistens. Superanti autem fluvium Ossa, et remitti sibi naulum, et socijs ob aegritatem deprecanti, a remige gravem in caput ictum remo excepit, et in glorificationem Domini qui sibi aliquid pati pro suo nomine tribuisset ora soluit, ostendens exemplum quia nihil terribile est ubi diligitur Deus, nihil graue et acerbum quando ab errore in fidem reducit proximus. Et licet videret Pruthenicum populum ad ea quae annunciabat obstinatum, difficulte domabilem esse, de pietate tamen Dei quae sibi praedicandi gentibus nomen suum donum concesserat non desperans, pluresque iniurias et opprobria perferens adeo, ut saepe domo et lectis exclusus, sub diuo pluuio et frigore laceratus cogeretur hospitari: mira perseverantia patientiaque captum praedicationis officium diligentissime prosequabatur. Prutheni autem moleste ferentes Deorum suorum contaminationem et vituperium, quorum cultum et ritum a maioribus susceptum, iniquo animo dolebant confutari et rescindi, Summo sacrorum Antistite Kriue dicto et alijs sacerdotibus idolorum Primores Pruthenorum animantibus, in necem suam conspirant. Cum itaque vir Dei universa fere Prussia disseminando verbum vitae peragrata, ad vicum in litore Oceani prope oppidum cui hactenus nomen Fiszhaus situm pervenisset, et in colle petrino vico impendenti, die Veneris quae fuit Nono Calendae Maij Missarum ageret solennia, et supplicibus precibus pro conversione Pruthenica pietatem Divinam imploraret, Prutheni conveniunt, et credentes illum incantationibus in Deorum suorum perniciem uti, in ipsum insiliunt, et pluribus quassatum scissumque ictibus et confossum septies, caput a corpore abscindunt, et in quadam vicina arbore ut ampliori pateret contumelia suspendunt, quod per tres dies quibus habebatur ostentui, ab aquila servabatur defendebaturque sollicita custodia. Sic anima illa beata carnicum excruciatu percussione, ad supernae Maiestatis thronum geminatae laureae perceptura, et sempiterno aetate fructura, Angelico obsequio comitata, conscendit, et Sanctus ipse carnis vinculis solutus, ad frugem transit supernae et immarcescibilis voluptatis. Corpus sacrum quod in plures partes scissum hospes beati viri in sportam reollectum servauerat, Prutheni ne post mortem aliquibus per illud afficerentur incommodis, sub diligenti et secreta custodia, in terra apud eundem in quo macerabatur vicum,

abscondunt. Comites vero beati Adalberti, vlt Benedictum, Mathæum, Iohannem, Isaac, Christinum, et Bernabam, iniuriis et plagis variis affectos, denunciantes eis mortem si redire auderent, de regione sua eiciunt et educunt. Habebant autem Prutheni barbari in suis ritibus et obseruantiis, hanc legem, vt mortuos suos igne cremarent, adiungendo funeri cremando magis splendidas vestes et arma atq; equos, et quæq; meliora, existimantes mortuum his omnibus cum quibus vnâ cremaretur, in vita altera vsurum. Homicidia crudeli damnando ultione, reum atq; suum affinem capite expiabant. In hospites liberales et humani, ebrietati et Baccho dediti, equino lacte quod multipliciter inebriare consuevit, utebantur. Vini apud illos vsus tunc erat ignotus. Ad eam ebrietatis sectatores, vt nullum se officium in amicum et hospitem crederent contulisse, si ebrium illum non viderent. Mulieres ac viri iuxta in assiduam ebrietatem procliues. Vxoribus illis nullus finitus numerus, sed quot unusquisq; poterat emere, tot habebat, propter quod in honore non habebantur, sed ancillarum et seruorum cogebantur explere officium. Balnearum tam viris quam mulieribus vsus quotidianus, quibus besternæ diei ebrietatem, astruebant de corporibus depelli posse, et vitam produci. Nemo mendicare permittabatur affatim unicuiq; esurienti, in quamcunq; domum se contulisset, cibis ministrabatur.

*Mieczslaus Polonorum Dux Romam mittit
pro Corona. Quam cum ipsi Papa præparasset,
admonitus visione illam Stephano Hungariae Duci tradit et spe bona Polonos
se iubens, eandem ipsos breui cōsecuturos asserens.*

Mieczslaus interim Polonorum Dux, Prælatorum et Baronum Poloniae sedula admonitione et consilio persuadetur, vt ad summum Pontificem Benedictum septimum nuncios mittat, et Coronam sibi et Polonorum regionibus dari petat. Ea enim tunc opulentia frequentiaq; tam hominum quam diuitiarum in Polonia Regno, prouidentia et iustitia Ducis Mieczslai habebatur, vt digna Polonia visa sit, quæ ad numerum Catholicorum Regnorum accederet. Ad hanc autem tam arduam rem obeundam expediendamq; Lampertus Pontifex Cracouien', vir doctrina et eloquentia spectabilis, electus est. Qui cum ad summum Pontificem Benedictum Papam peruenisset, et disertè grauiterq; Ducis Mieczslai et Polonorum mandata exponens patisset, vt Duci Mieczslao et Polonorum

Regionibus, pro maiori fidei Sanctæ Catholicæ per eos susceptæ, quam mirum in modum per fundationem nouem Cathedralium Ecclesiarum, aliorumq; sacrorum locorum deducebat germinasse, corroboratione, pro infidelium quoq; et Scismaticarum nationum Polonia vicinarum reductio: ne et exterminio, daret Coronam, deducens Mieczslau Ducem Polonia virum Catholicum, religionisq; Christiana feruentissimum zelatorem, attestantibus id operibus, existere in armis actibusq; militaribus strenuum, et in gentium multarum copia gloriosum esse. Cum autem summi Pontifex Benedictus Septimus, communicato Cardinalium consilio, Coronam Mieczslao Polonorum Duci pro incremento et dilatazione fidei Catholica, et gloria gentis Polonorum se benignitate paterna daturum Lamperto Cracouiensi Ep'o respondisset, Ducis Hungarorum Stephani Germani ex sorore Adleyda Ducis Polonorum Mieczslai nepotis, qui eodem anno genitore lesse mortuo, Hungaria Ducatum regendum susceperat, Nuncius Astericus, Coenobii Sancti Benedicti Ordinis, ad radicem Montis Ferrei Abbas, et post in Strigonensem Archiep'm promotus, licet per anticipationem Strigonensis Archiepiscopatus inscribatur in Annalibus, Romanam aduenit, et pro Stephano Duce suo Hungaria, coronam petere a summo Pontifice capit. Et licet Benedictus Papa dispositus fuerit, utriq; Duci Hungarorum vti et Polonorum dare Coronam, intelligens largitione Coronæ pro utroq; nulli esse præiudicialem, et magnum rebus fidei religionis Christiana profectum posse afferre. Interim tamen fertur Benedictus Papa visione Angelica admonitus esse, quatenus promissum pro Duce Polonorum Mieczslao Ep'o Crac' Lamperto factum rescinderet, et Duci tantummodo Hungaria Stephano eiusq; nuncio Asterico Coronam conferret, subinferens Polonos magis sanguinea cædi quam deuotioni et misericordiae operibus, magis oppressioni subditorum et rapinis quam quieti, magis mendacio et dolis, quam veritati intentos esse: maiorem illos agere belluarum et canum quam hominum curam, in effusionemq; sanguinis humani procliues, nondum dignos existere, quibus Corona hactenus debeat conferri. In proximo tamen inquit sermo Diuinus, genti illi placatus miserebor, et Coronam quam nunc ei denego, glorificabo exaltaboq; illam. Extant enim in ea multa hominum millia qui in lege mea incedunt sine offensa: quorum merito et supplicatione cæteris miserebor. Sed neq; multorum bonorum operum, in plurimarum erectione dotationeq; Ecclesiarum, cæterorq; quo ab eo veneror cultu potero obliuisci. Huiusmodi itaq; visione Benedictus Papa permotus, Coronam quam Polonorum Duci Mieczslao preparauerat, Stephano Duci Hungaria tradendam Asterico Nuncio eius largitur, Lampertum autem Cracouiensem Episcopu licet

175

tristem et lugubrem in Poloniam remittens, bene sperare iussit, asserens non longo tempore decurso, Ducem Polonosq, postquam sordes spurciciasq, scelerum quibus hactenus displicuerant Deo abiecerint, et exercitari virtutibus colendo iustitiam studuerint, Dei benignitatem pro votis suis largissimè consecuturos esse. Veritus autem Benedictus Apostolicus, ne occasione Coronæ Duci Hungariæ Stephano præstitæ, Duci verò Poloniæ Mieczslao negatæ, inter auunculum et nepotem Hungarorum et Polonorum Duces prædictos, execranda bella et guerrarum motus consurgerent, vocato utroq, nuncio hortatur, commonet, et mandat, ut pacem charitatemq, et affinitatis et vicinitatis iure contractam, indissolubiliter, obseruent cunctis, stodiant, et nullo respectu aut occasione labefactari permittant: per utrū steterit, quo minus pax seruaretur, eum se anathematis censura censuraturum. Habet insuper nonnullorum assertio quod summus Pontifex non Angelica visione permotus, sed ex certitudine, qua doctus erat, Mieczslaum Poloniæ Ducem diem suum obiisse. Coronam illi non dederit. Quod et ego in aliquibus Annalibus Polonorum recolo me legisse, sed apparitione Angelicam ab Hungaris quo missio Coronæ eis à Benedicto Papa foret celebrior, confictam et somniatam esse. Quam etiam in hanc diem parum iusta appellatione sanctam vocant, cum nullum metallum in se Sanctitatem, nisi usurpatam vel ementitam potest includere.

Dum unus de Wladimiri Russiar Ducis, et alter de Polowczonū terras Russiar ingressorū exercitu conuentum utrinq, duellum ineunt p omnibus Ruthenis pulilli de ingenti Piecziniego victoria prouenit.

Cum vastasset eo anno Wladimirus Dux Russiar Caruatos, inferitur illi à Polowczis bellum, contra quos egressus ad fluuium Trzubiesza eos offendit. Cumq, fluuius impediante periculosam sibi uterq, exercitus dimicationem censeret, vir altus et raræ fortitudinis de Castris Pieczemiegorum egressus, prouocabat Ruthenos ut alium darent ad pugnam, tribus annis si vinceretur vastationem suæ terræ perpassurum. Unus itaq, ex Ruthenis, qui domi remanserat adductus, id munus suscepit. Quem prodeuntem, utroq, exercitu inspectante, eo quod staturæ mediocris esset, Pieczemiegus despexit. Inite tandem duello vicit Ruthenus Pieczemiegum, et continuo exercitus Pieczemiegorum fugit, quem Ruthenus persecutus multos occidit et cepit. Wladimirus etiam illic Castrum Pereaslaw erexit, eo quod vir qui vicerat ex Pereaslaw ortus esset.

SEPTIMO Idus Februarii BOLESlaus Pius vocatus Bohemia Dux, germanus
Dambrowki Ducisae Poloniae moritur, unicum filium Boleslaum, alter enim
Venceslaus immatura morte absumptus erat, reliquit. Qui patri in DVca-
tu Bohemia successit.

Anno Domini 998.

Mieczslaus Polonorum Dux Bohemiam et Pra-
gam capit, et res nepotis dirigit in bono regimine.

Graviter et molesto animo ferens Polonorum Dux Mieczslaus Bo-
hemiam Ducatum post mortem Boleslai pii Ducis, avaritia Baronum
distrabi et usurpari, Boleslao consanguineo suo solo nomine Prin-
cipanti compatiens, collecto forti exercitu, habens in sua comitiva Boles-
laum filium suum Poloniae Ducem, Bohemiam ingreditur. Et dum ceteris
Ciuitatibus cum honore illum excipientibus, eiusque ordinationibus et iussioni-
bus parentibus, sola Praga portas clausisset Imperium eius abnuictura, Miecz-
slaus illam aggressus expugnat, et in suam redigit ditionem. Impositoque tam
arci quam Ciuitati praesidio, et ordinato Bohemicarum rerum statu, alacer
victor et incolumis in Poloniam reuertitur.

Piecziniczii Wladimirum Russiae Ducem
et eius exercitum vincunt. Wladimirus au-
tem pontis beneficio, sub quem aufugerat
seruatus Ecclesiam in Kiou fundat.

Ruentibus eo anno Pieczeniegis in terram Russiae, et eam vehementer
caede et igne vastantibus, Wladimirus Russiae Dux cum suarum gen-
tium occurrit illis, et ingenti caede utrinque edita, contritus est
exercitus Wladimiri a Pieczeniegis. Et cadentibus plurimis effugit Wla-
dimirus, prosequentibus illum Pieczeniegis, ne in illorum manus uiuus inci-
deret, sub pontem qui fugienti occurrerat se recondit. Cuius beneficio
usus hostes se insequentes fefellit. Piecziniczii autem spoliis et Castris
Riuenorum potiti praedata Russiae terra, in regiones suas captiuos et pec-
cora ceteramque praedam deducunt. Post quorum discessum Wladimirus Rus-
siae Dux in signum suae euasione Ecclesiam Transfigurationis aedificat in Kiou.

et dotat, eo quod in festo transfigurationis iuxta Græcorum ritum clades
illa et sua euasio contigerat ~

*Vita honesta et mores Swiradi Con-
fessoris & Benedicti martyris ~*

DVO viri ea tempestate insignes, vita ac exemplo et conuersatione flo-
ruerunt. Swiradus qui ad fluuium Dunaiecz propè oppidum Cze-
chow in Cracoutensi Diocesi, heremitorium sub rupe, quod in hanc
diem cernimus, habitabat, et per annos plures militabat Christo, et Benedi-
ctus ambo Anachoriticam ducentes vitam, ex Polonia egressi intrauerunt
Pannonias, et in Canobio Sancti Benedicti ad radicem Montis ferrei sub Ab-
bate Asterico militauerunt. Swiradus qui et Zorardus Confessoris decus
asperitate vitæ promeruit, Benedictus sanguine fuso laurea Martÿrii co-
ronatus est ~

Czechow

Anno Domini 999.

*Mieczslaus Polonorum Dux moritur. Cui
omnium consensu filius eius Boleslaus omni-
bus virtutibus præditus succedit in Principatum.*

MIECZSLAUS Polonorum Dux cum annos plures in Principatu exegisset,
et fidem Christianam cum sua consorte Dambrowka filia Ducis BO-
hemie primus in Polonorum Regionibus plantasset, multarumq; Ec-
clesiarum Cathedralium et Parochialium fundator, cæterorumq; piorum actu-
um deuotus director extitisset, religiose et Catholicè, perceptis ritu Christi-
ano Sacramentis, moritur et in Ecclesia Cathedrali Posnaniensi sepelitur. Cu-
ius funeri tam à filio suo Illustri Boleslao quam à Prælati et Baronibus, eius
decessum magnoperè deplangentibus, iusto debitoq; honore singula persoluta sunt.
Mox autem post expletas funebres carimonias, Boleslaus filius eius unicus
triginta duosq; habens annos (cuius optima indoles iam dudum in militari-
bus et Heroicis actibus multis resplenduerat, et qui in ea ætate uiguisse tam
insigni modestia notatus erat, ut iam appareret illum plura experimentis reser-
uasse, quam tempore transacto præstitisse) fauore Prælatorum et Baronum PO-
lonie, et miranda omnium vociferatione et acclamatione consensuq; in locum
patris sufficitur, et Principatus Regionum Polonie sibi quoq; gubernacula com-

mittuntur. Erat enim corporis elegantia venustissimus, mentis industria prudentissimus, animi magnitudine fortissimus, ad disponendum negocia tam publica quam privata discretissimus. Eo nimium pollens profectu, ut suam populiq; sui gloriam continuis diffunderet augeretq; decoribus. In Ecclesiis et ministros Dei munificus, in milites beneficus, et in ceteros ordines liberalis. Quibus rebus tanta singulos deuinxerat erga se charitate, ut vita illius iuxta ac suae timerent. Vriam suam deniq; non solum militum et Baronum praeceptorum, sed et Libertorum quos a servitute dissoluerat, numero habebat stipatam et ornatam, tantaq; refertam frequentia, ut a specie iusti exercitus parum differret. Cuius frētus robore facile quosq; hostes et eorum insultus reprimebat. Acris vir ingenii, consilio et virtute praeclarus, iussionum suarum saueritatem liberalitate et blandiciis quasi quodam validissimo temperamento indulcorabat. Non ad fortunae nutum, sed ad virtutum normam, singula Reipublicae administrabat negocia. Cui etiam natura magnificam praestantemq; personam, ceteros mortales excellentem donauerat. Benignissime fovebat virtutes, vicia vero sauerissime vindicabat. Erat autem Boleslaus Duci Polonia praefato ingenium facile ad omnia quaecunq; agere vallet accommodatum et versatile, loco, tempori, personaeq; congruens. Quo didicerat omnem convenientiae rationem simulare, ut ad omnem quod siue bello siue pace agendum emergeret rem, artibus optimis affectus instructusq; censeretur, robore, sanitate, integritate, sensu, facundia, opibus, liberalitate, claritudine, fama, et ceteris id genus ornamentis, excelluit, gloriaq; avidus erat, et notari ignominia metuebat. Moribus autem Miecislai Polonorum Ducis in regionibus quae sibi parebant vulgata nouem omnes Cathedralis Ecclesiae, ab ipso fundatae et dotatae, certatim illi funebria solenni pompa peragunt, agendaq; a se et suis successoribus Pontificibus ipsarum Ecclesiarum quotannis instituerunt. Rectissime quidem et digne ut mihi videtur, ut potest Principi et primario suo fundatori, a quo illis et cuilibet earum per liberalem dotationem perpetuus in hanc diem vicens ingeneratus est spiritus ~

BEATO viro Adalberto Gnesnen' Archiep'o, ad praedicandum fidem Christi in Prussiam profecto, beatus Gaudentius, qui alio nomine Radzim vocabatur, frater germanus beati Adalberti secundum carnem, Gnesnen' Cathedralis, a beato viro Adalberto susceptus, suscepit, genere Bohemus et nobilitate clarus, eisdem parentibus quibus et beatus Adalbertus Slawniko et Strzelislaui ortus, de Domo Rosae et ea Familia quae se Poraj nuncupat, Rosam rubeam pro insigni deferens ~

Anno Domini 1000.

Prutheni audientes deuotionem Ducis Polonie Boleslai, erga corpus beati Adalberti, missis ad eum Legatis corpus offerunt pro æqualis argenti ponderis quantitate. Quam cum misisset Boleslaus corpore leuissimo se reddente parua impensa redemptum est & deportatum in Trzeme (nam primū tandē per Boleslaum Gnesnam translatum miraculis splenduit etc.)

Sentientes Prutheni gloriosum Christi Martyrem Adalbertum Ill^{mo} Principi Polonorum Boleslao, tam in vita quam post mortem charissimum fuisse, et pro eius habendo, et in Poloniam transferendo corpore sollicitum esse (tanta enim ipse Princeps Boleslaus erga Sanctum Dei æstuabat affectione, ut nisi Prutheni corpus suum pacto aliquo vel quietis via redderent, decreuerat illos indicto bello, quam grauissimè posset, donec sacrum corpus suum redderent, lacerare) mittunt ad Boleslaum Polonorum Principem nuncios. Qui superba legatione usi hæc verba faciunt. Deum tuum Adalbertum quem interfecimus tibi cordi audimus esse, proq̃ habendo eius corpore adeo sollicitum te esse, ut etiam armis nos impetere, et bellum nobis inferre coneris. Armis quidem Dei tui corpus obtinere non poteris, ignotum tibi et pluribus aliis inuito obrutum loco. Verum si illud habere desideras argento opus est non ferro, dare tibi illud offerimus si precium argenti quod appenderit te consenseris soluturum. Boleslaus autem Polonorum Dux, et si molesto acerbosq̃ animo Legatorum arrogantem denunciationem audiret; ingentis tamen spiritus sui comprasso feruore, in tempus aliud fastum Pruthenicum castigandum reseruans, modestius quam ferebat natura sua, quo facilius in possessione corporis Sancti peruenire posset, Legatis Pruthenorum pro tempore respondet, offerens se conditionem per eos oblatam impleturum. Ex pacto itaque inter Boleslaum Polonorum Ducem et nuncios Pruthenorum inito, mittuntur per Ducem Boleslaum Ecclesiastici et militares in Prussiam viri, sufficientemq̃ copiam argenti ex Thesauris Ducis magna liberalitate præstitam secum ferunt. Quò cum peruenissent, et iuxta pacta Primores Pruthenorum qui ad rem huiusmodi expediendam conuenerant, corpus Sanctum miram spirantem odoris fragrantiam, de loco abdito protulissent, primū an illud sit per Polonos recognoscitur, deinde ex vulneribus recentem testantibus cædem, aliisq̃

evidentibus signis recognitum, collocatur in stateram, argento per Ducem Poloniae misso appendendum. Verum cum e regione corporis sacri, in altera tabula statera argentum iudicio Polonorum corpus sacrum appensurum, aut pondere suo stateram excessurum, apud Urbem Romae Pruthenorum Metropolim positum esset, in talem leuitatem operante Diuinitate corpus illud sacrum, quod dum uideret Spiritus Sancti organum habitaculumque censebatur, uersum est, ut nullum penè pondus habens, exquisitissime argenti responderet articulo libræ. Omnibus autem tam Polonis quam Pruthenis magno stupore repletis, in laudem Maiestatis Diuinæ pro præstito miraculo et beneficio Poloni ora resoluunt, et cum omni deuotione honoreque Ecclesiastici viri corpus beati Adalberti de statera leuant, et in capsam pulcherrimi operis, pro huiusmodi usu et necessitate secum allatam recondunt, ac ferè uniuersum argentum, quod pro appendendo sacro corpore attulerant, in Scrinio suo non sine Pruthenorum magno cruciatu referunt, et qui Thesauro uiso et allato se frustratos mentis anxietate et ingeminatione uerborum querebantur. Non audebant autem Prutheni conclusa pacta, quamuis id aliquorum ex illis suaderet improbitas, retractare, ne et ea superna Maiestate Dei, cuius mirandam potentiam in appendendo sacro corpore experti fuerant, puniri, et iusto bello pro temeratis pactis ultro oblatis per Ducem Boleslaum et gentem Polonorum vexari eos contingeret. Accepto itaque nuntio Polonorum in Prussia Sancti Dei Adalberti corpore, illud cum debita sollemnitate, reuerentia atque honore in Poloniam deferunt, plaudentibus et exultantibus populis Polonorum, et gregatim caereis ac censibus Sancto corpori occurrentibus, per quorum possessiones et rura atque uicinia ferri illud contingeret. Dum autem Boleslaus Polonorum Dux, denuntiatis nuntiis in Prussiam missis, cognouisset omnem ordinem et motum, qui in appendendo corpore beati Martyris Adalberti Diuino numine habitus est, et qualiter corpus beatum modicum immò penè nullum pondus habuisset in statera, et quod nuntii iam illud intra fines Regni sui cum omni securitate detulissent, uehementi ex hilaratus gaudio, in laudationem Saluatoris qui sibi et Polonis tam mirifica præstitisset beneficia, prorupit. Deinde vicinioribus Pontificibus, Ecclesiasticis quoque et secularibus uiris accersitis, in graui et immensa multitudine omnium Statuum et Ordinum Sancto corpori obuiam processit. Et dum illud offendisset, prostratus cum Clero et populo uniuersoq; comitatu Dei laudes concinendo corde et ore excepit, et illud in Canobium Trzemeszno Ordinis Canonorum Regularium beati Augustini, quod pater suus Mieczslaus Polonorum Princeps in primordio susceptæ fidei fundauerat et mirifica largitate dotauerat, deferens, illic collocauit. Verum modici temporis interuallo elapso, uolens Sanctum Adalberti corpus amplius honorare, congregata magna Pontificum et secularium uirorum multitudine, corpus Sacrum

ex Trzemeszno Gnesnam Civitatem ea tempestate florentem et populosam cum magna solennitate et pompa, tredecimo Calendas Nouembris, deduxit et in Ecclesia metropolitana Gnesnen, cuius Sanctus ipse in aliquanto tempore erat Archiepiscopus, honore excellenti collocavit. Pluribus post diebus sequentibus Gnesnæ in memoriam tanti beneficii, festos dies egit, et largissimas eleemosynas egenis distribuens, et vniuersis pro necessitatibus suis illum interpellantibus, munificum et gratiosum se demonstrans. Corpore autem Sancti Dei Gnesnam translato, frequenti et assidua capit vir Dei miraculorum operatione clarescere, et in variis languoribus supplicibus suis magnificus adiutor existere. Propter quod non solum ex Polonia, sed etiam ex remotissimis Germanorum Pannoniorumque finibus, ad tumbam corporis Sancti, populorum aam cateruatim adeuntium, sanitatis quoque solacia recipientium, frequentia et concursus capit esse. Miraculorum autem ab ipso patratorum seriem huic operi non inseruimus, eo quod in pluribus libris habentur descripta, ac ne volumen prasens maiorem in modum quam par est exerescat.

Motus terræ in Polonia et ingens Cometes

Et imprimis terræ motum apud Polonos in religionem versum, Cometes item decimo nono Calend' Ianuarii apparuit. Qui cælo aperto quasi facula ardens, et facem in longum protendens, adeo splendore suo cunctos perterruit, ut non hi tantum qui in agris, sed etiam illi qui in lectis erant, quasi quodam fulmine ferirentur.

Pontificum aliquot Romanorum mors & varij casus etc.

Mortuo Benedicto qui sedit annis quinque mensibus sex, et secundum alios annis decem, apud Ecclesiam Sancti Petri sepulto, cessauit Episcopatus diebus quinque. Deinde Ioannes XIII. qui et Petrus Papien' Epus succedens, tenuit Cathedram mensibus octo. Hic in Castro Sancti Angeli per quatuor menses fame afflictus et mortuus, in Vaticano sepultus, Ioannem natione Romanum virum eruditissimum, et qui nonnullos libros composuit habuit successorem, qui paruo tempore vixit mensibus quatuor superuixit, et alium eiusdem nominis Ioannem XVI. natione Romanum habuit successorem. Hunc Crescentius Patricius in tantum afflixit, quod vrbe egressus, pro Imperatori tertio Othone, ut in urbem veniret, nuncios miserit. Quod audientes Romani, ipsum reuocant, et usque ad terram prostrati veniam

petunt, et obtinent, sedit annis decem, mensibus decem, diebus septem, et
Romæ moritur ~

**Gregorius Papa V. in Solium assumptus
cum Imperatore Romanorum Othone tertio
tres Electores Imperii instituerunt ~**

Ioanne XVI. Papa absumpto, Gregorius V. natione Saxo, ad instanti-
am Othonis tercii Imperatoris, cuius fuerat consanguineus in Papam
assumitur. Hic ante Bruno dicebatur, vir venerabilis et spectata
virtutis. Imperatore autem Othone ab urbe discedente Placentinus intru-
ditur a Crescentio propter pecuniam, et Ioannes XVI. vocatur. Ob quod
Scisma Imperator Romam reuersus, Crescentinum capite truncat, Ioannem
verò Antipapam exoculari, et in pluribus membris mutilari fecit, nihil eum
iuuantibus Ducatibus suis, et reddita est pax Ecclesiæ. Et nota quòd iste
Gregorius cum Othone III. Electores Imperii ordinauit et instituit, qui dein-
ceps permanserunt usq. nunc. Nec poluerant Franci, aut Itali illam ordina-
tionem, non propter aliquam culpam Saxonum sed ad præcauendum pericula
futurarum faciam, retractare. Vnde versus Maguntinen. Treueren. Colo-
niën, quilibet Imperii sit Cancellarius horum. Et Palatinus Dapifer, Dux
portitor ensis, Marchio Præpositus Camera, Pincerna Bobemus. Hi statu-
unt Dominum cunctis per sæcula summum. Verum ut quidam dicunt hac oc-
casione Aquilla multas pennas amisit, et in fine totaliter denudabitur ~

Anno Domini 1001.

**Otho Imperator III. votum impleturus ad
Sanctum Adalbertum Gnesnam venit. Cui ad
Regni fines Boleslaus Dux Poloniæ occurrens
honorifice eum suscipit, et pedes supra pannum
ex Polnania Gnesnā deducit ~**

Miraculis singularibus et stupendis, quæ Clementia Saluatoris per
merita Sancti sui Adalberti Gnesn. Archiepiscopi operari digna-
ta est, se in pluras oras longè latèq. diffundentibus, Otho tercius
Imperator Romanorum in ægritudine, et suo instinctu et aliorum familia-
rium suorum ausamento permotus, Sanctum Dei Adalbertum pro sua libera-
tione caput sollicitè inuocare, vouensq. votum promisit Domino, eius personali

adire sepulchrum, si illum contingeret priori restitui sanitati, mirum in modum facto voto, ab ea quæ detinebatur infirmitate, sensit se perfecte, ad inuocationem Sancti Adalberti, liberatum. Voto itaq; suo satisfacturus, ad corpus sacrum, digna Sancto et se munera oblaturus, Poloniam versus, stipatus multitudine Principum et militum, procedebat, simul ut et votum suum persolueret, et Ducis Polonorum Boleslai personam, quæ uniuersorum fama magnis celebrabatur laudibus, videret, certumq; erat illum non solum propter visitandum corpus beati Adalberti Gnesnæ quiescentem in Poloniam profectum fuisse, sed etiam Boleslai Ducis Polonorum fama percitum. Cuius aduentum Boleslaus Polonorum Dux plurimorum denunciatione præsentens, singularum rerum quibus tam magnificus hospes et eius exercitus excipi procurariq; possit, instituit apparatus. Et venienti Imperatori ad fines Poloniæ cum magna militum suorum Curialium caterua occurrit, eumq; cum omni excipit reuerentia et honore. In finibus autem suis exceptum, omnibus necessariis, tam ipsum quam omnes milites suos, abunde et liberaliter procurat, et per loca directiora, usq; Posnaniam deducit. Et quoniam Ottho Imperator in conditione voti sui habebat septem miliaribus ad corpus Sancti Adalberti pedestre iter conficere, ex Posnania (tanta enim spacio iter intermedium versus Gnesnam protenditur) ire decreuit. Quare ad notitiam Boleslai perlata, quo omnem possibilem honorem Imperatori exhiberet, omne iter à Posnania usq; Gnesnam, variorum pannorum coloribus, per quod Imperator Ottho transiturus erat, consterni disposuit, ut in gradiendo Imperator cum militibus, nullibi terram attingeret. Verum etsi Imperator Ottho huiusmodi officio se aliquatenus non indigere, et magis sibi oneri quam honori significasset, Boleslai tamen precibus deuictus, et ne deuotionem affectionemq; suam repudiatam esse queri posset, voto illius acquieuit, et Boleslaus cum pedestri itinere similiter cum suis militibus deducente, Gnesnam peruenit. Vbi ab Archiepō Gaudentio, cæterisq; Episcopis, Prælati, et Baronibus, Matronisq; nobilibus, et virginibus filiabus earum, quas Boleslaus Dux Polonorum festinanter pro excipiendo Imperatore conuenire mandauerat, cum magna suscipitur reuerentia, deuotione, et honore. Quos omnes etiam Imperator ipse pro sua benignitate affabiliter suscipiebat. Iamq; tunc varios apparatus et cultus diuersorum ordinum, Matronarumq; et faminarum nobilium, variam ex auro, gemmis, lapidibus, unionibusq; preciosis superbam suppellectilem, qua in occursum eius ornata onustaq; descenderant, capit animo cogitationeq; non sine quadam admiratione metiri, singulasq; et verè Regias in Boleslao Polonorum Duce dudum apud se fama vulgatas, recognoscere virtutes, quanta vix ipse celebritate conficeret negotia, qua polleret industria, quem laborem accommodaret negociis,

quam fortitudinem periculis, et quale consilium in providendo uniuersis. Rara insuper et singularis dexteritas et humanitas, quam in se vulgatus tunc quam alias ante monstrauerat, faciebant illum tam Caesari quam suis omnibus chariorem. Tantos insuper apparatus, tantum auri, gemmarum, purpure et vionum, suppellectilem, tot militum ordines et cateruas offendens, quantos et quantam nunquam fuerat arbitratus. Videns insuper Boleslai egregia et magnifica facta, non iam auribus sed vultu, fronte et oculis perspecta, maiori iam tunc admiratione ex conspectu et praesentia magnis nominibus immita, quam ex fama, quod Princeps solertissimus ad faciendum quodcunque niteretur, manu et lingua promptus esset, percellebatur.

Considerans Otho Imperator Boleslai Ducis Polonorum magnificentiā et opulentia illum in Rege coronat et suo Diademate ornat, ab omni subiectione Imperii illum et suos successores liberans, qui maximis conuiuiis celebratis per triduum omnia vasa aurea et argentea Caesari et suis dedit.

Imperator itaque Romanorum Otho tertius in Civitatem Cnesnen perueniens, Ecclesiam maiorem ingressus, ad corpus Sancti Adalberti se prosternens, cum magna deuotione gratias Deo egit et Sancto Adalberto, de sua ad bonam valetudinem restitutione. Ad sepulchrum quoque suum, digna Imperatore munera in auro argentoque obtulit, per diesque aliquot Cnesnae deuotionem suam, quam ad Sanctum Dei habuit, explendo permansit. Curam autem Boleslaus Polonorum Dux ad hoc unum verterat intenderatque, ut tam Imperatorem Othonem, quam omnes Optimates, Barones, et milites qui cum illo aduenerant, non solum uberrima victualium omnium, sed insuper excellentium donorum, sequestris humanitatis officiis honoraret largitione. Proferbantur itaque singulis diebus Imperatori et Baronibus suis noua munera, diuersis gradibus et ministrorum ordinibus variata. Et hi quidem ferebant vasa aurea, hi argentea, alii monilia, ceteri aut equos insignes, aut peregrinas nobilesque pelles, aut auro argentoque ostro et purpura elegantes vestes. Imperator autem Otho, apud quem nomen Boleslai Polonorum Ducis fama prodente percelebre erat, et cuius rei experientiae gratia in Poloniam venire aliquanto tempore cupiebat, tot honoribus, tot donis, tot officiis, a Boleslao se victum magis quam tractatum, apud se et suorum consocios secretorum querebatur, praesentiaque Boleslai, quod rariuscule contigit, maior apud illum quam fama habebatur. Propter quod Imperator et Optimates sui in eum

et fortibus factis, et prudentia, industria, factiuitate, liberalitate, cæterisque Imperatoris artibus celebratum, oculos conuerterant. Videns insuper Boleslai virtutes diffusas, fama quoque ampliores, naturalem quoque sapientiam cum industria concretam, videns singularem prudentiam et ingenium ad res diversissimas parandas et imperandas, admiranda tam factiuitate quam providentia refertum, militum quoque et populorum suorum, numerosam frequentiam, et qui illi inæstimabili obedientia parebant, considerans insuper singulorum militum et ministrorum ordinem, uniformi in executione eorum quæ mandabantur providentia teneri. Et cum indolem animi ingeniumque eius maiorem multo quam fama detulerat, raræque inter Principes gerere virtutis specimen depræbendisset, ad incrementa gloriæ suæ, decus Diadematis Regii illi adducere in animum inducit. Conuocatisque Optimatibus et Consiliariis suis, fertur animi sui stuporem super operibus Boleslai tam insignibus conceptum, quem diu celatum animo gestauerat publicasse. Nihil inquit fama quæ de Polonorum Principe Boleslao ad nos usque delata fuerat, mentita est, quini, modo maiora subtraxerat, plura sepelierat quam prodiderat, neque ea quæ experimur, quæque coram metimur et videmus ad liquidum produxerat, singula operum suorum et virtutum præconia tenaciter, inuidè et raucè diffundens, multo enim minor erat quam in præsentia conspicio. Adeo eius prudentia, fortitudine, magnanimitate, iustitia, clementia, liberalitate, fide, integritate, cæterisque animi Regii virtutibus experimur indies refulgere, ut merito in sublimi omnibus posteris clarissimum exemplar proponi possit. Turpe itaque imò scelus magnum et grande esse reor, si vir tantus, et tam naturæ personæ quam Imperii amicissimus, sub sola tituli Ducalis modestia delitescat, et non potius in Regaliis culminibus auebatur fastigium, cui superiorem ignoramur inter Duces, et quem potentia Regibus parem faciat. Hunc itaque nos, si et vobis utile id bonumque videtur, pro Dei honore, fidei Sanctæ exaltatione et incremento, et barbararum nationum quæ Polonorum regioni confines sunt, ex terminio, Regio dignari honore, hunc in plenitudinem potestatis nostræ assumere, et sceptrum Regaliæ excellentiæ illi deliberauimus conferre, ut tot immensis muneribus et donis, quibus et nos et vos diutim ab eo obruimur, saltem hac vicissitudine, dum hactenus alia non licet, respondeamus. Vniuersis autem Principibus et Optimatibus Baronibusque Imperialibus, deliberationem et decretum Imperatoris certatim approbantibus, laudantibus, extollentibus, et miris laudibus sermonibusque in Boleslai Ducis commendationem ora soluentibus, constanterque asserentibus omnium bonarum artium, omniumque excellentium virtutum in Boleslao

specimen consediſſe. Imperator itaq; Ottho ex thalamo egreſſus cum
Duce Boeſlao in Gneſnenſem Eccleſiam pergit, utrumq; frequentia mi-
litum et populorum utriusq; ſexus multitudine infinita, comitante. Vbi
dum peruentum eſſet, mandat Imperator Ottho tertius Gaudentio Gneſnſi
Archiepo cæteriſq; Epiſcopis Poloniae, Boeſlaum in Regem Polonorum
ſacro chrifmate inungi, et ſingula quæ in Regum Coronationibus et
unctionibus fieri ſolita ſunt, cum orõibus et obſecrationibus conſue-
tis, iuſto ordine perſolui. Quibus expletis in ſellam eminentiorem, ex
qua ab omni circumſtante turba uideri poſſet, Imperator Ottho Boeſla-
um perducit, et Diademate nobili, quod tunc in capite geſtabat, vertice
ſuo deſoſito, caput eius coronat et inſignit, conſtituens et decernens eu-
m et eius quemlibet poſterum et ſucceſſorem Polonorum Regem eſſe, et Im-
perii Romani ſocium et amicum, ſubiiciens illi et Regno ſuo omnes Po-
lonorum Regiones nationeſq; donans, verò ſingulos Principatus, terras,
et Diſtrictus, per eum et ſucceſſores Reges Poloniae, ſub barbaris inſi-
delibus et ſchiſmaticis nationibus acquiſitos, et in poſterum (munere
et ſuffragio Diuino) acquirendos. Aquilam verò candidam ſibi et
uniuerſo Regno Poloniae pro perpetuo largitur inſigni, et quemadmodum
Imperium Romanum ſimile inſigne in atro colore deferens, nationes
omnes Teutonicas habet ſubiectas, ita et ipſe eodem inſigni in niueo
campo deceterò uſurus, ſubiectas ſibi facere non deſiſtat, ſingulas
ſlauorum et barbarorum nationes. Hortans et monens illum ut pro
fidei Sanctæ Catholice augmento et dilatatione, barbarorumq; ex-
terminio, quàm maximam poſſit nauet operam, ſubditos in æquitate et
iuſtitia obſeruet et dirigat, Eccleſiæ Dei ſua iura ſuamq; honeſtatem
ac miniſtris illius tribuat, et in fide ac amicitia ſua et Imperiali perſe-
ueret, ampliòra Dei et Imperii beneficia pro ſuis uirtutibus tempore ſuc-
cedente, in ſe aut filijs et nepotibus ac ſucceſſoribus ſuis propicio Deo
accepturus. Et quo donatio ipſa diuturnior eſſet Priuilegio Imperiali
auream bulam habente, roborat et communis. Reges ac Regnum Polo-
niæ ſingularibus Priuilegijs, libertatibus et prærogatiuis eximens, liber-
tans, et extollens, et à ſua ſuorumq; ſucceſſorum Imperatorum Roma-
norum obedientia et ſubiectiõne perpetuò remittens et abſoluens. Bo-
eſlaus autem Rex Poloniae nouellus, modèſta orõne ſuper his quibus eu-
m admonuerat reſpondens, et de his quæ ſibi præſtiterat gratias ingentes
agens, impleturum ſe omnia pro poſſe cum Dei aſſiſtentia repromiſit. In
hunc itaq; modum Polonorum Reſp. in iura Regum redacta eſt, et Bo-
eſlaus Polonorum Princeps ſupra omnes generis ſlauonici atq; linguæ,
Duces magnificatus. Ad cuius cumulatiõem omni ex parte felicitate,

cum nihil præter Regium Diadema deesse videretur, etiam illud sibi Di-
 uina providentia est largita. Propter hæc et plurima alia decora
 apud genus suum et linguam aurea et argentea statua triumphali in
 omne ævum glorificandus, quod primus apud Polonos Regius insignis or-
 natus fuerit. Dies quoque ille apud Polonos habitus est celeberrimus,
 variis apparatibus in magnificentiam, honorem, et præsentiam duorum Re-
 gum et conferentis et accipientis Coronam insignis, ludorum quoque ma-
 gnificentia et spectaculo mirificus, in quo Boleslaum Regem prædictum
 summus Deus ad culmen Regni Polonici euexit, et in quo præclaro initio
 salutarem et optabilem Polonis universis Diadematis Principatum au-
 spicatus est. Claritatem Regii nominis et decoris Boleslaus vi-
 dens sibi et suis regionibus atque populis Polonorum Divinitate propicia
 et fauore Imperatorio accessisse, intellexit sermonem Benedicti Papæ
 septimi ad patris sui Mieczslai nuncium Lamperlum Crac Epum ex-
 pressum, in omnibus adimpletum fuisse, magnoque exhilaratus gaudio, tri-
 bus sequentibus diebus delicatissimum convivium pro Imperatore et uni-
 versis Principibus, Prælatiis, et Baronibus mirifico apparatu instruxit. In
 quo gloriam sui gurosissimi nobilissimique animi, et divitiarum suarum
 magnitudinem monstravit. In illo siquidem triduo, omnium ante se
 Principum liberalitatem adeo supergressus est, et Cæsaris suorumque Opti-
 matum animos profusione magis donorum in cunctos quam largitione deui-
 cit, ut et suæ ætati ipsi præsertim Cæsari, et suis quendam stuporem
 induceret, futuræ verò posteritati incredibilitatem reliqueret. Om-
 nium siquidem die quolibet illius tridui, nova vasa aurea et argentea,
 gemmis lapidibusque præciosis nitentia, convivantium mensis inferebantur,
 quæ statim epulatione prima die exacta, in unum acervum congesta, Cæ-
 sari pro dono præsentabantur, quod et in secundo die, deinde in tertio,
 per nova et ponderis præcuique maioris vasa fuit repetitum. Cæsare ve-
 rò tam munificis honorato muneribus, ad Principes, Prælatos, Barones
 et familiares Cæsareos processit, et iuxta cuiuslibet conditionem, ordi-
 nem et gradum, unicuique munera distribuit: beneficium in coronatione
 motu proprio per Imperatorem præstitum admiranda cunctis liberalitate
 repensans. Et debantur autem in Cæsaris honorem, bastarum, chorea-
 rum, plausuumque et aliorum variorum generum ludi, et universa Regia
 nocte et interdiu Musicorum concentu et ludorum instauratione concre-
 pabat. Quibus officiis tantum sui amoris Cæsarianis omnibus infudit,
 ut plus viderentur meruisse quam accepisse, minorque Regni collata po-
 testas, quam profusa in omnes comitas et largitas existimaretur.

*Imperator Otho III. neptem suam Rikszam filiam Co-
mitis Palatini Rheni filio Boleslai Regis Polonorum
Mieczslao in uxorem promittit & pro magnis muneribus
donat Clauum Dni, et lanceam Scti Mauricii. Bolesla-
us vero dat ipsi brachium Scti Adalberti, comitaturq;
Caesarem ad fines suos cu apparatu Regio, & Orato-
res cum eo mittit pro sponsa filij sui, quae breui adducitur.*

Cæsar Otho tertius, ut erat vir nobilis et illustris ingenii, turpe
sibi et suis ratus, si pro tot iteratis beneficiis, quæ in se et suos
Boleslaus Polonorum Rex effuderat, nouo beniuolentiæ genere
non responderet, cum suis aliquanto tempore deliberans, cum Boleslao
Polonia Rege affinitatem iungit, et filio Polonorum Regis, cui nomen
erat auilum Mieczslaus, et qui patri unicus erat, neptem suam Rikszam
filiam primogenitam Eronis atq; Herenfride Comitis Palatini Rheni,
ex sorore sua germana Machtilde susceptam, Principis pro ea tempe-
state in sanguinis nobilitate, et prudentiæ claritate excellentissimi, so-
lemniter desponsat in uxorem. Et ad illustrandam amplius famam,
nomen, et gloriam Regni Polonici, præfato Mieczslao Duci, charo et vi-
nico Boleslai Regis pignori consociat, ut qui iam Regium decus contra-
xerat, claritate Imperialis sanguinis amplius longiusq; fulgeret, stipen-
diationesq; et promissiones publicè inter Cæsarem et Regem vice natorum
contrahuntur, et literarum inscriptione firmanantur. Maximum enim id,
put erat censebat sui Imperij Otho stabilimentum, si affinitate huius-
modi Poloniam Almania regionibus glutinasset. Nec bis Cæsar con-
tentus donat Boleslao Regi unum Clauum de Cruce, perforatione corpo-
ris Dominici nobilitatum, et Sancti Mauricii lanceam, cum hac adiectio-
ne verborum. Hunc inquit Clauum, quo nihil preciosius, nihil charius,
nihil iucundius gratiusq; in omni suppellectili mea me habuisse, sed nec
habiturum esse rebar, tibi amicissimo meo affini, pro vexillo triumphali
dono. Designans te tam excellenti munere omnium in circuitu hostium,
sed barbararum præcipuè nationum magnificum triumphatorem. Neq;
enim amplissima dona tua, mihi et meis tributa, auro et argento, in quo te
video satis opulentum esse, sed quod omnes gasas terrenas superat, Cla-
uus Domini rependo. Lanceam insuper Sancti Mauricii addo, qua in bel-
lis contra nationes barbaras tuo Regno vicinas, tantummodo te uti volo
propicio Deo et Sancto Mauritio patrocinate, barbaricam potentiam
contrituro. Boleslaus autem Polonorum Rex, et de affinitate

tam splendida ac illustri, et de muneribus excellentibus rarisq; gratia-
 rum condignam actionem effundens, Casari beati Adalberti brachium
 redonat, cum magna gratitudine et devotione a Casare susceptum. Si-
 mulq; Casari tale adit responsum, Quando inquit dietim experior, perso-
 nam meam populumq; meum, deinde prolem meam tibi curæ esse, cum glori-
 ficatione mea et populi mei non contentus, etiam filium meum in gene-
 rum adoptasti. Clavo insuper Dominico, et beati Mauricii lancea Re-
 gium Solium meum, in quod a te euectus sum, triumphalibus insigniis,
 velut firmissimo robore auxisti, enitar pro viribus, ut tanto a te nobi-
 litatis decore, factis potius quam verbis respondeam, et pro te tuoque
 Imperio bella, ad quæ me per te accersiri continget, prono fidelique ani-
 mo geram, ne a quoquam vinci possim, officio gratitudinis cerlaturus.
 Acta est autem hæc primi Regis Polonorum Boleslai Coronatio, et
 in Regem super Polonorum regiones unctio, presidente in Cathedra Petri
 Iohanne Papa XVI. Coronatione primi Regis Polonorum Boleslai
 Otho Imperator peracta, et affinitate per neptem suam Rikscham contra-
 cta, onustus auro et argento donisq; multiplicibus Gnesna egreditur, ma-
 gna lætitia exultans, et in trinfeca exbilaratione ouans, quod in Princi-
 pem tam liberalem et munificum, coronationis et affinitatis officia contu-
 lisset, et ipsum suum et Imperii amicum effecisset. Comitabatur autem
 Imperatorem ad propria redeuntem Boleslaus Polonorum Rex usq; ad ter-
 minos Regni, in singulis locis suæ ditioni subiectis Imperatorem et exer-
 citum eius splendide procurans et pertractans. In finibus autem Re-
 gni sui Imperatori gratius peractis, fœdere perpetuæ amicitie percusso, va-
 riusq; pollicitationibus firmato, valedicens in Poloniam reuertitur, Impe-
 rator quoq; Otho in Almanniam suam diuertens, sospes et incolumis in May-
 deburg (ibi enim erat familiar sua mansio) peruenit, et illustrem vir-
 ginem Rikscham neptem suam Nunciis Boleslai Polonorum Regis, qui
 eum ex Polonia comitabantur, et patri Eroni Comiti Palatino, magni pre-
 cii attulerunt per Boleslaum missa munera, cum dote tradit Poloniam de-
 ducendam. Qui illam cum plerisq; Almannie militibus, per Imperatorem
 et patrem Comitem Eronem adiunctis in Regiam Gnesnam afferunt,
 virginem doctam literis, moribus conspicuam, et non secus forma ac gene-
 re, quam feminea præstantem gravitate, dotisq; repræsentant munera, et
 Aulicæ domus ornamenta. Rogantq; auunculi patris et parentum nomine,
 ut illam in solatium fidelitatis, societatis et thori Dux Mieczslaus fi-
 lius Regis assumat, et dulcedine suauissima maritali pertractet: babi-
 turus consortem modestam, tractabilem et morigeram. Boleslaus aut
 Rex prudenter attendens favore Diuino, et humano consensu affectum

se culmen Regium et Diadematis Solium, multisq; Principibus orbis dignitatis Regiæ excellentia, et multifariis aliis donis se prælatum, iudicium miscendo clementiam iustitiæ dilexit, et communiuit aestabiliuit suum imperium, et statu magnifico lætabatur Principatus ~

Fædus percutitur inter Boleslaum Poloniarum Regem & Wladimirum Russiarum Principem ~

Potentiam Boleslai Polonorum Regis latissimè se diffundentem Wladimirus Ruthenorum Dux perborrescens, et veritus ne quandoq; in se et terrarum suarum periculum recideret, mittit ad Polonorum Regem Boleslaum nuncios suos, petens secum et terris suis iungi fædus. Boleslaus autem Polonorum Rex, amicitiam Ruthenicam intelligens Reip. Polonorum plurimum conuenire, fædus Wladimiro Russiæ Duci concessit, et sub iustis conditionibus illud secum iureiurando firmavit, ex quo utraq; terra maxima quiete annis pluribus floruit ~

Anno Domini 1002.

Bohemi inuidia moti, Ducem suum Boleslaum ad bellum contra Polonos incitant præsertim verò illi qui erant de Domo Rauritarum. Et Straczi: quas monachus dū in Ep̄m Pragensem consecratur à demone, occulto omnipotentis Dei iudicio suffocatur ~

Excellentiam qua Cæsareo favore Boleslaus Polonorum Rex et Dominia sua, in donatione Regii Diadematis, Clauis Domitici et lancea Sancti Mauricii fuerant illustra et insignita, vicinarum Regionum mox inuidiæ liuor excepit, Bohemorum tamen pectora labe illa ultra ceteras nationes abundantia, altior de Boleslai et Polonorum felicibus successibus cruciatus inuasit. Qui permolestè ferebant sublimitatem Regii culminis prius Regioni Polonica quam suæ Bohemica accessisse. Regobat pro eo tempore Boleslaus tercius Bohemicum Principatum, saeuus etenim Boleslaus Sancti Venceslai germanus et occisor, cuius filia Dambrowka femina nobilis et deuota, Boleslaum primum Regem Polonorum Mieczslao, ut in superioribus narrauimus adiderat, duos

filios reliquit, unum Boleslaum qui annis pluribus Ducatum Bohemiae modestè et clementer regens, Lii Boleslai adeptus est cognomen, alterum Stracziwas, quod sonat perdens fermentum, in cuius Baptisterii conuiuio occisio Sancti Venceslai fuit secuta, et ex euentu tam improbae necis, nomen illi aptatum Stracziwas. QV in Ratispona in Monasterio Sancti Emerici Ordinis Sancti Benedicti ordinem ingressus, paternum scelus Monachico expiabat habitu. QVem etsi beatus Adalbertus quodam tempore Praga offensum rogasset, ut ei Cathedram Pragensem succederet, faciliter eugermani fratris auxilio suffragioque, impia et enormia Bohemorum scelera rescisurum, et ille tunc abnueret, post tamen quod et vir Sanctus Dei Adalbertus ei abnuenti, et ostio in ouile ingredi detrectanti, euenturum praedixerat, ambitione quam aliàs detestari videbatur incensus, exulante beato Adalberto Pragensem Ecclesiam sibi per fratris sui Boleslai intercessionem ab Imperatore Othone tertio dari obtinuit. QVI cum de mandato Caesareo per Maguntinen Archiepiscopum in Pragensem Episcopum consecraretur, et in ipso consecrationis processu, iaceret in sacra de more prostratus, sacris imbuedus Pontificalibus, occulto Dei iudicio, in secundam tertiam et quartam generationem facinora vindicante, à Damone inuasus terribiliter et impetuosè vexatus est, quousque cunctis qui aderant videntibus stupentibusque vitam miserabiliter finiret. BOleslaus Lius et secundus moriens unicum cum filium Boleslaum reliquit, illum Bohemi multis verbis pelliciunt, ut Poloniam inuadat, et eam aut aliquam partem tributariam sibi efficiat, clarius nomen, si Regis Poloniae terras Dux ipse vastauerit expugnaueritque apud Imperatorem ceterosque Principes habiturus. Nec deerant inter Bohemiae Barones et praesertim nobiles Vrsouicenses, et fere tota Rauritarum Domus, viri callidi et vafri, et ea tempestate in Bohemia potentes, qui inter fratres, ex sorore et fratre genitos, discordiae et belli malum ea mente insererent, quatenus ipsi pondus venerationis suae, et fortunarum suarum suppellectilem, quod stante pace sperare non poterant, in guerra augerent ~

PRObortus siue Proborinus primus POSN' Epus, cum annis viginti sex sedisset moritur, et in POSN' Eccl'a sepelitur, In cuius locum Thimotheus in POSN' nien' Epum ordinatur, natione Romanus, nobilis genere, per BENEDICTUM Papam septimum prouisus ~

Otho Imperator III. Gregorium quintum
Papam constituit & Crescentium Romanum
Ioannis XVII. Papae & Imperii
inualorem in ponte super Tyberim

*obtruncat. Cuius uxori illato stupro ab ea ve-
neno infectus, moritur. Tandem opera Heriberti
Coloniensis Episcopi morte eius celata, ac si uiuus esset
Roma equo insidens effertur. Henricum se-
cundum Bavariae Ducem habuit successorem.*

EX Polonia autem Ottho tercius Imperator reuersurus, audiens Ioan-
nem Papam XVII. à Crescentio Romano, strangulatum, ipsum etiam
Crescentium assumpta tyrannide Romam oppresisse, et Italia inua-
sa, uniuersi Imperii occupationem sibi facile in animo destinasse, insolenti-
am eius, iuxta ac dignum erat indignè ferens, constructo in honorem Sancti
Adalberti Episcopi et Martiris Canonorum Regularium Monasterio, Ro-
mam cum frequenti Optimatum suorum numero contendit. Vbi vacillanti
turbataque plurimum Reip. Romanæ succurrens, Ecclesie Sanctae Dei si-
mul, et Imperii statum in defesso labore et cura ingenti instaurat et re-
parat. Et Brunonem quidem Archicancellarium suum, qui Gregorius
V. appellatus est, in Sedem Apostolicam surrogat, virum vita, moribus scien-
tiaque insignem et cognitum. Crescentium vero Romanæ Urbis et Impe-
rii inuasorem, in validissima Imperatoris Adriani, quæ et Theodori opina-
tur fuisse, Tyranni fabrica, quam sibi in arcis modum munierat, se conti-
nentem, robore militum oppugnatum, et inde extractum super Tyberis pontem
capite obtruncat, et tam Urbis quam Italiae pacem reddit, habiturus pro tam
festiua succursu perpetuam laudem, si iuxta de vicis ac hostibus sibi trium-
phare contigisset. Cernens siquidem Crescentii Tyranni à se deuicti et
damnati, miræ pulchritudinis uxorem, in eius excruciantem incidit amorem.
Quam nocte sequenti consuprans, ab eadem veneno inficitur, et augescente
grassantis per venas veneni peste, non multo post grauissimo languore corri-
pitur, et quinto Calendæ Februarii rebus assumitur humanis, cum annis de-
cem octo imperasset. Heriberto autem Coloniensis Episcopo, cuius tota Impe-
rialis Curia parebat consilio, familiariter Imperatorem mortuum obseruan-
te, et mox ordinante, ac si uiuus esset purpura indutus, super equum velut
expeditionem facturum arte extruitur. Et in hunc modum morte eius Roma-
nis celata, quorum nonnullos occiso Crescentio grauer illi sciebat infensos, cis Al-
pes in Sueuiam defertur, sepultis eius intestinis in Ciuitate Augusta, corpus in A-
quisgranum delatum, in medio Ecclesie beate Mariæ, honorifice ab eodem Heriber-
to, venerando Coloniensis Archiepiscopo ceterisque Alamaniæ Principibus tumulatum est. Et
quia id Imperator Ottho nullos liberos reliquerat, Henricus II. Dux Bavarie, octo-
gesimo quarto loco ab Augusto in Imperium Romanum succedit, à Viligisto Magun-
tino Archiepiscopo coronatus, filius Henrici fratris primi Otthonis ~

*Promotio & mors miserabilis Vdonis
Maidenburgensis Archiepiscopi*

Huius autem Othonis Imperatoris III. tempore, Ecclesia Metropolitana
Maidenburgensis ab avo suo Othone primo fundata et dotata, habuit Ar-
chiepiscopum nomine Vdonem, qui per beatissimam virginem mirabili-
ter promotus fuit, sed post propter detestabilem et sordibus plenam vitam, per
solum Dei iudicium, quod in Ecclesia Maidenburgensis publice actum est, sen-
tentialiter damnatus et decollatus est. Cui adhuc viventi ut se corrige-
ret Angelus illud ingeminabat. Vdo cessa à ludo, iam satis lusisti Vdo ~

*Boleslaus Bohemiae Dux rupto cum Boles-
lao Rege Poloniarum foedere terras eius depo-
pulator. Quem Rex secutus & non inue-
niens ad eius Dominia iter parat etc.*

Pernicioso Dux Bohemiae Boleslaus III. consilio seductus, guerram
causa non praecedente aut demerito Boleslao Polonorum Regi movens,
in terras Polonorum versus Kloczko armatus descendens, cepit illas
hostiliter igne, populatione, et gladio vastare, et subicere suae ditioni ac
tributo. Quae novitas ad Boleslaum Regem perlata, magna eum percellit
admiratione, quod ab eo quem fratrem et amicum in suis opportunitatibus
se experturum crediderat, bello iniusto provocatione nulla intervenien-
te, premeretur. Legatos itaque ad illum transmittit, qui et per sanguinis
et per pacis hactenus observata iura, restitutionem ablatorum, et deforma-
torum solutionem repeterent, utque pacem servaret hortarentur. His Dux
Bohemiae Boleslaus auditis, respondit, se iniuriis prioribus affectum bel-
lum sumpsisse, coactumque et inuitum bellum Polonis suos fines incurstanti-
bus intulisse, non abnuiturum tamen se omnem possibilem aequitatem. Con-
sistentibus itaque Polonorum Regis Boleslai Legatis, treuga interponitur
et firmatur, cuius conditione Boleslaus Polonorum Rex bellum suspensum
aut finitum crediderat, et animum ab expeditione auerterat. Verum Bo-
leslaus Bohemorum Dux, eodem consilii tenore quo prius persuasus, maiori
potentia adunata, ruptis treugis Poloniam ingreditur, illamque quam fortis-
sime potest devastat: suggerentibus sibi Bohemis, Boleslaum Polonorum Re-
gem, sibi suis viribus et copiis nullatenus resistere ausurum. Quibus
verbis Princeps minus sensatus credens, bellum eo ferventius promovebat,

Quo malo Boleslaus Polonorum Rex comperto, Leonino ruitu fremens, ex
uniuerso Regno suo, quam celerrimè potest, conuocat fortissimos quosq; mili-
tes et bellatores, et contra Boleslaum Bohemiae Ducem celeri cursu acies pro-
ducit. Verum Bohemiae Dux referentium sibi exploratorum denunciatione
certior effectus, Boleslaum Polonorum Regem, cum magno exercitu, et suo
plurimum superiore, aduentare, vastatione Poloniae omisa in Bohemiam
se recipit. Quem dum Boleslaus Rex in locis quae vastauerat non repe-
rit, altius fremere capit, quod et subductus hostis esset, et quod calamita-
tes fletusq; illum quam maximè eorum, qui à Bohemis bello vexati oppressiq;
erant, commouerent. Ingenti itaq; spiritu, calamitate suorum coram conspe-
cta, incensus, fertur Boleslaus Polonorum Rex dixisse. Quando inquit,
nec sanguinis communiò, neq; modestia mea, neq; ius fœderum Boleslaum DV-
cem Bohemiae à clade meo Regno inferenda potuerunt auertere, decete-
ro mihi usq; ad internitionem prosequendus est, non tanquam victus hostis
sed tanquam insidiator veneficus ~

Comperiens Boleslaus Chabri Poloniae REX Imperatorem Illustrissimū
Othonem III. miserabili et indigna morte peremptum esse, cum omni Regno
suo pluribus diebus omni lætitia interdicta, in atra veste illum luxit, et
obsequias ei apud Gnesnensem Ecclesiam omni cultu sumptuoso honorifi-
cas persoluit. Cui etiam Anniversarium usq; ad diem mortis suae quotan-
nis pia gratificatione solebat accepti beneficii peragere ~

Anno Domini 1003.

Boleslaus Rex Poloniae Bohemiam ingressus, cum
adhærentiâ Rauritarum, qui tunc in ea potentissimi
erant illam occupat. Tandem Pragam biennio obsessam,
ac Castrum munitum Wiszegrad, cum Duce & eius
filio capit, singulis Baronibus iuramenta fidelitatis
præstantibus, Duci Bohemiae eruerè oculos iussit. Fi-
lium vero ipsius Iaromirum, Rauritis dedit ad custodi-
endum & ipse in Poloniam triumphans reuersus est ~

Dolorem anxietatemq; mentis, quam super vastatione Regni sui Polo-
niae, per Boleslaum Ducem Bohemiae facta, Boleslaus Polonorum
Rex conceperat, et hactenus ex affectibus aëris veritus intempe-

riam et cætera incommoda, milites ad suos Penates remiserat, amplius dis-
ferre et tollerare non valens, expeditionem in Bohemiam ulcisci cupiens
suas iniurias, indicit, magnasq; tam equestrium quàm pedestrium, ad id
bellum facilius gerendum, copias instaurat. Et cum exercitu potenti BO-
hemiam ingressus, singulas Bohemiar' Vrbes resistentes expugnat, cætera
verò ignobilia oppida et colonias vastat et exurit, sperans Boleslaum BO-
hemie Ducem sui Ducatus spoliatione, vastatione et incensione motum, ad
campestre posse elici certamen. Erat pro ea tempestate maxima VRso-
uicensium DOMUS in Bohemia, quæ cæteris genere, familiis, possessionibus,
fama et auctoritate præstabat. Vrsouicensium autem Familia idco appel-
labatur, quod pro insigni Vrsu virginem coronatam gestantem, deferabant.
Huius autem Familie maior et Senior Baro KOCHAN vocatus, opibus et
auctoritate inter suos maior, familiaris Boleslao Polonorum Regi erat, liber-
alitatemq; Regis in transacto tempore expertus, suisq; multiplicibus be-
neficiis obligatus, omnes de armis et parentela sua, ad fauendum cæptis
et actionibus Regis Boleslai inducit. Quem et cognatos fratresq; suos
Rex Boleslaus indita liberalitate plurimisq; et crebris largitionibus in-
scatos, in suam fidem, deuotionem, et culturam magnoperè incendit, illorūq;
fidei opera et ausamentis usus, conficiendæ facilius suæ expeditionis
accommodos ad res benegerendas cooperatores habuit, ipsorumq; ductu et
assistencia, maximas et continuas BOhemorum regioni cædes et pernici-
em vastationemq; calamitosam inferens, longè latèq; Bohemicum populatus
est agrum. Cum itaq; Boleslaus Polonorum Rex uniuersam Bohemiam, præ-
ter Vrsouicensium possessiones, quibus parci mandauit, cædibus, igne, et spoliis
contriuisset, Boleslaus vero Bohemie Dux eius potentia resistere non va-
lens, in Castro Wyszegrad se cum filio suo Jaromir contineret, ad ipsam
Bohemorum Metropolim Pragam et Viscegrad Castrum Boleslaus Polono-
rum Rex copias sui exercitus admouet, ipsamq; Pragam obsidione cingens,
et arietibus cæteris propugnaculis qualiens, et biennio fame affligens, ma-
gnificè expugnauit et obtinuit, ac militibus suis dedit in direptionem et præ-
dam. PRagensi autem Ciuitate cepta, non multo post tempore, etiam Wy-
szegrad strenuè conquisiuit, in quo Ducem Bohemie Boleslaum cum filio Ja-
romir, alter enim filius Odalricus seruitus Cæsareis applicatus absens e-
rat, reperiens captiuat, et uniuersam Bohemiam in suam redigit ditionem
et obedientiam. PRæfectosq; tam in Viscegrad et Praga, quàm in cæteris
municipiis suo nomine præficit et ordinat, sedemq; suam DVcalem Pragæ
collocat, et uniuersos Barones Nobilesq; Bohemie, qui Pragen' Ciuitatis
et Castri Viscegradien' triumphali conquisitione audita ad se venerant,
benignè excipit, tractat, et honorat. QVI etiam nullo cogente fidelitatis

et obedientia sibi prestabant iuramenta, cuius largitionem liberalissima pluribus et assiduis donationibus experti deuoti et fideles in eius obedientia permanebant. Redacto Bohemiae Ducatu BOleslaus Polonorum Rex in suam ditionem et potestatem, in singulis Ciuitatibus et Castris, suae ditionis et iuris Praefectos et Capitaneos, aut ex Polonis aut ex Bohemis, quos sciebat sibi et suae parti esse magis synceros atque fidos, statuit et locat. Et omnibus bono ordine compositis recedere in Regnum suum Poloniae, reducereque victoriosum exercitum parabat. Delinebatur autem Bohemorum supplicibus precibus, et obsecratur, quatenus moram cum illis diuturnam faceret, quod cum Rex BOleslaus nullatenus se facturum responderet, cum et Regnum suum Poloniae praesentiam suam magnopere desideraret, consultum est illi a Bohemis, et praesertim ab his qui fideliores illi erant Vrsouicen, ut BOleslaum Ducem Bohemiae et filium suum Jaromirum a se captos occidi disponderet, quoniam illis uiuentibus Bohemiam sciret sibi quandoque recalcitraturam. Sed et alterum filium BOleslai Ducis Bohemiae Odalricum in obsequiis Imperatoris Henrici consistentem, curaret extinguere, aut in suam redigere captiuitatem. REX autem Polonorum BOleslaus, etsi vera illos dicere intelligebat, facinus tamen tam atrox in Ducem et fratrem committere exhorrebat. Stimulatus tandem Bohemico consilio Ducem Bohemiae BOleslaum excacari praecipit, et oculos ei eruendos mandauit, ne quandoque ulla rerum conuersione recurus illi pateret ad Principatum, filium vero eius Jaromirum in custodiam et captiuitatem Vrsouicen tradidit. Eoque patrato scelere copioso Polonorum militum Praga et in Visehrad relicto praesidio, Poloniam incolomis rediit. Verum etsi BOleslaus Bohemiae Dux hostis suus fuerit, et Regnum suum prior hostili vexatione inuasit, fratri tamen amicali et propinqua cognatione iuncto oculos euellere, et eum in visu perpetuo orbem facere, facinore non caret singularis impietatis, nisi forte iustiores intercesserint nobis ignota causa, quibus gloriosissimus Rex ille pertractus, facinus illud excacationis admiserit. Quod tamen non ab eo, sed a genitore suo DVce Poloniae Mieczslao Annales Bohemici attestantur, licet id temporum ordini non videtur congruere, patratum.

Anno Dñi 1004.

BOleslaus Rex Polonorum Morauiam
ingressus illam breui sua ditionis fecit.

P Arum autem visum est clarissimo Principi BOLESIAO POLONORUM
 REGI Bohemiam tributariam et subiugalem, nisi etiam illi Mora-
 uiam adiecisset, habere. Quapropter habito ex Regni sui terris
 delectu, cum militum suorum forti et expedita manu, Morauiam ingreditur,
 et tam Ciuitates quam Castra Morauiae, quae Principatum suum abnuebant,
 potenter inuadit, circumuallat et expugnat. Erat siquidem Boleslaus Po-
 lonorum Rex ea animi ac natura insiti fretus constantia et magnanimitate,
 ut nihil sibi aggrediendum assumeret, ac cuius captis temere resiliret.
 Quapropter obsidionem Ciuitatum tam in Bohemia quam in Morauia no-
 aliter soluit, nisi obsesta Ciuitas, aut sponte aut viribus expugnata in
 ditionem suam veniret. Quae quidem animi et robore constantia subsecu-
 tum est, ut uniuersa Morauia, aut sponte aut armis, et potentiae suae vi-
 ribus subacta suo imperio et ditioni se subiceret. In cuius Castris et
 Ciuitatibus principalioribus Praefectos suos ex Polonis, et ex aliquibus si-
 bi fidiorebus Morauis constituens, multo tempore Bohemiam et Morauiam
 tenuit feudalem, singuli enim introitus, census, et redditus ad Ducalem fi-
 scum pertinentes, ex utroque Principatu Bohemiae scilicet et Morauiae The-
 sauro Regio ad Poloniam annuis temporibus inferebantur.

*Quibus permisa sit potestas
 eligendi Imperatorem.*

H Enrico per electionem ad Imperium assumpto, primum institutum
 fuit, ut in futurum non per sanguinis successionem duceretur Im-
 perium, sed Archiepiscopi Maguntinen, Coloniens, Treuerens. It
 DVx Bohemiae, Comes Palatinus Rheni, Dux Saxoniae, et Marchio Bran-
 denburgen haberent potestatem eligendi Imperatoris. Hic Henricus vir ma-
 gnae Sanctitatis multa bella prosperè gessit.

*Boleslaus Polonorum Rex missis nuncijs
 Odalricum filium Boleslai Ducis Boheiae ab
 Henrico Imperatore cui inservierat obtinet sibi
 iracti. Quem honestè custodiat Polongæ comitit.*

V T autem tam Bohemia quam Morauiae possessio, Boleslaus Polono-
 rum Regi firma et diuturna esse posset, et populi regionum illa-
 rum fluxa et ambigua fidei, resque nouare soliti in fide contine-
 rentur, mittit Boleslaus Polonorum Rex ad Henricum I. Imperatorem

Consobrinum et affinem suum, Nuncios solennes, liberalissima et magnifica dona variorum munerum per eosdem transmittens. Qui inprimis sibi felices Boleslai Polonorum Regis successus, quos in acquirendis duabus vicinis terris BOhemia vñ et Moravia habuit, et quas Regno suo subiecit, et quantas quasue expugnauerit Ciuitates, et quanta spolia ex deuictis in Regnum suum Polonia retulerit, ex ordine patefaciunt et declarant. Vltimo precantur et deprecantur, vt Odalricum filium Boleslai Ducis BOhemia, in Curia sua Imperiali commorantem, sibi tradat et remittat, stabilimentum maximi momenti terris BOhemia et Moravia per eum subactis, adiecturus. Cæsar autem Henricus, qui intenso et feruentissimo amore Boleslaum Polonia Regem propter eius heroica opera et ingenuas virtutes, diligebat, cum esset BOhemi plurimum iratus et infestus, Odalricum Nunciis BOleslai Polonorum Regis tradidit. Qui per illos in Poloniam ad Boleslaum Polonia Regem deductus, honesta custodia traditus per annos plures asseruabatur. Cuius captiuitate BOhemi et Moraui cognita, syncerius Boleslao Polonorum Regi parebant, nec unquam ausi sunt quicquam aduersi moliri, aut eius ditioni aduersari ~

DVPLEX malum, grandem perniciem mortalibus asserens, pestis vñ et famemes, ac Epidimie morbus non Polonorum tantummodo regiones, sed uniuersum ferè orbem, tam infesto languore inuaserat, vt sepelientium tædio viui adhuc spiritum trabentes, simul vnà cum mortuis et sepeliendis obruerentur ~

GREGORIO V. qui sedit annis duobus mensibus sex obeunte, cessauit Episcopatus diebus quindecim. Cui IOannes XVIII. natione Græcus in Pontificatum successit, et potius iuxta aliquarum Chronicarum assertionem intrusus est. Nec computatur inter Summos Pontifices, et non nisi mensibus decem sedit ~

Anno Domini 1005.

Ad Romnaldum virum Sanctum Anachoritam mittit Boleslaus Polonorum Rex pro aliquibus fratribus, qui duos ad preces Henrici Imperatoris misit, quibus cor Rex adiungens, locum vbi nunc Cazimira oppidum est, dedit, illosq; visitans & honorans dum

*semel magnam auri massam eis donasset ipsique
eam remisissent, latrones illud noctu auferre vo-
len, dum per supplicia aurum extorquere conantur
ab eis, illos in tormentis necant, et martyres Deo efficiunt.*

Floruerunt ea tempestate in Polonia Regno sex viri, religione et
vita insignes vzt BEnedictus, MATHAUS, IOannes, ISAac, Chri-
stinus, et BArnabas, BOleslaus siquidem Polonia Rex beati
Romnaldi celeberrimam famam audiens, misit ad illum magna rogans instan-
tia, ut sibi aliquos sui Cœnobii fratres in Poloniam remitteret, Polono-
rum gentem primitias fidei fauore Diuino consecutam, vitæ suo exemplo
atq; doctrina ædificaturos. Hanc quoq; petitionem Boleslai Regis
præsentiali Henricus Imperator apud virum Dei Romnaldum
tunc Piræo agentem, promouebat. Romnaldus autem nulli suorum id
præcipere auctoritate sua prælationis volens, transeundi in Poloniam aut
in Monasterio subsistendi in cuiuslibet arbitrio reliquit. Ignorabat siqui-
dem in re huiusmodi beneplacitum Dei, propter quod voluntati fratrum
illam relinquebat. Henrico tamen Imperatore obsecrante roganteq; duo tan-
tummodo ex omnibus reperi sunt, qui se ultro ad eundem in Poloniam prom-
ptos obtulerunt, quorum vnus IOannes alter Benedictus nominabatur, quos
ad se per nuncios suos perductos Boleslaus Polonorum Rex, velut DEI An-
gelos magna iucunditate excepit, atq; illis et quatuor aliis, MATHAEO, ISA-
ac, CHRISTINO, et BARNABÆ, genere Polonis, qui se illis coniunxerant, lin-
guam Polonicam illis impartituri, locum ubi nunc Cazimierz Oppidum in ma-
iori Polonia situm est, tunc quidem syluis et nemoribus undiq; oblitum, pro
suo incolatu consignauit, et illic pro numero habitationibus constructis, in ab-
stinencia arctissima, Anchoriticam vitam ducentes, Rege illos sustentante,
morabantur, et tam vitæ sanctimonia, quam verbo sanæ doctrinæ, magnum
in Polonia Regno profectum facientes, opinione et re celebres habebantur.
Nulla eis fuit possessio, nulla facultacula, largitione fidelium, nihil ha-
bentes, in communi aut in priuato alebantur. Vestis grossa et hispida,
cibus vilis et inconditus, qui duntaxat famem excluderet, per singulos dies
orationibus deuotis et ieiuniis intenti erant. CORpus non solum inedia
macerabant, sed insuper verbera mutuo cæterisq; disciplinis atterebant,
et Spiritui seruire cogebant. Ad hos non solum viri Ecclesiastici et sæ-
culares vulgusq; promiscuum accedebant, sed et ipse excellentissimus om-
nium virorum Princeps BOleslaus POLONORUM REX, illorum domicilia
et heremitoria frequentabat, maximaq; ex illorum conuersatione, vita,

merito, et doctrina, Polonis ædificatio sequebatur. Supernus et largissimus remunerator Deus, illorum volens premio afficere labores, Martyrii palam et lauream quam quasiuerant illos donauit adipisci. Boleslaus siquidem Polonorum Rex, deuotioni sua morem gerens, cum Comitatu Regio ad viros Dei venit, et aliquanto tempore in heremitoriis eorum quiescens, expletis orationibus suis discessurus, viris Dei pro leuanda eorum inopia et necessitate, massam notabilem auri, spectante et vidente comitatu suo donauit et obtulit. Qua etsi viri Dei se aliquatenus non indigere denunciassent, Regemque ut illam exciperet, et aliis applicaret vsibus precarentur, Boleslaus tamen Rex aurum semel Deo oblatum, humanis applicari vsibus ineptum et scelestum esse respondens, auro relicto commendans se et Remp. Regni sui Poloniae virorum Sanctorum Oronibus, discedebat. Insolitam autem auri possessionem viri Sancti abhorrentes, vehementem concipiunt turbationem et dolorem, turpe sibi odibileque Deo existimantes, qui mundum et omnia eius delectabilia in ætate virili relinquerant, cuiusque concupiscentias in eam usque diem calcatas peruicerant, auri portione in senio et tempore decrepito inquinari. Quo pacto, inquit, tanto subsarcinati auro poterimus pauperem Christum sequi, et sub prætextu elemosinæ illius occupabimur usu? nobis quidem in damnationem cæteris vero in perniciosum scandalum et ruinam. Consultatione itaque super his quid facto expediens foret habita, placuit tam Benedicto qui Semor Pater inter eos habebatur, quam residuis fratribus, quam celeriter et nulla mora interposita ad Boleslaum Regem Poloniae illud referri, et sibi quam primum præsentari. Decreto itaque cæterorum, Barnabæ velut ordine et ætate iuniori, qui exteriores solitus erat tractare causas, onus illud imponunt. Qui fratrum parendo iussioni, sumpta auri massa, capit ad Regiam Mtem properare; aurum Boleslao Polonorum Regi redditurus. Eo autem nec dum medium itineris emenso, nocte exitum suum ab heremitico loco subsequenti, nonnulli ex Polonis filii Belal, ardore auri quod per Regem fratribus illis oblatum viderant capti, adscitis sibi aliis in heremum clandestinè sub intempesto noctis tempore perueniunt aurum per Regem præbitum recepturi. Rabie itaque furiosa exagitati, velut furæ habitacula seruorum Dei antè mediam noctem pridie Idus Nouembris irrumpunt, et massam auri per Regem Boleslaum postridie oblatam viros Dei in cantu et Psalmodia occupatos, incunctanter dare præcipiunt, diram mortem nisi reddatur unicuique ex seruis Dei interminantes. Nec verbis contenti, sollicita curiosaque indagine omnes angulos et loca habitationum seruorum Dei, rimantur et perquirunt. His cum à seruis Dei responsum fidele et verax crebrò auditum fuisset, auro eos non indigentes,

aurum Regi remisisse, eò maiori furia insanaqz concitati, existimantes ser-
uos Dei falsa responsione et excusatione uti, et aurum illos in sabulo abdi-
disse, in viros Dei iam non probris aut contumeliis, sed ipsis verberibus
deserviunt, et unoquoqz compræhensio, varioqz ligamine constricto, illos ad
invicem segregant, et per tormenta varia, cuilibet singulatim vario cruciatus
genere adhibito, allicere se posse auri celati credunt confessionem. Tan-
tam autem præstitit Dominus Sanctis suis paciendi constantiam atqz virtutē,
ut omnes penè ore uno et conformi responsione profiterentur, aurum eis præ-
stitum Regi remisisse integrum, neqz se illatis pænis aut inferendis posse
adduci, ut in offensam Dei scienter mendacii reatu se polluerent. Testis
inquiunt, nobis est DEVS non eo respectu nos negare, ut aurum nobis quo
nunquam equimus remaneat, sed ideo ne falsa et mendax confessio credu-
litate vos, mendacii reatu nos conficiat. Latrones verò impii in unum
illos existimantes conspirasse responsum, fortioribus tormentis in viros Dei
tam diu debacchati sunt, quousqz inter ipsos cruciatus vario modo verbe-
ribus et flammis torti, deficientes, Spiritus suos Christo redderent. Cater-
uis Angelicis in aulas cælestes, et in trophæa Martyrum pro Christo pas-
sorum ab ævo præparata, inferendos. Thezaurum posthæc accurate
perquirunt, et cuncta quæ Cella virorum Dei habebant, evertunt. Sed postqz
nullus labori et facinori responderet profectus, ad obtegendum tanti reatus
crimen, utqz humana præsumptio non malignitate, sed casuali flamma id
gestum existimaret, habitationes Sanctorum Dei incendere, et ipsa pariter etia
cadauera conati sunt comburere. Sed admoti ignes perditis naturæ viribus
neqz cellis neqz corporibus aliquem poterant conferre contactum, ita enim sup-
positos ignes parietum quamuis ligneorum materies repellebat, iuxta ac si sili-
ces durissimi haberentur, Quo miraculo latrones exterriti in fugam conuer-
tuntur.

*Wladimiro Russiae Duce partito inter filios
Principatu, filius Iaroslauus rebellat. Qui ex do-
lore moritur filius autem rebellis per frēs Bo-
ris et Swiatopelkum pfligatur. Postea Swiato-
pelkus duos frēs causa domandi occidere iussit.*

D Vodecim filiis, quorum quatuor vzt Viszeslaum, Lsaclaum, Swiatopelku
et Iaroslauum ex prima uxore, et octo vzt Wszemoldum, Swiatoslaum,
Msczislauum, Boris, Hleb, Stanislauum, Poszwid et Svdislaum, quos
ex Anna sorore germana Basilii et Constantini Imperatorum Græcorum,

Bulgara, et Bohema, et alijs suscepit, Wladimirus Russiae Dux, abunde beatus et faelix, dum annis aliquot Russiae terras, tam Castris quam Oppidis et villis uehementer auxisset, ueritus ne se obeunte inter filios diracertamina super Russiae Principatibus consurgerent, filijs Regnum diuidit. Et Viszeslao quidem natu maiori dat Nouogrod, Isaslao Poloczko, Swiatopelkoni Tburon, Iaroslao Rostow. Sed Viszeslao fatis raptus, Iaroslao Nouogrod, Boris Rostow, Hleb Moronje, Swiatoslao Drzewian, Wsze, uoldo Wladimiriam, Msczislao Thimutbokan. Cateris uero filiis tribus natu minoribus, uiz Stanislaw, Poszwid, et Swdislaw, Kiuouien et Berestow Principatus non nisi morte sua in eos deuoluendos, reseruat. Verum Iaroslau cui Rostow cesserat unus ex filiis molestè ferens se à Kiuouien Principatu quem ambiuerat sequestratum esse, uenit in dolo cum gentibus suis et alijs precio conductis contra Kiuou, et creditus ab omnibus in pace uenisse, Castrum Kiuouien occupat, et Thesuros paternos in suam redigit ditionem. Quod pater Wladimirus acerbissime ferens, copias ex omnibus Principatibus quos inter filios diuiserat contrahit, cum filio Iaroslao pugnaturus. Quo Iaroslau comperto, mittit et conducit Pieczimegos et Wara, patri resistantiam facturum. Interim Wladimirus Dux et pater ex dolore, propter filii Iaroslai rebellionem et hostilitatem, proveniente, graui languore correptus, filium Boris exercitui praeficiens, contra Iaroslau mittit, ipse morbo inualescente paucis post diebus in Castro Berestow moritur, et in Kiuou adductus, in Ecclia beatae uirginis, quam ipse uiuens edificauerat, sub marmoreo lapide sepelitur. Confluxit autem ad honestandum funebria sua magna Ruthenorum multitudo, quae in sepultura planctum magnum edens, uociferabantur se patrem et liberatorem patriae, et fidei Christianae in Russia plantatorem immaturè perdidisse. Sed ignari patrem suum Ducem Wladimirum bi duo, filii Boris et Swiatopelk e uita excessisse, certamen cum Iaroslao et gente sua ineunt, et uictus Iaroslau cum Pieczimegis et Wara ad iutoribus suis, fugit, Swiatopelkus uero occupat Kiuouiam et rapit Principatum, altero fratre Boris paternae mortis luctui vacante. Et licet Dux praefatus Boris magna militum, ut Swiatopelko fratre pulso, Principatum Kiuouien ipse possideat, urgeretur importunitate, militum tamen instantias abnuens, respondit Swiatopelkonem fratrem patre absumpto, patris se culturum loco, nequequam aduersi illi unquam moliturum. Verum Swiatopelkus disparem gram fratri Boris referens, subornat Nouogrodenses uiros Belial, qui Boris Ducem in cubili suo orantem lanceis transfodiunt. Sed et Armigerum eius Gregorium natione Hungarum Dominum suum protegentem secum una necant. Mittit deinde Swiatopelkus ad alterum fratrem Hleb in dolo inuitans eum ad se, Sed à fratre Iaroslao nuper conflictu superato praemonitus ad occisionem

se vocari præsso gradu substitit, et magno eiulatu et patris mortem et fratris necem planxit. Veniunt tandem alii viri et Hleb Ducem absciso capite interficiunt. Corpora autem tam Boris quam Hleb in Kūow deducta, in Ecclesia Sancti Basilii in uno sepulchro tumulantur. Colit hos duos fratres Ruthenica Ecclesia et gens pro Martīribus et Sanctis, astruens illos nonnullis corruscare miraculis. Swiatopelkus vero Dux, paricidio duorum fratrum insignitus, in magnam erigitur superbiam, existimans se et ceteros fratres facile deleturum, et uniuersum Russia Principatum occupaturum. Principalium autem virorum qui Boris et Hleb occiderant, hæc sunt nomina, Prusza, Thalicz, Ielowicz, et Liasko ~

*Boleslaus Polonorum Rex, magna cura inuentos
Sctōrum occisores, ligatos ad Sctōrum corpora
mittit. A quibus in continenti vincula cecidere
& corpora Sctōrū Gnesnā transferunt, vno Scto superstite.*

Celerissima denuntiatione Sanctorum Dei Martīrum, Benedicti, Matthæi, Iohannis, Isaac, et Christini occisione, ad Regem Poloniae Boleslaum, qui tunc in Regia sua Gnesnā agebat, in crastinum perlata. Ea enim prouidentia eoque ordine Boleslaus Rex Regnum suum stabilierat, ordinaueratque, ut casus singuli, singulaque contingentia et nouitates propinqua et remota, Ciuiles et forinsecæ, ad eius nocti non parcendo perfererentur notitiam. Plurimum itaque de virorum Dei, quorum intercessione et merito, Regnum suum dirigi et prosperari feliciter credebat, de crudeli nece ingemiscens, mox cum omnibus militibus et familiaribus suis, quam ocyus potest equos conscendit, et peditum numero ex rura vicino in magna copia accersito, nemus in quo Sancti Dei habebant domicilia, in girum et ab omni parte corona circumdat et constringit: intelligens latrones post scelus in Sanctos Dei perpetratum, in nemore illo quod tunc ad miliaria aliquot tendebatur, ad latitandum locum delegisse. Obsesso autem nemore equites et pedestres frequentes, ad perscrutandum absconsos immittit, sollicito studio per se ipsum interim, ne quoquomodo effugerent, cautela adhibita. Verum etsi locus vastus, in longumque ut præmissus protensus difficilem malefactorum compræhensionem pollicebatur, tantam tamen Rex curam pro inuentione eorum intenderat, ut scrutatores cuneis inseparabilibus iuncti incedentes uno passu nihil in scrutatum relinquerent, et facile ad eorum cubilia peruenirent. Tota siquidem nocte per frutela nemoris, per latitudinem saltuum, per opacca sylvarum

viam qua euaderant anxii inquirebant, quam tamen nullatenus ex abundis
vestigis valuerunt reperire. Sed neque mucrones in necem Martyrum exer-
tos, brachiis arefactis poterant recondere in vaginas. Locus autem in quo
corpora Sanctorum iacebant, copioso lumine visus est splendere, modula-
ta quoque Angelici cantus suauitas, tota nocte illa in testimonium Sanctita-
tis Seruorum Dei, non desit resonare. Quibus compræhensis, neque enim
facinorum consciis repugnare erant ausi, manus militibus dare coacti sunt,
Boleslaus Rex maiorem super nece Sanctorum conceptum temperauit. An-
gebatur autem facinore inaudito, quod si aliquo casu non vindicatum pu-
blica ultione transisset, indignationem Diuinam, et obtrectationem huma-
nam sibi et Regno suo formidabat euenturam. Quali autem pœna illos
mulctaret non satis poterat prouidere, hoc tandem postremo decreuit, ut
nequaquam eos sicut merebantur variis tormentis excruciatos extingueret,
sed ferreis catenis vinctos ad sepulchra Martyrum destinaret, ut illic
vinculis constricti fame et inedia miserabiliter perirent, aut si propicia
Diuinitati et Sanctis Martyribus aliter videretur, ipsi eos sua misericor-
dia liberarent. **VI** cum ex mandato Regis ad Sanctorum tumulum fuis-
sent perducti, mox ineffabili Diuinitatis potentia, nexibus vinculorum
confractis, absoluti sunt. Sanctorum autem Dei corpora, quo amplior illis
honor fieret in Ecclesiam Metropolitanam Gnesnensem transferri, et singula
in una tumba, ad id specialiter adornata, recondi disposuit. Residuum
autem Sextus virorum Dei socius Barnabas, fratres et socios suos audiens
peremptos, inæstimabili maiore angustabatur, fletibusque multis infelici-
tatem suam lugebat, quod cum viris Dei societatem Martyrum non meruerit,
itaque sortem suam, ad heremitorium suum plenus dolore remeans, increpabat.
Quo cum peruenisset, et fratres suos variis affectos tormentis vidisset, tunc
quidem ampliori grauabatur cruciaturque luctu, quod se unum relictum
et desolatum, et illos palmam laureamque triumphalem videbat iam appre-
hendisse, Diuino tamen iudicio et illius benignitati, se et omnia committens,
aciebat. Absque tuo nutu Domine neque alitem cadere, neque folium ex stipi-
te defluere certum habeo, quanto magis et hanc occisionem fratrum meorum,
a qua me velut immeritum sequestrasti, sine tua voluntate nullatenus ac-
cidisse persuasissimum mihi est. Supplex tamen obsecro, ut me a tuo et
Sanctorum tuorum consortio non sequestres. Post hæc in cella de nouo constru-
cta abstinenter et orationibus arctis intentus, vitam in operibus bonis finiens
iussu et ordine Regis Boleslai fratribus et sociis suis appositus est. Ex-
tant nunc in eodem loco quinque Ecclesie, in cuiuslibet cella et oratorio, in vene-
rationem et memoriam singulorum deuotione fidelium edificatae, quem quisque
Sanctorum locum pro oratorio et loco in vita habuerat, protestantes ~

MARTIALIS Plocensis Epus cum annis duobus et viginti in Plocen
Ecclā sedisset diem obiens in Plocen Ecclā sepultus, Martinum primum
ad petitionem Boleslai Poloniae Regis, per Benedictum septimum prouisum, ha-
buit successorem, virum conspicuum nobilitate, natione Romanum ~

Excedente è vita IOanne XVIII. quoniam tantummodo mensibus decem
Ecclā Romana praefuit. Gilbertus natione Gallicus, et qui Syluester se-
cundus appellatus est in Summum Pontificem promouetur ~

Smogorzouiensis seu Wratislauien' Ecclesia' Epus Urbanus vita eo anno
excessit, et in villa Smogeszow secundum aliquos in villa Riezow, sepultus
est. In cuius locum Boleslao Rege petente à Clero Wratislauien' electus
est, Clemens primus Italus genere et nobilis, et à Benedicto septimo con-
firmatur ~

Anno Domini 1006.

Historia erectionis Monasterii Sctae Crucis in
monte Caluarie, et unde lignum Dni fuerit ibi allatum ~

Nepos ex sorore germana Adleyda Mieczslai olim Polonorum Ducis,
et frater amitalis Boleslai Regis, Rex Stephanus in Hungaria Prin-
cipatum tenebat, vir mirae in Deum deuotionis et religionis. Cuius quo-
quē Sanctitas multis et euidentibus prodigijs atq; operibus illustrata erat,
cum ex consorte legitima Gissela Henrici primi Imperatoris sorore germa-
na filium procreasset. Emericus illi nomen dedit. Quo ad virilem aetatem
traducto, uxorem illi ne successio sui sanguinis absumeretur coniunxit. Sed
is miro in Deum amore accensus, non audens paternis recalcitrare Imperijs,
uxorem quidem suscepit, sed caelibem virginemq; vitam, et corpus ab om-
ni carnali et libidiosa corruptella purum seruare decreuit. Unde uxorem
suam pro sorore ducens, et nunquam illam attactione maritali cognoscens,
non solum in virginitate ipse permansit, sed et consortem suam virginita-
tem custodire usq; ad diem mortis adduxit, ut merito quisq; duo ingenua
corpora, delicias diuiciasq; mundanas, et omnia quae prima mortales ducunt,
habentes, difficillimo religionis genere, nihil à Martijrio distante, caelum
stupeat rapuisse. Vir igitur Dei Emericus ad Patrum et cognatum
suum Boleslaum Poloniae Regem, deserta Regia, solitus erat crebris vicib;

frequentare, et plura tempora in Polonia absumere, et a visione communionis neque parentum et uxoris sequestratus, facilius suggestiones Diabolicas et carnis stimulos extinguere, et deuotioni suae operam daret. Bolelaus autem Poloniae Rex, singulari Ducem Emericum nepotem suum prosequetur charitate et amore, quem non solum nexu sanguinis, sed et ipsa virtutum clara probitas faciebat tam Regi quam suis militibus amabilem et gratiosum. Quodam itaque tempore Bolelaum Regem venationibus in syluis circa oppidum Kieleze sitis insistentem, et Ducem Emericum in societate habentem, contigit in iugum Alpium quae Caluariae vocantur, et quibus Poloniae Regnum vix altiores habet, ceruum insequentem deuenire. Vbi ceruo omisso, ruinas veterum habitationum, quae diluuium vniuersali et temporum antiquitate in Saxorum molem, qualem et hodie cernimus dilapsae fuerant, ceperunt mirari. Locum enim illum ferunt quondam habitationem et arcem Cycloperum et virorum fortium fuisse, et illic incolatum suum aliquanto tempore tenuisse. Vir itaque Dei Emericus Spiritu Diuino instinctus, et ut aliorum quorum habet credulitas et assertio, visione noctis praecedentis doctus, locique singularitate et vetustate delectatus, conuenientissimum locum illum pro seruis Dei solitariam vitam professis astruit, et indignum ut sine hominum eiusmodi incolatu debeat esse. Rogat deinde affinem et Patruum suum Bolelaum Poloniae Regem, ut pro Dei honore et fidei Sanctae augmento, animarumque remedio et salute, illic Caenobium Monachorum erigat et constituat: stabilius feliciusque Regnum, postquam illum a terreno solui contingeret, in caelestibus pro huiusmodi Sancto opere habiturus. Cumque ad id Bolelaus Poloniae Rex facilem et ultroneum liberali et Regio animo praeuisset consensum, Dux Emericus sua se petitione et desiderio videns potitum, in magnam exultationem prorupit, et primum Deo deinde Bolelaum Polonorum Regi gratias agens, mox crucem bifurcatam portionem notabilem Domitici ligni continentem, modico argento obductam, parenti suo Stephano Hungariae Regi a Graecorum Caesare pro magno munere transmissam, quam vir Dei Emericus in pectore ex patris largitione gestare consueuerat, exemit, illique loco, ita enim visione monitus fertur fuisse, donat. Hoc inquit preciosissimum lignum saluatoris nostri cruore conspersum, et quo charius nihil habui sed nec habiturus sum, huic loco dono: propicia Diuinitate virtute sua, omnibus in necessitatibus, praesuris, angustiis, grauaminibusque constitutis, plurima beneficicia largiturum. Bolelaus itaque Polonorum Rex sponcioni suae satisfaciens anno eodem Monasterium Sancti Benedicti illic erexit, et Regali munificentia dotem illi congruam et sufficientem consignauit, ac fratres Deo sub habitu et Regula Sancti Benedicti militaturos inducit. Ecclesiam quoque sub honore et titulo Sanctae Crucis a fundamentis inicians,

Cracorum more et lapidibus construit et consumat, locans et recondens lignum preciosissimum DOMINICUM per beatum virum Emericum largitum in eadem Ecclesia, cuius conditio et qualitas in hanc diem perdurans, longævam eius testatur annositatem ~

GAVDENTIVS qui et alio nomine Radzim nominabatur germanus beati Adalberti Archiepiscopi Gnesnen, cum annos septem in vitæ Sanctimonia et Pontificatu Gnesnen exegisset, apud Gnesnam moritur, et in Gnesnen Ecclesia sepelitur. Fertur hic moribundus in Gnesnensem Civitatem ob multitudinem immamum scelerum, quibus coinquinata erat, nec eo monente pænitere voluerat, anathema protulisse. Nec incassum transit quod vir Dei prædixerat, à Brzetislao siquidem Bohemia Duce et suo exercitu, ut in sequentibus narrabimus, Cazimiro Poloniae Rege in Almania exulante, inuasa, calamitatem et cladem ingentem pertulit, et nobilissima sua claudia opesque plurimas, quibus ad invidiam usque abundauerat, amisit. Huic Hippolitus genere Italus successit ~

Anno Dñi 1007.

Boleslaus Rex Poloniae Illustris Odalricum cum Bohemiae Ducem captivum liberat & in Bohemiam remittit. Qui fratrem ex carcerat & in Polonos & Ravitas amicos Regis servit ~

Captivitati calamitatiq; Odalrici filii Boleslai Bohemiae Ducis, quam aliquanto iam tempore in Polonia pertulerat, Boleslaus Polonorum Rex pia miseratione compassus, cum quod illi sanguine et affinitate propinqua iunctus esset, tum quod pluribus sponsonibus à fide et devotione atque officio Boleslai Regis se nunquam discessurum lachrymis et iureiurando interposito asseuerabat, à captivitate soluit, et equis, familiaribus vestimentisque, et plurima Regali suppellectili, exornatum vestitumque in Bohemiam remittit. QUI ex carceribus beneficio Boleslai Regis Poloniae in libertatem vindicatus, omnium quae Boleslao Regi spoponderat, et beneficii quod illi præstiterat oblitus, in Bohemiam reuersus, præsidia quae à Polonis tenebantur exturbat, et plerosque Barones Regi Boleslao fidem temerare nolentes, et signanter Vrsouicem quorum genus Boleslao Poloniae Regi fide sincera adhasisse noscebat, peremit, bonorum oblatione mulctat et proscribit, adeoque in Poloniae Regem et suos servire cepit, ut lachrymas

quas in conspectu Regis profuderat, gaudio videretur proiecisſe. Nec his contentus suspectam habens germani fr̃is L̃aromiri societatem, nimis Principandi flagrans desiderio, eundem fratrem L̃aromir captivat, captumq; innocenter et nullo præcedente excessu aut demerito, quo firma Ducatus Bohemiæ in eum solum recideret successio, utroq; oculo excæcat et priuat, crudelitatis suæ munimenta in fr̃em germanum et innoxium deprompta, præſenti et futuræ ætati, non sine suo et posteritatis suæ dedecore relinquens.

Fames, pestis, et lues miserabilis non in Regno tantum Poloniæ, sed penè per uniuersum orbem fuit. Quæ clades multos mortales absumens multas vrbes et colonias desertauit.

Anno Dom̃i 1008.

L̃aroslavus Russiæ Dux fr̃em Swiatopelkonem fratricidam profligat & Kiou ac, cipit Swiatopelkone in Poloniam fugiente.

FORTI frequentiq; exercitu ex Ruthenis et Warajis L̃aroslavus Russiæ Dux comparato, contra Swiatopelkonem fratrem, hostiliter procedit, duorum fratrum germanorum communium vr̃t Hleb et Boris, in digna nece ab eo peremptorum, mortem ulturus. Cui cum Ruthenis et Pieczimedis, Swiatopelkus circa Castrum Lubiecz et flumen Dniepr occurrit, et flumine Dniepr utrumq; exercitum diuidente, trimestri spacio statiuat illic, uno alterum propter medianas undas inuadere non audente, habita sunt. L̃aroslavus tandem flumine Dniepr cum omni suo exercitu superato, Swiatopelkonem et exercitum eius inter duos lacus consistentem, subito et insperatè inuadit. Exercitus autem Swiatopelkonis hostium armatorum et expeditorum, inermis ipse, aduentu perculsus, in lacus frigore hyemali congelatos ex tabernaculis diffugit. Vbi glacie fragili violata plures numero sorbentur ab undis, reliqui ab L̃aroslao et exercitu eius, aut trucidantur aut captiuantur. Swiatopelkus autem vix manus hostiles euadens, præcipiti cursu in Poloniam effugit, et ad Boleslaum Polonorum Regem se conferens, supplex sibi ferri contra fratrem L̃aroslavum auxilia, plurima offerens, plurima pollicens, expetiit. Capit autem L̃aroslavus Russiæ Dux Swiatopelkone et exercitu eius profligato Castrum Kiou, tradentibus se illi Kiouiensibus, et sedit in Principatu Kiouien' habens annum ætatis suæ vigesimum octauum.

*Boleslaus Rex Poloniae Swiatopelkonem resti-
tuens breui omnem Russiam conquirat. Iarolla-
um bis profligat & Kioum acceptam Swiatopelko-
ni restituit Iarollao ad Nowogrod fugiente. Swia-
topelkone autem imperium Regis non ferente &
milites Polonos clam necante, Rex id resciens
Civitatem diripit, ac cum duabus sororibus prae-
dicti Swiatopelkonis ac multis Ruthenis in Poloni-
am triumphans reuertitur, erectis tribus columnis
aereis, pro gadibus perpetuis in flumine Dniepr.*

Praecipuis bellatoribus et militibus ex Polonia Regno Boleslaus Po-
loniae Rex in grandem exercitum coactis, Praefectisque qui ordi-
nes ducerent, et Millenariis, Centurionibus, Quinquagenariis, et De-
curionibus, caeterisque qui agminibus praessent legitime ordinatis, Setegio ve-
ro Cracouien Palatino Principe Militiae constituto, terram Russiae, Swia-
topelkonem Ducem expulsum restitutus, potenti brachio ingreditur, plures
incursiones, spolia, praedas, et iniurias, quibus Regnum Poloniae Rutheni cre-
brius vexabant vindicaturus. Agmen autem uniuersi exercitus Boles-
slai Regis et Praefectorum praecipua cura adeo instructum regulatumque erat,
ut et stare sequique, et in ordines coire, et quicquid posceret necessitas, age-
re prouum esset. Russiam itaque Boleslaus Poloniae Rex ingressus, uniuersas
eius Ciuitates et oppida sine resistantia aliqua capit et conquirat. Neque
enim pro ea tempestate aliqua Ciuitates munitae habebantur, rarusque mu-
rorum usus apud Ruthenos erat, sed etsi Ciuitates aliquae Principales fre-
quentiam habebant Cluuium et Domorum, haec tamen solo naturae situ aut
lignorum struibus pro muris et mœnibus aedificatis erant debiliter firmatae.
Omnes itaque Ciuitates Russiae Boleslaus Poloniae Rex capiens, et militibus
in praedam tribuens, arces dimittebat inconquisitas, uidens illas pro sui conqui-
sitione non modicum temporis, cuius apud eum magna erat caritas et aesti-
matio, absumpturas. Celerissimo itaque cursu, Russiam spoliis et incendiis, nul-
lo resistente conficiens, ad Ruthenorum terram Wolbinen, quae nunc Lucen
appellatur, peruenit. Postquam autem Russiae Duci Iarollao, qui tunc
voluptati et solaciis deditus, bamo pisces in fluuio Dniepr, quorum fluius
ipse magnam aedit abundantiam, piscabatur, Boleslai Polonorum Regis, ci-
tus et velox aduentus denunciatus fuisset, tunc quidem subito, pauore per-
cussus, bamo quem manu gestauerat in terram proiecto, nihil inquit haecenus
hoc bamo opus est, neque ut pisces compræbendamus, sed qualiter hosti

occurramus, curandum, ne hostis infesti et potentis effusionem sanguinis nri
sicientis, hanc inuoluamur. Congregatis itaqz multiplicibus ex Ruthenis,
Varajis et Pieczymedis copiis, Boleslao Polonorum Regi ad fluvium Bug
occurrit, transitum illius si posset prohibiturus. Absumptis itaqz ad ripas
fluminis Bug ab utroqz exercitu diebus aliquot, fiebant inter exercitus ex-
cursiones, et certaminis mutua praeludia, tandem ad universae dimicationis
discrimen primum globis et impropere acta re, eo disceptatio ex parvo
(ut fit) momento excanduit, ut iam a multis per saxa, iacula, et sudas,
res agi capta sedari nequiret. Erat Laroſlao Russiae Duci suus alumnus,
nomine Budi, plurimum charus, et omnium consiliorum Et negotiorum Laro-
slai consultor, moderator, et director, qui in altera ripa consistens, multis
impropere Boleslaum Poloniae Regem et exercitum suum irritabat, nunc
meticulosum nunc crasum Boleslaum Poloniae Regem appellans: astruens
se illius crasum visum, si in aciem prodire auderet, confossurum. Qui-
bus contumeliis Boleslaus Polonorum Rex provocatus, contione aduocata mi-
litum, prudenti usus oratione, ne suam et Regis sui ignominiam aequo animo
tolerent, sed armis expeditis, illico in praelium prodeant, hortatur. Uniuerso
itaqz exercitu velocissime armato, Boleslaus Polonorum Rex primus flui-
um Bug insiluit, quo superato Ruthenos trepidantes et suos in arma vocan-
tes inuadit. Mirificum hinc inde accensum est certamen adeo, ut ad omne
experientiam fortunae veniretur, et quamuis aliquantis horis fuisset hinc in-
de pugnatum, ad ultimum tamen Laroſlaus Russiae Dux cum uniuersis suis
copiis contritus et profligatus est, et cum quatuor tantummodo comitibus Kiu-
uiam effugit. Ingens caedes tunc a iusta ira edita est, sed et multi ex Ru-
thenis, Pieczymedis, et Varais capti, Castris etiam hostilibus magnae opulen-
tiae exercitus Polonicus potitus est. Laroſlaus Dux in Kiuuia consistere
ne a suis proderetur non ausus, in paludinoso loca diuertit, futurum, ut
erat, ratus Boleslaum Poloniae Regem se persecuturum, et locum quo se repone-
ret obseſurum. Ab exploratoribus autem et fugitiuis Boleslaus Poloniae Rex
Laroſlaum Russiae Ducem, ex ipsa Principatus sui Arca Kiuuia doctus effugisse,
tanto ocius ad Kiuuiam promouet exercitum, et aliquot statiuis illic appli-
cans, Urbem ad vada fluminis famosi Dniepr sitam, situ et populo diffusam
et amplissimam, eaqz tempestate famosam (cuius magnitudinem opulenti-
amqz, etiam nunc ruinae, et tricentarum vel citra Ecclesiarum semidiruti
muri, protestantur) undiqz cingit, et tam terrestri quam nauali loco eam
obsidione coartat: providens omni studio et cautella, ne quid ad illam posset
importari, sciens tanta multitudini quae illic erat inclusa, et quae ex pluri-
bus Russiae oris se illic tutam consistere putans defluerat, alimenta pro-
pectum defutura. Oppugnationem itaqz Verbis, leuibus quibusdam

infestationibus ostendens magis quam exequens, finalem eius conquestione
 in aliquantum tempus differabat, sperans se illam sola fame, absque periculo
 et interitu militum consecuturum. Nec eum opinio fefellit, pluribus enim in Vr-
 be obsessa vel fame extinctis vel inedia maceratis, traditur Boleslao Polono-
 rum Regi Civitas. Quam in splendore armorum eques et ense nudato cum
 expeditis militibus, aliquot agminibus eum praecedentibus et subsequentibus
 ingressurus, in portam per quam primum intrabat, et quae aurea ab incolis
 vocabatur, forti brachio mucronem vibrans impexit, et illam in sui medio
 diuidens et perseindens signum triumphale suae captivae et victoriae illic
 reliquit. Ac deinde ad arcem Ducalem diuertens eam capit, ac uni-
 versam suppellectilem et Thesaurus Ducales adeptus, militibus pleraque in so-
 latium dedit, et Smiatopolkonem Ducem Russiae in sedem Kiiouien, a qua
 depulsus erat, restituit. Praestantioribus autem militibus Boleslaus Polono-
 rum Rex circa se relictis, caeteram omnem multitudinem, iam enim hyems
 appropinquabat, ad hyberna distribuit, Smiatopolkone Duce Russiae Polono-
 rum militibus affatim providente et de comatu et de vestitu. Cognoscens
 autem Jaroslaus Dux Russiae Polonorum exercitum ex Kiiow in hyberna de-
 ductum esse, et Boleslaum Polonorum Regem cum paucis in Kiiow remansisse,
 congesto exercitu clandestine versus Kiiow transiit, Boleslaum Polonorum
 Regem quacunque arte aut ingenio occisurus. Boleslaus autem Polonorum
 Rex denunciato sibi Jaroslai et hostium aduentu, armis correptis equum illico
 conscendit, militesque se sequi et in ordines ire iubet, ordinatoque exercitu
 et flumine Dniepr superato, Jaroslaum et exercitum eius in altera parte flu-
 minis agentem statim inuadit, fitque acerrima pugna, et vincitur Jarosla-
 us a Polonorum Rege, et omnis militia Jaroslai aut tunc cecidit, aut in Polo-
 norum Regis Boleslai potestatem viua venit. Jaroslaus autem paucis equis
 innitendo in Nouogrod fugiens peruenit, ubi ex nimio pauore et dolore conster-
 natus non audens consistere, Boleslaum enim Polonorum Regem ad se pu-
 gnandum illuc verebatur venturum, ultra mare disponebat fugere. Quem
 Nouogrodenses non solum retinent, sed pauentem et dubium rebus suis, et spe
 altiori reficiunt, et ut nouus exercitus contra Polonorum Regem instaurari
 possit, ut quilibet agrestis quatuor mardures, Nobilis quinque marcas, Capita-
 neus decem marcas soluat, decernunt. Certatim itaque magna pecunia con-
 gesta, Varas in sui auxilium conducunt, Boleslao Polonorum Regi nouum
 bellum illaturi, totus enim apparatus ille bellicus Jaroslai ex pauore recen-
 tis cladis in auras euanuerat. Boleslaus deinde Polonorum Rex, Her-
 culem illum fortissimum, qui in finibus Hesperiae duas columnas fabrica-
 uerat, imitatus, tres et ipse in flumine Dniepr ex solido ferro columnas,
 quae in hanc usque diem permanere asseruntur, pro gadibus perpetuis in eo

loco ubi fluvius Szula miscet se fluviio Dnjepr, locat, et in flumine Solaua in occidente tres postea locauit, triumphales suas victorias et Polonorum terminos apud posteros testaturas. Sedit autem Boleslaus Polonorum Rex in Kiuom multo tempore, et parebant Ruthenorum Proceres, nobiles, et uniuersae gentes eius imperio atq; ditioni. Verum Suiatopelkus Russiae Dux parum sensatus, Boleslai Polonorum Regis diuturnam moram aegre ferens, aliquos Polonorum milites in hybernis commorantes clam aut ipse interficit, aut interfici a suis disposuit. Qua iniuria Boleslaus Polonorum Rex iuste permotus, militibus suis et uniuerso Polonorum exercitu ex hybernis reuocato, Cluitatem Kiuouensem Suiatopelkone diffugiente dat militibus in praedam, Castra Russiae redigens in suam ditionem. Rapinis non prius temperari iussit, donec omnes Ruthenorum Kiuouenq; fortuna, felicitate diuturna cumulatæ per Polonos fuissent agestæ. Ex eo autem tempore Kiuouia, etsi per varios Principes reparata fuerit, Urbisq; Ducalis dignitatem obtinuerit: accepta tamen tunc ruina, posteris signa profert. Duas deinde sorores Suiatopelkonis et Iaroslai Ducum Russiae, vtz Przeczlauam et Msczislauam, item Boiarios et Proceres magis insignes captiuat et vincit, vt obsidum essent loco. Onustus tandem Ruthenorum spoliis, pluresq; ordines captiuorum ex Ruthenis secum ducens, in Poloniam pluribus Castris Russiae forti militum Polonorum praesidio imposito, remeauit. Anastasium Ruthenum, qui se illi dolo insinuauerat, Thesauris suis in fidelem Thezaurarium et Seruitorem, praeficiens ~

Ex pacto cum daemone inito Syluester secundus Papa, multa alia ad votum tandem et Papatum asecutus, moriturus quædam memoria corporis sui pœnitens praecidi iubet, Ioannem decimum nonum habuit successorem.

Syluester Papa secundus, cum annis quatuor, mense uno, diebus decem, sedisset, rebus eximitur humanis. Hic primum Floriacensis Cœnobii in Aurelianens' Diocœsi Monachus fuit, sed relicto Monasterio, Diabolo promittenti si se illi totum traderet, quod pro voto omnia habiturus esset, omagium fecit. Cum Dæmone autem super suis desideratis frequenter colloquens, in tantum apud Hispalim Cluitatem Hispaniae studendo profecit, vt maximus in doctrina habitus, Ottonem Imperatorem et Robertum Regem Francia, pluresq; alios haberet adiutores. Ambitiones deinde suas Dæmone prouebente, primum in Remensem, postea in Raenaten, postremo in Romanum Pontificem promouetur. Dum autem a Dæmone quaerens quanto tpe

victurus esset, acceperat responsum, quam diu non celebraret in Hierusalem tam diu eum victurum esse, supramodum gaudens est: sperans se longe abesse a fine, sicut longe absuit a peregrinationis in Hierusalem ultra mare voluntate. Et cum in Quadragesima in Basilica Sanctae Crucis in Hierusalem Romae sacrificaret, ex strepitu daemonum sensit sibi mortem adesse, et suspirans ingemuit. Et licet sceleratissimus esset, de misericordia tamen Dei non desperans, reuelando coram omnibus scelus suum, membra omnia quibus Deo seruierat iussit praecidi, et truncum exanimem, super bigam poni, et ubicunq; illud iumenta perducerent et sisterent, illic sepeliri, quod et factum est, sepultusq; est in Basilica Lateranen. Et in signum quod misericordiam Dei consecutus fuerit, sepulchrum eius tam ex tumultu ossium quam ex sudore praesagium est Papae morituri. Cui Iohannes XIX. natione Thuscus successit ~

Anno Domini 1009.

*Iaroslauum Russiarum Ducem cum omni potentia
Poloniae Regnum ingressum Boleslaus Rex
per remissum exercitum strenue pugnante profligat,
& onustus praeda ac spoliis reuertitur il.
Visque Ecclesiam Gnesnen & alias octo ornat.*

EX RUSSIA Boleslaus Polonorum Rege cum grauib; et insignib; spoliis in Poloniam remeante, Iaroslauus Ruthenorum Dux, quem armis et virtute superare desperauerat, astu et dolis vinci posse credebatur. Notabili autem ex Ruthenis, Polonczis, Pieczygniensis, et Varajis, ceterisque nationibus exercitu collecto, egressum Boleslai Regis cautissime observabat, suaq; et sui exercitus agredientis pedatentim et latenter insequabatur vestigia: in finibus terrarum exercitu Boleslai in diuersas oras distracto, irruptionem factururus. Arbitrabatur siquidem Polonos, more conditionis humanae, quod et auro et argento ceterisque spoliis quam maxime ditati et subsarcinati erant, et coniuges, liberos, ceteraq; pignora longo tempore non viderant, celeri passu domos suas petituros, et Regem cum paucis relicturos. Callido autem salis suo ingenio, etiam euentus ad spem respondit, Boleslaus enim Poloniae REX victorem se, Iaroslauum vero Ducem Russiae, qui tanto tempore ignauiter se in latibulis absconderat, pro victo reputans, ad fluuium Bug perueniens, exercitui ut sua quisq; loca peteret licentiam dedit, iamq; amplissima pars sui exercitus deflexerat, cum Iaroslauus Ruthenorum PRINCEPS

à Speculatoribus cum numero et copioso exercitu nunciatur adesse, illic enim Boleslaum Poloniae Regem consecutus erat, doctus à suis exploratoribus exercitum Boleslai defluxisse, et defluxurum amplius esse. Boleslaus autem Polonorum Rex, ut erat vir animositatis et fortitudinis raræ insignis, nihil hostium aduentu perculsus, plerosque milites qui non procul recesserant reuocat, et cum hostibus quantacumque potentia præditi decernere statuit: urgebatur enim Ruthenorum impetuosa inuasionem. Eugam autem turpem sibi et exercitui suo magis quam mortem execrabatur, intelligens Ruthenos fuga sua animatos, interiora Regni sui penetraturos, et hostiliter in omnes sæcuros. Sed et per irruptionem Ruthenorum, claritatem et titulos superiorum suarum victoriarum apud gentes et nationes subactas et subigendas, amarius morte ducebat obscurari, et præberi illis occasionem et audaciam contra suum imperium calcitrandi. Sed et in eo se loco à Iaroslao Duce Russiae occupatum videbat, ex quo exercitus suus residuus non nisi victor recipi posset, prius tamen quam ad congressum cum Rutheno veniret, alloquendos sibi milites, et ad pugnam incendendos ratus, hæc apud illos facit verba. **P**robitatem vestram o milites in pluribus bellis et periculis retroactis frequentius expertus, ad certamen cum hostibus qui nobis multo plures numero sunt ineundum, cum aliud honestas agere dissuadet, vos duco, verbis meis nihil quidem vram virtuti adiecturus, verum ea quæ imminet, quæque verisimiliter contingere possunt commemoraturus. Hostem enim cernitis et suapte et nostris prouocatum armis infestissimum, disolutione defluxioneque exercitus nostri, qui neque collegi absque euidenti clade nostra, neque reuocari sine periculo potest, ceruicibus nostris imminentem, et de victoria gloriabundum. Is si honeste in libertate uiuere volumus, si penates nostros, si liberos et coniuges seruare, si partis victoribus gloriari, et subiectas nationes sub iugo et tributo detinere, si denique Russiam ipsam tributariam nobis facere, et opima spolia atque captiuorum mancipia ex ea relata possidere libet, ferro armisque hostis numero quidem magnus sed animo imbellis et ignauus submouendus est, et inanis spes reportandæ victoriæ, qua iam inflatus superbit et tumet, vestris dextris eripienda. Quid enim proderit Bobemos ac Morauos uicisse? illosque ditioris nostræ fecisse, cæterasque nationes in circuitu debellatas humiliasse? si Ruthenorum armis victi, ab hoste timido fugati et debellati, singulis quæ virtute quæsiuimus exuemur? Fines Regni nostri propagaturi, bellum Ruthenis indiximus, nisi tamen hinc victores euadamus, amittimus propagatos. Ego in Cælestium confisus auxilio, spero me vestra virtute die hodierna insignem victoriam ex hac hostium multitudine relaturum, meisque superioribus victoriis famosum et clarissimum titulum huius victoriæ

euentu adiecturum, spe optima plenus optime vos sperare iubeo, quæ si non
 subasset, necessitas tamen quæ maximum et ultimum est telum stimulare nos
 deberet. Quocumque enim nos vertamus o Milites, ad extrema peruentum
 est, fugæ enim prædas nobis præsertim hostiles uehementibus nulla facultas,
 et circumfusus undique hostium copiis, et nos impigre obseruantibus. Deditio ve-
 rò hostibus perpetuam uilitatem et turpitudinem nomini atque generi nostro inure-
 ret, Auxiliares uero ex Polonia præstolari copias, eorum esset qui certaminis
 possent declinare discrimen, at nostra paucitate hostes conspecta præpeti in
 prælium armantur feruore. Vni itaque uirtute non possumus, necessitate supe-
 riores euadamus, Cura igitur mortis et uitæ præsentis circumscripta unus,
 quisque uestrum ruat in hostem, iugulum hosti perfracturus magis quam præbi-
 turus, paucorum annorum accessio unumquemque uerum non moueat, nam et si
 nunc seruabimur, expositi tamen nihilominus peste morbo uel casu aliquo su-
 mus morituri. Hac cohortatione incensi militum animi, gloriosam mortem
 potius se subire malle, quam de prælio pedem referre, magnis acclamationibus
 protestabantur. Quos ut alacres et plenos bonæ spei Rex uidit, ex templo
 signa tolli iubens ducit, in hostem et pugnam conserit, equis et hastis velocis-
 simo cursu concitatis. Rutbeni ut inferri sibi prælium, contra ac erant ra-
 ti uiderant, plurima admiratione percelluntur paucitatem in multitudinem
 circumferri, primos tamen impetus sustinentes, magno et ipsi animo ex spe
 dudum concepta bellum gerunt. Verum tempore procedente, uidentes Ruthe-
 ni suorum numerositatem diminui, et Polonos ad extremum casum paratos maio-
 rem quam pro numero eladem, Boleslao Rege unumquemque ex nomine cohor-
 tante, adidisse, spe priore extincta (cadentibus enim prioribus ad se eæ-
 dem quisque non ambigebat peruenturam) pedem referunt, quanta tamen pos-
 sunt ui, abundante multitudine resistunt, audaciores pugnatiorisque Polo-
 nos faciebat necessitas, cum nullam uiderent, nisi per ferrum tantis cir-
 cumfusi hostibus, spem euadendi. Verum Boleslaus terribiles eos perpendens,
 suis si paululum admittantur uictoriam denunciat, nec Regis atque Ducis
 officio contentus cum militibus qui eum obseruabant prælio se infundit, aci-
 esque hostiles sensim cedentes ad extremum perumpit, prosternit, et dissol-
 uit, manus et vires exhibens prælio, et contra hostes fortiter pugnans, pro-
 uidentiam tamen boni Ducis non mittebat, sed ubicumque consilio opus erat
 accurrens bellum et bellantes adiuuabat. Et cum Mars magis magisque
 crudesceret, nunc cohortatione, nunc stricto gladio, nunc feriendo, nunc sau-
 cius recentes substituendo, dubium effecit plus ne sapientis Imperatoris ar-
 tibus, an fortis militis opera, pro consequenda uictoria uideretur: suisque ce-
 leriore uictoriam largitur, triumphalem et magnam uirifortis in ea pugna
 effectum magis quam uoto gloriam consecutus: omnia enim erant tumultus, fugæ,

et timoris plena. Dux ipse Ruthenorum Jaroslaus crescente pugna, suos
deteriore loco et in fugam versos conspiciens, Ducalibus ne proderent fugi-
entem abiectis, equos mutando, persequentium Polonorum manus fugiendo, qua-
sit. Omnis autem illa hostilis multitudo, aut praelio occubuit, aut viua
in Polonorum manus venit, paucis qui itinera magis occulta ex communi cur-
su diuerterant, saluatis. Tanta autem Ruthenorum caedes tunc adita fer-
tur fuisse, ut fluvius Bug occisorum inebriatus sanguine, fluorem suum per
certa spacia rubrum produceret, et Rutheni ex regionibus longinquis, ad
reperienda suorum charorum cadauera in certaminis locum aduenientes, pla-
nitiem uniuersam stratam multitudine funerum vident, crebras eorum conge-
ries contemplati, a quaerendis iis quos ad sepeliendum venerant, difficulta-
te quaestionis arcebantur. Capta aliquot signa militaria, impedimenta
ferè cuncta cum sarcinis militum et equorum complura millia compræbensa,
et in deditiōnem accepta, memorabili gladiis et virtute militum praelio con-
fecto, et eade quàm maxima in Ruthenos et ceteros qui illis auxilia tu-
lerant Boleslaus Polonorum Rex adita, in Poloniam non iam solum cum
prædis et Ruthenorum spoliis, sed cum captiuorum cuneis feliciter re-
grediebatur. Cui per loca transitum facienti processioni et exceptio-
nis omnium ordinem velut glorioso Athleta et victori honor exhibebatur.
Ex spoliis autem Russiae primum honorauit Ecclesias omnes Regni sui Ca-
thedrales, dando unicuique Ecclesiae magni ponderis Clenodia, in Ecclesi-
am tamen Gnesnensem, illic enim coronationis suae agebantur solennia, illic et Re-
giam magis usitatam habebat, liberalitate fuit profusior. Quae quidem
insignia et magni precii Clenodia, etiam in hanc diem Gnesnensem Eccliam ob-
tinet; trophea Boleslai Regis per ea succedenti ætati innouans et ostendens.
Deinde ex eisdem spoliis milites quos vidit in bello enixius meruisse, de pu-
blico honorauit, et cuncta huiusmodi spolia Regia liberalitate distribuit,
largitione huiusmodi singulo premians, et animosa corda in altiora strenuita-
tis opera inflammans, mirator amatorque rerum excellentium, auri verò et
opum fallacium nisi pro necessitate contemptor ~

IOANNE Papa XIX. qui sedit mensibus quatuor diebus xx. mortuo
Ioannes vigesimus patria Romanus, e regione portæ Metropolitanae, sufficitur,
et cessauit Episcopatus XIX. diebus ~

Anno Domini 1010.

Monasterium Szezechouien' fundatur et dotatur.

217

Boleslaus primus Rex Poloniae Chabri, id est potens, animosus appellatus, videns multiplicia beneficia Diuina et in se et in Regnum suum exercuisse, beneficiis ipsis pro sua virili munificentia Regali responsurus, aliud Claustum Monachorum nigrorum, sub Regula beati Benedicti degentium in praedio et villagio viri nobilis Setegi, a quo et villagium ipsum Sziecziechow nomen accepit, de consensu ipsius Setegi ad fluvium Visla in terra Sandomiriensi in loco amano et saltuoso, fundat, erigit, et fabricat, eique in dotem certas villas Regias et introitus consignat. Locum autem ipsum et Visla diues iam aquis non longe a Monasterio praeterfluit, et aquae aliqua ambiunt, quae stagnando lacus efficiunt. Contulit autem tunc in dotem praefati Monasterii Setegius Comes et fundum et villas duodecim, ex post vero Henricus Dux Sandomiriensis, item Iaxa Comes, item Martinus Comes, item Comes Krzivosand et alii Proceres Regni plures villas, nemo tamen in dote tam munificus quam Boleslaus Poloniae Rex, qui ratione supremi iuris maiores redditus ex villa qualibet percipiebat ~

*Swiatopelkus a Iaroslao Russiae Duce bis
profligatur, tandem moritur. Iaroslauus vero
victor, per Boleslaum Chabri Poloniae Regem
Castra per eum consecuta non audet repetere.*

Superiori anno clade apud fluvium Bug Iaroslauus Russiae Dux accepta, anno insequenti novum congregat contra Swiatopelkonem Ducem Russiae ex propriis et auxiliariis exercitum, et vadit contra Kiom Cui Swiatopelkus occurrens, in loco in quo suo iussu Boris occisus fuerat inito certamine, vincitur et succumbit. Et non audens ad Boleslaum pro auxilio recurrere, ad Pieczimiegos diuertit, et contractis celerrime copiis reuertitur. Swiatopelkus in Russiam in fortitudine magna, et occurrit illi Iaroslauus Dux cum exercitu suo. Et statim circa fluvium Olham positus, in loco ubi a Swiatopelkone Boris occisus erat, in alterius diei aduentum certamen differunt. Quo adueniente (erat enim dies Veneris) sole oriente congregantur, et praeualet Iaroslauus et exercitus eius, et Swiatopelkus fugit victus, et venit in Brzeschie, quod a Boleslao Poloniae Rege et suo Praefecto atque Praeside tenebatur. Exinde vero clementia Boleslai plurimum fidens, in Poloniam procedebat: noua auxilia ad restituendas suas calamitates a Boleslao Polonorum Rege petiturus, sed in itinere repentino correptus languore moritur, et a comitibus suis in loco deserto et ignoto sepelitur. Post cuius mortem Iaroslauus Dux pacificum apud Kiouien tenuit Principatum, et inter

Russiae Duces praestantior habebatur, Boleslaus Poloniae Regem super
Castris Russiae, quae in potestatem suam receperat, nullo pacto potentiam
suam pertimescens audens quomodolibet impetere vel molestare. Posse-
dit autem Boleslaus Polonorum Rex et successores sui Castra, Oppida et
fortalicia tunc sub Rubenis conquesta, et ea per Praefectos et Capita-
neos suos administravit, Magnam quoque terrarum Russiae portionem tunc
armis quaesitam prope Kiowse protendentem in suam ditionem et Regni
Poloniae potestatem perpetuam subegit.

Anno Domini 1011.

Brzetislaus Dux Polocen, sub Iaroslao patruo
suo Kiouien Duce Ducatum Nouogroden oc-
cupat. Quem postea Iaroslao recuperat, & sin-
gulari certamine ex pacto cum Duce Koschobori
en, inito, eum sibi cum omnibus suis subiecit.

V No aduersario suo scilicet Smiatopelkone Russiae Duce fugato atque
extincto, alter Iaroslao Russiae Duci aduersarius consurgit, et pro fra-
tre nepos succedit. Bretislaus enim Dux filius Lsaslai Ducis de Po-
loczko, congregato de suis Polocensibus et Varais exercitu vadit contra No-
uograd et occupat illud, et universo Nouogroden Ducatu in suam ditionem
et Praefectis illinc dimissis in Poloczko ad sedem priam rediebat. Cui Ia-
roslaus Kiouien Dux, hereditaria sorte Ducatu vult Nouogroden se exutum mo-
lestè ferens, ad fluvium Svdomir occurrit, et certamine duro inter utrumque inibi
praevaluit Iaroslao, et caesis plurimis, Bretislaus victus refugit in Poloczko,
Ducatumque Nouogroden Iaroslao recuperat, et spolia reducit. Vadit posthac
Iaroslao Dux Kiouien contra Rededa Ducem de Koschobori illum sibi sub-
iecturus, et singulari certamine victum (ita enim inter Duces et eorum exer-
citus conuenerat, ut Duces potius quam exercitus congrederentur, victusque pa-
reret victori) regionem gentis Koschobori sibi subiecit, tributumque imposuit.

Anno Domini 1012.

*Boleslaus Rex Poloniae, ne militum animi ocio
hebetarentur Saxoniam ingreſsus illam popula-
tur et vaſtat, nemine resistente et ad flumi-
nem Solawia columnas ferreas propagibus fimbriisq; Regi erigit.*

R Vthenico bello Boleslaus Poloniae Rex perfunctus, ad alia bella obeun-
da, ne animi militum ex quiete hebetarentur, animum conuertit, indo-
mitisq; usq; ad id tempus Saxonibus, bellum infert. Acturus autem
in Saxones expeditionem omnes copias ex singulis terris urbibusq; Regni sui,
dudum et in primordio Regni sui per illum delectu habito ordinatas et con-
scriptas, conuocare iussit. Habebat siquidem unaquaq; Urbs Capitalis
Regni sui, designatum numerum, quot vlt et quantos milites in bellum gene-
rale mittere deberet: propter quod facile poterat Rex virium suarum aesti-
mata potentia, aut bellum abnuere aut inferre. Collecto itaq; exercitu vni-
uerso, Saxoniam ingreſsus, Saxones sibi occursuros, et certamen secum
praesumebat inituros, eoq; respectu et milites ire in ordines, et a signis nun-
quam discedere iubet. Postquam autem ab exploratoribus certior factus
est, nihil contra se hostes moliri, sed potentiam suam veritos, aut in nemo-
rum aut sylvarum lustra locaq; inuia se et pecus omnemq; suppellectilem
abdidiſſe, aut in Castris munitionibusq; fortioribus, caeteris debilioribus
ne hostibus praesidio essent concrematis, se continere. Milites in agros, Op-
pida, et villas se diffundere, et populationem longe lateq; extendere, quo ami-
plior terror accideret hostibus, iussit. Itaq; oram Saxoniam usq; ad flu-
uium Albim qui et Labia dicitur, perambulans vastansq; et populans vniuer-
sa, nullamq; expertus resistantiam, humiliatis Saxonibus regrediebatur. Cum
autem ad flumi-
nem Solawia alias Solaua qui Saxoniam medius interfluit perue-
nisset, columnas ferreas in ripa fluminis illic figens, terminos gadesq; Re-
gni sui Poloniae posuit. Poloniae q; a terris Almanorum locatione huiusmo-
di ferrearum columnarum determinauit, et ut titulum victoris triumphato-
risq; pacifici, et fines Polonicae Regionum testarentur.

I OANNE XX. Papa mortuo, qui annis quatuor et amplius sedit, in Ba-
silica Sancti Petri sepulto. Sergius III. vir castae vitae et conuersationis
Sanctae succedit, natione Romanus, qui sedit annis duobus, et mortuus
in Basilica Sancti Petri sepultus est. Cui Benedictus VIII. natione Tu-
sculanus succedit. Iste Benedictus panis purgatorii afflictus, rogauit
per quendam Epum cui apparuit, ut Ioannes XXI. successor suus aperta
theca, quandam pecuniam inuentam, erogaret pauperibus, eo quod prior pe-
cunia de rapinis collecta, sibi non proderat. Quod et fecit.

Anno Domini 1013.

*Pomeraniam Casubiam ac ceteras Prouincias
olim Polonorum, quibus viginti Duces p̄erant Bolesla:
us Rex recuperat, illosq; tributarios et feudales facit.*

Domitio humiliatisq; Saxonibus Boleslaus Polonorum Rex turpē sibi
suoq; nomini ratus, si singulae regiones olim a Polonis possessae et po-
pulatae, a quoquam alio quam a se possiderentur, reuocat in animum
regiones ad mare Septentrionale sitas, Pomeraniam quoq; inferiorem, Ca-
sубiam et ceteros Cismarinos tractus, quos etiam Slavi nunc incolunt, pro-
pter suorum Principum indignam necem, per Popiel tunc Polonicum Re-
gionum Monarcham a muribus corrosam procuratam, diuturno iam tempore
a corpore Regni Polonici et eius obedientia, alienatas abstractasq; fuisse.
Propter quod exercituum suorum potentiam in oras illas deducens, quasdam
ferro et expugnatione, quasdam beniuolentia et liberalitate, ceteras metu
et aliarum exemplo, in suam redigit ditionem. Dominabantur autem tunc
in illis viginti Principum a Popiel extinctorum nepotes. Quos Boleslaus Po-
loniae Rex de sanguine Regis sciens creatos esse sibi consobrinos, innata
tractauit munificentia, et singulis liberalitatis suae dona tribuens, nihil si-
bi de eorum Principatibus et Regionibus praeter feudalem obedientiam et sub-
iectionem reseruauit. Rem non contemenda honestatis ponderisq; existimans
si Regnum suum Poloniae et suam integritatem resumeret, et frequentiam
tot Principum feudalium et subiectorum haberet.

*Boleslaus Polonorum Rex Mieczslao filio
suo nuptias sumptuosas Gnesne celebrat.*

Mieczslauum filium suum Boleslaus Poloniae Rex, et virginem Rik-
szam, neptem Imperatoris Othonis, eidem dudum desponsatam, vi-
dens ad annos nubiles peruenisse, solenni Curia apud Gnesnam
indicta, vicinis Principibus, Proceribus, ac Satrapis, Primisq; Poloniae
congregatis accersitisq; nuptias magnifico apparatu filio suo unico Miecz-
slao celebrat, et virginem Rikscham illi coniungit. Quae hactenus in Re-
gia a matre Mieczslai Iuditha iuxta ac filia materna charitate fouebat,
tu R.

Anno Dñi 1014.

Scisma in Ecclesia Dei exortum.

Tertius Cracouiensis Ecclesie Archiepus Lampertus cum annis decem et nouem pie modesteq; Cracouiensem sedem gubernasset, in etate matura ad horam extremam perueniens moritur, et in Ecclia Cracouiensi sepelitur. Summus autem Pontifex Benedictus VIII. vacanti Ecclie Crac' volens de idoneo pastore providere, Boleslao Polonorum Rege instante, virum probitatis spectata, licet in lingua Polonica imperitum proponem nomine in Crac' Eccliam ordinauit. Mortuo siquidem Sergio Papa quarto, qui sedit annis duobus, et apud Sanctum Petrum sepulto, Benedictus VIII. natione Tusculanus patre Gregorio in Papam electus successit. Hic fuit Papatu electus, et in locum suum alius quidam intrusus, propter quod magnum Scisma exortum fuit in Ecclia Dei, aut propter malam vitam eius, aut prauum ingressum.

Crusziensis siue Wladislauiensis Ecclie Epus Mauritius eodem anno fato extinctus, Marcellum per Ioannem XXI. Papam ad instantiam Poloniae Regis prouisum habuit successorem.

Henricus in Regem Romanorum coronatur.

Henricus secundus Romanorum Rex et Bauariae Dux collecto nobili exercitu descendit in Italiam, a Cluitatibusq; Italiae debito honore susceptus, et nullam resistantiam aut aduersitatem passus, Romam pacificus et inclitus venit. Vbi post aliquos tractatus inter eum et Papam Benedictum VIII. interpositos, in Ecclesia Sancti Petri coronatur, et ab eodem Benedicto Imperialem accepit benedictionem. Qua perfunctus paucis diebus in Vrbe commoratus in Almanniam est reuersus.

Msczislauus Dux de Timothokani bis Iaroslauum fratrem Ducem Kiuouien' bello superat et sedem eius Kiuouien' occupat, quam postea fastidians eidem restituit prater spem singulorum hominum.

Nonus filiorum Wladimiri Ducis Russiae Msczislauus Dux de Timothokani, Kiuouien' sedem sibi usurpaturus, comperato non mediocri ex Kosaris et Koschois exercitu vadit contra Iaroslauum fratrem suum.

Ducem Kiiouensem. Et licet Iaroslauus Kiiouien' Dux in sui auxilium Du:
cem Worabimorum Iakui vocasset: duplici tamen certamine fortuna tanta
profligatus succubuit, et Kiiouenses in Msczilai victoris ditionem conce:
dunt. Is post victoriam clementior atqz modestior, sedem Kiiouien' qua'
quaesierat fastidire cepit, missisqz Legatis qui Iaroslauum fratrem promissa
securitate reducerent, venientem benigne excepit et compellat. Repete
inquit frater, quoniam natu maior es, et tibi ex frequentiori respectu debe:
tur, sedem Kiiouien', et ea pro tuo libito quiete utere, quam iure belli quaesi:
tam victor victo aequo animo restituo. Itaqz pacificatione reconciliationeqz
huiusmodi praeter spem omnium inter fratres celebrata, Dux Msczislauus in
Czernieiom abiit, Dux vero Iaroslauus sedem Kiiouien' repetiit, quam tamen
per se administrare non ausus, per Praefectos administravit

Anno Domini 1015.

*Boleslaus Poloniae Rex Prussia ingressus
illam tributariam Regno Poloniae facit, &
in vnam Prouinciam redigit, et gader pomit.*

Vicinis Regionibus, quas ab origine Poloni, qui et Slavi, populauerant,
in suam ditionem, et in unum Poloniae Regni corpus, vnam Monar:
chiam per Boleslaum Poloniae Regem victoriosè redactis, rebantur
se Polonorum milites decaetero ab armis et militia quieturos. Verum BO:
leslai Polonorum Regis pectus, laudis et gloriae avidum, quietisqz impatiens
nouum bellum orditur, et in Pruthenorum gentem, ad eam diem bello intacta
expeditionem indicit. Omnes autem veteranos milites in huiusmodi bellum ar:
mat, sed et magnum Tironum numerum ex universo Regno suo et Prouinciis
sibi subiectis, conscribit, collectisqz potentiis et ordinato exercitu versus
Pruthenorum regionem procedit. Est autem Pruthenorum terra (ut in su:
perioribus narrauimus) ad septentrionem sita, quam fluuii Visla et Ossa a
Prouinciis Regni Poloniae determinant, Oceano etiam mari in plerisqz locis
confrontata, duobus fluminibus Visla vlt et Memel, quorum alter ex Polo:
nia, alter ex Russia manat, insignis, et in octo regiones distincta. Qua:
rum vna vocatur Pogeza, altera Nauctaga, tertia Szama, quarta Madre:
ua, quinta Schaloua, sexta Svdoua, septima Galinda, octaua Barthia.
Et quoniam pro ea tempestate pauca habebat oppida, et haec ipsa tantummodo
naturali situ, aquis vlt et paludibus circumsepta, Castrorum insuper om:
nis ex lignis esset fabrica, Boleslaus Poloniae Rex facile Oppida Prussiae

et nonnulla Castra in quibus se barbari abdiderant, conquirit, et Romo-
uam sedem Pruthenorum principalem, Item Zalgam, Radzim, facta op-
pugnatione capit, captaque iubet aut dirui aut incendi. Pruthenorum
autem Primores, videntes se suis viribus contra Boleslai Regis Poloniae po-
tentiam nili non posse, Caduceatoribus missis parci patriae, quae tota spoliis,
et incendiis flagrabat, petiuerunt, deditiōem se facturos, et tributum pen-
suros, ac in potestate Regis permansuros se promiserunt. Boleslaus au-
tem Rex Poloniae, ut erat animo ad compatiendum afflictorum calamitati pro-
no, petitioni eorum annuens, et Praecipuos Pruthenorum ad se venientes comi-
ter pertractans, deditiōem eorum suscepit, tributumque singulis annis fisco
Regio pendendum imposuit instituitque, et agrum Pruthenicum vastari pro-
hibuit. Et tunc primum Prussia in Prouinciæ formam redacta, et armis Bo-
leslai Regis subacta, Regno Poloniae cepit esse subiecta et tributaria. Po-
suit et tunc Boleslaus Rex Regni sui Poloniae in fluvio Ossa qui Prus-
siam Poloniamque determinat, perpetuas gades ferream vult columnam in flu-
minis medio, quartale militaris ab oppido Rogozno, unde et villa ad gades
huiusmodi sita, Stup a' columna vocabatur. Et licet Cruciferi temporis
processu occupata terra Chelmen, ferream etiam columnam, vel gades huius-
modo abolerentur sustulissent, et molendinum muro erexissent, Stup ta-
men usque in hanc diem appellatur. Siquidem Boleslaus propagandi fi-
nes Regni sui Poloniae, et ne unquam propagati confundi possent, cupidine
ardens, diuturnitatis causa statuas ferreas in oriente et occidente Septen-
trioneque locauit. Herculis imitatus morem et exemplum, putans illarum moni-
mentum perpetuo duraturum esse ~

Anno Dñi 1016.

*Boleslaus Polonorum Rex solus causas audire
iustitiam administrare, superbis resistere, paupe-
ribus assistere, et eis victum ministrare solebat ~*

Silentibus bellis externis et hostibus in circuitu Regni Poloniae
armis aut etiam aquis conditionibus summotis, Boleslaus Polono-
rum Rex ad res Urbanas et domesticas Regni sui bene gerendas
animum intendit. Omnis autem praecipuaque sua cura in causis pauperum
et viduarum audiendis, promouendis expediendisque, si composito sequi non
poterat, per iudicia versabatur. Quibus adeo intentus erat, ut solus et per se,

ne fraus in administranda iustitia, aut dilatio committeretur, illis præ-
sideret. Quamvis autem tunc rariore extarent iniuriæ, oppressiones
et querelæ, quippe cum metus omnes superiores iuxta ac inferiores, in æqui-
tate et observantia legum contineret. Non patiebatur tamen Boleslaus
Polonia Rex ad audiendas tam maiores quam minores causas solos præ-
sidere iudices, sed illis aut solus præsidere solebat, aut si illum aliorum
negociorum Regni sui auerterebat cura et expeditio, in locum suum viros
timoratos, integros, et iustitiæ zelatores, surrogabat, qui summo per eum ca-
uebant providebant, ne eorum decisio sententiaque ab æquitate et iustitia
abhorreret, cum prudentissima sanctione Boleslai Regis scirent eum, si
quæ partium quereretur se gravatam esse, processum uniuersum examina-
turum, et quod præter æquitatem aut contra leges pronunciatum fuisset,
non sine eorum repræbensione et ignominia retractaturum esse. Omni-
bus insuper viduis, pupillis, orphanis, et rusticanae tenuisque sortis homini-
bus præsentiam suam cum querelis aduentibus, Prolocutores, Syndicos,
et Procuratores, ex fisco suo Regio salariatos deputabat, rigide mandans
et providens, ut solerti scrupulosaque diligentia ad curandas promouendasque
viduarum, orphanorum, et pauperum causas intenti essent. Interim au-
tem cum causas huiusmodi coram se aut iudicibus suis tractari continge-
bat, tam actori quam reo et cuiuslibet conditionis homini mensam suam pa-
tere voluit, et unicuique iuxta qualitatem fortunæ, liberaliter victum mi-
nistrari. Qua quidem iustitiæ victusque administratione, singulos diuites
iuxta ac pauperes adeo demeruerat, ut paterno ab omnibus magis quam
Regio coleretur affectu, et virtutum sua præconia longè lateque manarent.

Mieczslao Duci filius Cazimirus nascitur.

CTavo Calend' Augusti Rikschæ Poloniæ Ducissa consors Ducis
O Mieczslai infantem pulcherrimum enixa est. Cui Aui sui Boleslai
Regis Poloniæ mandato nomen in Baptismate impositum est Cazi-
mirus, quod idiomate Polonico significat iubens pacem ~

Sub huius autem anni tempore, tremor terræ in Poloniæ Regno accidens,
prodigii loco habitus est ~

Anno Domini 1017.

*De variis virtutibus & praesertim clementia Bo-
leslai Regis & Iudithae Polonorum Reginae &
exemplum de quibusdam damnatis nobilibus*

EXiguam et semiplenam virtutem iustitiam Boleslaus Poloniae Rex sine misericordiae comitatu iudicans, tanto moderamine inter iustum saevumque iudicem et misericordem Principem se partitus est, ut damnati damnandique et rigorem iustitiae eius extimescerent, et clementiam eius crebro experti de salute sua bene sperarent. Et quamvis Rex ipse in singulis misericordiae visceribus affluens, Reus Legumque praevicatoribus se facilem et liberalem praestaret, legitima tamen consors sua Iuditha Regina, spectata virtutis femina, clementiam Regis efficiebat sagacitate industriaque muliebri magis celebrem et illustrem, et ut utriusque opera notiora fiant, unum quod illo tempore gestum ad posterum manavit, memoriae causa subiiciamus exemplum. Nobilium nonnulli filii a patrum institutis moribusque degenerantes, dum facultatibus propriis lascivius quam sat erat utuntur in paupertatis sortem fuere delapsi, Quam cum moleste ferrent, priorem fortunam resumpturi, ad spolia rapinasque animum intendunt. Verum facinus eorum dum reiteratione alii, quanta proditum vulgatumque fuerat, iussu Regis capti, et sceleris praedationum facile convicti, sententia Regis et Consiliariorum, capitalem poenam subituri, neci adiudicantur. Quorum immatura morti et viridi aetati prudentissima Regina compatiens, Rege inconsulto nec petito, in secreto abditoque loco paucis consociis asseruari illos fecit, opportuno tempore vitam illis restitutura. Dum autem iuxta morem Boleslaus Rex cum Consiliariis super negociis Reip. Regina forte praesente sermonem diutius protraxisset, damnatorumque pridem ab eo nobilium filiorum, quos credebatur dudum extinctos, mentio incidisset, subeunte poenitentia animum Regis, capit Rex crebra ingeminatione verborum pro desideratis affligi, asserens dolori non parvo sibi esse, quod tam insignes et ingenuos adolescentes, ad obeunda belli munera aptos, et qui patriae ornamento potuissent esse capitali sententia damnasset, et facinus patratum adolescentiae fragilitatque eorum non condonasset, praesertim cum eorum damnatio caeteris superstitibus de eorum Domino et Familia cecisset in ignominiam et sugillationem. Ac postremo sub intulisset se non solum damna passis singula resarciturum, sed et largam amplamque donationem, si iuvenes huiusmodi multa capitali et infelici cruoris effusione non damnasset, praestitutum fuisse. Tum Iuditha Regina propositum animi executura, sciscitatur a Rege

quantum inquit tibi esset gaudium, et qua id appenderes statera, si quis
cælicolarum suo suffragio et merito, representares illos tibi viuificatos?
Ad quam Rex, quamuis, inquit, id impossibile reor esse, tamen si Diuini-
tas cui hæc et ampliora licent, quod suggeris concederet, nihil tam charum
tamque preciosum me possidere polliceor, quod pro viuificandis occisorum fu-
neribus non largiret, ut non tam necati uiuerent, quam genus eorum, ex ini-
iusta ipsorum damnatione infamia careret. Incensum ad misericordiam
pectus Regium quæstione sua, et ad parcendum proclive Regina intelli-
gens, Tribunali Regio, cum Baronibus Consiliariisque uniuersis, ueniam de-
precatura damnatis, prosternitur, dirigensque ad Regem plurimum admi-
rationis concipientem, et quid nam post iam effusos sermones rogatura esset
hesitantem, verba inquit. Nihil Clementissimè Rex ad reddendam
vitam damnatis cælesti opus est præsidio, tu ipse calamitosiis damnatisque
clementia tua Regia eam præstare potes. Ex media enim morte raptos,
et ne in hanc diem iuxta pronuntiationis tuæ Decretum ceruices eorum
plecterentur, seruatos oculuisse me profiteor, facinusque meum non teme-
ritate aliqua sed muliebri compassione admissum, primùm mihi ignosci, dein-
de vitam damnatis donari supplex cum his omnibus, qui mecum una ad-
uoluentur scabellotuo, depono. Eo et enim respectu hoc factum egi, ut ha-
beres quibus parceres, et quos post damnationem et mortem, quasi ex quo-
dam Archeronte in vitam, non sine Clementia tuâ admiranda diuulga-
tione, reuocares. Bolelaus autem Rex supra modum exhilaratus,
et in admirationem versus, ex Throno desiliens, Regiam ex humo ele-
uat, et in eius ruens amplexus, pietatis furtum per eam sagaci dolo com-
missum, multipliciter extollit et commendat. Cunctis autem qui aderant
rei huiusmodi nouitate in stuporem conuersis, certatim de pietate, saga-
citate, probitate, et industria Regiam laudantibus, Rex iuuenes neci
addictos, parum uerbis Regiæ fidens, iubet sibi celeriter præsentari. Ex
locis autem in quibus conditi erant adducti, primùm Regiæ per ipsam uer-
bali correptione admoniti præsentantur, quæ demùm illos uelut vita eo-
rum conseruatricem, ad conspectum Regium perducens, ignosci illis et eorum
transgressionem aboleri supplicabat. Bolelaus autem Rex, qui iam pri-
us ad ignoscendum se pronum obtulerat, et qui iam non esset ad deli-
cti vindictam præceps, coniugis præcibus expugnatus, exorabilem se conti-
nuò ad indulgentiam præstitit, pœnamque cui ex demeritis fuerant obnoxii il-
lis remisit, non erat enim apud Bolelaum labor iste difficilis ut ignosce-
ret supplicanti. Itaque uerba primùm ad illos facit, quod nobilitatis suæ
obliti, pluribus sceleribus genus suum fœdassent, et claris imaginibus suorum
prædecessorum, quos nomine et uirtute extollebat, caliginem magnam operibus

suis obduxissent. Et hos quidem qui ætate prouectiori erant, asperioribus verbis mulctans, adolescentiores verò in balneum deductos, et in sui præsentia virgis leuiter cæsos, tandem culpa relaxata, vestibus nouis indutos quo honoratiore essent, in ades proprias absq̃ labe decætero victuros remisit, per expressum illis interminans, nec se ullo modo posthac placari posse, si eos in eadem vel paria crimina recidere contigisset. His pluribusq̃ aliis munificentia et pietatis suæ operibus, clementiam suam longè latèq̃ diffundens, plus amore quàm metu quosq̃ suos subditos in iustitia et æquitate, legumq̃ et legitimorum institutorum obseruatione continebat, concisè et breuiter obiurgatos, deinde blandè ac cum commiseratione admonens. Quem admodum autem Abigail eloquentia ab irascentis David gladio seruauit virum illæsum, sic et huius Reginae prudens industria, et nobilium filios ne interirent prouidit, et Regem Boleslaum consortem suum pluribus reddidit admirandum et gratiosum: cū qui per libram et examen iustitiæ plectendi et damnandi ultimo supplicio fuerant addicti, clementia eius ad preces et intercessiones Iudithæ Reginae liberati fuissent ~

IUDITHA Regina consors Boleslai Poloniae Regis graui infirmitate correpta moritur, et in Gnesnensi Ecclesia iusto honore tumulatur, fœmina religiosa, benigna, et deuota ~

Anno Domini 1018.

Iaroslauum Russiæ Ducem cum magno exercitu in Poloniam ingredi volentem Boleslaus Rex ad fluuium Bug profligat, et fugat, Russiamq̃ ingressus omnia ferro atq̃ igne peruasat etc.

Ruthenorum Princeps Iaroslauus molestè ferens terræ suæ et Metropolis Ciuitatis Riouiensis vastationem expugnationemq̃, superioribus annis per Boleslaum Poloniae Regem factam, se quoq̃ et exercitum suum ad fluuium Bug grandi strage profligatum et humiliatum dolens, latens et tacitum parabat bellum, tam proprios milites armans, quàm alios finitimos conducens, opportuno tempore illud Boleslao Poloniae Regi, ad detergendam eladis suæ ignominiam apud fluuium Bug acceptam, illaturus. Boleslaus autem etsi iam pridem de hostili in se Ducis Ruthenorum animo,

à Præsidibus Capitaneisq; suis, et ab exploratoribus illuc missis, certus erat, aliquanto tamen tempore ab armis se continuit, Ducis Ruthenorum animum existimans posse et tempore et sua patientia sanari. Postq; autem cognouit Ruthenorum Principem ad inuadendum Regnum suum Poloniae arma induisse, et cum forti exercitu Regno suo quotidianis stadiis propinquiorem fore, copias et ipse suas, quas in euentum hostilis et futuri belli tenebat paratas, mouet, celeriq; passu in Russiam contendit, inferendum sibi à Duce Ruthenorum bellum repulsurus. Itaq; sub uno eodemq; tempore et Polonus Russiam, et Ruthenus Poloniam, adeo propere latenterq; ingrediuntur, ut alteri ignotus esset alterius ingressus et inuasio. Ad ripam tamen fluminis Bug è regione sitam uterq; consedit, et Castris positus, alter alterius aduentum cognoscens de futuro certamine in crastinum ineundo consulebat. Et Boleslaus quidem Poloniae Regem sacratius Dominicus crastinus dies à pugna distinebat: nolabat enim ob illius celeritatem praelium eo die committere, unde et milites in castris detinuit, et ne quid hostile eo die gereretur interdixit, verum prohibitionis eius exigua rei euentus et occasio, ut plerumq; in bello accidit, violauit ordinem. Media siquidem die desuper feruente sole et milite quiescente, serui cociq; Polonorum ad ripam fluminis aut equos balneantes potantesq; aut pecorum occisorum carnes abluentes, primum verbis deinde missilibus cum hostili exercitu in altera ripa stante, et illos prouocante, se laceßunt. Temporis vero processu adeo creuit inter contendentes pugna, ut clamore ab utrisq; sublato, uterq; exercitus ad arma se concitus moueret. Boleslaus itaq; exercitus uniuersus armis celerrime correptis equisq; consensis uniuersa acie in praelium descendebat, et quoniam hostes propter fluminis interiectionem nisi eo vadato adiri non poterant, periculo quod illis et ab hoste et à flumine imminabat nequicquam attento, ut erant armati flumen ingrediuntur. Quo Dimittate adiuuante superato, in hostes nondum plane armatos neq; sub ordinibus consistentes, sub vario pauore hinc illincq; vagantes, subitus enim eos visis Polonorum aciebus peruaserat pavor, irruunt, ac primas acies eorum facile dirumpunt, obtruncant et prosternunt. Suorum autem strage ad Ruthenos perlata, Dux ipse Ruthenorum ne uiuus in Polonorum manus ueneret, à suis fugam capeßere compellitur. Quo ex praelio discedente, reliquo agmini motus altior iniectus est, propter quod iam non praelio sed fugæ intendentes, Polonis victoriam concedunt. Mandante autem Boleslao Poloniae Rege, miles suus Ruthenos per aliquot militaria secutus, plurimos aut uiuos cepit, aut gladio extinxit, Dux tamen Ruthenorum et multitudo non magna, fuga euasit. Castris Ruthenicis et spoliis innumeris Polonus potitus Rege Boleslao concedente ea diripuit. Tandem Boleslaus

Rex Polonia cum signis victorialibus et infestis ad interiora Russia procedens, insigniora Russia loca, ferro, igne, et vastatione perdomuit, plurimaque Castra Russia, aut expugnat aut deditioe capit, tantoque discrimine Ruthenos tunc humiliavit et afflixit, ut et pacem petere a Boleslao Rege, et intra parietes se continere diffisi de armis cogentur. Boleslaus autem Rex, memorabili victoria potitus, pecore plurimo ex hostili terra abacto, aliisque spoliis onustus in Regnum Poloniae reuersus magna letitia excipitur, et honores illi Triumphatorii a singulis statibus et Ordinibus impendentur. Asserunt et alii belli Ruthenici quod anno praesenti per Boleslaum gestum est, aliam causam extitisse. Dum enim Boleslaus Poloniae Rex ex obitu consortis suae Reginae Iudithae viduatus, procos ad Ducem Ruthenorum Iaroslaum petendo sororem suam transmisisset, et Iaroslaus propter diuersitatem ritus, Nuncios vacuos remisisset, Boleslaus Poloniae Rex in magnam indignatione actus, bellum Iaroslao indixit, et munitionibus suis expugnatis, etiam sorore Iaroslai capta pro concubina abutebatur.

Anno Domini 1019.

*Tributo Ruthenis imposito Boleslaus
Polonorum Rex cum eis pacem facit, utique
turque erga Ruthenos captos summa gratia.*

In signi famosaque victoria Boleslaus Poloniae Rex ex Ruthenis relata, non in aliquam insolentiam aut pompam, ut qualitas naturaeque victoriae suggererat, prolapsus est, sed solitum humilitatis modestiaeque gradum obseruans, cunctis se exhibebat et aditu facilem, et in reddenda iustitia impendendaque largitione gratiosum et benignum. Sed et erga Ruthenos victos tunc aut captos, prae se magis quam victorem exhibuit. Nam Ruthenorum Principi per plurimas legationes eum interpellanti, et pacem modesto tributo imposito restituit, et singulos captiuos liberaliter remisit. Quae nimirum facilitate corda Ruthenorum adeo promeruit, ut virtutem probitatemque eius magnis celebrarent laudibus, et maximum illum Principem nulli comparandum vocabulo linguaeque sui Chrobry, quod etiam illi in multas successiones fuit et est perenne, nominarent. Ab eo insuper tempore Princeps Russiae et populi ipsius, ea tempestate locupletes et numerosi, modestia et virtute Boleslai Poloniae Regis magis quam armis deuicti, perseverabant in fide, et singula pacta cum Boleslao inita, accurata custodia explebant, neque addiderunt Boleslao superstitie de bello innouando, et iugo superimposito abiiciendo quicquam moliri, vntuersas

suas artes et conatus non dubitantes Boleslaum Poloniae Regem praestanti virtute et animo compraesurum ~

RIKSCHA Ducissa consors Mieczslai filii Boleslai Poloniae Regis iterum fecundata infantem parurit, cui nomen Avitum Boleslaus datum est. Qui tandem paucis tempore vivens immatura morte diem obiit ~

Boleslaus Polonorum Rex Castris pluribus in confiniis Regni erectis in eis excubias nocturnas per vices facere disponit ~

Prohibitus Boleslaus Poloniae Rex excursiones clandestinas a finitimis nationibus, in forma praedonum in Regnum suum frequenter factas, plures Arces in confinibus Regni fabricat, easque valido praesidio militum firmat, victualiaque pro eorum sustentione plurimis villis in circuitu iuxta cuiuslibet villae conditionem et qualitatem, imponit annis singulis pendenda. Haec autem datia a Polonis appellatur Stroza, quod militibus Regni fines ab hostibus custodientibus soluebatur. Decevit insuper plerisque villis, Colonisque earum et rusticis id officium demandavit, ut noctibus singulis excubias nocturnas per vices facerent, et voce sonora atque cantu fideles excubias se facere declararent. Qua quidem provisione ab eo prudenti consilio instituta, a successoribus vero suis parum prudenter abolita, effecerat, ut Regni Poloniae fines et termini, militibus qui eos observabant egregie tuebantur, nunquam possent impune ab hostibus invadi ~

Anno Domini 1020.

Liberalitas Boleslai Poloniae Regis in Ecclesiis, ob gratiam Divinitus illi concessa et solutio decimarum manipularium instituta ~

Multifarius et gratuitis domis Dei Solium suum et Regni sui Boleslaus Poloniae Rex videns propicia Divinitate firmatum, animum ad religionem resque Divinas convertit. Non ignorabat siquidem ex universis Principatibus Poloniae cum praecedentibus, neminem tanta quantaque se tulisse trophea, tantasque divitias successus felices et gloriam, talem insuper industriam

prudentiamque habuisse, qualia et quanta in se unum collata fuerant. Videbat præterea Principatus sui fulgorem ultra cæteros Reges et nationes magnificatum esse. Quare volens de amplissimis beneficiis Dei, gratum se ostendere, et illis aliquanta vicissitudine respondere, Ecclesiis tam Cathedralibus, quam aliis inferioribus à genitore suo Duce Mieczslao erectis et fundatis, Oppida villas et prædia pro ampliori illarum stabilimento et dote, munifice et largiter tribuit et donauit, pluresque Parochiales Ecclesias in villis vicisque, quæ sub suo et patris sui tempore erectæ fuerant, construxit et fundauit, vasisque aureis et argenteis, in ministerium et cultum Diuinum necessariis Ecclesias singulas sed præsertim Cathedralis adeo ornauit locupletauitque, ut liberalitatem suam in Ecclesias Dei abunde effusam, multa sæcula testantur. Decimarum autem manipularium pro Ecclesiis et ministris Dei in vniuersis Principatibus suo Imperio subiectis, solutionem nullatenus passus est, aut varietate aliqua diminui, aut in dubium aliquatenus reuocari, sed mandauit decreuitque illam esse perpetuam et perennem. Varia ultionis Diuinæ flagella, filiis, nepotibus, successoribusque suis interminans, si per quempiam illorum præfatarum decimarum contingeret redditionem intercipi, transmutari vel rescindi. Gladius insuper Regalis potentia à Domino concessa, non pro sua ambitione et in aliorum iniuriam, sed pro Dei beneplacito mollem iniquitatis assidue in quibuslibet subditis Regni sui euellendo et destruendo, utebatur, teterrima nonnullorum compescendo facinora.

Excessit e vita eo anno Thimoteus Episcopus Posnaniensis, et accepta in Posnaniensi siue ut aliis placet in Brandeburgensi Ecclesiæ sepultura, Paulinum primum Italum, à Bonifacio VII. Boleslao Rege potente confirmatum habuit successorem.

Anno Domini 1021.

Boleslaus Polonorum Rex etsi in confiniis Regni Castra militum præsidio prouiderit, solus tamen in eis degens nonnunquam nocturnas excubias obibat, constituens per custodibus Castrorum de quolibet manso mensuram siliginis et aliteram auenæ per colonos illis tribuendam.

Diuinis sacrisque rebus Boleslaus Poloniae Rex religiosa et prouida ordinatione in Dei honorem et fidei Sanctæ Catholicæ incrementum compositis, rebus etiam publicis Regni sui, et præsertim oris et Castris in confiniis Domini sui positis, et hostilibus terris confrontatis, prouisurus, qua ra-

trione consisterent diuturna, et victualium necessariis ad singulos emergen-
tes casus essent prouisa, plerisque vicibus deliberabat. Ordinauerat siqui-
dem praefatus Boleslaus Rex plura in confiniis Castra, arces, et municipia, il-
lisque exercitatorum militum praesidia imposuerat. Qui summo studio, summaque
ratione districtè id mandante Rege, curas intenderent, ne hostes clam vel publi-
cè in perniciem Regni sui grassarentur. Nec militibus fidens frequentibus vi-
cibus Castra huiusmodi obibat, illicque aliquantulum temporis absumebat, satius
iudicans, quamuis parco et castigato contentum victo, pro subditorum suorum tran-
quillitate tenere excubias, quam delicatis epulis immersum dissolui per dissidia,
et praebere hosti occasionem ad inuasionem. Consiliariis itaque suis id proban-
tibus generalem tunc addidit sanctionem, ut quilibet Colonus seu Cmetbo mansu-
integrum colens, unam siliginis alteram auenae mensuras, de purgato grano absque
cunctatione persoluat, et in propinqua Regalia horrea deducat, in usum vult
vestitum et vicium militum eorum qui Castra commetanea administrabant,
et pro pace totius Regni militabant, conuertendas. Solutio autem ipsa cum om-
ni alacritate ab incolis rusticisque excepta est, et in multa tempora extunc deri-
uata, ab effectu impositionis suae, etiam in hanc diem Stroza, quod significat eu-
stodiam, quoniam in Regni et Castorum cedebat Custodiam et profectum, nomen
est sortita ~

QUARTO Idus. Maij alia's feria sexta post festum Ascensionis Domini, in
Italia, Francia, et Hispaniae Regnis, magnus terrae motus exortus, nonnulla loca
absorbuit, quadam vero ruinauit. Incendia insuper crebra et ingentia in pluri-
mis contigisse locis nuntata sunt. A quibus omnibus Polonici Regni regiones
fuerunt gratia Dei immunes ~

Anno Dñi 1022.

*Nobilitatem molientem non soluere de-
cimam Boleslaus Poloniarum Rex castigat ~*

Catholicae religionis fidem cultumque, Satbanæ inuidiae malignitas in Po-
loniae Regno et vicinis regionibus videns in breui temporis spacio, primum
quidem sub Mieczslao Duce, deinde sub filio eius Boleslao primo Polono-
rum Rege vehementer germinasse, et funiculos tentorii sui latissima propagine diffu-
disse, turbinem et procellam in Regno eodem exciuit, et res fidei extinguere,
et quietem stabilitatemque Civium visus est perturbare. Nonnulli siquidem No-
biles Poloniae Satbana suggerente, onerosam Decimarum manipularium solutionem,

onerosos Christianae religionis ritus dicentes, hi praesertim qui in spurceriis gentilitatis enutriti, iugum orthodoxum non facile tollerabant, ad ritus redire prophanos, et vetustam sacrilegamque vitam resumere, et Decimas tempore instituto non reddere, nec Ecclesias frequentare, ministrosque et sacerdotes de eorum Ecclesiis pellere, frequenti conspiratione disponebant. Id cum ad Boleslai Poloniae Regis notitiam perductum esset, non tulit fidelissimus Catholicae religionis propagator, conspirationem gliscentem consurgere, sed in ipso suo ortu illam mox extinxit. Auctores enim illius missis militibus comprehendit, et capita conspirationis partim capitali supplicio extinxit, partim verberibus mulctavit. Caeteris minus reis, et sola contagione fœdatis, aliorum suasionem seculis parcendum decrevit.

Beatus Emericus Dux Hungariae Stephanus Regis filius, in virginitate cum uxore sua vivens tandem fati absumitur.

Cogitante beato Stephano Hungariae Rege, et in animo suo formante, ut ab administratione Regni se subduceret, curamque rerum mundanarum a se penitus abdicaret, et in orationibus ac contemplatione restantem traducere aetatem, atque in Ducem Emericum filium suum, qui illi unicus erat, fascas Regias transferret, Dux ipse Emericus continenter et in virginitate cum sponsa sua, quam in sororem commutaverat, vivens, anno eodem moritur, et in Ecclesia Albæ Regalis sepelitur. Quem pater Sanctus Stephanus magno planxit matore, quod et renunciatio nem Regni quam in animum induxerat interceptam, et stirpem propaginis suae per eum videbat extinctam.

VISLAVS miles de nobilitate et armis Zabawa, confert in Monasterium Sanctae Crucis Calvi montis aliquas patrimonii sui hereditates, et Selagus alius miles de Domo bipennium fundato Monasterio a Boleslao Chabri Poloniae Rege Ordinis Sancti Benedicti, sub honore decem millium Martyrum in Szeeczichow supra Vislam in Cracoviensis Diocesi in dotem illi ex hereditatibus propriis plerasque villas et possessiones consignat.

Anno Domini 1073.

Popo Cracoviensis Archiepiscopus moritur.

Ecclēsia Cracouiensis Archiepus quartus Popo Domino vocante infirma-
tus moritur, et in Crac' Ecclesia sepelitur. Ne autem Cracouiē Ec-
clesiam diutius pastore carere contingeret, Boleslaus Poloniae Rex mis-
sis ad Benedictum Papam VIII. tunc Sedi Romanae praesidentem Nunciis, Gom-
ponem virum literatum, et expeditē linguam Polonicam sonare scientem obtinu-
it praefici in Cracouiē Archiepū praefici ~

Anno Domini 1024.

*Boleslaus Poloniae Rex filium Miecslau:
um sibi successorem designat, et ob egregi-
as dotes Chrobri, vicus verō Chrobierz
ab eodem Rege cognomen accepit.*

Cum annis propē sexaginta Boleslaus Poloniae Rex in assiduis occu-
pationibus et curis tempus consumasset, saepe illi ab amicis universis
suggerum fuit, ut tandem fesso corpori aliquantum quietis daret, cu-
rarum tam publicarum quam privatarum molem in filium Ducem Miecslauum
refunderet. Sed dum id sibi nulla ratione persuaderi posset, animus enim ad
omnia negocia obeunda vegetus et ferox, saepe corpore reluctantē vincebat
aetatem, tunc tamen naturalem vigorem sibi professus diminutum, administra-
tionem Regni et expeditionem querelarum et causarum ad eius audientiam
ex omnibus regionibus confluentium, filio suo Miecslao Duci mandavit.
Generali quoque Conuentu apud Gnesnam habito, Ducem Miecslauum filium
suum, probantibus et gaudentibus Praelatis et Baronibus Poloniae sibi in
Regnum successurum designavit. Non enim alia magis praecipua quam de
Regni sui stabilimento animo suo insederat cura, quod et Regni gloria, et
diuitiarum abundantia et finitimarum nationum subactione, variisq; tri-
umphis, disciplina militari et domesticis institutis adeo nobilitauerat reddi-
deratq; splendidum et illustre, ut omnem splendorem omnem ornatum, famam,
et gloriam, omnem deniq; Reip. statum, disciplinam, et ordinem, ipse primus
Polonorum genti quasi quandam animam viuificantem infuderit. Ipse quide-
terminis quos a Patre et Proavis Atavisq; susceperat parum contentus, Bohe-
miam, Russiam, Morauiam bello subactas et oppressas, ac caede multiplici ex-
cæcationeq; Boleslai Ducis Bohemiae, et reliqua strage sanguinaria humilia-
tas Poloniae adiecit, fecitq; sibi et Polonis tributarias et subiugales. Ea-
que heroica virtute et summa animi magnitudine resplenduit, ut inter Polonorum
Reges et Principes sibi succedentes, neminem hactenus viderimus ad suorum

gestorum et virtutum artem pertigisse, aut illum gloria bellicarum domesti-
 carumque rerum æquasse, ob quam causam honorata nuncupatione dignus,
 Chrobri, id est vir altæ et heroicæ virtutis, cognomentum sortitus est. A
 quo et vicus ab eo amatus ad vada fluminis Nida non longè à Vislicia, ubi
 et arcem sibi extruxerat, et in quem negotiis publicis perfunctus pro quiete de-
 clinabat, Chroberz denominationem accepit. Signum mortis suæ haud ob-
 scurum fuit, fulgens face magna, ut planè attenderent homines, magni viri et
 Regis curam fore cælestibus. Fratres Ordinis Sancti Benedicti, qui in
 Spiritu deuotionis, humilitatis, et rigoris obseruancia Monasticæ disciplinæ,
 Domino sedulè famulantur, cæteris ordinibus specialius prætulit et amauit.
 Tali ad utramque fortunam comparatus natura et arte, ut nec fractus varietate
 temporum cederet, nec elatus fortuna intumesceret. Qui sermones suos inter
 serium iocumque ita moderabatur, ut illius iucunditate nihil severius, nihil se-
 ueritate iucundius putaretur. Magnanimus diuitiarum contemptor, quas ne-
 mo sapiens concupiuit, et plerique angusti animi sic amant Principes, ut eos
 honoris omnis et officii capiat obliuio. Hunc ego illum Regem fuisse con-
 tenderem, cuius ope et opera res Diuinæ apud Polonos auctæ sunt, et Polo-
 ni ex agresti feraque vita in urbanum mitemque cultum deducti. Tantum de-
 niq; amplitudinis gloria ex uniuerso Inclýtus præerat orbe, ut quantum inter
 inferiores Principes eminet, tantum ille inter superiores Principes emereret.
 De quo illud quod de Nestore literis proditum est merito dixerim, cuius ex
 lingua dulcior melle fluebat oratio. Ad mansuetudinem, clementiam, mi-
 sericordiam, bonitatemque omni tempore se componebat, quæ longè stabilior atque
 gratiosior est, quam Regni aut diuitiarum hereditas, virtutum autem suarum
 id unum vel maximum testimonium est. Nam quàm diu apud Polonos re-
 rum summæ præerat, prosperè cuncta succedebant, victores exercitus remea-
 bant, res bello paceque faeliciter gerebantur, arma Polonorum territabant vi-
 ciniam. Postea verò quàm fato sublatus est, spes Polonorum retrò subla-
 psa capit referri. Ab eo item et parente suo Mieczslao fidei Christianæ
 in Polonia capit exordium, et Regalis splendoris Diadematisque et unctioni-
 nis prouenit Sacramentum, per illumque solum tantæ rei tantique decoris Polo-
 nis effulsit et accessio et occasio. Nec inter Principes suæ ætatis alterum
 fuisse, in quo ampliора benignitatis et humanitatis relexissent officia, constat.
 Ita Regnum terrenum administrans, et taliter actus suos Diuinis beneplacitis
 conformans, ut appareret illum in terreni Regis solio non parua ex parte ad cæ-
 leste suspirare et contendere. Faciles ad eum aditus, facilior allocutio.
 Et cum multos multis in rebus excelleret, tamen se singulis parem præsta-
 re conabatur. Promptus ad ferenda beneficia, virtutis suæ siue bellum
 siue pacem spectes, memorabilia apud Polonos reliquens præconia, Sed in eo

potissime quod primus repudiatis falsis Diis et erroribus, Maiestatem veri Dei
et cultum eius foelicissimo auspicio cognouerit, inchoauerit, ampliauerit, et bo-
norauerit ~

Anno Domini 1075.

*Boleslaus Chabri Rex Poloniae infirmatur
sumptisq; Sacramentis, Testamentum con-
dit, cuius laudes et virtutes recensentur ~*

Grauius continuisq; laboribus, quibus Bolelaus Poloniae Rex, et in
inferendis, et in repellendis bellis, ac in Rerump. administratione,
atq; in domesticis institutis et ordinationibus occupabatur (nam
sine ullis induciis agebat vitam) consensescens, et viribus corporalibus sensim
decidens, grauem et aduersam valetudinem incurrit, quae illum mensibus ali-
quot vexatione assidua torquebat, medicinis quae adhibebantur nullum adfe-
rentibus profectum. Inualescente itaq; morbo, primum prudentissimus Rex
confessione criminum suorum aliquoties repetita, et salutaris sumpto viatico, deinde
Praelatos et Barones iubet accersiri. Quibus ad Castrum Posnamien conue-
nientibus (illic enim cum inuaserat agritudo) capit plures de conseruando sta-
biliendoq; Regno Poloniae cum illis facere sermones, contestans et per benefi-
cia quae illis et Regno praestiterat, et per Coronam quam sua virtute et sudo-
re quaesiuerat et dilatauerat illos obligans et orans, quatenus, mox sua secuta,
seruarent concordiam, unionem et charitatem, et ad filium suum quem in spem
suae successionis uniuersi Regni Poloniae unicum relinquebat, Mieczslauum Ducem
nepotemq; paruulum ab eodem Mieczslao ex Rikseba genitum nomine Casimirum,
omnem conuerterent fauorem et respectum, et illum in Regem assumentes Regio
Diademate insignirent. Filio quoq; Duci Mieczslao tunc praesenti, et ad gra-
batum cum consorte et infante Cazimiro assistenti, longo verborum Schemate
praecipiens, ut virtutum suarum amulator existens, Diuina in primo et praecipuo
retinens cultu, Consiliarios in honore, ceteros subditos in iustitia et aequitate
contineret, voluptates molliciemq; quam maxime fugeret, et in armis tractandis
occupari heroicumq; virum se exhibere non intermitteret, asserens nationes finiti-
mas a se armis subactas, nisi potentia et armis contineantur in fide, facile iu-
gum detrectaturas, et nerus subiectionis et obedientiae quo hactenus tenoban-
tur abiecto, rebellaturas. Excepta autem sunt ab utrisq; cum omni mansue-
tudine huiusmodi mandata. Pollicetur imprimis Dux Mieczslaus se virtu-
tum paternarum atq; operum sectatorem futurum, atq; admissurum nequa occasioe

237

sibi Regnoq; suo Poloniae segniter se gerendo tenebras effundat. Pollicentur
 deinde Praelati et Barones Concordiam se seruaturus, et omnem prolem ac po-
 steritatem suam in Regio honore atq; dignitate habituros, spe optima pleni, quod
 in Duce Miecslao quem Diademate Regio ornaturus se ultro compromittebant,
 et sua vigere instituta, et relucere deberet virtus et imago eius. Iste BO-
 leslaus primus Christianae religionis funiculos in Polonorum regionibus dilata-
 uit, propter quod benedictionem Iaphet filii Noë non immerito hereditauit. Cui
 pater benedicens, dilaret, inquit, Deus Iaphet. Gentilitatis enim errore et super-
 stitione idolorum abiecta, fides et religio Christiana in cultu unius veri DEI,
 per obsequium unius Boleslai in Polonia est dilatata. Huius enim tempo-
 re Ecclesia Sancta in Polonia sumpsit incrementum in rebus et personis, ipse eti-
 am (ut in superioribus scripsimus) constituit nouem Epatus et Epas, limita-
 uit et dotauit Dioceses: attribuens eis praedia et Castra cum pertinentiis earum,
 vlti seruitutes diversorum officiorum, prouentus rerum mobilium et immobilium,
 tam praesentium quam futurorum apparentium, scilicet ferri, plumbi, salis et argenti
 sine exceptione, auri vero cum exceptione, et immunitatem ab oneribus serui-
 libus eis liberaliter conferendo, ne angarius et praeararius per Officiales Re-
 gios aut Ducales aggrauarentur seu molestantur. Immunitatem autem
 et Priuilegium Ecclesiasticae libertatis, et personarum ad eam pertinentium
 suo tempore Ecclesia diligenter exhibuit, et posteris suis sine scrupulo retracta-
 tionis exhibendam reliquit. Reip, etiam tenorem idem Boleslaus ad unita-
 tem Civium et concordiam indigenarum multo conseruandam, sagaciter ordina-
 uit. Leges salutiferas stabilienda humanae societatis gratia descriptas, condi-
 dit, et edicto publico promulgauit, ut earum metu humana coerceretur audacia,
 et tuta esse possit inter improbos humilium innocentia, unde etiam omne hominum
 genus pestiferum, scilicet fures, praedones, effractores, concussores, seu calumniato-
 res, Sacrilegos, Albigenses, plagiarios, et caeteros maleficos propulsando et proscriben-
 do, de terra prouide exterminauit. Totam praeterea Poloniae terram per-
 transiens erroribus superuacuis salubriter purgauit. Deorum gentilium cultu-
 ram, quos variis erroribus delusa gentilitas colebat, et aliarum vanitatum su-
 perstitutiones subuertendo penitus aboleuit, et unius veri Dei Creatoris caeli et
 terrae Maiestatem venerari et adorari, uniuersali et districta iussione manda-
 uit, eius cura, industria, et opera Poloniam Deum videmus illustrasse, quia ni-
 hil clarius quam recta fides in pectore Principis alucescebat. Vnde duo ex
 militibus eius Barones Wislaus et Setegius Regis et signiferi sui exemplum
 et documentum secuti, duo Claustra Monachorum Sancti Benedicti fundauerunt.
 Wislaus vlt in Lyszniec in loco alto Calui montis, situq; eminenti, hac inten-
 tione, ut pro vita solitariae deuotionis esset, fundamenta Claustri iecit et ere-
 xit, vel ut verius loquar, iactis et erectis dudum, insigne augmentum praestitit.

SE tegius verò in loco plano, viatoribusq; ex diuersis partibus comeantibus, et
institoribus nauigantibus, competenti et necessario ad hospitandum, in Sziecie:
ebow supra Vislam fluium Canobium aliud fundauit et erexit, ac uterq; eo-
rum pro suo posse, vtrumq; eorum singillatim de facultatibus suis ditauit et do-
tauit. Vt in vno eorum fratrum Deo seruientium, et Mariæ exemplo vacanti-
um contemplationi conuentus esset, in altero verò Martiæ exemplo Deo mili-
tantium, et in proximi necessitate supportanda sollicitè desudantium. Ecce nouel-
læ plantationis felix Seminarium. Quod enim Mieczslaus Dux fide Catholica
suscepta plantauit, hoc Boleslaus propagando dilatauit, et affectu charitatis
irrigauit. Felix igitur exordium Mieczslai in fidei Catholicae susceptione, fæ-
licior progressus Boleslai in Christianæ professionis propagatione, felicissima præ-
stolatur pro Catholica fidei confessione consumatio in premii collatione, quod
præstabit IESVS CHRISTVS in sæculi regeneratione ~

*Boleslaus in medio militum suorum, Posna-
mæ post longam orationem, de facienda pom-
pa funerali et de futura Regni scissione, ac
tandem Opt. Rege futuro habitam, obiit.*

Ordinatione Regni POLONIAE expedita, ad alia rursum Boleslaus Po-
loniæ Rex animu urgente ægritudine intendit, et quoniam pacto conti-
nui sui milites et familiares premiari debeant, de nonnullis quoq; aliis
priuatis rebus Duci Mieczslao filio mandato voca iam tunc labente edicit. Hinc
verò Consiliariorum et militum turba in eadem qua decumbebat admissa, chari-
tate qua illi iuxta ac parenti afficiebantur permoti, monere Regem atq; ab ea
doceri uehementer expetiuerunt, quibus honoribus, qua pompa, quorū ordine,
quibus insuper diebus, quanto tempore funus suum essent ritu et traditione Ca-
tholica prosecuturi, in atro lugubriq; habitu excessum suum deploraturi? Tum
ille in uberes lacrymas resolutus non de sepultura qualitate, sed de statu pa-
triae, tunc etenim etiam eius charitate flagrabat, sollicitus. Nihil inquit aut
parum interest, mihi mandare aut eloqui, qua gloria quauē dignatione a vobis post
fata debeam funeris officio venerari, sed neq; vestrum super morte mea ma-
ro-
rem finito tempore fas esse iudico, quemadmodum habet vestra supplicatio, cir-
cumscribi. Neq; enim adeo angustè et ignauiter meror vixisse, ut operum meo-
rum recordatio aliquo tempore debeat apud vos quacunq; limitatione concludi.
Verum, etsi a vobis ordine fatorum subtrahor, conscientia tamen clarissimorum
operum a me auditorum, et secunda fortuna rerum a me gestarum recordatio, nunqua

à vobis subtrahi poterit. Atqz ideo ea spe planus decedo me in vestris pectori-
 bus perpetuo victurum esse, et quod non à vobis tantummodo et filiis nepotibusqz
 vestris, sed à uniuersa gentis Polonica posteritate quocunqz æuo successura,
 colendus venerandusqz sim memoria sempiterna, et nouis atqz exquisitis cum
 laudibus tum suffragiis, à genere Polonico regiminis mei habere apud cælestes
 et quoslibet mortales memoriam, attollendum esse. Nostis siquidem me à
 puero ita incitatum et magis inspiratione Diuina quàm institutione humana fir-
 matum fuisse, ut ad erigendam ornandamqz et locupletandam hanc patriam
 omnes meas vires, facultates, ingeniumqz conuerterim, ac pro eius incremen-
 to nullum laborem nullum periculum usqz in diem hanc exhorruerim, pre-
 miis quoqz meis partim moribus partim virtutibus Regia illam dignitate sub-
 limari obtinuerim, ut nemo quantumcunqz iniquus rerum aestimator, dubitet
 me à maioribus meis et virtute bellica domesticisqz institutis adeo proue-
 ctum esse in patriam quoqz tam frequentia ornamenta, tamqz immortalia be-
 neficia contulisse, ut sim meæ DOMUS posteris notæ excellentiæ et nobili-
 tatis vertex, et Regiæ stirpis prima et clarissima propago, patriæ verò parens
 præcipuus, summiqz splendoris auctor primarius et origo. Post hosce ser-
 mones dum Rex parumper contisceret, vox à CONSILIARIIS Proceribusqz
 et à militibus Polonorum sublata, non patrem eum tantummodo, sed et li-
 beratorem, instauratorem, et alterum à Lechone conditorem, triumphato-
 remqz magnificum fuisse, succlamauit. Atqz dum ita in eius laudibus cer-
 talim immorarentur, et uniuersa Regia blando murmure personaret, tan-
 demqz Boleslaus Rex rupto silentio ait. Mibi quidem in præsentis angore
 constituto non quo loco condar, quibusuè officiis funeri meo iusta soluantur
 à vobis, insidet sollicitudo, quippè qui funebres pompas per vos celebrandas,
 nequicquam reor mihi profuturas, altior autem me de vobis et vestra Rep.
 distinet et singulari cruciatu conficit cura. Video siquidem et à longinquo
 Diuinitate mentem meam inspirante contempler Remp. POLONICAM, quam spa-
 ciosam atqz florentem relinquo, per seditiones diuisionesqz vestras CIVILES di-
 riptum et pessundatum iri, quantumqz cruoris domesticis bellis POLONIA fusu-
 ra sit, et quantis cædibus me absumpto mihi parentatura, iamqz hostilium Ca-
 strorum, et eorum quorum ceruices vobis subiugaueram, fremitum in vos et pa-
 triam hanc grassantium, exaudire mihi videor. Video et prolem Prosapi-
 amqz meam Regiam hinc exulantem, hostibus quos domaueram supplicem fieri,
 et Monarchiam Regni POLONIAE in varia diuidendam membra scindi, et
 horrenda bellorum CIVILIUM inuasionem, iusto Dei permittente iudicio, cuius
 cultum religionemqz negligentius et tepidè, in luxum voluptatesqz et sedi-
 tionem versi, tractabitis, collidi. Solaqz hæc doloris anxietas etiam si
 morbus non urgaret, animam posset excludere, nisi multitudinem imminentium

malorum spes melior temperaret. Miseratione enim caelesti propitium futurum
stirpi meae et vobis video Deum, proditumque ex lumbis meis suspicio in cla-
rissimi Syderis morem unum, qui languidam et penè exanguem Remp. Polono-
rum et terminos eorum à finitimis occupatos restituet, qui instaurabit disso-
luta, qui superbiam humiliabit hostilem, qui gladii mei capulo conterret subici-
atque rursus eas quae contra vos recalcitrant sunt nationes, Regno Poloniae
mirificum iubar pristinumque fulgorem suo ductu suisque virtutibus, auspiciis,
et operibus infusus. Ea voce eaque denunciatione rauco et debilita-
to iam sono latus et aduersas res Poloniae denunciante, adita, oculorum or-
bibus clausis manibusque defluentibus, agonem suum CHRISTO supplici
ingeminatione commendare non desit, donec anima corpus relinquens, in prae-
parata sibi pro operibus in fidei Catholicae stabilimentum saepenumero exhibi-
tis habitacula, ministerio Angelico, ut pia habet credulitas, tertia die Mensis
Aprilis est inuecta. Mortuus itaque est Boleslaus Poloniae Rex anno vi-
tae suae quinquagesimo octavo, cum annos in Regno quinque et viginti exegisset.
In cuius laudem et memoriam universa praesens et futura Polonici generis pro-
pago, aptissime illud Virgilianum assidua modulatione poterit tenebiturque
depromere, SEMPER bonos nomen tuum laudesque manebunt. Et illud Ale-
xandrinum, SI vita meritis respondet gloria fama, Nulla tuos actus po-
terit delere vetustas. Qui etsi funere maturo occiderit: plus tamen
luctus et desiderii, quam ceteri ante se Reges in Polonorum pectoribus reli-
quit. Vir magnanimus et qui praesenti semper fortuna meliorem se exhibebat.

*Quomodo Regnum Poloniae doluerit
de morte Regis Boleslai, et de moribus sta-
tura, ac singularibus virtutibus illius.*

Errore deinde ingens, primum Episcopos, Comites, Barones, Nobiles,
M ceterosque suae mortis spectatores, post vero vulgus promiscuum occupat,
luctusque et lamentatio non solum in Regia, verum etiam in universa re-
gione vicina continuo increbrescebat. Sed et Coloni morte Regis vulgata,
rure relicto et agricultura neglecta, ceteruatim accurrebant exanime corpus
Optimi Regis visuri, et suae quamvis infimae sortis essent sedulitatis sibi offi-
cium impensuri. Confluxit tandem ad funeris pompam tam Ecclesiasticorum
quam militarium virorum frequentior numerus, et corpore Regis in Aula stante,
tristi marentium militum et matronarum aiulatus emittentium frequentaba-
tur officio. Post vero in Ecclesiam Posnaniensem deductum, iuxta magnificentia

Regalem, Duce Mieczslao filio suo per Praefectos Regios singula gubernante dirigenteqz, exequiis in dies aliquot prolatis, in medio templi conditum est, et funeri suo iustissimus bonus persolutus. Tantus autem dolor vniuersis Ordinibus vniuersisqz populis super morte tam clarissimi Regis, futura mala quae illos exceptura erant, ut reor, tunc ominantibus, suapte ingestus est, ut anno plus quam integro quasi ex quodam edicto, dies luctus singuli agerentur. Matres quoqz familias et virgines, omnem cultum abiicientes, ornamenta solita negligebant, sunt item conuiuationes et epulae abrogatae, nuptiarumqz solennitates, conuentus quoqz nobilium, Curiarumqz celebrationes intermissae, nullus cantus nulla saecularis iubilatio, nulli deniqz plausus in urbibus et villis auditi sunt. Omnis siquidem sexus, omnis aetas, omnis conditio super morte tam Optimi Regis deplangenda, non se unquam parem illi autumans habiturum, videbantur quasi certatim conspirasse. Omnes siquidem tam ingenuos quam rusticanos ex Boleslai magnam Regis morte dolor peruaserat, non sicut assolent ut fictum ostenderent dolorem in Principis funere, sed vero et fidei maiore cuncti consumeantur, Regisqz sui mortem propria actiorem durior, remqz iudicabant, adeo unumquemqz ex Optimatibus et inferioribus eius mors et colloquiorum suauitas demulserat. Extat autem carmen a veteribus Scriptoribus in laudem praefati Boleslai editum, quod nostro praesenti interseruimus operi, ut ex priscorum commendatione, Regis praefati amplior reliceat celsitudo. Neminem enim Principem aut Regem aetas illa habuit, qui diligentius, qui syncerius, qui sanctius, quam Boleslaus a Polonis cultus extitisset. Quod maxime fletus et maeror tam Procerum quam vulgi in funere et cobonestando et deplango habitus monstrauit. Dolebant siquidem quodam animi praesagio, iam futura ominantes maximis incommodis ob eius mortem se non tam esse affectos quam afficiendos. Deflebant quoqz eum sibi detractum esse Regem, qui cunctos suae aetatis mortales, liberalitate, industria beniuolentia, morum et conuersationis suauitate anteciret. Qui non solum rogatus miserorum et calamitosorum, aut aliqua aegestate grauatorum subueniebat inopia, sed etiam ultro offerebat, quae pudor petere prohibebat. Mores illius generosi et illustres, miram gratiam redolentes, specie decorus, et forma non contemnendus. Media siquidem corporis pollebat statura, copiosa et crispa atra tamen redimitum habens caesarie caput. Priuatis et publicis expilationibus abstinendo, benignum se per omne tempus praestitit Regem. In subditos modestus in hospites officiosus, in calamitosos et delinquentes oratu facilis, Conuersatione et vita nitidus atqz pudicus, optimo temperamento inter pietatem et rationem usus, eodem tempore quo desideria sentire capit, ea oppraesbit. *¶* Vius virtutes ideo descripsisse visum est utile, ut ceteris omnibus Regibus et Principibus Poloniae futuris virtutis

exemplar et imago reluceat. Quem si ceteri qui poliuntur rerum summa imitari vellent, meliori loco essent Polonorum res, minoribusque exagilarentur incommodis, instructiorem et magis cautum habituri animum in suis actionibus, postquam Regis praefati formabuntur exemplo. Cuius etiam ope et opera Poloni homines quondam barbari, ex agresti feraque vita, in urbanum militemque cultum deducti sunt, et in mores Civiles et nobiles conciliati. Quae cum ita sint quis cum Regem non probet? non admiretur? non tollat in Caelum summis laudibus? quem intelligit tot immortalia beneficia Regno et populo Polonico contulisse?

*Mieczslaus Dux Poloniae in Regem una
cum Rikschā uxore sua Gnesna coronatur.*

COBpore Regio cum debito honore Ecclesiasticae sepulturae mandato, Praelatorum, Comitum Baronum et nobilium Poloniae in Posnanien Civitate, maximus habitus est conventus ad providendum Poloniae de futuro Rege in Boleslai locum successuro. Conformis autem tunc frequentis Senatus iuxta ac multitudinis erat sententia, ut prius optimo Dux Mieczslaus succederet, cum per praem futurus Rex designatus esset, et propter praem pbitatem, virtutes, et merita, affinitatem insuper, quam ex parte uxoris suae Rikschae cum Principibus Almaniae et Imperio retinebat nulli aequo ut sibi successio et Solum Regni deberetur. Publico itaque decreto de coronando Mieczslao Duce concorditer confecto, dies Dominicus Pentecosten ad coronandum illum est indictus. Quo adveniente ad Metropolim Gnesna Princeps Mieczslaus cum magna militum cohorte advenit, et in Ecclesia Gnesna die praefata Pentecosten, ipse quidem Dux in Regem consors vero ipsius Ducissa Rikschā filia Comitis Palatini Rheni, et neptis Olbonis III. Imperatoris in Reginam Poloniae per Hippolitum tunc Gnesna Archiepiscopum, assistentibus sibi Gompone Archiepiscopo Cracoviensi, Paulino Posnanien, Marcello Wladislavien, Clemente Wratislavien, et Albino Plocei Pontificibus, Comitibusque Proceribus et Baronibus Poloniae, inunguntur et Coronantur. Lateris autem institutis novus Rex Poloniae Mieczslaus edoctus, tam Pontifices, Principes et Barones, quam universa militum et nobilitatem quae ad suae Coronationis solennia spectacula earum visura Gnesna confluxerat, et Coronationis suae die et pluribus aliis sequentibus Regali mensa excipit, et opipare eos tractari, singulisque abunde mensis epulas Regias inferri disposuit. Distribuebantur insuper ex praeepto et ordinatione Mieczslai Regis in pauperes eisdem diebus largae eleemosynae et singulorum providebatur aegrotati. Obtulit etiam Mieczslaus novus Rex in Coronationis suae die, et Regina Rikschā insignia in auro et argento ad maius altare munera, Sed et vestes sacras Ecclesiae Gnesnae largiti sunt in Divinitatis appreciatione, et Gnesnae ecclesiae honorem suae vero Coronationis memoriam perennem.

HENRICVS Bauariae Dux primus Imperator Romanorum, cum annis viginti regnasset, et plura bella feliciter confecisset, sine optimo absumptus est, et in Ecclesia Bambergensi, quam vivens fundauerat, dotauerat, et extulerat sepultus, ac in Sanctorum numerum relatus est. Cuius etiam festum agitur ~

Cracouiensis Vrbs eo anno conflagrata graue incendiū et dispendium pertulit ~

Ioannes vigesimus primus, Benedicto VIII Papae successit. Is post mortem cuiusdam Episcopo ap- parens pecuniam quandā pauperibus distribui iussit ~

Benedicto VIII. mortuo, quis annis undecim mense uno diebus tredecim sedit, Ioannes XXI. natione Romanus ex patre Gregorio successit. Qui annis aliquot nonnullas guerras et controversias cum Romanis gessit. Scribit Petrus Damiani, quod quidam Episcopus vidit praefatum Benedictum Papam, nigro equo quasi corporaliter insidentem, et dixit ei. Nonne tu es Benedictus Papa, quem iam defunctum esse nouimus? Ego sum inquit ille infelix Benedictus. Et quid est tibi, inquit, pater? Grauius inquit torqueor, sed de Dei misericordia non despero si mihi adiutorium praebeatur, Vade inquit ad successorem meum Ioannem Papam, et dic ei, ut summam pecuniae in tali theca repositam distribuat pauperibus, quia quicquid antea promissa dabatur nihil profuit, quoniam de rapinis fuit. Quod Episcopus fideliter implens, et Episcopatu cedens, Monasterium introiit ~

Conradus in Regem Rom. eligitur et consecratur

Conradus ex Principibus Almaniae unus in Regem Romanorum, dissidentibus in eius electione Electoribus, eligitur. Cuno vero Dux cum ad Imperium aspiraret repudiatur instinctu Albonis Maguntineni Archiepiscopi. Henricus enim Imperator querentibus de successore Principibus Conradum praefatum Ducem sibi successorem designans diem obierat, cum annis secundum aliquos duobus et viginti, secundum vero alios viginti imperasset. Iste Conradus multas leges addidit, et pacem districtissime sub pena capitis custodiri praecipit. Quem veritus Lupoldus Comes de terra effugit, et in tugurio rusticano vixit. A Gregorio VI consecratus est

Anno Domini 1026.

*Mieczslaus Rex captis Ruthenorum obliuibus,
Russiam in fide tenuit et filium Iuris tradidit.*

Polonorum Rex Mieczslaus exacto integro anno, in quo patrem suum cum omni militia veste atra lugebat, ex Gnesnon Castro, in quo contumum tenuerat domicilium, versus Cracouiam ducens secum Regina Riksbam processit, ubi aliquot mensibus exactis in fines Russiae cum militia sua frequenti multitudine se contulit, Ladoslaus etenim et Msczislauus Russiae Duces morte Boleslai Poloniae Regis audita, cum magno tam militum quam popularium exercitu fines Regni Poloniae inuadunt, Castrumque Czirwiensko et alia Castra Polonica oppugnant, vastatisque aliquibus regionibus Poloniae, captiuos agrestes secum abducunt, et eos supra fluvium Porzbi prope Kuiduiam ad collendum terram locant. Certum insuper erat Ruthenos per patrem suum Boleslaum subactos secuta morte eius, ad res nouandas plurimum inflammatos, plerasque conspirationes clandestinas tenuisse, et ad reuiciendum impositum iugum animatos fuisse, apparebatque illos in apertam rebellionem aliquando nisi interim aliqua re occursum fuisset, prodituros. Russiam itaque Mieczslaus Polonorum Rex perueniens, principales ex Ruthenis capit, et Captos Cracouiam per Castra distribuendo transmittit, quos aliquot annis obsidum loco habuit, quo facto et gliscentem rebellionem oppræssit, et Ruthenos in fide continuit, eisque nouandi res decetero opportunitatem ademit. Rebus vero Russiae debito ordine compositis, et Castris munitionibusque iusto militum presidio, et victualium fulcimento prouisis, in Poloniam remeabat, et primum quidem in Plocen terram descendit, et in illa audiendis expediendisque causis et querelis subditorum vacauit, inde vero in alios Lancicien et Cuiauen terrarum Districtus se conuertens, ad solitam habitationem suam Gnesnon rediit. Et quoniam filius suus Casimirus annum iam septimum ætatis agebat, pater illum Iuris applicat, et viros graues docturos adolescentem adhibet: ut illustratus scientiarum lumine, ad gubernandam Rempublicam Polonorum instructior ingenio: siorque euaderet. Is autem ex Principum Poloniae sanguine primus depræbenditur, qui doctrinam literarum assecutus, nobile ingenium adiumento literarum amplius nobilitauit et poliuuit. Ceteros enim Principes Poloniae priscos, in literarum studiis nunquam constat exercitados fuisse. In ipso autem regnandi initio apparuit Mieczslaus Poloniae Rex tardus ingenio bebesque animi, ac incultis moribus, consilio ineptus, actione leuis, et ad res dignitatem aut grauitatem deposcentes expediendas parum idoneus. Qui abiectis

prudentibus æuo et grandævis Consiliariis, iuuenum se et leuium hominū
permisit agi consiliis. Quæ quidem potissima fuit causa, cur Regnum Polo-
nicum sub eius tempore plura detrimenta senserit, quoniam neq̃ ipse sapientiæ
studere voluit, neq̃ colere sapientiæ studiosos ~

Anno Domini 1027.

*Brzetislaus filius Odalrici Ducis Bohemiarum
Polonos persequi cepit, rebellionem parans ~*

Interim quò Ruthenorum rebus Mieczslaus Polonorum Rex vaca-
bat, Bohemi turpē putantes tributa Poloniæ Regibus pendere in rebel-
lionem apertam prodeunt, et Polonos quos in Bohemia reperiunt, aut
comprehendunt aut expellunt. Erant pro ea tempestate in Bohemia Duces duo
Odalricus et Jaromir filii Boleslai per Poloniæ Regem Boleslaum excæcati,
vitam agentes calamitosam et priuatam. Erat Odalrico Bohemiæ Duci fili-
us, ex agresti et rusticana famina nomine Bozena aliàs Beatrice susceptus,
Brzetislaus nomine adolescens ferox et impiger, is rebellionis præfata pri-
marius auctor existens, non Polonos solū, sed et nobiles Bohemiæ, et spe-
cialiter Vrsouicē, cæterosq̃ Polonis fauentes, magno odio persequabatur.
Odalricus siquidem genitor suus iuramenti Boleslao Poloniæ Regi præstiti sa-
cramento adactus, temerariē illud infringere non audebat, potentiam etiam Bo-
leslai Poloniæ Regis, et penam excæcationis qua pater suus Boleslaus Bohemiæ
Dux in ea usq̃ tempora viuens mulctatus fuerat, verebatur. Boleslao verò
Poloniæ Rege mortuo, ipse quidem iuramenti conscius a rebellionē abstinuit,
sed illam per filium Brzetislaum consecit, et ut a Polonis in Aui sui excæ-
catione atq̃ in paterna captiuitate acceptæ iniuriæ memor foret, adolescen-
tem suaptē spontē in Polonorum odium procliuem inflammare non desit. Ger-
mano insuper suo Jaromiro siue proditoribus suggerentibus, siue quod ætatis be-
neficio illum sibi præferri videbatur et verebatur, effodi oculos iussit. Ru-
sticana famina nomine Bozena captus specie et amore, quamuis amici ad-
uersarentur illam sibi matrimonio sociauit, quæ illi Brzetislaum filiu generauit.

Gnesnensis Archiepiscopus Hypolitus moritur, et in Gnesnen Ecclesia tu-
mulatur, successit autem illi per Canonicam electionem Mieczslai Poloniæ
Regis accedente consensu Bossutha vir prouidus et sagax per Ioannem
Papam XXI. confirmatus ~

Febre graui correptus Clemens Smogorzouiensis siue Wratislauicē Epi-
scopus, annis duodecim in Pontificatu exactis moritur, et in Smogorzouensi
Ecclesia sepelitur. Cui Lucilius primus Canonicus Smogorzouien' à Capi-
tulo electus, à Miecslao Poloniae Rege promotus, per Syluestrum Secun-
dum Papam confirmatus, et per Stephanum Gnesnen' Archiep'm consecratus,
vir Italici generis sed Polonicae linguae satis gnarus.

Anno Domini 1078.

*Brzetislaus Bohemus sub ignavia
Miecslai Regis Poloniae Moravia
occupat praesidiis Polonorum necatis.*

D iuturno iugo, quo Polonis tributa pendentes Bohemi tenebantur ob-
noxii, per Brzetislaum Bohemiae Ducem abiecto et soluto, rursus Brze-
tislaus ipse discessionem ipsam impunè videns procedere, et Miecsla-
um Poloniae Regem dissimulatione et silentio illam transire, sumit ausus altiores,
et exercitu ex equestri et pedestri milite collecto, in Morauiam quae tum uni-
uersa à Polonis tenebatur contendit. Ciuitatesq' Morauiae quae praesidio Polo-
norum in fide continebantur, obsidione cingit, ad earumq' expugnationem cu-
ram intendit; eo quidem maiorem, quod Ciues obsessarum Urbium nouandarum
rerum studiosos, et Polonorum regiminis pertractatos, deditiōnem nisi Miecslaus
Polonorum Rex velocibus auxiliis obsidionem solueret facturos indubiè intelli-
gebat. Licet autem Polonorum milites in praesidiis huiusmodi militiam agen-
tes, et Praefecti eorum sapius Nuncios ad Miecslaum Poloniae Regem mitte-
rent, et in quantis versarentur periculis denunciando, auxilia sua implora-
rent, Rex tamen Poloniae Miecslaus siue aliis curis publicis tunc impedi-
tus, siue quod ad tractanda repellendaq' bella parum illi animi natura
tribuisset, siue quod militiam pro tenenda defendendaq' Morauia Poloni
detrectarent, obsessis petilum et quam maximè speratum auxilium ferre di-
stulit. Quae quidem sua dissimulatio ad notitiam Ciuium Morauiae qui
obsidebantur (naq' enim eos latere poterat, quippe et ipsi per proprios nun-
cios Miecslaum Poloniae Regem de soluenda obsidione sollicitabant) perlata,
magnam Polonorum militibus praesidia Ciuitatum tenentibus perniciem inges-
sit. Vltima enim desperatione Ciues fracti, magisq' Bohemorum quam Po-
lonorum malentes subiici Principatui, facturos se Brzetislao Bohemiae Duci
deditiōnem, per clandestinos tractatus paciſcuntur, apertisq' portis sub no-
ctis conticinio Brzetislaum recipiunt. Vnius autem vel duarum Ciuitatum

exemplum cætera secuta, similem fecere deditionem. Crudelem autem Brzetislaus Bohemia Dux victorem se gerens milites Polonorum quosdam quidem trucidavit, alios vero in captiuitatem et alia supplicia egit, cæteros qui ciues et incolæ Morauia facti fuerant, exilio et bonorum confiscatione damnauit, nonnullos uenundauit ~

Anno Domini 1029.

Mieczslaus Rex Poloniae Morauia;
am propter defectionem populatur ~

Geminatam iniuriam a Brzetislao Bohemia Duce, et in tributi ex Bohemia pensi denegatione, et in Morauia occupatione illatam Mieczslaus Polonorum Rex et si diutius quam sat erat pertulerat, Baronum tamen suorum Poloniae crebris impulsionebus exagitatus expeditionem generalem Regni sui in Morauiam indicit, et collectis copiarum suarum exercitibus in notabili potentia Morauiam ingreditur, neque expugnationi Ciuitatum quae a se defecerant intendit (obstinatis enim animis intelligebat illos et reatus defectionis conscios, et praesidio eis a Bohemia Duce Brzetislao misso munitos, obsidionem toleraturos) sed indignè et spoliis mandat singula vastari. Incendebantur itaque Suburbana earum Ciuitatum quae defecerant, incendebantur oppida, villae quoque et rura, et post plurima damna Morauis illata, praedam nullam pecoris et cæterorum spoliis secum uehens. Mieczslaus Polonorum Rex Morauicam utcumque ultus defectionem, in Poloniam saluus cum exercitu rediit ~

Anno Domini 1030.

Praefecti cis Albini a Rege Poloniae deficiunt, et Duces se creant, inter quos etiam nunc est Marchionatus Brandenburgensis ~

Exemplum Bohemorum Morauorumque Praefecti Castrorum, Ciuitatum et munitionum cis Albim sitarum secuti, ab obedientia deditioneque Mieczslai Regis Regni sui Poloniae deficere ceperunt, ignauia deficiuntque Regis, et affinitate Almanorum quam inuicem dando accipiendoque uxores iunxerant, eis defectionis animum subministrante. Audiebant siquidem et plures ex illis ab experto nouerant Regis Mieczslai partim molliciem, partim in;

curiam, propter quam metus et obedientia patri suo quondam Boleslao Poloniae Regi à propriis et finitimis seruata, in contemptum et despectum eo ueniente, paulatim ab omnibus excuti caput. Praefati siquidem cis Albini Praefecti conspiratione facta, neque ad iussum et uocationem Mieczslai uenire, neque uectigal solito Fisco Regio reddere, interpositis primum coloratis excusationibus, quod vexationem hostilem proprio aere et milite sustinerent et reprimerent, ceperunt, sensimque et non subito defectionem huiusmodi, ut remaneret sicut caetera impunita, callidis uafriisque et contectis specie mendacii ingeniis, conflabant. Et quoniam humana conditio semel concepta ambitione contenta non est, sed se in varios desideriorum et affectuum, ni in suo exordia castigata et allisa fuerit, deriuat et diffundit reflexus, Praefecti Polonorum cis Albini simplici defectione non contenti, non se iam Praefectos Capitaneosque Regis et Regni Poloniae, quinimo nec subditos et feudales, sed Dominos gerebant et nominabant, ditionisque et Principatus fascces orarum cis Albinorum, tam ipsi quam filii eorum et nepotes suapte et propria auctoritate defectionem leuibus Principis motam, sed successu temporum impunitate alitam et auctam, Rege et Regno Poloniae tolerante, uisurpauerunt. In eam insuper praesumptionem elationemque cis Albinorum Praefectorum profluxit audacia, ut procedente tempore terras quas gubernauerant à Polonorum Regno et communione scernerent, et Ducum atque Principum sibi Diademata imponerent. Ex quibus Marchionatus ille Brandeburgensis qui in Polonica uocatur Zgorzeliecz exortus, caeteris aut subactis aut extinctis, facile Superioritatem et Principatum sortitus in hanc diem perseverans, etiam per Aquilam rubeam quam deferit pro insigni, Polonorum se quondam regionem fuisse, quorum Aquila alba uniuersale est insigne, testatur, sed ab illorum ditione scissam, et abstractam se esse nunc colore in coccineum transmutato, indicat.

Anno Domini 1031.

Quomodo Lubucensis Ciuitas et Comitatus Magnopolienſis defecit à Regno Poloniae.

Peruenit tandem Bohemorum, Morauorum, et cis Albinorum Praefectorum ad gentes Caszubitarum, Serbinorum et eas insulas et oras maritimas quas incolebant, quas Boleslaus Rex Polonorum ditioni et imperio suo restituerat, defectionis contagio. Haec siquidem ut natura sunt humana ad res nouandas prona, cum saepius bellis finitimorum Almarum lacessita, crebrisque praedis et spoliis hostilibus vexata, nihil defensionis et

præsidii à Mieczslao Polonorum Rege tulissent, facile à sua et Polonorum
 desciverunt obedientia in variasq; ditiones et proprietates scissæ, nonnullæ
 ad imperialem obedientiam subactæ, cæteræ à finitimis Principibus occupatæ
 aliqua verò suis parere Præsidibus, et illorum suscipere Domina coactæ sunt.
 Ab eo autem tempore gentes oraq; prædictæ disceptæ, et à corpore Regni Po-
 loniæ distractæ, variosq; Dominos et Principatus sortitæ, per tam longum et diu-
 turnum tempus, quod earum defectionem secutum est, nunquam ad integritatem
 eius potuerunt reduci. Ex quibus famosa illa et insignis Ciuitas Bukowiec
 quæ in Teutonico Lubek appellatur consurgens, maritimis et terrestribus opibus,
 quæ ad illam propter situs opportunitatem facile importantur aucta, et Teutonico-
 rum politia excolta in illud usq; creuit fastigium, ut Principum qui illam occu-
 pauerant abrogato Imperio hæctenus viuat suis legibus, et Remp. haud fastidi-
 endam per se conficiat. Inde quoq; et Comitatus Magnopolensis erupit, ve-
 teris nominis præferens à magnitudine et latitudine camporum vocabulum,
 ex duobus integris licet diuersis Latino vñ et Polonico idiomatico confectum.
 Hæc Enricus siquidem Romanorum Imperator illius temporis cum Slauorum et
 dictarum gentium atq; orarum Principe qui Nicolaus aliàs Nikiel nominaba-
 tur, à quo et Castrum insigne Nikielburg nomen accepit, bellum gerens, ip-
 sum tam armis quàm Castris ab eo possessis exiit, et quasdam Imperio adici-
 ens, quasdam verò militibus distribuens Comitatum prædictum Magnopolen-
 asseritur primus creasse, cuius in hanc diem ditio et nomen perseuerat.

Anno Domini 1037.

*Pomerani à Regno Poloniae deficientes Tyranno
 se dedunt, quem breui Mieczslaus Rex profligat.
 et rebellionis autores castigat. Belag, Hungarie Re-
 gis filio exuli viro fortissimo et egregio filiam
 suam copulat, ac Pomeraniam in regimen commendat.*

Excutere iugum et ab obedientia Mieczslai Regis et Regni Poloniae se
 soluere Pomerani, aliorum defectionem et exemplum secuti, tentauerunt.
 Principali enim Nobili, et qui apud illos opibus, prudentia, et rerum
 usu præstabat, fasces regiminis deferunt, eumq; sibi in Principem creant et as-
 sumunt. Quorum rebellionem defectionemq; Mieczslaus Polonorum Rex, ad
 eum perlata molestius quàm cæterorum ferens, et indignam illam, ut erat, tole-
 ratu iudicans, instigantibus illum Consiliariis et Proceribus Poloniae, ne tam
 manifestam iniuriam, dedecus nouum et scissuram Regno suo inferentem, inul-

tam sinat iri. Itaqz expeditione indicta ex omnibus terris quæ Imperio suo parebant collegit numerosum et fortem exercitum, et quo magis esset gloriosior conspectiorqz, et Pomeranis quibus inferendum erat bellum terribilior, tres Duces Hungarorum Andream, Belam, et Louentam, Stephani Hungaria Regis nepotes (quos ex Hungaria ut infra monstrabimus fugientes suscepit, et more Regio iure hospitii tractauerat; qui et ipsi munus huiusmodi belli et militiæ sibi non negari plurimis instantiis deposcebant) assumit, ordinatoqz exercitu, copiis conuenientibus per Poloniam in Pomeraniam exercitum traducit. Collegerat et Pomeranorum Tyrannus, et ex Pomeranis, et ex finitimis gentibus haud contemnendum exercitum, fortunamqz tentare, et cum Rege ac Domino suo Miecslao, nil conscientia patrati sceleris in eum et defectionis motus, quam primum decernere, ne et a suis et auxiliariis tempore succedente desereretur, constituit. Itaqz nihil cunctatus exercitum producit, et cum Miecslao Polonia Rege confligit, augebat animum Polonis iusta ira, quod proprii consanguinei, familiares, et subditi, eis ultro arma inferrent, Pomeranos sceleris commissi in Regem recens atrocitas accendebat, quapropter ab utraqz parte acriter pugnatum est, sternuntur tandem Pomerani, et Miecslaus Rex Polonia felici victoria potitus, auctores defectionis capitali mulctat pœna, cetera multitudini ignoscit. Et quoniam in huiusmodi pugna virtus Belæ Ducis Hungarorum supra ceteros enituit, Miecslaus Polonorum Rex illum, ut dignum erat, premians, generum sibi elegit, et dans ei filiam suam in uxorem etiam uniuersum censum Pomeranicum ad tenendum statum Ducalem sibi consignat. Qui mirum in modum de tam sublimi beneficio et honore sibi praestito exultans, magna deinceps fide, officio et affectione tam Miecslaum Regem quam Polonos coluit, et pluribus annis mansione sua in Polonia continuata, ex filia Regis duos filios illic demorando. Geysam ut et Wladislaum infantes ingenuos suscepit. Hic quoqz est Wladislaus ille, qui in ætatem virilem perueniens, et Sceptra Regni Hungariæ tenuit, et ob vitæ Sanctimoniam in Diuorum Catalogum relatus est. Aliis placet Belam Hungariæ Duce cum Tyranno Pomeraniæ congressum, illum singulari certamine vicisse, et ob id in generum Regis adscitum esse.

Absumptus est Cracouiens Ecclesiæ Archiepiscopus Gempo nomine dum annis novem Ecclesiam eandem rexisset, in locum autem eius Rachelinus à Summo Pontifice Ioanne XX. prouisus successit. Per Prælatos verò et Canonicos Cracouiens XV die Augusti ad præsidendum in Cracouiens Ecclesiam, in Pontificem via scrutinii celebrato generali Capitulo conformiter electus, nationis vir Italiciæ Prosapiam habens nobilem, et actionem virtuosam ~

Anno Dñi 1033.

*Degenerans ab auo et proauo Mieczslaus
Rex Polonorum et ex arbitrio uxoris pen-
dens filiū Boleslau morte amittit, deq; morib. eius.*

Quietus is annus Polonis fuit, neq; aut ad inferendum bellum finiti-
mis aut ad repellendum cogeantur. Quamuis enim ut in superiori-
bus monstrauius, plures regiones et gentes a Regis Polonorum Miecz-
slai ditione et Imperio defecissent: earum tamen defectionem Rex Poloniae
Mieczslaus dissimulanter ferre quam armis vindicare maluit. Nec enim pa-
ternus illi inerat animus, ocioq; et quiete marcescere quam armis malebat
occupari. In luxum insuper et carnales illecebras, ut aliquorum habet asser-
tio defluens, ius matrimoniale Regiumq; nomen pellicum contagione feda-
bat. Quapropter nec apud proprios tam grauis et gloriosus, neq; apud hostes
aeque ut pater esse poterat formidabilis. Sed neq; bella ab eo gesta virtu-
tis constat sed necessitatis fuisse, non voluntate sed hoste aut defectione
exigente suscepta. Remp. quoq; Regni sui ut desidiosus ignauiter ad-
ministrabat, unde et odium a subditis in eum exortum est. Conceptum
autem ex eo Regina Poloniae Rikschia infantem eodem anno progeniuit, cui
Auitum nomen in baptismo imponens Boleslaum illum vocauit. Non durauit
tamen infans ipse Diuinitate irata, et Mieczslao Regi successus propter
suas transgressionem non aspirante, sed post menses aliquot tactus infirmita-
te, non sine utriusq; parentis grandi maerore occubuit. Nihil in Mieczslao
Rege sanguinis Auiti, nihil paternae industriae, nihil splendoris domestici, ni-
hil Regiae munificentiae aut frugalitatis. Famam deniq; suam et existi-
mationem fuscam et truncam fecerat apud proprios et externos tenacitatis
et suapte innatae a consorte Regina Rikschia nutrita obscuritas. Graue
itaq; Proceribus videbatur pondus, sui regiminis acta sua ad nutum faemi-
neum moderantis, grauius vero quod apud exterarum nationes tributa penden-
tes oriebatur sarcina inuidiae, dum Mieczslau Poloniae Regem attende-
rent Regia quidem dignitate splendere, sed morum et virtutum Regiarum
non habere lampadem, et ex muliebri pendere arbitrio. Qui velut timidum
atq; iners animal pusillanimitate atq; pauore oblituerat, vacans ventri, som-
no, ocio, et voluptati. Neq; ob aliud magis apud proprios et externos contem-
ptui habitus est, nisi quia pro grauatis per iniquitatem et per violentiam ne-
gligentior ad vindictam extiterat.

Cum regimen Wladislauiensis Ecclesiae alias Cruszuiciensis Marcellus primus annis duobus et viginti administrasset, moritur, et in Ecclesia Parochiali in Dwirczno, in qua et alii duo sui immediati praedecessores conditi fuerant, sepelitur, morbo febrili consumptus. Cui Venantius vir Italicus a Capitularibus electus, et a Sergio Papa quarto prouisus succedit.

*Iaroslauus Kiouien' Dux Msczislao mortuo in
in Czernieuiuen' Ducatum succedit et se Mo-
narcham totius Russiae gerit, Pieczimedisq; victis
apud Kioum Ecclesiam S. Zophiae voto promissam erigit.*

Msczislao Russiae et Czernieuiuen' Duce, dum venationibus operam daret, absumpto, et in Ecclesia Sancti Saluatoris quam edificauerat sepulto, Iaroslauus Kiouien' Dux illi, quoniam non reliquerat successorem in Principatu successit, et Monarcham se totius Russiae, quod lingua Ruthenica significat Iednowlasiecz, gerere coepit. Iaroslao autem praedicto Russiae Duce apud Nouogrod commorante, Pieczimedorum gens in graui multitudine ueniens, Kioum vallauit. Qua nouitate Iaroslauus per significationem celeris nuncii accepta, contractis undique copiis, in Kioum aduenit, et cum Pieczimedis obuiam illi euntibus congressus fortiter depugnat. Vtrisq; autem pro victoria admentibus, caduntur Pieczimiedi, et multi dum fugere contendunt suffocantur in aquis, caeteri autem uiui capiuntur aut fugantur. In signum autem victoriae in loco certaminis Ecclesiam Sanctae Zophiae ante conflatum votam, Iaroslauus erigit, quae post honore Metropolitico insignita fuit.

Eodem anno nascitur Iaroslao Duci Kiouien' filius, et imponitur sibi nomen Wiczislauus.

Anno Domini 1034.

*Mieczslauus Polonorum Rex mente
captus Posnamiae fati absumitur.*

Nondum Mieczslauum Regem Poloniae senectus grandaeva affecerat, nondum morborum aut curarum onere pressus, diem fato propinquam creditus est tenuisse. Vegeto siquidem tunc et strenuo corpore erat, neque illum quisquam rebatur moriturum, ut potest nondum annum quinquagesimum

supergressum, siue tamen naturali cursu id agente, siue Deo permittente, siue aliqua vi morbi, quæ ex lubricitate et petulantia facile euenire poterat, eum exagitante, in amentiam incidit, qua crebris vicibus non sine corporis cruciatu vexabatur. Quo quidem miserando casu suo et defectio regionum nationumque, quæ à suo descuerant imperio, confirmata stabilitataque est, et rursus etiam hi qui metu in fide continebantur ad defectiōnem spectare caperunt. Habebat siquidem sui languoris interdum alleviamentum, et quasi species cuiusdam interualli illi adueniebat, rediturusque ad bonam mentem et valetudinem sperabatur, eaque etiam spes et subiectas nationes in fide et milites in ordine retinebat. Administratio interim Regni apud Rikscham Reginam erat, et singula ex eius arbitrio et gubernatione ordinabantur. Verum dum mensibus aliquot medicorum industria, neque virtute barbarum neque alia ulla re grassantem in Rege morbum potuisset dissolvere, ægritudine ingrauescente quindecima die Mensis Martii mortuus est in Castro POsnaniensi. Ad cuius exequias cohonestandas Prælati et Barones Poloniae literis et nunciis Rikschæ Reginæ accersiti, conueniunt, et funus Regium debito iustoque honore prosecuti, in Ecclesia Cathedrali POsnaniensi exequias peragunt, corpusque Regis in paterno sepulchro recondunt. Habebat quidem et Reginam et Primates Regni super Mieczslai Regis occasu dolor ingens, sed demencia respectus afferebat leuiorem, postquam Regis morte sublatus fuit tanta molestia quo et ipsi et Regnum afficiebantur opprobrium, Christianæ quidem religionis cultor erat præcipuus, verum paternis moribus longè dissimilis, ille enim bello promptus, hic segnis, ille armorum exercitio Regni Polonici dilatauerat Imperium, hic amiserat, ille et propriis et extraneis gratus et formidabilis, hic exosus et contemptibilis, ille in singulos liberalis et munificus, hic tenax et parcus. Sub eo et vires Polonicarum Regionum frangi, et copia profligari, ac in discrimen et pauorem verti, et singula ad perniciem relabi propter eius ignauiam capere ~

*Iaroslavus Russiae Dux plura Monasteria &
Ecclesias, ac portam auream in Kiou ædificat ~*

A Bellis ad religiones Iaroslavus Russiae Dux conuersus, plura Monasteria non solum virorum sed et faminarum pluresque Ecclesias in Kiou fundat et ædificat. Extruit deinde sumptuoso muro Ecclesiam Sanctæ Zophiæ cuius turrim tabulis deauratis tegit, Ecclesiam verò vasis aureis et argenteis libris vestibusque præciosis dotat, nobilitat, et exornat. Portam insuper Poloniam respicientem, pro sua et urbis magnificentia demonstranda largissimo et profuso sumptu ædificat, eamque auream vocari iubet, quod portas illius et cæcum cumen laminis et tabulis deauratis ornauerat ~

Anno Domini 1035.

Conuentus fit de Rege nouo eligendo
discordibusq; sententiis, Summa rei
Rikschæ Regina Poloniæ et quibusdā
Consiliariis committitur, tumq; res Polono-
rum labefacta et destructa sunt.

AD substituendum in locum Miecslai Regis Polonia defuncti nouum Regem. Polonorum Proceres apud Gnesnam et Posnaniam, aliquot tenuere Conuentus, pluribusq; deliberationibus et tractatibus interpositis, de formando stabiliendoq; nouo Regni statu discordabant. Aliis enim placebat filium Regis Miecslai Cazimirum iam annum vigesimū ingres- sum coronari et in Principatum assumi, aliis ætas tenera Cazimiri et nimis iu- uenilis Principatu quoq; nondum apta videbatur, verebantur nonnulli ne pater- nae dementia redoleret in illo mixtura. Scissis itaq; Procerum votis, Coronatio Cazimiri Regū nati dilata et impedita est, in tam grandem periclitationem per- niciemq; grassata, ut Regnum alioqui Boleslai primi Regis institutionibus domesticis et armis gloriosum et inclitum, penē usq; ad internitionem, ut in se- quentibus narrabimus, perduxerit. Coronatione autem et institutione futuri Regis suspensa et dilata, placuit ut circa Rikscham Reginam Polonia et cer- tos Curatores ex Baronibus Polonia sibi adiunctos, regiminis summa consiste- ret. Habet et nonnullorum assertio, Cazimiri filiū Miecslai coronationem tunc eam ob causam impeditam magis quā suspensam fuisse, quod genitrix sua Rikschæ Regina, maritum suum Miecslaum Regem suis consiliis et persuasio- nibus tam Regalium quā militarium villarum rusticis, varias datias, suf- fragia, collectas, et tributa in singulis præcipuè festiuitatibus, pro mensa et coquina Regis soluenda imponere induxerat. Morte quoq; Miecslai Regis mariti sui secuta, solutionem huiusmodi datiarum, quam Barones et Nobiles su- moperè rescindi instabant, Regina volebat continuari, nec patiebatur, ut fi- lius Cazimirus patri in Regno successurus, quicquam ex paternis institutis mi- nueret. Quapropter magnam filio maiorem verò sibi apud militarium et Baro- num animos conflauerat indignationem et inuidiam, eo usq; gliscentem, ut Remp. suam pessundari, passionibus suis non temperantes sinerent. Sed et Pro- ceres neq; dicere neq; facere quicquam desistebant, dummodo Reginam cum adolescente Cazimiro propellerent, non attendentes, quod expulsionē huiusmo- di se et Remp. suam uniuersam obstinatis animis perdituri essent.

*Ioannes XXI. post mortem in specie ursina &
Asinina apparuit. Cui Benedictus IX. succedit.*

Ioanne Papa XXI. mortuo, qui sedit annis undecim et diebus novem, cessavit Episcopatus diebus octo. Cui Benedictus IX. qui et Theophylactus natione Tusculanus ex patre Alberico succedit, homo vitæ impuræ, ob quam cuidam in specie Ursina et Asinina apparens, damnatum se perpetuò significavit.

Posnanien' Ecclesiam cum Paulinus Pontifex annis quindecim, pie, prudenter, et studiosè rexisset, post diuturnam valetudinem febrilem, morbo superante remedia moritur, et in Posnanien' Ecclesia sepelitur. Cui Benedictus I. natione Sículus, ex Neapoli ortus non sine gravamine Cleri post biennium succedit, Ciuili bello, eiecta Regina Rikschæ et filio suo, stridente inter Polonos et pendente interregno Anno Dñi Millesimo tricesimo septimo, à Benedicto Papa nono prouisus, et à Stephano Gnesnen' Archiep'o consecratus.

Anno Domini 1036.

Omniis mali culpa dum in Reginam Rikscham rectorquetur Cazimiri coronatio differtur utroque expulso propter Germanos, quos Regina in Curia sua fouebat, et officijs Polonis spretois præsticiebat.

TVerbo disensionum et Scismatum qui ex morte Regis Mieczslai liuore Baronum et Militarium in Reginam Rikscham insurgente, conflatus fuerat, amplius inualescere, et vires plus solito extendere cepit. Omnis siquidem culpa in Reginam Rikscham per Barones et Militares rectora, primùm successionem Regni et susceptionem Diadematis Cazimiro admittit, deinde et furorem ciuilem sensim exerceit. Nam et si pluribus, tributis, datijs, et honorantijs, Regina Rikschæ fabrica et ingenio introductis, se suosque homines quererentur Militares onerosa seruitute grauatos: ampliòr tamen illos occupabat amaritudo, quòd seruitutem ipsam Regina Rikschæ auctoritas et industria non sinebat iuxta preces militarium aliquoties apud eam et filium Cazimirum repetitas, abrogari. His tamen omnibus maxima acerbitas, fatis iam Poloniam appetentibus, accessit. Ipsa siquidem Regina Rikschæ et in Mieczslai Regis mariti sui vita diuturno tempore, et postquam è vita

subtractus erat. Polonos perosa, mores eorum et conuersationem fastidians, rigida interdum sugillatione carpebat. Tenebat insuper et in Curia sua, et in officiis Almanos, neglectisqz, et ut verius loquar contemptis Polonorum Proceribus, et eorum filiis quantumcunqz primis et ingenuis, quoslibet Teutonicos, Inquillinos, sortis et conditionis tenuis et infimæ homines, in conferendis officiis, et in largiendis pecuniis præferebat. Verum etsi ludibrium huiuscemodi in vita Miecislai Regis Polonia ad grauem iniuriam et contumeliam referrent: rescindi tamen illud non se rati habere potestatem, æquius sufferebant. Vbi verò occasio et facultas diluenda publicæ ignominie oblata est, tanto liuore tantoqz reciproco odio in Reginam, ne tunc quidem iustæ eorum indignationi morem gerentem, vniuersorum Polonorum excitata succensaqz sunt pectora, ut primum omnem obedientiam administrationemqz Regni tam Regina quàm filio suo subtraherent, deinde sibi Castris et Ciuitatibus cæterisqz possessionibus ademptis, Regia etiam illam excluderent, et postremo cum filio Regno Polonia excedere, et ad Almanos quos tanto dignabatur honore, transmigrare iuberent. Regina siquidem Rikschia post mortem mariti Miecislai Polonia Regis regebat Regnum Polonicum: nutriens in sceptris adolescentem Carimurum, quem ex Miecislao Rege (ut præmisimus) susceperat. Famina quidem virilem gerens animum, et in Christi religione non fœdita, pietati et virtuti dans operam, sed quæ habenas Polonici Regni parum prouidē et Ciuilitatis visa est Polonis administrasse. Virium enim suarum et famineæ conditionis immemor, felicitatem in stultitiam vertit, nulloqz grauiori consilio usa, primum contemplitui nomen Polonicum habere cæpit: despiciens omnes, ac sola vniuersa pro imperio agens, nulli præterquam Almanis sua cedere consilia, Polonorum verò aspernari, potiores Magistratus in Almanos conferre, Polonos abicere consuevit. Quarum rerum indignitate moti Procures Regni, in stultitiam Reginae et filii sui Carimiri, stulti et ipsi conspirant, viamqz scelerati et ad ultimum dementis consilii arripiunt, Reginam Rikscham cum adolescente Carimiro, ne quoque adultus morum maternorum foret sectator, expellunt, damnationeqz iniusta atqz indigna neqz sexum, neqz conditionem miserali, neqz ætati parcentes, utrumqz in exilium pellunt. Nunquam infestius, nunquam de se, de patria, de templis, de delubris, de focis et pignoribus consulendo acerbius, cum tamen Carimiro iuuenulo et omnis contemtionis atqz culpæ maternæ ignaro, etiam si quicquam grauius deliquisset, et propter ætatem et propter Boleslaum Auum, fuerat ignoscendum. Sed nihil furore populari stultius, sic Scipiones Alcibiadem et Hannibalem non modo exulere, sed et mori inimicorum iniuria et populi ingratitude cōegit.

*Rikschia Regina Poloniæ Regnum maxi-
mis Theſauris ſpolians Imperatorem petit illiq;
duas coronas donat, et filium ſuum Cazimirum
Parifios ad ſtudia literarum mittit, ac pro
theſauris multa bona in Germania cõemittit.*

C Rebris itaq; iniuriis et moleſtiis Rikſcha Regina Poloniæ à Proce-
ribus et militibus Polonorum affecta, et ne in ſe et filium Cazimirum
Polonorum ira aliquid grauius conſuleret verita, è Polonia Saxo-
niam in Maydeburg et Brunsuik pulſa excedit, filium quoq; ſuum Cazimi-
rum ſecum educit. Sed neq; his contenta, omnem in auro, argento, gemmis et
lapidibus preciſis ſuppellectilem, per BOleſlaum et Mleczſlaum Poloniæ
Reges congeſtam, magniq; ponderis et valoris duas Coronas, quibus Reges
et uxor Boleſlai primi Regis, et tandem ipſa Rikſcha coronati erant, ſed
et plura alia Clenodia, monilia, vaſa et inſignia, raris et præſantiſſimis
gemmis, unõnibus, et celaturis fulgentia, Itom pecuniæ Regiæ et Theſauri
grandem quantitatem effert et aſportat, Poloniæq; Regnum ingenti Theſau-
ro ſpoliat. IN Saxoniam autem perueniens Imperatorem primũ adit, à
quo officiõſe et venerabiliter excepta, duabus CORonis quas ſecum ex Polo-
nia duxerat Imperatorem honorauit, et de iniuriis quibus à Polonis afflicta fu-
it conqueſta, ſe ipſam et CAZimirum filium in tutelam et gubernationem Im-
peratoris commendauit. Et Imperator quidem miſſo in fines Poloniæ exerci-
tu, iniuriam eius ſuperficie tenus, vindicare niſſus eſt. Ipſa verò pro his quæ
ex Polonia abſtulerat plurimas et inſignes poſſeſſiones, et ſibi et filio ſuffe-
cturas cõemittit. Vt autem filius ſuus Cazimirus ad virtutem poſſet pertin-
gere ſpecimen, ad ſtadium eum Galliarum Parifios mittit proceſſu temporis.
Vbi Polonico nomine Cazimirus, quòd illius expreſſio et ſonus difficilis et
barbarus videbatur, immutato, Carolus cæpit deinceps vocitari. Ex Regina
autem exule facta, oſtendit Proverbium vulgare verum eſſe, SEcundam for-
tunam ſtulto nequaquam poſſe eſſe diuturnam. Aſſertio inſuper aliquorum ha-
bet, quòd Cazimirus filius Regius matre ſua Rikſcha Regina in Almania
exulante, ipſe in Pannonias ad Stephanum H Vngariæ Regem diuertit, licet Bo-
hemi illum ad ſe venire inuitarint, non ex benignitate ſed ex liuore, ut facilius
ſuum procurarent interitum. A STEphano autem Hungariæ Rege humanè tra-
ctatus, et muneribus pluribus onuſtus diſcedens ad Imperatorem ubi genitrix
ſua Regina Rikſcha morabatur aduenit. Cuius expulſio vniuerſam fere
Poloniam impendenti ruina inuoluit ~

Languore Podagrico aliquandiu Lucilius Smogorzouien' siue Wratistlauiensis
Ecclesia Episcopus vexatus, moritur, et in Smogorzeuie' Ecclesia sepelitur,
annis nouem functus officio Pontificali. Cui Leonardus primus Smogorzo:
uiensis Decanus natione Italus genere nobilis, interregno apud Polonos du:
rante, promouente tamen illum Rikseba Poloniae Regis Miecslai relicta,
per Benedictum IX. Papam prouisus, et per Stephanum Gnesnen' Archiepisco:
pum confirmatus, successit.

*Bohemiae Duces Boleslaus cecus et filius
suus Odalricus moriuntur. Quibus Brze:
tislus per Odalricum ex rusticana ple:
nitus succedit. Quem cum Jaromir patruus per
fratrem Odalricum excacatus in Vrsouicen'
instigaret, ab vno eorum miserè occiditur.*

Boleslaus Dux Bohemiae à BOleslao Chabri primo Polonorum Rege
excacatus, et filius suus Odalricus, quem praedictus Boleslaus Polo:
nia Rex ex suo ergastulo liberum dimiserat, mortui sunt. In quo:
rum locum quia Jaromir à fratre suo Odalrico excacatus propter carenti:
am visus succedere non poterat, nepotem suum Brzetbislum Odalrici filium
ex rusticana (ut praemisimus) famina genitum, surrogauit. Pluribus persua:
sionibus illum commonens et exhortans, ut genus Vrsouicon' Bohemiae Ducibus
semper infestum et infidum quorum suasu excacatio sua et patris prouenerat,
poneret in exterminium sempiternum. Quam contumeliam unus ex genere
praedicto nomine Koczay grauius ferens praefatum Jaromir alium purgan:
tem lancea acutissima per posteriora transuerberans, miserabiliter extinxit.
Sicqz sub unius anni spacio Boleslaus Dux Bohemiae cum duobus filiis absum:
pti sunt, et Regina Poloniae Rikseba cum filio unico Cazimiro à Poloniae
Regno in exilium pulsi. Visusqz est annus ille et Poloniae Regibus et Bohemiae
Principibus fatalis extitisse.

Anno Domini 1037.

*Bellum atrox ciuile sub interregno
oritur & rustici aduersus nobiles ar:
ma capiunt, frizqz reru confusio maxima.*

Rikseba Polonorum Regina cum filio Cazimiro à Polonia secedente
gliscens iam dudum ciuilis dissensio, serpere amplius et confestim

tumultuari. Regnum Polonicum capit, Res quoque omnes publicae, aut in se-
ditionem spectare, aut in sola discordia versari, et quasi quaedam tabes, univer-
sum Regni Poloniae corpus scaturientibus undique commotionibus et guerris per-
icavit. Et primum quidem inter Procures Baronesque et Militares crebrae
clades oriebantur, per quas dum praecipui bellatores et ingenui homines, absum-
pti deletique mutua caede essent, in locum illorum vilia servorum mancipia,
praebentibus illis Civilibus bellis audaciam, succedebant. Baronumque et Mi-
litarum peremptorum coniuges et possessiones, interfectis si qui reliqueban-
tur liberis, occupabant, et suas in illis caeterisque ingenuis feminis et matro-
nis explebant libidines et incestus. Vbi vero tantorum scelerum factio sine
impunitate (neque enim iam leges in metu, neque primores in existimatione ha-
beantur) procedebat, illico servorum rusticorumque, agros et aratra lin-
quentium, maximus numerus conflatus est. Qui cum Ducibus a se lectis
armis correptis passim omnibus nobilibus, omnibusque bonis bellum infer-
rent, atque singulos quos vincebant bonis eorum exturbatis, occupatis, aut
direptis obtruncarent, in caeteros quos subigere non poterant, vicos, villas,
et omnia quae ditionis eorum noverant inflammando crudeliter debacchan-
tur. In hac quoque tempestate, neque templis, neque sacris locis et ministris
Dei parcitum est, sed rapacibus et sacrilegis manibus, templa magis insignia
et locupletia spoliata, bona Ecclesiarum direpta sunt, in Sacerdotes quoque
vario genere mortis saevitum est. Alii enim mucronibus et lanceis perfodieban-
tur, alii iugulabantur, caeteri lapidibus quasi quaedam victimae a prophanis
hominibus, qui non solum fidem et religionem sed omnem pietatem et huma-
nitatem a se abdicauerant, obruebantur, ad ritus insuper gentiles nonnulli
redeundum censebant, et ob id contra ius fasque omnia Divina atque huma-
na permixta erant. Plures quoque Ecclesiae desertatae, ferarum, animalium, et
bestiarum erant cubilia. Tantusque belli civilis fremitus et stridor contagio-
ne quadam animis multorum iniectus fuerat, ut singulae Regni Poloniae par-
tes, verso in propria viscera gladio, aut mutua et cruenta caede, aut incendiis
et populationibus agrorum flagrarent. Omnia itinera suspecta, et viae spoli-
antium latronum praedonumque plenae. Rarus extabat locus qui conspectu et
latebris insidiantium non scaturiret, vix solis volucris laceratae patriae tu-
ta et peruia tellus erat. Agrestes quoque his vexati assiduo spacio malis, de-
sertis quibus in pace insudare consueverunt agricultura et lignibus, in praedo-
nes rapacissimos concreuerant. Maxima quoque rerum Polonicarum tam com-
mutatio quam confusio secula est. Remansit terra populis vacua, sanguine
plena, lacrymis madida, orbata incolis, destituta filiis, confusa caedibus,
infecta cruore, destituta defensione, et omni suorum solatio desolata. Eoque
genere iniuriae processum, ut seditionibus domesticis in se ipsos manus verte-

rent, latrocinisqz grauibz conflictarentur, terribilibz cladibus se inuicem consu-
merent. Consurgunt breui latrones et siccarj, latronumqz et siccariorum
Duces, qui non finitimorum sed propriorum populantur agros, praedantur domos,
substantiam diripiunt, tecta exuriunt, pecora abigunt, et in omnia nefanda gras-
santur. Prouincia deinde omni turbata, non longinqua solum, sed etiam
interiora Regni collidebantur. Ipsa vzt Plocensis Regio in qua Maslaus
vnus ex nobilitate, Plocorum Regionum Subpincerna, et ipse olim Miecz-
slao charus, quod scelus in alijs et abhorrere et vindicare debuerat commi-
sum, se Plocensem Principem gerere capit. Ita Polonorum Primores et Proceres,
non sentiendo, non videndo excaecante ira animum, quo amentia progressi fo-
rent, quo periculi et infamia, et quid in se quid in Patriam, quid in Penates,
quid deinde in Deum et religionem suam, euicendo Cazimirum innocentem,
et omnis culpa expertem, commiserit, tarda aestimatione pensare, et serius
facti sui penitere ceperunt. Scelus facile ausum, facilius patratum, non
supplicationibus non hostijs, sed proprio sanguine patriae insuper calamitate
et interitu, ac proprio tributo expiaturi. Seditiones itaqz domesticae, cae-
desqz intestinae, et clandestinae proditioes apud Polonos extemplo coactae
Remp. Boleslai magni institutis nondum firmatam pessundederunt. Dome-
sticis insuper calamitatibus et malis, Bohemicum accessit nibilo domestico et
Ciuiili perniciosius. Qui in Polonia Regnum omni genere crudelitatis gras-
sati, pereuntem suapte Polonorum Regionem quo maturius periret omnem ope-
ram nauarunt ~

Anno Domini 1038.

Brzetislaus Bohemiae Dux sub tumultibus Po-
lonorum Regnum ingressus forti manu Wratilla-
uiam Posnamqz capit, deinde Gnesnam et Ec-
clesiam oibz spoliat, corpusqz Gaudentij Archi-
epi pro corpore S. Adalberti ac quinqz frum corpora
cu oibz Ecclae thesauris ac multa pda asportat ~

Ciuii et plus quam ciuii Nobilium vzt et popularium furore Regnu
Poloniae Brzetislaus Bohemiae Dux intelligens dilaceratum et colli-
sum, et suo Rege atqz Principe destitutum, inuadere illud velut para-
tam praedam, et amplioribus incomodis afficere, et nullam illie resistantiam
sciens se habiturum, constituit. Ad quod illum non solum acceptae in exca-
catione Ausui Boleslai Ducis Bohemiae per Boleslaum Poloniae Regem

iniuriæ factæ memoria, sed et livor et odium, simulq; occupandi alieni Regni, aut saltem exterminandi, stimulabat ambitio et prava voluntas. Collecta itaq; Nobilium et agrestium multitudine, Poloniam ingressus Civitates eius magis opulentas et insignes, Wratislaviam vñt Posnaniam, oppidaq; vicos, et villas, quæ civilis stridor nondum deleverat, diripit et exurit. Ad Gnesnam tandem Polonorum Metropolim perueniens, illam, quoniam nec situ nec arte munita erat, sed neq; defensores habebat, facile capit. Et quoniam in Vrbe tam vulgata et famosa, nobilem prædam suæ avariciæ prout rebarur suffecturam non reperit, neq; enim illic nisi vilia mancipia relicta erant, ad prædanda diripiendaq; sacra templa animum ambitione æstuantem conuertit. Sed illicō omnipotens Dei indignatio potentie suæ virtutem ostendens, mirabili prodigio ne sacer locus maximo et præcipuo suo prædaretur thesauro providit, et quantum sacrilegii facinus profanus et impius Brzetislaus esset admissurus monstravit. Dum enim Dux ipse Brzetislaus Ecclesiæ Sanctæ Mariæ Metropolitice Gnesnæ spoliaturus advenisset, in ipso limine et aditu, tam ipse quàm omnes milites sui et uniuersa plebs, cæcitate et morbo letargico, qui illos amplius quàm triduo delinuit, quoties Ecclesiam irrumpere et sacra diripere tentabant, toties fuisse percussi. Intra autem dierum illorum trium, pietate Agni cælestis quæ Polonos verberare suæ plagæ mulctari, non ad extremum tamen consumi permisit, procuratas inducias pauci ex ministris Ecclesiæ Gnesnæ, qui cæteris metu belli percussis diffugientibus, remanserant, corpus Sancti Adalberti Pontificis et Martyris in ea conditum, quod verisimiliter Bohemos existimabant sublaturos e loco, in quo annis pluribus uniuersali deuotione quieuerat, abstrahunt, et in loco vili sabulo obrutum recondunt. Sub illis quoq; diebus Brzetislaus Bohemiarum Dux, in quæq; loca propinqua vastationem iusserat extendi, et agrestes capi, in eam spem adductus, quod discordia Polonorum intestina sua quoq; vastatione infesta Resp. Polonorum dissoluta, Bohemica fieret angustior. Iam Bohemos et Ducem eorum Brzetislaum exanimatio letargica et cæcitas à spolio in sacra perpetrando trium dierum continuatione delerruerat, resq; apud eos, prout dignum erat, in prodigium et religionem versa, futuri sacrilegii facinus eiusq; magnitudinem demonstrans, conceptum furorem dissoluebat. Sæuerus tamen Pragensis Episcopus qui bello iniusto huiusmodi se miscuerat, et Gnesnæ præsens aderat, Bohemorum animos suapte in prædam et spolia procliues, ad proseguendū cæptum scelus animat et accendit: asserens letargiæ et excæcationis incommodum, non propter in sacra Ecclesiæ Gnesnæ per eos committendum spoliū, sed propter veteres Bohemorum præuersiones et scelera in Catholicam religionem abutendo illicitis connubiis, perpetrando homicidia, committendo adulteria, Sabbata diesq; festos operibus seruilibus violando, incestuose viuendo,

sepulturas mortuorum in locis profanis, neglectis ædibus et Cymiteriis sacris, faciendo, et templis spolia inferendo, pauperes opprimendo iniusta iudicia exercendo, commissa, accidisse. Ad quorum expiationem S. Euerus Pontifex Pragensis Duci et Bobemis triduanum ieiunium indicit. Quo expleto iuris iurandi execratione se astringunt, ab omnibus enormibus facinoribus se, quibus hactenus coinquinati fuerant, cessaturos. Post hæc Ecclesiam Gnesnensem ingressi, dum solita non ferirentur cæcitate, ad diripienda singula sacra et omnem Ecclesiæ suppellectilem, rapacem manuum et animorum ingluuiem, fauere eorum Diuinitatem credentes proposito, intendunt. Correptis autem Ecclesiæ Gnesnensi qui remanserant ministris, non probris solum et cruciatibus, sed etiam amplissimis promissis illos sollicitant, ut ubina corpus beati Adalberti Pontificis et Martyris depositum sit ostendant. Et illi quidem prudenti et industriosa uafrie uisi, corpus Gaudentii Gnesnensis Archiepiscopi et beati Adalberti germani ostendunt, illudque esse corpus beati Adalberti mentiuntur. Creditum est illico à Bobemis, nam et Sarcophagi locique et ornamentorum Pontificalium quibus vestitum erat corpus Gaudentii qualitas, fidem figmentis faciebat. Tollunt itaque Bobemi corpus Gaudentii, et immensa lætitia, putantes se corpus beati Adalberti Martyris adeptos esse, exultant, et vulgaribus canticis Ecclesiam Gnesnensem replent. Deinde illud magna solennitatis pompa de Ecclesia efferunt, et in Castra sua traducunt. Quæ quidem ludificatio iustissima Dei lege prouidentiaque Diuinitatis euemisse Bobemis credenda est. Qui enim uerum Dei et suum tunc Pontificem pluribus probris, contumeliis et iniuriis uiuentem affecerant, qui eum geminata uice de sede sua ignominiose eiecerant, quique sæuissima cæde fratres suos et uniuersum genus suum odio et liuore necauerant, eius sacrum corpus Polonis, qui eum susceperant, honorificauerant, eius monitis salutaribus paruerant, eius corpus ex Prussia transtulerant, auferre Diuinitate decernente iudicati sunt indigni. Sed nec Sanctus ipse passus est ossa sua ad gentem Apostatricam referri, quæ quantum in ea erat et in præsentem et in absentem in se suosque sæuens, sui nominis memoriam connata est e rerum natura pertinaci animo tollere atque abolere, et quorum uiuens consortia solebat fugiendo aspernari, ab eisdem non tulit corpus suum contingi, neque in Bohemiam ex Polonia auferri. Conuertit il post præmissa Brzelslaus Bohemiæ Dux animum ad cætera sacra diripienda, et quinque fratrum et Martyrum corpora uel Ioannis, Benedicti, Isaac, Mathæi, et Christini, quos sub Boleslao primo Polonorum Rege, in loco ubi nunc est oppidum Carimierz in maiori Polonia, heremiticam uitam in arctissima conuersatione agentes, monstrauimus Martyrium passos, quæque Boleslaus Rex primus ex loco passionis eorum Gnesnensem Ecclesiam transtulerat,

Imaginem insuper Crucifixi, ex puro auro per Boleslaum primum Polonorum Regem fabrefactam, et trecentem habentem libras, triplici pondere corpus eius appendentem, Item tres tabulas, quibus altare maius adornatum fuerat, auro puro et variis preciosisq; lapidibus et gemmis superbas, per eundem Boleslaum Poloniae Regem donatas, caeteraq; Gnesnensis Ecclesiae vasa et Clenodia rapit, et sacrilego facinore Ecclesiam Gnesnensem pluribus suis sacris ornamentis et decoris spoliat. Neq; his contentus campanas nobiles, et in magnitudine, valore, atq; sono raras aufert, et cum his omnibus, et populi rustici utriusq; sexus multitudine quam captam tenebat, in Bohemiam reuersus est, et Pragam in vigilia Sancti Bartholomaei ingressus, sacras praedas in Ecclesia maiori Pragen collocat et deponit. Captiuos vero rusticos Polonorum, inter quos Sacerdotes ministriq; Dei videbantur (tanta enim erat Bohemorum crudelitas, ut nec a Christi Domini manum suam continerent) in colonias deduci distribuiq; ordinauit. Corpus Sancti Christi unius ex quinque fratribus Morauis instantius petentibus Olomunecensi Ecclesiae, quae nondum Cathedrali tunc fungebatur honore, donauit, quod apud illam in eam usq; diem, sub tabulis argenteis auro tinctis requiescit, suoq; titulo et nomini Cathedra Olomunecensis extat dicata.

*Sanctus Stephanus Hungariae Rex moritur.
Cui Petrus filius Ducis Vilhelmi Burgundiae,
Succedit, primus apud Hungaros Rex peregrinus.*

Stephanus Hungarorum seu ut verius loquar Lannoniorum beatus Rex, fatis sibi diem instare praenoscens, cum orbus et sine liberis foret, de Regno Hungariae antequam vita excederet, ne Scismate et seditione ciuili illud contingeret inuolui, ordinaturus, mittit in Nitriam vel Vasul patruelis sui Michaelis filius, quem illic ad honestam captiuitatem reprimendo suam insolentiam Rex Stephanus damnauerat, adducatur, illum enim sibi in Hungariae Regno deliberauerat successurum. Vxor autem beati Stephani Regis Gisla Regina, Vilhelmi Ducis Burgundiorum filia, et iuxta assertionem nonnullorum soror Henrici Imperatoris decretum mariti sui satagens rescindere, et fratrem suum Petrum ex uno quidem patre sed ex altera matre sorore vel germana beati Stephani Regis genitum, et qui in Aula Stephani Regis velut nepos suus annis pluribus moratus, et a Rege Stephano Venerabilis accersitus, Princeps creatus Militiae, multorum Hungarorum fauores et beniuolentiam procurante Regina Gisla sibi conciliauerat in Regnum

Hungariæ præficere, Vasul excæcari, auribusq; truncari, et per omnia defor-
mem et inutilem atq; despectum effici subordinat. Quo malo beato Stephano
Hungariæ Regi nunciato, febre correptus et dolore nimio vexatus xv. die Sep-
tembris in die vlt assumptionis Domini nostræ Budæ, dum annis triginta se-
ptem Regnum Hungariæ administrasset moritur, et in Albam Regalem rela-
tus, flente cum vniuerso Hungaricali populo sepelitur. Vbi Diuinitate præ-
stante, meritis suis varia in languidis provenire cæperunt miracula, quibus ex-
post largius crebrescentibus, Rex beatus Stephanus in calicolarum numerū
meruit ascribi et transferri. Diebus autem planctus expletis postquam om-
nia Sancto corpori Stephani Regis fuissent ab Hungaris persoluta, Regina
Gisla et Buda Barone Hungariæ, cuius tunc inter Hungaros magna erat re-
putatio, procurante, dum nemo de semine Regio filius Vladislai Calui vult
Andrea, Bela, et Leuantha in Polonia Regno exulantibus, et filiis Michae-
lis obtruncatis extaret, Petrus Vilhelmi Ducis Burgundiorum filius et bea-
ti Stephani nepos ex sorore in Hungariæ Regem assumitur, et in Alba Rega-
li per Strigonem Archiepiscopum et ceteros Hungariæ Pontifices, consentien-
te in eum vniuersali Baronum Hungariæ decreto, coronatur. Qui primus apud
Hungaros peregrinus Rex perhibetur esse. Annalia verò Hungarorum eum nō
ex Burgundiorum genere, sed stirpis Teutonicæ testantur fuisse, Beati Sigis-
mundi Burgundiorum Regis germanum ex fratre nepotem ~

*Rikscha Polonorum Regina filium suum
Cazimirum Parisios ad studia lrarum ablegat ~*

Quasitura autem filio suo charissimo Cazimiro Regina Rikscha dum
iam in Almania terris consisteret ampliora virtutum et industriæ
ultra dotes naturæ ornamenta, ipsum studiis liberalibus imbuendum
Parisios, adiunctis illi honestis Padagogis et Seruatoribus, datis necessariis
sumptibus et reliqua suppellectili, transmittit, Qui insitam habens ab annis
teneris virtutis cupiditatem, et ipsius laudem in actione consistere intelligens,
non ideo tantum se studiosum et docilem præstitit, vt sciret nisi et scita: magisq;
operando exerceret, et aliis non sibi soli præficeret ~

*Cazimirus Mieczslai Regis Poloniæ filius
Parisiens studiis vacans Monasterium Cluni-
acenū ingreditur genus et originē suā secreto
seruans & Monachus viuere decreuit in Galliis ~*

CAsimirus filius Mieczslai Polonorum Regis, qui et Carolus nominatus
 est, cum in Parisien' Scholis integro biennio studiis operam, matre Regi;
 na Rikschā impensas largas ministrante, dedisset, et plures coacta,
 neos suos tam ingenio et arte quam forma excederet, caput apud uniuersos opini;
 one et fama celebris haberi, erat enim corporis effigie formosus, statura pro;
 cerus, membrorum robore insignis, sensuum viuacitatem atq; integritatem re;
 tinens, valetudinis bonæ, et cui probati mores virtutesq; iuxta ac literæ in
 voluptate erant. Veritus autem ne aliquando generis sui et fortunæ in qua
 erat, tam conditio quam qualitas, quam prudenti et industrioso velamine in ea
 diem occultebat, proderetur, variis æstibus mentis et spiritus collidebatur,
 et an ad patriam rediret, an in Almania vel Galliis consisteret, an Mili;
 tiam aut Ecclesiasticam sortem eligere mallet, longo tempore deliberabun;
 dus fluctuabat. Quoties enim naturali et ingenito ardore Patriam repeten;
 di cogitatio et desiderium sibi insedisset, toties exilii iniuria, Regniq; et
 Ciuili et hostili bello subsecuta desolatio et vastitas, prauus quoq; et licoro;
 sus in se Procerum Poloniae animus et defectio, suscipere tur ne an excludere;
 tur ambiguitas, matris quoq; Polonis iratæ dissuasionis et consilia, propositum
 huiusmodi rescindebant. Si verò in Almania aut Galliis subsistendi cogi;
 tatio animum subisset, subito grandes suggillationes et ipsa exilii ab inuidis
 obicienda exprobratio occurrebat. Tantis igitur fluctuationibus quassatus, et
 pro euitando detergendoq; opprobrii dedecore, et pro consequenda Regni cele;
 stis sorte et splendore Monasterium ingredi, et in Regulari obseruantia Cbro
 militari in animum induxit. Ea deliberatione velut medio optimo, quo sin;
 gulas iocunditates euitare posset assumpta, ad beatum Romaldum, qui ea tem;
 pestate magnæ Sanctitatis ut erat vir habebatur in Italiam ex Galliis descen;
 dit, donatoq; ei pulcherrimo quem ex Polonia habebat Caballo, et quismam, cu;
 iusue generis, sortis, conditionis, Regni, nationis, et fortunæ esset, quouē te;
 neretur desiderio, significans, confirmationem ab eo petit, et indumentum Mo
 nasticum accipiens, in Gallias rediit, atq; in Monasterium quod Cluniacē vo;
 citatur, frequentissimo Monachorum numero celebre, in Ordinem Sancti Be;
 nedicti, matre sua Regina Rikschā desiderio suo fauente, se recipi et ton;
 surari, suppressa generis sui et conditionis excellentia, obtinuit. Habitumq;
 Monasticum assumens, illic perpetuo delitescere, et in proposito continentia et
 religionis sanctæ, cuius in loco prædicto diligens et arcta obseruantia tunc
 florebat, omne tempus vitæ in obsequiis Diuinis absumere decreuit. Monasteri;
 ū autem præfatum Cluniacē tam amplissima dote per Francorum Reges proui;
 sum extat, et tanta Monachorum multitudine refertum, ut duodecim Prio;
 res, totidem cohortes Monachorum sub regimine suo et cura habent, Abba
 tem tredecimum assumere consueverint ~

*Iaroslavus Russiae Dux Masoviam spoliavit
& pradam ingentem abduxit impune ~*

Iaroslavus Russiae Dux intelligens Poloniam proprio et externo bello
implicatam et plurimum attritam esse collecto forti exercitu, terre-
stri et navali itinere venit in Masoviae oram, et eam igne caede et
spoliis populatus est, magnisque spoliis comparatis, magno insuper hominum v-
triusque sexus capto numero in Russiam se recepit ~

Inter haec mala has quoque Civiles et externas Poloniae Regno iusto Dei
iudicio inflictas clades erant Bosuthae Archiepo Gnesnensi viro religio-
so et optimo nocte et interdum pro panibus luctus, lamenta, fletusque. A qui-
bus magnopere angustatus et afflictus, ad horam extremam perueniens, ta-
be factum spiritum mansionemque suam perosum emisit in Ecclesiamque
Gnesnensi tumulatur. Cui Stephanus primus per provi-
sionem Leonis Octavi interregno durante, nobi-
lis de Domo et Familia Bobodze, Babatum
album transversaliter cum Cruce
rotunditati Babati superposi-
ta in campo rubeo deferre-
te, genere et natione
Polonus successit.

Finis Libri
secundi.

267

I OANNIS LONGI gini Canonici Crac' Hi storia Polonica LIBER III.

Anno Domini 1039.

Missi Romam nuncii per Stephanum
Archiepiscopum Gnesnensem, questum de spo-
lio Ecclesie Gnesnensis. Citatur Dux pre-
satus Brzetislaus, & Severus Episcopus Pra-
gensis. Quorum nuncii prima facie
omnia eos restitutos promittunt. Sed postea
propter Scisma et corruptioes dum Papa De-
cretum non exequeret, nil fuit restitutum.

Gravem et enormem Gnesnensis Ecclesie depræ-
dationem per impium Brzetislaum Bohemie Ducem
et suum exercitum in sacrarum et Deo dicatarum re-
rum sublatione, et in Bohemiam asportatione, com-
missam, Metropolitanus Gnesnensis Stephanus pri-
mus, qui Boszulba successit molesto et amaro animo
ferens, Rachelini Archiepiscopi Cracoviensis, cæ-
terorumque Episcoporum Polonie communicato consilio,
Nuncios notabiles Romam mittit, coram Summo Pon-
tifici et Cardinalibus de perpetrato per Duce Brze-
tislaum et Bohemos sacrilegio questuros. Qui cum Urbem accessissent, et co-
ram Benedicto Papa IX. audientia obtenta, nefanda Ducis Brzetislai et BO-
hemorum facinora, Sacrilegia in Deum et Sanctos eius, spolia in sacra et tem-
pla, caedem et captivitatem in Orthodoxos et fideles, rapinam in omnes fide-
li narratione exposuissent, Severum quoque Pragen Episcopum omnium Sacri-
legiorum huiusmodi participem et conscium fuisse, Sacrilegiaque singula eius

suasum et consilio fuisse patrata, Pontifex Romanus non secus quam iustum erat motus longam cum Cardinalibus aliisque qui tunc in Urbem aderant Prælati tenuit deliberationem. Et cum omnium pari unanimique consensu ac sententia, execrabile scelus in Gnesnensem Ecclesiam admissum mucrone Ecclesiastico vindicandum censeretur, diuersa tamen in modo ultionis inferendo addebantur vota, et alii quidem decernebant Brzetislaum Ducem omni honore Ducali et fidelium communione priuandum esse, alii per triennium in exilium agendum, Severum vero Episcopum Pragen a Pontificali gradu deiciendum, et in Monasterium pro expiatione tanti sceleris perpetuam illic penitentiam acturum, trudendum damnandumque esse. Alii tam Ducem Brzetislaum quam Severum Pragensem Episcopum usque ad plenam omnium sacrorum restitutionem anathematisandos fore. Hæc ultima sententia velut mitior et media ab omnibus accepta est. Verum quia Sedes Apostolica parte altera non audita decreta sua promulgare non consuevit, personalis contra Ducem Brzetislaum et Severum Episcopum Pragensem Citatio promulgatur. Quorum nuncii dum Romam aduenissent, et pro scelere sacrilegii diluendo verbo coram Summo Pontifice rem facerent, scelus illud de quo per Ecclesiam Polonicam accusabantur non diffitentur Ducem Brzetislaum et Severum Episcopum admisisse, non tamen temeritate inquirunt improba, sed deuotione et pietate forsitan stulta, Sanctorum ossa cæteraque Sanctuariorum vasa ex Gnesna sublata et Pragam relata esse. Belli enim iure quod Polonorum genti inferbat, credidit se spoliū illud iuste Brzetislaus Dux noster et populus Bobemicus admisisse. Tum vero Papa nunciis correptis, stultam et deliram eorum excusationem ostendit, nec licere quantumcunque iusto bello Ecclesias Dei suis Sanctuariis et rebus Dedicatis spoliari, aut ossa Sanctorum de locis Catholicis sine Sedis Apostolicæ speciali auctoritate et consensu transferri: cum bella hominibus, non celestibus et sacris rebus indicare conueniat. Proinde autem singula Sanctuaria Ecclesiæ Gnesnensis cæterisque Polonorum Ecclesiis erepta aut restituerent, aut tam Ducem Brzetislaum quam Severum Episcopum Pragensem Apostolico rigore scirent excommunicandum. Legati vero Bobemorum omnium ablatorum restitutione Ducis et Episcopi nomine repromissa, tam Ducem quam Episcopum ad complendum quæ verbo promiserant obligant, largis sermonibus pollicendo tam Ducem quam Episcopum decreto Apostolico in omnibus deuote et humiliter parituros. In hac pollicitationem dimissi, plerique Cardinalium Bobemorum nuncii adeunt, pluribusque largitionibus et promissis illos sollicitant, ut suis consiliis et suffragiis decretum Apostolicum de restituendis Sanctuariis Ecclesiæ Gnesnensi rescindant, aut si rescindere non possent, respectibus aliquibus executionem eius suspendant. Insuper scati Cardinales precibus et precibus, captam in Sacrilegium Principemque

ac Pontificem Pragen' sœueritatem et ipsi remittunt, et Papæ remittendam per-
suadent. Non conuenire aiunt grauitati Apostolicæ Ducem Bohemiæ qui
per nuncios suos omnia illicitè recepta restitutum, et præceptis Apostolicis
se exhibet statutum, censuris aliquibus percelli, et in sugillationem publicam
Principem parere paratum adduci: ne iniuste irritatus ad rebellionem iustam
se conferat. Multifaria tunc erat Sedem Romanam ambientium et de
ea contendentium collisio. Nam Sabinen' Epûs qui se Syluestrum nomi-
nabat, et Ioannes Archipresbyter Sancti Ioannis antè portam Latinam, qui
et Gregorius sextus, contra Benedictum nonum papatum usurpabant. Quapro-
pter persuasio Cardinalium censurarum promulgationem corrupta mente contra
Ducem Bohemiæ dissuadentium, tunc facile admissa est, et iustitia Polonorum
concertatione huiusmodi et Scismate de Papatu, protelata et impedita suppress;
sqz, Polonorum Pontificibus illam promouere et sollicitare desistentibus, bel-
lo insuper ciuili Poloniam præmente, emarcuit.

Anno Domini 1040.

Polonorum Rep. turbata, pars in loca Sylue
et paludinosâ cum armentis se recepit, aliis
terram Plocen' petentibus, ultra Vistulam. Vbi
Mastaus olim Vincerna Mieczslai Polonorum Re-
gis morte eius secuta per tyrannidem DO-
minum Plocense inque occupauerat.

Iam Polonia Regnum quondam gloriosum et laudabile, tum verò de-
plorandum et miserabile, innumeris cladibus bellisqz, partim domesti-
cis, partim hostilibus et extrinsecis adeo afflictum exhaustumqz erat,
ut præcipuis militibus et Ciuibz trucidatis aut captis, nihil in illo nisi vasti-
tas et desolatio cerneretur. Villæ siquidem et Oppida colonis et habitatoribus
aut extinctis aut diffugientibus raræ poterant reperiri, et hæc ipsæ vel incine-
rata vel semiusta vel collapsæ. Agrorum perierat cultura, singuli negocia-
tores exulauerant, fora non frequentabantur, omnia in ruinam et perniciem re-
ciderant, alia exterminata, alia præcipitata, alia languida, alia deformata,
alia occupata erant. Nulla pars Reip. ab uniuersali morbo immunis et inte-
cta erat, vicinæ quoqz nationes per circuitum Poloniam aut lacerabant af-
fligebantqz prædis, direptionibus et spoliis, aut subiugabant, et iniusto suo do-
mino atqz iuri eius oras et regiones mancipabant. Quod demum periculo

hisq; negociis compertum est in omni Rep. praesentiam Principis plurimum valere, et absentiam incommoda perficere. Complebantur in singulis Boleslai Chabri primi Polonorum Regis vaticinia, quibus moriturus cecinerat Poloniam demerito eius exigente, et conquassandam bellis, et diripiendam a nationibus fore. Inter tot autem et frequentia mala, quibus Polonorum gens atterebatur, id erat illi unicum remedium et solamen, quod plerique illorum in paludes stagnosae et sylvestria loca, ipsis etiam feris vix peruia, intrabant, ubi pecus fortunasque suas condebant. Cateri vero praedatum et bellorum diuturnitate pertasi, aestimantes mala huiusmodi in tempus amplius saevitura, cum fortunis ac pignoribus in regiones trans flumen Vislam versus Russiam et Lithuaniam sitas diffugiebant, credentes se amne transito imminens malum declinasse. Et quoniam Plocen terra intrinseco malo minus correpta fuerat, fugientium caterua in eam quasi in quoddam firmum praesidium frequentes diuerlebant. Erat ea tempestate inter Plocen Procures vir quidam animo ferox Maslaus nomine, Mieczslai olim Polonorum Regis Pincerna, qui post terrae illi nomen dedit. Is quia ceteros ingenio et genere praestabat, et expellenda Rikschae Reginae cum filio Cazimiro auctor principalis fuerat facile urgente communi disturbio summam regiminis arripit, purpuram assumit, sequi omnium oram illam habitantium partim dissimulatione partim consensu Principem erigit, et omnium sibi primo quidem monendo et exhortando singulos, et quae deformata fuerant blandè corrigendo, dominium et ditionem usurpat. Adscitis insuper undique hominibus, qui pro ingenio praedae et rapinarum percupidi essent, quicquid studio ad euebendum statum suum et dominationem flagrarent, auctoritatem et nomen apud Plocenses breui a deplis est, et factis dictisque omnibus ad fallendum callidus, Masovia populis vanis promissis inescatis, in Dominum et Principem se recipi obtinuit. Neque enim tunc difficile erat inuadere Principatum, singulis de summa rerum trepidationem desperationemque animo volentibus, et ad privatam salutem tuendam, quam sibi a quocunque praestari deposcebant, conuersis, Regno siquidem per clades et calamitates externas et proprias diuiso, diripientium vastationem non poterant effugere. Incanduerat enim ira altissimi, nec addidit diutius Polonorum quibus prouocabatur tollerare scelera, sed gloriam illorum quam hactenus sustentabat collidi et confundi permisit, fatoque quodam maligno, et ut verius dicam Polonorum vicio et demerito, eorum res ad summam perductae, rursus ad infimum velocius quam ascenderant relabebantur.

*Moti tandem Barones Poloniae calami-
tariis patriae decernunt reuocandum es-
se Cazimirum, missiq; Legati ad matrem,
ubi illum Monachum factum intellexerunt,
Gallias petunt. Quo iam Diacono et pro-
fesso reperto, per Abbatem in urbem ad
Summum Pontificem remittuntur pro im-
petranda licentia restitutionis illius.*

Omnibus autem in Polonico Regno Remp. per desperationem deferenti-
bus, nihilq; salutare in commune conferentibus, Patriae occasum cum
suo exilio propediem venturum, Arcibus aut locis palustribus et inui-
sis Procures et Primores inclusi operiebantur. Rep. Polonorum uebementi et
interno et externo hoste deformata, et ad extremam penè internitionem detru-
sa et depræsa, cum singuli quasi quadam tempestate fuissent iactati, splendor
quidam veluti de caelo emissus, pectora Primorum inspirauit. Primores enim
et Barones Poloniae crebris tractatibus exiguas eius et exangues reliquias sal-
uare cupientes, de summa rerum et quonam modo status prior et facies Reip.
reddi posset consultabant. Et omnium quidem sententiæ congruebant sine Re-
ge et Principe, neq; mala exorta dispelli neq; ad debitum ordinem Regnum
reduci posse. In eligendo tamen et assumendo Principe erant varii et diuer-
si tractatus, quibusdam enim placebat, aut ex vicinis Principibus, aut ex propriis
militibus Regem eligi. Sed hæc quoq; sententia multas secum difficultates fu-
turas et incommoda trahens, cum verendum esset ne eligendus Rex, si de Prin-
cipibus vicinis esset Principatum detrectaret, si vero de genere proprio ne in
contemptum fastidiumq; veniret, damnabatur. Aliis placebat expulsam et in
exilium missam hæredem et filium Regium Cazimirum quærere, et omnibus mo-
dis ad Regni reducere regimen. Quo viuente certum esset quemlibet iustum
et prudentem Principem Regnum Poloniae et lacerum et deforme abnueturum.
Neq; parvipendendam prolem Regiam, cui hæreditas et successio debeat, sed
imò Auitam in Casimiro sperandam esse indolem, neq; exulare alium Principem
qui Reip. Regni Poloniae æquè possit et abrogare deformitates, et instaurare
ruinas. Iniquum insuper esse Boleslai magni primi Polonorum Regis beneficia
et in patriam et in se præstita oblitum iri, nepotemq; suum eo Regno priuari, cu-
ius ille virtutis suæ excellentia primus Diadema meruit. Hæc sententia cum
ab omnibus collaudata et accepta foret, decernentibus iudicantibusq; sin-
gulis Proceribus Regionem Polonicam suam Dignitatem suamq; Statum, nisi
Rege Casimiro recuperato, tenere et recuperare non posse. Post multos itaq;

tractatus, post varias iactationes, similitates, et tumultus, finem diffidiis in hunc modum placuit ponere, modumque statuere odiis, solusque Cazimirus dignus visus, est, cui Regnum Legati communi voto eligendi deferrent. Quem Deus omnipotens in suae indignationis nubilo, misericordiae suae non oblitus, quasi scintillam modicam pro Polonorum restauratione et gloria voluit conseruare. Pontificibus interim et Palatinis ex quibus maxime, Ecclesiastico vult et saeculari statu, uniuersum corpus consilii apud Polonos ad promouendam Remp. concinnatur, nonnullisque aliis Baronibus paucis tamen admodum in Gnesnam Metropolim iterum conuenientibus, Stephanus Gnesnen' Archiepiscopus dicere orsus. Quo in loco, inquit, res nostra sint Procures, disserere non expedit, iuxta mecum omnes intelligitis. Eo trepidationis et calamitatis ventum esse, ut si Remp. nostram saluam esse velimus, apud remotas et ignotas regiones exulantem per nos Cazimirum sollicitis studiis requirere debeamus, supplicaturi et suasuri exuli reditum, qui adolescenti et innocenti maternarum transgressionum noxas parum iuste imputabamus. Finem dicendi Archiepiscopo faciente, circumspectantibus ceteris omnia aliorum Consiliariorum remedia, licet plerique nouum creare Regem, plerique Gubernatorem Regni deligi, consulerent, nec satis inter Pontifices et Procures de eligendo Rege conueniret, nihil tamen salutarius praeter unum, tutissimum in praesens et futurum ad leuanda celerius mala grassantia et grassatura occurrebat, remedium, quam ut pulsum a se Cazimirum Regni Principem et heredem quassitum irent, reuertumque reducerent ac se eius ditiori et defensione permitterent, facile ad eius regressum furias omnes collisionesque et concussiones Regni intrinsecas et extrinsecas quieturas. Ipsumque quod tam se quam matrem ignominiose eiecissent, maternis prouocati non ferendis iniuriis, ut sunt ingenia humana, ad leuandam propriam culpam, et ad sperandum meliora mitioraque nimio plus facunda, deprecantur et exorant. Nam si alium Regem eligere pergerent, vereri se suam electionem, ut viuente herede et renunciationem non faciente, repudiatum iri, securius se omnia acturos si Cazimirum vel fati subtractum, vel iuri cessurum. nunciis reuertentibus constiterit. Nuncii posthac ad quarendum Cazimirum designantur et mittuntur, eo mandato et auctoritate instructioneque fulciti, ut pro illius reductione etiam quaeque difficilia subeant: cum in illo uno unica spes miserabilis patriae consistat. Nuncii autem Polonorum publica executuri mandata, arrepto itinere primum ad Almanniam diuertunt, et Riksebam Poloniae Reginam Miecislai Poloniae Regis olim relictam in Brunswik degentem offendunt, cui cladium et malorum quibus Poloniae Regnum pressum erat, magnitudinem, quam et ipsa ex rumoribus intelligebat, singillatim exponunt, rogantque ut ubinam terrarum aut gentium filium suum Cazimirum inuenire possint, eis fideliter edicat et declaret. Regina autem Rikseba

et si suas filii sui propter exilium illatum iniurias vltas esse gaudebat: calamitatum tamen magnitudo etiam muliebrem affectum superabat. Propter quod Regno Poloniae tam miserabili et afflicto non poterat non compati, spirituque compassionis impulsus, vivere quidem filium suum Cazimirum sed in religionem sacram beati Benedicti transisse, et Monachalem habitum et statum in Cluniacen' Monasterio in Galliis sito professum esse demonstrat, nimisque videri illum a religionis proposito Regni terreni cupiditate distrahi non posse, et spe concepta Legatos frustrandos esse. Terruisset Legatio haec quantumcumque constantes viros, Legati tamen Polonorum nihil iis quae a Regina pro indifficultando et succidendo eorum itinere dicebantur, percussi, honorata Regina Rikseba de iis quae secum ferebant muneribus, in Gallias profecti Cluniacum tandem perueniunt, et Ducem suum Cazimirum Monachali habitu vestitum recognoscunt, oborto lachrymarum imbri, certatim in eius runi amplexus. Foelices se et beatos astruunt, quod Principem suum tanto labore quaesitum viuum et incolumem repererint, apud quem petita audientia et de consensu Abbatis Cluniacensis obtenta, verba faciunt. Omnium inquit Pontificum, Procerum, et Nobilium Regni Poloniae nomine ad te venimus Princeps Clarissime oratum, qui solum Regnum nostrum imo tuum Poloniae labefactum attolere, et discerptum reintegrare tuerique emixe et egregie potes, si ad Regnum Poloniae te per nos reduci, et illius sceptrum successionem paternam tibi debita regere velis, neque preces nostras et totius patriae, neque fatigas nostras qui te per varias regiones, nationes, et populos discurrendo quaesiuimus, despectum iri sinas. Veni igitur seditiones sedaturus Polonicas, et intestinas illorum discordias eradicaturus, hostes abacturus ab eorum faucibus, et Regnum erepturus reliquias. Tacet enim infelix Polonia, frequenti squalore proprio et hostili opprassa, olim suo imperio dum illam Protaurus, Auus, et genitor tui administrarent latissima, nunc vero rapinis, incendiis, vastitate, seditione, templorum direptione, hostili vexatione concussa. Noli committere ut te per tot terrarum spacia fatigati quaesiuimus frustra, te enim unum omnes expectant, omnes inluentur. Tu unicus es qui nostrae spei respondere, qui Regnum Poloniae multifarie scissum et deformatum in suum decus et gloriam vindicare potes. Si nos deseris, quem implorabimus? Si despicis, quis subleuabit? Perpetrasse deinde se et eos quorum fungebantur legatione, iniusto et graui deliquisse facinore fatebantur. Suppliciterque exorando precabantur, ut se meliorem erga eos, quam erga illum ipsi fuerint exhibeat, exoratuque se mitem et facilem et si quondam ingratis nunc tamen supplicibus, vel cbaritate vel respectu patriae praestet. Recognoscit Cazimirus Dux Regni sui Proceres, et de illorum aduentu iubilo immenso cordis iucundatur et exultat, Quid tamen agat, quem affectum, quem vultum Legatis et Proceribus

Polonia, quorum aduentus causam ipsis proclentibus habebat non ignotam, exhibeat, penitus ignorat. Iam enim Regulam Sancti Benedicti professus erat, iam et Diaconatus gradum susceperat, alieniq; iuris et arbitrii factus, etiam communionem conuersationemq; cum Legatis non nisi Abbate permittente, neq; regressionem in saeculum sibi nouerat professionis virtute interdictam. Quae cum Polonorum Legati Duce eorum Carimiro referente didicissent, Abbatem Cluniacensem conueniunt, congruisq; muneribus sibi praesentatis, cur et unde uenire exponunt. Variis, inquit, et diuturnis domesticis et externis cladibus, ob absentiam Principis sui Carimiri in exilium iniustum Procerum odio missi, Regnum Poloniae adeo praesum et vexatum est, ut miserabilis status eius et conditio etiam hostibus et inuidis commiserationem excuciat. Neque enim per nos calamitates et ruinae satis depromi et enunciari possunt, quod primum civili discordia et furore, demiq; hostium undiq; impendentium inuasionem, pristino suo splendore et gloria quibus usq; ad inuidiam abundauerat, exutum est, et multifarie deformatum et direptum. Caedibus enim continuis ad consumptionem vastitatemq; redactum, stupris inquinatum, libidinibus pollutum, spoliis et praedis attritum, Diuinis et humanis prophanatum, in fide vacillans, in religione oberrans, in legibus et moribus proprios motus sequens, Ecclesiarum Dei et ministrorum eius, omniaq; Ecclesiasticae libertatis iura pessumdans et proculcans, ac sacrilego ausu possessiones et bona diripiens, in omne scelus et nefas non desistit grassari. Et licet pro curandis rescindendisq; tot malis plures uiae tentatae sunt, nulla tamen earum spes nostras impleuit. Omnium itaq; Polonorum tam Ecclesiasticorum quam Saecularium virorum, qui relictis sumus, sententiis declaratum est Regno Poloniae salutem aliter prouenire non posse, nisi Principis nostri quem in tuo Monasterio reperimus reductione. Quapropter tam nostro quam eorum quorum legatione fungimur nomine, exorandum te pater bonorande uelimus, ut multiplices acerbitates calamitatum, praesurarum, et desolationum quibus Regnum Poloniae attritum erat, attendens, Principem nostrum Monachum uero tuum nobis reddere, et in Regnum suum Polonicum illum remittere non graueris. Excellentius gratiusq; Sacrificium Deo in purpura quam in Cappa, per administrationem instaurationemq; Regni paterni et Auiti, profliigationem malorum, premiationem bonorum, quam per Regularem precatorem et obseruantiam exhibiturum. Abbas autem Cluniacensis uir ipse eruditus et industrius, prudentum et expertorum virorum communicato consilio, Polonorum Legatis respondet se quidem ad gerendum petitioni et requisitioni eorum morem, ex compassione et affectione singulari, ut calamitates Polonici Regni dispelli et sanari possint, beneuolum atq; prouidum esse, non tamen huius potestatis fore, ut et Monachum et Diaconum a religione professam emancipet, et in terreni Regni regimine, prauaricato professionis suae tenore succedere per

mittat. Proinde supremum in terris Tribunal, supremamque potestatem, secundum vult Apostolicam Romanam et Vicarium Christi adirent, et necessitate publica Polonici Regni eiusque conditione et statu Summo Pontifici declarata, Principem Cazimirum reddi deposcerent. Ea benignitate Pontificem Summum praeditum esse, ut calamitosorum et afflictorum precibus non possit non moveri, et Regno cui suapte debetur miseratione propiciationem non praestare. Sine vero Apostolicis mandatis in remittendo absolviendoque Monacho quam gratissime pro salute publica non paritutum.

*Nuncii Polonorum ex Cluniaco Romam
petentes supplicanti Pontifici Cazimirum
Monachum Regem sibi dari per Regni salutem.*

Cluniacensis Abbatis responso Polonorum Legati accepto, et si illos non mediocri haberet molestia et amaritudo, quod Principem suum, prout animo destinauerant regulari professione et Diaconatus officio intelligerent irretitum, duplicemque illum nodum non sine plurimorum laborum et difficultatum interpositione soluendum, omnia tamen etiam extrema deuouunt se perpeffuros, dummodo salutem miserabili et afflictæ patriæ referri possent. Ex Cluniaco itaque facto discessu rectiori quo possunt itinere Romam contendunt. Quò cum incolumes peruenissent, à Benedicto Papa nono benignam audientiam sortiti, quibus bellis, quibus cladibus, caedibus et spoliis Regnum Polonia cum ab externis tum à propriis, propter carentiam et exulationem stirpis Regiæ, usque ad intermitionem confectum sit, quibus quoque ex causis restitutio Principis eorum Cazimiri per Cluniacensem Abbatem negata sit, declarant. Difficilis, inquiunt, beatissime Pater relatu est calamitas, qua Polonia Regnum et superioribus annis afflictum est, et hactenus affligitur, hostibus et propriis in eius exterminium quodam furore armatis et incensis. Vnico siquidem hærede et Principe nostro Cazimiro, nobilissima stirpe Regia genitore absumpto, ob inuidiam maternam pulso, omnis perniciēs illud inuasit, longoque bellorum tractu, priuatione pacis, varias cladum amaritudines experiri compulsus est. Sacra enim Diuina et humana prophanata sunt, Sacerdotes et ministri Christi aut pulsi aut enecati, Primores Regni in parte notabili deleti, matronæ nobiles virginesque stupratae, Ciuitates et vici conflagrati, Regia omnis suppellex direpta, multi illustres et nobiles viri multis vulneribus trucidati, multi in prædā et seruitutem tracti, multi gladio et fame consumpti. Populus igne et ferro vastatur, cultus Dei deseritur,

Ciuitates, Oppida, Castra, spoliuntur et eueruntur. Iustitia exultat, furor augetur, boni premuntur, scelerati crescunt. Virtus omnis marcescit, vicia dominantur Ecclesiarum, Monasteriorum caeterorumque locorum Deo dicatorum, quae deuotio; ne Christianorum Principum erecta, constructa, dotataque fuere, attentata subuersio. Et ut multa paucis complectamur, adeo vehementi bellorum et cladum stridore Regnum Poloniae penè consumptum et deletum est, ut nullum desolatius, desertius, vastatiusque esse videatur. Ne autem Regnum ipsu, et à propriis et à finitimis nationibus proculcatum in barbarorum et Scismaticorum, contra quos hactenus militando sculo suo caeteras Christianorum regiones tutabatur, ditio nem concedat, supplici lugubrique magis eiulatu, quam voce orare Legati ceperunt, ut Regno calamitoso et perdito, velut regionis Christianae parens consulat, Principemque illi suum in Cluniacensem Monasterio consistentem, non obstante quod Monachum professus et gradum Diaconatus adeptus sit, reddat, obsecrant. Ex te enim Sanctissime Pater nostra et totius Polonici populi salus et restauratio pendet. Tu solus patriae nostrae potes sanare discrimen, tu bellicum furorem inhibere. Te patria nostra inuocat, te intuetur, te fiducialibus precibus recurrit. Tua maxime interest facili auctoritate et decreto ei praestare gloriam et quietem, salutem et integritatem. Per te regionum nostrarum sanari debent vulnera, quibus praeter te nemo mederi potest, ut Resp. Regni nostri Poloniae saeva discordia miserabiliter prolapsa in pristinam prosperitatem pace confecta vigoreque resumpto, Diuinitate propicia consurgat. Maturato opus esse auxilio, ni citò succursum fuerit, de capite de fortunis insontium, de totius insuper Regni corpore actum esse. Nec semel Papam et Cardinales petiisse contenti, frequentius petere et instare perseverabant: rogatos ne se frustratos spe abire post tantos labores fatigasque, et triste responsum in patriam referre paterentur. Compateretur Summus Pontifex benignitate paterna Polonorum Regno, miserabilibus cladibus obruto; non aliam habenti faciem, nisi ut si esset sine capite truncum corpus, sine oculis frons et facies tenebrosa ~

Pontifex Romanus ad preces Polonorum ipsis Carimirum Monachum ad Regnum restituit indicta Polonis perpetua denarii Sancti Petri solutione et conlura crimium ad aures usque pro tanta gratiae memoria Ingens tandem Scisma Ecclesiae Romanae recensetur.

Legatione Polonorum Benedictus IX. audita, quid facto opus foret, aliquanto tempore cum Cardinalium Collegio caeterisque timoratis viris et Iurisperitis deliberat. Res enim et supplicatio noua, et sine exemplo

ad se delata, non parum in utramque partem difficultatis et periculi secum tra:
bens, alla longaque indagine et lucubratione ut dirigeretur, Summum Pontifi:
cem impellebat. Nam ex Monacho Diaconoque laicum efficere, solennaque religi:
onis et continentiae votum dissolvere, transgressionis in Divinam legem facinus
evidens censebatur, et laboranti afflictoque Regno non providere, patetis
crudelitatis, quae a sede Apostolica benignam se omnium matrem vocitantem lon:
ge abesse debet, erat specimen. Mouebant rara sanctitatis virum facies
miserandae Legatorum, vilis et absolutus habitus, vultus supplex, demissa
supercilicia, et verborum humilitas. Intelligebaturque vir Apostolicus propter
defectum Regalis regiminis multas Polonis iacturas accidisse, ut pote militum
dissensionem, populi concussionem, Regni depredationem, fidei subuersionem,
Episcoporum et Sacerdotum indignam oppressionem, virginum deflorationem,
et coniugalis pudicitiae contaminationem. Itaque post varios tractatus et
consultationes hac in re habitas, dum plures via Polonorum Legatis a Sum:
mo Pontifice propositae, velut durae et intolerandae repudiarentur, ea tan:
dem a Summo Pontifice decreta, et a Polonorum Legatis accepta est. Et
tunc demum Summus Pontifex Legatorum Poloniae precibus annuit, et Ca:
zarimirum illis precario donat Regem, nexum religionis et susceptum ordi:
nis vinculum soluit, uxorem illi ducere et filios procreare concedit. Do:
na tamen Apostolica exemplar non habentia, nec unquam alicui personae aut
regioni concessa, rata esse decernit; si illa Lex a Polonorum Legatis susci:
pienda et perpetuo seruanda promittatur, Princeps Poloniae Carimirus dispen:
sante Summo Pontifice Monasterio Cluniacensi exeat, habituque, regula, et gra:
du Diaconatus abdicatus, solutus et liber, paternum et avitum Regnum
instauraturus, illud resumat; nubendi et in spem Poloniae Regni successores
generandi habens plenam potestatem. Sed tum Polonorum regiones ac Re:
gnum in signum praestiti per sedem Apostolicam, acceptique in magno suae necessi:
tatis articulo beneficii, beato Petro et successoribus suis Romanis Pontifi:
cibus, de quolibet capite nobilium, capitibus circumscriptis vsualem numum an:
nis singulis soluere, caesariem capitis et comam barbaro more non nutrire,
sed auribus patentibus ad instar Catholicarum et Latinarum nationum,
tonsuratum caput gestare, et in praecipuis Christi et Virginis matris eius
festiuitatibus panno lineo albo in stola modum dependente caruicem exorna:
re perpetuo sit adstrictum. Ut his tribus insigniis ex Monacho et ex
Diacono Apostolica concessione et benignitate, dum aliter concretum peri:
culum dispelli non posset, Polonus Regem sibi creatum et redditum re:
cognoscens, tam in Deum quam religionem Christi sit gratior atque deuotior.
Placet aliis non Benedictum nomine sed Clementem secundum Polonis
Carimirus Regem reddi iussisse. Quam diuersitatem propter plures

sub eo tempore de Papatu contendentes. reor prouenisse. Benedicto enim 12. eiecto, Episcopus Sabinensis qui Sylvester vocatus est, substituebatur, sed eo quoque eiecto, Benedictus sedem recuperat, quo altera vice eiecto, datur Papatu Ioanni Archipresbyteri Sancti Ioannis ante portam Latinam, qui Gregorius sextus vocabatur. Qui cum esset rudis literarum, alterum Papam ad vices Ecclesiastici officii exequendas, secum consecrari fecit, quod cum multis non placeret, tercius super inducitur, qui solus duorum vices impleret. Vno igitur contra duos, et duobus contra unum de Papatu altercantibus, mortuo Gregorio, Henricus Imperator contra duos Romam accedit, et eis Canonica et Imperiali censura depositis Syntherum Dambergen Epum qui Clemens secundus dictus est, in Papatum per vim substituit, a quo Henricus Imperiali Diademate ornatur et benedicitur, Romanis sibi promittentibus et iurantibus, se sine ipsius consensu nunquam Romanum Pontificem electuros. Hac autem tributi perpetui in Regnum Polonicum impositio, quantum attulit Regno oneris: tantum et contulit, ne Regni fines a quoquam iniuste occupari vel mutilari possint, perpetui roboris, vociferante solutionis tunc imposita numismate, Regnum Poloniae sub iura religionis fuisse et esse, et occupantes atque occupatores finium, assidua de mala fide de prauaque conscientia, obiurgante voce.

*Conrado Imperatori Henricus III.
filius adoptiuus succedit.*

Conradus Imperator sub eisdem temporibus moritur, et in Ecclesia Spiren sepelitur. Cui filius suus adoptiuus Henricus tercius, et ut quidam ferunt gener, qui dudum patre uiuente in Romanorum Regem electus et consecratus erat, octogesimo sexto loco ab Augusto in Imperium successit, iocundus et bellator. In sylua natus erat, et bis ad occidendum traditus, sed tamen Deo protegente illaesus euasit adhuc puer. (Vius beneficii memor consecutus Imperium in loco natiuitatis suae fabricauit et dotauit insigne Monasterium.)

Iaroslavus Monarcha Russiae Wladimirum filium suum natu maiorem contra Graecos infelicititer cum exercitu mittit.

Ruthenorum Monarchia et vniuersali Principatu Iaroslavus Russiae Dux non contentus, famam et gloriam apud externos quasiturus, finitimis Graecis bellum infert, filiumque Wladimirum natu maiorem (grauis enim iam ipse ad sustinenda belli munera erat.) cum exercitu frequenti

in navibus contra Constantinopolim transmittit. Sed tempestate ingenti exorta
franguntur naues Ruthenorum, et classe dissipata milites Rutheni cum Duce suo
Wladimiro vix semivivi terram attingunt, pedestriq; itinere Russiam regre-
diebantur. Quos Græcorum nonnulli milites ab Imperatore missi non desi-
nebant particularibus certaminibus clandestinisq; bellis et infestationibus
lacedere, donec prælio inito Græcis fugientibus Rutheni evasere victores.

Anno Domini 1041.

Redeunt Legati Polonorum Clunia
cum Principem suum Cazimirum ad mrem
Rilescham primum adducunt. A qua cum
in Germania contineri non potuisset, in
Poloniam remittitur bene provisus.

Restitutione Principis sui (Cazimiri, qui et alio nomine Carolus Urbani.
tatis gratia dictus est, Polonorum Legati apud Benedictum IX. seu
Clementem secundum sub conditionibus quas præmisimus, impetrata,
alacres et cum gaudio immenso Roma benedictione Papali accepta egre-
diuntur, portantes et deferentes secum literas, quibus primum Cluniacensi
Abbati Principis Poloniae Cazimiri redditio, deinde eiusdem Gnesnen Archie-
piscopo Polonorum Primati, ceterisq; Archiepiscopis et Episcopis Poloniae co-
ronatio imperabatur. Et Legati quidem Polonorum concito cursu ex Urbe
in Gallias Cluniacum divertunt, Apostolicasq; literas Cluniacen Abbati
presentant. Quibus illico paritum est, et Dux Cazimirus Polonorum Lega-
tis, religioso vestitu amoto, sæculari et Regio amictus, redditur. Novum
Metamorphosæ genus, et nullis unquam visum sæculis, nec ab Ovidio
in Libris decantatum. Ex Monacho Rex, ex religioso sæcularis, ex Di-
acono miles, et continentiam perpetuam professus maritus, ex paupere dives
et contemplativo actiuus. Qui Abbati et fratribus Monasterii Cluniacen
valedicturus, verba in cætu eorum, quæ et sibi et Monachis lachrymas ex-
cutiebant, facit. Agitq; gratias, quod annis propè quinq; magna charitate
in eorum fove sit contubernio, et precatur ut tam ipsum quàm Regnum su-
um Poloniae perpetuò habeant commendatum, suisq; orationibus Cælicolas pre-
centur, ut sibi Regnum stabiliant, se quoque ea mente esse, ut tam loci
in quo alitus est, quàm Ordinis quem professus fuerat, nunquam posset obliui-
sci. Et his dictis, osculatis Abbate et fratribus, singulis discessu suum

comploratione, et in spacium remotum deductione, certatim coonestantibus,
ex Cluniaco egressus, in Almam ad genitricem suam Rikscham Regina
Poloniae in Seleueldt commorantem peruenit. Apud quam dum diebus ali-
quot quiesceret, persuadere illi molita est, ne ad Regnum Poloniae, proprium
et externorum bellis direptum, desolatum et exustum, cineribus magis et
fauillis quam frequentibus Urbibus inclitum, ubi sibi prioris exilii et iniuriae
facies pertimescenda foret, consentiret redire. Sed postquam Apostolica di-
spensatione a religione sorteqz Clericali solutus sit, in Almania consisteret,
largas et sufficientes possessiones, et per eam comparatas, et fauore Henrici
Imperatoris propinqui sui auunculi donandas, morte insuper aliorum consan-
guineorum deuoluendas, pro tenendo statu Ducali habiturus. Non mouerunt
Carimirum Poloniae Ducem dehortationes maternae, quae plerumqz ingentes,
stimulos afferre solent, verum matri a filio conuenienter responsum est. No-
esse aliquas possessiones et Dominia Almaniae tam vberibus redundantia
diuiciis, quorum contemplatione Auitum et Paternum Regnum, quamuis semi-
ustum, desolatum, et dirutum deserendum negligendumqz putaret, pro quo so-
lo instaurando abdicatio religionis Ordinisqz suscepti sibi a Summo Tribu-
nali tributa esset potestas. Cuius quoqz calamitas de deserendis religio-
ne et Ordine animum eius Diuinis et Caelestibus mancipatum obsequiis, ad
gubernanda terrena inflexisset. Sed nec in vniuersa Almania tam glo-
riosum et illustrem eum et semen eius futurum, quantum in vno Poloniae
Regno, cuius sibi instauracionem perfacilem, atqz inde famam denominatio-
nemqz percelebrem, perfidia cuiuslibet pauore circumscripto, fore demonstra-
bat. Nec dispensatione Sedis Apostolicae ulterius nisi pro regimine Re-
gni Poloniae et pro leuanda eius iniuria et ruina se extendi posse, si in Al-
mania remanendum duceret, ad religionis et ordinis regressum iuste posse et
opportere cogi. Consultatam se Rikscham Poloniae Regina in sua persua-
sione videns, aequiori animo filii propositum exequi passa est. Qui cum eam
secum redire in Poloniam precaretur, nullatenus propter acceptam confusio-
nis et exilii irrogatam a Polonis iniuriam acquieuit, sed in Almania con-
senuit. De bonis quoqz et possessionibus dudum a se coemptis duo Mona-
steria vtz Brunswiciensis sub honore Sancti Petri Apostoli vnu, aliud
Sancti Nicolai Confessoris, in loco ubi Sancti Kiliani sociorumqz eius
celebratum extabat Monasterium, fundat, construit erigit et dotat. SV-
per quo pie fundationis negotio ipsius Reginae Rikschae Privilegiu apud
praedictorum sacrorum locorum cultores ostenditur, fundacionem et dota-
tionem huiusmodi plenius contestans. Plena quoqz dierum et bonorum
operum apud Seleueldt defuncta est. Corpus vero eius religiose tantaeqz fa-
minae exequiarum congruo apparatu Coloniam delatum, et in Ecclesia Sancta

Maria quæ est ad gradus humatum est. Obiit tamen suum non tunc sed longe post lector contigisse intelligat. Pro ea siquidem tempestate qua hæc gerebantur Rikseba Regina redeunti filio Cazimiro in Poloniam ad Regnum paternum, plurima Glenodia in auro, argento, gemmisque, quæ ex Polonia extulerat, restituit. Nonnullos quoque milites et equestris ordinis viros, quorum vultus caterua filius honestius Poloniam repeteret, ex Almania filio adiunxerat. Et ne filio eiusque comitiuæ quicquam posset deesse de viatico sufficienti materna benignitate prouidit.

*Visitans primo Cazimirus Henricum Regem
Romanorum et affinem suum, obtinet restitui
duas Coronas Conrado donatas, mittitque ad
Bohemiam Ducem Brzetislaum pro restituendis
ablati Regno, quod nequaquam se factorum reddit.*

Expediens autem et summe necessarium tam Cazimiro Duci et matri eius Rikseba Regina quam Polonorum Legatis visum est, ut Henricum tercium Romanorum Regem, filium Conradi Imperatoris adirent, restitutionem Coronarum materialium Regni Poloniae per Riksebam Reginam Conrado Imperatori, ut in superioribus demonstrauius donatarum obtenturi, simulque de vastatione et spoliis per Brzetislaum Ducem Bohemiae in Poloniae Regnum tempore absentiae Principis iniuste attentata, quaesturi. Morabatur pro eo tempore Henricus Rom. Rex non in remoto loco in Insula vult Sancti Swiperti. Quem cum adissent, gratus fuit Henrico Regi eorum aduentus, multamque comitatem nouo hospiti et propinquo affini suo Duci Cazimiro et Polonorum Legatis, et ipse praestitit et a suis mandauit praestari. Et Coronas quidem duas materiales Regni Poloniae, quarum petebatur restitutio, prona beneuolentia restituit, ad Brzetislaum vero Ducem Bohemiae Nuncios, qui et illum de iniqua Regni Poloniae vastatione arguerent, et ut ablata restitueret monerent, misit, sequi Duci Cazimiro et futuro Polonorum Regi contra Bohemos in singulis auxiliaturum spondit. Quod etiam Ducis Cazimiri in Poloniam hostibus et inuidis terribilior, proprius vero et deuotis gratior esset ingressus, insignem militum et Curientium suorum numerum Cazimiro pro honore sui et auxilio adiungit, et profecturum secum in Poloniam et partes suas contra rebelles et indomitos adiuturum, Brzetislaus autem Bohemiae a Legatis Romanorum Regis Pragae reperlus, et super illicita Regni Poloniae vastatione correptus, atque super Thesaurorum et Glenodiorum in Gnesnen Ecclesia sacrilega praesumptione raptorum restitutione monitus graues cum Bohemis natura ipsa insolentibus et superbis concipit iras. Bellum enim sibi ab Henrico Romanorum Rege in fa-

uorem consanguinei sui Casimiri Ducis Poloniae inferendum, nisi ad plenum ablata redderet, denunciabatur. Unde et legatis Caesareis respondet, Polonis pro veteribus in se Ducatusque sui damnis et iniuriis, et signanter pro Aui sui Boleslai excacatione iustum bellum a se illatum esse, nec ad restitutionem spoli- rum per Henricum Regem Romanorum cogi debere, cui tributo quingentarum mar- carum argenti puri, et centum viginti boum electorum de Bohemia, pro Imperio quotannis reddi solito, persoluto, parere in ceteris nullatenus tenetur. Age, ret quae vellet, se antequam Polonicae spolia restitueret, omnia extrema to- lerabilius perpessurum ~

*Casimirus in Poloniam veniens
cepit castigare seditiosos et prae-
do- nes atque in Civitate Gnesnen' cum
ingenti orum laetitia et plausu coronat' ~*

Rebus suis Casimirus Poloniae Dux apud Henricum tercium Romanorum Regem pro voto stabilitis, licentia a Rege et genitrice sua Rikscba Regina oblenta, ex Almania versus Poloniam descendebat. Dum autem rumor Poloniam de sui Principis et futuri Regis desiderato aduentu peruenisset, magna hilaritate et gaudio omnium bonorum et Remp. saluam esse cupientium corda perfusa sunt. Singuli enim boni Casimiri reditum scientes, anxie per omnes status atque ordines operiebantur, ii vero qui raptu atque scelere vivere assueti erant, quique aut Regalia aut aliena occupabant, non mediocri dolore et pauore perculsi erant. Venienti vero ad fines Poloniae Casimiro Ponti- fices et Barones Poloniae cum quantis militia possunt occurrunt cateruatim obui- am illi effusi, summo cordis plausu illum excipiunt, congratulantur incolumita- ti, et longo post peregrinationem reditui, laudes in illum depromendo concinnant, Principemque suum magna deuotione excipiunt. Admonentque et precantur, ut his quas sibi et genitrici suae inconsideratus temerariusque furor irrogauerat ini- iuriis oblitteratis, ad capessendam Remp. Regni sui prostratam et exanguem animum intendat, et sui animi brachiis in curam suam omnes accipiat, nec iram et indignationem habeat virtute potiore. Ille id animo suo insedis- se praeci- piuum respondit, eaque de causa dulcem religionis cultum se reliquisse, et in Poloniam cum Almannorum baud contemnendis copiis se rediisse docet, ut Resp. ex calamitate eam delinente, et mediis quoque quibus iactata est et penè mersa fluctibus, in tutum euadat. Declarat se inuitantibus Polonorum Legatis, Pa- pa quoque non solum permittente sed et iubente, in Poloniam pro Polonici populi et Regni salute ac instauratione aduenisse. Et non solum non repetiturum

penas à suis et genitricis suae electoribus, sed etiam omnibus offensis perpetui
 am obliuionem indicturum, ut non tam auctoritate quam benignitate et facilitate
 cunctis imperet. Excepti sunt et à Polonis Almanorum qui cum Casimiro ad-
 uenerant milites, et magnus illis fauor et honos pro omni tempore quo militia
 agebant in Polonia habitus est. Ut autem fama rei sui pro instauranda Rep.
 concepti diffunderetur, plerasque munitiones et castra in finibus Regni Poloniae
 aut per hostes intercepta, aut per uespilones et praedones domesticos occupata,
 inuadit, expugnat et conquirat. Maleficos in illis comprehensos, quosdam
 patibuli dedecore damnat, quosdam gladio ferit, quosdam manibus et pedi-
 bus in aliorum terrorem mutilat, paenis et suppliciis singulos deterret impios,
 male acta et deformata rescindit, delicta vindicat, omne crimen diluit,
 omne nefas extinguit, omnem arcet iniuriam, quosdam deinde extollit, quos-
 dam dignificat. Tantus denique tam hostibus quam propriis paucor et for-
 mido iniecta est, ut hostes ab occupatis excederent, et domestici pauci sibi, et
 transactas praeuicationes remitti, et propria humilitione et domesticorum
 amicorum suffragiis implorarent. Neque nobilis et solers Princeps saucien-
 dum in singulos duxit, sed pertinacibus maleficis et qui seditionum erant
 auctores, et capita multatis, ceteris se benignum et placatum exhibuit: ne
 regio superioribus bellis collisa in ampliore etiam redigeretur vastitatem.
 Itum est posthac ad Metropolim Gnesnam, et per Stephanum Gnesnensem Ar-
 chiepiscopum: ceteris Pontificibus Poloniae assistentibus Casimirus nominis
 huius primus ordine uero tercius, acclamatione ac uniuersali consensu Rex
 Poloniae appellatus, Coronaque quam retulerat insignitus, unctus et coronatus est.
 Ad Coronationem autem huiusmodi perficiendam, magna alacritate gaudio, et
 exultatione, maximo quoque infimorum studio, Gnesnam concursum est, ab omni
 aetate, ordine et natione unoquoque arbitrate se Regni Poloniae Priuignum
 non filium esse, qui Coronationi illi non interesset, qui non plausu et acclama-
 tione, uultus denique et gestus significatione fauere se non monstrasset. Videbant
 enim duas sibi et patriae res praeciores et salutare, quorum desiderio quam
 maxime tenebantur, reuersione et Coronatione Casimiri restitutas, pacem uirtutem
 et Regni fulgorem per iucundum. Insuper cernebant ea tempora rediisse, in
 quibus libertate, fortunis, pace, et ocio frui, meliora uero indies sperare li-
 cebat. Permista itaque undique turba summa laetitia et plausu quocumque iter
 faceret congratulabantur Casimiro, et ad reductionis Coronationisque suae specta-
 culum, à fenestris tectisque cateruatim pendebant, atque ipsum his conueniebant
 compellebantque uocibus. Congratulamur, inquiunt, excellentissime Prin-
 cepti tuo reditui tuaque incolumitati, immortalemque Deum precibus obsecramus sup-
 plicibus, ut pulcherrimis captis tuis faueat, ut Regnum Poloniae tuo ductu tuisque
 auspiciis restituas, amplifices, et conserues, et illius Remp. uariis exagitata

et penè collapsam procellis, quæ te unicum suum liberatorem, unicam suæ salu-
tis anchoram et portum amplectitur, componas, amplies, et erigas. Magna insu-
per celebritate dies ille Coronationis à Polonis actus est cum favore pristino
tum gaudio in sperato recuperatæ libertatis et pacis Regni, et quem nusquam vi-
surum et redditurum crediderant, incolam præsentem et Regio fulgentem
Diademate viderant, laudes illi in Theatris canebant mirificisq; honestabatur
preconiis, auitaq; tributa et imprecatae laudes, ut pater patriæ illius iure appel-
laretur. Amplissimo honore à nobilitate et populo ubiq; exceptus, erat enim
Cazimirus Poloniae Rex moribus suis, eloquiis et responsis adeo nitidus et mo-
destus, ut impleret Polonos spe certissima instaurati Regni et deperdita re-
cuperandi amplius quidem et perfectius, quàm per experimentum rerum ratio
soleat comprehendere, dando responsa fide et Maiestate prudentia Legatis
vicinorum Regum et Principum suum reditum condigna gratulatione excipien-
tium, et se illi morigeros fore asserentium, ab omni ferociori verbo aliena.

*Cazimirus Rex Poloniae Mariam filiam Ia-
roslai Ducis Russiae in uxorem accipit. Quæ
postea baptizata Dobrogniewa vocabatur.*

Sumpta Regia unctione et Diademate, Coronationisq; solenniis ritu
iusto et legitimo peractis, id imprimis Pontificibus et Baronibus Re-
gni Poloniae efficiendum curandumq; visum est, ut Cazimirus Poloniae
Rex aliquam nobilem et Ducali genere virginem sibi matrimonio copularet, cu-
ius coniunctione prolis fecunditas et successio, Regniq; Poloniae instauratio
et stabilimentum, ex affinitate et dote possit provenire. Oblinebat ea
tempestate Russiae Principatum Dux Iaroslauus filius Wladimiri sororem ha-
bens germanam ex Anna sorore Basilii et Constantini Imperatorum Graeciae
genitam, decoram et virtuosam Mariam nomine. Hanc etsi ritus disparis erat,
Cazimirus Poloniae Rex, propter plures respectus ipsum et Consiliarios suos permo-
uentes accipit in uxorem. Nuptiae quoq; in apparatu et sumptu magnifico iux-
ta exigentiam status et Principis locantis sororem et Regis accipientis uxo-
rem Cracouiae celebrantur. Accipit autem Cazimirus Poloniae Rex à Ia-
rosloao Russiae Principe et pecuniae magnam quantitatem, et vasa (lenodiaq;
in auro argentoq; vestium quoq; et equorum non mediocrem suppellectilem in
vim dotis, Regnumq; suum huiusmodi matrimonio et diuitiis impleuit, et affini-
tate stabilivit. Nam et Regnum suum versus oras Ruthenicas effecerat quie-
tum et securum, et ad bella quæ illum pro recuperando instaurandoque Regno

cum finitimis aut propriis gerere contigit, Ruthenorum auxiliis utebatur. Multa tamen Castra et regiones Russiae quae Avus suus Boleslaus Polonorum Rex primus in Russia victo et profligato Iaroslao acquisierat, et in eam diem tenuerat, post contractam affinitatem, in signum veri fœderis et sincerae affinitatis, Iaroslao restituit. Non solum autem ritum Graecorum, in quo educta fuit Maria Regina Poloniae reliquit, sed de ritu Catholicae Romanae Ecclesiae et eius puritate sufficienter ab Ecclesiasticis viris edocta, ritum Graecorum exosus habens, sacro baptismatis fonte denuo in Cracoviensium Ecclesia in supplementum eorum defectuum, qui per Ruthenorum Presbyteros Scripturarum et legum Divinarum ignaros, persaepe committuntur, est abluta, cum ritum Graecorum etiam nomen deposuit, Dobrogniema namque ex tunc (id enim sibi in Catholico baptismo aptatum fuerat nomen) vocitari cepit. Quam successu temporis Casimirus Rex Poloniae in Gnesnensium Ecclesia in Reginam Poloniae disposuit inungi, et Reginali Diademate coronari.

*Apud Arragones itidem Rex ex
Monacho et Sacerdote efligitur.*

Similem penè casum apud Arragones legimus contigisse, qui stirpe Regia deficiente Casimirus filium Regis Sancti, fratrem Alphonsi defuncti qui in Monasterio Sancti Pontii de Thomariis Ordinem professus, et Monachus et Sacerdos habebatur, Monasterio eductum apud Ostram Apostolica dispensatione non quaesita, in Regni Solio collocarunt, data eidem in uxorem Comitissae Pictaviensium sorore. Ex qua cum filiam Petronam, quae postea dicta fuit Wraça suscepisset, quamprimum annos nobiles attigit, Raymundo Barchionensium Comiti desponsata est, et Rex Casimirus suo Monasterio restitutus, quod iuventis possessionibus Regnum regens ditaverat.

*Brzetislaus Bohemiae Dux exercitus
Henrici tertii Regis Rom. ingreditur
in Bohemiam, et labore cessum prostermit.*

Respersionem Brzetislai Bohemiae Ducis Henricus tertius Romanorum Rex molestè ferens, et Casimiro Polonorum Regi affini suo quemadmodum dum sponderat laturus auxilium, et de contumaci Duce sumptuosus ultionem, in Bohemos expeditionem indicit. Bipartitoque exercitu quod Bohemis amplior elades accideret, ex Ratispona copias ducens ingredi Bohemiam disposuit, et Otbardum quidem Saxoniae Ducem virum militaris disciplinae peritum

et in singulis agendis prouidum et industrium, cum parte copiarum diuerso itinere ire iubet. Ipse uero per viam qua itur de Ratispona ad ripam fluminis Rzesen cum aliis copiis perueniens, altera die syluas Almaniam a BOhemia determinantes, intrauit, neque speculatoribus neque his qui Castris loca ante caperent praemissis: existimans syluas huiusmodi et eorum densitatem facili aut nullo negotio superari posse. Obstructa autem et arborum incisione impedita singula itinera reperiens, magno militum impedimenta et truncos amouentium labore, medium itineris sylvarum emensus, ad collem quendam ex quo plana BOhemia spectari poterant peruenit. Locatisque Castris iubet omnes milites sumpta leui armatura impedimentis et equis in statuiis relictis, pedestri itinere reliquum quod erat sylvarum spacium conficere. Et campestria BOhemia ingressos Bohemiam ferro et igne vastare. Et milites quidem iuxta quod imperatum erat, Henrico Rege in Castris cum imbecillibus et his qui arma ferre non poterant remanente, per colles et montium iuga et inuia loca progressi, armorumque pondere et solis arboribus plurimum vexati et afflicti, insolitus enim labor plerosque lassauerat, tandem confidunt, nullumque illic suspicari hostem reiectis armis, securae quieti et alto ex fatiga se committunt sopori. De quibus omnibus Dux Brzetislaus qui in sylua huiusmodi se abdiderat ab exploratoribus certior factus, in quiescentem exercitum Imperatoris, magno clangore magnaque vociferatione irruit, et perterritos magnoque pauore percussos, sine ullo negotio prosternit et fundit. Paucis autem fuga elapsis magnum robur Militiae Caesariae illic aut deletum, aut in captiuitatem acceptum est. Qua clade ad se perlata Henricus Rex tristis gemebundusque in Almaniam cum reliquis rediit. Othardus uero Saxoniae Dux, qui BOhemia vastando usque ad flumen Belinam peruenerat, casu Regio audito pressit gradum, et exercitum cui praerat via qua uenerat incolumem reduxit Bohemica praeda onustum. Cum quo quia Procopius Comes Belinensis parum prospera fortuna usus pugnauerat, tanquam pecunia corruptus, effosis oculis, manibusque ac pedibus truncatis in flumen Belina demersus est.

ALBINVS Plocensis Ecclesiae Episcopus exactis apud Ecclesiam Plocensem annis sedecim, labore, senio, et frequenti agrotatione confectus, dissoluitur, et in Plocensi sepultus quiescit Ecclesia. Cui Paschalis nobilis genere natione Italus Tuscus uir doctus Canonicus Plocensis per electionem Canonicam, cui facile Casimirus Poloniae Rex, Maslao Tyranno deuicto assensus est, per Benedictum Papam Nonum prouisus, successit.

Anno Domini 1047.

*Maslauum Masouia Tyrannum, cum arma
contra Cazimirum Sumere et Rex ipse Polo-
nia proflicat et fugat, Masouiaq; acquirit.*

Singulis ferè regionibus et Prouinciis, quas Regni Poloniae complecteba-
tur latitudo, de aduentu et Coronatione noui Regis et Principis sui na-
turalis, immenso gaudio et gratitudine refertis, promptaq; et fidei de-
uotione in eius ruentibus obedientiam et ditionem, studiis insuper omnium cir-
ca suum Imperium conspirantibus, sola Plocensis, quae nunc mutato nomine Ma-
souia appellatur, Prouincia, ad rebellionem se contulit, et communis laetitiae
atq; gratitudinis expers fuit. Ad quam illam Maslaus unus ex Proceribus
Poloniae, vir et specie et forma magis quam virtute insignis, et gloria domina-
tionisq; improba cupidus (qui durante interregno et superiori dissensione
civili, Principem et purpuratum se in illa creauerat, et falso nomine Ducales
fascies sibi usurpauerat) animabat, decernere etiam acie si impeteretur pa-
ratus. Is Pruthenicis adiutus auxiliis, maiora sibi quam conditio sua ca-
pere poterat portendebat, et sortem suam ignorans pennis praesumebat voli-
tare Icaræis: recordatione eorum beneficiorum quae Mieczslaus Rex Polo-
niae in eum contulerat nihil inhibitus. Eum Cazimiri Regis pater in celebri
dignitatis honore, poculum enim in Pincernae modum Regi ministrare solitus
erat, collocarat. homo effrenatae temeritatis intolerabili spiritu, in civilium
bellorum renouandas cicatrices prorupit, et arma contra Cazimirum Plocensi-
bus et Pruthenis eum adiuuantibus, sumpsit, ratus facinus suum quod in Rik-
scham Reginam et Cazimirum admiserat aliquanto maius fore, quam cui à Ca-
zimito debuerat ignosci. Neq; enim alicuius beneficii ea est plenitudo, quae
non vellicare malignitas possit. Cuius rei gratia et externa et finitimorum
conducebat auxilia, et non notabilem tantummodo nobilitatem sect et ple-
bem seruosq; in miliciam asciuerat, facilem sibi victoriam de Cazimito Po-
loniae Rege portendendo. Augebat spem suam vastatae et ab hoste et à pro-
priis regionis Polonicae conditio, raritatemq; et diminutionem eorum qui apud
Cazimirum Regem militabant, frequentia proprii et externi militis à se condu-
cti pensata, contemnebat. Ea quoq; Maslai rebellio terrorem plurimis, ipsi
etiam Cazimito Regi, meditatione Tyrannidis inferebat, vir enim erat fallax
et maleficus, ac supra conditionis suae fortunam altiora sperare promptus,
multaq; alteratione mutabilis. Et cum grandia per liberalitatem Regis

Mieczslai premia accepisset, pro frequentibus beneficiis, hostem se in filium egit. Indignè tamen et plus quàm moleste Casimirus Polonorum Rex rebellionem arrogantiamq; Maslai, prout par erat, tulit, quòd seruus et subditus, patris etiam sui Mieczslai beneficiis astrictus, rebellionem primùm deinde arma in illum commouisset. Omnibus tamen rumoribus qui ex Masouia afferebantur contemptis, opprimere Maslaum priusquàm illi externa et finitimarum gentium possent aduenire auxilia, statuit. Veteranorum itaq; militum ex Polonia, et horum quos secum ex Almania adduxerat, robore tantummodo fretus, in Masouiam descendit, iustæ deditiõni illam simul cum Maslao subacturus. Cui Iaroslauus Russiae Dux consortis sua germanus cum omnibus Ruthenicis copiis in auxilium aduenit. Maslaus certior à suis de Regis aduentu factus, quamuis non dum suas copias uidisset conuenisse; superiorem tamen bello seruatus futurum, Casimiro Polonorum Regi occurrens prælum committit. Masouia seu Plocen sceleris inuidia parum pensata, nec aduertentes, quòd non in hostes sed in ciues, non in Tyrannum sed legitimum Dominum, Maslai grassaretur audacia, et Regi naturaliq; Domino et ciuib; pro Tyranno bellum inferunt, manus impias pro causa impia conseruturi. Pugnatum est ab utrisq; animo pertinaci, iustaq; ira Regis militibus incensis addebat vires, unde Maslai exercitus impetum Regium non sustinens, in fugam verti et sensim defluere cepit. Casimirus autem fugientibus instare ac prosequi suos milites iubens, magnam stragem in hostibus effecit. Maslaus fuga elapsus ad Prutbenos, vinci acies suas videns, diuertens euasit. Masouia verò in Regis ditionem plenè extunc redacta est. Regnum quoq; Polonicum, quasi ex aliquo flagrantissimo incendio Casimiri Regis opera ereptum est: qui non est passus omnem suorum maiorum gloriam interire, conatus omnes pro instauratione Regni sui sollicito studio impendens, à quo omnis iustitia et omnis superiorum Regum et Principum vetus disciplina, sub tempore sui exilii et absentia, migrauerat.

*Henricus tertius Romanorum Rex
Bohemia Ducem Brzetislaum victum, tributarium ac feudatarium reddit &c.*

Henricus tertius Romanorum Rex clade apud Bobemicas sylvas accepta irritatus magis quàm fractus, expeditionem omnibus imperiis et Almaniae Principibus ac subditis contra Bohemiam indicit, ac fortem et frequentem potentiam congregans, tripartito exercitu (Petri enim Hungariae Regis iuuabatur auxiliis) Bohemiam ingreditur, eamq; et vniuersas Vrbes eius, vicos, et oppida caede, ferro, atq; igne vastat, atterit,

et succendit, in Bohemos quoque et Ducem eorum Brzetislaum ex superiori victoria tumefcentes, tanto amplius debacchatur et saevit, quanto crudelius et superbius sibi et suo nomini non ignorabat illos post adeptum triumphum usque in tempus illud insultasse. In dolis siquidem et artibus suis Brzetislaus Bohemiae Dux confidens, plures muscipulas et laqueos Imperatori Henrico et sui exercitui congererat, existimans se illum priori sorte circumventurum. Verum Henricus Rex et suus exercitus accurata providentia usus, Brzetislai Ducis et Bohemorum insidias partim elusit partim confregit. In apertam autem dimicationem Brzetislaus nullatenus prodire audebat, potentiam hostilem et suorumque evidens periculum veritus. Quapropter Duce Brzetislao et Bohemis, in castris, munitionibus, sylvis aut locis inuiis se continentibus, Henricus Rex suam et exercitus sui cladem ulturus, populationem et incendia iussit latius extendi, omnibus autem civitatibus et vicis per circuitum conflagratis et consumptis, Pragam expugnaturus exercitum admovit. Cuius obsidionem Severus Pragensis Episcopus non tolerans, urbemque capiendam non ambigens, Pragaelapsus ad Henricum Regem fugitivus venit, sequi illius ditioni et decreto in singulis pariturum promisit. Dux autem Bohemiae Brzetislaus ex fuga Severi Episcopi Urbem Pragensem dedendam Imperatori suspicatus, Caduceatoribus suis ad Regem missis, facinus suum recognoscit, pronam deditiorem facit, orat ne Vasallum et feudalem suum exterminet, et pati extrema cogat, se omnia quae iusserit impleturum. Henricus autem Rex satis se ultum suas iniurias superiores advertens, oblatam deditiorem acceptat, Brzetislaum Ducem Bohemiae primum dare obsides, deinde castris et munitionibus, quas in Regno Poloniae aut occupaverat aut crexerat, cedere, et Casimiro Regi Poloniae reddere imperat, postremo eum duobus millibus marcarum argenti puri, et quinquaginta auri mulctat. Quibus omnibus dum Brzetislaus parvisset, Henricus Rex Bohemis humiliatis, obsidionem solvens, in Almanniam est regressus, Ducem Bohemiae Brzetislaum Ratisponam, deditiorem innouaturum et iureiurando firmaturum, se sequi imperans.

*Hungari Regem suum Petrum, quod ex
ternos officiiis praticiebat & eos spernebat
repellunt, et Quonem in Regem sufficiunt.*

Sed nec in Hungaria minores erant bellici motus, quippe et ipsa proprio bello involuenda, futuri sui incendii iam ignes conceperat. Petrus siquidem Hungariae Rex, quem propinquieribus haecidibus, aut in exilium pulsus aut excaecatus Reginae Gislae relictæ olim beati Stephani et Bude,

Baronis ingenio, assistentia, et opera Regnum Hungariae adeptum fuisse monstrauimus, quod et in libidinem procliuor, et in Teutonicos Italosque Castra credendo, et officia et Magistratus conferendo, Hungaris contemptis et neglectis esset propensior, uebementer capit esse Hungaris grauis et molestus, Molestiamque ex his duabus quas praemisimus causis indies gliscentem, et responsio ab eo edita auxit, et Hungarorum animos in rebellionem inflammauit. Per tentibus siquidem Hungaris grauamina quibus atterebantur tolli, et uxorum, filiarum, et sororum suarum, quas querebantur et a Rege et a suis Curiosis aut fœdatis aut sollicitas, pudicitiam conseruare, et externos sibi non praferri, superbum ferunt a Petro Rege responsum. Ea quæ hactenus egisset nullo habere speciem iniuriæ, et iuxta appellationem regionis angariari Hungaricam oportere, se quoque eo proposito esse, ut pro stabiliendo sibi Regno, non Teutonicis tantummodo aut Italis, sed et aliis nationibus Hungariam impleturum. His et aliis causis Hungari, ut est genus ad nouandas res præcepit et proclium, permoti, Abam Comitem alias Ducem, quod de sorore et sanguine beati Stephani genitus fuit, et alii propinquiores aberant, Regem sibi uniuersali Spiritualium et saecularium consensu constituunt, et in Albam Regalem deductum coronant, Bvdam uero Baronem, cuius consilio Petrus Rex agebatur lapidibus obruunt: duobus filiis suis excaecatis. Quo comperto Petrus Rex cum paucis fuga elapsus in Almanniam ad Henricum Romanorum Regem, diuertit. Abba autem nouus Rex Hungariae, et Teutonicos Italosque a publicis amouit officiis, et Constitutiones ac edicta Petri Regis gratificando Hungaris irritauit, Magistratus quoque et Officia in Hungaros distribuit.

*Cazimiro Polonorum Regi fili:
lius Boleslaus nascitur.*

Regina Polonia Dobrogniowa primogenitum filium edidit. De cuius exitu Cazimirus Polonia Rex magna letitia exultans, autem illi nomen Boleslaus in baptismo imposuit, gaudiumque de natiuitate filii celebritate dierum sequentium monstrauit.

Anno Dñi 1043.

Cazimirus Rex Poloniae Maslaum cum magna Pruthenorum potentia, miraculose profligat quem etiam Pruteni ad se fugientem suspendunt.

Conatus Maslaus Plocensium seu Masouitarum Pseudo Princeps, per
 stragem à Cazimiro Polonorum Rege in se et suis prima congressione
 contra omnium spem et opinionem suam acceptam, dolens recidisse in
 sui contumeliam et ruinam, non tamen huiusmodi clade fractus est; adeo illi ani-
 mus constans et ferox erat. Nam quamvis victus, contumax tamen hominis ale-
 batur spiritus, Pruthenicis auxiliis subnixus. Itaque Pruthenos ad quos con-
 fugerat, Laczvingos, Slunenses, ceterosque Pruthenici tractus barbaros, ad
 resarciendum casum acceptum, pluribus blandimentis et persuasionibus in bel-
 lum sollicitat, faciliq; negotio Cazimirum Poloniae Regem, paucas et has ip-
 sas debiles superiori pugna diminutas copias habentem, fundi vinciq; posse as-
 severans. Cuius potentiam si augeri diffundiq; sinerent, nossent se per illum
 maiorum mare, et in suum Regniq; Poloniae Dominium et ditionem venturos
 et tributa quae imponeret pensuros. Prutheni ceteriq; barbari cum Masla-
 um vera persuasisse existimarent, sponte sua et ipsi Polonis veluti finitimis, et
 in religione Christiana diversis infesti, in bellum Cazimiro Polonorum Regi
 denuo inferendum conspirant, et non solum ex militibus et ex his qui arma
 tractare soliti erant, sed et ex agrestibus et servitiis ingentes copias contra-
 bunt et conquirunt, sub ductu quoq; Maslai in Masoviam, sua potestate suaq;
 ditioni illam redacturi, descendunt; spe multa pleni, omnem fortunam experturi.
 Qua novitate et timore et crebris nunciis ad se Cazimirus Poloniae Rex perla-
 ta, anxiori animo dolorq; confici cepit, quod bellum sua aestimatione extinctu,
 viribus reintegratis adversus se videt conflatum, sibiq; novam belli fortunam
 experiendum. Adunatis itaq; utcumq; poterat suorum militum potentius, con-
 tra Maslaum, Pruthenos, ceterosq; barbaros exercitum suum producit. Clami-
 tabant autem adversus Maslaum Polonorum Proceres et milites voces horri-
 das, frequentibusq; illum incessabant conviciis atq; opprobriis. O inquit
 omnium mortalium scelestissime et insaniissime, qui primus apud Polonos faci-
 nus perfidia occupasti, qui primus Regnum Polonorum, qui patriam communem
 copis aductis barbaricis, conaris scindere in turpem spem aut Regni occu-
 pandi, aut Regis et Principis tui occidendi, deliro adductus cerebro. Non
 curavit autem Maslaus, his sugillationum verbis et vocibus auditis, flectere
 animum, ne ex mala conscientia propositi sui maligni haberet remorsum: tanta
 hominem cupido Principatus exagitabat. Ad quem capiendum non alia re ma-
 gis nisi languore Reip. et seditione exorienda, auxiliisq; barbaricis per Pruthe-
 nos praestandis incitabatur. Accedebat animus licet domi modicus, bello tamen
 ingens gloriae et Principatus avidus, pollensq; scientia militari. Cazimirus itaq;
 Rex cum hostiles copias suis multo auctiores superioresq; prospiceret, non ani-
 mo solum defluere, sed et futuram suam dimicationem minus feliciter succes-
 suram, de summaq; belli desperare capit. Fluctuatione quoq; et vario mentis

æstu obrutus discessionem ex religione et Monasterio, Summūq; Pontificis dispensationem irritam, neq; à Deo probatam probandam esse, (ut fert sollicitudo) in memoriam reuocabat, anxiumq; illum et de futuro pugnae euentu pauidum, cura nimia et angores ingenti solitudine incusæ agitabant, et secreta aestimatione duro timoris interprete omnia in aduersum trahente, pensata, ut aduersa sibi potius quam prospera per meliorem euentura auguraretur. Hæc etiam afflictio illi et desperanti cogitatio incidit, facinus grande deserta religione et Ordine, Solium Regni statumq; laicalem rupto continentiae et religionis voto assumendo, contraxisse: cuius iusto Dei iudicio ultionem aduenire figurabat. Nec Summum Pontificem secum de deserenda religione et de abdicatione Diaconatus ordine dispensare potuisse, poenitudoq; multifaria mentem anxiam subibat, quod abdita Monasterii cum Aula Regia permutasset. Regressurum itaq; se ad religionem et Ordinem relicto Regno, relicta uxore et sæculo, tacita cogitatione, temporalem et imminensem et æternam à barbaris plagam euasurus, disponebat. Unde et certamen differre pugnamq; detrectare, contraq; morem suum cunctator magis quam actor rerum bellicarum esse capit. Astitit autem illi Clementissimus Deus et fauoris sui sibi accommodauit præsidium, postq; melum suum religionis zelo conceptum, ad deteriora quæq; videbat accedere, nec in periculoso articulo deseruit vacillantem Angelica apparitione muniens, et cælesti suffragio corroborans. Et enim his curis eum distractum et anxium sopor oppræssit, atq; illi per quietem stertenti magis quam dormienti vox insonuit. Consurge, consurge, et omni metu excusso age in hostes irruptionem i habiturus de hostium multitudine, cælesti suffragio magnificum triumphum. Erigens itaq; se necdum tamen denunciato sibi Diuinitus oraculo satis fidens, ad milites suos ueniens, quam vocem audiuerit exponit. At illi spiritu ingenti concepto, (nulla enim re magis quam religione depræssi exanguisq; animi multitudinis solent moueri) arma ocys corripunt, equos conscendunt, ordinatisq; aciebus in hostes, non de pugna sed de premiis pugnae cogitantes, alacres procedunt. Vociferatione quoq; qualem animus de euentu futuro securus adere solet, sublata, ineunt acerrimum cum hoste certamen. Multitudine barbari freti resistunt Polonis, et Diuina propiciatio primū voce, deinde cum pugna in feruore esset visibili signo denunciata, iustaq; ira vires animosq; addebat. Visus enim est tunc à Polonis, signa infesta in hostes inferentibus et prælium capeffentibus, vir quidam niueo amictu vestitus albo equo insidens vexillum quoq; candidum gestans in ære consistere et continua adhortatione Polonos, usq; quo certamen durabat ad dimicandum animare. Quo effectum est ut, Poloni omnium quæ cogitari poterant periculorum obliui, plus quam humanis viribus conueniret, in hostes inuecti, maximam stragem paruo suorum dispendio et desiderio effecerunt. Sed nec prius ferocius grassari, heroicisq; operibus hostes impetere destiterunt,

donec omnes hostium phalanges et acies constractæ deletæque sunt, reliquæ quoque
 eorum in turpem miserabilemque fugam conuersæ, in qua maior trucidatio fugientium
 quam pro numero, secuta est: singulis Polonis cædi magis quam capiendis hosti-
 bus intentis. In eo insuper prælio Cazimiri Regis virtus plurimum spectata est,
 qui non Ducis solum sed et militis opera usus, præliantes milites tantis adiuuabat
 viribus, ut cruore occisorum hostium oblitus et madefactus, quis esset, difficile
 etiam à suis poterat agnosci. Ea insuper lassitudine hostes insequendo confectus
 est, ut semianimis ad tabernaculum per quendam gregarium militem, quem etiam
 postea fidem suam remunerans, nobilitate euexit, et diuitiis decorauit, in le-
 ctica relatus sit. Confecto prælio, viri acies Polonicales Diuinitus adiu-
 uantis, visio disparuit. Victus Maslaus et cum omni potentia sua debella-
 tus, inclinauit mox et Masouiam et cæteras finitimas regiones ad veteris
 Imperii respectum, ut omiſsa pertinacia et rebellione, præueniendam censerent
 gratia, Cazimirumque Regem potius adorando susciperent, quam rebellando
 hostem experirentur, certiores facti, quod Cazimirus Rex Maslaum Pseudo eo-
 rum Principem hominem furem, et cum suis tum auxiliorum fidentem
 atque exultantem viribus, compescuit, ferociamque eius et impetum in omnium se
 grassantem perniciem oppræssit. Proceſsit autem triumphus præfatus ex eui-
 denti et manifesta Dei gratia, qui rarissime patitur quenquam regnare cum sce-
 lere, cuius quoque benignitate Remp. Polonorum ad veram et stabilem voluit
 integritatem perducere. Capta sunt in prælio prædicto, quod ad ripas flumi-
 nis Istulæ in Masouia gestum est, hostium duo millia, cæsa quindecim. Ma-
 slaus tamen bellorum huiusmodi Dux, incitator, et autor, aciem suam inclina-
 tam aduertens, tempestiue prælio excedens, ne in manus Cazimiri Regis et
 Polonorum viuus venisset, extremaque quemadmodum se meritum esse non igno-
 rabat, cum ignominia pati cogeretur, in Russiam confugit, tulum se apud bar-
 baros Pruthenos, et nouas copias reparaturum ratus fore. Qui cum reliqui-
 as Pruthenorum, Laczwingorum cæterorumque barbarorum ad bellum denuo
 reintegrandum sollicitaret, spesque suas in effectum prodituras crederet, res lon-
 ge aliter quam ratus erat euenit. Barbari enim in furorem et iustam in-
 dignationem versi, quod illius consiliis exitum grande passi, parentes fratres,
 necessarios, et omne militiæ suæ robur perdiderant, Maslaum vincientes di-
 uersis pænis, tormentis, et contumeliis (neque enim barbarorum conditio simplici
 genere pænæ contenta est), excruciant, et tandem laceratum in palibulum
 in loco eminentiori fabricatum, ut conueniens traditori et impostori erat,
 agunt, denunciantes eum altitudinem, quam sanguine et interitu eorum qua-
 sieraſt nusquam iustius pleniusque quam illic percepturum. Viuoque et mortuo
 à barbaris non indigne exprobratum, ut alta teneret qui suæ conditionis
 vires et modum transcendendo alta petierat. Sic Maslaus qui pennis

praesumpserat volitare Icarais, quam turpissime dissolutus decedit. Sic dignum moribus factisque suis exitum vitae, Deo tarde iuste tamen ulciscente, inuenit, praeparationis suae penas quas apud Polonos euaserat, a barbaris, quos sibi conciliare se posse credebat, cumulatus excipiens, posteris ne falsum et iniustum Principatum usurpare contendant, suo casu documentum et exemplar esse poterit. Post eam victoriam Diuinitus de Maslao, Pruthenis, Iacumingis, caeterisque barbaris relata, quae per finitimas regiones diffusa, famosa, et celebris ubique habebatur, omnium autem in rebellionem spectantium, aut ad bella Polonia Regno inbiantium, animi adeo domiti sunt, ut a finitimis regionibus, certa pax et tranquillitas, a propriis vero integra fides et subiectio proueniret, Prussia quoque ipsa parere Casimiro Regi Poloniae coacta est, et in plenam deditiōnem venit. Relaxatione quoque captiuorum suorum apud Casimirum Regem Poloniae oblata, tributis seruiciis, tributa Poloniae pendens, in fide et iugo permansit. Oportet deinde est sub regimine Casimiri Regis, propter illius excelsam strenuitatem et gloriam singularem, iustitia et abundantia pacis, finem accepit seruitus, consolatio lacryma, augmentum fides, fidelis securitatem, patria dilatationem. *ic.* Sedit in fortitudine arcus eius, gloriam inuenit in conspectu altissimi, magnificauit eum in timore inimicorum. Fugit Pruthenus, timuit Bohemus, cessauit exactor, et Dominus per manum illius impios in sua iniquitate fecit corrigibiles et depraessos. Vniuersali quoque et priorum et externorum appellatio: ne denominatus est (quod etiam nomen illi in hanc diem perseuerat) instaurator. In hunc modum Maslao debellato, et caeteris in circuitu hostibus contritis, libertate recuperata, in sua se iura vindicauit Polonia. Omni insuper memoria tyrannica dominationis ablata, soliditatem Regni solus Casimirus obtinuit, et gratia Diuina Solium illius dirigente, nemo amplius illi resistere ausus est. Ex cuius prudenti et modesta administratione, adeo praesentium rerum bonitas et tranquillitas permanere cepit, ut obliuionem praeteritorum malorum pareret. Nec ab re, pietatis enim opere Casimirus Rex Deo se et hominibus amabilem exhibens, summam Regni Polonici, cum religione pura et virtute animi ac moderationis, procurabat.

Regina Poloniae Dobrogniema ex Casimiro Poloniae Rege facundata alterum filium enixa est. Cuius natiuitatem Casimirus Poloniae Rex singulari sollemnitate et laetitia Cracouiae celebrans nomen illi in baptismo indidit Wladislaus.

Fames ingens in Bohemia.

EO insuper tempore Bohemia magna fame afflictata est. Dum enim superioribus annis semina terrae mandata male quaeuissent, anno autem illo

permissione Diuina omnia penè germina extincta forent, plures mortales solo
natiuo deserto, in Poloniam, Hungariam, cæterasqz finitimas regiones pro
euitanda famis perniciæ compulsi sunt fugere. In cæteros qui remanserant
tam valida famis debacchata est, ut de populo Bohemico pars tertia fame con-
tabescens perierit. Quo malo Diuina Maiestas propter sacrilegium et spoli-
um in Polonos et Ecclesiam Gnesnen' commissum, credita est Bohemorum gen-
tem afflixisse.

Anno Domini 1044.

*Cazimirus Rex Polonia' ædificat Monasterium
in Thimiecz et pro tribus ad illud Cluniacum mit-
tit. Et facta Conuentione tributum denarii Scti
Petri decernit soluendum, quod sæpè posteritati
Polonorum utile fuit ad pbandum Regni terminos.*

Experientius multifariis et felicibus successibus Cazimirus Polonia'
Rex in rebus arduis et difficilibus, adiutum, auctum, et corroboratum
per Diuinam clementiam se recognoscens, egressum quoqz suum de Or-
dine et Monasterio, et assumptam Regni patrii gubernationem, intellexit al-
tissimo Principi Regnum terræ placuisse. Salagens itaqz crebra reuolutione
mentis Creatori et Propiciatori suo pro susceptis beneficiis aliquam facere re-
sponsionem, religionis quondam suæ et professionis Sacrum Sancti Benedicti
Ordinem, qui eum in lege Diuina erudierat, Monasterium decreuit fundandum.
Mittens itaqz speciales in Cluniacum nuncios, multa per illos Abbati et fra-
tribus Cluniacens' dirigit donaria, denuncians eis quantis illum clementia Sal-
uatoris, et in Regni Polonia' adæptione instaurationeqz, et in hostium proflig-
atione, et in prolis masculinæ susceptione, glorificasset beneficiis. Simulqz
requirens et rogans, ut certi de Monasterio Cluniacens' fratres, religionis
libros særimoniasqz secum delaturi, sibi mittantur, locum et Monasterium sum-
ptu Regio ædificandum, et dote ampla et liberali fundandum, accepturi. Le-
gatione huiusmodi Abbas Cluniacens' et simul fratrum cætus sacer exhila-
ratus, celebrata in Deum gratiarum actione, quod alumnus eorum collapsis
et penè perditis fidei Ecclesiæ et Patriæ apud Poloniam rebus, maximum
adiumentum, robur, et correctionem attulerit, morem suis precibus gerendum de-
creuit, et cum nunciis Regiis duodecim fratres quorum unus Aaron nomine
vitæ nitore et prudentiæ sagacitate præcipuus habebatur, mittit. Hos Cazimi-
rus Polonia' Rex ad se vententes, plurimum de illorum aduentu exhilaratus,

velut Angelos Dei videre meruisset, suscipiens, unum illis Cœnobium in monte
Tbiniecz ad fluentia fluminis Vistæ situm, et à Cracouien' Vrbe Regia duo-
bus tantum miliaribus distans in honorem beati Petri Principis Apostolorum ex-
truit, et pluribus Oppidis, villis, possessionibus, introitibus, prærogatiuis liber-
tatibus adeo dotat, extollit, et locupletat, ut nullus Monasterii in Regno Po-
loniæ antè et post in hanc diem fundati fundus dotis tunc à Rege Carimi-
ro præstita, et per eum etiam possessa usqz hactenus, æqui parari potuerit. Cu-
ius primus Abbas fr' natione Gallus Aaron Carimiro Rege ordinante fuit
institutus. Cui quidem Monasterio cætera Sancti Benedicti Monasteria et
loca sub Prouincia Gnesnè, sub quibuscunqz Diocæsibus aliis consistentia
subiecta sunt, et eius primariam dignitatem debita obseruatione profitentur.
Extant in eam diem apud Tbiniecen' Monasterium nonnulli Regulares et
Chorales libri ex Cluniaco allati, vocationem fratrum ex Cluniaco, et fun-
dationem originemqz huius Monasterii testantes. Licet et alii ex Leodio
fratres vocatos in Tbiniecen' Monasterium commententur. Extruxit
et alterum Cœnobium eiusdem ordinis et professionis ad flumen Odra
in loco qui Iulii mons (statua enim illic quondam Iulius Cæsar habuisse
fertur) à Polonis verò corrupta voce Latina Lubens appellatur, Regia
quoqz et liberalem ei assignat dotem, donando eidem Monasterio Oppidum Lu-
bens, Nouum forum, Bogumow, Dobrogostow, Naphtin, Stepin, Vikschino,
Nakbin, et plures alias villas, possessiones, redditus, census, thelonea, et
introitus, atqz in flumine Odra piscationes et naulum, in syluis verò mel-
lificia et venationes. Vtrumqz autem Monasterium et eius hereditates
atqz sortes, singularibus libertatibus et immunitatibus priuilegiat, utrique
vasa aurea et argentea, vestes quoqz nobiles et purpureas, ad ministeriū
et res Diuinas explendas necessaria abundè largitur. Et licet Monaste-
rium Tbiniecen' centum et amplius villis à Carimiro Primo Poloniæ Rege
fuerit dotatum in quadraginta tamen villis, tunc eidem à primario suo fun-
datore Carimiro Rege donatis, nequicia et auaricia humana, negligentia
insuper Præsidium diminutum fuit. Obtinuit insuper præfatum Monaste-
rium à Pontificibus et à Cracouien' Ecclesia, et præsertim ab Aaron Ar-
chiepiscopo Crac' notabilium decimarum mensæ Pontificalis Crac' libera-
lem donationem, quæ illi quæta et integra in diem hanc perseuerat.

Anno Domini 1045.

Solutio denarii Sancti Petri innouatur, quæ
quam utilis sit Regno Poloniæ ad demon-
strandos terminos et iura illius recenset.

Confirmatum et stabilitum Poloniae Regnum prudentia et industria Ca-
 zimiri Regis Summus Pontifex Benedictus nonus Papa relatione plu-
 rimorum intelligens, gratulatione singulari repletur, liberalem dispen-
 sationem Cazimiro alias Carolo praestitam profectum attulisse. Misso autem
 ad Cazimirum Regem Poloniae speciali nuncio, requirit illum ut iuxta Lega-
 torum Polonorum, Apostolicam sedem pro sui Regis dispensatione plurimis
 instantiis flagitantium, sponsonem, et suam subsequutam confirmationem, ca-
 pitis census de universis Regni Poloniae Prouinciis conquisitis et conquiren-
 dis, mandaret pro beato Petro et suo successore Papa Romano collectoribus
 Apostolicis singulis annis exhiberi. Volens Cazimirus Rex Poloniae parere
 pactis, Summo Pontifici Benedicto primum per Legatos Polonorum, deinde
 per se promissis, generalem omnium suarum Prouinciarum indicit Conuentum.
 In quo et pollicitatio Aplice Sedi per Legatos Polonorum facta, concordi
 omnium deuotione et consensu decreta et innouata est, et uniuersali man-
 dato solutio unius vsualis obuli de capite, tam Ciuitates, quam Oppida, vi-
 cosque et rura colentium in duabus Prouinciis vtz Cinesnen et Cracouien
 ac Diocesibus eisdem subiectis vtz Posnanien, Plocen, Cruszuicien seu Wia-
 dislawien, Biczinen seu Wratislawien, Lubucen, Culmen, et Camenecen im-
 petrata. Ab eo quoque tempore Regnum Poloniae factum est Romana Ec-
 clesiae, imo Vicario IESU CHRISTI Summo Pontifici feudale et tribu-
 tarium, nec unquam tributi praedicti solutionem passum est quacunque occasi-
 one aut pacto intermitte aut rescindi. Videbatur autem census ipse qui de-
 narius Sancti Petri appellatur primum Polonis difficilis et grauis, ut pote qui
 secum perpetuam trahebat in Polonia obnoxietatem, postea tamen varios pro-
 fectus et commoda Regno Poloniae cognitus est praestitisse et praestare, ut
 non ab homine sed ab ipso Deo generi Polonorum propicio, impositio eius cre-
 datur profluxisse. Quamuis enim per multa annorum spacia, impositione
 praesentem sequentia, Regno Poloniae in plures Ducatus et Prouincias sci-
 so, Regnum a nonnullis finitimis gentibus et nationibus, praesertim a
 Bohemis et fratribus Domus Teutonice nigram Crucem in albo habitu de-
 ferentibus in suis Prouinciis et pertinentiis fuerit occupatum et direptum,
 nullum tamen tam validum tamque efficax ingenium (quamuis ad id pluri-
 mi et industriosi labores et conatus interpositi fuerint) poterat reperiri,
 quo proprietates Regno Poloniae in huiusmodi terris et Prouinciis competens,
 potuisset per huiusmodi occupationem aboleri. Quinimo denarius Sancti
 Petri praedictus ceteris testimoniis suppressis, aut volutate abolitis et
 consumptis iniustam terrarum occupationem vociferatur et detegit, et il-
 las de sorte, titulo, iure, et proprietate Regni Poloniae fuisse et esse de-
 monstrat. Ab eo siquidem tempore usque in diem hanc, omnes veteres

Regni Poloniae regiones, omnesque Ecclesiae Poloniae ditionis, uno et perpetuo iuris honore usurpato, et nunquam intermisso tributum denarii Sancti Petri Ecclesiae Romanae pendunt praeter Camienecensem Diocesium specialiter Apostolico Privilegio ad preces Legati Apostolici capti, et ex diuturna servitute opera Camienecensis Episcopi, in libertatem restituti, exoneratam et exemptam. Optarem autem ego, ut et Rubenae, Lithuanae, Prutenaeque regiones, postea Poloniae Regno unitae pari censu onerarentur, futuro saeculo futuraeque aetati terminos et iura Regni Poloniae testaturo.

Rachelinus Cracoviensis Archiepiscopus dum in Pontificatu Cracoviensis annos quatuordecim exegisset, religiosè moritur, et in Ecclesia Cracoviensis iusto honore funeri soluto accepit sepulturam.

Anno Dñi 1046.

Aaron Abbas Thimiecen in Episcopum
Cracoviensem eligitur, et per Pontificem
in Archiepiscopum mutatus, pallium eidem
datum in perpetuum pro Ecclesia Cracoviensi.

AD substituendum in locum vacantis Cracoviensis Ecclesiae dignum Pontificem Casimirus Poloniae Rex impendere non destitit precipuam curam. Quamvis enim plures personae ad culmen Archiepiscopale idoneae se offerebant, omnibus tamen praetermissis et neglectis, ad Aaron Monasterii Thimiecen Abbatem natione Gallum omnem considerationem et cogitatum verlit. Nouerat siquidem probe, dum una in Cluniacensi Monasterio obseruarentur, eius singularem doctrinam, vitae sanctimoniam, religiosae conuersationis virtutem. Hunc itaque propter raras hominis virtutes, obtinuit in Archiepiscopum Cracoviensem postulari, postulationemque suam a Benedicto Papa nono confirmari. Praefatus siquidem Benedictus nonus Casimiri Regis Poloniae, quem in promouenda praefati Aaron viri literati et religiosi persona habuerat zelo delectatus, postulationem confirmando, et Pallium decernendo Casimirum Poloniae Regem voluit specialiter honorare. His enim verbis legimus eum usum fuisse. Pro reuerentia beati Petri Principis Apostolorum sub cuius velamento te staturum constituisti et pro amore Regis Poloniae Caroli alias Casimiri Domini viri eiusque coniugis Mariae, eorumque filii Boleslai, et pro honore totius Regni Poloniae statuimus,

stabilimus, dicamus, et benedicimus in perpetuum in Ecclesia et Civitate Cracoviensē esse Archiepiscopatum et Metropolim. Cui subiciamus omnes omnium Episcopatum, qui in toto Regno Poloniæ sunt, Parochias, ut Archiepiscopali more præsideat universis. Tibi quoque et successoribus tuis Pallium de corpore beati Petri sumptum concedimus diebus sollemnibus à iure institutis deferendum. Opereprecium visum est præsentī operi hæc inferere, et pro Casimiro Regis quo cum summus Pontifex dignabatur honore, et Ecclesiæ Cracoviensē excellentia et dignitate. Quam etsi per negligentiam succedentium huius Aaron Pontificum retinere desit, iustum tamen est et Reip. Polonorum decorum et necessarium, ut illam aliquando benignitate Divina et Regum Poloniæ, Gnesnensē quoque et Cracoviensē Pontificum operantia, resumat, Gnesnensē siquidem non tenuis splendor sed amplior honor accederet, si potius non ad unus Leopoliensē Archiepiscopalis Ecclesiæ, sed ad duarum Cracoviensē vix et Leopoliensē respectum Primas vocaretur.

Tertius filius Casimiro Poloniæ Regi ex Dobrogniewa atq; Maria Poloniæ Regina natus est, cui mandato patris avitum nomen Mieszkko atq; Mieczslaus in baptismo datum est.

*Tres de Papatu contendentes Synodali-
ter deponuntur. Quibus Clemens secundus Pa-
pa succedens Henricum III. Rom. Regē cum
uxore ad imperium evehit, et tandem brevi
moritur, Damaskum secundum habuit successorem.*

Henricus tertius Romanorum Rex Italiam ingressus, et à Romanis magno honore susceptus, tres de Papatu contendentes, vix Benedictum, Sylvestrum, et Gregorium indignè constitutos Synodali-ter deposuit. Romani siquidem Benedicto eiecto Sylvestrum constituerant sed is à Benedicto pulsus, Gregorius contra Canonum sanctiones surrogatur. Omnium itaque trium prædictorum potestate Synodali abrogata Sin-gerus alias Swedegerus Bambergensis Episcopus natione Saxo qui et Clemens secundus vocatus est, nimium repugnans in Papam eligitur, et in die Natiuitatis Domini consecratur. À quo eodem die Henricus Rex cum Agnethe coniuge sua Vilbelmi Pictaviensis Principis filia, benedictione Imperiali sublimantur. Eodem quoque anno præfatus Clemens Papa moritur, cui Popo Brixien Episcopus, qui Damasus secundus vocatus est succedit.

Anno Domini 1047.

Cum Hungari in necem Abae Regis conspirassent, et id illi relatum esset, quinquaginta Consiliarios necat. Unde multi ad Henricum Imperatorem fugientes ipsum cum Petro expulso et magno exercitu vocant in Hungariam. Cui Aba Rex aduersarius occurrens profligatur et a suis interficitur. Petrus vero coronatur.

Nondum Aba Hungariae Rex, quem Petro Rege Teutonico Rege suo eiecto Hungari sibi Regem creauerant, quadriennium in Regno exegerat, cum Hungarorum animi primum ab eo auersi sunt, deinde sibi infesti esse caperunt adeo, ut in necem suam magnus Ordo Nobilium et Primorum coniuraret. Coniurationis autem praedictae plures perhibentur causae fuisse, quod et Aba Rex prosperari se in Regno Hungariae videns, prisca modestia abiecta, insolenter, superbe, et iniuste imperium exercebat in Hungaros; siue quod censuris Apostolicis super Petri Regis expulsionem percellerentur Hungari, et bellum ab Imperatore Henrico sibi inferendum verebantur, ad cuius tutelam et Petrus Rex, et plures Hungari partes suas secuti diffugerant. Nouerant enim Imperatoris Henrici animum, non solum ob expulsionem Petri Regis, sed ob iniuriam grandem, per Abam Hungariae Regem et Hungaros recentem illatam, qui Austriam et Bavariam hostiliter ingressus, vastitatem utriusque patriae intulerat, plurimosque mortalium captiuos inde abduxerat, sibi esse plurimum iratum, quem etiam idem Abba missis nunciis et donis insignibus, captiuorumque omnium solutionem offerens, et postea quod promiserat negligens in ampliorem indignationem exasperauerat. Et Caesar quidem Henricus aliquoties exercitum contra Hungaros congestum, superimpendentibus maioribus Imperiis, et praecipue bello quod sibi Gothfridus Dux Lotharingorum inferebat, distractus dissoluebat, Aba vero interim Hungariae Regi et audacia et animus ad magis insolendum augebantur. Conspirationis quidem contra se factae scelus ab uno coniuratorum habens detectum dum in Chaudino Quadagesimo ageret, principales Barones et eos praesertim quos contra se coniurasse intellexerat, quasi de publicis rebus cum illis consilia habiturus, convenire iussit. Quos conuenientes in Thalamo Begio consilium agentes, ab armatis militibus circumdari captiuarique, et tandem confessione et viatico negatis, quinquaginta ex illis, vario carnificio excruciatos necari et obtruncari disposuit, decetero quoque etiam eos quos fidos et amicos credebat, tenuit suspectos.

Pro qua crudelitate à beato Gerardo Thanaclien pro eo tempore Epò plurimum correptus est: qui etiam finale discrimen nisi poenitentiam ageret, sibi denunciabat pro scelere patrato imminere. Ea crudelitate per Abam Hungaria Regem in Baronibus et coniuratis patrata, tantus cæteris qui diffugerant quique remanserant metus iniectus est, ut singuli voluntario exilio se damnantes ad Petrum Regem et Henricum Imperatorem in Almania diuerterent, et sæuicia Abæ Regis exposita animum Henrici Imperatoris ad ferendum Petro Regi exuli opem, asserendo cæteros Hungaros Abam deserturos inflammarent. Itaque Caesar Henricus expeditione indicta, in Hungariam cum gravibus copiis aduenit. Cui Aba Rex circa Laurinum occurrens et de victoria plurimum præsumens, tertio Nonas Iulii prælium conseruit, et utraq; parte pro victoria obtinenda plurimum adnitente, æquo Marte ad longam diei partem ab utrisq; pugnatum est. Turbo interim concitatus vebemens in ora Hungarorum se coniecit, et vultus Hungarorum obscurans, quasi et elementa videres armis Casareis fauisse, Casari victoriam licet non inuicentam præbuit, magna enim multitudo Almanorum comperita est illic cecidisse. Aba vero, Rex versus Traciam fugiens in cuiusdam villæ lugurio à suis Hungaris vociferans se indigna perpeli iugulatus est. Caesar triumpho relato benignum se omnibus Hungaris victorem præbuit, neq; penas deserti aut pulsus Regis sumpsit ipse à quoquam, nec Petrum Regem sumere permisit. Quintimo Hungaris Petrum Regem et Petro Regi Hungaros reconcilians, in Albam Regalem venit, et Petro insignis Regis induto, Diadema propriis manibus imposuit, Regnumq; Hungariae omni populo Hungarico acclamante Petro confirmavit et innouauit, atq; Hungaris propriis et municipalibus scitis vivere concessit. Compositisq; debito ordine Hungarorum rebus, multis honoratus à Petro Rege et Baronibus Hungariae muneribus, incolumis Ratisponam reduit, et ad res Imperii gubernandas dirigendasq; animū intendit ~

Anno Domini 1048.

Hungari iterum in Petrum conspirant, quibus castigatis Andream et Leuantam ex Polonia reuocant, et fide Christi renegata, ad cultum idolorum redeunt, beato Gerardo Episcopo et aliis necatis, ipsoque Petro Rege excæcato ~

Non tulit autem Hungarorum gens Petri Regis diuturno tempore Im-
perium, sed ad res nouandas pro varietate ingenii animum conuer-
tens, qualiter Petrum Regem vel in exilium pellerent vel occiderent,
et Andream, Belam, et Leuantbam Principes suos Wladislai Calui filios, qui apud
Carimirum Polonia Regem exulabant, in Regnum Hungaria reducerent, per
tractatus varios decoquebant. Qua nouitate ad Petrum Hungaria Regem
perlata, principales eorum ut Viszkonem, Budacz, et Gierziam iussit com-
parandi, et in eculeo suspensos interfici, ceteros vero eorum societatis et se-
cte conscios, effosis oculis cruciari. Non ob id tamen gliscens contra Pe-
trum Regem seditio oppræssa sed magis aucta est. Hungarorum enim fore
universi Procures, similem penam et cruciatus veriti, conuentum apud Chana-
dinum in frequenti numero agunt, exindeque missis ad Andream, Belam, et
Leuantbam in Poloniam celerissimis Nunciis, significant in quanto unuer-
si, ni celeriter ipsi redeant, versentur periculo, se nunquam ab eorum fide et
obedientia iureiurando pollicenter discessuros. Et Andreas quidem et Le-
uantba desiderio regnandi et patriæ afflictæ succurrendi permoti, ad Hun-
gariam cum Nunciis redeunt, Bela vero pro ea vice apud Regem Polo-
niæ Carimirum germanum consortis suæ perseuerandum duxit. Occurrit
autem Andree et Leuantbæ Hungarorum magna multitudo, et magno gau-
dio illos suscipiens, id primum ab illis sibi valido clamore et instantia ex-
petiit, quatenus Episcopis et Clericis interfecis, Ecclesiis quoque extermina-
tis, liceret eis prisco ritu gentili viuere, et Deos Patres colere, fide Christi-
ana prorsus abiecta: cum sub cultu Deorum Patriorum foelicem et beatam vi-
tam quondam, occupando varias terras, Regna, et Dominia, exegissent, aliàs
non sperarent se ab eis aliquam fidem et obedientiam habituros, neque ar-
ma pro eis contra Petrum Regem sumpturos. Principes autem prædicti An-
dreas et Leuantba etsi petitionem Hungarorum intelligerent detestabilem
et iniquam: non tamen curauerunt siue id ambitio terreni Regni, siue immi-
nens periculum suadebat, abrogare. Sed vel amentia vel dissimulatione
perniciosa sceleri assensu, coinquinari Hungaricum populum, et à fide Sancta
Orthodoxa apostatare permiserunt. Inter Barones autem et Milites Hungaria
Vacba de Belus deuotus se demoniis, et ritum sacrilegum exercere cepit.
Sed et filius suus Ianusz conformans se paternæ præuaricationi, Magos, Ha-
ruspices, et Ebitionisas ad se coaceruarunt. Eorumque exemplo cætera Hun-
garorum multitudo seducta, demoniis libamina offerre, et thura accendere,
ac execrabilia quæque scelera visa est committere. Nam primum Latini
omnes Teutonicique Regis Petri Praefecti et Officiales ubique locorum quæsi-
ti et reperti, vario genere mortis consumpti sunt, deinde beatus Gerardus Epi-
scopus Chanodiensis, bigis impositus de monte Kerenfeludt præcipitatus et

lancea in pectore perfossus, ac et laicis saxis obruti, aut vulneribus sauciati, foelici cruore pro nomine IESU CHRISTI abluti sunt. Ipse quoque Petrus Rex Hungariae omni humano destitutus auxilio, periculum sibi videns imminere versus Austriam fugam inuit. Sed ex fuga à Nunciis Leuantibae et Andreae verbis pacificis et delosis reuocatus, in quandam Curiam diuertens, per triduum viriliter cum militibus suis impellentibus se resistebat. Militibus tandem suis telorum multitudine confectis, ipse in manus hostiles Hungarorum veniens viuis excacatur Albamque Regalem deductus, nimio dolore cum intus et extra exagitante mortuus est, et in Basilica quinquaginta Ecclesiarum quam ipse fundauerat sepultus est. Consortem insuper eiusdem Petri Regis vel potius relictam, multis contumeliis et iniuriis afficiunt. Forenses insuper milites in obsequiis Petri Regis demorantes aut propellunt aut trucidant. Quod facinus Henricus Imperator Imperii negociis distentus, Italiam transiurus, vindicare ea vice non potuit.

Anno Domini 1049.

Andreas in Regem Hungariae electus à tribus Episcopis coronatur, cultum Christianum de functo fratre Leuanta idolatra restituit.

Miserabili morte Petro Hungariae Rege defuncto, Andreas alter Dux cum in Regem Hungariae in Alba Regali à tribus Episcopis quos ipse de morte liberauerat coronatus est, et continuo cultum Christianitatis resumere et instaurare, cultoresque demonum et idolatras vehementer persequi cepit. Persuadens vniuersis Hungaris spurcicias sacrilegas esse derelinquendas, et in cultu vnius veri Dei, quem illos beatus Stephanus primus Rex docuerat, et in quo eos relinquerat, esse fideliter permanendum. Infra dies autem illos frater Regis Andreae Leuantba, idolatra ipse et idolatrorum receptator, morte absumptus, et in loco profano circa villam Toxim sepultus est. Qui si regimen Regni Hungariae et dies longiores sortitus fuisset, vniuersam Hungariam ad inquinamenta sacrilega et idolatrica suo exemplo et mandato perduxisset, morte tamen sua, et Regis Andreae zelo, virus illud quod se multifarie in perniciem vniuersalem diffuderat, restinctum est et cultus idolatriae abrogatus.

Vndecim annis Benedictus primus Posnaniensis Episcopus gubernata Ecclesia, moritur, et in eadem humatur. Cui ad electionem Canonica Ioannes Papa

xx. a. Cazimiro Poloniae Rege primò rogatus Marcellum primum natione Romanum, de Familia et Domo veteri Marcellorum substituit.

*Cazimirus Rex Poloniae pacificè regnabat
omnibus subditis charus vicinis verò formi
dabilis existens, cui quartus filius Otho obiit.*

Vacabant pro ea tempestate et Cazimirus Poloniae Rex et milites sui à bellis, Maslao enim Tyranno Plocen' deiecto, et digna morte multato, neminem vinci ex his, qui se Rege absente in Tyrannos exercebant, subesse puduit. Ipsi quoque Prutheni, Iaczwingi ceteraque barbare nationes in fide continebantur. Quapropter Cazimirus Poloniae Rex, pacificam patriam superioribus tamen bellis plurimum vexatam et afflictam, multis foris conatu instaurabat, deformata restaurans, et collapsa erigens. Diutina quoque Clementia illum dirigente, et actus suos prosperante, charus erat militibus et universis subditis, vicinis verò Principibus et nationibus formidabilis et admirandus. Natus quoque est illi ex Dobrogniema Regina quartus filius, quem Othonem nominavit, ut genus Othonum Imperatorum, de quo ipse ex sanguine materno satus erat, se honorare et diligere testaretur. Infans autem praefatus Otho, paucis mensibus ab ortu supervivens, immatura morte diem obiens, utriusque parenti maioris luctus praestitit materiam, quam laetitiae praestiterat in natiuitate. Humilitatis autem et modestiae specimen, quod sibi Cazimirus Poloniae Rex in Monasterio Cluniacen' agens familiare fecerat, in culmen Regium evectus non reliquit, nec ulli malignitatis odio, quod super electione sua et matris plerique illum habiturum crediderant, succubuit, sed sponsionem suam nobiliter et ad integrum adimplevit, qua omnium contra se et matrem gestorum habere oblivionem fuerat pollicitus.

*Damasus Papa Rom. moritur. Cui
Leo nonus vir probata vita succedit.*

Damasus Papa qui et Lopo Romae moritur, et apud Sanctum Laurentium extra Urbem sepelitur. Post quem Bruno natione Almanus Leucorum Episcopus ab Imperatore Henrico electus, et Romam missus summo honore à Clero et populo Romano susceptus in Pontificem Summum consecratus, Leo nonus appellatus est. Romanis siquidem petentibus sibi ab Henrico Imperatore dari Pontificem, et nullus ex Almaniae Episcopis ad assumendam Petri Cathedram posset induci, praefatum Brunonem Episcopum secundum aliquos Tullen' virum simplicem Caesar surrogavit. Qui ad Urbem

veniens et de acceptatione Summi Pontificii de manibus Imperatoris con-
scientiæ verme remorsus cessit Papatui, sed denuo ab omnibus electus lauda-
bili vita Papatum gessit ~

Anno Domini 1050.

*Andreas Rex Hungariæ Belam fratrem ex
Polonia cum liberis et uxore reuocat, et tertiam
Regni partem assignat sibi, verò Anastasiam fi-
liam Russiæ Principis matrimonio copulat ~*

Stabilito Hungariæ Regno Andreas Rex, et morte Petri Regis pa-
cificato misit præfatus Andreas Rex in Poloniam Nuncios ad
Belam germanum suum, significans sibi felices successus suos, et qua-
liter Regni Hungariæ plenam et pacificam adeptus sit possessionem, rogans
ut Regnum Hungariæ a quo iure sibi propinquum et hæreditarium redire non
recuset, sibi in Regno cum ipse tunc orbis esset, non in fratris solum et fi-
lii loco habendus, successurus. Asserens non convenire utriusque conditioni
ut post diuturnum exilium communiter toleratum, felicitate tributa æquali-
ter non fruantur. Hac Legatione Bela persuasus Carimiri insuper Poloniæ
Regis germani uxoris suæ communicato consilio cum uxore præfata et duo-
bus filiis, Geysa et Wladislao quos in Polonia genuerat, et cum omni fa-
milia, substantia, ac suppellectili in Hungariam rediit, et à fratre Andrea
Rege cum immenso gaudio et hilaritate susceptus est. Cui etiam præfatus
Andreas Rex pro charitate fraterna, tertiam partem Regni Hungariæ, du-
abus pro se reservatis, consignavit. Accepit autem præfatus Andreas Rex
Principis Russiæ filiam Anastasiam pro consorte, ex qua nati sunt et duo fi-
lii videlicet Salomon et David. Belæ quoque Hungariæ Duci tertium filium, ut
in Hungariam rediit, Ducissa sua peperit, cui nomen aptavit Lampertus. Vi-
git quoque aliquanto tempore fraterna concordia et charitas inter Regē An-
dream, et Belam Ducem Hungariæ ~

Henricus interea Imperator indignam necem Petri Hungariæ Regis ultumiri
cupiens, expeditione indicta, et notabili exercitu collecto, Hungariam ingressus,
Castrum Pressburg obsidione cinxit, et aliquot Mensibus projectione bombar-
darum quatiens, et Hungariam agrorum vastatione affligens, expugnatione
Castri eiusdem non perfecta, ad agendum bellum contra Gothfridum et Bal-
duinum in Almanniam rediit ~

Anno Domini 1051.

*Henricus Imperator Petri Regis Hungariae
necem ulturus, exercitum cum Epō Ratisponen
in Hungariam mittit, qui citō sine laude rediit.*

In dixerat et eo anno Henricus Imperator Romanorum contra Hun-
garos et Regem eorum Andream generalem expeditionem, tam con-
tumeliam Saluatoris nostri in abiecta fide Orthodoxa et idolatria
repetita, quam occisionem Hungariae Regis Consobrini sui ulturus. Cum autem
tempus procedendi et traducendi exercitum in Hungariam aduentisset, motus va-
ri Principum ceteraque Imperiales curae, ne personaliter eidem expeditioni
interesset, distraxerunt. Impedimento autem occurrentia molestē ferens
expeditionem in Hungaros non omisit, sed exercitus collecto Gebhardum Ra-
tisponen Epum suum patruum germanum praeficiens cum grandibus copiis ad
inferendum bellum Hungaris transmisit. Ipse vero in Almanniam ad com-
primendos motus orientium bellorum, et ad res Imperialis officii benegeren-
das remansit. Et Gebhardus quidem Ratisponen Episcopus, ut sibi ab
Henrico Casare mandatum erat Hungariam ingressus, eam incendens spoliis, et
rapinis in locis pluribus afflixit, Hungari enim non faciebant pugnandi co-
piam, sed in Castris, munitionibus, et caeteris abditis locis se continebant,
et tam nocte quam interdiu ex insidiis opportunitate visa Caesaris exerci-
tum infestabant, pabulatoresque et caeteros Almanos passim per agros palan-
tes, aut capiebant aut trucidabant. Propter quod praefatus Gebhardus
Epus nullo memorabili in huiusmodi expeditione cedito opere in Almanniam
exercitum Caesarem reduxit.

Grandi indignatione Imperator Romanorum Henricus contra Cazimirum
Polonorum Regem Brzelislaui Bohemiae Ducis suggestione provocatus, qua-
si Andream Regis Hungariae partes amixtus promouisset, et rebellionem con-
tra Imperatorem molitus Imperii regiones bello affligere conaretur, expe-
ditionem contra Poloniam parabat. Sed interim graui infirmitate obrui-
tus, Legatis Polonorum Regis Cazimiri ad eum venientibus et causas ac-
cusationis falsas monstrantibus, et indignationem et apparatus bellicum
deposuit.

Anno Domini 1052.

*Henricus Caesar in propria persona
cum venisset in Hungariam cum magno
exercitu, aliter Hungarorum deficienti-
te victu rebus infectis domum redijt ~*

Administrationem belli contra Hungaros et Pannoniam per Gebhardum Ratisponensem Episcopum Casareo nomine anno superiori factam Caesar videns ad irritum recidisse, maioribus copiis collectis, personaliter in Hungariam, Petri Regis mortem ulturus, et Hungarorum contumaciam compras-
surus, aduenit. Et ipse quidem terrestri itinere exercitum duxit, Gebhardum vero Ratisponensem Episcopum victualium necessaria nauali transitu per Danubium, ne exercitum suum inedia labore contingeret, ferre ordinavit. Rex itaque Hungariae Andreas, et Bela Dux germanus suus Casareo exercitui se intelligentes sine evidenti discrimine resistentiam opponere non posse, singula loca per quae Imperator cum exercitu erat iturus ex industria incendiis abradunt, agrestesque cum pecore et omni suppellectili in loca remotiora et abdita secedere compellunt. Sed et ipsa terrae germina quaeque igne consumunt. Interim et Gebhardus Ratisponensis Episcopus, qui nauibz victualia ducebat, Laurinum perueniens, et ubi nam locorum Caesar ageret ignorans, transmissio et nuncio et literis petebat se a Casare instrui, quod sibi dicendum esset, sed nuncio ab Hungaris comprehenso, et Regi Andreae praesentato, Almanus alius in locum eius surrogatus ad Gebhardum remittitur, sub falso nomine Imperatoris Henrici ad bella in Almania exorta se Pannonicum bellum obmisisse et in Almaniam rediisse, mandareque ut ipse quam celerius reverti festinet. Quo huiusmodi vaftris mandatis parante, Imperatoris exercitum fames urgere primum capit, ex qua deinde et aliud malum pestis et Disenteriae accessit. Infestabatur insuper Imperatoris exercitus ab Hungaris qui Teutonicos aut pabulatum euntes, aut per agros palantes, sagittis venenatis ex insidiosis et occultis locis nocturno tempore plurimum affligebant, nemo enim eorum quos sagitta veneno delinita tetigisset poterat vitam superesse. Videns itaque Caesar tanta multitudini quam ducebat, non animum ad expugnandum sed pugnandi copiam et victualium necessaria deesse, pluresque ex suis aut fame tabescentes, aut morbo et veneno confectos videns esse, prudenti usus consilio exercitum in Almaniam reduxit, opportuno tempore expeditionem tunc caeptam resumpturus ~

*Laroslavus Russiae Dux moriturus
quinque filios ad concordiam mutuo ser-
vandam inducit et Principatus dividit.*

I Laroslavus Russiae et Kiouien' Dux, gravi et diuturno morbo et qui
diutim inualefcebat gravatus, sentiens se propediem moriturum vo-
catis quinque filiis quos relinquebat, videlicet Laslao, Smiatoslao, Wsze-
uoldo, Gregorio, et Venceslao, longo sermone monet eos, et persuasionibus
et exemplis ut morte sua secuta, concordiam et unionem fraternam inter
se, florentes Principatus et Dominia habituri, retineant. Quam si scide-
rint, non dubitent se hostes, et sua ultro inuasuros. Dividit deinde Larosla-
us Principatus Russiae inter filios, et Laslao quidem natu maiori Kiou-
Smiatoslao Cernieiov, Wszeuoldo Pereaslam, Gregorio Wladimiriam, et
Venceslao Smolensko committit. Mandans ut singuli filiorum Laslao ve-
lut magis sensato et perito pareant, Laslaus vero ut fratres dirigat, prote-
gat, et eorum curam gerat, ac posthac moritur Laroslavus septima Nouemb.
anno vite septuagesimo sexto, et in Ecclesia Sanctae Zophiae quam aedifi-
caverat in Kiou a filiis, Boiariis, et magna multitudine populi sepelitur.
Sederuntque filii eius in Sedibus et Principatibus quos illis pater eorum
Laroslavus moriturus designauerat.

*Henricus Imperator tam diu Hungaros attriuit,
donec Andreas Rex pacem peteret, et illam con-
nubio filii cum filia Imperatoris predicti firmaret.*

I Mperator Henricus expeditionem contra Pannoniam resumens, cum
frequenti et numeroso exercitu, in quo et copiae gentium a Casimiro
Polonorum Rege transmissae, et Brzetislaus Bobemiae Dux cum
suis gentibus numerabantur, Hungariam ingreditur, flammisque et incendi-
is vicos et ignobilia Oppida consumit, vastationemque et depopulationem
agrorum longius iubet extendi. Andreas autem Hungarorum Rex fratris
sui Ducis Belae communicato consilio decernere integris copiis cum exer-
citu Casareo periculum veritus supersedit. Sed eisdem artibus, quibus
superiori tempore usus fuerat affligere exercitum Imperialem conabatur,
clandestinis et nocturnis insidiis eos qui pabulatum ibant, aut incaute
ab ordinibus secedebant, impetendo. Verum dum insidiae Regis Andree
sapius tentata secus acciderent, et Hungariae regiones continue igne et va-
stitate viderentur, Legatos ad Imperatorem mittit, pacem aequis conditio-
nibus composituros. Et Imperator quidem Henricus, ut erat vir tractabilis

et nobilis ingenii, humiliationem Regis Andreae, et ea quae suo nomine proponebantur ad exauditionis gratiam admittit, et commissum in Petrum Hungaria Regem mortis et in se rebellionis scelus fatentibus et supplicantibus facile remisit, et a cadibus spoliisque se continuit, et de cetero induciis interpositis agros Lannonicos vastari, et decia vri prohibuit. Per tractatus insuper treugarum tempore interpositos, pacem Regi Andreae et Regno Hungarico reddidit. Quae ut firmior diuturniorque consisteret, et ipse ad caetera obeunda Imperii negotia liberius vacare posset, etiam cum Andrea Rege affinitatem petitam iungit, filioque eiusdem Andreae Regis quamvis impuberi filiam suam desponsat in uxorem. Posthaec Rex Andreas ad Imperatorem veniens et insignibus rarisque muneribus Henricum honorans, fœdus initum iureiurando firmavit. Imperator vero reconciliato sibi Pannonico Rege et Regno, Ratisponam venit, et Leonem Papam eum operientem ibi inuenit. Vbi Leo Papa Sanctum Volfangum de tumultu leuauit, et Cathalogo Sanctorum adscripsit. Exinde Papa et Imperator sub uno comitatu primum in Bamberg, deinde in caeteras Imperii partes diuertunt. Ab eo quoque tempore Imperator Henricus Regnum Hungariae lacescere inermisit.

*Cazimirus Rex Poloniae Ecclesiam
Cathedralem Smogorzeuensem Wrat-
islauiam transfert, et dotat uberius;*

Conditionem Smogorzeuensis tunc vero Biczinensis Ecclesiae, Cazimirus Poloniae Rex salagens efficere meliorem, locum Wrat-
islauiensis Ciuitatis intelligens propter fluorem Odrae habere
situm multis commoditatibus refertum, illam de Biczina velut loco tunc
ignoto et agresti in quem altera iam vice de Smogorzow fuerat transla-
ta, Wratislauiam transtulit et locum aptissimum Castro suo Wratislauen-
proximum et contiguum, in circuitu quoque caetera loca pro Pontifice, Prae-
latis atque Canonicis assignauit. Ab eo quoque tempore nomine priori abro-
gato et mutato Wratislauensis caepit vocitari. Primus autem eiusdem
Ecclesiae Episcopus, ex quo de Biczina translata est, fuit Hieronymus,
neque prius nisi tunc nomina Episcoporum Wratislauensium caepit sunt
Annalibus inscribi. Aliorum enim Episcoporum nomina, qui Ecclesiae
eidem dum in Biczina et Smogorzow consisteret praesuerunt, et penuria
iniuriaque scribentium, et duplici Ecclesiae praefata translatione sup-
pressa sunt usque ad nostram aetatem, per me quoque vlcunquam recollecta

sunt, et in speciale Distichon redacta. Translatio autem Ecclesie memorate, per Casimirum primum Poloniae Regem tunc procurata, causam dedit errori, ut Casimirus ipse Poloniae Rex in nonnullis Annalibus et Historiis inscribatur et referatur Ecclesie Wratislauien' fundator, cum tantummodo fuerit illius translator. Fundatio enim prefata Smogorzewiensis seu Wratislauien' Ecclesie sub uno et eodem tempore cum Gnesnen' Cracouien', Posnanien', Plocen', Cruszuicien', Lubucen', Culmen', et Camenecensi Ecclesiis, quarum Diocæsibus in plerisque locis contermina est. à Miecyslao primo Catholico Principe Polonorum et Monarcha capta et perfecta est. Neque enim Polonorum Pontifices, aut aliquos ex illis adeo negligentes et deliros et suarum iniuriarum ignauos repræssores credi fas est, ut intra terminos suarum Diocæsium, nouam Cathedralē Ecclesiam tam diffusos fines quales nunc Wratislauien' obtinere nouimus, habentem, erigi, et suas Diocæsese coarctari, et vsum perceptionemque decimarum manipularium, in quibus Ecclesia ipsa quemadmodum et cætera Polonicales Ecclesie fundatae sunt, adimi passi fuerint. Poterat et ad priorem erroris prefati causam altera etiam accedere, dum Casimirus Rex Poloniae prefatus in translatione huiusmodi Oppidorum, villarum, prædiorum liberalem donationem, priore multo superiorem Ecclesie Wratislauien' adiiciens pro munifica dotatione et translatione prouida, à plerisque habitus creditusque est (habito ad priscam tenuitatem Ecclesie respectu) fundator ipsius verius quam translator ~

Anno Domini 1053.

Leo Papa cum Imperatoris Henrici auxiliis Apuliam ingressus cum Nortmanis bonorum Pontificis inuasoribus, et Roberto Guiscardi Apuliam congreßus, ingenti prælio cum omnibus suis vincitur ~

Aliquantum igitur tempore Leo Papa et Henricus Imperator una in Almania commorati, Natalem Domini anni illius Vormatiæ Diocæsibus Maguntinensis Ciuitate sollemniter celebrarunt, plurimas res deformatas in Almania concordie et unanimi voto componendo. Tandem Summus Pontifex Leo ex Almania Imperatori valedicens discessit, et frequenti numero militum ex diuersis Imperii Prouinciis mandato Cæsareo congesto, Prælati etiam et Principibus Almaniae plerisque auxiliis ferentibus cum iusto exercitu in Apuliam intrauit: Nortmanos Apostolicarum possessionum

in regione illa et Imperii inuasores oppræssurus, et Robertum Gwistardi, qui Apulegiæ incolas nunc potentia nunc dolo affligebat, repulsurus. Roberto autem et Nortmanis prædictis ad pugnam contra exercitum Papæ venientibus, quatuordecimo Calendas Iulii atrox prælium est commissum, in quo cæde grandi utrinque facta debilitatis Almanicis viribus, Roberto et Nortmanis cæsit victoria, roboreque militiæ confrecto Leo Papa cum paucis fugiens in Castellum quoddam, quo per hostes expugnato in Beneuentanam Civitatem deducitur, exindeque Romam feliciter rediit. Tanta autem fuit utrinque cædes ædita, ut aceruus ex ossibus mortuorum usque ad hæc tempora perseverans advenientibus pro admiratione soleat ostendi. Ea autem clades Papæ et suo exercitui ideo accidisse credita est, quod summum Pontificem pro rebus caducis pugnare magis oratione et lacrymis quam armis conueniebat, siue quod nefarios homines quam plurimos ad se ob impunitatem scelerum vel quæstum auarum confluentes secum conduxerat.

Frugum penuria cum anno superiori Polonorum regiones præsißet, eo anno amplius inualescens variis incommoditatibus Polonos afflixit.

Anno Domini 1054

Leo Papa IX. Romæ moritur, cuius laudes et vita Sanctimonia subiungitur. Vicitorem secundum habuit successorem.

Leo Papa nonus Almanus de Lotharingia cum annis quatuor sedisset mensibus duobus, et sex diebus, Sexto decimo Calendas Maij Romæ moritur, et in Ecclesia beati Petri Apostoli magnifico sumptu tumulatur. Cuius ad Apostolicæ Sedis fastigium ascensus eo ordine prouenerat. Romani siquidem dum Damaso Papa decedente ab Imperatore Henrico iuxta constitutionem et ordinationem pro ea tempestate seruata Papam sibi dari peterent, Imperator Henricus Brunonem Fulensem Episcopum virum bonum et simplicem ad regendam Sedem Romanam transmisit. Qui ad Urbem transiturus in Cluniacum peruenit. Vbi Hildebramus Monasterii Cluniacensis Ordinis Sancti Benedicti Prior illi suggerit, illicitum fore per sæcularem manum gubernatione uniuersalis Ecclesiæ potiri. Ea admonitione vir conscientie purissimæ compunctus, Pontificali habitu se spolians habitum peregrini assumit, et Hildebramum Priorem Cluniacensem secum Romanam adducens urgente conscientia Papatui renunciauit, sed à Clero

Romano denuo electus regimen Ecclesiae assumere coactus est. Hic sapientia et Sanctitate Clarus, cum ad suscipiendam Apostolicam sedem ex Almania versus Urbem iter faceret, audiuit cantantes Angelos. Ego cogito cogitationes pacis et non afflictionis. Hic cum pauperem leprosum ante fores Palatii vidisset, se CHRISTUM in paupere recepisse obstupuit. Translatus est ad priorem sedem suam Eulensem facto functus, ubi multis claruit miraculis. Surrogatur autem in locum Leonis noni Gedehardus Eistensis Episcopus natione Almanus, metu Imperatoris Henrici surrogatione suam causante, et Victoris secundi nomen accepit, in die Cene Domini consecratus.

Quidam Magister magnae literaturae damnat ambitionem et pluralitatem beneficiorum.

Qua circa haec tempora nimis inualuisse videtur, et deinceps continuata multumque dolenda ambitione Praelatorum et Simoniaca labe quam plurima Scripta Sanctorum Patrum habentur detestantia abusiones istas. Et nota quod facile inuenti sunt pauperes Clerici et Doctores, qui pluralitatem beneficiorum et Pompam Ecclesiasticorum repraebundunt, donec offerret se occasio participandi, qua accepta communiter auaritia excacat eos. Fertur de quodam Magistro magnae literaturae qui valde subtiliter disputabat contra diuitias Praelatorum, et fastum eorum, quasi omnino sic viuere non liceret. Haec cum nunciata Domino Papae fuissent, plausibiliter respondit. Demus ei bonam Praeposituram, et haec et illa beneficia, et bene pacatus erit. Factumque est ita, et ecce protinus sententiam mutauit dicens. Nunquam materiam hanc intellexi praeter modo, quippe qui de inope diues, de contemptibili repente gloriosus, apparuerat. Hos beatus Hieronymus velut pestes quasdam contagiosas vitandos pronunciat. Dixit quidam notabile verbum. Qui habet unum beneficium competens, et eo legitime utitur, recto calle ad patriam tendit, qui unum superaddidit, uno oculo conscientiae priuatur, qui aliquid adhuc plura acceptat, etiam altero lumine priuatus totaliter excacatur, et deinceps quaecumque poterit coaceruat. Hanc maledictionem insatiabilis auaritiae olim praesignauit Ieroboam Rex Israel, qui licet diuinitus ad Regnum peruenerat, statim tamen a cultu Dei recessit, fecitque duos vitulos aureos ne populus Israel ad templum Domini ascenderet. Factum autem est hoc verbum in peccatum, ita ut omnes sequentes Reges hunc cultum sacrilegum obseruarent in destructionem Regni, ita de Ecclesiastico statu timendum esse Sancti viri communiter asseuerant. Et iam in pluribus mundi partibus completum ceruimus,

Clerici qui nihil possidere debeant præter rationabilem competentiam, neque se temporalibus intromittere, omnia possidere omnia gubernare volunt. Idcirco ut beatus Bernardus dicit. Quia ordinem nullum seruant illuc properant ubi sempiternus horror inhabitat. Olim Pharisei contra auaritiam disputantē Dominum deridebant et insanum iudicabant, sed nunc Dominus sub sanat eos. Caveas lector qui multa occupas beneficia ne idem facias, neque eadem patiaris. Deus non irridetur, sed quæ seminauerit homo hæc et metet. Noli sequere consuetudinem periculosam, noli te per Papæ dispensationem excusare. Ad oculum vides quod vituli aurei adorantur, sed caeteri mactantur, sed quæ Sanctitas quæ reuerentia in hoc est Deo exhibita, quod de numero ministrorum eius prope modum mediocritas est ressecata. Sui enim cuiuslibet beneficio permitteretur dari si suus possessor, numerus Seruorum Dei esset duplex, qui modo est simplex, sequere consilium eorum qui Deo iam in Cælestibus coniuncti sunt, ne cum vitulis aureis æterno igni confleris. Quid prodest ultra prohibitos beneficiorum titulos coadunare, quando etiam simplices communiter videmus in frugali honestate amplius abundare ~

VENCESLAVS filius Iaroslai Dux de Smoliensko nulla prole relicta moritur. Cui germanus suus Gregorius in Principatum succedit. Qui et ipse paruo tempore subsistens moritur ~

Anno Domini 1055.

Cazimiro Polonorum Regi filia nascitur.

N Qua Cazimiro Polonorum Regi superueniens voluptas immenso illum gaudio refecit, consors enim sua Dobrogniema, quæ iam illi quatuor masculos pepererat, et annis aliquot parere desinens, sterilis decetero permanere debuisse credebatur filiam effudit. Ad cuius baptismum Cazimirus Poloniae Rex Prælatos et Barones Regni sui conuocans, solennem Curiam Posnania celebravit, et filia nuper natæ Sviatochna nomen dedit ~

SYNODVS Florentia celebratur, in quo multi Episcopi propter Simoniam et fornicationem Synodali sententia damnantur per Victorem Papam secundum, ob scelera præfata puniti, et de suis Sedibus eiecti ~

Brzelslaus Bohemia Dux moritur relinquens
quinq; filios, cui maior natus Spitigneus succedit.
Qui non solum Teutonicos omnes, verum etiam ma-
trem quod et illa ex Almania fuerat intra tridu-
um Bohemia excedere cogit, et Wratislaum fratrem
Moravia fugat, uxoremque eius captiuat.

Brzelslaus Bohemia Dux Pannoniis seu Hungaris bellum illaturus
cum exercitu usque ad Kruclon alias Czindzin peruenerat, ubi
gravi languore correptus, et captam contra Hungaros expeditionem
omittere, et animam exhalare quarto Idus Ianuarii coactus est: quinque filios
relinquens, videlicet Spitigneum, Wratislaum, Conradum, Olbonem et Jaromir. Cu-
ius morte secuta maior natus Spitigneus (ita enim pater moriturus ordina-
uerat) in Ducatum Bohemia successit. Qui primicias sui regiminis saui-
cia et crudelitati consecrans, prima die Principatus sui publico edicto, om-
nes Almani sanguinis et gentis homines intra triduum Bohemia excedere
mandauit, capitis penam subiturus, si quispiam ex Teutonicis intra id tridu-
um intra Bohemia terminos fuisset repertus. Cui edicto illico paritum est, et
omne Teutonicorum genus vitae consulens, quam sibi lapso triduo Bohemos non
ignorabant adempturos, tumultuaria more, possessionibus, domibus, et agris cae-
terisque bonis immobilibus derelictis ex Bohemia effugit. Et ne quid tam ri-
gido Ducali edicto crudelitatis deesset Spitigneus praefatus genitricem suam
Luditham, quam suus pater Brzelslaus a Monasterio Ratisponensi Nidermum-
ster vocato rapuerat, et Abbatissam Sancti Georgii Brunonis Comitis Alma-
niae filiam, quoniam sanguinis Teutonici utraque erat, in biga pro ampliori con-
tumelia extra Bohemiam ordinauit deduci, vel potius eici, et in Almanniam
deportari: maternum uterum tam iniurioso opere debonestans, ad quam repe-
sandam mater praedicta Luditha, quamuis aetate confecta vni Almano nupsit.
Cuius crudelitatem germanus suus Wratislaus veritus, dum illum venire in
Morauiam in qua ipse morabatur audiret, in Hungariam ad Andream Regem
Hungariae effugit. Sed Spitigneus in Morauiam adueniens, dum in fratrem
Wratislaum absentem sauire non posset in uxorem eius in Olomunice relictam
sauiens, ipsam captiuat, et ad Castrum Leszen Baroni Msczis custodiendam
et deportandam tradidit. Vbi dum Mensem exegisset, quoniam partui proxi-
mam agnouerat, eam solui iussit. Sed illa de Leszen egressa, et molestis
captiuitatis et laborum, quos in itinere ferre cogebatur attrita, in partu periculi-
tata est. Quam dum vir suus inconsolabiliter fletet, Andreas Hungariae Rex
singulari humanitate hospitem tractatum volens a maerore solvere filiam suam

Adleydam tradidit illi in consortem. Quod Spitigneus Bohemiae Dux audiens et potentiam fratris noua affinitate adauctam suspectam habens missis nunciis eum sibi reconciliauit, et omnia quae sui iuris in Moravia erant, restituit.

In Pontificatu Wladislauiensi siue Cruszuiciensi Venantius Episcopus annis tribus et viginti absumptis, peste epidemiae tactus diem obiit, et in Ecclesia villae Parkantie conditus. Cui Andreas primus per electionem Canonicam, cuius Zimiro primo Rege Poloniae suum ad id praebente consensum, succedit, a Leone Papa VIII. prouisus.

Imperator Henricus Italiam cum insigni exercitu et comitatu, Victore Papa petente et admonente peruenit, et super statu Ecclesiae et Italiae multa solertem et solertem tractans et differens pacem in Italia composuit. In Apulegiam quoque contra Nortmanos iura Ecclesiae occupantes militiam misit. Quae nihil memorabile agens, partim hostili inuasionem partim morbis et languore confecta, infelices successus habuit, agente Henrico Imperatore in Italia.

VICTOR Papa apud Florentiam Synodum celebravit, et multos Episcopos Simoniacos et incontinentes a Sedibus suis deposuit.

Anno Domini 1056.

Tames et bella inter Christianos perniciose.

Fames valida universas fere Christianitatis regiones inuadens, multos mortales afflixit et extinxit. Serpente quoque diuturne penuria et aegestate, et seditiones quoque populi exinde cum bellis tam civilibus quam forinsecis coortae sunt. Lintici quoque populi genus a Slavis et Polonis ducentes, quorum regio in finibus Albæ fluminis, ubi Alba in Oceanum cadit, sita est, bello Saxonibus caeterisque conterminis populis illato praelioque conferto victores effecti, magnam caedem adiderunt, fugientes vero in aqua suffocati sunt. Tunc quoque Vilhelmus Saxonum Marchio cum pluribus aliis Saxoniae maioribus, a Linticis occisus interuit.

Henricus tertius Imperator Rom. de consensu Summi Pontificis et electorum filium suum in Regem instituit, postea moritu R. 1057.

Henricus tertius Suevus natione Romanorum Imperator compositis
in Italia rebus in Almanniam veniebat. Victor quoque Papa precibus
Imperatoris flexus Vrbe relicta in Almanniam una descendebat.
Conuentu deinde apud Traiectum indicto et celebrato, Imperator Henricus
morti se intelligens propter valetudinem qua detinebatur aduersam propin-
quam, de consilio et assensu Summi Pontificis Victoris tunc presentis, et Al-
mannie Principum ius electionis habentium, filium suum Henricum ex Agne-
tha susceptum septennem Regem ordinat et instituit. Sensim quoque infir-
mitate ingrauescente in Botthfelden decumbens tertio Nonas Octobris mo-
ritur, cuius corpus Spiram relatum Summo Pontifice Victore presentia sua
eius cobonestante exequias celebrem accepit sepulturam. Omnibus autem
iusto ordine funeri persolutis, et rebus Imperium tangentibus prout qualitas
temporis ferebat ordinatis, Summus Pontifex Victor Romam cum paucis re-
diit. Mortuus est autem prefatus Henricus tertius huius nominis Impera-
tor, anno aetatis suae trigesimo nono, Regni vero decimo octavo, Imperii autem
quinto decimo, vir inquietus, sagax, et bis acie dimicauit, magnus ele-
mosynarius. Reconciliatus Gregorio septimo absolutionem promeruit, sed
iterum ei rebellans Antipapam contra eum Romae locauit. A quo de Im-
perio depositus, Saxoniae Dux Rudolphus ab Electoribus iussu Gregorii
Papa septimi eligitur. Quem Henricus cruento bello superauit, ipse quoque
a Roberto Angliae Rege Roma pulsus, miserabili morte a filio quem in Re-
gnum sublimauerat captus, vitam in carcere finiuit.

Anno Domini 1057.

*Agnes relicta Henrici III. filii et imperii curam
gerit. Quo tempore fames, ac lapides permixti gran-
di, deciderunt, et Germanos in locis plerisque occiderunt.*

Quare Henricus Imperatoris tercii filius admodum puer patri suc-
cedens, regnare capit ab Augusto loco octogesimo octavo, Hic cum
infantulus esset, septimum scilicet aetatis agens annum, a Primori-
bus Regni matri suae Imperatrici Agneli ad educandum commendatus est,
cuius sororem nomine Mathildam Rudolphus Dux Almannorum (qui postea
in perniciem affinis sui Henrici Imperium inuasit) duxit uxorem. Filio au-
tem Henrico existente impubere, Agnes Imperatrix aliquanto tempore Re-
gnum Almanniae sub sua cura tenuit, ac sapienter et strenue illud rexit.
Pluribus autem incommoditatibus regiones Germaniae fame videlicet

et mortalitate afflictæ sunt, et in plerisq; locis lapides miræ magnitudinis permixti grandine deciderunt, et plures mortales fulminis violentia extincti sunt ~

*Victori secundo Papæ mortuo Stephanus IX.
succedit, cō quem Benedictus prauē eligitur,
qui per frēm Stephani pulsus est. Tandem mor-
tuo Stephano Nicolaus secundus assumitur R. ~*

Victor secundus Papa Romanus, qui et Gerbhardus Romæ moritur, et in Ecclesia Sancti Petri sepelitur. Pro quo Fredericus frater Gotbfridi Ducis, iam Monachus factus, et Abbas tunc Monasterii Casinen, à Romanis Pontifex ordinatur natione Lothoringus, et Stephanus nonus appellatus est. Post quem Romani accepta pecunia, Iohannem vel ut placet aliis Micium Veltrensem Episcopum contra Canonum instituta elegerunt, et Benedictum vocauerunt. Qui sine confirmatione dies aliquot sedens, à Duce Gotbfrido fratre Stephani nomi expulsus est. Dum autem præfatus Stephanus Papa nouem Mensibus diebus viginti quinque sedisset moritur, et Florentiæ sepelitur. Quo mortuo Gerbhardus Florentinus Episcopus à Collegio Cardinalium apud Senas, vel ut aliis placet apud Hostiam Canonicè et legitimè electus est, natione Burgundus, qui et Nicolaus secundus vocatus est. Hic electionem Papæ dedit, quæ habetur distinctione vigesima tertia, In nomine Domini. Et Romæ apud Lateranum Concilium celebrans, Berengarium circa Sacramentum Eucharistiæ notabilissimè errantem, et asserentem non esse corpus et sanguinem Christi in Sacramento, nisi ut in signo, reuocare errorem suum multipliciter confutatum cōegit ~

Anno Domini 1058.

Cazimirus Rex Posnaniæ moritur. Cuius mores et statuta exprimentur in fra ~

Ad robur usq; virile Polonia Regnum (quod ex morte Miecislai Regis alto languore et penè morte confectum erat.) optimo Cazimiri primi Polonia Regis regimine et gubernatione pertingebat, tranquillam anim beatamq; sub Principe illo Poloni agentes vitam, miranda celeritate Regiaq; benignitate et favore collapsa, prostrata, et perditâ superiori tempore

erexerant, solidauerant, refecerantqz. Ipse etiam Crimirus timore Dei in singulis actionibus suis praeferens et immiscens, ac simplici rectaqz via in conspectu Dei gradiens, iustitiam et pacem summo opere diligebat, externos motus qui saepenumero conficere solent bellum, in ipsis initis constringens et dissoluens. Praecipuus Dei cultor, viduarum et orphanorum defensor, Ecclesiarum munificus dotator, Patriae ardentissimus amator, praedonum et furum hostis habebatur. Tanto insuper ardore, tanta sollicitudine et charitate pro extollenda magnificandaqz Rep. Regni sui Poloniae studio continuo et indefesso certare laborareqz visus et notatus est, tantamqz afflictis et penè perditis Regni sui rebus indidit coalescentiam et profectum, ut vniuersali appellatione et consensu instaurator pacificus et tunc quidem vocitatus est, et in hac usqz tempora vocitetur. Vix autem et vitae et regiminis tempus dimidium emensus fuisse putabatur, dum satis illum appetentibus forti languore correptus in grabatum decidit, mensqz integro cum morte luctatus, dum victa natura se moriturum agnouisset, Praelatos et Primates Regni sui Posnamiam illic enim decumbebat conuocat, et pluribus limitatis verbis apud eos concionatus, quatenus iustitiam et concordiam summo opere colerent, et morte sua secuta primogenitum filium suum Boleslaum prudentia et natu maiorem pro Rege susciperent. Tandem in Aula Regia Posnamiae, Dominico corpore ceterisqz sacramentis deuote sumptis, religiosè, ut tanto conueniebat Regi, vigesima octaua Nouembris mortuus est, et iusto ac magnifico apparatu in Cathedrali Ecclesia Posnamien in sepulchro aui sui Boleslai primi Polonorum Regis cum paternis cineribus consepultus, anno Regni decimo octauo, vitae verò quadragesimo quarto. Vir statura procerus, forma compositus atqz comptus, barba promissa, capillo copioso, habitudine vegeta, studio pietatis et instaurationis usqz ad exitum vitae vixit. Et cum supremum vitae diem adesse intelligeret, successorem Regni ut praemisimus Boleslaum filium natu maiorem designauit. Stella crinita suae vitae suqz regimini exitum portendere putata, per continuas et plures noctes apparuit.

Polowczii Ducem Russiae et Pereaslani uincunt et vastationem crudelissimè committunt.

Gentiles et barbari vocati Polowczii venerunt hostiliter contra Wszecholdum Ducem Russiae et Pereaslani, et inito certamine uincunt Wszecholdum et exercitum eius secunda Februarii die, obtentaqz victoria cum Duce suo dicto Sobal atqz Sziekal, crudelissima vastatione in Ducatum suum grassantur. Haec autem clades principum fuit malorum quae tunc primò et exposita passa est terra Russia à Polowczis.

*Boleslaus filius Cazimiri in Re-
gem Poloniae eligitur et coronatur.*

Restricto et inhibito luctu et mœrore, qui ex immatura Cazimiri Polo-
nia Regis morte in pectora Primorum Poloniae ascenderat (neque
enim eum Principem et Regem, iusto et fideli dolore lugere satis
poterant, qui sua Monastica quiete deserta eos à calamitate et luctu et
penè ab interitu vindicauerat, extulerat, honestauerat, sub cuius Princi-
patu hostibus in circuitu oppræssis et exterminatis, securi et foelices, fortu-
nis et rebus aucti, accubabant) ad substituendum pro eo alterum Regem
uniuersi Pontifices et Proceres Poloniae tractatus agitabant. Visum autem
est Primoribus, et in eam sententiam nobilitas vulgusqz omnis consensit, ut
primogenitus Regis Cazimiri filius Boleslaus, cum quod maior natu esset,
tum quod supra ætatem prudentia et factiuitate singulari ac liberalitate
immensa, cæterisqz Regis dotibus relucebat, tum quod à patre designatus
successor esset, in Regem promoueretur. Accedebant et matris Reginae
Dobrogniewæ preces lacrymis et singultibus plenæ, quæ unumquemqz ex con-
siliariis obtestans, protelationem quam non nulli suadebant veluti perniciosam
Reip. rescindi, et Boleslaum filium suum coronari obsecrabat. Hac conclusi-
one stabilita confirmataqz Gnesnam Metropolim (is enim locus pro ea tem-
pestate et pro veteri obseruantia, veneratione et auctoritate huiusmodi
pollebat) itum est, et in Ecclesia Gnesnensi præfatus Boleslaus Dux et
Regis Cazimiri primogenitus, tres et viginti annos agens, à duobus Metro-
politans Stephano Gnesnen, et Aaron Cracouien Pontificibus, Wratisla-
uien, Posnanien, Plocen, Cruszuicien, et Culmen Episcopis assistentibus,
magno Baronum et nobilitatis fauore in Polonia Regem ad altare maius
Coronatus et inunctus est. Non solùm autem Coronationis dies, sed et plu-
res subsequentes in lætitia et in doludis absumpti sunt, et uniuersi Prælati
Baronesqz honore mensæ et magnificis epulis per illos tractati dies, in locumqz
magni mœoris, spe optima singulos de prouida administratione Regni mulcen-
te, lætitiæ vicissitudo æquè successerat.

Vno de viginti annis, et duobus mensibus Archiepiscopus Gnesnen Stephanus
in Gnesnen Ecclesia Pontificatu gesto, septima Marcii moritur, et in Ecclesia Gne-
snen sepelitur. Cui Petrus natione Polonus nobilis genere de Domo Malencz
Decanus Gnesnen per electionem Canonicam in die annunciationis B.æ Mariæ
celebratam succedit, à Summo Pontifice Victore secundo ad intercessionem
Boleslai Polonia Regis electionem Capitularem promouentis, ordinatus.

Anno Dñi 1059.

*Moritur Aaron Archiepiscopus Cra-
couien', et vacauit Sedes biennio in-
tegro votis eligentium discrepantibus ~*

R Egali ordine post obitum Cazimiri Poloniae Regis et substitutione
filii sui Boleslai mutato, Sacerdotium etiam immutationem accepit.
Aaron siquidem Archiepiscopus Cracouiensis (quem in superioribus
ex Cluniaco cum duodecim eiusdem professionis fratribus, Cazimiro Polo-
niae Rege vocante venisse, et in Thimiecu locum pro monasterio dote suffi-
cienti a Cazimiro Poloniae Rege praebita cepisse monstrauimus) ex Thimie-
cen' Abbate in sedem Archiepiscopalem Cracouiensem promotus, et senio longae-
uo et laboribus confectus vita excedit, cum annis duodecim Ecclesiam Craco-
uiensem Metropolitico honore et iure rexisset, et in Ecclesia Cracouiensi Boleslao
Poloniae Rege sua praesentia eius cohonestante exequias, debito honore tu-
mulatus. Hic creditur et in Ecclesiam et Diocesim suam Cracouiensem gradus
uiuorum induxisse et Diocesim suam ad complendum huiusmodi gradus diebus
Quadragesimalibus obligasse et onerasse. Ipse insuper Thimiecen' Canonium
multis libertatibus, praerogatiuis, et immunitatibus, largitusque Decimarum ma-
nipularium ad mensam Archiepi Cracouiensem pertinentium, extulit et dotauit.
Vniuersos quoque Thimiecen' Monasterii Abbates eo honore perpetuo priuilegia-
uit et insigniuit, ut quilibet Thimiecen' Abbas sit in Ecclesia Cracouiensi
Canonicus natus, stallumque in ipsa Ecclesia inter Canonicos obtineat, ac in
eadem Ecclesia Cracouiensi intra Diuina officia et horas Canonicas superpili-
ceatus et amulciatus incedat. Quamuis autem praefati Aaron Archiepisco-
pi morte secuta Canonici Cracouiensem variis vicibus futuri Archiepi electio-
nem celebraturi conuenissent: nullatenus tamen poterant se de alia apta per-
sona, votis eligentium in varia vota diuisis, concordari. Unde contigit
Crac' Ecclesiam ex scissura tam detestabili integro fere biennio Ep'o vacare ~

*Iterum Polowezi tribus Ducibus Russiae victis
Russiam vastant. Interea temporis de defensione
petita et negata, seditione inter Duces et militares
exorta, Zaslauus Kiuouien' Dux cum uxore et liberis
ad Boleslaum Poloniae Regem e fugit cuius Sedem
Wzeslaus Plocen' Dux per milites vinculis solutus*

*occupat. Dux verò Cernieuien' parua admodum
manu, multitudinem barbarorū Polowczorum vincit.*

P Olowczis barbaris terram Russiæ irumpentibus cū tres Duces Zaslaus Kiiouien', Suiatoslaus Cernieuien', et Wszeuoldus Pereaslauiensis, vastationem terrarum suarum prohibitori occurrissent, certamen dirum circa fluuium Olba inter se committunt, et Rutbenis diffugientibus cessit barbaris victoria, qua oblenta barbari, vastationem terrarum Russiæ quo longius possunt extendunt, et in singulas regiones, Oppida, et villas libera cæde atqz spoliatione debacchantur, non existimantes Rutbenos et Duces eorum animos ad pugnam contra se amplius resumpturos. Dum autem biduo Duces Zaslaus Kiiouien' et Wszeuoldus Pereaslauien' in Kiiow. Suiatoslaus verò in Ducatum suum Cernieuiensem, clade apud Olbam accepta fugiendo deuenissent, Nobiles et militares Russiæ, celebrato apud Kiiouiam conuentu, Duces suos Zaslaum et Wszeuoldum quatenus illis equos et arma subministrarent, conueniunt, offerentes se cū barbaris, qui post victoriam passim per agros vagabantur et discurrebant, facilioribus auspiciis et cum spe certæ victoriæ ad detergendum dedecus acceptum pugnaturos. Zaslaus verò et Wszeuoldo militari petitioni, ne noua clades reliquias Rutbenicas deleret, non acquiescentibus, rursus milites Russiæ flagitare ceperunt, quatenus Wzeslaus Dux Polocen' et duo filii anno superiori in dolo capti, et in eam diem vinculis alligati soluerentur. Quod dum impetrare non possant in seditionem vertuntur, qua Duces Zaslaus et Wszeuoldus percussi, et veriti ne militaris furor graue aliquid in eos moliretur, ex Kiiow diffugiunt. Milites verò ergastulo disrupto, Wzeslaum Polocen' Ducem et filios eius solunt, vniuersam verò Kiiouien' substantiam et suppellectilem diripiunt, Zaslaus verò Kiiouien' Dux ad extrema peruentum ratus in Russia consistere non audens, se et sua saluaturus in Poloniam ad Boleslaum Polonorum Regem fratrem suum amicum germanum effugit, a quo benigne et humane exceptus et habitus est. Polowczii interim dum vniuersas regiones spoliis et cadibus in circuitu affecissent, contra Cernieuiam procedunt. Quibus Suiatoslaus Dux Cernieuien', nihil superiori clade deterritus, habens tantummodo tam ex milite quàm agrestibus tria millia virorum, obuiam processit, et cum duodecim millibus hostium circa Szmonsko prima die Nouembris pugnam committit, in qua multitudo à paucitate victa succumbit, et Rutbenis animosè pugnantibus sternuntur vincunturqz Polowczii. Sed et Dux eorum cum primoribus vicus in potestatem Suiatoslai Russiæ Ducis venit, et omnis præda quam in Russiæ terris quæsierant excussa, Suiatoslaus verò cum

magna gloria et militari in sedem suam Cernieuiensem, multis spoliis hostium decorus rediit. Zaslao autem Kiuuien Duce cum filiis suis Mserislae, Smia, topelkone, uxore, et aliquibus militibus in Poloniam ad Boleslaum Polonorum Regem effugiente, Wseslaus Polocen Dux militari favore a captiuitate solutus, Ducatum et Castrum Kiuuien occupat, et illic sedem suam ponit. Intuens autem in caelum his usus est verbis. O Crux sanctissima et fidelis, qui in te sperant non confunduntur, qui te reuerentur periclitari non possunt. Maxima est virtus tua, tu enim fortissimos quosque tuos violatores contemtoresque debellas, sternis, et debilitas, tui vero nimis deuotos et obseruatores protegis, liberas, et glorificas ~

Quinta decima die Maii Aaron Cracouien Archiepus annis duodecim in Archiepiscopatu Cracouien expletis, rebus humanis eximitur, et in Cracouensi Ecclesia sepelitur, vacauitque Ecclesia Cracouien aliquanto tempore propter discordiam eligentium ~

Anno Domini 1060.

Andreas Hungariae Rex cum Salomonem filium suum impuberem coronari fecisset, Bela Hungariae Dux germanus Andreae coronationem huiusmodi in contumeliam et iniuriam suam astrictus esse factam ad Boleslaum Poloniae Regem cum coniuge et filiis diuertit, et eiusmodi iniuriam suam per Andreae fratrem Regem illam ulci sci petiit ~

Tranquillitate solida in Hungariae Regno consistente, ex paruo (col fil) momento grandis commotio et tempestas coorta est, Andreas siquidem Hungariae Rex diuturnam eiusdem Regni turbationem et ex morte Petri Regis, et ex pace cum Henrico Imperatore occisione Petri Regis ulciscente, composita, penitus sublatam videns, induxit in animum Salomonem filium suum impuberem, et nondum septimum annum transgressum (cui filiam Imperatoris Henrici Zophiam desponsauerat dum viueret) coronare, veritus ne se absumpto ad Belam fratrem pro vegetiori ingenio et amore Hungarorum sibi iam dudum suspecto, Diadema Cammonu transferrent. Executurus autem propositum, diem constituit, et fratrem Bellam ad illum inuitans, Praelatos et Barones Regni Coronationem et unctionem filio Salomoni impensuros, venire iussit. Dum aut iux ordinationem

Andrea Regis filius suus Salomon in Alba Regali Coronationis et unctionis acciperet insignia, et ad passum illum per consecratorem venturus esset, esto Dominus fratrum tuorum, Bela Dux qui scrupulosius Coronationem nepotis nunquam antea visam in singulis pensabat caerimoniis grauitur ingemiscens, et Coronationem nepotis tam immaturam in sui contumeliam et probrum confectam dolens, et vultu et lingua maiorem dissimulare non valuit, sed ingeminans querelam ad Barones astantes Coronationem nepotis non tam iniuriosam quam ignominiosam sibi astruxit. Veritus autem ne frater suus Andreas Rex, aliquid grauius in eum conaretur compresso et dissimulato dolore cum tribus filiis, uxore, familia, fortunis, et omni suppellectili in Poloniam ad Boleslaum Regem Poloniae affinem suum quanta potuit celeritate discessit, et quantam qualemque iniuriam et confusionem a fratre suo Andrea accepisset, coram Boleslao Poloniae Rege, Praelatis et Consiliariis suis deduxit. Petens ne suam et filiorum suorum iniuriam, qui ei propinquo sanguine fuerant iuncti sineret esse inultam. Rex autem Poloniae Boleslaus magna humanitate et honore, et Belam Ducem et materteram suam Ducissam uxorem eius, fratresque suos filios eorum excipiens, ex omnibus necessariis illos munificens et liberaliter tractans, bono animo esse iussit, offerens se et praesenti eorum necessitati et cuiuslibet deinceps ingruenti, fido pectore pro viribus consulturum.

Lampertus Zula in Sedem Archiepiscopalem Crac' promotus, petere Archiepatus insignia neglexit ob idque Ecclesia Crac' ex eo tempore Metropolitico iure priuata, hucusque Cathedralis per seuerat.

Opera Boleslai Poloniae Regis et nonnullarum personarum Ecclesiasticarum, dissidio quod in electione et substitutione Cracouiensis Pontificis exortum erat, et biennio propè integro durauerat, sublato, Lampertus vocatus Zula in sedem Archiepiscopalem Cracouiensem, eo quod vir doctus et literatus esset, per Nicolaum vel ut alii asserunt per Alexandrum secundum promotus est. Nescio tamen quo laevo syndrome petere Archiepiscopalia insignia neglexit, et Cracouiensem Ecclesiam extunc Metropolitico honore et iure priuauit, et in Episcopalem atque Suffraganeam redegit. Nec ab eo tempore dignitatis suae fulgorem, licet plerisque Pontificibus suis adnitentibus, resumere valuit.

Anno Domini 1061.

*Spithigneus Dux Bohemiae moritur, huic Wra-
tislauus in Principatum succedit. Cuius fra-
ter Jaromirus, relicto statu et ordine spiritu:
ali ad Boleslaum Regem Polonorum confugit.*

ANum sextum Spithigneus in Ducatu Bohemiae agens et saeuere ac
crudeliter in fratres germanos et in Ecclesiasticas Saecularesque per-
sonas saeuens, quinto Calendae Februarii Praga moritur Bohemis
excessum suum gaudio immenso comprobantibus. Qui cum orbus et sine ha-
rede esset absumptus, Wratislauus frater suus qui in Hungaria exulabat
inde reuocatus, fauore omnium Bohemorum Dux Principalis constituitur.
Is modestum se erga fratres et subditos gerens, duobus fratribus uiz Otto-
ni et Conrado Morauiam dimisit, perpetua hereditate possidendam. Cogni-
ta autem Jaromirus frater residuus Spithignei morte, cuius metus illum in stu-
dio et literis continebat, deserto studio in Bohemiam remeauit, arbitrans se li-
beralitate fratris Wratislai aliquam portionem Domini ad instar aliorum
fratrum accepturum. Castigatum autem Dux Wratislauus et salubri consi-
lio admonitum, ne Clericali abiecto statu in militiam variis grauitatibus re-
fertam abiret, inducit, partimque terret et impellit inuitum, quatenus ad sa-
era conscendens, virum Ecclesiasticum se ordinari pateretur, Pragen Episco-
patum, morte Seueri Episcopi quae propter maturum senium eius longe abesse
non potest secula, habiturus. Hac ille spe et eo pauore pellactus usque ad
Diaconi gradum se consentit promoueri, sed mox animum poenitentia subeunte,
nonnullorum Bohemorum proposito suo fauentium persuasione seductus, in
Apostasiam versus, habitum et tonsuram abiicit Clericalem, et laicalem
induit, militiamque saecularem deinceps in statu saeculari repetiit acturus.
Veritus autem ne per Ducem Wratislauum in eum aliqua fieret ob desertam
professionem animaduersio, in Poloniam ad Boleslaum Poloniae Regem
plerisque Bohemis eum comitantibus, aufugit. A quo benigne susceptus et
omnibus sumptibus ac necessariis abunde tractatus, adeo fauore beniuolentiaque
Boleslai Poloniae Regis mulcebatur, ut integrum in Polonia continuando
mansiōnem suam exegerit septennium. Verē felicem tunc Poloniam quis asse-
re dubitet? quae Lannoniorum et Bohemorum ac Ruthenorum tres insignes exu-
les excepit, tractauit, et confouit. Et quod his amplius statum eorum dubium et ore-
xit, Nec tam felicitatem illi tribuere congruit quam clementiam et cha-
ritatem, cum omni hostilium iniuriarum obliterata memoria, exules Duces in

sinum suum suscepit, et liberales sumptus absq̃ fastidio et nausea omnibus ministravit ~

Anno Domini 1062.

Wratisslaus Dux Bohemiae dolens de Iaromiri fr̃is
sui receptione, Poloniam invadit. Cui Boleslaus
Rex occurrit, quem sentiens Dux fugit, et Rex se:
quen iras eius vastat multosq̃ captivos et spolia abducit.

Fugam Iaromiri fratris sui in Poloniam Wratisslaus Bohemiae Dux
irato et molesto animo ferens, cum sigillationis et ignominiae habe:
ret plurimum et suspicionis non parum. Verebatur enim Wratisslaus
Bohemiae Dux ne Poloniae Regis Boleslai et Polonorum auxiliis Iaromirus
frater suus stipatus, Bohemiam invasurus adveniret, et Bohemorum gentem
ad defectionem declinaret. Et quoniam a Iaromiro penas clandestini di:
scessus exigere non potuerat, omnes iras quas pro fuga huiusmodi conceperat
in Regem Poloniae Boleslaum et Polonos, qui Iaromirum iure et honore bo:
specii susceperant, vertit. Quapropter cum omnibus suarum gentium agmini
bus, ulturus fugitivi fratris receptionem, Poloniam invadens eam flammis
et spoliis affligere cepit: nulla hostilitatis denunciatione praemissa. A
sylvis quoque Herciniis quae Bohemiam a Polonia determinant incipiens, ter:
ram omnem quae nunc Slesia appellatur, vastabat. Haec ubi Boleslaus a
suis notificata intellexit, correptis armis, tumultuaria potius quam iusta a:
cie, maiori qua poterat celeritate Wratisslaum obviam processit, flammantis
patriae ignes sanguinis profluvio restineturus. In quadam autem sylva
Wratisslaum et Bohemos in ulteriora Poloniae Dominia transitum faci:
entes, consecutus, statim fecit, militesq̃ corpora cutare iubet. Diluculo
adveniente post continuam fatigam resumpto vigore cum hoste certamen
initurus, inter per peditem militem cuius multitudine abundabat, sylvam
iubet in girum arborum detruncatione, ne hostis inclusus eucadat circumsepi:
ri: qua arte hostes sedendo debellari posse credebat. Bohemus interim
dolo usus, cum moram sibi periculosam videret, et inde abire ac falli
Regem vellet, missis sub occasum Solis caduceatoribus, petit in crastinu
colloquendi facultatem, multisq̃ sermonibus se magis amicum repromittit fo:
re futurum quam hostem. Boleslaus autem Rex Poloniae, colloquendi po:
testate ut erat rogatus negata, se in crastino cum eo conveniturum, et non
verbis quam armis pro accepta iniuria respondet certaturum. Quibus co:
gnitis Wratisslaus Bohemiae Dux, pluribus ignibus in speciem remanentiu

latius exstructis, syluam secundis vigiliis hostem frustratus tam silenti et composito agmine egreditur, ut etiam Polonos qui syluam obsederent falleret. Omnibus autem impedimentis et sarcinis magis vilibus abiectis, concito cursu festinus Bohemiam aufugit. Rex illucescente altera die abiisse hostem et pugnam detractasse cum sensisset, delusum se et praedam insignem ex suis casibus excusam esse dolens, et fortunam suam increpans, fugientes Bohemos pluribus diebus persecutus est, pluresque ex eis praesertim qui aut languore aliquo correpti, aut necessitate distracti agmen sequi distulerant, comprehendit. In hostilem quoque terram Moraviam, Bohemis qui Laromirum comitabantur ductum praebentibus, perueniens, magnam eius partem igne vastauit, et captiuorum magnum numerum spoliaque plurima in Poloniam reduxit.

HIERONYMVS Wratislauien' Epus cum annis undecim Ecclesiam Wratislauensem rexisset in firmatus Wratislauia moritur et in Ecclesia Wratislauien' sepelitur. Hic cum genere nobilis et Romanus esset, pluribus reliquis et ossibus Sanctorum Ecclesiam Wratislauien' in suis Clonodiis et suppellectilibus tenuem, reddidit insignem. Suffectus autem est in locum Hieronymi Iohannes Canonicus Wratislauien'. Qui cum esset a maiori parte Capituli Wratislauien' electus Boleslaus Poloniae Rege electionem suam acceptante approbanteque, ab Alexandro secundo Papa Romano electio sua fuit confirmata, et ipse anno insequenti in Episcopum Wratislauien' ordinalus et a Petro primo Gnesnen' Archiepo in Gnesnen' Ecclesia Boleslaus Rege praesente consecratus. Genere hic nobilis de Domo Accipitrum, et qui prius ex Polonis, abrogatis Italis, Pontificale Pedum in Wratislauensi Ecclesia gessit.

*Nicolaus secundus Papa moritur &
Alexander secundus eligitur, con' que Can-
dualis illegitime electus, cum magno exer-
citu Romam accedens bis profligatur.*

Nicolaus secundus postquam annis tribus, mensibus sex, diebus viginti sex sedisset moritur, et Alexander secundus natione Mediolanensis, antea Anselmus vocatus Episcopus Lucen' a Cardinalibus concorditer electus est. Contra quem Candulus Parmen' Epus a Lombardiae Episcopis, ius Papam eligendi ad se tantummodo pertinere, fauente et suggerente Henrico quarto Romanorum Rege Roma eligitur. Qui cum bis Romam cum magno exercitu quem Imperator Henricus per suas gentes

augebat accessisset, bis à Matilda Comitissa et Gothfrido Duce Spoletano, qui pro Alexandro stabant repressus, Lombardiam redire coactus est. Tandem operante Henrico Imperatore et Papa Alexandro in Lombardiam descendente, et Candulo suum reatum recognoscente, pax Ecclesie reddita est Candulo cum his Episcopis qui eum temere elegerant in gratiam susceptis ab Alexandro Papa. Hic miro modo Lucanum civitatem diligens Episcopum eius Pallio et Cruce, ita ut ante illum deferatur Crux insigniuit, et Lucensibus plumbea bulla uti concessit. Et prefato Candulo Episcopo Parmensi viri- lem resistantiam opponens, Romanæ Ecclesie dudum ancillatæ suum decus suamque libertatem restituit. Hic statuit ut nullus audiat Missam Presbyteri, quem scit habere concubinam sub pena excommunicationis ~

Anno Domini 1063.

*Pax fit inter Boleslaum Poloniæ
Regem et Wratislaum Ducem Bo-
hemie, cui sororem Rex dat uxorem.*

Exulceratum et iusta ira grauidatum Boleslaus Polonorum Rex animum contra Wratislaum Bohemie Ducem ob iniuriam superri-
ri anno acceptam gestans, frequentes copias parare, et in Bohemiam expeditionem Militibus indicere capit; querendo se graviter offensum, quod pro humanitate Duci profugo et penè eiecto Jaromiro præstita hostilitatem et Regni sui vastationem à germano cuncti Ducis pertulerit, à quo se sperabat gratiam relaturum. Wratislaus autem Dux Bohemie ut erat vir in omni-
bus providus et oculatus, bellum contra se ex rumore et pluribus auisamentis intelligens agitari, per amicos communes capit agere de reconciliatione et pace. Neque enim tutum putabat cum vicino Regno bellum hostile gerere, neque satis fidebat suis, timens ne eo deserto, pro eo Conradum vel Othonem sur-
rogarent, vel ad Jaromirum deficerent. Variis itaque tractatibus interpo-
sitis, pax ægrè Jaromiro et suis infectionem causante, æquis conditionibus, per quas damna illata compensabantur, et captivi relaxabantur, composita est. Quæ ut solidior diuturniorque consisteret (violationem enim illius Du-
cis Jaromiri in Polonia Regno præsentia portendebat) affirmate firmata est. Absumpta enim erat superiori anno Wratislao Duci Bohemie iam ali-
tera uxor Adleydes Regis Hungarie Andrea filia, duos filios Brzeli-
slaum et Wratislaum, totidem filias Ludomilam et Ludibam ex Wratislao susceptas relinquens. Agentibus itaque et procantibus pacis compositoribus

apud Boleslaum Poloniae Regem, virgo insignis Swiatocbna Cazimi-
ri filia et Boleslai soror Regum Poloniae, Wratislao Duci Bohemiae da-
tur in consortem, nuptiae quoque Cracouiae magna munificentia et solennita-
te celebratae sunt. Tunc insuper Dux Bohemiae Wratislauus personali no-
ticia et amicitia cum Boleslao Poloniae Rege contracta, dotalibus mune-
ribus liberalitate Boleslai Regis plus quam conuentum erat praestitis, cum
noua sponsa sua, quam Annalia Bohemiae Swatbardam vocant in Bohemiam
alacer rediit. Quae ei tempore procedente quatuor filios uiz Brzislauum,
Cazimirum, Wladislaum, et Sobieslaum procreauit

*Wrszslauus Dux Poloceni a Ducibus Russiarum uinci-
tur, et contra rus iurandum datum ab eis captiuatur.*

Laslaus Kiiouiensis, Swiatoslaus Cernieuiouien, Wrszslauus de Pere-
aslau Ducis, fratres germani, inuidia stimulati liuore, exercitibus co-
adunatis vadunt contra Wrszslauum Ducem de Poloczko fratris
sui patruelis Brzislai filium, volentes illum et Principatum suum sibi subue-
re, et conueniunt omnium trium Ducum Copiae circa Minsko, et inde aciebus
ordinatis vadunt versus Poloczko. Quibus Wrszslauus Dux circa flumen
Niemcza occurrens confligit cum eis, et cadentibus hinc inde plurimis Wrsz-
slauus victus effugit. Et miserunt post illum Ducis Nuncios in dolo persua-
dentes ut conueniret cum illis, fœdusque iungeret, polliciti iureiurando ni-
hil se illi hostile illaturos. Qui huiusmodi sponsione certificatus, cum Le-
gatis per fluuium Dniepr aduenit. Sed Ducis contra ius gentium iureiuran-
do temerato captiuant illum, et concludit eum Laslaus Dux Kiiouiensis
cum duobus filiis in carcere Kiiouiensi.

Anno Domini 1064.

*Pruthenos rebelles et tributa negantes iterum
Poloniae Rex profligat, et ea pendere bello cogit.*

Bohemicam pacem Pruthenicum bellum mox excepit, barbari enim re-
bellare et tributa backenus pensa denegare non contenti, excursions
crebras in regiones Polonorum faciebant. Fabricato autem Castro
quod a Polonis Grodek appellatur, validoque ei praesidio imposito, ad infe-
renda Polonis damna et spolia, latius liberiusque vagabantur. Ea iniuria
Boleslaus Rex Poloniae, ut par erat, commotus, Grodek obsidione

cingit. Expugnationi autem illius longo tempore insistens, cum et natu-
ra et arte locus satis munitus esset, Pruthemque illum egregie tutarentur,
captam expugnationem irritam reliquit. Creuerunt illico barbaris animi,
et Regē Boleslao abscedente magnam Pomeraniae partem sibi deditā
et tributariam effecerunt. Ad ulteriora quoque, quoties Regem in longin-
quiores oras Regni sui abuisse didicerant, gradum promouebant, omnemque
ferē Pomeraniam, in suum ius et proprietatem pertraxerant. Afflige-
bat itaque magnae audaciae magnique spiritus Regem Pomerania adempta,
et ignominia apud Grodek accepta. Quapropter quo ordine quauis via
Pruthenos, qui pugnae copiam non faciebant clandestinis et furtiuis excursio-
nibus contenti, in praelium eliceret, agitabat. Itaque cum expeditis militibus
Pomeraniam ingressus, Pruthenorum aduentum nihil minus quam Regis tunc
ingressum suspicantium, operiebatur, nec eum opinio fefellit. Exploratorū
anim denunciatione certificatur, barbaros in frequentibus copiis conuenisse,
et statim ultra fluuium Ossa, tunc aquis inflatum posuisse. Altero vero
vadato fluuiō in Poloniae confinia ad inferendum vastitatem et spoliatio-
nem transituros. Rex morae impatiens, veritus ne hostes eius aduentu
cognito, in consueti nemorum et stagnorum caubilia refugerent, copias illico
suas ad hostem ducit. Cumque amnis profunditas ardorem militum morare-
tur, primos ordines ut erant armati aquas obstantes Rex tranare, et ceteris
metum adimere iubet. Verum cum plures pondere armorum ab equis coram
suffocarentur ceteri mortem vitaturi armis in ripa relictis fluuiō superato
silenti agmine ad hostes, Rege unumquemque exhortante, perueniunt, paruoque
negocio hostes superatos et inermes tam magna strage fundunt trucidantque
ut pauci qui intra tumultum fuga euaserant, et ab occupata Pomerania exce-
derent, et solita tributa Regi deinceps penderent.

IN Cis Alpina Gallia Parmensis Episcopus in Pontificem Romanum fuit
electus, qui bis contra Alexandrum armatu manu Romam usque profectus
est. Tandem Imperatore Henrico intercedente Concilium Mantuae indi-
citur, in quo composito scismate Alexander confirmatur.

Anno Domini 1065.

Boleslaus Rex Poloniae, Belam Ducem exulem
ex Hungaria profligato et necato Rege Hunga-
riae Andrea, ac Duce Bohemiae auxiliario ipsius
exacato, in Regem coronari facit, et in Sede ponit.

Sextum iam Dux Hungariae Bela cum uxore et filiis in Polonia apud
affinem suum Boleslaum Poloniae Regem agebat annum, dum illum ar-
dor redeundi in Hungariam peruasit, neque ad id solum naturaliter
batur affectu, sed Baronum et nobilium Hungariae dielim ad eum in Polonia
confluentium mouebatur rogatu, non nullorum vero clandestinis Legationibus
solicitabatur. Multis autem et variis difficultatibus periculisque reuersio-
nem suam septam aduertens, cum et germanus suus Andreas Rex uniuersum
Regnum in ditione sua possideret, et in Hungaris fluxam fidem habentibus
parum spei reponendum existimaret. Terrebat insuper eum iam Imperatoris
Henrici quarti, quam Wratislai Ducis Bohemiae affinitas, cum alterius filia
filio Salomoni desponsasset, alteri suam dedisset, intelligens tam socerum quam
generum Andream Regem, quod et euentus rei postmodum monstrauit, auxilia
laturus. His cogitationibus distentus, Boleslaum Poloniae Regem aggreditur,
orat, precatur, sollicitat, et per communionem sanguinis ostendens tres filios
ex matertera sua susceptos, obsecrat, ut pro officio fidelis amici et affinis sui
morem gerat, copiosque et gentibus suis sibi paternam hereditatem Regnum Hun-
gariae restituat, ne eum cum filiis in exilio consenescere contingat. Rex
autem etsi rem arduam a se exigi per Belam affinem suum videret, maximo
tamen animo et liberalitate, quorum utroque naturali praereminetia pollebat, mo-
tus, se illi omni sua militia spondet auxiliaturum, praesertim cum Bohemis paci-
ficatis, et Pruthenis compræhis feriatis annum illum videret. Itaque in ex-
peditionem Hungaricam iturus, ex omnibus terris Regni sui delectum agit, et
tribus agminibus, quibus Wszebortus Princeps Militiae praerat, Belam Ducem
reducendo ingreditur, uxore sua et tribus filiis in Polonia relictis. Rex autem
Hungariae Andreas bellum a Poloniae Rege sibi tam ex rumore quam ex Hun-
garorum auisamento sciens imminere, filium suum Salomonem ad Henricum
Imperatorem, notabili Hungarorum stipatum caterua per Niecbaldum Comi-
tem transmittit, rogans, ut si illi aduersa fortuna acciderit, curam eius velut
generis sui agat, sibique auxilia in gentibus destinet. Iisdem precibus apud
Wratislaum Bohemiae Ducem usus, tam Almanorum quam Bohemorum duos
insignes exercitus ab Imperatore Henrico et Wratislao Bohemiae Duce trans-
missos accepit, tertium ipse tertium ipse his duobus numerosiore ex Hunga-
ris conficit. Et Almanis quidem duo Duces vult Vilhelmus et Pontus prae-
rant, Bohemos Conradus Dux Moraviae germanus Wratislai Ducis Bohe-
miae regebat. Rex Hungariae Andreas stipatus tot et tantis auxiliis ma-
gis de victoriae premiis quam de pugna cogitabat. In altera parte ra-
rior erat militum numerus, ex Polonis duntaxat in agmine triplici aggre-
gatus, spem tamen victoriae augebat exercitatio, nam et in ordines ire, et
pedem quoties necessitas exposceret referre, stare quoque et ire ad iussum

Regis asseuerant dudum. Hungarorum qui partes Bela sequebantur
 baud contemnenda erat multitudo, et ex his Boleslaus Polonia Rex quar-
 tum agmen constituerat. Nam etsi in singulis Ordinibus Praefecti or-
 dinati essent: summa tamen belli Boleslaus Rex, tanta indoles iam tunc
 viro inerat praesidebat, suoque arbitrio cuncta gerebantur. Ad flumen itaque
 Scissa uterque exercitus conuenit, et quamuis exercitus Andreae, in quo et
 ipse Dux et cohortator aderat, tam numero quam robore multis partibus e-
 exercitum Boleslai Poloniae Regis et Bela Ducis excederet: nihil tamen
 uterque eius multitudine terribus, ad capestrandam pugnam exercitum de-
 ducit. Magnis viribus sed animis maioribus ab utrisque praelium captum
 et horis aliquot tam acriter pugnatum est, ut in ambiguo esset, cui populo
 funestus Mars victoriam decerneret. Vtrisque autem magna vi pro trium-
 pho adnitentibus, deteriori loco pars Andreae Regis esse coepit. Nam et
 magna pars Almannorum et Bohemorum iam aut prostrata aut obtrita erat,
 ordinesque eorum principalioribus cadentibus defluerant. Poterat adhuc
 pugna restitui, sed Hungari qui in exercitu Regis Andreae erant, inclina-
 tam suam aciem videntes, veriti ne secula victoria Bela in eos grauius
 quicquam statueret, relictis ordinibus, desertoque Andrea Rege et auxilia-
 riis suis ad Belam diffugiunt. Exhinc facile Bela plena cessit victoria,
 multique mortales ex Almannis et Bohemis occisi. Rex Andreas ne viuus
 in manus Bela fratris veniret, fugere in Almanniam contendens, in fuga ad por-
 tas Meson captus, et in sylua Bokui crudelius quam aetati suae conueniebat
 tractatus expirauit, in Monasterio Sancti Auiani quod ipse construxerat se-
 pulchritus, cum paulo amplius quam quindecim annis regnasset. Almannia et Bo-
 hemia Ducibus cum nonnullis militibus captis, Boleslaus Poloniae Rege mode-
 rante victoriam, et bonos seruatus, et plena libertas donata: quamuis Bohe-
 miae Dux Hungarorum decreto tetra et miserabili poena priuationi vultu oculo-
 rum fuit destinatus. Ex loco certaminis Boleslaus Poloniae Rex Belam
 Ducem Albam Regalem ducens, eum in Regem Hungariae ordinauit coronari.
 Rebusque Hungariae feliciter compositis, pluribus donis tam ipse quam exerci-
 tus suus a Bela Rege honoratus in Poloniam rediit.

*Ordinis S^{ti} Benedicti in Mogilno fundat
 Monasterium Rex Boleslaus et dotat abunde.*

Tertio Idus Aprilis Boleslaus Poloniae Rex apud suam Regiam Ci-
 uitatem Plocensem agens, et sub praesentia Paschalis alias Alexan-
 dri Plocensis Episcopi, multiplicia Diuinae gratiae beneficia sibi
 in multifariis bellis atque victoriis praestita recogniturus in Oppido suo

Regali Mogilno Gnesnensis Diocesis Monasterium Ordinis Sancti Benedicti (in hunc enim, quod pater suus Casimirus Poloniae Rex in eo apud Cuniacum militauerat, propensiori ferebatur affectu) fundat, locum dotat munifica atqz ampla insigniens. Cui et introitus Regales inscriptos, uti notum denarium, notum forum, notum porcum, notum puledrum, notum piscem, ex Castris, Oppidis, et Curis suis Regis Grudziandz, Zakroczim, Sirosch, et medietate Ibelonei fluminis Bug, Ripin, Stetin, Sepich, Nowe, Radzim, Oszeleb, Znuendzier, Ciechanom, Stolpsko, Grobesko, Naszilsko, Wischegrod, Plock, Dobrzin, Wlodzislaw, Przypustb, Flomstb. In Laszin vero decem marcas, in Larnow duas et dimidium marcas, in Zbuczim septem marcas, in Rosprza septem marcas quotannis percipiendas largitus est. Contulit et oppidum Mogilno, fundum et locum Monasterii cum villis infra scriptis uidelicet Czerwiesk, Chzenow, Bolmo, Velerich, Kossomo, Kremnow, Columbino, et plures alias villas. Contulit et seruos adscripticios ex nomine designatos. Donationes insuper per milites suos Sbilutum, Dobrogostium, Paulum, Semam, Odolan, et Andream, de villis Boguszino, Ladnie, wo, Liszicz, Kapnik, Zaklow, et Goczimowo factas confirmauit, ad praedictum autem Monasterium Mogilnense fratres et Monachos ex Monasterio Thiniacen Diocesis Racouiciensis sumptos introduxit. Cuius primus Rector et Abbas fuit Mangusius uir religiosus natione Gallus, et secundus Rydgerus fuit de Cuniacen Monasterio cum fratribus recepti. Fabricauit autem Boleslaus Poloniae Rex in Mogilno Ecclesiam Monasterii et Monasterium, illamqz beato Iohanni Baptista dedicare procurauit. Et extruxit muro in loco Chori unam Cryptam inferiorem, alteram superiorem ~

Pontificatu Posnaniensi annis decem et septem Marcellus primus administrato, scabiem incurrens, omnibus sacramentis deuote perfunctus, moritur. Cui petente Boleslao secundo Poloniae Rege a Nicolao secundo Papa prouisus nomine Theodorus genere Italus successit ~

Anno Domini 1066.

Boleslai Regis Poloniae frater Mieczslaus uir Optimus fati absumitu ~

Pannonica victoria ex Andrea Rege Hungariae, et Almanis, Bohemisqz auxilia tunc sibi ferentibus relata, Polonicus exercitus plurimum ditatus, Rex quoqz Boleslaus Poloniae apud vicinas nationes glorificatus est adeo, ut Prouinciis vicinis probitas sua in admirationem et

terrorem esset. Casus autem aduersus eo anno seculus non mediocrem illi intulit molestiam, et prosperos successus maioris caligine obduxit. Ger. manus enim suus Dux Mieczslaus quem tenerimo diligebat affectu in lectum aggritudinis decidens vita excessit nullo sui famoris (caelibem enim vitam egerat) superstite relicto. De cuius morte Boleslaus Rex multi doloris ostendens insignia, ultra quam viro et Regi conueniebat, illum visus est luxisse.

*Hungaros iterum fidem et religionem Christi:
Christianam abnegantes Bela Hungariae Rex
vario mortis genere & tormentis extinguit.*

Hungaricus populus ea tempestate secundum nisus est in Apostasiam facere a fide Christiana discessionem. Rege enim Bela apud Albam Regalem agente Conuentum, tanta illuc Colonomum et seruorum confluxit multitudo, ut tam Rex quam Episcopi et Barones trucidationem ueriti in Civitate se concluderent. Creati autem per eos Praefecti, Capitanei et Praepositi, speciem iustae seditionis et belli effecerant. Horum Legati venere ad Belam Regem, postulantes ut Episcopis et Presbyteris exterminatis, Ecclesiis et Campanis comminutis, liceret eis ritu vetusto et gentili vivere, absque decimarum (quarum sibi onerosam dicebant solutionem) redditione. Consternatus hac Legatione Bela Rex, post triduum se responsurum spondit. Interim Praepositis et Praefectis rusticorum, fidem et religionem Christianam blasphemantibus detestantibusque, gentiles vero ritus offerentibus, uniuersa plebs eis assensu, ritum priscum et barbarum se deinceps seruaturam magna pollicebatur gratulatione. Rex in tam periculoso discrimine et religionem Orthodoxam et Statum suum ac Regni videns versari, nihil amplius cunctandum, ne seditio coalesceret in immensum, ratus, tertia die qua daturus erat responsum, submissis armatis militibus Praepositos et Praefectos, caeterosque illius factionis Principes, iussit comprehendi, et vario mortis genere excruciatos, in conspectu caeterorum necari. Quo viso reliqua multitudo pavore concepta extemplo diffugit. In hunc modum orta Apostasia et seditio. Belae Regis prouisione et industria, oppressa et extincta est.

Cometes in Occidentem stella facem dirigens apparuit. Plura mala quibus et Almania et Britania regiones fuerunt affligende designans. In Britania quae nunc Anglia dicitur Eraldus Rex occiditur, et in Almania Principes variis caedibus in se debacchantur.

Anno Domini 1067.

*Boleslaus Rex Poloniæ filiam Russiæ
Principis Viszslauam in uxorem duxit ~*

C Rebris Consiliariis Ecclesiasticorum et Sæcularium Bole-
slaus secundus Poloniæ Rex superiori tempore persuasionebus,
quatenus aliquam Illustrem virginem suo connubio sociari pa-
teretur, sollicitatus, tum quoque non sollicitari solum sed et urgeri cepit,
ut legitimo thoro iniciaretur, ne stirps Regia ad duos tantummodo reda-
cta absumeretur. Excessus verò alterius fratris Ducis Mieczslai anno
transacto fletus et deplacatus, et residui Ducis Wladislai in eam diem
cælebs vita, adhuc et quietis tempus, in quo singula in circuitu bello op-
pressa erant, allegabantur. Rex Boleslaus etsi nondum eam ætatem se
attigisse, quæ tædas maritales magnopere expeteret, satis quoque temporis ad
onerandum se coniugali iugo restare, vereri insuper ne amor sponse futuræ
illum acrem, et ad bella gerenda, inferenda, aut repellenda ferocem animum
efficeret languidum et remissum, responderet, ad extremum tamen consili-
is suorum cedens, consensit se matrimonii munus accepturum. Inquirenti-
bus deinde Consiliariis, quæ famina tanto Rege digna esset? Principis Rus-
siæ filia et patris sui unica, cui magna pars Russiæ ex successione pa-
terna debebatur, in mentem venit. Hanc Boleslaus Rex, ceteris quæ
tunc per Consiliarios vicinorum Regum et Principum filiabus nominaban-
tur reiectis, se ducturum consensit, quod et pulchritudine dotibusque ani-
mi et corporis ceteris præstabat, et quod Russiam iustius subigeret, de qua
inuadenda subiiciendaque dudum animum, ut virtutes Auitas æquare posset
intenderat. Missis itaque solennibus Prociis prædictam virginem Viszslauam
accepit in uxorem, nuptias quoque Cracouiæ pro more Regi sponsa aduocata
celebrat, et per dies plures ludis militariis et bastariis instauratis, solen-
nitatem peragit nuptiarum ~

Obeunte Paschali Plocen' Ep'o, ex intestinorum dolore frequenti toro, et re-
gimine Ecclesiæ Plocen' sex et viginti annis administrato, Marcus natione
Luccen', ab Alexandro secundo Papa prouisus, Boleslaus secundo Polono-
rum Rege petente succedit ~

Romanorum Rex priuatam duxit uxorem ~

H Enricus quartus Romanorum Rex, Bertham hominis privati Itali Ottonis filiam sibi in uxorem accipiens, nuptias etiam iuxta decentiam Imperialem apud Triburias celebrat.

Dum Conradus et Otto Duces Moraviae germanum suum Jaromirum in Polonia exulantem, successurum Severo Pragen Episcopo demortuo reuocant. Interim Wratislaus Dux Bohemiae in Sedem Pragensem Luczkonem Presbyterum suum substituit.

O Beante sub hoc tempus Severo Episcopo Pragen, qui sub omni vita sua, ut faciam et perniciosam rem in spoliis Ecclesiae Cuiusque consensu egerat, variis probris, opprobriis, contumeliis, et quod referre pudet carcere et compede a Duce Wratislao lacebiri non desiit, iusto remuneratore Deo hanc ei poenam pro suis factis inferente, Conradus et Otto Duces Bohemiae, quibus Moravia, Wratislao Duce Principali et maiore natu concedente, cesserat, mittunt in Poloniam ad germanum suum Ducem Jaromirum, laici potius quam Sacerdotis in illam diem gestu, habitu, et moribus personam referentem, quatenus relicta Polonia ad eos in Moraviam redeat, consilio et auxilio eorum Sedem Episcopalem Pragen adepturus. Qui etsi omnium rerum largitione et abundantia a Rege Poloniae Boleslao procuratus, et magno in honore et amore habitus, perpetuus Poloniae Civis fore in animo destinasset, cupiditate tamen honoris Pontificalis incensus, Poloniae Rege Boleslao adito, et causa recessus patefacta, ut se aequo animo redire in Bohemiam pateretur, facile impetrauit. Non solum enim Rex libertatem illi abundi Rex illi dedit, sed pecunias, vestes, equos ceteramque suppellectilem, ut insigniter et non in morem exulis ad suos rediret, munifice praestitit. Quo ad fratres Conradum et Ottonem in Moraviam perueniente, nuntiatum est Ducem Bohemiae Wratislaum in Episcopum Pragensem Curiae suae Presbyterum Luczkonem nomine Saxonem genere, literis et industria pollentem, substituisse. Qua re Jaromirus vehementer afflictus, ex templo in Poloniam reuerti statuerat, nisi aggre a Conrado et Otthone fratribus substitutionem Luczkonis rescindere se promittentibus fuisset retentus.

Anno Domini 1068.

Liberalitatem Regis Boleslai & exemplum nimiae cupiditatis habendi cuiusdam recenset.

Ac ita forsitan posset quispiam mortalium hæc nostra scripta legentium ambiguitate pulsari, an Boleslaus Poloniae Rex in Iaromirum Bohemiae Ducem, et sæpenumerò suum et Regni sui infestum saltem in progenitoribus hostem, et calamitosum exulem, et quod cætera superat sui Ordinis Apostatam et desertorem, potuerit esse tam beneficus et liberalis, ut præfatus Iaromir exilium Polonicum libertati Bohemicae anteponeret. Verum si Regis Boleslai plurimorum literis prodita vulgataque attendatur liberalitas, facile hæc et quaecumque alia magis difficilis et nodosa ambiguitas poterit absolui. Ipse namque inter omnes Reges et Principes Poloniae ea gloria liberalitatis effulsit, ut neminem venientem ad se Cuiem et externum sine munere dimiserit. In honorando tamen externis militibus, qui ad vulgatam famam eius nominis, militiæ et causa visendi varios Principatus et Regna, DOMinia illius adibant, erat effusior. Propter quod multorum virorum et militum Illustrum ad Curiam suam affatim aduenientium fiebat concursus. Cui naturalis instinctus tam vastum et patentem ad largiendum animum formauerat, ut omnes voluptates, felicitatesque et virtutes suas in sola liberalitate numeraret: extremi ingenii et obscuræ rusticanaeque et miserabilis sortis Principem esse appellans, quem hac virtute carere contigisset. Cuius liberalitas notior ut fieret, unum ea tempestate eoque anno gestum, memoriae causa subiiciemus exemplum. Cum in Cracoviensi Urbe Regia Boleslaus Rex in Aula sua consisteret, et variarum Prouinciarum, quæ suo parebant Imperio, Præfecti aut eorum Legati iuxta tempus constitutum, tributorum et reddituum Regalium varias auri et argenti species, vasa et Clenodia ex his in usum et pompam Regiam et largitionem hospitum fabrefacta, item gemmas et uniones lapides diuersos præferentes. Item aliud aurum et argentum denariatum in eius conspectu effunderent, Clericus quidam humilis sortis, admirationis et Curiositatis gratia, Aulam auro, argento, gemmis et pecunia refertam ingressus, quantitatem opum Regiarum, et suæ conditionis tenuem et vilem sortem, tam frequenti submurmuratione et suspiriis ab imo pectore emissis cepit in, ingeminare, et querelæ quoque eius et murmur à Rege fuerit exauditus. In hunc quoque Rex liberalior quam utriusque conueniebat esse volens, desine, inquit in nostri præsentia fundere suspiria, desine ingeminare querelas, tristitia quoque seposita, utere hac die liberalitate nostra, et pecuniæ quantamcumque ferre poteris summam tolle: pauperiem tuam nostro dono exclusurus. Qui mox eblamyde qua vestitus fuerat diffusè sinuata, magis quam suis conueniebat viribus onus tollere aggressus, tam multo metallo amictum ex humeris pendentem impleuit, ut molle ipsa præssus, paululum spaciū conficiens, et pondus cupiditate doni incensus non remittens, fracta ceruice expiraret.

plus ferens impellente auaritia metalli, quam quod suis viribus potuisset moderari. Cuius morte Boleslao Regi nunciata, neque pecuniam in Regium Erarium inferri, neque cadaver Clerici inter caetera fidelium corpora humari permisit, sed utrumque in profundo fluminis Visla gurgite demergi mandauit, indignum decernens et eam pecuniam usui humano fore quae hominem peremisset, et eum hominem caeterorum cineribus iungi, qui pecuniae ardore periculum mortis ipse sibi accersiuisset, hominis miseri cupiditatem etiam post fata puniens, quatenus cadaver illius piscium esca fieret, et metallum cuius occasione sibi Clericus mortem conscuerat, ab omnium usu perpetuo interiret ~

*Variata Sententia Wratisslaus Bohemiae
Dux de Luczkone in Pragen Epum eu-
hendo fratrem Jaromirum promouet ~*

D Vx Bohemiae Wratisslaus et duorum suorum germanorum Conradi et Ottonis, et omnium fere Baronum crebris expugnatus monitis et precibus, variare de Luczkone sententiam, et Jaromirum fratrem in Pragensem Episcopum promouere coactus est. Qui ab Henrico Imperatore de Pragen Ecclesia inuestitus, a Gebhardo Maguntinen Archiepiscopo Maguntinen et consecrationem et nominis mutationem, qui eum Gebhardum sui nominis aequiuoco vocari voluit in Maguntino accepit.

HENRICVS Romanorum Rex adolescentiam suam per licentiae campos vagari permittens, lusibus, venationibus, et aliis tantummodo voluptatibus operam dabat. Propter quod res Imperii plurimum fluctuare ceperunt, et Henricus ipse multos sibi hostes et insidiatores conflauerat ~

Anno Domini 1069.

*Nascitur Boleslao Polonorum
Regi Mieczslaus filius.*

Vniuersis Polonorum Proceribus et Primoribus Regni de suorum Principum orbitate sterilitateque sollicitis, Viszeslawa Regina Poloniae Boleslai Regis coniunx uterum nunciatur impleuisse. Qua nouitate et Rex et Proceres exhilarati non sine animorum inter spem et metum colluctatione, futuri partus euentum operiebantur. Regina interim

variis votis, quatenus et virilem fatum et incolumem illi edere contingeret, propiciationem Diuinam praeueniens, conceptu materno filium Cracouiae duodecima Aprilis effudit. Qui in Ecclesia Cracouienſi à Zula seu Lamperto Crac' Ep'o aqua baptismatis ablutus, Mieczslaus auitum nomen, Boleslao patre id ei et in auitam et in fraternam qui nuper excesserat memoriam adaptante, accepit. Plures dies ab his qui inuitati confluxerant in ludis et solaciis absumpti sunt. Rex quoque Boleslaus nouae prolis dono exultans, effusas et ipse in quoslibet inuitatos donorum suorum fecit distributiones, tam perfunctoriam opum Regiarum quae die, tim congeriebantur, ratus gloriam, ut praeter dandi facultatem nihil illi iucunditatis aut dulcedinis esse assereret.

*Bela Rex Hungariae domo
turbine concussa interijt.*

Excepit sub eodem tempore Regem Poloniae Boleslaum molestus casus, Affinis enim suus Rex Hungariae Bela, dum ex omni parte pacificato Regno securus et felix consisteret, et Regnum Hungariae singulari prudentia et industria administraret, inopinato euentu usque ad internitionem obrutus est. Dum enim in villa quadam Gimel, appellata moraretur domus quam inhabitabat, à ventorum turbine concussa corruit, et Belam Regem ruina sua laetaliter oppressit. Qui etsi imminens mortis periculum se euasurum credens, ex Gimel ad riuulum Kimsna, negotia quadam Regia expediturus, duci se lectica iussit: illuc tamen perueniens, fortius caput à languore praemi. Qui cum à medicis mitigari non posset, Rex dolore continuè ingrauescente extinctus est. Corpus in loco cum Lukszad delatum, in Monasterio Sancti Saluatoris quod ipse uiuens extruxerat, cum honore debito sepulchro traditum est.

Anno Domini 1070.

Boleslaus Poloniae Rex Russiam inuadit.

Ex obitu Affinis sui Belae Hungariae Regis Boleslaus Poloniae Rex maioris aculeis susceptis necdum hebetatis, animum tamen ad bellum Principibus Russiae inferendum, et ad recuperandam uniuersam Russiam, armis quondam Boleslai primi Polonorum Regis Protai

sui subactam, intendit. Primoq; aestatis tempore omnes milites in armis esse, et in expeditionem Ruthenicam copias ex vniuerso Regno tam equitum quam peditum conuenire iubet, sub specie quidem quasi fratrem Zaslaum Ducem Kiouiuensem in Principatum restitutus, reuera vero Rusiam sibi et Regno Poloniae subactus. Omnia vero quae ad futurum belli apparatus nouerat necessaria, et per seipsum et per Praefectos praesertim vero per Wscheborium Principem militiae maxima providebat cura. Magnam pecuniae quantitatem inter milites equestres et pedestris ordinis, ut alacrioribus promptioribusq; animis in expeditionem irent partitus est. Festuabat siquidem ferocis pectoris vir Protaui sui Boleslai primi Polonorum Regis famam et gloriam in eam usq; diem crebris hominum sermonibus celebratam aut transcendere, aut si minus id liceret saltem aequare, et gades ueteres per Protauum suum in fluminibus Solaua et Dniepr per columnas constitutas, Regno suo adiacere et innouare. Stomachabatur insuper omnes terrarum Russiae tractus, ad eum belli et materni iure deuolutos per Russiae Principes possessos, et contra ius fasq; patre suo Czimiro Rege vel consentiente vel dissimulante, occupatos esse, de quorum restitutione crebro a Boleslao moniti, respondebant se nullatenus illos reddituros. Frequentibus itaq; copiis ex omni Regno ad Regem congregatis, aduocata militum multitudine, prius quam in hostilem agrum ducere pergeret, ita apud illos disseruit. Ea, inquit, maior nostrorum fuit uirtus, ea probitas, is animus, ut quam plures vicinas Prouincias Regno Poloniae fecerint tributarias et subiectas. Fluminaq; Saua, Ossa, et Zolaua, fixis etiam in eorum gurgitibus columnis terminos Regni sui constituerant. Nunc ad quam angustam sedem ex collisione ciuili redacti sumus, uidemus: cum et ipsa Russia, et gentium iure et belli ditionis nostrae existens, cuius me materni et Auiti titulo amplior contigit portio, imperium nostrum detrectat. Eius itaq; rebellionem opprassurus, et arma ipse induci, et vos in armis esse iussi. Magno itaq; praesens capeffite bellum animo; non prius coniuges et liberos, ipsamq; quam nunc linquimus patriam nostram communem, quam Russia fuerit subacta, visuri. Haec Regis oratio cum ingenti militum alacritate et assensu excepta esset, altera die triplici agmine Russiam, habens in comitatu Zaslaum Ducem Kiouiuensem et filios eius, ingressus est. Et pluribus quidem diebus ordinatis aciebus praecedebat gradum, promouendo et cohibendo milites a populatione illos in Castris continuit, existimans Russiae Principes iusta acie secum congressuros. Praerat autem summae rerum in Polonorum exercitu Wscheborius Comes, dudum a Boleslao Rege Princeps militiae constitutus. In qua Boleslaus Rex, uelut militaris disciplinae peritum magnam partem curarum cogitationumq; suarum uerterat.

*Boleslaus Polonia Rex Civitatem
Kiou et Castrum Poloczko capit ~*

Congesserat autem Wseslaus Polocen Dux, et qui Zaslaum ex
Kiou depulerat, baud contemnendum ex Ruthenis, Lieczyniedis,
et Varais exercitum, cum Boleslao Poloniae Rege decertaturus.
Verum dum Boleslao Regi, prohibiturus illius ad interiora Russiae ingressu
circa Bialogrod occurrisset, visa Boleslai Polonorum Regis potentia, con-
cidit cor eius, et non ausus conflagrare cum Boleslao et Polonorum exer-
citu (videbat enim se multo viribus inferiorem) ignorantibus suis deser-
to exercitu, paucis consciis et se sequentibus diffugit in Poloczko. Sed et
exercitus suus fuga Ducis consternatus et percussus in varia loca abiit.
Ab exploratoribus autem Boleslaus Polonorum Rex certior factus, Ruthen-
os et caeteros hostes ad tuendas munitiones dilapsos esse, gradum in ulle-
riora promouebat. Interim miserunt Ruthenorum Primores Kiouien ad
Smiatoslaum et Wszeuoldum Duces in Cernieiom Legatos dicentes. Etsi
iniquè egerimus pellendo Ducem nostrum Zaslaum ex Kiou, vos tamen ve-
nite et defendite Castrum Kiou a Polonis et Rege eorum Boleslao, quoni-
am exercitus suus multus est, et fortis nimis, cui nos resistere non potueri-
mus. Quod si facere contemnitis Castrum Kiou, antequam in Polonorum
ditionem concedet, igne comburemus, ipsi vero cum fortunis, pignoribus, et
familiis nostris, trans mare in Graeciam migrabimus, iugulum irato hosti sub-
ducturi. Accipiunt autem Kiouenses a Ducibus Smiatslao et Wszeuoldo
responsum benignum, Nuncios se ad Zaslaum Ducem missuros, rogaturosque
ut se et Polonicum exercitum ab hostilitate contineat, pacificusque ad il-
los, sua omnia rehabiturus, introeat. Quod si nollit, spondent se cum
potentius suis illi occursuros, prohibituosque ne principalis eorum et ciuitas
Kiouien Arx et populus a Polonis et Rege eorum occupentur. Qui-
bus verbis Kiouenses confirmati, voluntate deserendae Patriae ommissa, sub-
sistunt. Nuncii vero ex templo ad Zaslaum Ducem expediuntur, qui cum
illum baud longe a Kiou offendissent, verba apud illum et Boleslaum Po-
loniae Regem, in hunc modum, Ducem Smiatslai et Wszeuoldi nominibus
faciunt. Incassum, inquit, tam fortissimum exercitum in tam remota ter-
rarum spatia produxisti, frustra durissimos impendis conatus, cum vide-
as Wseslaum Polocensem Ducem hostem tuum, et omnes tuos aduersa-
rios contabuisse. Omissis itaque Polonis, quietus sedem tuam Kiouensem,
non est enim qui aduersetur tibi, repete, et Polonorum gentem duram a
nostra et terrarum Russiae vexatione auerte. Quod si te aliquis furor

ad ulciscendum acceptam à Kiouiensibus iniuriam exagitat, ipse mel potius ultionem et in Kiouenses et in arcem sine ferro sine igne liber, dum, modo Poloni in nos et gentem nostram non debaccebantur, exerce. Qua legatione accepta Boleslaus Poloniae Rex cum Zaslao Duce et expeditionibus militibus, parte copiarum cum impedimentis relictis, se tamen subsequi iussa versus Kiou celeriori gradu procedunt. Dolum et fraudem in verbis Legatorum veriti, Msczislau filius Zaslai in Kiou cum nonnullis Polonis et Russiae militibus praemittitur, an quietae res apud Kiouenses essent, et ne insidiis et fraudibus Kiouenses uti possent, exploraturus atque prouisurus. Qui illuc perlingens seditionis auctores et capita numero septuaginta partim execat, partim trucidat, et saeuam ultionem delendo etiam eos qui insones habebantur, exerceat. Renunciantem autem Msczislao omnia secuta et quietata apud Kiouenses esse Boleslaus Polonorum Rex cum Zaslao Duce aduenit, et à Kiouiensibus obuiam illi ad septimum lapidem primum occursum, deinde amplissimis muneribus exceptus est. Secunda autem Maii die Boleslaus Polonorum Rex Kiouiam ingressus, omne aestatis, autumnus, et hyemis tempus illic cum uniuerso exercitu suo duxit. Hybernabant autem Polonorum milites in oppidis et villis Zaslao Duce singulis tam vestimenta quam victualia providente. Iuit autem Zaslau Kiouiensis Dux cum Polonorum et Ruthenorum militibus, Boleslaus Polonorum Rege in Kiou remanente contra Wsche slaum Ducem in Poloczko, qui potentiam suam veritus et Polonorum, diffugit, Zaslau vero arce Polocen et regione in suam ditionem redacta, locat illic filium suum Msczislau. Qui dum infra dies paucos absumptus esset, alterum filium Swiatopelkonem in locum eius substituens, Kiouiam regreditur.

SALOMON Hungarorum Rex, Patru sui Regis Bela audita, magnis studiis et precibus auunculum suum Imperatorem Henricum deprecatur, quatenus eum in Hungariae Regnum Rege Bela orbatum et vacuum, restituat. Imperator autem, et genero et filiae volens efficere profectum, eo quidem anno, cum iam proxima hyems aduentaret, ferre auxilia illi distulit futura autem aestate se cum eo personaliter iturum, et Regnum Hungariae restitutum re-promisit. Quapropter suae ditionis militibus expeditionem huiusmodi insinuans arma illos expedire, et primo Veris tempore in Hungariam secum proficisci mandauit.

Anno Domini 1071.

Boleslaus Polonorum Rex Ciuitatem et Arcem Przemissen capit.

Hibernali tempore in Kiow Boleslaus Polonorum Rex exacto matu-
re ex hybernis festinat egredi, cum iam tempus appeteret quo geri res
possent. Maximis autem et amplissimis muneribus tam ipse quam mili-
tes a Laslao honorati, versus Przemislum procedit, et quasdam munitiones et
oppida, citra San fluvium consistentia partim voluntaria deditio, partim
metu aut vi recepit. Certior deinde factus Przemislum oppidum multorum
Ruthenorum receptaculum esse, qui illic res et fortunas suas ex munitionibus
et villis, velut in locum tutiorem et praesidio valido munitum, contulerant,
omnibus id copis aggredi constituit. Erat eo tempore Urbs valida et mul-
titudine Civium aduenarum, et omni bellico apparatu instructa, fossis quoque
profundis et aggeribus in altum porrectis, amne quoque San qui Urbem a par-
te Septentrionali praeterfluit, munita, admovere copias Boleslao Rege paran-
te, amnis ipse San imbris plus solito auctus intumescens, aliquanto tempo-
re obstitit. Quo tandem decrescente, omnes copias per fluvium Ruthenis
nequicquam ripas defendentibus traduxit, castraque non plus mille passibus
ab Urbe posuit. Inde per occasionem nunc hac parte nunc altera milites in
hostium agros emittebat, praecipiens ut quam longissime a castris procederent
inopinatosque hostes, opprimerent. Qua re hostes undique territi in sylvas ple-
rique paludesque et inuia loca diffugiebant, alii nec iam egredi extra munimen-
ta Castellorum et munitionum ad lacepsendum alia Castra audebant. Le-
coris praeterea et frumenti aliorumque commeduum magna vis excepta et
intra Castra Regia deducta, magnam omnium victualium abundantiam
in Regio exercitu effecerat. Levia deinde praelia sine ullo satis certo euen-
tu per dies plures inter obsidentes et obsepos commissa sunt. Vno tamen
die erumpentibus ex Ruthenis maioribus cateruis ex Urbe, et usque ad stati-
ua Regia discurrentibus prope iusta pugna fuit, adeoque Rutheni pauentes
in Urbem refugiebant devicti, ut in terris eorum plerique Poloni haerent, non
nullosque ceperint, aut armis exuerint. Excursionibus hostilibus coerecitis, Ca-
stra Rex propius Urbem admovit, et Oppidum circumdari a tribus partibus, a
quarta enim arce tutabatur disposuit. Tribus deinde diebus sine intermis-
sione oppugnat, in plerisque locis hostes ex stationibus per tela et sagittas sum-
mouet et exturbat, partemque Urbis ad plana camporum spectantem defensori-
bus nudatam in suam redegit potestatem. Quarto die Ruthenis in arcem
confugientibus Urbe potitur, cuius omnis praeda militi concessa est, Spacio de-
inde quietis militi concesso, sub quo et saucii ad maxima expugnatae Urbis cura-
ri possent, arcem vallari et corona cingi iubet. Quam cum enixius Ruthe-
ni tuerentur, oppugnationem tamen illius quamvis sibi difficilem, cum et na-
tura loci, et turribus frequentibus egregie munita fuerit, non remisit, unice-
sumque aestatis tempus in arcis praedictae obsidione absumpsit, ratus, quod

Tuenit, Ruthenos ad deditiōem posse famis tædiō compelli. Magna siquidē
 multitudo Ruthenorum cum coniugibus et pignoribus Vrbe deserta in arcē
 confugiens intolerabili fame, aqua præsertim penuria dietim tabescens, cuius
 haustus moderatus agrē arcis defensores sustinebat, nullas enim arx in su-
 blimi posita perennes tunc habebat aquas, triste suis spectaculum cadente in-
 dies multitudine efficiebat. Huius quoq; pestis contagionem Præsides arcis
 et milites Ruthenorum veriti ad se peruenturam, crescente desperatione Ca-
 duceatorem ad Regem Boleslaum mittunt, et ut inde cum singulis equis et
 rebus abire liceret paciscuntur, Boleslaūq; Regi die qua inter eos conue-
 nerat tradunt. Boleslaus autem Rex arce potitus, mœnia, turres, cæte-
 raq; loca Przemiensensis Urbis, sui impugnatione debilitata aut diruta,
 ordinat fortius refici et instaurari, militibusq; ad hybernandum in Urbem
 deductis, ipse cum Prioribus Procerum et Baronum in Arcem se recepit. ~

Geysa Dux Hungarie, cum fratribus ad Boleslaum Poloniæ Regem fugit, et auxilium con-
 Salomone opa Henrici Imp. denuo coronatū petit.

H Enricus Imperator Romanorum promisso Salomoni Hungarorum Re-
 gi genero suo satisfactorius, cum valido exercitu Italicorum et Al-
 manorum cæterarumq; nationum in Hungariam à parte qua Austri-
 am respicit intrauit, ducens secum præfatum Salomonem Hungariæ Regem, cu-
 ius aduentu Hungari comperto, ut est gens in fide suorum Principum mutabilis
 et fluxa, Geysa Duce et fratribus eius Wladislao et Lamperto filiis Be-
 læ Regis, quibus in eam diem debitam obedientiam exhibuerant, desertis, cer-
 tatim ad Salomonem deficiebant. Dux itaq; Geysa Hungarorum desertū
 se ab Hungaris, et opprimendum à potentia Imperatoris aduertens, communi-
 cato cum fratribus consilio, cedendum imminenti tempestatī, et meliori tem-
 pori se seruandum decreuit. Itaq; duobus germanis Wladislao et Lamper-
 to, et paucis quibusdam Hungaris, qui nullo pacto ab istius fide abstrahi pote-
 rant assumptis, in Poloniam ad fratres suos Boleslaum Regem et Wladisla-
 um Ducem Poloniæ, tutum illic non dubitans sibi et suis fore in rebus dubiis
 receptaculum, diuertit. A Duce autem Wladislao et genitrice eorum Dobro-
 gniewa benigne excepti et appellati, cum tunc Boleslaus Rex Ruthenico bel-
 lo occupatus esset, omnibus debitis vitæ necessariis abunde tractabantur. Im-
 perator itaq; Henricus Duces Hungariæ intelligens diffugisse, ad Albam Re-
 galē Salomonem perduxit, apud Hungarorum quoq; Pontifices et Barones
 cæteramq; multitudinem, quæ illic confluxerat, concionatus, sæpē vanam

fidem Hungarorum carpens, Salomonem Hungaris et Hungaros Salomoni iurisiurandi interposita pactione conciliauit. Ne quoque prior sua coronatio in dubium reuocari posset, ipsum in Regem in sui presentia coronari ordinat, abindeque pluribus donis a Salomone honoratus in Almamiam rediit. Dux autem Geysa aliquandiu Cracouia moratus, dum persensisset Boleslaum Regem non facile in Poloniam reuersurum, ad eum se contulit, et ipsum in Erzemisia hybernantem offendens, ut sibi et fratribus suis armis et potentia Henrici Imperatoris ex Hungaria pulsus, opem ferre non differat, precatur et orat. Quem Rex bono animo esse iubens, apud se aliquanto tempore fauorabiliter honoratum et tractatum detinuit, deliberans an Ruthenico bello insistendum esset, an eo dilato Hungariae Ducibus auxilium ferendum.

*Lampertus Crae' Episcopus moritur
Cui S-Stanislaus Can'us Crae' successit.*

Lampertus alias Zula Cracouiensis Antistes, cum decennio Cracouiensem Ecclesiam rexisset, vigesima quinta die Nouemb. mortuus in Ecclesia Cracouiensi accepit sepulturam. Huic ad deuotam petitionem Nicolai de Mikolaiom filii Wszechlich, Cornu pro armis, Stanislai et Bogusl' de Lemlice, Caput asininum, Petri et Iacobi de Zbiluthouicze, Clipeum in Clipeo, Mszczugii et Ioannis de Iakuszuicze Babatum cum cruce, pro insigniis deferentium, Ecclesiam Parochialem in minori Czimirza reperio fundasse, et certas decimas manipulares adiunxisse. In fundationis quoque Priuilegio Anno Domini Millesimo Sexagesimo tercio, in Dzierzazna scripto et confecto, cuius memini me legisse tenorem, beatum Stanislau tunc Cracouiensem Canonicum, pro primo et principali, cum aliis Cracouiensibus et Wratislauiensibus Canonicis, testem scripsisse. Iste Zula fuit vir facetus et literatus complexionis sanguineae, et pro vite sue integritate meruit apud Clerum et populum Regni Poloniae, et celebrem memoriam, et gradum Pontificalis dignitatis per conformem electionem ascensum. Huic unanimi consensu Capituli accedente Sanctus Stanislaus Canonicus Cracouiens succedit.

Anno Domini 1072.

Boleslaus Rex Poloniae cum exercitu Hungariam ingressus, filios Bela concordat cum Salomone Rege, ita quod is duas partes Regni honore fungens Regio illi vero tertiam Ducali titulo polsi deant.

B Ellis duobus Ruthenico vultu illato et Lannonico inferendo Boleslaus
 Poloniae Regem distinentibus, quid horum mallet, ad quodue se ver-
 teret, tacitus secum, deinde et frequenti suorum consilio disquirebat.
 Nam neque bellum Ruthenicum ex Laslai Ducis Kiouien in Sedem suam
 restitutione, secundis auspiciis hactenus inchoatum et gestum volebat omitti-
 re, neque fratribus suis, Geysa, Wladislaus, et Lamperto omnes spes suas
 in suo auxilio reponentibus, deesse. Et quamuis omnium Consiliatorum Po-
 loniae sententiae Ruthenicum bellum persequendum, et a Lannonico interim
 abstinendum, propriasque res potius quam alienas curandas censerent, Boles-
 laus tamen turpe ratus fratres suos Duces Hungariae in tam periculoso disci-
 mine deserere, Ruthenica expeditione omissa, valido praesidio arci et Ci-
 uitati Przemislien imposito, ad inferendum bellum Salomoni Hungariae Regi
 tam Ducibus Geysa, Wladislaus, et Lamperto, quam propriis militibus pronun-
 ciat se iturum, delecta igitur expeditorum militum manu, nouis quoque mili-
 tibus, in horum quos in Przemislien praesidio relinquerat supplementum ex
 Polonia accersitis, fra, fratres suos Geysam, Wladislaum, et Lampertum
 in Hungariam reducit: quaeque extrema pro illis, tam cum Salomone, quam alio
 quolibet eorum hoste, experturus. Neque deerant Hungarorum Proceres, quos
 iam dominatio Salomonis perturbauerat, qui Salomone relicto, ad Geysam Wa-
 dislaum et Lampertum transfugerent. Salomon itaque exteris Almanorum
 auxiliis destitutus, cum Hungarorum fidem huc illucque labantem nosset, ve-
 ritus ne a Polonico agmine et fratribus interceptus necaretur, praesertim cum
 iam illos stativa prope Budam locasse sentiret, ex Buda fugiens in Castrum
 Musur arte et natura munitissimum, se recepit. Diu Rex Boleslaus et Du-
 ces quid agendum salius esset, ventilabant, cum et conquisitio Castri in quod
 se Salomon Rex condiderat periculosa et difficilis, et agrorum agrestiumque
 qui nihil deliquerant vastatio plusquam tristis esset. Interim Pontifices Hun-
 gariae quibus bellum civile formidabile ac detestabile videbatur ad Castra
 Regis et Ducum, pacem inter Salomonem Regem, et Geysam, Wladislaum
 et Lampertum Duces aequis conditionibus composituri, superueniunt. Qui-
 bus in consilium adhibitis et admissis, multis instantius Geysam et fratres
 suos deprecantur, ne communem patriam, in qua maiores eorum regnauerant,
 in qua quoque et ipsi essent regnaturi, mutuis collisionibus ruinae et vastita-
 ti subicerent, occupandamque barbaris praerberent. Orant et Boleslaum Polo-
 niae Regem, ut fratres suos Duces, ad capeendas aequas pacis conditiones
 pelliciat. Et cum a Rege et Ducibus responsum esset, pro pace communem nul-
 las se conditiones honestas recusaturos, sed in Pontificum potestate futuros
 (Rex enim Poloniae Russiam redire magnopere satagens, Hungaricum bel-
 lum aut sententius suspendi, aut pace componi cupiebat) itum est exemplum in

Muszur, et sub his conditionibus pax ab utraq[ue] parte facta. Ut Salomon
quamvis natus minor, Regia fungatur et dignitate et Diademate, tituloq[ue] et
honore, atq[ue] duas partes Regni Lannonici in sua ditione habeat. Geysa, Wla-
dislaus, et Lampertus, Ducalem honorem et tertiam Regni partem possideant.
Boleslaus Polonorum Rex et suus exercitus de communi Erario utrorumq[ue]
muneratus abscedat. In hunc modum pace composita, in qua componenda aetas
integra exacta est, Boleslaus cum magna gloria et utriusq[ue] partis favore (neq[ue]
enim eo abnuente pax componi potuisset) in Przemislam rediit, illicq[ue] hyber-
navit. Geysa, Wladislaus et Lampertus in quinq[ue] Ecclesiis coram magna Hun-
garum multitudine Salomoni imposuerunt Diadema ~

Ioannes Wratislaviensis Episcopus, cum annis decem Cathedra praesedisset, a cal-
culo correptus, mortuus est, et in Wratislaviensis Ecclesia sepultus, Petrus Scho-
lasticus Wratislaviensem habuit successorem. Et electio sua quoniam uni-
formis erat, et illi praesens aderat, a Petro Gnesnen[si] Archiepo in Gnesnen[si] Ec-
clesia confirmata, et consecrationis munus fuit illi ab eodem Archiepo ibide[m],
Boleslao Polonorum Rege qui electioni aderat consensiente, impensum. Nobi-
lis de Domo vulpium ~

*Swiatoslaw et Wszeoldo Ducibus Czirmeio-
uicn[em] con[tra] fratrem Zaslaum Ducem Kiiouien[sem] hosti-
liter venientibus, Zaslaus ipse ad Boleslau[m] Polo-
noru[m] Regem cum pignoribus venit petens restitutione[m].*

L Ex causa inter Swiatoslaum et Wszeoldum Czirmeiouicn[em] Ducem
una, et Zaslaum Ducem Kiiouiensem, partibus ex altera, pro finibus
terrarum et spoliis utrinq[ue] secutis contentio exorta, etiam inter illos
arma exiuit, congregatis itaq[ue] exercitibus Swiatoslaus et Wszeoldus Czir-
meiouicn[em] Duces, vadunt contra Zaslaum Kiiouien[sem] Ducem. Verum Zaslaus
fluxam et fragilem suorum militum in se fidem perpendens, veritus ne viuis
in manus hostiles veniret, ex Kiiow discedit. Swiatoslaus vero et Wszeol-
dus Duces vigesima secunda die mensis Martii Kiiouiam ingressi, occupant
Principatum et sedem Kiiouien[sem]: paterna prohibitione temerata, qui singulos
constrinxerat, ne alter alterius usurparet Principatum. Zaslaus vero Kii-
ouien[sis] Dux cum uxore et filiis et plerisq[ue] militibus in Poloniam ad Bolesla-
um Regem, ducens secum aurum, argentum, vasq[ue] concupiscibilia, et omne nobile et pre-
ciosu[m] suppellectile, quae o[mn]ia aut Boleslao Poloniae Regi donauit, aut inter Polonoru[m] mili-
tes distribuit, suppliciter se in sede[m] suam Kiiouiensem per Boleslaum Polonorum
Regem deprecans reponi ~

Vigesima prima Decembris Sviatoslaus Cernieuien' Dux qui Kiouien' Sedem occupauerat, in Kioum moritur, et ad Cernieuiam relatus, in Ecclesia Scti Saluatoris sepelitur, Cui Wszecholdus frater suus in Principatu Kiouensi succedit. Reliquit autem unicum filium Hleb, hic paternum Ducatum vlt' Nouogrod Sviatoslao obeunte possedit.

Anno Dñi 1073.

Boleslaus Rex Poloniar' Wolhin'
Castrum sex mensibus obsesum capit.

Ex Przemissia, valido illic praesidio ut populares in fide contine-
rentur relicto, Boleslaus Polonorum Rex agminibus suorum exer-
cituum edictis, in ultiores Russiae partes, Laslaum DVcem in
Sedem suam restitutus, ire pergit. Et itinere quo versus Kiouiam pro-
cessisse credebatur omisso, in terras Chelmen' et Volbinen', quae post Wladi-
mirien' vocabantur, nunc utroq; nomine abrogato Lucen' appellatur diuertit.
Regio erat in eam diem et diues et opulenta, frequentes habens vicos et
Oppida: pauca erant munita, faciliem sui expugnationem hosti praebentia.
Igitur pleraq; voluntarie in deditiorem venere, caetera in quibus praesidia
Ruthenorum erant, paruo negotio expugnata. Castra regionis principalia erant
tria, Volbin, Wladimir et Chelm, singula tamen ex ligno et trabibus fabrefa-
cta, et in collibus natura ipsa aditioribus sita, haec magna Ruthenorum mi-
litum manus tuebatur. Primum itaq; Boleslaus Polonorum Rex praedas
agere et nonnullos vicos et rura incendi iubet. Peragrata praedataq; re-
gione, cum plurimum pecoris de spoliis agrestium esset congestum, deduci
illud militibus per seruos ad Poloniam Rex permittit. Ad Castrum deinde
Volbin copias admouit, et illud omnibus viribus nocte et interdiu expu-
gnare non destitit. Verum cum a Ruthenis Castrum defendentibus egregie
resisteretur, spes potiundi Castri recidebat saepius in irritum. Dum insuper
pleriq; Polonorum milites obsidionem ipsam deferendam persuaderent, nullo
pacto persuasioni acquieuit, veritus ne Castro inexpugnato dimisso, animi
Ruthenorum ad faciendam maiorem resistantiam erigerentur, Sex Men-
sibus in obsidione pertinaciter perseveranti, Ruthenorum qui Castrum tu-
tebantur animi partim metu, partim spe ex liberalitate quam nouerant Bo-
leslao inesse, franguntur, missisq; Caduceatoribus de Castro dedendo
apud Regem sermonem faciunt, conditionesq; proponunt, ut singulis qui-
bus liberet, cum omnibus quae ditionis suae essent, discederent, qui remanere

4
elegissent, æquo iure cum Polonis in Castris Regis militarent. Sub his con-
ditionibus dum pax conuemsset. Castrum Volbin Regi deditum est, Bolesla-
us autem Polonorum Rex dum in terra Volbinen ageret, Wszeuoldus Dux
decertare cupiens, Ruthenas copias illuc adduxerat, sed Polonorum copiis
ad liquidum lustratis, manifestum periculum si tentaret fortunam, se incursum
videns, retrorsum abiit.

*Iaromirus Pragen Epus, dum Epatus suo reintegrare
Olomuncen Ecclesiam nequit, Epum illius verberibus
Nuncios vero Wratisslai Bohemia Ducis, Romam de
hac iniuria gratia conquerendi missas cæde in itinere
afficit. Hinc Iaromirus Pontificio exutus tandem
restituitur per Alexandrum Summum Pontificem
fundatione Episcopatus Olomuncensis approbata.*

Iaromirus alias Gebbardus Pragen Episcopus moleste feren Episco-
patum suum in Olomuncensem dismembratum esse, pro integranda
illius unitate plures conatus impendit. Quos cum obstante Duce
Bohemia Wratislao, qui eiusdem mutilationis, et præfati Olomuncensis
Episcopatus, fundationis, primarius fuerat institutor et auctor, in irritum ire
videret, Iohannem Olomuncen Epum clandestine accedens, plurimis con-
tumeliis et tandem verberibus, per se ipsum et familiares mulctauit. De qua
nouitate Bohemia Dux Wratislao plurimum consternatus, quærelam ad
Auditorium Summi Pontificis contra Iaromirum Epum Pragen, dum primi
Nuncij ad Urbem missi, Iaromiri mandato mutilati et cæsi in itinere fuisset,
deduxit. Sceleris magnitudine Papa Alexander secundus motus,
Rudolphum Cardinalem ad coercendum enormitatem sceleris et transgres-
sionis, transmisit. Cui cum Iaromirus obedire, et coram eo citatus contuma-
citer recusaret, priuatum Pontificio etiam Diæcesim Pragen Ecclesiasti-
co subiicit interdicto. Placidius tamen postea, ne maiora scandala exori-
rentur, agens, et Episcopo Iaromiro Officium Pontificale restituit, et inter-
dictum a Diæcesi Pragen tollit, terminum tamen ad comparandum, coram Pa-
pa Alexandro utriq; Epõ assignat. Quò cum ambo peruenissent, Papa pri-
uationem Iaromiri ratam esse decreuit. Precibus tandem multifariis Co-
militis Matildis virginis filia Bonifacii Ducis Lucen in Tuscia, quæ uni-
uersum patrimonium suum beato Petro perpetuo contulerat, et Ecclesiam Ro-
manam ab hostibus strenue defendebat, expugnatus, omne facinus in se
et Iohannem Episcopum commissum, condonauit, et Iaromirum pristinae digni-
tati restituit, ita tamè quòd Ecclæ Olomuncen fundatio decetero firma et per-
petua perseveret.

Anno Domini 1074.

*Boleslaus Rex Poloniæ totam Russiam
suo imperio subiecit deinde Wszeuoldo Duce.*

Primo tempore æstatis agmina suorum exercituum Boleslaus Polono-
rum Regi ex Volbin, ad conquirendum duo residua Castra Wla-
dimir et Chelm educere paranti, principis Wladimiræ Gregorii cu-
ius Castra ipsa pro ea tempestate erant, nuncii adueniunt. Hi ad Consili-
um Regis introducti, petunt ut ex terris eorum copias suas deducat, ter-
rasq; illas vastari et Castra expugnari non admittat, Principem suum Gre-
gorium in potestate Regis unâ cum Castris et terris futuros, et deditionem
facturos, imperanda quæq; expleturos, asseuerant. Rex Boleslaus ut in-
ulteriora Russiæ liberius celeriusq; penetraret, oblatas pacis conditiones
accepturum se, si obsides darentur, respondit. Quo accepto, et induciis inte-
rim firmatis, ad Principem suum reuersi, responsum exponunt. Graue im-
primis et indignum videbatur dare obsides, molestius tamen et grauius, tecta
tecta et vicos uri. Itaq; Princeps ipse Gregorius et sui, personaliter ad
Regem Boleslaum veniunt, deditioneq; facta obsides tradunt, Boleslaus
non solum Gregorium benignè appellatum, sed etiam liberaliter muneratum
domum remittens, agmine citato ad caput et Metropolim totius Russiæ Kiou
ire pergit: non aliter se bellum Ruthenicum nisi Kiouia acquisita ratus con-
sumaturum. Dux Wszeuoldus, tunc inter Ruthenorum Principes potior,
et terrarum amplitudine, et militum frequentia habebatur. Is quoq; tunc et
terram et Ciuitatem Kiouensem, cæterasq; vicinas Prouincias sub sua
ditione continebat. Qui ut ab exploratoribus et ipso rumore accepit,
bellum sibi à Boleslao Polonorum Rege inferri, et in regionem suam belli
sedem transferri, omnes suæ ditionis homines iubet arma sumere, cætero-
rumq; vicinorum Principum plurima contrahit conquiratq; auxilia, mul-
ti insuper voluntarij Ruthenorum Procures et Milites, qui ex Przemi-
ensi, Volbinensi, et Chelmen, terris, per Boleslaum aut expugnatis, aut in
fidem receptis diffugerant, se illi coniungentes, exercitum haud sanè con-
temnendum effecerant. Quorum multitudine et continua acclamatione,
ut ex templis ad hostem ducerentur, Dux Wszeuoldus lætior factus, aciebus
ordinatis ad Castra Boleslai nonis statuiis, cursu celerrimo profectus,
peruenit, altera quoq; die suos ad pugnam educit. Boleslaus Præfectis,
Tribunis, Centurionibus, et qui ducebant ordines, singulisq; militibus con-
uocatis. Decernendi, inquit, cum hoste quod frequentibus votis optastis, nunc
nobis oblata est potestas, virtutem itaq; quam sermonibus iactabatis, nunc

dextris monstrate. Hostis quidem et numero et robore superior est, omnis spes in presidio caelesti et virtute vestra reponenda. Sæpē enim hostis ipse à patribus nostris leui negotio victus fususq; et subactus est: quem et hodierna die magno animo vos firmate fusurum: maxima premia victoriæ Urbem opulentissimam Kijou cum finium quos patres nostri posuerant pulcherrima recuperatione habituri. Hac cohortatione monitos in aciem eduxit pugnaq; conseruit. Magna vi ab utraq; parte concursus est, ancipitiq; Marte aliquandiu pugnatum. A dextra parte agre Polonus resistebat, clamoresq; dissoni ad incertos suorum euentus fugere hostes proclamantium, à præsenti certamine auertebant animos, turbatisq; ordinibus superiores Rutbeni esse cæperunt, ni Boleslaus nouam cohortem laboranti et propē fugam prospicienti alæ submisisset. Itaq; pugna restituta, æquis viribus et propē parispē pugna gerebatur. Tandem Boleslau Rege fortio rem hostium cuneum prærupente, fuga extemplo Rutbenorum secuta est, fugientesq; Rutbenos Poloni victores secuti, magnum illorum numerum ad Castra reduxerunt, Dux Wszeuoldus fuga saluatus. Tunc multi ex Rutbenis ceciderunt, sed et ex Polonis mille desiderati, sauci in quadrigas impositi, et his qui ceciderant sepultis, in Poloniam spolia plurima Rutbenica referens, cum victore exercitu Boleslaus Rex Polonorum rediit.

*Sanctus Stanislau Epus Cracouienlis
Regem pro adulterio monet. Qui p̄p̄in quos
Piotrek pro villa Piotrauin in eum mouet.
Ille verò in defectu testium promittit ipsum
Piotrek statuere ante triennium mortuum.*

Commissum adulteriū et rapina facinus, quod Boleslaus Polonia Rex in Cristina femina militis Msczislai consorte patrauerat, Stanislaus Cracouien Episcopus non ferens, cū Regem paternis monitis corripuisset, et extendere in Regem, monita salutaria contemnentem, Censurarum rigorem decreuisset: Boleslaus Rex magna percitus ira plurimis contumeliis et opprobriis Episcopum insectabatur. Verū insectari parum contentus, ad inferendum Ep̄o quaslibet aggrauationes et iniurias animum intendit. Non facile autem occasionem qua viro Dei nocere posset, Rex scrupulosa indagine cuncta rimatus, poterat reperire, vita enim viri Sancti sincerē et innocenter traducta, quamlibet calumniam etiam verisimiliter commentandam, excludebat. Ad oppressionem tandem viri Dei, indefesso studio Regi anbelanti modus opportunus oblatus est. Emerat vir Sanctus

Sanctus Stanislaus pro sui Episcopatus Cracouiensis amplitudine villam in sua Diocesi ad fluenta Vislae in terra Lublinensi sitam Piotrawin appellatam, apud Petrum, qui Piotrek dum viveret nominabatur, nobilem Armerum, pro certa pecuniae quantitate. Venditionisq; eiusmodi fratres et nepotes pluresq; testes venditor et emptor adhibuerant, quo solidior maneret venditionis contractus. Is foro confecto, et pecunia ad plenum a beato Ep'o percepta, triennio priusquam haec quae narranda suscepimus gererentur, Stanislaus Episcopo in pacifica possessione existente, vita excedens, in Ecclesia Parochiali Sancti Thomae Apostoli in praefata villa Piotrawin fuerat tumulatus. Huius nepotes et propinqui Boleslaus Rex mandante, et suam illis operam promittente, caeperunt Stanislaum Epum pro villae praedictae proprietate Piotrawin impetere, asseren' hereditatem ad se devolutam Episcopum Stanislaum violenter occupasse. Quo occupacionem violentam in Regio iudicio negante, et legitimam venditionem et emptionem pro villa huiusmodi inter se et Petrum mortuum, coram testibus probatae fidei celebratae opponente, decreto iuris decisorio ex auctoritate Regis et Baronum prolato, admittitur Stanislaus Episcopus, velut actor et diuturnus villae pro qua lis pendebat possessor, ad probandum per testes qui Contractui assuerant legitimam villae venditionem. Verum dum testes per Episcopum conscripti et nominati, pro die constituta laturi testimonium, terrore Boleslai Regis constrikti, venire expauescent, Sententia quoq; peremptoria contra Episcopum, ut de villa Piotrawin testibus deficientibus excederet, instaret ferenda, magnus fide Stanislaus Epus inspiratione etiam flatus Divini sentiens se perfusum. Video, inquit, veritatis et iustitiae meae causam terreno consilio et imperio depravatam obnubilatamq; et pene perditam, caelesti suffragio illustrari et reparari oportere, et proinde testibus veritati et iustitiae meae ferre testimonium detrectantibus, principalem me Venditorem Petrum statuere polliceor. Deliramento Regi Boleslao et Baronibus secum in iudicio praesidentibus, quae Sanctus pro revelanda causa sua edixisset visa sunt, quoque magis promissio haec Regi et Baronibus impossibilis videbatur, eo facilius accepta et admissa, dum vir Dei intra quadriduum eam se expleturum firmaret ~

*Sanctus Stanislaus villam Piotrawin
teste ex mortuis producto per Sententi-
am Regis et Procerum in ditionem cepit ~*

Iudicium non illius tantummodo Episcopalis Causae, sed Terrestre et Generale (quod apud Polonos Colloquii et magnorum terminorum nomine, quadam usurpatione nuncupatur) in praeiis quae inter Solecz

et Piotrawin in bassis et paludinosi locis, syluis etiam obsitis, sita erant,
gerebatur. Mos siquidem antiquorum Regum et Ducum in multas ætates ob-
seruatus erat, generalia iudicia in Campestribus, pratis, et aquis celebra-
re planiciebus, quò facilius cuilibet venienti in Ludicium, quod aliquot heb-
domadis agebatur, præberetur pabulatio. Is tamen abrogatus est, iudiciaqz
ipsa in ARce aut Vrbibus, non in papilionibus ut olim expediuntur, Polonis
cultiores quàm tunc eorum maiores habebant, mores et ingenia sortitis. Sta-
nislaus Episcopus oblationis suæ decreto accepto, in villam suam Piotra-
win, quæ duodecim passibus à loco Ludicii vix aberat, secedens, omnibus Cle-
ricis qui aberant, et quos festinatio rei accersiri per mittebat, triduanum ie-
iunium indixit, vacareqz singulos Missis, obsecrationibus, et orationibus præ-
cipiens, non hac modo quæ roganda assumpserunt, sed his maiora, si fidem instar
grani sinapis habuerint, facile apud Clementiam Diuinam impetraturos, per-
suadebat. Ipse in Oratorio Ecclesiæ non diebus non noctibus illis cessans, lac-
chrymis et fletibus intermixtis excubabat. Quarto deinde die diluculo Ora-
torium est ingressus, et Sepulchrum Petri militis mortui, sabulo amoto iubet
aperiri, cadauerqz triennio putrescens detegi. Tum Clericorum plebisqz
astante multitudine, rigato primùm vultu lacchrymarum imbre, procidens sup-
plex ad terram, orationem fundens ad Deum ait. Clementissime om-
nium Deus, qui gratia sua immensa, perditio humano generi consulturus, assum-
pta humanitatis nostræ sarcina descendens ad terram, quadriduanum Lazarum
facientem, Archisynagogi filiam, et filium viduæ de Naim, reuocasti in vi-
tam. Credentibus quoqz et credituris in te, horum quæ ipse gesseras, maiò-
ra te præstiturum, verbo nunquam transmutabili promisisti. Respice de excel-
so gloriæ tuæ solio, ad preces fletus, et gemitus supplicum tuorum, et multifaria
largitate benignitatis tuæ, quam etiam indignis præstare soles, tribue, ut Pe-
trus miles Causæ Ecclesiæ tuæ, quam in tuo nomine confisus defendendam su-
scepi, laturus testimonium ab inferis (deficientibus à veritate filiis hominū)
consurgat, et potentia virtutis tuæ in vitam reuocatus, Causam Ecclesiæ
tuæ, caligine iniquitatis humanæ infectam, illustret, ut promissa tua ve-
rificentur in cunctis nationibus, et nomen tuum magnum et gloriosum clari-
ficetur in sæcula. Cūqz ab universo Clericorum et populorum cætu respon-
sum est Amen, ad tumulum accedens baculo Pastoralis cadauer Petri mili-
tis tangens dixit. **I**N NOME Patris, et Filii, et Spiritus Sancti Petre
surge de puluere, et exurge à mortuis, testimonium veritati perhibiturus, ut
augeatur fides credentium, et castigetur corripiturqz improba temeritas, im-
pugnantium et opprimentium iustitiam et veritatem. Ad hanc protinus
vocem Petrus miles consurgens stetit, primusqz apud nos Stanislaus Sanctitatis
et virtutum vel materia, vel testimonium fuit. Cui vir Dei Stanislaus

manum porrigens, et stupente vniuersa multitudine, et magna vociferatione Clementiam Dei laudante, primum de sepulchro, et deinde ad Boleslaum Poloniae Regem incepto iudicio cum Baronibus perseverantem, deducens ait. En, inquit, iuxta promissionem meam pridem coram Concilio vestro factam, Petrum militem sisto, et pro villa Piotramin, pro qua iniuste conuencior, hunc principalem non mea sed Diuina virtute, ab inferis suscitatum, et testem perpetuae venditionis, et euictorem cuiuslibet impedimenti pono. Persona sua singulis ferè vobis nota est, antè triennium vobiscum conuersata. Hunc non putetis fantasma esse, quem carnem et ossa, si quis dubitans palpare voluerit, inueni, et resumpsisse. Rege Boleslao nouitate miraculi non obstupente solùm, sed penè exanimato, nec quicquam loqui aut interrogare auso, Petrus miles à beato viro suscitatus, rupto silentio ait. Ego inquit virtute Diuina, et precibus huius viri beati Stanislai Cracouiensis Episcopi à morte suscitatus protestor, et clara apertaquè voce coram tuo Tribunali Rex profiteor, paternam meam quondam hereditatem Piotramin, beato viro Stanislao Episcopo et suae Cracouiensi Ecclesiae me perpetua et irrevocabili venditione vendidisse, et precium de quo inter me et beatum virum conuenerat effectualiter tulisse, nepotesquè et sanguineos meos nihil iuris aut deuolutionis in ea haberi, virum Dei Stanislaum iniquè et calumniosè pro illius proprietate molestasse. Et conuersus ad nepotes et consanguineos qui Epum molestabant, et eos qui testari timuerant, quis, inquit, ausus hanc vobis dementiam iniecit, ut calumniando, vos veritatem reticendo, graui vos contaminaretis scelere? Pro quo me denunciante, nisi poenitentiam condignam egeritis, dira vos supplicia tormentorum non dubitetis subituros. Silentio scelus his atquè illis confitentibus, Stanislaus Episcopus Regia et omnium Baronum diffinitiva decisione vicit aduersarios, et villam Piotramin caelesti non terrestri testimonio, ditionis suae et Ecclesiae sticae fuisse et fore confirmans, in pacificam villam quam et in hanc diem Ecclesia Cracouiensis retinet repositus est possessionem. Monstratur et in hanc diem locus huius iudicii. Oratorio quoquè in eo superaedificato singulari deuotione à Polonis frequentatur. Ab hoc primum tempore beati viri Stanislai nomen magnae virtutis apud Polonos esse et celebrari cepit: ut qui Sanctus ab omnibus habebatur, potens etiam et verè Apostolicus haberetur. Cuius sacratissima antè et in Pontificatu religio, maiestatis veneratione singulari plena, admonitio modesta et dulcis, increpatio terribilis, conuersatio grata et facilis, gestus grauis et Pontifice dignus fuit. ~

Petrus ad tumultum reuertitur.

T Estimonii officio ad quod implendum suscitatus erat Petrus Miles perfun-
ctus, vir sacerrimus Stanislaus Cracouiensis Episcopus illum in Ec-
clesiam Sancti Thomae in Piotramin, comitante se omniferē quā ad
iudicia expedienda conuenerat multitudine, ita ut et hii qui Epum beatum p
villā proprietate vexauerant, ex accusatoribus et aduersarijs venatores facti
sequerentur, et Rex penē solus in tentorio desertus remaneret, reduxit. Quem
antequam in sepulchrum reintraret, beatus Stanislaus hoc conuenerat sermone,
Vis inquit Petre, spacium vitæ in aliquot annos protrahendā, aut aliquod gratum
tibi à Domino meo **LESV CHRISTO** precibus meis conferri? Cui miles,
non hanc, inquit, vitam, quæ morti magis quā vitæ similis esse perhibetur Pa-
ter Sancte, sed eam in qua beati sempiterno æuo felices visione beatæ Trini-
tatis fruuntur me optare conuenit, quam me adepturum, purgationis tempore
de quo parum adhuc superest expleto, certissimē confido. Quod ut pietate Di-
uina tua intercessionē ad plenum rescindi, etiam nunc antequam expleatur
possit, merito tuo et prece quāso efficias. Quo sepulchrum reintrante, et ani-
mam corpore locato exbalante, beatus Stanislaus, Psalmis traditione Catholi-
ca cum Clero suo, super commendatione animæ deuotissimē peractis, tumu-
lum ex more iacto sabulo composuit ~

Anno Domini 1075.

*Boleslaus Rex Poloniæ iterum Kiiow
capit, et tributa à Ruthenis exigit ~*

I Ntegra hyeme et parte Veris Boleslaus Rex Polonorum in propriis pena-
tibus absumpta, maiori quā antē exercitu ex equite pediteq; milite com-
parato, in Russiam celeri itinere contendit, et Kiiouiam Metropolim
Russiæ accedens, ipsam obsidione vallauit. Dum autem à Ruthenis VRbem
• tuentibus crebræ fierent in Castra Regis excursions, certaminibusq; leuibus
inter partes in maius crescentibus, sæpē uniuersus Regius exercitus, suis qui à
Ruthenis interdum sagittis eminus emissis propellebantur laturus auxilium, velut
in iustam aciem consurgebat. Fame tandem Ciuitas laborare capit, rarescen-
tibusq; hostilibus excursionibus, Castra propius VRbem Rex admouit. Doctus
quoq; à transfugis famem et apud VRbanos, et apud milites inualuisse, itinera om-
nia obsideri, ne aliquid ad obseßos importari posset, summa cura et ipse proui-
dit, et milites illi negotio præfectos, partim minis, partim promissionibus, ut emix-
us quamlibet importationem prohiberent, onerauit. Ea enim vis animi ingeniq;
Regi inerat, ut non grandia solū sed etiam minima per se adiret. Militibusq;

et Praefectis munera belli et obsidionis demandando, pleraque ipse prius quam a milite inchoarentur, perficeret. Vigiliis quoque per se adeundo, et segnes corporando et mulctando, ne quid milites de solerti et continua diligentia, aduentum Regium semper suspectum habentes, remitterent, effecerat. Camporum insuper Urbem corona cingentium vasta planities, ita ut illam visiva virtus in Pelagi morem comprehendere non posset, quamlibet importationem interdum procul demonstrans, propositum Regis vehementer adiuuabat. Urbs praeterea Riuuensis, ea tempestate amplissima et plures largosque vicis porrecta, nullo satis certo murorum aut robore roborum subnixae, facili captioni, militibus praesertim eam tutantibus continuis vigiliis et diuturna obsessione fatigatis, subiacebat. Vniuersas vias Polonis stricta custodia obseruantibus, importationemque cuiuslibet rei prohibentibus, fames horrida Urbem inuasit, multique mortales diutim fame cadebant tabefacti. Accessit et pestilentiae malum, vis quoque morbi et in locupletum et in militum corpora peruasit. Veriti itaque ne viui in Boleslai et Polonorum venirent manus, Legatos de Urbe dedenda ad Boleslaum mittunt. Rex Legatis rogantibus nihil aliud quam ut se victis mansuetum victorem praestaret, et ut fame et peste afflictam Civitatem parceret, Legatis more suo ceruice bassas inclinationes rogationi adiicientibus, benigne correptis, quod tam feda in defensione Urbis passi sint, quae nec irati victores victos pati cogerissent, propitium se et fauorabilem singulis futurum respondit. Quo ad Urbem relato non alterius diei aduentu expectato, eodem die Urbem Regi dedunt. Quam Boleslaus cum multitudine armatorum militum ingressurus, gladium vibratum, conformem triumphum Protavi sui Boleslai primi Polonorum Regis impleturus, in portam ferream impigit, geminandoque ictus foramen verberatae mucrone laminae in porta in victoriae et deditiois signum, reliquit. A Civibus magno honore exceptus, modestissimum se prout sponderat omnibus victorem praeiit, et ne cuius aedes, corpus et fortuna, a quoquam suorum militum violarentur, plectendos violatores capite decernens, effecerat. Qua una re Civium Riuuensium pectora sibi adeo deuinxerat, ut amplissima munera, tam Regi quam exercitui suffectura, sponte praesentarent. Quae Rex paucis sibi retentis, omnia fere in milites, eos praesertim, quorum virtus aut in dimicando aut in expugnando Oppidorum et Castrorum, aut in lacebendo hoste fuerat conspectior, distribuit. Eo memorabili facinore confecto, Riuuiaque in ditionem subacta, cum vniuersa Russia pacata esset, vectigalia magna instituit, generisque materni propinquum Zaslaum Ducem summam rei praeficit, et Riuui Principatus attribuit illi gubernationem. Magna ex singulis Russiae regionibus diutim afferebatur pecunia, magnae cumulabantur opes in quibus aggregandis exigendisque residuum quod restabat hyemis effluxit.

Swiatoslai Ducis Czernieuien' filio Hleb a suis nequiter occiso, et in Ec-
clesia Czernieuien' Sancti Saluatoris sepulto, Swiatopelk filius Laslai in
Nouogroden' Ducatu succedit, Wladimirus uero alter filius Laslai sedet
in Smalensko, et Iaropelk tercius filius in Vischegrod.

Anno Domini 1076.

*Boleslao victoria elato et in libidines
prolapso. Polonorum militum uxores ser-
uis et aliis se miscuit, quo audito Poloni lu-
bito domos petunt, Rege ibidem relicto.*

S Vb ea mora qua in Ciuitate Kiuuien' hybernatum est, uniuersi Po-
lonici exercitus robur elanguit, in eamq; perniciem ex voluptatibus,
commestationibus, ebrietatibus, et libidimbus tam Boleslaus Polo-
niae Rex quam milites sui paucis exceptis deiecti sunt, ut plus nocuerit ui-
cisse quam victoria caruisse, victoriaq; potiri multo magis discriminis quam
commodi ingressit. Omnium siquidem victualium quae cuiuslibet gula suffici-
unt, Kiuuia ferax est, carne, melle, pisce, et frumento fertilissima, feminas
habens statura proceres, crine glaucas, et speciosas sed lasciuas. Earum pul-
chritudine tam Rex quam Polonorum milites capti, felicitate insuper victo-
riarum elati, et rerum omnium abundantia locupletati, in omnium libidinum
sentinam corruunt. Ipse insuper Boleslaus Poloniae Rex, plenam fortunam
in victoriis, Ciuitatum deditiōibus, spoliis diuiciis, et impensis honoribus
uidens sibi prouenisse, tantum arrogantiae et lasciuiae induerat, ut difficiles
ad se petentibus faceret aditus, et plerisque responsa et mandata per Inter-
nuncios daret. Nec simplici libidinum genere contentus, in spurcissimum
Sodomiae scelus, Ruthenorum detestabiles mores (apud quos scelus illud
in usu erat) imitatus, faedissime prolapsus est. Quos quoque armis vicerat,
viciis eorum victus, uniuersae posteritati suae, sed et Regno suo et genti suae
grandē et diuturnum dedecus, sola sancta gralia Dei abolendum, innexuit.
Quantum autem scolare huiusmodi Maieestas Omnipotentis, quae illi tot victo-
rias tot faelices successus praestiterat, offensa fuerit, euentus qui in sequen-
tibus narrabuntur monstrabunt. Primum quidem ipse Rex Poloniae, Polonis
propriis, deinde et Ruthenis, quamuis eorum lasciuam amulatus esset, con-
temptus esse capit, aestimatioq; et autoritas Regia in pectoribus militum
magis succisa quam diminuta. Nec Rex solum contemptu et odio a suis
Polonis et Ruthenis, sed et Poloni verberare diuino obruti sunt. Vxorēs siquidem

sorores, et filiae eorum, praesertim qui immoderatus libidinis Kiiuensis in-
 seruierant, longa absentia virorum offensae, integro propè septennio se orbas et
 virorum solatio prolisq; fecunditate querebantur destitutas, quas neq; facinus
 neq; iuuentus neq; muliebris conditio meliora sentire permittebat. Diuturna
 itaq; expectatione maritorum fessa, dum insuper rumor vulgasset, alios diem obisse,
 alios in praeliis occisos esse, alios pellicibus se permiscuisse, ad seruorum nonnul-
 la conuolant amplexus, quadam vi pertracta, cetera blanditiis et falsis delusio-
 nibus et figmentis expugnata. Haec prostitutio dum passim de omnibus Polo-
 norum vxoribus ad Castra Regia crebro rumore crebrisq; nunciis, fama om-
 nia in maius extollente, allata fuisset, et super re ipsa ex metu et suspitione plu-
 rimae fingerentur vulgarenturq; opiniones, manaretq; et serperet indies, alio alii
 tradente, mali ipsius contagio, tantus fremitus et indignatio in exercitu suborta est
 ut Lymphaticorum more, unus ad alterius tabernaculum suas iniurias et casus
 communicaturi et quaesturi discurrerent. Tantus insuper nonnullos eorum
 inuasit furor, ut non consulto aut non permittente Rege, in Poloniam velociori
 quo possent cursu excurrerent. Paucorum exemplum magna postea multitudo
 ceterorum militum, suas iniurias de vxoribus et seruis ulcisci et inhibere an-
 helantium, secuta est. Qui neq; Regia castigatione, neq; blandis sermoni-
 bus poterant inhiberi, quin quibuslibet diebus nocte et interdium, ferociam enim
 Regis nonnulli iam experti fuerant, diffugerent: Boleslao Rege suo in terra bo-
 stili deserto ~

Poloni seruos adulteros et uxores pumunt ~

POLONORUM milites ex Castris in domos non flagitatione ut olim Scy-
 thas, sed flagitiis vxorum reuersos, nouum et seruale bellum (Deo
 hanc Polonis iuste pro libidinis in Kiiom admissis immittente ultio-
 nem) excepit. Serui etenim qui eorum uxores temerauerant, pœnarum acer-
 bitatem pro scelere se a Dominis non ignari subituros, non suadentibus solùm sed
 etiam adiuantibus fœminis, quas consuetudo stupri seruis deuinxerat, arma cor-
 ripiunt, et oclusis portis Dominos intrare volentes excludunt, cum potentia
 ingressuris bellum gerunt. Quos Domini agrè et cum suorum dispendio victos,
 variis et exquisitis cruciatibus unâ cum vxoribus adulteris, illis præcipuè
 quæ libidinem sectatae ultro se seruis coniunxerant, interimunt. Ac sic de
 coniugibus et seruis adulteris vlti, saciato iusto furore, supra exterminant ~

Laus matronæ cuiusdam ob pudicitiam custoditam ~

Erat ea tempestate Matrona quædam Nobilis Margaretha uxor Co-
mitis Nicolai de Zemboczin, villa propè Proszowicze sita, nobilis
de Domo et armis Streparum. Quæ nitorem pudicitie absq̃ cuiusli-
bet contagionis labe conseruatura, quam alias feminas uiderat prostituisse, in
Ecclesiam in Zemboczin latericiam se cum duobus sororibus recludens, et per
funem per omne tempus, quo uir suus in Regiis militabat Castris, victum sumens,
custoditæ pudicitie in hanc usq̃ diem celebratur commendatione ~

*Boleslaus Polonia Rex & in milites & in
uxores eorum lauit, catullis ad mamillas
earum appolitis, nemine eum de facinore
detestando castigare præsumente ~*

Regis interim Boleslai truculentior ira, non in feminas solùm, quæ pietate
te uirorum aut immunitate scelerum seruata erant, sed in viros ipsos
grasari cepit. In Poloniam siquidem ex Russia, cum raris agminibus
reuersus, desertum se à militibus propriis, quibus multa bona largitus est, in me-
dio hostilis regionis & hostium expositum discrimini fremebundus & calens ira,
deplangit: militum desertione pèrre morte aut infami captiuitate se obrutum,
benignitate Diuina seruatum, ingeminat. Corripit deinde milites à quibus
transfugiendi principium ortum est capitis pæna: alios qui imitatione exempli
peccauerant, carcerali molestia, aut bonorum priuatione mulctari iubet. Mulie-
ribus quibus mariti pepercerant, factu quem ex seruis susceperant abiecto, catu-
los ad mamillas in uoltionem admissorum stuprorum applicari mandat. Indi-
gnas aiens eas prolem humanam, sed caminam idoneas lactare: quæ humanitatis
oblita uiris miliciam agentibus, thoro uiolato seruis se miscuerant, demiq̃ exter-
minium et quælibet probra non uitam promeruisse. Ita cor retinens saxum,
et viscera gestans ferrea, matronarum tam dira calamitate et angustia, suo im-
periò canes pendentes & admotos ad ubera lactantium, non mouebatur. Cala-
mitosus tunc et fædus erat in Polonia uultus Reip. dum milites qui inter hostium
agmina, in ipsis deinde conflictibus tuti erant, domum reuersi variis incommodis
uxorum et seruorum suorum afflicti, ab ipso quoq̃ Rege crudelitatem quam in
hostibus uitauerant, et in se, et in propinquis, et in ipsis coniugibus, quas ser-
uandas decreuerant, experirentur. Hæc cum per se detestanda essent, om-
nibus tamen his detestabilius quod Rex Boleslaus usurpatum in Russia la-
sciuium, et brutalem contra naturam usum, auxisse non remisisse uidebatur.
Sed neq̃ in tanta uirorum Ecclesiasticorum & sæcularium, quos ambitus Re-
gni Poloniae continebat, turba, aliquis repertus est, qui Regem de detestando

scelere, et de tanta illius truculentia, omnibus scelerum eius pertimescentibus, ausus esset corripere. Propter quod Rex et in flagitium horrendum, et in quolibet alia facinora, subditorum suorum gravissimam oppressionem secum trahentia, a nullo monitore castigatus, licentius ruebat. Quibus Stanislaus Cracoviensis Episcopus visis et cognitis plurimum indoluit, et velut indulgentissimus Episcopus cura gregis sui, cura etiam Regis anxie macerabatur.

Origo Ordinis Carthusien et Grandimosten.

Sub eisdem temporibus celeberrimus et insignis Ordo Carthusien cepit. Qui teste beato Bernhardo inter omnes Ecclesiasticos Ordines et religiones primatum tenet, non ratione temporis sed rigorositatis, unde ipsum vocat speciosissimam columnam Ecclesiae, verum propter nimiam abstinentiam paucis portabilis erat. Et ne diu parvus maneret, postea ab Ecclesia moderatus fuit, nec unquam a Sancto proposito recidit: peculiariter a Spiritu Sancto per servatus usque in hodiernum. Cepit autem primum in Diocesi Gratianopolitana a Brunone Magistro in Theologia natione Coloniensi, et ab aliis sex venerabilibus viris, et Victor Papa tertius vidit per somnium Deum dignationem suam in solitudine Carthusiae habitaculum construendum. Grandimostensis Ordo inchoatur hoc tempore per Sanctum virum Stephanum nobilem, Avernorum stirpe progenitum.

Iterum bellum inter Salomonem Hungariae Regem, et Vladislavum ac Geysam Duces exoritur, Victor primum erat Salomon, postea per Geysam victus, fugit, et Geysa in Regem coronatur.

Luor ingens inter Salomonem Hungariae Regem ab una, et Geysam atque Vladislavum Duces Hungariae partibus ex altera, primum ex levibus suspicionibus coortus; procedente vero tempore, adeo altus et grassatus, ut signis collatis inter se quasi crudelissimi decernerent. Et licet in prima pugna Salomon Rex superior, Geysa vero et Vladislavus pro victis abscessissent: postea tamen Vladislavus cum Othone Moraviae Duce, ferente fratri auxilia venit. Salomon Rex victus bello Posonium se recepit, et Geysa in victoriae signum Ecclesiam Vacinensem Cathedralen (ibi enim pugnatum fuit) ante pugnam votam fundat, et favore Hungarorum in Regem coronatur. Quamquam autem Henricus Imperator Salomoni velut genero laturus auxilia venisset: nulla tamen re memorabili gesta

Consiliariis suis a Geysa plerisque muneribus corruptis discessionem persua-
dentibus, in Almanniam capto irrita rediit. Quapropter Regni Hungariae
ad Geysam plena administratio plenumque regimen peruenit. Salomon vero
tristis gemebundusque sua infelicitatis deplorabat angustias. Pontifi-
ces Hungariae, quibus dissidium Civile molestius visum est, etsi saepe tra-
ctassent concordiam, et Geysam ad cedendum de Regni fastidio induxis-
sent, effectus tamen rei istius, eorum Baronum qui partes Geysae sequeban-
tur impediente studio, nunquam ad liquidum perducere poterat.

*BORIS et Olech Duces Russiae Polomczis sibi
adiunctis Wszeuoldum Ducem Czernieuiensem
vincunt, et Castrum eius conquirunt, quod dein
de Wszeuoldus Zaslai auxiliis adiutus recuperat.
Boris et Zaslao Ducibus praelio absumptis.*

Luore et maligno acti Spiritu Boris et Olech aliis Alexius Duces
Russiae, barbaros Polomczones, ut terram Russiae hostiliter ingres-
si deuastent, inducunt. Quibus Wszeuoldus Dux Czernieui-
ensis xxv. Augusti in loco qui Ziczere dicitur occurrens, praelio inito ab
eis profligatur et vincitur. In quo conflictu miles insignis apud Ruthe-
nos Iuan Siroslauicz, item Thukicz, item Lokiei, aduerso pectore concidunt.
Triumpho obtento Boris et Olech, Polomczonum robore freti, etiam Ca-
strum Czernieuium conquirunt, et plura execranda facinora fundendo san-
guinem innoxium committunt. Wszeuoldus itaque cum Wladimiro filio suo,
et clade et sedis suae principalis prodicione angustiatum et pressum, ad fratrem
suum Ducem Zaslauum Kiouicem diuertunt, gemituque et planctu ingenti adi-
to, suas illi et gentis suae calamitates et erumnas exponunt. Qui illos beni-
gne consolans, bono animo esse iubet, ego, inquit uobis in exemplum sum, qui
omnibus spoliatus et exutus, in terris alienis stipe et fauore Polomorum
aliquanto tempore vixi, quorum auxilio singula postea recuperaui. Nec ver-
bis solum sed et rebus illos confirmans, pollicetur se illis auxilia contra hostes,
Boris et Olech laturum. Coaceruata itaque militia vadit Zaslauus Dux
Kiouiciensis cum Iaropolko filio suo, et Wszeuoldus Dux Czernieuiensis
cum filio suo Wladimiro contra Czernieuium, in quod se Boris et Alexius
Duces receperant. Abnucebat autem Alexius, et Boris Duci persuade-
bat, ne in ultimum dimicationis venirent discrimen, dicens illi. Non pugne-
mus contra quatuor Duces fratres nostros, quoniam fortiores nobis sunt, sed
missis Caduceatoribus, petamus aequis conditionibus pacem. Et non acquieuit
Boris sed in superbiam elatus respondit. Non te aliqua de victoria teneat so-
licitudo, sed

sed tantummodo hilaris et spe plenus belli euentum praestolare. Et congres-
su facto interficitur Boris filius Czeslai, qui pacem abnebat, et multi hinc,
inde ceciderunt interfecti. Sed et Zaslaus Kiiouien' Dux, dum iam pra-
lio confecto inter pedites securus consisteret, ab uno milite Alexii, qui se
propriū fingens peditibus ingesserat, inter scapulas percussus et transsusus
occiditur. Ac Alexio et exercitu eius fugiente Castrum Czernieion recu-
perat Wszeuoldus. Corpus autem Zaslai Ducis in Kiiouiam delatum, et a
filio suo Jaropolko planctum sepelitur. Fuit Zaslaus magnus cultor et admi-
nistrator iustitiae, et vir excellentis corporis atque staturae, et successit illi
frater germanus Wszeuoldus in Kiiouien' Principatu, velut natu maior, fi-
lium unum Wladimirum in Czernieion, alterum Jaropolkum in Thuron locans;

Anno Domini 1077.

Beato Siamillao Ep'o Cracouien' ob admoni-
tionem paternam Boleslaus Rex irascitur.

Grauem et intolerabilem Boleslai Regis Polonorum continuē exu-
berantem saeuiciam, et in scelere abominando profundam demersio-
nem Stanislaus Cracouien' Pontifex ulterius non ferens, dum Me-
tropolitanum Gnesnen' Petrum, cui correptionis et increpationis, primarius
honor, officium et meritum debebatur, dissimulantius suam in Regem, ad de-
teriora quaelibet indies ruentem, agere Censuram conspexisset, ad se id offi-
cium, hunc honorem et meritum, hanc palestram et palmam pia credulitate
existimans pertinere, sibi quē et non alteri seruatum esse Diuino fauore, cum
et sedes sua Cracouiensis negligentia sui immediati praedecessoris Zula atq;
Lamperti, Archiepiscopali dignitate recentier fuit orbata, penē nihil a Me-
tropoli Gnesnensi differret, in his praesertim quae manum corruptionis, et ho-
rum quibus uniuersa Resp. atteritur et tabescit rescissionem, desiderant, Ma-
gno animo nihil quē sibi conscio consurgens, Boleslaum Regem Poloniae, om-
nibus arbitris exclusis, blandē prius et pietate paterna, manantibus etiam ul-
tro lacrymis, quas magnitudo compassionis et charitas effuderat, et verba
interruptentibus, monet, corripit, et obsecrat, ne Dignitatem Regalem et ge-
nus nobilissimum facta peccati contra naturam contagione inquinet, ne ut
iumentum in suo stercore putrescens, se Deo et hominibus odibilem et inuisum
faciat, ne gloriam suam et victoriarum titulos varios, ab optimo Deo largita-
rum, ignominia sempiterna sibi et suae Domui inuenda, prostituat et commu-
tet. Sed si praemissa voluntate carnali uti liberet, cum uxore sua potius

procreandorum filiorum causa illam expleat, Et ut scire in Milites Carnificis et belluina truculentia desistat, et si iniquitate detineantur notiora, libera iustitiae adhibeat, utque primum provideat, ne plus iracundia quam iustitia in eos usus videatur, ut subditis in exigendis stationibus et imponendis exactionibus et vectigalibus non sit onerosus; cum subditorum clamor immoderate haec a se exigi vociferantium, usque ad Thronum Divinum ultionem expetens non dubitetur ascensurus. Facile Deum si quieverit, si ex toto corde ad Deum conversus, humiliter et contrite poenitentiam egerit, omnibus suis sordibus et praeviationibus quantumcunque enormibus, ignosciturum. Dum hos monitus Regem Boleslaum caelestis vir Stanislaus Cracoviensis Episcopus vidit ceu stipulam contempsisse, Baronibus aliquot coassumptis durius Regem ut vitam suam corrigeret, ut flagitium turpe a se penitus abdicaret, ut provincialibus et subditis necesse et gravamina non inferret, admonuit. Pietatem Divinam scelere suo lасsam et lacerandam, sordes suas (propter quas quinque Regna perpetuo exterminio aquis supergradientibus, quod non credi solum corde neque auditu hauriri, sed visu quoque si quis discederet posset percipi, ob par scelus delevisset) nullatenus toleraturam, et tam ipsum quam semen suum exterminaturam, stirpi quoque suae Regnum, decus, et gloriam adempturam, infallabilibus indicibus edicens. Se insuper velut Pontificem et Speculatorem vice Dei positum non quieturum, sed Apostolica virga, cuius esset Divina propiciatione successor, censura Ecclesiastica suas praeviationes et vicia coerciturum. Non movit Boleslaum Poloniae Regem salubris et medicinalis Stanislai Cracoviensis Praesulis, ex pectore sincera charitate et zelo optimo abundante profecta correptio, quinimo in vehementem iram contra beatum virum, periculum sibi et suo semini denunciare solitum, in eam bilem accendit, ut et Pontificem Sanctum Aula in qua haec gerebantur excedentem probris et contumeliis lacefferet, tantam eius in se admissam audaciam et temeritatem, minaci vultu et sermone ingeminans pro posse vulturum, Baronibus nequicquam Praesulem, ne gravius aliquid Rex in eum moliretur, a Regia iniuria defendentibus, sic continuis conatibus, ad opprimendum virum beatum recta sibi suadentem, animum intenderat.

Mortem Alexandri Papae gravis scissio et confusio rerum Ecclesiae ac Imperij secuta est, Imperatore cum Pontifice dissentiente, et altero alterum deponente.

Alexander Papa secundus, cum annis undecim, mensibus sex, diebus viginti quinque sedisset, Romae moritur. In cuius locum Hildebrandus, natione Thuscus, Patria Senensis, propter eius laudabilem

vitam à Cardinalibus processu temporis electus successit, vocatusque est Gregorius septimus. Hunc cum Cincius Præfecti Urbis filius in Natali Domini ad maiorem Mariam celebrantem cepisset, et in turrum reclusisset, Romani rupta turri eum liberauerunt, eadem nocte Cincium extra Urbem eiecerunt, ordinante deinde Henrico Imperatore, quem Gregorius pro Inuestituris Epòrum ex communicabat, Gibertus Rauenates Archiepiscopus ab Epìs Lombardiæ in Papam eligitur, et Clemens appellatur. Quem Henricus Romam deuectum in Sede Petri locat, Gregorio cum Cardinalibus capto, et in Castro Sancti Angeli recluso. Sed Robertus Guiscardus Apuliæ Dux Romam ueniens, Henricum Imperatorem secedere cōegit, et Gregorium ac Cardinales liberat, fautoresque Imperatoris proscribit et necat. Et Henricus Imperator à Gregorio deponitur de Imperio, et Rudolphus Burgundiæ Dux ab Imperii Electoribus, Gregorio Papa procurante eligitur. Cui à Papa Gregorio Corona missa cum hac inscriptione. Petra dedit Petro, Petrus Diadema Rudolpho. Hunc Sigisfridus Archiepiscopus Maguntinensis benedixit Maguntia in Regem. Et facta à Maguntinis seditione contra eos, Rudolphus cum Archiepiscopo nocte aufugit, et Ratisponam se recepit, à qua iterum ab Henrico Imperatore repulsus est. Sub huius Henrici regimine Imperium grauissimè scissum est, parteque Principum et Procerum illi rebellante, tota ferè Regni latitudo, ferro, flamma, caedibus, et spoliis inuoluta est. Hunc Gregorius septimus anathemate ferit, qui hanc nouitatem amarissimè ferens, Episcoporum et Principum ex Italia, Gallia, Germania, apud Brindoram quæ nunc Brindiscia Beiarie Ciuitatem conuentum congregat. Vbi Gregorius à cætu Clericorum et Episcoporum sibi iam pridem infensorum, in fauorem Imperatoris, et Gibertus Rauenon Archiepiscopus denuò eligitur, et Clemens vel potius demens appellatur. Imperator deinde copioso milite collecto, ad Urbem Romam usque progressus, populi fauore adiutus, Gregorio pulso, Gibertum Sedi Romanæ præfecit, à quo benedictionem Imperialem Romæ suscepit.

Romanus Russia Dux conductis sibi in auxilium Poloneis, uenit hostiliter contra Wsueoldum Küouien Ducem, Principatum Küouien occupaturus. Et licet Wsueoldus Dux occurrisset illi cum suis copiis circa Leueaslaw, communibus tamen Baronibus mediantibus, pacificantur secunda die Augusti Duces. Quod Poloneis molestè ferentes, seditione in Castris excitata Romanum interficiunt, quod ipsis in consultiis pacè consumasset.

Gregorius Papa septimus persecutionem Imperatoris Henrici fugiens in Tusciam uenit, et à Matilde Comitissa benignè susceptus, sententias

maiores contra Imperatorem innouat, et plures Principes Almaniae in eum concitat. Rudolphum insuper Ducem Sueuorum siue Saxonum Romanorum Regem designans, ipsum Regio Diademate insignitum

Anno Domini 1078.

Sanctus Stanislaus Regem prius monitum
excommunicat et publicat, cui Rex insidias parat.

Terruerat paulisper Boleslaum Poloniae Regem in Petri militis resurrectione, a beato Pontifice Stanislao aditum et per Regem visum miraculum, motusque suos prauos et actiones paululum restinxerat. Postea etiam maiora prioribus adiciens, militibus et subditis plus solito grauem et infestum, viduis et orphanis ceterisque oppressis magis infensum se praeberere capit. Sed quod his omnibus deestabilius obsceniusque, in caeno fornicationis infandi vicii Sodomitici, non sine plurimorum scandalo et execratione Rex spurcissimus, salutaria beati Stanislai contemnens monita, volutabatur. Videns itaque Stanislaus Cracouiensis Episcopus Boleslaum Poloniae pro eo tempore impium Regem profunditate scelerum demersum, contemptum et pertinaciam induisse, nihil de ceterocelandum ratus, communicato virorum timoratorum Spiritualium consilio, Censuram Ecclesiasticam, saluare ipsum non perire cupiens, in eum extendit, et illum per se Pontificalibus indutus (ceteris omnibus metu Tyranni a munere huiusmodi se subtrahentibus) monet et requirit, quatenus vicium sordidissimae Sodomitiae a se penitus relegat et abdicet, et ab executione execrationum quae Lodmodae nominantur se contineat. Militibus bona, quae Tyrannide illicita occupauerat reddat, a Ciuibuscumque et rusticis tam Spiritualium quam Saecularium personarum stationes non exigat, et in ceteris actionibus Catholicorum Regum et Principum moribus se conformet. Non tenuit Choleram Rex, sed in praecipitem iram, quasi in quandam rabiem versus, monentem se Episcopum, et nisi monitis paruere excommunicationis sententiam proferentem, multis probris et contumeliis aspersit, nec procul absuit, ut mitissime replicanti Episcopo, et benignitate suauissima eum reprehendenti, manus iniceret, monitionibus fatalibus decursis, nihil Regis minis et per seipsum auditis, et per necessarios crebrius in sui auisamentum ad se perlatis, deterritus, Boleslaum Regem publice in Ecclesia Cracouiensi, denunciavit excommunicatum esse, et a fidelium communionem et grege praecisum. Quem et singulis Ecclesiis excommunicari.

Ab uniuersis statibus hominum suæ Diæcesis, mandauit arctius euitari. Tum demum Rex Boleslaus non stomachari solum, sed fremere contra virum Dei Stanislaum cepit, iuramento se obstringens, quàmprimum se illum comperitum ubilibet occisurum. Milites insuper sicarios, et largitionibus et promissis corruptos, in eius pellicit et subornat necem. Vir Dei autem Stanislaus non ut imminens mortis declinaret discrimen (tali enim munere se beatum significandumque lachrymosis suspiriis, supplicibusque obsecrationibus continuè precabatur) sed ne sponsam suam venerandam Cracouiensem Ecclesiam Tyrannidi Regis et morsibus luporum exponeret, quantum sciuit et potuit, à Regio contubermio et communione se subtrahere, et in secretis abditisque locis se recondens, fletibus immensis et Missarum sacrificiis assiduus, pro Regis conuersione et eius Tyrannidis mitigatione vacabat. Sicque Regis et eorum qui Regis persuasionem ac iussu in eius necem se deuouerant, anno plus quam integro, solictos conatus dextera Dei protectus elusit.

Geysa Hungariae Regi mortuo Wladislaus germanus suus successit.

Sextimo Calendas Maij Geysa Hungariae Rex moritur, et in Ecclesia Vacinen quam ipse fundarat sepelitur. In eius locum Wladislaus germanus suus substitutus est, et in Regem Hungariae coronatus, licet Geysae essent liberi, et Salomon Rex nondum à vita excessisset, virtutum tamen mira excellentia in Duce Wladislao iam tunc radians, omnium Hungarorum mentes in se conuerterat, ut omnes illum renitentem suscipere Regium Diadema, cæteris omnibus neglectis certatim precarentur. Vinctio et Coronatione apud Albam Regalem suscepta, modestissimè se erga fratrem patrualem Salomonem Regem gessit, idque sibi primùm curæ fuit, ut Salomoni ipsi nihil præter appellationem Regiam deesset.

Eodem tempore et anno prælium atrox inter Henricum Romanorum Imperatorem, et Rudolphum Ducem Saxoniae, qui Imperium Henrici inuaserat, fuit. In quo præfatus Rudolphus victus, et plures de suis militibus amisit, Incolumis tamen euadens, ad instaurandum nouum exercitum animum intendit.

*Wscheuoldus Dux Kiiouien' sentiens Laropelkum
nepotem suum filium Lastai olim Ducis Kiiouien',
contra se exercitum pro recuperanda Sede p'na pa:
rare Wladimirum filium cum copijs eide occursumit:
tit. Interim Laropelkus ab vno Consiliarioru' Wsche:
uoldi fallaci consilio inductus ad Boleslaum Polonoru'
Regem fugit, et Wladimirus Castro Luczko conquirit
matrem, uxorem et filios eius captiuat. Postea Laropelkus
auxilio Polonorum omnia recuperat, et pacem cum Wla:
dimiro componit, ad extremum tandem a suo familiari
obtruncatur. Cuius corpus Kiiouiam relatu' a Wsze:
uoldo Duce et filijs Botarisq; suis honorifice sepultu' est.*

I Laropelkus Dux filius Lastai olim Kiiouiensis Ducis ad suam
grandem iniuriam referens Wscheuoldum Duce patrum suum
in Kiiouien' Principatum patre suo Lastao obeunte, successisse, com:
parat exercitum, per quem Wscheuoldum bello impelat, et de Sede Kiiouien'
depellat. Quod dum Wscheuoldus persensisset, frequenti consilio aduoca:
to, quid facto opus sit consultat. Consulit autem illi unus ex numero
Consiliariorum, disserens in hunc modum. Comparato exercitu, mitte fili:
um tuum Wladimirum contra Laropelkum, et me ante illum prae-mitte, ego
enim fallam Laropelkum, et sine armis debellato illum, Wscheuoldo igitur
consilium huiusmodi probante, venit fallax consultor ad Laropelkum et
dixit ei. Non confidas Consiliariis et militibus tuis, omnes enim cum
Wscheuoldo hoste tuo sentiunt, et sponderunt te illi prodituros. Auscul:
ta itaq; Consilio meo fideli, et fuge ad Boleslaum Polonorum Regem,
qui quondam Lastaum patrem tuum pulsus restituit, auxilia illius postu:
laturus. Credidit Laropelkus sermoni doloso et fallaci, ac desertus Rus:
sia fugit in Poloniam, habens omnes Consiliarios et milites suos suspectos.
Locat autem matrem, uxorem, filios, ac familias in Castro Luczko, prae:
cipiens eis ut quam fortissime possent, quousq; cum Polonorum exercitu
rediret, hostibus resisterent. Quo in Poloniam descendente, venit Wla:
dimirus filius Wscheuoldi cum exercitu ad Luczko. Cui protinus nul:
la facta resistentia Castrum traditum est, in quo matrem, uxorem, filios,
et familias Laropelci reperiens, in Kiiouiam captos pertrahit, et famili:
as venundat. Boleslaus autem Polonorum Rex non valens Laro:
pelko personale ferre auxilium, propter scisma inter illum et milites
eorum, copias tamen de gentibus suis Polonis mittit cum illo. Quorum

robore stipatus, primū Luczko applicat, et Wladimirus filius Wszeuoldi non audens illi et suae potentiae resistere, missis nunciis pacificatur illi, et non solum Luczko et alia Castra Laropolkonis quae receperat, sed omnia quae pertinebant ad Laropolkonem, aut tunc restituit, aut se restitutum spondit. Pace autem confecta Wladimirus Sedem suam Czeremionem repetiit. Laropolk verō exercitu Polonorum remunerato, et in Poloniam remisso, dum ex Wladimiria in Zmigrod uehicula ueretur, a familiari suo Nieradzecz vigesima secunda Nouembris quiescens obtruncatur, et fugit Nieradzecz ad Ducem Burig. Corpus uero Laropolci in Kiouiam deductum est, cui obuiam a Wszeuoldo et duobus filiis suis Wladimiro et Rosczislao, item a Iohanne Metropolitā et Boiariis Kiouien' uniuersisq; ordinibus itum est. Placuit autem magno super nece sua adito, in Ecclesia Sancti Demetrii sepelitur. Qui uiuens sapius gerebat in uolīs, ut pari morte quemadmodum, dum Proci sui Boris et Hleb seu Olech, quos Ruthenorum Ecclesia Sanctos colit, excedere illi ē uita contingeret. Vir mansuetus et fratrum amator, soluens decimas de omnibus frumentis, pecoribus, armentis, et de omni substantia sua omnibus annis uitae suae.

Anno Domini 1079.

Sanctus Stanislaus Regem Boleslaum quia excommunicatus Ecclesiam ingreditur, corripit.

Ruenti Boleslao Polonorum Regi in omne scelus nefasq; et ad quaelibet deteriora prolabenti, dum Censurarum quibus a beato uero Stanislao Cracouien' Epō ferebatur vigorem irridens, Diuina suo in Ecclesias ingressu profanaret mysteria et sanctionem auctoritatemq; Ecclesiae irrisioni et contemptui deputaret. Vir Dei Stanislaus zelo caelesti ut alter Phinees incensus, pro lege Dei sui et pro grege sibi commissa animam positurus, Regem ipsum anathematizat, et Ecclesiam suam Cracouien' ingredienti occurrit, prohibens auctoritate omnipotentis Dei et sua, ne Ecclesiam anathematizatus introeat, alioqui cum faciori illius ignominia, denunciat se a Diuinis cessaturum. Quam contra prohibitionem uiri Dei Rege cum militibus suam temeritatem mulcentibus irrumpente, illico Epō Stanislao mandante conticescens Clerus captum officium intermisit. Tum uero Pontifex Stanislaus ad Regem accedens his eum uerbis conuenit. Qua, inquit, fronte qua audacia in altissimi conspectum et templum, spurcissimo facinore Sodomitico inquinatus, et a me anathematizatus, manus

habens sanguine innocentium pollutas ingredi non exhorruisti? Patientia forsitan Dei et meae humilitatis respectus, te ad maiorem pertinaciam inducunt. Sed crede mihi lentum hunc in te ultionis progressum, poenae inferendae gratitudine Divinitatem compensaturam. Proinde si sapias, si nondum a te omnino rationis sensum abiiecisti, antequam supernae vindictae in te tendatur arcus, acquiesce paternis consiliis et monitis meis, et sceleribus tuis depravatisque actionibus renuncians, te altissimo, a quo et potestatem eminentiamque Regalem, et amplissima in pluribus nationibus trophea, multaque alia gratuita dona accepisti, reconcilia, facile omnium praevaricationum tuarum sordiumque in Deum, si tantummodo quieveris, et penitentiam egeris, relaxationem percepturus. Tam paternae et misericordiae Boleslaus Rex nequaquam respondens admonitioni, verba sapienter incantantis non sustinens, ore et manu viro Dei minitans, et totus furore et indignatione fremens, de Ecclesia se eiecit, et in Castrum Regium templo vicinum se recipiens, ad nocem viro Dei inferendam animum et singulos conatus intendit. Et dissuadentibus plurimis Ecclesiasticis et saecularibus Proceribus, male animo fixam sententiam ire pergit, cuius et si nota foret tyrannis: nemo tamen credere poterat, quod usque ad paricidium prolaberetur. Eo audacia et temeritatis praesumptione progressus et impulsus, ut vertice desperationis ascenso, animi sui plusquam barbarum et ferinum molum sequeretur.

Boleslaus Rex Poloniae edoctus Sanctum Stanislavum solennia missarum in Rupella celebrare, eo ire pergit, et praemissis satellitibus illum occidere iubet. Qui dum id facere tentant, ter humi prosternuntur relupini, et de Ecclesia reptantium more, evolvuntur. Quibus Rex obyciens pusillanimitatem, obiurgatis, ipse solus Ecclesiam ingressus, Sanctum Stanislavum Episcopum sacrificium missae consumantem, interfecit.

Tertio Idus Maij, in quintam tunc cadens feriam, illuxerat dies, cum debitum ut solebat Stanislaus Episcopus Cracovien' satagens exhibere CHRISTO sacrificium, ad Ecclesiam de Rupella Sancti Michaelis et omnium Angelorum nomini dicatam, Missarum solennia celebraturus, et pro Regis ac populi peccato intercessurus (veritus ea per ingressum Regis Boleslai, si ipsis in maiori Ecclesia intendisset impediri) comitantibus eum Clericis descendit. Ea tunc in campesribus

Et pratorum planicie, in æditiori tamen rupe Et in coronæ modum, prout Et in
 præsentiarum cernere licet, emunita, patentem habens à singulis partibus
 prospectum, facile beatum virum Stanislaum ad eam progressum, Regi Bo-
 leslao per crebros nuncios ubinam locorum Stanislaus Episcopus esset exploran-
 ti, Et tyrannidem suam eo die in ipso explere cupienti, prodidit, correpto
 rapto gladio, militibus quoque frequentiori agmine quam solitus erat se sequi
 iussis, illuc ire obtruncaturus virum Dei pergit. Nondum Pontifex
 Stanislaus, Rege locum contingente, Missarum solennia expleverat, qua-
 res Regem Boleslaum, ne præceps in Ecclesiam irrumperet, continuit, dum ta-
 men omnis illa mora molesta Et proluxa nimis videretur, mittit milites qui Epi-
 scopum etiam sacrificentem interimant. Affuit illico virtus Divina, quæ,
 quantum esset cælestis potentia terrena superior, demonstravit. Carnifices
 siquidem virum beatum præcepto Regis necaturi in Ecclesiam ingressi,
 dum strictis mucronibus virum Dei nituntur contingere, concidunt retror-
 sum in terram, et reptantium more ex Ecclesia evoluti, à Boleslao Rege
 quod vacui redissent castigantur, tum resumpto ferro facinus etiam resum-
 pturi, Ecclesiam reintrant, manus sacrilegas Pontifici molientes iniicere,
 pari itidem vel prius casu vibrati in terram resupini tuunt. Quos ab Eccle-
 sia capto irrito reuersos Rex Boleslaus velut moticulosos corripit, impe-
 ratque atroci verborum virtute duplici ingressu neglectam necem maturare.
 Mirum in modum imperata Regis impleturi, Ecclesia repetita, vehementio-
 ri casu quam antè terciò prosternuntur, nec virum beatum contingentes pa-
 uore nimio correpti, de Ecclesia iterum prosiliunt, et imbelles manus suas
 ad irrogandam necem beato Episcopo, sequè Divina virtute terciò prostratus, Ty-
 ranno demonstrant. Indignum ut arbitror Dei providentia iudicante, ut
 Christus Domini futuro dignificandus Martyrio, à quoquam priusquam
 à Rege, qui Et ipse Christus Domini erat deberet contingi. Nihil his quæ
 à militibus referebantur Boleslaus Rex deterritus, Et putans eos, ea, quæ
 de casu suo trino retulerant, pauore consternatos confixisse, vehementius
 illis iratus, obiurgat eos dicens. O degeneres et ignavi non milites, fæminæ
 non viri, tanta pusillanimitate et pauore percussos vos intueor, ut unum
 Presbyterum de Ecclesia trahere, et meas graves iniurias in eo ultum iri
 non audeatis. Gladio itaque euaginato, sibi Et cuilibet alteri Regi et præ-
 cellenti, non ad irrogandas, sed ad propulsandas iniurias et neces innoxias
 à superna potestate attributo, furibundus, et æstum ultionis in virum Dei spu-
 mans, frendens et euomens, in Ecclesiam, quam ab oibus oppressio mibus hostium
 in Coronatione sua tulendam se iureiurando adstrinxerat, insilit, et non loco
 non tempore, non Pontificali ordine deterritus, non Divinam non Sanctorum
 præsentem veritus Maiestatem, Pontifici Sancto Missarum solennia consu-

manti, ense vibrato Sanctum verticem dirupit, et Pontificalem crucem re-
centibus sacrificiis permiscens Sanctum Dei Stanislaum Epum, veniam sibi
et suis ceteris percussoribus et satellitibus deprecantem Rex impius et
sceleratus prosternit et interimit. Sponsum in gremio sponsae, Pastorem in
suo ovili, Patrem in filiae amplexibus, et filium in maternis penae visceri-
bus perimens et obtruncans, et omnes laudes suas priores virtute heroi-
ca comparatas in opprobrium, gloriam in ignominiam, famamque in infamiam
uno illo paricidii facinore commutans, et non tam sibi quam stirpi suae no-
tam perpetui facinoris et Regno suo inurens.

*De quibus familiis milites corpus exanime Scti
Stanislai trucidarunt. Quod dissectum in diuer-
sa loca Rex spargi, ut a feris deuoraretur iussit.*

Sed neque Milites de tribus Domibus et familiis, qui ad peragendum
scelus cum Rege aduenerant, quamuis Diuinam virtutem triplici
vice experti, abstinendum sibi a contagione patrati iam a Rege
paricidii censuerunt, vult Babatum cum Cruce, item Streparum, item flu-
minis Struuiana cum Cruce, qui ab ipsis scissi sunt, simplicem fluuium sine
Cruce qui se Druzina appellant, pro insigni deferentes, quorum progenies
et successio in hanc diem in Polonia perdurat, quum quasi priorem pusilla-
nimitatem a Rege eis exprobratam deterfuri, corpus viri Sancti, in terram
a Regio ictu cerebro rupto defluens, certatim mucronibus et pugionibus inua-
dunt. Et qui in viuum potentia superna prohibiti non poterant saeuire, incor-
pus exanime, unus alterum praeueniendo et impediendo creberrimos aden-
do ictus deficiunt, ut Rege scelus tantum inspectante, is in suo favore ha-
beretur potior, qui crudelius in Sanctum impegißet. Vnde factum est ut
cadaver Sanctum minutatim in mille particulas concideretur, ut a membro
quolibet singularem se exigere penam voluisse declararet, et tot mortibus
quot concisionibus virum Dei plectendum censuisset. Hac Boleslaus Rex
rabie solita furens, neque crudeli nece, neque crudeliori carnificio se satiari
declarans, in varia et remotius porrecta loca corpus dissectum spargi, et ut
a bestiis, feris, canibus, vulturibus, coruis et ceteris alitibus sanguipetis de-
voraretur, iubet expom, memoriam eius nominis de terra deleturus, cuius
iam vitam deleuerat. Moxque milites Rege spectatore iussa perficiunt, et
corporis Sacri partes per circuitum dispergunt, et velut aliquod decus heroi-
cum peragissent, sanguine Martyris aspersi, in Regiam cum Boleslao Rege
reuertuntur. Anima vero beatissima Stanislai Cracouien' Epi, tot
ictibus et tormentis Carnificum a carne exclusa, benedictae Trinitatis

speculum pro sui Martýrii singulari merito profundissima acie visura, et inter primos Martýrum ordines locum perceptura, ministerio Angelico, aduentum eius Patriarchis, Prophetis, Apostolis, Martýribus, Confessoribus, Virginibus. Et vniuersis animabus quæ iam sempiterno æuo fruuntur suo occursum honorantibus, sub Gregorio Papa septimo, in æthereas sempiternasque mansiones inuecta est. Nobile autem viri beatissimi Stanislai ferro impij Regis consummatum Martýrium, ingentibus et manifestis prodigijs, Sancti Dei illustrantibus probantibusque, ex tunc caput vulgari et elucescere, nulla arte vel ingenio obliterandum.

Corpus Scti Stanislai a quatuor aquilis custoditur, membratim caelum et a Canonicis collectum, ac membro membrum appositum line nota cicatricum reintegatur, atque in Ecclesia Scti Michaelis in Rupella extra Ciuitatem Cracouiensem sepelitur.

Cum altera post occisionem viri beati Stanislai illuxisset dies, Boleslaus Polonorum Rex, suique milites et in scelere in Pontificem Sanctum patrato consortes, ceterique qui eorum assenciebantur facinori corpus beatum, et a se concisum et dispersum, credidissent a feris, auibus, et bestiis consumptum et deuoratum, et quatuor mundi partibus, rari corporis raraque magnitudinis visæ sunt aduolasse Aquilæ, quæ loca passionis et artuum corporis beati circumgirando sublimius, et singulari curiositate vultures, coruos, cæterasque bestias et alites, a contactu corporis sacri abigebant. Visæ insuper a quibusdam timoratis et deuotis viris nocte, occisionem Martýris insequente, miræ rutilantiæ cælestes radii, in vniuersas corporis partes descendisse, et fulgorem suum, usque in diem subsequenti diluculum continuasse, totque in singulis locis supernæ fulserunt lampades, quot sacri corporis dispersæ sunt partes, euidentissimo signo demonstrante altissimo, tot militem suum Stanislauum coronasse aureolis, quot illum mortibus Tyranni truculentia, quantum in se fuerat, destinaisset. Biduo itaque hæc prodigia non rumore solum, sed publica assertione vulgata, ac in admirationem et religionem versa, nonnullis deuotibus patribus Ecclesiæ Cracouiensium Prælati et Canonicis iniecerunt curam dederuntque ausum, ut partes sacri corporis colligerent, et honesta conderent sepultura. Nihil itaque deteriti atrocitate Regis, quem mouerant Pontificis Sancti Stanislai corpori de sepultura non fauisse, et ne prouenire posset per artuum disiectionem prouidisse, ad locum passionis accedentes, partes corporis variis locis dispersas, et usque in eorum aduentum ab Aquilis scrupulose

custoditas, accurate recolligunt, et diligenti providentia membra laniata et in rosæ liliorumque morem candentia et rubentia, apto et congruenti ordine, partem iungendo ei, à qua excisa esse videbatur, parti, corpus lacerum componunt. Stupendum dictu sed superno artificii et ætherno suorum athletarum remuneratori facillimum, vix dum ab artium compositione cessauerant, cum subito corpus sacrum caelesti medicamine in singulis partibus solidissimè, sine omni cicatricum nota, reintegratum conspiciunt. Cuius rei tam benigno spectaculo exhilarati, minus cunctanter corpus sacrum ad Ecclesiam Sancti Michaelis de Rupella, in qua Sanctus Martyrium pertulerat, verili ne in cæteras Urbis Cracouiens Ecclesias Regis Boleslai edictum illud velaret inferri, cum debito honore et summa omnium qui huic officio adesse meruerant alacritate, deferunt, et ante fores Ecclesie in propatulo et sub diuo, ne ex Ecclesia Regis nondum quietata Tyrannis illud mandaret ejci, in tumba aromate referta recondunt. Et quam reintegrationem in Sancto corpore oculis viderant, reuersi, cunctis stupentibus enarrabant ~

*De Sanctimonia vitæ beati Stanislai
Ep'i Crac' a Boleslao Rege occisi etc.*

Varios Sanctos variis legimus à propicia Diuinitate miraculis et virtutibus pro suis actionibus et meritis fuisse illustratos, huius autem viri Sancti Stanislai Cracouiensis Episcopi, et in vita et in morte Sanctitas et meritum, tot prodigiis et miraculis declarata et illustrata est, ut penè humanam credulitatem excedant. Quis enim non miretur virum beatum Petrum Militem post triennales cineres suscitasse? et Boleslai Regis milites ad mactandum virum Sanctum ter destinatos, ter retrorsum abeuntes corruisse? cum et Lazarum à Domino resuscitatum quadriduanum legimus fuisse, et Iudas Scariothes, cum Iudæis Dominum nostrum Iesum Christum tradens captiuiturus esset, semel tantummodo cadens retrorsum cecidit. Quis insuper non stupeat? Martyris Sancti Stanislai scissi corporis millenas partes, non Aquilarum sed Angelorum ministerio, à quolibet ferarum contactu nocte et interdium custoditas, supernis luminaribus irradiatas fulsisse, et Sanctum corpus tam numerosis concisionibus distractum, perfectam reintegrationem, etiam sine nota cicatricum resumpsisse? Quapropter pia credulitate obseruari conuenit, quod Martyr Sanctus Stanislaus in omni vita sua vir vitæ Angelicæ extitit, et tam mente quam corpore integram

virginitatem gerens, virgo usque ad consumationem Martyrii permanens, et
 pro Dei et Ecclesiae et populi iniuria, ceteris Episcopis Provinciae Polo-
 nae dissimulantibus, omnium aliorum vicem et negligentiam suppleturus, in
 aciem discriminosam se exaduerso ponens, et usque ad mortem pro veritate
 et iustitia agonisans, tam sublimibus ab omnipotenti Deo meruit mirificari
 prodigiis. Unde non immerito vniuersa Catholica Ecclesia per orbem
 terrarum diffusa, in ipsius amplissimam decantat laudem. Veri solis ra-
 dius medicus caelestis. Meritorum martyris auctor est et testis. In splen-
 dore corporis castitatem signans. Quod integrum reddidit amorem designans.
 Trabea autem carnis, tam inclyto martyrio peracto, athleta Dei inuictissi-
 mus Stanislaus, solutus, et Angelicis manibus usque ad thronum altissimi
 perductus, poterat vngentum filium Dei, supernorum Civium spectante
 et admirante agmine, de rebus a se in mundo gestis, disserendo his ver-
 bis conuenisse. Vides ne qualia paciuntur o verbum Dei reprehenso-
 res criminum nefandorum? Ecce Boleslaus Poloniae Rex increpationem
 meam non ferens, Petri militis ab inferis post triennium reuocatione, et
 casu trino, suorum militum, me occidere suo iussu venientium, tua insuper
 Maiestatis praesentia nequicquam deterritus, non loco, non tempori, non or-
 dini, non dignitati suae et deferens, sed ausu sacrilego me ad aram, pro
 sua et populi ignorantia immolantem, dextris suorum militum, tua virtute
 prostratis, corripuens, sanguinem meum tuis sacrificiis miscuit, et caput me-
 um manu truculenta amputans, corpus etiam in septuaginta duo frusta dis-
 secat, et feris deuorandum exicit. Accepit autem Regis aeterni cui
 militauerat tale responsum. Vidi certamen vidi agonem tuum, et non
 solum spectator, sed et adiutor aderam. Et quoniam pro meo nomine et
 veritate non exhorruisti praelium, victorem et martyrem gloriosum vniuer-
 so orbi, Polonis vero Prothomartyrem et Patronum magnificum te decerno.
 Corpus tuum nouis radiis et luminaribus caelestibus illustratum, absque cic-
 tricum nota reintegro, Angelorum illi deputed custodiam, geminata laureola te
 adorna, virgineo corpore referentem ex hoste triumphum ~

*Ex commissione Ioannis Papae Regnum Poloniae
 interdicto feritur & occisoribus Sancti Stanislai ca-
 sitigatis Rex Poloniae Boleslaus Regno priuatur.*

TAm lugubri et crudeli in Sanctum Dei per Boleslaum Poloniae Re-
 gem de prompta occisione, ad notitiam Summi Pontificis Gregorii VII.
 variis nunciis et literis perlata, Summus ipse Pontifex Gregorius
 et vniuersorum suorum tunc Cardinalium catus in flebilem lamentatione

ruens, & qua rigiditate Boleslai Regis & inclitum Polonia tam insolens
paricidium plectendum esset, matura deliberatione tempus terens, tandem
Petro Gnesnen Archiepiscopo & omnibus Polonia Ecclesiarum Episcopis
per specialia scripta dedit in mandatis, quatenus in patrati per Regem Bole:
slauum et suos milites facinoris, execrationem & pœnam, generale Interdi:
ctum in vniuersa Gnesnen Prouincia obseruarent, Regem insuper Bole:
slauum & Polonia Regnum omni honore, dignitate, & excellentia Regali
priuauit, & omnes Principes, Barones, Vasallos & subditos ab eius ditione
absoluens, obedientiam & subiectionem solitam sibi exhiberi vetuit. Filiis
insuper & nepotibus eorum militum, qui Boleslao Regi auxilium, consilium &
assensum in facinus peractum prastiterant, ascensum ad quolibet Ecclesia:
stica officia, beneficia, dignitates & honores, usq; in quartam generatio:
nem interdixit, & beneficiis habitis & habendis priuauit. Inhibens eide
Gnesnen Archiepo & suis Coepiscopis, ne aliquam cuiuscunq; gradus, præ:
eminentia, & Status personam in Polonia Regem coronare & inungere au:
deant. Sede Apostolica inconsulta. Archiepiscopus autem Gnesnensis
Petrus, & omnes Polonia Ecclesiarum Episcopi, mandatis Apostolicis ex:
ceptis, & si grandia & amara videbantur, præuaricari tamen Summi Pon:
tificis mandatum non ausi, Interdictum Apostolicum publicant, &
Ecclesiis singulis obsecralis laudum Diuinarum organa, pro scelere et ne:
ce in Sanctum Dei Stanislauum per Regem et milites suos commissa, non sine
suo & populi graui eiulatu, suspendunt ~

Scissio Regni Polonia futura reuelatur ~

Reuelatum præterea fuit nonnullis deuotis & religiosis uiris Diuino
oraculo, pro patrato in virum Stanislauum per Boleslauum Regem &
suos milites scelere, Polonia Regnum & Prouincias ei subiectas in
tot diuisionum monstra scindendum fore, quot Boleslaus Rex per se & mili:
tes corpus sacrum partibus dismembrasset & post aliquanta sæcula per Polo:
norum humiliationem & contritionem, placato & propicio Deo, in morem Præ:
sulis Sancti, omni notamine cuiuslibet cicatricis vacui, reintegrandum. Cu:
ius quidem oraculi denunciationem tunc notitia humana præstitam, verifica:
ta succedens alas vidit, nra q̄q; nunc videt, & futura p̄stante Chrō Dño est visura.

NOVO & diro certamine Henricus & Rudolphus pro Romanorum Re:
gno in loco qui dicitur Fladechein confligunt, & multis hincinde occisis, vi:
ctoria Henrico cessit, Rudolpho euadente. Qui nihilo secunda clade perter:
ritus, arma rursus in tertiam expediebat ~

Anno Domini 1080.

*Boleslaus Rex Poloniarum etiam per Papam fuisset,
Regno depositus Regem tamen segerit, et mul-
tis conuicijs S^{um} Stanislauum quem occiderat insectatus.
Postea Scititatem eius, et contemptum sui a domesticis
et extraneis aduertens, facti sui poenitere cepit.*

Licet autem Boleslaus Polonorum Rex Summi Pontificis Gregorii septimi auctoritate et decreto omni honore dignitateque Regni Poloniarum pro scelere in Sanctum commissio, fuisset priuatus, et subiectio obedientiaque subditorum, eodem Apostolico decreto fuisset illi adempta, Regem tamen se gessit, et singulos suis imperiis parere coegit, querens se et Regnum suum iniusto decreto percussum, neque pro occisione unius dementis et temerarii Episcopi, culpa sua necati, tot poenis mulctandum. Adiciebat quoque his una cum militibus sceleris sui consortibus et proposito suo fauentibus, in Sanctum Dei conuicia, frequentique usurpatione sermonum crimen commissum apud idiotas et simplices extenuaturus, Praesulis Sancti famam lacerare non est veritus, Pontificem illum atens suis se non Pontificem, pastorem non Pastorem, opprobriorem non Praesulem, opiscopum et opibus deditum non Episcopum, speculatorem non Speculatorem, non cordium sed (quod dictu quoque nefas est) renum Scrutatorem, et prosuategenda nequicia aliorum libidinibus frena laxauisse. His et aliis criminatationibus licet Sanctum Dei Rex insectatus fuisset: nullam tamen Sanctitati illius obducere poterat in eorum praesertim pectoribus, qui vitam et conuersationem Sancti nouerant, caliginem, cum et luminaria superna descendere ad sepulchrum viri Sancti sapientissime a fidelibus visa variaeque agnitudines et morbi ad sui nominis inuocationem dilapsi, ab huiusmodi probris et contumeliis Sanctum Dei efficacissime vindicabant. Sed et ipse Boleslaus crebro rumore de luminaribus supernis, ad tumbam viri Dei descendentibus ad se delato percitus, et an verus confictus uero esset experturus, in speculam arcis Cracouien. conscendens luminaria superna descendere et corpori Sancto uenerationem impendere claro visu deprahendens, et Sanctum probris laceessere destitit, et sibi vehementer pro admissio in eum paricidio, molem sui facinoris tum primum recognoscens timere cepit, praesertim cum et contemptus indies gliscens suorum eum affligeret, et execratio non ignota exterorum illum torqueret. Qui et si in primordiis regiminis sui solidum et stabile visus sit, in defendenda propagandaque patria, in liberalitate exercenda (qua sola tantum valuit, ut solus inter Poloniarum Reges liberalis

Et largus anthonomasticè nuncuparetur. Virtutis recesse fundamentum; uiciorum tamen molle singula sua opera confundens, quod strenuitatis in eo fuit, profunditate flagicii spurcissimi extinxit, quod liberalitatis altero paricidii facinore deleuit. Et querens maiorum suorum æquare et transgredi gloriam, adeptus est turpem sibi et posteritati suae ignominiam. Et satagens Regni sui propagare terminos, iusto Dei permittente iudicio perdidit propagatos, et crasso tenebrarum fuscatus atramento, gloriam Domus suae amisit, decusque et nomen Regni eneruauit.

TERtiam pugnam Rudolphus cum Henrico Romanorum Rege iuxta fluiuium Elstram conserens, usque ad intermitionem, multis Saxoniae Principibus et militibus interfectis, confligitur, et manus illi amputatur, in Merzburgque delatus moritur ex vulneribus. Non tamen res Imperii pacificantur eo mortuo et absumpto, Hermanus enim Lotharingiae Dux illi suspectus, decertare et ipsa noua militia parabat, sed à nonnullis Henrico fauentibus occisus, finem tumultibus fecit. Rudolphi sepulchrum cum aliquando Henricus accessisset, dicente sibi quodam milite. Cur cum qui Rex non fuerat, tam decoro sepulchro fungi permetteret, Henricus uero respondens. Utinam, inquit, omnes hostes mei tam honorifico conderentur manscolo.

Anno Domini 1081.

Boleslaus Poloniae Rex suorum insidias timens in Hungariam & postea uno seruo tantum comitatus in Corinthiam fugit. Vbi in quodam Monasterio ignotus seruientis et pauperculae agens obiit, et Regni Poloniae ad Duces rediit.

Facilem suum et Regni sui Poloniae uiridem statum Boleslaus Poloniae Rex ad magni opprobrii et improprietatis specimen, propter Sancti Praesulis Stanislai necem uidens rediisse, cum et pleraque Prouincia, Ruthenicae praesertim ab eo subiugatae, iugo subiectionis abiecto, tributa illi et uectigalia consueta negarent, et à propriis Baronibus diutim sibi cresceret odium et contemptus, ad eam insperatam pamositatem et aegritatem magnitudo quondam excellentiae suae defluerat, tam miserabilique sorte Diuinitate illum pro demeritis suis feriente, pestundatus erat, ut Priores Regni in illius et eorum qui criminis in Sanctum Dei commissi participes extiterant, necem aut captiuitatem conuerarent; non aliter se

Regii Diadematis decus, & Diuinorum relaxationem habituros, præterquã
eo necato aut capto, posse existimantes. Verùm dum quod pepigerant cum,
ctanter & pigre agunt, coniuratione detecta, Boleslaus Rex unã cùm mili-
tibus sui sceleris participibus, quorum mors iuxta ac Regis querebatur in
Hungariam ducens secum unicum filium Miecslauum, iam annum duodeci-
mum ingressum, veritus ne se absente indignatio Baronum quicquam in il-
lum grauius consuleret, celerrimo cursu comprehendi à coniuratis metuens,
aufugit, & ad Wladislaum affinem & alumnum suum, iam in Hungaria
regnantem, plerisq; militibus Poloniæ illum comitantibus, et his præsertim qui
necis in Sanctum Dei commissæ consci fuerant, diuertit. A quo condigno ho-
nore exceptus & aliquanto tempore pro sanguinis & hospicii præstiti & præ-
standi vicissitudine (Boleslai enim potentia & impensis se in paternam hæ-
reditatem profitebatur restitutum) iusto favore tractatus, multa & varia
Sancto Dei Stanislaw Episcopo impingens facinora, & iurè à se cæsum illum
allegans, in Regis Hungariæ & suorum audientia, extenuando magnitudi-
nem sceleris, deducebat. Tandem excellentiam suam Regiam, apud Re-
gem Wladislaum & Hungaros, propterea quod exul & parricida clandesti-
na submurmuratione in suas interdum aures penetrante non ferens dimitti,
filio & militibus qui secum transmigrauerant, apud Regem Hungariæ Wla-
dislaum relictis, in Corinthiam, vno seruo tantum comitatus, Chlamide ab-
iecta, ne prodi posset, discessit, & in quibusdam Monasteriis, à suis Protavis
fabrefactis & fundatis, & signanter in Monasterio Vithina propè Lsburg in
Prouinciæ suæ regionis Althesis tractu iacentis, in arcta poenitentia, coquina
squaloribus se mancipando, omnibus suam conditionem & stirpem ignorantibus,
delituit, & scelus quod in Sanctum Dei Stanislaum admiserat, Sacramento
poenitentiae expiauit. A nonnullis verò asseritur, dum in Hungaria apud
beatum Wladislaum Regem consisteret, in amentiam versus, tam diu cru-
cialus & dementias molestiæ, donec animam duodecimo Calendas Apri-
lis exhalaret, pertulisse, à canibusq; propriis in syluis Pannonicis deuora-
tum esse, & pro reatu parricidii poenam tam miserabilem à Superno ultore in-
flictam pendisse. Exultatione aut & morte Boleslai secuta, fulgor & de-
cor Regni Poloniæ sensim pessundari & extinguere capit. Culmine quoq; Re-
gio, quod in quatuor tantummodo durauit Regibus, abrogato, Polonia à
iure Regum, quod illi virtus & probitas Boleslai Chabri primi Polonorum Re-
gis quasiuerat, scelere tetro in Præsulem Dei Stanislaum admissa, quod patra-
tor eius Boleslaus defendere et extenuare quàm expiare maluit, in iura Du-
cum detrusa est: multo disparem sortem sub Ducibus quàm sub Regibus habi-
tura ~

Laus & vituperium Boleslai Poloniae Regis ~

Non immerito autem Boleslaus Poloniae Rex in suis actionibus & successibus a se diversus, admiratione quadam me percellit, ut in ea parte qua iure laudatur, neminem post Protaum suum Boleslaum primum Polonorum Regem aequalem habeat. In ea vero qua reprehendi meretur, nemo facilius nemo scelestius inter Poloniae Reges Deum lasisse & Rempublicam perturbasse convincitur. Dum enim Russiam Hungariamque tropheis suis implet, dum fines propagat Patriae, dum in omnes liberalitatem depromit, Boleslaum Chabri exprimit. Dum vero in abominandum Sodomiae scelus lapsus, tyrannidem in milites & facinas agit, dum reprehendi atque corrigi dedignans, in Sanctum Dei sacrit, eoque trucidato scelus defendere pergit, alterum se Pompilium Polonis ostendit. Et quicquid per superiores Reges & Principes, nobilitatis & decoris Poloniae quaesitum fuerat, confundit ~

SALOMON Hungariae Rex Cunorum auxiliis fretus, Wladislaum Regem bello petit, sed fusus ad Bulgaros fugit, a quibus etiam pulsus in peregrinatione vitam finivit ~

Salomon Hungariae Rex gratia recuperandi Regni Wladislao Regi necem molitur, per quem captus, tandemque carceribus solutus, Kustek Cunorum Duxem sibi adiungens, certamine inito a Wladislao Rege fusus ad barbaros diuertit. Sed & inde fugatus ab eis, ad extremum in peregrinatione mortuus est, nulla prole relicta ~

Salomon Hungariae Rex priscam Regni potestatem & gloriam recuperaturus, in necem Wladislai Regis moliri cepit. Quo deprehenso in carcerem Visnegroden coniectus, & exinde pietate Wladislai Regis Hungariae solutus, ad Cunos tunc Hungaris infestos confugit. Praerat tunc Cunis Kustek Dux, hunc ad ferendum sibi auxilium Salomon pellicit, promittens se eius filiam ducturum, & Transylvaniam regionem ditam illius daturum. His promissionibus barbarus incensus Hungariam inuadit, sed a Wladislao Hungariae Rege certamine inito amissis plurimis ad extremum & Salomon Rex & Dux Cunorum Kustek fusus fugatusque est. Quo malo perculsus ad Bulgaros concessit. Vbi dum cum suis qui eum sequebantur

raptō indies viuens. Prouincialibus molestus eſet, à Bulgaris & Græcis,
p̄tē omnibus ſuis trucidatis, fugatus eſt. In qua anxietate poſitus, dum ad
quandam ſyluam fugiens ueniſſet, comitibus ſe in loco operiri iuſſis, in inte-
riora abiens, decetero nuſquam apparuit, ſed omne reſiduum tempus uitæ
in peregrinatione & uita religioſa duxit. Ad Polam deinde Liſtriæ Ci-
uitatem in litore maris Adriatici ſitam, in habitu peregrino delatus, illic mor-
tuus requieſcit. Nullum ipſe Salomon, ſed nec frater ſuus Dauid hære-
dem ſamoris ſui reliquit, Deo ſemini Andrea Hungariæ Regis hanc orbi-
tatem iuſto iudicio inferente. Qui pro nanciſcendo Regno, & ritus gentiles
ac profanos inuocari, & ſacerdotes miniſtrosq; Dei trucidari, Hungaris
petentibus conſenſerat ~

**Polonia fugiente Boleslao Rege, à Duce
Ruſſiæ vaſtatur, ac ſpolia ex ea abducuntur.**

V A ſzilko Roſczyſlawicz Dux Ruſſiæ pro comperto habens Bolesla-
um Polonorum Regem ex Polonia profugiſſe, & Regnum Polonia ma-
gra commotione peſſundatum eſſe, in animum inducit ad vaſtandum
illud, & conductis mercenariis militibus, tam ex Polonczis quàm ex aliis
nationibus, Regnum Polonia ingreſſus, illud torrenter & feſtinè vaſtat
& aliquibus munitionibus conquiſitis & exuſtis, cum præda et ſpoliis in Ruſ-
ſiam reuerſus eſt ~

ANNVS hic apud Polonos & Hungaros duorum Regum uiz Boleslai &
Salomonis fuga, inſignis, feruoreq; ſolis ingenti memorabilis, quo multa ſyl-
ua incenſæ, & plura loca paludinoſa à caumate caeſti ſiccata aſſere ~

ANDREAS Cruszuicienſis Episcopus annis quinque & uiginti Cruszu-
ciensi Eccleſia adminiſtrata, ſenio grandæuo conſectus mo-
ritur & corpori prædeceſſori ſui Vincentii additus in
Eccleſia Parochiali in Parkanie ſepelitur. Cui ba-
pliſta primus natione Romanus per Grego-
rium Papam ſeptimum, Electioni Ca-
pitularium Wladislai & ſuffra-
gio Wladislai Poloniae Re-
gni Ducis & Monarchæ
ſubſcribentem
ſurrogatur.

Finis li-
bri III.



I OANNIS LONGI gini Canici Cracouien Hi: storia Polonica LIBER III.

Anno Domini 1087.

*Wladislaus Hermanus Boleslai Polo:
nia Regis exulis frater Polonis prae:
fatus interdictum ex Regno sustulit &
Cracouien Ecclae Episcopo Opt. prouidit.*

Reflexuro mihi ad perscribendas Resp. a Re:
gibus in Duces, & stylus ex se etiam tardus
fatiscit, & ingenium plus solito hebetius fieri
incipit, molestia singulari deturbatum. Ab eo
siquidem tempore, quo viri beati Stanislai
Cracouiensis Episcopi occisio per Boleslaum
Poloniae Regem & suos milites patrata obvene:
rat & honor Regius Regno Poloniae detractus
est, & ipso in plures Principatus multipliciter
Ducum successione diuiso, corporis robusti &
uniti formam amisit, & in conditionem depressam & seruilem transiit. Bo:
leslao Venim Polonorum Rege, siue metu siue patratae in virum Dei necis
conscientia, agitato, in Hungariam decedente, Praelatis & Baronibus ad for:
mandum Reip. nouum Statum conuersis, Wladislaus ex filius Regis Cazimi:
ri residuus & Boleslai Regis germanus, cognomento Hermannus, consensu
omnium concordi, in Boleslai locum successit. Qui & si imprimis ut Rex
habitus & cultus sit. & licet ab omnibus Regis appellaretur nomine, ipse tamen
sibi titulum & decus Regium non usurpare dixit, siue quod maiorum more
Coronatus & unctus non erat. Pontificibus Regiam illi benedictionem

conferre. ne Apostolicum prauaricarentur mandatum detrectantibus. Siue quod fratrem suum Boleslaum Regem aliquando sperabat rediturum. Et tamen non Ducem tantummodo Poloniae sed heredem Regni Poloniae se titulauit, tanquam fasces Regiae et decus Regium homini non Prouincia tributae essent. Principatum autem Regni Poloniae uniuersorum approbatione sortitus, cum esset vir spectatae deuotionis et religionis, primum id curauit, ut interdictum Ecclesiasticum, ob non ita pridem a fratre suo patratam super beato Pontifice Stanislao necem positum a Regno Poloniae, et a Cracouiensi Ecclesia orbitas et uiduitas, qua in eam premebatur diem, nemine tam dignissimo patri Stanislao in tot rerum fluctuatione succedere auso, tolleretur. Et quia Interdicti Censura ex Sedis Apostolica auctoritate prouenerat Nuncios solennes Ecclesiasticos et saeculares Romam ad Gregorium septimum mittit. Quorum humillimis et sedulis precibus Gregorius septimus molus, cum et Boleslaum Regem Sancti viri occisorem pro comperto accepisset de Polonia Regno in exilium abiisse, et fratrem suum Wladislaum Principem rare deuotionis successisse, et Interdictum ex Polonia Ecclesis sustulit, et Lamperum Polonium natione, genere nobilem, de Domo et Familia Habdank Canonicum Cracouiensem, via scrutinii a Capitularibus electum, virum sibi a pluribus annis cognitum, et in negociis officiisque Curiae Romanae sincere versatum, in Cracouiensem Episcopum praefecit et ordinauit. Caepit in super Wladislaus Dux Regni Polonici gubernationem in caeteris prudenter dirigere, stratas publicas pacificans. et pro imbecillibus defensionem suam contra potentiores opponens. Nonnulla insuper Boleslai Regis Poloniae fratris sui germani decreta retractans, et ad meliorem formam reducens.

Bohemiae Ducibus cum Marchione Austriae praeliantibus victoria contigit.

Praeterea eo anno inter Wratislaum Bohemiae Ducem fratresque suos Conradum et Othonem ab una et Leopoldum Austriae Marchionem partibus ab altera, in Morauia gestum est, ob iniurias Morauis sub Conradi et Othonis ditione consistentibus, ab Australibus illatas. In quo ab utraque parte multis caesis et vulneratis, victoria Wratislao Duci Bohemiae et fratribus suis Conrado et Othoni Marchione Austriae Leopoldo fugato saluato, obuenerit, Wratislaus spoliis onustus domum reuersus est.

Anno Domini 1083.

*Wladislaus Poloniae Dux Iuditham Ducis
Bohemiae filiam primo matrimonio sibi copulat ~*

S Tirpe Regum Poloniae ad unum tantummodo Ducem Poloniae Wladislaum redacta, uniuersali Praelatorum & Baronum Poloniae requisitione & prece, ne Domus & Prosapia vetus & illustris, in totum deficeret, Wladislaus Dux conjugales inire tadas compellitur. Qui in omnibus voluntati Consiliariorum deferens, virginem Illustram Iuditham non forma solum & genere ingenuam, sed moribus & virtutibus excellentem & insignem, Wratislai Ducis Bohemiae filiam, ex prima uxore Adleyda Regis Hungariae Andreae nata, susceptam, accepit in uxorem, suadente & instigante etiam ad id germano suo Wladislao Poloniae Duci, Smiatochna Ducissa Bohemiae Ducis Wratislai in altero matrimonio consorte. Quae probe familiari Iudithae virginis a se educatae experientia, morum honestatem nouerat. Quae a Patris suis Conrado & Othone Moraviae Ducibus, & primis Bohemiae Baronibus Cracouiam deducta, nuptiae cum magna celebritate peractae sunt. Hanc & in mariti Ducis Poloniae Wladislai, & patris Wratislai Ducis Bohemiae honorem, & ob virtutum excellentiam & raritatem, Reginam sermone uniuersali & literis comperimus appellatam. Quam adeo & Regnum & gentem Polonorum memoria proditum est dilexisse, ut pro eius amplitudine atque instauratione multos labores subisset. & non in Bohemia sed in ipsa Polonia nata atque educata crederetur ~

*Wscheuoldus Kuouien' Dux moritur, cuius
filius Wladimirus timens sibi bellum a Swan-
topelkone filio Laslai olim Kuouien' Ducis
pro eodem Ducatu inferri, ipsi eodem sponte cecidit ~*

P Este saeuissima apud Ruthenos & eorum regiones exorta, utriusque sexus mortales deleti sunt. Absumitur etiam Epidimia morbo Wscheuoldus filius Laroslai & nepos Wladimiri Kuouiensis Dux tredecima die mensis Aprilis, & in Ecclesia Sanctae Sophiae in Kuom per filios Wladimirum & Roscislaum quos reliquerat sepelitur. Amator pauperum & spiritualium. Cui Pater Laroslaus ob illius humilitatem moriturus benedixerat. Post mortem autem Wscheuoldi, Wladimirus filius suus natu maior, ea cogitatione agitabatur. Si accepero Kuouiensem Principatum Sedem patris mei, restat mihi cum Smiatopelkone filio Laslai bellum gerendum, quoniam Sedes patris sui erat. Est differens haec apud se, missis nunciis Smiatopelkonem accersit. & ei de Sede Kuouien' cessit, solus vero iuit in Czermieiom

Et frater suus Roscislaus in Pereaslaw. Suiatopelkus autem dum in Con:
ductu Paschæ Kiiouiam ingressus esset, à Kiiouien' occursu Et munerib:
bus exceptus est. Et in solio patris Et Patriui extunc consedit ~

Anno Domini 1084.

*Mieczslaus Boleslai filius ac ceteri
Poloni in Hungaria exulantes, per Wla:
dislaum Polonorum Ducem reuocantur.*

T Virpe sibi, turpe Domui Et Familiae suae Wladislaus Polonorum Dux
ratus, nepotem suum Mieczslaum, filium fratris sui Boleslai Po:
loniae Regis Et Sancti Stanislai occisoris, in exteris terris exulis
more contineri, mittit in Hungariam ad beatum virum Wladislaum nun:
cios, qui tam nepotem Mieczslaum quam ceteros milites cum eo exulantes
in Poloniam reducant. Mieczslaus Dux iam apud affinem suum beatum
virum Wladislaum Hungariae Regem post patris discessionem integro bien:
nio moratus, domis naturalibus Et acquisitis, cum sibi in beati Wladislai
Ducis Et fratrum suorum Geysa Et Lamperti conspectibus, fauoris gra:
dum extruxerat, ut in filii educaretur loco. Agilitate insuper Et robore cor:
poris adeo omnes non coetaneos solum, sed altioris quam ipse fuerit aetatis homi:
nes Polonos Et Hungaros anteibat, ut omnium Hungarorum gratiam Et admi:
rationem quocumque ire pergeret in se inclinaret, Et charissimo ab omnibus
diligereetur venerareturque affectu. Omnes tamen hos Et alios nodos natu:
ra Et amor reuiscendi patriam potentior expugnauit. Venientibus itaque Pa:
trui sui Wladislai Poloniae Ducis ad repetendum Et reducendum eum
nunciis, illico contubernio Hungarorum relicto, se illis iunxit, usque cum gra:
tia Et fauore remitteretur, nutricium Et affinem suum Wladislaum Regem
Hungariae, cui a patre Boleslao commendatus fuerat, quiq; sollicitam illius
curam in eam diem egerat flagitate cepit. Qui Et si adolescentem admiran:
dae virtutis Et indolis, priuata Et sanguinis necessitate sibi stricte con:
iunctum, molestè pateretur à se disiungi; ad extremum tamen ardore suo,
quem eum pro redeundo in Patriam hausisse viderat, conspecto, equis Et ve:
stibus armisque ac Glenodiis muneratum, ad Patruum eius Ducem Poloniae Wla:
dislaum remisit. Rediit Et cum Borzimoj filius Msthae, Sbilutus, Dobrogostius,
Paulus, Zema, Odolan, Et Andreas, ceterique omnes milites qui cum Boleslao
Rege in Hungariam effugerant. Quibus Wladislaus Dux Poloniae omnia
bona eorum immobilia, vniuersali decreto Fisco Ducali propter necem

beato Stanislao illatam, & propter transfugii crimen applicata, ad plenu
restituit ~

HENRICVS Romanorum Rex, cum coniuge sua Bertha in die Sancto
Paschae a Clemente Papa quem ipse Henricus in Papam constituerat, Impe-
rialem accepit benedictionem, verum Papa Hildebrando renitente & exu-
lante, qui Clemens ante Guibertus Rauenon Archiepus dicebatur ~

Anno Domini 1085.

*Votum Wladislai Ducis Poloniae &
suae coniugis, prolis causa Scto Aegi-
dio factum, parentes voti compotes effecit ~*

Rebus publicis, quae ex beati Stanislai Epi occisione & Boleslai Re-
gis discessione turbine grandi inuolutae & incrustatae erant, Wla-
dislaus Polonorum Dux ordine quo poterat reintegratis & rese-
ctis, sterilitatis vehementius quam sat erat caput angere incommode, Ducissam
enim suam Luditham, quia tanto tempore uterum non porrexisset, perpetua
credebat sterilitate infecundam, prosapiamque stirpis suae in se cruciabatur
extinguendam. Ducissa itaque Luditha infecunditatis opprobrium euasura,
in religionem versa in Ecclesias, egenos, pupillos, viduas, peregrinos, omnesque
miserabiles personas profusas erogando donationes, quotidianis insuper suspi-
riis obsecrationibus & fletibus, dari sibi fructum boni germinis & masculinae
prolis a Deo Opt. precabatur. Crebris eorum singultibus & acerbitatibus
Lampertus Cracouien Epus remedium praestiturus, ita apud utrumque disse-
ruit. Habet, inquit, Franciae Regnum in Prouincia Prouincia contra Au-
strum iuxta Massiliam, ubi Rodanus miscetur Oceano, corpus preciosi Con-
fessoris beati Aegidii in Monasterio suo nomini specialiter dicato, in quo
& deuotorum Monachorum sub Regula beati Benedicti militantium babe-
tur frequentia, tam praestanti virtute & merito apud altissimum resurgens,
ut nemo salutare & iustum aliquid in suo nomine petens, repulsam visus
est habuisse. Illud vobis repromitto si ad eum confidentes recursum ha-
bueritis, pro quo me & vadem pono, desideratam fecunditatem & prolem sua
prece obtenturum. Hac consultatione aliquantulum ad spem depellenda
sterilitatis erecti, & imaginem infantis effigiem praeseferentem, & cali-
cem rarae magnitudinis auri puri, industria artificum fabrefactam, item
beati Aegidii auream & ponderosam effigiem, item vasa praeter haec aurea

Et argentea, vestes quoque aureis laminis et ostro intextas, et multa alia quae Lampertus Episcopus Cracouiensis suaserat aggregabant, et per insignes nuncios ex statu Ecclesiastico et saeculari lectos, quorum Petrus Canonicus Cracouiensis primus erat in Prouincia Prouinciam ad honorandum Sanctum Dei Agidii, Monasterio suo tradenda transmittunt. Qui cum incolumes ad locum destinatum peruenissent, et Monasterii Abbati fratribusque Wladislai Ducis Poloniae consortis Ludithae nomine, oblatis cum deuotione Sancto Agidio allatis muneribus, postulationes, vota, et desideria, caeteraque mandata exposuissent, triduanum Monachis per Abbatem indicitur ieiunium, sub quo omnipotentis Dei clementiam instantius obsecrari iussit, ut praecelara sui Confessoris Agidii merita, apud peregrinas et remotas nationes pro sui nominis dilatando honore declarans, vota peregre fatigatorum impleret Polonorum, et mascula prole uterum Ducissae Ludithae, sua largissima dignitate ac benignitate facundaret. Nec dum triduo, ad affligendum animas ieiunio instituto, exacto, uni caeteris religione et uitae integritate Monacho praestantiori reuelatum est, Agidium beatum sua prece sterilitate depulisse, et facunditatem Duci Wladislao et consorti suae Ludithae impetrasse. Proinde Poloniae Legatis per Abbatem certissima spes facta, omnia pro quibus Sanctum Agidium precaturi aduenerant, Diuinitatem largitam esse. Alacres nuncii tam certo et optato responso accepto, efficax et verax fuisse denunciatum sibi per Abbatem oraculum, Ducissamque Luditham uterum impluisse, et gratiarum actionem in Deum et Sanctum Agidium celebrare pro conceptu fatu, domum reuersi comperiunt.

*Polonczii Suiatopelkum Ducem Kiuouien
profligant. Rolszislaos et Wladimiro Ducibus
nequicquam adiuuantibus. Vbi etiam Rolszi
fluvio in flumine Stuchnia naufragio periiit re.*

Frequenti exercitu Polonczii barbari Ruthenorum hostes infestissimi congesto, ad vastandum terras Russiae animum intendunt, praesertim cum didicissent Wszeuoldo mortuo Suiatopelkum Lastai filium in Principatum Kiuouensem successisse. Praemittunt tamen nuncios qui monerent, ut pacem cum illis patris sui more obseruet, et de tributis neglectis illis respondeat. Suiatopelkus vero Nuncios Polonczonum, legationem eorum moleste ferens, captiuat. Quod dum apud Polonczos percrebuisset, versi in furorem terras Russiae crudelissime vastare ceperunt, Suiatopelkus vero intelligens se nuncios Polonczonum captiuando inique egisse solutis ac remissis nunciis, pacem quam prius respuerat a Polonczis flagitare cepit.

Quæ cum negaretur, milites cogebat in arma, cum Polowczis cupiens decerne-
re. Et dum parum sensati milites propositum animi sui laudarent, cæteri quibus
altior inerat sensus damnabant. Afferentes si copiis eorum etiam octo milia
pugnatorum accederent, non se tutò signa cum Polowczis collaturos. Sugge-
rentibus autem militibus mittit Suiatopelkus ad Wladimirum Ducem Czer-
niouien, et Rosczislaum fratrem suum Pereaslauen Ducem, petens sibi
succurri. Qui coadunatis exercitibus veniunt in Kiuom, Suiatopelkumq;
Ducem acriter carpunt, quod contra ius gentium nuncios Polowczorum violas-
set. Consiliariis verò suadentibus, ut, quoniam Polowczis sine cessatione
terras affligerent, iurgis aliud reseruarent tempus, et defensio mi terrarum
potius vacarent, exercitum in campestris con hostes educunt, et primis Sta-
tiuis ad Kotropolie habitis, ad flumen Stuchnia perueniunt. Vbi militum
animos si decernere vellent explorant, et sententiis diversificatis, Wla-
dimirus Dux suadebat transito flumine agere cum hostibus de pace. Quod
cum multi probassent, Kiuouien sermo displicuit, qui negabant se cum Po-
lowczis aliquam pacem imituros. Qua sententia ab omnibus accepta, flumi-
ne Stuchnia tunc aquis impleto transuadato, acies ordinatas dirigunt con-
tra hostes, Rosczislaus leuum, Suiatopelkus dextrum cornu, Wladimirus
medium eorum tenebat, et vigesima sexta die Maji pugnam committunt. Po-
lowczis sagittariis ante se præmissis, Ruthenorum exercitum inter duo fossata
consistentem inuadunt, imprimis autem Suiatopelkum et exercitum eius in
cornu dextro profugant, cuius militibus in fugam versis, et ipse Suiatopelk
fugiens secutus est illos. Irruunt deinde Polowczis in Wladimirum et Ro-
sczislau, profligantq; eos et fugiunt ambo Duces cum militibus qui supere-
rant. Periclitabaturq; Rosczislaus in flumine Stuchnia: aquarum vorti-
cibus cum præmentibus. Cui laturus suffragium Wladimirus frater suus
parum absuit quin et ipse aquis suffocaretur. Et suffocato Rosczislaeo et
pluribus militibus, Wladimirus cum paucis tranato flumine in altera ripa
constitit, flens fratrem suum Rosczislaum, et milites qui in prælio et undis
secum unâ perierant. Exinde fugit Suiatopelk in Kotropol, ad vespe-
ramq; illic commoratus, sub caligine noctis subsequenter in Kiuom perue-
nit, Corpusq; Rosczislai in aquis reperlum ad Kiuom delatum, in Ecclesia
Sanctæ Zophiæ in paterno sepulchro sepultum est. Polowczis victoria politi-
populationem quanto longius possunt extendunt, Castrumq; Torcz circumse-
dunt. Et præmentis obsessos fame, petebant sibi à Suiatopelkone succurri,
asserentes se diutius ni succuratur famem non toleraturos. Et licet Sui-
atopelk miserit victualia: non tamen ad Castrum poterant importari, hostibus
undiq; obsidentibus vias. Quindecim autem diebus obsidione ad Ca-
strum Torcz Polowczis bipartito agmine continuata, consurgit una pars

Et vadit contra Kiiom, altera in obsidione permanente. Exiit autem Smia, topelk Polomezis obuiam, Et commissa pugna multis utrinque cadentibus praevalent Polomezi, Et Smiatopelk tantummodo duobus comitatus, in Kiiouiense arcem, militibus suis occisis aut captis, refugit. Reuertuntur itaque Polomezi in Torcz cum spoliis Et captiuis Ruthenorum, Et fit planctus magnus apud obsessos, postquam ex ostentatione captiuorum Ducem suum Smiatopelkum intellexerunt succubuisse, Et non valentes se ultra propter famem retinere, dum spes de subueniendo nulla foret, dedunt Castrum Polomezis, Quo Polomezi accepto succendunt illud, magnamque numerum Ruthenorum in captiuitatem ad regiones suas abducunt. Vbi plures numero hyemis austeritate extincti sunt, caeteri incedunt squalidi Et semiuiui. Facioque mutuo scrutinio de qua stirpe regione, aut villa forent, ploratu ingenti Et lamenlis deplangebant.

Sedecima die Nouembris Roscislaus filius Msczislai nepos Laslai moritur Et in Ecclesia Sanctae Mariae in Deszuelhmon sepelitur.

Anno Domini 1086.

Juditha Polonorum Ducissa prolem masculinam, cui Boleslaus nomen datum est edit, ac mox ipsa moritur mater. Templum Cracouiae Diuo Aegidio ponitur multaque Ecclesiae redditibus argenteum Rur.

Sub omni autem tempore, quo conceptam munere Diuino Et Sancti Aegidii meritis sobolem, Judith Ducissa Poloniae gestabat, ieiuniis, vigiliis, deprecationibusque vacans, in Ecclesias quoque Et ministros earum, egenos, pauperes Et quosque indigenas (postulans ut felicibus auspiciis pariter proueniret) liberalitatis dextram, fauore duplicato intenderat. Nec tam humilem Et deuotam Ducissae Judith duplicationem incassum iri pertulit Diuinitas. Vigesima namque Augusti die pulcherrimum filium effundens, Et oraculum a Monachis beati Aegidii editum impleuit Et fructum suorum operum Et largitionum accepit. Ad partum prodigiosum Et optatum Praelatis Et Baronibus confluentibus Et corrogatis, Altissimum nomen Boleslaus per Lamperitum Cracouien Episcopum unda baptismatis regeneratus puer, patre iubente accepit. Conuiuia insuper opipare habita, Et ludorum magnifice institutorum apparatus, conuiuias Et inuictos pluribus diebus detinuit. Magna dehinc Sanctus Aegidius in Polonia captus est ueneratione coli, Et a matronis steriles

uteros habentibus pro fecunditate sobolis inuocari. Hinc & in Cracouiens' Vr.
be aedes illi, certum Canonorum habens dotatum numerum à Duce Poloniae
Wladislao nouam additionem gratificantis filii, primū condita est. Deinde per
vniuersum Poloniae Regnum in oppidis villis, vicis, & villagijs, in Tharszek vzt,
Pkanow, Kłodawa, Kojnia, Krobja, Czirmielow, Giebulow, & Eborow
Episcopali, & per Ducem Wladislaum & milites suos, templa quae & hactenus ex:
tant fundata sunt. Ducissa posthac Luditha filium æditum tenerrimo affectu
educans, breuiusculo tempore superuiuens, in ipsa Natiuitatis Domini nocte fa:
tis intercepta, & in vitam sempiternam (ut pia ex virtutis suis operibus præsup:
poni potest credulitate) translata est. Cuius excessus & Wladislaum Po:
loniae Ducem consortem suum, & Ecclesiastici saecularisq; ordinis viros, qui,
bus admodum chara extitit, singularibus luctus aculeis afflixit. In ambiguo
quoq; Dux Wladislaus Poloniae versabatur, orbus ne consorti superuiuens esse
maluerit, an genitor: tam chara & pudenti uxore amissa. Puerum autem natū
eo teneriori educari ordinauit cura, quantū illum manifestiori munere Diui:
no de sterili uxore susceperat. Huius faminae benedictae intercessione Co:
mitatus Chropi, in Silesiensi terra, qui nunc Pabianice appellatur Cano:
nicis Cracouiens' Ecclesiae perpetuū donatus est, & Monasterio Thimieccensi
Villa Xiazmicze inscripta, & Ecclesiae Cathedrali Wladislauiens' Castel:
lania Lagouiensis cum suo Districtu in terra Sandomiriensi perpetua dona:
tione concessa. Surgere quidem fecerat prouidentia & miseratione Diuina, Lu:
dith Polonorum Reginam: quae Diuinæ auidae visionis, non minus quā Salomo:
nis Austri Regina fuit. Haec praeventa caelitus, Diuini muneris largitate
astitit Polonicae Ecclesiae, beneficiorum varietate. Illa enim exploratrix sa:
pientiae Salomonis, venit de longē videre industriam terrenae ordinationis,
haec solers indagatrix caelestis contemplationis, meruit videre & accipere
dona salutiferæ operationis. Nam oblita domus paternae traditionis, & ac:
quiescens consilijs Euangelicae admonitionis, quicquid rerum habuit, ad deco:
rem domus Domini liberaliter erogauit, & loca Diuinæ habitationis multiplici:
ter ditando insigniuit. Canonicis enim Ecclesiae Cracouiensis, ut praemissi:
mus, contulit Castellaniā de Chropi cum hominibus ascripticis, qui per tri:
ginta annos fuerunt in manuali possessione, vel qui ascripti sunt glebae soli
propria professione, & originarijs, qui ex ascripticis nati, in ipso solo glebae
coaluerunt, et cum seruitutibus eorum & tributis, quae consistunt in frumen:
to, melle, pellibus asperiolinis & mardurinis. Obsequio igitur tam deuoto
subsidiū temporalis, praedicta Ludith meruit adiuuari perpetuae orationis suf:
fragiis. Nam praedicti Canonici ipsius Reginae ascripti deuotione horas
gloriosae virginis Mariae peragunt. Monasterio verō Thimieccensi eadem Lu:
dith contulit Xiazmicze cum suis appendicijs, scilicet cum villis super Vislokam

fluvium constitutis, & cum hominibus easdem incolentibus ascripticijs & origina-
rijs cum servitutibus eorum & tributis. Episcopo vero Cuiavienſi contulit Ca-
stellaniam de Lagow, cum servitutibus eiusdem. His igitur & consimilibus
in subsidia diversarum in Polonia Ecclesiarum attributis, quicquid patrimonij
vel dotalicii in auro, argento, gemmis, & cetera suppellectilis ornatu possedit,
in pios usus & causas pauperum, orphanorum, & miserabilium personarum affe-
ctu compassionis erogavit. Quæ cum tot beneficijs charitatis thesauros immar-
cescibiles in cælesti patria sibi cumulasſet, ad epulas Christi meruit invitari.
Nono enim Calendas Ianuarij in vigilia festi Natalis Domini de ergastulo
huius carnis soluta, ad festum æternæ iucunditatis evocata, in pace feliciter
requiescens, octavæ beatitudinis premijs expectat insigniri.

*Swiatopelk Dux Kiiouienſis cum Polonezjs fœdus
inito filiam Polonezonum ducit in uxorem. Olech
autem Russiæ Dux auxilio Polonezonum Castrum
et regionem Czermeiow impugnat, tandem cum Wla-
dimiro Wszeuoldowicz Duce Czermeiowienſi pacificatur.*

S Swiatopelkus Kiiouienſis Dux cladem geminato prælio acceptam, ut
cumq; reintegraturus, serius quàm expediebat cum Polonezjs fœdus
init. Pro cuius soliditate filiam Tuhorkam Ducis Polonezonum
accepit in consortem. Impetrato à Polonezjs auxilio Olech Russiæ Dux,
Castrum Czermeiow & eius regionem impugnat, & Wladimiro Duce Cer-
meiowienſi mania tueri contento, Olech Monasteria, Ecclesias, vicos, & rura
in circuitu igne deuastat, Wladimirus autem uidens se plurimum angustia-
tum, missis Caduceatoribus pacem cum Olech concludit, & de Castro Cer-
meiow Olech excedens in Pereaslam se recepit. Nec tamen ob id Polonezj
Olech permittente à vastanda Czermeiowienſi terra quieuerunt. In qua
multi Ruthenorum occisi, multi capti, multi in servitutem abducti.

LOCUSTÆ insuper in graui multitudine in terras Russiæ appulsæ, omnia
germina deuorant & consumunt, Regioq; Ruthenica partim vastatione &
clade barbarica, partim locustarum demolitione, sub uno tpe valde afflictæ est.

Anno Domini 1087.

*Dobrogiera Boleslai profugi Regis et Wla-
dislai Ducis Poloniæ mater fatiſ absorpta est.*

Polonorum Regina Dobrogniema atq; Maria Cazimiri primi Polonorum Regis coniunx, & Boleslai Poloniae Regis & Wladislai Ducis gemitrix, quae usq; in ea tempora vixerat, annis iam & aetate matura, simul quoq; de casu primū & ruina filii sui Boleslai Poloniae Regis occisoris Sancti Stanislai, deinde & exilio contabescens moritur & in Ecclesia Cracouien, Wladislao Duce matris suae cohonestante exequias legitimo honore sepelitur ~

Posnamien Ecclesiae Episcopus Theodorus primus annis duobus & viginti in Pontificatu Posnamien exacto, febrem tertianam lentem sed diuturnam perferens, moritur, & in Posnamien Ecclesia sepelitur. Cui Dionysius primus, Italicae nationis vir, sed lingua Graecae gnarus, ab Urbano Papa successus, & Capitulo Posnaniensi & Wladislao Principe & Monarcha Poloniae multipliciter abnuentibus, quorum uterq; gestiebat prisco more abrogato non Italum sed Polonum promoueri ~

Corona Bohemis confertur ~

Henrico quarto Imperatore Romano anno eodem solennem Curiam Principum Maguntiae per dies plures tenente, Wratislaus Bohemiae Dux illum accessit, & magnae aestimationis atq; ponderis, in auro & argento, gemmis, vasis celatis, & ei oblatiis muneribus, se in Bohemiae creati Regem, & tempora sua Diademate ornari obtinuit. Mandante siquidem Imperatore Henrico praefato Engelbertus Treuerensis Archiepiscopus Pragam venit, & in Ecclesia Pragen decimo septimo Calendas Iunii Wratislaum in Bohemiae primum Regem, consortem vero suam Swiatlochnam filiam Cazimiri olim Poloniae Regis in Reginam primam, Coronis per Imperatorem Henricum decretis, solenniter, astante Bohemorum magna multitudine, & de sua gentis prosperitate varia & frequenti modulatione exultante, inunxit & coronauit. Itaq; penē sub uno & eodem tempore, & Bohemiae Regnum capit, & Poloniae Regnum desit: utriusq; Regni continuatio, nem & progressum quasi natura in una lingua inidente ~

Octaua Augusti Marco Plocen Epō decem & nouem annis Pontificatu functo, mortem ex scabie oppetente, Stephanus primus natione Polonus Praepositus Plocen, a Capitulo Italici neglectis, electus, a Victore Papa tercio aliquanto tempore cunctante, & Italum potius quam Polonum promouere cupiente, Wladislao Duce & Monarcha crebris literis instante, sufficitur ~

*Olomuncen' Ep'us Pragen' per Ia-
romirum Episcopum Pragense' unitur.*

Sub idem tempus Jaromirus Pragen' Episcopus Olomuncensem Epi-
scopatum, cuius tunc ex obitu Ioannis Pontificis vacatio intercesse-
rat suo Episcopatu Pragensi reintegrari & uniri, germano suo Wra-
tislao unionem ipsam in fraternali fauorem, quam tamen alias detestabatur, pro-
mouente, ab Henrico Imperatore impetrauit. Quae res adeo illi maioris inso-
lentie contulit fomentum, ut praesente Rege interesse Diuini contemneret.

*Henricus III. Imperator a Gregorio VII.
Papa poenitens veniam impetrat, & Crucem
con' Saracenos sumit, tandem Gregorius moritur
et fulget miraculis. Cui Victor III. succedit.*

Cum multo tempore Gregorius Papa VII. cum Henrico quarto Imperato-
re ad inuicem certassent, & unus alium Concilio conuocato deponeret,
ultimo Imperator suum facinus recognoscens ad obedientiam rediit.
Gregoriū, Guiberto quem in Antipapam erexerat mala morte cum suis obeun-
te. Veniens siquidem Imperator Henricus in Italiam ad Papam Gregorium,
nudis pedibus super nives & glacies pluribus diebus stetit, & sic veniam impe-
trauit. Crucem quoque contra Saracenos hostes Ecclesiae quam pertinaciter
laserat, poenitentiae satisfactorius assumpsit. Exactis autem Gregorius in Pon-
tificatu annis decem, moritur Salerni & illic sepultus est, miraculis corruscan-
do. Quo mortuo Victor III. Abbas Cassinens. Desiderius ante vocatus, per
electionem Canonice succedit, & sub eius Pontificatu Ordo Cathusien'
sub patre Brunone capit. Aliis placet ut verius Henricum quidem
Imperatorem reconciliationem cum Gregorio Papa fecisse, sed cito posthac
ad rebellionem rediisse, & suum Papam Guibertum Romam deduxisse.
Quapropter Gregorius VII. Salerni in exilio moriturus fertur dixisse, Dilexi
iustitiam & odiui iniquitatem, propterea morior in exilio. Maius deinde discri-
men in Ecclesia Gregorio obiente, secutum est, Guiberto per vim Sedem Re-
manam occupante.

Anno Domini 1088.

*Wladislaus Dux Poloniae Scelum, & Mieczslaus
filius Boleslai primum matrimonia celebrant.*

Charæ uxoris Iudithæ Wladislaus Polonorum Dux orbatus desti-
tutusque solatio, alterum matrimonii fœdus abhorrebat, crebris tan-
dem suorum Prælatorum & Baronum persuasionibus expugnatus, bea-
to Wladislao Pannoniorum Rege id quoque sibi & Reip. expedire censente
Zophiam alias Zophoniam Hungariæ Reginam, Salomonis Regis Hungariæ re-
lictam, & Henrici tercii Imperatoris filiam, & quarti Henrici tunc re-
gnantis sororem, desponsat in uxorem. Hæc in Hungaria (Salomone Rege
post infelicem pugnam, quam Cummorum adiutus auxilio Duce Kustek gessit,
in Bulgariam primum deinde Histriam diuertente) morabatur, omnisque et
honor a beato Wladislao seruatus est, et donatio dotis nomine sibi de rebus
& possessionibus facta per Salomonem, sincere habita, et propter prosapiæ
excellentiæ, & Status Reginalis dignitatem. Eo quoque beneficio beato
Wladislao Hungariæ Regi obligata, minus cunctanter, ipso beato Rege
huiusmodi promouente matrimonium, Polonorum Duci Wladislao nupsit, et
in Poloniam frequenti & insigni comitatu deducta, haud contemnendam no-
bilitatem rerum & Clenodiorum suppellectilem secum in Poloniam attulit. Et
licet prædicta Zophia uxor Wladislai Ducis Polonorum, uiuente primo
marito Salomone Rege sterilis semper fuerit, ex Wladislao tamen Polo-
norum Duce sæcunda esse cepit, tres quoque filias tempore procedente edi-
dit. Accepit & tunc Mieczslaus Princeps, Boleslai Poloniæ Regis
filius, æphæborum ætatem parum iam transgressus, Suiatopelci Kiouien
Ducis sororem germanam Eudoriam nomine, Wladislao patruo suo Polono-
rum Duce ordinante, uxorem: quatenus Russiæ regiones, a patre suo sub-
actæ, hac affinitate magis synceriores & deuotæ in fide persisterent, ma-
gnusque Cracouiæ Conuentus Principum & Baronum habitus est, & Wla-
dislaus & Mieczslao Ducibus Poloniæ celebritatem singularem exercentibus
pro accepto matrimonio geminato.

*Victor III. Papa veneno calici immilso perit.
Cui succedens Urbanus II. antea Otho di-
ctus terræ Sanctæ Cruciferrorum opera recuperat.*

Victor III. Pontifex Romanus dum anno uno mensibus quatuor die-
bus septem sedisset, per amicos Henrici Imperatoris, sibi in calice
venenum propinatum sumens, ventris profluito fatigatus dissolu-
tur. Cui Otho vel Octo, qui prius Monachus Cluniacensis, post Cardinalis
& Episcopus Hostienensis fuit, Urbanus secundus nominatus succedit. Qui in
Franciam vadens aliquot Conciliis congregatis, Principes Franciæ, Hispa-
niæ, Angliæ, Normaniæ, Flandriæ, ad recuperationem terræ Sanctæ a

Saracenis occupata. Et plurimos Christianos Crucem assumere induxit,
 Et sub eius Pontificatu, terra Sancta feliciter recuperata est. Renouan-
 tur autem Urbano assumpto inter ipsum Et Henricum Imperatorem, et Gui-
 bertum Antipapam scandala, uno alium variis Censuris Et dehonesta-
 tionibus percellente. Grauisque turbatio Ecclesiam Dei vexabat eo tempore,
 viris Ecclesiasticis (et quod execrabilius est) Pontificali dignitate
 praeditis se inuicem collidentibus, ac per contentiones Et zelos carnaliter
 sese amulantibus. Nullus nexus spiritualis concordiae, in caeteris inferio-
 ribus Italiae Praelatis, poterat seruari. Hic Urbanus secundus in Conci-
 lio apud Clarum montem celebrato statuit, ut horae beatae Mariae Virginis
 quotidie, Officium vero Sabbato die, sollemniter implerentur, quod hoc bea-
 ta Virgo fratribus in Carthusia reuelauit ~

Anno Domini 1089.

Sancti Stanislai corpus in Ecclesiam Cathe-
 dralem Cracouiensem transfertur ~

D Ecimi iam anni, ex quo beatissimus Martyr Et Pontifex Stanislaus
 Cracouiensis Antistes, a Boleslao Polonorum Rege felici cruore dam-
 natus erat, tempus agebatur, hominum tamen Ecclesiasticorum Et
 saecularium illius temporis incuria, qui Et martyrium suum coram vide-
 rant, Sanctitatis sublimitatem nouerant, miraculorum ab ipso in vita Et post
 patrorum scientiam plenam habuerant, corpus beatum ante fores Ec-
 clesiae Sancti Michaelis de Rupella, in eo cinere quo primum humatum
 fuit, patiebatur delitescere, donec Sanctus Dei Stanislaus, id sibi prae-
 stari imperauit officium. Dum siquidem nobilis quaedam Et religiosa ma-
 trona, ipso beato Stanislao pro excellentia meritorum plurimum deuota,
 Sviatoslawa nomine, saepe nocte intempesta, pro suis Et aliorum necessita-
 tibus Sanctum Dei a quo iam in frequentibus suis obsecrationibus postula-
 tam impetrationem acceperat, interpellatura, ad sepulturae suae locum crebras
 agerat excubias, in unius noctis, quam illic in orationibus Et precationibus
 totam fore absumpserat, diluculo, versa in exlasum, Ecclesiam beati Micha-
 elis de Rupella multorum luminarium atque lampadum fulgore refertam ingre-
 ditur, officiorum Vicinorum solennia auditura. Tum ad Ecclesiam veneran-
 dus, ut illi videbatur, Stanislaus Pontifex, Pontificali amictu indutus, ve-
 nerabilium personarum munus ministerii secum una exequentium, in coronae
 modum cinctus, frequentia, quandam magnam celebritatem explecturus

aduenerat. Cumq; singula expleta ritu solenni essent, ea vox à Pontifice Sancto ad matronam insonuit. Indignum, inquit, prouidentiae Diuinae uidetur, & Maiestatis suae oculis ingratum, quòd paucus mihi debitus honos impensus est, & ossa mea decennio ferè iam exacto, uili oblita consistunt in puluere. Consurge itaq; filia Deo & mihi deuota, & intrepida Lampertus Cracouiensem Episcopum Successorem meum & Canonicos fratres meos ad his quoq; omnium quae hic agi uidiſti ratione fidei patefactis, manda illis ut corpus meum in Ecclesiam maiorem non cunctantur transferre. Qua relatione Lampertus Cracouiens Epus cum Canonicis audita, solenni processione omnibus Urbis Ecclesiis indicta, corpus Sanctum in Ecclesiam Cathedrali Sancto Venceslao dicatam, Cracouiensem, intulit, & in medio Ecclesiae nobilem tumbam, auro & gemmis adornatam, qua & cineres & ossa condita sunt, fabricauit, hosq; versus Capitalibus literis in auro inscripsit ~

Tumba Stanislai cineres tegit ista beati
Regis Boleslai quia non fauet impietati.
Martyrio meritas Caeli migravit ad aedes
Foelix cui Deitas merces, cui sydera sedes.

Omisit autem Wladislaus Regni Polonici Dux, studio seq; distulit, pro Sancti Dei Stanislai laborare Canonisatione, quamuis illum mirificis fulsisse fulgoreq; prodigijs uideret: silentii latibulo opera Sancti Dei contegens, suo & generis sui, qui per Canonisationem beati Stanislai illustrandus detegendusq; fuerat, pudori, ignauiae, turpitudinì & dedecori parsurus ~

Mieczslaus Boleslai Regis exulis filius moritur, summum sui apud Polonos desiderium relinquens, matre etiam dum paucis diebus mortuissima superuixisset, fatum filij sequente.

Excessit post translationis huius paucos dies è uita Dux Mieczslaus filius Boleslai Polonorum Regis & Sancti Stanislai occisoris, nec aliquam prolem ex uxore, quam anno transacto susceperat, reliquit, in quo semen Boleslai Regis patricidae desit, ut uerbum Sancti uiri Stanislai, quo illi in scelere perseveranti, orbitatem & famoris sui perpetuam extinctionem praedixerat, impleretur. Cuius uitae breuitas nihil habet memoria dignum aliud, nisi quòd caligine subita & insperata mortis inuolutus, declarauit non plus certitudinis protelandae uitae habere ~

florentissimum adolescentem, quam incuruum & veteranum senem. Habet
 nonnullorum Scriptorum assertio, factione certorum Poloniae Baronum, eorum
 praecipue quorum auctoritate & obiurgatione Boleslaus Poloniae Regem in exi-
 lium abiisse constabat, veneno Ducem praefatum Mieczslauum sublatum fuisse.
 Nam cum supra aetatem vegetior illi esset indoles, & tam liberalitatis mu-
 nificentia, quam militaribus actibus, factiuitate, comitate, & industria plus
 quam illi conueniret aetati, pollendo, patrem expressurus videretur, praefato,
 rum Baronum Poloniae improbitas, verentium ne paternas iniurias Statu &
 aetate malueratis, ultum iri pergeret, illam sibi veneni pestem asseritur pro-
 curasse. Qua non ipse tantummodo sed & sui nonnulli domestici fami-
 liares infecti, aut exhalabant animam, aut diuturno correpti morbo mise-
 re languescabant. Suspectum etiam affectati Regni nonnulli ferebant
 Wladislaus fuisse, ob idque mortem suam aequo minus tulisse, quod circa eum
 ingentem totius Polonici populi gratiam videret adolescere, & ob id de his
 qui illi necem subministrauerant neglexit penas inquirere. Obitum
 autem Ducis Mieczslai tam miserandum quam miserabilem, quis iustus re-
 rum aestimator, sola Dei iustitia secutum dubitauit accidisse? qui sce-
 lera patrum usque in quartam puniens generationem, quod in patre ad in-
 tegrum non punierat, in filio vindicauit, & non naturali aut honesta mor-
 te, sed violenta, turpi, & venosica, scelus in Sanctum Dei Stanislaum
 digna retributione compensans, illum occumbere permisit, vitaeque immatu-
 ra iuste subtractus est: cuius parens Pontifici beato maturam vitam iniuste
 ademerat. Quod et ex temporum vicissitudine lucefcere poterit, cum pro
 eodem tempore Boleslai Regis unicum pignus occidit, in quo martyris Dei
 Stanislai nomen & meritum, & translationis honore & ampliori venera-
 tione a fidelibus captum est coli & venerari. Immatura autem Du-
 cis Mieczslai mors, in Urbibus, Oppidis, vicis, & rure nunciata, omnes fe-
 re Polonos in luctum & lachrymas impulerat, magnamque iuuenis deside-
 rium in Polonorum pectoribus accenderat. Dum enim parentis sui Boles-
 lai Regis numerarent victorias, dum subactas ab eo percenserent Prouincias,
 dum vultum instruontis accem, & milites educentis in praelium, & exhor-
 tantis ad pugnam, dum liberalitatem, factiuitatem, industriam, & alias
 Rege dignas virtutes, quas Mieczslauum filium suum plenius quam patrem
 innouatum sperauerant, certatim efferrent, non gemere, non anxari, non
 vacare maiori atque luctui, & fortunam suam non increpare, sibi & sta-
 tuti suo atque Poloniae Regno, quod per virtutem Mieczslai instaurandum
 facile crediderant, non timere, & casus suos in illius occasu non dolere,
 non poterant. Quapropter ad exequias illius in Ecclesia Cracouiensi
 habitas, non militum modo, sed mechanicorum & agrestium, operibus

intermissis, magna multitudo confluerat, & quoad licuit feretrum, in quo corpus exanime Miecislai portabatur, seculum, inconditum emittebat flendo eiulatum. Miserram insuper Miecislai Ducis matrem & Boleslai Regis Poloniae consortem Wiszeslauam continuatus adeo priuatus & publicus dolor in funere nati quam maximè potens vexauerat, erumnas suas & pro exilio gloriosi quondam mariti sui Boleslai Regis, & pro casu filii sui ingeminantem, ut uelut exanimis & mortua de Ecclesia, dum cadauer filii conderebatur, elata, sinibus quoque matronarum aliquanto tempore sola, vix tandem Pontificum Poloniae, qui & ipsi officio funeris aderant, ministerio, aquas frigidas in ora Reginae exanguis & supinae spargentium, compos mentis effecta est. Non exiguum enim Miecislai Dux Poloniae dederat spem, magni iustitiae Regis indolem, se subditis si vita foret extensor, praebiturum, & Regno Poloniae ducem suum restitutum. Et quò fuerat desiderabilior, eò & mors sua habebatur suspectior, ut perisse factione Primorum insimularetur, eò respectu ueneno sublatus, ne non grauis fieret Dominator. Gemitrix illius, nullas consolatorias quae ingerebantur admittens voces, maestam per omnem uitam & lugubris, in funere semel imposita lugubria nunquam exiit, geminato vexata malo & mariti exilio & filii fato, non multo post quinto Idus Martii fato subtracta.

*Polowczii a Wladimiro Pereaslauen' &
Swiatopelkone Kiouien' Ducibus profligantur, sed rursus bellum renouant.*

Vniuersis ferè Russiae Ducibus ac Regionibus à Polowczis aut vastatis aut subactis, Wladimir de Pereaslau Dux solus restabat. Huic itaque ac etiam regioni eius Polowczj cum duobus Ducibus Kithano & Ithlar inferunt bellum. Qui missis nunciis antequam Principatus suus ab hostibus vastaretur, pacem etiam sub conditionibus iniquis acceptat, obligans se Polowczis ad annum solutionem tributi. Super quo & filium suum Swiatoslaum (nec enim pax aliter conuenisset) dare coactus est, in obsidem Polowczis. Suggestum interim Wladimiro Duci Pereaslauensi, & à propriis militibus, & à Slauentha milite Kiouien', qui ad illum certa mandata perferens à Swiatopelkone Duce Kiouien' nuncius uenerat, ut Polowczios quietos & hinc inde dispersos opprimat & obtruncet. Qui diu reluctans, astringens id fidei & honori suo non conuenire, victus tandem acquieuit, & Slauenthae ac aliis militibus, negotium mandat. Qui primum Swiatoslaw filio Wladimiri obside (negligentius enim à Polowczis obseruabatur)

furtim sublato, Ritharium unum ex Ducibus. Omnes viros qui secum una morabantur, interficit. Alterum quoque Polomczonum Ducem Ithlar, apud unum ex Boiariis Russiae Rathibor nomine hospitatum, missis aliis militibus Wladimir cum omni sua comitica obtruncat. Ea caede expleta contrahunt Suiatopelk Rionien et Wladimir Pereaslauen Duces, quanto maiores possunt copias, Ducem insuper Olch requirunt, ut illis, laturus sua contra Polomczos auxilia, adueniat. Quo pollicente, sed vafro ingenio in aliam diuertente viam, Suiatopelk et Wladimir, Stationes Polomczonum, nihil hostile veritas, inuadunt. Et pluribus qui resistere audebant trucidatis, caeteram imbellem turbam feminarum, impuberum, paruulorum, pecorum, camelorum, et equorum captiuant, et in Russiam deducunt. Indignati autem vehementer Duci Olch, quod promissa sua variando, ferre illis auxilia distulisset, mittunt nuncios qui eum corripiant accusentque, quod contra hostes communes et infestos, in commune rescindendum periculum non venisset, deinde rogent, ut filium unius Polomczonum Ducis Ithlar apud se asseruatum, aut tradat illis, aut necet. Sed cum utrumque non se facturum respondiisset, odium in se graue tam Ducem quam militum Russiae concitauit. Non quieuerunt posthac Polomczj, sed nouo exercitu comparato, Castrum Vihrom Ducis Suiatopelkonis aestate integra circumfident, fuissetque illis deditum, nisi Suiatopelkus missis muneribus, Polomczos placatos, discessionem effecisset. Succedunt Polomczis Rutheni, et xxviii. Augusti terras Russiae in magna multitudine ingressi, vastant illas. Davide Suiatoslawicz Duce Nouogrodensj ex Nouogrod in Smolensko discedente, Mieczslaus Wladimirouicz petentibus Nouogroden venit ex Kholm. et Nouogrodensem occupat Ducatum.

Anno Domini 1090.

Rutheni a Polonorum imperio desciunt.

Fluxam et dubiam fidem post Boleslai Poloniae Regis in Hungariam discessionem, terris Russiae (qua et hereditario et iurebellico sub regimine eiusdem Boleslai Regis in Regni Poloniae concesserant ditioem) praesferentibus, et propter Regni Poloniae mutationem, in rebellionem spectantibus, Ducis Mieczslai morte secuta, et apud Ruthenos vulgata, cui terra illa et consortis nuper traducta, et paterno maternoque iure debebantur, in rebellionem apertam prodierunt, solutosque et iugo et fœdere, quo vel Boleslao Regi, vel Mieczslao suo filio

editos ingenue fatebantur, in commune pronunciant, armisque correptis Capitaneos
& Praefectos Polonorum de Castris & munitionibus Ruthenicis, quae sine praesidio
fidelium militum tenebantur, exturbant & depellant, aliquos pecunia cor-
ruptos, alios fame maceratos, de Castris & munitionibus excedere cogunt. Qui
vero dolo & fraudibus aut largitione periculi non poterant, longa obsidione Ru-
thenorum victi, Wladislao Polonorum Duce vel dissimulante vel negligente vel
aliis bellis & Rebusp. implicato, opem obsessis ferre, de dendis Castris &
fortaliciis cum Ruthenis paciscuntur. Itaque sub unius anni tempore, terra-
rum Russiae iuxta & continuata possessio, propter Principis desidia a Polono-
rum ditione subducta est, Ruthenis non tam ex iniusto et auaro regimine quam
ex vitio in fide disparitate Polonorum imperium quam maxime abhorrentibus ~

*Inter Wladislaum Bohemiae Regem et
fratrem ipsius Jaromirum renouatur dis-
sensio, verum morte Jaromiri cito sopitur ~*

Inter Bohemiae Regem Wladislaum & germanum suum Jaromirum
alias Gebhardum Pragensis Episcopum, quibusdam similitudinibus indi-
et gliscentibus, quas assentatorum, quibus aures Principum continue prae-
riunt, promouebat assertio, etiam sopitum pro Ecclesia Olomuncensi repellit.
lat incendium. Visus siquidem Wladislao Bohemiae Regi Jaromirus Pragen-
Episcopus nimium suis votis & actionibus rebellis, aduersus, arrogans, & insolens,
primum in illius opprobrium & contumeliam Wiszegradensis fundata est Eccle-
sia, nulli nisi Apostolicae auctoritati immediate subiicienda, & Olomuncen-
Ecclesiae, sola Regis Wladislai dismembratae, Presbyterum Curiae Regiae Veli-
nomine in Pontificem praeficitur. Depulsurus & ignominiam & iniuriam Jaromirus
Episcopus Pragensis, Pontificem Romanum adire constituit, & in eundo ad
virum beatum Wladislaum Hungariae Regem, illius intercessionibus & auxi-
liis causam suam fulciturus, declinauit. Quem cum Strigonii offendisset su-
bito languore correptus, sub breui tempore dolore grassante, diem obiit. Ex-
quo facilius Ecclesiarum Pragensis & Olomuncen. Rege Wladislao procu-
rante, sequestratio successit. Et in omnes Jaromiri Pragen- Episcopi locum duo Pon-
tifices vti Cosmas Pragen & Andreas Olomuncen suffecti sunt ~

Anno Domini 1091.

*Pomerania et Prussia rebellantes a Wladislao
Duce Polonorum per bellum subiugatur ~*

Defectio Russia a Wladislao Polonorum Duce cum iniuria tolerata Pomeranos Prussosque in similem defectionem pertraxit. Qui obedientia subtracta, tributa solita Ducali fisco pendere interdicunt, eosque Praefectos et Capitaneos, qui idem cum illis non sentirent aut necant, aut contumeliosis affectos, depellunt. Non secus quam par erat Wladislaus Polonorum Dux, huiusmodi commotus iniuria, bellum contra Pomeraniam et Prussiam indixit, copiasque omnes suorum Principatuum pro festo Sancti Ioannis Baptistae in metas iubet convenire. Quibus iuxta edictum convenientibus terras Pomeraniae ingreditur, et Castra ac munitiones plerasque conquirit, agros eorum depopulatur, vicosque exurit, Pomerani cum barbaris Pruthenis iuncti, non placandum sibi Dominum naturalem et haeredem, sed bello aggradiendum decernunt, congestoque valido exercitu Wladislaus Dux in festo die Assumptionis beatae Mariae circa flumen Peczem occurrunt, aciebusque dispositis Ducis Wladislai exercitum, propter diei celebritatem, eo die pugnam detrectantem inuadunt. Ea necessitate impulsus Wladislaus Dux, suos et ipse arma in grandi se versari conspiciens periculo, iubet capeessere. Praelium atrox initur, Pomeranos enim et Pruthenos male praesumpta accendebat defectio, Polonos indigna rebellio. Iam praelium in maiorem diem partem, utraque parte pro victoria incumbente, extractum erat, cum ordines Pomeranorum et Pruthenorum rarescere, pedem subinde referre, et post paululum in fugam agi ceperunt. Fugientes Polonus largissimo itinere persecutus est, magnaque caedes in fugientes ab ira aedita, cum magna iucunditate residuum diei a Duce Wladislao et exercitu absumptum est, omnisque tunc obtenta victoria, beatissimae genitricis Dei suffragiis deputata. Hac pugna Pomerani et Prutheni fracti, ad obedientiam reuersi, se suaque omnia Wladislao Ducitradunt, veniamque certatim deprecantur. Quam ille facile eis concessit, existimans eos fideles futuros, singulas tamen munitiones principales et Castra, ab eorum potestate et regimine auferens, suis ea probatis militibus regenda distribuit, nonnulla vero ea praesertim quae in finibus terrarum consistebant, quo maior adimeretur Pomeranis et Pruthenis rebellandi occasio, dirui aut incendi iussit, omnibusque debito ordine compositis, ad sedes suas cum victoria et incolumi exercitu rediit.

Liouonia ad fidem Christi conuersa.

Circa eadem tempora, tempore Celestini III. Papae, per operam Meinhardi Episcopi Liouoniae, Liouonia ipsa ad fidem Christianam conuersa est. Cui successit frater Bertholdus a Liouonitis occisus. In cuius locum Albertus substitutus, residuitatem Liouoniae ad puritatem fidei

reduxit, Rigensem Metropolim & Civitatem Gortorum, & aliquot Epatus in Livonia auctoritate Apostolica fundat & dotat, & ordinem Canonicorum Regularium in Ecclesia Rigensi, in qua annis triginta sedet instituit.

Wratislaus Bohemiae Rex contra Othonem et Conradum fratres suos arma movet. Vbi Othone mortuo Conradus Wratislaum reconciliatur, et postea ab eo Regni successor ordinatur filio Brzetislao neglecto.

Infestum validoque exulceratum odio Wratislaus Bohemiae Rex animus erga Germanos suos Conradum & Othonem gerens, ea vel maxime suspitione percussus, quod Regnum Bohemiae se moriente filio excludere illos rebatur invasuros, portionem eorum Moraviam gravi agmine ingressus Olomuncz Civitatem & alia oppida quae iuris Othonis fuerant capit, filiumque suo Brzetislao tenenda committit. Sub hac contentione Othone, duobus filiis Sviatopelkone & Othone relictis, morte subtrahito, in Conradum fratrem residuum crudelius saeviens, Brumam sortem eius obsidere capit. Sub qua filius eius Brzetislauus Baronem maiorem Sclerach cuius opera Wratislaus Rex in bello plurimum utebatur. Ob id quod sibi stationem prope undas, quibus laesive se abluere consueverat, dari Regem faceto magis quam digesto sermone rogauerat, dolose ad se accitum, Conrado etiam patruo iuuenis suapte feruentem exacuate iram, interemit. Scelereque perpetrato paternam sentiens incanduisse iram, in alteram partem fluminis, sequente se magna exercitus parte, sua transfert tabernacula. Et quamvis reconciliatio inter patrem & filium. Virtpurga uxore Conradi agente, fuisset secuta, filius tamen parum illi fidens, versus Grodek processit. Pro qua re patre altius offensus, & a Conrado fratre, pro nepote se opponente, placato, Brzetislauus ipse non audens de patre amplius confidere, ad beatum Wladislaum Hungariae Regem confugiens, usque ad patris mortem in Hungaria prope Thenczin in Districtu Baronum degit, Wratislaus quoque Rex de filio ulturus Conradum fratrem sibi in Regno successorum ordinavit.

Wratislauiensis Ecclesiae Episcopus Petrus primus cum annis uno de triginta in Ecclesia Wratislauiensi praesedisset diem in bona senectute obiit, & in Ecclesia Wratislauiensi sepultus, Ziroslauum primum Wratislauiensem Praepositum genere nobilem de Domo Rosae in terra Cracouien' ortum, via scrutinii electum habuit succorem, Cui facile & Wladislaus appellatus Hermannus, Dux & Monarcha Regni Poloniae filius Cazimiri & germanus Boleslai Poloniae Regum assensus est, a Martino I. Archiepiscopo Gnesni in anno subsequenti ipse Ziroslauus apud Civitatem Calisch fuit consecratus.

*Ducum Russiae cum Polonezis, ac
Olch Duce Russiae per fido varia bella*

Afflictioni terrarum Russiae, quam illi Polonezonum intulit saevitas, Sviatopelk Kiiouensis, & Wladimir Czermeiouiensis Duces pro, uisuri, Conuentum apud Kiiom instituunt. Missisq; ad Olch Ducem nunciis, precantur ut & ipse illuc veniat, arbitrio Episcoporum, Monachorum, & Boiarum in ordine super terrarum Russiae & Polonezis consensurus. Qui Legatorum verba irridens & ostentui habens, non adducetis, respondet, ut Episcoporum, Monachorum, & vilium personarum caput substernam meum. Quo responso Sviatopelk & Wladimir Duces offensi in Olch primum quam in Polonezos vertunt arma, qui a facie eorum ex Czermeioui fugiens in Starodub se recepit, ubi a Sviatopelkone & Wladimiro Ducibus vallatus & conclusus, obsidionem triginta duobus diebus tolerauit. Fame tandem illum & viros qui cum illo erant perueniente, pacem petit, offerens se in Ducum Sviatopelkonis & Wladimiri potestate futurum. Qua misericordia Ducum obtenta, & obsidionem solunt, & ut germanum suum David in Kiiom abducat illi praecipunt. Qui non solum obedienter, sed & iureiurando cruce deosculata, obtulit se imperata facturum. Interim Dux Mamak cum Polonezis venit contra Kiiom, & multis spoliis ac damnis commissis, Curiam Ducalem in Berestow comburit. Tuhortkan insuper alter Polonezonum Dux, & Sviatopelkoms socer venit cum Polonezis contra Pereaslav, sed Sviatopelkone & Wladimiro defensionem opposentibus, decima nona Iulii ad flumen Trubosza pugna committitur. Et victis Polonezis, etiam Dux eorum Tuhortkan & filii eius occiduntur. Polonezi autem nihil hac clade territi, nouo instaurato exercitu, tam silenti agmine in Kiiom perueniunt, ut parum abesset quin Castrum Kiiouien neglegenter custoditum caperent. Qua spe sua frustrati, templa, Monasteria, & rura incendunt. Prauaricato Dux Olch iuramento, in Conuentum Ducalem venire fastidians, exercitu congesto Ducatum Moromos qui ab Isaslao filio Wladimiri Ducis Kiiouien tenebatur, asserens illum ad se velut paternam hereditatem pertinere, inuadit. Sexta autem die Septembris Isaslau cum militia sua Olch occurrens, confligit, & utroq; pro victoria admitente, Isaslao occiso, cedit Olch victoria, militibusq; Isaslai, in varia loca diffugientibus, Olch Dux in Castrum a Moromosensibus acceptus est. Etiam Roskow Castrum deditibus se illi Postouien & tributa pendentibus, in suam retorquet ditionem. Potentiam autem Ducis Olch eiusq; tyrannidem Msczislau filius alter Wladimiri & germanus Isaslai occisi, qui in Novograd residebat, veritus, missis ad Olch nunciis

offert se & spondet illum & p̄i Wladimiro Duci Kiuuien' & sibi, non ob-
stante quod fratrem suum Isassum occiderit, cum non solum Ducum sed &
Regum & Caesarum, saepe caedes contingat, reconciliaturum. Olch autem
Nouogrodensem ambiens Principatum, & sperans se Msczislau de illo facile
pulsurum, nunciu Msczislai absq̃ responsō remissis, hostiliter Nouogrodem re-
gionem inuadit. & Iaroslao germano suo ad specula praemisso, ipse in Thuro
cum exercitu consistit. Iaroslao autem speculandi gratia longius quam sat
erat progressus, a Msczislao & eius militibus intercipitur. Quo euentu Dux
Olch territus, secedit in Rostom, Msczislao illum persequente. Capit au-
tem Msczislao Castrum Sasdam & incendit illud. Olch vero sibi praeca-
uens fugit in Moromos, cum quo Msczislao missis nunciis, pacem componit &
exercitum suum dissoluit: existimans animum natura tyrannicum & in caedes
procliuem sua modestia sanaturum. Sed Olch intelligens Msczislau cam-
pum soluisse, facere violato cum suo agmine contra illum venit. Qui a fa-
cie Olch fugiens, militibus ad arma vocatis, Olch eum persequenti occurrit.
Quatuor quoq̃ diebus congregi differens in Castris se continuit: gentes ex
Kiuuien' & Polomczis & fratrem Msczislau in sui auxilium a patre Wla-
dimiro transmissos, de quo per nunciu auisatus erat, praestolatus. Quibus
aduenientibus, cum Olch militibus Msczislai pedestrem pugnam cientibus con-
greditur. Et pugna acerrima inter utrosq̃ feruente praeualet Msczislao
& Olch victus fugit in Moromos, Vbi Duci Msczislao a quo victus fuerat
per communes milites reconciliatus, non existimans se amplius in terris
Russiae, post plures dolos commissos tutum fore, cum nonnullis militibus in
Pessanos profugit. Quem Msczislao Dux persecutus, & milites qui secum
una iuerant, & ipsum Olch Ducem verbis dulcoratis, plenam spem redolen-
tibus, altoquitur. Turpe est, inquit, tibi, turpe nobis fratribus tuis, turpe
& militibus tuis, ut in alienis terris exul & calamitosus delitescas, fa-
bulam de te hostibus & inuidis, his quoq̃ apud quos commoraturus es, fa-
cturus. Reuertere itaq̃ in terras Russiae, ubi securior poteris habitare.
Non adeo maligni sunt fratres tui Duces Russiae, ut tibi omnia mala quae
in illos & terras illorum commisisti, dummodo facinorum tuorum te penite-
at, non ignorent. Quo huiusmodi verbis pollecto & acquiescente, ipsum
& milites suos ex fuga reducit, et reuersus Olch Msczislao permittente
& fauente, intrat Castrum Nouogrod.

Anno Domini 1097.

*Wladislaus Polonia Dux Pomeraniam iterum re-
bellantem vastat. Iamq; in Poloniam onustus spo-
liis et præda regrediens, cum superueniente hosti:
um exercitu, ut dubio, ita et acri certamine con-
fligit, donec hostes nocte urgente fugerent &c.*

Ferias sibi Wladislaus Dux, conatibus Pomeranorum & Prutheno-
rum oppressis, agere eo anno videbatur. Sed extemplo illi affertur
nuncium Pomeranos & Pruthenos obstinatius rebellionem induisse,
& peste recidiva Capitaneos & Praefectos suos, aut suppliciis aut mor-
tibus destinasse, paucis qui sibi iustius benigniusq; imperabant vitam in-
dulsisse. Atrocitate iniuriæ permotus, Wladislaus Polonorum Dux ea-
bili incanduit, ut & suorum iniustas neces ulturus & Pomeranorum
Pruthenorumq; rebellionem oppressurus, cum parua militum exercitatio-
rum tamen manu (quoniam alios tempus intempestiuum acciri prohibebat)
in mense Februarii ad Pomeraniam intrepidus se contulit. Bipartitisq;
cum Setegio Palatino Cracouien' & Militiæ Principe agminibus, gressu
citato uniuersam peragrat Pomeraniam & Prussiam, spoliisq; & exustio-
nibus vicorum milites iubet intendere. Integra illic ferè Quadragesima
moratus, militibus non custodientibus ieiuniorum legitima, magna vi ca-
ptiuorum, pecoris, & spoliis congesta, Pomeranis. & Pruthenis in syl-
uis & locis inanibus se continentibus, neq; copiam bellandi facientibus,
ex Pomerania regrediebatur, in locum quoq; qui ab incolis Drzen dicitur,
quem fluuius Nakiel circumfluit peruenerat, dum speculatores à tergo re-
licti denunciant non contemnendam Pomeranorum & Pruthenorum multi-
tudinem superuenisse, nec longius quinque miliaribus à Castris Ducalibus
abesse. Paucitas siquidem in exercitu Ducali per Pomeranos & Pruthenos
conspecta, ut arma viritum corripere, prædasq; suas eriperent, & Wla-
dislaum Ducem nusquam aliàs opportunius profligerent, illis animos fecerat.
Diu secum & cum his qui ordines ducebant Wladislaus Dux deliberans,
consereret ne cum hostibus, frequenti numero copias suas excedentibus, ma-
nus, an se tempori meliori reseruaret, diuersis (ut fit) varia sentientibus
hæc tandem sententia vicit. Satiuscq; visum est honestè dimicare, & ani-
mas effundere, quàm inglorios & de fuga notatos reuerti. Signis itaq; col-
latis, nonnullis debilioribus ad sarcinas & prædas relictis, durum inter
utrosq; prælium feruebat, ancepsq; Mars, neutra acie inclinata, spectaba-
tur ambigui spe, Polonis ne an Pomeranis victoriam esset largiturus. Dum
Pomerani in locum deficientium aut sauciatorum integris submissis, pugnam
in pluribus locis inclinatam renouant, multitudineq; suæ parti destinarent

victoriam, Poloni militum perilia obstinatisque ad moriendum animis impetum hostilem reuellebant. (incredibile id forte quod relaturus sum plerisque videbitur, sed de eo omnes Annalium Scriptores consentiunt) tantus utriusque parti ad consequendam triumphum gloriam fuit ardor, ut usque ad tenebras pergnatum sit: cum hora tertiarum pugna cepisset. Instante crepusculo Pomeranorum acies pro victa abiit, nemo tamen abeuntem ex Polonis insecutus est, sauciatas fere omnibus fessis. Plures quoque in tam producta et intensa pugna desiderati quam capti erant, Pro triumpho a Polonis habitum est non cecisse, neque praedam partam dimisisse.

Tertia Wladislai Polonorum Ducis in Pomeraniam expeditione Castrum Nakiel obliatione cingitur, Poloni vero visione quadam noctu frequenter perterriti, Castra sua deserunt, quibus ab hostibus disiectis re infecta Poloni redeunt.

Memorabili pugna edita, diu in praelii loco Wladislaus Regni Poloniae Dux cum suis deliberandus, quid facto opus esset, substitit, pergeret ne quo ceperat itinere in Poloniam ire, an remearet in Pomeraniam, paucosque et metu percussos Pomeranos, non dato ad respirandum sed nec ad consultandum spacio, debellaret. Probatur haec a singulis posterior via, pecus tamen hosti ablatum, et frequentes in caeteris rebus praedae, vulneratorum quoque in proximo certamine numerus, et militum paucitas, adhuc insuper instans Dominicae Resurrectionis dies celebris, et tempus intempestum, redire in Poloniam inclinarunt. Paucos tandem dies in sedibus Ducalibus, sub quibus militum frequentior non ex Polonia solum, sed et ex Bohemia numerus conducere posset, immoratus, in Pomeraniam cum potenti et numero remeabat exercitu, gestam pridem periculoso certamine pugnam, si Pomerani et Prutheni decernere ausi essent, non proprio tantummodo milite, sed etiam externo (plures enim sibi milites laturos auxilium donatio accepto ex Bohemia adveniant) illustraturus, fidens humano brachio, a caelesti desertus Pomeranis inter latibula se continentibus, et discrimine prioris pugnae fractis, cum novo et recenti milite congregi fastidientibus, Wladislaus Dux Polonorum inops consilij, quo ordine bellum hostibus inferret, iam enim et propinqua et remota terra Pomerania loca ab hoste et propriis vexata, ampliore vastationem non sumebant. Castrum Nakiel (ibi enim plures dicebat Pomeranos, et ad tuendam munitionem, et ad faciendum in Polonia irruptionem,

conuenisse.) obsidione vallauit. In qua obsidione Polonorum exercitus noctibus ferè singulis, umbris quibusdam armatorum speciem praeferentibus, ludificatus, consurgere cogebatur in arma, somnoq; soluti milites de impro- uiso turbabantur, quod omnia repleta hostibus crederent. Metus quoq; & tenebrae noctis caligo non patiebantur ludibrium dignoscere, & quod me- tuebat animus, praefigurabat oculus, mentis quoq; pauor fiebat imago visus. At ego ominor, ex nocturno & lunari iubare, quod ferè tunc semipleno lu- cebat orbe nocte concubia radiosq; monstruosos functeret, militumq; Polo- nici exercitus feriendo terga longissimas prae porrigeret umbras, vano singuli, re ad plenum non discussa, neq; ad liquidum examinata, cape- rentur errore, crederentq; quas ipsi faciebant umbras, hostibus iam su- peruenientibus & eos inuadere gestientibus, turmas esse. Quo timore acti corripiebant arcus, arma gladios, tella & sagittas, quasi extemplo cum hoste discrimen pugnae imituri. Cumq; diutius hanc ludificationem perferrent, no- ctium una eadem pauore expergescenti hostes consecuturi, aut quid nam rei in ludibrio esset experturi, certatim & Castris prosiliunt, longiusq; quam ob- sidentibus conueniebat progressi, nihil aliud quam umbras & vana quaedam phantasmata se tandem consecrari agnouerunt. Sub illo tamen eorum impro- uido de Castris egressu, hostes ex Castro Nakiel irruptione facta, igne in Stationes & tabernacula, quae plerumq; stramine aut gramine desicca- to operta erant, immisso, grande excitauit incendium, quo homines aut res plures periere. Machinisq; & operibus Castrum quatientibus periculis il- lata, inutiles eas decetero reddidit. Hyeme insuper quae in oris illis cele- rior asperiorq; prouenit, appetente, cum nonnullos Bohemos fames affligeret, quosdam algor frigoris grauaret, Wladislaus Dux Castri Nakiel expugna- tione, cum a Pomeranis probe defenderetur omissa, irrita caepo Gnesnam rediit. Ex quo mirum in modum Pomeranis creuerunt animi, in magnamq; superbiam erecti, nihil de semel arrepta rebellionē laxauerunt. Haec autem ignomi- niosa vexatio, creditur tunc Polonis propter Quadragesimalem ieiunii viola- tionem, gulosius quam temporis ferebat qualitas in carne aut lacte edaci- tate, intensa, contigisse, prout quibusdam timoratis & deuotis uiris caelesti oraculo reuelatum est. ~

Decima nona Augusti die Petrus Gnesnensis Archiepiscopus, dum annis quatuor & viginti Gnesnensi Ecclesiae praesedisset, moritur, & in Ecclesia Gnesnensi sepelitur, pusillanimus & cunctator. Cui Martinus primus ge- nere nobilis & religione insignis, per electionem Canonicam successus est, & ab Urbano Papa secundo, Wladislaus Duce & Monarcha Regni Poloniae prouisus ~

*Wratisslaus Bohemiae Dux moritur. Cui Conradus
frater succedit, quo itidem citò mortuo Brzetisla-
us Wratisslai Regis filius Regnum accepit.*

Febre valida Wratisslaus Bohemiae Rex correptus decimo nono Calen-
das Februarij Pragae moritur. In Ecclesia Wyssegradensj, cuius
ipse primus fundator extiterat sepelitur. Alii non ex febre sed ex
casu ferunt illi mortem accidisse. Dum enim uidus in uenatione feram inse-
quitur, cadens de equo fracta ceruice interiit. Germanus suus Conradus iux-
ta illius dum uiueret ordinationem, filio Brzetislaui qui in exilio Hungariae age-
bat neglecto, consensu Episcoporum et Baronum accepit Diadema. Hic quoque cum
mensibus septem et duobus de viginti diebus Bohemiam rexisset, Octauo Idus
Septembris anni eiusdem absumptus est. Veriusque itaque morte patris uel et pa-
trui Brzetisslaus audita, derelicta Hungaria Pragam adueniens, à Clero et po-
pulo debito honore susceptus, octauo Calend' Octobris, in regimen Regni substitu-
tus, non tamen in Regem est coronatus, religionis Catholicae primum se deuo-
tum cultorem gerens, omnes ritus et superstitiones gentilium, omnes Phitones, Phi-
tomsasque, Haruspices, Ariolos, et sacrilegos erasit de terra, quibus sub regimi-
ne patris sui Wratisslai Bohemia abundabat.

Anno Domini 1093.

*Wladislaus Poloniae Dux Pomeraniam
quarto ingressus, caede et incendio omnia
complet, et libi rursus parere cogit.*

Congesta et equestrium et pedestrium ex omnibus suis Dominiis vali-
da manu Wladislaus Dux Polonorum, Pomeraniam primo aestatis tem-
pore repetit, et Castrorum munitionumque expugnatione omissa agros
vastans, et loca quae uel relicta uel deserta fuerant exurens, Pomerania
uniuersa peragrata, ad Pruthenos Pomeranorum auxiliares diuertit, parique
vastatione et incendio Pruthenos affligens, magnum et hominum captiuorum
et pecorum numerum illic conquisitum secum deuexit. Ea expeditione Pome-
rani et Prutheni singulis fortunis, quae illis rebellionis spiritum ingesserant, exu-
ti, adeo fracti humiliatique sunt, ut missis ad Wladislaum Ducem Legatis, si
errori eorum ignouerit, se plenam obedientiam et deditiorem facturos offer-
rent. Dux Poloniae Wladislaus Legatis pro tempore benigne respondens, et bo-
num animum eos et caeteros qui seditionis causa non existerent habere iubens,

iussit ut singuli ad eum conuenerent, reconciliatorem illic suam cum Domo, no & herede naturali firmaturi. Quibus conuenientibus seditiosos omnes & qui rebus nouis inhiabant, aut pena capitis mulctauit, aut in alios transfudit Principatus, reliqua multitudini pepercit ~

*Brzetislaus Bohemiae Dux inopinatus hostis
Polonorum regiones caede et spolijs vastat ~*

P Omeranico bello Wladislaus Poloniae Dux, Brzetislaus Bohemiae Dux occupatum intelligens, atque ad interiora Pruthenorum cum omnibus copiis transgressum, quanto maiori poterat exercitu collecto, Regnum Poloniae & eius terras hereditarias & naturales, Albæ flumini conterminas ingressus, illas igne & spolijs vastabat, vacuas quoque eas tunc militibus reperiens, cum hostilitatem suam Wladislaus Poloniae Dux minimè suspicatus, ex omnibus Principatibus suis milites in Pomeranicum bellum adieuerat, liberius eius vastationi intenderat. A Castro quoque Grece supra Albam sito, quod iuris Polonorum erat, incium sumens, usque ad fluentia Odre grassabatur, Causam falsè licet, belli confingens, oram illam datam quandam debitam non perdisse, re autem vera spolijs regionis, ea tempestate pecore opulentæ, suam & suorum esuriam, visa opportunitate, impleturus ~

Anno Domini 1094.

Exercitus Polonorum in Bohemiam mittitur, cum quo Le Boleslaus Wladislai Ducis Poloniae filius mitti summo studio a præ contendens impetrat. Vastatur tandem Bohemia, & Boleslaus puer mira futura indolis eo tempore declarat indicia ~

Pro temerario & iniusto bello per Brzetislaum Bohemiae Duxem terris Poloniae anno superiori illato, Wladislaus Polonorum Dux iustas concipit iras, parat exercitum ex omnibus terris suis, auxiliarem etiam mercède conductam ex Hungaris Bohemisque, Brzetislaum Duci suapte infestis, comparat manum. Quod bellum illi tractanti, & maius aliud, quod tam Moravia quam Bohemia inferre ea æstate parabat, in animo volenti, subitus obrepsit morbus. Nihil tamen de vice Brzetislaum rependenda remittens, Setegium qui & Szieczwiechom Palatinum Cracouiensem & Principem Militiæ, virum ea tempestate in armis & singulis operationibus Reip. magni precii, cum comparatis conuenientibusque

equeſtribus & pedeſtribus copiis, in Morauiam tranſmittit, hæc enim vicinior
opportunaq̃ ad vaſtandum videbatur. Committit autem Wladislaus Polo-
norum Dux Principi Militiæ Setegio, ut Caſtrorum impugnatione & Ciuitatū
omiffa, obuia quæq̃ igne & vaſtatione contereret. Hæc mandata Bole-
ſlao Duci Setegio danti, Boeſlaus filius aderat, ſingulasq̃ inſtructiones &
monita patre adente, ſcrupuloſius quàm illi conueniebat ætati, notabat. Cum
verò ardorem gerendi belli, quem pectus adoleſcentis in infirma licet ætate hau-
ſerat continere non valens, flagitare cepit patrem, ut ad bellum Morauicum
cum Setegio vnâ mitteretur. Patre verò abnuente, vnicus enim & charus erat
illi, & difficultates periculaq̃ belli, ad quas perferendas, maiorem ætatem re-
quiri declarabat, Satis, inquit, & annorum & virium mihi eſt (non enim an-
num agebat) ſi tu optime genitor indulſeris. Quo tam faceto dicto expugnatus
pater, permittit illi ad bellum Morauicum cum Setegio eundē poteſtatem. Tan-
ta autem Boeſlai pueri in expeditione illa virtus, tanta diſciplinæ militaris
apprehendendæ ſollicitudo, non à Setegio tantum Principe militiæ, cui cura iue-
nis à patre mandata fuerat, ſed ab vniuerſo exercitu conſpecta eſt, ut sæpè
inter milites nocturnas obſeruantes excubias, ſomni æſtusq̃ patiens, integro vi-
giliarum tempore, verſaretur. Et ſi quando ſomno preſus foret, ſagulo tantūmo-
do oppreſſus militari, nuda humo teneros componebat artus. Si verò quando aut
hoſtes propulſandi aut inuadendi eſſent, ad primos accurrebat dimicaturus, niſi à
Setegio ſubmoueretur ordines, pugnandiq̃ depoſcebat munus, cuius nondum euase-
rat inſpectator legitimus. Setegius ut illi à Wladislao Duce mandatum fuerat
vniuerſa Morauia igne & ſpoliis vehementer afflicta, magnam ſecum vehens præ-
dam, magnum quoq̃ captiuorum numerum (quippe in aliquot particularibus cer-
taminiſ de Morauis triumphauerat) in Poloniam cum nouo tirunculo Boeſlao
vniuerſo exercitu certatim tirocinium Boeſlai efferente, reuerſus eſt. Non ſo-
lūm enim tunc, ſed & in ipſa mox adoleſcentia, Ducale & Regium ſul-
gebat in Boeſlao decus, euidenterq̃ iam monſtrabat expectatūnem de ſe
futuræ Domui & militiæ probitatis. Fortis quoq̃ & heroica natura
ne tū quidē in eo, quamuis ephēbo, latuit. Quāprimū ex ephēbis ex-
ceſſit, prima militiæ arma & graue Martis opus, ad iuſtum Polonorum impe-
riū propagandum augendumq̃, induit. Verbera, opera, cogitationes, ita modera-
ri ſolitus, quaſi patrem uſquaquaq̃ adēſſe cerneret.

Horrenda & ſine exemplo, anno hoc Almamiam peſtis inuadens, adeo in ſingu-
los ſtatus graſſabatur, ut multæ Vrbes, vici, villagria, & oppida ſublatis habi-
tatoribus, deſerta remanerent. Ea tamen lues propicio Deo à Polonis & eorum
regiōnibus non ſentiebat̃.

*Conuentionem gnālem Duces Russiæ celebrant &
concordiam inter se communem iurciurando firman
Hanc Suiatopelk Dux Kiouien Duce Vaszilkone
excecato violauit, et denuo varia bella nascuntur R.*

Ordinem pro defensione terrarum Russiæ à Polomczis barbaris plurimum
afflictarum, Suiatopelk Kiouien, Wladimir, David Hreorowicz, Va-
szilko Rosczislauicz, David Suiatostlauicz, & frater Olch Duces Rus-
siæ, posituri, in Lubijecz conueniunt, & suis ambitionibus suisq; passionibus
inrepatitis, quod bello intestino se collidendo inuicem, barbaros Polomczos effice-
rent victores, communi conclusione decernunt, quod quilibet paterna sorte con-
tentus, alterum in sua portione non molester. Sanciunt insuper ut Suiato-
pelk teneat Kiou, Wladimirus cum filio suo Isasslaw Wladimiriam, David
Suiatostlauicz & frater eius Olch, Pereaslaw, David Hreorowicz & Vaszil-
ko Rosczislauicz, Przemisl & Trembowlia. Iuxta quam sanctionem fedus
ictum & iuramento firmatum est: communis hostis habendus, si quis illud fue-
rit prauaricatus. Ingenti gaudio Ruthenorum milites exhilarati, quod Du-
ces suos in tam iussam & uniformem conclusionem intellexerant conuenisse,
domos regrediebantur. Sed Satban illico nectit inter Russiæ Duces nouum
discordiæ seminarium. Suiatopelk enim Kiouiensis Dux, suspectam habens
Vaszilkonis Rosczislauicz erga se fidem, cum David Hreorowicz conspiratio-
ne facta, Vaszilkonem ad se in Kiou in pace uenientem, primum captiuat,
& diu licetoribus cum pramentibus reluctantem in Lmigrod deductum utroq;
oculo cecat: ratus eo incolumi non se & filios suos tutè sedem Kiouensem
posseßurum. Fleuit autem Wladimirus qui & Wolodor cecitatem fratris
sui Vaszilkonis fletu magno, asserens nunquam tam execrandum nefas apud
Ruthenos contigisse. Conuentione tandem Wladimir cum David & Olch
Suiatostlauicz facta, mittunt Nuncios ad Suiatopelkonem Kiouien Ducem.
Quam grande, inquit, & quam horrendum facinus, cecando fratrem nostrum
communem Vaszilkonem, patraueris, perpendere te non dubitamus. Qui & si
in te quam grauissimè deliquisset, cogissemus illum apud nos conuentum & cor-
uictum ad iustificationem. Suiatopelk in sui excusationem, conficto responso
usus, astruebat pro certa & explorata re didicisse, Vaszilkonem & in suam
necem, & in suorum Principatum occupationem, conspirasse. Quo responso
Wladimirus, Olch, & David magis irritati quam molli, cum copiis gentium su-
arum, contra Kiou & Ducem Suiatopelkonem procedunt. Non sustinuisse
eorum aduentum, facinoris conscientia eum deterrente, Suiatopelkus, fuge;
requ ad Polomczos parabat, nisi à Metropolitò & Primis Kiouien benè sperare

iusus esset. Qui occurrendo Wladimiro, David, & Olech Ducibus, & exerci-
tibus eorum, humili supplicatione deposcebant, ut armis depositis, Szwiatopel-
koni & David veniam tribuerent, desinerentque in propria viscera grassari.
Tracti autem & expugnati Duces sermonibus tam supplicibus, nouo cum Szwia-
topelkone Duce iuncto facere discedunt. Cæcatione autem Waszilkonis Da-
uid Hreoromicz non contentus, parat se ad inuadendum eius Principatum, sed
audiens sibi à Wladimiro fratre Waszilkonis si progredieretur, tensas insidias
paratas, in Busko se recepit. Vbi à Wladimiro illic obseſsus est, Wladimiro
autem eum increpante, quod post facinus in fratre illius admissum, non ad pæni-
tentiam sed in aliud patrandum scelus animum inuertisset, licet David omne
culpam in Szwiatopelkonem refunderet, aſtruebat se nisi fratrem suum Waszil-
konem quem cæcauerat solueret, in eum animaduersurum. Acqueuit David
soluensque Waszilkonem cum Volodoro pacificatus est. Seditque Waszilko in
Trembomla, David in Wlodimir se recepit. Primo autem Vere venit Wladimi-
rus cum fratre suo Waszilkone cæcato in terram Volhinen contra David, Ca-
stroque Wszewolosz conquisito, incendunt illud, & plures numero homines in
Castro Wszewolosz repertos ulciscendo facinus in Waszilkonem admissum, cru-
delissime perimunt. Applicant deinde exercitum ad Caſtrum Wladimirien,
& obſidione illud conſtringunt, missisque ad obseſſos nunciis, offerunt se omnimul-
titudini parſuros, & obſidionem ſoluturos, si Waszillo & Lazarus eis dedan-
tur. Qua conditione ab obseſſis accepta & impleta, David & Waszilko obſi-
dionem obmittunt, Waszillonem uero & Lazarum, quod causa cæcationis Wa-
szilkonis fuisse perhibebantur, in alto ſuſpenſos, frequentissimo iactu sagittarum
interimunt. Sumpturus autem Szwiatopelk Riuouien Dux de David, qui illum
coram Volodor, Olech, & David Ducibus de cæcatione Waszilkonis inculpau-
rat, ultionem, in Brzeſcie ſe contulit, & à Polonia militibus & Proceribus in
Caſtri Brzeſcie præſidio localis, ferri ſibi auxilia contra David flagitauit.
Qui illo apud ſe in Brzeſcie degere & bene ſperare iuſſo, Polonia Ducem Wla-
diſlaum quid facere debeant conſulunt. David autem Dux aduerſarius Szwia-
topelkonis Polonorum ſuffragia præoccupaturus, quanta poteſt uelocitate, ad Wla-
diſlaum Polonia Ducem ire pergit. Præſentataque illi maſſa auri, ſuppliciter orat
ſibi auxilium contra Szwiatopelkonem à Wladislaſo Duce & Polonis impendi. At
Wladislaſus Polonorum Dux, cui præſtiturus ſit auxilium ex contendentiſus plu-
rimum fluctuans & diſſentus, congregato exercitu ex potiõribus militibus in Brze-
ſcie pergit, ducens ſecum David Ducem, ſperans ſe illum Duci Szwiatopelkoni re-
conciliaturum. Duce autem Szwiatopelkone ſtante in Caſtro Brzeſcie, Polono-
rum Dux Wladislaſus ad flumen Bug ſtatiua ponens, Szwiatopelkonem cum Da-
uid componere & pacificare per tractatus ſecretõ habitos laborabat. Quod
cum facere nequiuiſſet (in exulcerato enim Szwiatopelkonis animo graue odium

contra David insidebat) honoratus magnis à Suiatopelkone donis, in Polonia
 reuertitur: neutri Ducum contendendum sua auxilia praeſtiturus. Mox ergo
 Suiatopelk in Caſtro Wladimirienſi David obſidet & oppugnat. Qui & ſi
 obſidionem ſeptem hebdomadis, ſperans à Wladislao Duce Polonorum auxilia ſu-
 peruentura, toleraſſet: ad extremum tamen Caſtro Suiatopelkoni dedito, ad Du-
 cem Poloniae Wladislauum fugiens, benignè ab illo exceptus, ſolus & habitus eſt.
 Caſtro Wladimir conquiſito Suiatopelk Dux Kiuuiienſis exercitum contra Wlodi-
 mirum & Vaſzilkonem producit, nec illi detractarunt pugnam, ſed ſuis quoque co-
 piis ordinatis quamprimum decernere ſtatuunt. Vtroque autem exercitu ad pu-
 gniam procedente, mittit Vaſzilko nuncios qui dicant Suiatopelkoni. Num pa-
 rum exiſtimas caeſſe me, niſi & animam de corpore excludas? Quo nihil
 reſpondente congregiuntur exercitus, & utroque exercitu acerrimè pugnantemul-
 tis hincinde cadentibus, ceſſit Vaſzilconi & Wladimiro victoria. Suiatopelk
 cum duobus filiis ſuis, item duobus filiis Laropelkomis Ducis, item Suiatoſſao filio
 David Suiatoſſauicz, & alijs militibus qui eum emixe in praelio adiuuauerant,
 non perſequentes eos Wladimiro, neque Vaſzilcone, neque exercitu eius (verebantur
 enim inſidias) in Wladimir peruenit. & Mſczyſlao filio naturali ex concubi-
 na genito, in Wladimir locato, filium alterum Iaroſlauum ad Hungaros, quaſitu-
 rus eorum contra Volodor & Vaſzilkonem auxilia, transmittit, ipſe in Kiuuiam
 nouum exercitum aggregaturus contendit. Colomanus autem Hungariae Dux, Ia-
 roſlai filii Suiatopelkonis tam precibus quam promiſſis expugnatus, venit cum octo
 millibus pugnatorum, duos Ep̄os ſecum habens. Et Caſtris ad flumen Wiar po-
 ſitis, Caſtrum Przemislienſe in quod ſe Volodor receperat, & obſidere & expu-
 gnare capit. Sub eodem autem tempore David à Polonorum Duce Wladislao, a-
 pud quem cum uxore & familijs hospitabatur Ruſſiam reuerſus, uxore apud Volo-
 dor in Przemislia relictâ, ad Polomczos ſe contulit: ſubſidia quae ei contra Suiatopel-
 konem à Polonis negata fuerant, à Polomczis petiturus. Regente autem
 fortuna obuiam habens Polomczonum cum Duce ſuo Boniak turmam, eos in ſubſi-
 dium Volodoro, & his qui apud Przemisliam ab Hungaris obſidebantur, conducit.
 Statiuis autem baud procul à Przemislia poſitis, conſurgens nocte media Boniak
 Polomczonum Dux, vadit in propinquiores ſaltus & ſylvas, & ululatu ædito,
 lupis concurrentibus, & viciffitudinarium ululatum reddentibus, Boniak ad
 ſuos in Caſtra reuerſus, armari illos & certam ſperare ex ſigno quod ex lupo-
 rum ululatu acceperat, iubet victoriam. Alteroque die tripartito exercitu, ſtati-
 ua & exercitum Hungarorum prima turma, duabus reliquis latentibus, inuadit.
 Quae congreſſu facto, dum iuxta Ducis Boniak inſtructionem, victam ſe ſimulans
 in fugam agi cœpiſſet, Hungarorum exercitus debellatam credens, effuſius illam
 inſectabatur. Tum verò Boniak cum Ruthenorum & Polomczonum Ducibus re-
 ſidis turmis, in terga Hungarorum irrumpens eos conſligit & proſtermit. Plurimis

autem Hungaris aut occisis, aut in flumine Wiar suffocatis, ceteri dum in sylvas & montes diffugiunt a Ruthenis & Poloneis, biduo illos persequentibus, aut occiduntur aut captiuantur. Inter quos unus Episcopus Hungariae Cufranus nomine & plures insignes milites desiderati sunt. Colomanus Dux incolumis euasit, quatuor millia Hungarorum eo die, quatuor aliis fugientibus casa referuntur, Castris Hungarorum Rutheni & Polonezi potiti, Laroslaus filius Suiatopelkonis cum paucis fuga euadens, ad Polonos in Brzeschie (neque enim cum Hungaris habere pro ea tempestate contubernium satis tutum putabat) diuertit. David autem Dux ex ea victoria spiritu resumpto, Castrum suum Wladimiriense recuperaturus, obsidione vallauit. Vbi dum inter obseesos & obsidentes crebra fierent pugnae, Msczislauus Suiatopelkonis filius, cui Castrum Wladimir a patre fuerat commendatum, sagittam ex Castro ad hostes emittens, sub ascella ab hostili sagitta percussus moritur. Cuius mors dum quadriduo celata fuisset, quinto demum die morte publicata, obseessi dedendum Castrum David, neque amplius fame labescendum decernebant. Metu tamen ne a Suiatopelkone durius in eos animaduerteteretur illos deterrente, missis ad Suiatopelkonem nunciis, in quantum ex morte filii sui Msczislai, & ex penuria victualium, versentur discrimine, & ne celeriter illis succurrat, dedituros se David Castrum significant. Suiatopelk periculo intellecto, Putatam Palatinum suum ad ferendum laborantibus opem, mittit. Qui Wladimirum cum exercitu habens in suo comitatu, filium alterius Ducis David Suiatoszam, qui de singulis quae in exercitu Suiatopelkonis agerentur, se David opportunè audisaturum astrinxerat, ueniens, statim prope Castrum positus, altero die silenti agmine Castrum ingressus, in David & exercitum eius quiescentem & nihil prouidentem, faciens vehementem impetum, confligit & peruicit illum, Stationibusque illius potitus, soluit obsidionem, & Basilio in Capitaneum constituto, Putata in Kiuu, Suiatosza in Luczko regrediuntur, David uero ad Polonezos fugiens, auxiliis eorum impetratis, cum Duce Polonezonum Boniak Suiatoszam, qui eum fallendo, cladis acceptae auctor fuerat, in Luczko obsidet. Qui fame coactus de Castro Luczko excedens ad patrem suum in Czermieiu contendit, Wladimiriam deinde expugnaturi David & Boniak procedunt. Quorum aduentu Basilius Capitaneus Wladimirien perterritus, antequam uenirent, relicto Castro diffugit, & David tam Wladimirien quam Lucen Castro facili impendio potitus est.

Ordinis Cisterciensis origo

Cisterciensis ordo incipit per Robertum Abbatē & Albericu succorem eius, Et uidentur quasi secundarii reformatores Ordinis Scti Benedicti cuius habent Regulam iuxta quam simpliciter uiuere coeperunt, Curiositatibus & variis abusibus abdicatis, ex utroque ipse Ordo in breui tempore magno incremento, Cuius III. Abbas fuit Stephanus, qui beatum Bernardum cum fratribus suscepit.

Anno Domini 1095.

*Castellum Miedzirzecz a Pomeranis receptum.
Boleslaus puer impetrat a patre Wladislao, se
ad recuperandum illud mitti. Quod breuiac-
quirat, magnamq; sui excitat expectationem.*

Morauico bello Boleslaus Dux infans, ius & scientiam tirocinij sub Setegio siue Szieciechone Palatino Cracouiensi & Principe Militie Polonorum adeptus, dum nunciatum foret Castellum Miedzirzecz, versus oram Saxo-
num situm, per quosdam Pomeranos fugitiuos interceptum esse, & ex illo vicinam regionem pradis & spoliis plurimum afflictam, petit sibi a patre Wladislao Polo-
notum Duce dari exercitum, ad Castellum intercepti conquisitionem, non tironis solum sed Ducis officio se exhibet perfunctorum. Cum diu patrem nequicquam reluctantem multifariis precibus flagitasset, tandem mitti se cum exercitu ad prefati Castellum Miedzirzecz expugnationem peruenit, Setegio tamen Militie Principi parere iussus, ne quid temerarium, in his que ferro administranda erant, alas lasciuia admisisset. Fauore itaque militari, capta noui Ducis mulcente, Castellum Miedzirzecz obsidione vallatum est. Quod etsi naturali situ egregie munitum fuerat, amplius tamen id Pomerani in eo conclusi, imminentem frustrati expugna-
tionem, munuerant. Imperante autem Setegio, Duce vero Boleslao milites adhor-
tante, Castellum corona trabibus lignisque, ingentibus, vniuersorum consensu septum est, & bombardae propius admotae. Quarum frequenti tormentatione, & Castellum propugnacula in plerisque locis diruta sunt, & plures ex defensoribus, latius pro-
cedente ruina, aut in vita aut in membris mulctati. Crescente vero indies obsidentibus spe Castellum potiundi, obsessis vero desperatione, consilium magis ne-
cessarium quam honestum a Pomeranis de Castellum deditioe initum est. Missi extemplo a Pomeranis ad Ducem Boleslaum & Setegium nuncii, deditioem, ut Pomeranis cum singulis equis, rebus, sarcinisque suis, incolumibus abire liceat, componunt. Castellum Miedzirzecz in potestatem reducto, pace quoque regioni reddita, Boleslaus Dux cum militia reuersus, a patre Wladislao, tam aliam & virentem indolem in filio admirante, cum magna hilaritate exceptus est. Quem cum tenerrime diligeret, illius quoque vernantem admiretur indolem, saepius secum reputans, quorsum tanta indoles esset euasura. Iam Vemim in illo magni ingenii elucebat lumen, cuius postea in bel-
licis rebus & militari disciplina, singularis & mira vigeat industria. In illa quoque aetate iam vehemens admodum, animi ac spiritus plenus, elato animo alta quaque & eximia spectare notabatur. Augebatur insuper in Boleslao virium robur, & animus in feruorem militaris disciplinae, & rerum bellicarum ceterorumque agendorum exastuabat.

*Beato Wladislao Hungarie Rege mortuo Colomanus
Geysa filius Ep̄atu Varadien dimisso succedit u.*

B Eatus Wladislaus Hungariae Rex, multis religiosis & sanctis actibus
operibus, cum Hungariae Regnum annis duo de viginti sancte & iuste
administasset, quarto Calendas Augusti moritur. Duo quoque Regna
videlicet Dalmaticum & Caruaticum Hungariae Regno adieciisset, duplici iure in
eum deuoluta. Vltimus enim illorum Regnorum, Toromarus, propinquus & affi-
nis suus, Rex, sine liberis decedens, beato Wladislao praefata Regna legitima
successione reliquit. Germana insuper beati Wladislai soror coniunx Toromari,
quae marito mortuo ea gubernabat, moritura, ea fratri delogauit, & in Varadien
Ecclesia, magna celebritate sepulturae tumulatur. In locum eius Colomanus
filius Geysae Regis, Episcopatu Varadiensj, ad cuius titulum consecratus erat,
derelicto in Regnum successus est, beato Wladislao non relinquirentes liberos,
& Regnum Hungariae, ceteris fratribus morte absumptis, summo Pontifice di-
spensante gubernabat.

Anno Domini 1096.

*Wratislavia a Polonis fugitiuis capitur & Sbi-
gneo Monacho a Praefectis arcis illius traditur.*

I N Wladislaum Polonorum Principem, usque ad ea tempora felicibus suc-
cessibus regnantem, cum & fecunditate prolis, & vitae diuturnitate
opumque gloria erat sublimis, & frequentia militum, bellorum quoque tri-
umphali pompa euaserat illustris, subito aduersa fortuna coorta est. Erat illi
naturalis filius ex concubina, priusquam Boleslaus legitimus filius ex Iudi-
tha nasceretur susceptus, nomen ex eo, quod Ducissa Iuditha scelus & incon-
tinentiam mariti perosa, tam pellici quam ex ea natae proli, iuxta indignatione
erat infesta, Sbigniew (quod significat iram euadens) sortitus. Is in obscuro
& ignoto loco alitus & educatus, propter nouercales iras euitandas. Iuditha
Ducissa morte absumpta literis ad discendos in Cracouia applicatus est. In quibus
cum aliquantulum profecisset, pro contegendas uae & spurii ignominiae, & ne tem-
pore procedente cum filio legitimo in participationem paternae hereditatis ueni-
ret, in Saxoniam, Duce Wladislao ordinante deductus, in Monachum tonsus &
Monasterio traditus est. Minus uituperii & improprietatis patri Duci Wladislao, si
extra Poloniam illum versari, minus impedimenti & obstaculi filio legitimo Boles-
lao, si Monachalis sortis illum fieri contigisset, illaturus. Erant praeterea ex

militibus Polonorum fugitiui & exules plures numero in Bohemia, qui vel ære
 aliena, vel iudiciis, præ scelere damnati, aut potentia & liuore Setegii Pala-
 tini Cracouiens, pulsi. Is enim auctoritate pro ea tempestate apud Wladislaum
 Poloniae Ducem solus, cæteris neglectis, pollebat, arroganter & superbe erga sin-
 gulos usus, multos nobiles quos suæ conditioni obstare videbat, iniustis decre-
 tis & iudiciis grauauerat, aut possessionibus exturbauerat, Bohemiam imple-
 uerant. Hos Brzetislaus Bohemiae Dux vir callidus, in perniciem Poloniae tam
 consilio quam largitione subornans, suadet illis (& facilis erat apud amicos fre-
 mentes & exulceratos persuasio) quatenus Sbigneum, filium Wladislai Polono-
 rum Ducis, in Monasterio non sua sponte, sed imperio patris contrauenire non auso,
 delitescantem, assumant, sibiq; pro Duce constituto, vicinam Bohemis Wratislau-
 ensem oram occupent: non aduersam aliquam impugnationem ex Bohemia, sed fi-
 dum & efficax sui propositi suffragium habituri. Callida & speciosa pro odio,
 quod Brzetislaus Bohemiae Dux in Polonos gerebat, magis quam salubria & tuta
 danti consilia (quippe non aliter se de Polonia, quam disseminata Ciui pro-
 cella, ultum iri arbitrabatur) Uniuersus fugitiuorum et exulum grex, facile
 verbis dolosis spe impletus, assensus est. Ex temploq; Monasterio in quo Sbigne-
 us manebat adito, Sbigneo ut versus Wratislauiam ad occupandam Ciuitate
 oramq; illius regionis secum consentiret ire, suaserat, quem tandem huiusmo-
 di persuasione peracta & Monasterio, Monachis nequicquam aduersantibus, ex-
 trahunt, & ut Brzetislaus Bohemiae Dux persuaserat, illuc perducunt. Te-
 nebat arcem & oram Wratislauensem tunc, miles & Comes quidam Magnus
 nomine, à Wladislaio Polonorum Duce, cum & genus clarum inter Polonos du-
 cebat, & probitate erat conspectior, sibi commissam; erat tamen in Setegii Pa-
 latini Cracouiens odium, propter multas simultates inter eos iam dudum consti-
 tas & nutritas, & ipse feruidus & procliuus. Ad hunc fugitiui & exules
 Sbigneum comitantes nuncios mittunt, verbaq; temporis congruentia apud eum
 faciunt. Nouimus, inquiunt, Comes Magne & grauis, maiortate & virtut-
 tum claritate Setegio te præstantiorem fore, multaq; indigna ab eo, qui & exi-
 lii & dedecoris nostri auctor est, perpeßum fuisse, maiora quoq; nisi tibi &
 nobis, quinimò & omniuersæ nationi nræ Poloniae, magna seruitute à Setegio op-
 pressæ, & penè sub iugum missæ, statius prospexeris, perpeßurum. Est nobis
 Ducalis filius Sbigneus, & huius regionis quam gubernas, & cæterorum Polo-
 niæ Principatum, patre iam grandæuo & consumptioni proximo decedente, hæ-
 res & successor. Hunc unā nobiscum petimus à te in arcem suscipi, & in fa-
 mi nostro exilio (ne in eo nos consensescere, aut desperatione, si exclusi fue-
 rimus, concepta, aliquid extremum patriæ & generi nostro indignum moliri
 contingat) prouideri. Quod si te miserabilis nostra non mouet calamitas,
 moueat saltem Sbignei Principis conditio, qui & ipse consilio Setegii est in

Monasterium detrusus, non minor nobis calamitate & exilio perpetuo consebatur. Cuius beneficio, si primiciis eius nunc suffragia tuleris, poteris extolli, & maior inter Barones haberi. Sed & Setegii quem tu iuste oderis, grassantes indies & multis bonis perniciem afferentes, conatus & furiae, non aliter quam Ducis Sbignei & nostra partis susceptione, poterint aut rescindi, aut inhiberi. Hac Legatione a fugitiuis & exulibus, inter quos plures erant, qui sibi stricta necessitate coniungebantur, Magnus Comes Wratislaviensis Capitaneus, accepta, longo tempore quid ageret haesitavit. Hinc enim urgebat spes & odium, hinc repugnabat fides & honestas. In ambiguo itaque rotatus, accitis Wratislaviensium ora Primoribus, quid facto opus sit, singulorum consilia exquirat. At illi, ut erant in Setegium novandarumque rerum studium incensi, veriti ne eorum regioni per Sbigneum Ducem exulesque & fugitivos vis aliqua fieret, Sbigneum cum exulibus & fugitiuis suscipiendum unanimi voto decernunt: iureiurando tamen astrictum, ut nihil contra patrem & patriam moliat. In hunc modum Magnus Comes persuasus, vir aliqui fide & humanitate egregius, & multis actibus bonis praeditus, parum sibi parum patriae prospiciens, Sbigneum & universos fugitivos & exules excepit. & Ducali illum veneratus honore in arce Wratislaviensi locatum, singulorum illi victualium necessaria, & his qui secum una venerant administrat, odium in Setegium hanc illi mentem, adversus avaritiae vicium & sugillationis notam, minus providere suggerente ~

Legatus Wladislai Ducis Poloniae ad Wratislaviensem mittitur, expostulatum, quod Sbigneum et fugitivos Polonos arce et urbe exceperint ~

Susceptio Sbignei Ducis & fugitivorum exulumque, per Magnum Wratislaviensem Capitaneum facta, ad notitiam Wladislai Polonorum Ducis perlata, vehementes in eo amaritudinis & indignationis concitavit aculeos, se contemptum apud suos iri, & bellum sibi a naturali filio & a fugitiuis exulibusque, Bohemorum auxiliariis intermixtis, moveri depromentem. Altius tamen omnis ira & amaritudo in pectore Setegii Palatini Cracoviensis insedit, qui sui odio & invidia, & multorum militum fugam exiliumque, & eam quae apud Wratislaviensem contigerat rebellionem, probe noverat celebratam. Pro singulis quoque huiusmodi factionibus patratis & patrandis, non invidiam modo, sed periculum sui status verebatur, altius indies militum in eum ex candescente iusta ira & seditione portendi. Mittitur ob eam rem Wratislaviam a Duce Wladislao nuncius, & temeritatem Magni Capitanei nobiliumque, & Civium Wratislaviensium pro admissio Sbigneo in arcem, fugitiuis & exulibus correpturus, & Setegii excusaturus innocentiam. Is dicendi sibi copia, adstante Wratislaviensi

multitudine, facta, Mirari Ducem Wladislaum & magis dolere declarat, cur eius hostes, filium vult Sbigneum in externas oras relegatum, & fugitivos exulesque suis ferè factis damnatos, arce & urbe exceperint, & Domino suo naturali & hereditario deserto ac inconsulto, illos sibi coniunxerint. Querere & scire velle pro rebellibus ne eos, & patriam communem Bohemis hostibus infestis prodere volentibus, an pro subditis & deuotis debeat aestimare. A Magistro Capiteano & Wratislauien' mite responsum Ducali Nuncio datum est. Non se temeritate aliqua aut rebellionē, sed bono respectu permotos, neque prodenda patria Bohemis gratia, quorum hostilitatem, odium, & vafriciem vicinius ipsi experti essent, Sbigneum filium Ducis naturalem & exules fugitivosque in communionem Vrbenque suam recepiſſe, non ut Ducales patrieque hostes, sed naufragii communis per Selegium procurati reliquias, ne scilicet in patrie & generis Polonici uniuersalem contumeliam & ludibrium, in externis oris stipem alienam, efflagitare compellerentur. Se quidem ab obedientia & fide Wladislai Ducis, & filii sui Boleslai Illustris, nullo pacto, nulla conditione discessuros, Selegii tamen improbitatem & arrogantiam, Ducis sui gesta & opera damnantis, & amplius suis calliditatibus deprauaturi, diutius se ferre non posse. Cum autem Ducalis nuncius, ut sibi imperatum fuit factiones Selegii conaretur diffuso sermone diluere, tantas iras odio Selegii in illum multitudo concepit, ut nisi magnis cum Priuoribus intercesisset, fuisset nuncius ipse, à multitudine, quæ iam ad lapidandum nuncium saxa corripuerat, fædè violatus ~

*Wladislaus Polonorum Dux, reprimi fugi-
tiorum licentiam, Sbigneo illorum Duce et fi-
lio suo naturali capto atque in carcerato ~*

Nuncio ex Wratislauia reuerso, & omnibus quæ secum acta erant, quæque Capitaneus Magnus, Barones, & populus respondiſſet, ex ordine narratis, Wladislaus Dux, quamuis iam annis, militariibus quoque & Civilibus muneribus, absceſſiſſet grauis, vigente tamen in senili corpore animi consiliique vi, non ultra cunctandum ratus, armis correptis & expeditione indicta gliscentem indies exulum & fugitiuorum seditionem oppræſurus, filio Boleslao Cracouiae relicto, Wratislauiam contendit, Castris & munitiōibus & eorum Præsidibus, in circuitu Wratislauien' Ciuitatis consistentibus, ad Wladislai Ducis sui obedientiam certatim occurrentibus, cum postremo ad Wratislauiam ventum fuisset, Præsul Wratislauien' Bitoſlaus, cum singularum Ecclesiarum Ordinum & Statuum processione Wladislao Duci, veluti Domino suo, Patrono & naturali hæredi, occurrit, & ipsum debito ordine & honore usque ad Urbem deduxit. Patuit & arx quam Magnus Comes tenebat, in eam quoque Wladislaus Dux cum oī

x Militia sua à Magno eius Capiteano, cum omni humilitate & deuotione excep-
ptus. Ex qua postmodum Sbigneus singulique fugitiui & exules, non tam Wla-
dislai Ducis aduentum, cuius pectus clementia refertum nouerant, quam trucu-
lentiam Setegii ueriti, omnium Wratislauien' ipsius quoque Magni Comitis sub-
tracta sibi uidentes suffragia, in Castrum & Ciuitatem Cruszuiciensem, eate-
nus frequentia Ciuium & populorum refertam, ab exulibus & fugitiuis occu-
palam, persugerant. Pauco illic tempore Wladislaus Dux commoratus Ma-
gno Capiteano & Nobilibus Ciuibusque Wratislauien', (quod se inconsulto
Sbigneum & exules fugitiuosque recepissent) clementius obiurgatis, Magno
Comite à gubernatione Castri & Prouinciæ Wratislauien' pro admissio facinore
destituito, filio suo Boleslao & Woislae eius Curatori eam dat in tenutam, Ci-
uitateque cursu filium Sbigneum & fugitiuos exulesque persecuturus, exercitum Cru-
szuiciam deducit. Pomerani suapte Duci Wladislae infesti, à Sbigneo acciti,
frequentes Cruszuiciam, suam & ipsi rem geri, Ciuili feruescente stridore, exi-
stimantes, conuenerant, Pruthenosque & ceteros barbaros secum adduxerant.
Lætus tanta multitudine Sbigneus, certam sibi de patre ac eius exercitu nihilo
suo superiori, uictoriam portendebat. Quapropter nulla mora facta, patri cum se-
ptem fugitiuorum & exulium aciebus, & Pomeranorum Pruthenorumque turmis, obui-
am iens, signis collatis, ad lacum Goplo, Oppido Cruszuicien' contiguum, dimicat.
Exulibus autem & fugitiuis pro uictoria admittentibus, tantum cruoris illic fustum est,
ut lacus ipse sanguine & cadentium cadaueribus fœdatus, neque se potabilem, neque
piscem humano generi ad edendum aptum, diu præbere potuerit. Paucis ex Wladislai
milibus desideratis, uulneratis autem quam plurimis, omne robur Sbignei exerci-
tus eade immensa confectum est. Sbigneus ipse, cum paucis in Cruszuicien' Castrum
diffugiens, uiuus in potestatem patris uenit. Vrbis Cruszuiciensis quia Sbigneo
tulerat auxilium, militi in prædam concessa est. Ab eo quoque tempore omni opulen-
tia & fortunis spoliata, nihil de prisca gloria præter solum nomen seruat. Ex
Cruszuicia Wladislaus Dux in Masouiam diuertit, Sbigneumque filium in carce-
rem coniectum, Setegio Palatino Cracouien' in Castro seruandum ad custodiam
tradidit: plerisque Consiliariis consulto id illi suggerentibus providere, iam tunc
magnoperè satagentibus, ne cum uilissimo corruptelæ pignore legitimo filio Bole-
slao æquale fieret commercium. Paterna enim indulgentia magna in Boleslaum
exlabat, nec minor omnium Poloniæ Optimatum fauor & affectatio: sperantium
illum egregii animi uirum domi forisque exasurum. Erat enim iam tunc ferox inge-
nio, membris robustus, frigoris ac caloris iuxta patiens, in inferendo bello non
minus quam repellendo audacissimus, & uitæ prodigus, mortisque contemplor, in
ferrum uulnusque præceps ~

*Brzetislaus Bohemiae Dux Poloniam inuadit
 Castrum Bardo capit, aliud extruit, et Kamiemecz
 vocat, Domum reuerlus Rautitarum Familiam
 quod Polonorum genti semper fauisset ex Bo-
 hemia Dominus foras expellit &c.*

Oportunitatem rei quam confluera Brzetislaus Bohemiae Dux ut magis
 coalesceret, ita enim recedentibus a se Polonorum fugitiuis & exulibus
 sponderat, adiuturus, versus Wratislaviam exercitualmente processit, et
 sub eo tempore, quo ad Cruszuiciam inter patrem & filium dimicatum est, eam par-
 tem Poloniae quae circa fluminis Nissae consistit oram inuadens, spoliis & incen-
 diis agrestes affligebat, & Castrum Bardo ad ripas Nissae situm, vacuum
 enim defensoribus erat, occupauit & conflagrauit. Repetita autem, haud pro-
 cul inferius fluvium Nissa descendendo, rupe, cuius moles in singulis circum-
 quaque locis abrupta, velut turrita consurgebat. Quae dum in basso larga esset
 ad sublimitatem coartata, speciem naturalis Castrum effecerat. Hac Brzetislaus
 Dux Bohemiae lignorum constructione amplius communita, Castrum in ea extru-
 xit, & Kamiemecz illud (quod nomen in praesens retinet, cum in Saxo situm
 sit) appellat, praesidioque loco imposito, quod postea virtutem Boleslai filii Wia-
 dislai Ducis Polonorum admiratus, restituit, Bohemiam redit. Locus ipse Mo-
 nachorum sub Regula Sancti Benedicti Deo militantium celebris habetur, &
 insignibus multis possessionibus, oppidis, vicis, & villagiis per Boleslaum alte-
 rum Wratislaviensem, Legnicensem, & Glogouensem Ducem deuotione, qui primus illic
 fundauit Monasterium abunde dotatus. In Bohemiam autem Brzetislaus re-
 uersus Marzinam & Koiatham (generis hi Vrsouicenses erant, qui apud Polo-
 nos Rautita vocantur) de Bohemia eiecit, insimulans Polonorum rebus con-
 tra Bohemos semper, praesertim tamen in bello, quod tunc inter se & Wladisla-
 um Polonorum Ducem agebatur, fauisse, & sua singula secreta Polonis prodidisse.
 Bona insuper eorum mobilia & immobilia occupat & suae Camerae infiscat, Hi
 cum in Poloniam nudum pene pannosum, & omnibus rebus exuti, venissent, a Wia-
 dislao Polonorum Duce benigne excepti, comiterque habiti sunt, & larga utriusque
 eorum & familiis possessio attributa.

Anno Domini 1097.

*Gnesnen Ecclesia magna celebritate dedicatur, Pome-
 rani interim Castrum Santhok occupant, sed noctu
 uisione mira perculsi turpiter diffugiunt et pereunt.*

Gnesnensis Ecclesiae Polonorum Metropolitana, Martinus eiusdem Archiepiscopus dilatam consecrationem in eam diem molestius ferens, ad dedicandum eam primam diem Maii constituit. Quae quo celebrior esset Wladislaum Polonorum Ducem, & Lophiam Ducissam, Boleslaum quoque Wladislai filium, & fere uniuersos Ep̄os, Procures, Barones, & Primos Regni Poloniae, ut eam sua honorarent praesentia, ad illam inuitat. Solita calliditate, cum aperta vi nequirent, Pomerani usuri, in dedicationis praefatae vigilia, intelligentes proposito suo tempus opportunius non affore, Duce Wladislao & fere singulis Polonis festiuitate dedicationis Ecclesiae occupatis, Castrum Santhokoc cupaturi, in tempestae noctis silentio adueniunt. Iam enim plerosque ex Polonis qui in eo morabantur, pecunia corruptos, deditionem illius die ad id constituto facere pellexerant, & signo dato, de quo inter eos & traditores conuenerat, furtibus ad Castrum inuehuntur. Verum dum se Castro potitos latarentur, in interiora quoque Castri, eos, qui a sociis proditi quiescebant, captiuaturi, penetrare pararent, subitus illos, quo unusquisque eorum velut saxum dirigit, occupat terror. Vir namque armatus Caballo nitido insidens, eis visibiliter apparens, gladium dextra manu gestatum, in quemlibet eorum infixurus, ni cederet, vibrabat. Discurrebant ex tunc miseri Pomerani per ignota & noctis obscurata caligine loca, quo quemque sors & imminens ante ceruicem mucro depulerat. Fragorque & strepitus, per gradus & caeca loca a facie persequentis dilabentium (existimante unoquoque ex Pomeranis se tantum a persecutore pelli) exortus, etiam soporatos Castellanos suo excitauit tumultu. Qui & ipsi nimio pauore expergescentes, agitare ceperunt, perculsos caelesti verberare hostes, & plerisque trucidatis reliquos omnes comprehendunt. Suam vitam & Castrum perditum, sed protectione caelesti custoditum, meritis beati Adalberti Martyris & Pontificis gloriosius, prout dignum erat adscribunt. Huncque albi equi inessorem fuisse, qui Pomeranos Castrum intercepturos agitabat, veris iudiciis coniciunt, atque in laudem & gloriam suam obsecrationes adunt, & vota pro seruata vita & Castro emittunt soluuntque, excelsi illum apud Deum coram vniuersis efferentes meriti, qui in adibus suo nomini sacratis, nocte tam salubrem & necessariam opem Polonis praestiterat.

Wladislaus Dux Poloniae Sbigneum e carcere dimittit, et viuis utriusque filio sortem Regni designat.

Dedicationis Ecclesiae Gnesnensis benedictione absoluta, Wladislaus Polonorum Dux, Martini Archiepiscopi Gnesnen singularumque Episcoporum & Baronum Poloniae, qui sollemnitati huiusmodi intererant, multifariis precibus expugnatus, Sbigneum de carcere, de uoluntate se amplius patri & in

eius potestate futurum pollicentem, relaxat. Et utrumque filium dato illis frequen-
ti exercitu in Pomeraniam transmittit. Sed cum ex Pomerania, nullo memorabili
adito opere, discordiarum seminario inter fratres de primatu Imperio exorto, re-
uertissent, pater amare filiorum certamen ferens, veritus eos morte sua secuta am-
pliori dissidio certaturos, Poloniae Regnum inter eos dividit. Et Boleslaus qui-
dem suo filio legitimo Cracoviam, Wratislaviam, Sandomiriam, Et quaeque me-
liora cessura decernit, Sbigneo Pomeraniam partem Poloniae maioris Lanciciam,
Ciciaviam, Et Masoviam assignat; omnium terrarum praedictarum usu Et admi-
nistratione sibi ad vitam reservata, se absumpto sine litigio suam quemlibet sor-
tem apprehensurum. ~

*Duces Russiae cum Sviatopelkone
Duce Kiiouien concordiam in eunt ~*

Wlodimir, David, Et Olech Duces Russiae, Ducatum Kiiouien vastatu-
ri, copias in campum eduxerunt. Quibus statim apud Haroddecz agen-
tibus, Sviatopelkus Kiiouiensis Dux occurrit, fortunam belli tentatu-
rus. Communibus tandem Baronibus agentibus, de pace inter Duces actum est.
Qua aequis conditionibus confecta, unusquisque in propria rediit in pace ~

QUARTA Octobris Cometes in occidentem faciem porrigens apparuit. Nimia aquarum
inundatione Autumnalis satio impeditur, quae sterilitatem frugum induxit ~

BAPTISTA primus Cruszuicien siue Wladislawien Epus, annis quindecim fun-
ctus Pontificali officio, rebus absumitur humanis. Et in Cruszuicien Ecclesia sepe-
litur. Cui Paulinus primus natione Italus ab Urbano II. Papa successus est. ~

Anno Domini 1098.

*Boleslaus et Sbigneus Duces Poloniae filii
Wladislai, in Sotegium Palatinum Cra-
coviens, ex qua dam suspitione conspirant ~*

Divisione Regni Poloniae Wladislaus Dux Polonorum inter Boleslaum legi-
timum, Et Sbigneum naturalem filios, celebrata, in Masovien Prouinciam,
(eius enim situs Et habitatio caeteris omnibus sibi placidior incesserat)
diuertit. Interim illi velox nuncius allatus est, Brzetislaum Bohemiae Ducem
copias congregasse, clandestino ingressu Poloniam Et Wratislaviensem regionem

inuasurus. Id cum Wladislaus Dux Boleslaus, Wratislaviam et vicinam ei oram
paterna indulgentia gubernanti, insinuasset, et arma contra Bohemos resistantiam
facturus, expedienda mandasset, paritum illico a Boleslao est, et exercitus ad con-
finia Regnorum deductus. In quo cum Woislai Pædagogi absentia notata fuisset,
ingens primum suspicio inter milites Boleslai, subsequenter privatus murmur, et tan-
dem aperta vociferatio coorta est, unoquoque semel ortam suspicionem augente, disse-
rentesque non abs te Woislau in suo comitatu deesse, et Alumnum suum Bolesla-
um Ducem in tam difficili necessitatis articulo deseruisse, omniumque consensu voce
credebatur, Woislau deserto Boleslao ad Selegium Polatinum Cracouiensem defecisse,
et utriusque calliditate et ingenio contra Bohemos bellum (apud quos missi explo-
ratores quicquid omnia nunciabant) Boleslao et sibi, Selegii et Woislai versu-
tia, a patre arma ad proditorem aut interitum Boleslai, imperata fuisse. Grauis
catenus et infestus utriusque filio Selegius, grauior tamen et infestior Boleslao,
quippe admirandam illius in singulis, ad quæ agenda se conuertisset, virtutem, in
suam tandem perniciem peruenturam, patre mortuo, formidabat, nec aliter quam
hostis ab utroque habitus fratre; cum omnium fere Castrorum et munitionum di-
stributorum illis Regni Poloniæ Provinciarum, in suam suorumque fratrum, aut eade
secum sapientium tenutam, Wladislaus Duce consentiente, redigens, interitum Duca-
lium filiorum, ut Principatum Regni Poloniæ ipse ageret, communi assertione et
fama (ab effectu ingenii vafri incertum est, vel ab inuidia coorta) vulgatus fu-
it quæsiuisse. Ad cuius frustrandos conatus Boleslaus et Sbigneus fratres,
stricto se fœdere Iuris iurandi astrinxerant, unus alteri fideliter et sincere
auxiliaturos. Militibus itaque se et Boleslaum, non ad bellum gerendum accitos,
sed ad periculum subeundum expositos, ingeminatione continua querentibus, bello
ocius pro euitando machinato periculo discedere, et auxiliatorem Sbigneum pla-
cuit accersire. Quo iuxta pactum cum festinatione adueniente, ad Wratislavi-
ensem Civitatem, ne ipsa a Selegio vel suis occuparetur, agmine citato itum est.
Vbi universis regionis et Civitatis Wratislaviensis convocatis militibus, Boleslaus
Dux ita apud illos concionatus est. Quam late, quamque callide et vafre Sele-
gii Palatini Cracouiensis grassaretur temeritas et ambitio, unicuique vestrum pa-
tesfactum non ambigo. Qui patre nostro, siue illud causet suum grandævum se-
minum, siue Selegii dolus et versutia, ad omnia quælibet pertracto et perẽ vin-
cto et in fascinato, facile sibi Principatum Regni Poloniæ, Castris et munitioni-
bus sui iuris et potestatis effectis, patre nostro absumpto repromittit. Et quod
sine indignatione rei vix eloqui valeo, lacrymæ quoque ipsæ quas dolor et acer-
bitas elicit, ut coram cernitis (rigabat autem fletu immenso genas) testes sunt,
quod uterque nostrum in spem huius Regni gemitus intererat, magna providet cu-
ra, iuxtaque nostra velut immanium hostium aut barbarorum licitatur capita.
In hac Urbe, quæ nondum sua tyrannide attacta et infecta est, nos saluari

propter dudum expertam fidem posse confidimus: in vobis spes nobis videtur su-
prema relicta, vestram erga nos fidem percepturi, huc nos, ex ceteris locis
profligati, contulimus, vobis nobis fidei sinceritatem seruantibus, tuti, donec
superimpedens Setegii furia tonat, quiescimus, reliquas Sedes Regni Poloniae
declinare cogimur, comparatam nobis necem subituri. Si autem nec hic manere
haereditibus licet, in externa abeundum est, vitaque quam Setegius eripere con-
tendit, saluanda exilio. Commota erant omnium ad misericordiam filius Du-
calibus ferendam viscera, tantumque apud vniuersos et miseratio adolescen-
tum, et odium Setegii valuit, ut clamore sublato, omnem subiectionem, fidem
et deuotionem Duci Wladislao patri eorum haecenus praestitam, in eorum profe-
ctus et commoda pollicentur conuersuros. Orant deinde, ut omni mora
circumscripla, eum quem contra Bohemos collegerant exercitum, amplioribus co-
piis augendum, ad locum in quo pater residet ducerent: ad Setegii improbam
audaciam, antequam satis occupetur pater, contundendam. Interim dum haec
Wratislauiæ aguntur, Woißlaus comes Boleslai aduenit, et omnium quae ge-
rebantur ignarus, mitti se in Urbem petit, sedulitatem suam Alumno exhibitu-
rus. Sed cum illi, propterea, quod Setegio propinqua cognatione iunctus esset,
et secum una necem Ducis moliri pro suspecto haberetur, accessio Ciuitatis
denegaretur, ille e contra se purgare, et non necem sed omnem honorem et
gloriam Alumno suo summopere cupere, nihilque sibi commune cum Setegio fore
differens, iniquis auribus odio Setegio callentibus auditus, a consortio quoque
illius exercitus, qui ex Wratislauiæ versus Larnowiecz (ibi enim Dux Wla-
dislaus mansionem facere nunciatus est) procedebat, cui se Woißlaus satage-
bat coniungere, exclusus, non sine sui pectoris, nihil eorum quae in eum popula-
ris suspicio confunderat conscii, afflictione, perditum iri suam fidem suosque la-
bores, et non cogitato scelere se insimulatum, doluit.

*Setegius Palatinus Cracouiens post multas con-
trouersias, Regno per Boleslaum et Sbigneum Du-
ces pellitur, pro Wladislao nequicquam obstante.*

Et Wratislauiæ in Masouiam vniuersus exercitus, sub Boleslai et
Sbignei ductu penetrans, stativa prope Larnowiecz vicum ignobi-
lem. Curiam illic Duce Wladislao tenente, posuit. Res quoque inter pa-
trem et filios non armis (cuncti enim id execrabantur facinus) sed alteri-
nis Legationibus agi cepit. Omnem autem huius litigii molem in eo constabat
consistere, ut Dux Wladislaus pater, Setegium Palatinum Cracouiensem, a se
abdicet, et Castris munitiombusque destituat, quem haecenus in suam ignominiam

255
Et filiorum perniciem profusis largitionibus suapte inflatum in ampliorem superbi-
am erigentibus, paueat, se non hostes patri, quem omni studio publico Et privato
veneraturi essent, sed Selegii ferocis hostis sui, capita eorum, dum ferro non lice-
bat, licitantis, aduenisse ultores, obsecrareque patrem ne Selegii dolus Et perfidia,
qua Resp. Polonorum ad internitionem usque perducta est, plus pensi apud illum
quam filiorum ceterorumque nobilium sincera fidelitas Et deuotio habeat, ne quoque
de Castris Poloniae filiis successuris, minus quam Selegio confidat. His Et aliis
pluribus iustis rationibus, Wladislaus Dux animo deliberato cedens, suggerenti-
bus id sibi Et magnopere suadentibus Pontificibus Et Ecclesiasticis personis,
qui pro tollendo communi dissidio illuc conuenerant, Et Selegium a se abdicat,
Et Sacramento se obligat nunquam illum ad pristinum Magistratus Et officii
gradum assumpturum. Accedunt patrem inermes filii, Et pronis ceruicibus, de-
bito honore patri impenso, illum venerati inuicem, reconciliantur. Discedentem
posthac Selegium Palatinum, Et ad Castrum Sziecziechom a se erectum, cuique
nominis appellatum vocabulo, Et pluribus fossatis Et propugnaculis egregie mu-
nitum, tutumque se illic consistere ratum, declinantem, biduo fratres Boleslaus
Et Sbigneus cum agminibus militum persequuntur, extra fines Regni Poloniae, si
manus illorum effugeret, illum propulsuri. Non tulit Wladislaus Dux id filiorum
Et uniuersorum militum suorum decretum, sed ad labefactandum illud in noctis
medio, dum in filiorum Castris Et suo Ducali creditus est quiescere tabernaculo,
patris persona exula, Et priuati induta, tribus tantummodo secretioribus seruis
comitatus, Et in una cymba per alueum Vislae, cuius illic aqua inflatiores sunt
uellus, ad Selegium ire contendit, sua praesentia illius discrimen auersurus. Con-
sternatum ea nouitate Boleslaum Et suum exercitum, Et an ire contra Selegium
pergeret, an subsisteret consilium inopem, id consilium, ea cogitatio, militibus pro-
bantibus subiit, quatenus regionum sibi paterno decreto pro sortibus distributarum
arces Et capita, tam Boleslaus quam Sbigneus curent apprehendere: minus ne-
gocii arcibus occupatis, patre mortuo, cum Selegio si quid molliri uellet perfidum
habitura. Et Boleslaus quidem Cracouiam, Sandomiriam, Slradiam, ceterasque
suae portionis arces illico cepit. Sbigneum a Plocensi Castro, quod magno militum
tenebatur praesidio ignominiose repulsum (iam enim Et Wladislaus Dux ad il-
lud redierat) cetera aggredi potuit. Coniunctis deinde exercitibus Bolesla-
us Et Sbigneus, Plocen arcem Et Urbem, Selegium a patre sequestraturi, circumsi-
derunt. Sed Martinus Gnesnen Archiepus, uir licet grandaeuus, Mediatoris
vicem inter patrem Et filios aliquanto tempore, non fracti Et semilis corporis
fatigam gerens, providensque ne Civilis nubecula grandem Et perniciosam aliqua
procellam in commune ciceret, cum filiis patrem (superiori conditione, aetate,
Et Sacramento Et cautella, de abdicando Et nunquam reasumendo Selegio ob-
firmat) mitigatis utrinque iras, pacificat. Et patre pacta seruante, pellitur

à filius Setegius de Regno, & in Russiam exulat, Wladislaus quoque Duci Sedes à Boleslao possessa restituitur. Qui quidem Setegius & si annos plures in exilio delituerat, benignitate Boleslai Ducis restitui, suffragio Pontificum & Baronum obtinuerat: potentatu tamen & autoritate, qua usque ad inuidiam sub Duce Wladislaao abundauerat, caruit. Setegius hic Palatinus Cracouiensis de genere & Familia Bipennium erat, habens ingenium callidum, & ad omnia versatile, faciliitate mixtum, habens & plures prosapia suae fratres, cognatos, nepotes, & affines, habens & possessiones plurimas, Ducali favore & indulgentia sibi et suis donatas. Ob quae omnia magnam affectati Principatus (siue id fastus proprius, siue inuidia aliena causabat) incurrerat suspicionem. Communis autem cuiuslibet Monarchiae custodia, nulla alia re praestantior est, quam virum aliquem magnum non facere ~

*Urbanus II. Papa Imperatorem Henricum III. deponit,
hunc filius suus captuat, in cuius locum fuerat electus ~*

V Exactionem quam Ecclesiae Imperator Henricus quartus inferebat, Urbanus Papa secundus satagens rescindere, ipsum omni honore & administratione Imperiali priuat, mandans Electoribus Imperii, filium illius Henricum Ecclesiae & Sedi Apostolicae fidelem & deuotum, ad Imperium eligi. Qui dum iuxta mandatum Apostolicum Henricum filium Imperatoris Henrici praedicti elegissent, electus ipse scandala, quae in Ecclesiam Dei genitor suus induxerat et inducturus verisimiliter timebatur, summoturus, cum et patre uiuente suam electionem videbat recidere in derisum, patrem captuat & in carcerem recludit. ~

*Smiatopelk Castrum Wlodimir occupat, et Dux
David ac Wladislaum Duce Polonorum fugit ~*

C Astrum Wlodimir & regionem Volhinen à Duce David occupatam Smiatopelk Kiuuensis Dux recuperaturus, cum pedestribus & equestribus copiis, primo Vere adueniens, versus Wladimiriam proce-
debat. Cuius aduentum David Dux veritus, cum & in suis Satellitibus fidei ambiguitatem probe nosset, Castro relicto ad Wladislaum Polonorum Ducem cum uxore et vniuersa suppellectili diuertit. Smiatopelk vero Castro Wlodimir positus, temporis processu casu lugubri filio suo Smiatoslaao duodecima Lunii à proprijs occiso exceptus est ~

Anno Domini 1099.

Pomerani a Castro Santhok per Boleslaum pulsi
et Boleslaus a Brzetislao Bohemiae Duce ob mi-
ram strenui animi magnitudinem donatur.

Pomeranorum furia ad laceßendum Poloniae Regnum accurata diligentia
semper intenta, quamvis illis superiores conatus male cecissent, quietis tamen
impatiens, nouo nocendi genere aduersus Polonos usura, contractis copiis ad
Castrum Santhok accedens, intercipere primum illud dolo et fraude, et tandem spe
non respondente, vi aperta expugnare moliebatur. Ad irritum utroque capto respon-
dente, quoniam et firmo praesidio militum, velut portus et ostium Poloniae Regni,
septum erat, et ad humanum firmamentum etiam situs naturalis qualitas accesserat
nihil aduerso eventu Pomerani deterriti, et regione Castri aliud Castrum, Polonis
nequicquam ex iusto resistentibus, in tam propinqua vicinitate, ut se mutuo loquentes
exaudirent, ex trabibus et quercinis lignis caeteraque materia illic ad manum suppe-
tente, erigunt, et vallis fossatisque ingenti celeritate communiunt, maximum mo-
mentum rebus suis adiecturi, si tam necessario Castro Polonis adempto, incursiones
pro libito in Poloniam extenderent. Magnitudine periculi, quod a Pomeranis tende-
batur Wladislaus Princeps ad se perlata, motus, mandat filio Sbigneo (ei enim
ora illius portio obuenerat) ut quam celerissime consurgat, et Pomeranorum insi-
dias abigat, et munitionem nouam a Pomeranis extructam deiciat, Castroque San-
thok, et his qui in illo acriter oppugnabantur, opem ferat. Ille et si paterna iussa et
requendo, illuc cum iusto exercitu accessisset: segmiter tamen in singulis, quae agi
cum hoste oportebat, se gerens, re infecta confirmatis hostium animis, suorum
vero qui obsidebantur plurimum hebetatis, discessit. Quod ubi ferocis pectoris
adolescens Boleslaus filius Wladislai Ducis legitimus, praeuptae iam tunc vir au-
dacia intellexit, fraternam detursurus ignominiam, et patriae et obsessis succur-
surus, cum paucis admodum militibus illuc adueniens, magnos impetus edit.
Egressos siquidem ipsius paucitate conspecta Pomeranos, paruo negotio fudit fu-
gatque, et usque ad portarum limen tam auide prosequitur, ut parum absuit, quin
cum fugientibus Castrum irrumperet. Pontem deinde a Pomeranis fabrefactum
aut disruptit aut exurit, obsidentesque paruo ante tempore Pomeranos, ponte effracto
et ablato, noua terruit constrinxitque obsidione. Probitatem et ardorem in-
firmam adhuc aetatis Pomerani admirati, magno illum certatim celebrant sermone,
dignumque iudicabant, cui ferrum et arma tractanda committerentur. Sbigneum
veluti pusillanimum et hebelem in sacerdotii sortem arbitrabantur detracta militia
detrudendum. Castro deinde quod crexerant, amissionem illius veriti, incenso, sub
noctis caligine diffugiunt. Auunculus illius Brzetislao Bohemiae DVX

spectata adolescentis virtute, coram se pluries recitata delectatus, missis nunciis cum ad se venire inuitauit, charissimoque affectu honoratum remisit, arcemque Kamieniec prope fluuium Nissa sitam, quam occupauerat ei restituit. Ita Boleslaus uno egressu duplicem hostem confecit, Pomeranum quidem congressu, Bohemum suae virtutis admiratione. Domis praeterea quam plurimis nepotem Brzelislaus cumu- lauit; cum propter singularem amorem quo in eum fuerat accensus, tum quia procul dubio indole et moribus Boleslai contemplatis sperabat egregii animi virum domi forisque euasurum. Abeuntem, longa deductione persecutus, monuit, ut nepotis erga se et Principatum Bohemiae seruaret amorem, nihil dubitans se si- bi de caetero animo responsurum. Ille graui et benigno reddito responso in propria reuersus, dona quae a Brzelislauo auunculo acceperat, singula in milites distribuit.

*Russiae Duces Dauidem ex Polonia accersunt, illique
ex possessionibus ac redditibus suis partem consignat.*

Generali Conuentu Duces Russiae decima die Augusti in Wrothicze in- dicto, quatuor numero uel Smiatopelk, Dauid, Olch, et Volodor, cum suis singulis Consiliariis suis conueniunt, habitisque inter se variis tractati- bus, pacem mutuam ordinant et concludunt. Ad quos illic agentes Dauid Dux literis eorum accersitus ex Polonia aduenit, et dicendi potestate facta, quaerit ad quid vocatus sit: offerens se cui libet de se querulanti responsurum. Cui Du- ces per Wladimirum respondent. Tu ipse per nuncium rogasti nos, ut liceret tibi Con- uentui nostro interesse, et de iniuriis quas pateris queri. En sedemus aequis auri- bus te audituri, si quid habes propone. Quo se sua hereditate Wladimirien uel Principatu spoliatum querente, secedunt Duces, et collatione habita, mittunt ad Da- uid nuncios ex parte Smiatopelkonis Putatam, pro parte Wladimir Ralibor, pro par- te uero Dauid et Olch Thorczinum. Qui apud illum ita disserunt. Non est propo- siti Russiae Ducum reddere tibi Wladimirien sedem, eo quod hostili gladio frequen- ter terras Russiae, quod nemo alius ante te memoratur egisse, vexabas. Non intendunt in mortem aut captiuitatem tuam, aut aliquod nocumentum machinari, et dum sat est culpam ignoscere, etiam beneficentiam, ne in externis gentibus in tui et eorum ludibri- um exul et profugus uageris, adiciunt, Ostrog, Dubin, et Chartorisk pro sua, Wladimir Centum marcas annuas, Dauid et Olch alias centum marcas, similiter annuas, pro suis partibus tibi consignant. Quo huiusmodi conditionem acceptante, sedit Dauid in Borzisko. Cui exposcit Smiatopelkus ultra priores possessiones etiam Drohobisch adiecit, ubi degendo absumptus est. Missi etiam sunt ex eodem Con- uentu ad Volodorum nuncii, qui monerent ut Waszilkone caeco ad se recepto, unu- agerent in Przemislia Principatum. Quae conditio ab utroque repudiata est.

STEPHANVS Plocensis Episcopus annis undecim in Pontificatu Plocen' absum:
ptis. vita & ipse absumptus est. & in Ecclesia Plocensi sepultus. Cui Philipus De:
canus Plocensis genere nobilis de familia Doleuitarum, per electionem Canonicam
via scrutinii actam, vir consilio & aetate maturus succedit. Quem ad petitionem Wla:
dislai Ducis & Monarchae regni Poloniae, Paschalis Papa secundus promouit.

Anno Domini 1100.

Boleslaus Princeps relata ex Pomeranis illu:
stri ac prompta victoria, a parente Wladislao
Duce balteo et Sacramento militari ornatur.

Heroicos actus Boleslai Principis sua animosa opera, etiam apud vicinas
regiones iam crebrescentia & sonore vulgata, quibus futurae suae indolis
efficaciam & virtutem, maximis indicis signisque insinuauerat, Wladisla:
us Polonorum Dux honorare satagens. & oriens ex suo famore sydes ampliori ru:
tilantia illustrare, non ignorans vllum alimentum honoris ad exacuandam soli:
dandamque virtutem aequae conferre, cingere illum militari balteo, cum tunc aetatis
annum quintum decimum ageret, decreuit. Assumptionis quoque beatissimae Virgi:
nis Mariae diem in Ciuitate & Ecclesia Plocensj (cuius etiam honori Basilica
ipsa dicata est) constituit. Curiam quoque solennem pro conferendo militari Sa:
cramento Boleslao indicit: singulos Praesules, Barones, & Primos Poloniae ad so:
lennitatem huiusmodi corrogans & inuitans. Lam solennitati huiusmodi dies ad:
uentauerat destinata, inuitatiq; & in patris & in adolescentis honorem magno ap:
paratu magnaque pompa ludos celebraturi, frequentes confluerant, dum subito offer:
tur nuncio, Pomeranos ingeniorum calliditate & opportunitate temporis semper vsos,
etiam ex huiusmodi opportunitate temporis Castrum Santhok grauib; copiis obsedis:
se. Rebantur siquidem Polonos & Boleslaum, & constituta ad celebritatem Mi:
litaris baltei die, & subsequentibus occupatis praesenti solennitate & laetitia, &
a cura defensionis auersis animis, omnem Castrum defensionem neglecturos: se interim
Castra, subuentione longius dilata, potituros esse. Tam audax Pomeranorum captum,
omni ratione salubriter compositum, virtus Boleslai potentior dissoluit. Honore siqui:
dem quo eo die insigniendus iniciandusque erat neglecto, quo illi post crassior orna:
tiorque prouenirent, Pontificibus nequicquam eum retinentibus, equo velocius conscen:
so, se singulis qui conuenerant sequi iussis, ad Santhok peruenit, & Pomeranos in
tabernaculis quiescentes, soporeque in diluculo grauatos, inuadit, & inopinato ad:
uentu terribiles, prostermit fundit, & obtruncat, in paruaque temporis spatio omnes Po:
meranorum copias, paucis per fugam elapsis, aut occidit aut captiuas, et subsequente

se longo captiuorum ordine, in Ploceñ Ciuitatem, patre cum Episcopis & grandæ: uis atq̃ emeritis militibus solennitatem inchoatam continuante hostium cruore ma: dens, aduenit. Prædaq̃ patri oblata, primū ipse, deinde frequens Polonorum nu: merus, ex ingenuis & coæuis suis uiris, his quoq̃ qui una secum militauerant, de: lectus a Sene Patre, & balteo cinctus, & Sacramento militum addictus est. Et dies illa cum sequentibus pro geminata lætitia, cum iusto gaudio traducta. Laudis supra ætatem & modum Boleslaus Dux cupidus, nullos labores nullum fugiebat discrimen, omnia pericula ob gloriæ cupiditatem, & patriæ quietem, decus, atq̃ propagationem nihili pendens ~

Brzetislaus Bohemiæ Dux miserè à Ve: natore per Vrsouicē corrupto, interfici: tur. Cui frater Borziwoj succedit ~

In nobili & miseranda morte Brzetislaus Bohemiæ Dux vigesima prima Decembris anni eiusdem decessit. Dum siquidem ex uenationibus, quibus aliquanto tempore inuacauerat, rediret, & propè villam Stebnam consi: steret, Venator suus Laurentius, Lorek uocatus, Bozej & Muthinæ nobilium de Vrsouicē aliàs Rautis, qui à Brzetislauo ipso, omnium bonorum mobilium & immobilium mulctati & exiliati, Poloniam diuerterant, largitione & promisso corruptus, lancea quam manu gestabat, Ducem Brzetislaum adeo fataliter circa ilia proditoriè percussit, ut tertia die ex inflicto vulnere animam exhalaret. Huic frater germanus secundo genitus Wratislai Borziwoj in Bohemiæ Prin: cipatum successit ~

Templariorum ordo oritur.

Templariorum ordo sub hoc tempore capit, qui prius albis uisi sunt man: tellis, post rubeam Crucem superpositam portarunt. Cuius primi fundato: res fuerunt Hugo & Gamfredus, beatus quoq̃ Bernardus Regulam di: cti ordinis fertur composuisse ~

Urbano scdo Papæ Paschalis II. succedit ~

Urbanus II. cum annos duodecim, Menses VI. dies XV. sedisset moritur Roma, & in basilica beati Petri honorificè sepelitur. Cui Paschalis II. natione de Bleda Thuscie, qui Reginherius Sancti Clementis tituli Pre: sbyter Cardinalis vocabatur (qui tres Antipapas uicit, Albertum, Arnolphum, & Theodoricum) in Cathedram Papalem successit ~

*Swantopellus Dux Kiiouienſis
Iaroſlaus Ducem uicit et captiuat.*

Iaroſlaus Iaropelczicz Dux, Swiatopelkoni Duci Kiiouienſi inferens bellū
pugna inita ſuperatur. Quem captum & uinctum Swiatopelk Kiiouiam
adductum includit ergaſtulo. Hunc expoſt ad inſtantes petitiones Metro-
politi Kiiouienſis & Monachorum ſolutum, & nihil decetero moliri Swiatopelko-
ni pollicentem dimittit.

Quindecima Septembris Ruthenorum Duces, Swiatopelk, Wlodimir, David,
Olech, & Iaroſlaus, celebrato in Stakow cum Poloneſionum Ducibus conuentu,
pacem conſimunt, Quæ ut ab utroq; firmitus cuſtodiretur, dati inuicem obſides.

Quatuordecima die Aprilis, Wſeſlaus Dux de Poloczko moritur.

Anno Domini 1101.

*Ruſſiæ Duces Poloniam populati, dum ad
ſua cum magna prædæ et captiuorum copia re-
deunt, à Boeſlao Poloniæ Duce caduntur.*

Nouam Boeſlai Ducis militiam, nouus & antehac inſolitus hoſtis excepit.
Ruthenorum namq; Duces, Wlodimir Nouogrodensis, David, Olch Pe-
reſlauienſis, Volodor Przemiſlienſis, & Iaroſlaus Iaropelczicz, abnuente
& detrectante huiusmodi expeditionem Swiatopelkone Duce Kiiouienſi, ſupe-
riorum bellorum, eis à Regibus Polonorum illatorum, ultum iri cupientes iniurias,
utq; conſtaret vires illorum ſic excreuiſſe, ut magis timendi quàm timidi cen-
ſeri debeant, valido congeſto exercitu in Poloniam ingrediuntur. Et quadriſaria
agmine diſpartito (quo & populatio prædationq; maior proueniret, & terror multipli-
catorum exercituum diſfunderetur) eam omni genere ultionis vaſtant, prædan-
tur, & affligunt. Non paruum quoq; locorum ſpaciū uſq; ad fluuiū Viſle emenſi,
& prædarum ſpoliorumq; & captiuorum maximum confeſcerant numerum, iamq;
uotis potiti graui & tardo gradu, grauem uehentes manciporum & pecorum præ-
dam in Ruſſiam remeabant, cū ſubitò Boeſlaus Princeps, qui in colligendis ac-
ceſſendisq; in hoc bellum militibus, omne id tempus, quo Rutheni in Polonia immora-
ti ſunt, abſumpſerat, aduenit, Ruthenofq; iam Poloniæ Pegni conſinia tranſgreſſu-
ros, & faſtu immani atq; lætitia, quòd expeditionem illam nihil aduerſi exper-
ti abſoluſſent, inflatos, conſequitur. Verū cū ab exploratoribus, & per

seipsum acceperat, vires hostium suis in notabili excedentia ampliores esse, & dimi-
cationem futuram, militibus praesertim suis longitudine viae fessis, imparem, opportu-
nitate temporis utendum (numero quidem hostes plures, robore vero suos superum be-
nignitate extare pugnandi cupidos ac peritos) ratus, cum omnis cunctatio, ne ho-
stes a conspectu abirent, & in munitiones se reciperent, allatura dispendium vi-
deretur, accelerationem optimam ducens (nam quo issent celerius, eo ipsos reper-
tum iri imparatiores) in noctis conticinio, quam dies Dominica sequebatur, cum
Ruthenos in soporem versos haberet exploratum, in illos ruit, iussisque militibus al-
tius clamorem attollere, omnem potentiam eorum inuadit, & trementes atque pauidos,
ut in tali casu solet accidere, Ruthenos, nequicquam paucis resistentibus, Ducibus
primum, deinde militibus caeterisque in fugam versis, fundit, stermitque, Polonorum ca-
ptiuus captam cladem Ruthenorum magnopere augentibus. Ingenti strage adita, plu-
rimis captiuis & spoliis onustus, suis quoque Polonis in sexu utroque, manu missione pre-
stita, reuersus ad patrem, & agrestium quos liberauerat, & militum quos magna ho-
stili praeda ditauerat efferebatur sermonibus. Foelicem fore Remp. Polonorum
tali Principe, foelicem gentem cui imperitauerit, foelicia tempora, quibus Polonia Re-
gno prisca gloria, & omnis instauratio, decor, & amplitudo forent absque dubio pro-
uentura, foelicem & beatum virum qui tam strenuum & fortunatum effudit bel-
latorem ~

*Borzimoy Wladislai Ducis Bohemiae filius
vincto Odalrico Bohemiae Principatu occupato*

Pro Bohemia Principatu, in quem anno transacto Borzimoy, filius Wladislai
ex Swiatochna Cazimiri Regis Poloniae filia genitus, successerat res
inter eundem Borzimoy, & Odalricum filium Conradi Ducis quondam Bo-
hemiae filium, ad lesatas inimicitias & arma, re in controuersiam versa, prodie-
rat. Ipse namque Odalricus sibi velut maiori natu, Bohemiae Ducatum vendicans,
etiam ab Imperatore Henrico, quem Ratisponae conuenerat, de eodem Ducatu inuesti-
tus & prouisus, cum aliquanto Teutonicorum exercitu, sperans plures Bohemos ad se
desecturos, Bohemiam accesserat. Sed dum Borzimoy fortiori agmine circa ri-
uulum Virplicza illi occurrisset, & nulla accessio Bohemorum ad Odalricum fie-
ret, a Teutonicis apertum discrimen subire, detrectantibus, & temeritatis illum
arguentibus desertus est. Borzimoy nouus Princeps, Bozey & Muthinae germani
sui Brzetislai percussoribus, ex Polonia reuocatis, Oppida eorum Bozey, Sacz, Mu-
thinae & Lenthomorzicz restituit ~

LAMPERTVS Cracouien' Epus, & corporis beati Stanislai ex Rupella in Eccle-
siam maiorem translator, cum annis viginti Ecclesiam Cracouien' rexisset, vigesima

quinta die Nouembris absumptus est, & in Ecclesia Cracouiensi sepultus. Bal-
duinum primum Gallum genere, Summo Pontifice Paschali secundo providente
habuit successorem, annis septem Ecclesia Cracouiensi presidentem. Non tamen
immediate Balduinus Lamperto successit, sed annis tribus vir venerabilis Cuiasla-
us tenuit Cracouiensem Episcopatum per Wladislaum Ducem Polonorum sibi collatum.
Fuit hic Balduinus Canonicus Stobnicensis, & Boleslaus Duci & Monarchae Re-
gni Poloniae in grandi necessitate subuenerat, eiusque patrocinio ac suffragio fuit
in Cracouiensem Cathedram promotus.

CONRADVS Henrici Imperatoris filius Florentiae moritur, & anno alte-
ro Henricus Cronam Imperii a Paschali Papa sumit, nec multo post illum cum
multis Ecclesiae Praelatis capit, & in carcerem recludit, unde parum post li-
beratus euadit.

Anno Domini 1102.

Wladislaus Poloniae Dux, magno Baronum
sed maximo Boleslai filii luctu moritur.

SEXagesimum suae aetatis uno minus annum, Wladislaus Hermanus
cognominatus Polonorum Dux, impleturus, grauem incidit languorem. Qui
cum illum vexasset diutius, Boleslaus tamen filius suus nunquam a lan-
guentis lectulo, nisi quantum patris curandi usus postularet discedebat. Tandem
viribus debilitatis, animam de corpore quinta die mensis Iunii exclusit. Affuit
suo excessui Martinus Gnesnen Antistes, ipseque Duci decessuro, & Sacratissi-
mi corporis Christi viaticum & supremam unctionem praestitit. Cadaver quoque
exanime, donec filii, Praesules, Barones, & Milites ad iuxta Ducali funeri exoluen-
da, conuenerent, usque in diem quintam conseruauit. Scribunt & asserunt nonnulli
annalium Poloniae Scriptores, Wladislaum Ducem Poloniae praefatum non naturali
morte concidisse, sed a filio spurio Sbigneo, qui & Sbieg a Polonis cognomi-
natus est, per fraudem occisum esse. Sed filiis confluentibus, Sbigneus non de hono-
re & iure patri sepeliendo, impendendo, sed de thesauro a patre relicto, curam
intenderat, solita quoque furia vexatus, litem grauem & pro tempore execrabilem,
cum Boleslao fratre, flotibus & maerore occupato & confecto, inchoauerat. G-
strem Plocense, cum suae sortis & iuris esset, etiam thesaurum illic repositum,
sibi tantummodo cedere debere integrum. Qua sedata Martini Gnesnen Archie-
piscopi caeterorumque Episcoporum & Baronum intercessione, officio sepulturae per dies plu-
res vacatum est. Ducis quoque mortui Wladislai corpus in Ecclesia Plocensis

choro, non sine Boleslai filii legitimi, Prælatorumq; & Baronum lætu, debito honore conditum est. Thesaurus quoq; prout ex dicto Martini Archiepi & Eporum Poloniæ conuenerat, inter Boleslaum & Sbigneum diuisus exæquo, quanquam iure Municipali minus perscriptum est, legibus tamen Imperialibus & communi iure gentium sancitum, ut naturales filii sortem hæreditatis in Regno non possint usu accipere. Sbigneo quoq; in Masouia & Ploczko, sibi enim sorte prouenerat, remanente, Boleslaus in Sedes sibi designatas à patre abiit, tum quoq; primum Polonici Regni Prouinciæ discorpi atq; scindi ceperunt. Tantam autem charitatem Boleslaus Princeps, nobilis parentis, nobilissimum veraxq; germen, in patrem mortuum monstra- uit, ut eius excessum quotidie effusione nouarum lachrymarum, & habitu vestis atræ, integro lugeret quinquennio. Laminam insuper auream paternam imaginem simul & nomen insculptam habentem, ceruici appendit, nocteq; & interdum gesta; ret, ut quasi patrem cerneret, eiusq; aduentum ad singula sua agenda figuraret, utq; præsentia sua in virtuosis actionibus consisteret erectior, crebro id apud se, lamina aurea suggerente, ingeminans atq; repetens dicebat. Sermonem tuum antequam prodeat (pater enim illum exaudit) ut lotus & cultus sit, circumcide: opera tua ut iustitiam & veritatem redoleant, ut uno tenore percussa sint (pa- ter enim singulorum inspector adest) via Regia dirige, & in singulis quæ vel me- ditando, vel fando, vel operando egeris, Deum præsentem timore sapientiam præ- stante, reuerere. Talibus documentis, quæ sua sponte pectus ingenuum spirabat, Boleslaus eruditus, in breui in virum solertissimum & perspicacissimum, Clemen- tia Saluatoris illum dirigente, euasit. Armorum & equitandi peritus, laborum ultra fidem patiens, eloquio nitidus, & iudiciis strenuus, pietate præstantissimus, gubernatione Regni strenuus & præcipuus, in bellicis Actionibus & victoriis semper clarus. Vltra autem Militaris gloriæ laudes, plurimæ in eo fulsere vir- tutes, fides, prudentia, & industria. In omnes liberalitas læta, erga calamitosos & inopes miseratio semper prompta, patri Wladislao non absimilis, cæterum di- sciplina rei militaris longè peritior, Copiis apparatusq; longè opulentior instru- ctiorq; liberalitate animi, facilitate morum, dexteritate ingenii copiosior.

Anno Domini 1103.

Boleslaus Poloniæ Dux cum Sbilaua Stria:
 & opelkonis Ducis Russiæ filia nuptiis celebrat.
 Quo tpe Sbigneus cū Bohæis Poloniā vastare conantur.

E Gregiam operis nostri partem, in quam Diuinitate propicia ut cunq; peruen- tum est, inchoaturus, id primum mihi præfari liceat, quod & plerosq;

rerum Scriptores in vertice suorum operum professos meminij. ~ Tempora me &
bella memoranda, egregia & rara felicitatis, atq; virtutis Ducis Boleslai Polo-
norum Monarchæ, descripturum. Cuius pectus tam ferox fuit in aggrediendo,
animositas tam constans in agendo, celeritas tam prompta in conficiendo, libera-
litas in largiendo, industria in providendo, modestia in deuictos, clementia in
afflictos, commiseratio in calamitosos, urbanitas in hospites, aequitas & pietas in
subditos, quemadmodum memoria multorum authorum literis proditum est, adeo
ampla & immensa, ut inter Polonorum Reges & Principes, neq; vir melior, neq;
Dux peritior, neq; miles audacior, neq; victor foelicior, neq; patriæ amator feruen-
tissimus, neq; iudex iustior, illo unquam memoratur extitisse. Septem & quadragin-
ta prælia constat illum confecisse. In quibus adeo prudenter & animosè versatus
est, ut ferè in singulis insigni sua plerumq; virtute triumphauerit, Inerat illi in
oris extremitate, quædam ad gratiam magis quàm deformitatem producta recurui-
tas, ob quam Boleslaus Krziuouski, vti indirecti oris est agnominatus. Tantas
autem virtutes in præclaro Principe, sola crudelitas viciauerat, cui etiam in aper-
tis & expertis rebus, tam se obnoxium substrauebat, ut actionibus suis aliòquin glo-
riosis & magnificis, aut leuitatis notam inuictam, aut confusions ignominiam, con-
stabat permixtam. Altero post obitum patris anno, Prælati & Baronibus Po-
loniæ diu cunctantem renitentemq; & ætatem nondum maturam opponentem, cogen-
tibus, Principis maioris Russiæ filiam Smiatopolkanis Ducis Riouien nomine
Sbislauiam, virginem forma & moribus illustrem (quamuis alter alterum quarto
consanguinitatis gradu aequè contingeret) accepit uxorem, verentibus Consilia-
riis, ne tam nobile germen, non relictis frondibus, excederet. Nuptiarum celebri-
tatem Cracouiæ sedecima die Nouembris acturus, Sbigneum fratrem naturalem,
quem plus quàm germano affectu diligebat, & in quem charita & venerationis
officium, quod patri præstare solitus erat, contulerat, ad illam inuitat. Qui elsi
pro honore fraterno ad illam venire promptum se obtulerit, illico tamen pecunia ac-
cepta, ad Bohemiam se contulit, & tam Ducem Bohemiæ Borzimoj quàm nepo-
tem suum Smiatopelk & præsenli pecunia, & futura promissione inescatos, arma
contra Boleslaum sumere & Ducatus suos inuadere induxit: nullum aplius tem-
pus eo quo Boleslaus Polonorum Dux nuptiarum solennitati vacauerit, decate-
rò ad id inuadendum suos Principatus prouenturum. Iam enim in Grecz Bohe-
morum copiæ peruenerant, cum murmur & indignatio Bohemorum exorta est, que-
rentium se ad iniusta bella, ex quibus ad solos Principes locupletatio ad se tenui-
tas proueniret, cogi. Rem in seditiõnem verti timentes, & Borzimoj & Smia-
topelk Duces in Bohemiam (Sbigneo ignominiosè deserto, vana tamen spe imple-
to, aliò se tempore suis desideriis morem gesturos) reuertuntur. Boleslaus im-
pedimento hostili, quod illi fratris inuidia exciuerat, Bohemicorum militum sedi-
tione solutus, magno sumptu & pompa nuptias egit, Sedecim quoq; diebus integris

quibus nuptiarum sollemnitatis tendebatur amplitudine, sua digna munera inter Conui-
uas & inuitatos distribuit ~

Consanguineitatis impedimentum quod inter Boleslaum Ducem & nouam sponsam ver-
tebatur, Paschalis Papa secundus, Balduino Epō Cracouien procurante, dispensa-
tione sustulit. Bohemica repulsa Sbigneus accepta, ad alias rursum molitiones
animum inducens, Pomeranos, Pruthenosq; & quoscunq; alios adire festinat, in bel-
lum & arma illos, contra Boleslaum Ducem Polonorum induciturus. Ambitio enim
ad occupandum Poloniae Regnum uniuersum, & liuor in Ducem Boleslaum illos
sibi subministrabat spiritus, cum illum iusta matrefamilias, se pellice ortum,
illum fauore & charitate Polonorum magnum, se inuisum & contemptibilem
esse nosset. Nullam itaq; sibi spem ad adeptiōnem Regni nisi in scelere re-
lictam ratus, ad id omnes quos poterat conatus intendit, & germanitatis oblite-
rata memoria, non insidiatoris modo sed ganeonis manifesti personam induens,
noctes diesq; insidiari illis capit. Callidus enim & versutus natura Sbigneus,
quo se inferiorem materno latere cernebat, eo studiosius per fraudes & dolos,
capitales insidias non desinebat Boleslao extruere, non aliter se nisi Boleslai
interitu dedecus originarium existimans depulsurum. Videns insuper fauorem
& dignitatem Boleslai apud omnes validam fore, sibi nullam spem Regni nisi
in scelere ratus, ad id unum omnes cogitationes curasq; suas intendere pergil,
nec illum metus à periculo, aut ratio à furore reuocabant: furtiua viciatus
sobole, qui de matre erubescere debuerat, Principatum appelebat ~

*Duces Russiae omnes in Poloncos conspirant.
Quorum terras ingressi vastant, atq; conserto cum
illis praelio, eosde 20. Ducibus interfectis fundunt ~*

PActa cum Ducibus Russiae firmata, violantibus Poloncos, terras Rus-
siae excursionibus & spoliis assidue vehementer vexantibus, Conuen-
tu apud Kiiouiam Ducēs Russiae octaua die Aprilis celebrato, expe-
ditionem contra Poloncos aestate non expectata, gerendum inducunt. Milites
autem Ruthenorum, & si non conuenire in tempore hyberno geri bella astruerent,
& grauari se plurimum per indictam expeditionem quererentur. Duce tamen
Kiiouien Smiatopelcone disserente, cum eo hoste ipsis bellum esse, qui nequicq;
obseruatis temporibus assidue illos infestat, et cui pro omni tempore resisti oportet:
at, expeditio huiusmodi uniuersali consensu accepta est. Ad quam communibus
viribus & armis Ruthenorum Ducum & populorum gerendam, David & Olech
Duces qui Conuentui Kiiouiensi intererant, cum vocarentur, David quidem

vocationi paruit, Olech vero aggritudine simulata venire contradixit. Wlodimirum itaq; cum suis copiis procedentem, Smiatopelk Kiuuiensis Dux, David Smiatoslawicz, David Wseslawicz, Msczyslaus nepos Hrehorii, Wiczeslaus Iaropelczicz, & Iaropelk Wlodimirowicz Duces, unusquisq; cum gente sua, equis & nauibus uecti, secuti sunt. Egressi autem de nauibus, consensis equis, & aciebus ordinatis, veniunt in Schuten. Quorum apud Polomczos percrebrescente aduentu, congregantur Polomczii in maxima multitudine, cum Ruthenis, quos iam uicisse & subegisse crediderant, dimicaturi. Suasit autem unus ex Ducibus Polomczonum Rubosza nomine, Polomczis, ut certandi animo omisso, pacem potius cuius ipsi uidentes extiterant, a Ruthenis in grandi exercitu uenientibus, flagitarent. Qui & si salutaria suaderet, arguentibus tamen Ruboszam de ignauia & metu notantibus ceteris, auditus non est: profitentibus se & Ruthenos qui aduenerant debellaturos, & tam terras quam munitiones eorum occupaturos. Nec superesse quenquam ea potentia praeditum, qui Ruthenos ab eorum inuasionem sit saluaturus. Quo tam superbo & feroci dicto Rutheni & Duces eorum cognito, pro consequenda ex alto uictoria, frequentibus uotis, promittendo templis & Monasteriis, largitiones amplissimas, Dei Clementiam precabantur. Archonga autem uir fortis & strenuus in armis cum aliis non paucis ad speculandum a Polomczis praemissus, a Ruthenorum speculatoribus interceptus, nullo ualente effugere cum omnibus comitibus suis occiditur. Qua res, uelut de summa belli pronunciaisset Ruthenos uictores, animos Ruthenorum erexit. Polomczis itaq; in magna multitudine, quam nemo Ruthenorum poterat aut circumspicere, aut aestimare, in aciem prodeuntibus, immisit Diuinitas terrorem & pauorem in illos, & occupati trepidatione & pauore, antequam in congressum cum Ruthenis uenirent, non ipsi modo sed & equi eorum cespitare, maioremque quendam praesferre ceperunt. Ruthenis e contra ordinanter & cum magna alacritate, equis etiam eorum in laetitiam effusis, frequentius hinnientibus, ad praelium prodeuntibus, Polomczii solo eorum conspectu perculsi & de bellati pugna omissa, terga vertunt, caedes itaq; non certamen fuit, & fugientes Polomczos passim trucidant. Viginti Duces eo praelio occisi, uelut Rubosza, Koczka, Harszlonopa, Kikalopa, Huniana, Hasupa, Kurtaka, Czieniechrepa, Surbor, & plures alii, multa millia caesa, multa capta. Castris Polomczonum Rutheni potiti. Ruthenicus exercitus, ex auro, argento, gemmis, pecoribus, camelis, & alia varia suppellectili illic recepta, affatim dilatus, onustus multis spoliis, & multos captiuos Polomczonum ducens, uictor in Russiam rediit. Fecitque Deus in illa die, magnam salutem Ruthenis, infestos & graues hostes Polomczos tradendo in manus eorum. Procedente autem tempore eiusdem anni, terrae Russiae a Ruthenis & Lithuanis uastatae sunt.

*Opinio de Duce Mieczslao olim
Boleslai Regis exulis filio &c.*

Volunt & nonnulli Annalium Poloniae Historiographi, eo primum anno, & non Millesimo Sexagesimo quinto, quemadmodum in superioribus narrauimus, Mieczslauum Ducem filium Boleslai Polonorum Regis, confirmata apud Crusui: ciam, ubi tenebat sedem Monasterii in Mogilno per patrem suum fundatione, simul cum Eudoxia coniuge sua, secundo Idus Marcii, vi veneni, quod forte una die simul hauserant extinctum esse, Cuius confirmationis apices originales in ipso Mogilnensi Monasterio, in pargameno exaratas, ego legi, vidi, et tractavi. ~

Anno Domini 1104.

*Boleslaus Dux Poloniae misso in Bohemiam exercitu
Duces Bohemiae Borzimoj et Conradum ulciscitur.*

Hostilitate, quam aduersus se Boleslaus Polonorum Dux affines suos Borzimoj & Conradum Bohemiae Duces, ad Sbignei fratris sui suggestionem machinatos, sub diebus nuptiarum suarum agnouerat, vehementer offensus, nec suggestori tantum Sbigneo, quantum Conrado, is enim, Borzimoj Duce Bohemiae Boleslao bellum inferendum declinante, ardentius id geri expelebat, iratus, milites magis praestantes & veteranos in arma euocat. Et valido exercitu ex proprio tantummodo milite congesto, praeficiens illi in Ducem & Principem Militiae Comitem Zelislaum, in Morauiam, quam tunc Sviaatopelk velut sortis suae haereditatem possidebat, transmisit. Tanto autem ad ulciscendum Sviaatopelkonis hostilitatem ferebatur ardore, ut tempore belli apto non expectato, in Quadragesimae diebus expeditionem ipsam milites agere iusserit. Ne tamen expeditioni huiusmodi personaliter interesset, agere a Consiliariis exorari potuit. Zelislaus itaque Princeps Militiae triplici agmine, ita enim erat illi a Boleslao Duce imperatum, Morauiam ingressus, incendiis, spoliis, & praedis non in Quadragesimae solum diebus, sed etiam festum Paschae sequentibus, grandi incommodo eam afflixit. Et uniuersa fere Morauia absque aliquali resistantia peragrata, praedarum & captiuorum, magnis turbis, maximoque numero ortus, in Poloniam remeabat. Lamque locis quae Poloniam a Morauia disterminant, proximus erat, dum & exploratorum, & speculatorum denunciatione certificatus est, Sviaatopelkonem cum exercitu frequenti, plus de pedite quam equite habente, se insectari, nec plus duobus miliaribus a se Castra posuisse. Si scit illico gradum Zelislaus, & imbecillioribus infirmisque, cum captiuis, praeda & spoliis praere iussis, quatenus futura dimicatio expeditius iniretur, ipse aciebus

instructis, milites paucis, ut cælitibus iuvantibus fortiter decernerent, hortatus, in
stativis hesternæ die habitis Szwiatopelkonis aduentum, cum universo Poloniae
exercitu alacer operiebatur. Aduenit tandem Szwiatopelk Moraviae Dux, et ira:
rum fellisq; pro sortis Moraviae exustione, plenus, bellum animo infesto conceptum
conseruit: suæ et suorum virtuti plurimum confidens, nihil casui reservabat, se:
cundos sibi destinans successus, quasi non et in altera parte viri aequè pugnaces
fuerint, magno impetu ab utrisq; concursus esset, maiore tamen vi, usq; ad vespe:
rarum horam, cum in tercijs capisset pugna, gerebatur. Et utraq; parte pro vi:
etoria admitente, fuso utrinq; multo sanguine, plurimisq; hinc inde aut cadenti:
bus aut vulneratis, æquo Marte utraq; acies, hæc in Poloniam, illa in Moraviam
ex infesta palestra rediit. Szwiatopelkoni et Moravis, ultra maiorem quem pro
his qui in prædicto prælio ceciderant, etiam is, quod prædam à Polois non excusserant,
accessit. In hoc certamine dum Zelislaus Princeps militiæ, et Ducis et mi:
litis officio egregiè functus, in locis aliquot pugnam restituens, manum dexte:
ram amisisset, amputatorem illius sinistra occidit. Pro qua illi ob virtutis insi:
gne Boleslaus Polonorum Dux sua liberalitate ampla contulit munera. Nec
oblatis fides defuit, quoniam et donationibus munificis illum locupletavit, et
pro carnea amissa, manum illi auream fabricavit. Cuius simulachro usus, fortitu:
dinis suæ facinore magis quam vera manu fiebat conspectior. Plures et alii Polo:
ni in huiusmodi prælio, aut desiderati aut vulnerati sunt. Quæ plaga creditur
propterea Polonis accidisse, quod diebus Quadragesimæ esu lacticiniorum viola:
tis, etiam in die Resurrectionis Sanctæ quædam nefanda scelera patrauerant,
maiorēq; gloriam eius victoriæ quam lætitiā miles Polonicus habuit. Indignū
siquidem iudicavit et deforme sibi Boleslaus Poloniae Dux simulacrum manus
aureæ Zelislaui Principi Militiæ non reddere, qui pro suo imperio fortissime di:
micans, in acie veram amisisset. Omnes autem suorum introituum Ducalium
sumptus, in nullam ut cæteri conuertebat voluptatem, sed ad equos et arma
et quamlibet aliam Militiæ et artis Imperatoriæ, suppellectilem, Pro qua
una adipiscenda maxima cura, studio, conatuq; adeo flagrauerat, ut nulla
unquam ipsum occupatio auocauerit, labor distraxerit, discrimen deterrue:
rit, nec Poloni alio Duce ad capeßanda pericula plus audaciæ ostentarunt

*Bohemiam secundo Boleslaus Polonie,
Dux ingressus maxime affligit et.*

Szwiatopelkonem Moraviae Ducem Boleslaus Poloniae Dux denuo in se:
etaturus, ea quæ Zelislaus et exercitus sibi commissus egerat, pa:
rum probans, alio rursum coacto exercitu magis potenti, Moraviam
per Alpes Poloniae confrontatas ingreditur. Per quas et si in eam diem usq;

quavis itineratio difficilis fuit: ipse tamen primus ferro & igne iter illud patefecit. Ad illius aduentum omnes agrestes fuga dilapsi, aut in munitiones se cum fortibus suis conferunt, aut in sylvis & abditis locis pecus condunt. Intelligebant enim Dominum suum Sviatopelkonem, priori certamine satis debilitatum, Boleslao Polonorum Duci cum recenti & fortiori agmine aduenienti, decernere quæ æstuant, nullatenus occurrurum. Liberè itaque Moravia vastata, ampliori etiam incendio afflicta, incolumis & nullam Moravorum resistentiam expertus, cum exercitu novis spoliis ditato rediit.

*Legatus Papæ veniens in Poloniam duos
Episcopos suis Sedibus priuavit etc.*

Summi Pontificis Paschalis secundi Nuncius, cum potestate Legati de Latere, Gualdo Epus Baluacen, in Poloniam, Boleslao de Morauica expeditione redeunte, venit. Qui à Boleslao Duce comiter exceptus, Polonica visitata, prout à Summo Pontifice iussus erat, Ecclesia, rigore iustitiæ in sceleratos, Boleslai Ducis illum animante ac uentiloquæ assistentia, duos Prouincie Gnesnen Episcopos, culpa exigente, damnauit, & suis per sententiam depositionis priuavit Sedibus. Qui tamen huius fuerint, & quarum Ecclesiarum Episcopi, vario & diligenti in quibuslibet Annalibus scrutinio facto, legisse me non meminerim. Raro tamen ex coniectura euidenti, quod unus depositorum Episcoporum fuit Craslaus, qui Cracouiensem Episcopatum, nulla Summi Pontificis auctoritate, sed sola Ducis Poloniæ donatione, detinebat.

*Boleslao Poloniæ Principi filius
Wladislaus nascitur etc.*

Aditus est à Ducissa Sbislaua consorte Boleslai Ducis Poloniæ in anni huius fine infans egregius. Quem præfatus Gualdo Episcopus Beluacensis cum alijs Polonorum Episcopis, in Cracouiensi Ecclesia de Sacro fonte leuauit. Qui patre iubente auitum nomen Wladislaus accepit.

Anno Domini 1105.

*Boleslaus Poloniæ Princeps Pomeraniam ingressus
Golperg oppugnat, sed negligentia militum suorum
re infecta spoliis tamen onustus reuersus est etc.*

Secretam & cautelosam expeditionem paucis consensu in Pomeranos, terminos Principatum suorum lacebantes, Sbigneo eos ad id crebris, clandestinis tamen ausamentis & promissionibus incitante, Boleslaus Polonorum Dux acturus, copias equestres tantummodo in Glogom, specie expeditionis in Bohemiam, quo & Sbigneum & Pomeranos falleret, iussit conuenire. Omnibus tandem, quæ illi expeditioni rebantur sufficere, comparatis, exercitum per quinque integros dies, per sylvarum opacca & colles inuios, ne propositum suum prodi posset, versus Gottberg Civitatem ea tempestate opibus famosam, duxit. Cumque sextis statuis propius eam accessisset, militibus ex itinere fessis, quietem aliquam daturus, curare illos primum animas Sacro Eucharistiae viatico, deinde corpora iubet. Septimo die qui in Sabbato obuenerat, Officio Sanctæ Mariæ in cuius deuotionem singularius ferebatur, expedito, diluculo ad Gottberg incautos oppressurus accedit, flumenque quod circa Urbem decurrit, tunc inflatio, res solito undas habens, pontibus non requisitis (ut suus ab hostibus dinosci non posset aduentus) cum vniuerso exercitu tranat. Diuisoque trifariam exercitu, duas cohortes in subsidiis locat, ne à Pomerano à tergo adoriretur subita inuasionem, ipse cum tertia Urbem inuadit, aggreditur, & oppugnat. Iam plerique milites effractis portis, iter cæteris Civitatem irrumpendi effecerant, sed maiore parte militum ad diripiendam suburbanam prædam quam ad Urbis impugnationem magis discurrente & intentâ, milites qui Civitatem intrauerant, conspecta eorum à Civibus paucitate, obsistente Civium multitudine, retro cedere non sine grandi periculo sunt compulsi. Pomeranorum Dux qui in Gottberg morabatur, ne in Boleslai manus viuus veniret, inter hunc tumultum fuga dilapsus est. Magnis expositis conatibus Boleslaus Gottberg expugnare adortus, castigatis militibus, qui præda viliore occupati, opportunitatem bene gerendæ rei exequi neglexerant, in pluribus simul locis impugnationem Urbis instaurat. Fessis autem aut vulneratis novos & recentes succedere iubens, circa oppugnationem Civitatis casso labore usque ad vesperam, Civibus constanter mœnia sua tuentibus, immoratus est. Videns tandem conatus suos, militibus nequicquam proficientibus, & ad ultimum fatigatis, recedere in irritum receptui signo dato, suos ab oppugnatione Urbis reuocauit. Suburbioque tum primum militibus in prædam dato, illoque in locis pluribus in circuitu exustis, magnum captiuorum numerum secum vehens, in propria rediit, intelligens oppidi Gottberg conquisitionem sibi fato aduerso tunc subductam ~

Boleslaus Polomæ Dux Swantoborum quendam Vasallum suum à Pomeranis captum repetit et liberat ~

Brevi quiete postquam a Goltberg reditum est, ad expediendum arma
 & curandum corpora, militibus a Boleslao Polonorum Duce concessa,
 alteram in Pomeraniam cum eodem expedito milite, quo circa Goltberg
 fuerat usus, expeditionem acturus, dum aestate illa nullo amplius belli mune-
 re vacaturus crederetur, remeavit. Swantobor ora maritimae Princeps, & Bo-
 leslai Vasallus, Boleslao quoque sanguine iunctus, a Pomeranis in captivita-
 tem comiectus (sui siquidem milites & subditi iniustum eius imperium perosi,
 illum de Dominio exturbaverant, vincuntque Pomeranis velut hostibus infes-
 tis, tradiderant, brevi illum existimantes apud Pomeranos extincturum) ex-
 peditioni praefata secunda in Pomeranos causam praestiterat. Hic siquidem
 dum longo tempore carcerales apud Pomeranos sustineret molestias, per lite-
 ras & crebros nuncios Boleslaum suppliciter fatigat, ut sui miserlus, calami-
 tosum eum esse, et in horrendo carcere mori, per necessitudinem communis san-
 guinis non sinat. Boleslaus & si probe nouerat Swantoborum maioresque su-
 os & omnem progeniem sibi & suis progenitoribus nunquam puros, sed semper
 in fide fluxos & vafros extitisse sua sponte tamen Pomeranis infensus, per
 occasionem liberandi Swantobori sui Vasalli, Pomeraniam ingreditur, missis
 qui (msi Swantoborus reddatur) denuncient bellum Pomeranis. Pome-
 rani autem non belli denunciatione, sed aduentu post denunciationem Boles-
 lai tam repentino & insperato perterriti, vastationem sibi & terrae suae
 impendentem providē evitaturi, Swantoborum de carcere solvunt, & usque
 ad Castra Boleslai perductum, Boleslao restitunt. Qui vitam & liber-
 tatem sibi a Boleslao praestitam publica voce professus, dignationi suae multi-
 plices gratias agens fidior decetero in subiectione sua permansit.

*Bellum inter patrem et filium Imperatores
 pro imperio obtinendo. In quo filius corru-
 ptis quibusdam principibus in exercitu pa-
 tris sui existentibus victor evasit.*

Henricus quintus Romanorum Rex mandato & ordinatione Papae Pa-
 schalis Secundi Henrico quarto Imperatore ob rebellionem in Sedem
 Romanam deposito suffectus, congregatis pluribus ex Imperii ter-
 ris bellatoribus, Saxoniae terram ingressus, eam suae ditionis facit, & plures
 Principes, Episcopos & Barones Almaniae ab obedientia Imperatoris genitoris
 sui auertens in suam ditionem inclinat, resistentes destituit & expellit. Ad
 quorum restitutionem dum Imperator Henricus alterum exercitum contra
 filium comparasset, Regnoque Almaniae miserabiliter diverso ferro flammaque

crudeliter vastato in ripa Rhemi fluminis pericidale bellum commissuri,
tam pater quam filius conserunt. Intelligens autem Henricus Rex patris sui
Imperatoris precipuas vires in Borzimoj Bohemia Duce, & Leopoldo Mar:
chione consistere, magnis donis & promissis utrumque corruptum, patrem lin:
quere et sibi adherere coegit. Quibus abscedentibus Henricus Imperator de:
cernendi voluntate omissa, in arces dissoluto exercitu secessit. Ab eo quoque
tempore res filii prosperari, patris sensim caperunt diminui ~

*Conradus Moraviae Dux deieciurus patrum
Borzimoj de Ducatu Bohemiae, defectione Bo:
hemorum ad se elatus, Pragam venit. A qua
ob praesidium in ea locatum recedere cogitur.*

*A*D Bohemiae Principatum obtinendum dum Conradus Moraviae Dux
filius Othonis filii primi Regis vehementer aspirans, inducit in ani:
mum, ut patrum germanum Borzimoj, eius possessionem pacificam
nactum, ab illo deiciat, quod illi non solum proprius ambitus, sed quorundam
Baronum Bohemiae, qui rebus novandis studebant, prava persuasio suggestit.
Exercitus itaque notabili congesto, in Bohemiam ingreditur, pluresque Bohemi
Borzimoj deserto ad illum deficiunt. Quorum defectione elatus, & totius
Bohemiae Principatum sibi destinans, celerius ad caput Bohemicum (Civita:
tem videlicet Pragensem apprehendendam festinabat. Respondisset autem spei
suae plenus effectus, nisi Borzimoj Pragam veniret, & praesidio firmo in ea
locato, Castro quoque Wiszegradiensj fidei Ep'i Pragen' Hermani commissio,
rebus suis tempestive providisset. Quamvis autem Swiatopelk cum sex
legionibus Pragam venisset, a Pragensibus tamen portas ei claudentibus ex:
clusus, in Moraviam abiit. Quem & si Borzimoj abeuntem fuisset conse:
cutus: distulit tamen cum illo quamvis superiorem se numero militum vi:
deret, decernere, ambiguitate fidei Bohemicae, ne desertus in nepotis ma:
nus incideret, deterritus

Anno Domini 1106.

*Exercitus Polonorum Scarbimiro ductore Pomeraniam
bis affligit. Dux vero Boleslaus domi venationi studens
in periculosissimas Pomeranorum insidias incidit. Ex qui:
bus in credibili auctantia et fortitudine pene victor eua:
dens mox misso exercitu denuo Pomeranos ulci scitur.*

Vacationem Militiae & bellorum Consiliariis impellentibus Bolesla-
 us Polonorum Dux suae tantummodo personae assumens, & Civilia
 Ducinorum negotia pertractans, Scarbimirum nihilominus virum
 in armis bene strenuum & expertum in Principem Militiae creans, ipsum cum
 equestrium & pedestrium copiis in Pomeraniam transmisit. Qui cum quasda-
 munitiones, Castella, et oppida ignobilia munita tamen primo impetu cepi-
 set, inde magnum captiuorum & spoliis numerum congerens, in Poloniam
 deduxit, eodemque itinere, quo venerat Pomeraniam, reuersus. Castro Bi-
 thom magna militum audacia conquisito, vicis nonnullis praedatis & incen-
 sis, cum nemo ex aduerso appareret, ad Ducem suum Boleslaum cum non-
 nullis militibus, his praesertim qui ordines ducebant, de rebus a se in Pome-
 rania gestis, relationem facturum venit, Boleslaumque ab uno ex suis mili-
 tibus, dedicationem Ecclesiae villagii sui & nuptias sub vniis expensis a-
 gente, inuitatum, inter conuiuias offendit. Laetitia Boleslaus de Scarbimi-
 ri & suorum militum foelici reuersione repletus, prandio expleto, semibus
 in conuiuio relictis, ipse Scarbimiro & caeteris iuuenibus militibus assumptis,
 ad syluas (in quas ferarum multitudinem constabat accubasse) venatio-
 ni daturus operam, ne virtus ex ocio languesceret, processit. Sed ferocio-
 res ferris Pomeranos illuc reperiens (quippe post Scarbimiri recessum, in
 interiora Polonorum furtim se glomeratim diffunderant, & multos ex Polo-
 nis incautius se gerentes occupabant) in eorum penes agmen, ni ex signis &
 equis cogniti fuissent, incidisset. Aduersus apparatus tot terribilium
 cuneorum, tot distringendorum gladiatorum rectos oculos tenuit, nec aliquid
 ex vultu mutauit, quid tamen ageret Dux inuictus fugeret ne an pugnam
 cum graui multitudine confereret, quouero gradum verteret, nesciebat. Cum
 tandem ferocem spiritum ad moriendum magis quam fugiendum destinaasset.
 paucis comiter, ne se in ea necessitate desererent, sed potius honestam mor-
 tem secum una oppeterent, cauerentque ne animas inulti effundissent, adhorta-
 tus, ipse primus ante suos omnem illam Pomeranorum, tribus hominum millibus
 constantem, adoritur turmam, perforat, scindit, & ense hostium caede cru-
 entato, vniuersum hostium penetrat agmen. Rem incredibilem ausus, quam
 nisi adiuuisset fortuna, plus temeritatis quam gloriae habitura fuerat. Et
 dum altera vice eandem penetrationem geminasset, multosque ex hostibus ve-
 lut Leo furibundus strauisset, tertio iam suis hinc inde aut fractis aut dissi-
 patis, & tantummodo quinque militibus secum relictis dum eandem penetra-
 tionem vellet repelere, unus de quinque superstitem numero, equi Ducalis vi-
 dens viscera in terram defluxisse, exclamat. Noli, inquit, clarissime Prin-
 ceps in apertum discrimen, non te solum sed totam Poloniam perditurus pro-
 dire, sed meliori tempore te reserua. Parce tibi, parce & patriae, quam, si

nunc tibi peperceris, conseruas. Integro quoque equo meo consenso, ex manifesto te subduc periculo, me hic mori satius est, quam te sydes Patriae, in quo vita singulorum conclusa est, occumbere. Hæc vociferantem Ducalis equus moribun-
dus Seshorem suum inclitum Ducem Boleslaum, quasi nouisset quem tulisset, placide deposuit. Qui equo militis consenso, pedetentim in partem, vix triginta militibus sauciis tamen singulis ad illum confluentibus, declinauit. Scarbimirum quoque Ducem Militiae vulneribus confectum, & oculo dextro in pugna mutilatum, reperiens, in locum ex quo processerat, totus ad hostium caedem anhelans & fremens, Pomeranis abeuntem sequi non ausis regrediebatur. Quæ omnis turba eorum qui in conuiuio resederant, pugna quæ gerebatur audita ex conuiuio armis correptis, Duci suo latura auxilium, prosiliens, in medio itinere excepit, & cum magna hilaritate, quod saluum illum, quem captum aut occisum putauerant, receperant, in conuiuium locum perduxit. Sic temeritas victoria inuenit, & uentus in gloriam periculum vertit. Cum autem de clade taliter secuta, rumor falsa quædam immiscens veris, fuisset intra Poloniam vulgatus, fit ad Ducem frequens omnium ordinum, saluum eum videre gestiientium, concursus. Cumque ab omnibus certatim temeritatis argueretur (frequentes enim in galea, & in armis & in corpore ictus, disruptiones, rimæ & fissuræ, magnitudinem periculi in quo versatus fuerat, eo etiam reticente, depromebant.) Nihil, inquit, æstimamus vilius, quam fortitudinem tuam dimicatione temeraria confundi, & illic eam consumi, ubi non potest ostendi, indignum facinus & sæculis relicurus fabulam, si in tam ignobili dimicatione occidisses. Aliud, inquit, Dux carpendi & obiurgandi me suppetet vobis tempus, nunc verò si vulneribus & læsionibus, si morte militum meorum & fratrum vestrorum mouemini, omnes vos non requisitos modo, sed rogatos esse volo, ut armis quanto celerius indutis, in Pomeraniam unâ mecum vos conferatis, gaudium, si quod ex clade meorum perceperunt Pomerani, illis Diuinitate propicia erepturi. In hanc vocem cunctis in domos ad induendum arma dilapsis, sub brevibus diebus ingens tam equestrium quam pedestrium multitudo, ad locum à Boleslao assignatum, Pomeraniam ingrossura, conuenit. Nunciatur interim Bohemorum gentem & Ducem eorum Sviatopelkonem, qui patruo germano Duce Borziwoj, iusto Bohemorum Principe, adiuantibus illum Primoribus Bohemorum profligato, sedem Ducalem occupauerat, ad vastandum Poloniam armis accinctum esse, & tam equestribus quam pedestribus copiis in unum coactis, propè Kloczko consedis-
se, Borziwoj quippè Bohemorum Dux, tutum sibi apud Boleslaum Polonorum Ducem sciens credensque exilium, à nepote Sviatopelkone in Poloniam se contulerat, benignèq; à Polonorum Duce Boleslao cum suis omnibus exceptus, magnum odium Boleslao Duci & Polonis, in Sviatopelkonis & Bohemorum

pectoribus exciuerat, eam quoque iniuriam armis se minebantur ulturos. Ad quos igitur hostes primum iter Boleslaus faceret fluctuans, cum neque Pomeranorum ultionem differre, neque Bohemis interim opportunitatem Poloniam invadendi volebat largiri, utrique negotio satisfacturus copias dividit, quarum una parte Scarbimiro attributa, illum in Pomeraniam destinat, ipse cum altera ad sylvas Bohemiam a Polonia scindentes, quas Hercimias vocamus accedit. Sed Bohemi occurrerunt sibi intelligentes Boleslaum, acie dissoluta in domos regrediuntur. Pomerani a Scarbimiro, incendiis et spoliis aliquot hebdomadis afflicti, iustas suarum invasionum in Poloniam penderunt penas.

Duobus de viginti annis in regimine Posnaniensis Ecclesiae decursis, Dionysius Episcopus moritur. Cui Laurentius primus Praepositus Posnaniensis Capitulo Posnaniensi et Boleslao Duce et Monarcha Regni Poloniae instante, et aliquem ex Polonis promoveri gestiente, succedit, a Martino Archiepiscopo Gnesneni ad illam provisus, confirmatus et consecratus. Hic Laurentius natione Polonus erat de humili stirpe agrestium procreatus, virtus tamen et vita probe acta, illum in nobilitatem coniecerat.

*Henricus V. Imperator a sentiente iam
tandem patre in Imperatorem eligitur.*

Maguntiae Principum Almaniae maximo Conventu, cui Apostolici Nuntii intererant pro die Natalis Domini celebrato, Henricus quartus Imperator ad evitandum tollendumque scisma, quod sui occasione in sacerdotio Imperioque contigerat, cedere Imperio et Regalia tradere filio assensus est. Sunt qui credant non ad damnationem sed probationem eam tentationem accidisse, affirmantque ipsum misericordiae operibus meruisse, ut lascivia eius in Imperio conversatio in praesenti puniretur. Imperialia manibus Legatorum Sedis Apostolicae, capiti Henrici imposita sunt, Electio quoque sua a Principibus Almaniae tunc innovata.

Polonczis praeda rapta in Russia excutitur.

Polonczis in terras Russiae clandestina et silenti excursionem irruentibus, oramque quae Tarieczko appellatur vastantibus. Sviatopelk Kiiouensis Dux exercitum gentium suarum praeficiens illis Ioannem atque Iuankonem Zacharvich et Kozarzina in Duces, post eos mittit. Qui illos apud Danubium consecuti, spolia quidem per eos apud Tarieczko rapta excutunt et referunt, cum Polonczis aut non veniunt ad dimicationem.

*Sbigneus fr̃ Boleslao Polonorum Duci opera
Swiatopelci Kiuorieñs Ducis reconciliatur*

S Bigneus interim frater naturalis Boleslai Polonorum Ducis, a facie eius:
dem fratris sui Boleslai, propter fraudes & dolos in eum commissos, fu-
giens, ad Swiatopelkonem Ducem Russiae in Kiuor venit, sperans se
per illum velut Boleslai Socerum, gratiam Boleslai inuenturum. Vbi aliquan-
to tempore commoratus, ad preces Swiatopelci, venia illi a Boleslao tributa
est. Qua illico abusus, ad Bohemiam se contulit, nouis dolis & ingeniis
Bohemos contra fratrem subordinaturus.

BOLESLAI Poloniae Ducis consors Sbislaua eo anno facundata dicitur,
decima Aprilis die filiam apud Cracouiensem Ecclesiam baptisatam cui
nomen datum Swiatoslaua emixa est.

Anno Domini 1107.

*Boleslaus Polonorum Dux Albam in
Pomerania Summa vi oppugnat, eaq; po-
tius Summa vitur in victos clementia.*

Vniuersis ferē Ciuitatibus, Castris & munitiōibus Pomeranorū
ad faciendam Boleslao Polonorum Duci deditiōnem, inclinatis, dū
soli Albenses, qui Dialogrodenses, appellantur, contumacius resi-
stendo, ceteros etiam a proposito auertissent, Boleslaus Polonorum Dux
collectis tam equitum quā pedum copiis in Pomeraniam processit, et solito
more tota vri agrosq; vastari iubens, tandem ad Albam copias deducens,
ipsam obsidiōe vallat, superbiam & contumaciam Albensium ex abun-
dantia ortam (Vrbs enim fuit magnis referta diuitiis) suo calcaneo com-
pressurus. Sperans autem Albenses ad deditiōnem pellici posse, missis Ca-
duceatoribus hortatur illos, ne se in ultimum reseruent discrimen, ne quoq;
sibi necessitatem imponant, sanguine suorum militum Alba expugnata, Al-
banorum sanguinem diffundere. Ferre & Caduceatores duo scuta, rubrū
unum, candidum alterum iussit, Albensibusq; si vtro uti velint, dare op-
tione. In punico excidium suum & suae Ciuitatis, in niueo & pacem &
victoris mansuetudinem percepturi. Nil Caduceatorum verbis Albenses
moti, in maiorem insuper pertinaciam eriguntur, superbo quoq; Caduceato-
ribus responso dato, eos excedere iubent ex Vrbe, neutrius scuti delectiōe

1447

se perhibent facturos. Sed utriusque significationem complexi, & in repel-
lendo Boleslaus a sua Vrbe suisque manibus album se scutum, & in cæde mi-
litum illius, si obsidere perseverauerit, euentura, etiam se rubrum consecuturos.
Tam indigno responso Albensium Boleslaus calefactus, vineas agi, turres &
propugnacula parari, & ad mania applicari, quatuorque turres & muros Ciuita-
tis, fossataque sarmentis impleri, iubet. Omnibusque ad expugnandam Albam ma-
turè comparatis, copias educens, irrumpere disiectos & debilitatos muros, sa-
gittariis in coronæ modum, qui milites Urbem aggredientes tulentur, iussit. Et
na quenquam segnicies aut cunctatio detineat, ipse omnes militum ordines præ-
cedens, primus ad portam principaliorem accurrit, vallibusque & fossatis supera-
tis (incredibilem vim in uno individuo cernens) scuto tantummodo operatus, cre-
bris ictibus portarum valuas scindit, milites quoque suos huiusmodi exemplo
suo ad similem operis ardorem accendit. Non illum saxorum supernæ ca-
dentium moles, non sagittarum densitas terret, non Ciuium resistens, & pi-
com aquamque feruentem capitibus impugnantium superinfundens, multitudo,
non ante suos oculos palpatio morientium aut cadentium militum fecit timi-
diorem, non prius periculo imminenti se subduxit, donec porta effracta, Ciui-
tatem primus irrumpens, sanguine interemptorum ubique complutus, uniuerso
suo exercitui aditum patefacit, Albenses qui primi occurrerant stermit alios
obtruncat. Cesserat siquidem hostis obseßus, missilibus exclusus, sed nec
hi qui tormenta retardabant diutius resistere poterant, & muros terro ari-
ate conuulsus, peruium obsidentibus in obseßos iter præbuerat. Cædes in-
gens militi permixta permixta sexus secuta fuisset, ni Albenses sagaci consilio
usi, & terrore Maiestatis Boleslai perculsi, armis abiectis, cum matronis
& paruulis, promi ad pedes Boleslai ignosci sibi deprecantes, corruissent in
terram, neque suam necem, sed coniugum & liberorum, cæterorumque infontium
& impuberum deprecantur, se pro superbo responso magis Cruce quam venia
& vita diffiniunt dignissimos. Quanto submissius se gesserunt in recogno-
scenda culpa, tanto facilius vita donati sunt. Cunctis siquidem Proce-
ribus & militibus Polonorum ad excidium Ciuitatis, & omnium permixtæ
necem, insuper et ad delendum Urbem, in eorum qui in oppugnatione ceci-
derant, ultionem, vehementi conatu aspirantibus, Boleslaus Dux indulgen-
tissima Clementia in victos statuit utendum, optimoque ultionis genere usus,
cunctos Albenses in gratiam suscepit, cunctis ignoscit. Albensibus quoque
suis infestioribus hostibus, & vitam & libertatem & fortunam, quæ
ad victoris potestatem reciderant, simul donat, & ne quisquam Albensi-
um a militibus suis violetur, aut in fortunis patiatur dispendium, proui-
det. Quæ quidem magnitudinis suæ in deuictos clementia plures Pome-
ranorum Ciuitates cepit, quam armis expugnauit. Is enim suus in Al-

bensibus demonstratus pietatis affectus, subita fama & rumore latius diffu-
sus, effecit, ut Goltbergensium, Caminensium, Volunensium, Cossominen' &
aliarum cis mare sitarum Ciuitatum Primores & Praefecti cum amplis donis
Boleslaum adirent, & uenia petita facileq; impetrata, plenam & omnimodam
suarum Urbium deditionem prostrati fecerant, astringentes se in illius subie-
ctione fideliter permansuros ~

PHILIPVS Plocen' Epus sedem suam annis septem administrans febre
terciana uno anno vexatus defungitur vita, & in Eccl'a Plocen' sepultus,
Simonem Archidiaconum Plocensem genere nobilem Polonum, de Domo Go-
zdotitarum, via scrutinii electum habuit successorem, a Martino primo Ar-
chiepo Gnesn', Boleslao Duce & Monarcha Regni Poloniae patrocinante
confirmatus & consecratus. Huius Pontificis Simonis quantal pro-
bitas fuerit, Vincentius Kadlubconis de villa Kargoro Epus Cracouien'
in Chronica sua, quam de Polonorum gestis diserto stylo contexuit, meminit.
ita scribens. Zelus nimirum Domus Dei aureo inscribendus calamo,
Simonem & Alexandrum Plocenses Antistites armauerat, qui utrosque
hostes peruigili solertia studiosissime ab arce Domimica arcere satagebant.
Et in sequentibus, Magnus quidem Alexander Plocen' Epus, sed maior ut
video Simon Alexandro, qui Patriarchae Abrahae, & Legislatoris Moysi,
virtutem in se expraebit, animando Polonos contra barbaros ad praelium, &
pro illis feruente pugna assidue orando, donec uniuersus contritus est hostis.
Et post pauca adest Antistes Simon, Insuper & infulis Pontificalium
insignis, non tam luctu quam precum & suffragiorum miserabile spectaculu
prosecutus, Qui eminus exclamat, In uno tantummodo filioli spes est vincen-
di, non in multis victoria, nec mortis meluandum est discrimen, maxime cum
pro salute agitur proximorum, quia mors hominem corporis non extinguit, sed
ad premium virtutis admittit. Quo dicto suas pugnae sese orationi committit,
nec cessat donec illa omnis praedonum succubuit numerositas, paucis admo-
dum fuga elapsis ~

Castrum Kozlie calu exultum Boleslaus
Poloniae Dux restaurat fr'e Sbigneo auxi-
lium ad eam rem superbe et impie negante

Kozlye Castrum versus Morauica confinia loco magis quam arte
emunitum, Odra enim fluuius facit illud suo fluore & stagnis ro-
busum, dum fortuito conflagrasset, nuncio conflagrationis ~

Boleslaus Polonorum Dux accepto, dolositate Bohemica credens incendium
 prouenisse, & arcem in Bohemorum ditionem ex hoc redigi debere, paucis mili-
 tibus se sequi iussis illuc accurrit, arcemq; a fundamentis reficere adortus,
 nulli labori aut fatiga se subtrahit. Veritus autem ne Bohemorum incursio-
 ne in loco adusto et minus tuto opprimeretur, ad fratrem Sbigneum nuncios
 mittit, ut sibi cum aliquot militum agminibus in praesidium veniat, vel salte
 militiam suam mittat, milites suos in Albensium oppugnatione, & Pomerani-
 ca expeditione fatigatos, indignum sibi subinferens visum, ad tam paruum
 negotium obeundum eos accersiri. Sbigneus vero iam tum odii flammam in
 Boleslaum, propter eius ubiq; sonoram gloriam & successuum felicitatem,
 vomens, arroganti dato responso, etiam nuncios ipsos iuris hospicii oblitus mi-
 nus honeste tractat, & probris acerbis in fratrem sparsis, redeuntes propè vio-
 lat. Huius tamen contumeliae fraternae genus Boleslaus patientia deuin-
 cens, & exustionem Castri Kozlye, celeri superposito aedificio in integrum
 restituit, & suam suorumq; nunciorum iniuriam, dissimulationis tolerantia
 absoluit. Videns autem Sbigneus fratris sui Boleslai Ducis dignitatem ma-
 gno ubiq; per Polonos fauore & honore coli, se vero ab universis & ab his qui-
 bus imperabat contemptum iri, frequentius deniq; quod ex vulgato corpo-
 re genitus foret, nec ullam speciem aut similitudinem patris praesferret, ser-
 mone usurpato corpi, ratus nullam spem potiundi Regni, & contumelias &
 opprobria quibus discebat superimpendi, nisi in scelere superesse, ad
 id unum omnes cogitationes, ut Boleslaum quoquomodo enecet & disperdet,
 intendit.

*Sbigneus facilitate Boleslai dum magis ac
 magis in dolos fraudesq; prolaberetur atq; ex
 literis interceptis cum compertus fuisset Bohe-
 mos et Pomeranos in frém et patriam concitasse,
 Boleslaus primùm Bohemis sibi conciliatis in
 Pomeraniam contendens Gnelnam et alia, quæ di-
 tionis fratris Sbignei erant, ipso in terram Ma-
 louien fugiente, conquirit. Quem postea in se-
 cutum, Boleslao Duci Barones reconciliant. Cui
 Malouia ipsa duntaxat in possessione conceditur.*

*M*olestè, ut par erat & dignum, Boleslaus Polonorum Dux Legatorum
 suorum quos ad naturalem frém Sbigneum pro subsidio sibi in Castri
 Kozlye instauratione impendendo miserat, ferens iniuriam, eamq;
 Castro Kozlye perfecto ad animum reuocans, quid in hac re agendum foret,

ad consilium delulit. Neq̃ enim primū ea iniuria querebatur se à Sbigneo fra-
tre suo naturali, sed et pluribus alijs grauib⁹ & enormibus violatum. Iam siqui-
dem publica notitia publicoq̃ rumore proditum ac vulgatum erat, Sbigneum Bohe-
mos, Pomeranos, & Pruthenos in fratris sui Boleslai et suarum terrarum excidiū
non verbis solum & falsis suggestionibus, sed et fœderibus cum illis iunctis, & pe-
cunijs, sumptibus, donis, & multifarijs promissis animasse. Iam insuper clarum erat
Sbigneum Pomeranis, terras Boleslai irrumpentibus, auxilia, consilia, et recepta-
cula dedisse, et in unam voluntatem, actionem, & facinus cum illis conspirasse,
Pomeranos deniq̃ omnes captiuos de terris Boleslai venundedis, ceteros om-
nes de terris Sbignei casualiter correptos, unā cum rebus ablati ad primum
Sbignei nuncium aut charlam remisisse. Discurrebant insuper crebri inter
Sbigneum & Pomeranos aut nunciū aut tabellarū, aut mulas sibi deferentes
fabulationes, aut quid ageret Boleslaus, quid quoq̃ contra Pomeranos præten-
deret, aut ubinam terrarum esset, denunciantes. Mittebant in super sibi vicissi-
tudinaria munera, & omnium spoliū alq̃ prædarum, quas in terris Boleslai
Pomerani rapiebant, Sbigneum faciebant consortem. Quoties verò Pomerani aut
alii hostes terras Boleslai inuadebant, toties Sbigneus ad alios hostes Bohe-
mos vel Ruthenos se conferens, aut nunciū vel literis eos inuitans, ad inua-
dendum ex altera parte terras Boleslai Ducis magnopere sollicitabat, nefariasq̃
cum Bohemis, Morauis, Pomeranis, Saxonibus, pluribusq̃ alijs scelerum pactio-
nes societates, exclusurus frēm à Regno, conflabat. Quas hostilitates & frau-
des contra fratrem Boleslaum & patriam pro quadam virtute & usu agitabat:
eo quidem crebrius et audacius, quo videbat fratrem suum Boleslaum omnium
facinorū tam notiorū sibi impunitatem & penē occasionem ad agendum tra-
didisse. Solitus enim erat Dux Polonorum Boleslaus tam nefanda fratris
Sbignei scelera, dum illi panderentur, vltimū Diuinæ reseruasse. Vniuersis aut
Consiliarijs Boleslai Ducis nefanda scelera Sbignei execrantibus, & his quæ
à Boleslao Duce compendiosè deprompta erant, multo maiora & tetriora adici-
entibus, consent singulorum sententiæ, Sbigneum nullatenus in patria, quam
toties hostibus prodiderat, tollerandum esse, sed velut hostem publicum, &
pestem communem exterminandum, eiciendum, & usq̃ in terrarum extrema
retrudendum fore, omnibus terris quas ei paterna indulgentia donauerat, illi abla-
tis. Nunciatur interim Sbigneum et Bohemos & Pomeranos pluresq̃ ali-
os hostes in Boleslaum & dominia eius concitasse. Intercipiuntur & nunciū
Sbignei cum literis, ex quarum lectiōe & nunciōrum relatione, multa consilia
quibus Sbigneus contra Boleslaum usus, propositum exequi conabatur, re-
perta sunt. Quæ res cū in unum tempus confluxissent, magnam Boleslao
Duci Polonorum & suis fluctuationem ingesserunt, dubitabat enim Bohemis
ne an Pomeranis aut fratri Sbigneo primū occurreret, Misit proinde

417

Et in Pannoniam nuncios, qui in auxilium suum quoscunque voluntarios aut mercede,
 narios milites accersirent. Significavit Et socio suo Smratopelkoni Duci Rjio:
 uien in quanto a triplici hoste circumseſſus versaretur periculo, rogans ut per:
 sonale illi cum quanto amplioribus posset copiis, ferret auxilium. Prudentissi:
 mo autem usus consilio, missis ad agmen Bobemicum nunciis, eos sibi conciliat,
 Et in Bohemiam redire impellit. Ad Pomeranos autem cum illis congressurus
 contendit. Qui eius aduentu audito, cuncti timore illius conterriti dissipati
 sunt. Percussus Et Sbigneus magno pauore, cum intelligeret tam notoriam atque
 grandem noxam nullatenus sibi Boleslaum ignosciturum, ex terris Maioris Polo:
 niae (illuc enim collegerat contra fratrem exercitum) velut criminis maximi
 conscius in Masouiam confugit: illic ratus tutum aduersus iram fratris se per:
 mansurum. Boleslaus vero Metropolim Sbignei Domini Et Principatus
 Gnesnam una cum arce infra paucos dies obtinuit, deinde Spiczimierz Et
 Lanciciam Castra, quae ditionis Sbignei erant, recepit, Et suos illic Praesides
 Et Capitaneos praeſposuit. Quae illi agenti exercitus Hungarorum Et Ru:
 thenorum auxilia praestiturus aduenit: cum quibus Vistulam versus Masouien
 terras transgressus, Sbigneum velut sui Principatus perniciem eliminare in
 illis se occultantem, disponebat. Tum vero Sbigneus in desperationem ver:
 sus, non tam de relinendo Dominio quam vita caput sollicitus esse, Et medianli:
 bus inter Boleslaum Et Sbigneum Balduino Cracouien Epō Et communibus
 Baronibus, Sbigneus coram adductus est. Vbi cum omnia scelera quae in se
 admisisset Boleslaus enarrasset, Sbigneus suppliciter orare cepit, ut sui mi:
 sertus, vitam sibi Et aliquam Regni portionem concederet: iuramento corpo:
 rali aſtruens, nunquam se illi aduersaturum, sed in omnibus ut miles suo Dño
 Et Principi obediturum. Motus Boleslaus illius precibus Et fletibus, Maso:
 uiam duntaxat (ut remotior a Pomeranis Et Bohemis maneret) illi reliquit,
 quod Sbigneus ad magnam gratiam computauit. Reconciliationeque in hunc
 modum inter fratres composita, ut etque exercitus Hungarorum videlicet Et Ru:
 thenorum in sua remeauit. Aſtruebat nihilominus Sbigneus, ex confiden:
 tia callidi quod sortitus fuerat ingenii, si sibi facultas tribuatur purgandi
 facile se de omnibus quae in illum iactabantur sceleribus purgaturum iri, quamuis
 ardua et insueta loquenti, nullam sibi datum iri fidem notabat, Nemoque
 erat ad quem se conferret, ut non tanquam ad scopulum propter suas callidi:
 tates et figmenta, allideretur. Et variis sellis sedere solitus, nulli fidus,
 pro transfuga habebatur, plenus dolis Et fallaciis, plenus vafritie, inconfi:
 deratissimaque ac dementissima temeritatis, audax, callidus, in scelere vi:
 gilans, manu Et lingua promptus ~

*Pomerani Archiepū Gnesnē captiuare
cupientes Archidiaconum captiuant. Peste
autem mox a Hicci eundem reducunt & qua-
sa sacra quae ibidē receperant restitunt.*

IN Parochialis Ecclesiae in Spiczimierz Gnesnensis Diocesis Orato-
rium Gnesnensis Archiepū Martinus, auditurus Diuina, Gnesnē
Archidiacono Nicolao secum unā presente, iter illac faciens, de-
scenderat, Pontificali q̄ more cum Presbytero officium Missae celebraturo con-
fessionem generalem explebat, dum subito a Ministris nunciatur hostes Pome-
ranos in vicum illum irruisse. Ab exploratoribus siquidem docti Martinū
Archiepū illuc venisse, ex Castris vicinis ad ipsum comprehendendum (pro-
pterea quod ipsos idolatriam relinquere, & religionem Catholicam sincere
colere, decimasq̄ & primicias reddere cogebat) gressu concito aduenerant.
Pauidum Martinum Archiepū, & quid ageret cespitantem, neq̄ enim fami-
liares suos multitudinē Pomeranorum si dimicatio iniretur pares futuros,
qui & ipsi visis hostibus dispersi, se occultarant, intellexerat. Archidi-
aconus suus in Ecclesia stare perseuerantem, & Dei pietatem maioribus fle-
tibus quam vocibus pro sua liberatione exorantem, foras prorumpens, salua-
re quoq̄ se & ipse fuga satagens, deseruit. Hunc Pomerani, splendide enim
vestitus erat, Martinum Archiepū rati, fugientem comprehendunt, ma-
gnoq̄ gaudio ouantes, honeste & debita ueneratione habitum, vehiculo im-
ponunt. Ad Ecclesiam deinde ingressi, ceteros suos comites requirunt, sed
nullum illuc reperientes, acyus se ex illa Ecclesia Spiczimiriensi, suis sacris
spoliata, & spe optata contenti, eiciunt, & in Pomeraniam citato gradu, ne
& ipsi praeda Polonorum fierent, abeunt. Martinus siquidem Gnesnē Ar-
chiepū, timore subministrante, quas iam aetas grandaeva absumpserat vires,
dum Archidiaconi sui Pomerani captiuationi intenderent, sublimius tectum
Oratorii inter laquearia conscendit, illicq̄ se occultauit, Sacerdos verō offi-
ciaturus inter altare & templi frontem se abdidit. In huncq̄ modum PO-
meranis nullas Oratorii partes occultiores scrutantibus, vel ut pia credu-
litate supponi potest, miseratione Diuina & precibus Archiepiscopali-
bus laetargica passione obcaecatis, manus eorum Martinus Archiepū euasit. Res
stupenda, sed quam fas non est ad scrupulum incredulitatis redigi, multorū
enim Scriptorum auctoritate celebris est, accidit, singuli Pomerani qui aut
Ecclesiae Spiczimiriē vasa contingerant, aut ea inhonestis vsibus appli-
canda disponebant, aut in insaniam alienationemq̄ mentis versi, aut morbo
Epilentico acti rotabantur. Nec ipsi solū, sed & eorum coniuges, p̄p̄inqui,
affines, & liberi simili peste percussi, velut dementes & deliri nunc ferro,

nunc Saxi se inuicem obruebant, notos & necessarios adibus exurbabant, plures etiam ex illis huiusmodi peste confecti & exanimati sunt. Hac itaque inflictiōe p̄na deterriti, & intelligentes eam sibi ob scelus in Sacra Dei, et in virum Dei commissum, in flictam, ferē singula sacra in manus & potestatem Archidiaconi restitunt, Idolatriā renunciantes, fidem Sanctam suscipiunt, & ipsum sanum & incolumem libertati & patriā reddunt. Sed & solutiōnem primiciarum & decimarum hactenus negatam, propensius & perpetuē se reddituros deuouent. Itaque felicibus auspiciis eo anno res in Pomeranos acta est. Duplex quoque triumphus ex Pomeranis relatus, licet postremum illustriorem crediderim, unus Boleslai armis, alter Archiepiscopalis suffragiis, qui tam diu in eodem Oratorio fletibus & orationibus vacans persistit, donec suum Archidiaconum & cum Sacris redditis saluum accepit ~

*Borziwoj & Ducatu Bohemiae pulsus apud Polonos
exulans, restitui in Ducatum frustra conatur.*

Borziwoj Bohemiae Ducem iniuria de Ducatu suo, factione nepotis sui Sviatopelkonis & quorundam Bohemiae Baronum pulsum in Polonia exulantem, frater suus germanus Sobieslaus, multiq; Barones & Nobiles Bohemorum, tyrannicam & iniustam Sviatopelkonis occupationem perosi, in Polonia secuti sunt. Quos omnes Boleslaus Polonorum Dux mira benignitate, etiam apud quoslibet hostes suos admiranda suscipiens, & animum illos bonum habere iubens, singulorum necessitatibus Ducali munificentia providebat. Sumptibus deinde suis & liberali largitione, Dux Bohemiae Borziwoj prouisus, & aliquorum Baronum praesentia comitatus, fratre Sobieslao in Polonia relicto, ad Imperatorem Henricum ex Polonia profectus est. Cui, in Saxonia reposito, occupationem Ducatus Bohemiae a se legitimo iure posse, indignum quoque exilium, & quod non ipse solū, sed et frater suus Sobieslaus, pluresq; Barones per Sviatopelkonem pulsos, precario & stipe Polonica uiuant, expom. Imperatoremq; Henricū & calamitate sua, & promissionibus ad misericordiam flectit. Misso uno ex militibus Imperator, Sviatopelkum accersit, qui vocationem ipsam propter occupationis facinus suspectam habens, collecto exercitu, & in potestatem Othonis fratris tradito, ad Imperatorem proficiscitur. Quem ueniētem illic Imperator vinciri iubens, Borziwoj in Bohemiam (mandans Bohemis qui unā cum Sviatopelkone venerant, hunc & non alium pro iusto Principe colij) transmittit. Ad Castrum Domin Borziwoj cum suis & Almanis peruenientij, & versus Pragā tendenti, Ottho Dux frater

Swiatopelk onis, iam de captiuitate fratris certificatus, cum eo quem habebat exercitu, occurrit. Castrumqz Donin obsidione cingit. Ex quo Dux Bo: rziwoy fauore Bohemorum cum suis omnibus incolumis dimissus, & in Polo: niam rediens Othonis manus euasit. Swiatopelk interim decem millium marcarum quantitate Henrico Imperatori promissa & reddita, sponsione quoqz, ut cum omnibus copiis Imperatori in Hungariam contra Colomanum, ad subi: ciendum illum Imperio, ituro, auxilia ferret, praestita, Imperiales carce: res euasit, obsidemqz Othonom frēm Imperatori dare coactus est. Qui & ipse, dum dissimulantius asseruaretur, fuga elapsus Bohemiam repetiit. Pro exoluenda vero decem millium marcarum argenti summa Swiatopelk & Ducale Erarium emungere & Ecclesias Bohemicas, sacris & Cle: rodijis spoliare, Clero quoqz & populo tributum imponere coactus est.

**Boleslaus Polonorum Dux Ca:
strum munitum Czarnkow occupat.**

IN Autumni huius anni tempore Dux Polonorum Boleslaus parum contentus Albam & ceteras Pomeranorum orarum Ciuitates in suam redegissee potestatem, Castrum & Oppidum Czarnkow quod iuris & ditionis Pomeranorum erat obsidione aggressus, constructis in eius circuitu quatuor turribus, altitudinem Castri & oppidi superantibus, tam sedula & forti impugnatione Castrum & oppidum non destitit impetere, donec obsessi, Caduceatoribus missis deditiōnem Castri & oppidi facerent, Quo in potestatem reducto Boleslaus Polonorum Dux Castri Czarnkow Dominum & haeredem Gnieuomirum nomine cum suis omnibus, nondum fide pura iniciatis, baptismum sumere persuasit, ipsoqz Gnieuomiro de fonte lauato, in signum filiationis contracta, & quo cum sibi magis fidum redderet, Castrum & oppidum Czarnkow sibi restituit, & noua largitiōe donat & inscribit.

Polonczii a Ducibus Russiæ ceduntur.

CLades suas per Ruthenos & Duces eorum inflictas Polonczii resarturi, terras Russiæ in magna multitudine cum Bonjak, Sarukan & aliis pluribus Polonczorum Ducibus, irrumpentes, statua sua circa Lubnia ponunt. Contra quos Swiatopelk Kijouien Dux, Wlodimir, Olech Swiatoslaus, Msczislus, Wiczislus, & Iaropelk Russiæ Duces cum po: tentiis gentium suarum egressi, flumine Sula transito, in Polonczos et stationes

445
eorum duodecima Augusti improvisè irruunt. Qui timore grandi consternati, neq;
acies constituere aut expedire, neq; in ordines ire poterant, sed aliqui equis
tumultuario raptis & consensis, alii verò pedestres ex Castris in sylvas proxi-
mas diffugiebant, Rutheni fugientes cædendo maiorem quàm pro numero ædide-
rant stragem, plurimis Polonorum captis, quos usq; ad Chorem persequen-
bantur. Germanus Ducis Boniak Dux Thasza, cum multis aliis cæsus est, Ca-
stris Polonorum & omni suppellectili Rutheni potiti, in Sedes & Ciuita-
tes suas cum magna gloria & iucunditate reuertebantur.

*Henricus III. Imperator Romanor. Impe-
rio per filium suum exutus Legdij moritur.*

Henricus Imperator quartus Regalibus filio suo Henrico resignatis,
ex Rege opulentissimo & fortissimo, miserabile mortalibus relinquens
exemplum, egens factus, ad Coloniæ primū, deinde Leodium se con-
tulit, & ab utraq; Ciuitate non ut exul, sed ut Imperator Casareo habitu su-
sceptus est, ubi se fraude circumuentum, & ad reddenda Regalia coactum
declamabat. Quem collecto exercitu filius secutus circa Mosam consedit,
sed inde ab Henrico Duce Belgicarum propulsus, ad instaurandum nouum
exercitum sollicitudinem intenderat. Interim verò pater Leodij moritur, &
in Spiram relatus, iuxta patrem & auum tumulatur. Henricus itaq; quintus
patre mortuo liberè regnans, res in Gallia & Germania, per bellum intestinū
deformatas, sollicitè componit, & plures Epōs à suis Sedibus in Scismate pulsos
restituit. Vnus autem ex Baronibus Almania, præcipuus Henrici quarti aduer-
sarius, dum in conuiuiū esset, à muribus repente inuasus, qui illum per ignes
& pellagus sequebantur, & nulla vi arceri poterant, corrosus est. Quod fa-
ctum ideo hic scribere volui, ut propter conuenientiam & paritatem narrationi
nræ, quam in superioribus de Pompilio Duce Polonorum scripsimus, possit ad-
stipulari. Hic Henricus armis strenuissimus, totum Imperium breui subiecit
sue ditioni, ut eius omnes subditi subiectionis iugum æquamitter ferrent,
& vicini metu ab armis quiescerent.

Anno Domini 1108.

*Boleslaus Rex Polonorum Colomano
Hungariæ Regi con' Casarem auxilia polli-
cetur cæteris id facere non audentibus.*

Pannoniorum Rex Colomanus satis compertam habens Henrici Imperatoris aduersus se hostilitatem (satis enim tam fama quam rumore vulgatum erat, & amicorum exploratorumque significationibus pro certo proditum praefatum Imperatorem Henricum magnum ex Alamanorum nationibus comparasse exercitum, & Smiatopelkonis Bohemiae Ducis, caeterorumque vicinorum Principum auxilia adiuuasse) arma & ipse ex Pannonia, quibus Imperatori resisteret, expediebat. Belli autem quod Henricus Imperator Colomano Regi Hungariae & Hungaris mouebat, iusta causa erat. Quoniam Hungari multos Almanos Cruce signatos per Pannoniam in terram Sanctam & eius subsidium proficiscentes, extinxerant, lacerauerant, afflixerant, spoliauerant, variis contumeliis aut mortibus quassauerant. Almus quoque Colomani germanus ab eo ex Hungaria pulsus, ad Henricum quintum se contulerat. Cuius restitutionem Henricus procuraturus, in Pannonias se processurum sperabat. Quasiturus & Colomanus Hungariae Rex contra potentiam Caesarem externorum auxilia, cum singula in circuitu aut aduersitate suspecta viderentur, aut horrerent vniuersi contra Caesarem pro Hungaris arma sumere, similem hostilitatem quae in Hungaros adiebatur a Caesare veriti. Praelati & Barones Hungariae, in tam ardua difficultate & necessitate a Polonis auxilia imploranda censebant, eos enim sibi semper amicos fidos & puros caeteris vacillantibus, nullatenus in eo casu defuturos. Huic consultationi Colomanus Hungarorum Rex quam maxime assensus, versus Poloniam se conferens, & conueniendi colloquendi que copiam a Duce Polonorum Boleslao per nuncios petens, in Scepusien territorio, prout per nuncios tractatum erat, cum Polonorum Duce Boleslao conuenit. Causis conuentionis expositis petit Colomanus Hungarorum Rex, ut Boleslaus sibi contra conatus Caesareos assistat, aequam vicissitudinem in pari necessitate ab eo percepturus. Post multos tandem tractatus, per communes Consiliarios ventilatos, Rex Colomanus & Boleslaus Dux inter se foedus ferunt, contra quoslibet hostes mutuo auxilia praebituros, Foederi etiam affinitatem adiungunt, Colomanus Hungariae Rex filio suo nato maiori Stephano filiam Iuditham Boleslai Polonorum Ducis desponsat in uxorem. Prouinciam Scepusien quae tunc iuris Polonorum erat, & pars eius non modica in terra Cracouien consistebat Boleslaus filiae in dotem consignat. Quae ab eo tempore sequestrata a Polonia in proprietatem et ditiorum Hungarorum transiit.

Sbigneus prorsus ex Regno pellitur

Boleslaus Polonorum Dux ex dieta huiusmodi reuersus, aliam rursus dietam cum Sbigneo fratre tenendam per nuncios componit. Ad quam

cum ambo fratres cum Prælatiſ & Conſiliariis Regni Poloniæ conueniſſent, fre-
quentes & dolosæ iniuriæ per Sbigneum attentatæ, per Boleslaum Sbigneo
obiectæ ſunt. Quas purgare aut inficiando aut excuſando, aggreſſus, penè
in omnibus ſuccubuit, ut prorsus intelligeretur etiam in maioribus quàm de qui-
bus accuſabatur, deliquiſſe. Et dum communes Conſiliarii ad expellendam
tam infeſtam peſtem, virus ſuum continuè diffundentem, vi maxima elaborarent,
Boleslaus omnibus Sbignei transgreſſionibus amplius ignoſcere non valens, cum &
de Maſouia precario illi conceſſa, & de uniuerſo Regno ſuo, quod tunc reinte-
grationem acceperat, eiecit, depellit, & exturbat: ut fortius ſubſidium Colo-
mano Regi Hungariæ promiſſum proueniret. Boleslaus quoque Dux cum præſen-
tia & imminentia tunc futura, cum hoſtibus gerenda, de Sbigneo ſuo inſidiante
calcanes aſſecuratus, ſælicius obiret bella, potentiarum ſuarum vires dome-
ſticis non diſtrahentibus inſidiis ~

*Henricus quintus Imperator Rom. Hungariam
vaſtat, cum Duce Bohemorum. Interim Mora-
uia et Bohemia per Boleslaum populatæ, et Svia-
topelk Dux Bohemiæ caſu excecatus eſt ~*

Henricus Imperator Pannoniam, ſibi & Imperio ſubacturus, cum magnis
& frequentibus variarum nationum populis, ingreditur. In cuius
auxilium Sviatopelk Bohemorum Dux cum gente Bohemica ſecundū
pollicitationem iure iurando firmatam (duos Barones quibus amplius fidebat
Vaczkonem & Muthinam pro Bohemiæ gubernatione relinquens) aduenerat.
Cum autem Colomanus Hungariæ Rex copiam pugnandi non faceret, ſed Im-
peratoris exercitum in locis opportunis maximis afficeret incommodis, Impera-
tor Ciuitatem Preſburg obſidione vallauit. Sed cum in eius obſidione tempus
inaniter abſumpſiſſet, Hungarorum præſidio egregiè Ciuitatem defendente, co-
piis diuiſis Hungariam in pluribus locis incendiis & vaſtatione aggreſſus, eam
oram quæ inter Danubium & Vag fluuios ſita eſt, vaſtam effecit. Nullaq̃
memorabili re patrata in Almam multas de ſuis amiſſis, crudelitatem Hun-
garorum expertis, rediit. Boleslaus interim Polonorum Dux iuxta fædus cum
Colomano Hungariæ Rege percuſſum, & agmen nobile de militibus egregiis
Colomano in Hungariam miſit, & ipſe cum expedito & potenti exercitu, habens
in ſuo comitatu Borziwoj & Sobieſlaum Duces Bohemiæ fratres germanos, et
plures Bohemiæ Barones & nobiles, qui propter tyrannidem Sviatopelkonis
exules erant, Bohemiam inuaſit. temeritatem Sviatopelkonis, qui & patruos
germanos Bohemiæ Duces iuſtis Ducalibus, & Barones ſuæ tyrannidi aduerſos

expulerat, & Imperatori Henrico contra suum affinem & confederatum Colo-
manum Hungariae Regem auxilia tulerat, ulturus. Waczko & Muthina Gu-
bernatores Bohemiae, dum in confinibus Ducatum Boleslao, in sylvarum qua
Bohemia a Polonia distinguunt, medio, occurrerent, pugnam conserunt, paruoq;
negacio ab ipso victi fusiq; Pragam refugiunt, Boleslaus Dux Polonorum in
interiora Bohemiae, singulis a conspectu eius diffugientibus, progressus, aliquot
Castra & oppida vi cepit, & magna parte Bohemiae peruastata, frequentem
praedam Bohemicam secum ferens, in Poloniam una cum Borzimoj & Sobie-
slao Bohemiae Ducibus, caeterisq; Bohemis eorum fidem secutis rediit. Qua
nouitate Smiotopelkus Bohemiae Dux percussus, Henrico Casare in Hunga-
ria relicto, veritus ne uniuersa Bohemia in ditionem aduersariorum perueni-
ret, ad Bohemiam, Henrico Casare contra Boleslaum Poloniae Ducem ma-
gnas iras concipiente, remeabat. In cuius maroris solatium Henricus Impera-
tor astrinxit & obligauit se iureiurando in Duce Poloniae Boleslao & Polo-
nis eam iniuriam quamprimum ulturum. Reuertenti ex Hungarica expeditio,
ne Smiotopelkoni, & non tam Polonis quam suis Vicariis Waczkoni & Mu-
thinae pro vastatione qua Bohemiae contigerat, irato, Waczko omnem culpam
in Muthinam reiciens, illum astruebat illius vastitatis fuisse auctorem &
ministrum. Compræhensus itaq; a Smiotopelkone Muthina, & causa neq;
examinata neq; dicta, illico capite damnatus est. Vnislau insuper & Da-
maslam, & duo filii Muthinae. Item Bozey cum filio suo Borszak singuli
de genere Vrsouicen' capti, decreto Ducis truncantur, Caetera Vrsouicen'
cognatio in Poloniam (deberi quippe uniuersos Smiotopelk iusserat, percusso-
ribus premium bona eorum proponens) celeri gradu se contulit. Vbi benignu'
& liberalem Dominum Boleslaum Polonorum Ducem nacta, in magnam &
numerosam familiam & sui germinis propaginem, & Ciuitatum Castrorum,
atq; villarum ampla possessione se diffudit. Vrsouicen' tamen veteri nomi-
ne abrogato, Pautitarum vocabulum sortita. Colomanus insuper Hunga-
riae Rex, Henrico Imperatore de finibus Regni sui discendente, ultionem de
Smiotopelkone Duce Bohemiae petiturus Morauiam ingreditur, & feroci atq;
exulcerato animo populationem latius iubet extendi & cuncta flammis dam-
nari. Tam faedam Domini sui vastationem Smiotopelk prohibiturus, cum inte-
rim copias aegre eduxisset, in vnica sylua transitu, ramo arboris fortiter in ocu-
lum suum fortuito impingente, violatus atq; excæcatus, remeare cum exerciti-
tu coactus est, Morauia quoq; tanto seuiorem diuturnioremq; Colo-
mani Regis Hungariae vastationem ferre coacta est.

*Boleslao Polonorum Duce in Bohemia occupa-
to, Pomerani Castrum Vsczie conquirunt. Quod
Boleslaus recuperat cælis Pomeranis, et Sbigneo
naturali fratre, viro vatro in exilium eiecto &c.*

R E deuntem ex Bohemica expeditione Boleslaum Polonorum Ducem, du-
plex casus illi denunciatus, graui mæore turbauit. Nam & consors
sua Ducissa Sbislaua fatis intercepta erat, & Castrum Vsczie à
Pomeranis, Gnieuomiro, quem Boleslaus de sacro fonte lauauerat, cuiq; Ca-
stro Carnkow expugnato, pepercerat, illudq; sibi liberali animo reddide-
rat, plurimum ad id cooperante, (erat enim facundia magis quam fide
vir melior) occupatum fuerat. Sentiens siquidem Pomeranorum versu-
tia negligentius illud asseruari, & milites pro eius præsidio & custodia reli-
ctos, in Ducis Boleslai absentia, ex illo ad priuata negocia obeunda disce-
sisse, ad obsidendum illud, quasi ad certam capiendam prædam, unus alte-
rum cohortati, accurrunt. Cùmq; obsessis continua desperatio propter pau-
citatem defensorum cresceret, amplior etiam illis à præfato Gnieuomiro in-
gesta est. Callidi siquidem Caduceatoris ministerio usus, suadet obsessis,
ne extrema subituri pericula, defendendi Castri sectentur pertinaciam:
ab experto se nosse, Boleslaum Ducem illorum & à Bohemis cum omnibus
suis profligatum, & captum Imperatoris Henrici captiuitati traditum esse. His
mendacijs & figmentis obsessos sua sponte perterritos, Pomeranis Castrum
Vsczie, incolumitate personarum & rerum concessa, cōegit tradere. Fre-
mitu itaq; ingenti directiori quo poterat itinere ex Bohemia ad illud repe-
tendum, cum paucis voluntarijs militibus, cæteris Bohemica expeditione
fatigatis in domos diuertentibus, Boleslaus contendit. Cuius expugnatio-
nem & si sibi magis impossibilem quam difficilem, Pomeranorum tamen plu-
ribus captiuatis, & eorum vicis atq; possessionibus incensis, se neq; vi-
ctum neq; captum fuisse, sed magis victorem & incolumem rediisse, penasq;
à Pomeranis debitas exacturum fore certa insinuatione, & eorum quos com-
prehenderat, & fauillarum quæ in ora cæterorum vicis fumantibus reci-
debant, monstrauit. Paruo deinde spacio, in quo quies data militibus fuit,
exacto, illico Pomeraniam Boleslaus, ultionem eorum quæ Pomerani in ab-
sentem egerant nullatenus dilaturus, regreditur, fratre etiam Sbigneo cū
nonnullis Masouia militibus, sibi personale subsidium ferentibus, comita-
tus. Nec Castrum Vsczye recenter per Pomeranos interceptum, nouerat
enim illud, valido præsidio munitum esse, sed Castrum Welen, Gnieuomi-
rum (ibi enim se abdiderat) oppressurus, aggressus est, & magno conatu
nocte & interdiu ad eius expugnationem intendebat. Sub ipso autem

obsidionis tempore, Pomerani obsessis opem laturi, Sbigneo clandestinis auxi-
samentis, eos instigante, nocte exercitum Boleslai opprassuri adveniunt. Sbi-
gneo hostilem exercitum praecedente. Qui dum in exercitum Boleslai cum
magno impetu irruissent, Boleslaus in ipsa nocte more solito faciens excu-
bias, Pomeranos à tergo inuadens sternit, dissipat, captiuat, & in fugam
vertit. Dum quoque inter alios Sbigneus captus, & galea detracta quis
esset cognitus fuisset, reseruatur in crastinum. Sub quo tempore praeparat
re se animo atque colligere capit, quibus modis criminationi occurreret,
facinus vulgatum & notorium extenuaret. Tandem cum dies refulsus
foret, concione aduocata frequenti, ut dolus & fraus Sbignei à singulis
cognita, quo genere poena mulctuari debeat, consultetur. Palatinus Craco-
uiensis Setegius alias Cetegus sententiam dicere iussus, in hunc modum
disseruit. Non expedit, inquit, Princeps Illustrissime vosque viri
optimi qui adestis, publicam Sbignei qua nos & exercitum nostrum, teque
primum Principem delere machinatus est, proditionem & malignitatem in
dubium reuocare: cum iniquissimum facinus illius, qua nos, nisi beneficio
Dei & Principis nostri cura seruati fuisset, consumpturus erat, doli eum
manifestissime, etiam nobis silentibus, conuincat. Nocte siquidem quie-
tem nos agere pro comperto habens, Castris nostris egressus, hostes, nos
oppressurus, induxit, antecessit, vestes & arma equumque mutauit: ut si
hostes vicissent, gloriam victoriae sibi, velut Praecessori & Duci, vendi-
caret, si vinceretur aut fuga euaderet incognitus, aut si caperetur, de-
nunciaturum se praecessisse hostium aduentum callide nobis, prout illum
id commentaturum reor, mentiretur. Ad hanc amentiam à natura prodi-
ga & fornicaria productus, paterna beneuolentia & liberali exercitatus
educatione: nostra verò patientia animatus est, ut mendacius ac fallacius
non secus quam praeclaris artibus gaudeat excellere. & omnes suas colo-
rare sceleratas actiones. Sed si ad originem primum, deinde ad om-
nem vitam suam extendatur consideratio, omnia in illo pessima intelli-
mus confluxisse, qui & ex fornicatione satus, & inter Bohemos Alma:
nosque educatus, adeo malignis fraudibus illic inescatus atque imbutus
est, ut et patrem plurimis iniuriis laceggerit, & in fratris Boleslai
exterminium, ut solus in Regno succedens dominaretur, Bohemos, Alma:
nos, Pomeranos, & Pruthenos frequentius subornauerit: ducens ab
impietate & scalere ineuntis aetatis commandationem. De quo cum
varia extant testimonia solus dies hodiernus, postquam sua caetera
maleficia tulimus, saltem nos moueat, ut communem pestem amplius
non feramus: non prius quieturam quam cladem aut excidium nostrum
procurauerit, ut qui nullo beneficio nostro nisi fuso sanguine vinci potest.

Cumque omnes proditorem non ferro solum laniandum scindendumque, sed dentibus discerpendum, acclamatione continua deponerent, tumultu per Principem Boleslaum vix sedato, cum hominem in auditum damna, et indignum ostenderet, Sbigneus dicere causam iussus, calidissimo figmento facinus suum tegere excusareque et purgare cepit. Non se cum hostibus sensisse aut venisse, sed eorum aduentum nunciaturum prae, sisse confingens: rogans et obsecrans ne ad delationes calumniosas et confictas, disseminatasque et vulgatas praesumptiones, per eum diluendas, damnationis periculo illum subicerent, obicerent contumeliae, de, derent exultationi, pluribusque aliis pro tempore usus est verbis, quae illum versutum, fallacem, dolosum, et vafrum demonstrabant. Ad quem Selegius Palatinus dirigens sermonem. Quousque tandem Sbigneae nostrae patientia abutere? quamdiu dolis tuis et fallaciis nos lacesces? quem ad finem sese ista temeritas tua offeret? quousque nostra vexatio nostra inuasio, nostra direptio, nostra calamitas tibi erit libera et impunita? Quam vero gratiam et quam indignam cum fratri tuo Principi nostro clarissimo, tum nobis refers, attende. Qui te ex illicito nato connubio, pravis studentem actionibus, nulla virtutum commendatione cognitum, maternam redolentem infamiam, stirpem, et semen, malorum hominum mente conscelerata et nefaria praeditum, de perniciem populi Polonicj, de excidio Regni nostri acerba et crudelia exquirentem studia, non modo nullis ac meritis eras non affecit suppliciis, aut in terrarum ultima, velut portentum monstruosum non detrusit, sed in participationem et communionem Regni admisit. Et quamvis aperte constisset mentitum Sbigneum esse, non tamen ut meruerat morte sed perpetuo exilio mulctatus, in Bohemiam se contulit. Fatigatos deinde vigiliis et continua resistentia Pomeranos, et ultima desperatione fessos, dum plures ex suis quotidie interfecti aut sauciati caderent, nuncium insuper ad Pomeranos primos a Welenis missi, nihil in eis praesidii esse, retulissent, portas Boleslao aperiunt: pacti, et in signum pacis Chiroteca de dextra Boleslai sibi dari petita, ne quid hostile paterentur, cum signa Boleslao mandante in Castrum inferrentur, parci quoque deditis Dux voce praemonis pronunciasset, murmur primum deinde clamor militum est sublatus, indignum querentium facinus, post tot suorum indignas mortes cicatricesque, et continuos ac asperos non aestate solum, sed hyeme perpeßos labores, premio victoriae frustrari, Pomeranorum vero perfidias, vafram et fluxam fidem, et pactorum violationem impune transiri, omnes passim Pomeranos in Welen repletos, ipso Duce Boleslao nequaquam iram militum, potentiores tunc quam imperium, castigante, interimunt. et suorum indignis mortibus iustiori caede parentant. Satagebat quidem Boleslaus Dux suo instituto misericordiam

in victos exhibere, sed iusto aliqui militum dolori clemens Imperator resiste-
re nequiuit. Benignus itaque ex sua natura apparuit, sed ex inobedientia mi-
litum saeuerus. Captus est etiam, Castro Welen obtento, Amieumirus, qui
Duci & exercitui suo obtenta victoria geminauit laetitiam. Lubente quoque
Boleslao & inspectante exercitu, pro perfidia quam exercuerat, & menda-
ciis quibus Pomeranos a fide Boleslai alienauerat, fuste capite decusso
interiit, vir improbus atque in exiguo ponens mendacia fraudes & proditio-
nes.

Anno Domini 1109.

Henricus Imperator cum potenti exercitu Po-
lomiam inuadit. Quem Dux Polonorum Boles-
laus clandestinis incursionibus caedit et affligit.

Omnem culpam male a se in Pannoniis gesti belli Henricus Impera-
tor in Boleslaum Polonorum Ducem referens, quod & Colomano
Hungarorum Regi militum suorum praestitisset auxilia, & res Pan-
norum enixius validiusque, & per seipsum Bohemiam graui vastitate affli-
xisset, Duces insuper Bohemiae Borzimoj & Sobieslaum hospites receptos,
Vocatum Bohemia illis restitutus, sumptibus & gentibus, in Imperialis iu-
ris & dignitatis contumeliam, adiuuisset, ac propterea Poloniae Regno gra-
ui odio infensus, in ultionem tantarum iniuriarum expeditionem Saxonibus,
Bauaris, Sueuis, Turingis, Franconibus, Misnen, & aliarum nationum gen-
tibus indicit. Suiatopelkone Duce Bohemiae, & Sbigneo fratre naturali Bo-
leslai Polonorum Ducis, qui in odium suum a Suiatopelkone fouebatur, sua
sponte exulceratum Caesaris animum, amplioribus suggestionibus inflaman-
tibus. Adiucente Sbigneo, quod plures ex Polonis ad ipsum essent velut
legitimum haerodem defecturi, & Castra atque munitiones absque negotio
traditurj. Itaque primo aestatis tempore Henricus Imperator cum vali-
dissimo exercitu, Suiatopelkone Bohemiae Duce & in fauorem Caesaris, & in
odium Boleslai Ducis, tam pedestri quam equestri milite in magna frequen-
tia exercitum Caesaris augente, Polomiam inuadit, & eam oram Poloniae quae
nunc Slesia & Saxonia dicitur, incendiis, praedis, & depopulatione contor-
quet. Castrum magnum & ea tempestate forte Lubusch obsidione (id
enim primum sibi ex Almania procedenti occurrerat) cingit. Sed cum &
situ & defensione militum difficilem eius expugnationem aduertisset, obsi-
dione soluta, aut iuxta aliquos expugnato, & perpetua donatione Archiepo
Maydeburgensj donato & inscripto, in Poloniae ulteriora processit, &

continuo gradu ad Bitbomien territorium peruenit. Vbi Oppidum Bitbo-
 mien' plus arte quàm situ difficile contemplans, ad expugnandum illud per de-
 ditionem conquirere tentabat. Sed militibus qui in praesidio erant continuas ex-
 cursiones & duella, adeo ut etiam Caesarj inuicerent admirationem, contra
 suum exercitum facientibus, toruo oculo Sbigneum intuens Caesar. Siccine,
 inquit, verificari video promissa tua, quibus gentes, Vrbes, & Castra tui contem-
 platione in meam ditionem ventura promittebas? Infesta quippè nobis & ad-
 uersa omnia video, & singulos Polonorum erga Boleslaum fratrem tuum uni-
 us fidei uniusq; terroris experior. Ex eo tempore Sbignei aestimatio in pectore
 Caesaris perempta est. Boleslaus Poloniae Dux & si de Polonis exercitum non
 spernendum collegisset, Bohemorum quoq; milites qui de Bohemia exulauerant
 in Castris haberet: multo tamen & fortior & superior exercitus Caesaris sibi
 visus est, quàm cum quo posset iusta acie pugnam sine suorum discrimine con-
 ferre, saepe tamen periculi quod imminabat oblitus, neq; suis neq; hostilibus pen-
 satis viribus discernere aestuabat, nisi militum suorum graui obiurgatione fuis-
 set dissentus, disserentium suis caesis militibus suoq; exercitu profligato, Polo-
 niam externis seruituram. Non quieuit tamen vastus & ferox Ducis Bole-
 slai animus, sed Casareum exercitum ab eo tempore quo Poloniam ingressus
 est, continua instatione nocte & interdum diuersis in locis per equites suos,
 in hostes palatos, qui aut praedatum aut pabulatum ibant, faciens impetum &
 in cursiones laceſſebat. Nam & eos qui agmen paululum deserebant
 continuè comprehendebat, & eos qui passim per agros vagabantur trucidabat.
 Frequenter insuper custodibus exercitus Casarei vel captis vel inſcijs ad exer-
 citum Casareum intempeſta nocte accedens, pluribus interfectis vel captiuatis,
 vniuerſum exercitum tam graui confuſione diſturbabat, ut Caesar militum nu-
 merum pro custodia exercitus duplicaret. Gentes insuper Imperatoris gratia
 pabulandi longius ab exercitu progressos, diem inuadens, & usq; ad ipsa Castra
 Casarea fugans & cædens non prius sequi deſtitit, donec vniuerſum exercitum
 contra se vidisset proſilire. Et tunc quidem cædens, & in abdita locorum
 velut peritus se recipiens, eandem inuasionem & exercitus & pabulantium
 sapius, non sine multorum de exercitu Casareo discrimine, resumebat. Sed
 & in exercitum Casareum milites nocte deſtinans, plures alium purgantes in-
 tercipiebat. His & multiplicibus alijs excuſionibus inuasionibusq;, adeo
 Imperatoris exercitum vexarat afflixeratq;, ut nemo pabulatum, nemo spacia-
 tum, nemo longius à Caſtris proſire ſine frequenti armatura auderet, quod li-
 bet nemus, ſyluula, aut rubus ſuſpecta habebantur. In omni umbroſo &
 condenſo loco Boleslaus Poloniae Dux ſtare credebatur, vniuerſiq; milites
 Casarei in aliquod munus militiæ, aut pabulatorum proteſtionem ituri, illius
 ſibi figurabant occurſum, Sed nec eos fallebat opinio, quàm primum e'mm

aliquas turmas de Castris Caesareis exire agnouisset, illico vel illas conflixit
vel in turpem fugam conuertit, maioremque sui et timorem et laudem huiusmodi clau:
destinis crebris tamen inuasionibus diffudit, quam si acie iusta et integra de:
certasset. Nam et in exercitu Caesareo fames, pabulatione deficiente, coorta,
equos multos et homines tabe confecit. De operibus quoque Boleslai tam for:
tibus et animosis, cantilenae ab Almanis compositae, in illius gloriam et Cæsa:
ris ignominiam, in universo Caesareo exercitu sonora voce canebantur. In
vicis quoque et oppidis, Urbibusque propter maximam virtutis suae gloriam, he:
roico robore partem, canentium vocibus celebrabatur, donec publico edicto Cæ:
sar, penam capitis et confiscationem bonorum omnibus interminatus est, qui:
cunque carmina ipsa depromere ausi forent. Erat tamen in ore omnium militum
Caesarianorum atque in sermone frequenti Boleslaus Poloniae Dux, summas
in eum laudes accumulantium, et miris laudibus suam strenuitatem celebra:
ntium. Nec mirum, hostes enim quacunque arte sibi praesumpserat capien:
dos, occultis insidiis, dolo, fraude fallendos, furto rapinisque exhauriendos, ni:
hil denique praetermittens, quo tam fortis exercitus debellari posset.

*Henricus quintus Caesar Glogouiam oppu:
gnat, ea dedita obsidibusque datis fœderis
fractio, iterum eandem quatit, tandem ab
oppugnatione illius desistere cogitur.*

Magna parte Slesiae peragrata vastataque, nonnullisque munitionibus
ignobilibus captis, Castro etiam Pzeczem expugnato et per ignem
demolito, Henricus Caesar ad Urbem Polonorum Glogom, quam Odra
unus ex principalibus Poloniae fluius praeterfluit, cum copiis suis in die Sancti
Bartholomei peruenit. Et quamuis Boleslaus Poloniae Dux positis militibus va:
da Odrae et eius ripas ubique communisset obstruxissetque, transitum Caesaris
omni nisu prohibiturus: Caesar tamen prope Glogouiensis Ciuitatis mœnia, va:
dum nunquam antea etiam indigenis cognitum reperiens, fluium Odra supera:
uit, multam hominum pecorumque praedam, sed et nonnullos Boleslai milites qui
passim vagabantur, inopinate detinuit. Eam cum obsidione cinxisset, et mul:
torum dierum interuallo, projectione bombardarum Ciuitatem, humiles muros
et debiles turres atque propugnacula tunc habentem, conquassasset, veriti Ci:
ues ne in potestatem Caesaris uiui capta Vrbe uerrent, et excidium suum et
suorum experirentur, de Vrbe dedenda sub certis conditionibus, si uir Dux Bo:
leslaus intra quinque dierum spacium obsessis non succurrat, missis nunciis cum
Imperatore paciscuntur. Imperator non quinque solum dies sed et plures se

465
illis concessurum respondet: certus Boleslaum Ducem Polonorum secum decernere nullatenus ausurum, dummodo in spem futurae deditio-
nis sibi consignent. Necessitate urgente Glogouien' Caesari filios pro obsidi-
bus tradunt, & Caesar certus eos pacta seruaturus ab oppugnatione Urbis milites cessare iussit. Mittunt interim Glogouien' ad Ducem & Dominum suum Bo-
leslaum Poloniae Regni Monarcham, & in quanto periculo versabantur, nisi
saniori consilio pactis usi fuissent, denunciant, supplicantq; ut aut illos ab op-
pugnatione obseffioneq; hostili liberet, aut pacta rata habens impleri ea permit-
tat. Lam Boleslaus Polonorum Dux maioribus Copiis exercitum reffer tum habe-
bat, quippe ex Masouien', Sandomirien', & Lublinen' terris, magnus numerus
& equestrium & pedestrium ad eum defluerat, Ruthenorumq; Copiae aduene-
rant, plenusq; spe occasionem pugnandi cum Caesare inuestigabat. Collaudatis
itaq; Glogouien' nunciis & Ciuibus, quod prudenti usi consilio Civitatem ma-
ture perituram in eam diem seruassent, districtissime prohibet ne quicquam de
his quae cum Imperatore pacti erant, obseruent, malintq; filiis quam se & patri-
am libertate orbari, se mature affuturum, & obseffis opem laturum respondet.
Et quo constantiores essent, si prohibitionem suam in dedenda Urbe Imperatori
transgredierentur, iurat se illos & cum filiis Imperatore discedente extermina-
turos. Mandato Boleslai Ducis Poloniae per nuncios ad Glogouien' relato,
dum vniuersa Civitas grandi maxore consternata esset (nam hinc metus, hinc
pietas & charitas pignoris obiecta, quid agerent consilii inopes, collidebat) pu-
blicam tamen pietatem singulis comprobantibus, Boleslai Ducis mandatis se pa-
rituros, & mortem potius subituros, quam deditioem pactam seruaturus, deuouent.
Non hostium illos terret impetus, non laborum frangit asperitas, nec filiorum auer-
tebat pietas, omnibus in commune unus est animus, patriam & Urbem sanguine tue-
tari. Quapropter ab vniuersis in commune ad ruinas instaurandas, tanta cura
tanta diligentia concursus est, tantaq; sedulitas in restauratione collapsoru
monstrata, ut intra bictuum quo induciae a Caesare datae nondum expirauerant,
omnis necessaria restauratio absoluta fuerit. Caesar cum die quinta Urbem si-
bi iuxta pacta dedi requisisset, existimans se, Ciuibus ultro portas aperientibus
Civitatem ingressurum, dum a Ciuibus contrarium responsum accepisset, & Glo-
gouien' quos iam deditos crediderat, more ingenii humani pacta in spem meliorum
successuum mutantes, iterum aduersarios se habiturum videret, in indignatione
non mediocrem versus, ad expugnandam urbem armari vniuersum exercitum iu-
bet, & ab omni parte oppugnationem disponit, credens & Civitatem se facile
capturum, & transgressoribus pactorum dignas penas illaturum. Magna itaq;
vi Almanis & Bohemis Civitatem undiq; Imperatore spectante & adhor-
tante milites, impugnantibus, non minori vi ab Oppidanis resistebatur. Credens

autem Imperator pietate filiorum nullatenus Cives in sua pignora telis aut operi-
bus sœuituros, sed charitate obsidum magis quàm armis expugnari posse filios
Glogouien in propugnaculis de aſteribus ordinatis (quæ pallia, eò quòd milites ad
oppugnationem transituros tegant, appellantur) distendi iussit. Sed cùm nec sic
Glogouien moliri posse videt, sed in eos filios qui distenti erant, sudēs & iac-
cula emittere, & egregiè in quoslibet tela contorquere, propter quod Casaria,
ni temerè ad mœnia subeuntes, de superioribus locis percussī cadebant. Impera-
tor innocenti ætati misertus, illo genere expugnationis velut crudeli & infami
omisso, milites muros & turres Ciuitatis subire, & expugnationi tota die vaca-
re iussit, maximo labore atq; conatu utrinq; certatum est, Casarcos milites in-
dignatio ex violatione pactorum orta, & frequens continuè militum, ad pugna
recentibus pro profligatis, & sanis & integris pro sauciatis succedentium nume-
rus, Oppidanos extrema desperatiō animabat. Tantusq; autem utrisq; his
quidem conquirendi Urbem, illis defendendi ardor iniectus erat, ut nullum
genus utrinq; aut hostes expugnandi, aut Cives repellendi, obmiserint. Et
cùm Almani & Bohemi audacius Ciuitatis mœnia subeuntes, proiectione lapi-
dum supernè obruerentur, aqua tamen & pice feruenti plures lasuram incurre-
rant, multi, qui scalis appositis muros conscenderant, Cuium robore exinde præ-
cipitati, animas (inspectante Casare) exhalabant. Glogouienses siquidem
circa Boleslaum Principem suum, tam feruido cordis ferebantur affectu, & tam
firmam constantiam fidem sinceram monstrarunt, ut maluerint & personas
& charissima pignora grauissimis subicere periculis, quàm ad hostilem dedi-
tione detorqueri. Unde non immerito eorum fides & sincera deuotio, etiam
in hanc diem apud Polonos, honorifico sydere fulgescunt. Dum autem pluribus
diebus huiusmodi continuasset oppugnationem, pluresq; insignes ex Barombus
Bauariæ & Saxonie cecidissent, referri eorum cadauera in Bauariam et Sa-
xoniam Caesar iussit, & iusto honore à suis sepeliri, ab oppugnationeq; Urbis,
quæ cum tot præclaris militibus spoliauerat, desistere, ne & aliis esset in perni-
ciem coegit. Bohemi verò qui circa expugnationem Ciuitatis desideratisunt,
campestrem haud longè à Castris exceperē sepulturam. Rogabant autem
Boleslaum sui milites, ut in certamen illos cum Imperatore deducat, omni conatu
pro victoria admissuros: præstare sibi aut gloriôsè vincere, aut honestè mortem
appetere, quàm tot suorum tectorum incendia, spoliaq; & dedecora sub conspe-
ctu perferre. Boleslaus verò militibus benignè, pro opera de victoria nauan-
da, commendatis, ad sua quemq; redire munera, & tempus aptum pro certamine
ineundo, dum signum ipse dederit, iubet, cum silentiō operiri. Se enim consiliō
ac prudentia, non animi impetu pugnas gerere consuetum, pugnam committere si
id & utilitas maior, & loci temporisq; opportunitas suaserit, non neglecturum.

467

*Miles Polonus Joannes Szwiatopelkonem
Ducem Bohemiarum in tabernaculo Caesaris occi-
dit, et ad suos illa sua fortissime recurrit.*

G Logouensi obsidione durante, nulla dies absumpta est, sub qua Bo-
leslaus Polonorum Dux nunc à dextra, nunc à sinistra nocturnis
pariter atque diurnis horis, gravi molestia continua aggressionem Im-
peratoris Castra non afficeret. Propter quod Imperator nunquam cum uni-
uerso exercitu ad Urbem expugnandam potuit intendere, sed maiorem mili-
tum partem in campestri statione ad pugnam ordinatam, ne Boleslaus à
tergo Castra inuaderet, opponebat, certus enim erat, nisi hæc prauideret
se à Boleslao discrimen incursum. Solitus autem erat Imperator hu-
iusmodi exercitui Szwiatopelkonem cum gente sua Bohemica adiungere,
et cum Ducem utriusque populo, in euentum futurae dimicationis præficere.
Eodem tempore cum prospera et læta in exercitu Cesareo viderentur
omnia, periculum horrendum à Boleslao Duce dudum meditalum superue-
nit, quod suo momento robur Cesareum magna in parte fregit. Bolesla-
us enim dum infirmiores se perenderet, quam qui cum Cesarianis et Bo-
hemicis copiis acie iusta contendere posset, in Szwiatopelkonem Bohemiarum
Ducem iras vertit, infestior illi quam Casari, inducitque in animum quali-
bet modo obtruncare illum astu et ingenio, illius propulsaturus ingenia,
postquam vis aperta parum procederet, infestissimo respectu ad id impul-
sus, quod et patruos suos iustos hæredes de Bohemia Regno eiecerit,
et eorum Dominia occupauerit, et quod contra se ex Bohemia matre sa-
tum, sibi etiam propinqua cognatione iunctum, et contra gentem Polo-
nicam, eiusdem penè linguae ac nationis, arma in auxilium Almanis tulerit.
Sæpe autem de hac Szwiatopelkonis Ducis Bohemiarum iniquitate apud
suos questus, percussori eius magna premia proponit. Ac multis munus
huiusmodi aggredi, et hostem patriæ delere cupientibus, Ioannes miles
filius Czysta nobilis, de genere Vrsouicensium siue Rawitarum ortus,
facinus præoccupat. Nihil eorum quæ Imperator cum Duce Bohemiarum et
suis moliebatur, Poloni nesciebant: quippe et per exploratores, et nonnul-
los in exercitu Caesaris Bohemos, acta suorum prodentes, progressum om-
nem et statum hostilem investigatum habebant. Itaque opportuno explo-
rato tempore, Ioannes Czysta miles in exercitum Cesareum perueniens,
Ducisque Bohemiarum Szwiatopelkonis se militem fingens, cum et plures habe-
ret in exercitu Szwiatopelkonis cognatos et fratres, tempus ad occidendum
Szwiatopelkonem Ducem observabat. Cum autem vicesima prima die Sep-

tembris Sviatopelk Dux Bohemia in papilione Caesaris consisteret, Ioannes prædictus in Ducem ipsum ante Casarem stantem lancea acutissima tam fortiter impegit, ut eius utrumque latus proscinderet, & Sviatopelkus Dux in terram illico palpitans, nec una voce quidem emissa expiraret. Qua nece patrata Ioannes miles ex tentorio exiliens, equum ad id præparatum conscendens fugere cepit, quem & si nonnulli Bohemi persecuti fuissent, pluribus tamen propensius persequentibus aut victis aut vulneratis, integer & incolumis ad Ducem Boleslaum peruenit, & pro ausu tam celebri, ab eodem Boleslao Polonorum Duce maximis premiis, ut Castris, Oppidis, & possessionibus, quæ & in hanc diem genus suum possidet, est muneratus. Cadaver vero Sviatopelkonis Bohemia Ducis per suos milites ex papilione Casareo in Castra Bohemica & Ducale tabernaculum relatum. Fremitus deinde ingens & commotio in uniuerso Caesaris exercitu coortus, omnes milites Caesaris iussu nocte tota insequente in armis tenuit, excubias quoque campestres crebriores habita, singulis Almanis pro certo destinantibus, Boleslaum Polonorum Ducem nocte cum suis copiis superuenturum, & belli fortunam tentaturum. Ioannes miles filius Cristæ pro patrato in Ducem Sviatopelkonem facinore, non secus quam Mutius Scauola Romanus, & priorum & hostilium militum laudatus & celebratus est sermone.

*Bohemi Duce nouo electo Castra Caesaris
deserunt. Rugo et Sbineus sequitur R.*

Super nece Sviatopelkonis Bohemia Ducis, dum nocte occisionem suam insequente planctus (verus ne an simulatus incertum) à Bohemis celebratus fuisset, altera die Henricus Romanorum Rex, ad tentorium in quo Ducis Sviatopelk cadaver iacebat adueniens, tristem & ipse vultum super illius tam improuisa & indigna morte ostendit. Et quo mors sua esset minus molesta Bohemis, permittit illis, ut quem velint de natis illius duobus unum, Henricum ut vel Venceslaum, in patris locum surrogent. Asserens se in fauorem eorum, eam vel quamcunque aliam ipsorum electionem confirmaturum. Bohemia autem Barones utroque filio Sviatopelkonis perterriti, Ottonem secundo genitum Wratislai, germanum dicti Sviatopelk (temerato iuramento, quo se post mortem Sviatopelk, non alium quam Wladislaum filium Wratislai ex Sviatbawa tercio genitum, & germanum Borziwoj, assumere astrinxerant) in Ducem deligunt, & surrogati Ducis gaudium, funesto funeri miscuerunt. Qui etsi ab Henrico Imperatore approbatus fuisset, Pragamque in possessionem accepisset,

infra tamen paucos dies, Othone excluso & reiecto, præfatus Wladislaus à singulis Bohemis in Ducem assumptus est, facileque possessionem totius Bohemiae sortitus. Bohemicus exercitus, Duce suo Smiatopelkone occiso, remitti se ad propria magnis instantiis expetebat, veritus ne per exules Duces Borzmoj & Sobieslaum res in Bohemia nouarentur. Henricus autem Romanorum Rex, discessionem Bohemorum molestè ferens, retinere illos omnino de æstuabat, persuadebatque, ut aliquibus Baronibus Bohemiae, cadaver Ducis Smiatopelkonis Pragam referentibus, ceteri omnes in Castris suis subsisterent, & cum Polonicam agentem expeditionem deseruiri non sinerent, plures incursiones & pericula ab eo hoste, qui neque nocte neque interdiu nouit quiescere, perpeffurum. Verùm Bohemis tam infœlicem militiam agere, in qua Ducem suum obtruncari contigerat, magnopere detrectantibus, & non se amplius in bello parum auspicato, sine Principe perseuerare velle respondentibus, suo illos Caesar arbitrio relinquere coactus est. Remanere in Castris Casareis, Bohemicis copiis discedentibus, Sbigneus frater naturis Ducis Boleslai, veritus, quippe qui sibi omnes Almannorum Primores, ipsum quoque Henricum Regem nouerat infestos, cum Bohemis una discessit: sortem suam intelligens Ducis Smiatopelkonis occisione vehementer debilitatam & attritam.

*Legati Polonorum apud Henricum Imperatorem
liberum facinus, ex quo Armorum Haddank origo puenit.*

S Wiatopelkone Bohemiae Duce taliter, ut præmissimus, occiso, & exercitu suo Bohemico in Bohemiam remeante, Henricus Imperator consilio aduocato, an in obsidione Urbis Glogouien persistendum esset, vel in Almanniam redeundum deliberat. Sed cum singuli probassent, obsidionem cladibus & funeribus magis quam victoriis insignem, omittendam fore, neque in bello malè auspicato diutius demorandum, Nuncii Polonorum Ducis Boleslai (miserat quippe illos Boleslaus, sperans Smiatopelkone Duce interfecto, facile animum Casareum ad pacem inclinaturum) adueniunt, petentes ut Romanorum Rex, & obsidionem Glogouien tollat, & ab agro Polonico exercitum deducat, Ducem suum Boleslaum præter meritum Imperiales hostilitates hæcenus perpeffum esse, quem contra infidelium nationes continua bella gerentem, conuenientissimum erat auxilia Imperialia non impugnationem meruisse. His à Casare responsum est, si Boleslaus Polonorum Dux & Poloni Imperio & tributis subiecti esse

volunt, Sbigneum quoque ad portionem suam restituant, petitionem eorum facile Imperatorem admissurum. Sed cum nuncii Ducem suum Boleslau & Polonos, nullo pacto ditioni suae & tributis seruituros, sed neque Sbigneum velut hostem infestissimum patriae, in gremium suum, certam perniciem iterum illi allaturam, assumpturos respondiissent, multa Henricus Rex coram nunciis de potentia & diuitiis Imperii disserens, etiam illis thesaurum quem secum in Castris habuerat, vasa quoque & Ctenodia concupiscibilia, auro & gemmis celata monstrauit, subinferens hunc solum, ad eorum Duces & gentem edomandam, sibi sufficere. Erat Legationis huius forte Princeps nobilis quidam Comes Skarbek, tres tracturas aequales, in Stella, quae ab Astronomis Gasipia appellatur, modum, pro insigni deferens, qui Caesari thesaurum ostentanti, & de potentia sua disserenti, responsum aliquod conueniens auditurus, annulo aureo, quem in articulo gestabat, detracto, in eius quem Caesar ostentabat thesauri medium proiciens, ait, aurum iungatur auro. Henricus autem Rex, dum esset perspicacis ingenii, facile intelligens quod Legatus Boleslai, & proiectione annuli, & adiectione verborum contemptum tantarum gasarum significari portendisset, significationem suam & contemptum quem notabat exclusurus, in Almanico respondit Hab dank, quod significat habens gratias. Quasi his paucis verbis respondisset, Etsi tu thesauro meo contempto, etiam in ampliorem eius contemptum paruam auri quantitatem adieceris, & de hac quidem ego tibi habeo gratias. Legati Ducis Boleslai infecto negotio a Caesare dimissi, redeuntes singula ex ordine, quae eis responsa fuerunt, exponunt. Legatusque ille & sua omnis successio & posteritas, appellationem suorum Armorum & Domus Habdank in diem hodiernam accepit. Maior indies in exercitu Caesareo discessionem Bohemica terror augebatur, ob quem in Castris Imperatoriis duplicata excubiae, & Imperatori recessus magnopere ab amicis persuasus, ne & ipsum insidiis Boleslai exercitumque suum circumuentum iri contingeret. Quae quidem consullatio facile ab Imperatore accepta est, ut pote in cuius iam pectus, altius quam quisquam ratus erat, obtruncatio Ducis Bohemiae Smiatopelkonis se infuderat, deteriori quoque conditione se a Bohemis querebatur desertum, potius hostili fauore non necessitate, quam si ab iniunctio illi auxilia non tulissent.

Henricus V. Imperator obsidione Glogouien soluta
versus Wratislauiam processit. De quo Boleslaus
dux insignem victoriam in Campo Lesiepolie obtinuit.

1471
Paucis posthac diebus, dum Boleslai Polonorum Ducis Legatos,
pacem petitam non impetrantes dimisisset, in obsidione Glogouien
Casar moratus, obsidionem (suorum victus prece & consilio) dis-
solvit, & versus Wratislaviam processit, expugnationem Wratislaviae, si
forte melior illuc proveniret fortuna, tentaturus. Sed dum ad unius miliaris
spacium a Wratislavia stativa posuisset, Boleslaus Polonorum Dux, om-
nibus potentiis Dominorum suorum, quanta potuit celeritate, ordinatis, ma-
gna insuper agrestium (ut speciem validi exercitus hostibus obiceret)
auctus turba, agmen exercitus sui, cursus magis quam itineris modo, persequen-
do Imperatorem, ducit, adeo ut nec nocturna quidem quiete a diurnis refi-
cerentur laboribus, Henricum Romanorum Regem persequi & cum illo
decernere statuit. Quem cum in diebus stativis, uno tantum miliari a
Wratislavia distantibus consecutus fuisset, ordinatis aciebus, paucis mili-
tes adhortatus. Quatenus suae nobilitatis & originis memores, quam for-
tissime pro patria & libertate dimicarent: perpetuam gloriam, si orbis ter-
rarum Imperatorem, velerem eis libertatem adimere & tributis eos subice-
re conantem, sternerent, & de vastitate eorum regioni irrogata se vindi-
carent, & ipsi habituri, & posteris magno fanore eam relicturi, hanc diem,
qualis cuique sit virtus ostensuram. Concurrent validissimo impetu
& clamore utraque acies, & utraque pro victoria adnitente, durissimo Mar-
te usque ad vesperam certatum est, cadentibusque ex utraque parte pluri-
bus mortalibus, saepenumero Caesariani milites, cum numero superiores es-
sent, etiam in pugna praevalabant. Nutabat Polonica acies, plerique ex
pugnatoribus Polonis spectabant ad fugam, ni sollicitè Boleslaus qualibet
loca circueiens, & novos fessis substituens, suorum in locis aliquot laban-
tem pugnam restituisset. Et confirmatis suis, pulsus adversarius, erectis
militum animis, praelium ex integro reparasset. In ipso autem fervore pu-
gnae, Slesianorum militum acies, quam in subsidio Boleslaus locaverat,
eius iussu erumpens in latus exercitus Imperialis, quam fortissime potuit im-
pegit, & ordines Almanorum disrumpens, ceteris militibus pugnatoribusque
viam ad irrumpendum in hostes, & ad comprehendendum victoriae braui-
um, aperuit. Ab hostibus enim ex improvise conspectus, pectora illorum
effecit timidiora, dum caetera omnis multitudo Polonorum non militum solu-
sed etiam agrestium partem victoriam effecit. Casar suorum inclina-
tam aciem perpendens, illicito suorum monitu in fugam se (insignibus Impe-
rii, ne fugientem prodirent, abiectis) convertit. Posthac magis trucida-
tio quam pugna fuit, omnibus Almanis vario genere fugientibus: quorum
etiam magnus numerus in fuga comprehensus Boleslao redditus est,
quos in honore iusto semper habuit, & magnam victis exhibuit clementia

Et humanitatem. Tanta autem fuit in loco certaminis cadauerum copia, ut ex omni propinqua regione multitudo canum illuc, ad vorandas humanas carnes concurrere, periculosum aliquanto tempore omnibus, paruo comitatu illac proficiscentibus, iter efficeret, unde et locus ipse in hodiernum usque diem Caminus campus vocabulum sortitus, argumentum relatæ tunc per Boleslaum de Casare tam celebris victoriæ sua nuncupatione renouat et conseruat. Et quamuis clades ipsa fatalis et ignominiosa Almanis extiterit, non secus tamen apud illos et alias finitimas gentes, post relatum de Casare triumphu Boleslaus Dux Polonorum celebratus est, quam M. Marcellus post deuictas Syracusas et diruta Nolana mænia, et Hannibal post Trasimenilæ et Canensem, pugnas. Ex quo plenè constat, nihil quæstuosius, nihil uberius virtute. Hæc quoque Boleslai victoria nomen eius gloriosum inclitumque reddidit, gentisque Polonæ gloriam dilatauit, Heroica quoque Boleslai ubique vulgata ferebantur facinora: præclarum enim visum est sub uno eodemque tempore, et Imperatorem armis, et Bohemum astu superasse. Admirandusque propterea Boleslaus Polonorum Dux apud proprios et externos effulsit, sapientia præstans et re militari, pro singulari sua virtute, prudentia, audacia, belli peritia, militari disciplina, et suorum et hostium uno ore Dux atque Imperator vigilantissimus decantatus, eo triumpho omnibus locis maxime celebratus, nec iniuria, nam si sincere affectu circumscripto animaduertimus, non Casarem solum Henricum et eius exercitum, sed vniuersos Almaniæ populos, illo uno eximio prælio profligatos fuisse facilebimur.

Septima die Mensis Septembris Baldauus Cracouiensis Episcopus natione Gallicus moritur, et in Ecclesia Cracouiensi sepelitur, cum annis septem Ecclesiæ Cracouiensi rexisset. In eius locum Maurus, vir genere Italus Romanus, ex familia nobili ducens genus, per Papam Paschalem, secundum alios per Galesium, Boleslao Polonorum Duce eius electionem acceptante, ordinatur.

Anno Dñi 1110.

Boleslaus Dux Polonorum Henricum
cum quintum Imperatorem adit patremque
et uxorem sibi ac filio suo petiti
dare. Quibus impetratis rediit.

472

C Laudem apud Wratislauriam in Pszeipolie vico ignobili Henrici;
 cus Romanorum Rex acceptam, & si molestissime ferret, alte-
 ram quoque in Poloniam meditaretur agere expeditionem, ignomi-
 am suorum deterens, negociis tamen Imperii & itinere, quod pro susci-
 pienda Imperiali Corona, anno futuro Romam faciendum erat, auer-
 tebatur, simul quod Boleslaus Ducis Polonorum animum expertus probe no-
 uerat, aut secum congressurum, aut si congruere propter imparitatem me-
 tueret, exercitus suum grauib. dispendiis & incommodis clandestini-
 nis & subitis incursionibus lacepsitum. Verebatur insuper ne se ab-
 sente Boleslaus Polonorum Dux suas naturales & Imperii terras Re-
 gno Poloniae vicinas, in ultionem belli contra Poloniam a se gesti, inua-
 dens, vastaret atque exureret. Multorum etiam sui Imperii nobilium
 militum, qui superiori bello per Boleslaum Ducem Polonorum captiui
 erant, ipsum vexabat detentio, quos antequam Romam iret, soluere ma-
 gnopere (ne eorum captiuitas in maiorem suam ignominiam recideret)
 satagebat. His curis maxime vellicatus atque discentus, securiorem
 compendiosioremq. partem assumens, pacem, a Boleslao Polonorum Duce
 superiori anno petitam a se negatam, dare eidem, suadentibus id Consilia-
 riis, disposuit. Quod ut honestius proueniret, per communes egit amicos
 ut Boleslaus Polonorum Dux mutatum Caesaris animum intelligeret, &
 ad se personaliter in Bamberg veniret, neque pacem, neque amicitiam, neque
 quicquid aliud sibi dignum se negaturum. Diu aut ad Caesarem iret
 Boleslaus Polonorum Dux deliberans, multis tamen suis & Domini
 sui Profectibus, qui ex profectioe sua secuturi erant, pensatis, in appa-
 tu pulcherrimo ad Henricum Romanorum Regem in Bamberg venit, &
 verbis honestis atque ad persuadendum compositis, eam pacem petiit, quae
 sibi & genti suae non in infamiam sed in gloriam & decus vertere-
 tur, se de sanguine Poloniae Regum satum, omnia communia cum Re-
 gibus praeter nomen retinuisse. Scire se & Poloniam & eius Reges
 atque Principes nunquam tributis seruiuisse, sed plena libertate usos in eam
 diem fuisse, pro qua tenenda conseruandaque, & arma necessitate impul-
 sum induisse, & contra Caesarem dimicasse, prius quoque omnia se & gen-
 tem suam extrema passurum, quam Regnum suum & gentem tributis
 dediturum. Sed nec Caesarem eam expeditionem contra se, nisi fal-
 sis Sviatopelkomis Bohemiae Ducis & fratris sui Sbignei suggestioni-
 bus accensum, tentauisse: cum ipse in nulla re Imperium Romanum offen-
 disset. Orabat deinde Boleslaus Caesarem, ut illum amicum Imperii
 potius quam hostem habere malit. Henricus Rex Boleslao benigne
 appellato, & omnem indignationem ab inuidis contra illum apud se

concitata, se illi offert liberaliter remissurum, & eum inter Principes Catholicos iusto honore velut suum & Imperii amicum habiturum, & quæcunq; honesta petere vellet largiturum. Ad hanc tam munificam & fauorosam Henrici Romanorum Regis Boleslaus Polonorum Dux oblationem, sororem Regis sibi in sponsam, filio vero suo Wladislao ex Ruthena genito filiam Regis Henrici Cristinam nomine, virginem formam venustam, caput petere in uxorem. Quæ omnia Henricus Rex sine conditione concessit, & celebratis in Bamberg nuptiis cum sorore Cesaris, tam novam nuptiam sibi, quam filio Wladislao virginem Cristinam iuenculam & minorem, cum dote duplici, comitatus militibus Cæsareis in Poloniam deduxit, & omnes captivos Almanorum in prælio & guerra captos Henrico Romanorum Regi remisit. Magnaq; ex tunc & deinceps pacis charitatisq; amicitia inter Dominia Imperii & Polonorum terras, eorumq; subditos viguit, Et Henricus Romanorum Rex Castris & terris in Polonia conquestis, & signanter Castro Lubusz, quod ab eo in donationem perpetuam Maydeburgensis Archiepus acceperat, expresse renunciavit.

Borziwoj Polonorum auxilio Ducatum Bohemiam occupat, sed per Cæsarem vocatus conyicitur in carceres

Adiens Bohemiam Dux Borziwoj, filius secundo genitus Wratislai primi Regis Bohemiam, quem ex Regina Smantawa suscepit, qui cum germano suo Sobieslao, & pluribus Bohemiam Baronibus apud Boleslaum Poloniam Ducem annis aliquot exulabat, fratrem suum natu minorem Wladislaum post occisionem nepotis sui Wiatopelkonis Bohemiam Principatum (qui nulli alteri nisi ipsi Borziwoj iusto iure debebatur, Othone etiam fratre Wiatopelkonis ab eo depulso) assumpsisse, supplicat Boleslao Polonorum Duci, ut illi pro recuperatione Ducatus sui dignetur ferre auxilium, & aut cum eo personaliter vadat, aut gentem expeditam transmittat. Boleslaus autem Polonorum Dux conditionem suam Ducalem miseratus, cum robusta militum suorum manu ipsum verus Bohemiam (comitantibus illum pluribus Bohemiam Baronibus, qui secum una exulauerant) suo sumptu omnibus prouisum, conduxit, Sobieslao altero fratre in Polonia remanente. Et cum iam in metas Bohemiam & syluam Herciniam (quæ Bohemiam à Polonia diuidit) deuenissent, plures Bohemiam Barones cognito Borziwoj Ducis sui aduentu, ei obuiam eunt, ipsumq; cum magna lætitia excipiunt, precanturq; ut Dux Polonorum

BOleslaus in Principatus suos redeat, daturos se operam quo sine bello Dux suus Borzimoj Ducatum Bohemicum possideat. Victus itaq; Boleslaus Polonorum Dux tam Borzimoj Ducis quam Bohemia militum precatōne, in Poloniam regreditur, & nihilominus cum Borzimoj Duce insignem suorum Polonorum militum cohortem destinat. BORZIMOJ itaq; Pragā a suis deductus, & solenni processione susceptus, illicō & Ca;stri Wiszegradien' plenam (frater enim suus Wladislaus in Pilzno tunc agebat) nanciscitur possessionem, & Hermanum Epūm Pragen' comprehensum damnat in carcerem. Fabianus verō Capitaneus Wiszegradien' omnibus relictis, de manibus BORZIMOJ elapsus, effugit. Plures & alii Cives Pragen' qui sibi erant conscii, quiq; partem alteram sectabantur, relictis uxoribus, filiis, & possessionibus, ad vicinas regiones diffugiunt. Fit magnus in uniuersa Bohemia tumultus & rumor, uillarum vicorumq; incensio, vastatio, & praedatio. Otho interim Smiatopelkonis frater cum Waczkone Barone, qui tunc potens in Bohemia habebatur, congregatis militibus Pragā ingredi tentatur, Castrumq; Wy;szegradien' a Praga repulsi obsidione cingunt, Wladislaus Dux occupatā a fratre Pragā & Wiszegradum dolens, cum gentibus Pragā venit: ad quam petenti ingressus negatus est, Mittit deinde nuncios ad Henricum Romanorum Regem, de expulsionē suā queritur, petens ut illi sua auctoritate Ducatum ademptum restituat. Qui in Bohemiam duobus Ducibus Curiae suae Dipoldo & Berengario missis, pacem mandauit inter dissidentes, super Ducatu fratres reformari, recepturos. Qui cū ad illum uenissent, Wladislao quidem Ducatum Bohemia reddendum decreuit, fratrem uerō illius Borzimoj in captiuitatem coniecit, plurimos Barones nobilesq; Bohemiae, & Cives Pragen' quos fauisse fratri suo Borzimoj intellexerat, variis pœnis, exiliis, & tormentis affecit. Nepotem quoq; germanum Othone suspectum habens, ne illum in Ducatu supplantaret, ad se pacifice in Saczka accersitum captiuat. Quem primū in Castro Wiszegradensj, deinde in Krziuklad triennio detinebat, Waczkonis Baronis consilio ad id plurimum animatus & permotus ~

Anno Domini miii.

Boleslaus Poloniae Dux Wladislaui Bohemiae Ducis arrogantiam magna clade castigauit ~

Captiuitatem fratris & alumni sui Borzimoj Bohemiae Ducis per Wladislaum fratrem eiusdem Borzimoj, & Ducatus Bohemiae occupatore Boleslaus Poloniae Dux moleste ferens, validissimo congregato exercitu, cum Sobieslao Duce Bohemiae Ducis Borzimoj fratre apud se exulante, Bohemiam circa festum Sancti Michaelis ingreditur, fratres ipsos aliquibus honestis conditionibus, per quas & Borzimoj Dux a captiuitate absolui posset, pacificaturus. Sed dum Wladislaus Dux pluribus nunciis & literis a Boleslao Polonorum Duce inuitatus, ut ad se secure in pace veniret, decisionem controuersiae inter se & fratres suos Borzimoj & Sobieslaum, ipso eorum communi fratre & Amico Arbitro, super Ducatu Bohemiae recepturus, nullatenus uocationi & inuitationi huiusmodi acquieuit, sed inuitatione & uocatione praefata dolum latere praetendens, & nuncios cum iniuria repellit, & exercitum Ducis Polonorum inuadere decreuit. Quod dum Boleslaus Dux Polonorum sensisset, omnem oram circa flumen Albam, multis Primoribus Bohemorum diffugientibus, incendiis & spoliis vastauit, praefatoque Wladislao Duci occurrens, ipsum graui caede, octauo Idus Octobris circa flumen Cidlina, multis Primoribus Bohemorum aut occisis aut captis prostigauit, & fugere in Pragam coegit. Multisque spoliis & exustionibus in Bohemia patralis, & incolumem victoremque exercitum suum, & Sobieslaum Bohemiae Ducem in Poloniam secum reduxit sanum cum ingenti praeda. Quae clades Bohemis tunc per Polonos inflata, etiam Bohemorum Annalibus, apud incredulos & dubios, potest offendi.

Wladislaus et Sobieslaus Duces Bohemiae per matrem reconciliantur.

Vehementi dolore Suiathaua Wratislai relicta Bohemiae Regina Boteslai quondam Polonorum Regis filia, super filiorum suorum Borzimoj, Wladislai, & Sobieslai, collisione mutua, afflicta, dum unum captiuum, alterum exulem, tertium victum videret, mediatricem se posuit, & pluribus sanis & prudentibus tractatibus interpositis, filium Wladislaum (quod fratribus suis Borzimoj & Sobieslao par ius in Ducatu habentibus aduersus & infestus esset) correctum, cum fratre Sobieslao in Polonia exulante, verita ne ampliores strages inter ipsos consurgerent, pacificauit. Reuocatus igitur Sobieslaus iam maternis quam fraternis nunciis & literis, ex Polonia in Bohemiam venit, & Lacensem Ciuitatem cum suo Districtu & Prouincia (ita enim inter eos Suiathaua mater eorum composita) in possessionem & hereditatem accepit.

Pontifex Ecclesiae Cruszuiciensis alias Wladislawien Paulinus, cum eandem Ecclesiam annis duodecim rexisset, debitum carnis in ætate maturæ soluens moritur, atque in Ecclesia Cruszuicien sepelitur, & in eius locum Balduinus Gallicus de consensu Ducis Polonorum Boleslai velut patroni ordinatur ~

*Polowczii barbari per Ruthenorum
Duces bis profligantur maxime ~*

Vltoribus superioribus de Polowczis relatis Ruthenorum Duces animati, qui agræ alias Polowczonum bella repellere bant, ad inferendum ultro Polowczis bellum eriguntur. Expeditione itaque indicta, Smia; topellk Kiuiciensis cum filio Iaroslao, Wlodimir cum filiis, & David cum uno filio Russiae Duces, secunda Quadragesimæ Dominica copias eques- tres & pedestres, sola spe in Deo & Angelis eius reposita, in campum educunt, superatoque flumine Sula, veniunt in Chorolam, ubi currus instruunt & acies ordinant. Inde ad flumen Oltha peruentum est, & aliquot diebus stantiis habitis, ex Oltha ad aliud æquæ magnum flumen Vorskla traiciunt. Quibus quidem fluminibus superatis ad flumen Thanais, quod Don appellatur à Polonis, magnitudine rara priora flumina excedens, exercitus peruenit, illicque arma induens & signa militaria extendens, agmine composito iuxta ac si hostis in conspectu esset incedebat. Ad Castrum dein de Rukamie applicans, à viris qui in illo erant, piscibus & vino exceptus, ad aliud Castrum Smurow perlingens, illud exurit, & iterum ad flumen Thanaim remeavit. Polowczii itaque suarum regionum vastationem non ferentes, Ruthenorum Ducibus & agminibus occurrunt, præliumque conserunt. In quo adhortantibus se mutuo Ruthenorum militibus, & mori plus quam fugere deuouentibus, primis Polowczonum aciebus cæsis fuscisque, reliquæ diffugiunt. Post paucos quoque dies nouo & fortiori exercitu Polowczii, ex multis legionibus instaurato, fortunam tentaturi, ad congressum veniunt, sed parem priori referendo fortunam, à Ruthenis & eorum Ducibus, certamine inito, conflicti & victi sunt, fugientesque Polowczos Rutheni in plurima miliaria persecuti quatuor diebus, Castris eorum, equis, pecoribus, camelis, uxoribus, & paruulis, & omni alia suppellectili potiti, duplici prælio victores in Russiam reuersi sunt, maximo honore & gaudio processioneque à suis excepti ~

Anno Domini miz.

*Pomerani et Prutheni in Maso-
uiam irrumpentes caduntur.*

Quietem quæ hæcenus Pomeranis & Pruthenis, Boleslaus circum uici-
nis bellis occupato, prouenerat, Pomerani & Prutheni non ferentes,
clandestinis & secretis prius inuicem habitis & celebratis conuen-
tibus, contra Polonorum regionem constituunt & assumunt bellum. Et quo-
niam Boleslaus Polonorum Dux partes Posnamien & Cuiauiem crebrius
solito tunc incolebat, in Pomerania quoque plura Castra, valido presidio su-
perimposito, in suam ditionem redegerat, potentiam resistantiamque suam Bar-
bary uelut fulmen veriti, in remotiores Prouincias, ad quas non credebatur
eorum incursionis aduentus, bellum conuertentes, clandestina & secreta,
& nunquam alias denunciata hostilitate, Prouinciam Masouia inuadunt,
prædis, spoliis, conflagrationibus, vicorum, villarum & ædium, tumultuario
bello patratis, antequam Boleslaus Polonorum Dux noscere posset eorum in-
cursionem & irruptionem, in sua cubilia reuersuri. Aliter tamen quam
illi rebantur, spes illis respondit. Regebat siquidem pro ea vice Masouien
regionem Magnus Comes, quem in superioribus Wratislauien oram rexisse
monstrauimus, is quamprimum Pruthenorum & Pomeranorum contra se &
regionem suæ fidei & regimini commendatam sensit aduentum, nulla tenus
illos prædas & spolia ex Masouia efferre, & incendia ac depopulationes age-
re permisit, sed ex templo cum omnium Masouien nobilium & popularium manu,
quos sub tanta celeritate congerere potuit, eis, cum spoliis & prædis proceden-
tibus, occurrit, illosque quiescentes, & quiescentia omnia suis exploratoribus denun-
tiantibus esse existimantes, inopinate priusquam illucesceret, aggressus, tanta
clade soporatos oppræssit vicitque, ut pauci quin aut occiderentur aut caperen-
tur euaderent. Subito enim aduentu atque insperato hostes perterriti, neque
consilium habendi, neque arma capiendi spatium dato, ueluti dedecores & inulti,
atque non secus quam pecora trucidabantur, sexingenti occisi, mille ducenti ca-
pti, eo prælio hostes referuntur. **SIMON** Plocensium Antistes
uir raræ probitatis & deuotionis, victoria Polonorum ex Pruthenis & Po-
meranis tunc relata, maximum creditus est adiumentum præstitisse, qui sub
omni tempore quo hostes Pomerani & Prutheni patriam ingressi sunt, continuis
singultibus, ieiuniis, precibus, & lacrymis unâ cum Clero suo, obsecrare pie-
tatem Diuinam pro victoria Polonis danda non destitit, sed nec prius et men-
tem & corpus, ab oratione, ieiunio, & obsecratione laxauit, donec certificatus
est Magnum Comitem & Masouien, plenam & magnificam victoriam de ho-
stibus retulisse. Quæ tam feraciter & abunde prouenerat, ut Pomerani &
Prutheni tunc à Polonis victi & debellati, qui se in syluis & nemoribus

abdiderant, fugiendo, pluribus diebus nudum à viris, sed matronis & puellis, gratia legendi fragas sylvas frequentantibus, caperentur, & armis exuti, vin. & li ligatiq; à tergo in victorum ducerentur conspectum. Eadem facies fortuna apud Slesienses affulsit, qui Sbignei milites & Satellites, prædas & incendia apud eos agentes, singulari certamine superatos, aut extinxerunt, aut in captiuitatem diram comiecerunt.

**Henricus Imperator Paschalem Papam in
carcerem detrudit, à quo postea coronatur.**

Henricus Romanorum Rex inter Imperatores quartus, sed quantum ad Henricos quintus, cum Tusciam cum magno exercitu, triginta vlt millibus armatorum, Coronam Imperialem recepturus, aduenisset, nuncios ad Paschalem Papam secundum, Inuestituras Epòrum resutando, & illis se perpetuo abdicando, præmittit: sciens aliter sibi Papam munus Coronationis nullatenus impensurum, postea Romam veniens, cum ab omnibus processioni; bus Ecclesiarum honorifice susceptus esset, Paschalis etiam Papa cum Cardinalibus ad gradus ei occurrens, ad portam argenteam eum deduxit, & osculo dato Imperatorem designauit. Verum postquam ad Portam Porphyricam ventum fuisset, & Papa super abdicatione Inuestiturarum Episcopaliū Iuramentum ab Henrico requireret, Henricus Rex de consilio suorum Paschalem Papam cum Cardinalibus & tota Curia sua captiuauit, & Virico Aquilegen Patriarchæ custodiendum tradidit, & in carcere duobus mensibus, donec petitioni de abdicatione Inuestiturarum renunciasset, tenuit. Liberatus ergo Papa & solutus in die festo Paschæ Henricum coronat, & in Almanniam redeuntem, noua Censurarum fulminatione, vt se Inuestituris Episcoporum abdicet, percellit, Henrico Imperatore toto tempore, quo Paschalis Papa vixit, in pertinacia perdurante. Captiuitatis Papalis auctor fuisse dicitur Albertus natione Lotharingus, qui postmodum fuerat Maguntinus Archiepùs, tunc verò Regis Cancellarius. Quem post reditum Rex captiuatum, & in carcere positum, diuersis tormentis & incredibili famis inædia afflixit, & pro amicißimo pestiferum hostem tenuit, Diuino iudicio hanc illi iustissimè inferente ultionem. Nonnulli insuper scelerati filiū ex Cero Romano per Imperatorem inducti, post liberationem Paschalis tres Hæresiar: chas, vt Arnolphum, Albertum, & Theodoricum in Papas eligere præsumperunt. Qui & si Paschali Papæ multas intulissent molestias, ad extremum tamen ab eo prostrati & deiecti sunt.

*Swiatopelk Kiiouienſis Dux mori-
tur. Cui frater Wladimirus ſuccedit.*

Sexta decima menſis Aprilis die Swiatopelk Kiiouienſis Dux & ſo-
cer Boleslai Polonorum Ducis in Kiiow moritur, & in Eccleſia
Sancti Michaelis in Kiiow, quam biennio ante ſumptuoſo opere
(deauratum ei fabricando verticem) fundauerat, ſepelitur. Cuius mor-
te ſecula, miſſi ſunt a Kiiouien nuncii ad Wladimirum germanum Swia-
topelkonis, qui monerent ut ueniret, & ſedem Kiiouien paternam & auitam
ſuſciperet. Eo uero in luctu occupato uenire tardante, milites in ſeditionem
verſi, Curiam primum Putata Palatini Kiiouien, uiri ea tempeſtate locu-
pletis, deinde ſingulos Ludaorum Kiiouia conſiſtentium inuadunt & diripi-
unt. Noui itaq; nuncii ad Wladimirum, ut non mutaret aduentum miſſi,
quæ ſpolia, quæ mala apud Kiiow emerſerint edicunt, ſimulq; denunciant ve-
reri Kiiouien ſi uenire negligat, militarem furorem & licentiam, in templo-
rum & Monafteriorum & Ducalium Curiarum ſpoliationem graſſaturum.
Quibus rebus Wladimir Dux, non ſecus quam par erat, motus, cum magna feſti-
natione ad Kiiow perueniens, & a Kiiouien ſuppliciter exceptus, orlam &
orituram militarem ſeditionem oppreſſit. Laroslaus autem filius Swiato-
konis & germanus Sbiſlauæ Polonorum Ducis, in Ducatum ſuum Wladi-
mirien diuerſit. Gentem Lathſwingorum moleſtam inſeſtamq; per
frequentes excuſiones Ruthenis, Laroslaus, Swiatopelkonis olim Kiiouien
Ducis filius, Wladimirien Dux oppreſſurus, cum exercitu illic ire pergit, qui il-
lorum regione in parte notabili vaſtata, copias etiam eorum inito prælio fudit.
Victorq; rediens filiam Mſczyſlai & neptem Wladimiri accepit duodeci-
ma Maii in conſortem. Gens autem Lathſwingorum natione, lingua, ritu, reli-
gione, & moribus, magnam habebat cum Lithuanis, Pruthenis, & Samogitis con-
formitatem, Cultui idolorum & ipſa dedita, cuius Principalis & Metropolis
arx Drohiczin.

Anno Domini 1113.

*Boleslaus ab Angelo in Pomeraniam ductus Pome-
ranos ad intermiſſionem cedit, Caſtrum Nakiel
conquirit. Quod Swiatopelkoni dat poſſidendum.*

Pomeranorum & Pruthenorum clandestina in Maſouiam irrup-
tione, Boleslaus Polonorum Dux graui indignatione offeſus, parum
putans eos pro ſua ſocordia a Magno Præſecto Maſouia penas

pendisse, expeditionem in Pomeraniam indicit. Et copiis equestribus & pedestribus in unum coactis, primum ad Cruszuicien Oppidum peruenit, ubi uniuerso exercitu inspectante, & statua sua ex Cruszuicia mouente adolescens quidam formae venustissima, in pinaculo Oratorii Sancti Viti, quod in Urbe Cruszuiciensi consistit, apparet, cuius mirandus splendor non Oppidum tantummodo Cruszuiciense, sed etiam eius vicinia campestria illustrauerat, omnium in se Polonorum Ducis praecipue Boleslai conuerterat aspectum. Cumque miro modo & stupere & mirarentur, adolescens ipse, motis Castris pinaculo desiliens, exercitum praecedebat, & recto itinere pergens, exercitum uniuerso ductum illius sequente, ad Nakiel peruenit, pomumque aureum, quod in manu gestabat vibrans, & versus Urbem Nakiel proiciens, disparuit, capiendae Urbis certam spem relinquens. Qua fiducia Boleslaus Dux & exercitus eius plurimum animatus & exhilaratus, Castrum & Oppidum Nakiel (quod tunc a Pomeranis tenebatur, & ex quo plurima Regno Poloniae inferebantur damna, spolia & inuasionibus) obsidione vallat. Ad quae expugnanda machinarum crebra proiectione usus, & ariete caeterisque expugnationum illa quatiens generibus, omnia praestantia Castris & oppidi firmamenta, aut diruit, aut debilitauit. Cumque Castellani se a Boleslao quamprimum exercitum ad mania admoueret comprehendendos vidissent, ne cogerentur capta Urbe extrema experiri, postquam iam essent extrema desperatione fessi, promissum quoque a Principibus Pomeraniae subsidium tanto tempore praestitum non esset, Caduceatoribus ad Boleslaum in Castra missis secum paciscuntur, ut infra dies quindecim Castrum & Oppidum, si a suis Principibus requirendum interim subsidium non acceperint, dedant. In hunc modum induciis concessis ab oppugnatione Castris & oppidi cessatum est, & nuncii ad Principes Pomeranorum & Pruthenorum cum festinatione missi, eos iam paratos & in armis congregatos, laturos obsessis suffragium, conueniunt, in quanto versentur periculo edicunt, & quae cum Boleslao de dedenda Civitate & Castro, si illis tempestiua proueniat subuentio, pacta inierunt, ex ordine declarant. Magnus illico rumor fremitus & indignatio apud Pomeranos coorta est, quod Urbem & munitionem tam necessariam & utilem, in hostium potestatem deuenturam, si feratur auxilium, agnouissent, Qua amissa, multa sibi commoda detrahenda, & Polonis adiicienda, minabatur. Accedebat ad indignationis cumulum, quod Oppidum Nakiel ea tempestate capitalis Principalisque Urbs apud Pomeranos habebatur: qua adempta, graue se dispendium & dedecus Metropoli sua exuti, subituros querebantur. His & pluribus aliis rationibus incensi, viriliter se deuouent ad pugnam, & quo certior proueniret victoria, tam a veteranis quam liromibus nouo sacramento iuratum est, cum magnam multitudinem non ingenuam solum sed agrestium in id bellum exarmassent, non se ex acie pro liberanda patria nisi victores

reddituros. Nunciis itaque Naklensium remissis, & de suffragio illis, priusquam dies decima quinta laberetur, ferendo bene sperare iussis, ipsi de modo & ordine gerendae cum Boleslao pugnae consultant. Et quamvis recensitis suis bellatoribus, supra quinquaginta millia armatorum se habere comperissent, in pluribus tamen praeliis Boleslai Polonorum Ducis virtutem & felicitatem experti, etiam de tanta multitudine diffidebant, astu quoque, dolo, & strata, gemmale non viribus aut armis de hoste tam felici, audaci, & exercitato referendam sibi victoriam concludebant. Celeritas & clandestina praeparatio, ad id plurimum conferre ostentabantur, ut et inopinatus & celeriter, priusquam hostis illos convenisse praesumeret, advenientes, incautos et imparatos hostes adorti facilius opprimerent. Equos insuper relinquere domi, & pedestri certamine pugnam inire placuit: quatenus adaequato periculo, fiducialius pertinaciusque praelium ab universis gereretur, & fugae spes nulli subesset. Simul quoque ne equorum hinnitu, adventus eorum apud hostem prodire possit. Silentii itaque & composito agmine ex Castris media nocte, signo dato egressi, omni itinere publico, campo, & planicie evitato, per sylvas, borras, & nemora gradientes, tandem ad Nakiel tam improvise & latenter perveniunt, ut quoslibet exploratores Boleslai fallerent, et eius custodias circumvenirent: tanto diligentiori explendo omnia cura, quanto nocturna caligo (neque enim tunc lucebant sidera) amplius sibi providentiae adimerat. Et quamquam tam audax inceptum ad destinatum finem non venit, tamen haud omnino vanum fuit. Agebatur tunc Sancti Laurentii Martyris gloriosi, qui apud Polonos magna colitur veneratione, sollemnis dies, & Dux Boleslaus universusque suus exercitus, quod et induciae essent, & hostis nulla suspitio, auditione Divinorum occupati, arma exuerant, dum subito exercitus Pomeranorum, Duce & Polonis suscepta sacerdotali benedictione, in tentoria divertentibus, conspicitur magis quam nunciatur advenisse, plures tam inopinatus hostium adventus ex Polonis terruit, tumultuarioque more ad arma induenda a singulis, Duce Boleslao cogente, concursus est. Apparebat is insperatus adventus Pomeranos ex templo victores, si eadem celeritate qua caeperant Boleslaum inuasissent. Verum quo tutiores adversus hostes consisterent, loco satis sibi tuto & apto, quo decernerent electo, etiam illum vallo fossisque communiunt. Sudes insuper praecutas et oblongas, igne in extremitate duratas, tam in fronte quam in lateribus, denso et frequenti ordine terrae infigunt, quae universum exercitum Pomeranorum egregie a qualibet invasione tutabantur. Eo opere Pomeranis occupatis, Boleslaus interim spatium dato, agere ordines aciemque tumultuarie magis quam deliberate explicavit, exercitumque suum longe hostibus numero imparem & inferiorem, in duo tantummodo distinguens agmina, unum Scarbimiro -

Palatino Cracouiensi, qui & Princeps Militiæ suæ tunc erat, commisit, al-
 terum ipse ducebat, militibus non paucis, qui & machinas & opera Castrorū,
 ne ab obsessis intra tempus pugnae irruptione facta violarentur, custodirent,
 relictis. Paucissimis autem verbis pro temporis breuitate milites allocutus.
 Non subest, inquit, milites spacium, quo vos (ut solebam) pugnalu-
 ros allo-
 qui possim, hostis enim quem sæpe vicistis, in conspectu vestro præsens, multa
 me loqui non sinit. Animo non verbis opus est, si vincere velimus, nihil me
 verbis meis vobis additurum reor, si probitas vestra vos deseruerit. At
 ego de probitate vestra, dudum mihi cognita & experita certus, certam mihi
 victoriam repromitto, quam ut eripiat hosti, in multitudine & feritate
 sua confidenti, præsens etiam necessitas & amor patriæ moueat. Agrum
 quem calcamus (si patriam, si Penates, si uxores, si liberos, si templa &
 quæquæ chariora reuifere æstiuamus) Pomeranorum & Pruthenorum, hosti-
 um nobis infestorum, sanguine inundare oportet. In sola Diuinitate, &
 beati Laurentij martyris, in cuius honore celebramus sibi dicatam diem, suf-
 fragio, spes omnis, atque in audacia figenda nobis est. Ego Deo propicio
 & beato Laurentio, vel pulcherrima & insigni morte pro vobis hodiè de-
 fungar, vel si vos admihi volueritis, gloriosam victoriam de superbo &
 idolatro hoste, apud posteros etiam famam & nomen habituram, reportabo.
 Omnibus moriendum esse, aut vincendum repromittentibus, nominisquæ Sancti
 Laurentij inuocationem, ut suis succurrere dignaretur, crebra & varia sup-
 plicatione ingeminantibus, Boleslaus ad hostem ducit. Quem cum vidisset
 vallo, fossatis, & præaculis sudibus, hastis, lanceisquæ, transversaliter in
 terram defixis, & in altum cuspede porrectis, undique munitum, antequam ad
 teli iactum veniret, gradum præmere, paululumquæ ne à sagittis hostilibus,
 in quibus hostes maiorem vim suæ fiducia locauerant, violarentur, suos subsiste-
 re iussit. Cum paucis quoque agmen hostile, miro modo glutinatum, glomeratū,
 & percussū, sicubi penetrandi illud esset aditus, obequitans atque girans,
 cum ingens & patulum periculum, si à fronte vel latere hostis inuasio fieret,
 imminerebat, animaduertit terga hostilis exercitus sudibus, lanceis, & hastis
 tectum non esse, irruptionisquæ locum existere. Quo, non sine alacritate nota-
 to, Scarbimirum cum agmine sibi commisso, inuadere tergum hostile iubet.
 Cum ego, inquit, in frontem & in primas hostium turmas impetum fecero, &
 in certaminis ardore me fore senseris, tunc tu quoque tergum inuade, & percussis
 signa infer. Dissipatos enim & ociosos, raros quibus ferrum in manu sit, inuenies,
 quosquæ priusquam aduertere & se reuolucere possint, cæde paucos, cruentamquæ
 illis inuasionem redde. Deinde quasi cum hoste commissurus, aciem sui agminis
 in hostem reflectit, ut hostem à Scarbimiro in se conuertat. Scarbimirus
 imperata executurus, mira celeritate & cursu ad terga hostilia deuectus, quanto

maiori potuit impetu terga penetrans, irrumpit, valloq; & fossato superato, hostes inuadit, truncat, dissipat. Boleslaus frontis aciem, & iacta ab hoste tela sustinente. Clamor illico ab his qui a Scarbimiro a tergo cadebant, tur sublatu, omnes de Pomeranico & Pruthemico exercitu, qui contra Boleslaum a fronte pugnaturi, iacula sagittasq; emittabant, vehementer turbauit, diuq; quid agerent, quouē se verterent, succurrerent ne suis laborantibus, an ex vallo fossisq; contra Boleslaum prorumperent, consilii inopes detinuit. A Scarbimiri interim exercitu, magna cades et trucidatio in Pomeranos & Pruthenos, confusis ordinibus, ut uno alterum impredientibus facile adebatur, breuiq; ad spem euentus respondit: postquam et imbecilliores tironesq; a tergo locati essent, nec ex primis ordinibus possent auferrentq; ad postremos laturi auxilium recurrere. Magna iam parte hostilis exercitus a Scarbimiro cesa, Boleslaus morae impatiens, dolens se & ipse in dimicationis parte non esse, equo concitato, periculoq; sudorum hastarū et lancearum nequicquam pensato, in hostem a fronte irruit. Vbi impredientibus sudibus lanceisq; aliquanto tempore non sine periculo certatum est, nonnulli milites insignes qui ordines ducebant, iniquitate loci et sudorum hastarūq; ab hoste de exercitu Boleslai obtriti sunt. E, quorum quoq; magnus transfossus & necatus numerus, equites in pedestriū conditionem redegit. Succedentibus deinde nouis & recentibus militibus, et periculo superato, dum hostes a fronte & a tergo circumuerti impeterentur, sustinere vim Polonorum non valentes, coniurationis & voti obliti, passim in omnes partes quo quemlibet sors ferebat, diffugiunt. Omnibus una cura fuit, propinquo: res syluas petere, & earum velamento vitam saluare. Hærebant in tergo fugientium Poloni, fugientesq; etiam in nemora persecuti, magnam stragē de hostibus peregerunt, plures tamen locorum præsertim periti, nemore et frondibus tecti, fuga saluati sunt. Quadraginta millia hostium Pomeranorum et Pruthenorum cesa, duo capta eo die sunt, nonnulli in paludibus, stagnis et limosis locis, persequentium fugientes manus, periire. Tam magnæ hostium cedis tantaq; victoriæ tunc relatæ, congeries haud paruum collem efficiens, in quam hostium cadauera, ne factore contagio sequeretur, congesta, & sabulo obruta sunt, extat in diem hodiernum monumentum, etiam certaminis ipsius locum demonstrans & effectum renouans. Omnis victoria tunc parta, propicio Deo & suo venerando Martyri Laurentio attributa: in quem vniuersus exercitus pro collato triumpho & evitato periculo gratiarum actiones celebrans, cum iucunditate resonabat. Castrum illico Nankiel, cum oppido & Castellanis et oppidanis, qui omne suorum robur concidisse viderant, in potestatem Boleslai Ducis deditum est. Traxit et hæc clades in Pomeranos tunc edita sex alia oppida viciniora in deditiōem

similem. Strage enim suorum audita, missis nunciis se suaq; Oppida & munitiones in ditionem Boleslai & Polonorum plenarie dederunt. Castrum autem & oppidum Nakiel, sexq; alia oppida sibi tunc dedita Boleslaus Dux Smiatopelkoni Baroni et Consiliario suo uni ex Primoribus Poloniae, cuius partes suas adiuuante in tenulam & gubernationem, suo nomine tenenda, fauorabiliter. (sperans eum sibi & Regno suo purum & fidum fore) concessit. Praestabat enim caeteris non tam generis nobilitate & diuitiarum opulentia, quam dexteritate factis, & fide. Nam & generis illi origo ex Domo Criphonum familia veteri gentis Polonicae, lingua quoq; promptus & manu, pluribus se probitatis & virtutum meritis, ipsa quoq; dimicandi & militaris disciplinae peritia in frequentibus certaminibus & pugnis, Boleslaus Polonorum Duci charum gratumq; effecerat. Nec fraudis & suspicionis venenum, in tam generosa et probata propagine, poterat praesumi, in quam plurimae bonae actiones & artes notabantur concurrisse. Verum ille dominandi Principandiq; studio, ardentior cepit confestim videri, quam naturae accessu conditionibus, & moribus suis conueniret, & impatientius se atq; superbius gerere, varias exquirens vias, quibus & iugum subiectionis excuteret, et in principando imperandoq; neminem ferre cogeretur, potestatis suae superiorum vel consortem.

Sobieslaus Bohemiae Dux in Poloniam ex Bohemia profugus venit.

Sobieslaus Bohemiae Dux ex multorum Bohemorum sibi fauentium ausamento, intelligens Wladislaum Bohemiae Ducem fratrem suum, qui tunc in Bohemia principabatur, sibi infestum esse, & de consilio & suggestu Vaczek Baronis captiuitatem suam conclusisse, positis insidiis Vaczekonem obtruncat. Veritusq; Wladislai Ducis pro patrula in Vaczekonem nece faciem, per Sirhiam in Poloniam cum suis omnibus temptauit, refugere. Sed cum per Ekemberlum Praesidem Castri Donin, quod tunc nomine Imperatoris tenebatur, inuitatus & in dolo captus esset, diffugientibus ab eo in Poloniam militibus, ipse ad Saxoniā vinctus delatus est. Sed cum uno lapso mense de captiuitate fugiens euasisset, in Poloniam & ipse venit, & a Boleslao Polonorum Duce cum suis omnibus benigne exceptus, & liberaliter habilis, solus & tractatus est.

Singularis deuotionis & zeli in Deum & religionem Christianam Comes Michael natione Polonus, de Domo & familia Habdank, fundato & dotato de bonis propriis Monasterio in Lubien, Ordinis Scti Benedicti, moritur, & in eodem Monrio sepelitur. Eodem etiam anno Monrium de firmitate fundatur.

Anno Domini 1114.

*Boleslaus Poloniae Dux, Sobieslaus Bohemiae
Ducem reducere volens, re infecta Bohemia tamen
vastata, et oppido Kloczko in censo domi rediit.*

Ferox Boleslaus Polonorum Ducis pectus, cuiuslibet quietis impatiens
& a domesticis ad externa se conferens, Pomeranis & Pruthenis
superiori bello & clade domitis, ad Bohemos se conuertit, quamuis
domestica necessitate, externa voluntate, bella gesserit. Sobieslaus
quidem Bohemiae Ducem affinem suum in Bohemiae Ducatum, unde a fratre
nato iunior (solertiore tamen & magis militaribus & popularibus grato)
expulsus erat, suis potentiis, suis impensis, suo brachio reducturus, copias
ex militibus animo & manu promptis comparat, ac cum illis habens secum
in comitatu Sobieslaus Bohemiae Ducem & Bohemiae omnes fugitivos,
in Bohemiam descendit. Missisq; ad fratrem Wladislaus Bohemiae
Ducem nunciis, sollicitat & requirit illum, quatenus fratrem Sobieslaus
in fauorem & gratiam assumens, portionem etiam illi paternae hereditatis iu-
sta diuisione cesuram, largiatur. Wladislaus Bohemiae Dux contra respon-
det, se illi amplam gratiam, quam seruare nesciuit, praestitisse, & notabilem
sortem largitum esse, nihilq; a se aduersi passum, principaliori suo Consilia-
rio & Barone, sub specie colloquendi euocato, neci impia et dolosa tradito, ex
Bohemia in Poloniam cum consortibus facinoris aufugisse, & omni gratia & fa-
uore se abdicasse & indignum reddidisse. Nunciis vero Boleslaus Polono-
rum Ducis, iuxta instructiones scelus Sobieslai Bohemiae Ducis purgantibus, &
cum maiori quam ante fauore (pro eo quod cum qui inter fratres lolii disci-
dium seminare, et unum contra alium suo sermone excitare solitus erat, iuxta
ira prouocatus extinxerit) dignum consentibus, respondet. Non magno pere
recusaturum se fratrem Sobieslaus in fauorem et gratiam recepturum, si
et Boleslaus Polonorum Dux Sbigneum fratrem suum naturalem apud se in
Bohemia exulantem in parem gratiam acceptare consenserit, diuisionem vero
Ducatus Bohemiae Cesare inconsulto sibi cum fratre celebrare non licere.
Quo responso Boleslaus accepto, dum constaret Wladislaus Bohemiae Du-
cem, nullam equitatem exhibere velle, exercitum in vltiora Bohemiae pro-
mouit, agrosq; vastari, et vicos atq; villas et oppida incendi (Sobieslaus
Bohemiae Duce ne huiusmodi conflagratio patriae suae fieret intercodente o-
ranteq;) iussit. Eam populationem & exustionem Wladislaus Bohemiae
Dux prohibebaturus, in campum et ipse copias deduxit, Castraq; haud longe
a Castris Boleslai Poloniae Ducis posuit. Subsecula quoq; certa dimicatio

inter Duces & eorum exercitus fuisset, nisi fluvius Cibina limosum alueum habens, utrumque separasset, cum Poloni illum supra et inferius vadare tentantes, profunditatem illius, Bohemis qui cum Polonis erant periculosam asserebantibus, extimuisent, eo enim obstante, nulli parti sine evidenti periculo paluit transitus per illum. Rogabat deinde Boleslaus Polonorum Dux, missis nunciis Wladislaum Bohemiae Ducem, ut vel cum copiis suis eo permittente fluvium securus transiret, vel sibi et suo exercitui eandem conditio, nem praestaret. Virumque verò Wladislaus Bohemiae Dux abnuente, Boleslaus Polonorum Dux Castris motis versus Albam contendit, nec longè a flumine Alba, fluviolo Cibina sine iactura sua et exercitus sui superato, cum festinatione ad loca, ubi stativa Bohemorum dimiserat, perrexit. Sed cum Bohemos ex Castris illis discesisse, sola quoque Castrorum et focorum vestigia comperisset (densa siquidem nubes & fulmina & tempestates horridae absconderant diem, quam opportunitatem Wladislaus Dux Bohemiae sortitus silenti agmine disceserat, simularit ne id Wladislaus Bohemiae Dux quo improvise gravior accederet, an mobilitate ingenii pacem atque bellum mutare solitus, diffugerit, parum exploratum est) sequendi ne Bohemi essent, an in Poloniam redeundum, vastandamque Bohemia esset, frequens consilium adhibuit. Et cum singulorum sententiae requisitae variarent, senioresque post tot Ducatus Bohemiae vastationes, post tot quaesita, et nusquam requisita praelia, maturam reversionem, iuvenes verò non nisi universa Bohemia usque ad Pragam vastata peragrataque, et hoste confuso debellatoque, redeundum censerent. Assensus iuvenum consilio Boleslaus videbatur, nisi omnium quae secum ex Polonia ferebant, commeatum nunciatus defectus, amicum Boleslai ad sequendum senum consilia converterisset. Revertendi itaque sententiam complexus, licentiam, hactenus ad petitionem Sobieslai Bohemiae Ducis suspensam, populandi agros, et exurendi vicos et aedes, militibus dedit, populationemque et exustionem iussit quam latius extendi. Cum autem ad Oppidum Kloczko ventum esset, portas oppidani clauderentibus, Boleslaus Suburbia eorum incendi iussit, ex quorum inflammatione et Civitas Kloczko ab igne vicino vento flante, contacta, quamvis oppidani deditionem offerrent, peritus conflagrata est, reliquiae verò eius in praedam militi datae. Largitionem siquidem praedae, quam et tunc et crebro alias Boleslaus Polonorum Dux militibus mittebat, comitate insuper universis benigna, adeo militum suorum animos devinxerat, ut mira aviditate ad pugnas certaminaque, sub suo auspicio deposcerent, et singulos labores atque pericula impavidi subirent, comitate liberalitateque Boleslai Polonorum Ducis ad huiusmodi labores et pericula accensj ~

*Boleslaus Polonorum Dux Wladis-
lao Bohemiae Duce et exercitu eius
Fugato Bohemiam iterum vastata*

Oppido Kloczko & villis vicisque in circuitu igne consumptis, re-
ctiori via in Poloniam itum est, depopulatioque agrorum & villarum
non intermissa, militum speciali celerum, eos qui ad populandum
agros vrendumque tellura discurrent, providentia tutante. Iam ad sylvas quae
magna vocantur Poloniam a Bohemia determinantes (ea enim via per
quam Boleslaus in Bohemiam intraverat, et pleraque aliae succis arbori-
bus clausae nunciabantur) peruentum erat, dum noctis conticinio, Bole-
slao solitis orationibus incumbente, coortus rumor & strepitus de adven-
tu hostium, universum exercitum, clamore ab uno sublato, in metum tre-
pidationemque, quasi ex templo pugnandum esset, concitavit. Ad quem se-
dandum, Boleslaus illico ex papilionem in quo orationi vacabat, prosiliens,
et in locum eminentiorem, ut ab omnibus exaudiri posset ascendens, suos
milites bono animo esse, pavoreque quolibet false magis quam vere vulgato,
sublato, strenuos & audaces, in praesens & futurum imminens cum ho-
stibus certamen esse iussit, orationemque prudenti & audaci gliscentem tu-
multum sedavit. Cumque altera illuxisset dies, appareretque Bohemos
& suspitione evidenti, & exploratorum speculatorumque relatione, sylva-
rum loca insedis, habita opportunitate ex loco a quo Polonis iniquo pugna-
turos. Missa in totius exercitus Polonici conspectu, ordinante Boleslao
Polonorum Duce solenni cantu celebrata, & praedicatio vulgaris habita
est, pluresque milites tanquam die crastina pugnaturi, confessione pecca-
torum suorum facta, Eucharistiae divinisissimo Sacramento procurati sunt.
Tum quoque exhortatio Boleslai Ducis in hunc modum ad exercitum sub-
secuta est. Certos, inquit, vos arbitror, quibus ex causis in Bohemia
cum bellum, etiam domesticis vobiscum una interea neglectis me contule-
rim, ut vult Sobieslaus Bohemiae Dux nobiscum praesens de portione Du-
catus sui exclusus, me & vobis reducentibus illum nancisci, Bohemorumque
superba iactantia, crebro terras nostras cum Sbigneo fratre meo, pa-
triae nostrae naturali hoste, infestantium, aliquando reprimi elidique pos-
set. Et quidem si verum fateri oportet, is noster praesens in Bohemiam
ingressus, eaque quam fecimus agrorum depopulatio, villarumque & oppidorum
exustio, etiam si superiora quae adversus illos gessimus bella non extarent,
sufficienter omnia damna & iniurias, per eos nobis crebris invasionibus il-
latas, compensant, cum nos terras eorum girando, plures Districtus, vil-
las & vicos vel spoliauimus vel exussimus, signisque collatis, si ausi decerne-
re

fuissent, in certamen illos vocauimus. Nunc verò ex iniquo loco nobiscum
 pugnaturos feruntur aduenisse, sylvasque quas transaturi sumus obsedisse. Itaque
 unumquemque vestrum, non segnem, non cunctatorem, aut dissimulatorem,
 non somnolentum aut pigrum, sed animosum strenuum, et ad singula pericu-
 la bellaque subeunda, paratum esse volo, cum Bohemi non nisi in vestra se-
 gnicie et securitate, suam victoriam positam habeant, sed hodierna dies, quis
 iustus arma induerit, velut certissimus arbiter diudicabit. Nostram erga
 illos puritatem, humanitatem, beniuolentiam, charitatem, amicitiam et fidem,
 illorumque aduersus nos parentesque nostros, continuas inuasiones, odia, de-
 spectum, fastum, superbiam, et elationem, ultionum Deo nobis propicio, vin-
 dicabit. Sed et praelio inito consertoque, memores estote oculisque vestris
 obuersetur, quas praedas in patria nostra saepe egerint, quanto spolio Gne-
 snensem Ecclesiam matrem et Metropolim nostram afflixerint, quantis
 eam thesauris despoliauerint, quot captiuos in Bohemiam abduxerint, quan-
 tis contumeliis, stupris et violationibus, matronas nuptas innuptasque
 effecerint, quotiens nos cum externis hostibus pugnantes a tergo inuaserint,
 irritauerint offenderint. Et dum horum memoria mentem subierit, quan-
 to ferocius fortiusque illos aggrediemini, tanto gloriosius de infesto hoste
 aut magnificam referetis victoriam, aut animam effundetis. In hunc
 modum cum apud suos Boleslaus non sine amaritudine, bileque Sobieslai Bo-
 hemiae Ducis, eorumque Bohemorum quos hospitio fouebat, disseruisset, Polo-
 nosque ad subeundum quodcunque periculum in ultionem earum iniuriarum, quas
 a Bohemis pertulerant animasset, in interiora sylvarum itum est. Et agmine
 quidem magno (in quo et fortissimi quique milites a tergo et a fronte, et in
 medio infirmior aetas et impedimenta locata erant) procedente, cete-
 risque subsequenter, Scarbimirus Palatinus Cracouiensis Princeps Militiae
 cum expedita cohorte sinistrum latus, Boleslaus ipse dextrum, expeditos et
 ipse milites habens, a tergo distantia aliquali interposita, tutabantur.
 Substiterat paululum cohors una quae Gnesnensis vocabatur (milites enim
 eius regionis sub ea militabant) maiore parte sylua transita, planicieque
 reperta, Ducis sui praestolatura aduentum, pausam agebat. Quam Bo-
 leslaus dum in ea loca peruenisset, hostem ratus, parum absuit quin
 illam ex templo inuaderet, nisi cognita signa errorem monstrassent. Syl-
 varum extrema pars iam restabat, dum Bohemi certi de victoria (Po-
 lonos existimantes in fine sylvarum solitum ordinem et diligentiam re-
 misisse) in Polonos in locis variis faciunt impetum, et tam Scarbimiri
 quam Boleslai cohortes, illudque quod praecedebat agmen adorti, pugnam
 diuersis conserunt locis. Magna vi ab utraque parte bellum geritur, et
 Scarbimiro, quid apud Boleslaum maiusque agmen, Boleslao quoque

quid apud Scarbimirum agatur, itidem ignorante, utraqz pars pro victo-
ria adnitebatur, in Boleslai tamen cohorte, Boleslaus ante omnes progres-
sus, cum qui primus ex Bohemis occurrerat, hasta confodiens interemit,
Ducis Pincerna Derslaus Ducem secutus, alterum ante aciem progressum
ex equo deiciens occidit. Qua re cæterorum militum ardor incensus
est adeo, ut primis & melioribus de exercitu Bohemico audacissime con-
fectis, Boleslai cohors prior hostes deuicerit, instrumentumqz ut cætera
vincerentur fuit. Dux enim Wladislaus Bohemiae, qui in eo certamine
aderat, cum suos tam fædè uidisset cecidisse, veritus eandem fortunam
cæteros subituros, signum receptui dedit, quo accepto, illico ubiqz fuga
non receptio Bohemorum fieri capta est. Retulisse pedem Bohemos
ex industria non ex pauore, nedum fugam sed secessionem rati, fugien-
tibus primū non instant, conualle quadam inter Polonos & Bohemos
media, suspicionem magis secessionis quā fugæ apud Polonos augente.
Postquam verò ambiguitate dispulsa vera fuga comperta est, tum Polo-
norum primi milites, in tergis fugientium hærentes, magnum numerum eo-
rum præsertim, qui equis deficientibus fugere non valebant, occiden-
do captiuandoqz impleuerunt. Elapsus est et tunc hostis patriæ suæ
Sbigneus naturalis frater Boleslai Ducis fuga, qui ad interitum occi-
sionemqz Polonorum, cum his qui eius obstinaciam sequebantur, laturus
Bohemiis auxilium, venerat. Dux quoqz Bohemiae Wladislaus cum Baro-
nibus atqz militibus suis, ex acie fugiens fuga salutem conquisiit. Bo-
leslaus ea victoria oblenta, sauciatos secum vehens Bohemiam repe-
tuit, & maximis prædis, spoliis & incendiis, iterum iterumqz patris, onu-
stus præda ingenti, & longum captiuorum ordinem de Bohemis secum
trahens, humiliato superborum fastu & ceruice, victor gloriosus iubi-
lans Deo, cum omni exercitu suo, de præstita victoria canticum grati-
tudinis & lætitiæ, in Poloniam cum Sobieslao Bohemiae Duce rediit.

*Colomanus Hungariae Rex moritur
Cui filius suus Stephanus succedit etc.*

TERTIO nonas Februarij Colomanus Pannoniorum Rex mori-
tur & in Alba Regali honore Regali conditus sepelitur. Hic
tantæ crudelitatis perhibetur fuisse, ut Ducem & consanguineum
suum propinquum Almu occidere machinatus, dum effectus machina-
tionis non respondisset, & Almus in Poloniam in exilium abiisset, fi-
lium eius Belam de materno gremio extractum, in infantuli ætate

positum (ne filius suis in successionem Regni Hungariae impedimen-
tum afferret) excacari iussit, ut ineptus et calamitosus ad suscipiendam
Coronam Regalem reddatur. Cui filius eius Stephanus, gener Bole-
slai Polonorum Ducis, filiam eius Luditham ex prima uxore genitam ha-
bens consortem, successit in Regno, et a Strigoniensi Archiepiscopo Lau-
rentio, ceterisque Episcopis et Baronibus Regni Hungariae Coronatio
eius apud Regalem Albam in Regem, et Ludithae consortis in Reginam
perfecta est.

Anno Domini 1115.

*Sobieslai et Wladislai Fratrum
Bohemiae Ducum opera Boleslai Po-
loniae Ducis reconciliatio celebrata.*

AD inferendum alterum Bohemiae Duci Wladislao bellum, Bole-
slaus Polonorum Dux expeditionem indixerat militibus, non prius
quieturus, donec Sobieslaus alter Dux Bohemiae, apud eum in
Polonia exulans, in Ducatus Bohemiae sortem aequo iure admissus esset.
Quod cum Wladislaus Bohemiae Dux agnouisset (neque enim eum plu-
ribus Bohemis in Polonia pro exulibus manentibus, futuri belli Bohemiae
inferendi, latere poterat apparatus) mittit ad Boleslaum Polonorum Du-
cem nuncios, offerens pacis aequas condiciones, et pollicens sub illis So-
bieslaum fratrem suum ad certam sortem Ducatus Bohemici admissurum:
petens postremo suorum Bohemorum qui in praelio in sylva habito capti
fuerant, manumissionem. Boleslaus autem Polonorum Dux, tracta-
tu cum Sobieslao Bohemiae Duce, et his qui partes suas sequebantur Bo-
hemis super hac re habito, pacem se respondit suscepturum, et captiuos di-
missurum, dummodo Sobieslaum Bohemorum Ducem certior fuerit portio-
nem sui patrimonij adeptum. Quod ut facilius proueniat, nuncii alii
a Boleslao in Bohemiam ad Wladislaum, qui pacem huiusmodi sub cer-
tis conditionibus componant, mittuntur. Gratus fuit Wladislao Bohemo-
rum Duci illorum aduentus, honorificoque illos habito, pacem cum illis com-
posuit, portionemque iustam, Sobieslao se daturum, omnibus oculis, iniuriis,
damnisque hincinde irrogatis, perpetua oblivione deletis, iureiurando fir-
mauit. Ad horum confirmationem, cum de die et loco inter Wladi-
slaum Bohemiae Ducem, et nuncios Boleslai Polonorum Ducis conue-
nisset, pro die Sancti Procopii ad fluvium Nissa, tam Wladislaus

quā Sobieslaus Bohemia, cum Boleslao Polonorum, Duces, conueniunt,
pacemq̃ statuunt, firman, et corporali interposito Sacramento roborant.
Accepit tunc Sobieslaus Bohemia Dux pro sorte sibi debita Hrodew
Oppidum cum aliis quatuor Castellis, & Prouincia & Districtu in Bo-
hemia, & Olomuncensem Ciuitatem cum Prouincia illius in Morauia.
Reconciliationeq̃, mutua tunc sollemniter celebrata & peracta, captiuisq̃
omnibus solutis, & donis inter se largitis, et exulibus restitutis, cum ma-
gna animorum hilaritate in domos reditum est. Para autem & tenuis,
& non nisi sub hybernali tempore ab armis interponebatur quies a bellicoso
Duce, nec res ulla amplius sibi voluptatis afferebat quā bellum, ut illum
tantummodo ad Martis opera cedenda diceret a natura productum ~

*Boleslaus Polonorum Dux uniuersam
Prussiam hoste se non opo-
nente vastat, urit, et spoliat ~*

NE autem post pacem cum Bohemis confectam, marcesceret in ocio
militum uirtus, Boleslaus Polonorum Dux hyeme huius anni, cum
leui militum armatura, Prussia oram ingressus est, cum propter
lacus & paludes & loca limosa in aestate non tam conuenienter potuisset
adiri. Et primo quidem effusis populationibus, diripi incendiq̃ iusserat
Pruthenorum fines, deinde regionem interiorem ingressus, Castris militem
tenuit, dimicandum cum hoste ratus, audierat enim Pruthenos in armis esse.
Dum autem uniuersam Prussiam peragrasset, & Prutheni in syluas, montes,
paludes locaq̃ inuia secedentes, pugrandi copiam, quam Boleslaus magnope-
re requirebat, non facerent (- uiderant enim se ad decertandum multo Bo-
leslai viribus inferiores) Boleslaus mutata belli gerendiratione, incensione
vicorum & villarum, & agrorum populationem, milites latius iussit extende-
re. Cumq̃ nec sic barbaros posset elicere ad pugnam aut deditionem, iussit
milites praedas non pecorum solum sed hominum praecipue agere. Cum autē
milites dicto parentes, maximum hominum de utroq̃ sexu numerum coacer-
uassent, Boleslaus cum ingenti hominum & pecorum praeda, uniuersis fere
oppidis, vicis & villis in Prussia concrematis, in Poloniam feliciter re-
uersus, Pruthenos tunc captos per colonias ad operandam terram distribuit,
pluresq̃ villas ex Pruthenis, quibus etiam ex nomine gentis appellatio tunc
indita, in eam diem manet, populauit ~

Imperator Romanorum Henricus V. sumpto diademate ex Italia discedens
& processu dierum Belgas ingressus, Regmaldum Comitem in Castro Barra

obsidione longa angustiatum, in deditiōem, Lothargium verò Saxonie Ducem, nudis pedibus coram eo procumbentem in gratiam accepit. Curia deinde Maguntia instituta virginem Matildam Anglorum Regis Henrici filiam, sibi matrimonio copulat, et Regio apparatus nuptias Maguntia celebrat ~

Anno Domini 1116.

Sbigneus insolenter in Poloniam rediit.
& in ea extrema patitur ~

Succisam ubique spem, de recuperanda aliqua in Polonia sorte, Sbigneus naturalis Boleslai Polonorum Ducis frater, via belli perpendens, cum omnis inuasio ex Bohemia in qua tunc degebat, & auxilium à Bohemis ferendum (in quibus residua spes sua sita erat) per fœdus anno superiori cum Wladislao Duce Bohemie ad Nissam fluvium ictum, sibi nosset interdictum, Pomeranosque audierat gravide à Boleslao debellatos, ceterasque machinationes & spes suas ad irritum videns recidisse, solam spem in clementia et gratia fratris sui Boleslai Polonorum Ducis relicta fore, nihil in Poloniam nuncios, Boleslao pro venia supplicaturos. Qui cum dicendi potestate concessa verba facerent. Profunditate miseriarii & extrema pauperie (quam Sbigneus, postquam in exilium meritum delegatus erat, incurrerat, quamque annis pluribus, non sine sui & Boleslai Ducis grandi sugillatione, perlulerat) declarata, suppliciter orabant, ut exilio suo finem imponere, & eo in Poloniam reuocato, aliquam portuicula in Regno Polonie (ut in externis regionibus pannosus et exul non delitesceret) de mera pietate & gratia largiri dignaretur, pollicentes Sbigneum iam tandem in omni subiectione, fide, mansuetudine, & humilitate Boleslao Polonorum Duci, velut Domino suo gratioso, servitutum. Veritatem & efficaciam verbis Nunciorum Boleslaus inesse ratus, continuo ad misericordiam flexus est. Pluribus quoque periuriis, proditiōibus, & traditiōibus, quibus in eum et patriam quam gravissimè deliquerat, commemoratis, et coram nunciis illius ex ordine recensitis, etiam nunc (consiliariis nequicquam improbantibus & dissuadentibus) ignotum, et Districtum aliquem se in possessionem illi largitutum respondet, dummodo Sbigneus pœnitentiæ et humilitatis veræ, reconciliatiōisque & probitatis integræ signa de se monstraverit. In hanc spem nuncii dimissi, Sbigneum de gratia et clementia Boleslai Polonorum Ducis securum, in Poloniam reducunt. Qui ad

conspectum Boleslai Ducis accessurus, siue naturali siue maliuolorum acquiescens & seductus consilio, omnium eorum quae nuncii sui sponderant oblitus, in fastu & pompa, cum superbiaque arroganti, ense praecedente, modulantibus & cantantibus cantoribus, tubis, organis, & tympanis, caeterisque generibus Musicorum psallentibus, modulantibus ac sonantibus, gloriose & magnifice ingreditur, ut prorsus declararet se fastu tam elato, non de exilio sed de triumpho, non castigatum sed erectum, non humiliatum sed stomachatum, non seruiturum sed regnaturum, non pariturum sed imperaturum, non precario sed necessario in Poloniam rediisse, & singulis proditiōibus atque hostilitatibus, quibus alias Poloniam afflixerat, feratius usurum esse. Gestus quoque sui illi non ingrati solum atque deliri, sed et arrogantes cunctis videbantur. Incertumque erat dinoscere, in se ne, an in patriam, an in fratrem sceleratior extiterit & extare debuerit in futurum. Boleslaus autem Polonorum Dux & si Sbignei stultam arrogantiam prudenti dissimulatione tegens, benigne illum accepisset & tractasset, illico tamen penitentia animum subeunte, dolere cepit vehementer, quod virum dolosum & suae vitae atque fortunae insidiatorem, cuius mores, ingenium uafum & hostile probe multiplici experientia doctus, nosset, in gratiam assumpsisset. Exulceratum sua sponte Boleslai contra Sbigneum fratrem animum, Consiliarii & Barones (quibus Sbignei reuocatio, semper molesta, acerba, et suspecta erat) accendunt, longo sermone tractata occasione, ex suo superbo et arroganti ingressu amplius exulcerant & inflammant. En, inquit, accepisti fructum credulitatis et clementiae tuae, qua, nobis abnuentibus, Sbigneum in Poloniam reuocasti, quem potius debueras in ultima terrarum, uelut omnium litium, dissidiorum, proditiōum, & guerrarum salorem domesticum translegasse. Qui assuetus fraudibus, argutus mendaciis, artificio simulationis eruditus, ueterem in te & nos suae malignitatis morem, donec uiuet, obseruabit. Quietum ne illum a flagitiis, quibus haecenus nobilitatus est, & furorem quo rapinis, dolis, & omnibus exitiis publicis, plurimos paucit, & mores suos atque ingenia a natura illi tradita, depositurum credis? Qui nec pro eo temporis momento, quo se tibi exulis & humiliati more offerre debuit, poterat abdicasse. Qua specie illum sub tua ditione & imperio credis uicturum? qui aequalem Principatum non tulerit? non ne eam indolem eum a iuuenta gessisse? iam spe & ambitione uniuersum Poloniae Regnum completum, ut in senectute te superiorem & Dominum laturus uideatur? Quid illud, dum amplius temeritas sua exerceuerit, dum omnium malignorum mentes & animos sibi conciliauerit, facturum censes? Nempe in tuum tuorumque natorum excidium, omnia ingenia sua clandestine, postquam aperte non licet, ut ipsi soli Regni tui cedat successio, conuersurum, & in tuam necem

cuiuscunque sortis hominem, qui te veneno aut ferro ex rerum natura tollat, amplissimis promissionibus te occiso, implendis, subornaturum: quod bello & aperta vi consequi non poterat, licitamine consecuturus. Neque a nobis satis dici & explicari potest, quantis ille sceleribus, quantis exitiis mentem, intuitum & patriae excidium, inquinatam gravidatamque exhibeat. Pestem itaque istam, quam hic in te & in nos omnes iam diu machinatur, in ipsum retorque, & non tam perniciosum fratrem quam hostem acerbissimum, furiam & facem luctuosam, exitiosum prodigium, priusquam te & nos, ab eius fallacis oppressurum iri contingat, ob scelera plurima, & in te & in patriam ab eo adiecta, opprimere, vitamque suam iustis debilis supplicis eripe, ac hominem bonorum omnium inimicum, hostem patriae, latronem Poloniae interfice, a ceruicibus quoque tuis et nostris impendentem facem depelle, idque celerius age ne per fugam elapsus fiat infestior. Nec ut hostis modo tibi et nobis habendus est, sed ut veneficus proditor, geminato afficiendus supplicio: quando quidem difficilius est cauere ab occulta quam ab aperta peste, & perniciosius soleat comparare periculum vaser proditor, quam hostis publicus. His Boleslaus Polonorum Dux sermonibus certatim insecutus et coargutus, dum ira et indignatio misericordiam peruicisset, et Procerum sententia in dolorem accensus, ira quoque extunc longius progressus, Sbigneum quod diutius distulerat, eo tempore necare suadentibus, assensus est, & in mortem destinat, non aliter se patriamque securam fore ratus, donec bellua tam immanis et perniciosa occideretur, insana bile illius pro comperto habens ingenium vanum, callidum, a nouandis quoque rebus et exercenda perfidia non cessaturum. Esto nonnulli Procerum Poloniae viri religiosi et timorali ipsum deprecarentur, ut naturae contemplatione moliret captum indignationis nubilum, fratrique ignoscens, ius naturae pluri quam ultionem aestimaret, atque necessitudini donaret, quod debebatur dolori. Quidam ex horrendo scelus patricidii consulebant ut in ultimas relegaretur regiones, suscepturus alibi fatum suum. Milites itaque quibus negotium Boleslaus mandauerat, capta loci et temporis opportunitate, Sbigneum aggressi, facinoribus quibus Poloniam vexauerat exprobratis, contentione suborta, eum (fidem et defensionem fratris Ducis Boleslai nequaquam implorantem) interimunt. Sunt qui illum non necatum, sed excacatum scribant, et perpetua caligine damnatum, ab omnibusque desertum, non post multos annos diem obisse. Boleslaus post Sbignei interitum, maerore agebatur ingenti, quod fratris occisione, & vitae & rebus a se gestis, crediderat non mediocrem maculam, diutius a se vitatam, inuisisse: faciliorem se arbitratus, si illud facinus perosus, mundas manus a fratre caede seruauisset. Itaque parum consentaneum videtur, parumque Civile & humanum, Principem alioquin magno animo praeditum, tam tetrum et crudele in fratre facinus occupasse.

Stephani Hungariae Regis & Bohemiae Ducum conuentus in quo pro pace seditionem et bellum ineunt. 20.

A Undas fluminis Olzuei Hungariam & Morauiam determinantis, dum Stephanus Hungariae Rex ab una, & Wladislaus, Sobieslaus, & Otho Bohemiae Duces partibus altera, ex composito, pro reformandis quibusdam dissidiis, inter subditos hinc inde exortis, et pace utrinque firmandam conuenissent. Sathanae suggestionem, paucis tractatibus per nuncios habitis, una pars alterius sermoni ampuloso non cedens in aciem pugnaturo, armis correptis tam subito venit, quasi non pro pace consumanda, sed pro certamine indicto, illos crederes conuenisse. Dum autem strage magna plurimi a parte utraque cecidissent, & Wladislaus Bohemiae Dux ab Hungaris profligatus in Bohemiam refugisset, Sobieslaus & Otho in altera parte pugnantes praelium restituunt, ac Hungaris victis in fugam versis, Castra eorum et spolia diripiunt. Stephanus Hungariae Rex beneficio sui Archiepiscopi Strigoniensis Laurentii seruatus, in Hungariam sospes rediit.

Anno Dñi 1117.

*Scarbimirus Palatinus Cracouiensis
Duci Boleslao rebellis excutatur et
Palatini dignitas imminuta est.*

*V*ictis Pomeranis & Pruthenis populis, inter ipsos quoque victores bellum exortum est. Scarbimirus siquidem Cracouiensis Palatinus & Militia Ducis Boleslai Polonorum Princeps. (quo ea tempestate inter Poloniae Barones genere, consilio, ingenio, & manu nemo maior habebatur) duarum victoriarum, quarum unam ex Bohemis in sylua magna, alteram ex Pomeranis ad Nakiel, sub auspiciis tamen Boleslai Ducis, retulerat, insolens factus, caput Domino suo Duci Boleslao contumax et rebellis esse, clandestinis submurmurationibus illum sugillando, gloriam antea, et eorum triumphorum sibi vindicare, deducens se uno non existente, victoriam de Bohemis, Pomeranis, et Pruthenis prouenturam non fuisse. Postquam vero Scarbimirus Palatinus clandestina sugillatione non contentus, Ducem Boleslaum frequentibus probris carperet et aspergeret, ad testatas inimicitias, controversias, & odia res perducta. Adeo quoque Scarbimiri Palatini ascenderat intumueratque temeritas, ut in auctoritate sua &

amicorum, fratrum, consanguineorum, et horum quos beneficiis deuinxerat
assistencia confisus, in apertam rebellionem et hostilitatem contra Bolesla-
um Dominum suum prodiret, aperta acie cum his quos in sui adiutorium adu-
nauerat contra Boleslaum, si quid Boleslaus mouere vellet, dimicaturus.
Boleslaus autem communem perniciem deuigans, Scarbimirum Palatinum
Cracouiensem iussit vinciri, et aliquot diebus seruatum, in carcere cecari.
Quo facto illico superimpedens omnis procella, quam Scarbimirus factione,
sua excitaturus erat, conquieuit. Magistratu insuper vlt Palatinatu
Cracouiensem illum priuat, Et pro crimine laesae Maiestatis, Palatinatus ti-
tulum, qui prior fuerat, Castellanaui postposuit.

Quinta die Mensis Marcii, Maurus Cracouiens Epus, dum annis septem
Ecclesiam rexisset, Cracouia moritur, Et in Ecclesia Cracouiensi sepeli-
tur. Radosz Polonorum genere, a Paschali Papa secundo ordinatum
habuit successorem. Hic Ecclesiae et Canobio Andrzeuidien nondum
fundato et dotato, fabricato tamen, in consecratione Ecclesiae per ipsum
factae, contulit decimas manipulares mensae suae Cracouiensem, in villis Moro-
uicze, Przeneslauie, Konari, Michou, et Wegielno.

*Borzimoy et Wladislaus Duces Bohemiae per
Boleslaum Bohemiae Ducatu diuiso componuntur.*

BOrzimoy Bohemiae Dux, a captiuitate quam apud Henricum Impera-
torem annis octo pertulerat, solutus, fratrem Wladislaum natu iu-
niorem, Principatum Bohemiae occupantem, et qui eius captiuita-
tem procurauerat plurimum terruit, ne eum Boleslai Polonorum Ducis et
fratris Sobieslai qui in Morauia Princeps erat assistentia, Et a Ducatu
Bohemiae excluderet, et in similem quam ipse sibi texuerat coniceret capti-
uitatem. Ad componendum itaque dissidium inter eos Boleslaus Polonorum
Dux ab utraque parte Arbitr electus, Bohemiae Ducatu inter eos diuiso,
ita vt Wladislaus ora Aquilonaris, versus Albam sita cederet, reliqua
omnem sortem Borzimoy Dux administraret, eos pacificat.

Wladimir Russiae Dux, qui germano suo Smiatopelkone Duce Kiuuiensi
obeunte, sedem Kiuuiensem acceperat, suspectum habens Laroslaum filium
Smiatopelkonis nepotem germanum, ne illum ex Sede Kiuuiensi propelleret
quamprimum illum opprimere statuit. Et David Vaszilkone, Roscislaos
Volodorumicz, filius quoque Olech armorum auxilia sibi praestantibus va-
dit contra Laroslaum, Et in Castro Wladimirien (neque enim cum tot

Ducibus tutum putabat decernere se continentem, obsidet, Laroslaus autē cum nihil sibi conscius esset, ex Castro ad Ducem Wladimirum ceterosq; Russiae Duces veniens inermis, verbis pacificis & modestis Wladimirum, sibi assentatorum falsa suggestionē infensum, placat & reconciliat. Qui continuo obsidionem soluens, in Kūm reuersus est, Laroslaos tamen prius pluribus sermonibus obruto & obiurgato ~

Anno Domini 1118.

Boleslaus Polonorum Dux a bello diuturna
& mira imbrium tempestate impeditus ~

P Arantem in Pomeranos Boleslaum Polonorum Ducem expeditionem
Etiam siquidem intellexerat Smiatopelkonem Baronem, in cuius fide
Nakiel Castrum cum sex oppidis aliis & munitiōibus commiserat,
ad vacillationem, temerato quod sibi praeſtiterat iureiurando, reuersurum
fore. Imbres et pluuia tenuere, Dum enim Veris tempore cepissent, etiam
nec in aestate remittebantur, continuaq; pluitiōe et descensu, non solum Po-
lonia Regnum, sed et vicina Regna atq; Prouincias, quā plurimis in-
commodis & inundatione sine exemplo in vniuersa terra vexarunt, quā
quidem pluuia agros feri, & sata meti, in plerisq; locis prohibuit. Ea
tamen loca huiusmodi inundatione, quā fluiui maiores circumfluunt, aquis
ultra solitum inflatis et ripas egredientibus, fuere oppressa et afflicta.
Eodem insuper anno post solis occasum, cælum totum in tantam rubedine
versum est, ut velut ignis et flamma tribus horis colluceret. Quae res in
prodigium et admirationem apud multos versa, magnum aliquem effectum
productura tunc insinuasſe credita est. Nec multo post tanti imbres descen-
derunt in terram, tot coortae sunt pluuia & tempestates, tanta demiquē
creuit fluiuiorum inundatio, ut alterum Cataclysmum nonnulli pertimesce-
rent prouenturum ~

MARTINVS Metropolitanus Ecclia Polonica Gnesnen Pontifex, dū
annos sex & viginti sedisset moritur, & in Gnesnen Ecclesia tumulatur. In
cuius locum Iacobus primus ex oppido Znyena et parentibus Consularibus
ortus, per Calixtum Papam secundum successus est ~

Laroslaus Wladimirien' Dux ad
Boleslaum Poloniae Ducem confugit ~

Kriouien' Dux Wladimirus maioribus suggestionibus inuidorum,
 graui contra nepotem suum Iaroslauum Wladimirien' Ducem (quasi
 illi mortem et expulsionem de Sede Kriouien' machinantem) indi-
 gnatione concepta, eum ad se literis et nunciis in Krioum accersit. Qui
 non aliter se nunciat venturum nisi iureiurando Wladimirus firmet, nihil
 se hostile illi illaturum. Et quamuis Wladimirus huiusmodi sponsionem pro
 maiori securitate Iaroslai fecisset: Iaroslauus tamen, Consiliarius & mili-
 tibus Wladimiri Kriouien' Ducis de periculo & laqueo quod illi imminabat
 (verè ne an sub dolo incertum est) significantibus, venire in Krioum nega-
 uit. Deinde falso et uastro, suorum militum seductus et persuasus consilio,
 cum uxore et filiis ac omni suppellectili, Castro Wladimirien' militibus
 commendato, in Poloniam ad Boleslaum Polonorum Ducem sororis olim suæ
 Sbislaue maritum, confugit. A quo benignè et humaniter exceptus, qua-
 driennio illic mansit. Boleslaus Polonorum Duce, singula sibi subministran-
 te necessaria. Infra id autem tempus Castrum Wladimirien' Wladi-
 miro Kriouien' Duci per milites Iaroslai deditum est (verentibus Bu-
 thenis ne eo Poloni potirentur) qui ad Principandum illic filium suum Bo-
 manum transmittit. Quo quarta decima die Ianuarii mortuo, alterum filium
 Andream Wladimirus Kriouien' Dux ad regnandum in Wladimiriam sur-
 rogauit.

Imperator Henricus in Italiam reuersus, absente Pontifice Paschali, ingre-
 ditur Romam, ibique concedente populo, et aduersantibus Primoribus, cum ri-
 tē coronari non obtineret, Mauritium suæ partis Archiep'm euocauit, et ab
 eo sibi coronam imponi iussit.

Anno Domini 1119.

Pomerani caeli planè et perfecte Bo-
 leslao Polonorum Duci se subiciunt.

Dilatam anno superiori in Pomeranos expeditionem Boleslaus Polono-
 rum Dux (non obstante quòd eo etiam anno tempestate inquieta, ven-
 torum vis fortissima, multa dirumpens et comminuens, aedificia fla-
 re cepisset) continuaturus, militiam suam armari iubet, & copiis conue-
 nientibus, in Pomeraniam exercitum deducens, quicquid vel reparatum vel
 relictum fuerit, iubet demoliri aut incendi. Congerunt itaque Pomer-
 ani et Prutheni validum exercitum, et vniuersa iuuentute armata, coactis

etiam agrestibus, Boleslaus fortunam tentaturi occurrunt. Nec Boleslaus decertandi spe avidus, distulit pugnam, sed quamprimum Pomeranorum et Pruthenorum acies apparuerunt, signa canere, et acies suas ex adverso procedere iussit. Et cum ex utraque parte magna vi magnoque animo acies concurrissent, et quo Marte aliquanto tempore pugnatum est. Poloni enim pectus animorum iraque plenum habendo, ferociam singularem in certando deprompserunt. Verum dum Pomeranorum primis victis, ad iuventutem ventum esset, acies illius Pomeranorum inclinari cepit. Quod ubi Boleslaus aduertit, novam militum cohortem in perculosos induxit, frequentiorique pugna Pomerani conturbatis ordinibus, contriti et in pugnam versi sunt. Capi autem non cedi fugientes, et parci iuventuti et agrestibus (ut essent qui terram incolerent) mandante plures numero capti, et ad Boleslaum reducti clementiam suam experti sunt, plures siquidem dimitti etiam vestitos iussit. Eo praelio Pomerani et Prutheni, velut fatali et extremo victi (quod ingentem lucrum simul et pauorem apud eos concitauerat: quippe in eo quod floris quod roboris in restante iuventute erat, amiserant) se in gratiam Boleslai Ducis Polonorum dederunt, nec apposuerunt ultra calcaneum suae rebellionis contra Boleslaum mouere, usque ad vitae suae tempora utramque terram Pomeranicam vix et Pruthenicam possedit.

*Swiatopelkus per fidus in Nakiel
oppugnatur, & tandem in obsidem
filio suo dato, liberatur. &c.*

Gente Pomeranica et Pruthenica Boleslaus Polonorum Dux debellata, et in deditiōem accepta, versus Nakiel ad Swiatopelkonem opprimendum (qui famosus et inter suos ob temeritatem et flagitia notior, Boleslao insuper Duci et Polonorum Proceribus iniussor habebatur, quod Pomeranos aduersus Boleslaum, arma moturos incenderat) contendit, Nakiel quoque Castrum et oppidum obsidione cingens, etiam Swiatopelkonem in eo includit. A festo autem Natiuitatis Sanctissimae Mariae Virginis, usque ad festum Natalis Domini, niue, frigore, et pruina, crebro militem affligente obsidionem ipsam produxerat. Nec sub tanto tempore Nakiel, quamuis Boleslaus et miles suus plurimum admittere iur, poterat (resistente Swiatopelkone cum suis) expugnari. Clade enim Pomeranorum et Pruthenorum audita, et rebellionis temeritatique iuris iurandi in Boleslaum conscius, viris, armis, et comitatibus in annum et amplius suffecturis, optime arcem et Oppidum communierat. Sed nec ea sibi singula quietem securitatemque praestabant, quin nocturnis diurnisque

meditationibus angoribusq̃ vexaretur, ne aliquo casu Vrbs et arx in potestatem Boleslai recideret, et ipse supplicio capitali pro fraude et perfidia in Dominum et benefactorem suum admissa merito mulctaretur. Quod evitaturus, frequentibus nunciis fatigabat Boleslaum, ut sui misertus, gratia illi et veniam concedere dignaretur, offerens decetero syncerore fide maleficium suum, data insuper quam Boleslaus imperaret pecunia, datis itidem et obsidibus, pensaturum. Abnucebat primum et iterum iterumq̃ Boleslaus Polonorum Dux Smiatopelkonis preces, neq̃ ei misericordiam dignum impendi respondebat, qui semetipsum ea indignum effecisset, cum quod proditorem et fidefragum frangi et lacerari, tum quod sagitta ipse de oppido vulneratus, ultimum iri vulnus suum aestuabat. Dum vero spes expugnandae Vrbs et arcis effectus non respondisset, cum et mania munitionesq̃ egregie defensa essent, et machinas bombardasq̃ illuc conducere, (tempore praesertim hyemali, terra ex resolutione in locis maxime paludinosi, limosis, et lubricis dehiscere) onerosum et parum utile videretur. Milites etiam non solum aestivo tempore sed et hyberno, se in bella trahi. Et multorum dispendiorum perferre iacturam quererentur (et enim cum multis in ea ipsa obsidione urgerentur incommodis, nulla tamen eos res aequae, ut vigiliae sub diuo et noctibus hyemalibus et protensis aestate, conficiebant) precibus itaq̃ Smiatopelkonis assiduis, fidem et correctionem astringentibus Boleslaus Polonorum Dux expugnatus, magis tamen querella militum suorum, militiam pro eo tempore detrectantium, fractus, veniam Smiatopelconi, pecunia qua illum pro scelere perfidiae mulctauerat, et filio suo pro obside in pignus conseruantorum promissorum prius receptis, concedit, et obsidionem soluit.

Paschalis Papa moritur. Cui Gelasius anni unus Papa succedit.

Cum Romanam sedem annis decem et octo, Mensibus quinque, diebus vero decem Paschalis Papa secundus rexisset, Romae moritur, et in Ecclesia Lateranen' sepelitur. Qui etiam Arnolphum, Albertum, et Theodoricum (qui Papatus dignitatem diuersis temporibus usurpare nitebantur, et qui postea mala interierunt morte) habuit hostes et in Papatu competitores. Et in eius locum Ioannes Cardinalis de Gaieta, natione Campanus, per electionem Cardinalium est substitutus, et Gelasius secundus vocatus. Qui dum Imperatoris Henrici persecutionem formidaret (conabatur enim sua electione, cum tunc in Italia agebat, quod se inscio et non consentiente peracta esset, irritata, alium sufficere) in Gaietam se transfudit. Quo Henricus Imperator audito, maiore furore actus,

Hispanum quendam Burdinum nomine, in Papam assumit, & eum Gregorium, cæteris cum Antipapam vocitantibus, appellat. Quod intelligens Gelasi, us in Caieto, trans mare cum Collegio Cardinalium in Franciam fugit, veniensque in Cluniacen' Monasterium illic infirmatur et moritur, & in eodẽ Monasterio sepelitur, dum anno tantummodo uno et diebus quinque sedisset.

Anno Domini 1120.

Swiatopelk rursum in Nakiel oppugnatur, et captus perpetuo captivus servatur, illiusque posterum ab omni Civitatum & Castrorum Præfectura lege amovetur.

S Swiatopelkone Pomeraniæ Duce & Naklensi Præfecto pacta violante, quæ se servaturum iureiurando, & filio in obsidem Boleslao Polonorum Duci dato, astrinxerat, Boleslaus perfidias suas et tot perjuris suis molus, ex ea æstate exercitum iterum in Pomeraniam deducit, perfidiam Swiatopelkonis ulturus. Verum quia intelligebat hostem parvas vires habere, & Pomeranos debellatos, et sub sua iam ditione consistentes, illum non adiuturos. lustrato exercitu, et infirmis, pannis, et tenuibus in domos remissis, cum expedita tantummodo militum veteranorum et exercitatorum manu, fortalicia, munitiones, et oppida quæ a Swiatopelkone tenebantur expugnare aggressus, contendit. Et primum quidem ad oppidum et munitionem Wyszegrad perueniens, et diebus sedecim in eius expugnatione moratus, illud vario genere tormentorum, machinarum, et missilium pervincens, capit et in suam redigens ditionem, octo diebus illic (dando quietem militi circa oppugnationem continuam fesso) stativa habuit. Præsidio deinde militum frequenti Viszegrado imposito, ad alia oppida, Castra, munitiones, itum est, et Nakiel Castrum et oppidum (cuius anno transacto expugnatio non prouenerat.) expugnari et obsideri captum. Dum autem prima luce mœnia corona aggressus esset, credens pauore animos Oppidanorum & Castellanos concussos, se dedituros, constantius tamen quam illos Boleslaus facturos destinauerat, viris mœnia defendentibus, fœminis omnis generis tella, picem feruentem, aquam bulientem, et saxa afferentibus, frustra deditio tentata est. In pluribus itaque locis admotæ bombardæ, muros et structuras faciebant, nec a Naklen' quicquam quo aut opera aut hostis arceri posset prætermisum est. Aut enim prodeuntes noua reficiebant munimenta, aut eruptionibus subitis, nunc in opera hostium, nunc in stationes decurrebant. Turres deinde altitudinẽ mœniorum

excadentes, extructas, Boleslaus propè muros (fossis primum terra lignisque
 completis) admouit, magnoque hostes damno sagittarum missione ex illis affici-
 ens, et ne in mœniis consistere possent submouens, Castrum et Urbem se capturum
 prætendebat. Castellani uerò et oppidani, Smiatopelkone, qui intus aderat, eos
 adhortante, ne uiui in manus Boleslai uenirent, ad dispellendum imminens
 periculum, congeriem lignorum pinaticorum et aridorum ad turres comportant, pro-
 iectioneque frequenti lardi, butyri, picis, & aliæ materiæ qua ali solet ignis, igne
 subiiciunt. Ac sic Polonis nequicquam incendium satagentibus depellere, ma-
 teria pingui conatus Polonorum peruincente, turres consumuntur. Nouis in con-
 flagrationum turrium locum, Boleslai sollicitudine et opera illico surrogatis,
 dum eodem animo & admissu, eadem quoque prouidentia et arte, à Pomeranis si-
 mili ingenio fuissent succensæ et exustæ, tertiæ rursum eadem celeritate, qua
 et primæ secundæque, à Boleslao surriguntur. Illis quoque per Pomeranos igne
 depastis, quartæ rursum tam propinqua locatione mœniis admotæ sunt, ut manu-
 ale personaleque inter obsessos et obsidentes fieret certamen. Atrox quoque pu-
 gna sæpius coorta, Pomeranis ignes inicientibus, Polonis prohibentibus turrium
 conflagrationem, in maiorem diu partem producta, utrarumque partium studio
 accensa, feruebat, per quam non parua strages aut vulneratio quotidie in Polo-
 nis, maior tamen in Pomeranis adebatur, tamque obstinate à Pomeranis resiste-
 tia opposita est, ut plus in dextris quam in mœnibus spei esse facile appareret.
 Pax deinde à Boleslao, ut obsessis liceret abire incolumibus, petita est, quam dum
 petentibus abnuisset, treugæ indies aliquot magna instantia deposcebantur,
 sed cum has quoque Boleslaus maiori renitentia denegasset, Pomeranisque iam
 vires, iam tela, iam victualia, iam ante omnia animus ex Boleslai constan-
 tia deficeret, in desperationem omnium animis spectantibus, rursum nunciis
 ad Boleslaum missis, ut saltem uitam illis donare dignaretur. Precibus
 eorum Boleslao acquiescente, deditiōem faciunt. Smiatopelkone uerò uiuus
 in manus Boleslai traditus, perpetuæ captiuitati damnatus est. Nakiel ca-
 pta cætera oppida et munitiones spontaneam fecere deditiōem. Sanctumque
 est ab eo tempore, non Castra, non oppida, non munitiones, aut Castella
 Smiatopelkoni aut filiis ipsius, uelut hominibus dolosis, & fluxæ ambiguæque
 fidei, committenda. Ex eo autem tempore in Boleslaum Polonorum Ducem
 milites propensiori incitati sunt amore, quod uiderant illum nullum formidare
 discrimen, nullum laborem, sed nec bellorum genere fatigari, consecutum præ-
 terea esse pacientiam in re qualibet administranda, industriam in prouidentia
 celeritatem in conficiendo.

Exiguo tempore inter Borziwoj ab una, & Wladislaum Bohemiæ Ducem
 germanos, partibus ab altera (qui Ducatus Bohemiæ regimen inter se, circa

tamen Borzimoj velut natu maiorem Principatu remanente, partiti erant. Con-
cordia vigente, rursus cum ad priores contentiones, lites, et dissensiones, Bo-
hemis odia alterius in alterum assentatione aut suggestione suggerentibus, res
rediisset, Borzimoj de fratris sui Wladislai ira feruida iam certus, veri-
tus ne in se grauius aliquid improbitate suggestorum, per fratrem consuleretur.
Bohemia deserta, in vetus suum hospitium Poloniam ad Ducem Boleslaum con-
cessit. Cumq; illic aliquanto tempore moratus, et a Boleslao comiter habitus
fuisset, in Hungariam deducendi temporis causa, transuectus, illic diem obiit.

GELASIO Papa, cum tantummodo anno uno et quinque diebus sedisset, in
Cluniaco mortuo, Cardinalium uniformi electione in Cluniaco celebrata,
Guido natione Burgundus, Comitis Burgundiae filius, & Archiepisco-
pus Vienensis Calixtus secundus vocatus in Papam assumptus est. Qui
ex Cluniaco Romam cum fauore omnium pergens, Burdinum pro Papa se ge-
rentem, in Sutrio conclusum capit. Quem super mula, auersa ad caudam
facie, impositum, caudamq; mulae pro frena tenentem, Remam deductum
et in turrim coniectum in squalido carcere mori fecit. Hic cum vir animosus
et Ciuilis esset, et uniuersus propter suam affabilitatem charus, Impera-
torem Henricum, Inuestituris Episcoporum se ingerentem, anathemate nouo
percellit. Quem cum videret Henricus Imperator, et propter animum et pro-
pter fauorem populi vinci non posse, Inuestituris Episcoporum perpetuo re-
nunciaturus, apud Vormatiam Concilium frequens Germaniae Principum indi-
cit. Et veritus propter anathema Imperium a se deficere (iam enim sense-
rat plerosq; Principes aduersus se coniurasse) patris metuens exemplum, In-
uestiturarum Episcoporum Legato Sedis Apostolicae Lomberto, qui postea in Pa-
pam successus Honorius dicebatur, exigente, resignauit, per eumq; ab anathe-
matis vinculo solutus est.

LIPOSLAVS Wratislauiensis Episcopus soluens naturae debitum Wratislauiam
moritur, et in Ecclesia Wratislauiensis sepelitur, cum annis octo et vigin-
ti Ecclesiam Wratislauiensem prouide et modestè gubernasset. In eius locum per Ca-
lixtum secundum Heimo alias Imislaus natione Polonus de Domo Lesclitaru
atq; aceruorum succedit. Duce Polonorum Boleslao eius personam per lras et
nuncios, velut unico Patrono, promouente, apud Eninam.

ORDO Praemonstratensium capit, cuius fundator Northerius vir Dei de
partibus Lothoringiae oriundus, genere et nobilitate clarus, primarius pater
atq; fundator extitit. Qui in breui tempore magna religione fulgens, multos
habuit ex viris Illustribus fundatores, qui progressu temporis cum magno

germinasset, tandem nostris temporibus videmus illum, et præcipue in Regno Poloniae, in magnam ariditatem corruisse. Hoc etiam tempore ordo Diui Ioannis Baptistæ Hierosolymitani inchoatur, à Venerabili viro Raimundo, operibus misericordiae dedito, et in breui tempore multum creuit.

Anno Domini 1171.

*Matrimonium inter Wladislaum Boleslai
Ducis Poloniae filium, et Cristinam Henrici
ci Imperatoris Romanorum filiam celebratur.*

ANnos nobiles Cristina filia Henrici quinti Imperatoris (quam Boleslaus Polonorum Dux, filio suo natu maiori primi matrimonii Wladislaui desponsauerat, quamque in Poloniam ex Almania deuectam, decemmo iam exacto nutrierat) eo tempore dum impleuisset, Boleslaus Poloniae Dux, diem designans nuptiarum, Stephanum Hungariae Regem generum suum, cum primoribus Baronibus Hungariae, Laroslavum Ducem Wladimiriensem socerum suum, item alios Principes Russiae, suique Regni Poloniae Praelatos Barones, et Proceres, ad huiusmodi nuptiarum solennitatem, nunciis et literis inuitat. Quibus in frequenti numero Cracoviam conuenientibus, munificentiam, potentiam, et gloriam suam Boleslaus ostensurus, in dies plures conuiuium produxit, et singulos inuitatos, necessariis omnibus abunde tractatos, singulis etiam dona mittente, et accipiente digna, misit. Ludos plures hastarum præcipue et gladiorum, ad lætificandum et honorandum conuiuias, premio uictori proposito, instituit, et cum magna omnium hilaritate et comitate solennitatem huiusmodi consumauit. Praefata autem Ducissa Cristina ex fastu et superbia communionem singulorum Polonorum aspernabatur, à mensa quoque et conuictu illos abiiciens. Teutonicorum obsequiis, ad singula quoque officia utebatur, asserens Polonos olicos esse, et in conspectu suo fatere, nec habitum amictus eorum ferre posse. Sacerdotes insuper Polonicos non secus quam saeculares pertæsa, nullo honore illos dignans, nullam illis reuerentiam exhibebat.

MENSIBVS tribus et continuis, Martio uide, Aprili, et Maio validissima siccitas et aestus terram pressit: propter quam non aestiuales solum sed et hyemales segetes extenuatae et arfactae, annum illum effecerunt apud Polonos annone caritate turbidum et sterilem, Vicina quoque regiones et Prouinciae eandem siccitatem et sterilitatem expertae, fame et inedia aliquanto tempore praeuebantur.

Anno Domini 1177.

*Boleslaus Poloniae Dux ex Adleyda
consorte sua filio Cazimiro auctus ~*

Nuptiarum primæui filii Wladislai solennitate transacta, non inferior
alia solennitas, cumulaturo vel potius renouatur gaudia, secuta est.
Ducissa enim Adleyda consors Boleslai Ducis Polonorum, soror Im-
peratoris Henrici quinti, et filia quarti, sterilitate quam decennio pertu-
lerat, in fecunditatem commutata, filium feria quarta ante festum Assum-
ptionis beatissimæ Virginis Mariæ, produxit. De cuius natiuitate, miro modo
pater Dux Boleslaus exultans in Cracouiën Vrbem pluribus Prælati et Ba-
romibus conuocatis, solennitatem baptismi magno sumptu magnaqz pompa exe-
git, et infante per Radostonem Episcopum Cracouiën in Ecclesia Crac,
sub frequentia multorum Procerum et plebis, baptisato, nomen suum et auilum
coaptans, Cazimirus imposuit ~

*Volodor Dux Przemisliensis terras Po-
lonia infestans capitur a militibus Polo-
norum, postea argenti summa redimitur ~*

Termiños Polonorum Volodore Duce Przemisliën ex Castro Prze-
mist crebrò infestante, prædamqz agente Boleslaus Polonorum
Dux missis ad Wlodimirum, et alios Duces Russiae nunciis, de in-
iuriis quæ Regno Poloniae per Volodorum inferebantur, apud eos quereba-
tur. Sed videns suarum iniuriarum grauamina à Russia Ducibus dissi-
mulatum iri, mandat militibus et Praefectis suis, ut iniurias suas amplius inul-
tas esse non sinant. Volodoro itaqz Polonorum fines spoliante, milites qui-
bus id à Boleslao Polonorum Duce munus mandatum fuerat, occurrunt, et præ-
liò inito insignioribus suis militibus occisis, victum, prædas quas ex Polonia tulerat
eripiunt, fugientem etiam persecuti in loco qui Wysokie appellatur com-
prehendunt, et captiuum Cracouiam ad Boleslaum Polonorum Ducem per-
ducunt, ubi vincula aliquanto tempore sustinuit. Processu autem temporis
nunciū Vasvilkonis Przemisliën Ducis Cracouiam adueniunt, et cum Bo-
leslao Polonorum Duce (qui pro liberatione Volodori octoginta millia mar-
carum argenti petebat) de soluendo Volodoro agentes, de viginti millibus
marcarum argenti, pro solutione Volodori dandis, conueniunt. Datisquē

107

tunc duodecim millibus argenti, de soluendo residuo Laroſlai filium obsidem ponunt. Postea verò, quingentis vasis argenteis, scutellis vñt, picarijs, ciphis, de opere Græco allatis, plenam solutionem impendunt. Volodor itaqz solutus, Boleslao Polonorum Duci reconciliatur, & tam cum illo quàm Colomano Regis Hungariæ fratre, fædere icto, et iureiurando firmato, Volodor reuertitur Przemislam vicesima secunda die Mensis Iulij ~

Anno Domini 1173.

Sobieslaus Moravia Dux à Wladislao fratre Duce Bohemiæ victus et pulsus primū in Germaniam deinde in Poloniam transfugit ~

Grandis commotio in Bohemia inter germanos Wladislaum et Sobieslaum Duces coorta, grandem dimicationis procellam inter utruqz exciuit. Dum siquidem Sobieslaus Moraviam obtinens, Wladislao Bohemiam obtinenti subesse detrectaret, Wladislaum insuper multis probris et querelis, propter alium fratrem Borzimoj in exilium actum et in exilio iam tunc senescentem, sugillaret carperetqz, in apertam hostilitatem crevit inter illos commotio æmulationis, ad arma quoqz ab utroqz concursus est, infestisqz signis, velut inter hostes sæuissimos, non sine interitu multarum personarum est dimicatum. Victumqz Sobieslaum et fuga elapsū Moravia exuit possessione, et Moraviam inter Lentoldum filium quondam Contradi, Senioris et primogeniti fris olim Wratislai, primi Regis Bohemiæ, et Othonem alqz Sviatopelkonem filios Othonis fratris prædicti Wratislai (consorte etiam Sobieslai fratris in maius odium odium et punishmentem, inde eiecta) diuisit. Sobieslaus autem acie à Wladislao victus in Almania ad Imperatorem Henricum V. auxilio suo cladem acceptam reparaturus confugit. Verum cum preces suas crebrò ad Imperatorem suas, aspernatum iri aduertisset, se insuper in fauorem Wladislai fratris et hostis sui capi, et ab Imperatore detineri pertimescente, Almania deserta in Poloniam cum suis omnibus ad Boleslaum Polonorum Ducem diuertit. Qui calamitosum et profugum Ducem recolligens et singulis rebus necessariis, quas illi et suis deesse videbat, munificè reficiens, collapsum erexit, et diffidentem vacillantemqz, auxilio sibi ferendo promisso confirmavit, pessima vicissitudine hæc et tanta Boleslai Poloniæ Ducis sibi et fratris sui Borzimoj in necessitatis, articulo præstita beneficia, ut in sequentibus narrabimus pensaturum. Coniunx verò Sobieslai Almusa nomine à Wladislao Duce Bohemiæ eiecta,

cum esset Stephani Hungariae Regis consanguinea in Hungariam se confere-
rens illic omne tempus exilii egit.

*Boleslaus Poloniae Dux Laroslaum
Wladimiriensem Ducem, reducit.*

Ad finem suum Laroslaum Wladimiriensem Ducem, quadriennio propè
in Polonia commoratum Boleslaus Polonorum Dux ad Principatus et
Dominia sua restitutus, exercitu ex Polonorum militibus comparato,
in Russiam ire pergit. Cui circa Przemisliam stativa agenti, Colomanus Re-
gis Hungariae frater, et ipse Laroslaos exuli auxilia contra Wladimirum Kiio-
uicem Ducem laturus, cum notabili Hungarorum exercitu aduenit, Duces in super
Russiae Volodor et Waszilkos Przemisliensium, item Wladimir Wladorowicz,
Laroslai partibus suffragaturi, Colomano Hungarorum et Boleslao Polonorum
Ducibus cum suis copiis se adiungunt. Dantur autem Laroslao Wladimirien-
Duci ex Hungaris et Polonis septem millia equitum, cum quibus exercitum Co-
lomani et Boleslai, quadrigis et impedimentis grauem, anteibat. Vallata autem
sunt ab exercitu praefato, Belz, Zirmien, Wladimiria, et alia Castra La-
roslai per Wladimirum Kiiouicem Ducem ablata. Quae paucis diebus obsidio,
ne parumper tolerata, Laroslaos deduntur. Quibus in potestatem suam reductis,
ad Metropolim Ruthenorum Kiioi ad opprimendum Wladimirum omnes co-
pia traducta sunt, Laroslaus autem Wladimirien Dux, dum iuxta morem Co-
lomani et Boleslai cum militibus sibi adiunctis diebus aliquot Kiiouiam
praecessisset, cum pedestribus ex Kiioi contra eum egressis pugnam committit.
Quos deuincens, usque ad portam quae Polonica appellatur, illos persequendo ster-
nit, capit, et obtruncat. Novis autem peditibus, in eorum qui ceciderant sup-
plementum, in maiore quantitate occurrentibus, instauratur pugna, et pluribus
Polonorum et Hungarorum militibus, qui Laroslaum comitabantur, a cohorte pe-
ditum Kiiouicem occisis, equus etiam Laroslai Ducis multis telis conficitur, quo-
rum acerbiter non ferens, Laroslaum Ducem sessorem suum deiecit in terram.
Ruthenis autem capere illum, Polonis uero et Hungaris de periculo eripere sa-
tagentibus, durum certamen feruebat inter utrosque. Praeualentibus autem Polo-
nis et Hungaris, Rutheni Kiiouicem in Castrum refugere pugna relicta coacti
sunt. Laroslaus uero Dux in pugna huiusmodi aliquot vulneribus confossus,
paucis post diebus moritur. Colomanus tamen Hungariae, et Boleslaus Polo-
norum Duces captam obsidionem Castrum Kiiouicem continuant. Sed Andreas
Kiiouicem Castrum Praefectus, a Wladimiro (qui in illo consistere non ausus,
ante aduentum Colomani et Boleslai ex Castris egressus erat) supplex
a Colomano et Boleslao pacem petere capit. Quae Volodoro et Waszilkone

Przemislien' Ducibus suffragantibus illi a Colomano et Boleslao minus cunctanter (dum Laroslaus Dux, gratia cuius id bellum assumpserant, extinctus esset) concessa est. Icto autem fœdere inter Colomanum Hungariæ, et Boleslaum Poloniæ, Duces ab una, & Volodorum & Vaszilkonem et cæteros Russiæ Duces, partibus ab altera, pollicentibus in qualibet necessitate sibi inuicem auxiliaturos, Colomanus in Hungariam, Boleslaus in Poloniam rediit.

TARTARI circa hæc tempora, permissiōe Divina montem exisse putantur, in quo clausi fuerant per tempus diuturnum, in magna miseria et fame, gens vilis et sterilis.

Anno Dñi 1174.

Boleslaus Polonorum Dux in
Datiā proficiscitur, inde The-
sauros Regios in Poloniam adue-
hit, & Cygnorum familiæ origo.

Triennio integro iam in magna parte exacto, hostibus undiq̃ in circuitu laccessitis vel subactis, cū tranquillæ res apud Polonos essent, Boleslaus Polonorum Dux, qui in tractandis bellis et armis omnia studia sua, voluptatem et ingenia converterat, marcescere disfluereq̃ se et milites suos ocio turpē et ingloriosum reputans, flore totius militiæ suæ collecto, navibusq̃ apud Gdansk, cæterasq̃ maritimæ oræ Ciuitates frequentanti numero præparatis, imposito, in Datiā traiecit, prosperoq̃ vento et prospera fortuna usus, cum omni classe integer et incolumis in Datiā peruenit. Sux autem in Datiā traiectionis, non ambitio inuadendi Regni alieni, non prædæ rapiendæ, non opprimendi quemq̃, sed iusta et necessaria causa censebatur. Dum siquidem Boleslaus Dux Polonorum, non apud vicinas solum, sed etiam remotius porrectas gentes & nationes, cum fama bellica, tum naturali in cunctos in externos tamen præcipuē comitate, beniuolentia, dexterritate & largitione celebris haberetur, multiq̃ milites ex oris longinquis, causa consequendæ gloriæ et disciplinæ militaris, ad eum confluerent, inter alios adolescens insignis, ex Datiā, & cunctos Dacos ea tempestate, forma, diuitiis, nobilitate, et ingenio antecellens, quamuis patri (qui et ipse inter Barones & Procures Datiæ primus et potior omnium Regni Datiæ negotiorum moderator, arbiter, et director habebatur) vnicus et charus esset, Petrus nōie

in Poloniam aduenerat. Et cum a Rege suo Dacia, commendationis sui epi-
stolas ad Boleslaum Poloniae Ducem haberet, quibus eum in familiarem recipi
supplicabat, et intercedentis respectu, et sui merito a Boleslao favore propen-
siori exceptus, moribus, ingenio, actionibusque a luxu et leuitate abhorrenti-
bus, magis re quam verbis, facilius se quam quis posset, Boleslao insinuauit,
breuique effecit, ut pro robore corporis et strenuitate in armis saepe ostensa, et
pro uirtute ingenii, supra aetatem frequentius deprompta, pro morum placida et
benigna consuetudine in singulos demonstrata, non ipsi solum Boleslao Duci
et suis Aulicis, et his cum quibus una militabat, sed uniuersis Poloniae Ba-
romibus et Satrapis, omni liuore (quod raro in homine praesertim aduena et
forensi contigit) circumscripto charus et gratus haberetur. Adeo autem in
addiscenda lingua Polonica operam dedit, adeo se morigerum et tractabilem,
cum res exposceret praebuit, adeo Rempub. Polonorum sibi cordi fore, cum
quid arduum agendum esset monstrauit, ut non ex Dacia ortus, sed in medio
Poloniae genitus credi posset, obligare eum amplius Boleslaus Polonorum
Dux sibi Regnoque suo, et ut patria sua oblitterata perpetuum deinceps
in Polonia ageret incolatum, satagens, multis illi Castris, Oppidis, vicis
villis et possessionibus, et inter alias Oppido Skrzin et villis vicinis et
uniuerso Skrzinen Comitatu donatione perpetua largitis, etiam illi splen-
dido coniugio data illi uirgine decora Ducissa Russiae Maria nomine
(qua primam uxorem Boleslai Polonorum Ducis cognatione continge-
bat) in uxorem dignificat, et amplius nobilitat, erigit, et excolit.
Tristi interim et miserabili casu, quo Daciae Rex Henricus a germa-
no suo Regnum Daciae usurpaturo Abel nomine pluribus uulneribus
obrutus et necatus est, emergente, ingens thesaurus a Rege Daciae in-
terfecto, a superioribus Regibus Daciae longo tempore congestus, in ma-
nibus et potestate patris Petri de Dacia, paucis consensu, relictus est. Qui
cum se grandaeuum et propediem moriturum non dubitaret, ueritus ne se ob-
eunte tantus thesaurus, in tyranni et fratricidae Abel (qui fratre Hen-
rico occiso Regnum inuaserat) potestatem recideret, secreto et exper-
tae fidei nuncio in Poloniam misso, filio Petro Regium thesaurum ad se
peruenisse, et in sua manu situm, nullique alteri quam sibi, se traditurum
denunciat. Daret proinde ordinem, ut ea potentia stipatus celerius Da-
ciam ueniret, qua et tutus a tyranno Rege consisteret, et thesaurum
suae sorti a Patre iam destinatum in Poloniam referret. Arduam sibi pro-
ut erat, et absque Boleslai Polonorum Ducis auxilio, nullatenus aggredi-
endam rem, a patre delatam, prudenti discursu ratus, eam ad Ducem Bo-
leslaum refert, enixius supplicans Duci, ne occasione benegerendae rei
(qua perfecta non suus tantummodo, sed et Ducalis et totius Poloniae

status illustrandus dilatandusque esset) intermitteret et negligeret, quo
 placidiora verioraque a Petro narrabantur, eo magis Ducem Boleslaum mo-
 uerunt. Rogata itaque in eos milites qui secum transfretaturi in Datiam
 erant pecunia, cetera omnia quae ad classem opportuna noscitantur, et per
 se et per Praefectos summa cura summoque studio administrabat. Primoque
 tempore quo faelix et tempestiua nauigatio patuit, mare ut praemisimus, Pe-
 trum (gratia cuius illam classem parauerat) in suo comitatu habens, circa
 oppidum suum Ducale Gdansk conscendens, peregrinationem illam etsi sum-
 ptuosam, sibi equoris fastidia inexpertis difficilem, aggressus, nullum respu-
 ens pro dilatando insigniendoque Regno suo periculum, vel laborem, in Datiam
 peruenit. Destinata autem executurus, quo minus suspitionis, plus fauoris
 et gratiae aduentus suus apud Dacos haberetur, ad ulciscendum se occisi
 innocentis Regis mortem amici sui aduenisse simulans, uniuersos fere Da-
 cos ad induendum contra tyrannum et fratricidam arma, et ad adiu-
 uandam partem suam pellexit. Itaque occisor et tyrannus a suis desertus,
 ne uiuus in potestatem Boleslai veniret, de Regno (quod sanguine fra-
 teris effuso rapuerat) fugitiuus et tristis fuga abcessit, Castrisque om-
 nibus Daciae Boleslaus Polonorum Dux potitus, ea in potestatem primo-
 rum Daciae Baronum resignans, utque sibi de Rege legitimo et prouido pro-
 uiderent eosdem exhortans, sublato uniuerso a Patre Petri propter quem
 venerat thesauro, uniuersam etiam cognationem Petri secum vehens glorio-
 sus et sospes in Poloniam reuersus, geminato Poloniam gaudio, et pro suo
 incolumi reditu, et pro apportato thesauro exhilarauit. Eo autem the-
 sauro Petrus Dacus, qui processu temporis magnus Comes et Palatinus Lid-
 trek appellatus est, et septuaginta septem ecclesias de sectis aut dolatis
 lapidibus (ignominiam Poloniae, cum tunc in ea infrequentes ex mero essent
 ecclesiae delersurus) fabrefecit, et monasteria duo, unum in Strzelno
 (Monasterium autem Sanctimonialium Praemonstratensis Ordinis
 quod nunc etiam in Strzelno cernimus, praefatum Comitem Petrum de
 Skrzin constat in villa Kalino prope Lubicza in Wladislauiensij
 Diocesis fundasse, et ecclesiam sub titulo et honore Mariae Magdale-
 nae quadro et molari lapide, quam in diem hodiernam cernimus, illic fa-
 bricasse, postea uero ad locum magis faecundum et cultum, ex loco sterili
 et parum culto ex Kalino uel in Strzelno, praefatum Canobium San-
 ctimonialium propter unitatem Diocesis translulisse) aliud Sancti Vin-
 centii extra muros Wladislauiensium, quadrato etiam lapide et sumptuosè
 edificatum de ordine Praemonstraten (qui sub eo tempore uelut nouus
 multum uenerationis habebat) Duce Polonorum Boleslao permittente
 fundat et munificè dotat. Sed et genus et cognatio Petri pro

insigni Cygnum seu olorem in campo rubeo deferens, frequenti germine in
 plures familias dilatata, in Polonia in hanc diem perseverat, & nominibus, co-
 gnomini- bus Petrum se originis suae autorem habuisse, & ex Dacia ortam
 esse insinuat et designat. Pro ea tempestate autem Cygnum defere-
 bat supra Galeam, in
 armis in campo albo li-
 ra similem tribus me-
 ri adornatam gestabat.
 praesam effigiata est.



Clypeo vero pro insigni &
 teram quandam, capitali lite.
 diis crucibus in parte anteri-
 Quae iuxta picturam hic ex-

*Volodot Przemislensis Dux Polo-
 nam Boleslao absente vastat.*

Volodot Przemislensis Dux intelligens Boleslaum Polonorum
 Ducem in Daciam transfretasse, facere quod cum Boleslao Polo-
 norum Duce in Kiow pepigerat et iureiurando firmaverat, vio-
 lato, filium suum Wladimirum cum exercitu ad vastandum Poloniae re-
 gionem transmittit. Qui illam improvisè et nulla denunciatione praemissa
 ingressus, vastando agros et urendo tecta, usque versus Biecz hostiliter
 (nullo repressionem opponente) grassabatur, captaque et congesta gravi
 pecorum praeda in Russiam illam deduxit.

Anno Domini 1125.

Cracovia incendio absumitur.

Variis felicibus successibus Poloniae Regno, pace tamen foris et
 intra proveniente, sub Boleslai Polonorum Ducis regimine et au-
 spiciis multifario decore florente, ordinarium suae felicitatis suc-
 cessum emergens casus turbavit. Incendium enim fortuito casu Craco-
 viae exortum, Urbem praedictam et aedificiorum ligneorum tamen, pulchri-
 tudine et divitiarum merciumque, quae a vicinis Prouinciis in eam infereban-
 tur, copia et magnitudine gloriosam et inclitam, depastis et consumptis templis,
 Sanctuariis et domibus, reddidit deformem et longo tempore tenuem et pannosam.
 Asserunt nonnulli incendium Civitatis Cracoviensis non fortuito sed Bohe-
 morum hostilitate accidisse, qui Civitatem ipsam clandestina incursione in-
 gressi, eam flammarum delerunt incendio, offensi, quod Boleslaus Poloniae Dux
 hostem suum Ducem Sobieslaum ubique spreum, ubique contemptum, et quem nec

Imperator Henricus in suis dignabatur fouere Dominiis, calamitosum et inopem exceperit ~

*Sobieslaus in Bohemiam regreditur et
fratre Wladislaw mortuo Dux creatur ~*

Longa aegritudine Wladislaw Bohemiae Ducem cruciante, Sobieslaus germanus suus (quem in Polonia apud Boleslaw Poloniae Ducem exilium egisse monstrauimus) in Bohemiam, sumptibus et militibus Boleslai Polonorum Ducis illum adiuuantibus, reuersus est. Prouida quoque matre eorum Swiathawa de collisione filiorum molesta, et pacificatione sollicita, operante, inter fratres ipsos, diuturno dissidentes litigio, reconciliatio tandem plena secuta est. eo magis quidem per Wladislaw Bohemiae Ducem icta, quae ad limen mortis propinquius sentiebat accessisse. Secundo deinde Idus Aprilis, dum Wladislaus morbo quo vexabatur consumptus esset, Sobieslaus (cum inter Bohemiae Duces nullus eo maior natu relictus foret) cum fauore Baronum et populi, quamuis Otho filius Othonis senior nepos suus, pluribus calliditatibus illum consequi niteretur, in Bohemiae Principatum, impedimentis quae sibi ab Othone struebantur confutatis, quinto decimo Calend' May iure haereditario successit ~

*Boleslaus Polonorum Dux Volodorum
Przemilien' Ducem uiciscitur exercitum
eius cadens, et terras Russiae populans ~*

Vastationem Regni sui Poloniae, per Volodorum et filium suum Wladimirum, contra ius fasque, et violationem fœderis attentatam, Boleslaus Polonorum Dux, iusta ira illum stimulante, ulturus, cum omnibus potentius suis Volodorum et Ducatum suum Przemisliensem inuadit et populatione quanto longius potest extensa, oppida, vicos, et rura exurit. Cui Volodor Dux cum suis et aliorum Ducum Russiae copiis occurrens, in loco qui Vilichow appellatur pugnam committit, sed ab exercitu Polonorum frequentissimo exceptus, in stipulae modum, plurimis Ruthenorum cadentibus, fusus, victusque, et Castris exutus est. Duo tunc Ruthenorum insigniores milites et in armis strenui uir Namrotnik et Laszithnik, cum pluribus aliis caesi, captiuorum quoque ingens numerus fuit, Volodor Dux suos in fugam effusos inhibere non valens, pariter et ipse fugit, et usque in Halicz se conferens colligebat exercitum, volens denuo cum Boleslaw Polonorum Duce (qui post victoriam regiones Russiae caede et igne singula inuadens vastabat) confligere ~

*Hýems sæua et horrida, in qua multa pecora hominesqz frigore magno perie-
re, et quassatis frigore frugibus, fames magna in regionibus Polonorum subse-
cuta est.*

Anno Domini 1126.

*Boleslaus Dux Poloniae Ecclesiam Cra-
couiensem duabus turribus edificatis
adornat, et adiungit viginti Canonicos*

Beneficia multiplicia quibus se Boleslaus Polonorum Dux propicia
Diuinitate, per frequentes et insignes triumphos et subactos hostes
gentes, et nationes glorificatum, Regnum quoqz suum Poloniae no-
uerat illustratum, sedulitate qua poterat, et humanitatis studio, gratitu-
dine quoqz aliquali recogniturus, Ecclesiam Cracouiensem, ad quam miro
deuotionis ferebatur ardore, ultra ceteras Regni sui Cathedrales Eccle-
sias magnificaturus, et muros eius qui tunc bassi et humiles erant, alti-
us erexit, et duas turres a fundamento illas incians, adiunxit. Calici-
bus insuper, cassulis, crucibus ex auro et argento fabricatis, et contextis,
ceterisque ornamentis eam decorans, pro ampliori suo cultu, splendore et
gloria, de spiritali consilio et consensu Radoslonis Cracouiensis Ponti-
ficis Canonorum Cracouiensem veteri numero, castigato quidem tunc et
angusto, viginti Canonicatus Praebendatos de decimis manipularibus, per
Epum Radoslonem largitis et villis aliquibus atqz possessionibus, libera-
litate Ducali donatis, et villis aliquibus etiam coemptis propè Civitatem
Cracouiensem, dotatos, adiecit. Sua munificentia, opera, et favore, magna be-
neficii in Ecclesia Cracouiensi, in eam usqz diem perseverantia reliquit
perpetuo duratura munimenta. Omnium tamen Canonicatum et Prae-
bendarum tunc a se et Radoslone Epò Cracouiensem fundatarum et dota-
tarum, collationem et Luspatronatus voluit in perpetuum circa Radoslo-
nem Epum et suos successores Epòs Cracouiensem consistere.

*Volodor Przemiſliensis et Wlodi-
mir Kiioutiensis Duces moriuntur*

De cima nona Martii Volodor Przemiſlien' Dux moritur, et in Ec-
clesia Sancti Ioannis, quam ipse fundauerat Przemiſliae, sepelitur,
duos filios Wladimirum et Roscislaum relinquens. Diuisione

autem celebrata cessit Wladimiro Swinigrad, et Roscislaſo Przemisla. Collecto autem qualicunq; exercitu, illum (Duces soli parum ire ausi) ad vastandam Poloniam transmittunt. Qui et ipse pauore percussus, vix fines Poloniæ attingens, aliquot villis circa Visloka crematis, rediit. Decima quoq; Maij Wladimir Kiuuien Dux obiit, & in Ecclesia Sanctæ Euphiæ apud Kiuuiam sepultus in sepulchro. Cui Msczislauſ filius suus senior succedit, et in Kiuuien solio consedit. Alter verò frater suus Jaropelko in Pereaslaw tenuit Principatum. Audientes autem Poloneſi mortem Wladimiri, in terram Russiæ hostiliter irrumpunt, sed à Jaropelko Pereaslawien Duce et sua militia (qui non expectato fratrum auxilio confligit cū eis) victi sunt, et plures in aquis suffocati.

Calixtus Papa secundus cū sedisset annis quinq; mensibus decem, diebus sex moritur, et in Ecclesia Lateranensi sepelitur. Cui Honorius secundus natione Bononiens, per conformem Cardinalium electionem successit, qui ante Papatum Lampertus vocabatur. Hostien Epus Cardinalis.

*Henricus quintus Imperator Romani-
norum moritur. Cui Lotargius succedit.*

Mortem Calixti Papæ mors Imperatoris Henrici secula est. Qui dū apud Traiectum Frisiæ urbem morbo correptus, Curiam in diebus Pentecostes celebrasset, sexto Calen Junij obiit, nullum filium post se reliquit heredem. Quæ illi orbitas ideo iusta Diuina ultione æst, mala est accidisse, qui patrem suum Henricum Imperatorem (quem præcepto Dominico honorare debuerat) captiuans, et in carcerem recludens, eum in carcere mori fecit. In hoc Henrico Imperatore quinto Henricorum progenies à Saxonibus descendens in totum extincta est. Obitu eius Honorius Papa audito Legatos in Teutoniā misit, Electores apud Maguntiam pro electione futuri Imperatoris Conuentum agentes, pro uniformi electione Principis, prudentis, religiosi, et deuoti Ecclesiæ hortaturos. Itaq; electorum consensu Lothargius Dux Saxoniae eligitur, et à Frederico Coloniens Archiepo benedicitur et inungitur. Corpus Imperatoris Henrici quinti per Coloniā Agripinā deportatum in Ciuitate Galliarum Spira, iuxta patrem, auum, proauum Imperatores, cultu Casareo sepultum est. Lothargius autem Romanorum Regnum adeptus, omnibus cognatis Henrici grauis esse cæpit, et omnem Henrici progeniem humiliauit, ex quo multorum mortalium periclitatio in anima et corpore secula est.

1
Heimo Wratislaviensis Episcopus, dum annis propè sex Ecclesiae Wratislaviensis praefuisset moritur. In cuius locum Boleslaus Polonorum Principe fauente et consentiente, Robertus alias Kopetius Custos Wratislaviensis per electionem Capitularem via scrutinii celebratam, succedit. A Iacobo primo Gnesnen Archiepiscopo, Boleslaus Duce Poloniae et Monarcha in electionem suam consentiente in Opatow confirmatus, et in Calisien Ecclesia consecratus, Polonus genere ex Familia nobili Corabitarum ortus ~

Sobieslaus Bohemiae Dux Othonem ex Moravia pellit, et in pugna postea occidit Imperatorem Othonis partes frustra defendente ~

Inter Bohemiae Duces Sobieslaum et Othonem pro Ducatu Bohemiae indies gliscente amulatione, Sobieslaus cum potentia in Moraviam veniens, sorte quam in Moravia Otho habuerat, eum eiecit, et eam Wratislao filio Odalrici in possessionem tradit. Otho autem conspectum Sobieslai fugiens, ad Lothargium Romanorum Regem confugit, petito ab eo subsidio et obtento, cum redisset habens Lothargium Romanorum Regem secum, circa Oppidum Chlumek praelio inito non victus Otho solum, sed occisus est. Plures de Almanis aut occisi aut capti, Ipse quoque Lothargius Romanorum Rex suis ex acie cadentibus fugere coactus, primitias Imperii sui clade insigni et turpi fuga fadauit ~

Anno Domini 1177.

*Boleslaus ex Adleyda filium
Boleslaum Crispum suscepit ~*

Consors Boleslai Polonorum Ducis Adleyda et soror germana Henrici Imperatoris quinti nuper defuncti, alterum infantem Boleslao effudit, et maiorem de morte fratris Imperatoris Henrici conceptum, nova filii natiuitas temperavit. In baptismo puer patre iubente paternum et avitum nomen sortitus, Boleslaus accepit. Qui ab ipsa infantia Caesariem a natura Crispam nactus etiam ex re cognomen adeptus, Boleslaus Crispus (tempore procedente) vocitatus est.

*Ossa Diui Adalberti ex abdito
loco in apertum depromuntur.*

Latebant usque ad ea tempora beati Adalberti Martyris et Pontificis Gnesnen, olim Pragen, ossa in Gnesnen Ecclesia occultissimis locis, ne a Bohemis aut aliis nationibus raperentur, scrupulose condita, et accuratissime custodita: quorum locum non nisi soli Gnesnen Archiepiscopo et paucis Prælati et Canonicis scire et nosse concessum erat. Verum Metropolitanus Gnesnen Jacobus, communicato consilio suorum Prælatorum et Canonorum Gnesnen, inspiratione Diuina permotus, non tulit ut ossa beati viri amplius in occulto delitescerent. Et proinde septimo Calen Martii, primum caput præfati Sancti Adalberti, deinde uniuersa sacri corporis ossa, ex abditis locis in lucem et in publicum pro consolatione Regni Poloniae et Polonorum uniuersorum, produxit, et ad colendum fidelibus uniuersis, perinde ac si nouiter reperta essent, ostendit et releuauit.

Grandæus ætate et senio confectus Laurentius primus Posnaniensis Episcopus, fato absumitur, dum annis uno et viginti sedisset, et in Ecclesia Posnaniensi sepultus, Martinum primum Decanum Posnaniensem, à Capitularibus concorditer electum Polonum genere, de obscura stirpe progenitum habuit successorem. Quem Iacobus primus Archiepiscopus Gnesnen post consensum Boleslai Ducis et Monarchæ Poloniae, apud Lanciciam confirmat, et ad ordinem Pontificalem consecrat.

*Wlodimirus et Boleslaus fratres filii Volodori
Przemislensis Ducis inter se pugnant.*

Clandeslinæ simultates et odia inter germanos fratres Wlodimirum et Roscislaus, filios olim Volodori Przemislensis Ducis exortæ, ad tam graues detestandasque prodire inimicitias, ut Principibus suis crudelissime vastatis, unus alteri mortem et excidium machinaretur. Et quo id facilius perageret, externorum subsidia uterque quaesivit. Wlodimir Pannoniorum, Roscislaus Ruthenorum. Hungaris autem serius Wlodimiro auxilia quæ implorauerat ferentibus, Roscislaus nactus Ruthenorum auxilia vult Mscislai Kiouien Ducis, ac Gregorii et Iuanii Vasvilkowicz, contra Wlodimirum veniebat. Interim verò per Barones et milites de pace inter fratres componenda agi capit. Qui cum apud Szarecz pluribus diebus pacem componere laborassent, re infecta ad arma reditum est. Et Roscislaus Przemislensis Dux de potentia suorum

auxiliariorum confidens, fraternali Castrum Smirigrod vallat et oppugnat, facilem eius ratus futuram expugnationem. Sed cum Castrum praedictum a tribus millibus virorum, quos Wladimirus in eo locauerat strenue defenderetur, Roscislaus aliquot militibus de suis desideratis, soluta obsidione discedit. Quam licet cum eisdem potentius altera vice maiori conatu resumpsisset, spei tamen sua videns aduersum respondere effectum (quoniam gentes obsessae Wladimiri eruptione e Castro facta in gentibus suis cedebant stragem) ab obsidione discedit.

Anno Domini 1128.

Lothargius Imperator Conradum Imperi-
um a Hecetantem iusta pugna profligat.

Concordem Lothargii Saxoniae Ducis ad Imperium electionem superiori tempore (Summo etiam Pontifice Honorio secundo id procurante) factam, pauco interposito tempore quidam ex Electoribus rescinde-
re conati, Conradum Ducem Sueciae Sororum germanum Imperatoris Henrici quinti in Regem Romanorum eligunt, pacificamque Almanniam bello-
rum stridoribus inuoluunt (non enim deerant Principes et Barones Almanniae qui adhaesione sua ortum scisma nutrent) Ignominiam autem et iniuriam sibi praeter aequum et meritum illatam Lothargius Rex non ferens, ex omnibus Almanniae terris sua ditioni parentibus, contrahit exercitum, auxiliares quoque Principes in suum auxilium conducent, contra Conradum competitorum suum exercitum ducit. Neque Conradus alter electus detrectat pugnam, quippe et ipse ex plurimis Principibus et gentibus suas partes sequentibus, de hosti-
litate Lothargii non ignarus, copias ad decernendum parauerat. Praelium magno furore partium utrarumque gerebatur, et dum frequentes mortales et pugnatōres nobiles in parte utraque concidissent, ad extremum pars Lothar-
gii praeualuit, et Conrado in fugam cum suis conuerso, Deo aciem iustio-
rem adiuuante, famosam victoriam pluribus de parte Conradi captis, obti-
nuit. Ea quoque clade Conradus fractus, amplius ius suum prosequi desti-
tit, sed communibus Arbitris agentibus, se Lothargio reconciliauit, Cuius reconciliationis beatus Bernardus Clarae vallis Abbas fuisse scribitur prin-
cipalis Mediator.

Sobieslaus Bohemiae Dux in
con sanguineos suos lauit.

Sobieslaus

Sobieslaus Bohemiae Dux post adeptum Principatum, et post relatum de Lothario Rege Romanorum triumphum, in tyrannidem et insolentiam versus, nepotibus suis filiis fratrum suorum, intolerabilis esse capit, & primum quidem Conradum filium Leutoldi fratris Odalrici capti: uans, cum in vincula in Castro Wiszegradien coniecit. Paulo vero post, et in Sobieslaum atque Brzetislaum fratres germanos, filios Conradi Senioris fratris quondam Wratislai primi Regis Bohemiae, cum ne verbo etiam inclementiori, nec facto in eum deliquissent, sola suspitione reos, manum extendit, et utroque capto, ambos captiuitati in Castro Donin recludit ~

*Boleslaus filio suo Regis Dacorum
filiam in coniugem accepit ~*

Boleslaus Polonorum Dux cum notabilibus nunciis ex Regno Daciae ad eum transmissis, apud Wielyen magnificum tenuit conuentum, Vbi Pergeslaum seditiones et furta agentem combussit. & filiam Regis Dacorum, adductam filio suo per Barones Daciae, cum magnifica dote accepit in uxorem, nuptiasque sumptibus profusis celebravit, Baronesque et nuncios Daciae, qui virginem ipsam attulerant, donis plurimis muneratos in Daciam remisit ~

Grauem hostem & aduersarium suum Roscislaum Przemislien Ducem, a quo saepius lacessitus et inuasus erat, Wladimirus Dux de Smiugrod non ferens, in Hungariam cum uxore et familiis transiit. Hungarorum auxilia contra fratrem Roscislaum qualibet arte et ingenio quasiturus ~

BALDWINO Cruszuicien Ep'o obeunte, Swidgerus primus in Pontificatum Cruszuicien succedit, vir generis Almanici, suauium morum, comis et humanus ab Honorio Papa secundo datus ~

Anno Domini 1179.

Boleslaus ductus paenitentia quorundam admissorum facinorum corpus Sancti Egidij in Francia cum magna deuotione uisitat usq.

Facinus suum Boleslaus Polonorum Dux quod in fratre naturali Sbi, gneo necando, & in Scarbimiro Palatino Cracouien excecando, admiserat, quamuis iuxta consilium et commissum Confessoris acta

pœnitentiæ expiasset, Pontifices quoq̃, Abbates, Monachi, & Sacerdotes in vniuersis ferè Regni sui Ecclesiis, hostias et obsecrationes, pro illius expiatione obtulissent: ampliori tamen pœnitentiâ Diuinam clementiam placaturus, peregrinationem ad Monasterium Sancti Egidii in Gallias assumit. Sancti quidem Egidii meritis ex matre sterili se productum memorans, illius etiam suffragio reatus suos quàm maximè confidebat deleri. Quo autè pœnitentiâ atq̃ peregrinatio sua voluntariè assumpta magis efficeret Diuinitatem propiciam & placatam, Quadragesimale tempus omne in magna abstinentiâ rarissime cibos gustans, in pane & aqua ieiunans, cilicioq̃ carnem affligens, huiusmodi quoq̃ cilicio lectus somno præssus, quietem capiens in cinere se volutans, in largiendis eleemosynis, in alendis pauperibus, in ablucendis peregrinorum et miserorum pedibus, in orationibus & vigiliis adeò continuò absumpsit, ut tam dura sua pœnitentiâ pluribus esset in admirationem. Priuato deinde habitu, ne agnosci posset, indutus, Sacerdotibus et Clericis et aliquibus laicis timoratis pro comitibus huius itineris (cuius pauci ex Baronibus erant conscii) assumptis, in Franciam post festum Paschæ, Sanctum Egidium patronum et alumnum suum aditurus, perrexit. Sed nec in peregrinatione huiusmodi de austeritate vitæ quicquam remisit, quinimò abstinentiam semel captam continuans, etiam aliquid illi superaddere studebat. Nam & singulis diebus hospicio egressus, horas maiores Canonicas, & horas beatæ Mariæ Virginis minores, deinde Psalmos pœnitentiales adiungendo, frequentius etiam vigiliis defunctorum addendo, pedibus nudatis deuotus psallebat, nec prius calceis usus est, donec vniuersum horarum officium prædictum expleuisset. Ingenti quoq̃ liberalitate in Deum, Ecclesias, et pauperes usus, nullam Ecclesiam Cathedralem, Abbatialem, Collegiatam, aut Conuentualem, cui donum aliquod in auro vel argento insigne non conferret, reliquit, nullum hospitale, nullum egenum sine consolatione munifica pertransiit. Cùm verò ad Monasterium Sancti Egidii ventum esset, Abbas loci iam de eius aduentu certificatus, processione honoris (quem sibi Dux deferri molestè ferebat) eum excepit. Ipsam autem Monasterii Ecclesiam ingressus, ad locum tumuli Sancti Egidii cùm magnarum lachrymarum effusione se prosternens, gratiarum actiones Sancto Egidio, quòd eius merito æditus, quòd eius suffragiis in multis victor euasisset, et tanto tempore viuens suū venerandū sepulchrum adiisset, celebrabat. Quindecim tandè diebus in maxima deuotione et abstinentiâ, ita ut Monachos religione vinceret in Monerio Sancti Egidii, magna charitate Abbate et fratribus cum tractantibus, demoratus, dona excellentiâ Sancto Egidio et Monerio suo relinquens, eodem religionis, deuotionis et liberalitatis in redeundo quem in eundo præstiterat, seruato tenore, sospes in Poloniam reuertitur. Et maximo

gaudio, maximaque hilaritate ab Ecclesiasticis & Sæcularibus, saluum illum
votique compotem ex tam longinqua peregrinatione reuersum esse latantibus,
exceptus est ~

Msczislauus Kiouien' Dux, cui frater suus Laropelcus Pereaslauien' Dux
in eundem Principatum successit, moritur. Kiouien' ultro pro Laropelco
nuncios mittentibus, et illum cum gaudio et honore excipientibus ~

Wladislaus primogenito Boleslai Polonorum Ducis ex Cristina Ducissa na-
scitur filius, qui Miecyslaus nomen sortitus, etiam Lasconogi ob proceri-
tatem libiarum cognominatur ~

SEptima die mensis Mayi Simon Epus Plocen', dum annis uno et viginti
sedisset, epatis dolorem incurrere moritur, et in Ecclesia Plocensi sepeli-
tur. Cui æquè bonus vir Alexander natione Polonus genere nobilis de
Domo et Familia Dotaga, per electionem Canonicam successit, instante &
consentiente Boleslao Duce Polonorum & Monarcha, à Iacobo Gnesnen'
Archiep'o confirmatus et consecratus ad Cathedram Plocen'. Meminit
& huius Vincentiana Chronica, et singulari laude eum efferens, scribit.
Masouiam Consiliis esse fortem & uernantissimam militiæ flore et Maie-
state. Inter cuius Primores homines Alexandrum Plocensem Pontificem, suma-
dignum admiratione duco, qui tam diuersis ac summis rebus sufficere potuerit:
idem agnus et leo, idem lupus et Dux gregis, idem Præsul & Miles, simul arma-
tus & deuotus, ut inter iuges armorum excubias, nil quod suum erat deuotio-
nis neglexerit. Magnus quidem Alexander Macædo in præliis, sed in Di-
uinis obsequiis maior Alexander Plocensis Epus. Nam ut extructas ab eo
basilicas alicuius inuidiæ silentio prætereant, irreligiosius quo pacto æstima-
bitur, qui tam conspicuum beatæ Virginis templum à primis fundamentis ere-
xit et consumauit: quod non solum intrinsecis et Spiritualibus dotauit et locu-
pletauit apparatus ac ornamentis, sed etiam armis muniuit materialibus, et ne-
cessariis undique communiuit et sepiuit præsidii ~

Anno Domini 1130.

Boleslaus Polonorum Dux postquam rediit ex
Francia, Sepulchrum Sancti Stephani in Alba Re-
gali uisitat, postea corpus Scti Adalberti Gne-
sinae magnificis oblationibus honorat ~

Peregrinatione Sancti Agidii in Galliis votiue obita, in aliam rursus
Boleslaus Polonorum Dux, scelus suum maiore qua poterat paenitentia
purgaturus, & superiori fatigae aliam rursus adiecturus, se conuertit,
& ad sepulchrum beati Stephani Hungariae Regis (cuius corpus in Oppido
Albae Regalis Diocesis Vesperimensis requiescit) pedestri itinere ire perre-
xit. Quem ad huiusmodi peregrinationem pergentem, longus Ecclesiasticorum
& Militarium de Regno Poloniae ordo sequebatur. Adhaec & comitatus
& Ducalis suppellex in quadrigis et euectionibus ducebantur, non enim sub
habitu dissimulato ut priorem, sed notorie Boleslaus Dux peregrinationem
hanc peragebat. Stephanus autem Hungariae Rex et Socerum & ra-
rum hospitem honoraturus, plures milites, familiares, & Curien suos, qui Du-
cem Boleslaum cum suis omnibus, et hospitiis exciperent, et omnibus necessa-
riis abunde tractarent, praemittens, ipse quoque Stephanus ad Budam ei occur-
rit, & magno honore Socerum suscipiens in Albam Regalem usque perduxit,
pluribusque donis se et Socero dignis Boleslaum Ducem & comites sui itine-
ris munerans, etiam eos qui redeuntem iisdem officiis prosequerentur in fre-
quenti numero adiunxit. Boleslaus autem Polonorum Dux corpore sacro vi-
so et adorato, Collegiatis & Conuentualibus Ecclesiis, per quas illum
transitum facere contingerat, Ducalibus et munitis donis largitis, in Polo-
niam regrediebatur, Pontificibus & Baronibus Hungariae, certatim illum
diuertere per multas preces in sua domicilia atque loca cogentibus. Quorum
petitiones repudiatum iri turpe putans, et in eorum aedes descendens, agere fere-
bat in peregrinatione pro maceratione et afflictione carnis, suscepta, se splen-
dide tractari, cum in excipiendo eo Pontifices et Barones Hungariae, variis
officiis & amulatione certarent. Racouiam tandem reuersus, quamuis
defatigatus et anhelans, Gnesnam tamen rursus, beati Adalberti Marty-
ris et Pontificis gloriosi, Patroni quoque Regni sui honoraturus & visitatu-
rus limina, contendit. Et quanto Urbi Gnesnen propinquior erat, tanto nu-
do pede iter faciendo, maiori se deuotione & afflictione, fletibus etiam
frequentibus rigans, ora astringebat. Quo cum peruenisset, multis diebus
ad sepulchrum Sancti Adalberti, deuotione singulari intentus, dimitti sibi
scelus suum prostratus, cum lachrymarum profluvio precabatur. Octogin-
ta deinde Marcis auri purissimi, lapidibus insuper gemmisque rari precii et
rarae quantitalis, pro fabricando Sarcophago corpori sacro, oblati, Pontifi-
cibus quoque, Canonicis & Ecclesiasticis personis, Barombus, Militibus,
& singulis qui una secum tunc erant, de nobili indumento vestiti, omnibus
quoque Ecclesiae Gnesnen ministris, ita ut nec Sanctuarios negligeret, do-
natis inde discessit ~

SOBIESLAUS Bohemiae Dux plures Bohemicos Barones & praeser-
tim de cognatione Visouicen, quosdam etiam familiares et charos suos & Cu-
rien de nece sibi ex subordinatione Brzetislai nepotis sui filii Contradi
quem ceperat et captiuum tenebat, inferenda, insimulatos, vario mortis et
penarum genere consumpsit, et Brzetislaum Ducem et nepotem miserabiliter
excacat. Adeo insuper insimulatio ipsa in plures perducta fuerat, ut etiam
Menhardum Pragensem Epum et nonnullos Ecclesiasticos contingeret.

Anno Domini 1131.

Boleslao Polonorum Duci Cazimirus fi-
lius moritur, et Mieczslaus nascitur.

Primogenitus Boleslai Polonorum Ducis Cazimirus ex Adleyda so-
rore Henrici quinti Romanorum Imperatoris, susceptus, cum ex con-
tinua aegrotatione debiliior sensim efficeretur, tandem morbo ingra-
uescente, mortuus, magno Boleslaum parentem luctu et dolore confecit. Sed
cum Ducissa filia Romanorum Regis, alium peperisset infantem, cui in ba-
ptismo iussu paterno, Mieczslaus nomen datum fuit, dolor parentum al-
leviatus est. In tantam autem Mieczslaus infans tunc natus, prudenti-
am industriamque successu temporis euaserat, ut cunctis compositos eius
mores modestiamque et sapientiam, in aetate nondum matura relucentem,
mirantibus, cognomen Senis a maturitate inditum fuerit.

Stephanus Hungariae Rex & Boleslai Ducis Polonorum gener, filius
Colomani, cum annis decem et octo, Mensibus quinque Hungariae Regnum
tenuisset, moritur, & in Varadino sepelitur. In cuius locum Hungari filius
Stephani iusto Dei iudicio (cum auus eorum Colomanus, in aetatem infan-
tilem deliquisset) contemptis et neglectis, Belam caecum filium Almi, quem
Colomanus Rex successurum, neglectis suis filiis et nepotibus, veritus,
de gremio materno, dum adhuc infans esset, ereptum, cacauerat, in Re-
gem assumunt, & Albam Regalem deductum quarto Idus Calen May,
coronant. Hic procedente tempore cum ex Helena filia Imperatoris Con-
stantinopolitani quatuor filios, videlicet Geyslam, Wladislaum, Stephanum,
et Almum suscepisset, instigante uxore, sexaginta octo Barones & Nobi-
les, qui suae cecationi suggestionem et consensum dedisse ferebantur, capite
damnauit, et progeniem eorum exterminari praecepit, bona vero Ecclesiarum
Cathedralibus distribuit.

Honorius Papa secundus, cum annis quinque, mensibus duobus, diebus tribus
sedisset, moritur, & in Ecclesia Sancti Iohannis de Laterano, quæ et Con:
stantiana vocatur, honorifice tumulatur. Post cuius mortem grandis in Ec:
clesia Dei turbatio, propter discordem Cardinalium electionem, secuta est.
Maior enim et senior pars, Innocentium secundum natione Romanum ex pa:
tre Ioanne, pro vero Summo Pontifice elegit: minore parte, Petrum Leonis
qui se Anacletum vocari iussit, eligente. Cum autem Petrus Leonis poten:
tior esset, dum et Romanorum maior pars, & Rogerius Siciliae Dux partes
suas promoueret, Innocentius cum suis Cardinalibus in domibus Frangepanen:
sium in Coliseo se tyrannidem Petri euasurus, recolligerat. Verum cum ty:
rannis Petri diutius cresceret, Petrus quoque ipse Ecclesiam Sancti Petri Cru:
cifixo aureo, & duodecim Coronis, reliquoque thesauro et cæteras Urbis Ec:
clesias spoliasset, thesauro quoque ipso multos Romanorum corripuisset, ve:
ritus Innocentius, ne ab eo, inualescente potentia, caperetur, in Franciam per
mare transiit. Vbi partem Petri Leonis in Claro monte concilio congrega:
to, damnat, & Lothargius Romanorum Rex, de auxilio sibi ferendo re:
quisitus, illud promptè & deuotè obtulit se præstiturum. De quo Papam
Innocentium per solennes Nuncios vult Cunctadum Viuamensem, & Ekiber:
tum Monasteriensem, Episcopos, certificat.

Anno Domini 1137.

Boleslaus Polonorum Dux cupiens reponere
in paternas Sedes filios Stephani Regis, cum
exercitu Hungariam petiit, et victor in pugna
euadens, cum iam Budam peteret audita depopu:
latione Regni sui Polonia per Sobieslaum Du:
cem Bohemiae facta, ad tuenda propria rediit.

Filii Stephani Hungariae Regis, à successione Hungarici Regni Be:
la cæco coronato, exclusi, & ne extremum aliquid pati cogerentur,
pauore constricti, cum matre sua Ludithe, filia Boleslai Polonorum
Ducis, & nonnullis Hungaris partem eorum secutis, ad Avum Boleslaum
Polonorum Ducem veniunt, vitam, ne eriperetur seruaturi. Quorum pupilla:
ri conditioni Boleslaus Polonorum Dux consulturus, & pupillos in Regnum
patrium reducere parat, expeditionem in Hungariam parat, eo quidem facilius,
quanto nulla suberat vicina hostilitatis in Domina sua suspicio, verum suæ

credulitati dispar effectus respondit. Potentiam enim suam Bela Hungariae Rex veritus, cum Sobieslao Bohemiae Duce fœdus contra Boleslaum Poloniae Ducem inuit. Quod à Sobieslao & Bohemis eo minus cunctanter iectum est, quo magis ad bellum Poloniae inferendum proclives erant. Horum omnium quæ contra se gerebantur, Boleslaus Polonorum Dux ignarus, cum magnis copiis in Hungariam ingreditur, et eam vastat & perurit. Cui cum exercitus Hungaricus, presentia Alberti Marchionis Austriae qui sororem Belæ habuerat, & suorum gentium robore adiutus, vastationem et exustionem Regni prohibiturus, à Bela Rege missus, in Scepusio occurrisset, durum prælium inter utrosque conferitur. Feruente deinde pugna, Hungarorum & Almanorum res, deteriori loco esse capit, & his qui in primis ordinibus erant victis, reliqua multitudo, cui Boleslaus Polonorum Dux parci iussit, sine ullo negotio in fugam acta est. Ad Budam ergo Boleslaus Polonorum Dux exercitum suum ducturus, iam penè medium iter exegerat, cum Sobieslaus Bohemorum Dux iuris hospicii, iuris quoque affinitatis, quæ a Boleslaum Poloniae Ducem contingebat, oblitus, fœderi cum Bela Rege Hungariae iecto satisfactorius, Poloniae Regnum ingressus, illud in regione Wratislaviensi peruasat, depopulatur, et exurit. Quod nouum ad Boleslaum in Hungariam perlatum, diu, quid ageret, quouè exercitum duceret, aut verteret, deliberantem in ambiguo tenuit. Vicit tandem vicinior et utilior causa, Polonis omnibus salius propria quàm aliena tueri conclamantibus, ex Hungaria reditum est, non sine filiorum Stephani Regis (qui & ipsi iam tunc in Castris cum auro militabant) magna tristitia & dolore. Ac contra Sobieslaum quidem Bohemiae Ducem directiore via Hungaria relicta eundem erat, sed agmen graue, longum etiam terrarum spacium emensum, tardius progressum, Sobieslao Duci spacium dedit, ut secum suis & præda in Bohemiam reciperet ~

IAROSLAO et Andrea Ducibus Castrum Kijou cum gentium suarum robore obsidentibus. Iaropelcus Dux Kijouien, per tractatus & Consiliarios communes pacem inuit cum eis, et dat Andrea Pereaslaw, et Iaroslao Swiatoslawicz Wladimiriam ~

PRODVXIT & hoc anno Ducissa Polonorum consors Boleslai filium. Qui in honorem & memoriam, & Aui Henrici, & Auunculi sui Imperatoris Romanorum Henricus primus appellatus est, eo quod in Genealogia Regum et Principum Poloniae id nomen primum tum inditum est, ne stirpis Caesarum Henricorum penitus obliteraretur memoria ~

Anno Domini 1133.

*Boleslaus iterum Hungariae Regnum inua-
dit. Interim vero Sobieslaus ad tricentas
villas in Slesia et Polonia exurit. Quod
ulciscens Boleslaus Moraviam late depopu-
latur, et onustus praeda in Poloniam reuertitur.*

*In bellum Bohemiae inferendum Boleslaus Polonorum Ducem, ma-
gno conatu, magnaque et iusta ira intentum, filium Stephani Hunga-
riae Regis, et nonnulli Barones et Nobiles Hungariae, qui Be-
la Rege deserto, ad filios Stephani Hungariae Regis se contulerant, ma-
gnis precibus expugnatum perducunt, ut cum his gentibus quas contra Bo-
hemiam parauerat, in Hungariam potius traiceret. Provincia itaque Wra-
tislauiensis, militibus ad opponendum resistantiam Bohemis relictis, ipse in
Hungariam cum copiis ire pergit. Sub aduentum suum multi ex Hungaris
milites, continue ad filios Stephani Regis, Bela deserto deficiebant.
Iamque parte filiorum Stephani continue crescente, Bela in Castrum Wisze-
grod, obsidionem toleraturus confugerat. Sobieslaus interim cum omni-
bus Bohemiae et Moraviae copiis, in Poloniam ingreditur, et Wratistlauiensis
milites impetum eius se non posse sustinere rati, in Castra et campo dilabun-
tur, Sobieslaus autem Bohemiae Dux, beneficia Boleslai Polonorum Du-
cis, quibus illum olim exulem et calamitosum, fratris sui Wladislai Bohe-
miae Ducis conspectum fugientem, obligauerat, uberius repensurus, Mona-
steriis plerisque et Ecclesiis, ac trecentis et amplius villis in Slesia et
Wratistlauiensis regione, una cum aedibus sacris incendio absumptis, praeda etiam
pecorum magna et spoliis abducta, in Bohemiam rediit. Tam fœda exustio-
ne terrarum suarum Boleslaus Polonorum Dux ad se perlaia, bello Hungari-
co omisso, versus Moraviam transiit. Et magna parte Moraviae feroci et
continua flamma vastata, praedam etiam ingentem hominum et captiuorum
atque pecorum secum abduxit. Eius autem discessu, rebus filiorum Step-
hani Regis infectis et penè prostratis, Solium Bela caeci Regis, partem suam Di-
uinitate iuvante, prosperatum et stabilitum est. Nec addit amplius Bolesla-
us Polonorum Dux ferre illis auxilia, propriis bellis frequentibus occupatus,
Non solum etenim Sobieslai Bohemiae Ducis, sed et Lotharii Romanorum
Regis, hostilitatem verebatur, qui a Bela caeco Hungariae Rege per nuncios,
quorum Petrus Albae Regalis Praepositus Princeps erat, et per magni precii mu-
nera sollicitatus, assistentiam suam illi contra Boleslaum Poloniae Ducem,
et nepotes eius Stephani Hungariae olim Regis filios, promiserat.*

Decimo septimo Calendas Aprilis Petrus Dacus Comes de Skerzin fundat Monasterium & Ecclesiam quadrato lapide fabricat, ordinis Præmonstra- tensis in villa sua Stizelno Cruszuicien Diæcesis. Cui quidem Monasterio præfatam villam suam Stizelno contulit cum pluribus alijs villis in dotem. in die Dedicatõis Ecclesiæ præfatæ. Quam in præsentia Bernardi Episcopi Lubuceñ & præfati Petri Comitis Smidgerus Epus Cruszuicien peregit, dedicando prædictam Ecclesiam Monasteriũ in honorem & titulum Sanctæ Crucis, & Sanctæ Mariæ Virginis.

Anno Domini 1134.

*Boleslaus Bohemiam in parte maxima
depopulatus cum non posset Bohe-
mos ad pugnam euocare domum re-
dit Quem prope sublecutus Sobie-
slaus fines Poloniae deprædatus est.*

DUPLICEM Regni sui Poloniae vastationem à Sobieslao Bohemiae Duce in multifariorum beneficiorum, quæ à Boleslao Polonorum Duce susce- perat, vicissitudinem, patratam, Boleslaus ipse Polonorum Dux, mo- lestissimè ferens, omnibus terrarum suarum potentijs congregatis, ascitis insu- per plurimis de Russia auxilijs, terram Bohemiam potenter ingreditur, & eam usq; ad flumen Albim, vastat depopulatur & exurit. Et quamvis Sobie- slaus Bohemiae Dux frequenter missus esset, cum Boleslao decertare, et ter- rarum suarum vastationem exustionemq; prohibere, vires tamen suas asti- mans & cum hostibus conferens, dum eas comperisset longè Polonorum viribus inferiores, in apertum & uniuersale prodire certamen, suorum certam subse- cuturam cladem ratus, non ausus, exercitum Boleslai Polonorum Ducis, ex insi- dijs & iniquis locis, pabulatores præsertim, & eos qui à Stationibus longius pro- grediebantur, laceßebat. Boleslaus verò Polonorum Dux, & tum & pluri- bus alijs vicibus, ingenia Bohemorum expertus, sentiens quoq; hostem de propin- quo ad se offendendum succedere, cum magna in omnes partes cura, coacto agmi- ne procedebat, incendium vicorum, villarum, & oppidorum quoad longius poterat extendendo. Magna igitur parte Bohemiae depopulata & exusta, dum neq; vastandis agris neq; vrendis tectis, cum non villæ solùm, sed fre- quentes quoq; vici incendijs fumarent, Boleslaus Polonorum Dux Bohemos ad pugnam elicere posset, cum præda et captiuis in Poloniam feliciter remeauit. Grauius eam ignominiam & exustionem Sobieslaus Dux Bohemiae ferens

Bohemis & Morauis in quanto maiori poterat numero contractis, Polonico exercitu in diuersa loca abeunte & disperso, in Poloniam ingressus agmine citato et torrenti, nonnullos vicos & villas Bohemicali orae viciniores et versus fluium Odram porrectos, tumultuario magis quam iusto bello (Boleslai enim reditum verebatur) vastauit. Nec Boleslaus vastationem tam repentinam prohibere potuit, & militibus in sua data licentia dilapsis, & anno iam in hyemem producto.

Laropellus Dux Kiouienlis dum rebellionem parat, a Petro Wloclzouicz astu captus, Duci Boleslao praesentatur. Ita obuiatum est defectioni.

Ruthenorum interea Principes pluribus clandestinis Conuentibus Laropellus ko Wladimiromicz Principe Kiouien' auctore, celebratis, de excutiendo iugo quo haecenus a Boleslao et Polonis tenebantur astricti, frequentibus deliberationibus consultabant. Inter quos auctor repelendae libertatis Laropellus Wladimiromicz Princeps in hunc modum disseruit. Graua, inquit, iugum quod haecenus pertulimus, quodque perpetuo in filiis et nepotibus nostris, nisi hoc tempore aliquo modo nobis perspectum fuerit, lauri sumus, magna nos et uniuersum genus nostrum ignominiae labes oppressit: cum ex ingenuis & liberis in seruillem conditionem reducti, & tributa Polonis pendimus, & bella externa cum Hungaris et Bohemis, periculo nostrorum capitum, procul a domo, procul a patria cogimur suscipere, & sub ductu & auspiciis alterius ritus Principis militare, non sine nostra irrisione & contemptu. Et si autem superiori tempore eam contumeliam metu ferre oportuit, ne Boleslai & Polonorum armis, maioribus quam ante cladibus inuoluti praeeremur, Nunc tamen Boleslao et Polonis Bohemico & Pannonico bello occupatis, cum a tergo et fronte grauis et potens urgeat hostis, ea nobis occasio, quam saepe venturam precabamur, oblata est, per quam si originis atque ingenuitatis nostrae reminisci volumus, facile iugum excutiemus et in libertatem nos atque patriam nostram vindicabimus. Neque enim Boleslaum Polonorum Ducem ad tria bella simul gerenda suffecturum credi fas est, si Hungarico & Bohemico bello nostrum tertium accesserit, & postquam constituerit Ruthenos, per quos haecenus tam Bohemis quam Hungaris formidabilis fuit, sibi rebellasse, & ex auxiliariis hostes factos esse. Itaque me auctore, me Duce restituite vobis & liberis atque posteris vestris libertatem, ne nos, qui in libertate genti eramus, in seruitute consenescere et hanc ignominiosam sortem posteris nostris relinquere contingat. Huic orationi cum facile omnes Primores assensi fuissent, omnes concorditer in rebellionem opportuno tempore patefaciendam, conspirant, et ne prodi intempestiue

posset, coniurant. Non tamen coniuratio ipsa tam sincere seruata est, quin ex templo ad Boleslaum Polonorum Ducem, eius omnis tenor & ordo perueniret. Nam ut sunt Ruthenorum fluxa ingenia, facile perfluunt, & secretum inter eos per-
rarum est, quod castius seruaretur. Mouit ea nouitas Boleslaum, et plurimam illi, ne tot bellis uno & eodem tempore implicitus, periculisque subiaceret, curam excitauit. Consiliariis itaque celeriter accersitis, quid agi in tam periculoso ne-
gociò placeret, perquisiuit, & variis varias sententias dantibus, à singulis ta-
men consiliens Ruthenorum conspiratio, nisi celeriter opprimeretur, ingens vultus statui Reip. allatura concludebatur. Erat inter Poloniae Barones Pe-
trus Wloszowicz Comes de Xiasz, in quo inter alios Ducales Consilia-
rios, vis animi consiliique uigebat supra ceteros, is sententiam iussus dicere. Fru-
stra ramos & sarmenta ab arbore decutienda dicebat, scilicet & radice non
succissa, nec posse undas atrescere, riuo et originali fonte defluente. Super
fluum deinde subinferebat, cum Prouinciis Ruthenorum rebellionem meditan-
tibus, bella suscipi, si rebellionis et conspirationis auctor, & omnium malorum
commentator, Princeps Jaropelcus Wladimirowicz prius oppressus non fuerit,
tunc enim omnium aliorum Ruthenorum molimenta cessatura. Ei sententia
cum omnes fuissent assensi, Petrus ipse negotii consiciendi onus, Boleslao Polo-
norum Principe illum multiplicibus impensis adiuuante, suscipit. Ut autem nego-
cium quod confecturus erat, facilius procederet, & uoluum consequeretur exi-
tum, calliditate & ingenio uastro opus erat. Itaque Petrus Wloszowicz Co-
mes de Xiasch, paucis fideis comitibus, & eorum quae agenda erant penitus
ignaris, coassumptis, ad Wladimirum Principem (cum uultum et habitum gerens,
qui tristem eum & aliquid passum signabat) accessit. A quo cum causam iti-
naris Princeps Jaropelcus curiosius sciscitaretur, exulem se, & Boleslai Polo-
norum Ducis, frequentibus iniuriis & grauaminibus lacescitum, asseruit. Ad
postremum autem ne quid grauius in se consuli experiratur, uoluntarium exi-
lium elegisse, ad Principem cuius sibi & comitas & humanitas dudum nota
esset, declinasse: precari, ut se suscipere & consouere non aspernaretur. Gra-
tus fuit Jaropelco Duci Russiae Petri Wloszowicz aduentus, opportunoque tem-
pore, quo destinatam rebellionem executuri erant, illum sibi uelut Diuinitus mis-
sum ascribebat accessisse. Suam quoque accesionem magnum suis rebus praesta-
re debere adiumentum, unde & rebellionem conceptam maturius se posse per-
ficere praetendunt, Petri quoque Wloszowicz exulis, & Boleslai & Polonorum
hostis ductu & consilio bello se accingunt, Boleslaum et Polonos aggressuri.
Saepius autem Petrus Wloszowicz à suis familiaribus, quanam causa eum in
exilium egerit, cum ipsi nullam nossent intercesisse, sciscitantibus, quictos eos
esse, & nullis amplioribus quaestionibus super hac re impeti, atque sub tacitu-
ritate & silentio rei à se agenda euentum operiri iussit, ut ubi facto opus

esset, confestim armati paratiq̄ existerent. Opportuno itaq̄ tempore dum Principem Jaropelcum Wladimirovicz, paucis comitatu pransum sedisse conspexit, explorato, suis ut arma capessere edixit, Jaropelcum, dicto parentibus, atriumq̄ ubi Princeps accumbebat ingressus, hostem se pro hospite professus, corripit. Et resistere conantem humo sternit, coniectumq̄ vinculis in Poloniam celeri cursu, omnibus fluuiis, quorum sibi nauigia antè prouiderat, superatis, transportat. Et pro fatali et insigni munere Boleslao Polonorum Duci præsental. A quo benigne et in consiliis et in contritionibus laudatus, quod solius sui capitis periculo, grande bellum à patria auertisset, multis etiam possessionibus atq̄ muneribus pro tam insigni facinore nobilitatus est. Wladimirovicz Principis captiuitas ceteros Russiæ Principes et Barones, prodita coniuratione, et nonnullis aliis, qui causam coniurationi præsiterant, castigatis, in fide continuit, et bellum magna iam ex parte ordiri captum dissoluit.

Anno Domini 1135.

Lothargius Romanorum Rex dum
inter Polonia et Bohemia Ducem pacem
ponere nequit treugas trienales firmat.

Maioribus copiis, maioreq̄ instructione et apparatu in bellum Bohemicum Boleslao Polonorum Duci, ultum suas iniurias profecturo, littera et nuncii à Lothargio Romanorum Rege afferuntur, quibus Boleslaus ipse benigne petebatur, ut obmisso bello Bohemico, ad se venire personaliter non cunctetur, offerens se inter eum et Ducem Bohemiae Sobieslaum æquis conditionibus pacem compositurum. Lothargio enim Romanorum Regi prædicto, in Italiam ad res Ecclesiæ turbatas ordinandas, et pro adeptione Imperialis Coronæ ituro, à Sobieslao Bohemorum Duce suggestum fuit, ut dissidium horrendi belli, prius inter se et Polonos tolleret, neq̄ enim modum se reperiaturum, quo Lothargium in Italiam proficiscentem debito et suis gentibus subsidio iuuare posset, bello vicino implicatus. Boleslaus itaq̄ Polonorum Dux Lothargio Romanorum Regi, suaq̄ fauorabili inuitationi, cum id frequens Polonorum consilium probaret, gesturus morem, in comitiua notabili et insigni ad Lothargium Romanorum Regem in Almanniam ad Bamberg transiit. Quò cum una et Sobieslaus Bohemiae Dux aduenisset, pluribus diebus de pace, inter Boleslaum Polonorum, et Sobieslaum Bohemiae, Duces, reformanda, Lothargio Rege mediante, casso labore certatum est.

neqꝫ pax æquis conditionibus, utroqꝫ Duce plus iusto suas æstimantē iniu-
rias, componi poterat. Ne tamen negotio infecto, & plus animis his, quæ
utrinqꝫ iactata fuerant, probris irritatis, quā pacatis, discessio Ducum fie-
ret, ipse quoqꝫ Lothargius ne Bohemicali subsidio frustratus foret, prudenti
consilio usus, Boleslaum Polonorum Ducem instantiis et precibus multifariis,
peruiciti, ut bellum triennali treuga, quoad ipse ex Italia rediret, suspende-
ret. In hanc itaqꝫ conditionem Boleslaus Polonorum Dux Romanorum Re-
gis Lothargii desideriis pertractus, sufferentias triennales, auctoritate Lo-
thargii firmatas, acceptat.

*Petrus de Skrzin Comes Saxeam co-
lumnā in cimiterio Coninen' locat.*

Constat insuper Petrum præfatum Comitem Skrzinen' ingentis animi &
spiritus virum extitisse, & pro amplificanda exornandaqꝫ Polonorum
regione, charam, et homine magnifico & liberali dignam, monstrasse
curam. Qui cum duas amplas Prouincias, Calisiensem vñ & Cruszuicien'
suo regimini à Duce Boleslao Krziuousti commissas, administraret, et fre-
quentia itinera de una in alteram perageret, longitudinem itineris, qua una
distabat ab altera, mensus, in earum medietate Columnam de saxo quam eti-
am in præsentiarum in Cimiterio Ecclesiæ Parochialis in Konin cernimus,
locari disposuit, Cui etiam ea Metra insculpi iussit. De Calisch hic me-
dium in Cruszuiciam fore punctum. Indicat ista via formula iustitiæ.
Quam fieri facit Petrus, Comes Palatinus.

*Boleslao Polonorum Duce ad
Imperatorem profecto, Laropol-
ci filius ordinato proditore Hun-
garo, qui ad Boleslaum confuge-
rat Villiciam capit et omnibus in
ea crudeliter necatis exurit.*

Petri Wloszowiez Comitis de Xiasch Vasfrices, quanto maiorem
Rebuspub. Polonorum, Laropelco Wladimirowicz Principe dolo capto,
tranquillitatem afferre visa est, tanto illas altiori deinde casu & præ-
cipilio afflixit & pessundedit, pro iure hospicii iureqꝫ gentium, quod à Petro
Comite de Xiasch publico consilio inito fædaturū violatumqꝫ erat. Laropel-
ci namqꝫ Kiiouien' Ducis filius Waszilko, calamitatem paternā leuaturus

et in libertatem illum restitutus, omnibus quos habere poterat thesauris congestis, dato precio, quod Boleslai arbitratu impositum fuerat, patris procuerat redemptionem. Dum vero aperta vi, suas et patris iniurias ulcisci se non posse cognosceret, pari dolo pariq; prodicione, qua pater suus precipitatus fuerat, usus, Hungarum quendam inter suos genere & dignitate praestantem, ad peragendum facinus (quo minus suspicionis de homine externa gentis esset, cum de quolibet Rutheno aperta fraus deprehendi facile posset) magnis donationibus, maioribusq; promissis pellicit et subornat. Pannonius itaq; ille ad Boleslaum Ducem in Poloniam confugiens, multis se a Bela Hungarorum Rege, pro eo quod partes nepotum suorum filiorum olim Stephani Regis constantissime prosequeretur, turbatum iniuriis, ad extremum singulis bonis quae in Hungaria obtinebat exutum, & nisi fugam praecipasset neci destinatum, mentitur. Ad Boleslaum, filiorum Stephani Regis (gratia quorum haec illi acciderant) Avum & Curatorem, cum sibi ceteras regiones vicinas, propter potentiam Bela Hungariae Regis, videret obstructas confugisse. Nullam fraudem nullum dolum in verbis suis Boleslaus Polonorum Dux suspicatus, cum actiones suae transactae, quibus Boleslaus Duce rem filiorum Stephani in Hungaria prosequente, partes nepotum eius adiuvaret, fidem dictis astruerent, Hungarum suscipit, verbis suis virtutem & fidem sinceram inesse ratus. Praestruit itaq; sibi Pannonius in parvis fidem apud Boleslaum Ducem, ea tamen calliditate, eo animo & respectu, ut cum opereprociuum videret, magna mercede illum fallat atq; circumueniat. Itaq; Dux non solum ad gratiam benignitatis, sed & ad conuictum et secretorum arcana illum admittit, quoniam morum suorum vicia, sub umbra eloquentiae & obsequendi promptitudine latentia, non facile poterant deprehendi, Urbemq; illi Wislicensem cum villis & possessionibus circumiacentibus, pro manutenendo statu suo liberaliter consignat. Urbem ea tempestate populosam & famosam, cuius naturalem & inexpugnabilem situm, fas est mirari, cum in medio amnis Nida iam tunc latissimi, & aliorum fluviorum incursione augmentati, paludinosi insuper & penitus stagnantis, in Coronae modum in saxo posita, ad omnes impetus hostiles facile repellendos, arte naturae uberrime sit munita. Existimante Boleslao Duce & Proceribus Poloniae, animo illum gerere, quod mollibus & mellifluis prohi dolor offerebat labiis. Boleslao itaq; Polonorum Duce in Almanniam ad Lotharium Romanorum Regem (prout in superioribus monstrauiamus) reformandae pacis gratia cum Bohemis diuertente, Pannonius ille nullum aptius tempus ad fraudem conuentam exequendam prouenire posse ratus, fraudem ipsam exequi pergit, quam tali ordine consumauit. Vulgauit siquidem pro comperito se et ex literis, & ex nunciis accepisse, Duces Russiae cum omnibus

copiis populorum suorum, patefacta rebellionē consurrexisse. & concito gradu Poloniam crudeli cæde & captiuitate peruasitare. Proinde publico edicto, ut omnes Nobiles & populares Visliciam velut locum tutum, & ex omnibus vicinis commigrent, & illuc fortunas atq; res suas magis charas deportent, imperat. Et quo imperium suum formidabilius sit, penam adiicit, omnia bona qui iussa detrectarent, in confiscationem Ducalem cessura. & hostium inuasionē, & pænæ comminatione singuli percussi, sine cunctatione, ita enim imperabatur, iussa peragunt, & Visliciam Urbem in frequentissimo numero, vniuersa illa Regio populosa, res suas & pignora ac quæq; chariora secum vehens, confluit. Dum autem Pannonius proditor, omnia iuxta suum arbitrium vidisset, quæ proditori erant necessaria, comparata, ad Iaropelcum Principem & filium suum mittit, ut ad Vislicien' Ciuitatem, cum multitudine populi & fortunis plurimis prodendam sexto Idus Februarii, cum exercitu quam maximo posset, venire non negligat. Qui dum cum festinatione nimia Visliciam aduenisset, nocturno tempore singulis securæ quiescentibus, proditor Pannonius portis silentio, ita ut singulos falleret, apertis, Iaropelcum Ducem cum filio & suis omnibus in Urbem intromissit. Quam ingressus, crudelissima in omnes cæde, nulli parcens ætati, conditioni, & sexui, grassatur, ingentemq; stragem facit. Et paucis qui inter tumultum fuga in flumen euaserant exceptis, singulos Cives & incolas, & eos qui illuc confluxerant, suam rabiem faciaturus, aut necat aut captiuat, Urbemq; despoliata & igne exusta, sine ulla aduersitate & resistentia in Russiam reuertitur, prædam rerum, hominum, & pecorum secum vehens, & sanguine Polonico madens. Ita proditiō paribus initiis, quibus à Petro Wlo. sczowiez facta fuerat, ab Hungaro capta, eosdem, imò multo tristiores, exitus habuit. Ampliorem autem retributionem, prout sponderat Russiæ Dux Iaropelcus, proditori largiturus, linguam ei primū præcidit, deinde utrumq; oculum euellit, postremò ne seminis proditorii ulla relinqueretur propago, genitalibus castrat, eumq; sic enervat. Boleslaus Polonorum Dux Vislicien' clade & excidio ad se perlata, plurimum indoluit, & fraudem ac dolum à Pannonio commentatam admirans, ut quem multis affectum beneficiis, mox ita sibi & Regno Polonico perniciosum & infestum viderat, serius intellexit natura Pannonios parum fidos fore.

Anno Domini 1136.

Boleslaus Polonorum Dux post proditionem
Vislicien' Ciuitatis omnem Russiam depopula-
tur et maximam prædam ex ea in Poloniam reduxit.

Cædem à Iaropelco Wladimirovicz Russiæ Principe in Vislicien Verbe
proditoria excidione patratam, digna vicissitudine Boleslaus Polonorum
Dux ulturus, non ingenuos solùm, sed etiam populares & agrestes arma
sumere iubens, in Russiam fremens & furens ingreditur, Wladimirovicz Ia-
ropelcum Ducem & filium eius, omni conatu pro commisso flagitio puniturus,
Qui implacabilem, conscientia patrali facinoris eum exagitante, Boleslai Polo-
norum Ducis sentiens iram, Castris & munitionibus quantumcunqz fortibus
relictis, in ultima terrarum abiens, in sylvis, nemoribus, paludinosisqz & inui-
is locis delitecebat. Boleslaus suorum sanguini indigna cæde peremptorum
parentaturus, eadem passim in omnes Butenos iubet extendi. Itaqz trucidatio
multorum mortalium tunc secuta est, et puberibus cæsis, etiam in impuberes &
in tecta innocua est sauitum, et plus cædis aliquanto ab ira, quàm ab iusto
bello additum. Nemini enim placuit parci, nullum fas erat, quantumcunqz am-
plam redemptionem offerentem, excipi. Et in compensationem excidii Vislicien
uniuersa Wladimirien regio cum sibi adiacentibus, crudeli excidio fuit vastata,
& conflagratione consumpta, magnaqz vis tam captiuorum utriusqz sexus
quàm pecorum in Poloniam reducta ~

INNOCENTIUS Papa secundus, quadriennio in Galliis, Petro Leonis
Papatum per vim Romæ occupante, exacto, à Francia & Angliæ Regibus, ma-
ximo honore affectus, in Italiam comparatis omnibus quæ ad obtinendam ty-
ranidem Petri Leonis Antipapæ credebantur necessaria, ingreditur. Cui Lo-
thargius Romanorum Rex in introitu Lombardiæ cum Archiepiscopis & Epîs
occurrit, ipsumqz Romam honorificè deducit. Potentiqz exercitu Romam in-
trans, Petro Leonis eius conspectum fugiente, Innocentium in Sedem restituit.
Coronamqz Imperialem in Ecclesia Saluatoris, quæ Constantiana dicitur (quo-
nam Ecclesia Sancti Petri, à Petri Leonis præsidio superimposito occupata erat)
ab eo suscipit. Et omnibus Romanis qui partes Petri Leonis Antipapæ seque-
bantur, extirpatis, Rogerio etiam victo, & ab occupatione Calabriae & Apu-
liae depulso, pace Ecclesiæ reddita, in Almanniam Imperator rediit. Ex
Almania Lothargius Imperator in Saxoniam diuertens, nouam militiam in Itali-
am rediturus comparabat. Cui cum Boleslaus Polonorum Dux apud Bam-
berg occurrisset, plurimis illum & insignibus excepit honorauitqz muneribus,
quibus ab eo acceptis, Lothargius Imperator petebat, ut de Pomeranicis
& Rugianorum terris, quæ Boleslao Polonorum Duci parebant, sibi faceret
omagium & redderet tributum. Sed Boleslao Polonorum Duce Pomeraniæ &
Rugia terras, suas & Polonorum natiuas esse, & nunquam ad Imperium sed ad
Regnum Poloniae pertinuisse monstrante, Cæsaris quieuit impetitió ~

Anno Domini 1137.

Post cladem Iaroslauus Halicien' Dux
ad Boleslaum Ducem fugit in Poloniam.
Quem cum ille Ruthenorum et Hun-
garorum dolis persuasus in Ducatum
reducere curat, per insidias profuga-
tur. Ex ipso autem conflictu Palati-
nus quidam cum multitudine Polo-
norum fugit, seq; postea poenitentia
ob id ductus suspendit.

Ruthenorum regione in ultionem excidii Vislicien' per Boleslaum Polo-
norum Ducem, graui duraq; quassatione contrita & afflicta, Russo-
rum Principes & Primores, velut furentes & insani vehementi dolo-
re de suae regionis desolatione torquentur. Frequenti deinde Conuentu apud
Wladimiriam habito, quamuis omnium sententia, ad bellum cum Boleslao & Po-
lonis aperta vi gerendum inclinarent, Laropelcus tamen Wladimirovicz Kio-
uien' Dux, & auro & prudentia grauis, negat id bellum Ruthenis cedere in pro-
fectum, quod iusta acie Boleslao fuerit illatum. Aliamq; de bello cum Bo-
leslao gerendo, si superiores esse velint, oportere iniri rationem, nec Boles-
laum nec Polonos a se, nisi latentis & simulato dolo vinci posse sperarent.
Desinerent itaq; de bello cum Boleslao gerendo solliciti esse, & sibi munus
circumuendi Boleslaum, cum id magis suae, quam aliorum proprietati conue-
niret, relinquerent, imperio quoq; suo, quoties & quando iuberet, ut obedien-
tes essent. Omnibus operam suam nauare enixius pollicentibus, Halicien'
Principem Iaroslauum, eo quod eum secum non sensisse, sed singula quae apud
se gererentur Boleslao denunciaturum esse pro comperto habebant Principa-
tu Haliciensiu ciuium, deturbant, turpiterq; expellunt. Qui eorum cedens
furiae, in Poloniam, (neq; enim quod alibi diuiteret habebat) confugit, & a
Boleslao Principe benignè exceptus est, notabilesq; illi possessiones collatae
sunt ad manendum. Tempore posthaec paululum procedente, Haliciensiu
Primi, dolis & fraudibus Laropelci sufficienter inescati & imbuti, ad Boles-
laum in Poloniam veniunt, supplicantiq; ut eis Ducem eorum Iaroslauum ad su-
am regionem remittat, & quo suus reditus sit honorabilior atq; conspectior,
ut illum suis gentibus suaq; praesentia atq; personaliter Haliciam reducat,
& nihil hostile verendum censeret. Hostes enim timore Boleslai procul, velut

feras in sua cubilia refugiſſe, omnia tranquilla & pacata apud Halicienſem Ducatum fore. Magnas poſtremo gratias Boleſlao Duci Polonorum depromunt, quod eorum Ducem exceperit, fouerit, & adiuuerit, eamque gratiam Principi ſuo praſtitam, humilibus & deuotis obſequiis, repromittunt ſe penſaturos. Nondum Ruthenis Halicienſi certo reddito reſponſo, Hungarorum nonnulli Nobiles & Procereſ Halicienſi confrontati & vicini, qui & ipſi in fraudem, quae Boleſlaum oppreſſura erat, conſpirauerant, adueniunt. Qui Haliciensium Legationi cum conformia & ſororia retuliſſent, ut cum Haliciensium Principe non cunctetur in Halicz procedere, preces & ſupplicationes adiciunt, ſe enim ad eius reſtitutionem conſiciendam, opportunè cum omnibus copiis aſtruunt aduenturos. Dolum & venenum à Ruthenis & Hungaris, cum utriusque potentia Boleſlai & eius virtus moleſta & formidabilis eſſet, conflatum, minime Boleſlaus perpendens (quippe qui cæteris virtutibus clareſcens, credulitatis vicio erat obnoxius, atque hiſ quae ad eum perſerebantur, facilius quam ſaterat, et quam ſuae grauitati conueniebat, crederet, quo cremebat ut armis et potentia inuictus, ſola credulitate, doloque quo impetebat non diſcuſſo, uinceretur.) Ruthenorum & Hungarorum animis laudatis, quaſi rem ingenuam perogreſſent, offert ſe & Ducem Iaroſlaum reſtituturum, & una cum eo perſonaliter pro die conſtituto aduenturum. Itaque ſynceram utrorumque Legationem ratus, verſus Haliciam, quaſi illic epulaturus cum inſigni militum agmine, ducens ſe, cum Iaroſlaum Principem exulem, contendit, & ad diem de qua inter eum & Ruthenos conuenerat, venit, Hungarorum cæterum primò uenientem cum excepiſſent, in tergum omnes & in tranſpoſtremas acies dilabuntur. Quae res Boleſlao Polonorum Duci, iam praſaga mente, malum ſuperimpedens ominanti, extemplo ſuſpecta eſſe capit. Cum deinde frequentiores Haliciensium turmae (quae & ipſae ſimulata amicitia & ſubiectione longius obuiam progreſſae erant) utroque Duce excepto, in eandem tergi partem quam Hungari iam occupauerant, abiſſent, appareretque ſine tergiuerſatione Boleſlaum & ſuam gentem, ad inſidias pertractam eſſe, Boleſlaus Polonorum Dux in ipſo negotio, conſilium à virtute & fortuna capere coactus, Wſzeborio Palatino Cracouienſi Principe Militiae accito. Suſpiciſ ne, inquit Wſzebori eam ſuſpitionem quae meae inſidet menti? At Wſzeborio, quid ſuſpiraretur ſcrupuloſius percunctante. Non uides, inquit, omnes tam Hungarorum quam Ruthenorum turmas, qui nos conſulatum aduenerant, officio doloſo peracto, in terga & poſteriora noſtra diuerſiſſe, & locum illum eo propoſito ex compoſito praecupaſſe, ut aliis turmis quas extemplo ominor aduerſum noſ venturas, à tergo & à fronte concluſi, in ferarum & pecudum feriamur & caedamur morem. Quam difficultatem prius quam noſ conſtringat, erumpendam reor, & antequam fortior & geminatus hoſtis accedat, belli tentanda fortuna, virtuteque et dextris

131

via, qua hinc euadamus, aperienda est. Vbi itaque fallacem gentem, alia agentem
 et alia simulantem videt, et neque numero se, neque magnitudine parem, optimum
 factu ratus, in tam periculosa necessitate, quamlibet belli fortunam tentare, suos
 pro tempore magnifice ac breuiter hortatus, manum cum hoste conserere, priusquam
 ab eo intraderetur decreuit. Monens suos, ut potius animam honeste profunde-
 rent, quam miserabilem captiuitatem subiirent. Nec dum sermonem finierat, cum
 subito acies, confortissimorum Ruthenorum, quam Laropelcus Kiuuiens Dux prope-
 ro cursu ducebat, apparuit. Itaque non diutius differre certamen, iam enim ho-
 stis in conspectu erat, valens, paucis suis iterum atque iterum, ut se viros memine-
 rent, et ne inulti ceruicem praebeant, hortatus, licet undique illum circumiacen-
 tia urgerent pericula, septus tamen immodico animo atque victoriae avido, atque
 a memoria periculi, quod a fronte et a tergo imminabat, alienato, prius irruit in
 eum qui a fronte veniebat hostem, acerrimeque, ea ala, quam sibi assumpserat,
 cum adiuuante, pugnat contra hostes, magnamque Ruthenorum caedem addit.
 Stratis deinde omnibus obuiis et acie disrupta, quamuis et a tergo et a fron-
 te sciebat se urgeri, victoriam tamen sibi destinabat, omnia fortitudinis suae
 priora opera in ea dimicatione supergressus, nec fortuna tunc succubuit, sed
 donec illa volubilem agebat rotam, pro victoria adnitebatur, non permittens
 illam in generosum suum spiritum ius vendicare. Et necessitate humanae con-
 ditionis, quam maximo et praecipuo patrocinio, in tali casu utendum ducens, con-
 citatissima desperatione in pugnam extimulatus, id egit, hostes ubique sternen-
 do, ne animam inultus profunderet. Pugnatur utrinque acriter, fortunaque
 in Polonos translatura videbatur, benignitate Diuina adiuuante, atque certa-
 mine in longius extenso, victoriam. Nam quamuis Boleslaus Poloniae Dux,
 ex omni parte circumuentus esset, victor tamen euadere potuisset, breuique suae
 spei respondisset effectus, nisi unus ex principioribus Boleslai Baro Pala-
 tinus (cuius nomen, conditionem, et originem, omnes Polonorum Annales ne-
 scio qua suppressere negligentia) qui et ipse ordines ducebat metu territus,
 acie et pugna deserta, fugiens, in parem fugae ignominiam, maiorem Polonici
 exercitus partem pugna remissa secum pertraxisset, victoriamque Pannoniis et
 Ruthenis concessisset. Tum demum magis Boleslaus Polonorum Dux se vi-
 ctum quam victorem gerere cepit, non tamen pugnam cum his qui illum comita-
 bantur remisit. Verum dum plurima caede hostes ubique funderet, unusque ab
 omnibus iam telis eminus, iam lanceis et gladiis cominus multifarie petere-
 tur, equus cui insidebat ingentibus vulneribus confectus, corruens, pugnan-
 tem deponit, et haud multum absuit, quin et ipse opprimeretur equo prolapsus
 et ruente. Dum nihilominus hinc a tergo hinc a fronte hostium impetus su-
 stineret, saluti fuit Gregorius miles quidam, qui Ducem suum pedes pugnan-
 tem cum agnouisset, veritus ne cum dedecore totius patriae, aut occumberet, aut

viuus in potestatem hostium veniret, equo raptim desiliens, ut se fuga eriperet, Ducem in equum proprium inter volantia tela, atqz inter vibratos cominus enses, perumpens, Principisqz vitæ sua neglecta consulens, imposuit, & voce alta precabatur. Cape, inquit, Princeps Clarissime hunc equum meum nondum fessum, & non tam tuæ quàm nostræ & communi consule saluti, ne morte aut captiuitate tua, casum hunc nobis funestiorē, hostibus autem, dolosa & iniquissima acie nobiscum pugnantibus, lætiorē facias. Mihi verò aut uiuo aut mortuo gratiam refer, quem vides tuam salutem suæ præposuisse, huius quoquē dei aut horæ memineris, maior enim aliquanto censeri debet, quàm ut tibi venienti in Regnum tuum incolumi, memoria possit excidere. Miles iste obscuro quidem genere ortus, cæterum multis fortibus actis, in eo quod tunc agebatur prælio, ipsa etiam fide, in ultimo necessitatis articulo, expressa in Principem suum, animo quoqz & ingenio, aliquanto quàm pro fortuna in qua natus fuerat conuauiret, insignior, quibuslibet nobilibus, tunc ex prælio Duce suo deserto turpiter diffugientibus, præferendus. Equo deinde à Gregorio milite præstito, consensu. Dux Inclýtus, intelligens ad restituendam pugnam, nihil ratione aut ingenio, nihil manu administrari posse, maximis audentia & fortitudinis suæ in ea pugna æditis, ut etiam hostes in sui admirationem conuerteret, operibus, saluus propicia Diuinitate, suis quàm plurimis & strenuis militibus desideratis aut captis, in Poloniam mæstus & tristis de suo & suorum casu, aduenit. Nec mora Baroni ei qui de prælio fugerat, quiqz plurimos in fugam pertraxerat, & fugæ causa multis exlitterat, tria donaria in premium suæ timiditatis & ignominiosæ fugæ transmittit, vti leporis pelliceam, colum, & pensum, fæminam eum in colo, leporem in pellicea, & in pensa versatilem, designans, quæ illi maiori fuerit quàm mors supplicio, grauius siquidem viros torquent probra militiæ, quàm necis perniciēs. His donariis miserandus homo receptis, cū eorum significationem, nullo prodente facile percepisset, tanta mentis angustia illicō tortus est, ut in proprii oratorii, campanili fune gulæ propriis manibus iniecto, suspendio miserum spiritum exclusert. Vir alioquin ex generosa stirpe imaginum ortus, leterrimo illo suo piaculo, nobilitatis suæ decus, & in præsens & in futurum grauissimè abfuscauit, ut esset Domui suæ portentum sordidum, mortis quidem erubescendo, sed iusto genere pænæ consumptus. Cuius tam horrendus est vita excessus, in his ipsis muneribus sibi missis intelligebatur inclusus, in colo patibulum, in penso verò funem, & in lepore fugam spiritus, exprimens. Gregorium verò militem, qui & ipse de loco certaminis viuus euaserat, pro beneficio sibi tunc præstito, nobilitatē, locupletatē, & extollit, nobilitateqz & iustis honoribus adornat, paremquē claris viris facit, nec solū villis & possessionibus, sed et officiū atqz magistratus honore effecit inter suos cum progenie sua celebrem

& insignem, ex obscuro & inope clarum atq; opulentum faciens, honoribusq;
 insignibus affecit, virum, nobilitatem contulit, & gratiae suae pignora imparti-
 uit. Ad redemptionem captiuorum, cum omnes etiam veterum Regum &
 Ducum Poloniae fuissent thesauri erogati & emuncti, non tamen plena om-
 nium captiuorum ex Polonis redemptio poterat prouenire, quin plures & mi-
 lites nobiles, & alii equestri ordinis viri, a barbaris avaris publico defici-
 ente in seruitutem miserabilem venditi, vitam illis infamem morte etiam sub-
 sequente peregerunt. Anxiebatur autem ingentis spiritus vir Boleslaus
 Polonorum Dux super casu, & infausto dolo Pannonico & Rutenico ac for-
 tunae iniquitate, sibi iniecto, & graues doloris, assidue grauiora trahens
 suspiria, sentiebat puncturas, execrationes plurimas in Palatinum, suo scele-
 re atq; nexu suspensum, ingeminans, qui sua fuga tot legionum Polonicarum
 cladem effecisset. Turpe sibi existimans, tot rebus gestis, tot fortibus
 exercitiis deuictis, tot claris victoriis de hostibus in circuitu relatis,
 acie vafra & iniusta, a simulatis amicis magis quam ab hostibus se ve-
 rius deceptum quam victum esse, fortunae suae conditionem obiurgans, quae
 post plurima beneficia, quibus illum extulerat, ad casum durum & indignum
 illum seruaret, nunquam alias nisi in illo certamine, fortunae conuersione
 expertum, quaeq; praclaris & splendidis suis gestis, quod fieri plerumq; so-
 let, infaustum casum miscuerit, & magnarum latarumq; rerum cursum
 & ordinem, naturae suae seruans conditionem, confunderit. Incertum, eo fu-
 sus praelio, relinquens, utrum in dimicatione virtus an casus praeponderet.
 Multis itaq; fastidiis & angoribus, nobilis ille & inuictus fatigabatur sem-
 per animus, qui post septem & quadraginta victorias ex hoste relatas, cladem
 illam quasi vulnus ultimum acceperat, fortunae mores conditionemq; pa-
 rum pensans, quae Iulium Caesarem, quae Hectorem, quae Hannibalem, quae
 Scipionem frequentius victores, ultimo tandem discrimine damnavit ~

*Boleslaus ut facilius res cum Ruthe-
 nis esset, pacem init cum Sobieslao
 & laudes Boleslai recenset ~*

P Riusquam triennales treugae, cum Sobieslao Bohemiae Duce per
 Lothargium Romanorum Imperatorem confectae, expirarent, commu-
 nibus Baronibus tam Poloniae quam Bohemiae agentibus, de pace
 perpetua inter Regna & Duces firmanda, tractatus haberi cepti sunt. Post
 quos utraq; parte in pacem conspirante, expedire visum est, ut Principes per-
 sonalem agerent conuentionem, cui Kloczko Oppidum consignatum fuit,
 utroq; Duce illuc adueniente, Boleslaus Polonorum Dux coram comunibus

Baronibus, plurima se indignè à Sobieslao Bohemiæ Duce pro multifariis in eum præstitis beneficiis, passum deduxit, Sobieslao verò Bohemiæ Duce obiecta purgante, in Boleslaum Poloniæ Ducem suas quoque iniurias iactante interpositione communium Baronum omnes veteres inimiciæ, contentiones, quærelæ, iniuriæ, & amulationes, damna quoque hinc inde secuta, inter illos sedantur, complantur & compensantur, & pax perpetua inter eos eorumque Regna & Domina stabilitur. Affuit huic pacificationi Wladislaus filius Boleslai Poloniæ Ducis natu maior, qui in signum fidelis fœderis filium Ducis Bohemiæ Sobieslai Venceslaum nomine, de sacro fonte leuauit. In hanc pacem Boleslaum Poloniæ Ducem, ideo tam facile constabat consensisse, ut ora Slesitiæ pacata, & bello Bohemico extincto, cumulatius contra Ruthenos bellum gerere posset, cladem apud illos & per illorum dolosam fraudem acceptam, omni modo & adiumento reparaturus. Cuius cum tantus pudor & veracundia, tantus dolor & amaritudo ceperat, ut & cætus & colloquia hominum vitando, maiori de amissis & desideratis militibus solitarius delitescendo indulgeret, obstinatum agens silentium, & surdas ad omnia, quæ illi ab amicis ingerebantur solatia, aures obturans. Quæ singula non pusillamimitatis aut derisionis, sed ingentem ultionem, ex feroci et vasto pectore cientis, apparebant esse indicia. Ex omni siquidem numero Regum & Principum Poloniæ, nemo fuit illi pugnator, sed nec pugnando prius quisquam in eam diem ipsum æquauit. Alii sua ætate Reges & Principes nitebant purpura, ac Satellitum turba, voluptate præterea venandi, aut ventris luxu, aut somni ignauia, aut rei domesticæ cura, aut auri congerie occupabantur, Boleslaus tantummodo armis & virtute pollebat: nauseam ratus si quando bellum non repelleret, aut non inferret. Reuirescebatque animus quoties vel pugnandum vel bellandum erat, Inedia, alboris, & vigiliæ patiens, prælio strenuus, industrius consilio, agilitate & exercitatione corporis nemini cedebat militum, audacia verò facile cunctos superabat.

LOTHARGIUS Saxo Imperator Romanorum cum undecim annos in Imperio & Regno exegisset, & placidè ac benignè imperasset, in Italia quoque rebus prosperè gestis, Campaniam & Apuliam pacificasset ex Italia discedens apud Tridentum agitudine inuasus, Autumni tempore in Castro suo Rothburg, moritur, & in Brunswik sepelitur plenus fide & deuotione. Cuius immatura mors tam Ecclesiasticis quam Sacularibus Principibus plurimè fuit execrabilis & molesta. Credebant enim per suam p̄bitatem et industriam res Imperii reflorescere deberent, & imperium suum decus et gloriam resumpturum. Asserunt alii eum non in Brunswik sed in Luther Monrio Saxoniæ quod uiuens construxerat, sepultum. Actus quoque eius ut nulla possent aboleri obliuione in plumbeis laminis descripti, iuxta illum reconduntur.

Anno Domini 1138.

*Boleslao nascitur filius Casimirus
is tamen dolorem illius ex recenti
clade conceptum, lenire non potuit.*

DVeissa Polonorum & consors Boleslai Ducis iterum facundata filium effudit, qui in baptismo Casimirus vocatus est. Sed nec hæc filii noua natiuitas, angores Boleslai Ducis, quibus ultra iustum alq̃ modum, pro clade apud Halicz accepta afflictabatur, & penè deperibat, poterat lenire, quin continuè se acerbiori doloris verme, pro charissimis suis militibus, et qui ceciderant, et qui capti fuerant, roderet & consumeret, præsertim cum & propter ætatem senilem, & casum clademq̃ militum suorum, exhaustionemq̃ Ararii Ducalis, non facile (ut animo & cogitatione æstuuabat) cum posset congerere exercitum, cum quo posset de Pannoniis et Rutenis debitam sumere ultionem.

AD vacans ex morte Lothargii Imperium, per Principum electionem concordem, Conuentu apud Confluentiam celebrato, in Quadragesimæ medio, Conradus secundus Dux Sueuiæ, electus est nonagesimus tertius ab Augusto. Fuit autem Conradus ipse secundus respectu Imperatoris, sed tertius quantum ad Reges, nepos germanus ex sorore germana Henrici quinti Imperatoris, in cuius etiam priuatum Dominium iure illo, dum Henricus nullos reliquisset filios, successit. Secundum alios octogesimus quintus ab Augusto, qui cum Lothargio quarto de Romano Imperio in principio Regni contenderat. Electionem autem tam conformem Theodenainus Epus Cardinalis ab Innocentio Papa secundo, in Confluentiam destinatus effecit. Qui mox ad Palatium Aquisgrani ueniens, à prædicto Cardinali Theodenaino (nam Colonien Archiepus, qui id iure facere debuerat, nouiter inauguratus pallio carebat) cooperantibus Maguntinen & Treueren ac alijs Pontificibus in Regem ungitur. Et licet Henricus Saxonie & Bavarie Dux, gener Imperatoris Lothargii, propter potentiam & diuitias quibus pollebat, resistantiam Conrado in Almania Regno oppositus credebatur, ab omnibus tamen desertus, à Conrado quoq̃ Rege proscriptus, & Ducatu in Palatio Goslarien priuatus, supra æstimationem hominū humiliatus est.

Anno Domini 1139.

*Boleslaus Polonorum Dux re-
linquens quinque filios cum inter
quatuor Regni partitiisset, Cazi-
miro autem infanti nihil reliquit:
set, moritur, et in Ecclesia Plocen-
sepelitur. Hic Krziuousti cognomi-
nabatur, vir nulli priorum Regum comparandus.*

Boleslaus Polonorum Dux, ex clade apud Halicz accepta spiritum
gerens afflictum (generosus enim ille & semper vincere assuetus ani-
mus, fraudis, & per fraudem relata de se victoria, iusto grauius fere-
bat contumeliam: adeoque anxiebatur, ut non aliquid iucunditatis aut solacii ab
amicis ingerentibus, admitteret) dum maiorem suadentibus amicis non inhi-
beret, sed augeret, & nec in aegritudine quidem quicquam iucunditatis admitteret, sen-
sim defluens & tabescens, grauem sibi consciuit languorem. Is quanquam a me-
dicis succorum virtute dispelli potuisset, Boleslaus tamen Duce Antidota quæli-
bet fastidiente, grassari cepit, atque ita cum propè unius anni spatium Boleslaus
a morbo in grabato detentus, languore ingrauescente, debiliorem se indies conspi-
ceret, fatale munus soluturus, frequentem ad se Praelatorum & Baronum con-
uocat ordinem. Dissolutionemque sibi testatus imminere, rogat ut se mortuo,
unionem retinere conentur & consensum, ne ex Scismate Reip. interitus &
ruina subsequeretur. Quinque autem filios relinquens, quod a plerisque Polonorum,
ut erat, applicabatur infortunio, discidium Regni citò parituro, ominantibus,
inter tot Principes concordiam non posse fieri diuturnam. Sicut neque fefellit
opinio, ut in subsequenter narrabimus, ne inter filios pro Regno se absumpto,
bella, odia, aut contentiones suboriri contingat, Poloniae Regnum, cuius ipse in ea
diem unus fuit Princeps & Monarcha, inter filios diuidit. Et primogenito
quidem Wladislao ex Rutena suscepto, Racouien, Stradien, Lancicien
Slesiamque & Pomeraniam, terras, legat. Decernens ut circa eum primogenitu-
ro iure, superioritatis & principandi maior & prima auctoritas consistat, om-
nibus aliis fratribus sibi parere & intendere iussis, asserens in Polonorum Re-
gno, nisi unus fuerit ad quem totius summa cura referatur, uniuersa in rui-
nam solutum iri. Boleslaus verò Crispo, Masouensem, Dobruinensem,
Cuiavian & Culmensem, Mieczslao Seni Gnesnensem, Posnaniensem,
& Calisiensem, Henrico primo Sandomiriensem & Lublinensem, terras,
districtus, & regiones, pro sortibus consignat. Restabat quintus filius Ca-
zimirus, anno superiori genitus, infantulus, & cunas adhuc obseruans. Cui
cum omnibus terris et Prouinciis in quatuor filios distributis, nullam sortem

reliquisset, obliuione hæc illum aut morbo neglectum fecisse, omnibus qui ordinationi ipsi aderant autumantibus, nomen & memoria quinti filii Ca. limiri infantuli suggesta est, monitusq; ut et illi velut teneriori, æquam inter fratres portionem relinqueret. Respondit. Iam dudum illi suam sortem delegavi. Admirantibus cunctis, & quænam quinta sors esset scrupulosè inter se sciscitantibus. Non aduertitis, inquit, inter quatuor rotas, sedem quintam, quæ in Polonico Wasang vocatur, consistere, & in mediò positam esse partem nobiliorem, & appellationem à natura partium derivatam usurpasse. Sic et huic infanti, inter quatuor Tetrarchas fratres delegatur successio, plus venerationis & amplitudinis, quàm aliqua illarum habitura. Proinde desinit de pupillo ipso, & de meo inofficioso Testamento esse solliciti, quoniam eam curam conuenit eius tutoribus relinqui. Nonnullos ex filiis præscientia quadam animi tenens, quemadmodum in opinione sua falsus non est, non fore diuturnos. Sed siue inspiratus, siue (ut fit in mortis articulo) à ratione alienatus senserit, siue ut maiorem diuisionem scissuramq; Regni abhorrens decreuerit, haud liquido patet, neq; nostro decideretur iudicio. Salutari deinde sumpto viatico Dux Illustrissimus, & suæ patriæ amator defensorq; acerrimus, diem functus est, ægritudine & angore potius animi quàm corporis extinctus: cùm ad annum circiter sexagesimum vixisset. Mansuetudinis & clementiæ tunc maximè gloriam existimationemq; aßecutus. Quem & vita excedentem uniuersa Polonica gens longo luxit tempore. Corpus eius in Plocensem Urbem relatum, in Plocensi Ecclesia iusto honore sepultum, & cineribus paternis socialum est. Mortuus autem anno Regni sui tricesimo sexto, ætatis verò quinquagesimo quarto. Quem sola afflictione & mærore super cade et clade suorum ad Halicz indolo secuta, mortem tam immaturam & fati diem pro comporto habitum est magis præoccupasse quàm soluisse: cùm naturalis vita sua in multo longius tempus potuisset extendi. Natura strenuus & ferox, frequenter opportunitatem bella mouendi, in quibus magnitudinem animi exerceret, affectabat. Ab adolescentia bellis exercitatus, nullo unquam bellorum defatigabatur genere. In suspiciendis & adeundis periculis studiosus, ad captandam honoris & gloriæ magnitudinem cupidus, in tolerandis supra vires corporis laboribus, patiens. Corporis habitudine fuscus & mediocris, nimium confidentiæ relationibus tribuens, facilitate credendi leuem se plerumq; & incautum magis, quàm prouidum monstrabat. Ad iram & gratiam ex æquo pronus, facile succensus Cholera, ad obiurgandum, succensendum, & puniendum, hilaritate verò redeunte eodem fenore ad premia mouebatur. Ad opera Martialia ab adolescentia intentus, in largitione profundus corpore robustus, brachio validus, ad decernendum ardens, in certamine acer et strenuus

viuidus & vegetus corpore. Natura vir ad dimicandum promptus, animo
 magnus, eo solo ager, ut credibile duceret, quicquid ad illum afferebatur pro ve:
 ro. Quodq; illius iam bellica facinora, quam frequentes pugnae declarant, ani:
 mosus & heroicus. In ceteris vero actionibus Civilis & benignus. In ipsa
 autem fatali & moriendi die, Militum, quorum frequens conuenerat numerus,
 celebrabatur efferebaturq; sermonibus, neminem eo bellicosiorum, neminem
 feruidiorem ad Martialia adenda opera, Principem apud Polonos extitisse,
 neminem tot victoriarum numerum reliquisse. Quadragies enim et septies pu:
 blica acie cum hostibus pro patria pugnasce, totidemq; trophea constabat illum
 retulisse. Appellabatur autem in vulgari Polonico Krziuousti, quod signi:
 ficat indirecti oris, morbus enim Anthrax in adolescentia proportionem vul:
 tus eius, vexatione sua determinans, oris curuitatem, a qua cognomen sor:
 titus est, illi induxerat. Frequentius acie cum hoste confligens, nunquam
 aduersam, nisi tunc cum deceptus est, expertus fortunam, maxima & hone:
 stissima aggressus & consecutus facinora.
 Iste Princeps Boleslaus pluribus villis & libertatibus donisq; Monasterium
 Sziaczichouiense Ordinis Sancti Benedicti supra amnem Vislam situm sua
 liberalitate & munificentia insigniuit. Propter quod in eodem Monasterio
 specialis illi quotannis innouatur Anniuersarius & memoria.

Iaropelkus Kiouienlis Dux post
 infelicem cum Olchouicis pugnam
 pacem ab eis petit, quam obtinet.

Illi Olch Ducis Russiae, Polomczonum quassitis & obtentis auxiliis, ter:
 ras Russiae hostiliter ingressi, circa flumen Sula excurrunt Oppida & vil:
 las. Deinde in Pereaslau progressi, caedes & multa mala committunt, & Vscie
 exusto discedunt in Szupon, con quos Iaropelcus Dux Kiouien cum fratribus suis
 filiis Wladimiri, egressus, dimicat cum illis. Et multis utrinq; pertinaciter ca:
 dentibus, vincuntur filii Olch, et Polomczii diffugiunt, quos Ruteni persequendo
 occidunt et captiuant. Et dum post persecutionem in certaminis locum redirent,
 ab Olchouicis iterum inuaduntur et caduntur. Iaropelcus aut captiuitate eua:
 dens in Kioum diffugit, et Vasvilkó fr suus cum multis Boiariis ca:
 pitur. Olchouici vero Kiouiam obsident, con quos etsi Iaro:
 pelcus Dux magnum de nouo exercitum congregasset,
 noluit tamen dimicare, sed aquis condici:
 onibus pacificatus e cu Olchouicis.

Finis Libri Quarti.

IOANNIS LONGINI Canici Cracouien Historiarum Polonicae LIBER V.

Anno Domini 1140.

Wladislaus consensu omnium Baronum Poloniae in Monarchia patris Boleslai succedit, et Regnum quadripartitum in fratres partitur.

Lugubris et immaturus Boleslai Polonorum Ducis est vita excessus (qui cum bello, ferro, et armis hostilibus consumi non posset, dolore et dolore nimio tabesactus et consumptus est) diu Polonos, ne ad substituendum alterum Ducem, et ad providendum de Reip. forma, ordine, statuque procederent, tenuit. Mortui enim Principis desiderio, adeo habebantur constricti, ut cuiuslibet alterius illo sibi, sub quo tam mirifici, pauendi, et gloriosi euaserant, sublato, Principatum fastidirent. Accedebat altera non dispar perniciēs, Poloniae Regni in quatuor partes secutura diuisio, quam velut pestem quandam Civilem, collisionis procellam quandoque excitaturam, et in Civile malum recisuram, haud casto augurio perhorrebant, ex Regni Polonici diuisione se ad interitum necessitate quadam pertrahendos ominati, cum omne diuisionem capiens, interitum quoque capere necesse sit. Postquam deinde rerum publicarum vacillatio, Principes diuersa sentientibus, diuersaque iubentibus, oriri cepit, et Principes quatuor filii Boleslai iuxta paternam ordinationem, ad Ducatus et terras eis designatas, se admitti flagitarent, fit apud Cracouiam omnium terrarum generalis Conuentus. Vbi post varios tractatus et deliberationes, Wladislaus primogenitus et natu maior Boleslai, patri in Monarchia omnium Prelatorum et Baronum Poloniae assensu et ordinatione successurus decernitur, utque circa eum primaeuitas et superioritas remaneat, statuunt.

Ipsa quoque ceteris fratribus, ut Boleslao, Miecislao, & Henrico parentibus, imperitet. Bella conformiter & exaquo gerant, sed assumendi ea circa Wladislauum auctoritas consistat, ceteris non inferendi sed repellendi potestas permissa. His taliter ordinatis, tribus Principibus in suas sortes Boleslao Crispo in Masouiam, Miecislao Sene in Posnamiam, Henrico primo in Sandomiriam secedentibus, Wladislaus Dux & Monarcha in Cracouia relictus est, & illic stando alios Principatus suos & Dominia, Remque publicam disponebat. Apud illum quoque Cazimirus infans & quintus Dux relictus est, sibi que illius cura tam a ceteris fratribus Ducibus, quam uniuersis Poloniae Consiliarijs & Satrapis mandata. In hunc modum corpus Poloniae in plures partes scissum est. Discordantibusque processu temporis Ducibus, Polonia contra seipsam arma sumpsit, ferrumque quod in hostes versura erat, in propria viscera conuertit, & furentis instar iras concepit, gladios corripuit, corpus suum ac membra mutilatura. Tunc quoque Regni Polonici decus & fortitudo, quae in partium consistebat integritate, praecipitata fuit. Regnoque quadrifarie scisso, & in monstrosam diuisionem partito.

*Monasterii Andrzeiouiensis per Nobiles
Familiae Grifphonum fundatio*

Cum illis temporibus Cisterciens' Ordo floridus & celebris haberetur, Nobiles de Domo Grifphonum ut Ioannes alias Ianik vir Venerabilis primum quidem Wratislauien' Epus deinde Gnesnen' Archiepiscopus cum germano suo Clemente, eius deuotione attracti in praedio suo Brzeznicza vocato in Cracouien' Diocesi, Monasterium Cisterciens' erigunt, & oppidum Andrzeiouiens', ac septem villas, ut Brzeznicza, Rakosno, Potthok, Lyskaw, Leczno, Rachowo, Tarszawa, Chorzowa, pro fratrum sustentatione in dotem illi perpetuo largiuntur. Ex Morimundo Monasterio in Burgundia sito fratres accersiti, primum locum illum ceperunt inhabitare. Unde & a plerisque Monasterium Andrzeiouiense, eo quod a Morimunden' originem habuit Moribundus vocatum est. Plantationem nouellam praefati Monasterii Andrzeiouiens' beatus Bernardus de nobili Prosapia Comitum de Castalione genitus (qui in anno vicesimo secundo constitutus cum triginta socijs Monachatum assumpserat, & propter perfectionem vitae Regalis, quam in suo ostenderat ingressu, Monasterium Clarae vallis regebat) visurus Poloniam, cum fratrum agmine processerat: fratres qui in Monasterio Andrzeiouiens' degebant visitaturus, & eos in obseruantia & rigore vitae, verbo & exemplo confirmaturus. Cum autem in huiusmodi itinere constitutus, Spiram venisset, humanissimum propositum eius, & Monasterio ad quod ordinandum pergebat, & Polonis

profuturum, aduersa et grauis valetudo clauauit. Ea enim correptus, & eius inualescentiam ueritus, in Claram uallem ad Monasterium suum rediit. Fundatores autem & dotatores praefati Andrzejouien' Cænobii Ioannes Gnesnen' Archiepus, & Clemens Miles, ad nihil aliud praefatum Monasterium uoluerunt esse obligatum, nisi ut in signum factae a se dotis, Oppidani Andrzejouien' sibi suaeque propinquiore stirpi mactatorum pecorum & pecudum corda, & de singulis alecum uasis, in Oppido praefato uendendis, alii quot aleces repraesentarent. Quod quidem tam leue tributum cognatio Fundatorum per Abbatem Andrzejouien' redimi & aboleri consensit.

Sobieslaus Bohemiae Dux cupiens minus iuste contra foedus occupare terras Slesiae, moritur.

Sobieslaus Bohemiae Dux, audiens Boleslaum Polonorum Ducem obisse, & Polonorum Regnum quadrisariam scissum esse, pactum et foedus quod cum Boleslao Polonorum Duce iuris iurandi obstrictione pepigerat, praeuaricatus, Regnum Poloniae & Slesianam oram cum exercitu hostili inuadit, depopulatur, & uastat. Sed neque uastatione hostili contentus, cum Wladislaus Poloniae Dux, cui ea ora obuenerat, iniuriae opportunus uideretur, in animum inducit ut oram Slesiticam sibi faciat aut tributariam aut proprietariam. Quapropter in uico Kosczian uocato, undique paludibus & lacubus septo, & naturali situ plurimum munito, oppidum & munitionem construere, & illi suum praesidium imponere satagens, plures dies in opere moliendo consumit. Verum ultio Diuina, quae quoslibet foederum transgressores ferire solita est, illico illum percussit, nam febribus correptus, caeco abscedere compulsus, & a suis ambitionem suam & foedus praeuaricatum carpentibus, Pragam reductus, inualescente febre, sedecimo Calen' Martii mortuus, & in Wiszegraden' Ecclesia sepultus, tres filios Sobieslaum, Odalricum, & Venceslaum, relinquens. Successit tamen ei filius non obstantibus, Wladislaus filius Wratislai in Bohemiae Ducatu.

DE cima die Februarii Iaropelcus Wladimirowicz Dux Kiuouien' moritur & in Ecclesia Sancti Andreae sepelitur. Et licet Wicczislaus frater suus sedem Kiuouien' accepisset, Wszeuoldo tamen Olchouicz in Kiuom cum Militia sua ueniente, ne dimicare secum cogeretur, per medium Metropolitae pacificatur, & de Kiuom excedit, & uadit in Thuro, Wszeuoldus autem Kiuouensem in pace sortitus est Principatum.

Anno Domini 1141.

Wladislaus multis uxoris suae precibus et persuasiombus ad expellendum fratres suos de Regno Poloniae inducitur.

Regni Poloniae quadrifaria quam demonstrauiimus, scissura, haud multo tempore aquis animis poterat perferri, sed penè in ipso sui initio, intestinorum bellorum exciuit stridores. Wladislaus siquidem Polonorum Dux, primogenitus & natu maior, & si inter fratres potiorem & magis insignem portionem Cracouiensem uel Ducatum accepisset, & tam prius dum uiueret, quam Praelatorum, Baronum, & Procerum Poloniae designatione, fratrum insuper consensu superioritas & Monarchia Regni circa illum consisteret, omnes tamen eos Principatus & Dominia, quae in fratrum sortem cesserant, detracta & erepta sibi ratus, multifariis angoribus anxietatibusque, spiritum gestabat turbulentum et afflictum, frequentesque coram amicis huius suae ignominiae & spoliū, repelebat querelas. Animum autem Wladislai Ducis, suapte huiusmodi ambitionis & liuoris peste flagrantem & infectum, superbum & immitem, consortis suae Ducissae Christinae sororis Imperatoris Henrici sermones, contumeliis & impropriis referti, ad hauriendam ampliorem in facinus bilem inflammabant. Non in hanc, inquit, iam truncatam & tenuem, quae tibi relicta est, portionem, sed in totius Regni Poloniae spem, unius filia Caesaris, & alterius soror, sponsa a late uiridis, tibi tradebar, potentiōri & ditiōri, nisi hac spes Casarem genitorē fefellisset desponsanda. En ad quam vilem et miseram conditionem, te marito reducta sum, multo ut prospicio in peiorem, nisi interea aliquid prouideris, cum prole ex te suscepta, redigenda. Ex eo siquidem Regno, in quo te morituri patris voluntas, & maior sanguis, splendidumque quod ex me nactus es coniugium, haeredem & Monarcham efficiunt, in quartam tantummodo partem es detrusus, laceratoque tuo Principatu, & in tres alios fratres, quos magis tibi seruire & tuo parere imperio quam ex aequo dominari conueniebat, translato, non nisi Semiprinceps mereris uocitari: tribus filiis, in spem totius Regni Poloniae genitis, exiguum sortem, & obscuriores fascces atque titulos relicturus. Eligibilius mihi fuisset fati absumi, quam in tam ignobile conubium, generis mei splendorem obfuscaturum, prolapsam esse. Expergisce itaque, & tam faedam conditionem, tibi & proli tuae perpetuum dedecus iniusturam, dissolue, omnesque Principatus a fratribus occupatos repele, & tam tuae quam praesenti & futurae ignominiae, si uirum te censes non faeminam, dum licet, consule. Ad quod si te communis nostra non mouet conditio, saltem moueat prolis communis respectus: sortem miseram, nisi prospereris, subitura. His & pluribus aliis muliebris colloquiis, sedulo agramens Wladislai Ducis stimulabatur, & tam animo

quàm vultu his vocibus illum & torqueri & frangi apparebat. Quibus quidem suggestionibus tantisper incendebat virum, donec ipsum affectu affectu germanitatis enecato, in bellum contra fratres pelliceret, & suis suasionibus ad scelestas dementiae tenebras precipitaret, ut animo obtemperans suis, germanis excidium inferret, idq; quod detestabilius est, qui curandos illos paterno testamento non exhaereditandos susceperat.

Cracouiens Antistes Badosi, decima nona Ianuarii, cum annis viginti quinque Cracouiens Ecclesiam rexisset, demortuus, & in Ecclesia Cracouiens sepultus est. Huic Robertus siue Rupertus Epus Wratislauiens in Sedem Cracouiens, ab Innocentio Papa secundo translatus, per ordinationem Ducis Vladislai, qui Cracouiens & Wratislauiens regebat Principatus, successit. Ad Ecclesiam vero Wratislauiens, per huiusmodi translationem vacantem, Magnus in Epum, Gnesnen Custos, Wratislauiens & Cracouiens Canonicus, Ducalis Cancellarius, genere nobilis de Domo Taremba, per Innocentium secundum est promotus ~

BELA cæcus Hungariae Rex, cum annis novem, Mensibus undecim regnasset, secundo Idus Februarii moritur, & in Alba Regali sepelitur, quatuor filios Geyssam, Vladislauum, Stephanum, & Almuu reliquit. Cui maior natu Geyssa in Regno successit, biennio post mortem patris in Dominica Inuocavit, coronatus. Consors autem Belæ cæci Helena filia Imperatoris Constantinopolitani, septuaginta Hungariae Barones, qui cæcationem Belæ procurauerant, capite damnauit, & bona eorum Ecclesiis distribuit, etiam post mortem mariti in cæcationis suæ auctores, & in omne eorum genus sauiens, aut exilio, aut confiscatione honorum mulctauit ~

Anno Domini 1142.

Wladislaus contra vota Consiliariorum, Ruthenorum auxiliis à fratribus suis subiectionem et tributum petit ~

Ad occupandum germanorum suorum, Boleslai, Miecslai, & Henrici sortes & Principatus, Wladislaus Polonorum Dux animum indies intendens, dum iam muliebribus suggestionibus inescatus, ad executionem propositi sui procedere decreuisset, frequenti numero Prælatorum & Baronum

in Cracouiam aduocato, an cogitata per eum prosequenda sint, cum illis deliberat. Adhibita est ad id Consilium, quo in votum Ducale Consiliariorum mentes & sententia facilius irent, Ducissa Cristina, pluraque ad colorandum ambitionis feruorem, callido ingenio proposita. Inter quae id unum praecipuum erat. Expedire Reip. Polonorum unum esse Principem, unum Rectorem, unum Monarcham, diuisioneque Principatum inter fratres celebratam, pro salute totius corporis rescindendam, & fratres non Prouinciis, non Principatibus, sed aliquibus Oppidis & villagiis donandos, eosque non pares sed subiectos & obsequentes Wladislao uelut Monarchae, a patre & uniuerso Polonorum Concilio designato, fieri oportere. Secus re acta, & corpore Regni Poloniae in plures partes scisso, & Poloniam perditum euersumque iri, & in praedam vicinis regionibus uirtute debilitata, opportunè concluderebat exponi. Adhuc & Sbignei, fratris naturalis Boleslai Ducis Polonorum defuncti, opera, quibus & in fratris, & in totius Reip. crebro grassabatur perniciem, memorabantur, nec eo uiuo & superstite, Poloniam a mutua caede & collisione, uiciorumque hostium oppugnatione, nisi salubri consilio deperisset, quieturam unquam fuisse. His & pluribus aliis recitatis, maestum & pàne obstinatum silentium Consiliarios aliquanto tempore tenuit, apparebatque iam tunc illos in sententiam Ducis Wladislai, & suae consortis Ducissae Cristinae minimè transituros. Requisitis deinde Consiliariorum sententiis, Primores ferè omnes propositum Ducale detestabantur, impium astruebant & crudele, & ab humanitate alienum, fratres de suis Sedibus atque sortibus exturbari, iuraque gentium & instituta tam Diuinarum quam humanarum legum pessundari & confundi, nihil Sancti, nihil pensi, nihil iusti inter homines hoc exemplo relinqui. Nec eam rem impune cessuram, sed Diuinitatem, parti laesae contra ius fasque, patrocinatorum. Causam Sbignei naturalis fratris Boleslai, nullo pacto huic conformandam: cum ille expellente susceptus, huius iusta Matrefamilias sua quidem matertera & Imperatoria sorore sunt producti, nullo facinori eorum quibus Sbigneus detestandus erat, obnoxii. Orabant deinde Wladislaum Ducem, quatenus a tam exiciali crimine, sibi & suis nocituro, animum auerteret, & germanitatis memoriam subire in pectus pateretur. Horrendos euentus, stirpisque suae Domus & Principatus euersionem, clades insuper quam plurimas, & non subditorum solum suorum, sed & externorum execrationes, & caeteras res suo nomini indignas, si destinata effectui mandare ire pergeret, subiturus, pluresque alios ipsis cladi bus inuoluturus. In hanc sententiam cum penè omnes Consiliarii pedibus iissent, Dux etiam Wladislaus illam secuturus sperabatur, natura tamen potentior & uxoris amor, & paucorum Consiliariorum respectus, qui assentando magis quam consulendo in rem ibant, modestum eius propositum & labefactauit & peruenit. Itaque uxoris tam consiliis quam precibus & impropere expugnatus, in facinus dudum cogitatum consentiens, primum quidè ne tyrannis

sua ab omnibus notaretur, subuentionem & tributum ab omnibus Principatibus qui in fratrum suorum sortem cesserant, iubet sibi velut Monarchae Polonorum persolui. Mox deinde praecipit sibi & nulli alteri per singulas regiones parere, rebelles & contumaces, aut verberare aut carcere, aut ademptione bonorum percelli. Et quoniam Polonorum Proceres nobilesq; ad id facinus tutò perpetrandum, rebatur sibi parum fidos, ex Ruthenis (cùm & ipse matre Ruthena genitus sit) quosdam auxilios accersit, eorumq; ministerio occupationem bonorum fraternorum peragit, eorq; processit iniuriæ, ut ex omnibus possessionibus fratres deturbaret. Nam cùm esset inuidus & ambitiosus, uxoremq; sortitus fastu arrogantiæ tumidam & procacem, in rebus etiam ad se trahendis rapacem, per ipsum quidem vicium inuidiæ, Regnum Poloniae decreuit fratribus suis communicandum non debere, ex ambitione verò decreuit fratres ipsos de terra exterminare. Vxor verò sua fastu tumens superbiæ, consortia & mores aspernata Polonorum, Officiales etiam suos Vincernas & dapiferos, ad mensam suam volebat accedere: dicens sibi tedium ex eorum aspectu generari: eo quòd anhelitu fæterent, & amictu inculti, eius displicerent oculis. Vnde & leuiros suos dedignabatur fastidiebatq;. Per auaritiā verò prætextu palliata honorificentia, sibi non immeritò exhibenda, populo terram mandabat, ut in magnis festiuitatibus pullos gallinarum, porcos, anseres, mel, triticum, auenam, quilibet pro suis facultatibus, honorificè ad mensam Ducis, liberaliter præsentaret. Quibus aliquot vicibus præsentatis, decreuit ut hæc in posterum ad Fiscum, annuatim persoluantur, & per hanc astutiam populi libertatem, in debiti necessitatem & seruitutem obnoxiam conuertit.

IDEM penè furor apud Bohemos qui & apud Polonos ea tempestate (siue id cælestium vis, siue ambitionis fomes causabat) erat, Bohemi siquidem Principatum Vladislai Ducis sui, propterea quòd vegetioris sensus erat, & quosdam eorum officiis summouerat, quibusdam etiam frena licentiæ remisera, non ferentes, Conradum Marchionem Morauiae, filium Leutoldi, filii Conradi fratris Wratislai primi Regis Bohemiae, ad occupandum Principatum Bohemiae, vafro & doloso ingenio subornant. Conradus itaq; Marchio Morauiae prædictus, ferentibus sibi cum milite tum præsentis suis auxilia, Othone Olomuncen Duce, Wratislao filio Odalrici, fratris dicti Conradi, Vladislao filio Sobieslai, filii Wratislai primi Bohemiae Regis, Sbigneo & Leupoldo filiis Borziwoj, qui & ipsi à suis sedibus & Ducatibus pulsi, ad nouandum res, quibus illis suus status reddi posset, animum intenderant, cum valido exercitu in Bohemiam ingreditur, & illam cædibus, igne, & spoliis, plurimum velut terram hostilem vexat & contorquet. Eam vastationem Dux Bohemiae Vladislaus non

ferens, in monte Wysoka septimo Calen Maii, cum nonnullis militibus qui par-
tes suas sequebantur, occurrens, confligit. & cæde magna & plusquam Ciuili
utrinque ædita, Wladislaus succumbit, & in Pragam fugit. Sed nec illic sub-
sistere tutum ratus, ad Conradum Imperatorem, cuius sororem Gertrudim
nomine in consortem habuerat, auxilia petiturus decurrit. Conradus interim
Marchio Morauia victorem exercitum ad Pragam mouens, eam (Theobal-
do fratre germano Ducis Wladislai, ad tuendam Ciuitatem Pragensem re-
licto, nequicquam resistente) expugnat & acquirit, Ecclesiamque Cathe-
dralem, & Monasterium Sancti Georgii, pluraque alia loca Dedicata & pro-
phana incendit & subuertit. Magnaque cæde & crudelitate in Ecclesiasti-
cos & sæculares usus, Ducatum Bohemicum sortitur, a quo post paucos dies
socero suo Wladislao personale ferente auxilium, deiectus est a Conrado
Imperatore Romanorum.

Anno Domini 1143.

Fratres Wladislai Ducissam
Cristinam pro gratia obtinenda
accedunt & nullam impetrant.

Clisciente indies Wladislai Polonorum Ducis in fratres suos, Bole-
slauum, Miecyslaum, & Henricum Duces, sæua tyrannide, cumque
iam fratres huius, pluribus Castris, Ciuitatibus, Oppidis, Munitionibus,
& possessionibus a præfato Wladislao Duce, quem suæ pupillaris conditionis
protectorem sperauerant, exuti forent, quid agant, quo se vertant, cuius opem
implorent, resistent ne fratri Duci Wladislao, an suos Principatus occupari si-
nant, prorsus ignorant. In publicum quidem venire cum fratre certamen, &
ætas infirmior, & fratris Wladislai potentia, illorum viribus longè superior,
eos, & qui ab illorum partibus erant, prohibebat. Veritis etiam ne in victos
grauius quicquam Dux Wladislaus irritatus statueret, geri omnino rem
armis & ferro inter fratres, nemini eorum qui pro pupillis stabant, satis place-
bat. In misericordia itaque & precibus omnem spem reponendam censebant, &
orandum Wladislaum Ducem, ut sua sorte contentus, fratrem se exhiberet
non hostem. Primum tamen consortem illius Ducissam Cristinam, omnium
eorum quæ tum agebantur, commentatricem, adire suadebant. Ea enim placa-
ta, & virum pietate flecti posse, muliebri verò ira non expugnata, & mari-
tum inexorabilem fore. Eo consilio primum Cristinæ Ducissæ, per pupillos
supplicatum est, prostratique tres Duces in famina conspectu, non tam uocibus

quàm fletibus & lamentis, per communem sanguinem, qui illis cum viro & secū
esset, orabant, quatenus Principatus & possessiones, quas pro suis sortibus, & Po-
lonorum more, & gentium iure, ipso etiam Wladislao Duce diuisionem hanc
ratam tunc habente, acceperant, sinerentur quietē retinere, ne quoq̃ Dux Wla-
dislaus in eos amplius saeuiret, & Dominia eorum per scelus & nefas occuparet,
utq̃ iura sanguinis, æquitatis, & iustitiæ, omni Principatu atq̃ Regno duceret
potiora, plus ignominia & dedecoris quàm honoris, plus damni quàm profectus, op-
pressis orphanis, tandem habiturus. Non mouit trucem faminam, neq̃ ia-
centium ad pedes suos Ducum & Leuitorum fratrum etiam suorum respectus,
non preces, non lachrymæ, non eiulatus, obstinato ad hæc omnia pectore, preces
pupillorum repudiens, virum suum Wladislaum, respondit, iustam & necessa-
riam rem egisse, neq̃ ob id carpendum fore, cū status Reip. Polonorum, nisi Re-
gno reunito, seruari & prosperari non possit, scissionem eius, si & ipsi sapere pos-
sent, cunctis exiciale esse. Salubrius eos atq̃ magis sensatē acturos, si se &
sua, arbitrio & voluntati Ducis Wladislai, velut natu maioris permitterent, rebel-
lionem & resistantiam, quamlibet, in capita eorum, quiq̃ illis adhærent, recisu-
ram. Itaq̃ rigidiorē quàm sperassent, Ducissa Cristina inuenta, pupilli ama-
riores discedunt, quæ, nec salubres timoratorum hominum consultationes, illam
à proposito reuocantes, nec Leuitorum submissas preces, admittens, nec orari nec
leniri se quidem passa est.

APRILIS Mensis duodecima die Robertus Cracouiē Epus, biennio
tantummodo, postquam de Wratislaviē ad Cracouiē translatus est Ecclesi-
am in eius regimine exacto, moritur, & iusto honore in Ecclesia Cracouiē quā
uiuens dedicauerat, conditur. Vir singularis probitatis, cuius optimarum virtu-
tum flagrantia effecit, ut Cracouiē Ecclā, hunc potius pro suo regimine postu-
latum deposceret, quàm aliquem de suis eligeret. Mathæus Scholasticus Sto-
bnicē Robertus succedens, ab Innocentio Secundo Ecclā Cracouiē præficitur.
Wladislao Polonia Duce, eius substitutionem promouente, eo quod illi in quadam
necessitate subuenerat pecuniario subsidio, sumptuosus, prodigus & in gulositatē
præceps.

FIRMATO Principatu & solio suo Wladislaus Bohemorum Dux, & aduersa-
riis suis, assistentia & robora Conradi Imperatoris Romanorum Soceris sui, ex
Bohemia effugatis & eiectis, Morauiam cum cum hostili exercitu ingressus, pri-
mū Conradi Marchionis Morauia, deinde Othonis Prouincias, crudelibus flam-
mis, cadibus, spoliis vastauit. Ducensq̃ varia spolia & prædas, dum Marchiones
Morauia pugnam detrectassent, cū ferē uniuersam Morauiam exuisset, in Bo-
hemiam reuertitur.

Anno Domini 1144.

*Petrus Dacus Comes de Skrzin qui
pupillis astabat et ioco detraxerat fa-
mam Ducissae Cristinae ad illius impor-
tunitatem lingua et oculis priuatur.
Multisq; fundatis Monasteriis, et Ec-
clesiis in Regno Poloniae tandem di-
em clausit extremum.*

Repudium precum suarum, Boleslaus, Miecslaus, et Henricus, Duces
apud Cristinam Ducissam Wladislai Polonorum Ducis & Monarchae
uxorem passi, ab omni spe retinendi suas sortes dilabuntur. Iam enim
Sandomirienses, Lublinenses, Maioris Poloniae, Masouiaeque Barones, cre-
scente indies Wladislai octio in pupillos, potentioris spem adiuuandam iudican-
tes, nonnulli vero largitionibus & promissis corrupti, orphanis desertis ad Wla-
dislaum deficiebant. Duo tantummodo reperti Petrus de Dacia (qui etiam
Piotrko magnus & Comes de Skrzin appellabatur) & Wszeborius Palatinus
Sandomiriensis, qui libera fronte pro pupillis starent, causamque eorum quoad pote-
rant, tutarentur. Et Wszeborius quidem armis & ferro rem gerens, etiam in
quibusdam particularibus certaminibus superior euadebat, spemque Wladislai im-
probam retardabat. Comes vero Skrziniensis Petrus, Swantoslai filius, diuitiis &
potentia caeterisque eius generis ornamentis clarus, probitate vero & existima-
tione, quamuis externus & aduena, facile in Regno Polonico Princeps, ne ab
inuidia inuaderetur, quod magnis uiris natura quodammodo comparatum est, eui-
tare non potuit. Caput autem & origo suae inuidiae ex hinc cepit, quod frequen-
tibus familiaribusque sermonibus Wladislaum Ducem accedens, tyrannidem capi-
tam, & haecenus continuatam, carpebat damnabatque, ostendens non uerbis so-
lum sed exemplis, eum in propria viscera, & propriam perniciem grassari, nec
ea tyrannide uniuersale Regni Poloniae Dominium assequi illum, sed et pro-
prium & legitimum uerbi in discrimen, nullaque re magis, quam fraterna unani-
mitate, & sociali concordia in altum statum, quem tantopere cuperet, euasurum.
Non solum autem non surdis, sed etiam iniquis auribus, quae a Petro Comite
dicebantur, audita sunt, tantamque insuper & tam feruicidam, primum suspicionem,
deinde indignationis flammam Wladislaus Dux Polonorum, a Petro Comi-
te reprehensus, hausit, ut in illum iuxta ac in fratrem tyrannidem uertendam co-
gitaret: ueritus quam maxime, ne Petrus Comes Skrziniensis (qui ea tempe sta-
te tam genere quam facultatibus, clarus & potens habebatur) orphanis adiunctis

555

& propositum suum ad irritum deduceret, & potentiam suam vel confunde-
 ret vel languidaret. In fensum suapte Wladislai Ducis Polonorum in Pe-
 trum Comitem Skrzinen animum, in ampliorem bilem coniunx Wladislai Du-
 cis Cristina accendit, cum qua Dux Wladislaus de rebus quibusq; consultare
 solitus erat, cum & ipsa dudum graui ira Petro Comiti Skrzinen infesta sit.
 Ferarum siquidem venationes quodam tempore tam Duce Wladislao quam Petro
 Comite una tractantibus, cum fera cursu suo utrumq; in desertum, & longe a sta-
 tiuis distans nemus abduxisset, rugiensq; fame stomachus, carne comprehensa
 bestia, aggre fastidiosq; impletus, sitim glacie & niue exclusisset, ambo insuper
 nuda humo, somnum & quietem capturi, delicias suas quae illis ex cibariis potuq;
 & ex parum molli strato, contigerant, familiari confabulatione recenserent.
 Mollius, inquit Wladislaus Dux Coniugem tuam Petre cum Abbate Skrzinen
 reor quam nos quiescere. Huic faceto dicto, & ad leuandam praesentem diffi-
 cultatem, a Duce Wladislao prolato, Petrus Comes simile responsum redditu-
 rus. Quid scis, inquit, non tantum meam cum Abbate, sed & tuam cum Dobiesch
 molles nunc cepissesomnos. Erat autem Dobiesz miles a Ducissa Cristina
 amatus, cuius familiaritas, pudicitiam Ducissae Cristinae in sugillationem apud
 plerosq; perduxerat. Concepit illico Dux Wladislaus ex ea responsione iras,
 cautius tamen eas suppressens, cum & saeuendi opportunitas, parum tunc tuta es-
 set, & Petrum Comitem velut affinem suum, qui matris suae propinquam sorore
 pro consorte habebat, maiore ultra omnes Barones aestimatione colens, nolet ha-
 bere alienatum & in fensum, sub silentio & paciencia rem ad praesens absoluit.
 In domum vero reuersus, tristitiam animi etiam in vultu praeseferens, sciscitanti
 uxori mutationis causam, cum diu nequicquam restitisset, expugnatus tandem se-
 dula importunitate, Secretum auida instigatione exigentis mulieris, vel indi-
 gnabundus, vel ut plerisq; placet iocabundus, sermones quos praecedenti nocte
 cum Petro Comite de uxoribus cecinissent, ex ordine aperit. Qua relatione
 Ducissa Cristina dum pudicitiam suam per illos in dubium reuocari credi-
 disset, torto adeo et exacerbata est, ut ab illo tempore muliebri more, qualiter
 eam iniuriam ultumiri posset, variis studiis, varioq; astu mentis certauerit.
 Et irae impotens, neglectam a viro, & nimis leuiter latam iniuriam suam indi-
 gnata qualiter de Petro Comite saeuertus ultumiri posset, exquisitione dolue-
 bat. Ea itaq; occasione quam retulimus oblata, omni conatu omniq; nisu,
 consilio atq; suasu, ut de Petro Comite sumatur vitio, Wladislai Ducis vi-
 ri sui agrum animum pellicit, suggerens eo incolumi, nullo pacto plenum Re-
 gni Poloniae Dominium, Ducem Wladislaum obtenturum. Studiosius quoq;
 deinde compositis simulationibus, & per se & per alios, quos sibi ad id scelus
 facilius conficiendum adiunxerat, in necem Petri Comitis, quasi rebellionem
 & deiectionem, atq; venena in necem Ducalem, meditantis, animum viri

urgere capit. Et licet, ne id ageret a timoratis viris admoneretur, nihil tamen
Diuinum, nihil dignum, nihil salubre auris admittebat mulieris, maiorique ul-
tioni flagrabat ardore, quæ potius pro debito conjugalis muneris, errata viri
reprimere, & officiis suis etiam flagitiorum inuidiam compensare debuisset.
Cæterum cum ad explendum in Petro Comite facinus, quod muliebri animo
comparatum erat, fidus minister, & ut arcanum illud tuto, ne proderetur
illi committi posset, necessarius quaereretur, cum appareret rem per se execrabi-
lem, & quæ non sine evidenti, illam administrantis, periculo, propter Petri
Comitis quæ pollebat potentiam, confici posset, singulos quosque aspernaturus,
Dobiesch ad id idoneus visus priuatam & ipse contumeliam in Petro ultu-
rus, deligitur. Qui & si onus detestandum in Ducissæ Cristinae fauorem,
quæ etiam illi in facinoris premium, Petri Comitis, quo vigilantius studiosiusque
rem ageret, bona pollicebatur, suscepisset, parum tamen se validum, ut id
consequeretur censebat, una ad id commodissima muliebri ingenio aperienda-
tur via, si Petrum nihil ex præparato agentem, in alienis ædibus oppresisset.
Desponsauerat autem Petrus Comes Skrzinen' filiam suam Iaxæ Duci Ser-
biæ, celebrationemque nuptiarum in Wratislaviæ Ciuitate, ut receptaculum
hospitibus esset, & hastarum ludos premio proposito victoribus, indixerat.
Illic Dobiesch satellitum frequentia fultus accedens, Petrum Comitem Skrzy-
nensen incautius se in hospiciis morem gerentem, captiuat, vinculumque ex Wra-
tislauia educit, & Duci Wladislao præsentat, nuptiarumque solennitatem peri-
turbatis conuiuiis fœdat. Diu in eum Wladislaus Dux quicquam grauius sta-
tuere cunctabatur, & innocentia viri, & meritorum eius in se & patrem
patriamque recordatione, deterritus, verita Ducissa Cristina ne misericordia
viri captiuum Petrum absoluiſſet, non precibus solum & consiliis, sed minis,
discessuram se ab eo, si violatam suam honestatem a Petro inultum iri sineret,
contestans, perpulit virum, ut supplicium de optimo atque benemerito milite
sumeretur. Missi carnifices, qui linguam incidunt, & utroque lumine Petrum
cæcant. Ita vir & virtute & opere egregius, famineo furore pro crimine
proditionis afficto, ad pœnas raptus, nobilioribus membris spoliatus & exu-
tus, indigna ultione mulctatus est. A Scriptoribus Polonorum tantum
viri huic viro tribuitur, ut pro insigni suæ innocentia atque virtutis memoria,
referatur, Dei propiciatione & miraculo, in quem tot pietatis facinora contu-
lerat, & oculos plenamque potentiam visuam, & integram loquellam, lin-
gua instaurata illum recuperasse, & quinquennio quo posthac vixit, Mo-
nasteriis, Ecclesiis, & piis locis, his præsertim quæ ipse fabricauerat, largas
donationes fecisse. Cætera quoque supplenda, quæ locis piis & Monaste-
riis prædictis deerant, filiis Constantino & Agidîo in morte mandauisse,
celebrem decedens habuit in Monasterio Sancti Vincentii Ordinis Præmon-

stratensis, quod ipse vivens fundaverat extra muros Wratislaviæ, sepul-
turam, ubi in Chori mediò terræ mandatus est, magna Polonorum frequen-
tia, eius honestante exequias, ipsisq; in feriis monstrante, quantum vitam
amauerint. Sed & in hanc diem Petri Comitis Skrzineñ nomen, apud
Polonos extat sonorum & celebre. Consors sua Maria postea fati interce-
pta, in eadem qua Petrus urna, mariti consocianda cineribus, condita est.
Duo insuper versus sepulchro huiusmodi inscripti, veriusq; attestantur sepul-
turam, qui tales sunt. Hic situs est Petrus. Maria coniuge fretus, Mar-
more splendente, Patre Vilhelmo peragente. Exiant usq; in hac tem-
pora plures in Polonia Ecclesiæ, quæ ab eo feruntur muris ædificatæ, licet maior
eorum numerus, per novarum constructionem, demolitus sit, vñ ad Sanctum
Vincentium, item ad Sanctum Michaellem in Wratislavia, in Strzelno, in
Klobuczko, in utraq; Skrzin, in Zarnow, in antiqua Siemior, in Patyczno,
in Ruda, in Chelmce, in Wierwiczow, in Lancicia, in Kigye, in Opathow,
in Pkanow, in Chalmo, in Thiniecz, in Chlieuiska, in Koscieliecz Diæce-
sis Wratislaviæ, ad Sanctam Mariam in arena, ad Sanctum Martinum in
Wratislavia, ad Sanctum Laurentium in Calisz, ad Sanctum Salvatorem
antè Cracoviam in Zwierniecz, ad Sanctum Swiradum, ad Sanctum Lau-
rentium in Cavimiria, ad Sanctum Ioannem & ad Sanctum Andream in
Cracovia, in Cavimiria ad quinq; fratres, in Mstow, in Nissa ad Sanctum
Petrum, in antiqua Konin, in Kothlow, in Numborg. Sanctimonialium præ-
dictorum in Rambino, in Czerwoni Kosciol, in Lamin Conventualis &
Parochialis duæ, in Thulce, in Giecz, Sancti Egidii antè Crobia, & in
Lewow. Constat insuper præfatum Petrum Comitem Skrzinensem
ingentis animi & spiritus virum extitisse, & pro amplificanda exornandaq;
Polonorum regione, raram & homine magnifico & liberali dignam mon-
strasse curam. Qui dum duas amplas Provincias Calisiensem videli-
cet & Cruszuiciensem sua regimini à Duce Boleslao Krzywousti com-
missas, administraret, & frequentia itinera de una in alteram perage-
ret, longitudinem itineris, qua una ab altera distabat, mensus, in earum
meditullio columnam de Saxo, quam etiam in præsens in Cimiterio Ecclæ
Parochialis in Konin cernimus locari disposuit, cui etiam ea Metra inscul-
pi iussit. De Calisz hic tnedium in Cruszuiczam fore punctum. Indi-
cat ista viæ formula iustitia. Quam fieri fecit Petrus Comes, Palatinus.

INNOCENTIVS Papa II. cū annis tredecim, secundū aliquos quatuor,
decim, mensibus septem, diebus octo sedisset, Romæ moritur, & in Concha
Porphirica miro opere fabricata in Ecclesia Lateranensj honorificè se-

pelitur. Cui Coelestinus secundus natione Tusculus de Castro Felicitatis, succedit, Vir religionē & scientia præditus, cum magna Cardinalium conanimitate, ad sedem Petri electus.

Anno Domini 1145.

Wladislaus congregato ex Ruthenis maximo exercitu duos fratres expellit, et per Archiepū propterea anathematisatus. Expulsi autē cum Mieczslao se concludunt in Castro Posnamien prius mori, quā se furori fraterno committere eligentes.

Petro de Datria Comite Skrzinensj, detestabili crudelitate mutilato cæcatoq̃, Wladislaus Polonorum Dux tyrannidem captam superintendens, non ad occupandum solum fraternos Principatus & sortēs, sed ad eliminandum eos ipsos de Patria, studia sua conatusq̃ conuertit. Cū ad id non solum ambitionis ardore & uxoris irritamento, sed & impunitate scelerum, & assentatione improborum fereretur, nemine eius tyrannidi, post crudelitatem in Comitem Skrzinensem depromptam, obstare, aut eius conatus carpere, seu quæ vera & legitima essent dicere, auso. Itaq̃ ex omnibus Principatibus & Dominjs suis exercitu collecto, Ruthenorumq̃ auxilijs frequentiori numero quā unquam aliās accersitis (Wszeuoldus enim Kiuuiensis Dux, filium suum Swantoslaum, item Ducem Isaslaum, item Ducem Wszeuoldimirum Haliciensem, cum copijs Ruthenorum in auxilium transmiserat) Boleslaum de Plocen, Henricum de Sandomirien, Castris, fratres germanos depellit, cæteraq̃ eorum præsidia deiecit, & omnes eorum Principatus & terras, iustis Principibus fugatis, subiugat. Unus tantummodo Mieczslaus Senex vocatus, restabat, Gnesnen, Posnamien, & Maioris Poloniæ Dux, ad quem hii duo fratres Boleslaus Crispus Masouiae, & Henricus Sandomirien, Duces sedibus suis pulsī, diffugerant, arcemq̃ Posnamien omnes tres adeuntes, etiam viris armisq̃ eam munerant: resistantiam Duci Wladislaui si illuc quoq̃ impeterentur, opposituri. Quod ubi Dux Wladislaus agnouit, ocys illuc ire pergit, celeriori quoq̃ quo potest cursu exercitum admouit, & Posnamienense Castrum fortissima obsidione wallauit: uniuersos fratres uno loco unaq̃ obsidione debellaturus & comprehensurus. Cinxit deinde seipibus & frequentibus turribus Posnamien Castrum, ne cui de obsessis liceret

fugere, bombardis quoque & arietibus illud nocte & interdum quatiebat, omnibus ingeniis artibusque humanis ad eius conquestionem intentus. Principes autem Mieczslaus, Boleslaus, & Mieczslaus, videntes se per obsidionem illam plurimum coartatos, ne viui in manus hostiles venirent, ne quoque in captos quicquam grauius statui contingeret, mittunt nuncios ad Wladislaum Ducem, rogantes ut nubilo suae indignationis mitigato, illos hostiliter impetere, & Principatus eorum occupare desineret, solueretque obsidionem, & fratrem se atque defensorem gere. rei, sortisque sua contentus esset, neque in exterminium eorum qui eodem patre essent geniti, & aequale in Poloniae Regno ius cum eo haberent, aspiraret, memor humanarum rerum, & suam fortunam modestè regeret, & alienam ne urgeret. Legationem autem huiusmodi Wladislaus Duce fastuosè repellente & irridente, nihil quoque pacati respondente, Ducibus Mieczslao, Boleslao, & Henrico & omnibus cum eis obsessis maior paucior incessit, fortunamque suam miserandam & miserabilem, lachrymosis ciuitatibus crebro deplorabant. Pro more deinde ingenii humani, ad conditiones pacem aliquam laturas versi, deditionem plerique facere, ceteri de aliqua sorte Principatum cedere, & furorem ambitionemque Ducis Wladislai utcumque placandum decernebant. Sed cum conditio utraque grauis & intolerabilis videretur, & Dux Wladislaus non aliter aestimabatur quieturus, donec cum fratrum exterminio, plenum illi regimen Poloniae Regni proueniret, perseverare in obsidione, eamque tolerare, & omnia pati extrema diffiniunt: sperantes Diuinitatem, quae pro iusta causa stare consuevit, se & suam oppressionem aliquando respiciaturam. Sub ipso autem obsidionis tempore Wladislai Ducis exercitus, auxiliares praecipue Rutheni, praedis, spoliis, & innumerabilibus maleficiis non contenti, etiam ingenuis matronis & virginibus supra, plerisque caedes & corporum cruciatus, ceteraque abominanda & Christianis indigna, rabie barbarica inferebant. Quibus malis Venerandus Iacobus tunc Sedis Metropolitanae Gnesnensis Antistes permotus, in Castra Ducis Wladislai ingressus, cum quadriga esset aduectus, grauis enim iam annis excesserat, amictu & mitra Pontificali, quo terribilior videretur, vestitus, & in eadem qua vehabatur quadriga, Papilionem Ducis Wladislai intrans, prudenti & digesto sermone, ut armis depositis, obsidioneque soluta, in gratiam cum fratribus rediret, patriamque quae illum produxerat ac extulerat, barbarica inuasionem, supra caedes, spolia, & incendia in eius exterminium & ludibrium inferendo, persequi & vexare desineret, & sua sorte contentus, aliena contra ius fasque non ambiret, benignius quo poterat exhortabatur. Certum illum reddens, ea mala quae egisset, non sibi impune cessura, sed fusum fundendumque sanguinem in eius perniciem redundaturum. Huiusce modique illum conuenit sermone. Venio, inquit, ad te Clarissime

Princeps, senio quidem graui, sed anxietate & dolore maiori confectus, rogaturus, ut bello pernicioso omisso, quo fratres eliminare contendis, labem etiam quale & genus tuum facere constituisti, attendas: eo quidem maiorem, quo testamento patris Curator fratrum scriptus, amplitudinem illorum non exterminium procurare debueras. Tu siquidem, ex Curatore insidiator, ex amico inimicus, ex fratre hostis, arma quæ pro fratribus opponere conueniebat, in ipsos vertis, quos tutandos assumpseras, quatis multifarie & callidis, humani generis res, fidem, societatem, fraternitatem, sanctissima fœdera, ipsum denique sacrosanctum humani generis vinculum, violas, securi, tatis auxilia in metum vertis, malorum omnium unde minus expectabantur pericula, in fratres & patriam congeris. Optimum crede temperamentum, oppressa ambitione qua cales, deposita tyrannide quam exerces, cum fratribus ex æquo vivere, & post bella execranda, post vultus & actus minimè fraternos, subiitutam tandem aliquando tibi, germanitatis et curationis memoriam. Horrendam hanc existima quam prosequeris & plus quam Ciuilem discordiam, stirpem vestram ac Illustræ Dominiū & Regnum funditus, nisi celeriter resipueris, euersuram. Honorem amplū & fructum cumulatiſſimum, si monitis meis parueris, sin minus Diuinam & humanam ultionem percepturus. Reuolue animo quā fœdum, quamque plenum dedecoris & iniquitatis est, te hominem Christianum & Principē de Deo suo & eius assidue pendentem iudicio, id agere, quod gentiles à veri Dei & Christiana religione alienos constat execrari, ut plus in pectore tuo possit cupiditas Regni inanis, quam fraternæ pietatis affectus. Wladislaus autem Dux fuga & discessione fratrum in unam arcem elatus, salubres Pontificis monitus, clare voce sibi successuum varietatem prædicantem, aspernari sustinuit, & prosperitatis suæ celerem cursum, vana sibi quædam ominans, & pleno velo semper se nauigaturum confidens, à moderatōnis contubernio exclusit. Sed remittendo tam optimo consultatōnis bono, declarauit, quod non in omnes cadit donum prudentiæ salutaris, nec quemlibet patitur possessorem, & superbiorum atque insensatorum Principum auaritia obcæcatorum more, in sua persistendum duxit sententia. Obstinato ad ea, quæ ab optimo Præsule dicebantur, ædito à Wladislao Duce responsō, dum appareret illum à rabie concepta, nullo pacto quieturum. Iacobus Archiepiscopus prædictus, Spiritu Diuino impletus, scutum fidei & lorica spei velut præliabundus assumens, & sella cui insiderat altius consurgens. Postquam, inquit, lege Diuina et humana prophanata, iure etiam gentium & naturali præuicacato, tantos ausus assumpsisti, ut neque Dei metus & reuerentia, neque humana persuasiones & monita, neque meæ exhortationes & consilia, te queunt à prauis & execrandis facinoribus abstrahere,

Et ad rectum inclinare, auctoritate Dei omnipotentis, cuius vices in hac
 parte prosequor, te velut Principatum fraternalium, iniustum violentumque
 inuasorem, fidei et patriae hostem, legum Diuinarum et humanarum trans-
 gressorem, et meorum paternorum monitorum rebellem contemptorem, ad
 omnia salutaria obstinatum, Pharaonicam cordis duriciem praeserentem,
 primum quidem coram praesenti quae astat multitudine excommunico, deinde ve-
 lut pertinacem anathematizo, et ultimo velut incorrigibilem, ultioni Diuinæ
 puniendum relinquo. Execratus demum in caput et exercitum Vladislai
 Ducis, ac etiam in auxiliares copias, superos, violata ab eis fidei et religio-
 nis, sui quoque saluberrimi spreti consilii, testes inuocans, anathemateque illas
 damnans, in vehiculo vectus, ex Papillione Ducali recedebat: interminans
 stipendia, quae a fratribus exigebat, a se propediem per fratres iustius expe-
 tenda. Sed neque his ingestus terror saxum mouere pectus poterat, nec
 excruciatam ambitionis igne mentem sanauit. Non tamen in Prasulem se
 ferientem, contumeliis, improprietatibus, aut comminatione, Principum more uten-
 dum duxit, sed singula sub patientia perferens, nihil se aut corripiente in-
 dignum deprompsit, aut molus omnes animi in potestate habuit. Egre-
 di-
 ente Archiepiscopo de tabernaculo Ducali, auriga Archiepi quadrigam et
 equos incautius agens, ultimo axe columnas, quibus Papillio Ducalis susten-
 batur, euerit, tabernaculum quoque exinde corruens, usque ad solum cecidit.
 Nec longe absuit ut suo prolapsu Vladislau Ducem opprimeret, eum quoque
 casum Dux Vladislaus ira suppressa, quam moris sui esset patientius tulit,
 et non bili tantum, sed nec obiurgationi indulsit, pluresque suae patientiae
 admiratione tenebantur. Nonnulli vero casum tabernaculi scrupulo-
 sius notantes, velut praesagium et euidentem futuri casus aduersi signum
 augurabantur accidisse, in breui scilicet temporis spatio, post eas quas a
 Metropolitano suo salubres admonitiones, spretum iri permiserat, post fra-
 trum suorum quos praeter iustum aequumque paternam hereditatem exuere
 aestuabat, humiliationem supplicem, quam ludibrio habuerat, Duce Wla-
 dislau ominantes ruiturum. Unde et ab aliquibus suis Consiliariis
 aditus atque rogatus est, ut feroci animo deposito, pacificari fratribus sub
 aequis conditionibus dignaretur, vereri se asserentibus, ne pro armis iniuste
 sumptis, secum una Diuina obruerentur ultione. Dum obturatas ad
 ad omnia salutaria monita aures, et obstinatum animum Vladislai Du-
 cis, Principes Boleslaus, Miecslaus, et Henricus, item Dominorum
 suorum Barones, Sandomirien, Maioris Poloniae, Masouiae, et Cracouiae,
 qui causae eorum deesse turpe et factum putarunt, ex lris et Nunciis Ia-
 cobi Archiepiscopi, singula ex ordine quae pro illis gesset denunciatis,
 sensiſſent, in ultimam desperationem versi, etiam in mortem, et in omnia

quæq; indigna, antequam se tam impio fratri & iniusto hosti dederent, deuouent & destinant. Videntes insuper se longa obsidione inclusos & maceratos, undiq; insuper constrictos, nec ullum effugii locum esse, in misericordia quoq; fraterna, Archiepo Gnesnen illum inflectere non valente, nihil amplius restare spei, ex ipsa desperatione sumpsere audaciam, promptioresq; in pugnam & in mortem faciebat ultima necessitas & præruptum periculum. Et unusquisq; ita animatus, accingebatur in id, quod futurum esse de buerat, prælium, ut deuoueret se potius telis hostilibus, si ita sors ferret, quam miserationi fraterna sæpius petita, et nunquam oblenta, caput obiecturum. Vna, et ipsa tardior quam tempus postulabat, euadendi spes erat, si hyberno tempore subueniente, solui hostilem exercitum inopia pabulorum & intemperie hyemis contineretur. Sed interim quoq; & apud se noscebant de futura alimenta. Res itaq; suas videntes ad extremum, nocte & interdium versas, suum exitum metiebantur, & crescebat assidue in singulorum pectoribus desperatio: quoniam nulla ratio tolerantiam amplioris obsidionis, dum nulla ventura auxilia expectare fas erat, afferebat. Complexi deinde se inuicem, & datis dextris, factisque osculis, certissimum moriendi propositum, quam primum occasio suberit, assumunt. Crebro itaq; in opera & stationes hostiles insilientes magnam stragem faciunt, sed dum ob eam rem militum numerus pro tuendis operibus duplicatur, obsessorum Principum milites per multiplices insidias incautas intercipiunt. Sæpius quoq; certamine inter utrosq; accenso, mirificum prælium sequebatur, plures tamen de exercitu Vladislai Ducis, aut capti aut occisi quotidie succumbebant, in Rutenos tamen maior quam pro numero, in congressionibus & excursionibus huiusmodi, cades adebatur. Pluribus deinde diebus ab obsessis nil mouebatur, Principesq; obsessi suos omnes intra arcem continebant, cum laceßendi magis quam sustinendi hostes, leuibus certaminibus experientiam accepissent, nulla parte virium hostibus pares. Dilapsi hostes ex stationibus, custodiaq; operum, ac ceteri Vladislai milites (postquam ab obsessis copia pugnae non fieret) corpora curabant, aut luxu ebrietatq; operam dabant, omniaq; in Castris Vladislai, quasi victi & expugnati hostes forent, solutiora, fractos quoq; & ultima desperatione fatigatos Principes, Boleslaum, Miecyslaum & Henricum, eosq; qui una cum illis obsidebantur, ratus, latus & gloriabundus, deditionem eorum Vladislaus Dux operiebatur. Contemptus deinde hostium post, negligentia in exercitu Vladislai velut re prosperè succedente & successura, haberi, ceptus est. Paucis ad stationes & opera relictis, ceteri se in varia loca sparserant, pleriq; in lasciuia explendam abierant, pars aut ludo aut comæssationi vacabat, quidam hesternam eructantes crapulam somno strati iacebant, inermes, inordinati, ut quibus velut pro comperto erat, obsessos de Castro nil hostile moturos.

Vbi satis Principes obsessi, contemptum sui viderunt apud Wladislaum
 & milites eius insedissee, scirentq; ex captiuis et profugis negligentiora om-
 nia apud hostes esse, arma suos capere, fortunamq; tentare iubent, glori-
 osius aliquanto in pugna aduersis vulneribus, quam in arce fame & ine-
 dia strati, morituri. Omnibus tam equitibus quam peditibus ad erumpen-
 dum preparatis, signum quoq; rubrum in turris cacumine Principum iussu,
 erectum est, cuius erectio dum militibus in exercitu Wladislai, Ducibus
 Russiae praesertim, Swantoslawo, Isaslao, & Wszeuoldimiro, tunc ad latus
 Wladislai considentibus, admirationem ingesset, significatum signi Ru-
 tenorum Principibus operosius sciscitantibus, Ducem Wladislaum respon-
 disse ferunt, Principes obsessos & deditionem offerre, & misericordiam fla-
 gitare. Cumq; Rutenus parci victis seq; deditibus, abstinereq; a
 fraterna & propriorum caede, summo perae aequum censuisset, ferox Wladi-
 slai pectus, siue ultionis siue exterminii fratrum audum, respondit.
 Clementiae & reconciliationi locum de caetero non superesse. Sub hac
 confabulatione & sermone, Principes obsessi cum fortissimis & exercita-
 tissimis militibus, moriq; quam cedere persuasis, adhuc cum permiscua cu-
 iusq; ordinis ataliqua, quae Castris concludebatur, turba, media ferme die,
 dum magis sopiti aut opulis hostes intenti essent, erumpunt, clamorq; ab
 omni etiam infirma aetate sublatus, diu Wladislaum Ducem & suum exer-
 citum suspensum & attentum (amentiam enim illam non audaciam pleriq; re-
 bantur) tenuit. Vbi vero effusissimo & subito cursu eos ad se pergere
 aduertunt, vehementer perterriti, neq; consilii habendi, neq; arma expedien-
 di spatium dato, perturbabantur. Tum primum trepidatio, siue numine occul-
 to metum illis ingerente, siue quod se nudos impropriosq; & inermes cer-
 nerent, siue quod causae suae & futuro certamini iniustis armis tractando
 parum fiderent, iuxta ac si insidiis circumuenti forent, coorta est, diuersi di-
 uersa moliebantur, nulli quid potissimum agendum esset, constabat. Nec ho-
 mines solum sed et equos terror ex tumultu & clamore peruaseraat. Pauci
 itaq; inermes, equis utcumq; correptis, dum ordinatis & armatis occurreret,
 facile trucidantur, sparsi & semisomnes opprimuntur. Nullis res precio-
 siores seruandi cura erat, ita diuersa rerum conspiciebatur facies, nec quisq;
 praetrepidatione aliquid consulebat in commune. In Castra hostilia igne
 ingesto, incendium late diffundi cepit, materia arida & sicca ex culmo et
 stramento, quo Castra operta erant alimenta subministrante, fuga deinde
 passim ferrum & flammam euitare conantium, & postea caedes, erat, sub
 modico interuallo validum robur ex Polonis & Rutenis congestum, fu-
 sum fugatumq; & Castris exutum est. Et dum in omnes partes capef-
 sunt fugam, equites fugientes persecuti, magnam caedem in fugientibus

Rutenis praesertim adiderunt. Nonnulli ab undis suffocati Wartham & Głowniam fluuios, ad quos certamen gerebatur, cadaveribus impleverunt. Wladislaus Polonorum Dux cum Rutenorum Ducibus & paucis quibusdam effugiens, versus Cracouiam a suis desertus concessit, mœrensque & calamitate plenus equos mutando, Cracouiam sine militum frequentia, velut si priuatus foret, peruenit. Documentumque sui exemplo & praesentibus & posteris dedit, ne quis de potentia confidens, in aliorum oppræssionem, cum Legis Diuinæ & humanæ prauaricatione, & salutarium monitorum obauditione, inexorabiliter aspiret. Principes Boleslaus, Miecslaus, & Henricus, victoria modestè usi, omnes qui ex Polonis capti fuerant, libertate donauerunt. Ex eoque tempore res eorum contra Wladislaum fratrem prosperatae sunt, & omnia quæ illis abstulerat breui sunt recuperata. Castris insuper iam Wladislai Polonorum, quam trium Rutenorum, Ducum potiti, variis quoque ex manubiis utriusque exercitus Polonici vti & Rutenici, ditati rebus, plures pro sui solatio non ex propriis tantummodo, sed etiam ex forensibus, milites armauerant. Rutenorum Duces, Swantoslaus, Isaslauus, & Wszeuoldimirus per fugam Cracouiam aduenientes, exinde tam militibus quam rebus nudati, in Russiam cum paucis comitibus rediere.

CELESTINVS Secundus Papa, cum Mensibus quinque diebus tredecim tantummodo sedisset. Romæ moritur, & apud Lateranensem Ecclesiam sepelitur. Cui Luthus secundus natione Bononiensis, ex patre Alberto succedit, vir pro mansuetudine & humilitate sui, officio Summi Sacerdotis dignus. Qui ex Presbytero & Cardinali tituli Sanctæ Crucis in Papam assumptus, totam illam Ecclesiam & Claustrum renouauit. Is a Romanis grauem persecutionem passus, venire Conradum Romanorum Regem ad suam defensionem literis inuitauit. Romani enim priscum fulgorem resumpturi, creatis Senatoribus & Patriciis, Lutium Papam de oblationibus & decimis antiquorum Sacerdotum more, viuere cogeant, omnium Regalium intra & extra Urbem sibi nequiter usurpando potestatem. Horum malorum taedio Papa vexatus, breui tempore superuixit.

HENRICVM Olomuncensem Episcopum Romam proficiscentem Conradus Marchio Morauiae, occultè captiuare nitebatur. Qui dum manus suas effugisset, Conradus Marchio familiaribus aliquibus Episcopi truncidatis, omniq; suppellectili sua usurpata, hospitio etiam Episcopi incenso, recessit.

*Monasterii Landensis fundatio
et Wagrouicensis prerogatiua ~*

Luinae propiciationi humanam gratiam Mieczslaus Senex Dux Maio:
Dris Poloniae, pro consecuta nobili & memorabili victoria, quam de ger:
 mano suo Wladislao Cracouien Duce & Russiae Principibus con:
 tra suam & omnium spem, retulerat, redditurus, ad fluenta fluvii Warta
 in villa sua Ducali Lenda Monasterium ordinis Cisterciensis, fundat
 & erigit, & illud Ducali munificentia, villis, praediis, & amplis introiti:
 bus, dotat & libertat. Ad Monasterium autem hoc, & aliud eiusdem
 ordinis vocatum Wągrowiecz Monachi in prima Monasteriorum hu:
 iusmodi fundatōne, ex Monasterio quod vocatur Vetus mons, tribus mi:
 liaribus à Coloniē Ciuitate supra Rhenum sita, distante, sumpti sunt.
 Ab eo autem tempore mos fuit laudabilis, & omni commendatione dignus,
 usq; ad tempora mea observatus, quod nemo in Monasteria praefata in Re:
 gularem obseruantiam assumitur, nisi sit genere Coloniē. Ex quo nimirum
 prouenit, quod Monasteria praefata, optimo reguntur ordine, tam in Spiritu:
 alium quam temporalium gubernatione: passura illico & religionis & rei
 familiaris naufragium, si hunc morem quandoq; deseruerint. Nec mos
 ipse nudē & fortuito, sed rationabiliter & ex euidenti & merito, praefa:
 tis duobus Monasteriis, pro iure perpetuo & lege perhenni, ob eam causam
 fuit concessus. Visitante siquidem Mieczslao Maioris Poloniae Duce
 Ecclesiam Aquisgrani, & corpora Sanctorum trium Regum in Colonia,
 dum à Coloniensibus maximis certatim celebraretur honoribus, hanc Colo:
 niensibus refundit gratiam, super qua & Priuilegium scripsit, ut in uicissi:
 tudinem officii sibi à Coloniensibus exhibiti, nullus ad praefata duo Mo:
 nasteria, nisi sit Coloniensis, possit assumi aut in eisdem tolerari.

Anno Domini 1146.

Wladislaus desperans rebus suis re:
 lictis uxore et filiis Cracouiae fugit
 ad Regem Romanorum. Capta tamen
 Cracouia, missa uxor cum filiis ad ip:
 sum, et Boleslaus Monarcha eligitur.

Principatibus propriis Boleslaus, Mieczslaus, & Henricus, miro
Pomnium Baronum & Nobilium favore & consensu recuperatis,
 cum praeter insitam inuidiam & execrationem, qua erga Wladisla:
 um Ducem occupatorem, iniustum, milites Poloniae tenebantur, etiam in ea
 partem, versi erant, quo se iam fortuna inclinauerat, collectis tam equestribus

quā pedestribus copiis, ad Cracouien' Urbem & arcem, in qua Wladislaus post fugam delitescerebat, procedunt, Wladislaum inde propulsaturi, & suas iniurias damnaq; (antequam ex clade apud Posnamiam accepta, se reficeret) ulturi, rati, eo Monarchiam Polonorum obtinente, nouis bellis, cum Ruthenorum assistentia, se quandoq; infestaturum. Wladislaus autem Dux clade Posnamien' percussus, & tam militibus quā fortunis armisq; exutus, cum & omnes homines omnia loca temporaq; omnium animis ab eo alienatis, suspecta haberet, nec satis cuiquam fideret, de Cracouia in Ratibor, & exinde in Almanniam per Slesianam oram ad Conradum Regem Romanorum, auxilia sua imploraturus, ne in iratorum & pro suo merito sibi infestorum fratrum manus incideret, confugit, uxore & tribus filiis in Arce Cracouien' relictis. Cracouien' autem Ciues, dum Ducibus Boleslao, Miecislao, & Henrico Urbem obsidentibus aliquantulis diebus obstitissent, tandem dum nihil spei in Wladislao & filiis eius sibi viderent superesse, portas aperunt: pacti ne quid hostile paterentur. Nec ita post multos dies Arx cum uxore & filiis Wladislai dedita est, in quam (& si magnitudo accepta iniuriæ, consultatioq; & nonnullorum instantia, & præsertim amicorum Petri Comitis Skrzinen', id magnoperè & deposceret & exigeret) neq; animaduersum quicquam, neq; sæuitum est, sed sine iniuria sine contumelia habita est, & omnis illi honos ab exacerbatis iustaq; ira candentibus, victoribus Ducibus & Leuiris seruatus. Quia tamen liquebat ea in Polonia agente, Poloniam satis pacificam esse non posse, Verebanturq; Principes, Petrum Comitem Skrzinensem, aut propinquos & affines eius, suam quandoq; cæcitat' iniuriam, in ea contumeliis aut occisione ultum iri, ne futuræ calamitatis aut mortis euentus sibi inferendus esset, ipsos quoq; Duces in sugillationem adduceret, in Almanniam cum tribus filiis suis ex Wladislao susceptis, Boleslao alto, Miecislao, & Cunrado loripede ad virum suum deducta est. Et quæ alienos Principatus ardentius expetuit, iustissimo Dei iudicio & proprios amisit. Consortem suam Cristinam cum pignoribus ex Polonia propulsam, ad se venire Wladislaus Dux conspiciens, contritione geminata affligebatur, quod & Ducatus Poloniae amiserat, & in externas regiones cum uxore & filiis, stipe aliena victurus, exulatum ire coactus fuerit. Tunc quoq; primum in malis, quæ illi acciderant, reatum suum in Deum & fratres recognoscens, de aspernata admonitione Gnesnen' Archiepiscopi Iacobi, corpore & animo torquebatur, tum quoq; primum muliebris consilii, quod præceps magis quā necessarium senserat, illum pænitere capit. Pulso Wladislao Duce ex Polonia, pulsa tandem Ducissa Cristina consorte sua, pulsus filiis, cum integra per omnes regiones Poloniae pax affluisset, Boleslaus Crispus cognomine, inter fratres secundi matrimonii natus maior, & fratrum Prælatorumq;

507

Et omnium Baronum, Militariumque consensu, maiorem Principatum, & Mo-
 narchiam Polonorum obtinuit, & sorte sua vixit Ducatu Masouiae & Cie-
 iauiae, in eius ditione integre remanente, etiam Cracouien' Principatus illi
 Cita ut fratrem minorem natu Cazimirum, cui a patre nulla sors relicta
 erat, curaret adiectus est. Qui cupiditatis causas & occasiones, pro-
 pter quas animaduvertebat inter fratres a Wladislao procellam grauium
 caedium & bellorum exortam esse, succidens, fratres omnes magna cole-
 bat affectione & charitate, nec solum modestiam summam in eos exercuit,
 sed etiam liberalitatem, plerasque possessiones iuris sui eis largiens & con-
 donans. Qua quidem munificentia & modestia effecit, ut illi summa
 fide, summa deuotione ab omnibus pareretur, & fratres absque querela & mur-
 mure, eius obirent iussiones & imperia. Qui etiam Cazimiri germani iu-
 nioris, curam & regimen suscepit: cuius iam tunc tam continentis tam cul-
 ti & ornati a singulis notabantur mores, ut vim aetatis superarent. Sed
 quo tempore a Polonis maxime vulgata experientia notatum est, quam va-
 lida res est iustitia, eo altius emergens, quo obscenius fuerit proculcata,
 temeratoresque suos atrociori mulcta percellit, grauiorem penam infligens
 in se delinquentibus & criminosis ~

LVTIVS Papa secundus, cum mensibus undecim diebus quatuor
 in Sede Petri sedisset, Romae moritur, & in Ecclesia Lateranen' sepeli-
 tur. Post cuius mortem Cardinales in Ecclesia Sancti Caesarii de Vrbe,
 in conclau' conclusi, dum super eligendo futuro maximo Pontifice, in vota
 varia scissi essent, aliquantotempore concordia inter eos prouenire non
 posset, in Bernardum Abbatem Sancti Anastasii extra Urbem ordinis Ci-
 stericien', beati Bernardi conuersatione filium, & virtutum suarum aemula-
 torem, virum reuerendae senectutis, & vitae sanctae natione Pisanum, ex
 insperato dirigunt vota sua, & ipsum in Papam per inspirationem eligunt.
 Qui Eugenius tertius vocatus est in consecratione, quam dum non auderet Re-
 mae explere, in Farsense Monasterium se transferens, illic eam accepit. Ad
 hunc etiam beatus Bernardus Librum de Consideratione, vicia Clericorum
 Praelatorum & Romanorum euidentissime carpens, scripsit. Iordani autem
 Patricii & Romanorum suscitata in se persecutionem vitaturus, in Gal-
 liam se transfudit, & a Ludouico Franciae Rege gloriose susceptus, Conci-
 lium Rhemis celebrato, praedicari Crucem in subsidium terrae sanctae, multi-
 pliciter tunc a Saracenis afflictus, mandauit. Et multos Principes praedica-
 tio ipsa ad assumendam Crucem, & ad transferendam induxit. Hunc De-
 us, quia simplex, purus, & rectus erat, mirabilem ostendit, perfusum gra-

in facundia & sermone. Sub eius Pontificatu dum apud Viterbium ageret, ab ultimo penè oriente ab Armenorum Ecclesia & illorum Patriarcha venerunt solennes nuncii, gratè ab Eugenio suscepti, omnem illi subiectionem & obedientiam offerentes, formamq; sacrificii, pro qua cum Græcorum contendebat Ecclesia, à Romana Ecclesia, velut omnium magistra, sibi dari deposcunt. Quos Romanus Pontifex suo sacrificio aslare, & cunctos ritus ad plenus addiscere iubens, plenè edoctos remisit. Princeps autem Legationis unus ex illis Episcopus, inter sacrificandum summo Pontifice Diuina agente, splendido fulgore radium Solis super caput eius corruscare, & in ipso duas columbas ascenderes & descendentes vidit. Quo miraculo in obedientiam Romanæ Ecclesiæ accensus, cunctis quæ viderat aperuit.

MORITVR eo anno Magnus Wratislaviens' Epus, cum paulo plus quàm lustro uno Cathedræ Wratislaviens' præsedisset, & Ioannes secundus vocatus Ianik, de consensu & favore Boleslai Crispi Polonorum Ducis & Monarchæ, concorditer à Capitulo electus, succedens, ordinatur à Iacobo primo Gnesnens' Archiep'o, natione Polonus & genere nobilis de Domo Grifphonum, quem cum germano suo milite Clemente in patrimonio suo Brzeznicza, Monasterium Andrzeiouiense fundasse & dotasse in superioribus monstrauimus.

Anno Domini 1147.

Excipitur honestè à Rege Romanorum Wladislaus &, obtinet ab eo Legatos mitti ad fratres, sortem Dominiui eius petituros, iis narrata sunt facinora Wladislai Ducis, quibus auditis Imperator Rom. omne auxilium et fauorem ei negat.

Venientem ad se Wladislaum Polonorum Conradus Romanorum Rex, primò benignè comiterq; excipiens, cum aduentus causas intellexisset, spe bona data, animumq; bonum Wladislaum Polonorum Ducem habere iussit, postquam verò & Wladislai Ducis consors Ducissa Christina cum tribus filiis & Leuiris de Polonia expulsa, suos & mariti filiorumq; casus & erumnas longo sermone Conrado Romanorum Regi enarrasset, ut sui & filiorum suorum misereri dignaretur, & per ius sanguinis, & per officium Imperatorium, adiectis lachrymis, precabatur. Wladislaus quoq;

Polonorum Dux, & per seipsum, & per Aulicos Regis, sedulis precibus Conradum Regem, ut suae calamitati praeferret auxilia, & se cum uxore & filiis in exilio consensescere non sinneret, fatigabat. Ad Ducem insuper Bohemorum Wladislaum personaliter se conferens, Ducem verò Ruthenorum per nuncios sollicitans, ut se in Regnum suum restituerent, variis conatibus instigabat. Rumoribusque continuis Boleslaus Crispus Polonorum Dux, & fratres sui Mieczslaus Senex, & Henricus primus terrebantur, tam Conradum Romanorum Regem quam Wladislaum Bohemiae Ducem cum potentius validissimis, ad restituendum fratrem eorum in Regnum contra se ab una, & Ruthenos ab altera partibus venturos. Hi quo tamen animo vulgatos & iniectos excipiebant terrores, & futura dimicationi ac resistentiæ se parabant. Conradus autem Romanorum Rex, etsi precibus Wladislai Polonorum Ducis, & consortis suae Ducissae Crispinae motus, auxiliaturum se eorum causae, & restitutum in Regnum pollicitus frequentius fuisset, rebus tamen Imperii, & calamitatibus quæ terræ Sanctæ & Christianis in ea habitantibus inferebantur, pluribusque aliis publicis & privatis negociis, nequam pollicitus fuerat, opem Wladislaui praeferret, auertebatur. Expugnata siquidem ea tempestate fuerat Civitas Edissa, quæ in sacra Scriptura Arach nominatur, per Regem Alaph de Turcarum genere; qui omnes Francos quos illic inuenit, aut morte aut captivitate damnauit. Archiepiscopum verò Civitatis cuncto Clero, in confessione Christi constantissime se gerentem, foelici crude re necavit. Ad hæc & super aram beati Ioannis Baptiste, speciosissimæ & nobiles Matronæ & Virgines stupra patiendo actæ sunt, & Civitas quæ ab Abagaro Rege (cui CHRISTVS antequam passionem suam direxerat Epistolam) orthodoxe instituta, tunc primum à gentibus profanatur. Ex hoc autem casu Christianitas in partibus orientis plurimum debilitata, succurri sibi magnopere flagitabat. Ne autem Conradus Romanorum Rex, causam Wladislai Polonorum Ducis prorsus deseruisse, & ex animo remissi se putaretur, primum quidem gentes armorum illi concessit, quorum adiutorio Castra duo Niemeze & Gredis construens, pluribus excursionibus Poloniam lacescebat, deinde Nunciis & literis apud Boleslaum Crispum Polonorum Ducem & Monarcham, fratresque suos institit, quatenus sors Wladislaum contingens sibi redderetur, sibi quoque adimeretur necessitas & affinem & oppressum adiuuandi. Huic legationi à Boleslao Crispum Polonorum Duce & fratribus modestum responsum editum est. Nihil nos unquam in fratrem Wladislaum Ducem hostile moliti sumus, sed tyrannicum nostrorum Principatum spoliū ab eo passi, mox quoque etiam ex terminium (cū omni humanitate nedum germanitate exultis, nullis precibus

nulla aequitate, nulla submissione flecti posse videretur. I passuri, ex obsidi-
one, qua inclusi & penè extincti eramus, erumpentes, pro Principatibus & sor-
tibus, pro spoliis, pro ipsa quoque vita cum fratre inexorabili, non aliud quam
sanguinem nostrum siciente, acie decertare compulsi, ipsum propicia Divinita-
te, cum exigua manu vicimus, bellumque illatum, & mucronem nostris cerui-
cibus impendentem abegimus & repulimus. Scimus verò nos æquè ac magis
etiam quam Vladislavum Conrado Romanorum Regi sanguine iunctos esse,
scimus quoque causam nostram iustiorē fore, & ob id Romanorum Regi, quā
maximè interest, ne iniusto bello se miscendo contaminet, & ne affimibus &
innocentibus bellum inferat. Cogitet, discernat, perpendat, & calculet Im-
perator, quantus hostis noster Vladislavus fuerit, quoties insidiis nos petue-
rit, quot suis quot auxiliariis copiis, in capitis nostri periculum usus fuerit,
quanto studio, quanto ardore, necem nostram maturaverit. Habeat potius
ipse iratum quam propiciū Cæsarem, qui crudeliter nos excarnificare con-
tenderat, qui non insidiatoris modo, sed cū insidiæ parum procesissent, ho-
stis publici, carnificis, & percussoris speciem induens, contra nos gessit. Qui
etiam preces Archiepi Gnesnen, quibus vitam nobis deposcebat relinqui, re-
pudiavit. Talem eum fuisse Imperator fuisse sciat, ut nec quid ageret, nec
quid sentiret, aut diceret, dummodo nos aut propelleret aut delectet pensi ha-
bebat quicquam. Et proinde induximus in animum, sic postremo Cæsaris
nun eius respondent, I hosti potius quam fratri conciliari velle; expulit enim
illum non lior noster sed suus, non nostra ambitio sed uxoria, non nostris
eiectus est armis sed moribus suis, quibus nobis, principandi potestate ablata,
exilium & mortem inferre, regnandi cupidine, omnem pietatem & Archiepi-
scopalia monita perosus, mulieri soli morigerari, ardens, maturabat. Hac re-
sponsione Conradus Rex adeo fractus molitusque est, ut ardor quem ad pro-
mouendam causam Vladislai Ducis Polonorum, ex ingeminatione querela-
rum Vladislai & suæ consortis, hauserat, prorsus in eo defluxisse notaretur.
Exulem insuper Vladislavum Poloniae Ducem carpens, iuste id illi exilium
contigisse, iustam quoque fratrum suorum iram esse dicebat. Qua correctio-
ne ille amplius quam exilio tortus, omnem sui exilii culpam in consortem Christi;
nam tacitus & crebris suspiriis retorquebat. In Almania autem existens,
ex honorato contemptus, ex diuite egenus, usu & processu temporis esse cepit.
Vnica spes in fratrum misericordia restabat; quam cū sibi videret negari,
quotidiè crescentis inopiæ altiori gemitu vim perferebat, neque se à sua cala-
mitate brevi liberatum iri sperabat.

IN CONCILIO seu Synodo generali Remen, pro mediò Quadragesi-
mæ per Eugenum celebrato, Henricus iunior, qui pri successerat, missis

nunciis cum Bulla aurea, & sublimationem suam ad Romanum Imperium
 Papae significat, & querelam contra tres Duces Poloniae, uelut Boleslaum
 Miecyslaum, & Henricum deponit, quod quartum fratrem suum Wladislaum
 in Regno diuidendo sorte & portione sua excluderint. Querebatur & con-
 Iacobum Archiepiscopum Gnesnen Metropolitane Poloniae, & alios Polo-
 niae Episcopos illius Suffraganeos, uelut Mathaeum Cracouien, Magnum
 Wratislauiensem, Smidgerum Cruszuiciensem, Bernardum Lubucensem, Boguchua-
 lum Posnamiensem, Alexandrum Plocensem, quod contra iusiurandum
 patri suo Duci Boleslao praestitum, in exclusionem praefati Ducis Wladislai
 consensissent ~

*Iturus Imperator ad recuperandam
 terram Sanctam cum Duce Bohemiae
 iter facit per Poloniam Vbi per Bole-
 slaum et fratres eius optime usque ad ma-
 re tractatus non potuit Wladislaus
 exuli gratiam apud fratres obtinere ~*

IN subsidium autem terrae Sanctae Conradus Romanorum Rex
 (qui iam a beato Bernardo in Franckfordia supra Maym, cum mul-
 tis Principibus & Baronibus Germaniae ad passagium complen-
 dum Cruce insignitus erat) transfretaturus, iter suum per Poloniam, quod
 & compendiosior, & expers periculorum esset via, facere destinauit, si-
 mul quod sperabat Wladislaum Polonorum Ducem, & Boleslaum, Miec-
 slaum, & Henricum, per aquas conditiones conciliaturum. Qui cum ad
 fines Poloniae cum frequentissimo Principum & Baronum numero, equestris
 quoque & pedestris ordinis milite (nam & Bohemiae Dux Wladislaus cum
 fratre germano Henrico & patrueli Spitigno, se illi cum suis copiis coniu-
 xerat) accessisset, Polonorum Dux & Monarcha, cum utroque fratre Miec-
 slao & Henrico, illi ad terminos Regni Poloniae occurrit, & per omnes re-
 giones Poloniae Regno subiectas, Regio apparatu excepit, omnesque sumptus
 & commeatus, quibus exercitus Regius indigebat, liberaliter, ut Rege Ro-
 manorum & se conueniens erat, subministravit, & in honorem Caesaris pon-
 tes in fluminibus transitusque difficiles munuit. Quae quidem comitate,
 adeo se Boleslaus Dux, & fratres sui Miecyslaus & Henricus, Coma-
 do Romanorum Regi & suis Principibus insinuauerat, ut alienatione men-
 tis, quam contra illum, ad Wladislai Ducis Polonorum suggestionem, conceperat,

abrogata, miro illis affectu & familiaritate iungeretur. Egit tamen Romano-
rum Rex Wladislai Ducis Polonorum apud Boleslaum & fratres suos Mie-
czlaum & Henricum causam, instareq; quam diu in Polonia moratus est non de-
sistit, ut Boleslaus Polonorum Dux & fratres sui, prateritarum iniuriarum obli-
cum Wladislao Duce in amicitiam redirent. Nec Caesar solū sed & Wla-
dislaus Bohemiae Dux, ceteriq; Almaniae Principes, ut cum fratre Wladislao
in gratiam redirent Boleslaum & fratres eius crebris obsecrationibus perurge-
bant. Boleslaus contra haec & si multis facinoribus, quibus a Wladislao
Duce ipse & fratres eius pecebantur, enarratis, omnem reconciliationem, maiores
motus, perniciosioresq; utrisq; similitates, liuores, bellorumq; stridores susci-
taturam respondisset; in Caesaris tamen potestate, postquam passagio prosperē
actū rediret, se & fratres suos futurum pollicebatur. Ita Caesar rebus
Wladislai Ducis Poloniae magis tentatis quam sanatis, nolens tam munifico
& amico hospiti molestus esse, ex Polonia per Russiam & Valachiam proce-
debat. Inde quoq; non per Poloniam solū, sed per Russiam & Valachiam
Boleslao Polonorum Duce prosequente & omnia praeparante, ad mare Leoni-
num peruentum est. Vbi & Caesar & Principes nauibus ad id praeparatis,
milite & armis impositis, versus Constantinopolim nauigarunt, & apud
Iconium se Ludouico Francorum Regi, & Principibus Galliarum & Hispa-
niarum coniungens, res terrae Sanctae aliquanto tempore prosperē gerens, Asca-
lonam cepit, licet multi de peregrinis, Alexio Constantinopolitano Imperato-
re & Graecis calcem farina immiscentibus infirmati obierint. Sed nec Deus
Alexii Imperatoris facinus tam horrendum tulit; nam & ipse pessima morte
& omne genus suum interiit. Ex Baronibus insuper & militibus Poloniae ali-
qui voluntarie Cruce assumpta, premium ppositum merituri, secuti Imperato-
rem transfretarunt, & in suo exercitu donec rediret militando versati sunt.

MARTINVS Posnaniē Epus, annis decem nouem Pontificatu admi-
nistrato, obiit, & in Ecclesia Posnaniensj sepultus in Choro, Boguchwalu
Polonum genere nobilem de Domo Rosa, Custodem Posnaniē, apud Tnenam
confirmatum, deinde a Iacobo Gnesnen Archiepo in Epum consecratum, ha-
buit successorem.

POST discessum Wladislai Ducis Bohemorum in terram Sanctam, Sobie-
slaus filius Sobieslai Ducis Bohemiae, sede patria pulsus, ex Almania rediit,
Ducatum Bohemiae Duce Wladislao absente (fauentibus & adiuuantibus
nonnullis Bohemorum Baronibus spem suam) inuasurus. Verū dum plerosq;
Barones Bohemiae dulcibus sermonibus & promissis ad votum suum inclina-
re contendit, a Theobaldo Duce Bohemiae Wladislai germano, cui Bohemiam

Wladislaus regendam commiserat, capitur, & custodia carcerali deputatur in Przemunda, bellumq; intestinum in Bohemia accendendum, captiuitate præfati Sobieslai oppressum est.

WSZEWOOLDVS Kiiouien' Dux, duodecima Iulii moritur, & Dux Ior filius Wszeuoldi occupat Sedem Kiiouien'. Quod cum Kiiouiensibus molestum fuisset, Dux Isaslaus Pereaslauen' ab eis accersitus venit in Kiiou. Contra quem etsi Dux Ior cum fratre suo Swantoslao egressus fuisset, dimicatione tamen non tentata, fugit uterq; & Isaslaus Castrum Kiiouien' introiit cum favore & gloria. Post quatuor autem dies Ior adducitur ad Isaslaum captiuus, quem in Monasterio Sancti Ioannis in Pereaslauo adhibitis custodibus tenuit in carcere. Cuius cruciatus euasurus petiuit, ut liceret ei in Sacerdotem tondi, & permittente Isaslao tonsus est. Nec post multos dies conspirantibus fratribus Ior Ducibus de Cernieuiou, seditione Kiiouien' exorta, quam Wladimirus frater Isaslai sedaturus, parum absuit quin & ipse violaretur. Ior de Ecclesia in qua orabat eductus, interficitur.

Anno Domini 1148.

Rediens Imperator ex terra Sancta
per oratores suos iterum pro Wladis-
lao Duce exule fratres rogat. Qui
ambiguum responsum ab eis retulerunt

Vix annum cum dimidio in terra Sancta Conradus Romanorum, & Ludouicus Francie, Reges, & Principes qui secum una illuc laturi Christianis auxilium condescenderant, immorati, (ut præmissimus) magna multitudo militum, pane ex calce & farina, malitia Græcorum & Turcarum cocto, infecta deperiisset, in Regna & Principatus suos, irritatis magis quam confirmatis rebus terræ Sanctæ, reuertuntur. Conradum itaq; Romanorum Regem ex passagio prædicto reuersum, Wladislaus Polonorum Dux exilium in Almania agens, accedit, et ut rebus suis filiorumq; suorum consulat, flagitare cepit. Conradus uero quia in sua ad terram Sanctam profectione, ex Boleslai Polonorum Ducis uerbis eam spern conceperat, singula pro arbitrio suo Boleslaum Polonorum Ducem in ea re obedienter facturum, Wladislaum Ducem & ipse, quibus uerbis potest, eam

Spem sequi confirmat. Mittuntur itaqz a Conrado Romanorum Rege ad
 Boleslaum Polonorum Ducem nuncii, qui Boleslao apud Cracouiam offenso,
 mandata Casarea edicunt, precanturqz, ut pollicitationi suae praestita fide,
 Wladislaum Polonorum Ducem in sortem suam Cracouiensem vzt et Slesiti:
 cum Principatum restituat, commiserationemqz fratri, tanto tempore cum uxore
 et filiis exulanti, impendat, satis eum panarum pro temeritate et piaculo
 suo exoluisse. Boleslaus autem Polonorum Dux Legatis Casareis magni:
 fico sumptu magnificisqz donariis tractatis, ambiguum dat responsum. Resti:
 tutionem Wladislai Ducis Poloniae in Regnum, sibi quidem et fratribus suis
 Mieczslao et Henrico, aiens non aduersam esse, pro honoreqz et beneuolen:
 tia Caesaris desiderio et voluntati suae, se et fratres suos morem gesturos.
 Verum probe sibi prospectum ac notum esse, reditum Wladislai Ducis, sta:
 tum Regni Poloniae haecenus pacificum, turbaturum, cladibusqz et sangui:
 ne Ciuili faedaturum. Proinde in re tali, cum pari sanguine omnes fratres
 Casari iungantur, Casarem prospicere aequum censebat, ne, dum suae instan:
 tia et decreto paritum sit, bellicus furor inter fratres altius serpens, mu:
 tua collisione et horrenda, ac ipsi etiam Casari miserabili permicie Regnu:
 Poloniae inuoluat ~

Absumptus est eo anno Iacobus Gnesnen Archiepus vir optimus et gran:
 dauius, qui in Ecclesiae Gnesnen regimine, multas de se probitates et virtutes
 annis viginti octo viuens, monstrauerat, et in Ecclesia Gnesnen Pontifi:
 cali honore tumulatus. Successit autem ei Ioannes alias Ianik siue Ia:
 nislaus Wratistlauiens Epus de Ecclesia Wratistlauiens, ordinante Boles:
 slao Crispo Polonorum Duce, a Papa Eugenio tertio translatus. Wratistla:
 uien vero Ecclesiae ex translatione huiusmodi vacante, Valterus Polonus
 genere praefectus est, Scholasticus Cracouiens et Canonicus Wratistlauiens,
 a Gnesnen Archiepo Ioanne iuxta electionem Canonicam confirmatus et con:
 secratus, nobilis de Domo Zadora. Qui Ecclesiam Wratistlauiens, ad id tempus
 lignea muro fabricauit, et Ecclesiae Lugdunen ex Gallis habitum et cultum in:
 eam introduxit ~

Anno Domini 1149.

Imperator cum Duce Bohemiae exerci:
 tu magno congregato vadunt in Polo:
 miam Wladislaum secum ducentes. Quibus
 sub fide Boleslaus obuiam factus altu:
 et ingenio persuasit ad propria redire ~

575

Ambiguum Boleslai Polonorum Ducis & fratrum suorum Mieczslai & Henrici responsum. Conradus Romanorum Rex ad nauseam & fastidium accepit, & ignibus iracundiae, contra Boleslaum Ducem Polonorum & fratres eius, haustis, etiam per Wladislaum Bohemiae Ducem, qui partes Wladislai Ducis Polonorum, in Boleslai Ducis & Polonorum odium promouebat, pluribus ad id accendebatur irritamentis. Ipse insuper Polonorum Dux Wladislaus, in conspectu Conradi Regis assidue versatus, ut in patriam restitueretur, quotidianis precibus & querelis, sub ipso solo aspectu, commiserationem & pollicitum suffragium exigebat. Conradus itaque Romanorum Rex, non amplius differendum ratus, expeditionem contra Poloniam indicit, ex regionibusque Almaniae Imperio subiectis tam pedestribus quam equestribus copiis collectis, Poloniam inuasurus, & Wladislaum Ducem exulem & secum primum restitutus, procedit. Sed & Wladislaus Bohemiae Dux Polonorum hostis, quam Almannus infestior, cum omni suorum exercituum ex Bohemis & Morauis collecto robore, personaliter adueniens, Caesarum exercitum ex se magnum frequentiore effecerat. Crescebat Wladislaus Polonorum Duci exuli, certa indies spes, & quanto propinquius Caesar & exercitus suus gradum & statum promouebat, tanto ampliore fiducia replebatur. Lam ad metas Poloniae peruentum erat, Odra quoque fluvius tunc solito undis intemperantior, & quidam motus ex Almania nuntiati Conradum Regem & suum exercitum, ne traiceret, distinebant. Boleslaus autem Polonorum Dux fratribus suis Mieczslao & Henrico enixius adiuvantibus, & si gentes quas hostibus opponeret ex Polonis tantummodo contraxisset, non tamen rem fortunae committere, & in casum universae dimicationis venire, terrente illum confertissimo hostium numero, ex variis nationibus & regionibus collecto, audebat. Sed patrium morem secuturus milites locauerat, qui in impeditis & iniquis locis Caesarum exercitum lacefferent, & occasionem benegerenda rei non omitterent: plus se eo genere pugnae, quam dimicatione aperta ratus profecturum. Verum antequam res ad arma veniret ingenio verbisque magis quam acie dimicaturus, & super imminentem bellicam mollem, cui se nequaquam videbat parem, dissoluturus, in Casarea Castra petita & impetrata securitate, peruenit, in frequentique concilio a Caesare dato, fraternis facinoribus Ducis vel Wladislai expositis, adeo de iustitia sua atque aequitate disseruit, ut Caesar & Principes, responsione Wladislai Ducis, satis facile a furore concepto lentescerent, & de pace magis quam de bello agendum, componendasque fraternas discordias putarent. Sed & ius hospitii, quod Conrado Regi cum Boleslao Polonorum Duce erat, in Casareum ne quid illi hostile moliretur, subibat pectus. Verbis ex templo Boleslaus Polonorum Dux res adiecit, & primum Conradum

Regem, deinde Primores Principum & Baronum, eos praesertim, quorum consiliis & monitis didicerat Regem agi, sumptuosa largitione & donatione, peruenit effacitque, ut discessionem frequentes decernerent. Nec in eo bello quod non solum inter domesticos, sed etiam germanos gerendum erat (Boleslaus Polonorum Duce & fratribus eius, quicquid Caesar aequum censeret, acceptare se offerentibus) immorandum. Et licet Vladislaus Dux Polonorum, adiutorio etiam Vladislai Bohemiae Ducis fretus, id decretum quam maxime improbare & auertere conatus fuisset, Principibus tamen & militibus Almaniae, ad penates & coniuges redire anhelantibus, nullo pacto poterat infirmari. Motisque altera die Castris Conradus Rex cum suo exercitu, & Vladislao Polonorum Duce in spe ludificato in Almaniam rediit. Sic Boleslaus Polonorum Dux bellum ingens, sine dimicatione & sine armis, solo astu & prudentia conficiens, magnus & gratus in suis & exteris regionibus caput haberi.

Suggestione hostis generis humani, Duces Russiae uelut Georgius, Roscislaus, Olech, & Swantosslaus, stimulis inuidiae agitati, contra Isaslauum Kiouien Ducem insurgunt, de sede Kiouien illum exclusuri. Qui collectis copiis vadit contra eos, & quamuis Metropolitanus Kiouien recipere pacem multifarie suasset: Isaslauus tamen in multitudine sui exercitus confidens, fideli consilio reiecto, congregitur, & multis hincinde cadentibus, ad extremum succumbit. Pluribusque de suis aut occisis aut captis, ipse fugiens venit in Kioum, obsidionemque a victoribus veritus, recepta uxore et filiis in Luczko diuertit. Georgius uero Dux, ceteris Ducibus illum adiuantibus, primum Pereaslaw ingressus, posthac in Kioum peruenit, & in sede paterna & auita consedit. Isaslauus autem Dux, & sedem Kiouien recuperaturus, & cladem acceptam correcturus, cepit in Polonos & Hungaros dona erogare, ueneruntque in auxilium illi in hyeme anni eiusdem duo germani uelut Boleslaus Cracouien & Masouiae, & Henricus Sandomirien, Duces, cum gentibus & militibus suis. Veniunt & Hungari integraque hyeme apud eum immorati, ad decernendum cum hostibus & aduersariis suis aestuabant, positus circa Cziemierni statius. Verum uidentes cum cunctanter omnia agere, & virum pauidum esse, iam Duces Polonorum Boleslaus & Henricus, quam Hungarorum copia faciant ab eo discessionem. Quo Duces Russiae comperto, veniunt contra illum, uelut Georgius Dux Kiouien, cum duobus filiis Roscislaw & Andrea, item Wiczislaus frater Georgii, pluresque alii Duces auxiliatores, & obsident Isaslauum in Luczko, non sinentes aliquid ad obsessos importari. Cum autem Isaslauus diutius obsidionem tolerasset, auferunt illi Duces usum aquae. Qua

577

necessitate difficultateq; Isaslaus cum suis perculsus, pacem quam alias spre-
uerat, cepit petere. Cuius petitioni Roscislaus filius Georgii Kiiouien, &
Georgius filius Laroslai, Duces aduersabantur, Andrea vero filio Georgii
Kiiouien Ducis pacem petitam dari suadente, Georgius Kiiouiensis Dux
cum ceteris Ducibus Russiæ in eius sententiam vadens, pacem cum Isaslao
conficit, & eam iureiurando firmat, soluensque obsidionem in Kiiou re-
uertitur.

Anno Domini 1150.

Conradus ob aduersam valetu-
dinem saepius flagitatum subli-
cium Wladislao ferre non va-
lens certos illi redditus largitur.

Maximo & periculoso bello, in quod uniuersam Almanniam & Bohe-
miam constabat arma sumpsisse, à Polonia Regno, ingenio & pruden-
tia Boleslai Polonorum Ducis dispulso, tranquillæ apud Polonos
res erant, Principes quoq; Poloniæ, aut iura reddebant populis, aut venatio-
nes tractabant. Non quieuit tamen Wladislai Ducis Poloniæ instantia
quin Conradum Romanorum Regem in nouam expeditionem Poloniæ infe-
rendam accenderet. Consecutusq; Wladislaus Polonorum Dux suarum
molitionum effectum fuisset, nisi interim Conradum Regem valetudo ad-
uersa oppresisset, cuius diutius languor Wladislaum Ducem instantiam su-
am remittere cōegit. Nonnullas tamen possessiones & redditus Wladislao
Duci Caesar largitus est; quo & aquanimius restitutionem suam, bellumq;
contra Poloniam instaurandum ferret, & honestati atq; conditioni suæ con-
gruum statum ageret. Sed & filium præfati Ducis Wladislai minoremq;
Conradum nomine, propterea quod in tibia deformis esset, & ob id Loripe-
dis cognomen sortitus, Abbati Fuldensi asseruandum, & tam literis quàm
moribus imbuendum (ut successu temporis religionis amor eum caperet) com-
misit, ut erq; enim parens eius ob deformitatem tibiarum Monasterio ma-
gis quàm sæculo ipsum destinabat.

BOGVPHALVS Posnaniensis Episcopus, cum annis duobus sedisset, semio
incertum est an morbo confectus, fato absumptus, & in Posnaniensis Ecclesia
sepultus. Capitularibus discordantibus, Pianus Italus nobilis genere, ab
Eugenio Papa tertio datus, succedit.

Anno Dñi 1151.

*Boleslaus et Mieczslaus Polono-
rum Duces duas Russiarum Ducu
filias sibi accipiunt in uxores.*

Boleslaus Polonorum Dux & Monarcha cognomine Crispus, Poloniae
Regnum undique pacatum, & Solium suae Monarchiae Diuinitate
propicia animaduertens prosperatum, Volens illi ampliorem pacis
amabilitatem & stabilimentum facere, cum Wsweoldimiro Russiae tunc
Principe Halicien, affinitatem iungit, & filiam suam Anastasiam accipit
in uxorem. Quae cum dote ampla à patre & Principibus Russiae Cracoui-
am deducta, Boleslao praefato copulata est, & nuptiarum solennitas pluri-
bus diebus habita, Praelatis & Baronibus Poloniae sua praesentia, Militibus
vero hastarum ludo, caeterisque militaribus actibus, eam cohonestantibus.
Exemplum vero fratris sui Mieczslaus alias Mieschko maioris Poloniae Dux
secutus, alteram Wsweoldimiri Russiae Ducis filiam Eudoxiam nomine ac-
cipit in uxorem, nuptiasque ex more apud Posnamiam celebrat. Quae breui
tempore superuiuens, masculini sexus prole in saecunda obiit.

PIANVS POSnamien Epus cum anno uno & mensibus sex sedisset fato
absumitur, & in Posnamien Ecclesia sepelitur. Cui Stephanus genere Polo-
nus de Domo Agricolarum, quae in campo rubro Posam albam cum tribus vo-
meribus deferi pro insigni, electus à Capitularibus, & à Lamislao Gnesni
Archiepo confirmatus & consecratus succedit, de Mieczslai Principis ma-
ioris Poloniae consensu.

IOANNEM de Temporibus natione Gallicum, mortuum hoc anno ferunt.
Qui cum Armiger Caroli Magni exstitisset, communem tamen & usitatum aetatis
& viuendi modum excedens, trecentis septuaginta & duobus annis, & comperto
habitus est vixisse, ut priscorum aetate perfunctus, magni miraculi specimen,
praesenti & futurae aetati de tam protenso vitae suae spatio, reliquerit.

Anno Domini 1152.

*Wladislaus collectis militibus fines Polo-
niae ingreditur, et duo Castra intercipit, quae
mox Boleslaus Princeps et Monarcha recuperat.*

EX diutino languore Conrado Romanorum Rege, ad meliorem va-
letudinem paulisper redeunte Wladislaus Polonorum Dux in Alma-
nia cum uxore & filiis exilium agens, nouis precibus Cæsarem, ut sui &
filiorum misertus, illum amplius exulem non patiatur fore, fatigat. At Conradus
Rex, & si subueniendum Wladislaw decreuisset auxiliumq; ipsi crebro pollice-
retur, Imperii tamen rebus indies ad se confluentibus adeo impediabatur,
ut sperare magis Wladislaw Polonorum Duci auxilium Cæsareum quam ha-
bere licuerit. Moram itaq; tam longam atq; continuatam Wladislaus nō
ferens, milites sibi saltem a Conrado Rege clari expetiit, quos cum liberalita-
te Cæsaris impetrasset, in Poloniam venit, & duo Castra superiori tempore
a se constructa vlt Gredis & Niemce, ex trabibus roboribusq; fortificat
& vallis muniuit, & presidio utriq; imposito Wratislauiē Civitatem
qua vicinior exstabat, ceterasq; Regni Polonici oras, affligere & infestare
cepit. Non tulit eam Boleslaus Monarcha iniuriam, sed cum utroq; ger-
mano Miecyslaw & Hentico & exercitibus Dominorum suorum consurgens,
utrumq; Castrum obsidione vallat, populationemq; Regni sui prohibuit.
Wladislaus Dux superimminentem obsidionem non ferens, sed strenuis mili-
tibus in Castris relictis, ad Conradum pro auxilio militum, quo obsidio solui
posset, rediit. Et quamuis milites Wladislai animosē Castra fidei suae cre-
dita, tutati fuissent, longa tamen obsidionis mora fracti, dum & ex Alma-
nia expectatum auxilium spes eorum sefellisset, & fames primū, deinde
morbi in corpora succrescerent, Castra Boleslaw Polonorum Duci & Mo-
narcha, pacti ne quid hostile paterentur, tradunt.

Redit ex Francia in Urbem Eugemus Papa tertius, & tam a Clero quā
populo, cum tanto humilitatis feruore susceptus est, ut in laudem suam uni-
uersa concio vociferatione alta depromeret. Benedictus qui venit in nomine
Domini. Romanis omnibus pollicentibus nunquam se decetero illum sed
nec successores suos, in iuribus Ecclesiae Romana vexaturos.

SECUNDO Calend' Iunij Geysa Hungariae Rex filius Belae caeci
cum annis viginti regnasset, moritur, quatuor filios Stephanum, Belam, Is-
phat, & Geysam relinquit. Cui Stephanus filius maior natus in Regno successit.

Anno Domini 1153.

Miecslaus Dux Poloniae filiam Belae
caeci Hungariae Regis ducit in uxorem.

Maioris Poloniae Dux Mieczslaus, propter prudentiam singulari indole
in eo ab aetate tenera relucens, Senex appellatus, qui in Maioris
Poloniae & Pomeraniae regionibus (quemadmodum in superioribus
praemisimus) principabatur, Ioannis Gnesnen Archiepiscopi ceterorumque
Praelatorum & Baronum Domitorum suorum actus persuasione & consilio,
filiam Bela caeci Hungariae Regis Gertrudim nomine, virginem & mori-
bus & forma inclitam, accepit in uxorem. Quae ex Hungaria in Poloniam
traducta, splendidam & magnificam dotem, in vasis aureis & argenteis
ceteraque suppellectili inuexit. Nuptiarum quoque solennitas in Posnamien-
Civitate pluribus diebus, sub frequentia plurimorum hospitem habita. Ea
vero affinitas ideo expetita & accepta est, ut priorum veterumque discordia-
rum & bellorum inter Belam Hungariae Regem & Boleslaum Krzi-
wousti Polonorum Ducem patrem Mieczslai imitarum, obliteraretur me-
moriam, & inter finitima sibi Hungariae & Poloniae Regna quies & ani-
morum idempnitas atque tranquillitas proueniret.

CONRADVS Romanorum Rex. Ducum Poloniae, Boleslai, Miecz-
slai, Henrici, & Cazimiri auunculus, undecimo Calend' Martii apud
Haimberck (postquam de transmarinis partibus redierat, continua infir-
mitate decumbens) vita decessit, Regni sui anno quinto decimo sepultusque
est in eadem Civitate Haimberck. Hic licet Imperialem benedictionem
assiduo languore eum praemente sortitus non fuerit, nihil tamen illi praeter
solum titulum ad Imperialem deerat splendorem, cum & virtute milita-
ri fuerit strenuus, & in singulis actionibus prouidus & animosus. Ne
autem diutina esset Imperii vacatio Electores Imperii apud Franckfor-
diam in Quadragesima medio Fredericum primum filium Frederici
Ducis Sueviae, & Conradi Romanorum Regis defuncti nepotem ger-
manum in Castro nobilissimo quod Stuffa vocatur, & altitudine sua
aethera tangere videtur, summo favore & consensu omnium, in Regem
Romanorum assumunt. Magnam enim de se & raram in transma-
rinis partibus sub Conrado Romanorum Rege & patruo suo militans
probitatem, comitatemque monstrauerat. Qui ab Arnolpho Coloniensi
Archiepiscopo Aquisgrani in Dominica Laetare in Regem Diadema-
te coronatur. Hic successu temporis Fredericus Barbarossa cogno-
men cum adusti crinis & cholerae esset, sortitus. Octogesimus sextus
ab Augusto, strenuus, nobilis, atque facundus.

Anno Domini 1154.

Henricus Dux Sandomiriensis cum exercitu ad subsidium terrae Sanctae ferendum profectus, annum illic exegit tandem rediit.

Tribus Polonorum Ducibus & Boleslai Krziwousti filiis, Wladislao videlicet, Boleslao, & Miecyslao, & terrenarum actionum occupatione deditis, & matrimoniali iugo alligatis, Henricus germanus illorum, in genitura ordine quartus, cui Sandomiriensis & Lublinensis Prouinciarum Principatus obliuerat, a suorum Dominiarum Baronibus & Consiliariis, ad nuptiarum fœdus subeundum non poterat impelli: sublimioris enim animi illum ceperat cura, magnusque animus, terrenis & infimis contemptis, magna quotidie quibus & virtus enitescere & Deus placari posset, meditabatur. Id tamen in desiderio suo præcipue versatum est, ut in terræ Sanctæ subsidium (cuius pro ea tempestate a Regibus & Principibus Catholicis recuperatio agebatur) cum militia qua posset ampliore, se conferret, præsidium publicis Catholicorum rebus laturus. Quod cum superiori tempore & per ætalem, & propter bellorum patriam infestantium, repressionem, executioni mandare non posset, quietis tempus, quo Polonia Regnum in pacis amœnitate siluerat, nactus, voluntariorum militum facto delectu, in terram Sanctam cum pulcherrimo militum apparatu, terris suis Sandomiriensis & Lublinensis in conditionem & gubernationem Boleslai Polonorum Ducis & Monarchæ, commendatis, transfretauit. In ipso autem profectionis suæ articulo Ecclesiam parochialem in Lagosze villa sua, ad fluentia Nida sita, in honorem Sancti Ioannis Baptistæ fundat, & ampla illi dote collata, eam fratribus Cruciferis, qui & Templarii vocabantur, quorum religio propter defensionem terræ Sanctæ magna colebatur deuotione, commendat in regimen, cum ad illius defensionem primario respectu fuerit instituta. Postquam verò terram Sanctam incolumis attigit, Sancto sepulchro adorato, militia Balduini Hierosolymorum Regis se coniungit, fortissimique militis incertaminibus cum Saracenis habitis opera exercens, Martirii palmam se sperabat adepturum. Verum cum hæc illi sors tunc obtingere non posset, anno integro illic exacto, aliquibus militibus suis partim in conflictibus huiusmodi occisis, partim intemperie aeris absumptis, in patriam sospes rediit, & tam a germanis suis Boleslao & Miecyslao, quam vniuersis Polonia Optimatibus in maximo honore & animorum gratulatione exceptus est.

Cuius relatione qualitas, conditio, statusq; terræ Sanctæ, & quàm acer,
rima quàmq; fortissima cum barbaris pro illius defensione agantur prælia,
capit vulgari & diffundi ~

*Andrzejouien' Monasterium
~ redditibus augetur ~*

Cum Andrzejouien' Cœnobium Cisterciën' ordinis in fundo No:
bilium Grifphonum Brzeznicza vocato Cracouien' Diœcesis tenui:
bus redditibus prouisum esset, nec numerus fratrum in eo Deo mili:
tantium subsistere illuc posset, Ioannes Gnesnen' Archiepûs, qui illius
primarius, dum adhuc illum haberet minor status, extitit fundator, certas
illi mensæ Archiepiscopalis largitus est decimas. Cui quidem loco ante,
quàm Conuentualis esset, Maurus primûm, deinde Radost' Cracouien'
Episcopi, etiam aliquas decimas mensæ Ep'alis Cracouien', donauerant.
Exinde autem locus ipse amplificatus, extunc quidem cepit subsistere,
& hucusq; propicia Diuinitate subsistit. Contulit autem Monasterio
præfato, Ioannes Archiepûs Gnesnen' præfatus patrimoni sui villas Brze:
znicza, Rakoszino, Potok, Lissakowo, Lanczino, Rachtowa, Thar:
szawa Thurzewa. Contulit & decimas manipulares mensæ suæ Archie:
piscopalis Gnesnen', in eisdem villis consistentibus, Maurus item Episcopus
Cracouien', Monasterium præfatum consecrando, donauit eidem decimas
manipulares in villis Morauicze, Przewiczlauicze, Konari, Michowo, Wã:
chowo, siue Wagliowo. Radost' verò alius Epûs Crac', in villis Borowa,
Przekopa, Luniowo, hasq; omnes vterq; Epûs decimas, Monasterio præfa:
to inscripsit. Item præfatus Ioannes Gnesnen' Archiepûs, dedit eidem
Cœnobio Andrzejouien' decimam manipularem in Holusy mensæ suæ Ar:
chiepiscopalis. Item dedit decimam quinquaginta aratrorum, quam postea
specificè consignauit in villis Elotniki, & Skotniki, Pambieszicze
Laszewicze, Barczicze, Zdanouicze, Craszow, Brzezna, Brzem, Item
idem Ioannes Archiepiscopus Gnesnen', dedit hereditates istas. Viazd
Blonie, Berczicze, Blonicza, Skowrodno, Kamienczicze ad eum ex
parte cognati sui Szmil deuolutas, Item villas per eum emptas Dzier:
zazna, Buszkow, Tropiszow, Biala, Bezd, Mierzewa ~

Mittit Isaslau filium suum Msczislau, Polonos & Hungaros contra
Wladimirconem conducturum. Et non venientibus Polonis, venerunt
Hungari & Rex eorum Stephanus cum Msczislao. Sed Wladimirco

Halicien' Dux, visa multitudine Hungarorum non audebat conflagere cum eis ex locis tamen occultis lacesit eos. Et tandem inuasus ab eis transit fluvium, ubi plures ex suis occiduntur, alii capiuntur, alii submerguntur, & fugiens venit in Przemisl, & secutus est eum Hungariae Rex Stephanus, & obsedit eum, & cepit petere Wladimirko pacem, antequam veniret Isaslaus cum exercitibus suis. Et relicto fratre suo cum Smantopelcone & exercitu, in terga venit solus ad Regem Hungariae Stephanum cum paucis. Et dum venisset ad fluvium San, offendit obstaculum, omnia vada quippe fluminis Wladimirko Halicien' Dux per suos equites & pedites occupaverat. Et processit Hungariae Rex ad fluvium cum suis exercitibus, & Wladimirko videns multitudinem magnam refugit in Castrum Przemisl, multis de suis caesis aut captis. Videns autem se in angustia magna Wladimirko versari, cepit petere pacem. Et Isaslaus Duce pacem concedere abnuente, Stephanus Hungariae Rex, dedit illis pacem, & pace conclusa discessit Rex in Hungariam, & Isaslaus in Kiow.

EODEM anno venit Georgius cum filiis suis, & Postomczis, atque Suszdaicis, & cum Ducibus Pessani, & vadit in Russiam versus Kiow, & Isaslaus exiit contra illum, & Wladimirko reuersus est in Halicz. Dum autem esset Georgius apud Hluchow venerunt sibi in auxilium Polowczii in multitudine magna, & Dux Smantoslaus filius Olech. Isaslaus autem Kiouien' Dux misit fratrem suum Rosczislaum in auxilium Isaslao Davidowicz. Et venit Georgius & obsedit Czernieio, & fiebant magna pugnae inter obsidentes & obsessos. Sed dum sensissent Polowczii aduenire Isaslaum Czernieio: uien' in auxilium, territi diffugiunt. Quibus discedentibus discedit & Georgius, & vadit in Nouograd Scheuorski, & relicto filio Vaszil: kone, vadit in Suszda, & Isaslaus non inueniens Georgium, apud Czernieio, vadit versus Nouograd, illicque dedit pacem petentibus, & reuersus est in Kiow, & Vaszilko iuit ad patrem suum in Suszda, filium Msczislauum mittens in Polowczos. Qui solus existens vastat Polowczos, & magna praeda equorum & pecorum capta, etiam tabernaculis eorum politur, & nonnullos Christianorum soluit, & reuertitur cum gloria. Eodem anno Wladimirko Halicien' Dux moritur.

EVGENIUS Papa tertius, cum annis octo, Mensibus quatuor, diebus novem sedisset, Tyburi moritur, & per mediam fere Urbem cum totius Cleri & populi turba, & maximo luctu in Ecclesiam beati Petri

in Vaticano deductus, circa altare sepelitur. Erat autem vir simplex sed religiosus, adhærebat namq̃ carni eius tunica lanea, ac diebus at noctibus cuculla, intus Monachi habitum retinens, extra se Pontificem vestibus & moribus exhibebat. Cui Anastasius tertius natione Romanus primum Cunradus dictus ex patre Benedicto successit.

Anno Domini 1155.

Mieczslaus Dux Monasterium in Lubin et Ecclesiam in Calisch erigit.

TAmosam et celebrem Cisterciensem religionem, & quæ propter personarum in ea Deo militantium sanctitatem, supra cæteras eo tempore relucebat, Mieczslaus maioris Poloniæ Dux, in suos Ducatus & Dominia introduxit. & in Lubin, Diocæsis Wratislauræ, monasterio constructo, religionem ipsam primus in Diocæsi Wratislauræ ensi plantavit, Ducaliquè munificentia erga monasterium à se fundatum usus, villas, oppida, introitus, & prædria, in dotem liberaliter illi contulit, vasisque & vestimentis necessariis ad Sacra & ornamenta spectantibus mirifice insigniuit. Hunc locum relatio ferebat, templum idolorum famosum quondam fuisse, dum Polonorum natio gentilibus ritibus & erroribus tenebatur astricte. In oppido insuper Calisz Gnesnen Diocæsis Ecclesiam ex dolatis lapidibus in honorem Doctoris Divini Pauli fabricans, Præpositum & aliquot Canonicos, in ea constituit & dote sufficienti providit. Ad quæ quidem opera pro laude nominis Divini, & salute fidelium instauranda, non solum devotionis propriæ ferebatur ardore, sed etiam Ioannis Gnesnen Archiepiscopi incitabatur persuasione, qui cultum Dei propensius in diebus suis augendum aestuabat.

VALRICVS filius Sobieslai Bohemorum Ducis, dum Vladislai Bohemorum Ducis (qui patri suo Sobieslao in Bohemiæ Ducatu successerat) conspectum fugiens, in Almania aliquanto tempore stetisset, in Bohemiam rediit. Verum Vladislai Ducem non tam sibi purum ac propitium, prout sperauerat considerans, tyrannidemq̃ suam per timescens, cum suis sequacibus in Poloniam (cui pater suus Sobieslaus pro beneficiis acceptis plures hostilitates intulerat) diffugit, & à Boleslao Crispo Polonorum Duce & Monarcha, nedum susceptus, sed etiam propiciè ac favorabiliter habitus est.

ANASTASIUS Papa tertius, cum anno uno, Mensibus quatuor, diebus viginti quatuor sedisset, moritur, & in Ecclesia Sancti Petri in Concha Porphyrica accepit sepulturam. Post cuius mortem Nicolaus Albanensis Epus & Cardinalis natione Anglicus, qui Adrianus tertius vocatus est, in Summum Pontificem successit ~

Anno Domini 1156.

Mieczslao filius Otho nascitur ~

Perum suorum bonorum Mieczslaus maioris Poloniae & Pomeraniae Dux, quæ in fundando Canobio Lubinensi, & Ecclesiam Sancti Pauli in Calisz Collegiatam erigendo, egerat, mercedem & fructum gloriosum excepit. Coniunx & enim sua Gertrudis Ducissa filium illi peperit, de cuius natiuitate Mieczslaus Dux exhilaretus, in Posnamien' Ciuitate Curia indicta, solennitatem baptismi diebus aliquot celebrauit, nomenq; filio in baptismo Otho imposuit, ne Cæsarium Othorum, ex quibus ipse materno sanguine satus erat, nomen obliterari posset ~

Lustro uno Stephanus Posnamien' Epus in Pontificatu exacto, paralytim incurrens, moritur, & in Ecclesia Posnamien' sepelitur. Cui Raduanus Scholasticus Posnamien' nobilis de Domo Szemiatitarum per electionem Canonicam substituitur, a Ianislao Gnesnen' Archiepo confirmatus, & in Ecclesia Vmiciouien' de consensu Mieczslai Maioris Poloniae Ducis benedictus ~

Fredericus Barbarossa Romanus in Imperatorem coronatur ~

Fredericus Romanorum Rex, vocatus Barbarossa, collecta Germaniae Principum & militum multitudine, in Italiam, Imperialem benedictionem accepturus, processit. A quo cum Veronenses pro transitu exigendo pecuniam, iter suum retardarent, promissa pecunia difficultatem dissoluit, & duodecim Veronensium Legatos, ad se pro pecunia venientes, in patibulum egit. Teridona munitissima Ciuitate victo, Spoletum vero exusto, Romam perueniens, ab Adriano Papa cum magno gaudio

omnium susceptus in Imperatorem coronatus est. Coronationem autem suam ingens seditio secuta est, nam Romani in porta Sancti Angeli familia sua inuasa, dum plurimos trucidassent, clamore facto à Cæsareis militibus victi, & magna cæde adeo domiti sunt, ut Tyberis sanguine intersectorum rubras undas ostentaret. Agente tamen Adriano Papa pacificatus est Imperator Romanis, & plures Romanos qui capti fuerant absoluit. Et quamuis Imperator magna fuerit Adriano Papæ familia, ritate coniunctus, post Imperatoris tamen ex Vrbe discessum, plures similitates inter eos conflatae, & aliquanto tempore ventilatae sunt, cum Papa coronationem ei præstitam pro beneficio, Imperator pro debito computaret.

SWIDGERVS Episcopus Cruszuiciensis cum annis tribus & viginti præfuisset eidem Ecclesiæ, ex epalis vicio moritur & in Cruszuiciensis Ecclesia sepelitur. Cui Honoldus genere Italus, ab Adriano Papa quarto ad petitionem Capitularem & Boleslai Crispi Polonorum Ducis & Monarchæ datus, successit. Sub cuius regimine Sedes de prisco Cruszuiciensi loco Wladislauiam translata est.

ANASTASIA Ducissa Boleslai Crispi Polonorum Ducis & Monarchæ consors, primario partu filium effudit, de cuius ortu pater singulari lætitia repletus nomen illi suum Boleslaus imposuit.

VEteres similitates ac hostilitates Isaslaus Kiouien Dux ultum iri satagens contra filium Wladimirkonis Ducem Halicien mouet bellum, utrisque autem copiis ad fluuium Szeret conuenientibus, fit conflictus. A quo abstinere & in Halicz redire Wladimirkonis filius unicus enim erat, rogatu militiæ suæ coactus est. Utrisque autem pro victoria aduenientibus, fit cædes ingens, & tanta inuolutio, ut se inuicem non cognoscerent, & utrinque abirent pro victis, & captiuati sunt plures ex Halicien per milites Isaslai, & plures Isaslai milites per Halicien. Diffugientibus autem fratribus Isaslai, Suiatopelkone & Wladimiro, & filio suo Msczislao, remansit Isaslaus in loco certaminis cum paucâ militiâ, sed timens ne iterum per Halicien occuparetur, iussit occidi captiuos, exceptis notabiliõribus quos secum Kiouiam deduxit.

ALEXANDER Plocensis Episcopus cum annis septem & viginti Pontificatum gessisset, obiit, & in Plocen Ecclesia accepit sepulturam, Cui Vernerus Scholasticus Plocen genere nobilis de Domo Rosæ concorditer

electus, succedit. Cuius electionem Janislavus Gnesnen' Archiep'us facile de consensu Boleslai Crispi Poloniæ Ducis (vir enim erat eximia religionis & deuotionis in Deum) confirmavit, & apud Lancicien' Ecclesiam in Plocensem ordinavit Episcopum.

Anno Domini 1157.

*Celebrantem Fredericum Imperatorem
Comitia Herbipoli, Wladislaus exul rogat
ut in patriam reduceretur. Et Cæsar a Bo-
leslao et fratribus eius dum per Oratores id
obtinere nequit, tum quia illi etiam tri-
butum soluere nolebant, bellum eis indicit.*

EX Italia & Galliis Fredericus Imperator discedens, in Al-
maniamq; rediens, omnium Principum Almaniae in Virzburg
alia's Herbipoli pro Pentecostes festo die agit Conuentum.
In quo & filiam Burgundiæ Ducis Beatricem sibi matrimonio iungit,
& de bello Mediolanensibus inferendo (quos constabat aperta rebellio;
ne erga Cæsarem usos esse) cum Principibus consultat. Inter hæc
Wladislaus Polonorum Dux, coram Cæsare & Principibus causam su-
am agere capit. Duodecimus, inquit, Cæsar optime labitur annus, ex quo
cum coniuge & liberis per fratrum odium & liuorem, patria pulsus
sum, in terris tuis indignum exilium ago, nec spei meæ pollicitationiq;
Cæsareæ, aliquis effectus respondit. Prædecessor quidem tuus Contra-
dus, dum crebris Legationibus restitutionem mei efficere nequiret,
armis illam effecturus, legiones in Poloniam duxerat, sed a fratribus me-
is Polonia Ducibus, falsis promissis & blanditiis victus, campoq; detra-
ctus est, neq; posthæc curis Imperii & languore distentus, arma in mei
restitutionem, licet id crebrò polliceretur, resumpsit. Non me iam mea
sors, sed filiorum, ne et ipsi in exilio mecum unâ consenescant, perurget.
Quos consulam? quos deprecor? a quibus commiserationem sperem? præ-
ter te unum Cæsar, quem in hanc diem colui, cuius quoq; subuentione & be-
neficio uiuo, fratribus infestum & implacabilem animum gerentibus, non
habeo. Si te conditionis meæ non miseret, saltem sororis tuæ coniugis meæ,
quæ & ipsa mecum exulat, & nepotum tuorum filiorum meorum, quos in
viros, dum huc pueri delati essent, creuisse uides, miseria mouearis.

Duxit & tres filios iam adolescentiam transgressos, pulcherrimæ & raræ indolis iuvenes, pedibus Imperatoris, quo facilius eum in miseratione flecteret, eos admouit. Ex torrem se factum habitationis patriæ subintulit, terram in qua sit natus negari sibi, Boleslaum, Miecyslaum, & Henricum, incubare Principatibus suis, qui sibi & filiis per scelus erepti forent. Dux deinde Bohemiæ Wladislaus, liuoris magis in Polonos, quàm pietatis in exulem respectu, ne id ludibrium ferret Cæsar, pertinaciamq; Polonia Principum, suo calcaneo aduersantium, domaret, admonuit. Vniuersi deinde Principes Almania huic petitioni assensi, ut restitutionem Wladislai Ducis Poloniae efficeret, Cæsarem consiliis precibusq; impellunt. Wladislaus enim Polonorum Dux, & ex continuo contubernio, & ex diuturna mora ferè omnium Almania Principum sibi & familiaritates et amicitias meruerat. Fredericus autem Cæsar cùm & sua sponte ad ferendum exuli subsidium moueretur, frequentibus tamen Principum consiliis, sententiis, & precibus, adeo peruietus accensusq; est, ut priorem in Polonos, quàm in Mediolanenses expeditionem indiceret, & exulis causam prius agi, quàm propriam mallet. Verùm quia æstate illa expeditio ipsa minime, propter temporis defluxum prouentura videbatur, quò iustior causa belli esset, mitti primùm ad Duces Poloniae Legatos, qui nomine Cæsaris restitutionem exulis admonerent, belloq; inferendo terrerent, placuit. Hi cum ex eodem conuentu, in Virczburg habito, missi essent, Boleslaumq; Ducem & Monarcham Cracouiæ offendissent, Imperialia mandata, ut erant instructi & iussi, coram eo & duobus reliquis fratribus, Miecyslao & Henrico, quos gratia audiendæ Legationis præfata Boleslaus Cracouiæ acciuerat, edicunt. Orabant autem ut Ducis Wladislai fratris sui, errori & transgressionem veniam tribuerent, mouerentq; et si non germanitate saltem calamitate hominis & Cæsarea intercessione. Satis Ducem Wladislaum pro delicto panarum dedisse Boleslaus autem Polonorum Dux & Monarcha, fratrum & Consiliariorum suorum deliberatione, Legationem Cæsaream expendens respondet. Nullius se & fratres suos in Wladislaum Ducem admissi facinoris socios, neq; se bellum fratri intulisse, sed illatum propulsaße. Illum tam crudelem in se fuisse, ut non communione sanguinis, non eorum adolescentia, non precibus, quominus ad exterminium eorum suos omnes conatus intenderet, moueretur. Indignum Wladislaum Ducem veniam, indignum misericordia & intercessione disserunt, qui omnis cognationis, omnis æquitatis oblitus, nec iuris Diuini nec humani, sed nec iuris gentium sanctiões, nec patris testamento scripta legitima imperia pati & custodire potuit. Sed nec tunc dum illos ad vniuersi Posnamien Castri angulū redegisset,

Gnesnen Pontificis Iacobi paterna obsecratione placari poterat. Se qui-
dem non tam impios esse, ut non velint fratri tanto tempore exuli mise-
reri, sed vereri, ne restitutus ad exterminium eorum ardentius dum
ambitioso animo exulceratio accessit, intendat. Rogarent proinde Cæ-
sarem, ut erga illos indignatione non moueretur, restitutionem fratris Ci-
uile bellum, caedemqz & exterminium multorum effecturam. Cum hac
responsione Imperiales nuncii, comiter et liberaliter habiti, dimissi, cum
rediissent, Fredericus Imperator responsione ipsa magis offensus quam
mollitus, expeditionem contra Poloniam in futuram æstatem, Wladisla-
um restitutus, Almania Principibus & militibus pronunciat: occasio-
ne belli hinc maximè accepta, quod Polonia Duces eius imperio recalci-
trabant. Imperatori enim Sacramentum fidelitatis præstare, & tri-
butum quingentarum marcarum argenti, annis singulis publico Arario Im-
perii inferre, ab eis exigenti, negabant: satius ducentes mori, quam
Polonia Regnum subiaci tributis. Apertisqz & euidentibus responsis,
nunquam se sub Imperio & tributis fuisse, & non calculariam sed ma-
nifestam oppositionem se pro libertate facturos moliebantur.

GERTRUDIS Ducissa, consors Miecslai Maioris Poloniae & Po-
meraniae Ducis, hoc anno effudit alterum infantem. Cui matre obsecran-
te Stephanus nomen inditum est. In Hungariae enim Regno Stephanus
Rex suus nepos ex fratre germanus principabatur, nec multo post diem
puerpera obiit.

Anno Domini 1158.

Fredericus Barbarossa Cæsar cum
maximo exercitu in Poloniam vadit. Vbi
cum parum feliciter rem se gerere vide-
ret, cum Duce Boleslao et fratribus eius pacem
certis conditionibus init, et a limitate firmat.

Boleslao Monarchæ Ducisqz Polonorum, & fratrum suorum Miec-
slai & Henrici, Fredericus Romanorum Imperator irritatus
responsione, magnas concepit iras, & suo in Herbipoli condito de-
creto satisfactorius, expeditionem in Poloniam mouet, maximumqz tam e-
questrium quam pedestrium copiarum exercitum per Saxoniam traducens,

Mense Augusto illam ingreditur. Cui in Saxoniae finibus Vladislavus Bohemiae Dux cum Bohemis Moravisque se coniungit, & exercitum Imperatoris per se magnum effecit ampliorem. Omnes enim Imperii vires, & omnem nationem Alamanicam, Francos, Suevos, Rinenses, Bauaros, Saxones, Lothoringos, Misnenses (quod magnae execrationis poterat videri) ipsos etiam Bohemos & Moravos, unus penè cum Polonis nationis & lingua, contra Polonos arma vidisses induisse. Imperator itaque Fredericus contra Polonos procinctum movens, cum maximis copiis ad fluvium Odram cum magna difficultate penetravit, & undecimo Calendas Septembris cum omni exercitu præter opinionem Polonorum Odram transvadavit. Boleslaus itaque, Miecslaus, & Henricus, Polonorum Duces, quamvis & ipsi cum suorum militum exercitatissimo robore Imperatori Frederico occurrissent, vires tamen suas meliando, dum illas constaret hostilibus multo inferiores & dispares, hostem ex insidiis et paludinosus et iniquis locis lacessere contenti, in discrimen notorium universae dimicationis non veniunt. Turmis quoque militum, & belli muneribus inter se partitis, in loca diversa abeunt, atque ex illis hostes incautius praedatum aut pabulatum progressos, aut capiunt aut interimunt. Omnia insuper loca, per quae Imperatorius exercitus transiturus erat, & eis viciniora, inter quae Castra & oppida munita vult Glogow & Bithom, igne iniecto consumunt, quae res in magnas difficultates, comitatu & pabulo deficiente, Imperatorium exercitum induxit. In singulis quoque staliis magnus equorum numerus fame tabefactus subsistebat, frequentesque milites ex ordine equestri, ad peditum numerum redacti erant, nec pabulatores sine manifesto periculo ad remota loca progredi poterant, quaerendi pabuli gratia, periculosus insidiis aut trucidandi aut capiendi. Crebra quoque priorum mors & trucidatio, reliquos adeo terruerat, ut in singulis sylvis, rubis, aut sylvestris insidias Polonorum consistere vererentur. Accessit & amplior exercitui Caesareo perniciēs, mollia enim & delicata Alamanorum corpora, & vini aut cervisiae ex hordeo coctae, quorum in Polonia usus non est, assueta, ex assiduo aquarum haustu in Dyssenteriam prolapsa sunt, adeoque Dyssentericus morbus in eorum corpora vulgatus erat, ut maiorem partem Caesarei exercitus, ea pestis peruasit, cumque grassatio eius nulla arte, nullisque herbis aut antidotis inhiberi posset, omnes à Caesare reversionem flagitabant, neque in male auspiciato bello censebant cum sua perniciē & interitu immorandum. Caesar & si vocibus precationibusque his, sed & suorum mortibus & aegritudinibus moveretur, pudore tamen, ne ceptum bellum leuiter obmitteret, retrahabatur. Quid tamen ageret, aut quem fructum ex bello huiusmodi sperare possit, cum Poloni in aciem non perirent, assidua

perplexitate angebatur. Sed nec expugnationi Castrorum aut Urbium intendere non poterat, quippe Urbes raræ & Castra apud Polonos ea tempestate habebantur, sed et plerasque Poloni sub adventu Cæsaris proprio igne deleverant, ad paludinosaque & inuia loca, nonnullis desertis, diuerterant. Sola itaque agrorum populatione tam validus & numerosus exercitus contentus, tectis innocuis ignem iniciebat. Territoria quoque & Districtus Wratislaviensis & Posnaniensis incendio & spolio vastabat. Inter hæc solertissimus Imperator & expeditionem illam (cuius illum sæpe poenitebat) & discessionem suam, quam fames & morborum perniciēs, militumque clamor & vociferatio exigebat, honestaturus, per Vladislavum Bohemiam Ducem, velut communem partium amicum egit, ut Polonorum Duces, Boleslaus, Miecslaus, & Henricus, pacem à Cæsare expeterent, certitudine facta eos pacem consecuturos. Bohemiam itaque Ducis pollicitatione Duces Polonorum permoti, sub securitatis conductu in Casarea Castra apud villam Krisogwe stativa habenti, perveniunt, & in tabernaculum Imperiale, ubi frequens Consiliariorum numerus conuenerat, deducti, per organum Boleslai verba faciunt. Si scrupulosius, inquit, Cæsar optime & nostram & fratris nostri Vladislai, in cuius restitutionem & favorem bellum nobis infers, causam examinares, nequaquam contra animum hostilem induis, ea enim iustitia causam nostram videres esse præditam, ut magis illi defensa quam vexatio debeat. Qui & si tuus gener sit, inficiari tamen nos potes, & nos de sanguine tuo satos esse, nobis quidem persuasum est, neque tibi neque tuorum cuiquam, fratrem nostrum Vladislavum exilii supplicio iniuste affectum videri, quo tres nos omnes fratres suos, nisi iusto Marte concidisset, affecturos erat. Et quamvis plurimis damnis patriam nostram sine demerito afflixeris, in Castra tamen tua venimus, singulis causis & querelis fratris nostri Vladislai, propter quas præsens bellum susceptum est, iusta responsione satisfacturi. Ad ea Romanus Imperator, diuturna, inquit, fratris vestri Vladislai calamitate, cui nullam miserationem, à nobis & prædecessore nostro Conrado rogati, præstare voluistis, moti, in præsens bellum descendimus. Quod & si maximo geratur sumptu, humanitas tamen nostra tanta est, ut facile vobis ignoscat si frater vester Vladislavus, plenam suorum Ducatum sortem acceperit. Interponuntur post hæc de pace & reconciliatione tractatus, inter Imperatorem Fredericum & Duces Polonorum, sub duabusque conditionibus pax componitur. Ut viz fratrem Vladislavum suis Ducatibus Duces Polonorum restituant, & trecentas lanceas Cæsari in bellum Mediolanense mittant. Et dum utraq; conditio à Ducibus

Polonorum, Boleslao, Miecislao, & Henrico accepta esset, Imperator
FREDERICUS, ex agro Polonico legiones deducens in Almam multos suos
amissos, remeavit. Neque solum Ducibus Poloniae, pacem sub conditionibus
dedit, sed etiam cum eis affinitatem iunxit, Miecislao maioris Poloniae & Bo-
meraniae Duci neptem suam Adleydam dando cum dote insigni in consor-
tium, magis diuturnam existimans pacem, ad cuius aequas conditiones, vin-
culum sanguinis adlucet. Purgavit etiam tunc se Boleslaus Poloniae
Dux, cum fratribus iureiurando, quod fratrem Vladislauum non ad igno-
miniam Imperii expulisset: pollicitus pro die Natiuitatis Christi, ad Cu-
riam in Maydeburg personaliter venire, & iuxta iudicium & sententiam
Polonorum et Bohemorum, super expulsionem fratris sui Vladislai responde-
re et parere. Omnibus tamen quae promiserat neglectis, nec ad Curiam
Caesaris pro die constituto venit, nec sufficientes pro se Procuratores misit,
Italicam tamen expeditionem adimplevit, magnifice & animose ~

ANASTASIA Ducissa Boleslai Polonorum Ducis consors, filio adi-
to, Cui Leszko nomen datum est, morte absumitur, cuius obitu Bolesla-
us Dux diuturno cruciatus dolore, alteram superducere aliquanto tempore
abnucebat ~

ECLIPSIS notabilis Solis eo anno nona hora apparuit, & Hierusa-
lem Sancta a Soldano Babiloniae capta est, multis Christianorum mi-
litibus aut occisis aut captis. Obscuracionem autem Solis fames vali-
da, qua plerique mortales absumpti sunt, secuta est, quae Poloniam & eius
regiones notabiliter afflixit ~

ISASLAUS Msczislauicz Kiiouien' Dux, tredecima Nouembris
moritur & in Monasterio Sancti Theodori sepelitur. Et Isaslaus Da-
uidowicz uolens intrare Kiiow non est permissus, a Wiczeslao & Msci-
slao filiis Isaslai, & venit Rosczislaus ex Smolensko frater Isaslai
& accepit Kiiouien' Sedem. Posthaec venit Hleb Georgii cum multitudi-
ne Polowczonum in Pereaslam contra Mscislaum, & Pereaslawien' forti-
ter resistentibus, dimicant secum, & discessit Hleb cum Polowczis ea no-
cte ex Pereaslam, & Rosczislaus assumens secum Swiatopelkonem Wsze-
uoldowicz, Msczislauum Isaslauicz, vadit versus Czermeiow contra Isasla-
um Dauidowicz. Et dum transisset, nunciatur sibi mors patris sui Wic-
czislai. Ipse autem dimissis exercitibus suis, cum Swantoslao reuertitur
Kiiouiam, & in Ecclesia Sanctae Euphiae sepelit Wicczislaum. Tum
rursus collecto milite vadit versus Czermeiow, & audiens id Isaslaus

Davidowicz, mittit pro Hleb Georgii, qui venit cum Polomezis in eius subsidium; & Rosczislaus cum suis exercitibus stetit circa Bialauicza & exiit Isaslaus & Hleb contra eum, et certabant sagittarii pro ripis. Rosczislaus autem videns magnam multitudinem Polowczonum territus est, & mittit ad Isaslaum, dando sibi pro se Kiiow, & Pereaslaw pro Msczislao nepote. Quod audiens Msczislau dicebat, nec ego habeo Pereaslaw, nec tu Kiiow, & indignatus recessit cum militia sua. Quod videntes omnes alii fugiunt, & Polomezi eos persecuti, plures aut occidunt aut capiunt, ceteri disperguntur, & Rosczislaus fugit in Smoliensko, & Msczislau & Swantoslaus, procedunt fugientes in Kiiow, & captus est Swantoslaus Wszeuoldowicz a Polomezis, & Msczislau euasit, & venit in Pereaslaw, et sumpta uxore sua vadit in Luczko. Kiiowien autem plurimum aggrauati mittunt & recipiunt Isaslaum in Kiiow. Qui locat Hleb in Pereaslaw, Polomezis ibidem patrantibus multa mala, & Ecclesias atq; villas comburentibus. Posthac Georgius venit versus Kiiow, & post multos tractatus cessit illi Isaslaus de Kiiow, & sedit Georgius in Kiiow sede sua auita, & distribuit regiones inter filios, Andrew dat Wiszechrod, Boris dat Thurow, Hleb Pereaslaw, & Vaszilkom Porsj.

Anno Domini 1159.

Wladislaus exul parans in patriam
reditum in itinere moritur.

AD patriam & Principatus suos quos sibi fratrum benignitas, iuxta factus cum Frederico Caesare reum, restituendos spondederat, reuersurus Wladislaus Polonorum Dux, ex diuturno calamitosoq; exilio, quod in Almania annis tredecim, cum coniuge & liberis stipe aliena uiuens, pertulerat, arma, equos, quadrigasq; & subuectiones ceteras, quibus sarcina deferri possent, & reuersionis in patriam, & rehabilitationis Dominiõrum cupidus expediebat, cum interim languor grauissimus eum occupat, quo hebdomadis aliquot cruciatus, quarto nonas Iunii tandem animam exhalat, & in Aldemburg accepit sepulturam. Quem quidem locum & consors sua Cristina, usq; quo fatis intercepta est, incoluit, cuius consilia & persuasiones Wladislaus secutus, propria perdidit, qui usurpare nitebatur aliena, primumq; exul, deinde hostis patriæ habitus est. A cuius possessione in ipso suæ restitutionis

limile excidit, & temeritatis quondam suae, & in exterminio suorum fratrum, & in caecatione Petri Daci Comitis Skrzinensis, patratæ, penas iustas dedit, ut in exilio contabescens, exulisq; more in alienis Sedi- bus occumbens, neq; patriam propriam, propriosq; Principatus & penates, quamvis restitutione patefacta, contingeret, quemadmodum Iacobus Ar- chiepiscopus Gnesnensis, maiorem in modum eius vicem dolens, talem re- rum suarum illi cecinerat exitum euenturum. Post cuius e vita excessum tres filii scilicet Boleslaus, Miecslaus, & Conradus Loripes, ab eo re- licti, in Poloniam redire cunctabantur, veriti ne pro paterno facinore a pa- tris graue aliquid in illos statui contigisset, ut non in patrem solum sed et in filios diffunderetur sceleris animaduersio. Esto quod nonnulli asse- rant, Wladislaum praefatum Ducem in Poloniam cum pignoribus & suppel- lectili tunc reuersum, tria Castra Imperatoris sumptibus & suffragio vult Velen, Grotecz, & Niemce edificasse, bellumq; fratribus intulisse. Pro quo rescindendo dum ad colloquium in Ploczko cum fratribus venisset, veneno extinctum fuisse ~

*Fredericus Imperator Mediolanum oppu-
gnat, et Bohemiae Ducem coronat ~*

Fredericus Imperator, cum ex Almania, Italia, Bohemia, caeterisque nationibus & Regnis, frequentem exercitum adunasset, trecentæ quoq; illi lanceæ, viris, armis, equisq; insignes, per Duces Poloniae Boleslaum, Miecslauum, & Henricum, ita ut unusquisq; Ducum centena- rium expleret numerum, in auxilium suæ contra Mediolanenses expeditio- nis missæ fuerant. Cum validissimis itaq; legionibus in Italiam ingressus, Brinensem primū vastat regionem, deinde Mediolanum obsidere ag- gressus, cum plures illic Principes & milites in Civitatis oppugnatione ami- sisset, Mediolanensibus victis & pacem petentibus, victus & ipse a mi- sericordia, pacem dedit & obsidionem soluit, legionesq; in propria redire iussit. Sed Mediolanenses mox postea dolo usi, iusiurandum Imperato- ri præstitum prauaricati, magnam stragem, Castra ditionis Imperatoris conquirendo, fallaciter ediderunt. Wladislaus autem Bohemiae Dux, quo- niam in expeditionem huiusmodi contra Mediolanenses se contulerat perso- naliter, in sui laboris premium a Frederico Imperatore in Bohemiae Re- gem coronatus est, Abrogatisq; veteribus insignis, nigra vult aquilla, no- uis, vult albo leone insignitus est ~

ADRIANVS Papa cum annis quatuor Mensibus octo, diebus viginti octo

sedisset, moritur. & in Ecclesia beati Petri honorificè sepelitur. Vir
 Civilis, strenuus, largus, facundus, & in omnibus actibus suis glorio-
 sus. Cui Alexander tertius Polandus antè vocatus, patria Senen-
 sis, patre Romano, à maiore parte Cardinalium electus, renitens, & in-
 dignum se hoc onere vociferans, successit. Eligitur etiam Octavianus
 qui Victor dictus est, & graui scismate Ecclesia extunc turbari
 cæpit. Octavianus prima Dominica Septembris, Polandus verò
 decima octaua Septembris die in Papas consecrantur.

GEORGIVS Kiouiensis Dux grauem & iratum animum contra
 Ducem Msczislauum Pereaslauensem filium Isaslai gerens, non con-
 tentus illum de Pereaslau expulisse, ordinatis & congestis exerciti-
 bus, & in potestatem Georgii Laroslauicz, & Laroslai Ducum commissis
 ipsos contra Isaslauum Ducem in Przesopnicza se continentem, transmittit,
 Qui terrore hostili actus, cum se imparem futura dimicationi videret,
 ex Przesopnicza fugit in Luczko. In fidemq; & defensionem fratris
 germani Laroslai Castro Luczko commendato, ad Polonorum Duces Bo-
 leslauum, Mieczslauum, & Henricum confugit, intelligens & pro comper-
 to habens, quòd Georgius Kiouiensis Dux etiam ad exclusionem suam
 de Luczko aspiraret, copiasq; congereret. Principes autem Poloniae vti
 Boleslaus Cracouiensis, Mieczslaus Posnamiensis, & Henricus San-
 domiriensis, exule Msczislao benignè excepto, & omnibus necessariis
 apud se fòto, congregatis Dominorum suorum potentiis, versus Russiam
 hostiliter procedebant, Msczislauum Ducem non in Pereaslauensem, tan-
 tummodo, sed etiam in Kiouensem sedem restituturi. Potentiam au-
 tem Polonorum Georgius Kiouien' Dux veritus, per medium Rosczislai Du-
 cis Przemislien' pacificatur cum Msczislao Duce & germanis suis Wlodi-
 miro & Laroslao filiis Isaslai, & tam Ducatum Pereaslauensem, quàm
 omnia quæ ad eos pertinebant illis restituit: iureiurando se astringens
 nunquam ad occupationem eorum Dominiorum aspirare. Qua reconciliatio-
 ne inter eos confecta, Msczislaus Dux cum magna gloria in Russiam
 rediit, pluribus Polonorum militibus cum usq; Vladimiriā conducen-
 tibus, & plerisq; apud eum remanentibus.

Anno Domi 1160.

Mieczslao filius Boleslaus nascitur, & Bo-
 leslaus Crispus secundas nuptias celebrat.

Nova Miecslai maioris Poloniae & Pomeraniae Ducis nupta Adley:
da, nouum progenit infantem. Qui a Ioanne Gnesnen Archiepo
in Posnamien Ecclesia baptisatus, vocalus est Boleslaus. Miecz:
slaus autem Dux de filii natiuitate plurimum exultans, rogatis plurimis
Polonorum Primoribus, diem natalis filii praefati, magna celebravit so:
lennitate, & tam in Ecclesias quam ministros eorum, viduasque & orpha:
nos, gratia & liberalitate usus, multorum precibus & necessitatibus, be:
nigna concessione respondit. Affuerunt etiam solennitati praefatae, Bolesla:
us Crispus Polonorum Dux & Monarcha, in cuius honorem infans suo no:
mine vocalus est, & Henricus Sandomirien Dux, qui plurimis inter se vi:
cissitudine vicaria, transmissis muneribus, in magna animorum tam cha:
ritate quam conformitate in suas sedes reuersi sunt. Verum quia inter
sermones, quos inuicem secretò Duces habebant et disserebant, id praecipu:
um extiterat, ut Boleslaus Crispus Dux & Monarcha, viduitatis no:
mine exulo, alterum coniugale iugum acciperet, frequentibus fratrum
& Consiliariorum persuasionibus expugnatus, Cracouiam reuersus
Helenam virginem Principis Przemisliensis Boleslai filiam recepit in
consortem, nuptiarum quoque solennitas Cracouiae pluribus diebus acta
est. Ad quam Boleslaus & germanos suos & Praelatos Baronesque uni:
uersi Regni Poloniae, nonnullos etiam Russiae Boiarios ac nobiles invita:
tos, & splendide tractauit et liberaliter honorauit.

Quatuor annis Honoldus Wladislauien Ecclesia administrata, moritur,
& in ea honorifice sepelitur. Cui Rudgerus vir nationis Teutonicae
succedit, per Alexandrum Papam tertium, Miecslao maioris Poloniae
& Pomeraniae Duce consentiente, prouisus.

Anno Domini 1161.

Mediolanum rursus ab Imperatore
Frederico fortissime oppugnatur.
Vbi Wladislai Ducis Polonorum exu:
lis filius Boleslaus, gloriae cupi:
dus facinus heroicum et egregium adit.

Frequentibus & acerbis iniuriis contumaliisque Fredericus Impe:
rator post datam acceptamque fidem, a Mediolanensibus irritatus,
cum illi & nuncios Caesaris ad se missos probris affectos, in morte

(nisi sibi per fugam consulissent) destinarant, & Cæsareis Castris quæ in circuitu suo erant, potenter & celerrimè expugnatis (ipso Frederico adhuc in Italia agente) milites suos in illis deprehensos aut necarant aut in duros coniecerant carceres. Fredericus ipse noua expeditione indicta, Mediolanum fortissima militia obsidere cepit, tantoque contra Mediolanenses, gratia & misericordia sua abusos, furore incanduit, ut irasceret se ex obsidione, non nisi victa Mediolo discessurum, Boleslaus itaque altus Polonorum Dux, Wladislai Ducis & exulis primogenitus, ne ocio et desidia torperet (cum in patriam & Principatus suos neque sibi neque fratribus tutum putaret reuertere) duobus germanis Miecislao & Conrado sub genitricis suæ Criskinae cura in Almania relictis, in Italiam se contulit, & in Castra Imperatoris Mediolanum obsidentis, peruenit, militiam suam & animositatem, ubi facto opus esset, monstraturus. Sub ipso autem obsidionis tempore, miles quidam Mediolanensis, & roboris et staturæ singularis, & quæ ad Cyclopum staturam accedebat, eques ex Mediolo prodibat, prouocans Cæsarianos milites (de viribus corporis fretus) ad singulare certamen. Cumque pluribus diebus prouocationem ipsam repeteret, et omnes evidens periculum declinarent, miles ipse improperis erga Cæsarianos usus, timiditatem & molli- ciem pectoris illis exprobrabat. Quæ res ad demonstrandam heroici animi virtutem, Boleslao Duci materiam præstitit, & segetem fortuna ingenio suo subministravit. Ipse siquidem Boleslaus Polonorum Dux gloriæ famæque audax, cum & de corporis viribus satis fideret, & nulla aliare quam huiusmodi singulari certamine audaciam & virtutem suam æquè explicari, atque apud Imperatorem nomen & gratiam mereri posse videret. Imperatore Frederico etiam inconsulto, & iniussu eius in certamen singulare cum milite Giganteo eques & ipse descendit, magnumque spectaculum utrique exercitui præbuit, cum & Imperatorii milites ex Castris effusi, & Mediolanenses ex turribus & mœnibus, euentum futuri certaminis, cum silentio & magna omnium admiratione, spectaturi conuenissent. Subibat autem Cæsarianorum militum animos vehemens indignatio atque cura, cur tam difficile, periculosum, & dispar certamen Boleslaus Polonorum Dux iniussu Imperatoris & suorum Præsectorum suscepisset, & se aperto iniecisset periculo, magnum dedecus non tam sibi quam Imperatori & uniuerso suo exercitui, si cum vinci contingeret, inusitatus. Dissimulante tamen magis quam probante Imperiali exercitu, singulare inter utrumque certamen initur, & rapacissimo equorum cursu, infestisque lanceis primum concurrunt, & Mediolanensi milite frustra sine ictu currente, Boleslaus Polonorum Dux adeo illum lancea excepit, ut læthali

vulnere Gigas accepto, moribundus ex equo in terram deflueret. At Boleslaus nihil cunctatus, cum vir rara agilitatis esset, ex equo ipse in terram desiliit, & iacentem Gigantem obtruncat, armisque spoliatum cadauer exanime in medio palestra reliquit. Maximus subinde clamor à Cæsarianis sublatus, exultationem maximam, quam uniuersus exercitus Imperialis de Triumpho conceperat, testabatur. Ad Cæsarem deinde Fredericum Boleslaus Polonorum Dux spolia occisi Gigantis egregium suae virtutis testimonium referens, à frequenti militum Imperialium catu, eius virtutem probitatemque certatim efferebant, deductus est, omniumque militum vociferatione concinna exoratus Cæsar, quatenus Boleslai heroicum factum, in suam & sui exercitus amplissimam laudem patratum, absque digna retributione esse non sineret, Cæsar autem pro suo debito, & pro Boleslai merito, militumque precatione, gratissimo animo obtulit se tam nobili facinorosi responsurum, Boleslaum tamen Polonorum Ducem tunc quidem coram militibus collaudans, posthac ad secretum colloquium, paucis consiliariis consciis, quo catum, temeritatis arguit, quod iniussu suo periculosum discrimen subiisset. Ego te, inquit Cæsar, laudo & admirror Boleslai, probitatemque tuam gratulor, de qua uniuerso exercitus mei testimonio mactae virtutis celebraris, eo tamen uno offendor, quod discrimen notorium, me neque consulto neque requisito aggredi voluisti, qui quanto mihi propinquiori sanguine iunctus es, tanto maiorem in modum amplior dolor & ignominia, si fortuna pro hoste stetisset, ad me videbantur peruentura. Nunc quidem tibi tuisque ausibus ignosco, admonitum te tamen esse volo, ne in posterum ad ea quae cum discrimine agenda sunt iniussu meo caeca temeritate prorumpas. His verbis increpatum, liberalissime tamen muneratum dimisit, cui & tum et deinceps & à Cæsare & Principibus suis, atque uniuerso exercitu, maximus pro deuicto hoste honos habitus est, in altumque gradum sua crescere ascendereque cepit existimatio. Sed & quocumque illum incedere aut versari contingebat, Gigantis cum admiratione omnium demonstrabatur victor, heroica quoque sua virtus uniuersorum sermonibus celebrabatur. Fugauerat enim in illo saeculo Israelita Philistaeum, & lorricatum Goliath David inermis, infunda & lapide spectatus est occidisse ~

GEYSSA secundus Hungariae Rex, cum annis viginti, mensibus tribus, diebus undecim regnasset Pridie Calend' Iunii moritur, & in Alba regali honore iusto sepelitur, In cuius locum filius eius Stephanus coronatur ~

Anno Domini 1162.

*Monasterium Miechouien et Twier-
rzimiecense per Iaxam fundatur.*

Magno in Deum & in meritum passionis Iesu Christi miles nobilis Iaxa de Miechom Armiger, Cracouiensis Diacesis, actus ardore, vir pro ea tempestate, magnarum possessionum atqz opum abundantia insignis, in subsidium terrae Sanctae personaliter cum familiaribus atqz armigeris suis profectus, aliquanto tempore illic moram gessit, & enixius quo poterat, pro terrae Sanctae defensione militauit. In Poloniam autem reuersurus, inter alia deuotionis suae insignia, apud Patriarcham sacri Sepulchri Hierosolymitani Monachum nomine & eius Conuentu, sub Sancti Augustini Regula Deo militantem, bifurcatam Crucem rubram deferentem, obtinuit ut secum unus ex Canonicis suis in Poloniam, ordine praedictum plantaturus, mitteretur. Tres itaqz villas patrimonii sui, vtz Miechom, Zagorzicze, & Komorow, in dotem ordini praefato conferens, in villa principali Miechom (quam nunc in Ciuitatem frequentiam populorum & reddituum habentem, creuisse videmus) Ecclesiam & primum Canonicum de speciali consensu & voluntate Mathaei Episcopi Cracouiensis, constituit. His quoqz non contentus, aliud Monasterium in villa sua Twierzimiecz, propet Cracouiam sita, pro virginibus Praemonstratensis religionis, ordinem profiteri volentibus, aliquot villis illud etiam dotans, erexit. Et ne temporis processu dotatio sua duobus locis praedictis facta, a suis propinquis & cognatis posset labefactari aut infringi, suppliciter illam petiit a Boleslao Crispo Polonorum Duce & Monarcha confirmari. Cuius praestantissimis precibus Boleslaus Dux permotus, & operi Sancto confirmacionem praestitit, & bona utriqz Monasterio per Iaxam collata, a Ducalibus seruitiis, oneribus, & tributis, liberauit. Statuit siquidem ut homines villarum huiusmodi, ad expeditionem huiusmodi contra hostes non eant, Castra non aedificent, poradine & strozne non soluant, Monetario non obediant, puros & podmodas dare non stringantur. Ea quidem duo Monasteria, tunc per Virum insignem Iaxam, in aliquot villis fundata, postea Ducum Episcoporumqz & nobilium Cracouiensium donatione, decimis, oppidiis, villis, & notabilibus redditibus amplificata atqz impinguata sunt. Cuius autem stirpis aut quorum armorum miles Iaxa fuerat, parum ex veteribus autoribus & scriptis constat, licet aliqui eum conentur astringere de Grifphonum Domo & Genealogia exstitisse.

RADVANVS Posnaniē Epūs cū annis sex sedisset, a passiōe iliaca correptus, moritur, & in Posnaniē Ecclesia sepelitur. Cui Bernardus primus Canonicus Posnaniē, via scrutinii electus, succedit. A Ianislao Gnesnē Archiepō, Mieczslai Ducis Maioris Polonia patrocinante consensu confirmatus & consecratus ~

PRO tyrannide & sœuitia, quam in Lombardos & Tuscos Fredericus Imperator exercebat, ab Alexandro Papa tertio repræhensus, in magnum furoris nubilum excanduit. Cū verō idem Alexander Papa apud Cæsarem a plerisq; insimularetur, quod Mediolanensibus, Tuscis, atq; Lombardis contra Cæsarem fauisset, mox Cæsar Octavianum Cardinalem (qui & ipse a minori parte Cardinalium in Papam electus fuerat) cō Alexandrum erigit, qui se Victorem nominavit. Is favore Imperatoris uniuersum temporale in Italia Dominium, vero Papa Alexandro spoliato, adeptus est. Tantis insuper persecutionibus & insidiis Alexander Papa cum ab Imperatore Frederico, tum ab Octauiano competitore, petebatur, quod coactus est Romam & Italiam relinquere, & in Franciam se conferre. Quō cū peruenisset a Ludouico Francorum Rege honorifice exceptus, atq; humanissime habitus & tractatus est ~

FŒDERE & iuramento quod Georgius Wladimirowicz Kiouien Dux, cum Msczislao Isaslauicz & fratribus suis Wladimiro & Isaslao pepigerat, temerato bellum ei intulit. Quo dimicare non audente, apud Castrum Wladimirien ipsum cingit obsidione. Fiebant autem per omnes obsidiōis dies pugnae horribiles inter obsidentes & obseſos, & sanguinis humani grandis effusio a Polonorum militibus, qui in Msczislai Ducis obsequiis erant, egregia facinora assidue adebantur in obsidentes, & triumphos frequentes ex eisdem referebantur. Paratus autem erat Georgius Dux pacem dare Msczislao si illam petere voluisset, sed eo renuente dum nihil profecisset, multis nobilibus de suis amissis, confusus in Kioum rediit ~

Anno Domini 1163.

Mediolanum diruitur et solo aequatur.

Wladislai exulis filii Cæsare et precibus et mi-

nis urgente comiter a patris recipiuntur.

O bsidione propè triennali Mediolanensis urbs à Frederico Impera-
 tore fatigata, fame insuper & nece frequenti suorum indies occum-
 bentium, pluribusq; aliis incommodis vexata, tandem vi capitur
 & expugnatur. Cuius mures turresq; Imperator dirui, & solo se spectan-
 te æquari mandavit, nec fortunis solùm, sed & sacris spoliare urbem victa
 aggressus, corpora trium Magorum, qui infantiam Domini nri IESU Chri-
 venerati sunt, per Sanctum Astorgium ex Constantinopoli miraculose
 quondam Mediolanum translata, item corpora Sanctorum Felicis & Na-
 boris, per Rudolphum Coloniensem Archiepum in Colomiam manda-
 vit efferri. Mediolano autem diruto, ceteræ Lombardiæ & Tusciæ
 Urbes, præter Papiam, quæ sola Imperatori parebat, in deditiõnem vene-
 re. Imperatorq; victoria potitus, Principes & gentes auxiliares, pro maiori
 parte in domos remisit. Inter quos & Boleslaus Polonorum Dux, spolia vi-
 ctri à se Gigantis, Imperatoriq; dona referens, remeabat. Scripsit autem
 Fredericus Imperator Boleslao Crispo Polonorum Duci & Monarchæ,
 scripsit & Mieczslao Henricoq; fratribus suis, in favorem Boleslai
 alti literas, virtutem eius magnoperè commendans, petens Et vigore pa-
 ctorum secum initorum requirens, ut præfatum Boleslaum & fratres suos,
 Mieczslaum & Conradum ad suos Principatus & Domina restituerent,
 præsertim cùm pater eorum Vladislaus non exilio solum diuturno, sed
 & morte scelus in eos commissum, expiasset. Nec literis solùm conten-
 tus, etiam nuncios qui hæc ingeminarent, & si preces & exhortationes
 parum proficerent, terreient, ad Polonorum Duces transmittit. Qui Im-
 peratoris nomine apud Polonorum Duces ita verba faciunt. Quando,
 inquit, firmo & obstinato animo noluisse vos in gratiam cum fratre
 viuo redire Cæsar cognovit, & frequentius illo superstite, frustra vos
 sollicitavit, nunc, quoniam ille rebus humanis absumptus est, pignorum sal-
 tem suorum, & vestrorum nepotum, vos miserabilis calamitas moueat,
 pudeatq; qui soli patrii extorres alienos lares inhabitant. His verbis
 Boleslaus Monarcha, Mieczslaus & Henricus Polonorum Duces, per-
 moti, cùm & Cæsaris formidarent iram, & nepotum Boleslai præcipuè
 maioris natu propter virtutes illius, & decora, misericordia moueren-
 tur, petitionibus Cæsaris assentiunt, veniamq; nepotibus se daturus, pa-
 trumq; scelus ignoturos, promittunt, & ut intelligeret Cæsar illos suis
 iustis intercessionibus morigeros respondent. Fratri ideo se non ignovisse,
 ne receptus bella & seditiones peiores prioribus excitasset. Responsis
 huiusmodi datis, facta amicitiora adyiciunt, viaticum conferunt, oram
 Slesiae quam Odra fluvijs percurrit, usq; ad terminos Saxonicos & mon-
 tes Bohemicos protensam, duas habentem insignes Wratislaviensem et Lubucensem

Dioceses, in sortem perpetua hereditatis illi attribuunt, ceterosque milites qui nepotes predictos ex Almania reducerent, transmittunt. Quos aduenientes, benigne appellatos, excipiunt, & uniuersam Slesiae regionem, usque ad Alpes & sylvas Hercinias Poloniam a Bohemia diuidentes, se protendentem, in perpetuam illis possessionem atque sortem tradunt. Vt autem oritura inter ipsos nepotes litis occasio demeretur, regionem predictam Slesiticam tali ordine illis partiuntur, Boleslaus siquidem alto Vratislauiensis & Krosnensis, urbes. Miecislao Ratiboriensem, & Opauensem, Conrado Loripedi Glogouiensem, Ciuitates, cum suis appendentiis largiuntur. Diuisione autem huiusmodi inter nepotes celebrata, Monet illos Boleslaus Polonorum Dux & Monarcha, quatenus pacifici sibi velut Monarchae subiecti, uiuant, paternae quoque tyrannidis caueant imitari, ne calamitate paterna inuoluantur temeritatem, neque Principatus a se & fratribus eis largitos, iure sed precario se existiment adeptos, benignitate patruorum donatos potius quam redditos. Quod se illi cum sinceritate custodituros impleturosque spoponderunt, sed non post multa tempora pacto & sponsione violata, prauaricari quam seruare quae pepigerant, maluerunt. Adhibuit autem quilibet Ducum operosam diligentiam, ut sortes suorum Principatuum Ciuili & externo bello vexatas, & propterea desertas, in frugem meliorem uerterent, eorumque industria breui Slesitica regio coaluit. Miecislauus tantummodo Dux ad id dementiae, amore cuiusdam mulierculae infasciatus, venit, ut sortis suae notabilem Ciuitatem Opauiam, eidem mulierculae perpetua donatione conferret. Conradus post haec immatura morte decimo sexto Calend' Februarii decedens sine liberis, sortem suam Glogouiensem Ducatum inter fratres partiendum, reliquit.

Anno Domini 1164.

Boleslaus Polonorum Dux Prussiam ingressus Pruthenos fidem Christianam suscipere, et tributa pendere coegit.

Hostili metu, qui a Casare Almanisque propter Ducis Wladislai & filiorum suorum propulsionem & exilium superimpendere videbatur, sublato, cum et ex reliquis regionibus Poloniae Regno vicinis, nihil timeretur hostile, Boleslaus Polonorum Dux & Monarcha, communitate fratrum suorum & nepotum Principum Poloniae consilio, expeditio nem contra Prussos, gentem Idolatriae in eam diem deditam, indicit: fidei

Sanctæ Catholicæ & suæ ditioni illam subiugaturus, Conuenientibus
 itaqz omnium Principatum Regni Polonia copiis, Ossa flumine qui ter-
 ras Polonorum à Prussia distinguit, superato, Prussiam tripartito agmine
 ingrediuntur. Primo siquidem agmini Henricus Dux Sandomiriensis, secun-
 do Mieczslaus Maioris Poloniae Dux præerat, tertium Boleslaus Monar-
 cha ducebat. Pruteni cum vires suas ad resistendum Polonorum multi-
 tudini imbecilles iudicarent, in sylvas, paludesqz & loca inuicia diffugiunt,
 noctibus tamen exercitum Polonorum, si quando iniquitas locorum occasio-
 nem præbebat, lacessunt, sed in apertam dimicationem prodeundum non au-
 debant. Iam dimidium eorum regionis Polonorum exercitus, flammis vi-
 cis & villagiis, populationem agris ingerens, emensus erat, cum Pruthe-
 norum Primores, securitate petita, in Castra perueniunt, pacemqz petunt,
 offerentes se obedienter omnia quæ imperarentur facturos. At Bole-
 slaus Polonorum Dux & Monarcha primùm iubet decernitqz, ut si pa-
 cem salutemqz accipere velint, vetustis se abdicent idolatriæ sordibus
 atqz erroribus, fidemqz & religionem Catholicæ puritatis profiteantur,
 absqz renunciatione idolatriæ caliginis, nullam se pacem cum Polonis spe-
 rent æquam habituros, abdicatis erroribus, æquis conditionibus se pacem da-
 turum. Ea conditio cum durior acerbiorqz Prutenorum nunciis videre-
 tur, ad suos redeuntes, quid facto opus sit consultant. Verùm & si multi-
 tudinis fremitus ubiqz coortus, conditionem propositam se execrari signifi-
 caret, à maioribus tamen fremitu sedato persuasum est, ut conditionem ipsa
 postquam aliter patria liberari nequiret, acciperet, Polonis abeuntibus ip-
 sam reiecturi. Ad Boleslaum itaqz reuersi vafri callidqz homines,
 superstitionibus erroribusqz gentilibus renunciant, fana idolaqz demoli-
 untur, fidem Catholicam profitentur, vnda baptismatis, Boleslao & Prin-
 cipibus Polonorum compaternitatem & affinitatem cum iis qui præstantiores
 erant contrahentibus, abluuntur, Ecclesiæ instaurantur, & Sacerdotes
 ad erudiendos Neophytes, ii præsertim qui eorum linguam aut sonare aut
 intelligere nouerant, relinquuntur. Regio quoqz Prutenica Culmensi Epi-
 scopo committitur cum suis populis, in iis quæ fidem administrationemqz spi-
 ritualium concernent, propter propinquitatem gubernanda. Vniuersale
 deinde Boleslai iussu proponitur Prutenis edictum, omnes fidem Catholi-
 cam professos professurosqz liberos fore: qui baptismum abnuerent sub
 hastam venire. Terruit hoc edictum etiam eos, qui pertinacioris pectoris
 erant, nemoqz venundari pertimescens reperiebatur, qui in baptismum non
 prorupisset. Maximo vniuersus exercitus Polonorum repletur gaudio &
 exultatione, Prutem cum populum videns ad fidem Christianam, quam

aliquando persequi solitus erat, accessisse, ex hostibus quoque infestis fideles & deuotos effectos esse. Ea ratione & respectu Boleslaus Polonorum Dux & Monarcha illectus, in fidei Sanctae cuius dilatione principaliter intendebat, fauorem, modico tributo in signum subiectionis Prutenis imposito, exercitum in Poloniam reducit ~

EVDOXIA consors Mieczslai maioris Poloniae Ducis alterum parit in fanthem apud Posnam, qui baptisatus paternum nomen Mieczslaus sortitus est ~

IN Pannoniorum quoque Regno intestinum bellum inter duos fratres Stephanum & Ladislaum pro imperio exortum, etiam finitimos Reges armis inuoluit. Siquidem Ladislaus moleste ferens Stephanum suum germanum natu maiorem in Hungaria Regnum se praetermisso sublimatum, suggestionibus persuasionibusque nonnullorum Hungarorum, qui res nouare soliti erant, inflammatus, Regnum Hungariae inuadit, Ladislaumque Bohemiae Regem multis promissionibus inescatum, in auxilium sibi accersit. Cui Stephanus Hungariae Rex debitam resistentiam oppositurus, Imperatorem Graecorum Calo Ioannem, affinis enim suus ex parte uxoris suae erat conduxerat. Itaque & a proprio & ab externo milite Hungariae Regnum, plurimis spoliis & incommoditatibus vexabatur, uterque enim exercitus uel Graecus & Bohemicus, praedibus & spoliis contentus, in publicum certamen non prodebat. Tractatu deinde interposito Imperatore Graecorum & Bohemiae Rege mediantibus, Ladislaus Transyluaniens regione sibi concessa cum Stephano fratre pacem firmat. Iunxit & Bohemiae Rex cum Graecorum Imperatore affinitatem, filiam filii sui Frederici, nepoti Graecorum Imperatoris dando in consortem.

GEORGIUS Wladimirowitz morbo implicatus quinta decima die Maii apud Kiou mortitur, & in Ecclesia Sancti Saluatoris apud Bereslow sepelitur. Dum autem post mortem suam plures Russiae Duces Sedem Kiouensem quam Georgius gubernauerat, ambirent, Isaslaus Davidowicz Dux fauentibus Kiouiensibus illam adeptus est ~

Anno Domini 1165.

Prutheni a fide Catholica Ducibus Poloniae conuiuentibus, et tributis contentis, de seiscunt ~

V Afra ementitaq; Prutenorum in fidem Christianam (quam ad reti-
 nendam libertatem vitamq; Boleslao Polonorum Duce & Monarcha
 urgente, susceperant) religio, vix unius anni duravit spaciolo,
 sed velut vapor admodicum parens, evanuit. Prutem siquidem cum Diabo-
 lica tum sua temeritate agitati, dum illis orthodoxa religionis iugum asperu
 difficillimumq; videretur, tumidasq; & inflatas gererent ceruices, necdu
 frenis fidei asuetas, ab imposito nuper iugo religionis Christianae resilire
 ceperunt, ad idolatriae prophana conuersi, baptis mate quod susceperant fe-
 de temerato, ad prophanos gentilium redeunt ritus, ac Sacerdotes & Mi-
 nistros Dei, pro eorum eruditione a Boleslao relictos, morte interminata
 si ad illos reuertantur, in Poloniam remittunt. Boleslao autem Polonorum
 Duci, cum ab illo nouum bellum sibi indici vereretur, pro commisso Aposta-
 siae facinore satisfacturi, bellumq; sibi inferendum auersuri, nuncios tribu-
 ta & munera ferentes, transmittunt. Orant, ne in culpam illis cedat a fi-
 de Christiana auersio, se neq; Deos suos patrios, quos tanto tempore colue-
 rant, neq; sacra quibus insueuerant, relicturos, Christianam religionem
 grauem illis & difficilem fore, neq; gentem Prutenicam eius legibus teneri
 quouis pacto posse. Non ob id tamen de subiectione & fide, semel Bole-
 slao & Polonis praestita, & tributis sibi impositis, quicquam aut variatur,
 ros aut diminuturos. Sineret Prutenos ritibus & sacris suis viuere, sciretq;
 illos ad vectigalium pensionumq; solutionem, ad obeunda insuper pro Polo-
 nis bella, & ad singula quae praeter fidem Christianam imperarentur, fi-
 dos sibi & synceros futuros. Rupturos quoq; se minabantur imperium, si
 non propriis sed Polonorum et Christianorum ritibus cogerentur viuere.
 Nesandum abominandumq; Prutenorum Apostasiae piaculum in Deum fi-
 demq; orthodoxam commissum, euidentemq; sui Creatoris iniuriam, siue pre-
 cibus siue muneribus Prutenorum Boleslaus Polonorum Dux expugnatus,
 leuius quam suae conditioni conueniebat, perferre visus, neq; illud vindica-
 re neq; rescindere aggressus. Dissimulationis torpore in tam flagranti &
 enormi facinore usus, ubi districtissima coertionis articulum, pro expian-
 da ira Dei, honoranda religione eius, & scandalo tollendo, celerrime con-
 ueniebat interponi, Legatos Prutenorum, in sua pertinacia & Apostasi
 magis solidatos quam correctos, remisit. rerum fidei rerumq; Diuinarum,
 quae vita quoq; ipsi anteponenda erant, omnem a se prorsus curam rele-
 gans, & caelestibus atq; aeternis praefereus caduca atq; terrena. Nihil
 se lasum, nihilq; sibi iniuriatum aut ademptum ratus, si Pruteni in fidei con-
 tumeliam ad idolatriam relapsi, censum se pendere fiscalium tributorum
 pollicerentur; rebusq; suis privatis suum statum suumq; terrore retinentibus

res fidei aequius lacerari & contaminari patiebatur, in periculosum discrimen iusto Dei iudicio, cuius religionem vindicare distulerat, peruenturus. Nec ita multo post, ex impunitate Prutheni neglecti ritus, insolentioresque facti, suoque ingenio usi, bello rursus Polonos laceßere caperunt. Abiicientia autem prorsus illa pestifera contumacia a Ducali autoritate esse debebat, quæ aliis parendo, seipsam scelesti facinore & indignatione Divina irretiebat. Divinae iustitiæ exceptura sententiam, quia segni indulgentia dissimulavit plectere peccatores, qui Deo & fidei orthodoxæ inferbant ludibria ~

IOANNES alias Iamislus Gnesnensis Archiepus annis decem septem regiminis onere expleto, moritur, & in Gnesnen Ecclesia sepelitur. In cuius locum Petrus Canonicus Gnesnen genere nobilis de Domo Szwentawa, per electionem Canonicam successit, ab Alexandro Papa tertio prouisus. Ducum Poloniae Boleslai Crispi Cracouiensis, & Miecislai maioris Poloniae promotione & consensu subnixus ~

Anno Domini 1166.

Prutheni Polonis rebellant et Culmen
ac Masouiae terras hostiliter inuadunt ~

Fidei Divinisque rebus, a Prutenorum gente in Salvatoris dedecus & contumeliam, nefaria Apostasi violatis, terrenis quoque rebus (quarum solam integritatem & statum Boleslaus Polonorum Dux sibi rebatur sufficere) addiderunt Pruteni prauaricationem. Propriae etenim salutis & fidei facere impune disrupto, in maiores mox ausus, ad excutendum subiectionis seruitutisque iugum, dilabuntur. Nam Boleslai Polonorum Ducis Praefectis, vectigales census & tributa exigentibus, non denegant solum, sed & Praefectos plurimis iniuriis affectos, quosdam etiam ultimis suppliciis enecatos, cum dedecore a finibus suis discedere compellunt. Neque iis contenti maximo exercitu, non ex ingenuis solum, sed etiam agrestibus comparato, in Culmensensem & Masouiae terras, nihil tunc hostile veritas, celeriori quo poterant descendunt cursu, & in plures villas & oppida populatione patrata, frequentem captiuorum numerum in seruitutem suam transportant, cuius cladis & fraudis nuncium, dum Boleslaus Dux accepisset, tumultuario more ex militibus congregatis copiis,

607
patriam liberaturus, pernaciter accurrit, hostesq; præda rapta in sua di-
uertisse cubilia cognoscens, vehementi dolore cruciabatur, & pergeret ne
hostes insequi, quos in paludes sylvasq; constabat esse dilapsos, an subsi-
steret, consilii inops, diu mente ac spiritu afflictabatur. Satiis tandem vi-
sum est, rem in aliud tempus differre: cum & paucitas Militum in hos te
callido, & tam armis quam ingenio bellare ex insidiis solito, parum tuta foret,
maioribusq; copiis hosti bellum inferendum, quibus possit & discrimen re-
sciendi, & hostium fraus, temeritas, atq; rebellio, iusta animaduersione
muletari. Ea sententia accepta, pluribus in locis præsidia militum
ad fluenta Ossæ fluvii disposuit, excursions subitas Prutenorum pro-
hibitura, bellumq; uniuerso Poloniae Regno aduersus Prussiam indixit.

MATHEVS Cracouiensis Antistes, cum annis tribus & viginti
sedisset, decima Octobris moritur, & in sua Cracouiensi Ecclesia honore
iusto tumulatur. Cui per Diuinam & humanam vocationem Gedeon
alias Getka nobilis de Domo & genere Criphorum Cracouiensi Præpositus
successit, ab Alexandro Papa tertio in Galliis agente, confirmatus, &
in die Sanctorum Geruasii & Prothasii consecratus. Hic autem Ma-
thæus Episcopus, epulis & vanæ gloriæ intentus, nuncios Ducis Poloniae
Boleslai subsidium pecuniarium ab eo Ducis nomine petentes, adiunctis
familiaribus suis, ad Cloacæ locum remisit, mandans ut illic thesauros
quærerent. Hic sunt, inquit, thesauri mei absconditi. Innuens se singulos
introitus Episcopales, per gulam et ventrem consumpsisse, & pecuniam
aliquam inaniter à se postulari ~

Anno Domini 1167.

Duces Poloniae facta expeditione in
Prussiam, ductu et fraude trans fuga-
rum in loca iniquissima deducti à Prutenis
facile vincuntur & Dux Henricus occisus.

Comparatis omnibus, quæ in bellum Prutenicum providenda erant
Boleslaus Crispus Dux & Monarcha Polonorum primo æstatis
tempore copias equestres & pedestres versus Prussiam edu-
cit, tanto quidem frequentiores, quanto à vicinarum regionum, quæ & ipsæ

aliis bellis distinebantur, hostili metu nouerat se solutum. Neq̃ Boleslaus Ducem tantummodo, sed & Mieczslauum Henricumq̃ fratres, iusta in id bellum stimulabat ira, quippè in quorum Principatus & Domina propter contiguitatem Pruteni crebris excursionibus grassabantur. Vnde & personaliter cum cateruis militum suorum aduenerant: omnem operam pro exterminanda gente perfida, dolis & fraudibus assueta, nauaturi: Non latuit tam studiosus grauisq̃ Polonorum apparatus Pruthenos, & tam conscientia patrati à se in Polonos facinoris, quam assiduo rumore & exploratorum narratione, ad excidium grauesq̃ penas se didicerant, destinatos. Accuratissimis itaq̃ studiis, quomodo impetus Polonorum excipi, & sua perniciēs euitari posset, consultabant. Et cū tam vires suas, quam ea quæ in fidem & contra pacta Polonis promissa, admiserant, metirentur, maiorem in modum vniuersorum animos formido subibat, se quoq̃ neq̃ armis, neq̃ viris (ut qui tantum numerum equitum sedecim millia, perditum vero decem millia explere poterant) ad resistendum pares reputantes, ad dolos & ingenia omnes conatus conuertunt: astu fraudibusq̃ Polonorum potentiam, cū iusta nequirent acie, superaturi. Neq̃ illos spes & opinio fefellit, sed callido vasroq̃ eorum ingenio (Polonos pro suis transgressionibus iuste puniente Deo) effectus breui respondit. Erant in Polonorum exercitu quatuor Pruthenorum transfugæ, qui Boleslai Polonorum Ducis, per moram assiduam, familiaritatem fauoremq̃ meruerant, quibus tanquam locorum peritis, Boleslaus terram Prutenorum hostiliter ingressus, pro Ducibus utebatur, & ex eorum consiliis ac arbitrio, & Caesaris eligebantur statua, & iter per quod exercitus ducendus esset, monstrabant. Tantumq̃ sibi fidei transfugæ ipsi apud Duces, vniuersaq̃ exercitum Polonorum, fideliter sūcriterq̃ singula monendo, perstruxerant, ut omnis belli progressus & administratio, salus quoq̃ & periculum exercituum, ex illorum sententia versaretur. Hos Prutheni magnis muneribus & maioribus promissis corrumpunt, monentq̃, ut suæ patriæ nationisq̃ rationem, saltem nunc habere velint; cū iam non de subiectione & tributo Polonis pendendo (quod ei ipsum turpe miserumq̃ foret) sed de suo ultimo excidio agatur. Cogitarent præterea se non in Polonia sed Prussia genitos esse, suos quoq̃ maiores & consanguineos illic degere, non cunctentur excidium illi præparatum auertere, & salutem, quam soli facile possunt præstare, dare, cū officium per eos Polonis impensum, bello finito ad obliuionem recisurum esset, beneficium vero genti suæ atq̃ nationi præstandum, cum eorum amplissima laude perpetuo mansurum. His verbis muneribusq̃ transfugæ expugnati, Polonorum exercitum

prodere consentiunt, proditiōemqz pro libito Prutenorum componunt. Iā
 Polonorum Duces & exercitus in Prussia interiora peruenerāt, crudelēqz
 tam puberum quā impuberum eadem edendo, frequentesqz villas & vicos
 flammis dedendo, in vltima Prussia continuando cades et incendia pa-
 rabant transire, cū interea compositam fraudem et proditiōem transfu-
 ga executuri, non prouisis com meatibus, non exploratis itineribus, sed per
 inuia & syluestria loca, trahebant exercitus Polonorum, ac primum agmen,
 quod Henricus Sandomiriens Dux ducebat, item & reliqua agmina, quibus
 Mieczslaus Dux ceteriqz Præfecti præerant, postremum deinde quod Bo-
 leslaus Monarcha cum exercitatisimīs militibus seruabat, primū in sal-
 tus syluestres, densaqz solitudine rigentes recessus, deinde in loca, palu-
 dinibus limosiqz bituminis lubricitate perpetua obsita, & quæ naturales
 voraginum abyssus, vernantia graminis in superficie nati, tegebant, in-
 ducunt, subinde transfugis asseuerantibus (quo minus itineris esset
 tedium) locis huiusmodi superatis, magnum hominum pecorumqz nume-
 rum Polonos capturos. Verū dum iam primū Polonorum agmen
 ad angustias, saltusqz, fraude ductorum perductum esset, Prutenorum ca-
 teruā variorum locorum ex insidiis prosiliunt, et sagittis eminus emissis,
 agmen primum pro temporis & loci necessitate, aliter quā rei militaris
 ratio & ordo poscebat, instructum, neqz progredi neqz cedere valens, læ-
 thiferis vulneribus, ipsi tuti iniquitate locorum freti, facile paruo negotio
 fundunt conficiuntqz, primis ordinibus in palustrem & limosum incidenti-
 bus locum, celerius quo poterant incumbunt hostes, liberius telis confossu-
 ri eos, qui a locorum detinebantur voragine. Vbi et Princeps cele-
 berrimus Henricus Sandomiriensis cum pluribus insignibus militibus, in
 acie pugnans, vi telorum oppressus, plurimisqz vulneribus confectus, prius
 spiritum quā bellum deposuit, maluitqz per virtutem mori, quā ad igno-
 miniam viuere, & armis nequicquam illum tutantibus, transfossus in ter-
 ram moribundus defluxit. Et licet secundum, et item tertium atque
 quartum agmen, primo auxilium laturum, iniussu Ducum atqz Præfectoru
 accurrisset, ferē tamen singuli, qui incautius studio suis succurrendi e-
 rumpebant, aut a cænosis inuoluebantur suffocabanturqz gurgitibus,
 aut hostilibus hastis & cuspidibus, quasi quædam victimæ, in mortem
 propriam cæca rabie ruentes, excepti confossiqz obtruncabantur, neque
 enim relinquebatur ullum aut cedendi aut effugiendi, in tanta rerum ini-
 quitate, spacium, Pruthenis a fronte tergoqz & a sinistra dextraque
 urgentibus, & iacula vibrantibus in conclusos. Inter hæc tamen mala
 limosa paludinum & stagnorum vorago, omni hoste terribilior videbatur,

cuius profunditas dehiscensque ingluuies, armorum pondere praesos plures absorbit, quam quos hostes ceperunt aut necauerunt. De extremis vero agminibus milites Poloni, quos nondum proditorium torcular inuoluerat, cum se in extrema vidissent incidisse, & hostibus nihil impeditum, sibi nihil tutum aduerterent esse; eam tamen tunc praestitere virtutem, ut cum primi aut sagittis confecti, aut limo absorpti caderent, proximi iacentibus supergressi, ex eorum corporibus, donec & ipsi telis conficerentur, pugnarent, nihil aliud superesse locorum fraude deceptis, quam honesta mortis memoriam arbitrari. Totum fere illic militiae Polonicae decus, barbarorum obtritum est rabie, signa Polonica ab hostibus intercepta, corpus Henrici Sandomiriensis Ducis facte & miserabiliter suis insigniis exutum, inter permiscuas cadauerum strues a caeno decoratum est: si deuoratio et mors dicenda est, quam pro patriae pietate & populi sui victoria appetiit. Vterque Dux Boleslaus & Mieczslaus cum ordinibus quos ducebant, saluus euadens, dum pro maiori parte suas copias locorum iniquitate deletas vidisset, in Poloniam gemitundus, multos gemitus et eiulatus cum pro charis fratris Ducis Henrici, tum pro militum morte emittens, rediit, reliquias miseri & laceri exercitus reducens. Nec solum tunc sed in plures aetates, super tam infaelici morte militum desideratorum, lugubres voces & lamenta a cognatis, coniugibus et amicis audiebantur. In ipsa siquidem miserabili & miseranda clade Polonorum virtus praestantior confracta & extincta est, & robustissimorum militum flos emarcuit. Nam et relatu perdifficile est perstringere, quot ingenuos adolescentes, quot exercitatissimos milites, quos equos, quae arma quantas substantias & fortunas, clades illa absumpsit: cum barbarorum insatiabilis rabies, nulla clementia (non in victos solum, sed caeno et voragine limosa illaqueatos) mola, passim omnes nulli parcens aetati vel conditioni, trucidabat. Pluribus postea diebus interfectorum aut suffocatorum, barbari legentes spolia, & Diis suis sacrilegoque ritui, tanti triumphi ascribentes euentum. Quem clementis & verus Deus, aut ad detergendum purgandumque scelera Polonorum, aut ad exercendum eos, dignatus est inflixisse ~

SEDEM Kiouensem Msczislau Isaslamecz Vladimiriens Dux, ratus ad se potius quam ad Isaslau Davidouicz pertinere in huius anni hyeme copias contra Kiou ducit. Kiouiensibus autem suo proposito fauentibus, Isaslau Davidouicz de Kiou

611
fugat & expellit, sedemq; Kijouiensem apprehendit. Isaslaus autem
Davidowicz de Kijom desiliens in Wicewice consedit. Fastidite aut
illico cepit Msczyslaus Isaslawicz sedem Kijouien, & Rosczisla
Duce Smolinen patruo germano accersito, Kijouiensem sibi tempore
Veris resignat Principatum, ipse uero in Wladimiriam recedit. Sed
nec Rosczisla Smolinensi Duci possessio Kijouien Ducatus fuit diu:
turna: quippe & ipse illius regimen perosus Duci Wladimiro Msczi:
slawicz, expulsionem ueritus, resignauit.

Anno Domini 1168.

Post mortem Henrici Ducatus eius Calsi:
miro minori fratri celsit, et ducit uxorem.

P Rutenica Elades Polonorum regiones longa caligine maioris
inuoluerat, maestumq; & obstinatum silentium aliquandiu fuit:
dum ad uehementem dolorem pudor male gesti belli accede:
bat. In singulis quoq; fere domibus & regionibus, gemitum & com:
plorationem delectorum fratrum & consanguineorum superstites in:
tenderant, & quicquid ad lenimen solatiumq; exulcerati pectoris
ingeri poterat, surdis & obferatis auribus excipiebatur. De ordi:
nando tamen duarum terrarum & Principatum Sandomirien vti et
Lublinen statu, quorum vacatio ex morte Ittris viri Henrici incide:
rat, conuentus per utrumq; Principem Boleslaum vti & Miecsla:
um Praelatosq; & Barones Poloniae apud Cracouiam habitus est: ut
provideretur cui eorundem Principatum deberetur successio, cum Dux
Henricus caelibem in illud tempus vitam agens, nullam prolem relique:
rit. Et quamuis longa concertatio de partiendis huiusmodi terris
Boleslaum & Miecslaum Duces tenuerit, id tandem post multos tra:
ctatus, super re huiusmodi interpositos, communi consensu & decreto
acceptum est, ut quintus Boleslai Ducis Krziwousti filius, Princeps
Cazimirus annum vigesimum supergressus, cui pater moriturus, in di:
uisione filiis facta, nullam sortem inter fratres reliquerat, in vacan:
tes succederet Sandomirien & Lublinen Ducatus, qui in id tempus nul:
lam propriam et firmam sedem retinens, Boleslai Ducis Cracouien
& Monarchae liberalitate alebatur. Verum quia praefatus Bole:
slaus Cracouien Dux in administranda Monarchia querebatur se

singulis suis introitibus exhaustum, & multipliciter grauatum extenuatumque esse, elegantior pars Ducatus Sandomiriensis, Ciuitas scilicet cum suis theloneis ac Districtibus (Duce etiam Cazimiro pro fraterna charitate ultro assentiente) sibi decreta, & ad uitae suae duntaxat tempora donata est, eo absumpto ad Cazimirum recisura. Fratribus autem & Primoribus Regni cogentibus Cazimirus Dux de Principibus Russiae virginem Helenam nomine filiam Wszeuoldi Principis Belzensis accepit in consortem, nuptiarum solennitas propter cladem nuper acceptam omissa est.

Parit & hoc anno Eudoxia consors Mieczslai maioris Poloniae Ducis filium cui Wladislaus nomen datum est.

Anno Domini 1169.

Filii Wladislai Ducis paternam
Monarchiam recuperaturi bellum mouent, quod tandem sedatum est.

Nondum Prutenicae cladis inflictum vulnus, re aut tempore curari captum erat, cum Boleslaus Polonorum Ducem & Monarchiam nouum & intestinum excipit bellum. Nepotes siquidem sui Boleslaus altus & Mieczslaus, filii Wladislai (quibus de Almanico exilio reuocatis, Slesianam partitus erat oram) & paternas et suas in Boleslao Crispo Monarcha iniurias ultum iri satagen, arma aduersus illum expediunt, & bellum indicunt, causasque iniuriarum & belli opponunt, quod & Cracouiensem Ducatum ad illos pertinentem detineat, & Monarchiae Principatum, qui illis successione paterna debeatur, usurpet, & nonnullas in Slesia urbes (quas sibi Boleslaus Crispus in signum Monarchiae et superioris Principatus retinuerat) in eam diem teneat occupatos, satis equidem superque & patrem & seipsos iniurias longi exilii perpeffos esse. Nec post tam diuturnam calamitatem, quod iustum atque equum foret, ab iratis patris percepisse, qui etiam se in vacatione Ducatum Sandomiriensem & Lublincensem neglexissent, cum illorum aequa eos contingeret successio. Nec vero tantummodo propriis militibus ad id bellum gerendum contenti, auxilia, res quosdam ex Almania, propter materni sanguinis affinitatem eis fauores, partim prece & beneuolentia, partim precio acciuerant. Lusfoque

exercitu tam ex equestribus quam pedestribus copiis confecto, civile & domesticum bellum, Prutenico perniciosius ordiebatur, Posnaniensemque Districtum et regionem vastabant, cum ad id præter insitam animorum irritationem, etiam temporis opportunitate (quod recens Prutenica elades, legiones, fortunas, & vires Polonorum absumpsisset) sollicitabantur. Boleslaus autem Crispus Polonorum Dux & Monarcha, cum se nuper & militibus & armis exutum nosset, & eos qui superstites remanserant, agere in militiam cogi posse, intelligeret, de pace per communes Consiliarios Ecclesiasticos & Sæculares agendum duxit, & cum nepotibus pro die constituto conveniens, belli causas brevi & prudenti extenuavit responsione. Ducatum siquidem Cracouiensem extra sortem fore, & non nisi à Monarcha obtineri ritè posse declaravit. Locus verò Monarchiæ, etiam si ab eo pater illorum deiectus non fuisset, illo tamen mortuo, in se iure decidisse, quod & maior natu, & uniuersali consensu electus esset, docuit. Vrbes verò in Slesia propter Monarchiam facilius ferendam se retinuisse. Ducatum verò Sandomiriensem & Lublinensem Cazimiro Duci, ut qui in eam diem sortis patrimonii expers erat, iustè cecidisse, disseruit. Et quamuis iudicio Consiliariorum communium Boleslai Ducis responsio singulas nepotum querelas ita confutasset, ut bellum motum & mouendum, iniustum sibi videri pronunciaßent, eisdem tamen communibus agentibus Consiliarijs, Boleslaus Monarcha nepotes quietaturus, de Urbibus quas in Slesia tenuerat, cessit, & eas inter nepotes sortiri consentit. Magna profectò commendatione ob eam rem dignus, qui ne patriam, vulneribus ab hoste inflictis calentem, intestino bello inuoluoret, etiam de his quæ legitimo iure obtinebat, excessit, & bellum oriens solerti moderamine extinxit. Maximo id Reip. reputans futurum profectui, quicquid pro pace & bono patriæ statu, suis privatis consibus viderat detractum ~

TRES Soles in occidente simul visi sunt Nonis Septembris, & post duas horas deficientibus alijs, qui medius fuerat, solus occidit. Simili quoque modo proximis annis tres Lunæ apparuerunt. ~

Anno Domini 1170.

Milites Cracouienses Casimirum
Ducem in Monarcham Poloniæ præ
ficere volunt, Quod renuit ipse ~

Fraterno & civili bello in ipso sui primordio, antequam in perniciem aliquam serperet, Boleslai Polonorum Ducis & Monarchæ prudentia industriaq; oppresso, aliud perniciosius à Cracouiensibus in Boleslaum excitari captum est, sed iuxta ac superius in suo ortu modestia Cazimiri Sandomirien' Principis succisum est. Laxa siquidem de Mieczho & Swantostaus milites & penè uniuersi Cracouiens' Proceres, Boleslai Crispi imperium, segnius quàm Reip. variis calamitatibus pro ea tempestate afflictæ, conueniebat, administrantis, perosi, in eius destitutionem conspiciant, Monarchiaq; Principatum & regimen Cazimiro Sandomirien' Duci mandandum decernunt. Ad quod illos non solum Boleslai segnicies & confracta exhaustaq; ætas, sed singularis & admiranda, Cazimiri probitas mirificis actibus quotidie se diffundens, tum ne Boleslao absumpto Mieczslauum Senem Maioris Poloniæ & Pomeraniæ Ducem suscipere uelut natu maiorem cogerentur, instigabant. Verùm Cazimirus Sandomiriens' Dux, à Laxa, Swantostao cæterisque Cracouiens' militibus rogatus, ut Monarchia' regimen, uniuersali consensu sibi delatum, acceptaret, priusquam Boleslai torpore illud periclitatum iri amplius contingeret, respondet. Iniquum & acerbum sibi uideri strenuo Principe Boleslao, non germano solum, sed suæ iuuentutis Curatore benigno, & quod his præstantius est, optimè de Rep. merito, propulsato, & propter grandæuum seminum excluso, Monarchia' occupare Principatum. Se quidem illis pro ea propensione gratias agere, & gratiam (quod se Principatu dignum iudicarent) referre uelle, sed nullo pacto in tam detestandum scelus, quo & patria exturbanda esset, & Boleslaus frater, quem privato etiam in hanc diem coleret officio, violandus, puritas quoq; sua contaminanda esset, assensurum. Nosset præterea se sic institutum qualificationeq; esse, ut nedum Boleslaum Ducem et Monarcham afficere uelit qualicunq; iniuria, sed uitam & fortunas pro eius defensione oppositurum. In hunc modum Cracouiensium militum gliscens in Boleslaum Ducem seditio, extincta est.

RV DGERVS Wladislauiens' Epus cum annis nouem sedisset absumptus est, & in Wladislauiens' Ecclesia sepultus, Vernerum natione Almani Canonicum Wladislauiens' à Capitularibus electum, & per Alexandrum Papam tertium prouisum, habuit successorem.

Sexto Calendas Februarii Valterus Epus Wratislauiens', Colica vexatus, obiit. Qui duobus & viginti annis Cathedræ præsidens, Wratisla;

uiensem Ecclesiam ligneam reperiens, pulcherrimo muro fabricauit, et Lugdunen' Galliarum Ecclesiae caerimonias, ordinem et cantum in eam introduxit. Huic Tiroslaus natione Polonus, & genere nobilis, via scrutinii electus successit, a Petro secundo Gnesnen' Archiepo, Boleslai alti Ducis Wratislauien' accedente patrocinio & consensu confirmatus, & in Ecclesia Calisiensi consecratus, ex Familia Rosae ducens ortum.

SWANTOPELK Wladislai Bohemiae Regis filius seditionem in patrem commouens, Woislauum Baronem cuius consilius Rex Wladislauus regebatur, in manibus Iudithae Reginae, conantis illum defendere, transfosum, occidit. Pro quo facinore in exilium a patre relegatus, pri- mum in Hungariam, deinde in Almanniam se conferens, vagus & exul vivebat, in Bohemiamq; ne a cognatis Woislai sustineret periculum, redire formidans, in Almania occubuit.

GRANDI indignatione Msczislauus Isaslauicz Wladimirien' Dux sti- mulatus, Wlodimirum Msczislauicz, qui patrum Rosczislauum de Kioum eiecerat, propellit ex Kioum. Quo ad Polowczos diffugiente Msczislauus Isaslauicz Kioum possidere cepit, quod Andreas Dux de Suszdala non ferens, filium suum Msczislauum cum Postowczis & Wlodimiris contra illum misit. Cui auxilium latere (tantum quippe odium pectoribus multo- rum contra Msczislauum Isaslauicz insederat) nouem Russiae Duces con- uenient, ut Hleb Pereaslauen', Romanus Smolinen', David Wisze- gradien', Wlodimir Andrzejouicz, Demetrius Georgii, Georgius & Slaniecz germani, Olch & Georgius Swantopelkourzi. Et obsi- dentibus Ducibus praefatis Kioum, claudit se Msczislauus Isaslauicz in arce pluribus diebus tolerans obsidionem, sed famem non tolerans, ex Kioum cum fratre suo et paucis comitibus in Wladimiriam effugit. Duces autem arce potiti, consortem Mieczslai & filium ac milites captiuant. Kiouiciensem autem Ciuitatem dant militibus in praedam, qui non domos tantummodo Ciuium, sed & aedes sacras, monasteriaq; sacra diripiunt. Locat autem Msczislauus Andrzejouicz patrum suum Hleb in Kioum, qui sedem illius nactus, filio suo Pereaslauiciensem contulit Principatum.

Vernerus Epus Plocensis, opera Boleslai
Castellani Viznen' occiditur, atque ob id
Castellanus ipse publice crematur.

¶ tinebat ea tempestate in annum quatuordecimum Ecclesiam
O Plocensem vir mirificus Vernerus, & deuotionis in Deum sin-
gularis & vitæ nitidæ, integræ atq; religiosæ, egregia animi
pollens virtute atq; probitate, doctrina insuper eleganti, cum summa hu-
manitate coniuncta. Is cum villam Ecclesiæ suæ Plocen' Karsko
vocatam, à Satrapa Masouia' Boleska Castellano Wizen', pro insigni
armorum habatum deferente, tam diuitiis quàm amicis potente, primùm
inuadi, ad extremum occupari sensisset, personali primum & benigna admo-
nitione, deinde per amicos communes, apud illum agit, vt propriis conten-
tus, sortem Deo dicatam desisteret usurpare, vltionis Diuinæ iudicium,
si in proposito perseuerandum duceret, non euasurus. At ille ex adhor-
tatione huiusmodi insolentior factus, plura insuper se si impeleretur oc-
cupaturum, & de Episcopo Vernerò extrema supplicia sumpturum, respon-
det. Intelligens itaq; Vernerus Epus modestiam suam apud hominem
sensus reprobi, & ambitione cæcati, nullius vsui fore, & admonitio-
nes suas contemptum iri, in Lus illum municipale, quod nominamus ter-
restre, pertraxit, existimans illius auaritiæ mollimina iuris rigore
posse contundi. Ventilato autem iudicio, dum in causa non dubia Lu-
dex tempus teri non passus, Vernerum Epum victorem pronunciaisset, &
illum decreto suo in villæ Karsko, per scelus & iniquitatem Boleskæ
ablata, possessionem misisset, Boleska extunc bilem non temperans, &
plura in Præsulem beatum, iura suæ Ecclesiæ defendentem, maledicta
euomens, ad trucidandum Epum animum, et conatus omnes destinat,
opportunitate data quàmprimùm institutum executurus. Erat Boleskæ
cum Pruthenicis populis idolatris, & ob propinquam vicinitatem, & ob mo-
rum similitudinem, frequens vsus, frequensq; familiaritas & communio,
in illo enim Wizenensis oræ angulo positus, summæ rerum, à Boleslao Polo-
norum Duce & Monarcha delegatus, præerat, & aduentibus se cumque
relicis, furta, spolia, inuasiones, & nonnullas alias iniurias continentibus,
Pruthenicis populis iura, de Polonorum regionibus aut reddebat, aut bel-
la orientia administrabat, aut per pacis & concordie conditiones ex-
tinguebat. Nonnunquam Legationibus Prutenorum, & muneribus
iuxta morem gentis sibi allatis, duplici fænore (quo illos sibi deuin-
ctos magis, & in sua beneplacita exequenda commodaq; augenda pro-
niores efficeret) respondebat. Prutenorum itaq; ad illum grandi multi-
tudine, dum apud Castellam suæ ditionis Wizenensis ageret, veniente,
largitionibus & promissis illos inescatos, ad domicilium suum perducit.
& necem insequentem, variis eos onerando commestationibus, absorbit.

Cumq[ue] ex longa crapula & ebrietate hilariores videret effectos, &
 per exploratores certior factus, didicisset, Vernerum Ep[iscopu]m in Bisku-
 picze villam suam postriedie aduenisse, Bieniassium germanum cum
 exprobratione compellat dicens, Cur tu, inquit, Sacerdotem nefandum
 Vernerum Episcopum, sub nostris oculis nostra occupantem, non violas?
 non extinguis? Qui fraternas iussiones impleturus, omnium Prute-
 norum, qui tunc aderant, Bolesla mandante, comitatus caterua, in Bi-
 skupicze processit, & antelucano tempore illuc, quemadmodum animo
 gestiebat, perueniens, Vernerum Episcopum in Dormitorio suo quiescen-
 tem, una cum fratre Benedicto, ordinis Sancti Benedicti Monacho,
 (huius enim & aliorum religiosorum, ad cohonestandum vita[re] sue te-
 stimonium, idem Vernerus Ep[iscopu]s domi et foris ubilibet locorum con-
 tubernio utebatur) in cubile irruens, seris effractis frequentibus per-
 cussionibus utrumq[ue] quarto Februarii die peremit & obtruncat. Su-
 perfectis deinde in funera tapetis, paleis, et sarmentis, abscedit. Pro
 patricio in virum Dei commissio, a Bolesla non secus quam si infestum
 hostem debellasset, commendatus. Antistitis autem Veneri Cubicu-
 larius, qui se motu mortis subtus Pontificalem lectum occultauerat, uni-
 uersam tyrannidem, quam Bieniassium in Christum Dei Vernerum prae-
 misimus exercuere, speculatus, altero die detexit & publicauit. Ex
 eo autem tempore & in post Carnifex Bieniassius nusquam apparuit,
 a nullo unquam homine visus. Quapropter vniuersali existimatione
 creditum est illum tertia die, postquam patricium peregisset, terram
 viuum absorpsisse, & neci Pontificis innocentis, iustissimo Dei iudicio
 parentasse. Sed et Bolesla Castellanus Wizenensis, qui principa-
 lis auctor extitit, virum iustum, sanctum, & Pontificali virtute
 praeditum, per scelus occidendi, saua et digna morte interiit. Cor-
 pus Episcopale in Plocensem Ecclesiam delatum, planctu magno vi-
 rorum Ecclesiasticorum honorifica sepultura terra mandatum est, &
 in locum illius Lupus Canonicus Plocensis, successit. Principatus
 autem suos et Domitia Boleslaus Polonorum Dux & Monarcha, vehe-
 menter ob Pontificalem necem afflictos & affligendos pertimescens,
 (iam siquidem Petrus Gnesnen[sis] Archiep[iscopu]s in Prouincias Poloniae uni-
 uersas, Praelatis prius consultis, generale pertulerat Interdictum) missis
 militibus Boleslam captiuat, & Gnesnam perductum Conuentu generali
 indicto, sub praesentia praefati Petri Gnesnen[sis] Archiep[iscopu]i, Gedeonis Cra-
 couien[sis], Bernardi Posnamiensis Episcoporum, & vniuersorum Proce-
 rum Poloniae, iudicium contra illum, cui solus praesidebat, instaurat,

Et pro facinore in Christum Domini Vernerum commisso, Boleslam in iudicium productum, et scelus suum inficiare (ut qui sciret se multitudinem testium convincendum) non audentem, diffinitiva sententia flammis exurendum condemnat. Nec simplici genere cremationis in eo contentus, tella recenter texta, et cara oblita, circumuolutum, in circulo Ciuitatis praefatae Gnesnensis, validi ignis incendio, se et uniuersa sua militia inspectante, combussit, et iram quoque Diuinam, propter scelus paricidii in se et gentem suam venturam, saeva quidem sed iusta ultione de reo sumpta, expiauit. Caepit autem extunc et deinceps vir beatus Vernerus signis mirificis clarescere, et ad sui nominis inuocationem, claudis grossum, caecis visum, leprosis mundationem, paralyticis instaurationem, mortuis vitam, pluraque alia pro quibus interpellebatur, beneficia conferre, ut nihil dubitandum sit virum illum, cum pro vita laudabili sancte et innocenter transacta, tum pro sanguine in defensionem suae Ecclesiae fuso, laureolam meruisse, animarum quoque Sanctorum, potentum consortio, premio aeternae retributionis, et visione Diuina perfructum esse. Sedit ipse Vernerus in Sede Plocensi annis quatuordecim, cui Lupus Custos Plocensis post monstruosam electionem de tribus factam succedit. Nobilis genere de Familia Godziemba, a Petro Gnesnen Archiepo Boleslao Crispo Poloniae Duce et Monarcha eius promouente electionem confirmatus et consecratus.

PRIDIE nonas Maij, Mieczslaus siue Mieschko maioris Poloniae et Pomeraniae Dux pietatem quam in egenos et miserabiles personas in Ciuitate sua Posnaniensi degentes, gestabat pectore, expressurus opere, de consilio Raduani Posnaniensis Episcopi hospitale in Posnania ad Ecclesiam beati Michaelis fundat, et illius curam et gubernationem fratribus Domus Hospitalis Sancti Ioannis Hierosolymitani committit. Assignans et donans eidem hospitali in perpetuam dotem villas suas Ducales, Niechromy, Samoczirska, Jagodno, Gorka, Glinka, Gostouo, Glezyeno, Czerlennino, Jarognieroy cum omnibus earum villarum pertinentiis. Pro cuius subsistentia uberiori Raduanus Episcopus Posnaniensis praefatus, decimas in villis praefatis, necnon et in villis Miloskovo, Andrzejouo, Wygarouo, Wielikie, Tuchielecz, Obrzel, Lipnicza, ad mensam suam Episcopalem spectantes, perpetuo dedit, inscripsit et donauit: pia libertate locum praefatum insigniens.

Anno Domini 1171.

*Ecclesie Kielczensis per Gedeonem
Episcopum Crac fundatio et dotatio.*

Cracouiensis Episcopus Gedeon cultum Diuinum in sua Diacesi ampliaturus, in vastis tunc, & ab hominum habitatione longius porrectis nemoribus, oppido Kielcze aedificato, Ecclesiam illic de saxo quadrato, & artificis subtilitate formato, fabricat, & quatuor dignitates vult Praeposituram, Decanatum, Custodiam, & Scholasticam, sex quoque Praebendas, decem insuper Vicarios, in ea fundat, ac huiusmodi dignitatibus, Praebendis, & Vicariis, de bonis mensae Episcopalis, Capituli Cracouiensis communicato consilio, sufficientem dotem, in villis, decimis, caeterisque introitibus, consignat, ordinans & instituens, ut in eadem Kielcensi Ecclesia hora Canonica ad honorem & titulum Dominae nostrae gloriosae Virginis Mariae dicatae, nocturnis & diurnis temporibus explerentur. Foelicem hunc Praesulem & raris deuotionis ac zeli quis neget fuisse? cui & fabricam Ecclesiae, in qua materiam superat opus, & salutarem eius dotationem, pro qua perennem adeptus est vitam videmus successisse.

POLOWCZĖ ea aestate in magna multitudine glomerati in Russiam contra Kiuom adueniunt, vastationeq; longius, cum repraesentationem non sentirent, extensa, plurimos mortalium utriusque sexus cum pecoribus & pecudibus, spoliisque multis captiuant. Et dum praedam ad societatem usque raptam, reducerent, de mandato Hleb Ducis Kiuouien, Michalko frater suus Dux cum Ruthenorum copiis eos persecutus, bis una die cum illis confligit, & victor in utroque congressu euadens, omnem praedam quam ceperant, liberauit, & cum exercitu suo incolumis in Russiam reuersus est.

Anno Domini 1172.

*Imperator viuentis Alexandro Papa
successore contra eum tres antipapas
constituit. Quem Alexander anathematizat,
et obedientiam praestare prohibet.*

Turbatio Ecclesie Dei, quam ex pestifero Scismate, in superiori-
bus ortam monstrauimus, fere uniuersae Christianitatis regiones
armis, cladibus, odiis, et bellicis stridoribus inuolvens, pernicio-
us et magis ignite furere atque grassari cepit, Frederico Romanorum Im-
peratore, materiam et alimentum scismati subministrante. Nam etsi Octa-
uiano qui se Victorem nominabat mortuo, pax Ecclesie facile sperabatur
prouentura, Imperator tamen Fredericus in Alexandri Papae despectum
scismati ex defluenti et extincto nouas vires adiecit, et in locum Octa-
uiani Guidonem Cremen Presbyterum Cardinalem, qui se Paschalem
nominabat, quo item mortuo Ioannem Fremen Presbyterum Cardinalem,
qui se Calistum appellauit, quo similiter pereunte tercium Laudonem,
qui se Innocentium vocitabat, surrogabat. Alexander autem Papa
in Galliis existens, tam Fredericum Imperatorem et suos in Pontifica-
tu aduersarios et contendentes, quam omnes illi adhaerentes, velut ve-
rus et legitimus Christi Vicarius, graui anathemate percollebat, prohi-
bens Frederico et Ciuitatibus Italiae obedientiam praestare. Quapropter
Ciuitates Italiae Frederico sua sponte ob eius tyrannidem infensae, rebel-
lione facta, grauib. bellis Imperatorem Fredericum conquassabant. Fre-
dericus autem Imperator, non tam Italiae Ciuitatibus quam Francorum
Regi Ludouico, cuius auxilio brachioque Alexander Papa roborabatur,
iratus, in Gallias exercitum, Bohemorum et Dacorum auxiliis auctum, Fran-
ciae Regnum desolaturus, promouit. Cui Ludouicus Franciae Rex, Re-
gis Henrici Angliae adiutus auxilio obuiam processerat decertaturus.
Interim autem Frederici Imperatoris exercitum iam in Burgundia agen-
tem Epidemia inuadens, miserabiliter prostermit, et capto irrita desiste-
re coegit. Sub hoc autem Scismate in plures annos continuato, Alma-
niae Bohemiaeque regiones Frederici Imperatoris factionem secutae, An-
tipapas ab eo constitutos pro Summis Pontificibus agnoscebant, Polonica ve-
ro Ecclesia et regio, omni periculo quod sibi ab Imperatore Almanisque
imminere poterat, contempto, veri et legitimi Papae Alexandri tertii
obedientiam sectabatur. Eiusque decretis et mandatis parendo, Imperato-
rem Fredericum, Reges et Principes ac Episcopos sibi adherentes ex-
communicatos denunciabat.

LVGVBRIS insuper casus Boleslaum Crispum Poloniae Ducem
et Monarcham eo anno excepit; filius enim suus maior natu Bole-
slaus C in quem pater propter ingentem indolem et virtutes in eo relu-
centes, tum quod aetatis prouectioris erat, et sibi successurus in Regno

videbatur, maiori ferebatur amore & languore correptus, diem obiit. Cuius mortem Boleslaus pater graui & immodico luctu prosequutus, nullis consiliorum per suasionumque, quæ illi ingerebantur, remediis, ne fletibus lacrimisq; indulgeret, poterat auerti, maiorem suum consolatui difficilem, & multiplici necessitudinis nomine, quam ut verbis leuari posset, disserens & demonstrans grauiorem.

MORITVR Hleb Kiouien' Dux, postquam annis duobus in Principatu Kiouien' sedisset, & in Ecclesia Sancti Saluatoris in Berestow sepelitur. Andreas autem Dux de Suzdal Ducem Smolnen' Romanum in locum eius substituit, & eum ad principandum in Kiow transmittit. Qui Kiouien' Ducatus regimine suscepto, filium suum Iaropelk locat in Smoliensko, quem processu temporis Iaroslav Isaslauicz de Kiow expulit, & in Sede Kiouien' consedit.

Anno Domini 1173.

Boleslaus Crispus Poloniae Monarcha,
vno filio Leschkone relicto, moritur. Cui
frater Senior Mieczslaus Dux succedit.

More pro filii occasu, tempore magis quam ratione in Boleslao Polonorum Duce & Monarcha sensato, repentinus languor Boleslaum inuadit. Hunc cum in se grassari sensim aduerteret Cazimirum Sandomiriensem Principem fratrem natu minorem, Praelatosque & Barones Regni ad se mandauit accersiri, sub eorumque praesentia, tam de Principalibus & terris eum iure successionis contingentibus, quam de rebus, thesauris & Clenodiis ordinauit. Et filio quidem unico quem relinquebat Lesckoni, Masouiae & Cuiaviae Ducatus legat. Ducem vero Cazimirum germanum suum Curatorem filii & Mariae Ducissae consortis suae designat, Cazimirum obsecrans, ut eam vicem filio suo Lesckoni praestet, quam meminit sibi ab eo in suae orphanitatis articulo praestitam fuisse, parentemque magis quam Curatorem & patrum in nepote agat: cum paterno favore semper a se tractatus & habitus sit. Fructum etiam curationis huius modi percepturus, nam si Lesckonem sine prole decedere contigerit, Cazimiro fratri tam Masouiae quam

Cuiusmodi Ducatum legal legitimam successionem, ipsum solum testa-
menti a se tunc conditi vigore decernens in utrumque Ducatum filio Lesz-
kone obeunte, successurum. Deinde Thesaurum, vasaque & Clenodia
Ducalia inter coniugem suam Mariam, & Cazimtrum Sandomiriensem
Ducem, filiumque Leszkone partitionitur. Omnibus insuper Ecclesiasticis
Sacramentis deuote & Catholicè perceptis, penultima Octobris in ar-
ce Cracouiensi Spiritum exhalat, & in Cracouiensi Ecclesia a Duce
Sandomiriensi Cazimiro, Gedeone Cracouiensi Epò, consorte Maria
& filio Leszkone, cæterisque Prælati & Baronibus Regni, iusta fu-
neri soluentibus, sepelitur, cum in administratione Monarchiæ Polo-
niæ Regni, annos nouem & viginti exegisset.

*Mieczslaus Senex in Monarcham
Regni Poloniæ eligitur.*

Post mortem autem Boleslai Crispi Polonorum Ducis & Monar-
chæ, fit Cracouiam tam Mieczslai Maioris Poloniæ & Pome-
rania, quam Cazimiri Sandomiriensis, item Boleslai & Miecz-
slai Slesia Ducum, pro substituendo nouo Monarcha, conuentus. Et
licet Cracouienses summa vi summisque conatibus adniterentur, quate-
nus in Monarchiæ Principatum Cazimirus Sandomiriens Dux succede-
ret, a Consiliariis tamen & Baronibus Maioris Poloniæ, Slesia, Pome-
rania, cæterarumque regionum in Mieczslaum Senem vocitatum, Maio-
ris Poloniæ & Pomeraniæ Ducem, suffragia ferentibus, vreti desi-
stunt. Itaque Mieczslaus Dux & Monarcha Polonorum, vniuersa-
li consensu Ducum Prælatorum & Baronum Poloniæ, declaratus,
Monarchiæ suscipit Principatum, & Cracouiensis arx, Ciuitas et Pro-
uincia, suæ traduntur ditioni. Neque enim Cazimirus Sandomiriens
Ducem, propter liuorem & discordias inde orituras, Mieczslao velut natu-
maiori placebat præferri. Spesque omnium animos subibat Mieczslaum Se-
nem in administrando Principatu, iusta & legitima sectaturum, & suo
prudenter regimine splendorem & amplitudinem illi adiecturum.

STEPHANVS Hungariae Rex à propriis militibus rebellionē
 & seditionem passus in die Sanctorum Geruasij & Pro-
 thasii, multis Hungaris corruentibus profli-
 gatur, & in Castrum Templin fugi-

ens tertio Idus Aprilis morit̃.

Cui Bela fr̃ eius filius

Geysa furum & la-

tronum prosecu-

tor successit.

~

Finis libri

Quinti.

~

IOANNIS LONGINI
Canici Cracouien Historiæ
Polonicæ LIBER VI.

Anno Domini 1174.

Mieczslaus Polonia Monarcha elatus
potentia fit scelestissimus Princeps ~ |

Monarchia Sedem Mieczslaus Maior
vis Polonia & Pomeranorum Dux,
ex obitu Boleslai Crispi, electione
& consensu vniuersali adeptus, opini
oni Polonorum, beatam & tranquillam
vitam, sub illius præsidentia & re
gimine se ducere gloriantium non re
spondit. Verum mox sui regiminis
primitias tyrannide & oppræssione
fædauit. Qui etsi ob singulare ra
rumq; sapientiæ specimen, ab annis adolescentiæ in eo relucens, Senis co
gnomen fuerat sortitus, res tamen secundæ, quibus in sublime actus fu
erat, mentem suam à iusto & recto creduntur auertisse. Erat siqui
dem Mieczslaus præfatus, & quinque filiorum Othonis, Stephani, Bo
leslai, Mieczslai, & Wladislai (quorum primos duos ex filia Regis
Hungariæ, reliquos tres ex consobrina Frederici Imperatoris suscepit)
& plurimarum filiarum coniugio, magnarum insuper opum affluentia
clarus & insignis. Cum finitimis enim Principibus affinitate iungens,

Sobieslao Bohemiae Duci unam, Saxoniae Duci alteram, Frederico Lotharingiae Duci tertiam, Boguslao maritima ora Duci & filio eius Boguslao quartam & quintam filiam locauerat. Filiis insuper suis, Othoni Haliciensis Ducis, Boleslao Pomeraniae Ducis, & Wladislao Ducis Russiae, filias in uxores acceperat, cum residui duo filii Stephanus & Mieczslaus caelibes decesisent. His & pluribus aliis domis fortunae onustus, omnium mortalium felicissimus habebatur, verum utriusque boni, rectae uel mentis & fortunae largitionem Mieczslaus diutius non tulit, sed domis gratuitis abutens, multifarias exactiones calumnia & iniquitate plenas, in subditos visus est congestisse. Ad quod non solum ferebatur proprio ardore, sed etiam peruersorum Consiliariorum & signanter Henrici de Kietlicz villa prope Budzischin sita, qui omnium suarum actionum monitor & moderator erat, agitabatur instigatione. Pro leuibus quoque causis & transgressionibus, uersi aut damulae, aut alicuius syluestris animalis interfectione, puniebantur, tam militares quam agrestes, & omni pietate relegata, substantiae eorum per Ducales ministeriales, partim in Ducalem fiscum, partim in priuatos usus distrahebantur. Querelisque grauatorum ad se perlatis, aut inclementius Dux Mieczslaus respondit, aut ad clamores miserorum aures obturauit, nihil denique apud illum & suos erat sanctum, nihil aequum, nihil iustum, nil charum praeter pecuniam & munera. A religione Diuina neglecta, iureque humano & Diuino conquassato, & turbatis Principatus sui tam iudiciis quam officiis, omnia ad questum commodumque suum Ducalem conabatur referre: longe deteriorem se Senem quam iuuenem gerens. Nihilque ad profectum alas illi processerat, exactor auarus, punitor crudelis, neque enim quisquam illo ea tempestate inter Principes Poloniae amplius grauauit Prouinciā, neque commentus est callidiores ad expilandum fortunas innocentium vias.

Wladislaus Rex Bohemiae Regno et Regia dignitate per Caesarem priuatur.

Crandaeum, & labore atque aetate grauem Wladislaum Bohemiae Regem, Fredericus Imperator, Curia in Nuremberg indicta (instigantibus eum Bohemiae Baronibus, quibus regimen Wladislai fassidio erat) a Regno deponit, & Sobieslaum Ducem Bohemiae, quem ipse Wladislaus Rex annis sedecim captum, ne res in Bohemia nouaret tenuerat, suo iussu relaxatum, Bohemis praeficit Ducem, Regali

Bohemos ne aduersus se calcitrarent, priuando honore. Wladislaus autē Bohemiae Rex, in Bohemia consistere (propter Sobieslaum quem tot annis uinctum tenuerat, quem quoque caecare constituerat, ne iniuriarum memor, in se grauius aliquid statueret) non ausus, in Almanniam secedens, quatuor posthac Mense, quindecimo Calendas Februarii moritur, & in Misen sepelitur. Filius insuper Wladislai Regis Fredericus, patre mortuo Sobieslai conspectum uersus, Frederici Imperatoris Curiam exulis more sequebatur.

BOLESLAUS Pomeraniae Dux moritur, & in Monasterio Oliua quod fundauerat sepelitur, duos relinquens filios Msezugium & Samborium.

THOMAS Cantuariensis Episcopus, libertatem Ecclesiae strenue defensans, ab Henrico Angliae Rege in exilium actus est. Quod dum septennio pertulisset, ad Ecclesiam suam reuersus, ante penultimam Decembris diem, apud fores Ecclesiae obiit, ab Anglis obtruncatus, scilicet, cißimum Martyrium consumauit, atque ob tam uictoriosam palmam in Caecolicolarum numerum translatus est.

Anno Domini 1175.

Gedeon Epus Cracouien' Mieczslai:
um Monarcham monet ut accepta tyrannide cesseret, qui id facere recusat.

Cum grauumen & oppressio singularum personarum, singulorumque ordinum, Mieczslai Ducis & Monarchae Polonorum crudeli mandato multifarie & exquisitè a suis Officialibus praesidiibusque, indies intenderetur, clamorque vociferatio & lachrymae grauatorum, se per calumniam et vim bonis & fortunis suis exutos querentium, in publicum prodissent, nec inter Consiliarios quisquam facta Ducis damnare & reprehendere auderet, Cracouien' Antistes Gedeon, uir constantiae & ueli singularis, oppressorum fletibus motus, Ducem Mieczslaum adit, & arbitris exclusis, causam oppressorum intrepidè agens, quibus & quantis calumniis, vastetur, opprimaturque Provincia declarat singulorumque grauatorum ex ordine iniuria declarata, deprecatur Ducem, ut nouorum tributorum impositionem sub antiquis

627

Poloniae Regibus & Principibus ignoratam abroget, inordinatas & non necessarias euectionum exactiones, quae in Polonico Poduodorum nomine appellari solent, rescindat. Calumniosam & tyrannicam bonorum confiscationem, a suis Officialibus pro leuibus penis & culpis, haecenus irrogatam, per quam multorum substantia emuncta sunt, & per sonae in extremam pauperiem reductae, rescindat. Miserorumque & calamitosorum, opem, clementiam, & tuitionem suam implorantium, precibus & vocibus moueatur. Provincia quoque in qua illum & maior aetas & voluntas populi Monarcham constituit, parentem se praestet propitium non tyrannum detestabilem & execrandum, amplam laudem & popularium fauorem, si destiterit, maximum dedecus & sui status periclitationem si perseuerauerit, percepturus. Nihil hac admonitione saluari et paterna Mieczslaus Princeps motus, quin etiam vehementi ira vexatus, durae Prasuli respondet. Iure se non iniuria quicquam egisse, & tam tributorum nouorum impositionem, quam euectionem & penarum exactionem legitimam fore, nec aliter Regnum & Monarchiam administrari posse. Nihil sibi cum Regibus & Principibus antiquis commune fore, se suo sensu, suoque ingenio duci, & suo arbitrio, non illorum exemplo, actiones suas et decreta moderari. Tam bono insuper & eleganti ingenio se praeditum esse, ut non vellet Pontificis, aut cuiuscunque ordinationibus se subserui. Desineret proinde se laceßere, & Pontificalibus potius rebus velut propriis intentus, publica sibi curanda permitteret. Non enim se ulla persuasione aut pacto ab his quae aggressus esset, sciret cessaturum. In hanc sententiam Gedeon Episcopus dimissus, tristior quam venerat, abiit.

PRIMA die May Boleslaus cognomine altus Wratislauiensis Dux, apud Castrum suum Grothecz agens, exclusis fratribus & Monachis nigris de Monasterio Lubens (quod ad fluentia Odrae Cazimirus Poloniae Rex olim Cluniacensis Monachus fundauerat) fratres Cisterciensis ordinis ex Monasterio Porten supra Solam fluvium sito, sumptos, in illud introducit, & noua donatione atque inscriptione locum & eius possessiones, a Cazimiro Rege donatas, priuilegiat, aliquas etiam de nouo adiciens, adhibita ad huiusmodi transmutationem praesentia & consensu Liroselai Wratislauiensis Episcopi, Mieczslai patrui sui germani Polonorum Ducis & Monarchae, item germani sui Mieczslai Ratiborien, item filiorum suorum Boleslai, Iaroslai, & Mieczslai Ducum, item Optimatum Principatus sui. Cuius Monachii

primus Abbas Florentinus fuit. A quo & fratribus secum ex Porta in Poloniam ad præfatum Monasterium venientibus, pomorum genus, quod ex cognomento Monasterii ex quo sumptum est, Daport, id est de Porta vocitatum est, in Polonicum Regnum allatum, in hanc diem multipliciter tum perseverat.

Ingens Scisma reconciliatione Imperatoris & Pontificis max. Rom. tollitur.

Concilio apud Turronum in Galliis per Alexandrum Papam tertium celebrato, Imperator Fredericus & Censura Apostolica, & rebellionem Civitatum Italiae, & bello ab eis illato fatigatus, statum suum periclitatum iri formidans, nuncios suos, reconciliationem petens & culpam recognoscens, transmittit, quæ tandem Venetiis, Alexandro Papa ibi degente, & Imperatore illuc veniente, per medium Othonis filii Imperatoris, qui à Venetiis classe ingenti amissa & devictus & captus fuerat, iuxta beneplacitum Summi Pontificis conficitur, & Ecclesiae Dei pluribus annis à quatuor Antipapis mala morte pereuntibus, quos Fredericus manu tenebat, vexata, pax & libertas reddita est. Aliis placet quod Alexander Papa, Imperatorias vires timens, Venetias refugit, à Venetis quoque benignè habitus, dum contra Venetos Imperator filium Othonem cum classe misisset, & Otho ipse superatus prælio navali Venetias adductus esset, tandem evasurus captivitatem, Scisma inter Papam & Imperatorem summo honore Veneto: rum sustulit. Quibus ad perpetuam rei memoriam Pontifex quædam insignia perpetuo ferenda, donavit.

BOHEMORVM exercitus, cum Odalrico germano Sobieslai Ducis Bohemiae, in subsidium Frederico Imperatori in Italiam ab eodem Sobieslao, transmissus est. Et suo more prædas & spolia agens, in Vima ab oppidanis iniurias non ferentibus sub octavis Natiuitatis Sanctæ Mariæ Virginis penè deletus est, & Odalricus cum paucis, in dissimulato & sordido habitu, ne ab Almanis obtruncaretur, miserabili calamitate afflictus, & omnibus exutus in Bohemiam refugit.

BERNARDVS Posnaniensis Episcopus, exactis in Pontificatu annis tredecim obiit, & in Posnaniensi Ecclesia sepultus est. Cui Swithoslaus Præpositus Posnaniensis & Canonicus Gnesnensis, nobilitatem

ducens de Domo Accipitrum, per electionem Canonicam succedit, à Petro Gnesnen Archiepiscopo confirmatus & consecratus, de consensu Miecislai Monarchæ Maioris Poloniae Ducis ~

Anno Domini 1176.

Rursum Gedeon Episcopus Cracouiensis tyrannidem Miecislai singulari arte reprehendit.

Tyrannidem Miecislai Ducis & Monarchæ Polonorum suorumque Capitaneorum, Praefectorum, & Officialium, Gedeon Episcopus Cracouiensis, summo studio summaque cura sanare inuigilans, nihilque Superioris repulsæ iniuria motus, cum & Pontificali suo officio sciret id congruere, & calamitosorum oppressorumque singultibus, fleitu atque obsecratione urgeretur, nouo reprehensionis genere, illo tamen quod Nathan Propheta olim ad David habuit, sibi utendum duxit: quatenus Miecislai Dux exemplari simulacbro moueretur, qui verborum efficaciam antè contempsisset, & sua saltem sententia & decreto conuictus, à tyrannide resipisceret, & in suorum reatum atque errorum, quibus regio vniuersa & viluerat & deperibat, veniret cognitionem. Miecislao itaque Duce sub frequenti Consiliariorum praesentia publica negotia tractanti, matrona quaedam per Gedeonem Episcopum qui & ipse coram aderat, submissa, in tetro & lugubri habitu, maestum insuper & lachrymis obortis madidum imbre fletuum praeseferens vultum, ex industria antè Ducale Tribunal constitit, & super graui iniuria & oppressione, alta vociferatione audientiam & iustitiam sibi praestari deposcens, tam Miecislai Ducis quam omnium Consiliariorum suorum, quid nam questionis eorum audientiae allatura esset expectantium, ora conuertit. Hanc Miecislai Dux & pro matronali reuerentia, & ne fastidiosos suis auribus ingeminaret clamores, exauditurus, cum eminus consisteret, propius accedere, & quid rei haberet, à quibusue personis offensionem excepisset, omni pauore circumscripto iussit depromere, certissima etiam spe deuouens expeditam iustitiam dilatione qualibet succisa, ministraturum. Tum matrona maiori fiducia, Ducali sermone subnixæ, Tribunal Ducale accedens, per humilem capitis demissionem, reuerentia Principi exhibita, in hunc penè modum propositionem suam, quemadmodum à Gedeone Episcopo data erat, disseruit. Habebam ego mi

Domine Rex, ancilla tua, copiosum balantum gregem, cuius carne, lacte & vellere viuens, etiam opes ex illis, quæ cuiuslibet ambitioni sufficere possint, quasieram, fœlicemq; & beatam, illi unico pecore contenta, agebam vitam. Filius interim meus mercenarios, quos etiam in tuum conspectum, iustus iudicium eis præsentibus exceptura, ire cõegi, qui oves excelsis & uberrimis locis pastos, ad caulas incolumes reducerent, conduxit, sed à mercenariis grex meus negligentius habitus, vniuersus ferè luporum sæuis morsibus deperit. Ita nisi tu ancillæ tuæ auxilium iustum tuleris, actum de me est, deq; fortunis meis, orbaq; & misera necesse est efficiar, tam damno præcipiti pësundata. Querela matronæ Mieczslaus Dux exaudita, querit quis nam sit filius eius, qui mercenarii, quorum negligentia in tam grande malum incidisset. Adito nomine suo adolescens, filium se querulantis matronæ professus, in mercenarios omnem culpam absorpti pecoris retorquet, sed mercenarii primo loco causam suam dicere iussi, sic refellunt. Frustra, inquit, Princeps Illustrissime perditum pecoris à nobis petitur solutio, frustra in tuum Consistorium, quasi, pecus commissum negligentius asseruando deliquissemus, pertracti sumus, frustra & hæc matrona adolescentem hunc filium suum, quem tamen constat esse priuignum, appellat. A quo & si nobis pascendi custodiendiq; gregis non inficiemur curam fuisse, accepta mercede commissam, vigilas tamen nostras peruicit fregitq; eiusdem ipsius adolescentis impetus potentior. Ipse siquidem venandi auidissimus, frequentes canes non atrocitate solum, sed rabie pleniferos (quorum illi usus non à nobis tantummodo, sed etiam à viris grauib; & illustrib; fuerat sæpenumero exprobratus) ubiq; secum circumferens, stragem ouium conuincetur, si inficiatus fuerit ædidisse. Notorium siquidem est, canum suorum turbam in gregem, ad pascua per nos educum, latratu horribili insiliisse, & vniuersum penè gregem, nobis nequicquam nostra vociferatione, eam abigere volentibus, crebris rictibus lacerasse, strauisse, & necasse. Huic accusationi adolescens respondere coactus, lupos simul & mercenarios accusat. Ego, inquit, Princeps Serenissime gregi à me his mercenariis commissi, conspicatus luporum turmam cominus imminere, canes nodatos solui iubeo, & cum his, per abrupta inuicq; nemonum & alpium fugientes lupos, mercenarius, insector. Reuersa interim diuerso itinere luporum pars, desertum & solitarium gregem fundit & exanimat. Non in me itaq; qui lupos abegi perditum pecoris, sed in hos iniquos mercenarios, & gregis sibi crediti desertores culpa contorquenda est. Mieczslau Duce iustam decisionem, partium querelis

auditis pronunciaturum, diu quænam pars damnanda, quæ absoluenta esset, verisimilitudo defensionum, perplexum ambiguumq; tenuit. Et quamvis primùm damnare mercenarios statuisset, velut gregis, quem seruandum suo periculo susceperant, incautos desertores: quia tamen assertio mercenariorum, rabidos canes, capulq; iuxta ouium gregem denodatos, confessione adolescentis, ad liquidum verificata erat, fertur in adolescentem, comprobantibus Consiliariis, sententia, ut quoniam occasio, nem damni reperiendus est dedisse, damnum siue matri, siue nouercae resarciat, cum & lege Diuina, dominus cuius bos, corruptela, vel equus calcitrosior damnum intulerit, ad damni refusionem teneatur.

Mieczslaus Dux et Monarcha reprehensionem acerbè ferens Episcopo & aliis Proceribus malum ob id minatur.

Pronunciatione sententiæ decisorie, matronæ querela absoluta Gedeon Cracouien Epus, Spiritu Diuino impletus assurgens. Iustum, inquit, Princeps excellentissime Diuinæ humanæq; legi congruens, protulisti iudicium, & quæstionem nodosam, æqua rectaq; decisione absoluisti. Sed tum demum tua rata manebit decisio, si te ipsum velut æquus Legislator primùm constrinxeris ea: cum te tuis factis tuoq; significato, fœmina hæc videtur expresisse, & ad te unum conuincendum emendandumq; arte mea instructa esse, quod quidem abducto velo facile poteris accipere. Non vigilantem enim tibi atq; sopito nocte & interdum Polonorum Resp. occurrit, cuius cum nitorem libertatem & amplitudinem procurare debueras, egisti ut esset vidua, inops, serua, misera & penè captiua. Hæc siquidem matrona Polonorum Prouincia est, regimini tuo commissa. Tu, quod inficiari non potes, filius eius, Balantum grex Polonicus populus, cui pascendo hostes & mercenarios non sollicitos inclementesq; pastores præfecisti, Ex quo non immerito filioli nomine abrogato, priuigenus infestus huius matronæ, postquam te illius miserabilis & calamitosæ conditionis iuxta atq; nouerca, non miseret, vocitatus. Sed & canes rabidos Officiales, Præfectos & exactores tuos, licentiæ freno laxato, tuoq; iussu & dissimulatione disrupto, omnibus oppressionum mulctarumq; generibus, sinis debacchari, quorum atroci & impio morsu, grex inno-

cens perit, & tuam defensionem nequicquam implorans, in horrendam
te inspectante pertrahitur calamitatem, cum exactores truculentissimi
adco in gregem lacerum & confractum desæciunt, ut non nisi per cruo-
rem & iugulum gregis, rugientem suam esuriem expleturi, Prouinciam tu-
am perpetua solitudine atq; nece confecerint. Proprio itaq; dam-
natus atq; conuictus iudicio, ea exequitor quæ aliis imperasti, excusq;
negligentiæ torpore (scædam enim auaritiæ in te suspicari nequeo)
tandem aliquando consurge, & primû tuæ, deinde perditæ atq; pe-
rituri gregis tui salutæ ac honestati consule, ne ultione Diuina & hu-
mana percellaris, cum verisimile non sit, tyrannidem tuam Deum &
homines diuturno tempore laturos. Ut enim tui similitum cæterorum
exempla transeam, satis tibi documenti beatus Dauid in omnes casus
sit. Quem populum tantummodo numerari, non opprimi aut iniuste exa-
ctionari iubentem, subitus & districtus Diuinæ ultionis vindex
perstrinxit, sed neq; tibi, nisi reatum tuum iusta pœnitentia expia-
ueris, parsurus. Expergiscere precor aliquando, & nos omnes longa
seruitute præssos, libera, & tanti temporis moram, dum licet, dum po-
tes, velocitate compensa, & omni studio virtuti primû & operationi
bonæ, dehinc gloriæ tuæ, & posteritatis iudicio, per singulos vitæ
tuæ dies vaca, & animum tuum ab omni cupiditate, obscæritate
& prauitate, ne collabatur aut deuiet, tempera. Alioquin ab ul-
tionum Domino, qui nihil impunitum aut irremuneratum relinquit,
in te & stirpe tua debitas pœnas & orbitatem non euasurus.
Eam reprehensionem Mieczslaus Dux Polonorum, iam enim ira in-
canduerat diutius non ferens, non ex veritatis origine, sed liquoris
fomite, non in correctionem sed in contumeliam, Episcopum astru-
it commentum esse, atq; cum fremitu & ira ingenti ex Concilio
se euoluens, ultum iri suas iniurias tam de Præsule quàm Baronibus
qui illi assensi fuerant, minabatur. Et Episcopum quidem in proscrip-
tionem & exilium, cæteros in necem aut membrorum mutilationem,
confiscatione etiam bonorum adiecta, & in quæq; extrema, frequen-
ti usurpatione sermonis, destinat. Neq; ad tam salubrem, tam sua-
uem, tamq; artificiosam exhortationem, animum suum ab ea, ad quam
naturaliter pronus erat, cupiditate retraxit, nec mores suos incondi-
tos compescuit, & non tam surdis quàm iniquis ingesta à Pontifice
excepit auribus.

SWANTOSLAVS POSNANIENSIS Episcopus, cum anno tantum
uno sedisset, moritur, & in Posnaniensi Ecclesia sepelitur. Cui
Garuardus Custos Posnamensis genere nobilis Polonus, de stirpe
Acaruorum ducens genus, per electionem Canonicam succedit, a
Petro Gnesnen Archiepiscopo confirmatus & consecratus.

BELLO inter SOBIESLAUM Bohemiae, & Henricum Austriae Duces,
exorto. Bohemia per Henricum, Austria per Sobieslaum, gravibus flam-
mis vicissim vsta, magnisque praedibus & spoliis utraqz regio affecta est.
Qua quidem guerra durante Henricus Austria Dux, pede in pontis
gressu confracto, diem obiit. Ex cuius morte Imperator Fredericus
Sobieslaus, quasi ipse mortis affinis sui Henrici occasionem praestitisset,
infestus esse cepit.

*Monasterium in Suliciorum Cazimirus Dux
Sandomiriensis fundat, dotat, et libertat.*

Cazimirus Sandomiriensis Dux quarto Idus Augusti Caenobi:
um in Suliciorum Gnesnen Diocesis Ordinis Cisterciens in suo
Principatu fundat. Et monasterium quidem praedictum in pra:
dio Ruslai Comitis, qui absqz liberis decedens, Christum reliquit
haeredem, ad fluentia fluminis Pilcza, propter loci amoenitatem &
commoditatem locatum est. Dux tamen Cazimirus velut primarius
fundator & patronus, & tunc & in omni vita sua, loco praefato magna
charitate & favore affectus, praedia, villas, decimas & sales, Caeno:
bio praefato in dotem contulit, & plura alia in rebus mobilibus et im:
mobilibus largitus est. pro eius amplitudine & decore, Ducaliqz mun:
ificentia omnia bona temporalia, a se & aliis Monasterio collata, ple:
ne libertavit. Contulit autem Monasterio praedicto villas Suliciorum,
Strzelcze, Dambrowa, Baldrzikow, montem Buczinam, Kampa, Puczo:
now, Mianow, Secepanow, Piotrow, Chennam, Thanidow, tredecim plaustra
Salis ex theloneo Sandomiriensi, item aluenum Salis in Cracovia, & no:
uem Castores ex camera Ducali recipien. Processu vero temporis, Petrus
Gnesn Archiepus, petitione praefati Cazimiri Ducis, & Fulconis Crac Epi
permotus, contulit eidem Caenobio Suliciorum decimas manipulares mensae suae
Archiepiscopalis in Suliciorum Biala, Lanczno, Milkow, Stampin, Stibor, Domcze:
lan, it Ecclesiam in Budzikow incorporavit loco eidem, cum decimis in Standom,
Chenna, & Pasturom.

Anno Domini 1177.

*Gedeon Epus Mieczslao Duci cum aliis
Proceribus communi consensu imperium
abrogant, et illud ad Cazimirum deferunt.*

Gedeon Cracouiensis Epus ceterique Proceres, irritatum adeo & furentem Mieczslai Ducis ex admonitione animum videntes, ut placari non posset, ipsumque Ducem a tyrannide cepta auertere nullo modo posse aduertentes, grauioribus animi in eos & in omnes subditos, ut se inexorabilem demonstraret, iusserat praesuras extendi, veriti ne pro indignationis suae ardore, grauius aliquid in eos statueret, quid facto opus sit, et lan- destinis decoquunt digeruntque consiliis. Gedeon itaque Episcopus sententiam rogatus dicere, sic disseruit. Videtis, inquit, o Proceres, quo nos casu fortuna inuoluit, praesuras enim miserabilis patriae auersuri, pro repraesentatione nostra, iusta quidem, honesta & necessaria, velut Maiestatis violatae rei, Ducali decreto suppliciiis addicti sumus. Et nisi interim aliquid nobis prospectum fuerit, ad cruciatus varios rapiendi. Et qui aliorum praesuras leuare contenderamus, praesuris & ipsi opprimemur. Neque iam salus patriae nobis tantummodo speranda curandaque est, sed summo studio summaque cura salus priuata seruanda. Prouidendumque ne publica salus cum priuata una intereat. Mihi in tam periculoso & patriae & nostro discrimine, tyrannum placet deici, & in locum eius meliorem surrogari. Sed anticipationem, celeritate etiam adiuncta, factu optimam reor, ne si tyrannus prior nos suppliciiis affecerit, conatus nostri nobis damnales recidant in irritum. Ea sententia facile ab omnibus accepta & laudata, tum demum de substituendo Duce altero & Monarcha, consultatio habita est. Quae cum plus difficultatis habere videretur, longius in illa immoratum est: praesertim cum aliquorum sententiae variaissent. Verum Stephanus Palatinus Cracouiensis, oratione sua ceteros in concordiam reduxit. Non conuenit, inquit, Proceres, ut rem ex se facilem in difficultatem aduocemus, & tam patriae quam nostro gliscente, vel ut verius eloquar superimpendenti periculo, varietate sententiarum, in longiorem trahamus moram. Extat enim in propinquo Princeps ingenuus Cazimirus Sandomiriensis Dux, cuius probitatem & prudentiam in rebus magnis & modestiam, plurimis non tantum iudiciis & signis, sed operibus & factis, & vidimus ipsi, & continue experimur, in quem liberalitatem, ac omnes penitus virtutes, iustitiam fortitudinem

temperantiam, prudentiam, industriam, constat confluxisse. Blandus allo-
 quio, conuersatione grauis, aditu facilis, proprius & exteris ciuilibus & hu-
 manus, miseris & aliqua calamitate oppressis graciosus, In virtute hono-
 randa egregius, in labore premiando prouidus, & in distribuendis Reip.
 muneribus & officiis, dispensator fidelis: tantam ad omnes exhibens beni-
 gnitatem & gratiam, ut dubium effecerit, Vtrum in illo natura vincat gra-
 tiam, an gratia naturam? Et licet se omnibus & placabilem & exorabi-
 lem exhibeat, cunctorumque excessibus facile deprecatus ignoscat, calum-
 niatorum tamen tam seuerus & osor & punitor est, ut in perenne eorum
 confusionis opprobrium, & ut ceteris labes ipsa terrori fieret, quosdam
 in fronte aut genis, candentis ferri signauit cauterio, aliis in naso, aliis
 in lingua mutilationem impressit, plerosque caecari aut fustibus caedi manda-
 uit. Frugalitatem verò & liberalitatem in eo commendare non expedit
 his enim virtutibus, omnes ætatis nostræ Principes, peruenit. Neque ut
 plerisque Principibus mos est, aut inhiat acquirendis, aut incumbit acqui-
 sitis, sed vniuersos census suos, in Reip. profectus & commoda distribuit.
 Cibum & quietem non nisi ad naturam accipit, & sequestrato à se ocio, iu-
 gem sibi indixit, ne torpescat ignauia, exercitationis aut simulachro pugnae,
 aut in venando, aut in ludo hastarum, ceterisque heroicis & militaribus
 operibus, laborem, illum tamen tum demum persequitur, dum publicis & se-
 riis rebus, primum plenam expeditionem præstiterit. Cuius probitas ut no-
 tior sit, unum virtutis suæ insigne commemorabo. Vna siquidem noctium
 Princeps Cazimirus, de quo egimus, cum Ioanne de Konari milite & armi-
 gero suo ludum alearum ingressus, dum in noctis medium ludum protra-
 xissent, cum alea aliquando Ducem, aliquando militem pronuntiaret victo-
 rem, ut tandem celerius discessio, pro quiete habenda proueniret, commu-
 ni consensu in periculum vniuersæ victoriae, unus ludus susceptus est. Qui
 cum nimio feruore & auida spe euincendi brauii, quod in argenti magna
 quantitate propositum erat victori, ab utroque gereretur, Dux tandem Ca-
 zimirus militem Ioannem peruincens, brauii sortem accepit. Ioannes inte-
 rim miles, omnes fortunas suas, una palestra perditum iri dolens, in eum furo-
 rem, dolorem, atque rabiem, cum & vino immodicè sumpto maderet, versus
 est, ut summo manus vibramine facie Principis maxillata, noctis benefi-
 cio de manibus circumstantium elapsus, diffugeret, sed die altera scrupu-
 loso scrutinio comprehensus, omnium iudicio, velut Marestat's reus, damna-
 tus, supplicium capitis subiturus agebatur. Sed Cazimirus Princeps occur-
 rens, damnatum sisti iubens, non committam, inquit, Iudices, ut pro maxil-
 la mihi illata iniuria, miles hic, cuius opera in Reip. munere, aliquando erit

mihī necessaria, intereat. Facinus enim suum & temporis & ludi qualitas excusat. Quod si quantitatem damni, quo illum fortuna affecerat, spectare velimus, absolui illum non damnari oporteret. Ipse siquidem brauiō, in quo omnes fortunas suas contineri sciebat, amisso, non mihi sed fortunae iratus erat, furorem tamen suum quem in fortunam depromere non potuit, in me filium fortunae ultionem sumpturus, effudit. Sed & me conditionis & status mei conueniebat meminisse, ut rebus ludicris quibus labefactatur Maiestas, abstinere: cum in illis plures leuitates, probra, & contumelias saepenumero noueram contigisse. Ampliori itaque ego reatui subiaceo, qui publicam Principatus mei dignitatem ludicris inferens, ludibrio me addixi, quam Ioannes qui primos & fortes motus frenare non valens, stimulatus insuper ebrietate, ultionem amissi brauii qua poterat arte exegit. Non solum itaque Ioannem a maxillationis meae facinore absolutum pronuncio, sed illi etiam ingentes gratias habeo, quod mihi vexationem praestitit, per quam non huius tantummodo sed & cuiuslibet alterius ludicrae rei labem a me prorsus relegabo. Continuoque & reum absoluit, & omnem argenti quantitatem, quam lege ludi quaesierat, ex integro restituit, & restituta propriam in remunerationis signum, adiecit. Ita sub uno tempore & in eodem homine, grandis contumeliae ignouit facinus, damnationem remisit, perdata in integrum restituit, & iniuriam suam iuxta ac fauorem premiauit. Possem & plura alia in huius Principis commendationem proferre memorabilia, nisi vobis omnibus ea nossem notiora atque vulgatiōra. Omnibus itaque votis is nobis Princeps expetendus est, huic & non alteri Monarchiae fascēs deferendae, sub quo certum est nos a pressuris quibus angimur & respirare & beatam ac foelicem vitam posse agere. Non cunctemur igitur Procere, sed concordī sententia, hunc decernamus assumamusque Monarcham. Idem est a reliquis omnibus in hanc sententiam, & omnes illi assensu Procere. Ex loco itaque Concilii in Sandomiriam, ubi Dux Cazimirus habebat sedem, tam Gedeon Episcopus Crac., quam Baronum primi, peruicaci cursu pertingunt, Ducemque Cazimirum secreta audientia obtenta. his verbis conueniunt. Eminebat siquidem in Cazimiro Principe Sandomiriensi, quamuis aetate minor & natura faciliior esset, ad consilium ciuilemque prudentiam aptius ingenium, munificentia & comitate conditum, eratque comis & iustus, & dum adhuc iuuenilem & floridam aetatem ageret, ex templo mores ingenui & Regii in eo collucere visi. Non ignotum tibi putamus Princeps clarissime, quam durum & iniquum annos prope quinque patimur imperium, & in quam vastitatem vilitatemque nostra regio, fratris tui Miecyslai & suorum Praefectorum oppressione, adducta

637

sit. Quem etsi precibus, consiliis, & monitis nostris, ad tollendum publi-
ca gravamina & pressuras priuatim & publicè obsecrando, & patriæ rui:
nam demonstrando, hortaremur, casso tamen labore sudauimus. Consiliis
enim & precibus nostris repudiatis, tam infestus esse nobis cepit, ut omnes
nos exiliis suppliciisque afficiendos decreuerit. Ad te itaque omnium Or:
clinum concordi consensu oratum venimus, ut Principatum Monarchiæ
assumas, & tam patriam quam nos tyrannide exoluas. Certus, nos tui fra:
tris Mieczslai imperium, velut patriæ & nostri publici & infesti hostis,
de cetero nullatenus passuros. Sumpto aliquali ad deliberandum spatio
Cazimirus Dux in hunc modum respondit. Non primum quidem Proce:
res die hodierno de Monarchiæ Principatu suscipiendo, à vobis conue:
nior, dudum & in vita fratris mei charissimi Boleslai Crispi, à Iaxa &
Swantoslao Comitibus, pari petitione urgebar. Sed nunquam rectum
putaui, ut alumni et fratris mei turbare statum, aut de iure & dignita:
te sua quicquam detrudere, sed omni Regno atque Imperio præstantiorem
duxi fraternæ pacis & concordie pietatem. Qui itaque tunc uni fra:
tri fidum me et purum præstiti, qua fronte modestiam meam inquinatu:
rus alterius Principatum usurpabo? præsertim cum illum filiali semper
deuotione coluerim, & reciprocè ab eo paternæ complexus & amatus fui
charitate. Tum Gedeon Episcopus & Proceres, longè, inquiunt, Dux
dispar in præsentiarum versatur respectus, Boleslaus siquidem Cris:
pus frater tuus, æquo iure et iusto imperabat regimine: at hunc successo:
rem suum Mieczslauum, ad omnia tyrannorum studia, à quibus nullo pa:
cto auelli potest, vides diuertisse. Ingentem itaque pietatem, ingen:
tem charitatem, non ambitionem, non facinus, credas te monstraturum,
perpetuamque laudem, & cum beatis mercedem habiturum, si laboranti
et penè suffocatae et extinctæ patriæ subueneris, si illam à tyrannide
& opprèssione vindicaueris. Omnibus & enim (quod non Catholi:
cos sed etiam gentiles scimus sensisse) qui patriam adiuuerint, auxerint,
defenderint, certum ac diffinitum locum in cælo eis fore, ubi beati
sempiterno fruuntur æuo. In tyrannum quoque iuxta ac in damnatum
licet seuire. Tu solus & unicus crederis, qui nostrum & patriæ sana:
re potes discrimen. Ad extremum tibi nostram, tibi patriæ salutem
committimus, in tua potestate & manu situm est, Vitam ne nobis & pa:
triæ, an necem & perniciem, ad quam fratris tui decreto exclamamus dam:
nati, sis præstiturus. His et pluribus aliis vocibus Cazimirus Dux
expugnatus, non regnandi libidine, non ambitionis ardore, non odii
liuore, sed sola patriæ charitate, tandem consentit se Monarchiæ

regimen suscepturum. Cum modesta itaque suorum militum manu, Gedeone Epō Cracouiē, cæterisque Proceribus cum comitantibus, versus Cracouiam procedit. Quem aduenientem omnes militem & Baronum excipiunt legiones, omnes occurrunt fauent & gratulantur. Sed et agrestium turbæ cateruatim se effundunt, & suum ac patriæ acclamant, in nomine Domini aduenisse liberatorem. Aberat tunc a Cracouia Mieczslaus Dux, & in maioris Poloniae ac Pomeraniæ Ducatus secesserat, cum uxore et tribus filiis de Principatu Cracouiē eiectus, in Ratiboriam se contulit, ibique domicilium suum fixit. Unde et arx et Ciuitas Cracouiē, absque omni difficultate & renitentia, Cazimiro per Capitaneos & Officiales Mieczslai sunt præsentata. Singula deinde Castra & munitiones, in Cazimiri sponte venere deditioem. Tantumque odium Mieczslai Ducis in pectoribus singulorum inualuerat, ut vniuersos crederes in illius derelictionem una mente & spiritu, quasi in quandam communem pestem conspirasse ~

GERVARDVS Posnamiensis Epūs breuiusculo vivens tempore, a peste Epidimiae correptus moritur, et in Posnaniē Ecclesia sepelitur. Arnoldum primum Polonum de stirpe Dolega habuit successorem, Poloniae Ducis Mieczslai consensu illi suffragante, confirmatus et consecratus a Petro Gnesnē Archiepō ~

FREDERICVS Romanorum Imperator, assiduis criminationibus, quæ in Sobieslaum Bohemiæ Ducem, per Fredericum Ducem, filium Vladislai Regis Bohemiæ, in Curia Imperatoris exulis more manentem, & nonnullos Bohemiæ Barones, parti Frederici exulis fauentes, defererebantur, offensus (nam et Prouinciam illum superbe & auarè administrari, & Imperatori parum fidum et rebellem esse, asserabant) cum Sobieslaus purgare se negligeret, illum Ducatu Bohemiæ et eius regionibus destituit, & Fredericum exulem filium Vladislai per traditionem vexilli Bohemici de eodem inuestit. Bello insuper inter præfatum Sobieslaum Bohemiæ Ducem, & Conradum Marchionem Moraviæ exorto, Sobieslaus a Conrado, cuius Prouinciam hostiliter vastandam intraverat, ferentibus Conrado Austriacis auxiliis, campestri certamine victus in Bohemiam refugit. Qua quidem clade Frederico aduersario illius creuit animus, & in certam spem erectus, haud dubitabat Sobieslaum clade huiusmodi perculsum, posse de Bohemia facile percelli ~

Eclipsis Solis anno eodem hora Sexta Idibus Septembris visa ~

Anno Domini 1178.

Mieczslaus Dux ultum iri se cupiens
bellum Cazimiro nequicqz minatur, cum
a genero nulla habere posset auxilia ~

Deiectionem suam a Monarchia & Principatu Polonorum, Mieczslaus Maioris Poloniae & Pomeranorum Dux, moleste ferens, armis ac bello, & ultionem de fratre suo Cazimiro ceterisque suis deiectionibus sumere, & restitutionem sui in Regnum summo conatu parat & contendit efficere, velut is, qui omnium animis graui oppressione et tyrannide irritatis exulceratisqz, nihil spei in charitate & beniuolentia subditorum, in his quae ad suam restitutionem conducerent, sciebat posse reponi. Accersitis autem Consiliariis maioris Poloniae & Pomeraniae (hi enim nondum ab illius desceuerant imperio), quid facto opus sit consultat. Et omnium quidem Consiliariorum, uniforme votum erat, iniuriam a Cazimiro illatam, armis vindicandum esse, neqz ullo pacto deiectionis ferendum opprobrium. Vicinorum tamen Principum et generorum suorum, ad id bellum impetranda auxilia, sine quibus futura dimicatio cum Cazimiro periculosa videbatur: cui viris armisque abundanti, Ruthenorum etiam subsidia constant accessura. Missi itaqz ex templis & ad Sobieslaum Bohemiae, & Saxoniae, Lothoringiaeque Duces, nuncii, iniuriarum Mieczslai exposita, & quod per fratrem germanum Cazimirum de Regno propulsus sit declarato, petunt, ut Soceri sui dedecus non patiantur inultum, sed aut personaliter in sui auxilium adueniant, aut gentem armatam mittere non cunctentur. Sed Sobieslaus Bohemiae Dux proprio se bello respondit occupatum, cum Fredericus frater a Ducatu Bohemiae eum eiekturus, cum Almanico exercitu sibi imminet. Saxoniae vero & Lothoringiae Duces, pari excusatione usi, in bellum quo Caesar in Italia occupatus erat, militiam suam transmississe, sed & in aliud bellum quod pro recuperatione terrae Sanctae Imperator instituit, nouorum militum supplementum sibi imperatum fore. Ita externis et speratis auxiliis deficientibus, propriis vero militibus congregari non ausis, aestas anni illius sine ullo bellico stridore exacta est. Cazimirus vero Dux Solium sui Principatus aequitate et iudicio stabilis, splendorem sui nominis apud externos & hostes diffundebat ~

QVINTO decimo Calend' Aprilis Samborius Pomeraniae Dux Monasterium ordinis Cisterciens in villa sua Ducali Oliua Wladislauensis Diocesis fundat, et septem villas vzt Oliuam, Salkouicze, Glambowi, Sterczow, Stauoue, Granczowi, & Szinczimicze, item decimam thelonearum, piscationum, praediorum, et pecorum illi pro dote assignat ~

Certior ab exploratoribus Sobieslaus Bohemiae Dux factus, fratrem suum Fredericum Wladislai Regis Bohemiae filium, cum Almanorum & Bohemorum transfugarum, ad se ex Principatu deiciendum aduentare exercitu, copias et ipse contraxit, & Frederici operitur aduentum. Quo callido & vafro consilio moram agente, Sobieslaus illum de cetero non suspicatus venturum, soluit exercitum. Fredericus vero suam artem prosperatum iri videns, mox Bohemiam ingreditur. At Sobieslaus cum paucis (neqz enim ad conuocandum vnuerfum exercitum, spatium temporis poterat adesse) illi occurrens congregitur, facileqz sua paucitas, a Frederici multitudine victa est. Fuga tamen Sobieslaus euadens in Skalam se cum paucis recepit, Fredericus vero Pragam in qua Sobieslai consors morabatur, obsidione cingens, breui illam capit, ac protinus magno militum communit praesidio, intelligens illius possessionem ad caetera subiicienda magno fore vsui ~

VERNERVS Wladislauensis Episcopus Pontificatu annis septem administrato ex humanis absumitur, et in Ecclesia Wladislauien accepit sepulturam. Cui Vornelphus Decanus Wladislauensis per electionem Canonicam succedit, ab Alexandro Papa tertio, petente Cazimiro Poloniae Duce & Monarcha, prouisus ~

Anno Domini 1179.

Mieczslaus etiam Ducatu maioris Poloniae a filio suo Othone exiit, moxqz ad Casimirum oium Prouinciaru Regni imperiu peruenit ~

Mieczslao maioris Poloniae & Pomeranorum Duci, pro sui in Monarchiam restitutione, bellum aduersus Cazimirum Polonorum Ducem & Monarcham, maximo aestu atqz conatu, ex proprio milite, postquam externus non suppetebat, apparanti, nouus incommoditatis casus ingestus est. Filius etenim suus maior natus Otho, ex primo coniugio

susceptus, graui iniuria a patre (qui blandimentis secundae consortis per sua:
 sus. filiis secundi matrimonii meliores sortes Principatum suorum relinque:
 re testamento disponebat) afficiendum se dinoscens, contra patrem cum non-
 nullis maioris Poloniae Baronibus coniurat, opportunoque tempore Castris &
 munitiōibus paternis in maioris Poloniae Principatu occupatis, patrem de
 sua sede exturbat et depellit, nunciosque ad Cazimirum Monarcham mittit
 spondens se obedienter quae imperaret facturum, & cum omnibus Castris &
 munitiōibus, gentibusque suis sibi parentibus tam fide quam obsequio sincere
 adhaesurum. Cazimirus autem omnibus aliis terris & Castris, quae ditio-
 nis Miecyslai fuerant, sub potestate et regimine Othonis nepotis sui relictis,
 Gnesnen Civitatem et Castrum, cum suo Districtu, propter loci veterem di-
 gnitatem & famam, sibi fecit iuris. Defectionem autem maioris Poloniae mox
 citerior et ulterior Pomerania, quae et ipsa Miecyslao parebat, secuta est. Ta-
 cinus tamen Othonis in patrem admissum perosa nobilitas, Primoribus desti-
 natis, Cazimiro Monarchae plenam facit deditionem, cuius regimen propt'
 locorum distantiam inter duos Praesides Cazimirus partitur. Et ulteriorem
 quidem Pomeraniam, quae hactenus Slupsko vocitatur Comiti Boguslao de
 Familia Gryphonum, citeriorem vero, cuius Gdansk principalior Civitas
 erat, Samborio Baroni regendas commisit. Quorum uterque processu tempo-
 ris Duce Cazimiro obeunte, se Dominum non Praesidem gerens, Principa-
 tum praedictarum Prouinciarum, & eorum posteritas post illos, aliquanto
 tempore, conciliato sibi militarium & Civium favore, usurpauit. Tunc
 insuper Boleslai Krziouisti oraculum, quod moriturus Regno inter qua-
 tuor filios diuiso, quinto nulla portione relicta, deprompserat, verificatum
 fuisse notatum est. Qui in Cazimirum tunc quidem infantem, & nullam
 portionem inter fratres patris ordinatione et testamento sortitum, quatuor
 Tetrarcharum quadrigam, spiritu sibi reuelante, praedixerat concursuram.
 Cui etsi Slesiana regio a filiis Boleslai alti possessa propter civilem discor-
 diam (minor enim natus Miecyslaus, maiorem natus Boleslaum de Ducatu
 suo propulerat) aliquandiu parere detrectasset, Cazimirus tamen Monar-
 cha, maturitatis suae industria, pacificatis concordatisque fratribus, eam ad
 sui obedientiam reduxit, Miecyslaumque de Wratislauiens Ducatu, cuius
 eum tenebat ambitio, Boleslao cui sorte obtigerat, cedere coegit. Quod ut
 aequanimius ferret, & ordinatio tunc confecta, decetero rata foret, duas
 Miecyslao Districtus a Cracouiens Prouincia abstractos, Bithomiensem vix
 et Oszuieczimen, de nouo largitus est. Cuius filio nouiter nato, ad ba-
 ptisteriorum solennitatem inuitatus, nomen suum Cazimirus indiderat.
 Masouiae et Ciuiuae Prouincias, ad Leszkonem nepotem suum, filium

Boleslai Crispi pertinentes. Lironi Comiti viro grandauro et prudenti
commisit gubernandas, & Lestkoni suo nepoti illum in Directorem et pa-
tronum, propter eius singularem probitatem, praeferit. Eo insuper anno
Cazimirus Polonorum Dux et Monarcha, Brzestensem, Wladimirensem
et Przemiensiensem Prouincias, a Regno suo distractas, recuperat, et Ca-
stris principalibus conquisitis, constitutisque Praesidibus, Prouincias ipsas
per se administrat. Mieczslaus autem senex Maioris Poloniae & Pome-
ranorum Dux, a filio Othone exclusus, in Ratiborien Oppidum, quod
suae extitit potestatis, se recepit, et illic cum uxore & tribus filiis,
sub omnium rerum tenuitate et penuria agebat incolatum.

Sedente Iaroslao Isaslaucz Duce Russiae annis aliquot in Principatu
Kiiouien, foelicitati et sorti eius Swantoslaus Czernieiuuen Dux inui-
dens, exercitu non paruo congregato, ablaturus illi Kiiouiensem Ducatum
vadit clandestine contra illum, Et nulla belli indictione praemissa dum
Iaroslao Isaslaucz in arce Kiiouien securus consisteret, Castrum Kiiou-
ien, pro amico et fratre existimatus, cum omnibus copiis suis ingreditur,
& incautum occupat. Inter tumultum tamen Dux Iaroslao aegre ausu-
git, consors vero sua et filius iunior, et omnis militia a Swantoslao ca-
pta est. Omnibus denique thesauris suis amplissimis, & omni suppel-
lectili Swantoslaus potitus est, et tam captiuos quam spolia in Czernie-
iow deducens Castrum Kiiouien impugnationem veritus desertum re-
liquit. Quo Iaroslao Isaslaucz audito, contractis auxiliaribus copiis,
duos insuper nepotes suos Duces, filios Rosczislai habens in suo comi-
tatu cum gentibus venit in Kiiow, et arcem Kiiouien forti praesidio
muniens, omnem culpam patrati in se per Swantoslaum Czernieiuuen
Ducem facinoris, in Kiiouienenses, quasi eorum ope, consilio, et subordi-
natione, patratum fuerit, refundens, ditioribus Ciuibz spoliatis, etiam
omnes Abbates, Sacerdotes, Monachos, montales, & quoslibet Latinos
captiuat, et grauem censum pro eorum liberatione accepit, caeteros ven-
dit, et multa abominanda in Kiiouien committit. Contra Swantoslaum
denique Czernieiuensem Ducem, hostem et spoliatorem suum procedit, &
illum in Czernieiow obsedit, sed proficere se non videns cum illo pacificat.

SOBIESLAUS Dux Ducatum suum Bohemiae, a quo per Fredericum
Regis Wladislai filium, Almanorum suffragio deiectus erat, repetitu-
rus, copiis aliquantis congregatis, Pragam in absentia Frederici, qui ad
Imperatorem vocatus erat, tentauit repetere. Sed dum secus quam credebat

cesisset (magno enim Almanorum presidio Praga defendebatur) Fredericus cum ex Almania cum magno exercitu Almanorum reuertentem, in loco quodam deprehensum, iniquitate loci adiutus inuadit, et exercitum suum adeo sternit et dissipat, ut inuicem duo non possint reperiri. Verum dum Fredericus Conradi Moravia Ducis et gentium suarum auxilio, ex clade accepta erectus, in Pragam contenderet, Sobieslaus superiori elatus victoria, propè Pragam utriq; occurrit, et pugna commissa, strage utrinq; adita, victus refugit, annoq; insequenti mortuus, pacificam Frederico Ducatus Bohemiae reliquit possessionem. Hic in Almanos tam fædo et truculento seuitiei genere, sæuitiam suam Bohemis inflammantibus, fertur usus esse, ut quoslibet Almanos in Bohemia repositos, aut ipse naso mutilauerit, aut mutilari permiserit.

GEDEON Cracouiens Epus fundat, construit, et dotat Monasterium in Wachoczko, Ordinis Cisterciensis supra fluvium Kamiona de bonis sui Episcopatus Cracouiensis, et plures decimas mensæ Episcopalis illi donat in dotem. Ecclesiamq; ad honorem Sancti Floriani consecrat, cui singularem affectu famulabatur. Non quidem tunc cùm Monasterium fundasset, sed cùm opus totum quadro consumasset lapide, corpore beati Floriani Cracouiam, ut in sequentibus docebitur, illato.

ALEXANDER Papa tertius relictis Gallis, in quibus annis propè decem et octo propter turbationem et scisma Ecclesiæ demoratus fuerat, scismate sublato, et quatuor antipapis sibi succedentibus, mala morte absumptis, periculo maris Thyrræni se committens, Italiam, et deinde Urbem maximo cum favore Cleri et populi susceptus, aduenit.

PLOCENSIS Pontifex Lupus, cùm annis nouem sedisset paralysi moritur, et in Plocen Ecclesia sepelitur. Cui Vitus de Chotel ex trā Sandomiriens ortus, nobilis de Domo Lanina per electionem Canonicam succedit, à Petro Gnesn Archiepo Cazimiro Duce Cracouiens et Regni Polonie Monarcha consentiente puius. Qui tria Monasteria ordinis Premonstratens fundauit videlicet in Withow, Busko, et Ploczko.

Anno Domini 1180.

Cazimirus pacificato Regno Mieczslai leges iniquas abrogat nouasq; iustas constituit. Pro quarum confirmatione Romam Legatos, et alicuius Sclæ corpore mittit.

Vniuersis Prouinciis Regni Poloniae ad obedientiam suam Cazimi:
rus Polonorum Dux et Monarcha, mira celeritate ingenioq; re:
ductis, id primum sibi Princeps clarus virtute agendum assumpsit,
ut patriam exquisitis pressuris et grauaminibus concussam, in libertatem
& aequitatem vendicaret. Omnia itaq; a Mieczslao fratre suo eiusq;
Praefectis & Officialibus constituta tributa, telonea, dattas et exactio:
nes nouas, dissoluit & abrogat, calumnias rescindit, calumniatores aut pro:
scribit, aut igne cauterizat, & omnia Iudicia iniqua, quibus substantiae
hominum absorbebantur, eliminat, & ad recti iustiq; libraminis puritatem
redigit. Ad maiores deinde abusus (qui ex veteri consuetudine, non
inter prauaricationes & vicia, sed inter leges & iura Regni numeraban:
tur) abolendos, operam suam omnem conuertit. Qui quoniam Principes
et Barones Maiorisdq; Poloniae peruasent, difficiliorem sibi efficiebant
curationem, molestè ferentibus Primoribus, se suis prerogatiuis & commo:
ditatibus priuari. Erat etenim Poloniae genti consuetudinarium & so:
lenne, ut nobiles & militares faciendo per Regnum transitus et itinera,
non faenum tantummodo, stipulam, et paleam, sed annonam et reliquum vi:
ctum, agrestibus sibi dari imperarent, & abnuentium, potenti inuasionem
domibus & horreis perfractis, suam necessitatem licentius explerent, &
bona agrestium non tam depascerent quam proculcarent. Priuata insuper
negotia, exilem interdum necessitatem habentia, nobiles & militares dispo:
situri, equis agrestium in rure vel campis apprehensis per se aut suos Satel:
lites consensu, citato & peruicaci cursu, longa interdum terrarum & lo:
corum spacia conficiebant, ex quo equis fatigatis, aut irremediabiliter ener:
uatis, saepe numero quoq; extinctis, vel in remota terrarum spacia abdu:
ctis, interdum etiam si probati et praestantes essent, usurpatis, magna
perniciis & agestas, agrestes in opere suo neglectos, aut equis priuatos, se:
quebatur. Bona insuper Spiritualium decedentium, tam immobilia quam
mobilia, praedae et direptioni patebant, aut Ducali fisco mandabantur.
Magno itaq; Conuentu apud Lanciciam indicto, quanta mala, quanta
homicidia, ex praefatis tribus abusibus consurgant, quantis Regnum va:
stetur et affligatur incommodis, quantum prauaricatione huiusmodi, gen:
tilem et barbaram crudelitatem redolentem, offendatur prouoceturq; De:
us, in Ducum, Episcoporum, & militarium frequenti multitudine, edicit.
Decernerent itaq; abusus huiusmodi exterminandos esse, & Diuinitatem
sibi haecenus iratam, efficere propiciam, & se Christianorum Regno:
rum Sacris legibus conformarent. Se enim sic institutum esse sciant, ut
sub sua Monarchia & regimine, diutius tam sceleratas & prophanas

consuetudines, offensam Dei, & iniuriam proximi, ac Sacrorum notoriam, continentes, non sit passurus. Aderant huic Concilio Prasules octo, Szdzislaus Gnesnen, Gedeon Cracouien, Lioslaus Wratislauien, Onolphus Ciuiuien, Cherubin Posnaniien, Vitus Plocen, Conradus Camienecen, Gaudentius Lubucen, tres Principes Otho Posnaniensis, Boleslaus Wratislauien, Leszko Masouien, Baronum quoque & Militarium multitudo copiosa. Quorum frequentes sententiae, abolendas consuetudines iniquas, propter quas Diuina indignatio, variis infortuniis, & aduersis successibus, credita est Polonos percussisse, decernebant. Et ne consuetudines ipsas, contineret a quoquam in posterum resumere & innouari, omnes illarum, aut alterius ex eis auctores, placuit horrendo anathematis Chirographo vinciri. Postridie itaque tam Szdzislaus Gnesnen Archiepus, quam omnes Episcopi, Pontificali amictu induti, Cazimiro Polonorum Duce et Monarcha, vniuersisque Principibus, Baronibus, Militibus, & communitate praesentibus, iubentibus, gratificantibusque, & tam se quam caeteros posteros, in legem & vinculum huiusmodi submittentibus, in hunc modum pronunciant. Qui colonorum & agrestium annonam, aut alias res, vi aut aliquo modo tulerit, aut auferi iusserit, anathema sit. Qui legationis aut necessitatis publicae vel privatae occasione (praeterquam ad denunciandum hostium in patriam imminentem insultum) cuiusque quadrupedem & iumentum in angariam Poduodarum acceperit, vel accipi iusserit, anathema sit. Qui bona Pontificum aut Ecclesiasticarum personarum decedentium rapuerit, occupauerit, vel distraxerit, etiam si sit persona Illustris, & Regali, Ducali, aut quacunque alia praefulgeat dignitate, anathema sit. Qui Episcoporum spoliatores, restitutione non habita acceptauerit, & raptorum aut distractorum relaxationem raptoribus, satisfactione legitima non praecedente, impenderit, vel licet Sacrilegi particeps et conscius, & qui ambitioni suae & commodis inhiando, sacrilegis occasionem praestiterit, anathema sit. Et acclamatione concinna, a Ducibus & vniuerso populo responsum est AMEN. Ut autem tam saluberrimae Constitutiones, in futuras generationes maius haberent duramentum, solerti Ducis Cazimiri ordinatione, Nuncii ex utroque statu Romam ad summum Pontificem Alexandrum tertium mittendi deliguntur, confirmationem Papalem, quae Constitutiones ipsas perennet, & corpus ossaque alicuius Sancti, quo Cracouien insigniretur Ecclesia, obtenturi. Et nuncii quidem Polonorum, apud Tusculanum Alexandro Papa offenso benigne habiti & auditi sunt. Gratiaque, presente Cardinalium caetu ab Alexandro Polonis acta, quod pestifero durante scismate, nationibus et Regnis vicinis aut claudicantibus aut obedientiam Antipapae

proficientibus, ipsi constanti perseverantia ab eius obedientia non decessissent. Constitutionem deinde Polonorum, velut iustam & religione plenam, & commendat & confirmat. De dandoque sacro corpore, bene Legatos Polonorum sperare, & se Romam subsequi iubet. Confirmationis autem suae, pro rescindendo dubietatis scrupulo, exemplar subnectimus. Cuius a nobis originale in Ecclesia Cracoviensi conditum, saepe & attractatum & visum est.

*Rescriptum confirmationis Papae
Statutorum Regni Poloniae etc.*

Alexander Episcopus, Servus servorum Dei, dilecto filio Nobili viro Cazimiro Duci Poloniae, Salutem et Apostolicam benedictionem. Ex parte tuae magnitudinis relatum est nobis, quod de consilio Archiepi & Episcoporum Poloniae, & Principum terrae, quasdam abusiones & solitas iniurias, ab Ecclesiis & personis Ecclesiasticis, amputasti, constituens, ne bona decedentium Episcoporum amplius confiscarentur. Constitutum est etiam, ut si quispiam in res defuncti Episcopi manus coniecerit, vinculo anathematis teneatur, nec praesumat ullus raptorum, defuncto Episcopo succedere, donec absolutio, nis beneficium assequatur, ablatis restitutis, vel ablatorum congrua aestimatione praemissa. Consuetudinem autem quae a Principibus terrae servabatur, videlicet, ut quocumque pergerent, pompaticè invadentes horrea pauperum evacuarent, & si inter absentes aliquid negocioli quandoque contingeret, impii satellites discurrentes raptos quoscumque caballos, vel enervarent incursum, vel omnino destruerent, de Ecclesiasticorum & saecularium virorum consilio, emendasti. Unde quoniam constitutionem tuam iustam, pariter et honestam, auctoritate nostra postulas confirmari, nos iustis postulationibus annuentes, Constitutionem praescriptam, sicut in scripto autentico, super hoc facto habetur, auctoritate Apostolica confirmamus, & praesentis scripti patrocinio communimus. Sub interminatione anathematis prohibentes, ne quis eam violare aliqua ratione praesumat. Nulli ergo omnino homini liceat hanc paginam nostrae confirmationis infringere, vel ei ausu contrario contraire. Si quis autem hoc attentare praesumpserit, indignationem omnipotentis Dei, & beatorum Petri & Pauli Apostolorum se noverit incursum. Datum Thuseculani Quinto Calendae Aprilis.

647

Anno Domini 1181.

*Mieczslaus summis precibus astra:
tre Cazimiro supplicat restitutione
in patriam non tamen in Monarchiam.*

Exclusionis suae a Principatu & Dominio Mieczslaus Maior:
ris Poloniae & Pomeranorum Dux agitatus molestia, dum restitu-
tionem suam armis & potentia effici non posse adverteret, omne
spem suam in fraterna misericordia, & compassione Ducis Cazimiri repo-
nit, & cum per nuncios tum per epistolas frequentes eum obsecrat, preca-
tur & fatigat, quatenus ipsum cum uxore & filiis exulem esse amplius,
& beneficia a se collata, dum eum tenera haberet aetas, oblitteratum iri
non sinat. Nosse se & Cazimirum inficiari non posse, quanta charita-
te adolescentiam suam fouerit, & ut negotiam a patre sortem assequi fra-
tre Henrico absumpto, posset, quam enixe institerit, quam frequentibus
& cumulatis fauoribus & beneficiis eum complexus fuerit, quod insuper
nunquam illi aliquid negauerit, nunquam molestus, grauis, fastidiosus
& arrogans fuerit, & illum non in fratris solum, sed in filium amasset
loco, Cazimirumque his verbis compellebat, Potes ne, inquam, aequo animo
et siccis oculis, me unicum supersutem germanum natura, at certe cle-
mentia parentem tuum, exulem videre? potes beneficiorum a me susce-
ptorum obliuisci? potes ne ferre, ut ego praesens canis respersum ha-
bens capillis caput, cum uxore mea glorie tuae, tuisque nepotibus, in meum
& tuum imo Domus nostrae & generis grande ludibrium, stipe aliena su-
stenter? & meos Principatus me supersute infidus et male de me meri-
tus filius Otho, sub tui patrocini umbra possideat? Ferreo ne es pecto-
re, aut ex Tygride nactus es praecordiam? ut neque te mea, neque nepo-
tum conditionis misereat? At si tibi nulla communione sanguinis, nullo
beneficio, nulla necessitudine obstrictus essem: moueri certe vel sola mea
& consortis, & filiorum meorum mecum una depulsum, tam iniuria
quam calamitate debueras. Recense & meorum in te beneficiorum
collatorum, recense & tuarum sponsionum, quibus nullo pacto, nulla ra-
tione, mea in te beneficia moritura ingeminabas, recense & postremo iniu-
riarum calamitatisque meae magnitudinem, & frigescentem in te charita-
tem vel tot igniculis accende, & in exule in fratre, imo in parente, quam
nemini alteri negare solitus es, deprome pietatem. Quod si fortassis animu

tuum, Monarchia ne ab illius Solio me restituto excludaris, subit respe-
ctus, at ego cum iam languido & effæto corpore sim, & ad publica obcunda
munera, parum mihi idoneus videor, bene cum nr̃a Rep. & mecum actum re-
or, quod tu animo & manu ad omnia promptus, iure hæreditario (cum sis
filius mortui, & germanus uiuentis) legitimo tempore, dum a me utiliter
administrari non poterat, eam occupasti. Fauco itaqz pro bene gerendis
rebus patriæ nostræ, regimini tuo non inuideo, et te sorte Principatus ma-
ioris & Monarchiæ digniorem me video et iudico, tibiqz viro forti, imbecil-
lis ipse animo & viribus, de Solio eius (quod in meam restitutionem animi
acquiris sis) cedo, iurique omni mihi in illo competenti, tam in præsens quam
in futurum me abduco atqz renuncio ~

PROCERES & Barones vniuersumqz vulgus terræ & Castellaniæ
Slupensis, grauitè & iniquo animo ferentes, ab Euardo Dacia Rege,
asserente se (sicut verum erat) ex Regibus et Principibus Poloniæ, per
auiam suam genus & originem ducere, terram & Castellaniam Sluper-
sem, quam tunc Wladislaus Maioris Poloniæ & Pomeraniæ Dux, sub suo
regimine tenuerat, per potentiam occupari, & annis plurimis (ipso Wla-
dislao Duce Poloniæ suam & totius Regni grandem iniuriam rescinde-
re negligente) iniusta occupatione detineri, conspiratione unanimiter
facta, ne processu dierum ipsa violenta occupatio, in iuris & iustæ sub-
iectionis traheretur necessitatem, & ipsi in perpetuam Regis & Prin-
cipum externorum, cum haberent naturales & proprias, redigerentur serui-
tutem & ditionem, superbam & iniustam prædicti Euardi Regis Da-
ciæ dominationem perosi, ab ipso deficiunt, et Swantopelkum Pomeraniæ
Ducem in Dominum et Principem suum assumunt. Cæpitqz ex tunc terra
præfata & Castellania Slupensis Regibus & Principibus Poloniæ in tem-
poralibus, Archiepiscopo verò Gnesnensi in spiritualibus, ad quos ex sua
primæua fundatione pertinebat, cuius tunc Henricus Kietlicz sedem ob-
tinebat, esse obedienter subiecta ~

*Calimirus motus precibus fratris pro eius
restitutione conuentum indicit. Curus ani-
mo audito Poloni tumultum excitant et ipse
cogitur legem abrogare. Tandem aliorum
sufragiis adiutus Mieczslaus Dux omnem
Maioris Poloniæ Principatum recuperat*

AD intima pectoris Cazimiri Polonorum Ducis & Monarchæ sup-
 plicatio fratris Mieczslai tam humilis tamq̃ modesta, penetra-
 uerat, lachrymisq̃ obortis, se & exuli & fratri, suaq̃ iuuen-
 tutis et orphanitatis patrono, compassurum testabatur. Sed & mutabilita-
 tem fortunæ, in illo recognoscendo mirabatur, quæ illi non Monarchiam solùm
 sed & naturales Ducatus hæreditarios ademerat. In tam verò grandi
 re, proprio nolens uti arbitrio, frequens Concilium aduocat, & de resti-
 tuendo fratre Mieczslao apud Senatum verba facit. Nimis, inquit,
 Procere acerbo animo Ducis Mieczslai, qui mihi unicus frater relictus
 est, exilium fero, plurimumq̃ suæ & natorum suorum, qui alterum me pa-
 rentem existimant, calamitatis me miseret, a quo crebrò, ut illum in suam
 hæreditatem Principatum restituam, exoror. Iusq̃ Monarchiæ perres
 me relinquens, illi cedit atq̃ renunciat. Iustam ego Procere petitionem
 suam existimo, Monarchiæq̃ Principatu se abdicanti, sortem hæredita-
 riò iure eum concernentem reddi illi æquum censeo, iniquumq̃ reor. si eo
 uiuo & spirante, aut filius eius Otha, aut ceteri in eius principentur
 Dominio, & ipso calamitate atq̃ exilio affecto, illi gloriosi atq̃ splendi-
 di refulgeant. Fastidiosis auribus Ducalis sermo, a Consiliariis exce-
 ptus est, murmurq̃ mox subortum, obstinatum deinde silentium omnes ali-
 quanto tempore tenuit. Tum spacio ad consultandum a Duce petito, se-
 cessione in alium locum facta, adeo consternatis animis tumultuarioq̃
 magis quam sensato more, ita ut res parum a iusta seditione different,
 deliberant. Multorum enim sententiis placebat & Cazimirum simili
 expulsiōne qua & Mieczslauum percelli. Mitigato tandem furore, in hunc
 modum respondent. In euident, inquit, Princeps Illustrissime a te voca-
 mur discrimen, sermo quoq̃ a te, de restitutione fratris tui Mieczslai, ha-
 bitus, capitale portendit supplicium, nam in omnium nostrum extermini-
 um restitutus Mieczslaus non desinet grassari. Vehementer angimur, ve-
 hementer coartamur, qui probè nouimus, iratum Mieczslai animum, non
 sine voluntate carnificina, in nobis deprompta, quieturum. Superest ut
 si de restituendo Mieczslao, sententiam non correxeris, nos omnes aut
 in voluntarium exilium abiturus, aut aliqua alia ratione, nobis & vitæ
 nostræ prospecturos non dubites. Nec nostræ tantummodo sed & tuæ
 timeamus parti: cū promissorum Mieczslaus facile oblitus, in tuam etiam
 machinabitur depulsiōnem. Tunc Cazimirus Dux Consiliariorum ani-
 mos in seditionem spectantes mitigaturus, mutat illicò decretum, & de re-
 stituendo fratre Mieczslao sententiam abrogat, Consiliariisq̃ pollice-
 tur, non amplius se de re hac quicquam innouaturum, Gratias insuper agit

singulis, quod tam sinceros fidos, & constantes eorum erga se animos ex-
pertus esset. Miecslaus itaqz senex, his quæ de se in Concilio erant
acta, Cazimiri intimatione cognitis, ad Fredericum Imperatorem perso-
naliter se conferens, iniuriarum suarum conditione declarata, suffragio Cæ-
sareo se in Principatus suos restitui deprecatur. Verum dum Fredericum
Imperatorem transmarino bello quod in terra Sancta subsidium agendum
susceperat, alijsqz grauibz Imperii negocijs, occupatum intelligeret, in Polo-
niam reuertitur, & maritimæ oræ Principi locata filia, (- Msczugius aut
is Princeps fuerat nomine) eius & aliorum sibi fauentium fultus auxi-
lio Castrum Gnesnen' Cazimiro Duce & Monarcha fauente & conscio,
intercipit, ex quo cætera Maioris Poloniæ Castra & munitiones, aut vi-
aut deditiõne conquirat. Filius quoqz suus Otha, venia petita, per com-
munes amicos patri reconciliatus, ad subiectionem rediit. Ita breui tem-
pore Miecslaus maioris Poloniæ Principatus & Dominia, ex integro re-
cuperans, adeptus est, & Cazimirus Dux & Monarcha restitutionem
suam, quam publicè efficere nequiuit, clandestino fauore & suffragio
constauit ~

LIROSLAVS secundus Wratislauen' Epus, cum annis undecim
sedisset, tertio Nonas Aprilis de febris moritur. Cui Franciscus atqz
Franko, fauore Boleslai alti Ducis Wratislauen' succedit, à Petro se-
cundo Gnesnen' Archiepo confirmatus & consecratus, qui alio nomi-
ne Swantko appellabatur, Polonus genere & nobilis de Domo & Fa-
milia Præditarum ~

Anno Domini 1187.

Cazimirus recuperata Brzeskie, cum suorum
murmure Rusiam petit. Vbi circa Halicz pro-
fligatis duobus Ducibus Msczislauum affine in
statu reponit, et victor cum exercitu domum redit ~

Brzeskensis Civitatis & Prouinciæ, supra fluvium Bug sitæ
nunciata defectio, Cazimirum Ducem & Monarcham illic
concitauit ad arma, & tam equestribus quam pedestribus copiis
in unum coactis, celerrimo gradu in Brzeskie perueniens, illam oppu-
gnat, & infra dies duodecim vincit & conquirat. Percussisqz securi

defectionis autoribus, municipium illuc oppido imminens extruit, ac va-
 lido praesidio, ut populares contineantur in fide, imposito, versus Halicien-
 sem Civitatem et regionem exercitum ducit, affinem suum Msczislauum
 Ducem, quem fratres sumpta occasione fallaci, quasi non legitimus sed sub-
 ductitius, & de iniusto matrimonio susceptus fuisset, de Regno erece-
 runt, restituturus. Molesta plerisque Polonorum Proceribus ea expe-
 ditio videbatur, & aegre in eam militiam procedebant, clandestinisque
 & secretis colloquiis Ducem Cazimirum carpebant, quod propriis bellis
 non contentus, externa & iniusta bella, parum felicitatis & commodi ha-
 bitura, tractanda assumpsisset. Indignum insuper esse, ut pro spurio & am-
 bigui thori homine, in acie iniqua longe a domo, sine donatio decerent.
 Has querelas & si Cazimirus nosset per milites ingeminari in Castris,
 nihil tamen militari rumore motus promouet exercitum in ulteriora. Iam
 propere Haliciam ventum erat, dieque altera obsidio Halicien parabatur,
 dum subito ab exploratoribus nunciatum est, Wszeuoldum Belzenssem
 & Wladimirum Halicien germanum Msczislai, Duces, cum omnibus
 Rutenorum Principibus & Boiariis, infesta acie aduentare. Tum iam
 non secreta sed aperta Poloni in Ducem suum Cazimirum probra exagge-
 rant, Sed & Nicolaum Cracouien Palatinum Principem Militiae, qua-
 si huius belli praecipuum auctorem, contumeliosis insectantur sermoni-
 bus, sequi ad euidens periculum abductos & penitus Rutenis queruntur pro-
 ditos. Videbant enim Rutenorum exercitum, magnis copiis refertum
 esse, & quasi in Polonorum perniciem, & universas Rutenorum Prouincias,
 velut ex composito conuenisse. Rutenos praeter odium in Polonos in-
 situm, Polonorum conspecta paucitas, suorumque frequentia, & consulti
 de futuro belli euentu Haruspices, laeta omnia sibi, Polonis trista nun-
 ciantes, in praedium accendebant. Cazimirus nihil hostium multitudine
 territus, ordinatis aciebus milites animat, docet in Rutenorum multitudi-
 ne, paucis exceptis vilia esse mancipia, & si parum adnitantur, facilem
 victoriam praebitura, saepiusque multitudinem a paucitate fusam extitisse.
 Ac sic militibus animatis, et spe victoriae alacribus, sinistro cornu Nico-
 lao Cracouien Palatino commisso, dextrum ipse regens, signis caneretur
 sis cum hostibus congredditur. Ruteni clamore sublato, vehementi et
 ipsi impetu capebunt pugnam, durumque certamen inter utrumque populum
 aliquanto tempore gerebatur. Iam quoque leuum cornu, cui Nicolaus Pa-
 latinus praerat, a levis armaturae sagittariis, equis aut confossis aut
 vulneratis, referre ceperat pedem, dum Cazimirus denunciato sibi peri-
 culo, unam turmam militum in leuum cornu subducens, pulsus Rutenorum

sagittariis, praelium restituit, ac in dextro cornu Polonorum phalanx Ru-
tenorum aciebus disruptis proculcatisqz, in ceteras Rutenorum turmas
gladiis stringebat. Dum in leuo cornu Ruteni a Nicolao Palatino fu-
si pulsique in fugam dilabuntur, sed nec hi qui contra dextrum cornu pugnam
sustinebant, faciunt moram, metu enim fugientium perculsi in fugam ver-
tuntur. Wszeuoldus Belzen', & Wladimirus Halicien', Duces, ne in po-
testatem Cazimiri venirent uiui, equos mutando, sequentium se manus
euadunt. Rutenorum magnus numerus eo praelio aut occisus, aut captus,
Castrum Rutenorum omnis opulentiae plena, per Polonos Cazimiro iuben-
te direpta. Sed & Castrum & oppidum Haliciense, illico Cazimiro
victori deditum est, qui illud Msczislao Duci Russiae affini suo. Sacra-
mento prius adacto, quod nunquam se & Polonorum gentem in aduersis
& prosperis casibus desereret, committens, in Haliciense Regnum ipsum
de integro restituit, rebusqz Russiae ordinatis in Poloniam redit. Et
Wszeuoldus quidem Belzensis Dux ex praelio fugiens in Belz Castrum
suum cum paucis peruenit, Wladimirus vero Halicien' Dux in Hun-
gariam diuertit, a Rege Hungarorum Bela, suffragium supplementuqz
militum & impensarum pro sua in Haliciensem Ducatum restitutione
petiturus ~

GNESNEN Metropolitanus Petrus secundus cum annis duobus
& viginti Ecclesiam Gnesnen' rexisset, moritur, & in Gnesnen' Eccle-
sia sepelitur. Cui Zdzisslaus Canonicus Gnesnen', nobilis genere Polo-
nus, de Domo & Familia Kozlierogi per electionem Canonicam succe-
dit, a Summo Pontifice Lutio Papa tertio, Miecyslao maioris Polo-
niae Duce intercedente, prouisus ~

BARONES & Milites Bohemiae imperium & mores Frederici
Ducis sui perosi, tam in ipsum quam fratrem suum Othionem, variis oppro-
briis & contumeliis deturpatum, seditione exorta, de Ducatu eiciunt,
& Conradum Moraviae Ducem, in Principem & Dominum assumunt,
Pragamqz quae pro Frederico per militum suorum Almanorum praeci-
pue, praesidium tenebatur, obsidione cingentes oppugnant, & per deditio-
nem conquirunt. Et Fredericus autem Romanorum Imperator, in cuius
tutelam Fredericus Bohemiae Dux, ab omnibus suis desertum iri se
aduertens, confugerat, tam Conradum Ducem quam Barones Bohemiae
ad suum Tribunal (= Conrado tamen Duce uocationem abnuente) de
iustitia Frederico responsuros, vocat, sed Barones Bohemiae cum

magna trepidatione venientes. Fredericus Imperator variis suppliciis coram positis iubet torqueri. Quorum metu impulsus, deserto Conrado Fredericum in Ducem reassumunt, & nouo Sacramento atq; fœdere se illi obstringunt.

ALEXANDER Papa tertius cū annis uno & viginti Mensibus undecim, & diebus tredecim sedi set. Romæ moritur, & in Ecclesia beati Petri sepelitur. Cui Lictius tertius natione Tuscus de Ciuitate Luca, & nobili prosapia originem habens, Cardinalis tunc Epus Hostien. succedit. Ad quem Cazimirus Dux & Monarcha Polonorum, novos nuncios fatigat, oſſa Sancti alicuius, de quibus dandis à suo prædecessore Alexandro spes facta fuerat, pro Ecclesia Cracouiensi precaturos

Anno Domini 1183.

Mieczslaus aspirans ad Monarchiam procurat se heredem Ducatus Masouia et Curia: uia: per Lestkonem nepotem dolis circumuentum fieri. Quod Cazimiro Duci displicuit. Et filius Cazimiri à uiperâ necatur.

REstitutione sua ad Maioris Polonia Ducatus Mieczslaus senex parum contentus, etiam ut in Principatum Monarchia: restitueretur, magnopere exæstuat, variisq; uafis & subdolis machinamentis, nunc hos nunc illos Consiliarios, aut pollicitationibus aut largitione corrumpendo conueniendoq; reditum sibi ad Monarchiam conatur extruere. Sæpe quoq; cum Cazimiro Duce & Monarcha, sponsionis & cessionis suæ oblitus, de Principatu duris & acerbis sermonibus, parum à iusta seditione abhorrentibus, contendit, & uelut ambitus reum carpit, quod se & germanum suum & natum maiorem, ex possessione Monarchia: detraxerit, & non legitimo iure illam detineat occupatam. Et uerbis quidem industria et astu oblitus, Mieczslaus Dux pro Principatu contendens, in arma non ueniebat, quin etiam Cazimirum Ducem, contra se arma expediens, nouo ingenio atq; arte, uiribus se imparem sciens, si res in

dimicationem veniret, placabat. Astringens iureiurando, ab omni Monarchia iure & petitione se amplius cessurum, cum sors suorum Ducatum sibi absque Monarchia Principatu longe sit placidior atque praestantior. Interdum insuper & per se & per communes Consiliarios apud Cazimirum agebat, ut Lestkone communis nepote assumpto (cuius aegritudo in annos aliquot procedens, moriturum illum prope diem nuntiabat) in Masovia & Cuiavia Ducatus Mieczslaus pro sui iuris quod in Monarchia habebat, contentatione succederet. Verum Cazimiro abnuente, & in extrema bella diuertente, resumpto dolo ad Monarchia Principatum aspirat irrumpere, asserens coactis se sponsionibus non teneri. Propositum autem animi sui, aliquando tandem consecuturus, communem nepotem Lestkonem Masovia & Cuiavia Ducem (cuius tutoriam pater Boleslaus moriturus, Duci Cazimiro mandauerat) ad se quibuscumque potest blanditiis pellicit, maximam fore virium accessionem rebus suis profuturam existimans, si Lestko Masovia & Cuiavia Dux, Cazimiro Monarcha deserto, in suam ditionem concederet. Sciens autem Lestkonem Masovia & Cuiavia Ducem, a Zira Comite, quem illi Cazimiri Ducis auctoritas in patronum & alterum Curatorem praefecerat, in singulis actionibus dirigi, & omnia illius arbitrio Lestkonis acta moderari. Ziram Comitem non largitione solum, sed ea praecipue spe illectum, quod ex pacto inter Cazimirum & Mieczslaum inito, Ducatus Masovia & Cuiavia Lestkone obeunte, ad Mieczslaum Ducem sint recisuri, expugnat, & in omnia vota sua dolosa assertionem inclinat. Lestko itaque Dux praefatus patroni sui Zira Comitis persuasus vicisusque consiliis, primario & praecipuo suo Curatore Duce Cazimiro deserto, ad Mieczslaum transmigrat, & suae ditioni tutoriaque tam personam suam quam utrumque Principatum suum commendat, eumque Ducatum & rerum suarum omnium scribit & designat successorem, in illiusque fidem militares & subditos suos iurare compellit. Quae novitas & si Cazimiro Duci permolesta fuerit, iustaque ira & in fratrem Mieczslaum, & in nepotem Lestkonem, & in Ziram Comitem cuius perfidia & deceptione, & Mieczslai astu & ambitione rem nouerat conflata, moueretur, tamen motus omnes sagaciter comprimens, neque Mieczslao, neque Lestkoni nepoti, sed nec eius Curatori Zira molestus esse voluit, tacitus quoque quo nam tam reprobi & infidi conatus reciderent, dissimulans, opportuno tempore, huiusce suae iniuriae contemptus, correctionem destinabat. Obruil & alius aequae molestus

Ducem Cazimirum sub eodem tempore casus, dum enim filius suus adolescentior Boleslaus nomine, arborem quandam iocandi gratia, conscenderet, vipera de stipite corruens, & in gula tenera & delicata Boleslaum ladens, subita violentatione suffocat et extinguit, adeo quidem precipitanter, ut a terra a circumstantibus sublatus, neque vocem neque gemitum addiderit. Cuius tam subitam & minime vulgarem mortem, pater illius Dux Cazimirus, diuturno prosecutus luctu, honoris eum in Cracouiensem Ecclesia extulit funebribus. Filii autem Boleslai decessum, quod in meliorem vitam translatus, non absque Divinitatis ordinatione, cui nequit resisti, illam oppetierit mortem, facile & aequo animo laturus, de praedictio quod illi fratris Mieczslai Senis Maioris Poloniae Ducis, in occupando Masovia & Cuiavia Ducatu intulerat ambitio, animo & spiritu, nec tacitus interdum torquebatur. Quod plerique Consilarii Ducis Cazimiri, contigisse haec illi laetabantur, & quibusdam exprobrationibus in eum usi, iuste circumuentum a Mieczslao Sena discebant, ut experiretur eum hostem, quem pro suo scelere exulem pati non poterat: quasi restitutionem illius Cazimirus Dux & Monarcha levitate potius, & non commiseratione atque indulgentia fraterna, procurasse videretur.

CONRADO Moraviae Duce impetitionem Ducatus Bohemiae deserente, Venceslaus filius antiqui & frater iunioris Sobieslai, a Baronibus Bohemiae rerum novandarum cupidus, successus est in Ducatum Bohemicum. Quorum potentia fretus, Pragam aliquanto tempore obsedit, conatibus tamen suis nullus effectus (Almanis pro praesidio relictis egregie urbem tutantibus) respondit. Interim Fredericus Bohemiae Dux, collecto in Almania exercitu, in Bohemiam venit, & Venceslaum decertare non ausum (erat enim Fredericus, & germani sui Adalberti Archiepi Salczburgen, & Leopoldi Ducis Austriae vallatus auxiliis) ab obsidione Pragen repellit, obsidioneque soluta, etiam eos Barones qui a se ad Venceslaum defecerant, partim benevolentia, partim metu sibi conciliat, & civiles motus sedans, Bohemiam pacificat.

Anno Domini 1184.

*Cum Mieczslaus suos locaret in
Castris Masouiae officiales reere,
etis Lestkonis officialibus, Lestko
poenitentia ductus ad Calimiriua:
diu, et tutorem reuocat, uenia impetrata.*

Tutorem Mieczslai Maioris Poloniae Ducis Lestko nepos suus
Masouiae & Cuiaviae Dux, in quam, malo seductus con-
silio, Cazimiro Duce deserto, transmigrauerat, diuturna tem-
pore non tulit. Nec abs re, Mieczslaus enim ualitudine Lestko-
nis attenta, suspicatus illum propediem moriturum, non Curatorem
se, sed mox Principem gerere capit, & in Castris & municipiis Ma-
souiae & Cuiaviae, de stitutis antiquis Officialibus, suos Praefectos
instituit. Ex quo facile Lestko Dux, & Patronus eius Lira Comes
se & auctoritatem suam contemptum diminutumque iri perpendens, mox
deinde in uehementem poenitentiam actus, transgressionis suae facinus am-
pliora incommoda ueritus a Mieczslao suboritura, rescindere curauit,
& ad Cazimirum Cracouien' Ducem cum Lira Comite, primisque Ma-
souiae & Cuiaviae Proceribus, personaliter usque in Cracouiam se con-
ferens, reatum suum, humi prostratus sibi & suis humili supplicatione pe-
titi ignosci. Non se amplius spondens contra Maiestatem patris sui &
patris ordinationem, excessurum. Excussit ea vox Cazimiro Duci la-
chrymas: nam cum suapte clementia inclutus fuerit, calamitosorum tamen
& opem suam culpa recognita implorantium, deprecatione facile frange-
batur. Lestkone cum suis assurgere iussu, plurimum illum primum
quod se deseruisset, quod paternam ordinationem temerasset, quod
tranquillam & foelicem uitam pati nequisset, blanda obiurgatione
castigat, deinde quod in facinore & excessu suo non habitauit, sed
peregrinatus magis fuerit, commendat, ac postremo omnem ex animo
offensam, complexans & osculans nepotem, relaxat, muneratumque in
Ducalium suorum sedes remittit. Qui ex Cracouia reuersus, insti-
tutos a Mieczslao Capitaneos & Praesides, excedere iussit, suosque
instituit. Eaque ordinatione, qua sibi successurum Ducem Miecz-
slaum scripserat, reuocata, paternam ordinationem ratam esse uoluit,
illi quoque & suae uoluntatis robur, ut nemo praeter Cazimirum illi suc-
cederet, adiecit, Barones quoque & Proceres suos ordinationem suam
caste seruaturus, nouo Sacramento addixit.

657

IAROSLAO Isaslauięz Kiiouięz Duce obeunte, Swantosta-
us Czernieuięz Dux Kiiouięsem accepit Principatum. Sub idem
tempus quarta decima Iunii, Michalko Dux Wladimirięz obiit, cui fra-
ter suus Wszeuoldus in omnes Ducatus succedit. Quem Msczislauus
Roscislauięz, a Sedibus quę illi prouenerant turbaturus, cum Po-
slowczis contra illum consurgit, & victus a Wszeuoldo, in Postow
deinde in Nowogrod confugit. Ea autem victoria Wszeuoldus
erectus uadit contra Ducem in Resan, habens in comitatu suo non
propriis tantummodo gentes, sed et duos filios Swantoslai Wszeuol-
douięz Kiiouięz Ducis Olham & Wladimirum, & nepotem suum
Wladimirum Hlebouięz, Ducem Pereaslauięsem. Hleb autem
Dux Resanęz, callido usus consilio, assumptis sibi in auxilium Polow-
czis, in terram Wladimirięsem properę accessit, et illam incendiis
cædibus et spoliis adeo crudelissimę afflixit, ut Ecclesias, Monaste-
ria & ministros eius, omnibus spoliis & contumeliis afficeret. Quo
sibi Dux Wszeuoldus denunciato, festinę ex Resanis rediit, & cum
Hleb & Polowczis confligit, ipsosq; non sine utriusq; partis cæde
magna, deuincit, & Hleb Ducem Resanęz, & filium eius Romanu,
& fratrem uxoris illius Msczislauum Roscislauięz, & duos ne-
potes illius Msczislauum & Iaropelkum, & omnem illius militiam
captiuat, Polowczos ueró delet & trucidat. Processu deinde tem-
poris Hleb Ducem Resanęz, in carcere mori fecit, nepotes ueró il-
lius Msczislauum & Iaropelkum cæcauit, cæteros liberos dimisit.

*Lutius Papa corpus Scti Floriani mittit
Duci Cazimiro et Ecclesie Cracouiensi.*

Lutius Papa tertius, assiduīs supplicationibus Cazimiri Ducis
& Monarchę Polonorum, apud prædecessorem etiam suum
Alexandrum tertium, ad exauditionis gratiam admissis, uo-
lens se præstare morigerum, corpus beati Floriani eximii Martý-
ris, Duci præfato & Cracouię Ecclesię donandum decernit, cuius
donatio etiam miraculo Diuinitus ostenso, comprobata est. Summus
siquidem Pontifex Lutius, ut veterum etiam usq; in tempora nrę
deriuata fert relatio, Sacrarium, quod plura Martyrum corpora confo-
uebat ingressus, quis Sanctorum illic quiescentium, Poloniam migrare
uellet, inquisiuit. Ad quam uocem, seriõ ne an ioco, incertum est, a Summo

Pontifice prolata, ex tumba in qua corpus sacrum beati Floriani con-
ditum erat, manus protensa, Summo Pontifici vocitanti, designantis
& indicantis se, apparuit, donariq; Polonis & Ecclesie Cracouien-
huiusmodi manus protensione corpus suum signauit. Quo quidem mi-
raculo tunc sibi ostenso, Luthus Papa commonitus, minus cunctanter
corpus beati Floriani martyris, Polonis & Ecclesie Cracouien tri-
buit, & in ampliorem tam Sancti quam Polonorum honorem, ossa cor-
poris Sancti, per Agidium Mutinen Ep'm. Duci Polonorum Cazi-
miro, & Cracouien Ecclesie destinauit. Qui Cracouien Urbem
sexto Calendarum Nouembrium cum sacra onere perueniens, a
Duce Cazimiro & Gedeone Cracouien Ep'o, omnibusq; statibus
& ordinibus, obuiam illi ad septimum lapidem euntibus, summo
honore summaq; iubilatione & gratulatione, exceptus est: ouanti-
bus singulis, quod Polonis nouus suffragator & patronus, Diuina
propiciatione accessit. Et quia Ecclesia Cracouien celeberrimi
Martyris corpore & deposito fuerit illustrata et decora, funicu-
losq; sui ornamenti longe lateq; & tetendit & porrexit: in hono-
rem Martyris beati basilica illi, pulchro ac sumptuoso opere extra
muros Cracouien, a Gedeone Cracouien Ep'o, in hanc diem Diuini-
tate propicia perseverans, extructa est. Et Agidius Episcopus
Mutinensis, a Duce Cazimiro & Gedeone Ep'o, magnificis onustus
muneribus, Romam remissus, ab eoq; tempore in Sancti Floriani de-
cus & memoriam ceperunt Poloni tam militares quam ciuiles &
agrestes, filios suos in baptismo, huius nominis appellatione insigniri.

*Fundatio Ecclesie Collegiate
Sancti Floriani in Klieparz*

F Undat & Cazimirus Polonia Monarcha & Cracouien Dux
in Ecclesia prefata, in honorem noui hospitis beati Flori-
ani, nouum Prælatorum & Canonicorum atq; Vicariorum
Collegium & illud villis & decimis, a Gedeone Cracouien Ep'o
precario impetratis, dotat. Præposituram ex redditibus Ecclesie
parochialis in Rupella ordinans: omnes Canonicas horas cantari
in ea, resq; Diuinas agi instituens ~

De Conrado Morauie Duce Fredericus Bohemie Dux, eo quod

Bohemia Ducatum sibi nitebatur surripere, ultionem sumpturus, fratrem suum Przemislaum, dato sibi ex equite & pedite exercitu copioso, in Moraviam, ut illam flammis et spoliis humiliet & disperdat, transmittit. Qui ea incendiis & rapinis pervastata, Conrado secum, cum viribus inferior esset congregari, non auso, in Bohemiam rediit. Sed & Theobaldum fratrem suum Fredericus ipse de Bohemia in exilium egit, consortium suum abhorrens, & praesentiam sibi suam suspectam existimans, & status sui turbationem allaturam.

Anno Domini 1185.

*Msczislavus Haliciensis Dux a suis
veneno necatur, et Bela Rex Hungariae,
Wladimiro exule in carcerato
Andream filium suum in Rusiam mittit.
Qui Ducatum Haliciensem capit.*

Triennio vix plene exacto Msczislavus Dux Haliciensis, a G. Wladimiro Polonorum Duce & Monarcha (Wladimiro profligato & eiecto, atque in Pannonias acto) in Dominium & Principatum Russorum restitutus, suis Putenis molestus & exosus esse capit: quod & eorum non ferebat plerosque abusus & vicia. & in Polonorum milites, apud se consistentes, parum de suis confidens, largitione & gratia propensior quam in Putenos videbatur. Primores itaque Putenorum, huius praesertim qui Wladimiri exulis partes sequebantur, in eius necem conspirant. Quam cum vi aperta discrimen sui veriti efficere nequirent (quippe Msczislavus fidei corporis custodibus septus, sine periculo a carnificibus non poterat adiri) veneno clam propinato, innocentem extinguunt, Polonorumque militibus qui in obsequiis Msczislavi versabantur, eiectis, arce Haliciensi occupata, pro Wladimiro in Hungariam mittunt, ut veniret celerius, & post adversarium sublatum Principatum suum repeteret. Latus eo nuncio Wladimirus, rem ad Regem Hungariae Belam deferret, rogatque, ut qui exulem in dubiis & fractis rebus exceperat, tenuerat aluerat, eundem rebus confirmatis, ad felicioris sortis nactus, dignaretur militum, equorum, & sumptuum, ad repetendum Ducatum, releuare.

præsidiū, cūm Cazimiri Polonorum Ducis sciret sibi insidias & hosti-
litatem imminere. Qui morte Msczislai comperta, Romam Wla-
dimiriā Ducem in eius locum substituendum ad Haliciam transmi-
serat. Bela autem Hungariā Rex ad usurpandum pro se & Re-
gno Hungariā Haliciensem regionem, opportunum tempus venisse ratus.
Wladimirum exulem in vincula coniicit, filium verō suum Andre-
am cum copiis equestribus & pedestribus in Prussiam, dato mandato
ut quā celerrimē arcem Halicien occupet, transmittit. Ruteni qui
Halicien Castrum tenebant, omnium eorum quæ a Bela Hungariā
Rege gerebantur, ignari, sed & captivitatis Ducis sui expertes, An-
dream filium Hungariā Regis, velut rerum suarum suffragatorem,
magno plausu excipiunt, & in Castrum Halicien (Wladimirum
enim se præsuisse fingeant) intromittunt. Qui suarum gentium
multitudine facile paucitatem Rutenorum vincens, Halicien Castrū
occupat. Exclusisq; Rutenis, nonnullis verō qui ad nouandum res
credebantur proclives, captis, tam Castrum quā Haliciensem Du-
catum in suam redigit potestatem. Et personalem illi faciens re-
sidentiam Ducalem, in Halicien iurisdictionem exercet. Omnia ta-
men officia in Hungaros, cūm Rutenos pro ambigua fidei homini-
bus duceret, distribuit, & omnia per Hungaros administrat, a vene-
no quoq; quā maxime cauet, quo Msczislau nuper nouerat inte-
rūisse. Ruteni ubiq; se oppressos, ubiq; contemptos & perditos cer-
nentes, tacitis & clandestinis Tractatibus queruntur, & Duce suo ca-
pto Wladimiro, se etiam sub iugum missos deplorant, & scelus suum
in Msczislau admissum, altero scelere luunt ~

GEDEON Cracouien Ep̄s, vir magnæ religionis, & in suam
Ecclesiam atq; Rempub. magni zeli, vigesima Septembris, moritur,
cūm annos viginti sedisset, & in Cracouien Ecclesia sepelitur. Hic
plures decimas manipulares mensæ Ep̄alis Cracouien, duobus Mo-
nasteriis Andrzejouien & Miechouien, perpetua donatione contulit,
& singulari deuotione, & eo forsā respectu, quod utrumq; Monaste-
rium a militibus & Nobilibus familiæ Griphonum, a quibus ipse ge-
nus & originem ducebat, fundatum erat attractus. Successit aut Gedeoni
Fulko, qui in Polonico vulgari Pelka solet dici, Canonicē electus genere Po-
lonus, ex nobili stirpe & Domo, quæ Crucem geminatā sagitta imposita pro in-
signi defert, & de vulpibus appellatur, trahens originē. Confirmō tñ sua pp̄t
Lulii Papæ, qui in anno sequenti diem obiit, decessum, & propter nonnullas causas
ultra annum fuit protelata ~

KOPRZYWNICENSE MONASTERIUM in Cracouien Diace:
 si per Cazimirum Ducem & Monarcham Polonorum anno eodem fun:
 datum & dotatum est. & fratribus Cisterciensis ordinis consigna:
 tum. Ad cuius ampliorem dotem nobiles & militares de armis Bo:
 goria & Habdank, alijsq; domibus & familijs, nonnullas villas sor:
 tes, & pradia deuote contulerant. Cazimirus quoq; Dux prima:
 rius fundator, Oppidum Koprzywnicza iuxta quod Monasterium si:
 tum est, ei dem canobio contulit, cum omni iure, dominio, & propieta:
 te, concedens Oppido praefato & Monasterio ac villis eidem col:
 latis & conferendis, ab omni onere & seruitute, plenam libertatem.
 Fratres quoq; Ordinis Cisterciensis ex monasterio Morimunden sum:
 plos in Monasterio praefato locauit, fabricauitq; Ecclesiam quadro
 lapide, eamq; Sancto Floriano martyri nouo hospiti procurauit dica:
 ri. Primarius tamen post Cazimirum Ducem fuit Comes Nicolaus
 Bogoria, qui frequentiores villas praefato monasterio donauit.

IN CONTRADI Ducis Morauiae odium Fredericus Bohemiae
 Dux Morauiam altera uice uastaturus, Przemisslaum fratrem suum, cum
 amplioribus copijs transmittit, data commissione & mandato, ut Morauiae
 regionem quam latius poterit, populatione extensa, exterminet. Secus
 tamen quam rebatur successit, Conradus enim Morauiae Dux, & suo:
 rum & Almanorum fretus potentia, Przemisslaum & Bohemico exerci:
 tui, in loco qui Ludomicz appellatur, occurrens, pugnam conserit. In
 qua utraq; parte pro victoria admittente, infestis armis longa tempo:
 re pugnatum est, strage quoq; maxima utrinq; acta, cum de Bohemis
 & Morauis primi Proceres cassi essent, incerto Marte cruento ta:
 men discessum est.

Anno Domini 1186.

Leszko Masouiae Dux moritur.

Cruciatu & exhaustus Leszko Masouiae & Cuiaviae Dux
 filius Boleslai Crispi, diuturno morbo & languore (neq; enim die:
 bus aut Mensibus, sed annis aliquot aegritudo sua tendebatur)

cū se propediem absumi prospiceret, per uicacibus nunciis missis, Cazimirū Ducem & Monarcham Poloniae, patrum suum germanum ad se uidendū visitandumq; inuitat. Quo in Ploczkam ubi Lesko decumbebat adueniente, utriusq; Ducatus, uocatis Proceribus, eos Duci Cazimiro commendat, Castra quoq; & munitiones sibi resignat. Ac non multo post sacramentis omnibus, ut Duci Catholico conueniens erat, perfunctus animam exhalat. Cuius corpus Cazimirus Dux in Choro Plocensis Ecclesiae sepeliens, diebus aliquot funeris celebritatem sacrificiis & elemosinis prosequebatur. Et quoniam Lesko Dux praefatus nullam ex se prolem reliquerat, & Cazimirus Dux & Monarcha Polonorum, tam patris Boleslai Crispi, quam Leskonis Testamento haeres scriptus erat, morte Leskonis secuta Masouiae & Cuiaviae Ducatus possidere capit. Mieczslaus autem Maioris Poloniae Dux, & si exinde se iniuriatum laesumq; iri quereretur, cū & ex iure sanguinis & iure Testamenti, dimidia Ducatum praedictorum portio, ex morte nepotis germani ad illum iuxta atq; Cazimirum recidisset: potentiam tamen Cazimiri & Baronū atq; militarium in se odium, secum reputans, sola querelarum ingeminatōne iniuriam suam prosequens, ab armis quibus se inferiorem non ignorabat, abstinebat. Unde ex tunc & usq; adhuc nostra tempora, quemadmodum propicia Diuinitate in subsequētib; monstrabimus, cū ex aliis Principatibus & regionibus Polonorum, filii & nepotes Cazimiri praedicti, varia rerum mutatione defectioneq; defluxissent, in Masouiae tamen Ducatu Cazimirus, per succedentes linea regulari nepotes, etiam in hanc diem retinent Principatum ~

DE CIMO octauo Calend' Februarii Arnoldus primus Posnamien' Epus, cū annos nouem in Pontificatu exegisset, a Dissenteria vexatus moritur & in Posnamien' Eccl'a sepelitur. Cui Mrokotha Custos Posnamien' per Canonice electione succedit, ab Archiepo Gnesn' Zdzislaw confirmatus & consecratus, Mieczslai maioris Poloniae Ducis accedente favore & consensu ~

FREDERICVS Bohemiae, & Conradus Morauiae Duces, per communes Barones & Arbitros, Conuentu in Kunicz habito pacificati sunt, & uterq; Principatus a Civili clade solutus. Facta est autem eo anno in Sole Ecclypsis notabilis, quam magna hominum pestis atq; mortalitas morbo Epidimiae multos mortalium absorbens, fuit subsecuta, quae & in Polonorum & tenorumq; regionibus sauebat ~

LVTIVS Papa tertius, cū annis quatuor, mensibus duobus, diebus
viginti quatuor sedisset, moritur Veronæ, & illic sepelitur. In cuius se-
pulchro tale Epitaphium, quo ortus, processus, & exitus suus designan-
tur inscriptum est.

LVca dedit lucem, tibi Luci Pontificatum
Ostia, Papatum Roma, Verona mori.

Adversæ deinde sententiæ ponuntur Metra, & quasi quoddam primo-
rum Apologeticon.

Imò Verona verum dedit tibi vivere,
Roma exilium, curas Ostia, Luca mori.

Fuit autem præfatus Luthus Papa, Frederico Imperatore agente & coope-
rante Roma pulsus. Quo in Veronam diuertente, multi de suis Offi-
cialibus & familiaribus à Romanis capti, cæcantur, & mitrati super
asinos quersis vultibus ligantur. LVcio autem Urbanus tertius ex
patre Ioanne, natione Lombardus, Episcopus Mediolanen' Veronæ ele-
ctus succedit. Qui nonnullas similitates & odia cum Imperatore Fre-
derico gessit. Is antè Papatum Humbertus nominabatur.

Anno Domini 1187.

Wladimirus corruptis custodibus
ex Hungaria fugiens, dum Castrum
Halicien' capere tentaret, in Poloniam
facta incurfione prædā abegit quā
sequens exercitus Calimiri recuperat.

C Arcerales molestias Wladimirus Haliciensis Dux, apud Belam
Hungariæ Regem (in quas illum, iure hospitii violato, quo tu-
tior filio suo Andrea occupatio Ducatus Haliciensis proueni-
ret, coniecerat) biennio propè exacto, perpeffus, cū solutionem suam
difficiliter prouenturam metiretur, animum ad ingenia vertit, custodesq;
suos altis promissionibus inescatos, corrumpit, & vincula carceres quē

evadens, his ipsis custodibus qui licentiam evadendi præstiterant, fugæ comitibus, & gressus suos dirigentibus, ad Russiam pervenit, Cæsaremque & Ducatum suum Haliciensem tentans irrumpere, ab Hungaris, quorum in Castro Halicz validum præsidium cum filio Regis Hungariæ Andrea erat, repulsus, incertis itineribus non habens sedem in qua consisteret, per Ruthenorum regiones, velut vagus & profugus, rotabatur. Collecta ad eum erat, rapto vivere assuetorum, aut ære alieno, et pro scelere damnatorum, manus, cum qua & Ruthenorum circum vicinas regiones, prædas agens infestabat, sed nec Polonorum regio ab eius tyrannide tutior fuit. Circa festum siquidem Assumptionis Dñæ nostræ, in Poloniam, frugum collectione & messe occupatam, irrumpens, omnem circa Przemisliam consistentem oram, sub ditione Polonorum tunc constitutam, inuadit, & singulis hostilem vim inferens, templa, oppida, vicos, villas spoliat, aut exurit. Matronas ingenuas, & nobilium sponsas, & natas, agrestiumque aliquantam multitudinem captivat, & versus Riuon prædam huiusmodi, celeriter transportat, eaque venundata, in foelicem suam & suorum sustentat & explet famem. Non tulit Cazimirus Polonorum Dux & Monarcha suorum captiuitatem & cladem, sed dato Nicolao Palatino Cracouiensi exercitu, Vladimirus ex Riuoniensi ora, nusquam consistere aut congregi ausum, propellit, suosque captivos partim armis, partim precio soluit, & in libertatem restituit. Non quieuit tamen Vladimiri Haliciensis Ducis rabies, sed in sylvas Alpesque inuasit, cum suis se transferens, illis pro præsidio utebatur, rugientemque suam & suorum esuriem, vicinarum regionum spoliis sustinebat.

*Origo gentis Tartaricæ et quomodo
in gentem maximam creuerit*

Tartarorum genus et natio, ex Armenis, quibus tam in vultus similitudine, quam linguæ identitate communicat, ortum ducens, priscis quidem temporibus orbi ignota, erupit. Quæ cum propè Ciuitatem Coroczoram ad plagam Aquilonarem in campestribus absque vicis & urbibus habitasset, Regi Bucham, qui Ioannes presbyter appellabatur, tributum soluens, in gentem maximam se videns creuisse, proprium Regem de sua stirpe Tinchis nomine, virum magnæ industriæ sibi creat, cuius ductu vicinas regiones inuadens sibi subiicit.

In eamq̃ virtutem, conuenientibus undiq̃ qui in variis regionibus ser-
uebant ad famam noui Regis Tartaris, creuit, ut ipsius Regis quon-
dam sui Ioannis Presbyteri filiam, missis nunciis, nouo Regi deposceret
in uxorem. Qui illorum petitionem perosus, dum illos ad solitum tribu-
tum cogere statuisset, indicto bello congressus, ab eis victus & occi-
sus est. Ab illo quoq̃ tempore in validissimum robur natio Tartaro-
rum caput protendi ~

Anno Domini 1188.

*Wladimirus Supplex a Cazimiro obten-
ta venia, eius exercitu, depulso ex Halicz
Hungaris ad Ducatum suum restituitur.*

N Vsquam terrarum Wladimirus Dux Halicien', propter recens
& iniquum facinus, quo in Cazimirum Ducem & Monarcha
regionemq̃ Polonorum deliquerat, tutò consistere ausus (ut
potè quem Cazimirus etiam per auia loca, & quibus se abdiderat lustra,
ad necem & captiuitatem ordinabat inquiri, sceleris commissi pœnam
debitam pensurum.) Veritus ne in periculum ad quod quærebatur, re-
cideret, per crebros nuncios Cazimirum Ducem, humillimis precibus
& tandem data veniendi securitate, per se ipsum prostratus humi, in-
terpellat, ut facinori atq̃ erroris suo, veniam tribuat, & clementia
sua gratiam illi impendat, fidum & obsequiosum seruitorem atq̃ ami-
cum, ut qui priorem transgressionem, geminata fidei puritate resarciat,
habiturus. Ea humilitate & prece Cazimirus expugnatus, Wladi-
mirum infestum hostem in amicum suscepit, & suæ grandi in Poloniam
atq̃ in se præuariationi, facile ignoscit. Et cum satis superq̃ fue-
rit culpam remittere, adycit tamen clementia magnam beneficii exhi-
bitionem, frequenti enim congesto comparatoq̃ exercitu, & in fidem
atq̃ potestatem Nicolai Palatini Cracouien' commisso, in Russiam illum
destinat, exulem Wladimirum & prædonem hostemq̃ suum, ad Ducatū
Halicien' restitutus. In ludibrium ea expeditio apud exteras na-
tiones vertebatur, quæ impossibile censebant Pannoniorum Regem Be-
lam, & filium eius Andream, ea tempestate armis viribusq̃, & om-
nium rerum abundantia potentem, ex Halicien' Ducatus possessione,

à Polonis posse depelli. Sed & Barones Poloniae eam expeditionem mo-
lestè ferebant, militesq; aegrè in militiam ibant, dolentes vicinum &
amicum Regem, indigna hostilitate percelli, & hostem inuisum ami-
co, non solùm iuxta poni, sed etiam præferri. Nicolaus itaq; Pala-
tinus Cracouien' cum Polonorum exercitu, Wladimiro etiam exule secū
præsentē, ad Halicz perueniens, Castrum Halicz in quo Andreas fi-
lius Hungariae Regis se cum Hungaris concluderat, obsidione valla-
uit. Et coactis agrestibus Castella in circuitu munitionesq; ædifi-
cat, & corona Castrum angustat, magna cura providens, ne quid ad
obseßos (nouerat enim Castrum exiguo victualibus prouisum esse)
posset inferri. Reficiebat Hungaros magna spes Bela Regis, quem
cum magnis copiis venturum, & obsidionem propediem soluturum, cū
ad id per aliquot nuncios, sollicitatus fuerit, non ambigebant. Verū
cū obseßos primū fames macerasset, tandem desperatio, tardè sibi
lati à Bela Rege subsidii, animos incoßit, propter quod missis ad Ni-
colaum Palatinum Cracouien' Principem Militiæ Caduceatoribus, de
Castro dedendo pacem componunt; pacti ut incolumibus omnibus in
personis & rebus liceret excedere. In constituto quoq; die Castrum red-
dito, in Hungariam (datis à Nicolao Palatino, ne quid hostile eos pa-
ti contingeret, ductoribus qui ad metas prosequerentur) abeunt. Ni-
colaus Palatinus, foeliciter sua expeditione perfunctus, Castrum Ha-
licien' Duci Wladimiro, ita enim à Cazimiro Monarcha Polonorum &
iussus & doctus erat, restituit, iureiurando obstrictum, ut tam ipse
quā successores sui Ducibus Poloniae subiecti & synceri sint, & in eo-
rum subiectione atq; obedientia, perpetuū, quicunq; casus illos excepe-
rint, perseuerent. Maximam hæc expeditio, Hungarorumq; ex Halicz
depulsio, Cazimiro apud Ruthenorum nationes peperit laudem, & pau-
rem sui Principatus in omnes diffudit, efferentibus eum singulis, qui Re-
gi Hungariae Bela contrarius euasit, qui hospitem et amicum cepit,
de Ducatuq; suo eiecerit: quem Cazimirus quamuis infestum hostem,
clementia sua erexit, atq; in Ducatum suum, fatigatis occupatori-
bus, restituerit ~

Hierusalem a Saladino capta.

Saladinus cognita Christianorum Regum et Principum, qui ad
subueniendum terra Sanctæ transfretarunt, discessione, &
eorum qui remanserant discordia, fortissimo congregato exercitu

Hierusalem obsedit. Et quarto decimo obsidionis die, Idibus Octobris, per deditiōem (non enim se amplius Cives, per machinas muris deiectis sustinere poterant) capit. Vxores autem et filie Hierosolymitanorum militum Christianorum, qui in bello fuerant capti, ad præsentiā Saladini admissæ, ceciderunt lugubrem ciuitatum. Inquisita causa, respondent se viros amisisse, sibiq; possessiones sublatas, petebantq; sibi misericorditer subueniri, ille pietate motus, eos qui superessent, captiuos reddi, puellisq; pecuniam ex thesauro largiri iussit. Hanc Urbem autem inclytam post Gothfridum, Christiani Reges, per octo et octoginta annos nobilitata gloria tenuerant ~

VRBANVS Papa tertius, consternatus super Ciuitatis Sanctæ Hierusalem captiōe, magna tristitia et dolore languoreq; corripitur, missisq; nunciis ad Fredericum Imperatorem, qui illum pro recuperatiōe terræ Sanctæ, celerem agere expeditiōem monerent, paucis post diebus, cum annum unum, mensibus decem, diebus quindecim sedisset, nimio consternatus dolore, moritur. Et in Feraria sepelitur. Cui Gregorius VIII. natione Beneuentanus, qui et Albertus, Urbani Papæ Cellarius, a Collegio Cardinalium concorditer electus succedit. Qui cum mensem unum, et dies viginti tantummodo sedisset, composita inter Ianuenses et Pisanos pace, ut recuperatiōi terræ Sanctæ potentius viribus fortius viribus intenderent, Pisis moritur et sepelitur. Cui Clemens tertius natione Romanus ex patre Ioanne, succedit ~

Anno Domini 1189.

Bela Rex Hungariæ dolens filii ex Halicz expulsionem excursions in Polonia, et viceversa Cazimirus in Hungariā facit ~

Expulsionem filii sui Andreæ Bella Hungariæ Rex, ex Castro et Ducatu Halicien molestē ferens, omnem culpam tam acerbæ fœdæq; suæ iniuriæ, in Cazimirum Polonorum Monarcham retorquet, et multifariis querelis dolorem suum ingeminat: Abscens se ab amico suo non diffidato Cazimiro Polonorum Duce vehementer iniuria violatum, et ex possessione Castri et Ducatus Haliciens præter ius fasq; et contra fœdus, quod Hungariæ et Poloniæ Regna

vetusto tempore obseruabant, detractum. Nec querelis solum, sed
& armis iniuriam ipsam, pro viribus ulciscendum censet. & exercitum
gentium suarum, ad fines Poloniae transmittens, eam vastatione et spoliis
petturbat, praesidiumq; militum in Castris cometaneis, pro laceßendo Po-
lonia Regno locat. Sed nec Cazimirus segnius id bellum, a Bela Hun-
gariae Rege motum, repellit, nam & per se & per Praefectos Capita-
neosq; in Hungariam ingressus, eam vicissitudinario more, per flammam
et spolia subiicit vastitati, & praedas magnas ex illa in Poloniam depel-
lit. Ad prohibendum quoq; Hungarorum subitas inuisiones & insul-
tus, praesidia militum in locis crebris ponit, lento tamen gradu & animo
remisso id bellum inter Hungaros & Polonos gerebatur, vitabaturq; di-
micatio. Sed soli mercatores & agrestes eo praemebantur, aegreque Polo-
norum milites hanc militiam & erus munera obibant, seruebantq; quere-
las & murmura, non legitimum bellum Ducem suum Cazimirum, cum
Regno vicino & amico, pro hoste & transfuga nulli partium fido
suscepisse ~

*Clerus Poloniae ad terram Sanctam
defensionem tributa pendit ~*

Polonicam Ecclesiam Clemens Papa tertius, in membris & in ca-
pite reformaturus, & pro impensis ad defendendam terram San-
ctam, cuius recuperationem magno ardore zelabat, subsidium
a Clero Poloniae percepturus, Ioannem Cardinalem Malabranka cogno-
mine in Poloniam transmittit. Qui Cracouiam primum perueniens, a
Cazimiro Duce & Fulcone Episcopo omnibusq; ordinibus, honore pro-
cessionis exceptus, Synodum omnibus Provinciae Gnesnen Episcopis, in
Ciuitate Cracouien indixit, et aliquas Constitutiones ad reforman-
dum Clerum promulgauit, & tam Episcopis quam uniuerso Clero pro recu-
peratione terrae Sanctae, decimam imposuit. Hunc Cazimirus Polonorum
Dux & Monarcha comiter pertractans, magnificis illum et se dignis ho-
norauit muneribus ~

*Fredericus Imperator, et eius item fi-
lius Fredericus in expeditione pro re-
cuperanda terra Sancta suscepta inte-
rierunt, hic peste, ille aquis suffocatur ~*

Fredericus Romanorum Imperator, a tribus Summis Pontifici-
bus sollicitatus congregata insigni & potenti militia, & innu-
merabili nobilium & vulgariū turba gubernatione Imperii Hen-
rico filio commissa) per Pannoniam, Bulgariam, & Græciam tam na-
uali quàm terrestri itinere, versus terram Sanctam, in eius recupera-
tionem processit. Cūq; mari stricto apud Sancti Georgii brachium
superato, in Armeniam (filio Imperatoris Frederico Duce Suevia in
fronte exercitum precedente) peruenissent, & maxima spes recupera-
tionis omnes mulceret, Dominico die Fredericus Imperator sudores lo-
turus, in flumen quod ab incolis Fretum vocatur, lenues undas ha-
bens, prohibentibus eum multis descendit, & subito siue undarum ra-
pacitate, siue quod magis vero proximum est, nervis frigescentibus,
militibus qui secum unā in flumen descenderant, nequicquam suffra-
gantibus, suffocatus est. Cuius corpus reperiunt a filio suo Frede-
rico, in Tyrum delatum illuc iusto honore sepultum est. Vir largus, stre-
nuus, facundus, & in decidendis quæstionibus iustitiæ zelator sever-
rimus. Christianorum autem et Cruce signatorum exercitus, in Im-
peratoris Frederici locum, filium eius Fredericum, virum raræ stre-
nitatis substituit, & eo Duce primum Antiochiam, ubi octo hebdo-
madis immoratum est, deinde Tripolim, Sur, & Alkoron processit, &
hostes occurrentes victoriosè profligavit. Verū peste in exercitu
grassante, dum plures vulgares & nobiles absumpsisset, Fredericus
etiam ipse Imperatoris filius, unica exercitus Catholici spes et solati-
um decedit, ex cuius & aliorum Principum, Militum, & peregrinorū
morte, tam sumptuosa & insignis expeditio, & subsequenter terræ San-
ctæ recuperatio recidit in irritum. Mortuus est autem Fredericus
Imperator, anno imperii trigesimo tertio, Regni uerò trigesimo octavo
cui filius eius Henricus, concorditer ab omnibus electoribus electus
succedit, Aquisgrani per Colonien Archiepū quinta decima Aprilis
coronatus ~

FREDERICVS Bohemiae Dux eo etiam anno diem in Praga obiit,
& universorum Bohemorum favore Conradus Moravia Dux
accepit Principatum. Ita sub uno anno & penè eodem tempore
tres Fredericos morte immatura vides decessisse, & fatalem illis an-
num ipsum fuisse ~

Anno Domini 1190.

*Pacis inter Polonos et Hunga-
ros compositio comuni partium
consultatione frustra tentata.*

Dissidium inter Hungariae & Poloniae Regna, ex Haliciensis Ducis Vladimiri, per Cazimirum Polonorum Ducem restitutum, one exortum, communes Barones & Consilarii extincturi, antequam amplius irrualesceret, in metis Regnorum conveniunt, pluresque inter se disserunt tractatus, unaquaque partium causam suam iustiorum affirmante. Et Hungari quidem se & Regem suum Belam de Haliciensis Ducatus possessione, armis quasita querebantur depulsos, Poloni ex adverso Haliciensem et ceteras Russorum regiones, ad se pertinuisse, tributisque & obsequiis suis subiucuisse refellebant. Concerat utroque studiis partium in dies aliquot tendebatur, pacisque reformatio difficilis visa est, quapropter ad rescindendum ulterius dissidium processum, treuga per triennium ab utraque parte accepta & firmata est. Ea conditione interposita, ut treuga pendente novi ineantur de pace instauranda tractatus & communes Consilarii in eundem rursus locum, odiis abrogatis pacem stabilem composituri conveniant.

MEINHARDO primo Episcopo Livoniae ad flumen Dvinae ubi nunc Castra Iokol & Dolej situata sunt, verbum Dei praedicante, gentes Livoniae fidem Christi suscipere ceperunt.

VNELPHUS Vladislaviensis Episcopus, cum annis decem & paulo amplius Vladislaviensem Ecclesiam rexisset moritur, & in veteri Ecclesia Vladislaviensi sepelitur. Cui Stephanus natione Almania Praepositus Vladislaviensis per electionem Canonicam succedit, a Coelestino Papa tertio Romae Cazimiro Duce & Monarcha Poloniae consentiente, confirmatus, & ibidem iussu Papae consecratus.

671

Anno Domini 1191.

Egre ferentes Poloni Wladimirum
in Halicz reimpolitum degente Cal-
mito in Russia Monarchiam restitui-
unt Mieczslao. Qui prater Castrum
Cracouiē omnia occupat. Quo audito Ca-
simirus Dux, accurrens omnia recuperat,
et filium Mieczslai captum, datis mune-
ribus liberat. Unde constat Casimirum
Principem fuisse fidum & usque
ad mortem fratris sui amantissimum.

Haliciensis Ducis Wladimiri, qui Poloniae fines hostili ve-
xatione intraserat, per Casimirum Principem & Monarcham
Poloniae, in Principatum Haliciensem restitutio, ante bienni-
um ut in superioribus explicauimus facta, nemini Baronum Poloniae sa-
tis placebat, clandestinisque tractatibus, & colloquiis restitutionem ip-
sam, frequenti sugillationum usurpatione carpebant. Virum morte di-
gnum, non solum punitione nulla castigatum, sed etiam honore & digni-
tate auctum, rem perniciosi exempli fore, & ad capita sua tandem re-
clundaturam, ea enim vastatione & impunitate, ceteros Russiae Du-
ces in Poloniae incursionem accendi, & suam vastationem tam cu-
mulato favore promoueri. Omnium itaque Baronum Poloniae, quorum
septuaginta principales erant, re huiusmodi alienatis accensisque ani-
mis, seditio contra Casimirum Ducem gliscere, & tandem in rebellio-
nem apertam spectare capit, Principatumque Casimiri, ob praefatum ne-
fas perosi, Mieczslauum Senem Maioris Poloniae Ducem, alias a se ex-
clusum in Cracouiensem Ducatum & Monarchiam, qui & ipse restitui-
tionem suam, omnibus ingeniis sollicitabat, restituendum decreuerunt,
tempusque componunt. Exceserat in id tempus Casimirus Dux in
Russiae partes, quaedam negotia inter Romanum Wladimirum, &
Wszekoldum Belzensem, Duces (de finibus enim suorum Ducatum
contenderant) compositurus. Id optimum tempus Cracouiē Barones
ad exequendum destinati rati, Mieczslauum Senem nunciis & literis
accerunt, ut insuper nobilium & Ciuium atque vulgariū animos

in restitutionem Miecislai Senis facilius inclinent, fingunt Cazimiri-
rum Ducem in Russorum partibus veneno propinatum interfuisse. Sub
hac itaqz spe Miecislus senex, cum filiis, Baronibus, & militibus
maioris Poloniae Cracoviam perveniens, ab omnibus ordinibus, uniuersisqz
Baronibus, nobilibus, & Civibus, debito honore & favore exce-
ptus est, et tam Civitas Cracoviensis, quam omnia Castra & Municipia
in circuitu, eius traduntur ditioni. Unus solus Fulco Cracoviensis
Episcopus, cum Nicolao Palatino Cracoviensis germano suo de armis vul-
pium, & consiliis & rebellionem militum alienus, et restitutioni Miec-
islai adversus, etiam ne Arx Cracoviensis in potestatem Miecislai ve-
niret, providebat. Novam itaqz arcem Miecislus senex ex li-
gnis blancatis extruxit, & fortissimis reboribus brevi spacio communit,
Castellum etiam in Bochnia aedificat, & aliquantum in Cracovia per-
severat. Cazimirus autem Poloniae Dux & Monarcha, novitatis
huiusmodi intellectis, illico Cracoviam cum Polonorum paucis, & cum
Romano Vladimiriensi, Wszewoldoqz Belzensi Ducibus, & Nico-
lao Cracoviensi Palatino advenit. Cuius adventu Miecislus se-
nex audito, Posnamiam refugit, Boleslaum tamen filium & Henri-
cum Kietlicz militem, qui illi recuperationem Monarchiae ingerere
crebris sermonibus solitus erat, in Cracoviensi Castro, quod nuper
erexerat, reliquit, in caeteris etiam Castris & municipiis, militum for-
te & frequens praesidium collocavit: resistentiam Cazimiro, donec
ipse cum novo militum supplemento, praesidium ferret, opposituros. Ve-
rum Cazimirus Dux pro accepta a Miecislao fratre iniuria, fremens
& frendens, dum Cracoviam advenisset, Castellum a Miecislao ere-
ctum, concurrente ad eum tam militum quam agrestium multitudine,
& de suo redditu atqz bona valetudine gratulante, nocte & inter-
diu oppugnat, & fatigatis defensoribus, nonnullisqz peremptis, tan-
dem conquirit. Boleslaus enim filius Miecislai Senis, parum spei
in defensione patris reponens, & se ipsum, & Castellum quod tuebatur,
in potestatem & gratiam Cazimiri patrui sui tradit. Sed caete-
ra etiam Castra & munitiones, quae in ditionem Miecislai Senis
conceperant, illico ditioni Cazimiri reddita sunt. Et Cazimirus
quidem Dux ea victoria modestissime usus, Castellum novum incen-
dit et funditus exterminat, Boleslaum vero nepotem suum, & om-
nes militares Miecislai Senis illic captos ad libertatem restituit,
& benigne habitos, amplissime insuper muneratos, in propria remittit.
Solutus Henricus Kietlicz, cuius consilio constabat Miecislum Senem

regi & ad recuperandum Monarchiam impelli, & qui omnis dissensio-
nis civilis inter fratres fuerat occasio, ad Ecclesiam maiorem, & in e-
ius criptam, sceleris sui conscius, ibi se latere posse existimans, confuge-
rat, ibiqz latitabat. Cumqz irrumpentibus Rutenis super muros Eccle-
sia, animo et intentione res et Clonodia Ecclesia, omnemqz suppellectilem
diripiendi tumultus fieret, clamores a Sacerdotibus & ministris Eccle-
sia & Polonorum gentibus attolluntur, ad Cazimirum Ducem & eius pa-
trocinium, ut Ecclesiam Cracouiensem a Rutenorum inuasionem & expila-
tione defendat, certatim implorantur. Qui accedens insultum Rutenorum
compescuit, & res Ecclesia ne ab eis diriperentur, animose defendit. In-
terea Henricus Rietlicz ex cripta tumultu audito egressus, cateris vulgi
tanquam ignotus permixtus, de Castro mitebatur & sperabatur effugere,
quod cum facere nequisset, captus ad Cazimirum Ducem deducitur.
Quem Dux probris confusum, & alapis casum, Duci Romano in captivi-
tatem tradit, & ne amplius inter fratres seminarium futuri dissidii es-
set, ipsum in exilium in Russiam relegat, ubi consenescent moritur. Ro-
manum autem Wladimirum, & Wszeuoldum Belzensem, Duces, cum Ru-
tenorum copiis qui sibi tulerant auxilia, in Russiam remittit. Ut autem
tam clemens tamqz liberalis in Boleslaum nepotem ceterosqz deuictos
Cazimirus esset, auctor fuit Ladislaus Gnesnen Archiepus, vir praeter
insitam facundiam, rara & singularis industriae. Qui Cazimirum Du-
cem, ut in Boleslaum nepotem & singulos Mieczslai milites, non tam
clemens quam munificus esset (docens si socus ageret, bellum atrox
iterum inter se & fratrem Mieczslaum resurrecturum, si modeste
se se gereret penitus cessaturum) facile peruenit. Nec Pontificem Gne-
snem fefellit opinio, Mieczslaus enim Senex maioris Poloniae Dux, tanta
Cazimiri Ducis fratris clementia et liberalitate magis quam armis expu-
gnatus, omnium iniuriarum, quas a Cazimiro pertulerat obliterata me-
moriam, in puram & integram, mediatoris optimi praefato Ladislao Gne-
snen Archiepo vices agente, concordiam et reconciliationem reduit, ac
ipsum decetero mira charitate & veneratione coluit, nec eo superstite
ad mouendum bellum pro recuperanda Monarchia poterat induci.

CLEMENS Papa tertius, cum annos tres, dies sedecim sedisset Ro-
mae moritur, & in Laterano sepelitur, cui Coelestinus tertius, natione
Romanus ex patre Petro Bubonis succedit. Qui in festo Paschae conse-
cratus, secundo die Pontificatus sui Henricum filium Frederici Imperatoris

in Imperatorem Romæ coronat, cum autem Imperiali benedictione accepta in Siciliam distracta & occupata recuperaturus Henricus Imperator transiisset, & Neapolim obsidione trimestri spacio coartaret, ex Epidimia quæ exercitum suum vexaverat Conradus Bohemæ Dux moritur, & Pragam sepeliendus refertur. Post cuius obitum Venceslaus filius Sobieslai senioris, accepit Ducatum. Quem cum mensibus tribus tenuisset, à Przemislao filio olim Wladislai Regis patruo germano de sede Ducali pulsus, in confinibus Serbiæ, à Marchione Serbiæ Adalberto captus, & in vincula coniectus est. Przemislaus verò, quia & ipse à militibus Bohemæ spretus & expulsus fuerat, magnam partem Bohemæ spoliis & incendiis vastavit. Imperator autem Henricus notabilibus Proceribus & militibus à morbo epidimiæ spoliatus, cum & ipsum languor peruasisset, discedere ex Sicilia cum paucis in Almanniam coactus est, Constantia filia Regis Sicilia in consortem desponsata ~

Eclýpsis Solis anno eodem non Calend' Iunii accidens, à tertiis usq; in nonas duravit ~

Anno Domini 1197.

Cazimirus necem Henrici fratris ultimus in Prussia vadit omniaq; terro et igne vastat, Pruthenosq; ad tributa retenta solvenda, et obliides dandos compellit ~

PLenam & synceram Cazimirus Poloniae Dux & Monarcha, cum fratre suo Mieczslao Senex maioris Poloniae Duce, reconciliatorem, omnium deinde terrarum suarum & Principatuum statum pacificum consecutus, ad ulciscendum fratris germani Henrici primi Sandomiriensis Ducis, & exercitus Polonici, fraude à Prutenis locorum iniquitate circumventi, mortem, animum intendit, & contra Prutenos, quibus ad id usq; temporis spacium impunita fuerat eorum prava temeritas, omnibus copiis bellum gesturus, terris & Principatibus Poloniarum omnibus expeditionem indicit. Mieczslaus Senex Posnaniensis Dux filium Boleslaum cum exercitibus in eam expeditionem transmittens domo remanserat, Boleslaus verò altus Wratislaviensis Dux, & Mieczslaus

675

Princeps Ratiboriensis, nepotes Cazimiri & filii olim Wladislai, personaliter proficiscuntur. Cum autem singulae copiae ad Oppidum Thorun supra Vislam situm conuenissent, aciebus ordinatis in Prussiam, cauteloso & explorato gradu itum est, ne quis dolus a Prutenis inyceretur, flumine quoque Ossa superato, usque ad interiora penetratum, summa quoque cura summa diligentia, & statim eligebantur loca, & ne in pabulatores eruptiones a Prutenis fierent, ne quis insuper locus sua iniquitate, detrimento Polonis foret, Cazimirus Dux tam per se quam per Praefectos providebat. Pruteni cum Polonorum copiis congregari non ausi, tam in paludes quam in concretas nemorum densitates inuicem loca, quae sine periculo non poterant adiri, confugerant, Polonos tamen locorum iniquitate frequenter interciperere tentabant. Quos cum Cazimirus Dux Polonorum ad pugnam elicere non posset, & vastationem agrorum, et incendia vicorum, longe lateque iussit extendi, & tam puberes quam impuberes necari. Ingens itaque trucidatio, ut suorum interfectorum manibus parentaretur, non tam propter Ducis imperium, quam ob iustam iram, adita barbaros pacem petere coegit. Venerunt siquidem Prutenorum Maiores, & ad pedes Cazimiri in terram pro lapsi, misericordiam precabantur, rogantes ut ferro parci mandaret, & miserandas eorum delere non pergeret reliquias, satis se paenarum pro temeritate eorum intulisse, offerentes se et solita et retenta tributa pendere. Quorum precibus Cazimirus motus, & eadem & exustionem iubet rescindi, retentaque tributa coram afferri, & obsides centum dari, captiuosque & signa intercepta reddi. Nec morantur barbari, sed omnia impetrata perficiunt, & mandatis obediunt, Cazimirumque Ducem singularibus donis placabilem sibi effecturi, honorant. Ita Cazimirus clade suorum ulta, obsidibus quoque & tributis Prutenorum receptis, amplissima laude militibus eum efferentibus, quod providere & prospere Prutenicum bellum gesserit, cum magna suorum alacritate in Poloniam finibus Regni recuperatis remeavit.

SALADINVS Babyloniae Rex, post occupatam permissione Diuina, & pro scelere humano, terram Sanctam, & post multifariam Christianorum stragem, dum apud Damascum decumbens, mortem sibi sensisset imminere, vocauit Sigmiferum suum, dicens. Tu qui solebas ferre vexilla mea in bellorum quae gessi congressibus, fer vexillum mortis meae, panniculum vultu vilem super lanceam, clamitando per totum Damascum. Ecce Saladinus Rex Orientis moriturus non fert secum ex omni gloria sua nisi hunc panniculum vilem. & sic mortuus est.

Anno Domini 1193.

Concordantur perpetuo Poloni cum Hun-
garis, et Rex Bela cum Casimiro Duce Po-
lonorum concemunt pacemq; confirmant.

Asligata & ad seruitutem tributariamq; conditionem Prutenica
regione per Cazimirum Ducem & Monarcham Polonorum redacta,
ad res Hungaricas componendas, bellumq; quod treuga suspensum
erat extinguendum, opera utrinq; nauata est, & Conuentio primū in
Regnorum metis, per Consiliarios communes, quemadmodum triennio ante
inter eos conuenerat, celebra est. Ad quam cum pro parte Regni Polo-
niae Fulco Episcopus, Nicolaus Palatinus Cracouien., & ceteri Polono-
rum Consiliarii, pro parte vero Hungariae Regni, Strigoniensis & Agri-
ensis Pontifices, cum Palatino Hungariae, & nonnullis aliis Baronibus
conuēssēt, multiplici tractatu irritatos animos pacificant sanciuntq;
ut Bela Hungariae Rex suo amplissimo Regno contentus, regiones Ru-
tenorum ad Poloniae Regnum spectare permittat. Conueniunt deinde
personaliter Bela Rex Hungariae, & Cazimirus Polonorum Dux &
Monarcha, in Antiqua villa, & omnibus iniuriis atq; offensis hinc inde
remissis, fœdus dudum inter Hungariae & Poloniae Regna stabilitum, iu-
ra iurando innouant, & amicitias communes sincere & integrè coli, &
tam prosperos quàm aduersos successus vicissitudinaria relatione, parti-
cipare debere decernunt, & eo fœdere icto, muneribusq; inuicem datis
discedunt.

PRAGENSIS Episcopus Henricus, Ducalem & ipse ducens stirpem,
ut cognati sui, Przemislaus in Bohemia, Wladislaus in Morauia Prin-
cipatum gererent apud Henricum Imperatorem, non precibus solū & gra-
tia, sed & largitione atq; promissione obtinuerat, seq; pro pecunia pro-
missa vadem posuerat. Quæ cum in tempore constituto non redderetur,
& Imperator cum ob id, tum quia Przemislaus Bohemiae Dux cum hosti-
bus suis Principibus Saxoniae foedus contra illum inierat offensus esset,
Henricum Pragen Epum, tunc apud se præsentem, de Ducatu Bohe-
miae inuestit, & in Bohemiam ad principandum remittit. Verū etsi
Bohemiae Barones se constanter Przemislao Duci contra Henricum
Episcopum Pragensem adhæsuros adstrinxissent, Henrico tamen

677

Pragensi Epō ad Bohemiam cum Almanis & nonnullis Bohemis intran-
te, omnes Przemislao deserto ad Henricum Epum Pragensem defici-
unt. Propter quod Przemislao ne a suis traderetur in carcerem, per
fugam sibi vix consulere potuit. Henricus verō Epus Pragen Pra-
gam quæ pro Przemislao tenebatur obsidione cingens, quinto tan-
dem obsidionis mense, eam per deditionem accepit.

Anno Domini 94.

Caſimirus Polonorum Monarcha ipſo die
S. Gothardi cum ſuis Baronibus con-
uiuaret ſubito cum oīum mœrore moriturus.

Composita ab intus & extra pace, et subactis quæ dudum
auersæ erant, in obedientiam & tributum nationibus Cazi-
mirus Polonorum Dux & Monarcha, celebris & foeliciſſi-
mus apud proprias & exteras gentes habebatur, ut potē qui atrocissima
bella armis & ingenio prosperē geſiſſet, unde illum in foelicitate parē
genitori suo Boleslao Krziuouſti nonnulli deſtinabant, quieturum ſe de-
cetero, & reliquum ſpacium vitæ in pace exacturum ratus, ad res urbanas
reſtaurandas, quæ ſub curſu præcedentium bellorum, aut deprauatæ aut
neglectæ erant, animum conuerterat, omnem operam pro condendis & or-
nandis Caſtris & urbibus deinceps nauaturus. Sed fatorum inuidia
oppreſſus, & proprium propositum, & ſpem ſubditorum, iam de altera foe-
licitatis ſorte nimia alacritate plaudentium, non impleuit: ne humanam
foelicitatem ſupergradiens, & triumphator magnificus, & inſtaurator ma-
gnanimus cenſeretur. Nam cum in Cracouienſi Vrbe iuxta conſuetu-
dinarium morem, diem Sancti Floriani Patroni loci & regionis, ſub
magna deuotione feſtiuitateqz, ſolennes & ſe dignas oblationes & ho-
ſtias offerens, exagiſſet, pauperesqz Chriſti & perſonas miſerabiles Du-
cali munificentia pauſſet, in ſubſequenti Sancti Gothardi die, Ponti-
fices, Barones, & Primos Poloniae honore menſæ excepit. Vbi inter pran-
dendum, ſub magna animorum hilaritate, venēre in mentem priores expe-
ditiones laboresqz, & priores frequentesqz de hoſtibus ſub Cazimiri
auspiciis, relati triumpho, venēre ciuitata ſuperataqz pericula, & ſubſe-
cuta tempora emerita & tranquilla, ſub quibus ſe & ſecuros et beatos
decetero gloriabantur. Omnium tamen foelicitatum & gloriarum

suarum splendorem, in Cazimirum Ducem & Monarcham suum refere-
bant, cuius ductu & auspiciis tantum foelicitatis nacti essent, & bella
domi forisque prosperè gessissent. Cum itaqz singuli magnificis epulis opi-
parè tractati, discedere pararent, Cazimirus Dux, quasdam Pontificibus
de statu & immortalitate animæ, de beatorum beatifica fruitione, quæ;
stiones proponens, & scrupulosius quo poterat obscurarum latentiumqz re-
rum circumstantias exquirens, modico exhausto poculo, retrorsum rela-
psus, subita, ut ferunt, virtute correptus veneni, amissis sensibus con-
cidit. & sub paucis horis ingrauescente morbo expiravit. Morbo
nonnulli extinctum credidere, nonnulli veneno quod illi à quadam
Cracouien' muliere ut illum ad sui inflammaret amorem & Vere-
rem, ferebant propinatum. Monitus siquidem à Fulcone Cracouien',
quoniam vitare facinus adulteriū non horrebat, mortis subitæ per vene-
num incurri discrimen. Ex suo autem tam subito et inopinato occasu
fletus ingens, cum à consorte & duobus teneris filiis Leskone &
Conrado, tum à Pontificibus & militibus in Regia coortus, etiam in Vr-
be exaudiebatur. Illum Ducem egregium, illum victorem propiciū, illum
iustum iudicem, illum seuerum malis, placabilem bonis, exterminatorem
grauaminum et abusuum, latorem optimarum legum, instauratorem deniqz
& parentem patriæ, crebra ingeminatione & comploratu appellabant.
Quarto demum die preparatis & comparatis omnibus, quæ ad funerias
tam Illi Principis necessaria visa sunt, in Cracouien' Ecclesia Rega-
les illi maximo sumptu atqz apparatu exequiæ habitæ sunt, corpusqz se-
pulchro in chori latere ædificato, manibus militum iusto honore tumu-
latum. Singulari probitati, modestiæ, frugalitati, ceterisqz id genus
humani ornamentis, constat illum in omni vita operam dedisse, impensi-
us ob morum suauitatem, facilitatemqz naturæ, ab vniuersis ordinibus
magno desideratus affectu.

*Lesko filius Cazimiri Albus dictus
post mortem patris in Ducem eligitur et
fratres Conrado Malouia et Curiaua dantur.*

F Vneralibus exequiis ritè peractis, ad substituendum nouum Prin-
cipem frequens Cracouiæ Conuentus indictus et habitus est.
In quo de surrogando Principe diebus aliquot variis diuersisqz
votis certabatur. Et Fulco quidem Cracouien' Epus, ad milites &

multitudinem oratione habita, persuadebat fortissima ratione, nulla
 cunctatione in eligendo Principe, utendum fore, sed ex duobus Cazi-
 miri filiis, attentis beneficiis, quæ in patriam egerat, alterum in Solium
 paternum, quanto celerius & antequam calliditas Mieczslai Senis, &
 aliorum Ducum sedem Cracouien' ambientium, quicquam in aduersum mol-
 liri possit, euahendum, pendendaqz Cazimiro Principi optimo, meritorum
 suorum, & in patriam et in singulos vicissitudo. Qui etsi Domino vo-
 cante morte præoccupatus sit, in duobus tamen filiis, & si non completa
 optimam tamen & singularem indolem, et quæ patrem expressura sit,
 habentibus, viuit. Sed neqz patriæ statum sine Principe, velut apum
 gregem sine parente, duraturam constare, neqz suas & patriæ res le-
 gesqz saluas & incolumes fore, si proprio Principe & apud se educato
 contempto, in alterius transeant ditionem. Hisqz & aliis eleganter
 propositis, maiorem natu Cazimiri filium Leskonem decernebat sub-
 stituendum. Huic sententiæ cum & Senatus & maior pars militum
 assensi forent, unus ex Baronibus negauit rem boni moris & exempli
 existere, ut ad gubernandum magnas nationes & populos puer surro-
 geretur, & infantilis atqz in experta ætas, forsitan vel processu tempo-
 ris deliratura, vel regimine Principatus abusura, maturis & prudenti-
 bus imperet, illiusqz imprudenti regimine statum patriæ, & ea quæ à Ca-
 zimiro parata sunt euersum iri, & regiones quæ tributa pendunt, ad re-
 bellionem reuertere, opportunitate nacta, contingat, Placere sibi ut ma-
 gis patriæ consulatur quàm pueris, & pro benegerendis patriæ rebus,
 eiusqz quiete & stabilimento, aut Mieczslaus Senex maioris Polo-
 niæ Dux (qui et ipse obtinendi Monarchiam potior iure quàm Cazi-
 mirus nuper mortuus, censebatur) aut Mieczslaus Opolien' et Ra-
 tiborien' Princeps sufficiatur, cum sub alterius ex his Principatu &
 regimine, sperandum sit patriam meliores quàm sub puero effectus ha-
 bituram. Probabant nonnulli sententiam taliter depromptam, & pe-
 detentim in illam ibant, & plures verisimiliter credebantur in illam,
 prima quæ à Fulcone Episcopo explicata erat deserta, ituri, ni idem
 Fulco Epus Cracouien' sententiam ipsam refellendo, demonstrasset
 ea quæ Baro deseruisset, tum demum vera fore, ubi ius electionis,
 ius successionis non perimeret. In presenti verò consilio, quo tantū-
 modo de iure succedendi non eligendi quæstio ventilatur, rationes
 & persuasiones propositas, locum legitimum non habere, cum acer-
 bum nimis durumqz sit, quandam quoqz inhumanam redoleret tyran-
 nydem & crudelitatem, si filiorum Ducis Cazimiri ad iustam ætatem

peruenturorum breui, hæreditas externo hæreditanda traderetur, cum Diuina, Canonica, & Imperiali lege, filiis non adultis solummodo, sed etiam posthumis, paternæ portionis successio debeatur. Pro retinenda uerò salute patriæ, pro manutenenda eius auctoritate, pro benegerendis eius rebus, repellendisquæ aduersitatibus, quid uelat Curatores Provisoresqz eligi? & illis tam filiorum Ducalium, quam patriæ salutem & regimen mandari? Cum Reges & Principes frequentius per administratorias potestates & Magistratus, quam per seipsos, etiam uirilem ætatem consecuti, Regna & Principatus administrant. Accepta est hæc illic Pontificalis sententia, & omnibus quæ in contrarium allegabantur abrogatis, consurgunt Proceres et milites, & voce cælotenus emissâ acclamant, Viuat, uiuat Leszko Dux & Rex noster in æternum. Ac gradu concito in thalamum ingressi, puerum splendide exornatum, alba cæsarie cum venustante, propter quam & Albus Leszko nuncupationem sortitus est, in publicum educunt, atqz in Sede paterna collocatum Principem constituunt, duosqz sibi & Principatibus suis Curatores, uelut Fulconem Epum, & Nicolaum germanum suum Palatinum, Cracouiensem, deligunt, & illis se, donec Princeps adolescat, in singulis parituros obstringunt. De hac autem Baronum et militum uniformi concordia, omnium pectora singularis exultatio peruasit, gratulantibus uniuersis promortuo Principe oliuam tam speciosam sibi proluxisse. Quam Nicolaus Palatinus Cracouiensem, uir ea tempestate plurimum oculatus & industrius, amplius firmaturus (nouerat enim vulgares animos facili aura frangi & auerti) primum quidem omnibus in commune gratias agit, quod tam patriæ quam filiorum Ducalium rationem habendo, dignum et se honestum Reip. statum formare studuissent, & tandem ut in eo seruando custodiendoqz constantes essent, & in illius præuicationem non fierent procliu, ab unoquoqz iuramenti sacramentum exigit. Contrarius uerò minor natu Cazimiri filius, Cristino Palatino Masouie cooperante, Masouiam & Cuiauiam cum suis pertinentiis ex integro suscepit.

RVSSIA Principes conuentu apud Kiiouiam celebrato, expeditionem contra Polonezios, regiones eorum assidua irruptione vastantes, indicunt. Itaqz quam primum tempus æstiuale aduenit, Swantostaus Wszeuoldowicz Princeps Kiiouiensem, Burik Porczislauicz, Hleb Swantostauicz, Hleb Iurgiewicz Thurouiensem, Wlodimirus Hlebomiez, & Wszeuoldus Msczislauicz, Msczislauus Romanowicz, Isasslausqz Dauidowicz, Russiæ Ducis, item milites Halicienses, Wladimirien, & Lucen, per Romanum

Ducem Wladimirien transmissi, in terram Polowczorum adueniunt, & die vigesima Iunii cum Polowczis in maxima & forti multitudine in occursum eorum euntibus, congressi, Polowczos de sua virtute gloriantes, eade magna in brachio Dei confligunt & prosternunt, multisque casis aut captis, paucis verò effugientibus. Castris et tabernaculis eorum potiti, prædis et spoliis onusti, victores cum gloria reuertuntur.

HENRICVS Epus Pragen & Dux Bohemiae, exercitualmente Morauiam ingressus, affinem suum Wladislaum de ea exclusit. Deinde tam ex Bohemis quam Morauis maioribus copiis adunatis, iussu Henrici Imperatoris, qui Alberto Marchioni Serbia infensus fuerat, Serbiam ingressus, eam vastat. & multa re latu indigna non solum in saculares & agrestes, sed etiam in Ecclesiasticos & Monasteria et Seruos Dei committit.

LAPTEM et ampliorem famam et gloriam, quam Russiae Duces in Polowczorum vastatione consecuti fuerant, Ihor Russiae Dux sibi comparaturus, cum duobus filiis suis de Szemior, et fratre suo Wszeuoldo Olehouicz, & militibus de Czerniow et Nouogrod, vadit contra Polowczos, Et quamuis notabiles copias eorum prostrauissent, una tamen victoria non contenti, constituerunt ire ultra flumen Don, omne genus Polowczorum deleturi, & tantò insigniorem habituri laudem, quanto longiorem, et quam nemo ante illos tentare ausus fuerat, exegissent viam. Interim autem ingens Polowczorum multitudo, eis propè Don occurrens, cunctos confligit et deleuit, neminem ex ea clade superstitem sinens esse, In Russiae post hæc terras circa Pereaslau irrumpunt, & omnia Castra in flumine Sula comprehendunt.

Anno Domini 1195.

Mieczslaus Senex electionem Leszkonis ægré ferens, ad Fulconem Epum et milites Cracouien mittit illum abrogari et se surrogari petens. Quos id facere reuocantes valido exercitu intradit.

Sublimationem Leszkonis Albi in Cracouien Principatum, ex morte
Cazimiri vacantem per Fulconem Epum, & Cracouienses
Sandomiriensesq; milites factam, se neq; auisato, neq; consulto
Mieczslaus Senex maioris Poloniae Dux molestè ferens, frequenti suo,
rum consilio aduocato, quantum animo ab id consternatus sit, quantis ve,
xetur uraturq; cruciatibus, quantam illi & suis, immaturi pueri in Regnu,
quod sibi debebatur, euectio, ignominiae materiam attulerit, & in posterum
allatura sit, edicit, omnem culpam in Fulconem Episcopum & Cracouienses
milites retorquet. Quos propterea puero Principatum mandasse disserit,
ut totius Principatus administratio apud illos consistat, & appellatione
quidem vana Leszko Princeps in fascibus appareat, illi re vera & a,
ctione imperio gerant & exerceant Principatum. Et in tenera quidem
ac paruula aetate, Leszkonem & Conradum nepotes suos blandè tra,
ctari, dum verò ad maiorem aetatem peruenturi forent, deletum iri illos
à Baronibus Cracouien veneno, & occupatum iri stirpe Ducali sublata,
astruit Principatum. Nec nunc primum sed altera vice Cracouienses
Proceres, ignominiosae exclusionis notam sibi inuisisse. Et quamuis primam
Cazimiro fratre viuentis ut cunq; tulit, civilem cladem stragesq; dome,
sticas vitaturus, eam tamen quae nuper erupit, nulla ratione passurum:
cùm multiplici respectu, velut natu maiori, Cracouiensis sibi quondam
non legitime ereptus debeatur Principatus, & cura puerorum neminem ma,
gis quam se, qui alter pupillorum parens sit, contingat, armis ea tenus et
ferro ignominiam et iniuriam à Cracouiensibus sibi illatam, rescindendu
fore, aut gloriosa morte occumbendum, ne sua despectui & irrisioni ha,
beatur atlas decreuit. Et cùm vniuersi propositum animi sui, velut effi,
cax et necessarium, commendaissent, armari suos omnes in id bellum quan,
to celerius quantoq; expeditius iubet. Boleslaum deinde altum Wratis,
slauien, & Mieczslaum Opolien & Ratiborien, Duces, nepotes suos, fi,
lios Wladislai exulis, item Mszczugium Ducem Pomeraniae generum suum,
ad ferendum sibi personalia auxilia multifaria exhortatione et prece ac,
cendit. Iustius tamen bellum habiturus, nuncios ad Fulconem Episcopum
Baronesq; Cracouien mittit: requirens & sublimationem nepotis Leszko,
nis Ducis velut iniustam, & in suum praedicium atq; dedecus redundan,
tem rescindi, & se in administrationem et regimen Monarchiae Polonorum
et Principatus Cracouien admitti. Fulcone autem Episcopo & Baroni,
bus Cracouien, ius quod sibi ad Monarchiam & Principatum Cracouien
competere astruebat, iustiore confutatione refellentibus, & se, antequa
scita et decreta sua abrogari, pupillorumq; hereditates occupari patiantur,

honesti prius morte morituros respondentibus, Mieczslaus Senex Maioris Poloniae Dux contra Cracouienses milites arma sumit, & habens in comitatu suo Mieczslaum Opoliensem et Ratiboriensem, & Iaroslaum filium nepotis sui germani Boleslai alii Wratislaviensem, et Mszczugium Pomeraniae Ducem, & filium suum Boleslaum, copiasque tam equestres quam pedestres, versus Cracoviam, Monarchiam resumpturus, alacer & ingenti spe plenus procedit, auxiliariis Ducibus gradu tardiori agmen suum insequentibus. Nullo autem pacto Cracovienses milites secum in dimicationem venturos, sed pactis & conditionibus illum pro Principe et Monarcha, abrogato Leszkois Albi Principatu, credebatur facile accepturos.

*Milites Cracovienses audientes
potentiam Mieczslai, exercitum
cum Ruthenis validum congre-
gant, et Mieczslaum Ducem cum suo
exercitu confidunt. Ex quo bello
utraq; pars victa discedit, Miecz-
slao vulnerato fugiente, et Gouor-
tio Palatino Sandomiriensi capto.*

Non ignari Cracovienses Barones & Milites, quanto studio & cura qualique animo & apparatu, quantis denique copiis Mieczslaus Maioris Poloniae Dux bellum ipsis indiciturus procedebat, arma & ipsi de Principatibus Cracoviensem, Sandomiriensem, Lublinensem, Mazoviensem, Cuiaviam, Brzestensem, supra Bug fluvium sitis, caeterisque Russiae oris, quae Cazimiro dum viveret parebant, expediunt. Romanum insuper Msczislavicz Wladimiriae Ducem, & filiorum Cazimiri Ducis affinem, multis beneficiis per Cazimirum obstrictum in sui suffragium accersunt. Tribus quoque agminibus, quorum unum Nicolaus Palatinus Cracoviensis, alterum Gouortius Palatinus Sandomiriensis, tertium Romanus Wladimiriensis alias Lucensis Dux, ducebant, Mieczslai Seni Maioris Poloniae Duci, & suis auxiliariis obviam procedunt, populationem agrorum & villarum, quibus iam Mieczslaus Senex ignem inyci iusserat prohibitori. Iam usque in Andrzejoviensem Caenobium & Oppidum in Cracoviensem Diocesim situm, Mieczslaus senex, cum suo tantummodo exercitu pervenerat, exinde ad fluvium Moszgaia, quatuor a Monasterio praedicto miliaribus de;

currentem, stativa posuerat, dum Cracouiensium militum nunciatur exer-
citus hostilis aduenisse. In eo itaqz loco infestis aciebus, uterqz exer-
citus concurrat, Cracoui eni Milites, nondum auxiliares Duces Miecz-
slao scientes aduenisse, ne simul cum omnibus pugnare cogerentur, acies
Mieczslai faciliorem victoriam consecuturi inuadunt. Et sinisterum
cornu Romanus Dux, dextrum Palatinus Cracouiensis Nicolaus tenebat,
Gouortius Sandomirien Palatinus, in subsidiis relictus erat. Ad ve-
sperum diei praelium extractum est, cum in tertius captum esset, & miro
pugnandi ardore ab utrisqz certabatur; quamuis in utroqz exercitu fra-
tres, soceri, cognati, affines, generi, variarumqz necessitudinum homines
consisterant, nemo tamen animum, nemo feruorem belli remisit, nemo fra-
tri cognato, aut amico indulgit, sed mutua se cade obtruncando, iuxta
atqz infestissimos, & perpetuo odio dissidentes hostes, bellum gere-
batur, quapropter neutra parte referente gradum, strages horrenda ca-
daverum utrinqz cedita est. Ad Duces quoqz ipsos, qui suis latenti au-
xilium, praeliose praelium restitutori, se immiscuerant, clades peruenit.
BOLESlaus siquidem filius Mieczslai Senis, sub patris conspectu lan-
cea traiectus, ex equo delapsus expirauit. Mieczslaus Senex maio-
ris Poloniae Dux, a Gregorio milite vulneratus, in mortem mucrone
crebros ictus repetente, agebatur, ni galea detracta, se Mieczslauum et
Ducem, parciqz sibi et misereri postulando, exclamasset. Maie statis autē
suae & camici terrore miles Gregorius percussus, non solum ferro ab-
stinuit, sed etiam ex acie eductum, ne a quoquam alio violaretur, fu-
ga celeri sibi consulere persuasit. Romanus insuper Msczislauicz
Wladimirien Dux, pluribus vulneribus aduerso pectore acceptis, dum
suos Putenos partim stratos, partim in fugam versos conspiceret, & pre-
lio et ipse periculum vitaturus declinat. Multis deniqz militibus
de utraqz parte aut occisis, aut vulneratis; praelium direptum est, quod
tam crudeli & horrendo Marte gerebatur, ut uterqz exercitus cruen-
ta referens vulnera pro victo abierit, & nemo in certaminis loco com-
pertus est aliter quam pectore aduerso cecidisse. Cognata arma, acies
fraternae, signa communia, unius patriae, unius linguae robur, ingenio
parum sano, infestis eo primum tum die gessere bellum animis. Solus
Mieczslaus Lasconogi Dux eadem die ceteris diffugientibus, in certa-
minis loco permansit, solusqz soli sibi casisse victoriam gloriabatur.
Partis utriusqz exercitu ex certaminis loco diffuente & dilapso,
Mieczslaus Opolien & Ratiborien Dux, qui et ipse partes Mieczslai
Senis maioris Poloniae Ducis iuuaturus, tardius egressus praelio non

interfueral, cum nepote suo Laroſlao, Boleslai alti Wratislaviensis Ducis filio, et copiis sui exercitus advenit, eosque qui de exercitu Miecislai Senis diffugerant, recolligens in certaminis loco consedit, ac signis erectis quasi victoris in morem constitit. Cui et eam ipsam exultationem Gouortius Palatinus Sandomiriensis, ad quem reliquie disturbati Cracoviensis exercitus se applicauerant, erepturus, nulla suorum paucitate et recenti clade percussus, inita ratione occurrens, acerrime pugnat, et potioribus de suis amissis, ceteris fuga elapsis, numerositate hostium superatus, in hostiles manus, fugere turpe ratus, vivus venit, et longam captivitatem apud hostes, antequam manu mitteretur, pertulit. Opoliensis Dux Miecislavus cum nepote suo Laroſlao, ne iterum a Cracoviensibus militibus insectaretur, veritus, ex praelii loco, Gouortium Palatinum Sandomiriensem, et nonnullos alios Cracoviensis milites captivos, spoliaque relati triumphis secum ferens discedit. Et ab exploratoribus et nunciis doctus, Miecislavum Senem graviter vulneratum, lectica in Posnaniam deferri, exercitum et ipse suum et nepotis in Slesiam traducit.

*Fulco Episcopus cognita strage facta,
fratrem suum Miecislavum loquentem re,
vocat et arcem Cracoviensem providit.*

Solicitus de futuro belli incundi eventum Fulco Cracoviensis Episcopus in villa sua Dzierzazna, duobus miliaribus a conflictu distante, substitit, et inter spem atque metum positus, obsecrationibus lachrymosis, suis victoriam cedere precabatur. Advenit interea ex praelio aliquis fugiens, et Pontifici de exitu belli avido sciscitanti respondit, magna clade Cracoviensem, Sandomiriensem, et Romanum Ducem Vladimiriensem cum exercitibus eorum, per Miecislavum Senem maioris Poloniae Ducem contritos esse, et tam Palatinos quam Romanum in acie cum Primi moribus cecidisse, Miecislavumque Senem triumphali pompa insignitum, et spoliis atque signis debellatorum a se hostium onustum, celeri cursu ad occupandam Cracoviam contendere. Nondum is relationem suam expleverat, et unus, alius, itemque alius, et alius, diversum ferentes successisse casum, adveniunt. Fulco autem Episcopus, quid veritas contineat gestiens agnoscere, unum ex Presbyteris suis, sub dissimulato habitu, in certaminis locum, singula, quae et quali ordine acciderint, et quis successus apud Palatinos Cracoviensem et Sandomiriensem Ducemque Romanum

maneat, exploraturum mittit, iubens eum impigrum, diligentem et cautum
esse. Qui cum pedestri itinere ad praelii locum ante occasum solis perue-
nisset, et ab his qui semineces relictierant, et ab his qui interfectorum
aut exhalantium animas legebant spolia, percunctata rescitque veritate,
ad Pradsulem suum Fulconem reuersus, singula eo ordine quo acciderant
exponit, referens Miecyslaum Senem Maioris Polonie Ducem, et pro-
nece filii sui Boleslai, et pro vulnere accepto pro victo discesisse, Go-
uortium Palatinum Sandomiriensem, a Miecyslao Opoliensem Duce, et suo
exercitu qui superuenerat, conflictum et captum esse. Romanum
Msczyslawicz Ducem in Russiam sauciatum, ceteros prout casus quemque
tulit, in loca varia abuisse. Et Fulco quidem Episcopus maerore nimio
confectus, consternatis pupillis et patriam consulturus, nocte subse-
quenti Ducem Romanum consecutus, obnixè rogat, quatenus cum
his quae illum sequebantur reliquiis, Cracouiam redeat, Arcem et fi-
lios Ducales contra seuitiam Miecyslai Senis, quem sperabant sup-
plemento militum habito, ad occupandam Cracouiam reuersurum,
defensurus. Sed Romanus Dux duplici se causa praepeditum re-
spondet, et defectu militum, quae aut praelio corruerat, aut fuga de-
fluxerat, et acceptis vulneribus in corpore, quae tumescebant. Quae
renti deinde Episcopo, quid in tam periculoso necessitatis articulo
agendum pro incolumitate patriae, optimum et necessarium fore conse-
ret, respondet, de capite omnem curam habendam esse, et Cracouiam,
omnium Prouinciarum Principem et Dominam, ab hostili inuasionem tu-
tandam. Qua salua et incolumi, caetera omnia facile secutura.
Id consilium Fulco Pontifex secutus, dum altero die Nicolaus Pa-
latinus Cracouensem instaurato exercitu, magnis ausis ignominiam, ad
Mosgauam acceptam, detorsurus, Miecyslaum Senem insequi ne
pergeret, illum prohibuit. Et ne Arx et Ciuitas Cracouensem in ali-
quod periculum recideret, sacum unam Cracouiam reduit, et militum
prasidio non solum Cracouiensem Arcem, sed et singula ditionis pu-
pillorum Castra, ne nunciata clades aliquam procellam excitet, mu-
nuit, et ne nouandi res quisquam ausus sumeret, prouidit.

Anno Domini 1196.

*Stantibus rebus quietis committunt Polo-
ni Helenae uxori Cazimiri Ducis imperium.*

Fœda inter Mieczyslaum Senem maioris Poloniae Ducem, et Cracouienses milites pro Principatu ad Mosgavam gesta dimicatio, fœda insuper clades, per quam plures mortales, civili bello, & nulum referente triumphum, absumpti sunt, diu partem utramqz, sub quiete distinxit, quasi ex composito virosqz crederes, treuga bellum suspensisse. Mieczyslaum siquidem Senem Maioris Poloniae Ducem acceptæ ignominia plurimum pudit, quod in prælio inito, multos milites multasqz fortunas, & super hæc omnia charum filium suum Boleslaum perdidisset, & quod nihil ipse ex prælio præter vulnera, filiqz Boleslai cadauer retulerit. Tenebat et Cracouiens milites ingens robor, quod nonnulli eorum, signis et locis desertis, in fugam abierint, et partem propè victoriam e manibus emisserint. Sub hoc autem turbatarum publicarum rerum dispendio, salubre visum est Ducissæ Helenæ Cazimiri relictae, supra sexum muliebrem, singulari prudentia pollenti, fascēs imperii & regimen Principatuum committi. Ea conditione adiuncta, ut absqz Fulconis Ep̃i, & Nicolai Palatini Cracouiens consilio et assensu, nihil in rebus publicis statuatur, innouetur, aut decernatur. Itaqz usqz ad filiorum maturam ætatem Helenæ Ducissæ præfatæ arbitrio, & vacantium dignitatum et officiorum Magistratus, personis idoneis mandabantur, & Ducales census & introitus, aut inferebantur in fiscum, aut in Peip. distribuabantur commoditates & profectus. Charitate siquidem quam erga Cazimiri stirpem gerebant milites acti, conditionis suæ quodam modo in tempus, quod viri essent obliti, muliebri potius subiacere imperio, quàm Ducales filios deserere maluerunt.

POSNANIENSIS Episcopus Mrokotha febribus correptus moritur, et in Ecclesia Posnaniens sepelitur, cum annis decem Pontificali regimini præsedisset. Cui per electionem Canonicam, octaua Septembris habitam, Philippus Canonicus Posnaniens nobilis Polonus de Domo Wierniawa, via scrutinii succedit, à Zdzislaw Gnesnens Archiep̃o, Mieczyslao Senem maioris Poloniae Duce consentiente confirmatus et consecratus.

Anno Domini 1197.

Vxorū usus Sacerdotibus in Polonia per Legatum Coelestini Papæ interdictus.

Petrus tituli Sanctae Mariae in via lata Diaconus Cardina-
lis, Capuanus, vulgariter nuncupatus, a Summo Pontifice Coele-
stino tertio Legatus de latere, ad reformandam Ecclesiam
Polonicam destinatus, venit in Poloniam. Qui Cracouiensem Cui-
tatem ingressurus, a Fulcone Cracouiensi Ep'o, et omnium Ecclesiarum
processione magno honore susceptus est. Primamque Congregationem
Cracouiae, alteram in Lupcza agens, deinde in Gnesnen, Wratisla-
uien, Posnamien, Ploceen, Wladislauien, Chelmen, et Lubuceen Diace-
ses se transferens, id praecipuum in Ecclesia reformanda sibi cura assum-
pserat, quatenus Presbyteri, a mulieribus et concubinis abstinendo, conti-
nentem et Castam, et quae lagicos edificare posset, ducerent vitam,
cum plures ea tempestate Sacerdotes uxoribus velut iure legitimo ute-
rentur. Cuius usus corruptelam, Cardinalis ipse summo studio, a Po-
lonica eliminavit abrogavitque Ecclesia, et Presbyteris uxores accipe-
re et tenere, sub grauissimis penis interdixit. Lagicis vero quacunque
excellencia pollentibus, connubia in facie Ecclesiae contrahere instituit.
Et haec quidem salubris praefati Petri Cardinalis constitutio, facile
a Polonorum Clero, et ab vniuersa Polonica Ecclesia accepta, et ac-
curata diligentia custodita seruataque est. A Bohemis tamen, Cleroque
Bohemico, apud quos Cardinalis ipse etiam Legationis officio fungeba-
tur, non solum repudiata, sed parum absuit, quin Cardinalis ipse Consti-
tutionem ipsam, ordines in Sabbato sicientes celebraturus, promulgans,
et Presbyteros ad castitatis votum compellens, violaretur. In cuius oc-
casionem Bohemici sacerdotes, grassari Pragae ceperunt, nisi illorum im-
probos conatus Epus Pragen Henricus, Ducalem tunc in Bohemia obti-
nens potestatem, oppresisset. Non solum autem in his, sed in pluribus
aliis Cardinalis ipse praedictus Polonicam Ecclesiam, Pontificibus et
Clero, beniuolis se praebentibus ad singula, reformauit.

WLADISLAVIENSIS Epus Stephanus, cum annis sex sedisset, di-
em obiit, et in veteri Ecclesia Wladislauien sepelitur. In cuius locum
Agerius natione Italus, propter discordem electionem Capitularium ab
Innocentio tertio prouisus successit.

HENRICVS Pragen Epus et Dux Bohemiae, valido languore cor-
reptus, decimo septimo Calendas Iulii moritur. In aegritudine tamen positus,
Przemislaum Ducem consanguineum suum, quem de Ducatu Bohemiae ere-
cerat, in spem mortis suae Ducatum occupare mollientem, per gentes suas

conflixit, et de Bohemia fugauit, quamuis ei parti suae non incruenta pro:
uenerit, multis cadentibus, victoria. Post mortem uero suam Dux Wla:
dislaus Przemisslai Ducis germanus, a uinculis, quibus propter germani:
tatem Przemisslai, uelut suspectus detinebatur, solutus, fauore militum
in Ducem acceptus est. Verum dum Ducatum praedictum mensibus
quinque tenuisset, Przemislaus germanus suus, collecto ex Bohemis Al:
manisque exercitu, uenit in Bohemiam, pro Principatu certaturus. Wla:
dislaus autem quamuis maiore gentium potentia fultus esset, noluit
uelut uir pacificus in dimicationem cum fratre uenire, sed missis
Comitibus aliisque communibus Baronibus, pacem cum fratre inuit, sortemque
Moraviae contentus, Przemislaus de Ducatu Bohemiae excessit. Qui
a Philippo Romanorum Imperatore, Frederici secundi fratre, quem
Romana Ecclesia non accepit, coronari iussus, accepit Diadema

Anno Domini 1198.

Wladimirus Haliciensis Dux moritur
et Lesko Albus Polonorum Dux
Haliciensi Principatu profliga:
to Romano Duce potiturus

Wladimirus Haliciensis Dux, beneficio brachioque Cazimiri olim
Polonorum Ducis & Monarchae, ad Haliciensem Principatum
a quo per Pannonios deiectus fuerat, restitutus, morte ab:
sumptus, dum nullum superstitem reliquisset heredem, magnam inter
Leskonem et Conradum Polonorum Duces, eorumque Curatores, Cra:
coviensesque milites ab una, & Rutenos Rutenorumque Duces ab
altera partibus, dissidii excitauit procellam. Iure quidem & equi:
tatis ordine, foedere insuper cum Cazimiro Polonorum Duce per Wla:
dimirum dum restitutus esset icto, Haliciensis Principatus ad Polo:
niae Regnum, et ad filios Cazimiri (super quo et Haliciensi mili:
tes Sacramento addicti erant) debebat deuolutus censer, sed mel:
iorum Principum Russiae, Ducatum praedictum sibi in feudum dari
deposcentium, ambitio, plures seditio num rumores concitatura uide:
batur. Ad quos antequam latius serperent, opprimendos, Nicolaum
Palatinum Cracouiensem cum copiis tam equestribus quam pedestribus,
in Haliciam ad prouidendum de Ducatu vacantis statu, et ut in forma

Provincia redigi, Regnoq; Poloniae uniri posset, ordinandum, mitti placuit. In lachrymas illico Dux Leszko resolutus, ne se desereret, sed in illius expeditionis Comitem cum assumeret, primum Curatores deinde Consiliarios singulos, blandis haerens amplexibus, precabatur. Et dum tam mater Ducissa Helena quam Consilarii resisterent, & satius illum in Aula interim manere persuaderent. Quantum, inquit, refert, quod signa muta et omni sensu carentia, vobiscum itura sunt. & ego Dux vester futurus relinquo? assumite precor me, ut virorum contubernio fortium, fortis euadam, quoniam inter faminarum greges me taceat pudetq; amplius esse, quod si non impetere, sequar vel uno tantummodo comite contentus, vestra vestigia. Hisq; & aliis sermonibus, suam indolem futuram exprimentibus, usus, Consilarius animum Ducalem certatim offerentibus, ut se assumerent peruenit. In frequenti itaq; militum numero, dum in Haliciensem fines peruenisset, Haliciensem primi illi occurrunt, et velut Dnum suum legitimum deuotius suscipiunt & adorant. Idq; primum ab eo precantur, ut solus illis imperet, solus Haliciensem admistrat regatq; Principatum, aliorum Ducum Russiae execratos se, vel honesta prius morte morituros, pronunciant ditionem. Collaudatos & blandos habitos Dux Leszko praecedere iubet, verum illi Leszkom & suis Curatoribus infensi, quod rumore vulgato cognouerant, Romanum Msczi slauicz Wladimiria Ducem, se pro Duce & Praeside Leszkonem locaturum, armis correptis, obuiam Leszkom ut hosti procedunt. Sed cum leui negotio prima eorum turma fusae fugataq; postrema quoq; in quibus erat ingens perditum multitudo, metu percussa fuga dilapsa essent, & Leszko ad oppugnandum Haliciensem Castrum properaret, Halicienses missis Caduceatoribus, petita optentaq; venia, portas Castri Leszkom aperiunt, & omnia quae imperaret se facturos repromittunt.

*R*omanus Wladimirienlis Dux nepos defuncti, inuestitur per Leszkonem Albulum Polonorum Ducem in Haliciensem Ducatum cum omnium Haliciensium maiore.

*P*Lenam & Castri & totius Haliciensis Ducatus Leszcone Polonorum Duce possessionem consecuto, tum demum inter competitores de Ducatu Haliciensi Russiae Duces, in altius certamen

res venit & post longa litigia inter illos ventilata, ceteris à proposito resig-
 nantibus, solus Romanus Msczislauicz Wladimiriens Dux, mortui Halici-
 ensis Ducis nepos germanus, sibi Ducatum Haliciensem conferri, ratione
 & respectu multiplici deposcebat. Isq; ceteros Duces Russiae à pe-
 tendo Ducatu Haliciensi, cum rogando & persuadendo, tum terrendo
 auerterat. Apud Ducem quoq; Polonorum Leszkonem & suos Consi-
 liarios in praefato Ducatu Haliciensi petendo, multiplicibus ingeniis usus
 supplicationem suam quotidie nouis adminiculis subornabat, iniquum
 esse ducens, ut patris sui germani hereditas, ad alium quam ad se
 peruentura, ampliorem sibi mortis patris causaret dolorem. Nemina
 praeterea ut se adeo meritum inter Duces cui beneficium illud praestari
 aequum esset, cum merita sua in Poloniam Ducemq; Leszkonem praesti-
 ta, recentia stigmata ad Moszgauiam accepta, & plures sui milites
 illic desiderati, testarentur. Adiungebat his causis minas, iniuriam
 suam, si à Ducatu Haliciensi & sorte patris excluderetur, armis &
 omni hostilitate facultateq; se vociferans vlturum. Difficilis apud
 Leszkonem Polonorum Ducem & Consiliarios suos huiusce rei decisio
 visa: consumationem illius in plures dies (sub quibus Dux Romanus
 submissus se gerens, Haliciensem Ducatum non iure, sed precario,
 non in proprietatem & titulum, sed in procurationem & regimen sibi
 petebat mandari) extraxit. Nemo erat ex Consiliariis Polonorum
 cui satis placeret, tam facundum Ducatum Romano, satis inter Rute-
 nos diuitem & potentem, ne in superbiam erectus calcitraret, & ex subdi-
 to hostis infestus fieret, conferri, sed Ducatum ipsum Regno Polono-
 rum, velut utilem et valde necessarium, pluresq; allaturum commodita-
 tes, videri. Haliciensium insuper Baronum & Militum querelis & preci-
 bus mouebantur, qui sibi callidum & versipellem Principem, varia tyran-
 nide in se usum dari & praefici abhorrebant. Offerebant praeterea
 Leszconi Polonorum Duci, si in formam Prouintiae reducti Romano non
 committerentur, auri & argenti, gemmarum, vestium, equorum, bouum &
 armentorum, certam quantitatem annis singulis pensuros. Mouebant
 ista Leszkonem Principem & Polonorum Consiliarios, respectus tamen
 futuri cum Romano, si refutatum suas preces iri contingeret, belli, &
 superimpedens à Mieczslao Sene Maioris Poloniae Duce hostilitas, ne
 pro uno & eodem tempore à fronte & tergo urgerentur Leszkonem
 Ducem & Polonorum Consiliarios peruiciti, ut propriis commoditati-
 bus & ceterorum Ducum Russiae & Haliciensium Militum petiti-
 onibus neglectis, Haliciensem Principatum Romano Wladimiriensi
 Duci subiectum, illum fidum sibi putantes futurum, conferrent, ipsumq;

tunc de Ducatu prædicto inuestirent. & illius possessionem non sine Haliciensium amaro cruciatu, multiplex malum sibi ominantium, traderent. Romano fidem, deuotionem & obedientiam, in Polonorum Ducem Leskionem, æquitatem verò & iustitiam in Halicien' Milites & subditos, se iureiurando astringente & vouente custoditurum. In hunc modum rebus Halicien' compositis, Lesko Dux cum sua militia Cracouiam repetiit ~

Lubucen' terra a Polonia sequestratur

Boleslaus unus ex filiis beatæ Hedwigis & Henrici cum barba Wratislauien' Ducis, substantiam paternam, celebrata cum fratribus Henrico & Conrado Crispo, Ducibus Wratislauien' patre permittente diuisione, adeptus Ducatum Lubucensem, qui illi sorte obtigerat, arcem cum eius territorio Marchionibus Brandeburgen' pro certa summa pecuniæ, luxuriose & prodigaliter viuens, perpetuo vendidit. Ex quo tempore Ducatus præfatus & Epatus eius Lubucen' insignis a Polonia Regno abstractus & sequestratus ac per peram & iniuste Marchionatui Brandeburgen' applicatus est, non sine Regni Polonia' notabili mutilatione, usq; in nostra tempora durante. Adeo autem præfati Boleslai Ducis malicia & transgressio progressa est, ut in Oppido Srzoda, & in Cimiterio Parochialis Ecclesiæ eiusdem Oppidi, octingenti homines ipso causam & occasionem præstante flammæ incendio perierint. ~

CÆLESTINVS Papa tertius cum annis sex, mensibus septem diebus undecim sedisset Romæ moritur & in Ecclesia Sancti Petri sepelitur. Cui Lætantius alias Lothargius, appellatus Innocentius tertius, natione Campanus ex patre Trasimundo, quamuis ætate iuuenis, sed scientia diuina atq; humana acutus, in omnium conspectu gratiosus, vigesima secunda die Mensis Februarii succedit ~

Bohemie Dux in Regem coronatur per Philippum alterum electum Imperatorem

Eodem anno in die Sancti Michaelis Henricus Imperator, cum annis undecim imperasset apud Panormum in Sicilia moritur, & Neapoli insigniter sepelitur. Hunc pleriq; Annalium Scriptores asserunt in fine vitæ suæ magnum hostem & aduersarium Ecclesiæ

fuisse. & nonnullos Episcopos qui nequitia sua assentire noluerant (ob
quam causam graui anathemate Apostolico innodatus fuit) trucidasse.
In substituendo Imperatore cum Principes variassent. & Coloniensem atque
Treuerensem Archiepiscopi Othonem Comitem Pictauia filium Henrici
quondam Ducis Saxoniae, Maguntinensem vero Archiepiscopus cum aliis Phi-
lippum Ducem Sueviae fratrem Henrici Sexti Imperatoris elegerent, gra-
uissimus bellicus stridor, & permiscua atque miserabilis vastatio & caedes
in Germania penè uniuersa coorta est, incendiisque Almania fumebat. Phi-
lippus ius electionis de se facta roboraturus, plures Almaniae Principes si-
bi conciliat, Bohemiaeque Ducem Przemislaum in sui suffragium vocat, quem
ut propensius sibi obligaret in Regem creat, & sub sui in Bamberke prae-
sentia, vel ut quidam ferunt in Maguntia, coronari in Bohemiae Regem
per Archiepiscopus Maguntinensem procurat. Cuius fretus auxilio Coloniensem
Archiepiscopatum & alias Almaniae sibi aduersas partes crudelissime de-
vastat. Innocentius autem Papa odio habens Philippum, quod frater su-
us Henricus Imperator multis contumeliis & iniuriis apud Siciliam Pon-
tifices & Sacerdotes Dei affecerat, Othonis partes studiosissime promo-
uebat. Cuius etiam mandato ipse Otho Corona prima apud Aquisgra-
nam fuit insignitus, & Philippus velut iniustus Imperii inuasor, anathe-
matisatus ~

Franciscus alias Franko, qui alio nomine Swantko appellabatur Epi-
scopus Wratislauiensis, cum annis decem septem sedisset, moritur. In eu-
ius locum Iaroslauus Dux filius Boleslai Alti Ducis Wratislauiensis
patre ordinante & dirigente succedit, à Ladislao Archiepo Gnesnen-
confirmatus & consecratus. Hic Iaroslauus de consensu paterno Ec-
clesiae Wratislauiensis terram Nissen perpetua donatione contulit & in-
scripsit in dotem. Per communes Barones reconciliatus patri, quem iu-
uenili ambitione feruens, & propter odium Adleydis nouercae, cum
filios ex ea susceptos videret à patre sibi praeferrari, nonnullis militibus
id facinus nutriendis, de Ducatu Wratislauiensi propulerat. Hic eti-
am Iaroslauus donationem decimarum noualium per Iaroslauum prae-
decessorem suum Monasterio Luben in toto territorio Legnicen factam
velut mensae Episcopali plurimum nociuam, irritauit ~

Principalior Putenorum Princeps Swantoslavus Kiiouien Dux moritur, & in
Ecclia Sancti Cirilli quam prae suus Czermeiouiensis Dux fabricauerat sepelitur.
Post cuius mortem Rurik Poczislauicz Dux apud Kiiouien principari capit,
sed cum per Kiiouien temporis processu pulsus esset ad Polonezios confugit ~

Anno Domini 1199.

Romanus Dux Halicien' breui omnem
sua tyrannide nobilitatem Halicien'
cum terrore vicinorum suorum perdit.

Haliciensem Prouinciam Romanus Vladimirien' Dux, fauore, liberalitate, & largitione Lestkonis Albi Polonorum Ducis consecutus, Haliciensibus primū caput esse blandus, mox infestus, & ad extremum truculentus, nec sua sponsio fidesqz, quam de regendo Halicien' Principatu, in iustitia & æquitate, Duci Polonorum Lestkon præstiterat fuit constans & diuturna. Sed iureiurando & foedere præuaro, primos Haliciensium, nihil hostile suspicantium ad se vocatos captiuat, & quibus quosdam publicè trucidat gladio, alios infodit, mergitqz sabulo, alios membratim coram discerpit, alios excoriat, alios exenterat, plures quasi signum ad statuum ligatos, missilibus conficit, variqz mortis genere interimit. Cū autem occisorum militum affines, consanguinei, & filii, & ferè vniuersa nobilitas, tam fæda crudelitate perculsa, in vicinas regiones diffugisset, omnem suis eiulatibus & querelis, in Lestkonem Polonorum Ducem & Polonos (quod sibi tam efferum, nihil præter humanam effigiem humani habentem Principem præfecissent) culpam retorquentes. Romanus suis artibus usus, exquisitis blandimentis & promissionibus illos euocat, & parumper in honore & fauore habitos, variis tandem excruciatos interficit tormentis, & ferè vniuersam Haliciensem nobilitatem tyrannide sua enecat & extinguit: solitus eo pro excusando, quasi solenne quodam & caeleste oraculum existeret, uti prouerbio. Neminem melle apum, nisi prius examen oppresserit, securè vesci posse. Tantum autem terrorem sua tyrannide & truculentia, non propriis tantummodo, sed & finitimis ingesserat, tantum sibi fama & potentia breui quæsierat, ut facile omnibus Ruthenorum imperaret Prouinciis, & singulos Russia' Principes haberet tributarios & subiectos. Quæ res ne in Polonorum perniciem verteretur, sæpè Polonos affligebat, iam tacitos sæpenumerò superimpendentem Romani tyrannidem in se quoqz omnantes aliquando recisuram.

Mieczislaus senex maioris Poloniæ
Dux Curiam occupat.

Mieczslaus Senex Maioris Poloniae Dux, qui post cladem ad Moszgaum acceptam pacificus constiterat, ad res per bellum & controversias gerendas, animum inclinatus, & Cuiaviensem Prouinciam, quae de Lestkonis & Conradi filiorum Cazimiri sorte erat, velut Principatibus suis confinantem, ex propinquitate & opportunitate occupat, & in suam redigit ditionem. Quae quidem iniuria a Lestkone Duce & suis Curatoribus repressa tunc non est, quoniam & civile bellum verebatur consurgere, nouas clades iterum pariturum, & atrox concertatio dissensioq; inter Nicolau Cracouiensem de Domo Vulpium, & Gouortium Sandomiriensem, de Domo Pautarum Palatinos, ab amulatione & liuore orta, interuenerat, in eumq; processerat ardorem, ut post plura seditiosa litigia, Gouortius Palatinus Sandomiriensis, hostis sui Nicolai Palatini Cracouiensis potentiam perhorrescens, in Bohemiam ad fratres & cognatos Domus suae (beneficio Ducis Bohemiae in sedes & hereditates suas, eo tamen pacto, ut veteribus insignibus abrogatis, in signum patratae fraudis Asciam, in Bohemico vulgari Bradathiczam in Polonico Okscham vocatam, pro armis deferrent, restitutos) exulare cogeretur.

EDZISLAUS Gnesnensis Archiepiscopus, cum annis sedecim sedisset, moritur, & in Ecclesia Gnesneni sepelitur. In cuius successionem & si Capitulares Thomam Archidiaconum Gnesneni elegerint, Mieczslao tamen & Wladislao atq; Othone Maioris Poloniae Ducibus instantibus, frater Henricus dictus Kiellicz Ordinis minorum in Monasterio Sancti Iacobi Wratislaviae ordinem professus, ex Theodorico praeduce Bremae, & Eudoxia Ducissa Poloniae genitus, licet remitens eligitur per Innocentium Papam tertium, aut ut aliis placet per Martinum quartum prouisus. Morauia Principes propinqua cognatione, & beatam Hedwigin gradu tertio contingens.

NONO Calend' Maij Bela Rex Hungariae cum annis tribus & viginti regnasset, moritur, & in Alba regali sepelitur. Cui filius eius Emericus successit, communi & conformi Praelatorum & Baronum consensu in Solium paternum euocatus, sed paruo regnavit tempore.

Anno Domini 1200.

Mieczslaus Helenam matrem Lestkonis
Albi Ducis rogat et hortatur, quatenus sibi

*Ad vitam de Monarchia condescendat. Et
ea consentiente ac in Sandomiriensem Prin-
cipatum recedente, fit Monarcha Polonorum.*

Cuius Ducatu iniuste per Mieczslau Senem Maioris Poloniae
Ducem occupato, Mieczslaus ipse ad occupandum Cracouien-
Ducatum & Poloniae Monarchiam, animum omnesque conatus
intendit. Et quia arma quibus id primum assequi volebat, minus illi
prosperè cesserant, astu & dolis, quae omnibus armis potentiora existunt,
sperat se haud dubiè consecuturum. Fulconem itaque Epum & Nico-
laum Palatinum Cracouien germanum eius, ceterosque primi ordinis &
dignitatis viros, cum per se magna comitate, tum per literas & nuncios
varia largitione sollicitat, quatenus illum (filiis praesertim Cazimiri Du-
cis Leszkone & Conrado nondum ephæborum aetatem excedentibus
alienatis) in Polonorum Monarchiam assumant: prosperam & tranquil-
lam vitam sub illius ditione acturi. Verum cum animos virorum hu-
iusmodi blanditiis expugnare non posset, quippe magna charitate pu-
pillis affecti, quicquid per Mieczslau Senem ingerebatur, surdis auri-
bus excipiebant: ad matrem puerorum Ducissam Helenam Cazimiri
relictam, se totus conuertit, facile sperans, quem admodum successit, su-
is se calliditatibus illam ad vota sua inclinaturum, reyciebant etenim
in illam Barones, quos Mieczslaus prece aut precio pertentauerat, sui
consensus facultatem. Suggestit itaque Helenae Ducissae atque suadet,
ut patiat sibi Principatus & Monarchiae Polonorum fascis de-
ferri, stabilitura ex hoc Regnum filiis, & maximas commoditates
& profectus perceptura. Se quidem, ad quem velut natu maiorem Mo-
narchiae deuolutus censetur Principatus, dissente, non posse filios
Cazimiri, neque pacifice neque legitime in Principatu Cracouien, qui So-
lio Monarchiae reservatus est consistere, sed pro illius ademptione iniu-
sta, nunquam se & filios suos quieturum. Vbi tamen Ducissa Helena
de Ducatu praefato cedere consenserit, velle se & filios Cazimiri Lesz-
konem & Conradum nepotes suos primum adoptare in filios, deinde
illos militari cingere balteo, Cuiaviensem restituere Prouinciam, & Re-
gnum Polonorum perpetuo illis, ut se mortuo Principatus eorum non pos-
sit neque a filiis suis, neque a quoquam alio reuocari in dubium, stabilire,
neque aliter posse illos iuste & iute in Regnum succedere, neque successio-
nem posse esse stabilem et diuturnam, si ab ipso firmata et stabilita non
fuerit, cum huiusmodi stabilimenti robur ex eius arbitrio et auctoritate

pendeat. Ea verò, quæ morte Cazimiri fratris sui secuta, de filiis suis ad Principatum & Monarchiam per Fulconem Epum & Barones electio & substitutio facta est, fragilis & ridiculosa, nullum penitus duramentum si à se ratificata non fuerit habitura, consistat necesse est. Attendat præterea se Senem & decrepitem, paruoq; tempore victurum esse, & pro breuissimi temporis spacio, non cunctetur de Ducatu Cracouiensi excedere fructum multiplicis usurae filiis adiectura. His Ducissa Helena crebro expugnata sermonibus, facilitate muliebri, omnia quæ in dolo à Miecyslao disserebantur, in credulitatem admittens, Fulcone Epò, Nicolao Palatino Cracouiensi, cæterisque Proceribus nequicquam renitentibus aduersantibusq; de Cracouiensi Principatu cum Leszkone & Conrado filiis excedere, sub pactis per Miecyslaum Senem propositis, dummodo tamen ea se iure iurando obseruaturum astringeret, consensit. Constituitur dein, de ad hæc consumanda, beati Bartholomei Apostoli dies, pro quo dum Cracouiam, prout inter Helenam & Miecyslaum Ducem conuenerat, frequens Prælatorum & Baronum multitudo conuenisset, Miecyslaus Senex facta promissa resumit, Leszkonem & Conradum in filios se adoptaturum, Cuiusmodi se illis restitutum, Regnum se absumpto stabiliturum, repromittens. Quæ non solum à Miecyslao Senes sed etiam ab utriusq; partis Proceribus iureiurando, tunc in manibus Pontificalibus, sancita sunt. Id utraq; parte laudante additum, ut si aliquis pacta taliter percussa præuaricari, violare, infringere, & irritare, aut in earum violationem & irritationem consulere & assentiri præsumpserit, per Gnesnensem Metropolitani, & quemlibet alium Provinciae Gnesnensis Pontificem, anathematizis innodetur opprobrio, Diuina ultione per cuius nomen fallaci corde iurauerat, puniendus. Icto huiusmodi fœdere Ducissa Helena cum Leszkone & Conrado, multis Baronibus eam prosequentibus, secedit ex Cracouia Sandomiriam, reliquos Principatus sortis filiorum suorum gubernatura. Miecyslaus autem Senex Polonorum Monarcha effectus, Cracouiensi Civitatis, arcis, & Ducatus, accipit possessionem, & post paucos dies in Oppido Bithomien Castrium forte ædificat, ut Cracouienses milites in fide contineat, & in rebellionis euentum propinquum habeat præsidium, quod tutus diuertat. Tunc etiam Gouortius Palatinus Sandomiriensis, ex Bohemia amicorum literis reuocatus, reuertitur, & apud Leszkonem & Conradum primum sortitus locum, Nicolai Palatini Cracouiensis, Principatibus diuisis, hostilitatem, cum uterq; sub diuerso Principe constaret, non verebatur.

QVINTA Mensis Maij die, terræ motus in Polonorum regione, vicinisq; Regnis & terris sub meridiano tempore exortus, & frequenti

dierum spacio resumptus, pluresq; turres, domos, & munitiones attriuit, quæ
res raro in Polonia contingens, velut prodigiosa, & apud plerosq; in reli-
gionem versa, videbatur ~

CONSTANTINOPOLIS Græcorum Ciuitas in qua tunc Aschka:
rius imperabat, à Venetis & Francis capitur. Cuius captio longo tempo-
re non credebatur, eo quod fatatum fuit, eam non nisi per Angelum
capi posse. Sed hostibus per murum ubi Angelus pictus erat intrantibus,
veritas fati & æquiuocatio erroris tum primùm notata est. Aschkar;
us autem Constantinopolitanus Imperator, vrbe capta, versus Ponticum
mare Tersonam transiit, & abinde post Gallatiam aliàs Haliciensem
Prouintiam quæ est pars Russiæ sub Polonorum Regno consistens, perue-
nit, peruenit, & à Romano Russiæ Duce benigniter humaneq; susceptus
tractatus atq; habitus, aliquanto tempore illic permansit ~

ADLEŶDA virgo religiosa & deuota, filia Cazimiri olim Craco-
uien' & Sandomirien' Ducis, Monasterium fratrum Prædicatorum seu
aliàs sub titulo Sancti Iacobi in Ciuitate Sandomirien' fundat & eri-
git. Quæ in virginitate Deo seruiens, cùm anno Domini Millesimo Du-
centesimo undecimo, octaua Decembris diem obisset, in eodem Mona-
sterio sepulturam accepit ~

EMERICVS Hungaria Rex cùm vix anno regnasset moritur octa-
uo Calend' Decembris, & in Ecclesia maiori Agrien' sepelitur. In cui-
us locum filius eius Ladislaus successit, coronatus septimo Calend'
Septembris ~

Anno Domini 1201.

Mieczslaus dum Helenæ pacta seruare
velle negat, per Nicolaum Palatinu Crac'
dum ipse ad maiorem Poloniam iuisset Mo-
narchia priuatur, et tota terra Cracouien'
Lestkom Albo Duci Polonorum restituitur ~

Alterum iam annum Mieczslaus Senex in Monarchia & Prin-
cipatu Cracouien' agebat, nondum tamen ex multiplicibus promissis
& pactis Lestkom Duci & gemitrici illius Helenæ Ducissæ

factis aliquod impleuerat, sed nec Cuiacien' terram superioribus annis
 iniuste occupatam, restituerat, Verum vafro usus ingenio, interdum publi:
 cas occupationes, interdum corporis valetudinem in sui excusatione op:
 ponebat. Tum primū Ducissa Helena Cazimiri relicta se ā Mieczslao
 Sene circumuentam & delusam vanissimis promissis querebatur, tum
 etiam caput agnoscere, muliebres suas actiones & consilia, quibus in
 id ludibriū ventum erat, virorum consiliis quæ id maxime improba:
 bant, longē inferiora & minus tuta fore. Nondum tamen omni spe, quam
 ex promissis Mieczslai Senis conceperat, deposita, in Cracouiam adue:
 niens, Mieczslaum priuatim primum, deinde publicē conuenit, ut pacto:
 rum secum & cum filiis suis initorum memor, Cuiaciensem terram eis re:
 stituat, militari cingulo utrumq; cingeret & Monarchiæ atq; Cra:
 couien' Principatus heredes se moriente scribat. Verum Mieczslaus
 Senex (ut erat vir versutiarum plenus) placidis primū Ducissam He:
 lenam relictam Cazimiri gloriā suā habitis sermonibus, satis restare
 asserit, quo hæc perfici possint, de tempore, deinde ubi muliebrem impor:
 tunitatem vidit eo responso non contentam, fortius de pactorum violatione
 queri respondit, pacta ampliorem violationem sumptura, si filiis propriis
 & debitam iam non aetatem tantummodo sed & prudentiam habentibus,
 neglectis nepotes immaturos & ephebos, anteferat. Sed nec potuisse pri:
 uatis pactis, filiis sibi legitime successuris, ius publicum successionis tolli
 aut eneruari. Abiret proinde & intelligeret ius publicum iure privato
 non posse conuelli, nec ā se alios creari aut scribi heredes, quā eos qui
 ex lumbis suis procedentes, quamlibet aliam creationem minime forent la:
 turi. Eo responso Helena Cazimiri relicta, & violatum pacta, & pre:
 ces suas repudiatum iri dinoscens, tristis & gemens in Sandomiriam reuersa,
 plures ex Cracouien' Baronibus, quorum fida quondam consilia neglexerat,
 per nuncios & literas, ne tam notoriam iniuriam sibi & filiis suis illatam,
 inultam esse sinant, & filios suos in Principatum Cracouien' restituant, ob:
 secerabat, promittens nihil se decetero nisi ex eorum arbitrio in Rebus pub:
 acturam. Promouebat autem petitionem huiusmodi non solum filiorum
 Cazimiri charitas, in pectoribus singulorum ex beneficiis paternis viuens,
 sed etiam Mieczslai Senis odium, qui ut securius in Cracouien' imperaret
 Principatu, aliquos Barones ex veteribus possessionibus, ad se illas asse:
 rens pertinere, deturbauerat, & nobilibus ex maiori Polonia, quasi ma:
 gis sibi fidis, illas, & publicos Magistratus atq; officia contulerat,
 pluresq; credebatur processu temporis, firmato solio deturbaturus.
 In perniciem itaq; & exclusionem Mieczslai Senis facile exul:
 cerati, omnium animi consentiunt, Et Mieczslao in terras maioris

Poloniae diuertente, Nicolaus Palatinus Cracouiē, arce Cracouiē occupata
Lestkonem Album, et matrem eius Ducissam Helenam, in Cracouiē Principa-
tum introducit, et omnium illi animos studiūq; conciliat, Officiales & Praefe-
ctos Mieczslai, et quoscunq; illi fauere nouerat, iubens post illum in Maiorem
Poloniam transmigrare. Et licet omnia Castra & munitiones Cracouiē
Principatus Lestkoni parerent, solum tamen Bithomiense Castrum pro Miecz-
slao sene tenebatur, in quod Mieczslaus Dux fortissimum praesidium militum
transmittens, Cracouiensem Prouinciā spoliis, praedis, & rapinis, ceterisque
incommodis vexare non obmittebat.

PRZEMISLAUS Bohemiae Rex prima & legitima sua uxore Adla
sorore Marchionis Missnen repudiata, Constantiam Regis Hungariae Be-
lae sororem accepit in uxorem.

*Boleslaus altus Wratislauien Dux cum
filiis suis, mortuus Henricum cum barba
filium, S^{ti} Hedrigis maritū reliquit succōrem.*

DE cimo Calen^{is} Februarii Iaroslau Ep^{us} Wratislauien filius Boleslai
alti Ducis, Wratislauia moritur, cū Ecclesiam Wratislauien trien-
nio vix actō gubernasset, & in Ecclesia Wratislauien sepelitur.
Cui Cyprianus Ep^{us} Lubucen, qui Abbas Sancti Vincentii extra muros Wrat-
slauien existens in Lubucen Ep^{um} promotus fuerat, Canonicē postulatus succe-
dit, & ab Imocentio Papa tertio confirmatus. Et non post plures dies Bole-
slaus altus Dux Wratislauia, filium suum Iaroslau secutus, octauo v^{er}o
Idus Decembris moritur, & in Monasterio Lubens sepelitur. Hic cū du-
as uxores habuisset, v^{er}o Venceslauam Putenam, & Adleydam sororem
Imperatricis, coniugis v^{er}o Conradi secundi Imperatoris, ex Venceslaua qui-
dem Iaroslau Ep^{um} Wratislauien, & Boleslau filiamq; Algam nomine genuit
ex Adleyda vero Henricum cum barba vocatum, Conradum, Ioannem, et fi-
liam Adleydam, quae Dipoldo Marchioni Morauia fuit matrimonialiter co-
pulata, suscepit. Sed omnibus filiis Boleslai Altii immaturē obeuntibus, &
in Monasterio Lubensis sepultis, solus Henricus cum barba superstes existens,
patri in Wratislauien Ducatu & in aliis Dominiis successit. Secundo geni-
tus enim suus Boleslaus, dum pro militia consequenda oras & regiones vi-
sitaturus se preparasset, quinto decimo Calen^{is} Augusti obiit. Conradus
tertio nonas Iunii, & Ioannes sexto Idus Martii fati absumpti. Frat-
itaq; Henricus cum barba non solum Ducatum Polonia à patre reli-
ctorum integritate conspicuus, sed etiam splendido & raro coniugio

Hedwigis consortis suae filiae Bartholdi Moraviae Ducis celebris et clarus, quae admirandis iam tunc fulgens virtutibus, Sanctitatis suae decus longè lateq̃ diffundebat ~

LADISLAVS Hungariae Rex cū exiguo tempore regnasset nonas Maji mortuus in Alba regali sepelitur. Post cuius obitum Andreas filius Bela tertii, adeptus est regnum, in die Pentecostes favore omnium coronatus. Huic erat coniunx Gertrudis filia Bartholdi Moraviae Ducis soror germana Sanctae Hedwigis, de qua tres filios videlicet Be-lam, Colomanum, et Andream, ac unam filiam videlicet beatam Helizabet̃h produxit ~

Anno Domini 1202.

Mieczslaus non prevalens contra fidem Baronum quicquam de sua ad Monarchiam restitutione, iterum ab Helena omnia imperat, Et ut Nicolaus Palatinus Cracoviensis in exilium mittatur. Qui ad eundem fugiens, ipsum ad omnia reducit. Et Mieczslaus Helena promissa non servans. Villiciam oppidum capit, tandem brevi moriturus.

Cracoviensi Principatu Mieczslaus maioris Poloniae Dux gravi molestia Et dolore, Baronum Cracoviensium dolo Et iniquitate, exutum se querens, ad repetendum illum animum Et cogitationes intendit. Armorum autem via, velut quae multas secum difficultates, modosq̃ Et casus fortuitos ferebat, obmissa, ad ingemorum viam, plus commodi minus impensae habituram, se totum convertit. Et Baronum quidem Cracoviensium pertentatis exploratisq̃ animis, dum spei suae, omnibus Principatum suum execrantibus, non responderet effectus, ad nota Et irrita redit ingenia, Et Ducissam Helenam, Leszkoms Et Conradi matrem, Cazimiri relictam, blandioribus quam antè conuenit sermonibus. Et primum quidem suspitionis facinus, ex transgressione prioris fœderis quantum valet, extenuat, deinde muliebrem animum amplissimis promissionibus onerat. Non ex me, inquit, glos charissima, fœderis inter nos icti conditiones putes neglectas aut violatas esse, ad quarum executionem continuo ferebar Et nunc feror ardore, sed Cracoviensium Procerum, quod servata

Et impleta non fuerint, scias iniquitate effectum, qui non sinebant me ad illorum procedere executionem. Nec alia extat mea exclusio a Principatu Cracouien causa, nisi quod me senserant, eorum consiliis neglectis ad observandum conditiones in fœdere expressas, processurum. Fides itaque mea et iurisiurandi religio, in tuum et filiorum tuorum profectum periclitantur, me Cracouien exiit Principatu. Quam quidem iniuriam etsi ego patientius quam mihi conueniret tulerim, te tamen pro filiorum tuorum commodis, quæ interceptum et neglectum iri vides, non arbitror æquo animo laturam. Ut autem de mea in te et filios tuos nepotes meos fide, aliquali significatio: ne certior existas, Cuiaviensem Prouinciam, etiam iam nunc resigno, de eaque cedo, literasque quantumcunque efficaces volueris, in filiorum tuorum fauorem, Principatum eis Cracouien me obeunte resignans, et hæredes eos instituens scribo, tibi quoque trado. His Helena Ducissa liquefacta promissionibus, Mieczslao Duci se de Cracouien Principatu cessuram, si promissas conditiones prius impleuerit, obligat. Verum Mieczslaus Dux veritus, ne noua vis nouaque consilia Cracouien Procerum, et præsertim Nicolai Palatini Cracouien, cuius nutu singula dirigebantur, conclusionem huiusmodi inficiat et irritet, Helenam Ducissam rogat, ut si velit singula pacta rata esse, Nicolaum Palatinum Cracouien, et in exilium agi, et de arcibus suorum consiliis consentiat eici, ne de Principibus et Dominiis suis ludibria exerceat, ne pro libito suo uno defecto, alterum pro Principe instituat. Eo enim in Magistratu quem gerit remanente, neque fœderum impletionem, neque concordiam et quietem inter se et nepotes prouenturam, eo vero exulante, ea omnia quæ aut pacta aut concordiam inficere possent, cessatura. Hæc aut Mieczslaus Senex ideo aestuabat perficere, ut Nicolao Palatino, quem sciebat Leszkonis et Conradi nepotum suorum fidelissimum et constantem amicum et cultorem esse, sublato, facilius in suos filios Wladislaum et Othonem deriuaretur successio. Ducissa autem Helena Cazimiri relicta, iam dudum Nicolao Palatino Cracouien pro variis rebus et suspicionibus, quibus inuidorum liuor eum onerarat, ut potest virum industrium, et iusto ac legitimo tenore singulas Reip. partes administrante, offensa, in exclusionem exiliationemque suam facilem præstitit consensum. Quo periculo Nicolaus Palatinus intellecto, ad Ducissam Helenam Cazimiri relictam et filios suos Leszkonem et Conradum supplex venit, orans, ut fidelium suorum obsequiorum tam præstitorum quam præstandorum memores, exulatum se iri non paciantur, in eius præsertim hostis fauorem, quem non nisi propter fidem in eos patremque eorum habitam, sibi grauius nosset iratum, ne quoque hosti communi suum deuouerent caput, quod ipse in certamine ad Mosgauam cum eodem hoste habito, extremo periculo pro eis ob-

iecisset. Verum cum nihil pacificum à Ducissa & filiis responderetur (quippe iam graui indignationis nubilo Ducissa in Nicolaum Palatinum efferbu erat, ut supplicationes suas surdis auribus audiret) Palatinus ipse implacabilem attendens iram Ducissae, rebus suis prospecturus, ad Mieczslauum ipsum Senem Posnaniam personaliter contendit, facilius sperans se apud publicum & iratum hostem, quam apud infensam Ducissam, veniam obtenturum. Magna gratitudine ac beneuolentia à Mieczslao Sena exceptus, maximoque fauore & honore habitus est, non dubitabat enim Mieczslaus Dux, principalis & praecipui Baronis accessione Solium suum in Principatu Cracouiensi & pro se & pro filiis firmaturum. Gaudebat insuper eum sui rerumque suarum habere adiutorem, quem antea infestum expertus erat hostem, & cuius sola auctoritate de Principatu Cracouiensi vice iam tertia exciderat. Omnium itaque offensarum superiorum culpas liberaliter illi donat & ignoscit, & amplissimis promissionibus oneratum, in sui fidem & amicitiam conciliat, intelligens se ad conditiones in foedere cum Helena imito, Palatini assistentia habita cogi non posse. Nec eum fefellit opinio, eius quidem ductu & consiliis Mieczslaus Senex Dux in Cracouiam receptus est, & iam arx quam Urbs Cracouiensis, caeteraeque Ciuitates & muntiones in Ducatu Cracouiensi mandante & dirigente Nicolao Palatino Cracouiensi, in ditionem Mieczslai consignantur: totiusque Ducatus Cracouiensi plena possessio Mieczslao (nulla illarum conditione, quam Helena Ducissa promiserat, impleta) assignatur, & in Ducissae Helena odium singuli Cracouiensi Proceres Mieczslao plenam & fidelem faciunt adhaesionem. Ex qua re Mieczslaus Senex iureiurando cum Ducissa & filiis eius se solutum tenens, cum non ex sua resignatione, sed ex Nicolai Palatini Cracouiensi fauore, se asserit adeptum fuisse Principatum, nihil de his quae promiserat se censet impleturum. Et in hunc modum Ducissae & nepotibus, de implendo foedere in conditionibus eius eum requiruntibus, respondit. Multentibusque responsionem suam Cracouiensi Proceribus, nedum Cuiaciensem terram iniuste occupatam non restituit, sed insuper Vislicien Oppidum cum tribus Castris ad terram Sandomiriensem pertinentibus, quae in ditione Leskoni & Conradi erant, occupat. Pro quorum restitutione interpellatus, respondet illa sui iuris esse, & iuste occupasse, & non ad Sandomiriensem sed ad Cracouiensem Prouinciam spectare debere. Sed neque tulisset caeteras urbes & muntiones Sandomiriensis terrae sub potestate nepotum esse, nisi illum magno animo de reintegratione uniuersae Monarchiae cogitationibus distentum, mors insperata absumpsisset. Prius enim quam cogitata perficere caperat, à morte praeventus in Ecclesia Collegiata Sancti Pauli in Calisch, cuius ipse fundator erat primarius, in sepulchro filii sui Mieczslai sepelitur. Oppido autem Calisien de veteri

loco in quo tunc consistebat, in nouum locum in quo nunc situm est translatum. Ecclesia etiam Sancti Pauli in Ecclesiam Sanctae Mariae Collegiatam translata & transmutata est, & fabrica Ecclesiae Sancti Pauli labefactata & defluente. Ducato sepulchrum sub diuo relictum monstratur potius ab acolis quam scitur. Reliquit autem Mieczslaus Senex duos filios Wladislaum natu maiorem, & Othonem, alii enim antequam ad debitam aetatem peruenirent diem obierant. Et Otho quidem paucis annis post superuiuens moritur, filium unum Wladislaum impuberem qui Plmacz vocatus est, derelinquens, propter quod Wladislaus frater suus, qui magnus & Lasconogi vocatus, nepotis tutelam agens, vniuersum Principatum gubernabat ~

Expulsionem suam Rurik Rosczislauicz a Kiiouien Ducatu acerbè ferens, Polomczonum ad quos confugerat nactus in notabili numero suffragia, habens etiam in suo comitatu filios Olch, venit contra Kiiom, & nemine aduersus eum stare aut Castrum Kiiouien defendere auso, Castrum Kiiouien secunda Ianuarii capit. Barbarorum autem Polomczonum multitudo & feritas, Civitatem multifaria clade, crudelitate et spolio affligens, in omnes etiam Ecclesias & Monasteria, aedesq; Deo dicatas ac ministros eius desavit, spoliando Ecclesiam Metropolitanam Sanctae Sophiae & omnes alias. Vniuersis autem Senibus & infirmis partim trucidatis, partim caecatis, Sacerdotes Monachos, Monachas & omnes Kiiouien Boiarios, Cives & plebem communem, cum uxoribus paruulis, & lactantibus, in captiuitatem & religionem suam deduxit. Captiui & sub eodem tempore fuerant Wladimiricz Msczi, slaus, item Rosczislau Dux & militia eius per Polomczos. Quibus malis patrat, Rurik in sede Kiiouien vasta tamen & penè deserta, consedit ~

Anno Domini 1203.

Conuentione habita de Monarcha eligendo, omnes in Lestkonem consentiunt modo prius relegetur Gouortius Palatinus Sandomiriensis. Quod cum facere Lestko negligit, ipse Palatinus separatim offert ad exilium. Cuius virtutem complexus Lestko cum ea condicione renuit Principatum.

Ad substituendum in Principatum Cracouiensem ex Mieczslai Senis morte vacantem, alium Principem, Fulco Episcopus & Nicolaus

705

Palatinus Cracouiensis, generalem Conuentum Comitiorum gratia, apud Craco-
 uiam instituunt. Quo cum militarium frequens numerus conuenisset, singuli
 ad Leskone Album, cum ob paterna merita, tum ne Principatus Cracouiensis
 sequestrationem a Sandomiriensi acciperet, tum ob indolem Principis, ceperunt
 habere respectum, nec inter Principes Poloniæ alius æquè utilis videbatur.
 Aduersabatur huic voto Nicolaus Palatinus Cracouiens, & indignum cense-
 bat parere Principi, cuius singulæ actiones ex leuitate faminea (notabat aut
 Helenam Ducissam Cazimiri relictam & matrem Leskonis) dependerent,
 cuius bili indignabatur se superiori anno fuisse proscriptum. Parua tamen hæc
 causa & meliori ordine rescindenda putabatur, alia multo acerbior exiabat. Ni-
 colaus enim Palatinus Cracouiens, & Gouortius Palatinus Sandomiriensis, in
 tam testatas & vulgatas inimicitias deuenerant, ut unus alterius nedum for-
 tunis sed & capiti insidiaretur. Superiore quoque tempore Gouortius Palatinus
 Sandomiriens, potentiam Nicolai Palatini Cracouiens non ferens, in Bohemiam
 exulatum abierat. De qua a Leskone Albo, postquam Miecyslaus Monar-
 chiam & Principatum Cracouiens occupasset, reuocatus, in primo honoris gra-
 du apud Leskone & Sandomiriens Proceres habebatur. In huius itaque
 odium Nicolaus Palatinus Cracouiens, Leskonis magnoperè abnuebat Prin-
 cipatum, difficileque erat illo dissentiente, in fauorem Leskonis aliquod con-
 cedere decretum, cum & sui & Fulconis Episcopi respectu, cæteri Cracoui-
 ens Proceres ex eorum sententia penderent. Longo itaque tractatu habito,
 & si omnium vota pro Leskone albo inclinarent, non aliter tamen pro Prin-
 cipe eum suscipere placuit, nisi ut Gouortium Palatinum Sandomiriens a se
 prorsus relegeret, & abdicet, cum ex duorum mutua & infesta collisione, neque
 Rompe legitime posse dirigi, neque consilia tutè tractari, neque fidei & subiectio-
 nilocum esse. In hunc modum Lesko Albus dum Cracouiens Legatos accepis-
 set, diu cum suis quid ageret perplexus mansit. & optabile quidem erat Cra-
 couiens Principatum ultro delatum suscipere, & execrandis scismatibus, &
 bellis propterea orituris seminarium auferre. Nemini tamen satis placebat
 virum innocentem absque demerito exiliatiõis pæna, quam de illo Nicolaus
 Palatinus Cracouiens petebat, mulctari, & in assecutiõis Cracouiens Princi-
 patus, bene meritum Consiliarium proscribi. Dum autem in huiusmodi ambi-
 guitate Lesko albus & sui Consiliarii versarentur, nec quale responsum
 Cracouiensium Legatis æderent, inuenirent, Gouortius Palatinus Sandomi-
 riens, difficultatis prædictæ nodum soluturus, ita disseruit. Indignum, inquit,
 clarissime Princeps reor, ut propter me unum, cras forsitan aut hodiè e vita
 excessurum, publica deseratur utilitas, & ob meæ salutis vnius respectum,
 salus infimorum negligatur, tu quoque a Cracouiensis Principatus, cuius tibi
 Diuina & humana debetur iusta successio, excedas portione. Cum in omnibus

humanis actionibus publica optimum sit priuatis anteferri. De me quidem exi-
guam & nullam, dummodo Cracouiē Principatum assequeris, habendam fo-
re rationem, & omnem moram exortae propter me difficultatis censeo rescin-
di: nunquam enim in iusta acie horrendum est fideli seruo & militi pro Prin-
cipe & Domino suo honestam mortem oppetere. Quanto magis & mihi gloriosum
erit, pro tui Principatus diffundenda amplitudine, ad iniustum exilium ire: sc-
licet me & genus meum ratus, si quid indignum pro te & pro Rep. cui soli vi-
tam debeo, pertulero. Plus virtuosē loquendo profecit, quāsi arroganter ge-
sisset, tam modesta enim & humili sermonis suppellectili omnes mouit, ut po-
tius de sua salute seruanda, quā de assequendo Cracouiē Principatu, co-
gitarent. Leszko quoqz Albus Dux Legatis Cracouiē in consilium intro-
ductis, ita respondit. Et si vestram ceterorumqz Cracouiē Procerum er-
ga me fidem gratam commendatamqz habeam, qua me in Principatum Cra-
couiē elegistis, in quem et ipsum quoqz iure naturali & Diuino mihi compete-
bat successio, non sum tamen terrenorum Principatum adeo auidus, ut pro
illis consequendis tyrannum me potius quā legitimum Ducem geram, & Gouor-
nium Palatinum Sandomiriensem militem probatē erga me fidei, pro sola Ni-
colai Palatini Cracouiē voluntate & beneplacito a me relegem, & virū
innoxium contra fas iusqz exulare compellam, & carificina erga illum po-
tius quā Ducali vsus auctoritate, improbo. comercio, caliginem mihi &
nomini meo obfundenti, Cracouiē nanciscar Principatum. Aliis itaqz Cra-
couiē Proceres, eam quam attulistis, dicant legem, me enim ita instructum
norint, ut mallem prius honestē mori, quā innoxios iuxta ac scelestos plus iu-
sto punire. Murmure deinde postquam Dux Leszko finem dicendi fecisset
& Consiliariis Leszkomis exorto, vexabatur nonnullorum probris Nico-
laus Palatinus Cracouiē, quod & superbius se quā conditioni suae con-
ueniret gereret, & splendēre aliena inuidia & incommodo laboraret, im-
moderatqz eum cupisse ac petisse parumqz honesta asserebant, quod solus
contenderet repudiatum iri, quae ceteri probabant, ac contra omnium
decreta suam valere sententiam.

*Celebrato iterum de electione Principis Con-
uentu Wladislaus filius Mieczslai de consensu
Leszkomis in Monarcham Poloniae eligitur seq-
optimum in primordio Domini, gessit Principem.*

*Cracouiē Proceres de voluntate Leszkomis Albi per Legatos
suos certificati, quid facto opus sit, altero apud Cracouiam Con-*

uentu indicto, consultant. Et quamuis omnes conditionem improbam de exiliando Gouertio Palatino Sandomirien tolli, & Leszkone in Principem assumi frequentibus sententiis decernerent. Nicolao tamen Palatino Cracouien in aduersum cum Fulcone Episcopo germano suo, & caeteris suae cognationis fratribus nitente, vniuersus Senatus, qui in bubali morem ab eo quocumque vellet traheretur, sententiae suae assensus, Wladislaum Ducem Posnamien, filium Mieczslai Senis nuper defuncti eligit in Ducem. Noui quoque ad illum transmittuntur nuncii, exhortaturi illum, ut Cracouiam quam celerrime adueniat, geminato iure & successione & hereditario, & paterno & electionis conformis, nuper de eo a militaribus factae, Cracouien Principatum possessurus. Wladislaus autem Mieczslauicz Posnamien Dux sciens Cracouien Proceres priorem electionem de Albo Leszkone Duce Sandomirien fecisse, petitioni Cracouien Legatorum consentire cunctabatur, bellorum dissidia, quae quondam inter patrem suum Mieczslaum Senem & patruum Cazimirum viguerant, execratus. Verum Legatis id refellentibus, & refutasse Leszkone albam electionem de se factam asruentibus, Wladislaus Mieczslauicz expressam voluntate Leszkonis Albi, ne se & patriam civili bello inuolueret, sciturus, nuncios transmittit, per quos & Legationem Baronum Cracouien ad se factam insinuat. Et an Leszko factam de se electionem ad Cracouien Principatum prosequi, vel relinquere velit, diligentius explorat. Offerens se pro debito fraterno, quamuis & se iuxta atque illum, tam electionis quam paterna hereditatis respectu contingat in praefato Principatu Cracouien successio, iuri & voluntati suae non aduersaturum. His Leszko Albus consilio habito, contra omnium Consiliariorum vota respondet, electionem ad Cracouien Ducatum de se factam, dudum, propter conditionem de exiliando Gouertio Palatino Sandomirien appositam, refutasse, nunc quoque nisi eadem purgaretur conditio, eiusdem voluntatis atque tenoris esse, nec posse adduci, ut cum Palatini sui dedecore & iniuria, sui fasces augeat Principatus. Ageret proinde quod sibi & Reip. profuturum existimaret, neque se neque fratrem suum Conradum eius ascensum ad Cracouien Principatum impediturum. Haec responsio a Leszkone albo iuuenili potius ardore quam maturo consilio facta, pluribus Ecclesiasticis & Saecularibus illam magnopere execrantibus, gemitus & lachrymas excussit, dolentibus & vociferantibus Prosapiam Cazimiri Ducis optimi a iusta Monarchiae successione excludi. Wladislaus itaque Mieczslauicz de voluntate Leszkonis Albi Sandomirien Ducis certior factus, etiam Ducis Opolien, Ratiborien, & Henrici Wratislauien sibi animos conciliat, quorum & si non magnopere sciebat prodesse sibi fauorem, volebat tamen ut vir prudens & industrius tollere inuidiam. Quibus omnibus perfectis Wladislaus Mieczslauicz in Cracouiam ascendit, & ab vniuersis Proceribus exceptus, omnium concordia fa-

uore & consensu Monarcha factus Cracouiē accepit Principatum. In quo se mira benignitate omnibus gratiosum gessit, præbens quibuscunq; ad se faciles aditus, causas iusto decidens examine, iniurias ab infirmioribus propulsans, & singulorum iustis & honestis petitionibus condescendens. Vniuersa quæ habere poterat, in milites munifica liberalitate effundebat. Formam & fortitudinem nactus à natura egregiam, forma tamen ipsi crurum obstabat alta tenuitas, ob quam & ipse Laskonogi appellationem sortitus fuerat.

Lustro uno in Pontificatu Wladislauiē Ogerius Episcopus exacto moritur, & in Wladislauiē Ecclesia sepelitur. Cui Bartha Italus Auditor Palatii, ab Innocentio Papa prouisus succedit.

*Fundatio Monasterii in Trzebnicza per
beatam Hedwigim Ducissam Wratislauienſē.*

Henricus Dux Wratislauien' & Slesia, frequentibus sua consortis, Ducissæ Hedwigis, fæminæ religiosæ & deuotissimæ, precibus, consiliis & persuasionibus permotus, in Ducatu & loco suo, qui nunc appellatur Trzebnicz, tribus miliaribus à Wratislauien' Ciuitate distante, fundat Monasterium Sanctimonialium Ordinis Cisterciē, sub honore et titulo Sancti Bartholomei Apostoli. Pro dote autem Monasterii oppidum Trzebnicz, item villas Lipniczam, Komerscham, Brejthnom, Kothlowicze, Tuczmandorff, Hartlip, torff, Sudlino, Lauor, Skrankoua, Kozothmicze, & plures alias villas, census & introitus, qui pro mille personis sufficerent, donatione perpetua contulit & donauit, Ducissa beata Hedwig abdicante se iure dotalicii, quod in bonis Monasterio largitis habebat inscriptum. A fundamentis autem tam Ecclesiam beati Bartholomei quam Monasterium & eius officinas incians, muro pulcherrimo & sumptuoso, infra annos quindecim consumauit. Et anno Domini Millesimo Dvcentesimo, decimo nono, Ecclesiæ ipsius profecit dedicationem. Compertum autem est factulo calculo, sumptus Ecclesiæ & Monasterii, ad triginta millia marcarum Polonicalium ascendisse. Sub omnibus autem quindecim annis quibus opus prædictum perficiebatur, Ducissa beata Hedwig nullum maleficium, quantocunq; scelere inquinatum, siue per Henricum Ducem, siue eius officiales & iudices, ad capitis damnatum sententiam permisit notari, sed quemlibet Monasterii Trzebnicensis applicabat laboribus, ut secundum culpæ demeritum, duriori vel faciliiori labore, diuturno vel breui tempore, patratum scelus expiaret. Ex Monasterio autem Bambergē, moniales ad suscipiendum locum illum nouum accitæ primum præfatum monasterium incolere ceperunt, primaq; loci illius Abbatisa fuit,

virgo Petrusa Almana, secunda Gertrudis Henrici Ducis & beatae Hedwigis filia. Et tam in primiciis quam post Centum moniales in Monasterio ipso pro uno tempore, dote Monasterii abundante immorari & degere consueverant. Idcirco autem locus praefatus pro fundando Monasterio acceptus est, licet se alii maiori commoditate submixi offerrent, quod Henricus Dux Venationibus operam dāns, in eum ipsum locum tunc quidem paludinosum cum equo incidens, non se aliter periculum imminens euitaturum existimaret; cum lapso & limosa congerie inuoluto, ut amplius, nisi inuocasset auxilium ex alto, inuoluendo, familiaribus comitibusque per alia loca saltusque discurrentibus, ferret opem nemo, nisi se voto astrinxisset, Monasterium Sanctimomialium illic quam primum fundaturum. Verum ut est conditio hominum, in periculis articulo multa arduaque polliceri, & promissionum voto facile consecuto obliuisci. Henricus Dux ab imminenti voraginis exitio, cum qua diutius luctatus fuerat, sola ope Diuina liberatus, quod solenniter voverat cepit negligere, voti sui cunctatorem se magis aliquanto tempore quam impletorem exhibens. Faemina autem beata Hedwigis consors sua, & votum huiusmodi virum suum Ducem Henricum sub praefata necessitate emisisse, & in eam diem neglexisse per spiritum intelligens, non prius illum salubribus cum precibus tum monitis ad reddendum votum quod emisisset, & cuius emissionem, quod absque arbitris facta esset, tam Ducissam suam Hedwigem, quam quoslibet alios, cellatum iri crediderat, conducere destitit, donec sponsionem suam pleno operi mandauit. Cuius quidem Monasterii tam adificatione quam dotatione perfecta, cum Dux Illustris a Petrusa Abbatisa & Sanctimonialibus quereretur, si qua re adhuc ipsae vel Monasterium ipsarum indigerent, offerens se cuiuslibet indigentiae Ducali munificentia prouisurum, & responso accepto, dotalia sibi & Monasterio ab eo praestita munera, plena ac sufficientia fore, neque Monasterium ampliori prouisione indigere a responsionis euentu loco nomen indidit, & ipsum Trzebanicz, quod in vulgari Polonico sonat, nullius egens, appellauit ~

Anno Domini 1704.

Romanus Haliciensis Dux Lestkomi tributa negat, & hostem se declarat ac terras eius inuadit. Quem aliquoties Lestko albus excursions facientem profligauit.

Louis & parua Lestkoni Albo Cracouiensis Principatus (in quam omnibus Primoribus Consiliariis aduersantibus prorupit temere magis

quàm consulto) renuntiatio & cessio primùm videbatur, quæ processu tem-
poris non solum illius famam & amplitudinem diminuit, sed etiam hostium &
inuidorum ceruices contra illum suscitauit & erexit. Romanus namq̃ Wladi-
mirien Dux qui ex concessione & munificentia Leszkoni etiam Halicien
adeptus erat Principatum cognoscens illum à Monarchia & Principatu Cra-
couien excidisse, & tantummodo ad Sandomirien, Lublinen, Masouien, Cui-
uiensemq̃ Ducatum redactum esse, contemptui illum cum propter diminutam
potentiam, tum propter lasciuam, & nondum ad virilem ætatem pertingentem
ætatem, & cuilibet iniuriæ opportunam, habere cepit. In rebellionem quoq̃
versus, pensa hæcenus denegat tributa, & se non vasallum neq̃ subiectum
sed hostem infestum Leszkoni & suis Ducatibus declarat. Nam & ne-
gociantes in terris suis Polonos, singulis fortunis despoliat, & commercia
illis cum subditis suis de cæterò interdicat. Ad hæc & terras Sandomiriense,
& Lublinensem suis finitimas, primùm clandestinis mox etiam publicis ex-
cursionibus inuadit & vexat. In pleris quoq̃ locis præsidia locat, & mili-
tes in frequenti numero illis imponit, terras Leszkonis vastaturus. Tulit
aliquanto tempore Leszko Dux atroces huiuscemodi iniurias, & missis ad
Romanum nunciis, redire ad bonam mentem monebat, existimans se illius
temeritatem beneuolentia magis quàm hostilitate reciproca sanaturum.
Verùm dum Romanus ex verbis & Legationibus Leszkoni inflatus
magis quàm correctus, nihil pacificum responderet, repressalibus Leszko
uti cepit, & vicissitudinariis ordinatis præsidiis, Rutenos temere
progressos, & ad spolia effusos, aliquot certaminibus secundis strauit,
eorumq̃ insolentiam breui compescuit.

DIPOLDVS MORAUORUM Princeps Przemislao Bohemorum Regi &
Bohemis infestus, Bohemiam hostiliter ingreditur. & pluribus spoliis, in-
cendiis & damnis in ea commissis, adeò in illam propter Przemislai Re-
gis absentiam (qui tunc in expeditione Almannica constitutus, Philippum
contra Othonem, dissidentem pro Imperio, adiuuabat) grassatus est, ut
etiam Pragam graui & diuturna obsidione stringeret. Quam Przemisla-
us Rex ex Almania reuersus, dissoluit. Dipoldo cum suis detrectante
certamen.

Anno Domini 1205.

Romanus Dux Wladimirienlis cum
validissimo totius Russiæ exercitu ad

711

*Lauichost usq; peruenit. Vbi per Duces
Lestkonem et Conradum funditus profligatur et interficitur cum Polonorum magno triumpho.*

Exursionibus priuatis & leuibus Romanus Msczislauicz Wladimirien' & Halicien' Dux, Cazimiri olim Cracouien' & Sandomirien' Ducis germanus nepos ex sorore, non contentus, quibus hactenus Polonorum oras vexauerat, in id temeritatis grassatus est, ut Lestkoni & Conrado Principibus & Dominis suis, quibus fidem & subiectionem iureiurando se seruaturum obligauerat, generale bellum inferre, & Principatus eorum non horreret inuadere. Animum siquidem Romani suapte ferocem, opes immensa tyrannide quasita, Russia se; re' uniuersa subacta, equestres & pedestres copiae, ex ipsa Russia coactae, Polonorum imperium laceratum & distractum, in plures scissum Principatus, Procerum Regni scismata & discordiae, Ducum quoq; ipsorum Lestkoni & Conradi semiplena aetas, ad inferendum bellum magnopere accendebant. Accessit & durior responsio legationi suae, per Lestkonem & Conradum facta. Dum enim peteret & moneret pro damnis & impensis circa dimicationem in Suchodol contra Mieczslauum Senem factam, sibi satisfactionem impendi, & omnem oram terrae Lublinensis, in perpetuam possessionem sibi tradi, resignari, et inscribi, responsum est. Nihil illum velut profugum & desertorem meruisse, quo responso factus iratior, Poloniam magnis copiis inuasit. Prius tamen quam exercitibus & copiis in unum congestis Russiae fines excederet, mittit Romanus Msczislauicz Dux ad sui scismatici ritus Wladimirien' Epum nuncios speciales cum donis, rogans ut sibi in Polonicam expeditionem processuro, & triennio Polonos vastaturo, quo foelicius bellum tractet, & de hostibus trophaea referat, Pontificali authoritate benedicat. At Wladimirien' Epus missa munera dedignatus, nunciis etiam benedictionem instantius flagitantibus, respondet. Non se Romano Duci impia bella aggredienti, & Polonis non tam iniustum quam execrabile bellum inferenti (cum saepenumero Poloni pro Rutenis contra barbaras nationes pugnetes, capita sua morti & periculis obicere consueuerint) benedicendum. Super qua responsione Dux Romanus nimio exagitatus furore, Ep'o Wladimirien' remandat, se eam contumeliam, capitis truncatione Pontificali, cum ex Polonico bello redierit, ulturum. Sed eius minas Epus Wladimirien' negligens, reuintimat, frustra se terroribus exagitari, quomam et mors sibi pro veritate, nunquam pauida fuerit, & Romanus

an ex nefario bello rediturus sit, ignorat, magnitudo fidei etiam in Scismatico Ep'o admiranda. Maximis itaqz & frequentibus copiis ex equestri & pedestri milite coadunatis, primo aestatis tempore Romanus Rutenorum Dux, in terras Polonorum descendens, Lublinen' regionem sibi finitimam primum inuasit, Castrumqz Lublinen' quod per praesidium militum Polonorum tenebatur, obsidione cingit, et pro eius conquestione plures conatus & studia, Polonis arcem probe defendentibus, integro mense intendere non desistit. Matronas, uxores, filias militum captivas, in quadam indagine, ut pecora praecipit detineri, & a suis Rutenis permisit impudice tractari. Interim autem Leszkonis & Conradi Ducum iussione, ex Sandomirien', Masouien', & Cuiavien' Prouinciis, grandis confluxerat versus Sandomiriam exercitus, non solum ex militibus, sed etiam ex agrestibus collectus, quem etiam aliqui voluntarii milites ex Cracoui'en' Ducatu coauxerant. Romanus ab exploratoribus certior factus, Leszkonem & Conradum, exercitibus collectis, in armis esse, obsidione Lublinen' soluta, quam sibi minus prosperè videbat provenisse, in ulteriores Polonorum regiones, singula rapinis & flammis consumendo, procedit. Minaturqz se non solum Poloniae Regnum vastaturum, sed & paginam Diuinam Latinorum exterminaturum. Mittiturqz Fulco Cracoui'en', & Vitus Plocen' Epi cum aliquibus Barombus, ad furiam eius mitigandam, et pacem tractandam, offerendo satisfaciendi aequitatem, si Poloni in aliquo fœdera societatis temerassent. At ille dolos in pectore versans, pacem pollicitans, & nuncios circumuentos remittens, in ulteriora grassari cepit. Quosdam quoqz Clericos captiuos ictibus sagittarum iussit obrui, ut eliceret ab eis fidelem relationem, ubinam Leszko cum exercitu latitaret. Ad fluuium quoqz Visla perueniens, partim illum nauibus & lembis, partim vadis in aliquot locis repertis, siccitate aestatis, aquis illius diminutis, superat, & ad oppidum Zauichost statua ponit. Illic eum consistentem, frequentes sui exploratores de Polonorum aduentu auisant. Quorum cum irrideret relationes, milites quos pro excubiis tenendis transmiserat, exploratorum sententiam confirmant, sed cum his quoqz Romanus discredere, & Polonos nequaquam secum pugnaturos asseueraret, decima nona Iunii die, Sanctorum Geruasii & Prothasii martyrio dicata, sole oriente Leszko & Conradus Duces cum Polonorum exercitibus, quorum Cristinus Palatinus Masouiae erat Ductor, adueniunt, & ordinatas acies, decernere parati ostendunt. Romanus ex fastuoso trepidus factus, vix primas acies urgentibus & infestantibus illum Polonorum sagittariis, explicare in arto spacio permissus, copias & ipse suas, tumultuario magis quam legitimo more

educit, & signis collatis dimicat. Ingenti clamore ab utroque exercitu subla-
to, infestis lanceis concursus est. & a quo primum Marte praelium gereba-
tur, Polonos quidem indignatio iusta, quod Vasallus eorum, nulla offensa
laesus, ipsis bellum ultro inferret, Putenos libertatis memoria, & Dux ipse
adhortans, unumquemque ad sustinendum certamen accendebat. Polonorum
Duces Leszko & Conradus, & si in exercitu praesentes affuissent, pugnae
tamen propter aetatem interesse prohibiti, paululum a certaminis loco declinan-
tes, exitum rei inter spem & metum anxii praestolabantur, in loca tuta cum
custodibus suis, si hostibus cecisset victoria, diuersuri. Interim feruente
pugna, primis Putenorum ordinibus per Polonos contritis & prostratis Polo-
norum res moliri, Putenorum deteriori loco esse coepit. Abundante tamen
multitudine, & Romano integros pro cadentibus aut vulneratis subducen-
te, providentia & sollicitudine Ducis Romani, praelium in pluribus locis
inclinatum restituitur, Poloni non Putenis, sed Duci Romano, velut prodi-
tori, fidefrago, & transfuga irati, ad illius occisionem ardentissime con-
spirant, & globo facto, Romanum inter primos pugnantem, ex insignibus
cognitum, adorti, inuadunt. Romano Duci grauisima cuncta observabantur
oculis, manus vniuersa militum, quae circa illum conglobata, haecenus illum
egregie defenderat, a Polonis deleta, strenui ac fortissimi quique pugna-
tores ante ora Ducis sui cecidi, mutuoque cadentes, fugam & Ducis Romani
& caeterorum suorum Putenorum inhibebant. Inter haec Romanus Dux
ultimi periculi videns sibi imminere discrimen, (iam enim & equus cui insi-
debat, telis frequentibus confossus, excutere illum satagebat) per medias
acies prorumpens, ad fluvium Vistulam peruenit, ubi equus corruens illum
deseruit. Hinc vero maius obortum periculum, quo nam modo maritus Polo-
norum esset euasurus, & fluvium traiceret, tandem effatam (ut fertur)
equam a suis sibi administratam ascendens, fluvium agere superavit, iumen-
to quoque illi, quo adiutore fluvium traicerat, non secus quam parenti gratias
pro sua salute egit. Mixtus deinde fugientium suorum turbae, inter promi-
scuum vulgus, a Polonis fugientes insequentibus, & gregarium militem illum
existimantibus, obtruncatus est. Dum insuper miles & gentes Romani
Ducis, qui periculum mortis fugiendo, & tranando Vistulam euaserant, in
ripa altera Vistulae conglobati & densi, aliorum suorum comilitonum pro-
spectando effugium starent, humus ripae ab ungulis equorum et grauita-
te in ea stantium, molem sustinere non valens, disrupta dehiscens, radi-
cibus suffossa corruens, plures hostium cuneos in Vistam praecipitatos ab-
sorbuit. Gloria autem totius triumphi, tunc ex Putenis relati, in Cri-
stinum Comitem Palatinum Plocen, absque controuersia conferebatur, qui
& Princeps Militiae erat, & suo astu & industria pugnam confecerat.

Puteni cum dudum in fugam spectassent, nisi Romanus obstitisset, ter-
ga vertunt, & in fluvium Visla, a quo haud longè pugnatum est, prout
quemq; sors ferebat, caci et desperati desiliunt, & in gurgites unda-
rum prolapsi, cateruatim vir virum premens, suffocabantur. Plerique
etiam, ut promissum est, ripa Vislae ad quam natando fugiebant, ab un-
gulis equorum contrita, cadente, absorpti sunt, pauci quos aut natandi
ars, aut equorum fortium robur, adiuverat, tramarunt, & hi quoq; ma-
iori ex parte a militibus Polonorum, eos usq; Wladimiriam nocte
& interdum prosequentibus, nonnulli ab agrestibus, dum vel errarent
in sylvis vel hospitarentur in villagijs, trucidati vel capti sunt, &
de Romani illo potentissimo frequentissimog; exercitu pauci admo-
dum euasisse comperiti erant, qui suis tam ingentem cladem nunci-
arent. Ad Vislae ripas cadaverum complicabantur acerui, illic em
cunctantibus Putenis vorticibus undarum se condere, aliquanto maior
caedes, quam pro numero adita est, adeo ut fluvius Visla, cruore huma-
no tinctus, aliquando rubrum fluorem cum nativo miscens, cadis magni-
tudinem intuentibus, testaretur. Multos deniq; imperitos natandi, qui
graues erant armatura aut senio, hausere gurgites. Castris & spolijs
Putenorum Poloni potiti, & opulentissima suppellectili, illic reperta, va-
sis quoq; aureis & argenteis caelatis, vestibus, equis, armis, admodum ditati
et magnificati sunt. Victoria autem ipsa tam sonora et famosa fuit, ut
vicinarum nationum gentiumq; crebris celebraretur sermombus, Poloni
quoq; quibus prouenerat, quosq; fama, diuicijs, et honore extulerat, varijs
illam & seriem eius prosequerentur carminibus, quae etiam in hanc diem
canora voce in theatris audimus promulgari. Cadaver Romani Ducis
quod iam Sandomiriae iussu Leszkonis Ducis sepultum erat, exhumatum
per Putenorum Procures, omnibus quos ceperant ex Polonis restitutis in
libertatem captiuis, in mille marcis argenti ad sepulturam a Leszkone
Polonorum Duce redemptum, & in Wladimiriam delatum est. Leszko
& Conradus Polonorum Duces, propiciationi Diuinae et Sanctorum suffra-
gis, eorum praecipue, in quorum die pugnaverant, omnem adscribentes
victoriam, altare in Cracouien' Ecclesia, Sanctis Geruasio et Protha-
sio, erigunt, et largissimis prouentibus illud dotant. Quibus processu tem-
poris adeo castratum esse constat, ut non nisi in Ligatorum lapidea pla-
tea, & haec ipsa deserta, & ex stillicidio ruinata, & locus in postico
domorum Canonicalium, ex tam dote amplissima remanserit. Caedes
Romani Ducis & suorum exercituum, adeo Putenorum Procures natio-
nesq; attriuerat et humiliauerat, ut ultra non auderent Polonorum
terras laceßere. Episcopus Wladimirien' maximum ex illa apud

715
suos Rutenos clade praecomium consecutus, fama & opinione, quasi futu-
ri euentus praescius, cladem Romano Duci praedixerit, celebris habebatur.
Tertur Romanus nocte praecedente, cladem per quietem somniasse, quod
paruus auium, rubra capita (quas Sczigielki appellamus) habentium, nu-
merus, ab ea parte qua Sandomiria sita est, adueniens, maximum passerum
numerum deuorauit. Id cum amicis in diluculo retulisset, licet plerique
iuueneres foelix auspiciu pronuntiassent, senes tamen et prudentes astru-
ebant somnium triste esse, & Polonis quidem foelicem, Rutenis vero ad-
uersum & calamitosum portendere successum.

Polowczos Duces Russiae astringunt

V Astationem crudelem, quam in se terrisque suis Russiae Duces
a Polowczis pertulerant, dolentes in eam diem eis transisse impu-
nitam, expeditionem contra Polowczos concludunt et indicunt.
opportunoque tempore adueniente, vadunt Duces Russiae cum copiis suis,
ex equite et pedite collectis, contra Polowczos, vti Rurik Kiouiensis,
Iaroslav Pereaslauien, magni Wszewoldi filius, Romanus Msczislau-
uicz Halicien & Wladimiriensis, & Rosczislau Msczislauicz. Et
inuadentes tabernacula, quae ipsi magis proprio et usitato vocabulo turres,
id est wieze, appellant, magnos greges hominum, utriusque sexus, senibus tru-
cidatis, magnas praedas Camelorum, pecorum, et pecudum capiunt, & in
Russiam deducunt. Plerique etiam Rutenica gentis captiui, praedis &
spoliis multifariis onusti, nullam ipsis aduersitatem aut resistantiam passi,
in Russiam alacres reuertuntur, de quo apud Russiae regiones laetitia
ingens coorta est. Et quoniam Rurik Kiouiensis Dux, Polowczos ad-
uastandum Russiae terras conduxerat, & omnium malorum quae in terris
Russiae patrata fuerant auctor extiterat, a Romano Msczislauicz Hali-
cien & Wladimirien Duce, caeterisque rogantibus et probantibus, dum ex
Polowczis redirent, captiuatur, qui cum catenatum in Kioum deducens
totondit in Monachum, & uxorem eius in Monacham, filias insuper
eius liberas dimittens, filios ipsius Rosczislauum et Wladimirum capti-
uat, & in Halicz deducit captiuatos.

Lithuani primum exortj

Eodem tempore Lithuani magna multitudine glomerati, veniunt
contra Russiam, contra quos Duces Olchowiczi exeuntes, cum

illis campestraliter congregiuntur. Et licet multi ex Rutenis cecidissent, Lithuani tamen ad ultimum conflicti sunt, & ferè uniuersis captis aut occisis, pauci effugiunt. Tum quoq; primum nomen Lithuanicæ gentis, quod in eam latebat diem, auditum. Serui enim Rutenorum existentes, annis pluribus perisomata et suberes pendeabant. ~

SWANTOSLAUS Msczislauicz Dux, intelligens Kiiouiensem sedem vacuam Principe esse, fauentibus Kiiouiensibus, arcem Kiiouiensem ingreditur, cæteris id munus suscipere tunc metu Romani Msczislauicz Haliciensis Ducis non audentibus, in illa in morem Monarchæ principaturus. Quod cum Romano Msczislauicz molestissimum foret, quippè qui Rutenorum Monarcha reputari, et summam rerum Rutenicarum apud se consistere uoluit, cum potentiis suis in Kiiou adueniens, Swantoslaum Msczislauicz ex Kiiou cum ignominia exturbat et depellit, in sedeq; Kiiouiensem Roscislaum Rutikowicz, quem apud se tenebat captiuatum, locat. Alterum quoq; germanum suum Wlodimirum, de captiuitate dimittit: ut fama tam potentis quàm clementiæ suæ magis sonora fieret, & æstimatio sui nominis auergeretur, ut quoq; expeditionem, quam in Polonos eo anno moturus erat, liberiorius transigeret. ~

ALBERTVS tertius Liuiensis aliàs Rigen Epus, qui Bartholdo Liuieniensi secundo Epò, à Liuiensibus propè Bigam interfecto, successerat, Ordinem fratrum de Militia Christi nuncupatum, qui gladium et desuper Crucem, mantello insultam deferabant, apud Liuiam instituit, pro defensione fidelium contra barbaros, & tertiam partem bonorum Ecclesiæ Rigen illis in dotem assignauit. Quem Gregorius nonus ordini Teutonicorum uniuit, et ut in iurisdictione Prælatorum Liuiæ consisteret, constituit. ~

Anno Domini 1706.

Lestko Albus mortuo Nicolao Palatino Cracouiensi in Monarcham eligitur, et misso in Russiam exercitu Swatoslaum Ducem Russiæ cum aliis Rutenis captum suspendi fecit. ~

Lestko Albus Dux Sandomiriensis, dum post relatam de Romano Rutenorum Duce famosam victoriam, & apud proprias & exteras

717

nationes, nominatus & celebris haberetur, Cracouiensibus tandem Proce-
ribus (qui pro solo Nicolai Palatini Cracouiens beneplacito, naturali hære-
de relicto, Wladislaum Mieczslauicz Maioris Poloniae Ducem, pro Domi-
no & Monarcha assumere, & Cracouiam illi tradere, coacti erant) magis
charus magisque desideratus esse capit. Cum multis gradibus, & virtu-
tum morumque honestate clarior, & foelicitate factiuitateque superior Wla-
dislao Mieczslauicz putaretur, non solum ab his quos pater suus Cazimi-
rus multis beneficiis deuinxerat, sed etiam ab illis qui rerum nouanda-
rum studiosi erant, dignus Principatu & Monarchia Cracouiens iudicatus.
Et uiuente quidem Nicolao Palatino Cracouiens, studia Procerum Cra-
couiens, erga Leslkonem album conticescebant, omnibus auctoritate &
potentia Palatini Nicolai a rerum nouatione deterritis. Quamprimum
vero anni huius tempore Nicolaus Palatinus Cracouiens, ex cuius bene-
placito ferè singulorum voluntas dependebat, morte absumptus est, il-
lico sub Fulconis Cracouiens Epi presentia, Conuentu apud Cracoui-
am celerius indicto, omniumque Cracouiens Baronum & militarium votis
& suffragiis, Leslko albus Sandomiriensis Dux, Monarcha & Prin-
ceps Polonorum decernitur, & omnes in eius assumptionem, & in Wla-
dislai Mieczslauicz Ducis deiectionem, coniurant. Missi ex templo
Sandomiriam ad Leslkonem Album nuncii, decretum de eo uniuers-
sali consensu factum, publicant, simulque orant, ut Solum paternum non
cunctetur & accipere & conscondere: magis hactenus a Wladisla-
o Mieczslauicz, potentia Nicolai Palatini Cracouiens cum sui iniuria
occupatum, quam iure aliquo legitimo possessum. Qui, tam Cracouiens pre-
cibus, quam suorum Baronum Sandomiriens consiliis peruietus, Cracoui-
am adueniens, ab uniuersis ordinibus statibusque, mira fide, mira deuo-
tione & honore exceptus, Cracouiens adipiscitur Principatum, & Wla-
dislaum Mieczslauicz maioris Poloniae Ducem, & Capitaneos Praefe-
ctosque suos de illo effugat et exturbat, & omnes Ciuitates munitas &
Castra, fauentibus singulis eius imperio, in suam redegit potestatem.
Wladislaus autem Dux, qui Liaskonogi, propter tibiaram longitudi-
nem, appellatus est, ignominiam & iniuriam suam, cum esset vir modestus
et pacificus, patienter ferens, in Posnamiam cum suis recessit, & Duca-
tu suo contentus, Cracouiens Ducatum repetere non apposuit. Mittit aut
Leslko Albus Dux Cracouiens, Cracouiensium, Sandomiriens, Lublinens
quoque militum exercitum, praeficiens illis Suli slaum Castellatum Sando-
miriense in Ducem & Capitaneum, ad vastandam Russiam. Qui Swanto-
slaum Russiae Ducem, patrem Agasiae, quae postea Conrado Masouiae
Duci nupta erat, cum quatuor militibus insignioribus Russiae captiuat,

Et iussu Lestkonis miserabiliter suspensos in oculo interimit. Propter quod facinus reor Lestkonem ipsum etiam occisum fuisse, Et stirpem suam non protelasse ~

BOHEMORVM Et Moravorum exercitus, superioribus vastationibus hincinde habitis, Et animis irritatis Et frementibus, campestri certamine congressi, dum mutua collisione plures milites amississent, Moravis cedentibus et profligatis, Bohemi efficiuntur victores, licet et ipsis, multis militibus desideratis, non incruenta cesserit victoria ~

RUSSIAE Duces variis odiorum Et dissensionum turbibus clandestine collisi, tandem in apertum furorem, diutius illum celare non valentes, prodeunt, Et hostiliter conuenientes, vbi Gregorius Vladimiriensis, Et Laroſlaus Pereaslauiensis ab una, item Vladimirus, Constantinus, Et Msczislavus Duces Smolnensis Et Novogrodenſis fratres germani partibus ab altera, duodecima Aprilis, mucrone in propria viscera verso, confligunt. Et multis mortalibus utrinque caesis, captis, aut in undis submersis, cessit Constantino, Vladimiro Et Msczislavo victoria. Qui Georgium Vladimiriensem Ducem in Vladimiriensem diffugientem secuti, Vladimiriensem arcem obridione cingunt. Videns autem Georgius propter defectum militum, se Castrum tuari non posse, exiit ad victores Duces, petens pacem, et concessa est ei pax ea conditione, ut de Castro excedat, quo excedente datum est Constantino. Exercitus deinde victores Duces, contra Laroſlaum in Pereaslaw post fugam se continentem ducunt, qui illico a victoribus pacem petiit. Quam cum aquis conditionibus, Et quod sibi Pereaslaw retinere liceret, impetrasset, plurima munera reconciliatis transmisit Ducibus. Casa feruntur eo praelio Ruthenorum plus quam decem millia ~

Anno Domini 1207.

Lestko cum germano suo Conrado
partitur patrimonium.

Monarchia Polonorum Et Cracoviensis Principatu ad Lestkonem alium Cazimiri filium, plene devolutis, Conradus natus minor portionem paternam hereditatis sibi sequestrari, efflagitare cepit. Ephoborum siquidem aetatem transgressus, iuris esse sui aestuabat. Ad quod non solum naturali ferebatur affectione, sed insuper

aliquorum Procerum, fortunam suam extolli ambientium instigabatur
persuasione. Conuentu itaqz ob eam rem apud Sandomiriam, propter Du:
cissæ Lestkonis & Conradi matris presentiam, indicto, cum Fulco
Cracouien', & Gethko Plocen' Episcopi, primiqz ex Baronibus omnium Prin:
cipatum conuenerent, variis tractatibus per plures dies habitis, diuisio
tandem Principatum & terrarum, inter Lestkonem & Conradum ger:
manos, in hunc modum celebrata & sancita est. Vt Lestko Albus velut
natu maior, Cracouien', Sandomirien', Lublinen', Siradien', Lancicien',
& Pomeraniae terras & Ducatus obtineat. Masouiam propter amplitu:
dinem diffusam, cum Chelmensi, Cuiaviensi, & Dobrzinensi terris, Con:
radus natu minor pro sua sorte et portione accipiat. Hac diuisio cum ab
utroqz Principe accepta et approbata foret, etiam verbali sponsione a Du:
cibus & Baronibus interposita, firmata est, & anathematis execratio in
prauaricationem apposita. Rebusqz taliter compositis uterqz Dux in suam
abiit sedem ~

LITHUANIS ea tempestate in astate terras Russiae vastantibus Ru:
tenorum Duces Wladimir Durikowicz, Kiouiensis, habens in suo comi:
tatu Smolnen' Militiam, Romanus Borischowicz, Constantinus, Msczysla:
us, Rosczislaus, filii David occurrunt, & Lithuanos magna caede confli:
gunt, multosqz ex Ducibus Lithuanorum interficiunt, fugientes autem Lith:
uanos in longum persecuti, multos in vicis, syluis, caeterisqz abditis locis, qui:
bus se a facie persequentium condiderant, occidunt ~

Fulco Epus Cracouien' moritur. Cuius lau:
des et Vincentii Successoris illius recenset ~

Fulco atqz Pelka Crac' Epus, cum annis uno & viginti sedisset,
undecima Septembris mensis moritur, & in Ecclesia Cracouien' se:
pelitur, genere nobilis, sed actionibus nobilior, plures libertates,
Privilegia, & immunitates Ecclesiae Cracouien' apud sedem Apostolicam,
& signanter ut Epus Cracouien', omnibus aliis Episcopis Provinciae &
Ecclesiae Polonae, loco & voce prior sit, & primus Gnesnen' Archiepo in
consecrando manum imponat, obtinuit. In locum eius conformi electione
Mgr Vincentius Cadlubkonis de Karmow uico propé Opathom sito, Prapo:
situs Sandomirien', cum esset genere nobilis de domo & familia Rosa, li:
cet aliquam dignitatem aut Praebendam, in Ecclesia Cracouien' non obti:
neret, propter excellentiam ingenii & doctrinae quibus pollebat, postulatus,
& ab Innocentio III. confirmatus. Cui naturae praequantis diues & fa:

cundus uterus, præclarum ingenium contulerat, quem tam benigno lumine astra
inspexerant, ut sine externa opus admixtione, nouum condendo corpus, de An-
nalibus Polonorum Historia, magnificos per seipsum literarum sensus expresse-
rit, & literarum studii decus & ornamenta, mores ingenuos, & normam re-
cte viuendi comparatum iri aduertens, disciplinam pro nobilitate, pro patria
pro parente, pro nutrice adoptauerat. Et quamuis ad illa usque tempora, Du-
ces & Monarchæ Polonia, qui apud Cracouiam principabantur, ad suum be-
neplacitum Sedem Cracouiensem contulissent, decedentibus Episcopis, nouos pro
suo laicali more substituendo, quidam tamen Prælati & Canonici Cracouiensem
viri elegantes & fortes columnæ, huic abusioni & corruptelæ viriliter re-
sisterunt, & unanimiter præfatum Mg^rum Vincentium in Ep^{um} Cracouiensem
elegerunt, & electionem eius Innocentio III. Summo Pontifici præsentarunt.
Qui præsentatum confirmauit, & per Henricum Archiep^{um} Gnesiensem deman-
dauit consecrari. Fuit autem ex Prælatibus Cracouiensem vnus Ianuss Archie-
diaconus, qui liberam electionem Epⁱ Crac^o Capitulo obtinuit.

CRACOVIENS^{is} Episcopum Fulconem Wratislauiensem Ep^{us} Ciprianus, cum
in sede ipsa annis sex sedisset, secutus est, & sexto Calend^{is} Decembris diem
obiit, in Monasterii Lubensis Ecclesia debito honore tumulatus Laurenti-
um Canonicum Wratislauiensem, per Canonicam electionem, quamquidem Hen-
ricus cum barba Dux Wratislauiensem gratificauit, electum, habuit successo-
rem, nobilem de familia Doliuitarum, ab Henrico Archiep^o Gnesiensem con-
firmatum & in Olobog consecratum.

RESSANORVM ea tempestate Dux Hleb nomine, stupendæ crudeli-
tatis & auaritiæ homo, integrum apud Resanos Principatum occupaturus, sex
fratres germanos impia cæde sustulit. Sed & plures de Boiariis, quos captis
& conatibus suis obstare credidit, vario mortis genere deleuit.

GREGORIUS Papa nonus, anno Pontificatus sui undecimo, ad instantiam
Rigensis, Olisiensis, & Darbatensis Ep^{orum} Liuoniae Ordinem fratrum
Militia Christi vniuit & incorporauit ordini beatae Mariae Teutonico-
rum, Crucem nigram in albo pallio deferentium, & ab eo tempore capit esse
vnus ordo, ordinans et statuens, quod ordo ipse sub iurisdictione Episcoporum
consisteret.

Anno Domini 1208.

Romano occiso Ruteni omnes ad Hun-
garia Regem Andream mittunt pro filio
Colomano ad regendum. Qui occupans Rus-
siam dum a Catholicis Episcopis se coro-
nari facit, per Rutenos cum suis expellitur.

O Ceiso apud Zawichost Romano Wladimirien' & Halicien' Duce,
qui sibi fere universa' Russia' partim tyrannide, partim largitione
& ingenio, dominationem & Principatum usurpauerat, Russiaq; Du-
ces in suum coegerat obsequium & tributum, plures sibi aut armis, aut
precio, aut prece, Russia Dominum destinabant. Proceres vero &
Boiari Russia' in varias voluntates scissi, patriam etiam horrendis
bellis impleverant. Ad finitima itaq; Regna, ut bellum civile tolleretur,
censebant Primores habendum recursum, ut alicuius illorum viribus &
potentia opprimerentur exorta mala & oritura. Et licet aliqui Polo-
norum Ducum suaderent petere suffragia, & in eorum transeundum di-
tationem, recentis tamen cladis apud Zawichost acceptae memoria, ne ad
Polonos deficerent, prohibebat, Pannonij aptiores rei huic visi, per Pri-
mores Rutenorum aditi sunt, & Rex Hungarorum Andreas suppli-
citer a Rutenis exoratus, ut filium suum Colomanum illis in Dominu'
praeficeret, offerentes se illi fide et devotione sincera parituros. In cre-
dulitatem Rex Hungariae legatione Rutenorum admissa, filium Coloma-
num cum magnis copiis in Russiam, & motus intestinos compressurum, &
Regnum Rutenorum apud Halicien' accepturum, transmittit. Qui du'
Haliciam peruenisset, a primis Rutenorum Ducibus & Boiariis, iusto
honore exceptus est, & Carli Halicien' illi tradita possessio, & Msci-
slaus Msczislauicz, unus ex Russia' Ducibus, de Halicien' Principatu
exclusus. Qui sub eodem, quo Haliciam ingressus erat, tempore, se ab
Episcopis Catholicis, uelut Vincentio Epo Crac' & aliis Epis, quos se-
cum ex Pannonia adduxerat, in Regem Haliciae inungi & coronari,
Regemq; vocari & intitulari Gallatae, & uxorem suam Salomeam in
Reginam, (ita enim a patre doctus erat) procurauit. Quae res Ru-
tenorum animos, fluxam suapte fidem habentium, a Colomano, cum eis
inconsultis confecta coronatio fuerit, & alienauit, & in odium et irrita-
tionem perduxit: portendentibus coronationem ipsam, & ritus ipsorum &
generis exterminium effecturam. Omnes itaq; in Colomanum conspirant,
& exercitibus Colomani, qui eum in Russiam conduxerant, ad Hunga-
riam reuersis, dum se Colomanus tutum crederet, Rutenor' Princeps

Msczyslaus, ob præstantiam Chrobri appellatus, Putenorum & Polowczonum adiutus auxiliis, Haliciam perueniens, nonnullis Haliciensium fortaliciis & Curis captis, spoliatis & incensis, ad Haliciensem quoque arcem obsidionem admouit. In cuius oppugnatione dum Polowczonum Dux Misseruicza, alias Miczerouicza, supernè occisus esset Polowczii in Ducis sui ultionem, multa et execranda mala Halicensi terra intulerunt, scindendo quosdam Halicien' in quatuor partes, cæteros occidendo, exurendo, mutilando, & plurimos in perpetuam abducendo seruitutem. Expurgata & capta arce Halicien' à Putenis, plurimi Polonorum & Hungarorum Proceres occisi aut capti, et qui se auro parato redimere non poterant, in seruitutem venundati. Nouus etiam Rex Colomanus eiectus, per fugam turpem, Vincentio Ep'o Crac' & Luone Cancellario Poloniæ simul fugientibus, sibi consuluit. Eodem insuper anno præfatus Colomanus virginem Salomeam sororem Ducis Lestkoni Cracouiensem accipit in uxorem, cum qua usque ad mortem cælibem vitam ducens, et sibi & consorti decus virginitatis seruauit.

PHILIPPVS Dux Sueuiæ, alter de contendentibus de imperio, dum fauorem & assistentiam multorum Principum contra Othonem Comitem Pictauia' aduersarium suum sibi vendicasset, & ab Adolpho Archiepiscopo Coloniæ, qui Othonem elegerat & coronauerat, etiam se coronari prece et precio obtinuisset, potentiaque sua continuè inualesceret, contra Othonem, à Bartholdo Comite Palatino de Vitkinlinbach, qui partem tenebat Othonis, sub pace simulata, in Bamberke occiditur. Ex quo magna est orta in Germania commotio, sed per Innocentium Papam, qui in odium et detestationem Domus Sueuiæ, propter mala Henrici quæ commisit in Romanam Ecclesiam, fauebat Othoni, sedatur. Ipse quoque Otho Philippi competitoris sui filia desponsata, pacificatis rebus Almania', venit cum magno exercitu Romam, & magno honore fauoreque susceptus, pridie Calend' Octobris in Ecclesia Sancti Petri, ab Innocentio Papa Imperialem recepit benedictionem.

Anno Domini 1209.

Andreas Rex Hungariæ electionem filii sui de Ducatu Haliciens' ulturus ipsum cum magno Hungaro et Polono exercitu

in Russiam mittit. Vbi Rutheni Hunga-
ros una cum Polonis cadunt et profligant,
Colomano Rege capto. Quem Msczislav
Dux cum uxore eius reddere recusabat.

Electionem filii sui Colomani de Regno Halicien. Andreas Hun-
gariae Rex moleste ferens, expeditionem insignem in Ruthenos
magno sumptu et cura parauerat. Pro comperto enim habebat fere
omnes Russiae Duces, in eius deiectionem conspirasse, & bellum in
eam astatem, maximis apparatibus gerendum decrevisse: duplex ma-
lum superimpedens vitaturi. Vnum, ne Hungari regionem illorum iu-
ris sui facerent, si Colomanus Thronum suum in Halicien Regno
stabiliret. Alterum, ne pallas oppugnati et obsessi anno transacto
in Halicz Colomani, & pluribus crudelibus & nephariis operibus,
in Halicien per se et Poloncos patris, iusta supplicia darent. In-
telligens autem Andreas Hungariae Rex, Russiae Duces Polonconum
auxilia in quantitate magna contraxisse, & ipse ad Lestkonem Album
Monarcham Poloniae mittens, exercitum notabilem ex Polonorum militi-
bus in bellum Halicien mittere obtinuit. In tempore itaque, quo inter An-
dream Hungariae Regem, & Lestkonem Ducem et Monarcham Po-
lonorum, conuenerat, & Hungaricus & Polonicus exercitus ad Ha-
licz conuenit, Hungaricum Palatinus Hungariae Attilya Filnya,
Polonicum Nicolaus Palatinus Cracouien, vir in armis egregius duce-
bant. Nec Rutheni remorantur, quatuor enim Duces vult Msczislav
Msczislavicz, Wlodimirus Rutikowicz, Rosczislav Davidowicz, &
alter Rosczislav Msczislavicz, ceteris omnibus suas copias destinan-
tibus, adueniunt. Polonconum deinde exercitus ingens, & Hun-
garicum & Polonicum exercitum geminata superans quantitate. Com-
muni autem consilio Hungari et Poloni, aduersus Ruthenos bellum ge-
sturi, arcem in primis Halicien, fortius quo possunt communiunt. Sed
& in ipsa arce, ex Ecclesia Sanctae Mariae in castellata, alterum Ca-
stellum fortius efficiunt, praesidioque fortiorum, quos inter Polonos &
Hungaros habebant, militum superimposito, Colomano cum uxore &
matronarum faminarumque & imbecillum grege relicto, ipsi contra
Ruthenos ex Halicz egrediuntur, et aciebus ordinatis, prodeunt ad
pugnam, Poloni dextrum, Hungaris et Haliciensibus sinistrum
cornu, tenentibus. Leuis deinde armaturae militibus praemissis,
exercitus Ruthenorum infestabant. Duas etiam arces Rutheni
constituerant, vni Mieczslav Mieczslavicz, alteri Wlodimirus

Dux praerant. Polowczonum uero turmae in loco remotiori consis-
tes, id sibi consilium & propositi sumpserant, ut pugna feruente, quasi
ex insidiis prodirent. Msczislauus autem Msczislauicz, quanta ho-
stilis foret potentia, conspecturus, in aditiorum locum ascendit, sed
a Wladimiro Duce vehementer argutus, quod in periculoso tempore, spe-
culatoris magis quam Ducis officium gereret, & suo discessu uniuersum
Putenorum exercitui ruinam compararet, illico descendit, & suos
ad congressum animans, bene illos, in uirtute Crucis Sanctae triumphum
relaturos, sperare iussit. Sub quo tempore Polonicum agmen, exerci-
tum Wladimiri fortissime inuadit, plurimisque Putenorum cadentibus,
exercitus Wladimiri contritus est, & in fugam cum Wladimiro & aliis
duobus Ducibus, Rosczislao Dawidowicz, & Rosczislao Msczislauicz,
qui et ipsi in illo consisterant, uersus. Fugientes autem in plura miliaria
non Polonicus tantummodo, sed et Hungaricus exercitus persecutus est,
plurimos trucidans aut captiuans, & iam existimans debellatum. Ea res
etiam tam longa persecutio Hungaris & Polonis uictoriam adimens, cla-
de ingenti eos affecit. In terga enim Hungarorum & Haliciensium, qui
solutis ordinibus incedebant, Msczislauus cum Polowczis irruens, ipsos
facili negotio fundit et prosternit. Duces insuper Rosczislauus Dawi-
dowicz & Rosczislauus Msczislauicz, dum Hungaros se persequi cessasse
agnoscunt, fugam sistunt, & in pugnam redeunt, latus Hungarici exer-
citus inuadunt, plurimisque caesis, Palatinum Hungariae Attiliam capi-
unt, & plenam uictoriam de Hungaris & Haliciensibus Puteni con-
sequuntur. Palatino enim capto, Hungari et Halicien animos remiserant,
passimque a Polowczis trucidantur, quoniam neque dimicandi, neque fugiendi
poterat illis esse facultas, Putenis & Polowczis undique circumfusus. Re-
deunt interim Poloni ex caede et persecutione Wladimiri, & ducentes
secum spolia, & maximum captiuorum numerum, carmen patrium (signari
cladis, quae Hungaris & Halicien acciderat) canebant; existimantes
se plenam uictoriam retulisse. Verum a Rosczislao Dawidowicz & Po-
lowczis, ab omni parte circumsepti, dum neque pugnandi, neque euadendi
locus esset, occiduntur. Locant deinde Puteni & in altum erigunt Polo-
nicum signum, ad quod dum residuas Polonorum, qui uel ex caede diffu-
gerant, uel ex persecutione Wladimiri redierant, credentes illic suos
consistere, confluxisset, omnes passim trucidantur. Nec interfectorum
numerus poterat aestimari, adeo ut flumina rubra ex cruore forent, &
morientium atque uulneratorum uociferatio in Castro Halicien exaudi-
retur. Iacebant autem interfectorum, uelut arena, cadauera insepul-
ta, nec erat circumquaque Halicz, qui occisos sepelisset. Polowczi

725

autem multis nobilibus spoliis, equis, vestibus, armis potiti, etiam plurimos Hungaros et Polonos in terras suas, perpetuam laturos servitutem, deduxerant. Mandauerat autem Msczislavus victoria potitus, superbe ea abutens, suis Ruthenis, ne quonquam Hungarum aut Polonum, vivum esse sinerent. Quapropter non ab hostibus tantum Ruthenis, sed etiam ab Halicien' ad quos confugerant, aut apud quos latitabant, gratificationem Msczislavus et suo decreto impensuris, pecorum more strangulabant, peneq; omnis Hungarorum et Polonorum exercitus deletus est. Efferebatur autem tunc Msczislavus Msczislavicz Dux, quod & victoriam retulisset. & eadem in devictos Hungaros et Polonos fieri iussisset, a Ruthenis. Qui in lætitiā effusi, vociferabantur magnis clamoribus dicentes. O magne Dux & victor Msczislave Msczislavice, o fortis accipiter, ad conterendum fortes & robustos armaq; illorum, transmissus a Deo. Designant se glorificare, qui te victo, sibi destinabant victoriam: quoniam a te omnes, magnifico & glorioso Domino nro, humiliati & conflicti sunt. Assumpto deinde Msczislavus Dux Palatino Hungariæ Attilya, ad Castrum Halicien' accessit: ex quo iam Hungari et Poloni futura obsidioni se preparantes, Halicienses & Ruthenos, cum uxoribus et pignoribus eorum, perfidiam eorum et victualium defectum veriti, eiecerant. Et dum non aperiretur illi Castrum, quod Palatinus Hungariæ Attilya aperiendum, nec victori ultra resistendum, apud quem Dux & imperium Regnumq; Halicien' Deus consistere voluit, suadebat. Msczislavus ad Castra reuersus, iterum ad eos qui Castrum observabant Caduceatorem Demetrium, unum ex suis Ruthenis, apertionem persuadens, transmittit. Qui dum vacuus redisset, iterum personam liter ad Castrum accessit, et repulsam tertio passus, universam arcem die altero sepiuit; asserens se obsessos non oppugnando sed sedendo tantummodo, confecturum. Dum autem Colomanus, et hii qui secum in arce erant, negligenter intra obsidionis tempus, portam Castri posterio-rem observarent, nocturno una Rutheni suffusione facta in Castrum irrumpunt, & porta occupata, Msczislavum cum gentibus (Hungaris et Polonis pauore nimio consternatis, & ex Castro partim diffugientibus, partim se precipitantibus: cum caligo nocturna metu causante, omnia maiora credi iuberet) intromittunt. Castro potitus Msczislavus, luce erumpente ad Ecclesiam Sctæ Mariæ & Castellum, in quod Colomanus filius Hungariæ Regis cum uxore et potioribus militibus atq; faminis se, irruptione compta, receperat, accedens, illud obsidere cepit, saepiusq; colloquium cum Colomano filio Regis, expetit. Quod cum sibi, militibus Hungaris et Polonis suadentibus, negatu' fuisset,

perseuerandum in obsidione duxit. Siti deinde Colomanum et suos premente,
vas aquae illis à Msczislao transmissum est, quod pro magno munere acce-
ptum, & in capita per mensuram distributum, vix dimidia pars satisfecit.
Fame deinde premente obsessos, vitam tantummodo pacti, se Msczislao de-
dunt, ostiaqz aperiunt. Mandante autem Msczislao, educebantur Hun-
garorum Barones uxoresqz eorum, & plures insignes persona, foeminae &
matronae, nonnulliqz Polonorum milites, quos omnes aut Polonezis distribu-
it, aut Curuensibus suis donauit. Vitimus omnium Colomanus filius Re-
gis Hungariae cum uxore sua eductus, à Msczislao acceptus est, & in
Thorczsko transmissus, mandante Msczislao, ut sub diligenti cura & di-
ligentia asseruaretur, cum licentiaqz exercitibus Msczislauus in Ha-
licz consedit. Dum autem nuncius tantae cladis ad Hungariae Re-
gem perlatus fuisset, nimio maerore consternatus, & manu frontem ver-
berans, lachrymis indulgebat, dolens se tam turpiter conflictum. Qui-
bus ad consolationem consortis absterfis, militem suum Larosz ad Msczi-
slauum Ducem Russiae mittit, monens ut filium suum & uxorem eius, cae-
terosqz vinctos solueret, denunciatis se, ni id effecerit, cum omnibus po-
tentius contra Russiam venturum. Quo terrore huiusmodi nihili penden-
te, et asserente non in sua sed Diuina potestate victoriam consistere,
& se illum, si venerit excepturum, & in virtute Dei conflicturum. Hun-
gariae Rex Andreas ea responsione magis consternatus, cum et Consi-
liarii illum de superba legatione coarguerent, & nisi gratiorem ei intima-
ret, filium visurus non esset, mitiora consilia secutus, mansuetiorem le-
gationem per eundem Larosz ad Msczislauum, aquis offerendo conditio-
nibus pacem, & solui petendo filium, transmittit. Consors insuper Andreae
Regis specialem legationem ad Msczislauum mittens, submissius quam
Reginae conueniebat, pro relaxatione filii supplicabat. Msczislauus
autem veritus, ne, si Colomanum dimitteret, de nouo contra illum re-
integraretur bellum, Colomanum relaxare negauit, sed propriis Prae-
fectis in Castris Halicien' positis, in Kiou ad Msczislauum Roma-
noviez Ducem Kiouien' transiit, & pluribus diebus illic in solaciis
& voluptate exactis, in Halicz rediens illic agebat Principatum.

PHILIPPVS Posnamien' Epus post annos tredecim, quibus Po-
snamien' rexit Ecclesiam, hominem exuens, in Posnamien' Ecclesia
sepultus, Paulum primum Posnamien' Cancellarium, à Capitulari-
bus Canonicè electum, & à Henrico Gnesnen' Archiepo de Wla-
dislai Mieczslauicz maioris Poloniae Ducis consensu, confirmatum
& consecratum habuit successorem.

727
MIESŁAW filius Boleslai victoriosi Dux maioris Poloniæ pri:
ma Augusti fundat Monasterium Sancti Benedicti in Kosciol an:
te Calisz, monasterio Thimiecen subüciens illud. Cui donat pro dote
villas Kosciol, Gora, Kozciowo, K. rankowo, Glogoma, Krzimosan:
domo, Klissowo, Piotrowo, Nadzerzowo, cum molendino ante Calisz,
& Liszecz ante Komin, libertando easdem villas et earum bona ab
omnibus angariis, tributis, & seruitutibus Polomicalibus, in præsentia Du:
cum Wladislai Opoliensis, Wladislai filii sui maioris Poloniæ, & Her:
kembaldi Castellani Calissiensis ~

Anno Domini 1210.

Lestko deditus reformationi iurium
Regni Swiatopelkum ad Pomeraniæ ter:
ras inuestiuit, accepto ab eo iuramen:
to fidelitatis. Qui mox mutauit fidem ~

Singulis terris & Prouinciis, quæ in suam sortem & portionem obue:
nerant, Lestko Albus Dux & Monarcha Polonorum prouisorus,
singulas earum specialiter et seriatim adibat, calamitatem maesti:
tiamq; cordis, quæ pectoris suo ex Clade Rutenica apud Halicz acce:
pta grauitè insederat, extenuans, restaurans deformata, violentes
& calumniatores puniens, & questiones litesq; subditorum dissoluens.
Sed & terram Pomeraniæ sub sortem suam cadentem respiciens, cum
ampliori Baronum & militum quàm solebat frequentia, in eam descen:
dit, & tam à militibus quàm Ciuibus honore debito susceptus, omnem æsta:
tem & autumnum in ea exegit, Castra & Ciuitates illius vzt Nowo:
slupsko, Gdansk, Gniem, visitando, ordinando, & reddendo iura popu:
lis, adhibitis Palatinis, Castellanis, & cæteris, qui magistratus publi:
cos gerebant terrestres. Verùm quia terra ipsa remotius quàm quæcunq;
alia à sede Cracouiën porrecta est, & difficilè erat super omnibus quæ:
stionibus et iniuriis orlis & oriendis, ad Ducem Lestkonem et eius Tri:
bunal habere Pomeranis recursum. Pomeranorum igitur assiduis pre:
cibus & instantiis motus Lestko Albus, & de pacifico tranquiloq; ter:
ra Pomeraniæ statu prouisorus, Swantopelkom natu maiori, genere nobi:
li de Domo Griphonum filio Mszczugii Ducis Pomeraniæ, prudentia &
ingemio præstanti Pomeraniæ Capitaneatum committit, & ei in totum
in administranda iustitia, in regendo defendendoq; Ducatu, in deciden:

disq; quæstionibus, vices suas plenarie committit, illiq; Principatum
in Pomerania confirmat, neglectis alijs Principibus, Comitibus, & Ba:
romibus, æque claris, moderatis et insignibus; credens eum singula non
insolenter nec infide, sed modestè & sincere administraturum. Virumq;
autem Palatinum tam Gdanen quàm Suecen, et cæteros Dignitarios &
Officiales, ac omnes Capitaneos & Tenuarios illius iubet parere ditio:
ni, recepto ab eo iurisiurandi Sacramento corporali, quod terram præ:
fatam Pomeraniæ, pro Duce Leszkone, filijsq; & successoribus suis
Ducibus Polonorum, fideliter tenebit, & ipsos colet & venerabitur, fi:
de, obsequio, & obedientia pura, nunquam ab illorum subiectione & Do:
minio se sequestrando. Præstabit etiam annis singulis marcas mille
argenti, & in Fiscum Ducalem Cracoviam inferret, & pro illorum am:
plitudine & commodis intendet toto posse, nunquam illos deserendo in
prosperis aut aduersis casibus. Verùm Swantopelkus præfatus bre:
ui post, fidem cum tempore varians, & mores cum Dignitate permutans,
fluxa variaq; fide esse capit, & malignitatis aculeum, contra propri:
um calcitrando Principem, exacuit: situm terræ & callida eorum, qui:
bus præfectus fuerat imitatus ingenia, Principi & Domino suo Leszkom
Albo vice qualibet tanto illudens acerbius, quanto operosius uberiorem
spem fidelitatis suæ & obsequii repromittebat. Pomeraniæ enim gu:
bernationem sortitus insolenter se gerere, & in summa totius Pomeraniæ
Principatum appetere capit. Metuens autem Pomeraniæ Præsidatum,
quem auaritiæ zelo, & multo malignitatis spiritu occupandum censuerat,
amittere, multis se teterrimis actionibus, ut illum quoquo modo retine:
ret, implicabat.

COLOMANVM filium suum, & uxorem eius Salomeam aliàs Sa:
lomicam, Andreas Hungariæ Rex de captivitate soluturus, plures cum
Msczislao Msczislauicz, per Barones et Consiliarios suos egit tractatus
et conuentus. In ultimo autem Conuentu in finibus Hungariæ habito
pax perpetua his conditionibus, inter Hungarum & Ruthenum, conuenit.
Ut alter filiorum Regis Hungariæ Bela filiam Msczislai Mari:
am in consortem habeat. Msczislao de Halicien Ducatu Colomano
post triennium cedat, et tam ipsum Colomanum quam uxorem suam, et
omnes suæ potestatis captiuos, liberet. Quæ omnia eo anno fuere con:
summata.

Anno Domini 1211.

*Lestko Dux Ruthenos iam fere
contemptui Polonos habentes per Su-
lislauum Castellatum Sandomiriense
in magna copia profligat multis no-
bilibus et quatuor Ducibus captis.*

Secundorum euentuum certaminumq; prosperitate, quibus Coloma-
num Hungariae Regis filium de Halicien Regno primum cie-
cerant, deinde insigni pugna fuderant, Ruthenorum Duces ela-
ti, plures faciebant in Polonorum regiones excursions. A Lithuanis
insuper & adiuti & docti, rapta praeda, cum celeri festinatione in
propria recurrerant, & nusquam consistere ausi, magnis incommodis
& vastationibus Poloniae regiones affecerant, iamq; eam inflatione
pompaq; induerant, ut Polonos contemptui & ludibrio haberent.
Quibus rebus Lestko Albus Polonorum Dux & Monarcha permotus,
habito cum Consiliariis maturo tractatu, Sulislauum Castellatum San-
domiriensem, cum expeditis militibus, rationem Ruthenis refusus, &
excursions eorum oppressurum, transmittit. Qui Ruthenorum terras
ingressus, flammis & caedibus illas vastat, magnoq; captiuorum nume-
ro congesto, illos in Poloniam transmittit. Ruthenorum autem Duces
vastationem tam crudelem regionum suarum non ferentes, illi occurrunt,
& pugnandi copiam, quam superioribus annis vafro vsi consilio detrecta-
uerant, faciunt. Pugna autem commissa, Rutheni facili negotio, dum
primas acies Poloni strauissent, victi fugatiq; sunt, & Swantoslavus
Msczislauicz, & quatuor alii Duces, vti Georgius, Laroslavus, Wla-
dimirus, & Constantinus, multusq; militum et nobilium Russiae nu-
merus, captus est. Sed & non minor erat desideratorum, in quos ab
ira Poloni gladios strinxerant, & milites quidem nobilesq; Ruthenorum
Sulislauus Castellatus Sandomiriensis in vinculis habuit, in Poloniamq; de-
duxit. Quorum pleriq; aut liberalitate Lestkonis Ducis manu missi sunt,
aut a suis redempti. Swantoslavum vero Ducem, & quatuor alios Du-
ces secum captos, propter furtivas excursions, quibus Poloniam plurimum
vexauerant attriuerantq; vindicandas, & in futurum prohibendas, vin-
ctos tenuit, victoremq; exercitum, de victorum spoliis ditatum & onu-
stum non sine sui amplissima laude, in Poloniam reduxit. Processu dein-
de temporis Duces Ruthenorum Swantoslavum Msczislauicz, Georgium,
Laroslavum, Wlodimirum, & Constantinum, Polonorum Dux Lestko, a ca-
ptiuitate absoluit.

COMETES stella in mense Mayo, eo anno apparuit, quæ caudam
& faucem ab oriente in occidentem dirigens, decem & octo diebus du-
rauit, Putemorum regionibus magis propinqua, eadem quam in anno
sequenti à Tartaris pertulerant, portendebat ~

MIECZSLAVS Dux primus Ratiborien' & Opolien' filius olim
Wladislai exulis, & circa Posnamiam à fratribus conflicti, moritur de-
cima die May. Agilis multum et Procerus statura, peritus artis gladiato-
riæ, multas pugnas duelli & torneamentorum in Almania, non sine mul-
torum admiratione, animosè exercens. Cui filius eius vnicus Cazimi-
rus succedit in Principatibus. Fundavit autem præfatus Mieczslaus
Dux Ratiboriensis primus, Monasterium Sanctimomialium Ordinis Pre-
monstratensis in Ribniki, & sufficientem illi dotem præstitit. Quod
postea filius suus Cazimirus in Czarnowasz ad fluenta fluyj Mal-
paden', qui illuc de propè Odra miscetur, transtulit. Consors autem eius
Ludimilla obiit tredecimo Calend' Decembris ~

Anno Domi 1717.

Omnis thesaurus Cracouien' Ec-
clesiæ ictu fulminis comburitur.

Natalem Christi huius anni, Leszko albus Polonorum Dux & Mo-
narcha Cracouia cum genitrice sua Ducissa Helena, & Vincen-
tio Ep'o Cracouien', Barombusq; in magna egit solennitate, & ali-
quot diebus splendidis conuiuijs Consiliarios tenuit. Et quia eo anno res
omnes ad tranquillitatem reciderant, singulis hostibus in circuitu, aut
quiescentibus aut debellatis, rebus urbanis & civilibus vacatum est,
& iudicijs particularibus et generalibus in singulis Districtibus instau-
ratis, iura populis reddebantur. Sed nec ea tranquillitas, ad integritate
fuit, superna etenim vexatio acerbitatem ingressit. In mense namq;
Iulio, fulminis ictu Ararium Cracouiensis Ecclesiæ de calo tactum
est, cuius virtute, tignis et roboribus, tectum sustentantibus, incensis,
etiam flamma ad interiora Ararii, nemine ardorem restingente, per-
uenit, Scrimaq; & cistas corripuit, & Cassulas Cappasq; & multa
Cracouien' Ecclæ ornamenta atq; decora, largitione & liberalitate Re-
gum, Principum, Pontificum, & Christi fidelium donata, quæ in cistis
ipsis condita erant, dissoluit & deuorauit, Cracouienq; Ecclesiã

suis preciosis et charis indumentis pignoribusq; quibus ultra cæteras Eccle-
sias Polonicas dotata erat, priuauit. Quod quidem factum prodigiū locoha-
bitum, etiam apud Ministros Dei, et alios timoratos viros, in religionem
uersum est, autumnantibus conflagrationem ipsam solius Dei nutu propter
facinora illum prouocantia, prouenisse ~

*Tartari primum contra Polowczones
veniunt, et Rutenorum omnē poten-
tiā eis auxiliantem fundunt et cædunt*

Potentiam suam Tartarorum gens, in eam diem ignorata et vix
audita, ad partes Septentrionales extensura, Polowczis ex illa par-
te maris consistentibus, et pluribus aliis nationibus conflictis, de-
letis, aut subiugatis, etiam ad terras eorum, qui citra mare Rutenis confi-
nantes, debebant, venit. Polowczis de potestate sua diffisi, periculum
quod illis à Tartaris imminerebat, petentes se vniuersis potentius Rutenor-
um adiuuari, insinuant, denunciando par discrimen, si victi à Tartaris
fuerint, Rutenis imminere. Veniunt et sub idem tempus, ad Russiæ Du-
ces Tartarorum Nuncii, exorando eos, ne se Polowczonum bello implicent,
nec iungendo se Polowczis, necessitatem Tartaris, bellum contra Russi-
am mouendi, imponant. Sed si sapiunt, de suis finibus Polowczos, hactenus
plurima mala Russiæ terris inferentes, exterminant, cum de aliis regioni-
bus Tartari sint illos verisimiliter exterminaturi. Duces autem Russiæ
parum prouido vsi consilio, et nulla super his matura deliberatione præmis-
sa, gentium iure violato, Tartarorum interfectis nunciis, vadunt exerci-
tualiter contra Tartaros auxilium Polowczis laturos, vñ Msczislavus Ro-
manowicz cum militia Kiouien', item Msczislavus Msczislauicz cum mi-
litia Halicien', item Wlodimirus Burikowicz, cæteri q; viri Russiæ,
item Duces Czermeiouiien', item Duces Smolnen', item omnis terra Polow-
czonum, et omnes Duces eorum. Et aliquibus Ducibus et militibus Rus-
siæ in equis, aliquibus in nauibus euntibus, perueniunt usq; ad Prothol-
cze, et inde singuli ascensis equis, duodecim stadiis ad fluvium Kulcza
perueniunt, quò iam Tartari Castra sua posuerant. Et illicò Tartari re-
spirandi spacio non dato in Rutenos et Polowczos irruunt, Polowczis
autem contritis et diffugientibus, etiam Rutenorum acies turbantur, et
hii duo Duces Msczislavus Kiouien', et Czermeiouiien' capti-
uantur. Plurimaque cæde cædita, multis aut captis aut necatis, cæteri
diffugiunt. Sed et in fugientes aliud æquè horrendum discrimen à socijs

Polowczis, per quorum terras fugam maturabant, aeditum. Nulli enim atq:
ti aut conditioni parcendo, Polowczonum agrestes Rutenos, si equites, pro-
pter equos, si pedites propter vestes trucidabant. Qui verò ex Rute-
nis in montes fugerunt, fame moriuntur, pleriq; in aquis suffocantur.
Horrendumq; malum in illa die secutum est, quale nusquam in terris
Russiæ fuit visum neq; auditum. Msczißlaus autem Msczißlauiæ
Halicien Dux, dum fugiendo ad naues peruenisset, superatis fluuiis,
naues, persecutionem Tartarorum veritus, dirumpi mandauit, ab indeq;
fugax in Halicz, pauore & trepidatione plenus, peruenit. Dum verò
alia omnis multitudo Rutenorum, ad naues fugiendo peruenisset, & eas
offendisset violatas, in marem versa, dum undas tranare non posset, fa-
me contabescens, illie consumpta est, præter Duces & milites eorum ali-
quot, qui in lembis fluuios traiecerant. Wladimirus autem Ruriko-
wicz fuga et ipse saluatus in Kiou perueniens, sedem accepit Kiou-
uien. Ea q; prima clades extitit, quam Ruteni pertulere à Tartaris.

OTHLO Imperator, omnibus insignibus Imperialibus functus, & nul-
lum sibi sciens, in Imperio competitorem superesse, insolenter se gerere,
& Innocentiõ Papæ III. cuius fauore protectus et adiutus ad Impe-
rium conscenderat, rebellis et aduersarius esse capit. Unde & Re-
gnum Siciliae, prætendens illud pertinere ad Imperium, Innocentiõ Pa-
pæ nequicquam prohibente & obstante inuadit, & magnam illius par-
tem de dentibus se aut expugnatis urbibus Frederico abstulit. Propter
quam causam Innocentius uidens se ab Othone deceptum, ipsum excom-
municat, & ab Imperio deponit, omnesq; Principes & Barones, à fideli-
tatis iuramento absoluit, mandans Principibus & Electoribus, ut ad ele-
ctionem alterius procedant. Qui Apostolico parentes mandato, Frede-
ricum secundum Siciliae Regem, ex Henrico quinto et Constantia Mo-
nacha vetula genitum, in Imperatorem eligunt. Fredericus autem in
Regem Romanorum declaratus, in Almamiam descendens, & Conuen-
tus aliquot celebrans, beniuolentiam sibi conciliat Principum, & à Seyfri-
do Maguntinen Archiepõ Apostolicæ Sedis tunc Legato, Aquisgrami
coronatus est, & Almania bellis & scismatibus intestinis feruere cepit.
Hic armorum strenuus, linguarum peritus, rigorosus, luxuriosus, Epicu-
rus, nil curans vel credens, nisi quod temporale fuerit.

ANNALIS et literæ Hungarorum asserunt, eo anno Gertrudim Re-
ginam Hungariæ, Belæ filii Andrea Hungariæ Regis consortem,
& beatæ Elizabeth genitricem, uxorem Bankham in sua Curia obser-

uantem, fratri suo ad illudendum tradidisse, & Bankbanum de gene:
re Bor, ortum ducentem, in ultionem stupri uxoris suae, Reginam Ger:
trudim occidisse, in genus quoque Bankbani varia caede saevitum esse.

Anno Domini 1213.

Gertrudis Regina Hungariae mater Sclae
Helizabeth a Bankbano occiditur.

Miserando & miserabili casu Pannoniorum Regnum ea tempesta:
te afflictum, & apud Polonos sibi conterminos, variisque necessi:
tatibus coniunctos, & apud vicinas exterarum nationes, sonorum
suae lamentationis ædidiit eiulatum. Cuius Rex Andreas filius Belae
tertii, etsi splendido coniugio et proliis multiplicitate faelix et insignis esset,
& de consorte sua Gertrudi filia Bartholdi Moraviae & Carinthiae
Ducis, sorore germana Sanctae Hedwigis Ducissae Wratislaviensis, & Hen:
rici cum barba consortis, tres filios Belam, Colomanum, & Andream, quar:
tam vero beatam faminam Elizabeth, Lantgravius Thuringiae Ludo:
uico Hermanni Principis primogenito, in aetate tenera desponsalam, & mul:
ta sanctitate refulgentem, suscepisset, tantae tamen suae felicitatis ful:
gorem, fortuna, nihil ad plenum tribuens, caliginoso euentu repente confu:
dit. Praefatam siquidem Reginam Gertrudim, unus ex maioribus Hun:
gariae Baronibus, Bankbanus vocatus, de genere Bor ortus, mucrone trans:
uerberans, funesta occisione, quarto Calendas Octobris necavit. Cuius
quidem necis duae à Scriptoribus feruntur fuisse causae. Una quidem,
quod praefata Regina Gertrudis, uxorem Bankbani, in sua Curia consisten:
tem, cuidam fratri suo advenae et hospiti illudendam consenserat. In cuius
sceleris ultionem Bankbanus, stuprati coniugii poenam, quam à patratore
non potuit, à conciliatrice exegit. Sed absurdum videtur, ut femina ali:
oqui, per se pudica et casta, et quae Sanctam filiam progenuerat, genus quo:
que ab ingenuis et religiosis parentibus ducebat, stupra et adulteria pro:
curasse, credenda sit. Alia vero, quod cum Andreas Hungariae Rex
ad consilium consortis suae Gertrudis, plures Almanos in Hungariam
accersisset, et cum illis rebellium Hungarorum Castra et munitiones ex:
pugnaret, Magistratus quoque Reip. Hungaris neglectis, Almanis man:
dasset. Hungari contemptum iri se dolentes, ad occidendum Regem
Andream conspirant. Et cum, praebente illis animum & ductum Bankba:
no, conspiracyonem completuri, in Curiam Regis advenissent. Andreas

quidem Rex à Gertrudi Regina auisatus, fugiens mortem euasit.
Bankbanus uero Rege non comperto Gertrudim Reginam suppli-
ces manus pro uita tendentem, lanceis et contis perfossam, obtruncauit.
In cuius necis tam horrendæ ultionem Andreas Rex Bankbanum, et om-
ne genus suum ad interemptionem usq; et exterminium deleuit. Cor-
pus Reginae occisæ in Monasterio de Liliis iusto cum honore sepul-
tum est. Hæc dum uiueret in Ecclesiam Wratislauicn, liberalem et mu-
nificam se exhibens, nobilem coronam auream, quam pro ornamento die-
bus solennibus gestare consueuerat, eidem Ecclesiae Wratislauensi
transmisit. Qua conflata, calix aureus iuxta eiusdem Gertrudis Re-
ginae, voluntatem et desiderium, est fabricatus.

TRICESIMO Calend' Nouembris Wladislaus Othonis Dux Ca-
lisien fundat Monasterium in Olobog Sanctimonialium Ordinis Ci-
sterciens in terra Calisien et Diocesi Gnesnen, et illud sumptibus
Ducalibus, ex fundamentis extruit. Cui in dotem villas et heredita-
tes infrascriptas, assignauit, uzt Olobog, Kithadlowo, Zidomopo-
lie, Wroslic, et Rablani. Item Wirzbientha filius Clementis mi-
litis contulit quatuor villas paternas Monasterio prefato uzt Gna-
rowo, Grzibowo, Mislakowo, et Druskowo. Item idem Dux Wladisla-
us contulit eidem loco villam Stam, commutatam à filiis Laurentii,
Dobrogostio et Czeszacha, pro tribus villis Chotimino, Golikowo, et
Piemiaszkowo. Henricus autem Archiepus Gnesnen ad petitionem
Wladislai Ducis, consecrauit in Olobog Basilicam, Monasterio uero
contulit decimas Archiepales de consensu sui Capituli, in villis quæ
sunt inclusæ inter Olobok et Baricz fluuios

**Filiorum Henrici cum barba pro Ducatu Wra-
tislauiens bellu, in quo Conradus victus est.**

TAm virili quàm viridi ætate Henricus Wratislauiens et Slesiae
Dux, cum foelici et beata fæmina Heduiigi consorte sua, in pro-
spera et æquali fortuna traducta, magna uterq; coniugum tem-
pestate, sub media pace, dum iam in occiduam vergent ætatem, obrui-
tus est. Duorum siquidem filiorum uzt Henrici et Conradi, qui Cri-
spus vocatus est, qui usq; in virile robur euaserant, dum iam tertius
Boleslaus fato subtractus esset, liuoroso sensim inter illos serpente,
collidebantur odio, alterum Esau, alterum Iacob ex euentu et condi-
tione crederes: cùm pro uno pater Henricus, pro altero genitrix Hed.

uigis stare. Henricus siquidem Dux pater minorem natu Conradum singula-
 ri affectione complectens, Ducis Saxoniae filiam illi desponsat, & Lu-
 bucen' terram, Lusatiaeque regionem, perpetua illi consignat portione. Hen-
 ricum autem natu maiorem, beata Hedvigi persuadente, Slesitis &
 Wratislauic' Ducem destinat. Id cum molesto & irato animo Conra-
 dus ferret, & ex naturali instinctu Polonis amicus facilis & blandus,
 Teutonicis vero hostis infestissimus foret, parentum ordinationem ar-
 mis rescindere, dum preces inualidae essent, constituit. Exercitu itaque
 notabili ex Polonorum & Lubucen' militibus & agminibus comparato,
 fratrem inuasit. Et licet uterque parens tollere dissidium fraternum,
 & quietare filios maximis conatibus laborassent: videntes tamen la-
 bores suos incassum recidere, utrumque filium propositum suum (Dux
 Henricus Glogouiam, & Ducissa in Nieptz secedens) exequi passi
 sunt. Non tulit & Henricus maior natu fratris Conradi inuasionem,
 sed exercitum et ex Polonis & ex Teutonicis colligens, Conrado inter
 Legniczam & Aureum montem, in loco qui dicitur Studmiza seu Ru-
 fa ecclesia, occurrit. Vbi cum congressu facto, fortiter ab utraque
 parte pugnatum foret, plurimis in ore gladii cadentibus, Henrico cessit
 victoria. Conradus Crispus, cum multis suorum amissis ex praelio dif-
 fugisset, ad patremque Henricum in Glogouiam diuertisset, ratus, prout
 euenit, se illic tutum consistere. Verum cum dierum processu, in syluas
 Tarnouien' venandi gratia secesisset, feram agitando, ex equo corruit,
 fractisque ceruicibus expirauit, & in Trzebnicen' Monasterium delatus,
 operante sorore sua Agnetha Abbatisa Trzebnicen', quae eum viuente
 tenerrime dilexerat, in Capituli loco sepelitur. Quo sic absumpto fra-
 ternum & domesticum bellum, quod quandoque resumere & reintegrari
 nemo dubitabat, conquieuit. Ne autem matri religiosissima Du-
 cissae Hedvigi, mors filii Conradi Crispi, repente denunciata, dolo-
 re ingenti sauciasset praecordia, non ad funerias filii, sed ad visitatio-
 nem aegroti venire rogata est. Illa autem et cladem primum, & mor-
 tem filii dudum in spiritu praecognoscens, & illum iam extinctum esse
 sciens, nunciis respondit. Quare, inquit, languidum filium meum Con-
 radum, simulantes illum viuere, confingitis, cuius occasus, dudum
 ante mihi fuit cognitus, quoniam sua temeritate sanguis funderetur plu-
 rimorum. Iuit deinde, et iusta illi, & pro Ducalis dignitatis excellen-
 tia, & pro maternae charitatis affectu impendit.

Anno Domini 1714.

Wladislaus Plwacz Mieczslai Senis nepos
cū a Wladislao Duce Curatore suo partem
obtineri non posset Calisien' Castrum accipit
Vnde pulsus ad Regem Hungariae fugit.

Nondum pubertatis annos Wladislaus Dux (qui ex post cū esset
in sputum nimius, Plwacz cognomen sortitus fuerat) filius Otho-
nis, filiū Mieczslai Senis, Ducis Maioris Poloniae transgressus,
Curatorem tutoremqz suum Wladislaum Maioris Poloniae Ducem, &
Othonis fratrem, ab aliquibus ob proceritatem staturae magnum, ab
aliquibus verō ob proceritatem et excellentiam tibiarum Liaskonogi
vocitatum, qui velut patrius suus germanus ipsius tutorem assum-
pserat, fastidiebat. Principatumqz Maioris Poloniae partiri, & sibi
illius dimidium a patruo consignari deposcebat, vehementer ad prin-
cipandum aspirans, & disciplinam patris sui magnopere abhorrens.
Pravam autem suam intentionem, non solum minata prouehabat ambi-
tio, sed nonnullorum nobilium & adolescentum, qui secum una creue-
rant, nutrebat incendebatqz persuasio. Verū cū Wladislaus ma-
gnus Laskonogi, partim ingenio, partim auctoritate iuuenilem aeta-
tem frustraretur, Wladislaus Plwacz, morae cuiuslibet impatiens,
satellitibus aliquibus auctus, Calisien' Castrum subintrat, et patrii
sui officialibus expulsis, tam Castrum quā ciuitatem occupat, & se
in Castro recludit, resistantiam pro viribus, si impeteretur Wladislao
magno patruo suo oppositurus. Quod cū Wladislao magno nuncia-
tum fuisset, magnas copias ex militibus et agrestibus subito contrahens,
Castrum Calisien' obsidione cingens, nepotem etiam in eo includit.
Qui dum quindecim diebus obsidionem continuasset, victualiaqz
obseffis scirentur propediem defectura, veriti obseffi, ne, si Castrū
per violentiam caperetur, iratus Wladislaus magnus, in eos aliquid
gravius consuleret, Caduceatoribus missis, ut et incolumes eos esse,
priscumqz honorem & fauorem retinere liceret, de dedendo Castro
paciscuntur. Wladislaus autem Plwacz de fauore patris diffidens,
carceralibus se deputandum pertimescens squaloribus, cum septem
tantummodo comitibus, nocturno tempore ex Castro Calisien' dila-
psus, versus Cracouiam ad Westkonem album contendit, & inde
ad Andream Hungariae Regem perueniens, causis itineris expositis
humanē amiceqz ab illo fatus, exceptus, & habitus est.

737

Anno Domini 1715.

Canonicis Ecclesie Cracouien' refectiones, ut vocant, instituta sunt.

Nobilem et Illustrem Cracouien' Ecclesiam Vincentius Crac' Ep's sui Pontificatus tempore amplius illustraturus, pro habendis quotidianis refectionibus, undecim decimas manipulares, & septem pertinentias in villis circum circa Czchow sitis, ad mensam suam Ep'alem contulit et donauit. Ex quarum introitibus, in vino, luminaribus, ceterisque suis necessitatibus procurabatur. Cracouien' Ecclesia, & Prælati Canoniciqz Ecclesiam ipsam frequentibus, distributiones quotidianæ largiuntur. Nimirum fortunatus, nimirumqz liberalis Ep'us æterna in laude versandus, quod & Ecclesia suæ prouidit necessitatibus, & plurimum illi contulit stabilimenti et decoris, amplissimam sui domi compensationem, per gratiam Pontificis & remuneratoris supermi, abunde iam consecutus. Ne autem de nominibus villarum, decimas huiusmodi afferentium, à quocumque ambigi posset, etiam nomina eorum inserui, & primo quidem manipularium Geynik Golprzidoua, Thimowa, Twerkowa, Lurkow, Wjazyd, Opato-wicze, Luczslauicze, Faszeschoua, Koneziska, & Edamia. Item pecuniarium, Brzozowa, Olchoua, Slona, Biesznik vel Brzuzmik, Polichta & Posna. Item in Oppido Cazimirien', Cracouien' urbi vicino, ita ut candela inextinguibilis, nocte dieqz ardeat in altari, reliquum Canonici in suos usus conferant. Asserunt alii decimas ipsas non mensæ Ep'alis, sed Ecclesie parochialis in Czchow extitisse.

In Lateranen' Concilio Sæc'us Dominicus Ordinem Prædicatorum quem instituerat, et Sanctus Franciscus itidem Ordinem suum magno conatu et labore confirmari obtinuerunt.

Actum est eo anno in mense Novembre apud Lateranum Concilium celebre & formosum, per Innocentium Papam tertium congregatum. Quod tanta frequentia illustrium personarum fuit insignis, ut ex Patriarchis, Archiepiscopis, Episcopis, aliisque insignibus Prælati, mille ducenti et quindecim numerarentur. In quo & pro generali subsidio, terræ Sanctæ ferendo, emixius laborauit, & plures

ordinationes utiles, pro reformanda Ecclesia Dei, & tollendis nonnul-
lis abusibus, addidit. Cui etiam Concilio beatus Dominicus, pater & in-
stitutur ordinis Prædicatorum, interfuit, & illic sui ordinis confirmatio-
nem, ab Innocentio Papa fieri petiuit. Quem in Tholosanis partibus, ver-
bo et exemplo, contra hæreticos prædicando, instituerat. In eodem
Lateranen' Concilio præfatus Innocentius Papa, desiderio animæ
sue potius, quo æstuans, in sermone in Concilio proposito, quem quasi Pro-
phetice inchoauerat. Desiderio desideravi hoc Pascha manducare vo-
biscum. obiit. Cui Honorius III. successit, à quo beatus Franciscus, post
multos labores, per multam instantiam ordinem suum obtinuit confirma-
ri. Beatus insuper Dominicus ex Hispaniis iterum Romam reuersus,
ubi Magistrum Reinaldum Decanum Sancti Auiam Aurelianen'
de peregrinatione terra Sanctæ reuertentem, offendens, ad assumen-
dum suum ordinem induxit. Quo assumpto cum beato Dominico adue-
nit Bononiam, et capit prædicare & commendare ordinem Prædicato-
rum, & eundem ordinem Domino cooperante, per totam Lombardiam et
Venetiis in breui tempore fæliciter disseminauit. Quasi enim tuba so-
nora, vox prædicationis eius, corda audientium percutiebat, & pecto-
ra indurata, efficaciter liquefaciebat.

BARTHA Wladislawien' Epus, cum propè duodecim annis ean-
dem Ecclesiam rexisset, rebus excipitur humanis, dolore calculi corre-
ptus. Quo apud Ecclesiam Wladislawien' tumultato, Michael Polonus
de Familia Godziemba, per electionem Canonicam, ab Honorio Papa ter-
tio Conrado Masouia' & Cuiavia' Duce' eius electionem promouente,
prouisus.

Anno Domini 1216.

Otho destitutus cum Frederico electo
de imperio contendit, et mortuo Inocen-
tione Papa, Honorius in locum eius succedit.

D Vobis de Imperio vñt Frederico et Otone contendentibus, du-
rus bellorum stridor Almanniam premebat, magnæ etenim atq;
frequentes pugnae, cum eade & interitu multarum insignium
personarum, inter Fredericum et Ottonem habitæ sunt, & nunc uni,
nunc alteri obueniebat victoria. Nec dubium quin Otho, qui plures

amicos & fautores in Almania habebat, superior euasisset, nisi Innocentius Papa tertius, contra omnes Otonis fautores, duram sententiam tulisset. Quo suffragio Fredericus adiutus, contra Othonem praeualuit, & Otho ad Philippum Regem in Gallias, qui suae parti fauebat diuertit. Et quamuis Innocentio Papae non placuisset electio Frederici, dissimulauit tamen, propter odium Othonis, quia durum erat tot Principes perturbare, coronareque Fredericum distulit, iuuenilem illi aetatem obiciens, Quae dilatio ab electione Frederici, usque ad mortem Innocentii, quod fuit septennale spacium, tendebatur. Innocentius autem III. Papa, post Concilium apud Lateranum celebratum, in Thusciam descendit, ad pacificandum Pisanos & Genuenses, quatenus unitis potentius, facilius terrae Sanctae ferre possent suffragia. Sed cum venisset Perusium, infirmatur, & moritur, cum annos decem et septem, menses decem, dies viginti tres sedisset. & in Ecclesia Sancti Laurentii in Perusia honorifice sepelitur. Procurantibus autem Perusinis includi Collegium Cardinalium, cuius Hostien' Epus natione Romanus, in summum Pontificem concorditer electus est, et Honorius III. vocatus. Qui eodem promotionis suae anno, ordinem Praedicatorum, quem Innocentius quidem confirmare decreuerat, sed morte praeventus neglexerat, confirmauit.

LITHUANI, cum in anni huius hyeme Russiae regionem praedatum venissent, raptaque praeda more suo diffugerent, a Duce Iaroslao Wszeuoldouicz, et Novogroden' consecuti, praelio inito confliguntur. Putenis quoque non incruenta cessit victoria, quoniam & Dux David Choropeczki, et plures alii Russiae milites, desiderabantur. Sequenti quoque tempore, dum alius Lithuanicus exercitus, Ciuitatem et regionem Poloczko vastaret, Dux Msczislau Davidouicz, cum Smolnen' militia, celeri cursu in Poloczko adueniens, Lithuanos incautos offendens absque numero stermit et occidit. Plerosque autem qui in Curias et domos occultandi gratia confugerant, inde extractos, vario supplicio necat, alios etiam in lacubus submergit, et paucis euadentibus fere omnes deleuit.

ANDREAS Pragen' Epus tam a Przemislao Rege, quam a Nobilibus et militaribus Bohemiae, plures iniurias et oppressiones, cum in villarum calculationibus & tributorum exactiombus, tum in decimarum denogationibus, quas et sibi et Monasteriis, et pijs locis ac vniuerso Clero irrogabant, perpeffus, dum videret et Regem et nobiles inexorabiles, in ampliora Ecclesiarum grauamina grassari, et plus solito ad facinora

legi Diuina contraria, procliuos esse, et nec precibus, nec admonitionibus salubribus acquiescere velle, sed deteriora indies sectari, beatum Adalbertum quondam Pragen Epum imitaturus merito, cui successisse se sciebat in loco, primum Przemislaum Regem et Barones Bohemiae excommunicatis sententia percellit, deinde cum Rex et sui, censuras irridendo contemnerent, vniuersum Bohemiae Regnum Ecclesiastico supponit interdicto. Et furorem Regium atque Militum extimescens, quarto Idus Aprilis desertam sede sua, ne contaminaretur sordibus sceleratorum, Bomam, aliquibus ecclesiasticis et timoratis viris eum comitantibus, secessit, nec ad plebem obstinatam, cuius duram et irrefragabilem ceruicem, nouerat difficulter domari (quanquam Metropolitani suus Archiepiscopus Maguntinen pluribus instantiis elaborasset eum reducere) usque ad diem mortis suae redire acquieuit. Adeo enim grauamina Regis et militum in Clerum efferbuerant, ut in quibuslibet theloneis, in quibus Iudaei non nisi pro capite nummum reddebant, Presbyteri et Clerici ratione coronae siue tonsurae, triginta soluere cogebantur. Neque ea tantummodo, sed et plura alia ferè barbara, adeo ut plerosque tæderet viuere, subyre impellebantur, Christi Domini Sacerdotes, et viliorum contemptibilioremque apud Bohemos quam Iudaei obtinebant locum.

Anno Domini 1217.

Conradus Dux Masouiae et Cuiaviae Christianum
Palatinum Plocensem virum strenuum
innocenter occidi, cum magno terrarum
suarum malo et detrimento mandauit.

Tranmidem, qua Conradi Masouiae et Cuiaviae Ducis, germani Lestkomis Albi, pectus resectum erat, quam in aetate iuuenili effundit, quamque postea effusus erat, horrendus suarum primitiarum monstrauit casus. Erat illi Baro et miles insignis Christianus nomine, haeres de Gzdzouo Plocensis Palatinus, genere nobilis, de Domo et familia quae pro insigni defert Lilium, Gzdzouitarum, sed opere et virtute, quoties quid agendum, aut expediendum erat, nobilior, per quem salutem Polonis Deus dederat, in praelio Lauichosten, cum Romano Duce Russiae habito, sub cuius ordinatione et regimine, et Ducatibus Masouiae et Cuiaviae tranquillitas prouenerat, et Ducales prouentus magnoperè augebantur, plebsque benebatur scelerati, et honorificabantur virtuosus. Qui dum effrenatos et lasciuos mores, ad quaque turpia et deuia procliuos, Ducis sui Conradi

corripit: cum illum primum secreté, deinde coram Consiliariis, ut quosdam
 abusus prauos et illecebras rescindat, virtutibusqz det operam, reprehendit
 et inducit. Non tulit Conradus correptiones huiusmodi salutaris,
 sed in furorem nefandum exardescens, præfatum Christinum Pala-
 tinum Masouiae, sui honoris et salutis syncerum zelatorem et serua-
 torem, adolescentie insuper suae præceptorem, Paedagogum, et insti-
 tutorem, captiuat, et squalido carceri includit. Sub quo quidem tem-
 pore, hostes et inuidi sui, plures de eo criminationes et figmenta, apud
 aures Conradi, singula ad crudelitatem recipientis, et signanter Io-
 annes Czapia Cancellarius suus Ducalis, ingerebant. Quibus Conra-
 dus Dux incensus et inescatus, præfatum Christinum Palatinum, pri-
 mum in villa Rowalie excacari mandauit. Sed neqz hoc genere cru-
 delitatis contentus, pessimis assentatoribus suggerentibus, caecatum iu-
 gulat, et militem strenuissimum, totiusqz Masouiae florem, virum cla-
 rum, et heroicis splendentem operibus, dum aqua re non potuit, per ele-
 uationem suspitionis et inuidiae, salutaria monita perosus, indigna mor-
 te, truculenti tyrannide, et improbo consilio Ioannis Czapia Schola-
 stici Plocen' usus, necauit. Post cuius excessum Masouiae et
 Cuiaviae Ducatum speciosus status, plurima caligine obductus est.
 et variis iactatus casibus, sensim in præcipitem ruinam, innoxium
 sanguinem vindicante Deo, ferebatur. Hunc ea strenuitate et animo-
 sitate præditum Annalia perhibent fuisse, ut Prutenis Lithuanisqz
 gentibus deuictis atqz domitis, et sub iugum coactis, consua-
 les illos atqz tributarios Polonorum Ducibus, fecerit. Victoriisqz sua
 arma, ultra mare proferens, id sibi nomen, eamqz famam, à propriis
 et exteris quasierat, ut magnus Masouiae Palatinus, à propriis et
 finitimis vocitaretur. Quem splendorem Conradus Dux Masouiae im-
 patientius ferens, suum et filiorum suorum statum ab eo depressum aut
 eneruatum iri, ipsum iniusto et crudeli mortis genere consumi mandauit.
 Corpus tamen suum in maiori Plocen' Ecclesia, debito honore tumulari
 passus est. In fortissimum siquidem, et fidum sibi militem sauebat, etia'
 in occisum simplici genere mortis in eo non contentus, per quem hosti-
 bus in circuitu fuerat formidabilis. Truculentum profecto, et plus
 quam barbarum tyrannidis ingenium, quod tam nobilem et inclytum mi-
 litem, tam insignem Ducem et victorem, tam necessarium bellatorem,
 extinguere patuit. Ab eo quidem Titus Romanus Imperator, Ve-
 spesiani filius, habuisse scribitur diuersissimum, qui duos Patricii ge-
 neris, in affectione Imperii conuictos, à reatu et pena nobiliter ab-
 soluens, nihil amplius quam ut desisterent à proposito, monuit, dicens.

Principatum falo dari. Si quid præterea ab eo pascere vellent, promittens
se tributurum. Nec tantæ præsumptionis iniquitas contenta suis finibus
prolem eius persequitur et proscrit. Diuinæ verò providentiæ iustitia,
unicuique pro opere dignam mercedem retribuens, nec permittens tantæ
præsumptionis iniquitatem impunitam transire, ut iusto Dei iudicio idem
Dux Conradus, in quo deliquit, puniretur, barbaras nationes Prutenorum
terrarum suarum conterminas, morte audita Cristini, in lætitiā permi-
sit prorumpere. Dicen, honor nobis et facilis ad terram Polonorum ag-
gressio, postquam ipsi Deum et liberatorem suum occiderunt, Cristinum
appellantes Deum. Ipse enim virtute sua heroica et adiutorio Dei suf-
fultus, totam terram protegebat et defendebat. Quo occiso idem Dux
Conradus, Dei adiutorio, ob scelus crudelitatis, destitutus, terras
suas à modo reliquit indefensas. Unde euenit, ut cum per frequen-
tes Prutenorum Prutenorumque incursus, terra eius devastaretur et
depopularetur impune, coactus est invocare auxilium Henrici Ducis
Wratislaviensis, ad cuius persuasionem barbaris repressis, et terra Cul-
mensi in suum statum restituta, fratres Cruciferos in sui auxilium
aduocat, et ipsis terram Culmen, à Prutenis defendendam assignat,
et recte auaritiā præfati Conradi Ducis, iustitia puniit Diuina.
Nam qui Cristinum Palatinum felicitati et amplitudini eius inui-
dens, propter prædiorum et fortunarum tam apparatus quam ornamen-
tum, et rerum copiosam abundantiam, cecauit et iugulauit et prolem
eius proscrispsit, ipse non solum prædia et possessiones, sed etiam Principatu-
um suorum insignem sortem et terram, coactus est indebitè alienare, et posteri-
tatem suam ac reliquos Principatus, graui vexatione, reliquit crudeliter im-
pugnandam.

PLACENSIS Ecclesia casuali incendio, in Castro Placen exorto,
grauem percepit in rebus suis et suppellectili conflagrationem.

Anno Domini 1218.

Vincentius Epus Cracouiensis resignat Epatum. Cui
Iwo succedens Romam cum Iaczkone Odrovą sz pro
Pontificali confirmatione petit. Vbi beatum Dm cum
comperiens, et miracula videns, obtinuit Canonicū
Cracouiensem, et tres alios cum eo in ordinem assumi
Vincentius verò in in Monriu Andrzeiouiensem se cōtulit.

743

Statum suum Pontificalem Vincentius Cadlubkonis Cracouien' Ep's
 intelligens diuersis curis et periculis implicatum esse, ex pelago
 multifariorum naufragiorum euasurus, cum esset vir rara doctri-
 nae et religionis immensa. Episcopatu, quem annis propè iam duodecim
 gesserat, cedendum decreuit. Id dum longo ante tempore perficere ne-
 quiuisset, aduersantibus eius sancto proposito Lestkone albo Duce et
 Cracouien' Capitulo, qui et Remp. et ecclesiam persona tam egregia
 et insigni spoliatum iri vehementer indolebant, tandem frequentibus
 precibus, et humanitate profunda, et Ducalem et Capitularem remittentia
 expugnauit. Cui dum successor idoneus quareretur, Iuo filius Saulis
 Comitis de Konskie genere nobilis de Domo Odromasz et natione Po-
 lonus, Cantor Gnesnen', Canonicus Cracouien', et Lestkoni Albi Cra-
 couien' et Sandomirien' Ducis Cancellarius, inter ceteros Duci et Ca-
 pitulo dignior videbatur. Qui et propter literarum peritiam, et pruden-
 tia humanæ fulgorem, Vincentio in Ep'atu succederet. Verum dum in
 admittenda Vincentii cessione per Summum Pontificem difficultas
 timeretur, Iuo assumpto sibi in Comitem et consultorem Iaczkone de Opo-
 lien' Prouintia et villa Lanka orto, Canonico Cracouien', viro sensa-
 to et industrio, ad Honorium tertium in Urbem se contulit, et tam Vin-
 centii cessionem admitti, quam suam nominationem confirmari, et in Cra-
 couien' Ep'm se promoueri (personam suam Iogmo Cardinali Ep'o
 Hostien', propter familiaritatem præcipuam, quam inuicem in studio
 Parisien' contraxerant, coram Papa et Cardinalium Collegio altis ef-
 ferente laudibus) facile obtinuit. Qui, dum Romæ promotionis suæ
 pertractans negocia, moraretur, beatum Dominicum magis iam prodigiis,
 in ciua suæ Sanctitatis et religionis declarantem, videre, et eius famili-
 ari conuersatione uti, prædicationi suæ coram interesse, promeruit.
 Et dum die quadam Stephanus Cardinalis, ad Sanctum Sixtum, ubi vir
 Dei Dominicus, cum fratribus suis morabatur, venisset, nepos Cardinalis
 præfati, equo in foueam præcipitatus, plangentium manibus exanimis
 efferebatur, vir Dei Dominicus, obsecrans illum fratrem Tangredo, vi-
 ro magnæ religionis, atqz dicente. Quid agis pater? Casus iste tuæ
 virtutis experimentum expectat. De superna autem Dominicus cer-
 tus virtute, defunctum oratione fusa, vitæ pristina incolumem reddi-
 dit. Quo, quidem miraculo Iuo Cracouien' Ep'us, qui omnibus, quæ cir-
 ca resuscitatum agebantur, aderat prouocatus, in Poloniam redditu-
 rus, fratres à beato Dominico petiit. Alios autem obtinere non valens,
 tres suos comites et familiares, vzt Iaczkonem Canonicum Cracouien'
 qui et ipse de Domo Odromasz erat, item Creslaum Polonum, Henricum

Morauum, & Hermanum Teutonicum, ad ordinem per beatum Domini;
cum assumi obtinuit, & illos secum in Poloniam deducens, primus ordi-
nem Prædicatorum in Polonia, beato Dominico adhuc supersæte plan-
tauit. Et luo quidem ex Roma reuersus, ab Henrico Gnesnen Archie-
piscopo in Epum Cracouiensem consecratus est. Vincentius verò in An-
drzejowien Monasterium, ubi tunc Cisterciens religio magnis fratrum
studiis colebatur, se conferens, & habitum et ordinem suscepit, et ex
bono optimus effectus, nudum Christum sequi, & in uitæ austeritate
Deo suo militare cepit: undosum hoc, quod inter nos & Deum, pecca-
tis interlatrantibus, seperat, præsentis uitæ salutem, Pontificali exu-
tus amictu et cura, expeditius tranaturus. Cuius generosus spiritus
ad superna & caelestia, summique boni verticem semper anhelans, haud
tolerare poterat, in terrenis sicut in umbra prorsus educari: nisi ad
super caelestes radios, in sanctæ religionis austeritate, mentis suæ aci-
em attentius dirigeret ~

COLOMANVS filius Andrea Hungariæ Regis, in Russiam
cum Hungarorum copiis adueniens, & ab Haliciensibus, & a Duce
Msczislao Msczislauicz, magno honore susceptus est. Ducatum autem
& arcem Haliciensem, Msczislauus Dux, iuxta fædus cum patre suo
Rege Andrea initum, resignans, & de illis excedens, in Thorczk se
contulit, & anno sequenti rebus humanis exutus, in Ecclesia Sanctæ
Crucis in Kuom, quam fabricauerat, sepelitur. Cæpitq; extunc Colo-
manus Haliciensem Principatum pacificè possidere, non tamen diuturna
illi fuit huiusmodi pacifica possessio ~

DVCIBVS Czeremieuicem copias suarum gentium contra Kamienecz
ducentibus, Dux Msczislauus Smolnen et Polomczos in subsidium trans-
mittit, Cui potentia Camienecen dum non possent resistere, regio eorū
variis calamitatibus afflictæ, subiacuit ~

OTHO IIII. Romanorum Imperator, qui cum Philippo annis unde-
cim, solus verò annis decem regnauerat, quarto decimo Calen Junii
apud Arconburg fluxu sanguinis moritur ~

ANDREAS Hungariæ Rex, patris sui Belæ votum redempturus in
subsidium træ Sctæ, cum Duce Austriæ, et aliis diuersarū nationū Cruces-
gnatis transfretat, et cum Saracenis pugnando, deuictæ capiunt, et ferè to-
tam terram Sctam recuperant. Rex verò Hungariæ, breui illic tempore com-
moratus, cum magno damno terræ Sanctæ, Patriarcha nequicquā admo-

745
nente, et postea excommunicante, recessit, plures peregrinos, arma, ga-
leas, & iumenta secum trahens ~

Anno Domini 1719.

Vincentius successit mortuo Henrico
Gnesnenli Archiepiscopo. Qui ut Cleri-
ci à iurisdictione Sæcularium eximeren-
tur, et foro Ecclesiastico permitterentur,
utque uxores et concubinas abirent
quilibet Sacerdotes auctor olim extiterat ~

Gnesnensis Ecclesiæ Metropolitanus Henricus, cum in
Archiepiscopali sede annis decem et nouem sedisset, ad ho-
ram extremam perueniens, salutaris sumpto viatico, vigesima
secunda Martii moritur, & in Ecclesia Gnesnen, iusto honore sepe-
litur. Post cuius mortem Prælati & Canonici Gnesnen, Capitulo
celebrato, Vincentium genere nobilem, natione Polonum, eligunt.
Qui tandem probante electionem suam Wladislao magno Laskono-
gi, maioris Poloniæ Duce ab Honorio tertio in Archiepiscopum Gnesnen
confirmatur. Iste Archiepiscopus Henricus, cum esset animi genero-
si, in beneficiis distribuendis, et funiculis in Ecclesiæ libertatibus Po-
lonorum dilalandis, multos labores subiit et sustinuit, pro Ecclesiæ
Poloniæ libertate acquirenda & dilanda. Nam cum Clerici et
Sacerdotes ad iudicia Iudicum Sæcularium, etiam Pedaneorum, in-
diferenter traherentur, etiam inuiti, ipse de consensu & decreto una-
nimi Ducum Poloniæ, per eius solertiam et industriam, ad eam senten-
tiam inductorum, & universos Clericos, Monachos Ecclesiastici fori Pri-
uilegio fecit gaudere, nempe ut non possint conueniri, nisi coram suis Præ-
latis, ut Archiepiscopo, Episcopis, Abbatibus, Archidiaconis, & aliis Officia-
libus Ecclesiasticis, nec per reconuentionem aut aliquam exceptionem
ad forum laicorum possent compelli, sed nec coram ipsis Ducibus vel
eorum officialibus, respondere. Et eandem libertatem obtinuit origi-
nariis & ascripticiis Ecclesiarum. Deinde cum pro hac libertate con-
firmanda Romam se personaliter conferendo, assiduo conatu et
pio studio laborasset, et ibidem rebus omnibus pro libito apud se-
dem Apostolicam ac pro voto obtentis et consumatis, accepto le-
gationis officio, in Gnesnen Prouinciam, & in Poloniæ Regnum

reduisset cum magno honore a Ducibus Poloniae receptus. Priuilegium Ecclesiasticae libertatis, in multis articulis, quibus viri Ecclesiasticae libertatis grauabantur, petiit et obtinuit confirmari. Tandem Synodo Prouinciali congregata, Clericos in sacris ordinibus constitutos, uxoribus priuauit. Et quia ex Constitutione Petri Capuani Cardinalis, Sedis Aplice Legati super uxoribus dimittendis, nullus fructus hactenus prouenerat, ne uaga licentia abuterentur eis opere omnes Clericos, tactis sacrosanctis Euangelis, uxores deinceps, et quaslibet concubinas fecit abiurare, et ab eis se contineri ~

Anno Domini 1270.

Lestko uxorem ducit Grzimisla-
uam filiam Iaroslai Ducis Russiae ~

Proceres Cracouien' ueriti, ne propriis Ducibus Lestkone et Conrado, sine liberis obeuntibus, in peregrinorum Ducum ditionem deuenire cogerentur, Lestkonem Ducem suum, duo triginta annos habentem, coniugium assumere compellunt. Varia tamen apud Consiliarios erant uota, alii enim cum Hungaris, alii cum Bohemis, caeteri cum Ruthenis futuram affinitatem praestantiorē iudicabant. Vicit tandem ea pars, quae amicitiam cum Ruthenis suadebat, pro illaqz tempestate Ruthenorum amicitia potior iudicata est, cum ut Dominium Polonorum laetius posset porrigi, tum ut cum Ruthenis pax, plurimis bellis ac simultatibus infecta, posset reformari. Itaqz ex Consiliariorum sententia, Lestko Albus, uirginem ei genere et moribus formaqz ingenuam Grzimisla- uam, filiam Iaroslai Ducis Russiae, accipit in uxorem, et nuptiae sumptu et apparatu magnifico in Vrbe Cracouien' celebrantur. Quarum celebritas per actus militares, et hastarum ludos, in dies plures fuit producta. Ea demum affinitate tam Ruthenis quam Polonis, certa et optima pax effulsit, iugi bello, quo se utringz collidebant, penitus sublata, et superioribus iniuriis oblitteratis, captiui quoqz in bellis transactis capti, tam ingenui quam agrestes manu dimissi ~

CHRISTINVS alias Christianus, frater ordinis Cisterciens' per Conradum Masouiae Ducem in Chelmen' Epum assumptus est, et per Honorium Papam tertium prouisus. Huius Conradow praefatus propter suas uirtutes et probitatem, et quia Ducem Slesiae Henricum, Michaelē

747
Wratislawien, & Laurentium Lubuceñ Epòs, aliosq̃ plures milites
crucesignatos, ad reparandum Castrum Culmen, à Prutenis solo æ-
quatum, et desolatum induxit, plus quàm centum villas in terra Cul-
mensi donauit.

FREDERICVS secundus Romanorum & Sicilia Rex, Henrici quon-
dam Imperatoris filius, morte Othonis Imperatoris secuta, rebus Impe-
rii miro modo pacificatis, cum magno apparatu Romam veniens, honori-
ficè à Honorio Papa & Senatu receptus est, et in basilica Sancti Pe-
tri, vigesimum secundum agens annum, Imperiali benedictione ab eodem
Honorio sublimatus.

RUSSE Duces magno liuore acti, quòd Colomanus Hungariæ Re-
gis filius, pacificè Arcem et regionem Halicièñ hæcenus posse-
disset, Danielem Romanowicz Ducem suapte ad id proclium, quòd
regionem ipsam pater suus habuerit, incendunt. Qui illorum adiutus
suffragiis, in Halicz adueniens, et omnia neglecta offendens, arcem
occupauit, & Colomanum inde cum Hungaris in Pannonias effugat.

Anno Domini 1221.

Inundatio, Tames, pestis et hyems
horrida sine exemplo in Polonia.

Otibus exterioribus atq̃ bellis quietatis, nouum dispendium Po-
loniam, siue cælestis id faciebat ira, siue fatorum necessitas,
peruasit. A festo siquidem Paschæ, usq̃ ad tempora autum-
nalia, pluiarum et imbrium continuus descensus, tantam inundatio-
nem fluuiorum causauit, ut aquis supra modum crescentibus & infla-
tis, quidam particularis Cataclysmus, terris timebatur accidisse, Vn-
darum autem tam horrenda et insolita eruptio. & plerasq̃ villas in
basso sitas, demolitione perpetua absorbuit, vernalia frumenta seri
prohibuit, et quæ terræ per autumnum inserta erant, vorauit, præter
loca pauca, quorum agros collium et montium altitudo, à peste huius-
scemodi defenderat. Germina itaq̃ frugum, huiusmodi allutione
depasta, multis incommoditatibus non solum Poloniam, sed et omnes
finitimas regiones, in quibus æquè prouenerat, vexauere. Nam et
domesticorum animalium pabulis deficientibus, mors primum ob-

uenit, deinde fames valida, et spacio triennali continuata, etiam plu-
rimos mortales agrestes praecipue, victualium inedia tabescens, adeo
absumpsit, ut plures Villa et oppida habitatoribus consumptis, va-
cua desertaque remanerent. Malum autem huiusmodi, ex imbrum
multiplicitate proueniens, hyems grandis et sine exemplo subsecuta, in-
grauauit, sub quo etiam tempore, pecorum et pecudum magna morta-
litas pestisq; contigerat ~

FREDERICVS secundus Romanorum Imperator et Sicilia Rex, et si
in principio Imperii sui, sincere et religiose se erga Summum Pontificem
gesisset, velut filius ab ecclesia educatus, et quae illum caeteris praer-
eritis in culmen Imperiale suo favore, opera, et auctoritate euexe-
rat, Verum in processu temporis morte matris secuta, ab iniquis con-
sultoribus subuersus, in Sicilia ecclesias grauare, et in seruitutem
redigere cepit. Quamobrem Honorius Papa, paternè primùm illū
monet, ut à talibus desistat, quo non obtemperante, contra illum per sen-
tentiam excommunicationis procedit. Et cum magis contumacem et
rebellem aduerteret, manum suam contra illum aggrauat, et omnes
subditos tam Regni Siciliae, quam Imperii, à iuramento fidelitatis
absoluit. A quo quidem tempore Fredericus praedictus, magnam ty-
rannidem in Ecclesiam, et omnes sibi adherentes et deuotos exer-
cuit, et illam usq; in diem mortis suae non remisit

GRZYMISŁAWA Ducissa consors Leszkonis albi Cracouien et
Sandomirien Ducis, undecimo Calend' Iulii, apud oppidum Korczm
infantem pulcherrimum enixa est. Qui patre iubente Boleslaus nomen
accepit. De cuius ortu pater vehementer exultans, cum illum magnis
votis expetiisset, et celebritatem magnificam diebus aliquot tenuit,
Cracouiae, et in Ecclesias, Monasteria, pia loca, et miserabiles per-
sonas, multos liberales sumptus, gratificaturus donum sibi calitus praer-
stitum, effudit ~

ANDREAS Hungariae Rex, iniuriam suam et filii sui Colomani, per
Danielem Romanowicz Ducem irrogatam, ultum iri satagens, duos filios su-
os Colomanum et Belam, contra illum et Halicien, cum magnis copiarum e-
xercitibus, et Barombus praecipuis transmittit. Qui etsi Halicien Castru
tribus hebdomadis obsidione et impugnatione vexassent, et ppediem illius
conquisitio speraretur, duplex tamen malum Dissenteriae pestis, et fa-
mis in exercitum et equos eius saeuens, ipsos caepo irrito redire in

749

Hungariam, plurimis desideratis coegit, plures etiam pabulandi gra-
tia longius progressi, aut capiebantur aut obtruncabantur à Putenis.

Anno Domini 1777.

Ecclesia Sanctæ Trinitatis quæ tunc ori-
go erat Parochialium Cracouiæ pro fratri-
bus ordinis Prædicatorum conceditur, et Ec-
clesia Parochialis Sanctæ Mariæ erigitur.

Singulari erga beatum Dominicum & novum ordinem suum, iam
ab Honorio Papa tertio confirmatum, Imo Cracouiens Epus fla-
grans devotione, aliquanto tempore, ex quo de Italia cum fratribus
sibi per beatum Dominicum consignatis, Cracoviam advenerat delibe-
ratio illum tenuit, quo nam in loco primitias servorum Dei locaret. Com-
municato autem super hac re cum Leszkone Albo Cracouiens & San-
domiriens Duce, necnon Capitulo et Consulatu Cracouiens, consilio. Ec-
clesiam Sanctissimæ Trinitatis, quæ matrix et origo Parochiarum erat,
et locum spaciosum pro Conventu & officinis Monasterii, fratribus bea-
ti Domini assignavit, locumque præfatum calicibus, cassulis, libris, ce-
terisque ad cultum Monasteriorum necessariis, dotat, fratribus habitacula
construit, et eorum defectibus providendo, tam habitum quam victum
administrat. Quorum vitam et religionem Iacze de Provincia Opoliensi
Canonicus Cracouiens amulatus, ordinem eorum cum pluribus aliis, quorum
peccatoribus clementia Divina terrenorum contemptum infuderat, assu-
mit. Erigit ex tunc Ivo Epus Cracouiens in circo Urbis Cracouiens novam
Ecclesiam, & eam in honorem beatæ Mariæ Dei genitricis dedicat, &
in ea ius Parochiæ, quæ alias apud Sanctæ Trinitatis Ecclesiam consi-
terat, transfudit et transfert.

erectio Monasterii in villa Kaczicze.

Eodem tempore atque anno Ivo Cracouiens Epus prædictus, fer-
vido erga Deum et cultum nominis sui augendum æstuans ardore in
vico patrimonii sui hæreditario Kaczicze vocato, propè Oppidum
Slomniki in sua Diacesi Cracouiens sito, Cisterciens ordinis Monaste-
rium, denovo erigit atque instituit, ei que pro dote villam eandem Kaczi-
cze, & villas Prandoczin, Manikowicze, Cholewiczze, necnon decimas

mampulares mensæ Ep̄alis in eisdem quatuor villis prouementibus, consignat, donat, et inscribit, locumqz vasis et vestimentis necessariis exornat.

PLOCENSIS Ciuitas per Prutenos et Pomeranos vastatur et comburitur, magnaqz clade, tam Ciuitas Plocen, quam regio Masouia a barbaris obruitur.

Sed neqz in solo Pontifice Cracouiē Iuone amor Dei viguisse conspectus est, quin etiam in aliorum cordibus, flammam suæ dilectionis accendit. Nico: laus siquidem de Henrichouo Ducis Wratislauiē Henrici cum barba Se: cretorum Notarius, genere et actione nobilis, dum annis pluribus in obsequiis eiusdem Henrici Ducis cum barba versatus, non paruum rerum et pecuniarum suppellectilem collegisset, Domina suæ Ducissæ Sanctæ Hedwigis et conuersatione et exemplo edificatus, quam celesti amore totam viderat fore mancipatam, de consensu et annuētia Ducis Henrici cum barba, in villa patrimonii sui Henrichow Wratislauiē Diocesis, propē oppidum Nissam sita, Monasterium ordinis Cisterciē fundat, et tam villa eadem, quam alijs ad illum locum spectantibus dotat. Neqz sua omnia Deo donasse contentus, locum etiam ipsum spreto sæculo, ingressus assumpto habitu, in ordine usqz ad mortem felix fundator militauit.

ANDREAS Hungariæ Rex nouo exercitu in eum annum comparato, filium suum Colomanum contra Halicienses transmittit. Qui, magis quam anno transacto usus prospera fortuna, Daniele Romanowicz Duce non ultra audente se sibi potentiaqz suæ opponere, absqz omni resistentia Haliciensium potitus est regione et arce.

Anno Domini 1273.

Luo Episcopus prius fundatum, in villa Pradnik Monasterium in eccliam Sancti Spiritus Cracociam transtulit.

Miserabilium personarum, quarum in Ciuitatem Cracouiē, frequens concurrebat multitudo, status et conditioni, Luo Cracouiē Ep̄us prouisurus in villa Pradnik, ante fores Cracouiē sita, de consilio et assensu Capituli sui Cracouiē, hospitale, ut esset omnium miserabilium personarum utriusqz status receptaculum, erigit et fundat, quod Fulco

751

Episcopus Cracouiensis, ni morte absumptus fuisset, decreuerat, et villa Krowodrza, item villis utraqz Wromin, item decimis nonnullis manipularibus de mensa sua Episcopali, sufficienter dotat, et in hospitali huiusmodi fratres hospitalarios, qui de Saxia nominantur, duplicatam Crucem albam in pallio nigro deferentes, sub Regula beati Augustini militantes, instituit. Verum perpendens situm in villa Pradnik hospitali huiusmodi a se erecto, velut a frequentia et communicatione hominum longius distante, parum conuenire, hospitale praefatum Cracouiam de Pradnik transfert, et in Sancti Spiritus honorem Ecclesia dedicata, tam pro fratribus hospitalariis. Monasterium et Monasterii officinas, quam pro infirmis et miserabilibus personis, habitacula construit, virorumqz de mensa sua inopiam sustentans, propter famem quae altero iam anno Poloniam, segetibus aquarum imbribus consumptis, vehementius premebat. In translatione autem huiusmodi Anno Domini Millesimo Ducentesimo, quadragesimo, quarto, sexta die Aprilis facta, Luce Episcopus praefatus, hospitali huiusmodi duas Ecclesias parochiales, unam vtz Sanctae Crucis in Cracouia, alteram Sancti Martini in villa Episcopali Biskupicze, supra Wieliczka sita, cum earum decimis et prouentibus, pro eiusdem hospitalis subsistentia, vniuit.

VINCENTIUS Cadlubkomis olim Cracouiensis Episcopus, cum annis quinque in ordine Monasterii Andrzeiouiensis religiosè exegisset, octaua die mensis Martii, laborum suorum immarcescibilem coronam à Christo, propter quem omnia deseruerat, percepturus, carnis ergastulo solutus est, et in eodem Andrzeiouiensi Monasterio, in Chori medio sepultus est. Qui dum Pontificalem adhuc regeret Cracouiensem Cathedram, viuacitate ingenii qua pollebat, super rebus gestis patriae, discreto politoqz stylo, quae incipit, Tres tribus ex causis theatrales odere solennitates, adidit Chronicam. Quam sic accuratè cogitategz perscripsit, ut ad praeursorum laudem maximè accesserit, quos tantopere admiramur, multa de exteris gestis, plura quam de propriis perstringens, per varia Historiarum, quicquid concinnum et aptum Polonis fuit, pulcherrima varietate innexuit, quae à multis Polonorum celebrantur et leguntur. Et ob varietatem tam domesticam quam peregrinam Historiarum, et ob elegantiam scriptiois, grauitate verborum non vulgarium referta, licet carpatur à quam plurimis, quod verborus fuerit, aliarum Historiarum diligens propriarum negligentior scriptor. Hic decem Prebendas in Kielcen Ecclesia et fundasse et dotasse asseritur. Decimas quoqz manipulares iuxta Czchom consistentes, ab Ecclesia Parochiali in Brzezic abstractas Caplo et Ecclesiae Crac. per administrationem vini et olei, contulisse.

*Wladislaus Othonis Maioris Poloniæ
Dux, ab exilio Pannomico in habitu Mona-
chali clam reuersus Castru Vsczie occupat.*

*W*ladislaus Otonis maioris Poloniæ Dux, cum annis fere nouem,
metu patris sui germani Wladislai magni siue Lasconogi, apud
Pannomos exulasset, in Poloniam clandestinè sub habitu Mona-
chali, ne agnosci à Polonis posset, reuertitur, iecto prius per internuncios
affinitatis fadere cum Swantupelkone Pomeraniæ Præfecto, quod illius so-
rorem germanam Helingam nomine sibi matrimonialiter sociaret. Quis si-
bi in spem amplæ dotis, suffragia, quibus paternam à patre repeteret sor-
tem, obligarat se laturum. In primo itaq; Wladislai Othonis ex Hun-
garia reditu, Wladislaus ipse, ferente sibi Swantupelkone Pomeraniæ
Præfecto opem, suam, et consilia, Castrum Vsczie, situ et arte fortissi-
mum, quod duo flumini Notesz et Guida ambiunt, negligentius à Capita-
neo asseruatum, septima die Octobris irrupit, occupat, et acquirit, et vi-
cinas ex illo vexare extunc capit regiones.

GREGORIUS de Crescentia Cardinalis, et Honorii Papa tercii de
latere Legatus, venit in Poloniam, et tam à Leszkone Albo quam Luo-
ne Ep'o et vniuersis ordinibus Cracouiæ magno honore susceptus est,
ubi et pluribus diebus immoratus, et quosdam Clericorum rescidit abu-
sus, et nonnullas edidit pro Cleri regimine constitutiones. Sub cuius
præsentia Iacobus, eiusdem Cardinalis Secretarius natione Romanus,
ordinem Prædicatorum in Monasterio Sanctæ Trinitatis Cracouiæ
assumpsit, saculo renunciando, familiaribus eiusdem Cardinalis, sic-
tu et lachrymis ingressum suum prosequentibus. Et Ecclesia Sanctæ
Trinitatis in die Sancti Gregorii per Iuonem Epum consecrata, in Cæ-
nobialem ex parochiali mutata est.

GOSLAVS atq; Getka Plocen' Epus cum annis decem et septem se-
disset, moritur et in Plocen' Ecclesia sepelitur. Prælati autem et
Canonicis Plocen' monstruosam et discordem electionem de aliquot
personi celebrantibus, vacatio Plocen' Ecclesie in biennium producta
est. Quæ tandem meliori concordia rescissa, Ioannes succedit, ce-
dente de iure suo Gunthero, qui se gerebat pro Electo Plocen' Ep'o,
cum discordia inter eum et Ioannem alterum electum in biennium
extracta fuisset. Fuit autem hic Ioannes Polonus nobilis, de Doma Gó-
ldouitarum, ætatis iam tunc infimæ et fractæ.

753

Anno Domini 1274.

Fame et peste triennali non obstante
in Polonia, Lestko Polonorum Monarcha,
suis et finitimis iustitiam administrat.

Maceratis aut absumptis in Polonorum regionibus biennali fame pluribus mortalibus, annus tertius duobus transactis saevior aduenit, qui non solum domesticis animalibus, sed et hominibus exitit fatalis, et ampliorem pestem stragemque, quam duo praeteriti in hominibus et bestis causauit. Non ob id tamen legum saeuirate quicquam detractum aut remissum est, sed iura populis in fame iuxta atque in ubertate reddebantur. Colloquia autem, quod Polonis generale et sacrosanctum iudicium est, nullam admittens prouocationem, in Rozegrod instituta, Lestko Albus Cracouien et Sandomirien Dux, ac Polonorum Monarcha, solus per omnes dies, quibus iudicium tendebatur, iudicio praesedit, et non sine omnium admiratione, causarum nodos prudentissime dissecuit. Cum autem cum illic Cletus Agariensis Episcopus ab Andrea Hungariae Rege missus legatus, offendisset, cuius legationis summa erat, Andream Hungariae Regem, de transmarinis partibus (in quas pro defensione terrae Sanctae, paternum votum redempturus, transfretauerat) alacrem et incolumem, et nonnullis Sanctorum ossibus onustum in Hungariam rediisse, subinfernandoque petebat, ut motus nonnulli inter eos, qui Regnorum finitima incolunt, per sui absentiam exorti, sedarentur, passisque damnum et iniuriam, restitutio proueniret. Orabat deinde, ut si illum Bohemis bellum inferre contingeret, in sui auxilium vel personaliter veniret, vel militiam suam transmitteret. Et de reditu quidem vicini atque amici Regis, a Lestkone Duce, amico more congratulatum est, correctio deformitatum, et resarctio damnorum inter subditos accepta, et ob id dies certa iuxta obseruantiam in Regnorum metis instituta, sed et suffragium in Bohemicam expeditio: nem per se aut milites ferendum, repromissum.

PRUTENI barbari facta irruptione in Monasterium Oliua, Abbatem cum fratribus et uniuerso eius Conuentu captiuant, et versus Gdansk deductos, omnes crudeli morte interemerunt, et extunc Culmen et Dubucen regionis terras, per insultus et excursiones clandestinas vastare ceperunt. Ad quorum compressionem Conradus Dux Masouiae, fratres Cruciferos qui dicebantur milites Christi, tubo ense et Cruce signatos accersit, et Castrum Dobrzin, ut contra Prutenos bellarent, eis tradidit.

Sed illis non proficientibus et lenuem resistantiam barbaris opponentibus
terrae praedictae Culmen et Lubucen fuerunt penitus desolatae et destructae.

Ducissa Grzimislaua Lestkomi albi consors, partum femininum cecidit.
Qui etsi patri Lestkomi semiplene gratus esset, eo tamen vno iucunda-
batur, quod filia tunc genita, et sterilitatis opprobrium consortis suae abs-
tulerat, et arca certissima futurae masculinae prolis erat, Quae in baptismo
patre iubente Salomea vocata est.

Anno Domini 1225.

Henricus Wratislaviensis Dux Monar-
chiam Poloniam repetiturus cum exer-
citu Crac' vadit, et cum maiorem po-
tentiam Lestkonis videret ideo cum eo fæde-
re, de iure suo illi cedit et ad propria redit.

Ad notoriam suam ignominiam et offensam Henricus cum barba Sle-
siae et Wratislaviensis Dux, existimans pertinere, quod Lestko
albus Cazimiri filius Monarchiam Polonorum et Cracoviensis
Ducatum, qui sibi velut Duci Seniori et natu maiori debebatur, occu-
passet, exercitum, tam de suis quam exteris gentibus, precio conductis,
comparat, et versus Cracoviam procedit, Lestkonem Album de Mo-
narchia amoturus, Marci Palatini Cracoviensis et aliorum militum suae
factionis persuasione inductus. Orta enim dissensione, inter Iuonem
Cracoviensem Epum, Hostasium Comitem et eorum societatem, qui erant
de armis Odrowas ab una, et Marcum Palatinum Cracoviensem, Magi-
strum Andream filium Clementis, et eorum cognatos de Domo Grypho-
num partibus ab altera, pro eo, quod Dux Lestko Cracoviensem, Ioanne
militem fratrem germanum praefati Magistri Andream Canic Crac'
et nonnullos eius cognatos, habitis officiis, Dignitatibus, et Magistrati-
bus, ex ea causa priuauerat, quod cum in Masovia in custodia cum Der-
slao filio Abrahae, et Budeslao filio Krzeslai, fuissent ad defensio-
nem terrae positi, facto incursu Prutenorum, praedictis Marci Palatini
cognatis, per fugam sibi consulentibus, Derslaus, Budeslaus, et alii
multi pro defensione patriae in conflictu ceciderunt. Unde cum vidis-
sent ad honores se non posse restitui, machinantur Ducem Lestkonem
de Cracovia eliminare, et Henricum Ducem Wratislaviensem substituere.

758

Quapropter Marcus Palatinus, cum suis cognatis et sociis exulando, ad Hen-
 ricum Ducem Wratislaviensem proficiscitur. Qui congregato exercitu, ve-
 nit Cracoviam, et stetit ibidem octo diebus. Sui autem propositi Leszko
 albus non ignarus, et gentes plurimas de Dominis suis contra Ducem Henri-
 cum armaverat, et Conradum Masoviae Ducem germanum suum ad repul-
 sionem huiusmodi iniuriae, cum omnibus Masoviensibus et Cuiavensibus militum
 copiis, in adiutorium suum accersiverat, inferendum sibi ab Henrico bellum
 duplicatis viribus et conatu omni atque adrisu, propulsaturus. Iam Henri-
 cus cum barba Dux Slesiae usque ad fluvium Dlubnia, non longe a Craco-
 viensi Civitate, pervenerat, illicque stativa habebat, dum uterque Dux Lesz-
 ko et Conradus, ordinatis aciebus illum excipiunt, ad decernendum
 parati et accincti. Henricus autem Slesiae Dux, cum et suaviter esset
 vir ingenii pacifici et modesti, et a coniuge sua beata Hedvigi, crebro
 admonitus foret, ut sede sua Wratislaviensi contentus, statum suum et
 suorum, quaeritando Monarchiam, non adduceret in discrimen: cum et
 Leszkonis Conradique copias, suis multo fortiores superioresque non igno-
 raret, et milites suos grandi pauore, paucitate sua conspecta, et hostili-
 bus viribus pensatis, intelligeret percussos, missis Caduceatoribus collo-
 quium expetuit. Quod cum a Leszkone et Conrado Ducibus: quippe ut
 qui ipsi civile et fraternum certamen abhorrebant, concessum esset, in la-
 bernaculo in medio utrorumque Castrorum ad id defixo, cum certo et
 aequali Consiliariorum numero conveniunt. Vbi primum Henricus Dux
 dicere iussus, longum de iure suo, quod sibi in Monarchia Polonorum compe-
 tebat, sermonem disseruit. Cui cum Leszko Albus respondendo, rationes
 suas dissolvisset, Ivonis Cracoviensis Episcopi, et communis Baronum interpositione
 pacificuntur, et in eam concordiam reducuntur. Quod Henricus Wratisla-
 viensis et Slesiae Dux, de omni iure et titulo Monarchiae Polonorum, Leszko-
 ni albo cedat, et omne ius in Monarchia sibi competens, in Leszkonem trans-
 fundat. Impletum est et a Ducibus speciale foedus, et iureiurando firmatum,
 ut unus alterius procuret honorem et commoda, et occupationem terrarum
 et Ducatum, quos sortiti fuerant, non aspiret. Datis deinde inter se mune-
 ribus, celebratis etiam conviviis, in magna animorum identitate et amore ex
 hostibus facti amicissimi in suos Ducatus reuertuntur. Leszko siquidem
 albus iuncto foedere, iam Henricum Slesiae, quam Conradum Masoviae, Duces,
 Cracoviam invitaverat, et iam ipsos quam eorum miles, magnificis tracta-
 vit necessariis. Conrado tamen in Masoviam diuertente, Henricus Dux
 octo diebus, Cracovia moratus est, splendide et humanissime a Leszkone ha-
 bitus, etiam amplis donis ab eo sibi datis, onustus, laetus in Slesiam remea-
 bat. cum apud Cracoviam stando octo dies absumpsisset ~

COLOMANVS Andreae Hungariae Regis filius, dum annis tribus in Principatu Halicien sedisset, apud Halicien arcem morbo an veneno incertum est correptus, moritur. Post cuius mortem Daniel Romanowicz Dux Ruthenis fauentibus, arcem et regionem Halicien occupauit, in eaq; con-sedit. Sed Isaslao Dux Halicien, Ducatum sibi vendicaturus, fretus Polonorum auxilio, contra illum venit, et pugna commissa, Daniel victus succumbit, Duxq; Wladimirus, et frater suus qui Danieli auxilia tulerant, captiuantur. Propter quod arx et regio Halicien, in ditionem Michalkonis Ducis, fauente Isaslao, concessit.

ERARVM Ecclesiae Cathedralis Cracouien, item turris Monasterii Sanctimonialium in Trivierzimiecz, item Dormitorium fratrum Praedicatorum in Cracouia fulmine tacta, accensa et concremata sunt, hominibus illasis et incolumibus.

Wladislaus Othonis olim maioris Poloniae Ducis filius multa praedatur et incendit.

Wladislaus Othonis Maioris Poloniae Dux, suffragio filiorum Ioannis Alberti, et Laurentii adiutus, Monasterium Mogilno deuastat, et depredatur. Anno vero insequenti idem Wladislaus Dux, Dobrogoskonem, et alios multos Poloniae nobiles occidit, et horrea Wladislai Leskonogi Maioris Poloniae Ducis in Miedziedz, et in alijs villis pluribus, depredatur et incendit, et Poloniam magna subiecit vastitati. Eiectus enim fuerat potenti brachio per Leskonem Ducem Cracouien, et per Wladislaum Senem patrum suum, de suis Principatibus, vizt Calissien et Buden, Nec in Polonia Regno consistere ausus, in Hungaria, Bohemia, et Almania, annis aliquot agebat exilium, sed affinitatem et suffragia Swantopelci Pomeraniae Praefecti, ducendo sororem eius in uxorem nactus, penas exiliationis suae ulturus, in singula quaecunq; nefanda, maximo conatu grassabatur.

Anno Domini 1276.

Wladislaus Liaskonogi Castrum Vlczie longa cingit obsidione et Wla:

dislaum Othonis ibidem claudit. Quam
cū remissius teneret, nacta opportunita-
te Wladislaus Othonis in Castra patris
sui irrupit, et eum vicit, Castraque Ca-
lisiense et Posnamiense recuperat.

In iuriam, Wladislaus magnus alias Liaskonogi Maioris Polo-
niae Dux, per nepotem Wladislaum Otonis illatam, vindicaturus,
et Castrum Vsczie quod interceperat, recuperaturus, omnium terra-
rum suarum colligit exercitum, et Vsczie Castrum obsidione vallans, etiam
nepotem suum Wladislaum Othonis in eo concludit. Omnibusque expugna-
tionum generibus usus, nunc bombardis illud quatit, nunc turre ad mo-
uet, nunc militum manu ad eius conquisitionem intendit. Sed cū a
Wladislao Otonis et suis militibus Castrum strenue defenderetur, ipse
etiam situs loci conatus Wladislai magni facile dissolueret, et spes
sue reciderent in irritum, obsidio in diem Sanctae Margarethae extra-
cta est; cū primo Vere cepisset. Remittebant itaque milites animum, et
negligentius munera obsidionis eis distributa, siue dum ad stationes
et excubias eundum esset, siue cum hostibus dimicandum, siue ne
quid ad obsessos importari posset prohibendum, obibant. Sed et obresi-
negligentiam huiusmodi obsidentium, cessando ab eruptionibus, et las-
sos penesque victos se fingendo, amplius nutriebant. In Apostolorum
itaque Divisionis die, dum soluta omnia in Castris obsidentium Wladi-
slaus Otonis, quosdam etiam stationibus desertis, longius a Castris pro-
gressos, quosdam somno stratos, alios inermes, nonnullos per ebrietatem
temulentos, supernè ex arce conspexisset, suos ad bellum paucis cohor-
tatus, promittens illos, si paululum adniti vellent, ea die posse fieri vi-
ctores, in Castra hostilia cum omnibus qui secum obsidebantur, irruit, et
tumultuariè inermes aggressus, omnes sternit aut fugat, maioremque quàm
pro numero stragem, cunctis pauore percussis aut diffugientibus, addit. Sed
et Palatinum Posnamiensem Dobrogostium, cum pluribus aliis insignibus
militibus, obtruncat, donec clamore et cohortatione Wladislai magni Du-
cis globo facto, ipsum de Castris nonnullis, etiam suis aut sauciatis, aut
cadentibus, in Castrum retrocedere compellunt. Qua quidem clade Wla-
dislaus Liaskonogi deterritus, altera die motis Castris, obsidionem sol-
uens abiit. Sed Wladislaus Otonis, et Swantopelkonis affinis sui, et ali-
quorum militum, qui suae parti fauebant, fretus potentia patrum inse-
cutus, Posnamien et Calisien Castra et Ciuitates, quae suae sortis erant,

dedentibus se Ciuibus & Castellanis, comprehendit, et omnia quae suae di-
tioni erant recuperat, horreaqz in Miedziedz et in alijs pluribus locis
vastat, praedatur, & incendit, & Maioris Poloniae terras pluribus incur-
sionibus et spolijs affligit ~

GRZYMISŁAWA consors Leszkonis albi Ducis & Regni Polo-
niae Monarchae, filium pulcherrimum apud arcem noua Ciuitatis Kor-
czin, enixa est, cuius natiuitas in magnum gaudium cessit. Baptizatus
autem a fratre Herardo, Prouinciali Ordinis Praedicatorum, et fra-
tre Artungo eiusdem ordinis, et satrapis Regni Boleslaus vocatus
est, patre Leskone iubente. ~

*Monasteriū in Mogilam ex Kaczicze
translatio et alterius in Ciuita-
te Sandomiriensi Ordinis Praedicatorum erectio.*

Cracouiensis Epus Iuo, Monasteriū in Kaczicze Ordinis Ci-
sterciens, quod nuper fundauerat, conditionem meliorem effe-
cturus, cum intelligeret situm loci parum idoneum pro Mona-
sterio fore, de sui Capituli Cracouiensi consilio & assensu, in villam
paternae sortis Mogilam propē fluentia fluminis Vislae, locum ubero-
rem & egregium, & pluribus commoditatibus refertum, illud transfert
nonnullasqz decimas manipulares mensae Episcopalis in oppido Dobezi-
cze & villa Vinarij, alijsqz villis circum Dobezicze situatis, eidem Mo-
nasterio donat. Et pulcherrimo opere, partim ex dolata petra, partim
ex cocto latere, tam Ecclesiam quam Monasterium aedificat. Pulcher-
rimaqz compositionis et dotationis venustate, & honori beati Pauli Apo-
stoli illud dedicat & intitulat. Quod quidem salutiferum opus, cuius
tunc iacta sunt fundamenta, non sine amplissima praefati Pontificis
laude, temporis successu prosperatum, etiam in diem hodiernum propi-
cia Diuinitate, in religionis cultura, et temporalium affluentia, perseue-
rat. Praefatus insuper Iuo Epus, anno eodem secundum Monasterium,
ordinis Praedicatorum sub titulo beati Iacobi, Sandomiriensis erigit, & fra-
tribus loco consignato, etiam Ecclesiam, cellas, et Monachi officinas construxit.

Celebrauit et hoc anno Vincentius Gnesnensis Archieps Synodum in Ecclesia Sancti
Blasii. Vbi contentione de prima sessione inter Iuonem Epum Cracouiensem et Laurentium
Epum Wratislauiensem exorta, Iuone Epus Cracouiensis ius suum per Privilegia Apostolica perma-
nente, Laurentio Epus Wratislauiensis nil opponente aut perducen, de loco tamen ce-
dere nolente. Iuo ex Synodo recessit ~

HONORIUS Papa III. cū annis undecim mensibus duobus, diebus tredecim in Pontificatu Romano sedisset, Romae moritur, & in Ecclesia Mariæ maioris honorificè sepelitur. Cui Hugolanius Epūs Cardinalis Hostien. natione Campanus, frater ordinis Prædicatorum Gregorius nonus appellatus, apud Septisolum electus, nona Martii succedit, qui multas à Frederico Imperatore petulit aduersitates ~

SWANTOPELKVS Pomeraniæ Dux de consilio & assensu Michaelis Wladislaui Epī, vigesima tertia Ianuarii fundat & erigit Monasterium in Ciuitate sua Gdansk ordinis Prædicatorum, sub titulo et honore Sancti Nicolai, et locum prædictum Priuilegiis et libertatibus insigniuit ~

IOANNES Plocen Epūs cū annis quatuor sedisset, à Podagritica vexatus passione obiit. Cui per electionem Canonicam Guntherus Canus Ploczen successit, nobilis de Domo Prussorum, à Vincentio Gnesnen Archiepō apud Enenam, Conrado Masouia & Cuiavia Duce consentiente, confirmatus et consecratus ~

Anno Domī 1777.

Swiatopelkus elatus, petit à Lesthkonem Pomeraniam. Quia negata, negat et impletur. Eo cognito Lestko indicit Comitum, et iubet venire Swiatopelkum. Qui intellecta re cum consilio Wladislai Othonis, Ducem Lestkonem cum Duce Henrico in balneo aggredditur, & Ducem Lestkonem aggressum inopinatè interficit, Henricū Ducē vulneratū, fide serui relinquens viuum.

Affinitate, quam cum Wladislao Othomi Maioris Poloniæ Duce per sororem habebat Swantopelkus Pomeraniæ Capitaneus, & plurimis opibus, terra mariq; in Præfectura Pomeraniæ quæsitis, necnon & successuum foelicitate, qui sibi et Wladislao Othomi prouenerant, in singularem pompam elatus, Dominum & Principem suū Lestkonem

Album Cracouiensem et Sandamirienem Ducem, cuius vice & autoritate honore Praefecturae apud Pomeranosungebatur, per se & crebras legationes sollicitare cepit, quatenus illum in Ducem Pomeraniae creare, et sibi eusum purpureae titulum Principatus Pomeraniae superiori Domino sibi re: seruato, concedere dignaretur. Boguslaus de armis Grifonum, quem inferiori Pomeraniae et Cassubiae liberalitas Boleslai Krziwousti Polonorum Ducis, filii Wladislai, ex Barone in Principem creauerat, cuiusque filios et nepotes, in terris ipsis Principatum gerere uidebat, sibi et Duci Leszko preponens in exemplum. Sed dum Leszko albus petitionem ipsam, uelut friuolam et temerariam damnaret, et plurimum obid contra Swantopelkum irarum conciperet, Swantopelkus repulsa irritatus, ad defectionem spectare cepit, tributaque ex Pomerania Leszko albo solui solita, mittere intermisit. Cuius rebellionem et contumaciam Leszko albus atquequam altius serperet coalesceretque, in ipsis iniiciis oppressurus, communicato cum Henrico cum barba Slesiae & Wratislauriae Duce (in quo rerum et actionum suarum, ex familiaritate pridem contracta, sum pserat loca uerataque fiduciam) consilio, apud Ganzauam praedium Monasterii Trzemesznen, prope oppidum Zrenam situm, pro die Sancti Martini indicit celebratque Conuentum, iubens Swantopelkum Pomeraniae Praefectum illic personaliter interesse. Specie quidem ut Rebuspub. Polonorum uelut Monarcha prouideat, stabilimentum firmitatemque imponat; re autem uera, ut Swantopelkonem illum sine suspitione aduenientem opprimat corripiatque, et terris Pomeraniae, in quibus se admodum firmauerat, in suumque nomen milites iurare impulerat, sine bello et armis exueret. Verum Swantopelkus Pomeraniae Praefectus, ut erat uir et prudentia et calliditate rara pollens, Conuentum apud Ganzauam non contra alium nisi se, et suum periculum prout erat, indictum ratus, omni humanitate abiecta, cum affine suo Wladislao Othonis in Leszko albo & Henrico cum barba, quem cum Leszkone albo uenturum agnouerat caput conspirant, clandestinasque conflant insidias. Ad quas perpetrandas Wladislaus Othonis Maioris Poloniae Dux, quamuis Leszko albo & Henrico cum barba, propinquo consanguinitatis gradu coniunctus, compertus est aspirasse, Swantopelkone Pomeraniae Praefecto, ad permulcendum animum eius, conuersi Regni Poloniae Principatum Leszkone et Henrico sublati, destinante. Cum itaque ad diem Sancti Martini constitutam, Leszko albus, fraudem et dolum abesse putans, conficiendae quoque rei et recuperandae Pomeraniae studio captus, et Henricus cum barba, ac Conradus Masouiae Duxes, in Ganzauam pro tenendo Conuentu, cum Baronibus, militibus, et frequentia hominum, conuenissent, et diebus aliquot

761

cum Wladislao Otonis Maioris Poloniæ Duce, in continuis, de stabilien-
da inter eum, et Wladislaum magnum Lasconogi patrum suum Gne-
sneri Ducem, pace, versarentur tractatibus, in insidias præcipitati sunt.
Dum enim præfati Duces, à Pomeranis satisfactiorem, de grassaturis
& damnis, quæ per frequentes insultus cum Wladislao Otonis in terris
Maioris Poloniæ fecerant, peterent, aliòquin iniurias propulsando minaren-
tur terras Pomeraniæ se hostiliter inuasuros, Swantopelkus Pomeraniæ Træ-
fectus venire diserens, aduentum suum Duci et Domino suo Leskoni albo
intimabat frequentibus nunciis, magis exploranda rei, quæ in Ganzaua
ageretur, gratia, quàm pro sui excusatione transmissis. Iam quarta, ex quo
in Ganzaua Duces conuenerant, agebatur dies, & plurimarum rerum expe-
ditione perfecta, balnea ad curandum abluendumqz corpora intrauerant,
cùm subito Swantopelkus Pomeraniæ Capitaneus, opportunitatem tempo-
ris, per exploratores sibi declaratam, in suffragium sui doli habiturus,
nusquam magis se nocere Duci Leskoni ratus, quàm cùm amicus putare-
tur, cum gentium ex Polonis & Pomeranis collectarum multitudine, super-
uenit, et hostiliter tam hospitia quàm tabernacula Ducalia & militaria
irrupens, singulos sibi resistentes obtruncat. Cuius rei periculo Duces
in balneo existentes, intellecto, Lesko quidem albus, velut corpore iuue-
nili vegetior, de balneo exiit, et equo à suis sibi ministrato conscenso,
versus villam Marczinkouo, paucis illum comitantibus, fugere cœ-
pit. Quem Swantopelkus omnibus aliis præteritis, velut prædam dudum
concupitam insectatus, suos omnes in illius necem exhortabatur, asserens om-
nem triumphum suum in illo uno corpore consistere. Itaqz pauci à multis un-
diqz coartati, quamvis diu satisqz strenuè luctarentur, ad extremum tamen
omnes unâ simul cum Duce et Domino suo Leskone albo, à nefario prodi-
tore perimuntur. Tanta autem fuit Swantopelkonis et suorum ad delendum
stirpem Regalem, et eorum qui secum unâ venerant, rabies, ut non solum
in milites et armatos, sed etiam in nudos, et eos qui in balneo consisterant,
sæuirent. Henricus enim cum barba Wratislauiens & Slesiae Dux à
carnificibus in balneo comprehensus, aliquot sauciatur vulneribus, qui et
ipse tunc occubisset, nisi quidam miles suus, Peregrinus vocatus de Wey-
semburg, mira fide miraqz deuotione in Dominum suum et Principem usus,
corpus Ducale suo tegens, obstitisset. Qui tandem multis vulneribus con-
fossus, in terramqz procident, etiam cadauer suum examine, in corpus Du-
cale superiecit, et uterqz mortuus creditus, sæuitiam carnificum remisit.
Maximæ profectò & plus quàm raræ miles iste in Principem suum fidei,
qui occidendi Principis in se necem transtulit, & spontaneum se pro vi-
ta Domini sui mortis constituit vicarium. Poterat & Lesko albus Dux

Cracouiē, mortem euasisse, si æquē fortem, æquē fidem, in sua cohorte, iux-
ta ac Dux Henricus, nactus foret militem, Cuius quidem militis peregrini
fidem extimare uerbis arduum est, qui se primū vulneribus, deinde mor-
ti ipsi, pro Principe suo obiecit, seq̃ quā Ducem suum occidi passus est, meri-
tus ut per omnium ora extensa laudatiōis materia, caneretur. Magna Et
in alios ea die, quæ fuit quatuordecima Nouembris, strages ædita est, quæ
illic Swantopelkus cum Wladislao Othonis in Polonia essent regnaturi.
Corpus Leslkonis Albi Cracouiam per suos superstites, qui remanserant
relatum in Ecclesia Cracouiē, cum magno luctu ploratuq̃ sepulturae man-
datum est. Swantopelkus non secus quā hoste Principe Et Domino suo
caso, neq̃ sceleris penituit, neq̃ aliqua re funus suum cohonestauit, ab eo quoq̃
die se Pomeraniæ legitimū Principem gerere cepit. Henricus lectica
uectus Wratislauiam reuertitur, de vulneribus inflicis breui curatus,
spectata fidei militem Peregrinum semper commendans, prolem suam larga
extulit donatione. Interfuerunt autem huic colloquio in Ganzawa
habito Vincentius Gnesnē Archiep̃us, Iuo Cracouiē, Laurentius
Wratislauien, Michael Wladislauien, Paulus Posnamien, Laurentius
Dubucē, Guntherus electus Ploczē Epi, Et Barones quāmplurimi.

Anno Dom̃i 1278.

Conradus Dux Masouiae et Henricus
cum barba Dux Slesiae pro Tutoria et
Monarchia certant prop̃ Crac̃. Henri-
co duplex victoria celsit. Quem Con-
radus postea astu capit. Hunc beata Hed-
uigis uxor sua, Masouiam ueniens consi-
lius suis liberat, et cedens de Monarchia Con-
rado, etiam affinitatem cum eo iunxit.

Rude li et infausla necē Leslkonis Albi, per Swantopelkonem
Pomeraniæ Praefectum, de scitu etiam Et annuentia Wladislai
Othonis Maioris Poloniæ Ducis, secuta, mox nouum bellum no-
uāq̃ arma inter Duces superstites. Conradum uzi Masouiae, germa-
num Leslkonis Albi ab una, Et Henricum cum barba Slesiae Et
Wratislauiae Ducem partibus ab altera, concitantur, utroq̃ Polo-
norum Monarchiam, Et Leslkonis puerorum curam ad se rapere

festinante. Et Conradum quidem Masouiae Ducem Leskoni ger-
 manitas, Henricum vero Slesiae Principem, annositas, quod natus maior
 esset, & Ducissae Grzimislauae, relictae Leskoni Albi, ac nonnullorum
 Cracouien Baronum, & signanter Marci Cracouien, & Pacosloi Sando-
 mirien, Palatinorum, & cognatorum eorum, partem Ducissae Grzimisla-
 uae sequentium, crebro ingeminatae preces, concitabant. Grzimislaua
 enim Conradi Masouiae Ducis tyrannidem perosa, se filiumque suum
 paruulum Boleslaum, & filiam Salomeam, et eius Principatus atque ter-
 ras, in tutelam et gubernationem Henrici Slesiae Ducis commendat, pe-
 tens se et paruulos a gubernatione Conradi, eripi et vindicari. Ex
 hac itaque occasione et causa, ciuili et domestico inter Duces praefatos bel-
 lo subsecuto, uterque cum gentibus, ius suum armis defensurus, versus
 Cracouiam aduenit. factaque est Prouincia Cracouien sedes belli. Et
 arcem quidem et Ciuitatem Cracouien Ducissa Grzimislaua cum filio
 obtinebat, non permittens Conradum et suos contingere illam, Henricus
 vero Slesiae Dux, duas novas munitiones, unam uiz prope Oppidum Ska-
 la, in colle, quem Pradnik fluius praeterfluit, et cuius in hanc diem osten-
 tantur reliquiae, alteram in Mezboze erexerat, et forti praesidio mili-
 tum imposito, etiam uniuersam Prouinciam Cracouien, occupaturum se spe-
 rabat. Conradus itaque Masouiae Dux, maximi momenti fore, et ad ui-
 ctoriam spectare credens, si novas munitiones per Henricum erectas
 deiceret, ad oppugnandum munitionem, prope Skalam sitam, copias ducit.
 Vbi illi Henricus Slesiae Dux occurrens, durum praelium secum commit-
 tit, et plurimis hincinde cadentibus, filius quoque Conradi Masouiae Ducis
 Przemislaus adolescens, inter primos pugnans occubuit. Conradus signo
 receptui dato pro uicto abiit, & laus victoriae penes Henricum reman-
 sit. Cladem autem & ignominiam tunc acceptam, Conradus Masouiae
 Dux correcturus, versus alteram munitionem Mezboze fortunam belli
 ex loco tentaturus aduenit. Sed fortuna sua cum loco mutata non est;
 maiori enim caede ab Henrico et suis, prope villam Wroczirzisz confli-
 ctus, in propinquas syluas & colles refugit, & utramque munitionem inex-
 pugnatam, pluribus de suis aut occisis aut captis, reliquit. Duobus aduer-
 sis praeliis Conradus Masouiae Dux ab Henrico Slesiae Duce fusus fu-
 gatusque, in Masouiam secesserat, ad reintegrandum de nouo bellum, mi-
 lites in supplementum lecturus. Verum cum in eam militiam aegre &
 minus obedienter suos transire, tempusque aestatis transfluxisse animad-
 uerteret, omnem apparatus bellicum, ad dolos et ingenia conuertit, faci-
 lius se illis quam armis ratus Henricum Slesiae Ducem, aduersarium suum
 oppressurum. Iam siquidem Henricus Slesiae Dux debellatum pro Mo-

narchia & Cracouiē Principatū hostem credens, filium suum Henricū cum copiis in Slesiam, colonis ab utroq; exercitu vexatis compassus, remittens, securus & tranquillus in Cracouiē Ducatu, fides sibi et puros singulorum animos reputans, obseruabatur. De quo Conradus Masouiae Dux ab exploratoribus certior factus, in Cracouiē Prouintiam aduenit, & fauentibus illi militibus nonnullis Cracouiē, ad innouandum res procliuis, Henricum Slesiae Ducem in Spitzkowieze consistentem, & auditōi Missae deditum in Ecclesia captiuat, & in Masouiam ad Castrum Ploczen, & ut alii asserunt in Czersko deportat captiuatum. Verū cū Henricus filius suus, qui Annam Othocari alias Przemislai Regis Bohemiae filiam, ex secunda uxore Constantia, ex filia Regis Hungariae genitam, nomine, habebat in uxorem, et quatuor filias, uizt Wladislaum, Boleslaum, Henricum, & Conradum, & quinq; filias uizt Hedwigim, Agnethem, Constantiam, Helizabeth, & Gertrudim ex eadem suscepisset, paternam liberationem esse eturus, grandem exercitum tam ex propriis, quā mercede conductis militibus congregasset, hostili vexatione Masouiam & Cuiuiam, in pater in libertatem restitueretur, inuasurus. Beata Hedwigis plurima mala, clades uizt, neces, sanguinis Christiani profluvia, desolationes, exustiones, vastationes terrarum, & agrestium pauperumq; hominum oppressiones & angustias, exinde orituras, auersura, in Masouiam se personaliter contulit, & Conradum Ducem Masouiae apud Ploczkam, uel ut alii placet apud Crusznicziam et Czersko adiens, funestum Martem iam tonantem extinxit. Ad eius siquidem conspectum Conradus Masouiae Dux, omnem, qua flammabat, ferocitatem deposuit, & quasi victus quodam terrore correptus, omnibus suis uotis & precibus, se morem gesturum reponnissit. At illa Deo inspirata, non solum Henricum Slesiae Ducem uirum suum, & Conradum Masouiae Ducem, dissidentes, prudentia qua pollebat, reconciliauit, sed etiam affinitatis iura, quō in posterum quietiores essent, inter ipsos connexuit. Cessit siquidem Henricus cum barba Slesiae Dux de iure Monarchiae & tutoriae Conrado, renunciāns iuri quod sibi in illis quasiueerat, captiuosq; Conradi libertati restituit, renunciatiōemq; ipsam, corporali firmavit iuramento. Duas uerō neptes suas Henrici uizt filii sui filias, ex Anna filia Regis Bohemiae susceptas, uizt Constantiam et Gertrudim, filii Conradi Cazimiro & Boleslao desponsat in uxores, Cazimiro Constantiam, & Boleslao Gertrudim. His itaq; pactis & conditionibus, & beata feminae Hedwigis, iam tunc in operibus famosa, meritis, bellum acerrimum gestum et gerendum sublatum est, & Henricus Dux Slesiae ex captiuitate liberatus in Slesiam rediit. Conradus uerō se & Monarcham et puerorum Leszkoms tutorem, Grzimislaua matre eorum nequicquam repugnante aduersanteq; gerere cepit. Gregorius tamen Papa nonus Henricū

Wratislauicū Ducem ab huiusmodi iuramento, tanquam per vim exacto, absoluit.

TARTARI in magna multitudine, et quæ vix aestimari poterat, Russiæ terras ingressi, plurima mala, cædes et flammæ in illis committunt, et vniuersam terram Rzezanſka, vastant, spoliant. Duceq; Pessanorum occiso, etiã senes et impuberes necant, cæteram multitudinem, captiuam in seruitutem abducunt, Castraq; conquisita incendunt. Neq; his contenti, iterum in anni huius hyeme in terram Susz dali adueniunt, et terra vniuersa peruastata, etiam Georgium Ducem, et filios eius, pluresq; alios Susz dalarum Duces interficiunt, et Wladimiro Duci Castrum Rostow auferentes, incendunt. Et captiuis plurimis ac prædis pro libito patiuntur.

PRZEMISLAVS aliàs Othocarus Bohemiæ Rex, valitudinarium et morti proximum se intelligens, filium suum Venceslaum, ex Constantia sorore Belæ Hungariæ Regis, quam, legitima et priore uxore Adlauienſi, superduxerat, susceptum in Ecclesia Pragensi in Regem, consortem vero eius Kunegundim, Philippi Ducis Sueniæ in Regem Romanorū in discordia electi, filiam, in Reginam per Sifridum Archiepiscopum Maguntinē, in Dominica Quadagesimæ ordinauit se spectatore inungi et coronari.

In Brzesko villa oppido Brzesko propinqua, ad fluentia fluminis Vislæ Monasterium fratrum ordinis Præmonstratensis, fundatur, et in dotem illi conferuntur villæ et decimæ manipulares cum oppido Brzesko.

GREGORIUS Papa nonus, beatam Helizabeth, Andrea Hungariæ Regis filiam, et Ludouici Lantgrauii Thuringiæ relictam Canonizat, Cuius sacrum corpus Fredericus Imperator Romanorum, in Margburg hospitale quod viuens fundauerat, et munifica largitione dotauerat, de tumulto, associatis plurimis Pontificibus et Principibus, cum magna solennitate et gloria leuat, et pro testa capitis sui ornanda aureâ coronâ donat.

Anno Domini 1279.

Vitutus Wladislaus Laskonogi
iniuriam a Wladislao Othomis acce;

ptam cum valido exercitu ipsum
prosligat et capit. Qui tandem fur,
giens ad Swiatopelkum, ipsumq; con
patruum ducens p[ro]p[ri]o terrore illu' fur,
gere cogit, et omnes terras capit &c.

Concordia apud Ploczkam inter Henricum Slesiae, & Conradum Ma:
souiæ Duces, per beatam faminam Ducissam Hedwigim Henrici con:
sortem, et eius solertissimam interpositionem, celebrata, grauiq; &
infausto ciuili bello extincto, rursus aliud bellum, inter Maioris Poloniae Du:
ces Wladislaum Liaskonogi patruum, & Wladislaum Otonis nepotem, ex:
arsit. Proprio siquidem et externo milite Wladislaus Liaskonogi adiutus,
uenit contra Wladislaum Otonis, iniuriam sibi anno superiori illatam ultu:
rus. Nec Wladislaus Otonis, prioribus fidens successibus detrectauit
bellum, sed aduenienti patruo cum suis militibus occurrit. Et quamuis acri:
ter pugnans, cum esset & robore et numero militum inferior, a Wladislao
Liaskonogi patruo suo victus, pluribus suis desideratis aut captis, etiam
ipse Wladislaus Otonis fugere e p[re]lio turpe ratus, captus est a Wladi:
slao Liaskonogi patruo, et in vincula coniectus. Sed dum processu tem:
poris fauentium sibi suffragio, captiuitatem euasisset, in Pomeraniam ad
Swantopelkonem, uxoris suae fratrem, qui Leskone albo apud Ganzauam
occiso, totius sibi Pomeraniae Dominatum usurpauerat, auxilia ab eo instau:
randi, contra Wladislaum Liaskonogi, belli, quasiturus, diuertit. Qui
non solum illi gentes suas Pomeranicas concessit, sed etiam personaliter cum
eo contra Wladislaum Liaskonogi uenit. Quorum aduentu Wladislaus
Liaskonogi deterritus, cum in suis erga se fluxam et ambiguam nosset fo:
re fidem, qui illum propter libidines, et spurcicias suas, caeterasq; actiones
Principe indignas, in liuore et contemptu habebant, decertare cum adue:
niente nepote et hoste infesto, ne a suis desertus captiuitatem incideret, no:
ausus, Castris & munitionibus in Maiori Polonia relictis, discessit. Et in
Castrum Ratibor se recepit, a Casimiro Mieschkouicz Ratiborien' Du:
ce, amice habitus et exceptus. Propter quod Wladislaus Otonis, militi:
bus et Castris, se illi prona et obsequenti uoluntate dedit, & propri:
am sortem rehabuit, & patrielem occupauit. Habebat aliorum assertio
quod Wladislaus Liaskonogi, quinta decima Iulii fortiter dimicans suc:
cubuit, et fugere turpiter confusus, est coactus. Palatino Posnamien' cum
multis aliis interfecto &c.

*Iwo Cracouiensis Epus gratus
Pontifici Romano Gregorio pro re,
habenda Ecclesia sua Metropolitana
dignitate ad eum vadit, omnibusq;
obtentis, dum Roma exiret, Muti:
na moritur. Cuius corpus per frs
Scti Dominici Cracouiam deferitur.*

Cracouiensium antistes Iwo, aliquot Monasteriorum in sua Diace:
si, vzt Mogila, Diubnia, in Msthow, item Hospitale pauperum in
Cracouia, item Ecclesiarum Parochialium, in Dzierrazna, Waro:
rzinczicze & Dalieszicze, in Sandomiria Sancti Pauli, fundator &
dotator, splendorem Metropolitanum Ecclesiae suae Cracouien, ab aliis pra:
decessoribus suis neglectum, satagens restituere, optimum & opportunum
tempus ratus, quo restitutio ipsa possit prouenire, in Italiam ad Gregoriu
Papam notum, sibi multipliciter propter communionem familiaritatis & ami:
citiae in studio Parisien, dum ambos minor haberet status, contractam fa:
uorabilem et affectum, se contulit. Tyrannidem etiam Conradi Ma:
souiiae Ducis, qui in Cracouien & Sandomirien Ducatibus tutorio nomi:
ne Principabatur, cum quo, cum pro Ecclesiae, tum pro militarium iniu:
riis, in plures simultates deuenerat, declinans. Et cum Papam Grego:
rium, cuius erat in studiis Galliarum apud Parisios charus socius, &
singulari familiaritate obstrictus, in Perusio reperisset, maximo honore
obuiam illi multis Praelatis mandato Papae euntibus, & exceptus & ha:
bitus est. Dignitasq; & praeminentia Metropolitana Ecclesiae Craco:
uien facile, Gregorio Papa precibus suis morem gerente, restituta. Ve:
rum cum deuotione feruenti prouocatus, obtenta a Gregorio licentia, Ro:
mam ad visitandum Sanctorum limina, venisset, febribus correptus est,
A quibus nondum liberatus, Roma egressus, & itineris labore & Solis
ardore ingrauauit aegritudinem. Et cum in pristinum Burgum deuenis:
set, vigesima prima Iulii, exactis in Pontificatu duodecim annis, mo:
ritur, & in Mutinen maiori Ecclesia, a familiaribus suis iusta funeri
soluentibus, sepelitur. Ossa tandem eius, post aliquot annorum spatium
per frs Praedicatorum Domus Cracouiensis quamfuit in superioribus
narrauimus) ipse fundauerat, ex Mutina Cracouiam afferuntur, &
in medio Chori Monasterii Sanctae Trinitatis reconduntur.

TARTARORVM frequens multitudo in Smoline & Czernieuiensi

regiones adueniens, eas crudelissime, caede & spoliis, quatit & peruastat. Castris autem et fortalicis plurimis, ex quibus & Duces & milites diffugerant, consistere in illis non ausi, potita, ea incendit. Et nullam resistantiam sentiens, singulis à facie eorum in paludinosas & inuia syluestriaque loca se subducentibus, onusta captiuorum multitudine atque praeda in sua reuertitur.

Anno Domini 1230.

Mortuo Iuone biennio vacat Cracoui:
en' sedes propter scisma. Tandem Pontifex
Vislao Canonice electo ad preces Ducis
Henrici prouidit, et ecclesia comburitur.

Primo & heroicae conditionis viro Iuone, Cracouiensis Ecclesia destituta viduataque Pontifice, cum propter illius mortem singulari confecta esset anxietate & maerore, duplicem super haec miserabilem et detestandum casum excepit. Diuisionis unum, conflagrationis alterum. Quamuis siquidem Capitulum Cracouiense de substituendo altero Pontifice Vislao Canonicum Cracouiensem & natione Polonum genere nobilem de Armis Labawa, vita quoque & doctrina spectata elegisset, Rudolpho tamen Cantore Romano, & Magistro Andrea Canonico, electioni suae quamuis Canonice aduersantibus, ingens & monstruosa diuisio in Ecclesia Cracouiensi integra vigeat biennio. Praefatus enim Magister Andreas, qui cum Iuone Episcopo in Italiam transierat, assistente sibi Rudolpho Romano, obtinuit sibi de Episcopatu Cracouiensi per Papam prouideri, & ob hoc causa Vislai commissa, & per biennium pendente, differtur consecratio. Sed Henrico Duce Cracouiensi & Vratislaviensi, qui Cracouiensem Ducatum absolutus à Papa de iuramento, recuperauerat, interpositionem suam apud Papam faciente, electio confirmatur Vislai, prouisione Andreae Magistri cassata. Propter quam et confirmatio Vislai apud sedem Apostolicam, et consecratio ex huiusmodi causa, fuit per biennium, non sine maximo Ecclesiae Cracouiensis dispendio, & substantiarum cuius sceratione impedita & protelata. Vislao praefatus Episcopus, de Domino Labawa fertur fuisse, & Ecclesiam Parochialem in Koscieliech prope Prossowicze, pulchro lapide petrae tabulatae, quod villa ipsa patrimonium suum fuerat, edificasse. Cuius progenitores quia ex terris Lomeraniae Cracouiam aduenerant, pro aduenis habebantur, & maior inuidia Vislao in sua electione propterea oriebatur.

Dum insuper sub hac contentione turris Ecclesiae Cracouien, sumptibus
 Iuonis Epi. & sui Testamenti Executorum sollicitudine, plumbo tegeretur
 operario negligentius ignem tractante, carbo ignitus ex foco fortuito deci:
 dit, & proxima laquearia arida reperiens, facile nocte incendit, uniuersa
 samqz Ecclesiam, roboratum ignem pluribus mortalibus nequaquam con:
 tingere aut inhibere audentibus, exussit.

WLADESLAVS Dux filius Otonis, assumptis sibi in auxilium quibus:
 dam Polonia militibus, et signanter Albrachto & Laurentio filiis Ioannis,
 Monasterium insigne Mogilno spoliatur, praedatur et deuastat, ostendens se
 & a sanguine, & a maioribus moribusqz priscorum Regum, Principum, &
 Heroum Poloniae magnopere degenerasse, cum Monasteria ab ipsis funda:
 ta ipse deleteret.

PRZEMISLAVS alias Othocarus Bohemiae Rex, decimo Calend'
 Ianuarii moritur, et in Pragen maiori ecclesia sepelitur, cui filius suus
 Venceslaus, biennio ante iubente patre coronatus, successit.

Contadus Masouiae Dux a Prutho:
 nis laceratus, vocat Cruciferos, et il:
 los primum in Dobrzin locat. Postea
 vero Culmen et Lubauiae terras cer:
 tis conditionibus per eos non serua:
 tis donat: cum maximo Polonorum malo.

P Russiae populis in Regnum Poloniae barbaricam feritatem, per clan:
 destinas et subitas inuasionem, et incendia, abductionesqz persona:
 rum utriusqz sexus, in seruitutem perpetuam, euomentibus, Contra:
 dus Masouiae Dux, cum terras suas haberet cum eisdem barbaris vicinas
 & conterminas, multipliciter grauatus et afflictus, septem fratres Cru:
 ciferos de Domo Teutonica Ordinis Sancti Sepulchri Domini Hiero:
 solymitani, quorum Hermanus Balke de Salza, Primicerius & Ma:
 gister habebatur, in sui auxilium ex Almania de consilio Cristini Epi
 Culmen viri religiosi, de ordine Cisterciensis, accersit. In primario
 quoqz eorum aduentu, in Castro Dobrzin, a quo fratres Dobrzinenses
 appellati sunt, ipsos locat. Processu vero temporis eis Castrum & op:
 pidum Nieszow, cum villis Murzinow, Orlow, & cum aliis attinentiis.

donat, largitur, & consignat. Cum autem aliquot secundis praeliis usus ad-
iuuantibus illum Cruciferis, stragem ingentem in Prutenos addidisset, pre-
cibus assiduus Henrici cum barba Wratislaviensis & Slesiae Ducis persua-
sus, de consilio consortis suae Agasiae Ducissae, & filiorum suorum Boles-
lai, Cazimiri, et Semouiti, necnon Praelatorum & Baronum terrarum
suarum, vult Guntheri Epi Ploczen, Michaelis Epi Cuiaviae, Cris-
ti-
ni Epi Culmen, Jacoslai Comitis Derszawien, terras Chelmen & Lu-
bauiae infra fluuios Ossam, Drwanczam & Wolam sitas, in quibus bar-
bari Bogoro Castrum & oppidum, ac alias munitiones occupauerant, eis
inscribit & donat, licet de facto non de iure, cum in praedictum Regni
Poloniae donationem ipsam Conradus Dux non poterat aliquatenus fecisse.
Quae quidem donatio, etsi pro ea tempestate, videbatur salutaris, postea
tamen Cruciferis ad occupandum terras residuas Regni Poloniae semper
anhelantibus, maxima Christiani sanguinis (Polonis sedes suas natu-
rales defendentibus) secuta sunt profluvia, & caedes etiam relatu hor-
rendae, commissae. Nec inter Duces et Reges Poloniae, praeter praesat-
um Conradum extat alius, qui per donationem terrarum praedictarum
Nieszouien & Chelmen, et uocationem Cruciferorum, maiorem cla-
dem, maioremque pestem ad Poloniae Regnum inuexerit, maioribusque
bellis Polonos inuoluerit. In ea autem terrarum Culmen & Lubauiae
per Conradum Masouiae & Cuiaviae Ducem, donatione, fratribus
Cruciferis facta, id primum et praecipue fuit cautum, & ad id se tam
Magister Hermanus, quam fratres Cruciferi, patentibus literis asserim-
xerant, quod Prutenicae terrae et cuiuslibet alterius sub barbaris con-
quirendae possessio debebat inter Conradum Masouiae & Cuiaviae Ducem,
suosque filios successores Poloniae Principes, & Magistrum atque ordinem
Cruciferorum ex aequo partiri, & terrarum Culmen & Lubauiae donatio,
terra Prutenica conquisita, irritari, & ad Conradum Ducem suosque suc-
cessores, pleno iure deuolui. Ordinatio quoque ipsa, & conditiones ei appo-
sita, litterarum apicibus fuerunt firmatae, & per nonnullos fide dignos vi-
ros, apud Ploczen Duces & eorum Camerarios, visa sapientius & tractatae.
Reliquit autem Hermanus de Salcza Magister ordinis in locum suum
fratrem Conradum de Landisberg. Qui cum auxilio Ducis Conradi
Masouiae & gentium suarum in litore Vislae in loco aeditiori aedifica-
uit Castellum quod vocauit Fogelsang, ex quo cepit Prutenos impetere,
& eorum subitas incursiones prohibere. Consultanti autem super
donatione terrae Culmensis Cruciferis faciendae, Conrado Masouiae
Duci, fabula a Trogo descripta, & penes in simili euentu, dum Massili-
ensis fundaretur Ciuitas, ab uno Regulorum, in coniectura perspicacissimo

771
a Consiliariis Polonicis, in detractiōem eorum quæ conceperant, obyciēda erat. Canem aliquando partu gravidam, locum a pastore precario petiisse in quo partum effunderet. Quo obtento, iterum sollicitasse, ut sibi educare in eodem loco teneros partus liceret. Ad postremum adultis catulis, fultam domestico præsidio, proprietatem loci, hero suo excluso, vendicasse. Nec secus Cruciferos egisse, qui suos fundatores sedibus exclusos, regiones eorum per fas & nefas occupare non pudebant.

Anno Domini 1231.

Wladislaus Laskonogi dum diu Castrum Gnesnē obsidet in Srzoda nullo relicto hæredē moritur. Cui in omnibus Wladislaus Othonis Dux succedit.

Moram suæ expulsionis et exilii, quæ in quartum iam annum tendebatur, a Wladislaw Otomis Calisien Duce germano nepote patratam, per quam et Ducatu suo, & rebus quibuscumque exutus erat, Wladislaus Laskonogi Posnaniē & Maioris Poloniæ Dux, molestē ferens, & propriorum militum qui ad eum sub exilii tempore defecerant, & aliquorum voluntariorum, aut ære alieno, aut iudicis damnatorum, nactus solatia, ex Ratiiboriē oppido, in quo miserabile illud exitium hæcenus egerat, discedens, rursus Maiorem Poloniā contendit, & Castrum Gnesna, quod sui iuris, suæque sortis erat, obsidione vallavit, sperans non illud solum, sed & Castra reliqua, se per deditiōem breui recepturum. Verū cum spes non respondisset, strenuē militibus Wladislai Otomis Castrum Gnesnē defendentibus, obsidiō in duos menses protracta est. Intra quos nemo ex militibus et subditis Wladislai Otomis notatus est ad Wladislaw Laskonogi (omnibus turpes et fædos mores suos abhorrentibus) defecisse. Tama quoque non temerē orta vulgatum proditumque foret. Wladislaw Otomis Ducem cum Swantopelkone Pomeraniæ Duce socero suo, et validis suis & exterorum copiis, pro ferenda obsessis ope propē diem aduentare tristis & gemens, fortunamque suam carpens, inexpugnato Castro Gnesnē, pro cuius expugnatione tam vires quam ingenta intenderat, aliquot de suis militibus amissis, obsidiōnem soluens discessit, & in solitum exilii sui locum Ratiiboriā remeavit. Et anno eodem quinto decimo Calend' Septembris, in oppido Srzoda tam maiore quam conscientia actorum facinorum gravatus,

fato subtractus est, & apud Ratiboriam, vel ut aliis placet in Monasterio Lubineni sepultus, nulla stirpe relicta. Ex cuius morte plena sui Principatus possessio, ad Wladislaum Otonis velut nepotem germanum, transit. Ipse quoque Wladislaus Otonis Dux utrumque Ducatum Posnamien' & Calisien', et omnem Maioris Poloniae oram pacifice & absque omni insidiarum et defectionis respectu possidere cepit.

Conradus Masouiae Dux edificat Thorun &
alias arces contra hostes suos infestos Prutenos.

Conradus Masouiae Dux, cum fratribus Cruciferis & nonnullis peregrinis in suum auxilium aduenientibus, ut amplior & efficacior Prutenis barbaris opponeretur resistentia, in arbore quercus Castrum edificat, et praesidio tam fratrum Cruciferorum, quam propriorum militum imposito, Prutenos cepit a vastatione terrarum suarum cohibere. Locauit & tunc Ciuitatem Thorun, quam postmodum translulit in aptiorem locum, Pruthem vero barbari in eorum praesidiis, quae Conradus Dux edificauerat, destructionem duo Castra erigunt, unum iuxta Vistulam ultra Thorun, quod vocant Rogow, aliud iuxta Thorun, ubi nunc in eo loco antiqua Culmen' Ciuitas extat. Fabricauit & tertiam munitionem in lacu, Pipinus Prutenus Christianis infestissimus, quae etiam in diem hanc lacus Pipini dicitur. Omnia tamen Castra praedicta infra paucos dies per fratres Cruciferos et Polonorum milites fuerunt expugnata, & Pipinus captus. Qui ventre aperto ad roborem per circuitum, usque quo cui ceraretur, agitatus, uicordiae suae penas dedit.

FREDERICVS Austriae Dux ultum iri satagens iniurias, quas patri suo & Ducatui Austriae Venceslaus Bohemiae Rex intulerat, cum potentia exercituum suorum Bohemiam inuadit. Quem in id bellum proficiscentem Przemisslaus Marchio Morauiae, germanus Venceslai Bohemiae Regis cum eodem Frederico Austriae Duce confederatus, item Otho Morauiae Dux, item Henricus germanus Ducis Morauiae Marchio de Werdt, item Herebrehardus Epus Bambergensis, item Bartholaeus Patriarcha Aquilegiensis etiam germani Ducis Morauiae, filii Bartholdi Ducis Morauiae et fratres germani beatae Hedwigis, cum suis gentibus comitabantur. Tantis autem et tam fortis exercitus, cui Bohemia Rex Venceslaus, imparem se uidentem resistere & cum illo decertare non audebat, cum ex Bohemis plures sciret sibi fore parum fides, & Przemisslao Marchioni Morauiae

partibus fauentes, vnum duntaxat Castro Weitham expugnato, & nonnul-
lis damnis irrogatis, propter infirmitatem Frederici Austriae Ducis, qua su-
bito correptus est, in propria parum operatus, rediit.

GVNTHERS Epus Ploceus cum sedisset annis quinque in Vienna
Austria Romam pergens moritur. & illuc sepelitur. Cui Petrus dictus Ro-
manus Canonicus Ploceus successit, per electionem Canonicam de Domo
Polukassa.

VISLAVS electus Cracouiensis consecratur in Epum Crac. per Vincenti-
um Archiepm Gnesensem in Ecclia Crac. sublato dissidio quod biennio inter eum
et filium Clementis Magistrum Andream Canicum Crac. de natione Gri-
phonum vigerat. Gregorius enim Papa novus eidem Andream Romae praes-
enti iure suo de Cracouiensi Epatu prouiderat. Henrico tamen Wratista-
uiensi & Cracouiensi Duce interpositionem faciente ad Papam electio Vislai
confirmatur, prouisione Andream cassata.

ANDREAS Hungariae Rex et beatae Helizabel pater, dum annis
triginta Hungariae Regnum, sub tranquillo et foelici regimine tenuisset
moritur. & in Monasterio De Egrus sepelitur. Cui Bela filius eius na-
tu maior, pridie Idus Octobris in Alba Regali diademate insignitus
successit.

PAVLVS Posnaniensis Epus undecimo Calendas Nouembris cum
consensu Capituli sui fundat Monasterium fratrum Praedicatorum in
Szrodka ad Sinistram viam quae ducit de Szrodka in Cloniam e regione
Ecclesiae S. Margarethae.

Anno Domini 1237.

Wladislaus Ilwacz maioris Poloniae
Dux, multa Ecclesiis Gnesensi et Posnaniensi
dedit Priuilegia atque libertates.

Beneficia Diuina Wladislaus Otomis qui et Ilwacz cognomen
a nimio sputamine sortitus est, Maioris Poloniae Dux, frequen-
tius in eum, & in dira captiuitatis euasione, & in hostium debel-

latione collata, repensurus, cum & ex obitu patris sui Ducis Wladislai
Liasconogi quies optima, & Principatum amplitudo, & ex consorte legi-
tima Swantopelkonis Pomeraniae Ducis sorore duo elegantes filii, Przemis-
laus primus, & Boleslaus Pius, rarum quidem & multiplex bonum proce-
nisset, duabus Ecclesiis Cathedralibus Gnesnen vizi & Posnaniensem sub-
ditiōe sui Ducatus consistentibus, magnas immunitates, libertates et Pri-
uilegia donavit & concessit, absolviendo Ecclesiarum praefatarum villas
habitas et habendas, & eorum incolas, ab omni solutione, servitute, datia
& onere, quae olim Duci et eius Camera praestabantur, & ab omni sua su-
orum Palatinorum, Castellanos, Iudicum et officialium, & qualibet or-
dinaria et extraordinaria iurisdictione, & omne Ducale ius, quod sibi in
bonis Ecclesiarum praefatarum hactenus competebat, in Petrum Gnesnen
Archiepiscopum, & Paulum Posnaniensem Episcopum, eorumque successores transfundens
& conferens. Potestatem etiam monetam fabricandi, & venationes in bo-
nis Ecclesiarum exercendi, quod soli tunc Principi conveniebat, utriusque
Pontifici attribuens. Donavit praeterea Posnaniensem Ecclesiam, & eius
Episcopo Paulo villam Sulkoma Krobia, largos praebentem introitus. Quapro-
pter paternum corpus Othonis Ducis, & Boleslai magni primi Regis
& aliorum Poloniae Regum cadauera in ea condita, in qua et ipse sepul-
turam sibi destinabat, huiusmodi singulari donatione voluit amplius
efferre.

LAURENTIUS Episcopus Wratislaviensis, cum annis quinque et viginti
sedisset, septimo idus Iulii in Prichon moritur, & in Ecclesia Wratisla-
viensis sepelitur. In cuius locum Thomas Polonus natione & genere no-
bilis per electionem Canonicam substitutus est, & per Vincentium Ar-
chiepiscopum confirmatus. Qui non solum propter nobilitatem generis
de stirpe enim Rozlierogi ducebat genus, sed etiam propter scientiam &
prudenter raras, quibus clarascebat, dotes, opinione et fama apud proprios
et finitimos celebris, in artem Pontificalem sublimari promeruit. Accidit
autem praefato Laurentio mors non vulgaris, ex assiduo siquidem et nimio
rosarum odoratu, morbum reumatis incurrens, curari non poterat.

VINCENTIUS Gnesnen Archiepiscopus, cum annos prope duodecim se-
disset moritur, & in Gnesnen Ecclesia sepultus, per electionem Canoni-
cam Petrum habuit successorem. Eadem etiam mortis conditione Gun-
therus Ploczen Episcopus, annis quinque in Pontificatu exactis absumptus est.
Qui Cruciferos contra Prutenos in subsidium acciri, & eisdem terram
Culmen donari consensit. Cui Petrus successit.

775

Anno Domini 1233.

*Milites Maioris Polonie exacerbat in
Principem, propter libertates Ecclesia-
sticas rebellant, et Henricum cum barba
vocant. Qui occupat omnem Poloniam su-
pergenie Wladislao ad Swiatopelkum Socerum.*

D Evotio & liberalitas Wladislai Othonis Maioris Polonie Ducis in
Gnesnen & Posnamien Ecclesias, exhibita, mentes & pectora Ba-
ronum & Satraparum Maioris Polonie, tam ingenti anxietate & li-
uore exacerbavit confecitqz, ut primum occisionem illius, conspiratione clan-
destina multifarie molirentur. Sed cum insidia in illum instructa, spei &
intentioni eorum non respondissent, Wladislao Duce machinationes illorum
solertissime deuitante, in apertam rebellionem versi ad Henricum cum bar-
ba Wratislauien & Slesia Ducem, quem sciebant Wladislao Otonis Duci
suo, propter vulnera apud Ganzauam, in occisione Leszkoms albi Cracouien
& Sandomirien Ducis, accepta, hostem infestum, adueniunt, & sibi Prin-
cipatus Maioris Polonie tradituros, in eiusqz ditionem et obedientiam se
universaliter transituros, Castraqz & munitiones consignaturos, repromit-
tunt. Deditionem autem terrarum Maioris Polonie tunc sibi impensam Hen-
ricus cum barba Slesia Dux, vir aliquin deuotus, religiosus, ac iustus, quam-
uis nouisset iniustam, & ex iniusta & iniqua radice liuoris exorta, contra
facina Sanctae Hedwigis consortis suae persuasum, non est aspernatus
ut per occasionem ipsam, iniuriarum suarum & vulnerum a Wladislao
Otonis, quem illius stragis & tradimenti in Ganzaua commissorum consta-
bat principalem fuisse commentatorem, posset commodius pœnas meritas exi-
gere. Quapropter exercitu non mediocri ex propriis & auxiliariis conge-
sto, hostiliter terras Maioris Polonie, eas utcunqz occupaturus, ingredi-
tur. Sciens autem et probè noscens Wladislaus Othonis, animos suorum
militum a se alienatos, sibiqz aduersos & infestos esse, cum Henrico Duce
Slesia velut cum potentiori congregari veritus, ne a residuis militibus qui
in partibus suis remanserunt, aut proderetur aut desereretur, in Castris
se continuit, & Castris Bim & Szem, ne per Henricum occuparentur,
crematis, Castrum Gnesnen forti & fideli militum praesidio communiuit,
& ad Socerum suum Swiatopelkonem Dominum Pomeraniae in Pome-
raniam diuertit. Quapropter Castra et Ciuitates Principales maioris
Polonie, Posnamien, Calisien, Pyzdren, Szeden, item Castru Biechom

per Barones & milites Maioris Polonie, Duci Henrico cum barba deduntur et consignantur. Qui illorum possessionem nactus, etiam Castra demolita et conflagrata, vñ Szem. Bm reficit et reparat, militibusq; & defensoribus fortibus committit, datq; Castra ipsa nepoti suo germano ex sorore filio Dipoldi Marchionis Moraviae Borziogio in tenutam, ut ex illis quoscunq; inobedientes & rebelles, in terris Maioris Polonie, cogeret in suam ditionem, obedientes vero & deditos in fide contineret. Prefatus siquidem Dipoldus Marchio Moraviae, a Venceslao Bohemiae Rege re et cognomine Monoculo, fratre suo, ex Moravia pulsus in Hungaria consensescens obiit. Mater vero eorum Adleydis soror Henrici cum barba post mortem mariti, ex Moravia per eundem Venceslaum Regem Bohemiae eiecta in patrias aedes, cum quatuor filiis vñ Borziogio, Boleslao, Przemislao, & Wladislao reuersa est. Et Marchionissa quidem Adleydis in monasterio Trzebmicen' vitam ducens, mortua est, cuius cineribus vnus filiorum Przemislaus, breui matrem secutus, appositus est. Vltimus filiorum Boleslaus, sortem optimam Clericalem ducens, Canonus Maydeburgen' effectus, reliqui duo Wladislaus et Borziogius apud auunculum suum Henricum Wratislaviensem & Slesiae Ducem militarunt ~

WLADIMIRVS Kiouien' Dux, veritus ritum suum Graecum per fratres Praedicatores vñ Martinum de Sandomiria Priorem Kiouien', et alios fratres eius, ut pote viros religiosos et exemplares pessumdari et confundi, praefatos fratres de Ecclesia Sanctae Mariae in Kiouio ordini praefato consignata, & circa quam habebant suum Conuentum, expellit, redeundi facultatem eis interminans ~

Conradus Dux Masouiae Boleslaum nepotem iam adultum, et ad Monarchiam aspirantem cum mte captiuat, et primum in Czirko, postea in Szieciechow concludit

Ephoborum aetate Boleslaus qui Pudicus appellari meruit, Cracouien' & Sandomirien' Dux, filius Leszkonis Abi, transacta, annum propo quindecimum attigerat, & tam suae genitricis Ducissae Grzimislauae, quam Cracouien' & Sandomirien' Procerum praecipue tamen Vislai Cracouien' Epi instigatione frequenti et persuasui tutoriam patris sui Contradi Masouiae Ducis sibi et Ducatibus

777

suis plurimum perniciösam & damnosam, excutere, & se in libertatem
 vindicare destinabat. Verum Conradus Masouia' Dux, tutorem a
 nepote sibi eripi, & consuetis introitibus se plurimum dolens spoliari,
 tam Ducissam Grzimislauiam, quam nepotem Ducem Boleslaum Pudicum,
 ad colloquium amicabile, quasi de Rebusp. suorum Principatum tra:
 ctaturus, inuitans, captiuat, & in Masouiam deductos, primum in suo
 Castro forti Czirskeo includit, exprobrans tam matri quam filio, praei:
 pitanter nimis & immaturè ad principandi auctoritatem aspirasse, de
 inde illos in Szieciehouien' Castrum, supra fluvium Visla in Diace:
 si Cracouien' situm, transportat, & arctè deputat custodiae. Thesau:
 ri sui omnem sibi diripit suppellectilem, & ad Principatus suos occupan:
 dos, & ipsum e vita exterminandum magno conatu animum intendit.
 Vnde & illum arctè apud Czirskeo includit custodiae, & eius Principa:
 tum praecipit occupari. Interim Wladislaus Gnesnen' Dux, petitione
 & consilio Marci Palatini Cracouien' inductus, persuadet Duci Con:
 rado, ut animo lenitatis nepotem pertractet, nec aliquid in vitam suam
 aut suorum praesumat machinari. Qui ut erat consiliis tractabilis, in Cae:
 nobium Szieciehouien' eos transmittit, sub diligenti custodia ibidem de:
 tinendos, donec deliberet, quem finem praesenti negotio imponat. Interea
 Boleslaus filius senior Conradi Masouia' Ducis, in terram Sandomirien'
 potentialiter ingreditur, et tanquam vacantem occupauit. Fautores qui:
 dem muneribus & promissis demulcens, contradictores vero emissio edi:
 cto proscribens, & bona eorum diripiens & dissipans, coegit exulare.
 Quorum quidam in Russiam, alii in partes alias timore mortis fugien:
 tes, diuerterunt: misericordiam Dei implorantes, quatenus tyrannidem
 Boleslai Ducis deprimeret, & orpham desolatique misereatur.

Canonisatio Sancti Dominici

Gregorius Papa nonus beatum Dominicum, Ducem et institutorem
 Ordinis Praedicatorum, Boniae sepultum, pluribus declaratum
 & corruscantem miraculis, Beatae Canonizat, et Sanctorum
 adscribit Cathalogo, a morte eius anno XI.^o

HERMANUS Magister Cruciferorum Castro altero Rmi:
 dzin in terra Culmensi aedificato, Castrum Vilna, quod in vicino si:
 tum erat, a Prutenis occupatum & aedificatum, processu temporis expu:
 gnat & conquirit, & milites Prutenorum qui in praesidio illius fuerant,
 captiuat ~

Anno Domini 1234.

Conrado in Pruthenis subiugandis occu-
pato Boleslaus Pudicus Dux captivita-
tem evadens ad Henricum cum barba
aufugit. Cuius auxilio Cracoviam
veniens terras suas recuperat et quiete
possidet sub tutoria Henrici Ducis.

In fidelium Prutenorum terras vastaturi, & barbaricam illam
nationem & genus, ad cultum religionis nostrae adducturi Conra-
dus Masoviae & Cuiaviae Dux, non solum ex propriis Maso-
viae & Cuiaviae, sed etiam ex Cracovien Sandomirienqz (- quas pu-
pillari & tutorio nomine Boleslai Pudici nepotis sui tenebat) terris
Henricus Wratislaviensis filius Sanctae Hedwigis, Wladislaus Ottonis
Maioris Poloniae, Swantopelk & Sambor germani, Pomeraniae, Duces,
validum exercitum, validasqz equestres & pedestres copias, nunquam
alias in terris Prussiae visas, congerentes, in terras Prutenorum, Ossa
fluvio superato, comitantibus et adiuvantibus illos Magistro Hermanno
& fratribus Sanctae Mariae ordinis, quos (- ut in superioribus praemisi-
mus) Conradus Dux ipse in sui auxilium contra praefatos Prutenos, clan-
destino et tumultuario bello terras suas affligentes, acciverat, Summi
Pontificis Gregorii nomi, specialibus literis admoniti, hyemali tempore,
Swantopelkom Duci cura totius exercitus commissa, descendunt, & duo-
bus mensibus terras Prutemicas in girum, ignibus, flammis, & spoliis deua-
stantes, cum Pruteni decernere et congregari non ausi, pugnandi copiam non
facerent, caede de quinqz millibus barbarorum adita, & Castro Radzin
quod magis Catholicis imminabat, sub Prutenis conquisito, & propriis mili-
tibus locato, Civitate quoqz Knidzin locata, in propria, ferentes capti-
vorum et spoliatorum multitudinem, redierant. Sub ipso vero tempore, quo
Conradus Masoviae Dux bello Prutenico occupatus erat, Boleslaus Pu-
dicus Cracovien Dux, qui una cum genitrice sua Grzimislawia Ducissa
Lestkoms Albi relicta, captivitatibus molestias in Szechiechouien Castro
anno uno et paulo amplius pertulerat, beneficio Nicolai Gallici Abba-
tis Szechiechouien Ordinis Sancti Benedicti, evasit. Qui Castri Sze-
chiechouien vigilibus, caeterisqz capti Ducis Boleslai custodibus, tam pe-
cunia quam promissis corruptis, Ducem Boleslaum & Ducissam Grzimislawiam

solui obtinuit. Gratia siquidem Dei quæ subuenit in periculis, & in necessi-
 tatibus laborantibus, oppressiōem durā captiuitatis præfati Boleslai cum
 matre misericorditer prospiciens, consiliū inspirat Nicolao Abbati, &
 quibusdam aliis, eos liberandi. Nam cum quadam nocte custodes opulis
 delibuti, potu repleti, securitate dissoluti, solitarum vigiliarum excu-
 bias intermisissent, Boleslaus Dux cum matre, intempeste noctis silen-
 tio, euectiōibus clanculo præparatis, claustrum egreditur. Cui captiui-
 tatem euadenti duo Castra Sandomiriē vbi & Lauichosten vtrō tra-
 dita sunt. Quibus forte imponens præsidium, non audens in terris propriis
 consistere, ne alteram captiuitatem experiri. (Dux enim Conradus princi-
 paliora in Cracouiē, Sandomiriē, & Lublinē, terris, Castra in ditio-
 nem Masouitarum tradiderat) cogeretur, in Slesiam & Wratislauriam
 ad Ducem Henricum cum barba, tertio affinitatis gradu per lineam dire-
 ctam sibi coniunctum, refugit. Qui exulem et fugitiuum blandē & comi-
 ter suscipiens, omni humanitate & honore tractauit, omniaq; de se bene
 sperare iussit. Qui dum se iuuari, & in suos Principatus restitui multi-
 pliciter expetisset, Henricus quidem Dux in omnibus se morigerum sibi
 fore repromisit, quæ tamen laborum premia & impensarum, & quis fru-
 ctus penes illum manere deberet, quæsivit. Tum Boleslaus Pudicus om-
 nes expensas et labores se refuturum, aut aliquas sortes Principatum
 suorum sibi largiturum pollicebatur, de quo fuere fædus & pacta iecta.
 Interea filius Conradi Boleslaus, collectis quibusdam Sandomiriē mili-
 tibus & suis, terram Crac' ingressus, furiosē in populum debacchatur, affli-
 ctq; ea depradatiōibus et grassaturis, in terram Sandomiriē reuer-
 titur. Cracouienses verō huiusmodi iniuriam non ferentes, terminos Vi-
 slicien' frequentibus incursibus spoliabant, sicq; mutuis vicissitudini-
 bus, utramq; terram crudeliter vastantes in desolationem miserabilem
 redigere. Auditis omnibus iniuriis, quas Boleslaus præfatus Craco-
 uiē hostiliter intulerat, Henricus cum barba Wratislaurien' Dux, cum
 omnibus potentiis suis versus Cracouiam, unā cum Boleslao Pudico Duce
 contendit, & a singulis ferē Barombus Cracouiē & Sandomiriē, exce-
 ptus est, & tam Urbs quā arx Cracouiē, ac reliquæ omnes Ciuitates
 et Castra, Præfectis Ducis Conradi eas deserentibus, facile in suam
 et Ducis Boleslai venere ditionem. Adeo enim Dominatum Ducis
 Masouiae Conradi aspernabantur, ut ad aduentum Ducis sui naturalis
 Boleslai, singuli in eius susceptionem & obedientiam confluerent. Hen-
 ricus autem cum barba Wratislaurien' Dux, Cracouiē, Sandomiriē, &
 Lublinē Principatum possessionem nactus, benignum se tutorem et cu-
 ratorem Boleslao Pudico prauit, & tam Maioris Poloniae, quā Crac'

Et Sandomiriæ Ducem se gessit, Et titulavit, præsertim ne Dux Boleslaus per ætatem bona Ducalia, inter milites distraheret, omnes tamen regiones ex integro Boleslao restituit, Et eum cum matre fecit gaudere plena Et quæta omnium suorum Principatuum possessione.

Singularis fervoris Et religionis in Deum miles Theodoricus Palatinus Cracoviensis, generis Et fidei nobilitate insignis, de Domo et Familia Gryphonum, quem difficultate nominis Græci Polonorum lingua, volens eum Theodorum appellare, Cedronem, Et omnes eiusdem nominis appellationem sortitos, vocavit, cultum ampliaturus Divinum, et sibi viam structurus in cælum, in villa sua hereditaria Liudzimierz prope oppidum Nowy targ, sub Alpibus Lannocis sita, Monasterium ordinis Cisterciensis sub titulo Sanctæ Mariæ, sub Pontificio Vislai Episcopi Cracoviensis, Et de eius speciali consensu, fundat, Et tam præfatam villam Liudzimierz, quàm alias plures, sibi pro perpetua consignat dote. Cui etiam præfatus Vislaus Episcopus Cracoviensis, decimarum manipularium post omnes villas in possessione et terra Monasterio attributa, locandarum, donatio, nem adiecit. Verum cum fratribus Monasterii prædicti in Ludzimierz ex Italia accersitis, varia à viris Belial prædomicam agentibus, vidisset impedimenta et spolia inferri, decennio lapso, postquam in Ludzimierz fundationem huiusmodi consumauerat, in villam Schirzicz à Surlislaio Ioannis militis filio, Canonico Cracoviensis, pro Centum marcis argenti comparatam transulit, ubi in hodiernum diem perseverat. Liberalitatem Vislai Episcopi, Prandotha Episcopus Cracoviensis immediatus eius successor, supergressus, de consensu Capituli decimas manipulares mensæ suæ in villis Poznanowicze, Gostachow, Et Dlichow, Et in migra sylva, post centum mansos Francicos loco prædicto Et Canobio, perpetuè inscripsit et donavit.

Monasterium Paradisiensis fundatur.

Decimo Calendæ Februarii Bronisius de Goszdzikowo Comes Palatinus, nobilis genere, de Domo et Familia Wiemiawa, caput Zubromis deferente, miles Et Domicellus Diaceris Posnaniensis fervorem devotionis suæ, quo in Deum Et redemptorem suum æstu magno flagrabat, uberius effundere satagens, Et cultum nominis sui propensius augere, in villa sua præfata Goszdzikowo, quæ extunc Et in hodiernum diem appellari capta est Paradisus, Monasterium fratrum Ordinis

Cisterciens, sub titulo et honore gloriosæ Virginis & Domine nostræ Mariæ fundat, & primum villam suam præfatam Goszdzikowo, item & alias villas suas, vñt Lirnam, Kłodauam, Gorziczam, & Polencz, ipsi Cænobio et fratribus in illo militantibus & militaturis, quos primum de Monasterio Leuinen eiusdem ordinis, per Hermanum eiusdem Leuinen Monasterii tunc Abbatem mitti obtinuerat, in dotem perpetuam donat et assignat.

Quarto nonas Ianuarij Varmien Pruteni Claustrum Oliua incendunt, & septem conuersos, & triginta quatuor Monasterii seruos igne et gladio miserabiliter interimunt. Sub eodem tempore fratres Cruciferi cum auxilio Marchionis Misnen, victis Prutenis, de territorio Pomeraniæ in ædes suas cum præda euntes, fidem Christi illos coegerunt suscipere.

CASTRUM Ploczense per Henricum Marchionem Misnen capitur, sed per Ducem Conradum & filios eius Boleslaum et Cazimirum reacquiritur, & Almani alij miserabiliter trucidantur, alij cum Ecclesia Cathedrali comburuntur, alij per pedes suspenduntur.

ANNO quoqz eodem per Conradum Masouia Ducem Ordo & Monasterium fratrum Prædicatorum fundatur in Ploczko.

Anno Domini 1235.

Conradus Dux Masouia dum frustra tentat amissam nepotis tutoriam recuperare, fornicatis Ecclesiis in Prandoczin Scarbimiria, et Andrzeion recessit, quæ ab eius militibus strenue defendebantur.

Postemica expeditione Conradus Dux Masouia, quam etiam anni huius æstate facturus erat, omissa, omnes vires omnesque conatus & studia, contra Boleslaum Pudicum Cracouien Ducem, eiusqz tutorem Henricum cum barba Slesia Ducem, non secus quam in propria viscera, conuertit, & alta trahens suspiria vehementi stomachatione vexabatur, quod Boleslaus Pudicus Cracouien Dux, & Grzimislaua Ducissa, eius manus & ergastula euaserant,

quod Henricum cum barba in suum auxilium accurrerant, quod ei tutorem
& Cracoviensem, Sandomiensem, & Lublinensem Principatum possessionem, abs-
tulerant. Cum copiis itaque tam propriis quam auxiliariis in terram Cra-
coviensem adveniens, defectionem aliquorum Castrorum et Civitatum ad se spe-
rans, plures ex Baronibus & Capitaneis, ut Henrico & Boleslao Ducibus,
desertis ad se deficerent, cum largitione tum promissis sollicitabat. Sed dum
omnes illum & eius promissa aspernarentur, maioribus ignibus (ut erat
vir in bilem proclivus) agi cepit, & Ecclesiam Sancti Andreae sub Cra-
covo Cracoviensem, quae nondum tunc ambitu murorum Civitatis Cracoviensis
erat inclusa, pro suburbana habebatur, item Ecclesiam in Prandoczin, it
Ecclesiam Collegiatam Scarbimirensem, item Monasterium Andrzeo-
viensem, incastellavit, quatuorque loca ipsa, valido militum praesidio imposito,
armis & victualibus communiuit. Primusque extat inter Polonorum Du-
ces, qui aedes sacras prophanare, & usibus bellicis applicare ausus, de-
testabilem illum morem successoribus pernicioso dereliquit exemplo.
Quamvis autem Henricus cum barba Conradum Masoviae Ducem, &
eius exercitum, dum huiusmodi nefandas in castellationes committeret,
aut per insidias, aut per locorum iniquorum occasionem, plurimum
lacerasset, in congressum tamen universae dimicationis (quoniam faci-
lius illum frangi cunctando, quam decernendo, rebatur) non venit.
Sibi quidem et Castrorum Civitatumque munitiones, sibi militum devo-
tionem et fidem, sibi supplementum militum, sibi victualium omnium
abundantiam, videbat suppetere, ea vero hostibus brevi defutura.
Multis siquidem difficultatibus Conradus Masoviae Dux adductus,
multa sui exercitus parte amissa, magnis tamen populationibus et dam-
nis terris Cracoviensem et Sandomiensem irrogatis, in Masoviam maiore
tabescens rediit. Post cuius discessum Ecclesia Sancti Andreae per
Henricum cum barba et Boleslaum Pudicum, eorumque milites, tam ar-
cta et dira obsidione constricta, et mensibus aliquot angustata est,
ut milites Conradi pacti, ne quid hostile paterentur, in deditionem
cum Castello venirent. Contra tria autem reliqua Castella in Pran-
doczin, Scarbimiria, & Andrzeoim, per Conradum disposita, alia rursu
tria Castella, ex lignis et blancis, e regione et in vicino eorum, per Hen-
ricum cum barba et Boleslaum Pudicum Duces, erecta aedificata sunt.
Et miro bellandi studio, utrisque pro victoria admittentibus, particula-
ria certamina hincinde saepius celebrata fuere, Henrici cum barba
et Boleslai Pudici militibus, ne quid ad milites Conradi importari pos-
sit, magna cura prohibentibus, Conradi vero militibus, excursions
nocturnas et clandestinas, exustionesque earum villarum, quae tributa

repromissa exolvere neglexissent, irrogantibus. Inter hæc tamen Coloni, & à propriis & ab hostibus vexati, inter mittebant agriculturam, & agris coloniisq; desertis, in loca tutiora se conferebant, calamitasq; et desolatio diutius augebantur. Irrepsit et aliud malum in Polonia Regnum, quod priorem perniciem ingeminavit. Frumentis siquidem tam aestivalibus quam hyemalibus, cum per asperitatem hyemis, tum per imbrium frequentem inundationem, consumptis, ingens fames universam Poloniam longo tempore oppressit, neq; de facili famis malum, bello civili feruente poterat restringi.

ANDREAS Hungariae Rex, pater beatæ Elizabeth, cum annis triginta regnasset moritur, & in Varadino ad pedes Sancti Ladislai Regis sepelitur. Cui filius eius Bela successit, pridie idus Octobris in Regem Hungariae in Alba regali coronatus.

WLADISLAVS Othonis maioris Poloniae Dux, fundationem Hospitalis & Monasterii ordinis Sancti Ioannis Hierosolymitani in Posnania, per Mieczyslaum Auum, et Wladislaum patrum suum, Duces maioris Poloniae, necnon et dotationem praefato Monasterio, per dictos Duces factam, innovat, et sub prætia Pauli Posnaniensis Episcopi, plurimorumq; tam Ecclesiasticorum quam Saecularium Consiliariorum, donationem, per praefatos duces, ante annos plures de villis infrascriptis factam, confirmat, ut Obiezierz cum adscripticis, Wierzchuczino, Drozin, cum foro et taberna. Wielkie Kurzacino, Viganowo, Milostowo, Ondregowo et Pogorzelicza cum naulo. Libertans hereditates et bona praedicta, ab omni servitute, onere, datis et tributo, & ordinans ut ex bonis Monasterii praefati, Hora Canonica atq; Divina expleantur, alantur pauperes et peregrini. Quicquid verò residuum fuerit, in subsidium Sanctae domui Hierosolymitanae transmittatur.

BORZIWÓJ maioris Poloniae miles, multo tempore cum Paulo Posnaniensis Episcopo, pro villarum terminis, ceterisq; iniuriis Ecclesiae Posnaniensis irrogatis, dissidens, cum in Szrem Oppidum, ad componendum differentias per amicos communes, data acceptaq; securitate, venisset, Paulum Episcopum Posnaniensem, nil tale suspicatum in dolo captivat, sed captivitatem suam praefatus Paulus evadens, ipsum excommunicat, fuitq; praefatus Borzivoj per universam Ecclesiam pro excommunicato habitus, & in singulis Ecclesiis publicè est denunciatus. Dum quoq; pertinaci contumacia, Censuram tolerans, satisfacere Episcopo, à se per fraudem violato, contemneret, apud Szrem

captus & necatus, suae recordiae panas dedit. Wladislaus siquidem Maioris Poloniae Dux, Castro Szrem conquisito, illud incendit, et tam Borziogium quam Sandziogium auxiliatorem eius occidit.

Anno Domini 1236.

Henricus cum barba Castrum Gnesnen expugnando frustra, in Slesiam cum suorum militum damno reuersus est.

Ad obtinendam uniuersi Regni Poloniae Monarchiam, Henricus cum barba Slesiae et Wratislauiensis Dux, aspirans, dum aetate transacta Conradum Masouiae Ducem, de tutoria Boleslai Pudici exuisset, et Cracouiae, Sandomiriae, et Lublinensis Principatum possessionem, velut tutor Boleslai pudici nactus esset, rursum contra Wladislaum Otomis Maioris Poloniae Ducem expeditionem mouet. Et Castrum Gnesnen, quod iam unicum pro Wladislauo Otomis tenebatur (caetera enim omnia in Ducatibus Maioris Poloniae, superbam et iniustam dominationem Wladislai aspernantia, in ditionem Henrici cum barba cesserant) obsidione firma cingit; plenam Ducatum Maioris Poloniae, et pacificam possessionem, arce illa, quae sola restabat, conquisita, habiturus. Magnis itaque viribus et conatibus, ad illius conquisitionem aestuando, plura tormenta et machinas, contra Castrum admovit, et obsessos projectione frequenti tormentorum et sagittarum ignitarum, sperans se Castrum quod pro maiori parte ex materia lignea fabrefactum erat, aliquando incendurum, affligebat. Oppugnabat etiam illud crebra inuasionem et impetu militum, qui supernè ab obsessis saxis obruti, mortuos et vulneratos plures deferentes, segnius munera obsidionis et expugnationis, conatibus singulis eorum recedentibus in irritum, obibant. Interim cum et longum tempus in obsidionis arcis praefata frustra absumptum esset, et arx ipsa praesidio militum valido septa, qui etiam et Castra Henrici cum barba, per eruptiones continuas, laceßendo, plerosque milites de hostibus, ceperant, inexpugnabilis videretur, noua etiam perniciēs Henrico cum barba, accessit, tres namque machinae quae potiores habebantur, ex vehemēti et continua projectione fractae et ruinae factae sunt. Ex qua re, neque enim apud obsessos, ex arce omnia speculatos, ignota esse poterat, et obsessis creuit ausus, et obsidentibus desperatio. Itaque Henricus cum barba Dux, et deditiois et expugnationis spe omissa, obsidionem soluens, multis damnis acceptis, in Slesiam rediit. Post cuius discesum

Wladislaus Otonis, cum gentibus & militibus qui illius partes sequebantur, Castra & munitiones, quae per milites Henrici in Maioris Poloniae Ducatibus tenebantur laceßere, impugnare, inuisiones, et exustiones villarum & oppidorum, quae à se defecerant, facere non desuit. Inter quae Castrum Szem, quod Borziogio Dipoldi Marchionis Moraviae filio & Henrici ex sorore nepote, commissum erat, corruptis vigilibus, nocturna irruptione inuadens & Borziogium Marchionem, Sandziogiumqz militem, ceteris metu percussis diffugientibus, sibi resistentes occidit, Castrumqz spoliato ne ab hostibus iterum locaretur illud incendit, & in Lomeraniam ad Swantopelkonem ad socerum suum diuertit. Deinde in Castra Nakiel & Vsczie, quae in fide sua manebant se recepit, hostilitatem et periculum veritus, intelligens Maioris Poloniae Barones & milites in fide et obedientia Henrici cum barba constantes et perseverantes fore ~

CONVENTVS Principum Poloniae penultima Iunii apud Dankow habitus est. In quo Dominicellae Henrici Ducis Slesiae iunioris, Constantia & Gertrudis illic personaliter aduetae & adductae, per Michaelen Wladislauiem, & Petrum Plocen Epös, in facie Ecclesiae, sollemniter filius Conradi Ducis Masouiae, Boleslaus et Casimiro, actualiter desponsantur. Nuptiarum tamen sollemnitas in alium diem virginibus in Wratislauiam reductis dilata est. Secunda autem die Iulii, Conradus Dux Masouiae praefatus, fecit diuisionem Principatum suorum inter duos filios praefatos, & cesserunt Duci Boleslaus Ducatus Masouiae, Duci vero Casimiro Lanciciem & Cuiawien Ducatus, & ambo iureiurando in praesentia Wladislauiem et Plocen Epörum, & plurimorum Baronum, terrarum praedictarum promiserunt se huiusmodi diuisionem seruaturus ~

CASIMIRVS Opoliensis & Ratiborien Dux filius Mieschkomis filii Wladislai totius Slesiae Ducis, frater patruelis germanus Henrici cum barba, sexta mensis May die, in Opolie moritur & in Ecclesia seu Monasterio Czarnowasz Ordinis Praemonstratensis, à se illic ex Ribniki propter loci commoditatem translato, una cum filia sua, eiusdem loci et ordinis Sanctimomiali virgine, pluribus virtutibus & mira deuotione insigni sepebitur. Qui duos filios vtz Mieczslauum & Wladislaum reliquit. Mieczslaus itaqz maior natu existens, qui et Crispus appellabatur, Virginem Iuditham, filiam Conradi Masouiae et Cuiawiae Ducis, in sponsam accepit, sed sterilitatis opprobrium passa, nullam prolem reliquit. Susceperat autem praefatos filios Casimirus, ex Venczslaua Ducissa, quae ei ipsa tertio idus Martii diem obiit ~

Anno Domini 1237.

Facta pace inter Conradum et Hen-
ricum, Boleslaus Pudicus Henricum
eligit in Procuratorem et bona Opatow
et Cazimierz Ecclesie Lubucei donat.

Regionibus aliquot & coloniis ex civili & domestico bello, quo se inui-
cem Henricus cum barba Slesiae & Wratislaviensis, ac Boleslaus Pu-
dicus Cracoviensis & Sandomiriensis, Duces, ab una, & Conradus Ma-
sovia Dux, partibus ab altera, fere integro biennio collidebant, vehementer
quassatis & afflictis, per Barones & Consiliarios communes, agitari de pa-
ce ceptum est. Et aliquot dietis ob eam rem celebratis, tandem execrabili
et funesto bello abrogato, damnisque, hinc inde illatis compensatis, & capti-
vis utriusque partis absolutis, pax in hunc modum conclusa est. Ut Bolesla-
us Pudicus Cracoviensis & Sandomiriensis Dux, ex quo annos pubertatis sci-
tus est transcendisse, Ducem Masoviae Conradum non teneatur tutorem
ferre, sed liber & sui iuris vir, Dux & Dominus, censeatur, & pro arbitrio
suo sibi Curatorem et Provisorem constituat. Qua quidem pace, pactis &
iureiurando firmata Boleslaus Pudicus sub omnium praesentia Henricum
cum barba Ducem Slesiae, sibi in Curatorem deposcit & assumit, sequi illi &
suis salubribus consiliis directionibusque repromittit pariturnum, germanum pa-
truum Conradum Ducem Masoviae, non secus quam acerrimum hostem perta-
sus. Qui etsi ob id vehementer se quereretur iniuriatum & confusum, per-
ctis tamen & iureiurando constrictus, compositioni paruit, et praesidia ex Ec-
clesiis incastellatis, ut Scarbimiriensis, Andrzejoviensis, & Prandoczinensis, de-
duxit. Itaque ex eo tempore Henricus cum barba se Monarcham Polonici
Regni gessit, et tam solertia quam natus & Principatibus, qui in eum conflue-
rant, inter Poloniae Duces maior habebatur. Nam etsi propter amorem, quo
in Boleslaum Pudicum Cracoviensem Ducem flagrabat, a titulo Ducatus Cra-
coviensis & Sandomiriensis, abstinuit, sed duntaxat se Maioris Poloniae & Sle-
siae Ducem & Dominum nominavit. In ipsis tamen Ducatibus Cracoviensem
& Sandomiriensem magis illi & suis Imperiis, quam proprio & naturali Duci Bo-
leslao Pudico, post foedus cum Conrado Masoviae Duce ictum, parebatur.
Sed & Dux Boleslaus Pudicus Cracoviensis, gratificari Henrico Curatori
suo volens, et impensas quas pro se et suis Ducatibus, de manu Conradi Ma-
sovia Ducis eripiendis, fecerat, notabiles illi redditus & introitus, tam
in Cracoviensem quam Sandomiriensem Ducatibus, & in Zuppis Wielicensibus

Theloneisqz consignauerat. Monarchali autem potestate in Cracouiē
 & Sandomiriē praeipue terris, Henricus potius bona Monasterii Opa-
 touiē Cracouiē Diocesis, vzt Oppidum Opatow, cum sedecim villis &
 aliquot manipularibus decimis. Templariis exclusis, quorum insigne illic erat
 Canobium, annuente & consentiente vltro votis suis Boleslao Ludico, Ec-
 clesiae Lubucei sui Domini applicat. Nec his contentus in terris Maioris
 Poloniae oppidum Cazimierz cum suo Districtu cum quatuordecim villis,
 & totidem decimis. Item in terris Slesiae oppidum Borek cum decimis, cum
 villis & lacubus, praedictae Ecclesiae Lubucei donat.

*Mieczslaus Cuiaviae Dux dum
 orphanos et viduas iniuste spo-
 liat a muribus deuoratur.*

D Vx Mieczslaus propter caecitatem capitis parum sanam appellatus
 Koszisko, Ducatum Cuiavien ex patris sui Ducis Masouiae Contra-
 di concessione inter fratres sortitus, dum quasdam viduas & orpha-
 nos, praeter aequitatem et iustitiam spoliasset, & vaccis eorum mactatis,
 substantiisqz occupatis, conuiuium splendidum ex illis Optimatibus &
 militibus Cuiavien praeparasset, & in illo opipare usurus consedisset, inter
 prandendum et conuiuandum (iustissimo Deo enormia sua peccata praetia &
 transacta vindicante) mures infiniti conueniunt, ipsumqz deuorare coepe-
 runt. Qui imminens periculum declinaturus, nauim conscendens, ad aquas
 et flumina perrexit, quibus nequicquam suffragantibus, a muribus, illum
 per omnes undas & maria insectantibus, miserabiliter consumptus et deuo-
 ratus est, documentum non inutile, iniuria viduis et orphanis inferendae
 posteris praestiturus.

*Boleslaus Conradi Masouiae Ducis filius
 virginem Gertrudim neptem beatae Hedui-
 gis et Henrici cum barba ducit in uxorem.*

R Conciliatione inter Henricum cum barba Maioris Poloniae & Sle-
 siae, & Conradum Masouiae et Cuiaviae, Duces, confecta, nuptia-
 rum etiam sollemnitatis Wratislaviae acta est. In qua iuxta ordina-
 tionem beatae Hedwigis, & pacta in Ploczko, per medium eiusdem beatae
 matronae inita, Boleslaus Conradi Masouiae Ducis maior natu filius, vir:

ginem Gertrudim filiam Henrici, filiū Henrici cum barba, neptem beatæ Hedwigis, accipit in uxorem. Nam etsi, ut in superioribus præmisimus, matrimonium huiusmodi dudum fuisset contractum, non tamen poterat, cum propter minorem aetatem contrahentium, tum propter bella orientia, nisi eo anno consumari. Celebritati autem huiusmodi nuptiarum, beata Hedwigis, ut personaliter interesset, nulla poterat prece aut supplicatione moliri, sed in Monasterio Trzebnicensi se continens, contemplationi et orationi Sanctæ iugiter insistebat. Quæ etiam cum viro suo Henrico cum barba, Maioris Poloniæ et Wratislaviæ Duce, continentium se lege perpetua vincientes, per annos triginta gratiam coniunctionis non repebat.

Fundatio Monasterii ordinis minorū
Sancti Francisci in Cracovia

Boleslaus Ludicus Cracoviæ et Sandomiriæ Dux, precibus et consiliis genitricis suæ Grzimislawæ Ducissæ, fæminæ religiosæ et devotæ, persuasus, Fratres minores Ordinis Sancti Francisci Cracoviam ex Praga vocat, illisq; pro Ecclesia et Monasterio in Civitate Cracoviæ, locum amplum donat, et Ducalibus impensis, tam ecclesiam quam Monasterium, pulchro opere ex lateribus coctis inchoat et consumit, quamvis in anno pueritiæ constitutus.

GREGORIUS Papa nonus, Civitatem insignem Constantinopolim, quæ vetusto nomine Bizantium vocabatur, de captivitate liberaturus, Vilhelmum Episcopum Mutinensem adiungens ei fratrem Martinum de Sandomiria ordinis Prædicatorum Polonum natione virum providum et doctum, ad Ludovicum Franciæ Regem transmittit.

PRZEMISLAVS Marchio Moraviæ, germanus Venceslai Bohemiæ Regis, sciens sibi præfatum fratrem suum Venceslaum, multipliciter infestum esse, in Hungariam effugit, Castris suis Moraviæ, præsidio fidelium militum commendatis. Qui tandem à Rege Venceslao obsesti, Castra ipsa reddere sibi coacta sunt. Przemislaus vero Marchio Moraviæ à Bela Hungariæ Rege benignè habitus, etiam interpositione sua Marchionatum Moraviæ re habuit.

Fratres Prædicatores vñ frater Martinus de Sandomiria cum aliis Monasterii Sanctæ Trinitatis in Cracovia fratribus, missi in Italiam, ossa Iuonis Episcopi Cracoviæ, ab Episcopio Mutinensi impetrata Cracoviam referunt,

Et in Monasterio praefato Sancta Trinitatis in Chori medio conduntur.

Castellum et oppidum Elbiang aedificatur.

Hermanus Magister Cruciferorum Domus Teutonice, Conradi Masouiae, Swantopelci et Schamborii Pomeraniae Ducum fretus auxiliis, in Prussorum terras descensu per terras et aquas facto Castellum et oppidum Elbiang in Pogorzono Districtu aedificat, et militum valido praesidio communit, dato Civitati nomine a fluviio Elbing, qui illic decurrens, stagno magno quod Hab dicitur, se miscet.

*Henricus cum barba Curator
Boleslai Pudici eidem et matri
illius munitionem rupis in Przegimia, ut tutior a Conrado sit
concedit, Legesque alias Polonis statuit, alias elidit.*

Boleslaus Pudicus Cracouien' et Sandomirien' Dux, cum matre sua Crzimislaua, dolos et insidias Conradi Masouiae Ducis et filii sui Boleslai perhorrescens, et in terra Sandomirien', quam pro suo domicilio et statu Ducali tenendo Henricus cum barba consignauerat, non audens remanere, petit in aliqua munitione Cracouien' terrae collocari, donec furor aduersariorum suorum conquiescat, et Baronibus suis congregatis et adunatis, status Principatuum suorum vires resumens, aduersus eos inualescat. Dux itaque Henricus Curator suus, munitionem rupis, quae dicitur Skala in Przegimia, eis concedit ad habitandum, et certos redditus prouidet ad vescendum. Vbi collocati fere quinquennio delituerunt, ipse vero Henricus cum barba Dux, cum omnibus redditibus prouentibusque Cracouiam ad suum usum retinens, habito communi consilio Epi et Baronum Bemp. prouide ordinavit, leges, quibus humana audacia coerceretur, instituit, et conscripsit. Viros industrios et prouidos praefecit beneficiis et Magistratibus, pestiferum genus hominum, ut maleficos et calumniatores, exterminavit, Leges concursus elisit, scilicet Pomoczne, virginale et viduale, et si quae sunt similia perosus extirpavit. Insuper Ecclesiae libertatem confirmavit, sicque in eo statu terra posita, eoque regnante, quasi per decennium rerum incremento crevit et profecit, mutuo vinculo connexa societatis.

Anno Domini 1738.

Henricus cum barba Crosna moritur,
et cur ita vocatus sit refert Historiogra-
phus. Qui cum accepisset in Trzebnice-
ni Monasterio sepulturam Henrici
cum filium suum habuit Successorem.

Monarchiam Regni Poloniae Henricus cum barba Maioris Poloniae & Slesiae Dux, adeptus, ad felicem tranquilumque statum Polonia, sub regimine et Principatu tam iusti & celebri Principis, visa est prouermisse. Sed & Henricus Dux praefatus, in Maioris Poloniae Ducatu, Solium suum quiete credebatur firmasse, cum subito nouum dispendium, nouaque perniciem Regno praefato Poloniae accessit. Dux siquidem Henricus, ad partes inferiores Ducatum suorum, Crosnam, prope terminos Bohemiae sitam, descendens, languere grauer cepit. Et quamuis de languore suo consors sua beata Hedwigis, per celerem nuntium certior facta fuisset, visitare tamen illum, quamuis precibus viri multipliciter rogaretur, intermittebat, ne quam scintillam conjugalis maroris, viso agrote marito contraxisset, quem infra annos triginta, quibus uterque calibem agebat vitam rarissimam, & non nisi in necessitate inuitabili, quando pro necessitatibus egenorum, viduarum pupillorum, Monasteriorum, Ecclesiarum, & miserabilium, aut aliquam oppressionem, vel calamitatem patientium, intercedendum erat, adibat. Ingrauescente itaque infirmitate, omnibus Ecclesiasticis Sacramentis, rite et religiose perfunctus, sex lustris in celibatu ut praemisimus (consorte in sororem commutata) exactis, quatuordecimo Calendae Aprilis, in oppido suo Crosna feliciter expirauit. Qui ob id Henricus cum barba appellationem sortitus est, quoniam a tempore, quo calibem vitam ad instigationem consortis suae beatae Hedwigis agere cepit, barbam in Conuersorum morem tondi praetermisit, splendidisque induitiis, auro et ostro nitentibus, abiectis, lanceo et humili amictu utebatur. Cuius funus cum ad Monasterium Trzebnicensem, per ipsum fundatum et liberaliter dotatum (in quo beata femina Hedwigis arctissimam agebat inter Sanctimoniales Cistercienses vitam) illic sepeliendum ductum fuisset, omnibus mortalibus, & pluribus aliis tam nobilibus quam rusticis hominibus utriusque sexus, qui ad cohonestandum funebrias suas, ex maiori Polonia & Slesiae Ducatibus, in maxima multitudine, obuiam corpori mortuo conuenerant, effusis, sola femina beata Hedwigis, in Monasterio Trzebnicensi, substitit, & honorem illum impendere corpori mariti neglexit. Sed Sanctimonialibus, cae-

terisqz tam viris quàm matronis, mortem Henrici Ducis viri sui, magno eiu-
latu, magnisqz lamentis, vociferatione incondita deflentibus, hac sola sic:
cas tenuit oculis, neqz in omnium fletu visa est lachrymasse. Sed & non
nullas Sanctimoniales, obitum Henrici Ducis præfati, tam ingenti mæro-
re, ut penè mortuæ viderentur, prosequentibus, corripuit, asserens iniquum
et scelestum esse, tam inconuenienti et immoderato mærore, voluntati Diui-
næ & eius beneplacito aduersari. Successit autem optimo viro Henri-
co cum barba Duci, in utroqz Ducatu & Domino Cracouiens' vlt' Maioris
Poloniæ, & Slesia, filius suus Henricus, qui illi, cæteris filiis morte sub-
tractis, unicus remanserat. Neqz Maioris Poloniæ Prælati, Barones, &
milites, quicquam diminueret aut variare, ex præterita obedientia & subie-
ctione, quam patri Henrico cum barba præstiterant, in filio dignum duci-
bant, quamuis scirent se alium iustiorum Ducem & hæredem, Vladislauum
Othonis (qui morte Henrici cum barba secuta, plerosqz eorum magnis pro-
missionibus et precibus, ut de se recogitarent, sibiqz Ducatum proprium &
paternum redderent, sollicitare non desit.) habere. Firma certitudine fre-
ti Henricum secundum ex beata fæmina Hedwig genitum, & paternos &
maternos mores optimos sectaturum.

Apud Haliciens' Ciuitatem Monasterium fratrum Ordinis Prædicatorum
fundatur, & fratres Prouinciæ Poloniæ domum illic accipiunt.

PETRVS Epus Plocen' cū annis sex sedisset, ex vicio pulmonis mori-
tur, & in Ecclesia Plocen' debito honore tumulatus, Andream habuit suc-
cessorem, à Gnesnen' Archiepo Fulcone, Conradi Masouia & Cuiaria
Ducis consensu accedente confirmatum. Hic Andreas Cracouiens' Eccle-
sæ Scholasticus, nobilis genere de Domo Crifphonum, ex terra & regione Cra-
couiens', ex villa Brzezmicza ortus, filius Marci Palatini Cracouiens'.

Anno Domini 1739

Wladislaus Othonis Ducatu suo priuatus
in exilio apud Socerum mærore corre-
ptus, duobus filiis relictis moritur et in Ec-
clesiam Polnamiens' sepeliendus refertur.

Wladislaus Othonis Maioris Poloniae Dux, universali annuentia
& conspiratione, de Ducatu suo erectus, mortem Henrici cum barba
hostis & competitoris sui, nullam videns rebus commoditatem quam
speraverat attulisse, gravi dolore & molestia propterea actus, apud Swanto-
pelkonem in Pomerania exulans, languorem contrahit, & infra paucos dies
rebus exiit humanis. Cuius corpus exanime, ita enim moriturus rogave-
rat, in Posnamiam adductum in sepulchro patrum & avorum suorum Re-
gum et Principum Poloniae in Ecclesia maiori Posnamien' permittente Henrico
pio Maioris Poloniae & Slesiae Duce, beataqz matre Hedwig mandante,
exequiis iusto honore peractis, humatum est. Post cuius mortem Castrum
Gnesnen', militibus qui in illius praesidio erant longa spe fatigatis, in plenam
deditionem Henrici Pii venit. Reliquit autem Wladislaus Othonis
duos filios, ex sorore Swantopelkonis Helinga, qui sibi Ducatum Pomeraniae
falso usurpaverat, geminos, vzt Przemislaum & Boleslaum, duorum
tantummodo Castrorum cum eorum attinentiis vzt Nakiel et Vsczie,
quae sibi unica dum moreretur supererant, nam omnia alia in ditionem &
subiectionem Henrici Slesiae Ducis concesserant, possessores ~

*Conradus Masovia Dux dum Boles-
laum Ludicum infestat, ad postremum
pacificatur illi, maxime ob id, quod Ku-
negundim virginem filiam Bela Regis
Hungariae accepit in uxorem puella singularis
Scitatis, cum qua vitam duxit Caelibem.*

Ex morte Henrici cum barba Polonorum Principis & Monarchae, Con-
radus Masovia Dux, fastuosus & insolens esse magnasqz iras
contra Boleslaum Ludicum Cracovien' & Sandomirien' Ducem, quod
se contempto Henricum cum barba in suum tutorem acciuerat, & eo duce
ac adiutore praeliis aliquot secundis contra eum usus fuerat, evomere cepit.
Quapropter haud longe post Henrici cum barba obitum, faedus iustum irrita-
vit, & clandestinis primum, deinde publicis invasionibus, Cracoviensem San-
domiriensem & Lublinensem terras, vastabat. Ad cuius insolentiam com-
pescendam Boleslaus Ludicus Cracovien' & Sandomirien' Dux, notabilibus
Baronibus, vzt Clemente de Klimiantow Castellano, Ianussio Palatino,
Cracoviensibus ad Belam Hungariae Regem missis, filiam eius Kingam,
quam soror Boleslai Salomea consors Colomani Haliciensis Regis, & filii
Bela, de praestantia virtutum & morum, commendauerat, procatus, accipit.

in consortem, virginem ea tempestate singularis formæ & virtutis. Cuius futuram optimam indolem etiam ipsa crepundia præmonstrarunt. Quamprimū siquidem Anno incarnationis Domini nostri IESU CHRISTI Millesimo Ducentesimo quarto, apud Lannonias matris aluo, in primis, quibus in lucem infantula ædebatur, horis, non ab eiulatu & lachrymis, ut cæteri infantes, sed à Gabrielica denunciatione, suos auspicata est ortus, claram enim, sonoram, & articulatam. Ave Regina Cælorum, in idiōmate Hungarico ædidiit vocem. Quartis insuper et sextis feriis semel tantummodo sugere ab heracōtentia, Prasulem beatum Nicolaum in ipsa infantia æmulabatur. Deducta est autem præfata virgo Kinga cum magno apparatu, ferens secum amplam quadraginta vult millium marcarum dotem, Cracoviam. Vbi & solennitas nuptiarum diebus duodecim acta est. Ex eo autem tempore & deinceps Cunegundis Ducissa præfata, celsitudinis suæ nomen & meritum, ea celebritate per pietatis opera, apud regiones Polonicas diffundebat, ut non secus quàm altera egregiæ virtutis beata Hedvigis Trzebnicens Ducissa (cuius et ipsa Cunegundis neptis ex sorore germana fuerat) in Polonico populo videretur surrexisse, & ab omnibus mundanis abhorrens officiis, & ab omni ambitu aversa, hoc unum concupiscens, nil præter cælestia desiderare. Feruntur autem ambo in ævum virgines permansisse, & primo nuptiarum die, primum quidem ad unum annum, quo lapsa ad alterum, & deinde in tertium, quo effluxo, felici Kinga operante & instigante, in omne ævum Domino cæli cælibatum spontaneè vouisse & servasse. Ex quo Boleslaus Ludicus Dux meruit appellari. Splendidum autem matrimonium Conradus Masoviae Dux videns nepotem suum Boleslaum Ludicum sortitum, la cessere illum destitit, & pacificatus est illi.

Conradus Dux Masoviae Ioannem Czapia
Wladislaviensem et Plocensem Scholasticum
cum suspendi ante Ecclesiam Sancti Domini
nici in Civitate Plocensi procuravit. Et
propterea ab Episcopo Plocensi Dux ipse
cum uxore sua publicè excommunicatus est.

Externis bellis Conradus Masoviae Dux paululum quietatis, in propriis & domesticos furere capit, & rem horribilem & detestabilem perpetrans, Diabolico vexatus instinctu, Ioannem Czapia appellatum, & in iure Canonico peritum, Cancellarium Ducatus sui, Scholasticum Wladislaviensem & Plocensem, in ordine presbyterali constituit,

Et filiorum suorum Boleslai Et Cazimiri Paedagogum, temerarie per Semo-
ritum filium captivat, Et squalido carcere diebus aliquot maceratum, tan-
dem in Eculeo tortum, velut furem in publicum patibulum egit. Exinctum
quoque Et ex proprio suspendio sublatum, cum eum aliqui fratres Praedicato-
rum depositum ferrent sepeliendum in Civitatem, Ducissa Agassia plena fu-
ria eis ablatum, non secus quam altera Gesabel sanguinem sacerdotalem
sitientis, super currum positum, Et duobus bobus vectum, in altero rursus pati-
bulo, studiosè ad id circa Ecclesiam Sancti Dominici aedificato, supra Vistlam
e regione maioris Ecclesiae Ploczen' suspensum, ut esset tam tremendum
quam ignominiosum spectaculum, alligavit. Quem frater Martinus Prior
Ploczen' ordinis Praedicatorum, missis fratribus, de patibulo secundo depo-
situm, in Ecclesia maiori ordinavit sepeliri. Levissima causa ad pa-
trandam tam horrendam tyrannidem, sibi Et domui suae sempiternam igno-
miniam iniusturam, permotus, Cazimirus siquidem alter filiorum praefati
Masoviae Ducis Conradi, anno eodem virginem Constantiam Henrici
Pii Wratislaviensis Ducis filiam, dudum sibi per beatam faminam Hedui-
gm relictam Henrici cum barba, desponsatam, acceperat in uxorem.
Et nuptiis tam pro magnificentia Soceri quam generi, Wratislaviae cele-
bratis, Cazimirus novae sponsae captus amore, in domo Soceri Wratislaviae
longum tempus morabatur. Et licet pater Dux Conradus illum tam nun-
cuis quam literis redire in Masoviam iuberet: obauditis tamen paternis
imperitis, diutius quam sat erat, redire tardavit. Credens praedictus Con-
radus Masoviae Dux, permissu Et licentia praefati Ioannis Scholastici
velut Paedagogi Et Magistri, se et suas iussiones a filio suo Cazimiro, con-
temptum iri, Et veritus ne in vindictam captivitatis, idem Henricus ali-
quam vexationem terris suis inferre moliretur, praedictum Ioannem Can-
cellarium Et Scholasticum, promissa omni securitate, per se Et uxorem su-
am blandè reuocat, quasi consilium ab eo de filii reuocatione petiturus.
Verum omnem culpam Et bilem in Ioannem Magistrum Et Scholasticum
Cancellariumque retorquens, furori indulgens, non discussa non examina-
ta veritate, crudele Et detestabile facinus in virum innocentem admi-
sit, Et Palatini Ploczen' Cristini de Gzodouo, viri optimi Et bellato-
ris eximii, iniusta morti, aliam iniustiore addidit, Et truculentiam
suam, altiori facinori ingeminavit. Propter quod Andreas Epus Ploczen' eum
et uxorem eius publice excommunicavit.

Conradus Masoviae Dux Castrum Bidgolsza
a Swiatopelkone Pomeraniae Duce interceptum
recuperat, et Swiatopellus Curiam igne vastat.

Et conciliatione celebrata Conradus Masouiae Dux, Castrum
R Bidgostien quod a Swantopelkone Pomeraniae Duce interceptum
 Et occupatum fuit, recuperat. Swantopelkus vero in ultionem
 amissi Castri, cum exercitu aliquanto, ex equite et pedite congesto, Cu-
 iavien terram, Ducatus suo vicinam, ingressus, tumultuario more vastat.
 Et oppido Jumiadislavien et pluribus villis exustis in munitiones se
 recepit ~

Et ODE Anno Castrum Santhok per Polonos negligentius custoditum
 per Saxones intercipitur ~

Maydeburgen Archiepus Castrum
 Lubusz obsidet, Cuius exercitum Hen-
 ricus Pius, Maioris Poloniae et Slesiae
 Dux aggressus turpiter fugat fuditque ~

M Aydeburgen Archiepus Vilebrandus, forti collecto exercitu
 contra Poloniam venit, Castrumqz Lubusch obsidione cinxit.
 asserens illud per Henricum V. Imperatorem Romanorum
 sub Boleslao Krziwusti expugnatum Ecclesiae suae Maydeburgen
 perpetuo donatum fuisse. Dum autem aliquot hebdomadis obsidionem
 continuasset, Henricus Maioris Poloniae et Slesiae Dux, cum copiis insigni-
 bus aduenit, Et exercitum hostilem solutum Et incautum aggressus, facile
 fudit, Et in turpem fugam egit, obsidionemqz soluit. Maydeburgen vero Ar-
 chiepiscopus Vilebrandus, pluribus de suis amissis, tristis Et marens inco-
 lumis tamen euasit

POMPINVS Cruciferorum secundus Magister, copias suas a Pruthe-
 nis barbaris eo anno ad intermissionem deletas ulturus, in earum supplemen-
 tum novas surrogans, Castrum Balam sub Prutem conquirat. Quod repeten-
 dum barbari, duobus Castris in circuitu erectis, tanta vexatione Et fame
 non sinendo aliquid importari Cruciferos strinxerant, ut porum absuit, nisi
 Otho Dux de Brunszwik, cum noua militia adueniens, barbaros repulisset,
 quin in hostium una cum Castro veniant potestatem. Eius enim potentia
 Prutheni barbari conflicti sunt, Et duo Castra barbarica vtz Porthezal
 Et Schrandin, quae in aditioribus locis edificauerant, Et ex quibus Bal-
 gam Et fratres, in eius relictos praesidio, penè usqz ad deditionem coangu-
 stauerant, expugnata, frequenti Prutenorum praesidio aut occiso aut capto ~

Sub eo quoque tempore idem Pompinus alias Pompo Prussiae Magister Con-
uentum & Monasterium fratrum minorum in Thorun, sub titulo Sanctae
Mariae Virginis, erigit, et fratribus minoribus arcem ad habitandum assi-
gnauit.

Anno Domini 1740.

*Diaecesis Plocen' ob necem Scholastici Plo-
cen' per Conradum Masouiae Ducem patra-
tam Interdicto Ecclesiastico subicitur
In cuius relaxationem Conradus, villa
Lomicz Ecclesiae Gnesnen, et eius Archi-
episcopo concessit perpetuo possiden-
dam, eiusque concessionis tenor inseritur.*

H Orrendam et execrabilem necem, in virum bonum & innocuum
Ioannem Cancellarium Masouiae, Wladislauensem & Plocen'
Scholasticum, per Conradum Masouiae & Cuiaviae Ducem, mi-
serabiliter patratam, in vniuerso Polonorum Regno diuulgatam, vox
maeroris & lamentationis est subsecuta. Quae Petrum Gnesnen Archiepm
ad mulctandam iniquitatem patrati sceleris promouit. Andrea Pontifice Plo-
cen', pauore, qui in virum constantem cadere poterat, ne Dacale facinus
in Scholasticum suum admissum, virga Apostolica feriret, mortis respectu
constricto. Communicato itaque virorum prudentum, & iuris Diuini atque
humani peritorum, consilio, Petrus Gnesnen Archiepus, vniuersas Ecclesi-
as, in Plocensi Diaecesi sitas, & vniuersam Plocen' Diaecesim, missis Pro-
cessibus publicis, quibus tam ab Episcopis, quam Clero & populo Plocen',
paritum est, Ecclesiastico supponit Interdicto. Furori primum haec res, apud
Conradum Ducem fuit, post terrori, dum comperit Petrum Gnesnen Archi-
episcopum Gnesnen, acriori Censura in se usurum, subito ergo ad paeniten-
tiam conuersus, missis nunciis Conuentum sibi dari petit. Quo apud Lan-
citiā constituto, Conradus Masouiae Dux illuc personaliter cum Andrea
Episcopo Plocen' & Consiliariis adueniens, signa paenitentiae, de admis-
sa in Christum Domini nece, dedit, se quoque apud Dominum pro diluen-
do facinore, quamlibet paenitentiam salutarem laturum astrinxit. Diffimi-
tum tandem, Duce Conrado taliter humiliato, & ab omnibus laudatum
& acceptum est, ut in expiationem & purgationem commissi patricidii, vil-
lam Lomicz cum syluis, & nemoribus, eam in circuitu ambientibus, quae

quondam Ducalis venatio habebatur, Ecclesia Gnesnen' & eius Pontifices perpetuo iure possideant, Ducem tamen Masouia', unam marcā auri soluen- do recognoscant. Et quilibet Gnesnen' Ecclesiæ Antistes Canoniam Præbendam in Ploczen' Ecclesia obtineat, & Canonicus natus Ploczen' cen- seatur. Ecclesiis verò Wladislauiē & Ploczen', certas libertates, iura, donationes, perpetuo duraturas, conferat. Diffinitione itaqz eiusmodi proba- ta, donatione etiam villagio Lopicz & eius attinentiis Ecclesiæ Gnesnen' per Ducem Conradum Masouia' verbo & literis roborata, Petrus Gnesnen' Archiep'us Ducem Conradum, & à reatu Paricidii ad cautelam absoluit, & Interdictum sustulit, Diuināqz in Ploczen' Ecclesia resumi, & Ducem Conradum plenorem absolutionem apud Summum Pontificem petere manda- uit. Verū Summus Pontifex Gregorius nonus, absolutionem quam Petrus Gnesnen' Archiep'us Duci Conrado impenderat, pronuncians irritam & ina- nem, Thomæ Wratyslauiē Ep'o, & Gerharδο Cracouiē Scholastico, dedit in mandatis, ut recepta à Duce Conrado condigna satisfactione, absolu- tiōis beneficium eidem impenderent. Qui priorem satisfactionem Gnesnen', Wladislauiē & Ploczen' Ecclesiis factam per Conradum Ducem appro- bantes, Ducem prædictum à reatu paricidii, exacta prius à filiis præfa- ti Conradi Ducis, Boleslao Masouia', & Cazimiro, Ducibus, omnium eo- rum, quæ Conradus Dux Ecclesiis præfatis, Gnesnen', Wladislauiē, & Ploczen' contulerat, confirmatione, prout hæc omnia in literis origina- libus, præfati Ducis Conradi, quas Wladislauiē Ecclesia obseruat, à nobis frequentius visis & tractatis, continentur, absoluerunt. Quorum tale est exemplar.

Cū piarum sit mentium ibi culpam agnoscere, ubi culpa minime reperitur, multo magis vigilare debet is sollicit' & stu- diosē, quem culpa deprimit manifesta, & euidentia patrati sceleris Deo reddens alienum, ab ecclesiæ excludit unitate, qualiter valeat & possit matris Ecclesiæ, in gremium reuocari, ac gratiam deperditam consequi sui Conditoris. Pensatis igitur his & aliis exhortationibus patrum bea- torum, & in corde nocte dieqz reuolutis. Ego Conradus Dux Lancitia' pensans me Deum & Ecclesiam, scēt Wladislauiensem & Ploczensem, enormiter offendisse, ex hoc quidem, quod in calore indignationis intempera- tæ, ductus consilio peruersorum, Dominum Ioannem Scholasticum earun- dem Ecclesiarum, suspendi morte absqz deliberatione iussu interire. Ec- clesiam Romanam de nēitate super hoc dum consuluissem, ab ipsa munus absolutionis postulando, & absolutionis per Venerabilem patrem meum Pe- trum Gnesnen' Archiep'um, mihi super hoc impartitæ petendo confirmatio- nem. Quam absolutionem sedes Apostolica reddens irritam & inanem Venerabili viro Domino Thomæ Ep'o Wratyslauiē, & Discreto viro Dño

Gerhardo Scholastico Cracouiē, delegauit, ut recepta à me condigna sa-
tisfactione, mihi impenderent munus absolutionis. Prædicti uerò patres
mei, in commisso sibi negotio ratione præuia incedentes, rigorem iuris ex-
ga me misericorditer temperando, ad absolutionem meam processerunt,
suscepta à me eadem satisfactione, quam in accessu absolutionis primò
factæ, ad instantiam Domini Archiepi, Ecclesiis prænominatis, meo de,
testabili facto læsis & dehonestatis, contuleram humiliter & deuotè.
Verum quia in satisfactione exhibita, assensum meorum filiorum Domi-
nus Episcopus Wratislauien, & Scholasticus Cracouiē, supradicti, non
inuenerant ad hoc accessisse, negotium absolutionis meæ aliquantulum
exstitit propter hoc prorogatum, & me extunc pia monitione ac paterna
exhortatione sollicitauerunt, quatenus filii mei, scilicet Boleslaus Masouia
& Cazimirus Cuiauia Duces, in suis Ducatibus Ecclesiis nominatis,
satisfactionem impensam, et libertatem perpetuò indultam, suo gratuito
consensu solidarent. Videntes autem filii mei nominati hæc Ecclesiæ
Sanctæ cedere ad honorem, & animæ meæ esse ad salutem, satisfactio-
nem iam datam, & libertatem impartitam, ratam habentes, inclinati pa-
terna petitione, Dnō Thomæ Epō Wratislauien, propriis Sigillis In-
strumentum communitum, in quo libertas Ecclesiarum prædictarum ple-
nius continetur, specificata, trans miserunt. Vt autem hæc donatio robur
sortiatur perpetuæ firmitatis, & à meis successoribus inuiolabiliter con-
seruetur, sine omni concussionē Tribus meis Rēndis Dnō
Cuiauien, & Dnō Masouien, Episcopis, præsens Instrumentum
conferendum duxi: supplicando, quatenus has meas collationes, non solum
in Armario Ecclesiæ Wratislauien fideliter & diligenter faciant con-
seruari, imò per Sedem Apostolicam meis temporibus procuretur etiam
confirmari, ut zelus ambitionis nullum meorum successorum, dum clau-
sero diem extremum, flectat & inducat ad facti tam pū perturbationem.

Gregorius IX. Papa multipliciter per Frede-
ricum Imperatorem afflictus, moritur. Cælesti-
num III. Epū Sabinensē habuit Successorem.

Gregorius Papa nonus cū annis quatuordecim sedisset, per Frede-
ricum Imperatorem multis tribulationibus pro zelo & defensione
Ecclesiæ, concussus, tandem bono fine Mensis Augusti quatuorde-
cima die ad Dominum transiit, et in Ecclesia beati Petri sepultus, Cæle-
stinum quartum Epū Sabinen, natione Mediolanen, nō tamen imediatē

post mortem Gregorii, sed biennio propè transacto, Frederico Imperatore di-
scordia & zizaniarum semen serente, habuit successorem. Cui Fredericus
Imperator talibus versibus missis minabatur ~

Roma diu titubans variis erroribus acta
Corruet, & mundi desinet esse caput.
Astra docent, fata volunt, autumq; volatus
Et subito Fredericus malleus ego orbis ero.

Cui taliter Summus
Pontifex respondit.

Niteris incasum Petri submergere nauem,
Fluctuat, ast nunquam mergitur ipsa ratis
Astra silent, nil fata monent, nil p̄dicat ales,
Solius est proprium scire futura DEI.

Hic Papa cum sedisset decem & octo diebus moritur & in Ecclesia Sancti
Petri sepelitur. Post cuius mortem vacabat Sedes Papalis, viginti duobus
mensibus & diebus quatuordecim. Sub quo tempore Fredericus Imperator
hostis Ecclesiae, multa, in Ecclesiae turbationem ampliore, molitus est. Fi-
deles quoq; & deuotos Ecclesiae, opprimit, deprædatur, & vexat ~

HENRICVS secundus Wratislauen' Dux, & beatae Hedwigis ac
Henrici cum barba filius, moriente eadem Ill^{ma} matre Hedwigi, fratres mi-
nores Wratislaviam aduocat, & Ecclesiam Sancti Iacobi Apostoli de nouo
erectam, & locum pro Monasterio illis donat. Sed dum cum Tartaris pro
fide ac religione nostra, ac fidelium defensione, fortissime pugnat, oc-
cubisset, Anna Ducissa relicta sua, & Ecclesiam Sancti Iacobi, & Mo-
nasterium quæ maritus imperfecta reliquerat, consumationi mandare curauit.

FRATRES Cruciferi Castro Balga sub Prutenis conquisito, valido
illud muniuerunt præsidio, contra quos generatio una de Varmien' potens &
valida, quæ Bogethina dicebatur, duas munitiones, quorum unam Lorthegal,
alter Schrando appellabant, extruxit. Ex quibus in tantum frēs Crucife-
ros coangustauerant, quod fugere de Balga disponebant. Interim verò
Otho Dux de Brunszwik cum suis militibus superuenit, & Pruthenos

Balgam obsidentes profligauit, munitiones verò eorum expugnatas, confregit.

Sub idem tempus Magister Liuconiae frater Volquinus ordi-
nem suum, qui dicebatur Ordo militum Christi, cum or-
dine Cruciferico nigrae Crucis coniuit. Et
posthac eodem anno in congressu cum
Lithuanis habito, cum quinquaginta fratribus & multis sui
ordinis pugnans
interficitur

Finis sexti Libri.



I

IOANNIS LONGINI CANCI CRACOVIEŃ HISTORIAE POLONICAE LIBER VII.

Anno Domini 1741.

Tartari Russia devicta Polonia
niam celerrime ingressi eam la-
tissime vastant. Quibus tandem
Wladimirus Palatinus Cracovien-
apud villam Turisko occurrens li-
cet ob paucitatem suorum dubital-
set prorsus vincere, Tartaros no-
mediocriter territos, cedere tamen
coegit. Qui postea suppleto exer-
citu in Russia, actiores redeuntes
Palatinum eundem apud Chmie-
lik ipsis rursus occurrente ac cum
illis fortissime et strenue pugnan-
tem sua multitudine opprimunt.

P

Provocatus Clementissimus & Optimus
Deus Polonorum fœdis spurciciis & impiis
execrandisque facinoribus, quibus contra su-
am Maiestatem per plurimas iniustitias, ini-
quitates, & abusus prævaricando, deliquerant,
suscitavit Tartarorum ferocem & barba-
ram gentem contra illos. Et qui superio-
ribus annis, aut exteris aut domesticis, &

Ciuiilibus bellis eorum delicta castigarat, solita mansuetudine & pietate contra percussos, & contemnentes ad percussorem benignum conuerti, fortis indignationis suae mucronem vibrauit: grauissime se Polonorum transgressionibus offensum designans, dum iram suam non peste, non fame, non Catholicorum hominum hostilitate, sed barbarorum permisit desæuere in Polonos rabie & ferocitate. Bathi siquidem Tartarorum, ex quo Regnum eorum exortum erat, tertius Rex, plurimis Regnis & Regibus Orientalibus, atq; Tyrannis eorum subiugatis, supra modum, supraq; aestimationem & spem, tam multitudine gentium subiugarum, quam opibus auctus, quasi sedes Orientales sibi & populo Tartarico angustæ essent, in Occidentem et partes Boreales arma vertit, sperans se cum propter innumeras gentium propriarum, & auxilia ferentium, Copias, tum propter Catholicorum Regum, de qua ab exploratoribus certior factus erat, & si gnanter Ecclesiae Romanæ cum Imperio, discordiam, Occidentem iuxta atq; Orientem, occupaturum. Primum itaq; amplissima Russorum Regna cum Tartaris, antequam in innumerabilem gentem crescerent, bellare, Tartarosq; vincere et fugare solitorum, Thanaim, Volham, Dniepr, Njestr, amnes profundissimos, item montes Sarmaticos, quos & sylvas magnas appellamus, superans, inuadit, illaq; obterrit & deuastat, nonnullos etiam Rutenorum Principes, decernere ausos, facili negotio deuincit. Mira deinde celeritate in Poloniam venit, & duo oppida in Polonia Lublin & Lauichost, vicinosq; illis Districtus et regiones prædatur & deuastat. Vidensq; se ingenti præda captiuorum utriusq; sexus ex Polonis & Rutenis capta, onustum, per viam qua venerant in Russiam redit, captiuosq; in loca secunda deductis, in Poloniam festinanter reuersus, Bug et Visla fluminibus Poloniae transitum per glaciem præbentibus, Sandomiriam venit, & tam Castro quam oppido Sandomiriæ undiq; obsidione coartato, & tandem expugnato, Koprziuicensem Abbatem & omnes fratres Domus Koprziuicensis Ordinis Cisterciensis, & magnum tam Ecclesiasticorum, quam Sacularium virorum, matronarum nobilium, & plebeiolorum utriusq; sexus, qui illuc gratia conseruanda vitæ, aut defendendi loci, confugerant, numerum, occidunt, maximamq; stragem in senes & impuberes adunt, paucis puberibus parcunt, quos et ipsos velut vilissima mancipia, diris constringunt compedibus. Excidio tam immuni, apud Sandomiriam acto, per Visliciam et Scarbimiriam nemine resistere auro, versus Cracouiam, ducti illis Polonis qui capti fuerant monstrantibus, pergebant. Sed ex Scarbimiria in die Cinerum, gratia deducendæ, quam ex nobilibus & ingenuis ac agrestibus personis ceperant, prædæ, in Sandomiriam redire ceperant, prædam captam versus metas Tartaricas conducturi, Boleslao Ludico

Cracouiē & Sandomiriē Duce, per aetatem et imbecillitatem tam forti hosti resistere non valente, sed continente se cum Grzimisława matre sua Ducissa, in Cracouiē arce. Wladimirus Palatinus Cracouiē apud villagium Kalinam, Militum & nobilium Conuentum agit, quem pauor & subitā trepidatio discurrentium, a facie Tartarorum diffugientium, omniaque plus iusto de eorum sauitia & potentia differentium, alibi agi non sinebat: tot & tam insperatis horrendisque malis, in tam praecipiti hominum discrimine & consternatione, utcumque valeret prouisurus. Audiens itaque Tartaros ex Scarbimiria reuersos esse, omnes arma sumere & sequi se iubet, & ad futurum praelium cum Tartaris, pro patria, pro coniugibus, pro liberis capebendum, singulos alloquens incendit, aut gloriosam victoriam, aut faelicem mortem illos deducens relatuos. Iam Tartari oppidum Polaniecz ad flumen Czarna situm, atigerant, & apud villam quae maior Tursko vocatur, statua habebant, dum illos Wladimirus Palatinus Cracouiē, cum caeteris militibus Cracouiē, paucis tamen admodum, sed aut viuere aut mori persuasis, consecutus, subito aggressus, praelium audacissime conserit. Verum & si propter subitam inuasionem, Wladimirus magnam caedem in Tartaros addiderit, atque strenuissime cum illis pugnam gesserit, tandem tanta paucitate Tartari conspecta se inuicem cohortati, turma ingenti facta aciem Polonorum frangunt, Polonosque deuincunt. Adolescens tunc clarus & spectabilis Michael Przedwojowicz, cum multis aliis fortissime pugnans, pulcherrima morte occubuit. Palatinus Wladimirus non sibi sed patriae consulturus, ut esset qui illam tutaretur, incolumis euasit. Inter pugnam tamen omnis captiuorum multitudo, in propinquas & contiguas syluas diffugiens, se recepit. Poterat tunc Polonis plena victoria de Tartaris prouenisse, sed dum primis aciebus prostratis Tartarorum, Poloni auidius spoliis inhiant, remissius tractando pugnam, gloria orbati sunt. Tartari & si apud se victoriam remansisse viderant, strage tamen suorum multiplici, tanquam debellati & victi essent, perculsi, non amplius, ne a nouo & recenti inuaderentur exercitu, consistere in Polonia, aut praedas agere ausi, citato agmine, morientium suorum Tartarorum ex vulneribus, secus viam proicientes cadauera, in Lawichost, & exinde in Sziaczecchow, sine cuiuslibet molestia peruenerunt. Vbi in sylua magna, quae Stremech in Polonico dicitur, aliquot diebus & noctibus, ut insequentes fallerent, finalis stragem & excidium, quae Diuina propiciatione, si quis vincere & congrederi ausus esset, prouocasset, veriti, latuerunt. Exploratoribus deinde suis, nil hostile sed omnia pacifica renunciantibus, sylua Stremech egressi, in Russiam redeunt, & ampliori in supplementum eorum, qui apud Tursko ceciderant, accersito exercitu, repetunt Poloniam, magno fremitu magnaque

ira ultionem de Polonis, pro adita in se strage sumpturi, & partes quas superio-
ri transitu vastauerant, pacifice prætergressi, dum apud Sandomiriam duo-
bus diebus stativa habuissent, exercitum suum, considerata eius multitudi-
ne, bifarie diuidunt, & minorem quidem partem, cuius Caydanus Princeps
& Ductor erat, versus Lancitiam & Cuiaviam, Rutenis quibusdam oppi-
do Polonis infestis, gressus eorum & itinera dirigentibus, transmittunt, qui
regiones illas sine aliquo obice, crudelissimè igne & cædibus vastarunt.
Maior pars, in qua solus præsidebat Bathi, versus Cracouiam, populatio-
ne latius extensa, contendit, & omnem oram versus Ilzam oppidum, ad
flumen Kamiona situm, cæde & incendio peruasat. Cuius & in hodi-
ernum diem monstrantur & extant vestigia. Strata enim inter Prando-
clin & Rzechow villas Epales, propè Ilzam existens, per quam Bathi
Tartarorum Imperator ducebat exercitum, via Bathi in hodiernum diem
appellatur. Creuerant ex superiori certamine, cum Tartaris apud Turstko
imò, Polonis animi, & Tartarorum quantamcunq; multitudinem contra se
instauratam, vinci posse, aut si id minus procederet, felicius in bello hone-
sta morte defungi, quàm domi aut in arce, aut in viciis, syluis, collibusq;
turpiter hoste vastante patriam, delitescere rati, in campum copias edu-
cunt. Et Duce suo Boleslao Ludico cum matre Grzimislaua, & consor-
te Kinga, apud Cracouien Arcem relicto, Wladimirus Palatinus, Cle-
mens Castellanus, Cracouien, Pecoslaus Palatinus, Iacobus Raczibo-
rowicz Castellanus, Sandomirien, Tartaris & eorum potentius, in Chmie-
lik villa, propè oppidum Szidlow sita, occurrunt. Et nihil Tartarorum
multitudine, quam ab exploratoribus cognouerant, & oculis ipsi peruiderant,
deterriti, feria secunda in crastino Dominica Iudica, aliàs XV. Calen-
Aprilis in Solis exortu, cum Tartaris congregiuntur. Tartari in duas tur-
mas, ingentes tamen, diuisi, una tantummodo cum Polonis congressi, alte-
ram paratam stare, & pugnanti laborantiq; succursum facere iusserant.
Poloni una acie unaq; turma glomerati, nullam in subsidiis, qua labo-
ranti ferret opem, propter gentium suarum paucitatem, reliquerant. Cum
prima itaq; Tartarorum turma acies Polonorum, cuius leuissimum cornu Pala-
tinus & Castellanus Sandomirien, dextrum Palatinus & Castellanus
Cracouien, tenebant, fortissimè aliquot horis dimicans, fortioribus Tartar-
ibus Tartaris, & his qui ordines ducebant, casis, eam primo loco cedere,
deinde pedem referre, ultimò terga dare cœgit. Verùm Tartaris ex pri-
ma turma in secundam ad subsidia facili se recipientibus, secunda Tar-
tarorum turma, in qua præstantiores bellatores erant, certamen illic inuit,
& Polonos priori certamine aut fessos, aut vulneratos, plurimum obtere-
re capit. Adnitebantur optimi Duces, Wladimirus Palatinus, Cle-

mens Castellanus, Cracouiens, Lacoſlaus Palatinus, Iacobus Racziborowicz Castellanus, Sandomiriens, pro victoria, & non tam Ducum quàm militum agendo officium, praelium in aliquot locis reſtituerant, ſed tandem & ipſi, ut fortiffimis & optimis militibus conueniebat, multis vulneribus pugnando pectore aduerſo, confoſſi cadunt. Quorum occaſus à Polonorum militibus aut conſpectus aut uulgatus, animos illorum primùm perterrituit, poſt fregit. Unde ab equitatu Tartarico Ducibus occidentibus, obruti & uicti, in fugam uertuntur. Per quam & ſi multi, ſyluis et notitia itinerum tec̃ti, euaserant, maior tamen pars exercitus Polonici, in praelio illo glorioſam mortem pro fide & patria, oppetiit. Inter deſideratos uerò cecidère, Criſtinus Sulkowicz de Wiedzwiedz, Albertus Stampoczicz, Nicolaus Withowicz, Lemen: tha, Grabina, Suliſlaus milites & adoleſcentes ſtrenui, & alii multi, qui in acie animoſe & fortiter pugnauerunt, & quorum laudem & conſtantiam, uir: ueros Polonorum efferre conuenit. A flumine autem Tartar, in regione Tartarica decurrentis, genus hoc atq̃ lingua, ad expiandas prauaricationes, culpas & ſcelera Polonorum, & cæterorum Chriſtianorum, in conſlationem deputata, Tartarorum nomen ſortitum eſt. Prius enim gentes ipſæ Mogoli, à multitudine pleriq̃ eos Tartaros uocitari perhibent, lingua enim eorum multitudo Tartar appellatur. Sunt autem Tartari homines impii, & tam animo quàm factis crudeles, breues ſtatura et tibiis, naſo plano et adunco, facie lata & imberbi, oculis breuibus & perſpicacibus, pectore diſtensi & largi, colore tetri & nigri, corpore robuſti. Lacte equino, carne & ſanguine, cibisq̃ & carnibus crudis, præſertim milio cruore equino immixto, paſcuntur. Panis, ſalis, & omnium deliciarum oſores. In omnem tamen libidinem & illecebram carnalem procliuu & præcipites, frigoris atq̃ caloris patientes. Tarco ac parabili contenti cibo. In ſe ciuiles, beniuoli, fideles, ueraces & humani. In extraneos primùm quidem blandi, ſed temporis proceſſu uafri, callidi, & mendaces. Ad petendum importuni, ad dandum tenaciſſimi.

Cæſo apud Chmielik Polonorum exercitu Tartari Cracouiam ueniunt, quam populo ac Duce, nam hic in Hungariam fugerat prorſus uacuam cernentes miſerabiliter uariant & incendunt. Templum tamen Diui Andrea tum temporis ante mœnia ſitum, cura pauperum hominum integrum ſeruatum eſt.

Trage & occisione fortissimorum militum apud Chmielik iusto Deo
S occulto suo iudicio permittente, secuta, in cæterorum, qui in Duca;
tibus Cracouiens & Sandomiriens, relictis fuerant, pectora, tantus
pavor & mentis hebetudo irrepit, ut plures in Hungariam, alii in Alma;
niam, diffugerent, cæteri & præsertim agrestes, cum coniugibus, pignoribus,
& pecore, in paludes, sylvas, & inuia loca se conderent, ac singuli prout
quemq; sors ferebat, latebras quasitum discurrerent, scientes Tartaro;
rum rabiem, nulli ætati vel conditioni parsuram. Sed & Boleslaus Pu;
dicus Cracouiens & Sandomiriens Dux, suorum cæde apud Chmielik audi;
ta, ex arce Cracouiens, quasi et illic minus tutus foret, cum matre & con;
iuge sua felici Kinga, cæterisq; charioribus corporibus, atq; rebus, &
universali Ducali suppellectili, ad Socerum suum Belam Regem in Hun;
gariam effugit, & Tartaris exposit Hungariam vastantibus, per Moravi;
am in Poloniam rediit. Longo tempore in Castro Piemini de propè San;
decz ad fluenta Dunaiecz sito, commoratus. Tartari autem post cla;
dem apud Chmielik patrata, Cracoviam perueniunt, & eam vacuum ho;
minibus (omnes siquidem in abdita loca diffugerant) reperiendo, tam in
Ecclesias, quàm domos et qualibet loca desæuientes, die festo Paschæ
eas flammis incendunt. Et licet Ecclesiam Sancti Andrea tunc extra
muros Civitatis sitam, in quam homines pauperes & valitudinarij, cum suis
pignoribus, sarcinis & fortunis in magno numero se receperant, Tartari ex;
pugnare contendissent, credentes illic omnes fortunas & opes Urbis illa;
tas esse, Polonis tamen Ecclesiam prædictam magna vi, magnoq; animo
defendentibus, ab eius oppugnatione Tartaros, capto irrito recedere, plu;
ribus Tartaris supernè occisis, cõegerant. Tertia verò secunda Paschæ,
exercitus alter Tartarorum, ex Sandomiria versus Lancitiam & Cuia;
uiam directus, regionibus illis & locis per quæ ibat, ferro et igne vastatis,
& tam puberibus quàm impuberibus interfectis, Cracoviam rediit, & suo
Regi Bathi & exercitui alteri (de quo inter Tartaros magnus celebra;
tus fuit plausus & exultatio, quòd incolumibus utrisq; & vicioribus, per;
sonalem visionem resumere licuit) se coniunxit. Vastavit & tunc Tar;
taricus exercitus, versus Lancitiam directus Withouiese Monasteri;
um, & omnes Sanctimoniales, præter tres, quæ in sylvas diffugerant, bar;
barica occidit rabie. Propter quod processu temporis, Sanctimoniales præ;
dicti Monasterii translatae fuerunt in Busko Cracouiens Diæcesis, quasi
in locum magis tutum, Abbatia verò Buscen ex Busko Withouiam trans;
lata. Hac igitur plaga iusto Dei iudicio in populum Christianum
calitus permissa, tremor corpora concussit, timor & hebetudo mentis om;
nes occupavit, ita ut pauidi & stupidi ad invicem se contuentes, et tanq;

amentes, remediū consolationis sibi mutuo non possent subuenire. Fuga igitur, qua nil tutius putabant, arrepta, alii in Hungariam, alii in Slesiam, & in alias Prouincias abierunt, pauperes uerō in syluas fugerunt. Et Boleslaus quidem filius Leszkonis cum matre ad Regem Hungariæ, cuius filiam anno gratiæ Millesimo Ducentesimo trigesimo nono, acceperat in uxorem, diuertit, sed cū propter Paganorum potentiorē insultum tristiorē statum inuenisset, in Morauiam fugiens in Claustro Ordinis Cisterciensis commoratur.

Wratislaviē ora et Ciuitas per Tartaros
vastatur, et arx ab eorum oblidione
uisa columna ignea, quæ super caput Mo-
nachi orantis coelo descendere liberatur.

V Rbe Cracouiē exusta et vastata Bathi Tartarorum Rex cum agminibus suis versus Wratislaviā (hanc enim secundam Polonorum urbem magis famosam & insignem didicerat) contendit, & per oppidum Ratiboriē ducens agmina, fluium Odra, illic pontes singulos disruptos & exterminatos reperiens, aut vado aut nauigatione qua Tartari ultra omnes nationes pollent, superauit. Vnam autem turmam Tartarorum Odramtransgressam, & discursiones prædandi gratia incautius agentem Mieczslaus Cazimirides Opoliensis Dux, inito certamine superauit, et usq̃ ad interitionem deleuit. Sed cū vniuersum Tartarorum agmen, necem suorum vindicaturum, celerimē superuenisset, Mieczslaus Dux Opoliē multitudinē eorum conterritus, ad fratrem suum Henricum Wratislaviē Ducem, filium Henrici Ducis cum barba, quem ex propriis & auxiliariis contra Tartaros parare exercitum cognouerat, in Liegniczam, ubi Henricus colligebat exercitum, diffugit, saltus unitus Henrico, contra Tartaros, quā propriis viribus dimicaturus. Ratiboriē statim Tartari citato cursu ad Wratislaviā applicant. Quam cū Ciues pauore simili, quo et Cracouiē, unumquemq̃ peruadente adeo, ut magis prectosis tumultuariē et raptim comprehensis, Ciuitatem non solum victualibus, sed & opibus pluribus refertam, certatim, quasi Tartari coram adessent, fugiendo, reliquissent. Milites et gentes Henrici de arce, quam tutandam assumpserant, agressi, et opes et victualia, magna celeritate in Castrum inuehunt, & tum demum euacuatam urbem, solerti consilio usi, ne Tartari eius tectis potiri possent, & de eius confla- gratione gloriari, vel illic figere statua, iniectis flammis, incendunt.

Exustam autem, Et tam hominibus quam rebus quibuslibet, Tartari reperi-
entes Wratislaviensem Urbem vacuum, Castrum Wratislaviensem circumual-
lant. Verum cum obsidionem in dies aliquot, expugnatione non tentata, pro-
traxissent, frater Czeslaus Ordinis Prædicatorum, natione Polonus, &
Monasterii Sancti Adalberti in Wratislavia primus Prior, qui et ipse in
Castrum Wratislaviensem cum fratribus sui ordinis, & aliis Christi fide-
bus confugerat, oratione cum lachrymis ad Deum effusa, obsidionem de-
pullit. Eo siquidem in oratione persistente, columna ignea de caelo diuini-
tus super caput eius descendit, & uniuersum territorium atque locum Cui-
tatis Wratislaviensem, stupendo atque inenarrabili fulgore, illustrauit. Quo
prodigio Tartarorum pectora adeo in pauorem stuporemque conuersa sunt, ut
obsidione soluta fugerent magis quam discederent. Interim Tartari
qui in Cuiariam iuerant, cum his qui de Cracouia uenerant in territorio
Wratislaviensem feria secunda Paschæ conuenientes, terram igne deuca-
stantes, populum sagittis & Bombæis perimentes, in Legniczam profici-
scuntur.

*Tartari a Wratislavia Legniczam
vadunt, contra quos Henricus Dux po-
tentissimo animo exercitum colligit.*

Tartari et ab exploratoribus propriis, & ab agrestibus, qui in
illorum manus inciderant, edocti, apud Legniczen Cuiatatem plu-
res Catholicorum gentes conuenisse, illuc ire pergunt, & a Wra-
tislavia versus Legniczen oppidum, omnia in circuitu dando in flammis
reflectunt iter. Famina beata Hedwigis, quæ in Monasterio Trzebni-
czen, cum virginibus virginitatem et religionem Cisterciensem professis, mo-
rabatur, non tam sibi metuens quam Sanctimonialibus, ex Trzebniczen loco,
neque arte neque aliam natura munito, in Crosnam Castrum, in confluentia
fluviorum Odra & Bobr situm, tam se quam sorores, & uniuersa quæ Mo-
nasterii erant, item Annam Ducissam filii sui Henrici consortem, & plu-
res alias nobiles feminas & matronas produci curauit, & in illo per omne
tempus, quo Slesia ora a Tartaris quassata est, quieuit. Henricus Dux
Wratislaviensem filius suus dum hæc aguntur, iam Maioris Poloniæ quam
Slesia milites & armigeros, sed & rusticos & agrestes homines, spe potius
de Tartaris victoria quam maxime fretus, in arma cõegerat, non
nullosque dato donatiuo conduxerat, plures voluntarii, & Cruce signati

(iam enim auctoritate Apostolica in multis regionibus Crux contra Tartaros, velut communes et publicos Christianae religionis hostes predicabatur) se illi coniunxerant. Item Mieczyslaus Dux Opolien, item Boleslaus Marchio Moraviae filius Dipoldi expulsi, et nepos germanus Henrici cum Barbara ex sorore germana Adleyda, qui Schepotka cognominatus est, cum militibus suis, item Tompo de Hosterno Magister Generalis Cruciferorum de Prussia, et fratres Militiae ordinis sui, laturi in id bellum auxilia Henrico, aduenerant. Quem non duplex clades in Tursko et Chmielik Polonis per Tartaros inflicta, non Tartarorum fortissima, et quae dinumerari vix possent, agmina, non suarum gentium paucitas, a futuro certamine reuocabant. In quacumque partem euentus futuri certaminis recideret, se tam spe et animo, quam voce sonora in cunctos declamatione portendebat. Pluris eam victoriam maioris celebritatis, et maioris muneris existimans debere, per quam illum occidi in corpore, triumphare in anima contingeret. Vt riuorem hunc et immortalem triumphum et sibi ducens, et militibus disserens, si tam se quam illos in praelio pro fide et religione Christiana occumbere feliciter, quam relata victoria viuere, et labe aliqua pollui contigisset. Cum Tartaris itaque dimicaturus, prius quam copias ex Liegmicza, ubi conuentus militum agebatur, educeret, tam se quam vniuersos Barones, milites, et eos qui ordinum erant ductores, Missa sollemniter et deuote in Ecclesia beatae Mariae Virginis Legniczen decantata, viatico sacro, confessione praemissa, procurauit saginari. Deinde a matre optima et benedicta Heduygi Ducissa fuit id bellum fortissime et constanter ageret, animatus est. Quae quamuis illum occisurum, et suum omnem exercitum clade grandi in futuro certamine ruiturum spiritu reuelante cognouisset, et tam necem filii, quam sui exercitus ruinam vni ex Sanctimonialibus Adleydi et magis religiosae, et sibi magis familiari praedixisset, non tamen filium ab incepto opere reuocabat aut distinebat, sed neque aliquem maerorem aut fletum emisit, vel maestum et turbatum gessit vultum, quinimo talem hilaritatis torem et in pectore et in vultu retinuit, iuxta ac si illum et suum exercitum victorem et incolumem reuerti praesciuisset, conformans se in singulis et gestu et animo Diuino beneplacito, et eius irrefragabili, et semper in optima qualitate dirigentis, voluntati.

Henricus Dux cum Tartaris alacriter congregatur. Vbi dum penè iam victor esset, Tartarorum in fascinatione exercitus eius debilitatus, adeo caditur, ut ne ipse quidem Henricus Dux seruari potuerit.

EX Legniczen' Oppido Henrico Duci, cum suis agminibus in bel-
lum cum Tartaris gerendum, egredienti, lapis de vertice Ecclæ
beatae Mariæ, in qua pridie pro sua & exercitus sui incolumita-
te Maiestati Diuinæ libamina oblata erant, prolapsus, iuxta caput Henri-
ci Ducis, in splendore armorum suos obequitantis, procidit, parumqz absit,
quin testam capitis Ducalis non rumperet. Quæ res apud omnes, aut in reli-
gionem versa, aut pro infesto omine, quemadmodum erat, sumpta, futuri
discriminis periculum, in quod Dux Henricus & suus exercitus ex confl-
ctu recisurus erat, infallibili argumento ostentabat. Suburbana Oppidi
Legniczen' prætergressus, in planis & campestribus, quæ fluvius Nissa
circumfluit, exercitum et acies ordinat, & quadriariam agmina parti-
tur. Agmen primum tenebant Crucesignati voluntariiqz milites, ex
variis linguis nationibusqz collecti, ad quorum supplementum, quatenus
densiores fierent ordines, cum peregrini milites ad id parum sufficientes
essent. Aurifossores ex oppido Goltperck, illic enim auri fodinae erant,
adiuncti sunt, id Boleslaus Marchionis Moravia filius ducebat. Al-
terum, Cracouien' & Maioris Poloniæ milites, his Sulislaus frater Wla-
dimiri olim Palatini Crac, præerat. Tertium agmen milites Opolienses,
& Pompo de Hosterno Magister Prussiae, cum fratribus et militia sua
tenebant, hos Mieczslaus Dux Opolien' ducebat. Quartum solus Dux
Henricus tenebat, in quo Slesitæ & Wratislaviæ erant Armigeri, &
meliores præstantioresqz, ex terris Maioris Poloniæ & Slesiae milites, &
nonnulli alii mercede conducti. Totidem erant Tartarorum agmina, sed
multo viribus, robore, & frequentia pugnantiora, & quorum
quodlibet per se omnia Polonorum agmina excedebat. In campo itaqz, qui
Bonus Campus, siue à soli ubertate, siue quod in omnes partes porrectus &
latus est, vocitatur, dum uterqz exercitus, quinto Idus Aprilis aliàs feria
secunda post octavas Paschæ, conuemisset, Crucesignatorum & volunta-
riorum militum & Aurifossorum exercitus primus, pugnam (id enim munus
magno studio efflagitatum, permittente Duce Henrico, consecutus fuerat)
cepit. Magno impetu ab utraqz parte concursus est, & Crucesignati &
peregrini milites, primos Tartarorum ordines lanceis confecerant, gradumqz
promouebant. Sed cum gladiis cominus agi res cepisset, Crucesignatorum
& peregrinorum militum, à Tartarorum sagittariis undiqz circumacta
acies, adeo, ut illi per cæteras Polonorum acies succurri sine discrimine
non posset, labefacta, & deinde multitudine sagittarum, cum in ea plu-
res nudi & inermes essent, non secus quam teneræ aristæ, à grandine per-
cussæ, obtrita est. Vbi Boleslaus Dipoldi Marchionis Moravia filio,
cæterisqz plurimorum ordinum militibus cadentibus, residui, qui et ipsi

Tartarorum sagittis confecti erant, ad Polonorum agmina refugiunt. Duæ deinde Polonorum acies, sub Miecyslai Opolien' Principis, & Sulislai militis consistentia, succedunt in pugnam. Quam dum cum tribus agminibus Tartarorum, incolumes pro sauciis subyre facien', feliciter et constanter gerissent, stragemq; ingentem in Tartaros, cum à Tartarorum sagittis Polonorum Balistariis eas defendentibus, tutæ essent, addidissent, Tartarorum acies primum pedem referre, & Polonis etiam acrius contra percussos instantibus, mox etiam in fugam verti coactæ sunt. Quidam interea Tartarici agminis miles, & an Ruthenica vel Tartarica nationis esset, incertum habetur, celerrimè & vago passu hincinde circa utrasq; acies discurrens, terribilem, utrumq; exercitum dissona adhortans lingua, adibat clamorem. Et Polonica quidem lingua vociferabatur Biegaiczie, biegaiczie, id est, fugite, fugite, Polonis ingerens formidinem & paurem, Tartarica vero lingua Tartaros ad pugnam et perseverantiam hortabatur. Ad hanc vocem Dux Opoliensis Miecyslaus non hostem sed proprium amicum, & ex compassione non vafricie, credens ista vociferatum esse, deserto prælio fugit, magnamq; militum eorum præcipuè, qui sibi in tertio agmine parebant, cateruam in similem fugam traxit. Quo & oculis viso & aliorum relatione ad se perlato, Henricus Dux ingemiscens, lamentari capit dicens. Gorzej szia nam stalo, id est. Magna afflictio accidit nobis. Nihil tamen Miecyslai fuga, & eorum qui sub agmine suo erant, deterritus, quartam suam aciem ex melioribus & fortissimis pugnantibus compositam, in prælium subducit, & tres acies Tartarorum, à prioribus duabus Polonorum aciebus debellatas & disiectas, fortius quò potest, prosternit & obtruncat, fugamq; capessere impellit. Sed quarta Tartarorum acies, in qua Rex Bathi erat, omnibus tribus maior, superuenit, pugnamq; in integrum restituit, et laborantibus atq; disiectis Tartaris opem fert, terribiliq; impetu in Polonos inuehitur. Sed non referentibus Polonis pedem, pro victoria quoque consequenda admitentibus, bellum acerrimum aliquanto tempore durabat inter utrosq;. In quo primoribus Tartarorum magna ex parte caesis, non longè abfuit, ut Poloni plena victoria potirentur. Iam siquidem Tartari ordinibus eorum rarefactis spectare caperunt in fugam. Erat in Tartarorum exercitu inter alia signa vexillum perimane, in quo tale depictum signum videbatur, in summitate verò hostilis vexilli imago capitis; **X** tetri & nigerrimi cum mento barbato habebatur. Itaque Signifer illius vexilli, Tartaris ad unus stadii spatium pedem referentibus, in fugamq; proclivibus,

caput quod hastili supereminerebat, fortius quā poterat quatire capit. De quo illico vapor, fumus, & nebula, tam foetidissime exhalavit, in totumque exercitum Polonorum se superfudit, ut prae horrendo & intollerabili fa-lore, pugnales Poloni penē examinati & extincti, ad pugnamque imbelles & inuvalidi redderentur. Constat siquidem Tartaros ab origine sua & usque in praesens tempus, diuinandi, augurandi, ariolandi, & incantandi arte & scientia, semper in bellis & extra usos fuisse, & illam etiam in certamine, tunc cum Poloni gesto, exercuisse. Nec inter barbaras nationes altera reperitur, quae de suis sortilegiis, diuinationibus, & incantationibus, quantum haec, cum quid agendum est, confidat. Tartarorum itaque exercitus, intelligens Polonos iam penē victos ex nebula, fumo & calore, magnoque pauore et quasi desperatione percussos esse, clamore horrido sublato, in Polonos se vertit, & aciebus eorum, quae in id tempus integra erant, disruptis, strage magna, in qua Boleslaus Dux Dipoldi Marchionis Moraviae filius, dictus Schepolka, cum multis aliis insignibus militibus, faelici cruore necatus est, & Pompo Cruciferorum Magister de Prussia, cum suis magna clade obrutus, fudit, & Polonorum residuum agmen in fugam vertit. Henricum tamen Ducem fortissime pugnantem nondum suus exercitus deseruerat. Caeteris autem Polonis fuga lapsis, ita à Tartaris corona circumseesus est, ut à tergo & fronte caderetur. Non ob id tamen pugnam omisit, sed obuios quosque intermendo Tartaros, penetrare eorum multitudinem mitebatur, facile tamen paucitas à multitudine absumpta & obruta est. Iam circa Ducem Henricum non nisi quatuor milites versabantur, Suliſlaus frater Wladimiri Palatini Crac' apud Chmielik occisi, Clemens Palatinus Glogouien', Conradus Conradowicz, & Ioannes Iwanowicz. Aliis itaque certamini intentis, hii quatuor Ducem Henricum, ne in discrimen necis incideret, quanta possunt vi et conatu, ex acie & praelio educunt. Et penetratis hostilibus ordinibus, Principem incolumem seruaturi, quo minus acerba minusque faeda Principe seruatō clades esset ad fugiendum se disponunt. Respondisset forsitan eorum proposito effectus, sed Ducalis equus multis sauciatus uulneribus, subsistebat, Dux itaque Henricus, ex insignibus cognitus, per Tartaros, veloci concursu consecutus, cum tribus militibus, quarto Ioanne Iwanowicz ab aliis segregato, vallatus est, cum quibus suis tantummodo tribus stipatus militibus, aliquanto tempore decertabat. Et licet Ioannes Iwanowicz equum recentem à Proscislao Cubiculario Ducali receptum, Duci, penetratis hostium cuneis, exhibuisset, Dux quoque Henricus illo ascenso, Ioannem Iwanowicz (qui sibi viam inter hostes preparabat) secutus, euadere admixtus esset, Ioanne tamen Iwanowicz in ipso cursu vulnerato,

Et nihilominus euadente Duci Henrico cursus et euasio intercipitur,
 Et tertio à Tartaris vallatur. Omni itaqz spe, quatenus euaderet de-
 stitutus, iterum atqz iterum nunc dextra nunc sinistra contra Tartaros
 audacissime dimicat. Verum dum dextra manu eleuata, Tartarum sibi
 obuium ferire vellet, ab altero Tartaro lancea sub ascella transfixus,
 ex equo demisso brachio moribundus defluxit. Quem Tartari clamore
 ingenti, et vocum inconditarum strepitu sublato, capiunt, et extra certami-
 nis locum, quantum geminatus est balistae iactus pertractum, framea ca-
 put abscidunt, corpus, insignibus omnibus detractis, relinquunt nudum.
 Sed et magna Baronum et Nobilium Poloniae multitudo, in praelio hu-
 iusmodi, pro fide et defensione religionis Christianae, felici martyrio
 consumpta fuit. Inter quos ut superius retulimus, Sulislaus frater Wla-
 dimiri Palatini Crac, Clemens Palatinus Glogouien, Conradus Contra-
 domicz, Stephanus de Wierbna et Andreas filius suus, Clemens An-
 dreae filius de Pelczmicza, Thomas Piotrkouicz, Petrus Kuza, fuerunt
 magis clari et insignes. Quam quidem uniuersam cladem et filii necem,
 beata Hedwigis in Crosna degens, per spiritum, ea, quae acciderat, hora,
 cognoscens, Alexei virgini reuelauit. Ioannes Iwanowicz, consequenti-
 bus cum nouem Tartaris, dum fugiendo cum duobus suis Armigeris, Lu-
 dmano militi duos similiter familiares habenti iunctus et aggregatus, in
 nouem Tartaros suos persecutores, in quodam rure, à loco praelii uno mili-
 ari distante, se reficiens, quamuis duodecim vulneribus transfossus, ir-
 ruit, et octo ex illis occisis, nonum pro capturo seruauit. Ordinem quoqz
 Pradicatorum procedente tempore ingressus, religiosè et deuotè (quod
 in tam grandi discrimine à Domino caeli protectus fuerit) vitam egit.
 Mioczslaus uero Dux Opolien cum paucis euadens in Castrum Logmi-
 czen confugit, indignus cui laurea Martyrii cum tot militibus pro fide
 Christi contigisset ~

*Carlo Henrico Duce ac eius exercitu
 Tartari ad arcem Legmiczen applicat.
 Quam cum defendi à militibus uide-
 rent, in Morauiam discedunt. Interim Dux
 Henricus et alii occisi sepe liuntur.*

*M*axima victoria de Duce Henrico et suo exercitu, ceterisqz Du-
 cibus auxiliatoribus suis, Tartari potiti, lectis spoliis, et unicuiqz
 occiso, quatenus numerus interemptorum sciri posset, una auricula
 abscissa, nouem grandes saccos, usqz ad summum auriculis replent, et Ducis

Henrici capite in hastam longiorem erecto, ad Legniczen' Castrum (oppidum enim metu Tartarorum exustum fuerat) applicant, caputqz Ducis Henrici Castrensibus ostentant, & per interpretem, quatenus sibi, Duce suo Henrico victo & occiso, Castrum aperiant, mandant. Sed a Castrensibus convenienti dato responso. Quod pro uno interfecto Duce, plures illis Duces, filii optimi Ducis Henrici super essent, vastatis & incensis his quae circa Liegnieza fuerant villis, in Odmuchow se conferunt, ubi quindecim diebus continuando stativa, omnem per circuitum regionem vastant et exurunt. Exinde Ratiborien' oram adeunt, & in Bolie: szisko octo diebus demorati, in Moraviam cum magna caede secedunt. Corpus Ducis Henrici post dies plures Tartaris Ratiboriam adeuntibus, ad sepulturam quæsitum, dum inter cadauera, eo quod testa truncum esset, dinosci non posset, relicta sua Ducissa Anna signum dante, quod in pede sinistro sex digitos haberet, tandem repertum est, & Wratislaviam deductum in Ecclesia Sancti Iacobi apud fratres minores, solutis omnibus, quae tanti Principis et Athletae Dei, funeri solvenda erant in Chori medio sepultum. In eodem insuper Scti Iacobi Monasterio, corpora Pomponis Mgri Prussiae & fratrum, Clementis Palatini Glogouien', Sulislai fratris Vladimiri Palatini Crac', Conradi Conradowicz, Stephani de Wierbna & filii sui Andreae, Clementis, Thomae Piotrkowicz, Petri Kuza, et aliorum humata sunt. Faemina benedicta Hedwigis Henrici cum barba Ducis Wratislaviensis relicta, dum ad se nuntius tristis, occisionem filii Henrici & totius sui exercitus, denuncians, perlatus esset, omnem animi materni motum in potestate habuit, & nedum lacrymas emisit, sed nec tristem vultum gessit. Ducissam insuper Annam filii sui Henrici relictam, & Sanctimoniales tam ingenti dolore afflictae, a fletu et lamenti cohibebat, asserens casum cladis illius ex Dei voluntate, quae sibi ante innotuerat, procedentem, grate potius quam moleste ferri oportere. Tunc quoqz exultans spiritu, eleuata in Deum deuotione depromebat. Glorifico te, inquit, Clementissime Deus, quod talem filium te donante genuerim, qui in omni vita sua debitum semper mihi praestitit honorem, charitatem et famulatum, neqz unquam praestitit semini aut molestum aut infensum. Quem & si pro conditione mortalis huius et caducae vitae, optarem semper mihi vivere & incolumem esse, magis tamen deligo, glorior & exulto, quod per eius sanguinem, pro te & tua religione effusum, redditus est tibi suo Creatori, cuius animam supplex et prostrata tua Maiestati humiliter commendo. Corpus Boleslai filii Dipoldi Marchionis Moraviae in Lubensi Monasterio in Conuersorum choro sepultum est. Super caetera corpora fidelium, quae in praelio

loco sepulturae mandata sunt, ecclesia in hanc diem durans constru-
cta est. Gladiis autem Tartaricae magnitudo & acerbitas, etiam ex
litteris Apostolicis, Crucem datam pro subsidio Poloniae contra Tarta-
ros continentibus, potest deprehendi, ita enim in illis scriptum reperi-
mus. Porro varia sunt et diversa et admodum gravissima, quae si-
ne interpositione animum nostrum premunt, ut videtur, utgens negotium terrae
Sanctae, instans tribulatio Ecclesiae, et miserabilis status Imperii Ro-
mani. Sed ut verum fateamur, istorum omnium et nostri etiam obliui-
scimur, dum persecutionem Tartaricam cogitamus. Nam pensando ne
per huiusmodi Tartaros pereat, quod absit, nomen nostris temporibus
Christianum, consideratio sola omnia ossa nostra, confringit, medulas
exsiccat, corpus macerat, spiritus & virtutes extenuat, tantumque
nobis adfert angustiae et doloris, quod in extasi quodam modo positi,
nescimus quo nos vertere debeamus.

*Moraviam Tartari vastant Duce
Venceslao in arce munita se continen-
te. Horum Dux unus insignis apud
Olomuncz capitur. Pro quo recupera-
do cum diu et minis et officiis frustra
labora essent tandem in Hungariae abeunt.*

Non minor caedes et strages fidelium, per Tartaros in ipso eorum
in Moraviam ingressu secuta est. Rege siquidem Bohemiae
Venceslao in Castris et tutis locis se continente, Tartari per
omnem Moraviam liberè grassati, uno et amplius mense, tam incen-
diis quam caedibus et variis cruciatibus, nemine aut resistere, aut ferre
auxilium, audente, in Moravos debacchati sunt. Stativa autem illis
iuxta Olomuncz habentibus, Dux unus Tartarorum, apud suos tam
genere, quam armis vir magni nominis, cum paucis suis ad mœnia Civi-
tatis incautius progressus, à militibus Moraviae, suis cum deserentibus
captus est. Captivatori eius ob virtutis insigne & Stella pro armis
& Castrum Sternburgk à Venceslao Duce Bohemiae donata, Cuius
captivitas dum in Tartarorum exercitu vulgata esset, magnus rumor
et eiulatus de captivitate tanti Ducis, in Castris coortus, etiam ab Olo-
muncen exaudiebatur. Dum autem liberationem ipsius nec terroribus
nec aliorum captivorum relaxatione efficere valuissent, desertoribus
et sui corporis custodibus Olomuncensibus traditis (quasi Olomuncen-

magis in eos quam Tartari animaduersuri essent) ab Olomuncz discedunt,
& septimis Castris in Hungariam perueniunt, ac illam flammis ac incendi-
is cædibusqz crudelissimis pessundant ~

*Tartari in Hungariam veniunt.
Quibus Rex Bela cum Colomano
nepote resistere volens, Castris
imprudenter politis potentè exer-
citum perdit. In quo etiã præter Du-
ces cæteros Archiepi duo et Epus
unus interierunt, Rex vero Bela et
Colomanus in Austriam fugere cœ-*

A Vdiens Bela Hungariae Rex Tartarorum Duces Bathi & Cayda-
num, cum pluribus legionibus & innumerabilibus cateruis Tartaro-
rum, bigas et quadrigas, uxores pignora, & imbellem ætatem, plu-
raqz impedimenta secum ducentibus, Regnum suum Hungariae introisse,
& illud in magna parte iam percastasse, ex omni Regno suo militibus &
bellatoribus versus flumen Czissa, tam ex equite quam pedite convenire
iussis, in campum una cum Colomano nepote suo germano, & Curiensi-
bus militibusqz suis descendit. Ad quem cum frequens Baronum & pugna-
torum numerus in magna multitudine, Item Magister Templariorum cum
fratribus ordinis sui, confluxisset, etiam Pannonici Pontifices, vzi Mathi-
as Strigoniensis, Vgrinus Colocen, Archiepiscopi, Gregorius Laurinensis
Epus, & ferè universi Hungarorum Epi, cum aciebus & turmis armatis
signisqz extensis, quasi ad bella armaqz gerenda, non ad sacrificia pro
delictis hominum expiandis offerenda, ordinem suscepissent, conveniunt.
Invasionem autem nocturnalem Bela Rex à Tartaris veritus, exercitum
suum omnem, in spatium coartavit angustum, et per plures dies illic tenuit
statiua. Sub quibus Tartarorum Princeps Bathi, tabernacula Hungaro-
rum, denunciantibus exploratoribus, compressa & coartata intelligens, Tri-
moribus exercitus sui conuocatis, nullam industriam, nullam prudentiam,
nullam militaris disciplinae peritiam in Hungaris, qui se tam arctis spa-
ciis in stando compresserant, docet, ipsosqz in pugnam crastina die ineun-
dam, animas, corporaqz curare iubet. Cumqz altera illuxisset dies, ordina-
tis aciebus in Hungaros irruit. Et quamvis aliquanto tempore primæ
Hungarorum acies resistissent, & fortissimè dimicassent, ad extremum

tamen abundante Tartarorum multitudine conflictæ & cæsæ sunt. Quibus cadentibus cætera omnis multitudo Hungarorum in fugam dilapsa est. Maior autem fugientium pars Tartaro persequente in paludem intra re coacta, aqua et luto suffocata, periit. Vbi duo Archiepiscopi Strigoniensis & Colocensis, & Gregorius Ianuariensis Episcopus, cum magna multitudine Sacerdotum, extincti sunt. Quibus satius fuit se suumque populum, pijs votis, lachrymis, et precibus, in sacris ædibus commorando, commendare tremenda Maiestati Diuinæ, quam accingi armis, & obseruari dies noctesque in Castris. Vnde factum est, ut qui uno agmine ibant, ad vitalem pugnam, uno interitu inuoluerentur ad pœnam. Non solum autem Pontifices et Sacerdotes cæterosque Ecclesiasticos viros, sed et plerosque milites & pugnatōres metu mortis fugientes, palus huiusmodi limosa, dum nec progredi, nec stare, aut fugere, sed nec in hostes conuertere, & honeste fundere animam, luto oblitis & captis, liceret, extinxit. In ea clade Magister Templi, cum pluribus militibus sui ordinis. Item Baronum & militum Hungariæ insignis ordo, occisi. Ambo tamen Principes, dum suos cecidisse, & Tartaros præualuisse animaduertent, ex prælio diffugiunt. Et Bela quidem Rex in Austriam diuertit, et illic in Castro quodam se per plura tempora condidit. Colomanus verò nepos Regius fugiendo, in oppidum Pesth peruenit, ubi notabilem exercitum ex Hungaris & aduenis collectum, offendens, magnopere illi discessionem dispersioneq, asserens, eius aduersus Tartarorum potentiam tenues esse vires, persuasit. Verum cum suadere non posset (agrestis enim & inculta multitudo nulla sana consilia accipiebat) in Austriam & ipse diuertit, & in quodam Castro latuit, exposit verò in Daciam venit.

*Hungarorum ac aliorum Christianorum
exercitus ad Centum et amplius millia rursum
apud Pesth cōuenit. Cui superueniens
Tartarorum multitudo vniuersum cum
iam triduo sustinuisset prælium, partim cæde
partim etiam miserabili calamitate delet.*

Victoria de Rege Bela & suis exercitibus Bathi Tartarorum Dux
relata, in magnam superbiam audaciamque erectus, victorem exerci-
tum versus Pesth ducit, illic enim maxima aduersum se Christia-
norum agmina ab exploratoribus suis conuenisse didicerat. Prælio autem

ab utrisq; imito, tribus diebus acerrime pugnatum est. Et quamvis Hun-
gari cateriq; Christiani, pro victoria admixi fuissent, tertia tamen die ad
vesperam, cessit Tartaris ex occulto Dei iudicio victoria, & reliquiae
miserabilis et miserandi exercitus, a Tartaris absq; ullo pietatis respec-
tu deletae. Centum & amplius Christianorum millia, eo praelio per tri-
duum interfecta. Ad oppida, vicos, et rura per Tartaros discursum est,
et omnis sexus, omnis conditio, omnis aetas trucidata. Et licet Sacerdo-
tes et Monachi cateriq; Ecclesiastici viri, cum processioibus & re-
liquis Sanctorum, illorum placaturi furiam, eorum aduentum exciperent;
Tartari tamen omnibus Ecclesiasticis & ministris Dei, crudelissime ene-
catis, vas a Ecclesiae concupiscibilia, suis nefariis usibus applicantes,
reliquias Sanctorum passim per terram dispergebant, Ecclesiasq; incende-
bant. Oppidum etiam Pesth spoliatum, ignibus subiciunt. Et dum
nonnulli oppidani cateriq; qui se ex fuga receperant, in multitudine de-
cem millium hominum, ad Monasterium Praedicatorum confugissent, &
illic se tutos, defensione interposita, putarent. Tartarorum rabies Mo-
nasterium impugnare aggressa, faciliter illud coquirit, & omnia illa de-
cem hominum millia permiscui sexus, igne inuoluit & extinxit. Dum
deinde in Castra Tartarica plura captiuorum millia ex Hungaris &
feminis eorum adducta fuissent, mulieres Tartaricae, saeuissima cru-
delitate in omnes mulieres Hungaricas, quae speciem aut formosita-
tem aliquam habere videbantur, vsae aut illas interficiebant, aut na-
so, labiis, et auribus, ut deformes efficerentur, truncabant, veritate ne
viri earum specie et forma capti, ipsis contemptis, alienigenis adhererent.
Sed & pueri Tartarorum, matribus eos informantibus et instigantibus,
in pueros et adolescentes captorum Hungarorum sauebant, fuste se-
mel atq; iterum, capita eorum usq; ad effusionem cerebri verberando.
Isq; Tartaricus puer efficiebatur commendabilior, qui fortius & vno
ictu Christianum puerum usq; in mortem caedisset.

*Germaniam et Imperatorem metus
Tartarorum inuasilis*

Cum de Hungarica vulgata adeo vicinas Almanorum regio;
nes terror peruaserat, ut etiam Imperator Fredericus, a Summo
solicitus Pontifice, ut ferret opem Christianis, non de resisten-
do, sed de transfugiendo et latitando omnes cogitationes suas veri-
saret.

*Rex Hungariae pignora praecipua
ex Alba regali ad maritimas regiones
transmittit. Interim Colomanus moritur.*

Rex Bela de ossibus Sanctorum curam gerens, misit in Albam Regalem, & corpus beati Stephani cum aliorum Sanctorum ossibus, & Clenodis, vestibus, ornamentisque Ecclesiae per consortem suam Mariam Reginam, & filium parvulum biennem, ad regiones maritimas ad Spoletum transmisit. Reginam multae matronae nobiles secutae sunt ex Hungaria. Sub hoc tempore Colomanus nepos Belae Regis moritur, & in Monasterio Praedicatorum apud Czusmam sepelitur.

*Boleslaus Calvus Henrici Ducis occisi
filius, minor annis, Poloniae Dux a militibus
eligitur. Qua res Conradum Masoviae et
Cujaviae Ducem plurimum offendit.*

Post obitum Henrici, Cracovien, Wratislaven, ac Maioris Poloniae Ducis, a Tartaris in praelio Legniczen occisi, Barones & milites Cracovien, Sandomirien, & Lublinen, qui cladi Tartaricae superfuerant, terras praefatas Boleslao Calvo filio Henrici commenderant, subicientes se ei & terras praefatas eius ditioni & potestati. Qui earum possessionem nactus, Clementem filium Sulislai de Ruszcza Palatinum Crac constituit, ceteras quoque dignitates, & officia, ac Magistratus, inter alios Barones et milites distribuit. Aegre id ferens Conradus Masoviae Dux, & speretum se a Cracovien Baronibus dolens, vellei in iuriam suam quamprimum statuit, Conventumque ob id, assumptis tribus filiis, Boleslao, Cazimiro, & Semowito, assumpto et Andrea Ploczen Episcopo ceterisque Consiliariis & Primatibus suorum Principatuum, personalem cum Swantopelkone Pomeraniae Duce agit, implorans illius contra Boleslaum Calvum Wratislaven Ducem, & Cracovien milites auxilia. Is etsi se de personali auxilio ferendo, variis allegatis causis excusasset, gentium tamen suarum agmen se missurum spondit, & in tempore constituto misit.

*Tartari in Hungaria biennium
commorati, eam in solitudinem re-
digunt. Tum etiam Cracoviam rursus
venientes inopinate, crudeli-
us quam ante in homines saeviunt.
Bestiarum item rabies et fames
horrenda Hungariam afflixit.*

*H*ungarorum Rege Bela & exercitu eius conflicto & profligato, uni-
versoque Regno Hungariae pervasato, Tartari sedes suas, quasi
regionem illam in perpetuam hereditatem accepturi, in Hungaria
ponunt, & in campestribus inter Strigomium et Laurinum sitis, planitiem pro-
portionatam, & in omnes partes aequaliter porrectam, habentem, stativa
figunt, tabernaculaque in morem suum egesta humo, & pro quolibet taber-
naculo speciali fouea disposita, constituunt. Vbi prope biennium immo-
rati, Hungariam pro parte maiori, agrestibus, tyrannidem eorum ferre
non valentibus, redigunt in solitudinem & desolationem. Sed nec furor
Domini contra Cracoviensem urbem quieuit, sed manus eius adhuc super
eam extensa. Bela siquidem Rege debellato, agmen Tartarorum per
Scepusiensem oram citato & celerissimo cursu in Cracoviam venit, et habitato-
res Civisque illius inermes, & impraeptos reperiens, graviores priore ca-
dem, tam in eos, quam in Polonos residuos nulli conditioni vel sexui dese-
rens, fecit. Unde et quendam Sacerdotem inclusum, cui Bathi Rex in pal-
mis vitam concesserat, occiderunt, et spoliatis Urbis reliquiis, per Oszwiecz-
ensem regionem in Hungariam ad stativa, quae in hanc diem cernuntur, rediit.
Quorum numerus et magnitudo, etiam ex ipsis stativis potest aestimari. Ad
Tartarorum rabiem, etiam bestiarum rabies accessit, aquila, vulpes, & lupi,
in Hungaria grege facto, homines solitarios gradientes invadunt, & victos
crudelibus rictibus deuorant, & discerpunt. Adeo insuper Lammonicas
terras Tartari per biennalem suam mansionem & praedas spoliisque, in solitu-
dinem redegerant, ut praefamis angustia, matres puerorum suorum carmbus
evescerentur, & plerique pulvere cuiusdam montis pro farina utentes, mise-
rabilem vitam utcumque producerent. Tantus autem timor cecidit post-
haec super omnes Provincias, ut quilibet aestimaret ex eorum insultu, quali-
bet die mortem sibi imminere, & terram cum populo perituram. Et hic timor,
multis annis nobiles et ignobiles satis angariavit & afflixit.

Conradus Masouia Dux Poloniam
minorem ingreditur, ac eam sibi sub-
ycit, Boleslao Caluo legmiter defen-
dente, Castrum tamen Skala per Pala-
tinum Crac' pro Boleslao defensum est.

Litera Cracouien' Urbis per Tartaros facta vastatione Conradus
Masouia Dux cognita, sciens nepotem suum Boleslaum Ludicum
Cracouien' Ducem in Hungariam, deinde in Morauiam a facie Tar-
tarorum transfugisse, & praestantiores Cracouien', Sandomirien', Wratisla-
uien', Ducis Boleslai Ludici auxiliares & milites, ipsum quoque Henricum
cum Ducem Wratislauiem' praecipuum eius defensorem, in bellis cum Tar-
taris gestis, occubuisse, & Cracouien' Sandomirien'qz Prouincias, penè va-
cuas esse, occasione temporis irritatus, maximo quoque afflictus dolore, Boles-
laum Caluum filium Henrici Wratislauiem' Ducis in dictos Principatus
succesisse, inducit in animum, ut illas iuris sui faciat. Exercitu itaqz ex
Masouia militibus, item ex militibus Pomeraniae, sibi per Swantopelkonem
Ducem Pomeraniae missis, item ex auxiliariis Pruthenis & Lithuanis, quanto
fortiori poterat, congesto, Cracouien', & Sandomirien' terras, hostiliter ingre-
ditur, & utramqz Prouinciam Crac' vzt & Sandomirien', omnesqz arcas
& munitiones illarum, omnibus se ultro illius potestati et regimini, cum Du-
cem suum Boleslaum Ludicum amplius crederent non reuersurum, dediti-
bus, occupauit. Legotha siquidem de bipennibus cum sua societate &
genealogia illi adhaesit. Clemens vero de Busza Palatinus Cracouien'
& alii, Castrum quod Skala dicitur intrauerunt, volentes illud defen-
dere nomine Boleslai Wratislauiem' Ducis. Conradus vero omisa Castri
Skala expugnatione, Castrum in Cracouia aedificat, incipiens ab Eccl'a
beati Venceslai, a Sanctuario altaris beati Thomae, tendens ad Eccl'am
Sancti Gereonis, et inde usqz ad Eccl'am Mariæ rotundam, rebusqz tali-
ter dispositis in Masouiam reuersus est. Interim Boleslaus Caluus in-
iuriam rescisurus, congregatis suis & nonnullis Teutonicis Cracouiam
accedit, dumqz Castri munitionem non posset expugnare, Conradus cum
exercitu validiori superuenit, cum quo non ausus pugnare, recessit, Clemen-
te Palatino Crac' in Castro Skala relicto.

Anno Domini 1247.

*Conradus Dux nactus Cracouien imperio duris-
simus in Polonos esse cepit. Oppressi
Poloni Boleslaum Pudicum Ducem suum,
dimissis Legatis inquirunt. Interim Contra-
dus Castrum Skala etiam expugnat ac re-
bus dispositis in Masouiam reuertitur.*

Possessionem plenam Cracouien, Sandomirien, & Lublimen Du-
catum, Conradus Masouiae et Cuiaviae Dux nactus, graues
illico vniuersis imponit exactiones, easque & per se & per Offi-
ciales ac Praefectos suos omni miseratione neglecta, exigit, et extorquet.
Et non solum Ciues et oppidanos, agrestesque colonos, sed etiam & Cle-
rum militesque insolitis talibus, et tributis affligit. Ad adificationem
quoque nouorum Castrorum & instauracionem veterum omnes passim
impellit, ratus occupationem praefatorum Castrorum & Ducatum, non
misi per subditorum, ne ad calcitrandum prorumperent, afflictionem
et tyrannidem, sibi posse fieri diuturnam. Quapropter vociferatio
et clamor tribulatores per singula loca audiebatur, querentium se post
miserabilem vastationem et caedem, post clades et strages frequentes,
per Tartaros factas, miserabilius & calamitosius a propriis opprimi et gra-
uari. Missique ex templo in Hungariam et Morauiam crebri perquisi-
tores & nuncii, qui Boleslaum Pudicum Crac' & Sandomirien' Ducem
reperirent, & repertum reducerent, afflictam et multipliciter oppressam
patriam subuenturum. Interim vero Conradus ipse Dux, Castrum
Skala, quod Clemens Palatinus cum suis defendebat, obsidere &
expugnare cepit. Sed Clemens Palatinus, videns sibi et suis pericu-
lum imminere, & nullum auxilium Boleslai Calui superesse, reconci-
liationem et gratiam eius petiuit, & obtinuit, et Skala Castrum ei tra-
dito, eius se Dominio subiecit. Quo tradito et succenso, & omnium Cra-
couien militum societate, ad sui ditionem fide interueniente, adunata,
Castrum in Cracouia quod idem Conradus erexerat, funditus est
disiectum. Talibusque rebus gestis, et huiusmodi ordine compositis,
& Magistratibus atque beneficiis, in milites distributis, in terram su-
am reuersus, per annum in pace quieuit.

*A Boleslao Caluo etiam Polonia maior deficit. Cy-
rus defectione Boleslaus Caluus nil offensus a Hini-
tate etiam cum filiis Otouis iunxit, vni sorore despolata.*

Et nec in Maioris Poloniae & Slesiae terris, res quietae erant,
 ob sauitiam Boleslai Calui filii Henrici a Tartaris occisi pri-
 mogeniti, militibus in defectionem & rebellionem versis. Reli-
 querat siquidem Henricus Maioris Poloniae & Wratislauiensis Dux, a
 Tartaris occisus quatuor filios, videlicet Boleslaum, Henricum, Conradum
 & Wladislaum, et quinque filias videlicet Hedwigim, Agnothem, Constan-
 tiam, Helizabeth, & Gertrudim, ex eadem matre Anna filia Przemis-
 lai siue Othocari Bohemiae Regis susceptos. Occisioneque patris
 Henrici apud Liegnicam secuta, duo filii natu minores Conradus &
 Wladislaus, procurante optima et solerti eorum auia beata Hedwigi,
 literis apud Perusios operam dabant, Boleslaus & Henricus natu ma-
 iores militiam agebant. Verum cum Boleslaus Caluus vocatus, pluri-
 mas & intolerabiles oppressiones, in milites et subditos maioris Poloniae
 ageret, et quoslibet Teutonicos & aduenas quantumcunque pannosos & vi-
 les, Polonorum optimatibus praeferebat, Barones, milites, & nobiles maioris
 Poloniae vniuersi, & signanter Bogumilus Dirschierius, Palatinus Po-
 snaniensis, Secundus Gnesnen, Thomas Posnaniensis Castellani, Domo-
 rathus Iudex Posnaniensis, eius principatum & Dominium saeuum quidem
 & crudele, et quod se ab eo contemptum, & in largitionibus, donationi-
 bus, & Magistratuum atque Dignitatum distributionibus neglectum iri
 cernebant, cum tamen in Almanos effusus et liberalis foret, peritiasi,
 Conuentu apud Posnaniam habito, ad Przemislaum et Boleslaum Du-
 ces, Dominos suos & haeredes naturales, in Castro Vrschie, quod vni-
 cum illis restabat (Nakjel enim per Swantopelkonem Pomeraniae
 Ducem eorum auunculum, fraude paulo ante interceptum tenebatur)
 haecenus demoratos, respiciunt, & Boleslao Wratislauiensi Duce, fra-
 tribusque suis filiis Henrici a Tartaris occisi, desertis, Przemislaum
 et Boleslaum filios Wladislai Othonis in Dominos & Principes reassu-
 munt. Durum iugum et non ferendum, quod eos Boleslaus filius Henri-
 ci a Tartaris occisi, affecerat, excutiunt, & omnia Castra munitioni-
 nes atque Civitates illis praesentant. Sed & Castrum Przementh,
 cuius Praefectus cum illis solus sentire distulerat conquirunt, & Du-
 cibus Boleslao et Przemislao consignant. Quam quidem Maioris
 Poloniae terrarum defectionem, Boleslaus Caluus Slesiae Dux una
 cum fratribus suis, Henrico, Conrado, & Wladislao, filiis Henri-
 ci a Tartaris occisi, iubente et persuadente optima Auia beata Hed-
 wigi, quae terrarum illarum nouerat Henricum cum barba possessionem
 non legitime vendicasse, non solum aequo animo tulit, sed & succes-
 su temporis, cum Przemislao cui Ducatum Gnesnen Boleslao vero fri-

Calisien tenere contigerat, affinitatem iunxit, & sororem suam
germanam in Monasterio Trzebniczen se continentem, non tamen
professam Helizabeth nomine, matrimonio copulavit.

Swiatopelkus Pomerania Dux Cru-
ciferorum opes ac numerum in Prussia
crescentem metuens Prussos ad idola-
triam pertraxit. Moxq; omnes Christia-
nae religionis homines in Prussia exter-
minat, Castra Cruciferorum expugnat, ter-
ram Chelmen vastat, Legato Pontificis
Romani, frustra eum ab hoc scelere dehortate.

Swiatopelkus Pomeraniae Dux, vir plurimum versutus, va-
fer, et callidus, & qui dolis (cum esset ex Cracouien Ducis
tu de genere Gryphonum oriundus) sibi Pomeraniae Ducem
tum, Praefecturam tunc illi nomine Leszkonis Albi Cracouien San-
domirien Ducis, atq; Pomeraniae Principis, agens, falso quaesierat,
considerans fratres Cruciferos, per Conradum Masouiae Ducem, contra
Prutenos gentiles, et Polonis infestos & graues hostes, accersitos, &
quibus Nieszouien & Chelmen terras, donatione conditionali, ut si
ibi et suis posteris Prussia subiugata, redderentur, contulerat, sub bre-
ui tempore creuisse, & Ciuitates atq; Castra, vtz Thorun, Chelm,
Criszbargk, Elbing, Balam, Viszemburg, Borthenskeij, Brunsberg,
& Heijlsbergk, caeterasq; munitiones, cum suffragio et adiutorio Du-
cis Masouiae Conradi, et filii sui Cazimiri, qui in omnes expedi-
tiones cum sua gente, cum Cruciferis ibat, aedificasse, & Primoribus
Prutenorum deletis, reliquos Prutenos, ad suscipiendum lauacrum rege-
nerationis et baptismi, coegisse, vehementer sibi et Ducatui suo Pome-
rae, per tyrannidem et dolum occupato, ne & ipse aliquando illo per Cru-
ciferos exueretur, timere cepit, & multis cogitationibus vexatus & di-
stentus, aduersari Cruciferorum profectui et fortunae, dum tenerae
eorum adhuc essent vires, constituit. Et quo id facilius conficiat, om-
nes Prutenorum nationes, tam Theophitas quam idolatras, ad suum
propositum inclinat, baptizatosq; ritus nefarios resumere inducit. Pro-
pter quod uno die omnes Theophiti ad Idolatriam reuersi, tam Polonos
quam Almanos & quoslibet Catholicos in Prussia demorantes, iubente

Swantopelkone nefarie exterminant. Et strage miserabili ædita, omnia
 Castra et munitiones præter Balam & Erbing, quæ Cruciferi ædifi-
 cauerant, interfectis defensoribus, conquirunt, ac Ducem Swantopelkonem
 in Principem et Dominum assumunt, assergentes se sibi in omnibus quæ-
 cunqz iuberet, parituros. Obsessa itaqz erant & terrestria & aquati-
 ca supra Vislam per Swantopelkonem itinera, & omnes transeuntes,
 hii præsertim qui ditionis Cruciferorum essent, aut trucidabantur, aut
 captiuabantur. Et licet Nuncius Apostolicus Guilhelmus Epus
 Mutinen', per Innocentium quartum ad sedandum huiusmodi malum
 missus, auctoritate Apostolica Swantopelkonem crebris literis &
 nunciis monuisset, quatenus tam execrabile captum omitteret, sed
 ille maiori obstinatio inductus, cum exercitu Pomeramico & Prutemico
 in terram Chelmen' adueniens, omnem igne et spoliis vastauit, &
 quatuor millia hominum aut gladio extinxit, aut cepit. Nihilqz
 in terra Chelmen' integrum præter tria Castra, Thorun, Chelm, &
 Radzin, quæ conquirere non potuit, reliquit. Pro eodem misuper
 tempore per præfatum Guilhelmum Epum Mutinen', qui postea in Sum-
 mum Pontificem promotus, Alexander quartus nominabatur, unuer-
 sa terra Prussia in tres Episcopatus uzi Warmiensem, Lambien',
 & Pomesanien' distincta. Numerus Christianorum a Swantopelko
 Duce Pomeraniae & suis intersectorum, vix poterat aestimari. Itaqz
 sub eiusdem anni spacio, & Tartarica et Prutemica clades prouenit, &
 quod Tartarus attingere non potuit, Prutenus deleuit.

Moravia a Frederico Duce Austrie vastatur.

DVx Austriae Fredericus, Districtum Smimensem cum valido
 exercitu vastans, & conflagrans incendiis, magnam ex Moravia
 prædam in Austriam depulit, illamqz omnem inter milites dispar-
 tit, nullam passus ob id molestiam et aduersitatem.

*Innocentius III. Papa eligitur, et Concilium
 contra Imperatorem Lugduni, celebrat 1213.*

Cum ferè integro biennio sedes Apostolica vacasset, Cardinales
 ut cunqz apud Annamiam collecti, Simbaldum Leodicen' Archi-
 diaconum in Papam eligunt, qui Innocentius quartus appellatus est.

Is anno secundo Pontificatus sui, conatus Frederici Imperatoris, quos benignitate paterna sanare non poterat, oppressurus in Galliam se contulit, & Lugduni Concilium celebravit ~

Villaus Epus Cracouien' moritur B.

In diebus Martii Villaus Cracouien' Epus, cum annis duodecim in Cathedra Cracouien' praesedisset, & ad promouendum Canonisationem beati Stanislai Cracouien' Epi, multa miraculorum sublimitate, iam tunc refulgentis, segnis et tardus foret, moritur, et in Ecclesia Cracouien' sepelitur. Cuius etiam torpor et segnities Falislae Dominicello & militi Cracouien', per quietem monstrata est. Videbatur enim sibi, quod ad Ecclesiam maiorem Cracouien' gratia audiendorum Diuinorum properans, Villaum Epum in pede montis induuis Pontificalibus se spoliante offendisset, vehementer miratus, quid sibi expoliatio ipsa vellent, tacitus cogitabat. Cuius occultis cogitationibus Epus Villaus respondens, inquit. Non mireris si Pontificalibus expolior, & ingredi Ecclesiam meam vetor, quoniam cum annis duodecim Pontifex eius fuerim, nunquam Canonisationem beatissimi Stanislai promouere curavi, & ne in hanc mulpam successor meus Prandotta Archidiaconus Crac' & Canonicus Sandomiriens', de Domo Odromasz et villa Bialaczow ortus, ab omnibus eligentibus, quod nusquam vel raro contigit, via scrutinii concorderiter electus, & in die beati Urbani a Fulcone Gnesnen' Archiepo de mandato Innocentii Papae quarti, consecratus, incidat, monendus est. Praefatus Villaus Epus, cum esset vir prouidus et discretus, Controversiam quae inter tres Epus Cracouien' praedecessores suos, et quosdam milites, occasione villae Kunow annis multis durauerat, coempta ab eisdem militibus villa vicina Bukowno, pro sexaginta marcis argenti, et sex bobus, et uno herpicario, perpetuo sopiuit et terminauit. Redditus Epatus Cracouien' utiliter instruxit, rexit et auxit. Libertatem Ecclesiae defendit, & tranquillitatem conseruauit, Principes terrae in concordia tenuit. Turres tres Ecclesiae beati Venceslai erexit, & plumbo texit. Centum marcas argenti Capitulo Cracouien' legauit, in villa patrimonii sui Koscieliec Ecclesiam de muro in honorem Sancti Adalberti sumptuosè fabricauit. Fratribus suis germanis subuentionem facturis, & eorum releuaturis

necessitatem in syluis & mericis Radlouien' duas villas Labamam
& Drochezam, locari non sine mutilatione bonorum Eccle' concessit.
Quorum pronepotes ex huiusmodi duabus villis precario illis largitis
ius vniuersarum sylvarum Radlouien' sibi vendicabant, vendicassentq;
nisi Sbigneus Cracouien' Epus eorum pertinacem instantiam, iure terre-
stri rescidisset, perpetuorum limitum determinatione.

*Tartarici exercitus pars cum Duce Caydano
Strigomium vadit, et urbe ac arce simul ex-
pugnata, ad Albam Regalem applicant. A
qua repulsus in partes Zagrabien' diuertit Be-
la Rex Spoletum deinde Tragurium fugit.
Hunc Tartari insequen' captiuos trucidatis
Tragurium petunt. Inde cedere coacti ad Cro-
atiam et Dalmatiam veniunt. Tandem iunctis
suis oibus copiis in Regnum Bosnen' deinde
in Seruiam ac Bulgariam commigrant. Vbi ca-
ptiuorum multitudinem crudeliter trucidant.
Bela interim Rex in Hungariam redit. Fames
dein ac luporum rabies Hungariam populatur.*

B *Atthi Dux Tartarorum in stationibus Strigomiensibus cum me-
dia parte exercitus remanente, Caydanus recepta altera parte
exercitus, iuit contra Strigomium, & tam arce quam Ciuitate ex-
pugnata, multos illic peremit mortales, et quamplurima tulit spolia. Ad
Albam regalem applicans, Hungaris egregie urbem tutantibus, exclusus,
discedit, & in partes Zagrabien' procedit. Quo audito Bela Rex ex
Zagrabien' regione diffugit, comitantibus illum Stephano Zagrabien', &
Stephano Vatiem', Bartholomeo quinq; Ecclesien' Episcopis, et alijs Eccle-
siasticis et Baroibus primoribus, vzt Dyomisio Bano, Wladislao Comi-
te Curia', Matthao Magistro Cauernicorum, et Orlando Magistro
Agasonum, et peruenit in Spoletum. Sed nec sibi tutum ibi putans consiste-
re, peruenit cum uxore et omnibus suis in Tragurium. Caydanus au-
tem Hungariae Regem Belam, in omnia loca quocunq; diuerteret, inse-
cuturus, Slavoniam primum (magnam captiuorum ex Hungaris multitu-
dinem, quam in eundo ceperat, crudelissimam, se inspectante, in plana de-
ductam, necari fecit) et exinde Croatiam ingressus, ad Spoletum per-
uenit, et quoscunq; extra mœnia urbis reperit, trucidauit. Hungari*

autem qui in Ciuitatem confugerant, & quorum multitudinem vix Ciui-
tas capiebat, actum de se putantes, maximo metu perculsi, suam et comu-
gum pignorumq; mortem, quasi ex templo capienda foret urbs, deplorabant.
Sed Tartarus parum illic moratus, intelligens Regem Belam quem quere-
batur, in vltiora discesisse, in Tragurium processit. Sed cum illic quoq;
repulsus foret, apud Croatiam & Dalmatiam, aliquot mensibus immora-
tus, in Bosnen Regnum, iunctus simul cum Bathi et his Tartaris qui
cum eo remanserant, aduenit. Exposit Seruiam & Bulgariam intrant,
& data licentia, omni captiuorum multitudini, ut redirent in sua, glo-
meratos omnes, & iam Castra Tartarica exeuntes, crudelissime velut
oues perimunt. Bela Rex ab exploratoribus certior factus, Tartaros ex
Hungaria discesisse in Hungariam cum suis reuersus est. Cladem
autem Tartaricam biennalem, mox fames horrida in annum tertium, fer-
mem vero luporum rabies, cateruatim discurrentium, et obuios quosque
etiam armatos & repugnantes, inuadentium & deuorantium, secuta.
Qui, cadauerum qua Tartarica immunitas occiderat, sollicitati illecebra,
esuriem suam cadaueribus non extantibus, per viuos homines explebant.
Sicq; integro triennio Hungarorum regiones, ferro, fame, & luporum ri-
ctu, vehementissime attrita sunt, & in eam necessitatem adducta,
ut bobus, equis, ceterisq; pecoribus deficientibus, aratri iugo se ho-
mines subycerent, & sic agriculturam exercerent ~

Paulus I. Posnamien Epus moritur.
Cui Boguphalus succedit ~

Pridie Calend Aprilis Paulus Primus Posnamien Epus annis
tribus & triginta, sede Posnamien administrata moritur, & in Po-
snamien Ecclesia sepelitur. Post cuius obitum Boguphalus
Cantor Posnamien & Canonicus Crac, nobilis Polonus de Domo Rosae,
per electionem Canonicam substituitur Calend Maii. Cuius electio
Idus Iunii per Fulconem Archiepm Gnesnen fuit confirmata, in crasti-
no in Presbyterum promotus, in die vero Scti Laurentii per Fulconem
Archiepm Gnesnen ad Pontificii ordinem in Ecclesia Gnesnensi
consecratus ~

Monasterium in Owienka fundatur
et dotatur per Przemislum I. Ducem ~

P Rzemislaus primus Maioris Poloniae et Posnaniensis Dux cultum Diuinum in suis Principatibus aucturus, in villa sua Ducali omienska, propè fluium Wartha sita Monasterium Sanctimomialium Ordinis Cisterciensis fundat, & lateribus coctis tam Ecclesiam quam monasterium, et habitationes pro Sanctimomialibus, fabricat, Ecclesiamqz Monasterii, in honorem benedictae Virginis Mariae et Sancti Ioannis Baptistae dedicari procurauit, Monasteriumqz praedictum villis et introitibus Ducalibus dotat. Fluius autem qui vocatur Struga Omienska, per medium Monasterii decurrit, fluens ad coquinam et alias Monasterii officinas. In quo sunt duo molendina, unum intra septa monasterii, aliud in parte superiori ante Monasterium. Cuius nunc Abbatisa est Catherina de Obormiki, filia Nicolai Skora Castellani olim Calisien, nobilis de Domo Haddanck.

Anno Domini 1743.

Conradus Dux Masouiae Polonos Boleslaum Pudicum expectare praesentens, Conuentione indicta Barones minoris Poloniae captiuat, Clemens tamen Palatinus Cracouiensis in Hungariam efligit. Post duos tandem menses et captiui et captiuitate fugientes, et Clemens Palatinus Cracouiam veniunt ac Boleslaum Pudicum aduenientem alacres suscipiunt. Quo irritatus Conradus cum exercitu aduenit, cum quo Boleslaus Pudicus primum congregi reuocens tandem congressus cum fuerat & superat apud Vchocholice.

Omnium Cracouiensium & Sandomiriensium Baronum atqz militum, Conradus Masouiae Dux, dinoscens a se alienatos animos esse, & in Ducis Boleslai Pudici nepotis sui obedientiam & subiectionem, cum propter sui oppressionem & tyrannidem

tum propter Boleslai Pudici, quod verus & legitimus haeres esset, affectionem et charitatem, gliscentem defectionem, intellexerat siquidem Boleslaum Pudicum cum nonnullis Hungarorum militibus reuersurum esse, satagens rescindere, in mense Iulio Cracoviam aduenit. Vbi honeste et obedienter susceptus, primos et praecipuos Cracovien' & Sandomiriens' Barones, & signanter Clementem Palatinum Crac' de Domino Gryphonum captivare instituit. Conuentum apud Scarbimirien' oppidum (quasi Rebusp. prouisurus, commenta doli in pectore versans, quo modo militibus Cracovien' exterminatis, Cracoviam possit iure perpetuo sine scrupulo retractionis possidere) tertio Calend' Iulii indixit. Vbi cum omnes conuemsent, secundum occultam maliciae diffinitionem dat suis signum, milites Cracovien' captiuandi. Nec mora Przibislaus Wawrzinczowicz, Withek Biemowicz, Andreas Sulkowicz de Miedziwoiedz, Nicolaus Iastko, Sandek de Chodzicza, et alii simplices cum eis captiuantur, & vinculis constricti, in Masoviam deducuntur, & in arctam custodiam retruduntur. Clemens vero Palatinus Crac', cum fratribus, Sulkone, Theodoro, et alijs de medio captiuantium in Hungariam aufugerunt, a Rege protegendi. Captiui autem, et diris mictu: si ergastulis, cum mensibus duobus captiuitatem praefatam perpessi fuissent, compedibus ferreis confractis, sub nocte intempestae caligine, illi singuli euadunt. Et Clemens Palatinus Crac' ex Hungaria, captiuorum solutione audita reuertitur, Diuina enim miseria non deserens praesumentes de se, praedictos viros captiuos, prima die Augusti, a vinculis absolutos, illaesos fecit abire. Qui omnes cum Clemente Palatino Cracoviam venientes, tam arcem quam Ciuitatem, expulsis et eiectis inde Contradi Praesidibus in suam redigunt potestatem. Aduenienti quoque Boleslao Pudico Duci suo cum consorte sua Kinga ex Hungaria & Moravia, cum magno plausu et iocunditate occurrunt, et consentiente atque rogante Prandolha Crac' Ep'o, ipsum in Ducem & Dominum iure, iurando illi praestito, assumunt. Quorum exemplum caeteri nobiles & Armigeri Cracovien', quibus Castra et munitiones Conradus Dux Masouiae commiserat, secuti, sibi Castra & munitiones, pacti vitam & ueniam, reddunt. Quo rumore Conradus Masouiae Dux excitus, versus Cracoviam, stipatus gentibus multis Masouitis, Lithuanis, Iaczwingis, & caeteris barbaris, processit. Et dum pugnandi copiam Boleslaus Pudicus non faceret, maemia defendere contentus, Conradus Dux Masouiae, beati Andreae Apostoli Ecclesiam, extra muros Cracovien' sitam, & Sancti Georgii, in Castra incastellat, & fossatis vallisque dispositis, valido imposito praesidio Castello Scti Andreae,

Bogutha militi Cracouiē, hic Armiger erat, commendato, in Masouiam
 cum potentiori exercitu mox rediturus, discedit. Post cuius discessum
 Castellum Sancti Andreae per Bogutham eius Praesidem Boleslaus Pu-
 dico redditum est. Et omnis hostilitas, quae Cracouiē urbi imminabat,
 amota. Vocato itaque Duce Opolienē Mieczslao, qui Henricum Wrati-
 slauienē Ducem in praelio Tartarico deseruerat, vocato Przemislaō
 Posnamienē Duce, vocatis Lithuanis et Iaczmungis in sui auxilium,
 Conradus praefatus Masouiae Dux et filius suus Cazimirus, ter-
 ram Sandomirienē hostiliter ingrediuntur. Quibus Boleslaus Pudi-
 cus Crac' Dux, cum suis militibus Cracouiē et Sandomirienē, et si-
 gnanter Clemente Palatino Crac', iam ex Hungaria reuerso, et Flo-
 riano Palatino Sandomirienē, et nonnullis Hungarorum militibus, in Su-
 chodol occurrit, et octavo Calend' Iunii praelium committit. In quo
 etsi Conradus Masouiae Dux, tam numero quam robore militum supe-
 rior esset Boleslaus tamen Pudicus Crac' Dux, qui iustius arma indue-
 rat, et pro quo sine intermissione sacrificia et supplicationes fiebant ad
 Deum, Conradum Ducem et suum exercitum Diuinitate propicia confregit
 et debellauit, et pluribus occisis, pluribusque vulneratis, ipsum etiam Du-
 cem Conradum, Ecclesia Cracouiē et suo Antistiti Prandothae, quid
 eius consilio et industria, Ducatum Crac' sibi querebatur ademptum, saeue-
 ra et crudelia mimtanti, et filium suum Cazimrum, item Mieczslauum,
 Ducem Opolienē, Przemislaum Posnamienē Ducem, in turpem fugam egit. Bo-
 leslaus Pudicus Dux obtenta victoria modestē usus, plures captiuos sol-
 uit, ceteris munificum se praestitit. Exercitus suus magna praeda varia-
 rum nationum ditatus, victor reuersus, residuas munitiones, quae pro Con-
 rado Duce Masouienē, in Cracouiē Sandomirienēque Ducatibus teneban-
 tur, aut deditiōne accepit, aut vi expugnauit. Vides ne qualis fuerit
 fides in pectore Conradi Masouiae Principis? qui priori crudelitate ty-
 rannideque olim in Cristino Palatino Ploczenē cecato et iugulato, item in Ar-
 noldo milite occiso, item in Ioanne Cancellario suo et Scholastico Ploczenē
 et Wladislauienē crudeliter suspensio, parum contentus, nullas exhorrebat
 carnificationes, dummodo pupillum et nepotem suum germanum ex sua sorte
 et hereditate deiceret. Turpis haec et pestifera lues et perniciēs exempli,
 ut unde mansuetudo disciplinae debuerat prodire, et fidei puritas eluce-
 scere, ibi fides et aequitas naufragium paciebatur. Discant itaque posteri
 abstinere a Principe, cuius fides sorduit tot signis, totque indicibus euidentibus
 prodita suppliciorum, sibi et posteris suis inurens ignominiam et labem
 sempiternam. Victorioso huiusmodi triumpho secuto, Milites Cracouiē
 priori assumptione Boleslai Pudici Cracouiē et Sandomirienē Ducis non

contenti, iterum illum in suum Ducem assumunt, & Brandotha Episcopo
Cracouiensi cooperante, eum in Ecclesia Crac solenniter, re Divina exple-
ta, argento circumfusus, introuisant ~

*Cruciferorum ordo Swiatopel-
konem ulturus Castrum illius Zar-
thawicza clam noctu capit. Tum Ca-
simirus Curiaui, et Przemisslaus
maioris Poloniae Duces, Crucife-
ris auxiliantes, Vi Izegrod et Na-
kiel capiunt, ac Castrum nouu
Lbq Schin erigunt. Opera tandem
Legati Apostolici oblidibus da-
tis Swiatopelkui Ducibus Polono-
rum ac Cruciferis reconciliatur.*

Theodoricus Cruciferorum de Prussia Marschalcus, considerans
potentiam Swantopelkonis Pomeraniae Ducis, ex assistentia Pru-
tenorum roboratam, et connexionem mutua, se & ordinem suum fra-
ctum & peno exterminatum fore, vocatis Senioribus de ordine, quid fa-
cto opus sit consultat. Et nemini quidem placebat aperta vi, cum multam
gentem haberet, cum illo in dimicationem venire, periculumque euidens
incidere. Itaque consensu omnium decretum est, ut particularibus pra-
liis et inuasionibus vexaretur, primumque Castrum sui quod Zarthawicza
vocabatur, clandestina & nocturnalis tentaretur interceptio. Itaque iuxta
eam deliberationem praefatus Theodoricus in vigilia beatae barbarae, cum
viginti quatuor tantummodo uiris, ad Castrum Zarthawicza, perueniens,
scalis apposis, cum negligentius custodiretur, illud conscendit, et fir-
mioribus locis atque turribus occupatis, captis uigilibus, cum caeteris quin-
quaginta numero uiris, erat illis a noctis medio usque ad Solis ortum cer-
tamen. Quos cum partim occidissent, partim in deditiorem accepissent,
reliquo etiam omni quod illic Swantopelkus seruabat deposito, sed &
corpore quodam Sancto (quod quidem Sanctae barbarae ferunt) potiti sunt.
Quam etsi nonnulli asserunt eam fuisse, quae in Antiochia martyrio con-
sumata est, alii tradunt in Pomerania alteram eiusdem nominis fuisse,
& tam uirginitate quam caeteris uirtuosis operibus sanctitatem meruisse.
Quae res, ut caeterae, Scriptorum penuria, in caliginem uel potius obliuione

versa, quid veritatis contineat, parum constat. Swantopelkus & si tam suorum quam Prutenorum fultus suffragio, Castrum Lartawicza obsidione cinxisset, sub ipso tamen obsidionis tempore, dum expugnatio illius non procederet, in Chelmen' terram cum medietate exercitus descendens, medietate apud Lartawiczam relicta, per Theodoricum Marschalcum, & Cazimirum Cuiaviae Ducem filium Conradi Masouiae Ducis, victus, & Castris utrisque exutus est. Dux insuper Maioris Poloniae Przemislaus, a Theodorico Marschalco, et Cazimiro Cuiaviae Duce rogatus, cum potentia gentium suarum aduenit, & potentius unitis, primum ad Castrum Wiszegrad in terra Pomeraniae situm processum est. Quae expugnata, etiam omnis terra Pomeraniae vastata, atque flammis exusta est, & magna multitudo virorum et feminarum in captiuitatem ducta. Exinde ad Castrum Nakiel, quod Swantopelk sub Ducibus maioris Poloniae, Przemislae & Boleslae interceperat, ventum. Quod illico Pomeraniae, cuius tantummodo cum paucis rebus pacti, Przemislae et Boleslae Ducibus tradiderunt. A quibus quidem Ducibus Castrum Lbasz in eo anno erectum et constructum est. Swantopelk autem et Polonorum et Cruciferorum potentiam veritus ne potentius unitis, sua sequeretur ex Pomerania expulsio, cum Theodorico Marschalco et Cruciferis, per operam Guilhelmi Legati Apostolici in concordiam rediit, filiumque suum Msczugium, Item Wejath Comitem, & Vimarum Burgrabium, obsides dedit. Qua celebrata Cruciferi, omnibus captiuis Swantopelko redditis, Castrum Lartawicza nullatenus reddere voluerunt, propter cuius restitutionem, concordia per Swantopelkonem fuit principaliter acceptata.

*Hospitale Scti Ioannis in Gne,
Ina Monasterio Miechouienli
commendatur et subycitur.*

P Przemislaus Maioris Poloniae Dux cum fratre suo iunior Boleslae, et genitrice eorum Hellinga, Miechouien' Praeposito & Monasterio, ac ordini Sancti Sepulchri Dominici Hierosolymitani Sancti Ioannis in Gnesna, de consensu Fulconis Archiepi, et sui Capituli Gnesnen' subyciunt, & conferunt, curam et administrationem egerorum, et regimen temporalium eiusdem hospitalis committendo, ordinando et statuendo, ut in praefata hospitalis domo, cunctae languidae et miserabiles personae foueantur, et aliqui Scholares pauperes, et quod singulis Magister praefatae domus teneatur providere de necessariis et expensis.

*Prutheni terram Plocensem
iterum populantur ~*

Ploczen Ciuitas altera vice per Pruthenos, Ciuibus in Castrum,
Ploczen euadentibus, una cum Monasterio et Domo fratrum Prae-
dicatorum. Sed et terra Masouiae in circuitu Ciuitatis Plo-
czensis in magna parte per eosdem Pruthenos depopulatur et vastatur ~

*Diua Hedwigis Ducissae mors,
et vitae eius commendatio ~*

Fœmina nobilissima et ill^{ris} Hedwigis Ducissa Wratislauen-
Henrici cum barba relicta, magna et euidenti in uita pollens san-
ctitate, Septimo Idus Octobris moritur, et in Trzebmicensi
Monasterio, a se et viro suo fundato et dotato, sepelitur. Cuius cor-
pus, quod in uita Croceum et exangue, abstinentiis et ieiuniis confectum,
erat, in morte splendidum apparuit, speciem habens corporis glorificati.
Quae beati Stanislai Martyris Canonisationem in spiritu praeuidens futu-
ram, et in loco Mon^{rii} Trzebmiczen, in parte sinistra Chori, altare illi di-
candum fore praedixerat, monens sorores ut locum illum, magna deuotio-
ne incolerent, asserens maximo Sanctorum illum consecrari oportere.
Quae omnia prout praedixerat euenerunt. Haec per annos octo et viginti,
caelibem vitam ducens, ab omni illecebra carnem et spiritum custodiuit.
Et quod humanis stupendum est sensibus, inter spinas thori maritalis, una
cum eodem ill^{mo} marito suo Henrico, sicut lilium genuit, et tanquam
aurum in medio micendiū probata voluptatum ignibus per totum tempus
praedictum, aestuata non est ~

Anno Domini 1244.

Conradus Masouiae Dux rursus cum exer-
citu Poloniam intrat, et terras Lublinen-
et Szieciehouien, item praedia Epatus Craco-
uien crudeliter vastat et incendit. Hunc
Prandotha Epi^{scopus} Cracouien^{sis} publi-
ce excommunicatum pronunciat &c.

Castellam suam apud Suchodol acceptam, Conradus Masouiae Dux
 ulturus, Lithuanos, Pruthenos, & Iaczwingos, contra nepotem su-
 um Boleslaum Pudicum Crac' Ducem, a quo conflictus fuerat,
 & contra terras suas, prece et precio subornat. Qui terram Lublinensem
 in copiosa multitudine equitum et peditum ingressi, ipsam usqz ad flu-
 men Vistla, nullo ferente opem, barbarico more crudeliter, omnes Catho-
 licas inflammando Ecclesias, Item Sziecziechouien' & Lukouien' Distri-
 ctum, vastarunt et praedam ridentem, tam hominum quam pecorum Tre-
 rum, in terras suas transportarunt & abegerunt. Ab eo quoqz tempo-
 re terra Lublinen', tam nobilibus et militibus quam agrestibus & colomis
 optime locata et possessa, cepit redigi in solitudinem et desertatione.
 Sed et in caeteras vicinas regiones, ne similem vastationem barbaricam
 experirentur, tantus pavor iniectus est, tantaqz trepiditas Sandomirien'
 milites cepit, ut Boleslao Pudico Cracouien' Duce, suo proprio Domino
 et naturali herede, deserto, deditionem, vniuersorum voluntate acceden-
 te, Duci Conrado, quem nouerant barbaros in Lublinensem terram subdu-
 xisse, ultro facerent. In Prandotham vero Cracouien' Epum, quod cum
 caeteris militibus Sandomiriensibus sentire noluit, et Boleslao Pudico Du-
 ci Cracouien' puro, fideli, et vniiformi tenore adhaesit, Conradiqz Ducis
 conatibus perseueranti constantia resistit, Conradus ipse furorem vehe-
 mentem euomens, missis armigeris, Curias Episcopales in terra Sandomiri-
 ensi consistentes, vlt Tharszen', quae nunc Bodzaczinensis appellatur,
 Kielczensem, Kunomiensem, primum spoliatas incendit, et villas praedi-
 ficatorum trium Districtuum, multiplici spolio afflixit, et omnem praedi-
 ctam ex Curis et villis Episcopalibus congestam, in Masouiam abegit.
 Prandotha autem Cracouien' Epus vir pectoris heroici, nihil huiusmo-
 di incendii et spoliis consternatus, a fide et subiectione Boleslai Pu-
 dici, auelli non potuit, quin etiam Ducem Masouiae Conradum praedi-
 ctum, Censuris Ecclesiasticis et anathemate, sua auctoritate suoque
 processu excommunicari et anathemari, ab vniuersa Polonorum Ecclesia
 mandauit. Cuius processum et Censuras Fulco, qui et Pelka, Gnesnen'
 Archiepus, indicta ob id apud Lancitiam Synodo, confirmans, manda-
 uit Ducem Masouiae Conradum, velut violentum bonorum Cracouien'
 Ecclesiae raptorem et incendiarium, atqz iniustum inuasorem, omni-
 bus Prouintialibus Episcopis consentientibus & laudantibus anathema-
 tizatum in singulis Ecclesiis denunciari, & pro excommunicato &
 anathematizato haberi ~

Fratres Praedicatorum Plozkam introducti.

Ordinem Prædicatorum Conradus Masouia Dux in Dominis & terris Masouia plantaturus, fratribus Ordinis eiusdem, ex Conuentu et Domo Cracouien Sanctæ Trinitatis petitis et acceptis Ecclesiam et Monasterium sub titulo Sanctæ Trinitatis in Suburbanis Ciuitatis Ploczen fundat, illicqz fratres Prædicatores locat.

Daniel Ruthenorum Dux opportuni-
tate temporis nata afflictam Ciuita-
tem Lublinensem et arcem illius capit.

Ruthenorum & Kiouien Princeps Daniel, terram Lublinensis solitudine et desertatione comperta, exercitualmente in Lublin adueniens, tam Castrum quam Ciuitatem capit, et uniuersam terram Lublinensem sibi appropriat et usurpat. Et quod sibi & suis posteris diuturnior sit illius occupatio, turrim rotundam ex coctis lateribus in Castri medio, habentem in Summitate circuitum et propugnacula, mira celeritate ædificat, Castrumqz et Ciuitatem fossis et vallibus profundis fortificat, et omnes Lublinensem terram milites sibi parere coegit.

Fratres Prædicatores de Szodka Posnamiam Przemislaus Dux transtulit, et Slesie Ducis filiam in uxorem accepit.

Przemislaus Maior Polonia Dux, cum fratre suo Duce Boleslao et matre Helmiga, monasterium fratrum Prædicatorum transfert de Szodka in Ciuitatem Posnamien ad Ecclesiam parochialem Sancti Gothardi, de consensu Boguphali Epi Posnamien. In cuius recompensam Ecclesiam beati Adalberti contulit Epi Posnamiensi cum iure patronatus. Qui etiam Przemislaus Dux filiam Ducis Slesie sibi iungit matrimonio.

Conradus rursum terram Cracouien ingressus, eam turbat affligitqz.

Conradus Masouia Dux vastatione terram Lublinensem parum satiat, Cracouien terram, forti iterum deducto exercitu, noua.

Castra nouasqz munitiones erigendo, illisqz praesidia militum imponen-
do, affligit. Quae dum eo discedente per Cracouienses milites, expulsis praesidiis, qui sponte se dederantibus, fuissent occupata, Conradus Masouiae Dux iterum rediens, nonnulla expugnauit, & diruit expugnata, Boleslaum Pudicum Cracouiensem Ducem nepotem suum et terras suas, tam per se quam per barbaras gentes, multifarie conquassando. Miserabilisqz tunc erat terrarum Cracouiensem Sandomiriensem, et Lublinensem condicio, externo a barbaris, et domestico a propriis, bello, vexatarum.

*Prutheni terras Masouiae, Conrado ablen-
te inuadunt. Sed cum onusti praeda re-
deunt, a Masouienibus opprimuntur.*

Ad indignationem et apertam hostilitatem Prutheni barbari, contra Conradum Masouiae Ducem versi, quasi illis pro assistentia & labore, quibus illum in deuastatione terrae Lublinensem contra nepotem suum Boleslaum Pudicum Crac et Sandomiriensem Ducem adiuuerant, parum iusta retributione respondisset, Equestri exercitu comparato, terras suas Masouiae (Swantopelkone Lomeramiae Duce, ad id illos pellicente) scientes Conradum Ducem cum praestantioribus militibus, in terrae Cracouiensis conquisitione occupatum esse, inuadunt, et caedibus spoliisque agrestes affec-
tos, etiam oppida et rura incendunt, et usqz ad Cziechanow grassantur. Cumqz iam multiplicem praedam hominum, pecorumqz secum uehentes, regredi disponderent, a militibus Masouien et Lancien circa Cziechanow tertio Idus Iulii inuasi, et praelio conserto, licet acriter resistissent, confusi et oppressi sunt, et nongentis cadentibus, Ducentis captis ceteri effugerunt, praeda omnis hosti excussa, agrestibus qui et ipsi ad vincendum suas operas nauarunt, reddita est.

*Quatuor filii Ducis Henrici Wratislaui-
en a Tartaris occisi, heredita-
tem paternam inter se partiuntur.*

Beata Hedwigi relicta olim Henrici cum barba Ducis Wratislauieni caelestes mansiones migrante, nepotes eius, filii Henrici a Tartaris occisi, cum essent quatuor numero, & duo militum, & duo literis intenderent, Principatum Wratislauiensem, in duas tantummodo sortes diuidunt.

vñ Wratislauiē & Legniczen, ea spe et conditione, ut quoniam Conra-
 dus, et Wladislaus natu minores, in sortem Clericalem (iam enim Conrado
 in Subdiaconum promotus Epātus Bambergē, Wladislaō Archiepātus
 Salzburgen, destinati fuerant) credebantur transituri. Conradus in
 sorte et portione quā Boleslaō, Wladislaus in sorte, quā Henrico obue-
 niret, includerentur, ex morte aut resignatione ipsorum, sortes præfatas,
 perpetuo possessuri. Missis itaqz sortibus, Boleslaō Wratislauiē, Hen-
 rico Legmiczen portio contigit. Quā quidem diuisione celebrata, Et tandem
 literis firmata, Ducissa Anna, præfatorum Ducum genitrix, Thoma Wra-
 tislaien Epō assumpto, Boleslaum in Wratislauiē, Henricum in Legmi-
 czen, Principatus, induxit. Sed Boleslaus vocatus Caluus, illicō diuisio-
 nis taliter celebratæ pœnitere cepit, et Legmiczen sortem existimans præ-
 stantiorē, certusqz iam existens, Conradum suæ portioris sortem velut
 Subdiaconum, & in Bambergē Epū breui promouendum, nusquam esse
 repetiturum, sortes cum fratre Henrico commutat, & Legmiczen sorte
 accepta, cedit de Wratislauiē Henrico. De quo iterum prioribus lris
 irritatis, nouæ confectæ sunt. Verū interim Conradus Clericalem
 sortem fastidians, studio et Epātu deserto, in patriam rediit, & de sorte
 Legmiczen, alteram cum Boleslaō expetebat diuisionem celebrari. Cui
 etsi Boleslaus Caluus, primū blanda dederit responsa, sperans illius ani-
 mum temporis processu, consilio meliori sanari. Conrado tamen perseue-
 rante a proposito, illum a se negata portione exclusit. Qui ad alterum fra-
 trem Henricum se contulit, a quo benignē habitus et tractatus est. Wla-
 dislaus verō, qui in consortem Henrico cesserat, in Salzburgen Archie-
 piscopum promotus, Ducatum Wratislauiē Henrico fratri integrum &
 immutatum reliquit.

Templariorum ordo annis Centum
 octoginta quor durans excluditur.

Ordo templariorum subito in variis regionibus Christianorum de-
 struitur, mirantibus vniuersis, quomodo tam magni Domini sic inspe-
 rate poterant opprimi & extinguī. Qui ordo annis Centum octogin-
 ta quatuor durauerat.

Swiatopelkus Pomeraniæ Dux, rupta
 concordia terram Ohelmen Crucitero-
 rum ingreditur, et se insequen Cruciteros
 prælio fudit, Marschalco quoqz eorū occiso.

Temerata concordia, & iureiurando, quod Swantopelkus Pomeraniae Dux, cum fratribus Cruciferis pepigerat, violato, venit Swantopelkus cum Lithuanis, Iaczwingis, et Prutenis magno exercitu glomeratus in Culmensensem terram, illamque affecit caede, incendio, et praeda horribili, & animas innumeras, pecorum more, in Chelmenensi terra captas, perpetuam servitutem experturas, secum duxit. Cruciferi vero deliberabant, qualiter possint et praedam de hostium manibus excutere, et victoria potiri. Et Theodorico quidem antiquo Marschale, suas et hostium metiente vires, placebat, certamen ex iniquo loco et callide agi, et non nisi medietate hostium paludem transgressam, reliquam medietatem a tergo, ne primi ex tremis adiutorio esse possint, inuadi. In quam sententiam omnes prudentiores ibant. Verum novus Marschaleus Berlwinus, non probabat id, asserens barbaros, si adorti in fronte non fuerint, omnes captivos, omnemque praedam facile abducturos. Quod consilium, a maiori parte approbatum, ceteris tamen remittentibus, dum exequi pergunt, barbarosque iam flumen Ossa transgressos consequuntur, ad quorum conspectum plerique barbari, in arces & munitiones cum captivis et praedis se recipiunt, Swantopelkus vero cum ceteris, Cruciferorum paucitate conspecta, pugna inita ad paludem, quae Reuszin dicitur, Cruciferos configit, Marschalcoque interempto, vix viginti effugientibus, ceteros omnes trucidat. Sed et exercitum, qui Cruciferis in auxilium post ex Thorun venerat, prima victoria potitus, aggressus, vincit & prosternit, magnaque hilaritate & tripudio ovens, praedis et spoliis interfectorum onustus, in propria victor, redit.

*Swantopelkus, per Cives Chelmen,
corruptos, obliques datos et praecipue
filium liberare conatur. Quod cum
non succedit, vi id extorquere tentat.
Cruciferos varie affligit, utque omnia
commoda illorum impediat. Castra duo ad
fluvium locat et Civitatem populatur.*

Non secus barbarorum victoria ex Cruciferis relata, quam propria, Swantopelkus Pomeraniae Dux exhilaratus, ad Remkam Aduocatatum, nonnullosque Culmen Cives, nuncios mittit, literasque scribit, rogans, premiumque promittens, ut Casto Chelmensi irrupto, ad quod illis pro beneplacito patebat introitus, filium suum Msczugium ceterosque

obsides soluerent, sibiq; redderent. Quod cum se Remka Advocatus ca-
teriq; Cives Chelmen facituros spondissent, unus ex servitoribus Cru-
ciferorum Ioannes, vulneribus in praelio confectus, proditorem intelligens,
Crucifero Castrum Chelm tenenti, indicat. Quo ausamento Capita-
neus sumpto, Remkam Advocatum et Cives Castrum ingredi volen-
tes, excludit, & in Castrum Lanthauicza nocte Mszczugium filium
Swantopelkonis, & alios obsides vinctos, omnibus si mutire auderent in-
terminatus mortem, transportat. Intelligens autem Swantopelkus dolos
suos, quos in liberationem filii et obsidum machinatus fuerat, detectos
esse, Culmensem Civitatem et Lanthauiczam, missis clandestine qui-
busdam satellitibus, procuravit igne immisso, conflagrari. Vallatus
quoq; Pruthenorum, Lithuanorum, & Iaczwingorum multitudine, in Cu-
iavien' terram venit, & eam fidelesq; Christianos, suo et barbarorum
brachio (quibus aequè ac Polonis propterea magis quam Cruciferis infe-
stus erat, quod Cazimirum Ducem Cuiaviae filium Conradi Masouiae
Ducis omnes expeditiones contra se ac suos cum Cruciferis frequentare
nouerat) vastat et opprimit, pluribusq; interfectis, plures etiam in
miserabilem captivitatem deduxit, et uniuersam terram Cuiaviae per in-
cendia et stragem barbaricam perdidit et vastauit. Cumq; Legatus Apo-
stolicus Vilhelmus Epus Mutinen', et Scriptis & nunciis Swantopelkonem
super his corripere, ille stomachando respondit, se a persecutione hostium
suorum, & praesertim Cuiaviae Ducis et Polonorum, nedum propter Apostoli-
cum Legatum, sed nec propter solum Papam cessaturum, & nisi sibi filius
obses cum ceteris reddatur, cominatus est se omnibus conatibus, tam Polonos
quam Cruciferos, bello vexaturum. Et continuo in Chelmen' terra aedifi-
cauit Castrum Lanthir, ad ripas Vistulae, & nullam nauem missiliatam re-
liquit. Cruciferi tot malis angustiati, Samborio fratri germano Swan-
topelkonis, Castrum Lanthauiczam per eos interceptum (si Swantopel-
kus pacta cum eis inita, se seruaturum, & barbaris suffragia non ministra-
turum, asscuraret) offerebant resignaturos. Sed dum Swantopelkus &
Castrum Lanthauicza, et filii restitutionem requireret, Cruciferi filium Swan-
topelkonis in Austriam per triginta Armigeros, quos illis Fredericus Austriae
Dux in auxilium miserat, transmittunt. Swantopelk liberationem filii of-
fecturus, quiescere non valens, in terra Pomeraniae Castrum nouum Swie-
czie, ad fluenta Vistulae, ubi Vistula fortissimos et rabidos aedit vortices
ut navigationem omnem impediret, construere capit, Cazimirus vero Dux
Cuiaviae, et Popo alias Lipinus Magister, cum Cruciferis et gentibus non
paucis, Swantopelkonem ab operis noui constructione repulsuri, in nauibus
adueniunt, & multa in destructionem nouorum aedificiorum, aedificando

insuper aliud Castrum Puthirborgk ē regione Szwieczie, moliti, capto irrito
discedunt, Smantopelkus & Castrum Szwieczie consumat, & Lanthir
militibus & victualibus implet ~

Anno Domini 1745.

Privilegia libertatum Ecclesiarum Gne:
Snen et Posnamien, maxime quod hæc ius
etiam cudendi monetam haberet, Baro:
nes Polonia tollere, aut saltem imminuere
frustra contendunt. Ducibus eo magis has
ipsas libertates Eccleæ confirmantibus ~

AD libertatem Ecclesiis Gnesnen et Posnamien, per Wladislaum
Othonis Ducali munificentia largitam, rescindendam, Barones &
Militares Poloniæ uniuersi, solo liuore acti, conspirant, magnisq;
illam studiis & interpellationibus apud Przemislaum & Boleslaum Ma:
ioris Poloniæ Duces, precantur cassari. Quæ etsi nulli eorum afferebat præ:
iudicium vel grauamen, offendeantur tamen quàm maxime Ecclesiasti:
cas sortes villas et prædia liberas esse, suis consistentibus sub graui serui:
tute & tributis. Altius tamen libertati Ecclesiæ Posnamien erant infe:
sti, in quam nonnulla iura Ducalia, de moneta, iure suo et imagine fabri:
canda, erant transfusa. Przemislaus uero et Boleslaus Maioris Polo:
niæ Duces, Baronum et militarium suorum, nullis precationibus, nullis in:
stantiis frangi, et ad propositum eorum moliri poterant. Turpe rati Prin:
cipis et parentis sui Privilegium in Dei honorem & Ecclesiasticam liber:
tatem donatum, violatum iri, cum uolatio ipsa, & Diuinitati contumeliam, &
ipsis inureret dedecus sempiternum. Confutatis itaq; & reiectis eorum friuolis
instantiis, libertatem Ecclesiis a genitore eorum Wladislao Othonis donatam,
ne a quoq; posset in posterum reuocari in ambiguum suis specialibus lris immo:
uant & corroborant, & in foris Ciuitatum & Castellorum præconum uoce iu:
bent illam firmam & illibatam censer, ab omnibusq; suis subditis inteme:
ratè custodiri. Conuentu deinde generali & Curia solenni apud Gnesnam
indicta, Przemislaus Dux natu maior fratrem suum iuniorem Boleslaum, in
crastino beati Adalberti, in Gnesnen Eccle, Fulcone Archiepō missam solenni:
ter decantante, sub præsen Boguphali Posn Epī, & multorum Maioris Polo:
niæ Procerum, militari cinxit balteo, et variis ludis atq; choreis celebratis,
Athletis Ducalia largitus est munera ~

*Cazimirus Cuiaviae Dux nouem die,
bus Pomeraniam libere vastat, quod
praedam referentem Swantopelkus
Dux, sed infaeliciter consequitur.*

*C*azimirus Cuiaviae & Lanciciae Dux, filius Conradi Masouiae
Ducis, copiis maioribus, quibus poterat, contractis, in terram Cul-
mensem aduenit, & cum fratre Popone Crucifero, nonnullisque
aliis Cruciferis, item cum Henrico Lichterstejn, item Druszeliff.
(Pincerna hic Ducis Frederici Austriae erat.) & paucis quibusdam
aliis peregrinis, qui ex Austria Cruciferis opem laturi, gratia praedi-
catae Cuiaviae, venerant, ordinatis aciebus in Pomeraniam ingrediuntur,
vastationem de Chelmen & Cuiavien terris, Swantopelkoni digna vi-
cissitudine refusuri. Et Swantopelk quidem cum suis Pomeranis, cum
Cazimiro & Cruciferis decernere non ausus, Pruthenos quos in sui auxilii-
um acciuerat, praestolabatur. Interim Cazimirus Dux cum Cruciferis
& peregrinis militibus, plurima oppida & vicos nouem diebus in Pome-
rania exurens, praedam magnam ex ea ducebat. Quem Swantopelkus Pru-
themis aduenientibus, consecutus, & a fronte & a tergo inuadit. Hen-
ricus Lichterstejn, & Druszeliff Pincerna, praeda in Pomerania capta
precedente, ante signa ibant, quos Pomerani & Prutheni facili negotio fun-
dunt fugantque. Swantopelkus cum tribus cohortibus in Cazimiro & Cru-
ciferos, adeo animose & constanter inuectus est, ut nonnulli desertis or-
dimibus, in praecipitem se darent fugam. Erat Duci Cazimiro miles quidam
Signifer Martinus Cruszuiensis, hic sua adhortatione milites in locis
continuit. Conserta itaque pugna acerrime pugnatum est, & neutra par-
te pedem referente. Henricus Lichterstejn, cum nonnullis de Austria
superuenit. Druszeliff enim Pincerna non nisi in Thorun fugam sistere
potuit. Swantopelkonis exercitum a tergo inuadit. In momento itaque Swan-
topelkus cum suis contritus est, & mille quingentis occisis, caeteri aut capti
aut fuga dilapsi sunt. Sub eo quoque tempore Monasterium de Oliva cum
suis Grangis spoliatum & vastatum est a Pomeranis et Pruthenis barbaris.

*Innocentius III. Concilium Lugdunij
celebrat. In quo et Fredericum Impera-
torem Imperio, et Regem Portugaliae Re-
gno et dignitate Regia priuauit.*

Innoceñtius Papa III. Lugduni Concilium celebrat. Quod dum in festo Sancti Iohannis Baptistæ inceptum est, ad octavam Natiuitatis Mariæ Virginis, quæ tum primum illic instituta est, durauit, in quo multa utilia condita sunt. In processu autem Concilii, hoc est secundo Glorioso Augusti Innocentius Papa approbante Concilio, Fredericum Romanorum Imperatorem, velut hostem Ecclesiæ condemnauit, ipsumque tam ab Imperio, quam à Regno Sicilia, Apulia, & Calabria deposuit, et priuauit, et omnes Vasallos à iuramento fidelitatis absoluit, sicut apparet in sexto extrade sententia à re. iudi. gran. Sacro presente, & i. ad Apostolicam etc. Depositionis autem suæ quatuor assignantur causæ. Una fuit periurii, quia non seruauit iuramentum, quod Ecclesiæ fecerat, tam de Imperio quam de Regno Sicilia, ratione feudi. Secunda causa fuit sacrilegii, quia procurauit capi Cardinales & Prælatos venientes ad Concilium. Tertia quia notatus fuit de hæresi. Quarta quia sex annis non soluit censum Ecclesiæ Romanæ de Sicilia Regno. Idem etiam Papa Innocentius Regem Portugaliæ, Baromibus petentibus, ab administratione deposuit, quia negligens erat de iustitia facienda, unde Regnum peribat, & substitutus est loco eius frater suus Alfonsus, qui erat Comes Boloniensis. Sicut patet in sexto extrade supplenda negligentiæ Prælatorum.

CHRISTINVS Chelmen Episcopus cum annis quinque & viginti Chelmen rexisset Ecclesiam, moritur, & in Culmen ecclesia sepelitur, nobilis de Domo et Familia Rawa. Cui Innocentius Papa III. tunc in Lugduno agens, nunciis & literis Conradi Masouie Ducis rogatus et sollicitatus, Henricum Episcopum Armatensem, titulare fratrem ordinis Prædicatorum, virtute et probitate illius delectatus V. Idus Ianuarii, Pontificatus sui anno tertio, substituit.

Anno Domini 1246.

Conradus Masouie Dux rursum Cracouiensem terram inuadit. Cum quo congressus Boleslaus Dux vincitur. Conradus viclor Castra quadam extruit ac firmat. Quæ tandem ipso in Masouiam discedente Boleslaus Dux expugnat & capit.

Crauem et iratum animum Conradus Masouiae Dux contra nepo-
tem suum Boleslaum Pudicum Cracouien Ducem gerens, cum
quod ab eo in Suchodol conflictus et fugatus fuerat, tum quod
illum a Cracouien Ducatus possessione detraxerit, magnis astibus et vim,
dictam et vicissitudinem rependere aspirabat. Exulceratum quoque suapte
animum consors sua Ducissa Agasia muliebribus prouocabat exacerbati-
onibus, suadens et instigans, ut opprobrium cladis in Suchodol acceptae,
propter quam authoritas sua elanguerat, excuteret, et non sineret esse
inultam. Lithuanis itaque barbaris, sibi solatia praebeantibus, terras et
Principatus nepotis sui Boleslai Pudici Cracouiensis Ducis, et suarum
terrarum, et Lithuanicarum stipatus auxilio, inuadit. Cui Boleslaus Pu-
dicus nepos suus resistantiam factururus, cum Cracouiensibus et Sandomi-
rien militibus in Lariyszow alias Iaroszyn occurrit, Et licet copias su-
as inferiores quam hostiles aduerteret, pugnam tamen conserit, et forti-
ac diro inter utrosque durante praelio, Conradus Boleslaum superat et
confligit. Multisque de Cracouien et Sandomirien militibus aduerso
pectore cadentibus, multi a Conrado capti sunt Boleslaus Dux Pudi-
cus cum paucis, ne uiuus in potestatem patris sui Ducis Conradi, a quo
se extrema passurum non ignorabat, incideret, fuga clapsus est. Et Con-
radus vastata vicina regione, opprobrium acceptum resarcire conten-
tus, in Masouiam cum praeda rediit. Paruo quoque tempore transacto,
cum gentibus tantummodo suis, sciens vires Ducis Boleslai, a se fractas
esse, in Cracouiensem terram, habens in comitatu suo filium suum Gzimi-
rum Cuiaviae et Lancitiae Ducem, item generum suum Mieczslaum Opo-
lien Ducem, aduenit, et tantum loca (nolens expugnationem Castrorum
et Civitatum vacare) quibus Cracouiensibus sibi deditionem facere
aspernantibus, incastellat. Et primum quidem Castrum, contra Craco-
uiensem Arcem et Civitatem, in loco ubi Rudawa Vistulam ingreditur,
aliud prope Monasterium Thimieczem supra ripam Vistulae, et haec duo
suis militibus praesidio commendat, tertium in Lielioro aedificat, et illud
Mieczslao Duci Opolien genero suo dat in tenutam. Sed Conrado ex
Cracouien oris in Masouiam diuertente Boleslaus Pudicus Cracouien
Dux, cum militibus Castrum in Thimieczem rupe expugnat et conquirat.
Aliud vero quod in faucibus Rudawa et Vistulae erectum erat, per de-
ditionem accepit: militibus qui in praesidio eius erant verentibus, ne iuxta
ac illi de Thimieczem rupe viui in potestatem Boleslai Ducis venirent.
Contigit non longe post Mieczslaum Opoliensem Ducem, generum
Conradi, liberis non relictis mori. Cuius morte vulgata, Castrum Lie-
liouien, quod Mieczslai nomine tenebatur, Boleslao Pudico Cracoui Duci

illico reditum, & omnes Conradi Masouiae Ducis labores & machinen-
ta reciderunt in irritum. In sortem autem Mieczslai Opolien Ducis Wla-
dislaus germanus suus successit. Ducatumqz Opolien ex integro possidere
capit. Ad suggestionem autem et petitionem Conradi Masouiae Ducis
Lithuani terram Sandomirien silenti agmine ingressi, Oppidum Opatow
et vicinia eius praedantur.

Opiso Legatus Innocentii Papae Rome:
ramiae Ducem Suiatopolcum a Cen-
suris liberat. Denarium Scti Petri in Polo-
nia exigit. Edmundum Confessorem
Papae Lugduni Canonizat Imperatorisqz alte-
rius electionem apud Electores conficit.

Opiso Abbas de Messano Innocentii Papae III. in Poloniam & Prus-
siam Nuncius, ex Lugdunen Concilio missus, pluribus Apostolicis
fultus facultatibus Cracoviam advenit, & exinde Prussiam Pomer-
niamqz transit. Swantopolkonem Pomeraniae Ducem, Cazimiro Cracovien
Duci & Cruciferis fratribus, iureiurando pollicentem, cum Pruthenis & bar-
baris contra Christianos non sentire, neqz vlla publica vel occulta inire com-
mercia, a Censuris quibus erat per Epum Maden, etiam Apostolicum Nun-
cium ligatus per annos aliquot, absoluit, et pecunias denarii Scti Petri in
singulis Diocesibus Ecclesiae Polonicae, per annos aliquot recollectas, acci-
piens, ad Papam Innocentium rediit. Qui anno eodem Lugduni Sanctum
Edmundum Confessorem Cantuariensem Archiepm de Anglia Canonizat.
Ipsius insuper Innocentii Papae Electores Imperii parentes mandato, Hen-
ricum Langravium Ducem Thuringiae, cognominatum Aspe, filium beatae
Helizabeth in Imperatorem eligunt. Cui electioni obuiat et aduersatur Con-
radus Frederici Imperatoris depositi filius, quem pater ante in Almania
Regem ordinauerat.

Daniel Ruthenorum Dux in
Regem ab Opilone Legato In-
nocentii coronatur Epus Regni
Poloniae frustra id dissuadentibus.

Claritatem & præminentiam Regalis nominis atqz fastigii, Daniel Ruthenorum, Kiouien, & Drohiczen Dux, & qui pro ea tempestate diuitiis, terris, gentibus, factiuitate, & industria pollens, inter Ruthenorum Principes celebrior habebatur, adepturus, intelligens Opisonem Legatum Aplicum in Poloniam aduenisse, largisqz facultatibus Apostolicis præditum esse, missis ad illum notabilibus nunciis, etiam munera magna importantiæ, per illos sibi transmittit, rogans, ut ipsum in Ruthenorum Regem auctoritate Apostolica euehat, coronat, atqz inungat. Offerens se cum omnibus Russorum terris sua ditioni subiectis, Græcorum ritu derelicto, in obedientiam et communionem, vniuersalis Ecclesiæ Romanæ & sui Summi Pontificis transiturum, & tam Ruthenorum quam aliorum Catholicorum terras, à Tartarorum inuasionem, potenter & animosè protecturum. Exhilaratus admodum his Nunciis eaqz legatione Legatus Apostolicus, & credens vehementer rebus fidei et religionis Christianæ conducere, se quoqz beatè et feliciter Legationis suæ Officiū obitūrum fore, si Daniele Ruthenorum Principe in Ruthenorum Regem euecto, plures et insignes Prouinciæ, atqz regiones, innumerabiles quoqz animæ, ex caligine Ruthenica ereptæ, in Catholica fidei reducerentur puritatem. Itaqz nunciis Danielis Ducis benignè appellatis, & benè de negotio sua legationis sperare iussis, illos ad Danielē Ducem remittit, pollicens se propediem venturum, & illum, si erroribus Græcorum desertis, veram Catholicam religionem cum terris et populis suis complexus fuerit, in Ruthenorum Regem coronaturum. Et licet Pontifices Poloniae, & signanter Prandotha Cracouien Antistes, promissum tam temerarium Danieli Duci et suis nunciis factum, rescindere Opisonem Legatum Apostolicum multifariis argumentis persuaderent (quippe probè naturam & mores Danielis Ducis, & eius fluxam vaframqz fidem, optimè dinoscētes, certò certius sciebant Danielē Ducem suis promissionibus temeratis, & religioni nostræ, & Summo Pontifici ac ipsi Legato Opisoni, faciliter illusuram.) Legatus tamen Apostolicus Opiso, siue fidei et religioni Christianæ optimè consulturus, siue legationem suam ex coronatione huiusmodi illustraturus, siue quod Pontifices Poloniae parum fideliter & magis ex inuidia, existimabat dissuasionem ingesse, à sententia dimoueri non potuit. Sed in Drohiczin, quæ tunc Ducis Danielis, principalis erat, perueniens, Ducem præfatum Danielē, astante Principum & Baronum Russiæ, ad id specialiter inuitata et accersita, multitudine in Castro Drohiczin Regem super Russiam coronat & inungit, præfato Duce Daniele solenniter promittente, & se iureiurando, in manibus præfati Opisonis Legati astringente, cum omnibus Baronibus &

Principibus, terris, & dominis suis, fidem, ritum, & caerimonias Romanæ
Ecclesiæ, decetero fideliter & syncere sectaturum, & Innocentio III.
Summo Pontifici Romano eiusqz successoribus pariturum. Misit sub iis;
dem temporibus præfatus Summus Pontifex Innocentius III. ad gentem
Tartarorum conuertendam, et à sua furia mitigandam, fratres Prædi-
catorum & Minores, Zelum Dei habentes: inter quos duo erant princi-
pales, ex Prædicatoribus frater Axelinus Lombardus, ex Minoribus
frater Joannes de Plano. Iam siquidem præfati Tartari totam Persidem
& Assyriam, item totam Turchiam, quæ ante dicta est Armænia maior,
ubi & Asya minor, armis et crudeli tyrannide occupauerant, antiquis ty-
rannis & habitatoribus, partim necatis, partim eiectis, aut in suum ritum
et linguagium traductis ~

Miles Cracouien' Widzga in graui
fame Cruciferos magnifice subleua-
uit ac se ordini eorum addixit ~

F Ame miserabili Culmen, Pomeraniæ, & Prussiæ terras premente adeo,
ut pleriqz Cruciferi inedia exstinguerentur. Miles Widzga (Zygor-
sthin ex Cracouien' terra, de Domo & nobilitate quæ Iamina dicitur,
ortum ducens, Ordinem Cruciferorum ingressurus, tres naues magnas, vino,
medone, tritico, lardo, frumento, butyro, cæterisqz victualibus oneratas,
per aquas Vislæ, trecenta verò pecora, boues, vaccas, item armenta, item
equos, per terram usqz in Thorun transmisit, gratissimum fame laboranti-
bus munus, Solus post hæc adueniens, in ordinem comiter et benigne su-
sceptus, laudabiliter in illo perseverans defunctus est. Attulit etiam
cum secum, magnum pondus auri, in montibus Polomicis versus Hungariam
sitis, & supra villam Lancelko positus, quæsitum, & totum in ordinem con-
tulit ~

Anno Domini 1247.

Maiores Poloniæ Duces hæreditates
inter se partiuntur ~

M Aiores Poloniæ Duces Przemislaus et Boleslaus, Conuentu apud
Posnam suis Consiliariis indicto, terrarum Maioris Poloniæ

celebrant æquam diuisionem. Cessit autem iuniori nati Boleslao Calisien' Ducatus, à fluuio Przofna usq; ad Przemandt, Castro etiam Przemandt incluso, et abinde usq; ad fluuium Wartha & Mosinam, & paludem quæ Sempno vocatur, & fluuium Odra. Przemislaus uero nati maiori Gnesnen' et Posnanien' cesserunt terræ cum suis Castris & appendiis. Diuisioq; ipsa, etiam iurciurando interposita, & anathemate per Boguphalum Posnanien' Epum in violatorem. Duce utroq; petente et submitte se, lata, quasi quodam duplici fumculo difficulter rempendo, firmata est.

Boleslaus Legnicensis Dux maioris Poloniae imperium repetit. Sed Castris certis à Ducibus Poloniae sibi datis tandem quiescit.

Boleslaus Legniczen' Dux, Maioris Poloniae Ducatus, quos pater suus Henricus tenuerat, velut sui iuris essent, repetiturus super Odram nouum Castrum Kopamiczam edificat, contra quem Przemislaus et Boleslaus, maioris Poloniae Duces exercitum aliter adificationem Castri Kopamicza prohibitori, egressi, per communes Barones, ne inter fratres affines propinquos, horrendum interueniret certamen, pacificantur, et Castris Santhok, Miedzirzecz, & Zbasz in Boleslao Legniczen' Duci datis, noua munitio Castri Kopamicza demolita est.

Barwin Dux Cassubien' Castrum Santhok oppugnat, à quo facile repulsus est. Castrum tamen predictum Przemislaus Duci Gnesnen' per Boleslaum Ducem Legniczen' donatur.

Barwin Slavorum seu Cassubitarum Dux, Castrum Santok, quod tunc à Boleslao Caluo Legniczen' Duce, tenebatur, pretendens sui iuris esse, collecto exercitu obsidet, et vehementer oppugnat. Succesisset quoq; illius expugnatio propter paucitatem defendentium, et victualium defectum, nisi Przemislaus Gnesnen' et Posnanien' Dux, qui Boleslai Ducis Legniczen' sororem germanam habebat pro consorte, festinus cum gentibus accurrisset, tulissetq; laborantibus & in deditionem Castri procliuus, opem, accelerauit et Boleslaus Caluus

Legmiczen' Dux, cuius Castrum erat aduentare cum copiis, Barwin Dux
 Caszubitarum, utriusq; veritus potentiam, obsidione soluta discessit,
 nec apposuit amplius redire. Boleslaus autem Dux Liegmicien' Ducis
 Przemislai Posnamien' et Gnesnen', commendata fide et probitate, et
 am sibi Castrum Santok perpetua largitione donat vel potius reddit.

*Boleslaus Calisien' Dux Monaste-
 rium Landense per Calimirus
 Curiauiam Duce in castellatū recuperat.*

Non tulit & Boleslaus Calissien' Dux frater Przemislai ignomi-
 niam et iniuriam suae sortis, quam illi Cazimirus Curiauien' &
 Lancicien' Dux filius Conradi Masouiae Ducis. Monasterium
 Landen' ad flumen Warthae situm in castellando, intulerat, sed cum mi-
 litia sua illud aggressus, conquirat, praesidiūq; quod Czimirus imposue-
 rat depulso, & vallis, fossatisq; ac vniuersis propugnaculis disiectis
 et demolitis, locum Monachis restituit.

Conradus Masouiae Dux moritur.

Matura aetate & continua frequentatione bellorum Conradus
 Masouiae, Curiauien' Lancicien', et Syradien' Dux, confectus,
 (qui in omni vita sua ad consequendam Poloniae Monarchiam
 aspirauerat, & ob id nepoti suo Boleslao Budico Cracouien' Duci, iniusta
 bella mouerat) moritur, & in Ploczen' maiori Ecclesia sepelitur, duos
 filios Cazimirum & Semouitum relinquens. Inter quos subita concer-
 ratio super relictis paternis Principatibus, exoritur. Vix enim patris cor-
 pore sepulturae mandato, dum adhuc funeri relicta sua Agasia, & filius
 natus iunior Semouitus iusta persoluerent, Czimirus natus maior Syradien'
 Castrum, item Spiczimierz & Pospzram, ex improviso occupauit, & occu-
 pata detinuit, molestē ferens quod Conradus pater propensiori charitate
 affectus, Plocensem illum sedem & Masouiae Ducatum, vicens ob-
 tinere iusserat.

*Swiatopeikus Pomeraniae Dux bis
 per Cruciferos profligatur.*

Secundo Magistro Cruciferorum Popone alias Lipino absum-
 pto, tertius Henricus de Vida successit. Qui, in Pomerania ter-
 ra Castrum Christburg construens illud fratribus et militibus com-
 munit: conatus temerarios Swantopelkonis Pomeraniae Ducis facilius
 repressurus. Verum Swantopelk tempore opportuno explorato Castrum
 Christburg per insidias nocte intercipit, et Cruciferorum partim necato,
 partim captivato presidio, suum illi imponit. Violatis insuper pacis suffe-
 rentiis, plurimos ex Cruciferis circa Golub cepit aut extinxit. Suo denique
 et barbarorum exercitu congregato, terram Cuiaviaensem Cazimiri Du-
 cis hostiliter ingressus, neque impuberibus neque faminis miserendum duxit.
 Sed ferro et incendio omnia devastans, magna praeda onustus in Castrum
 suum Swiecie se recepit. Eo autem Cuiaviam vastante, aliud Castrum
 a Magistro Henrico et fratribus e regione Castrum Christburg extructum
 est. Ad quod oppugnandum conquirendumque exercitus suus cum curri-
 bus et propugnaculis accedens, certamine inito superatus, et in fugam ver-
 sus, Cruciferi curribus et comitatibus, rebusque plurimis potiti. Eam
 cladem ultumiri Swantopelkus satagens, novo exercitu congregato,
 nonnullas copias ad lacessendum Cruciferos, qui erant in Castrum Christ-
 burg, transmittit. Quae certamine cum Cruciferis inito, a Cruciferis
 ex Castrum Christburg victi, dum ad Swantopelkonis Castra refuge-
 rent, clamore incondito, quem fugiendo addebant, adeo Swantopelko-
 nis perterrituerunt exercitum, ut tabernaculis relictis, trans alteram
 ripam Vislae, absorbentibus nonnullos undis, diffugeret. Exercitus
 vero Cruciferorum, in terram Pomeraniae descendens, gravem vasta-
 tionem per caedes et ignes infert. Sub qua vastatione omnibus horreis
 et bonis Monasterii de Oliva concrematis, et tam equis quam pecoribus
 abductis Monasterium praedictum extrema aegestate damnatum est.

Anno Domini 1248

Mortuo Conrado Masovia Duce ac filio
 eius Boleslao Dux Polonorum Boleslaus
 Pudicus tranquille regnat in Monarchia.

Magna tranquillitas certaque pax Conrado Masovia Duce et
 vita excedente, terris Cracovien, Sandomirien, et Lyblinen
 qui illas et per se et per barbaricas gentes, Lithuanos atque

Pruthenos infestare solitus erat, redempta est, Ducis quoque Boleslai Pudici, praecipuo hoste et aduersario sublato Thronus firmatus. Capitiq; extunc Boleslaus Pudicus Cracouiē Dux, collapsa et deformat a eregere, et instaurare diruta, et tam apud Polonorum Duces, quam vicinas nationes et Regna, propter probitatem suam, morum elegantiam, et virtutum praestantiam, magnus et celebris haberi. Secutus est autem parentem suum Conradum Masouiae Ducem filius eius Boleslaus, et rebus absumitur humanis ~

Boleslaus Caluus Dux Legnicensis
germano suo bellum iniuste infert ~

CRacouiē et Sandomiriē oris quietatis, atrox et Civile bellum in Slesiana ora erupit. Boleslaus enim Caluus Legnicen Dux magno furore actus, quod et de portione meliori Ducatus Wratia: slauicē, quae sibi ex sorte debebatur (Legnicen ratus meliorem) Henrico fratri sponte cesserat, et quod Conradus alter frater, suae portio: nis consors, subdiaconatu ad quem promotus, et Bambergē Epātu ad quem promouendus erat, desertis, militari statu induto, portio: nis Legmicen dimidium repelebat, Henrico qui Wladislaum Archiepū Salczburgen habebat consortem, ex integro sortem retinente, bellum Henrico Wratia: wien, et Conrado fratri, apud Henricum hospitato, Ducibus, mouit. Et Saxomibus stipendio conductis, in auxiliumq; accersitis, Wratia: wien Ducatum (Henrico Wratia: wien Duce, quod vires ad decernendum illi tenues erant, vitante conflictum) spoliis et incendiis, et qualibet hostilitate vastat et inuadit. Apud Nooum quoque forum plebe promissa ad Ecclesiam confugiente, quingentos homines edaci flamma consumit. Deinde ad Ciuitatem Wratia: wien (qua tum primum Henrici Ducis industria a Teutonicis disponi, et iure Teutonico locari caperat) accedens, eam tribus mensibus continua obsidione praemebat. Quae etsi tunc in propugnaculis languida atq; nouella extitisset, obsidionem tamen Boleslai Calui Legnicen Ducis non solum fortiter tulit, sed etiam per frequentes eruptiones exercitum ipsius multifariis damnis molestant, adeo, ut Boleslaus ab illius obsidione capto irritum recedere cogeretur.

*Clerus Poloniæ concedit quintam par-
tem omnium reddituum Sedi Apostolica
ad triennium, et tunc primum incipit Dni-
ca Quadragesimæ a die Cinerum, quæ prius a
Dominica Septuagesimæ sumebat initium.*

Iacobus Leodiens' Archidiaconus ex Lugduno à Papa Innocentio
quarto in Poloniam, Pomeraniam, & Prusiam nuncius missus, ad-
uenit in Poloniam, & negocia sibi à Sede Apostolica commissæ
confecturus, Synodum apud Wratislaviam agit. Ad quam cum Fulco
Gnesnen' Archiep'us, Prandotha Cracouiens', Boguphalus Posnaniens', Tho-
mas Wratislaviens', Michael Wladislaviens', Andreas Plocens', Nauke-
rus Lubicens', Henricus Culmen', Polonica' Ecclesiæ et Gnesnen' Provin-
ciæ Episcopi, cum suarum Ecclesiarum Capitulis convenissent, Iacobus
Leodiens' Archidiaconus, nuncius Apostolicus, quantis Sedes Apostolica
et eius Prasul Innocentius quartus, ex diuturna guerra, inter ipsum et Fre-
dericum Imperatorem, pro defensione libertatis Ecclesiasticæ, afflictus
sit calamitatibus, in quantas difficultates & debita prolapsa, & quantis
circumdatus angustis, longo sermone edicit. Nomineq; Romanæ Eccle-
siæ & Innocentii quarti, medietatem omnium reddituum, per tres annos
continuos pro subventionem ab Ecclesia Polonica, magno studio flagitare
capit. Asserens impium et crudelem fore, qui tam evidenti necessitate
afflictæ et angustiatæ matri subvenire detraxerit. Pontifices autem Polo-
nicæ Ecclesiæ, variis consultationibus habitis, ad subveniendum Eccle-
siæ Romanæ & Innocentio quarto, de quinta parte suarum Ecclesiarum, &
beneficiorum sui Cleri per triennium (medietas enim onerosa videbatur)
se submittunt. Et quo subventio ipsa in Summi Pontificis conspectu
gratior foret atq; commendabilior, pro universo triennio subventionem
ipsam quintæ partis, in constituto die celerrimè conferunt, & Summo Pon-
tifici per Gothfridum penitentiarium Apostolicum, collectam pecuniam
& in aurum redactam, transmittunt. Pro quo Pontificibus & Clero Polo-
niæ ab Innocentio quarto gratiæ in publico sunt actæ. Habebatur au-
tem in universo Poloniæ Regno observantia vetus et consuetudo ab
exordio suscepta fidei, in eam usq; diem, in morem primitivæ Ecclesiæ
et ritum, quem Orientalis Ecclesia observare non desuit, pro legitima
sanctione custoditum, ieiunium Quadragesimale, à Dominica Septuage-
simæ incipere, & in diem Paschæ continuare. Quæ à pluribus sapenu-
merò prævaricata personis, multarum discordiarum inter Clerum

Et laicalem populum afferbat Seminarium, Et fomentum, aut publica
aut graui pœnitentia, aut Censura mulctantibus, aut ecclesiæ ingressum
denegantibus, laicis à contrario opponentibus, consuetudinem Et obser-
uantiam præfatam ab Ecclesia Romana contraria consuetudine et ob-
seruantia in singulis Regnis, terris, et Prouincijs Romanæ Ecclesiæ sub-
iectis abolitam fore, Et se ad illam more aliorum Catholicorum non tene-
ri. Pluribus itaqz diebus in præfata Vratislauen dieta, per Iacobum
Apostolicum Nuncium et Pontifices Poloniae eorumqz Cerum nodo huius-
modi rei ventilato, prædictus Iacobus Apostolicus nuncius, de consilio
Et assensu Pontificum et Cleri Ecclesiæ Polonicæ, conseruantiam Et con-
suetudinem, prædictas multas difficultates Et scandala parientem, au-
thoritate Apostolica sustulit, Et tam Ecclesiasticis quàm sæcularibus
personis, usum carnum ad Cinerum diem exclusiue, contraria consue-
tudine Ecclesiæ Polonicæ, neqz institutione primitiua ecclesiæ, obstan-
te concessit. Ab eo quoqz tempore Septuagesimæ Dominica à Polo-
nis vetus Carnispriuium denominationem, quam hactenus retinet, accepit.

*Przemislaus Bohemia Regis
filius præm Regno exiit. Qui
tandem à patre captus ac carce-
re punitus, Morauia Principa-
tum præ reconciliatus accepit.*

Venceslaus Bohemiæ Rex, qui ob sinistri oculi defluxum Et
carentiam Monoculus appellatus est, Semò Et æuo grandæuus,
tam hostili odio et liuore (procurantibus et serentibus huiusmo-
di odia Baronibus Bohemiæ, et signanter Stiborio, cognominato ob sin-
gularem industriam Mudra hloma, id est sapiens testa) insectatus,
quàm à filio suo Przemislao angustriatus Et constrictus est; ut Regnum
illi resignaret, tribus tantummodo Castris, vzt Szwiekow, Lokieh, Et
Ponthe, sibi reseruatis. Verùm dum nec sic furor filii Przemislai Et
consulentium sibi quiesceret, sed Przemislaus ipse Barszonem de Orziek
alias Kiremburg (cò quòd cum patre contra illum sensisset) capitali
persequeretur odio, Cast rum etiam Ponthe, quod Barszo à patre tene-
bat, obsidione vallaret, Barszo cum Baronibus de Swemberg Et Lemberg
Et aliquibus de Missna, Castra Przemislai nocte inuadens, percussit,
pluribusqz interfectis, Przemislaum et omnes suos in turpem fugam egit.

Rex interim Venceslaus & Bohemorum & Austrialium adiutus assi:
stentia, occupatum a filio Regum recuperat, & filium ad se in Thir:
szow uenientem captiuit, et carceri includit, suorum uero Consilia:
riorum, capita in monte petrimo, trabe iussit decuti. Inter quos caput eti:
am Stiborii Mudra hloma de Szumberg & Thomaczow (qui in sua sa:
pientia adeo confidentiam habuisse asseritur, ut Deum posse se in consi:
lium suum vocare gloriaretur) trabe decussum est. Przemislaus uero
filius post humiliatus, & per Barones patri reconciliatus, calcitrare
erubuit, et patre concedente in Moravia ad patris mortem gessit Princi:
patum.

Anno Domini 1249.

Przemislaus et Boleslaus iterum
maiorem Poloniam inter se diuidunt,
et peior pars celsit Boleslao Duci
resistere dubitanti atque timentij.

Diuisiōem terrarum & Ducatum Maioris Poloniae, Przemislaus
Gnesnen & Posnamien Dux inter se & Boleslaum germanum
suum Ducem Galisien, superiori tempore celebratam, infectu:
rus, Castrum et Civitatem Posnamien, iuxta Ecclesiam maiorem Posna:
mien, magna diligentia atqz expensa, variisqz aedificiis, fossatis, et pro:
pugnaculis extruxit et consumavit. Et fratre suo Duce Boleslao Cali:
sien accersito, consignato ei Gnesnen Ducatu, ac Castris Oppidisqz
Bnin, Grodecz seu Giecz, Biechow, Ostrow, Nakiel, Vsczie, Zarn:
kow et Szrem, Castrum et Ducatum Galisien, ab illo in perpetuam posses:
sionem accepit, nouamqz diuisiōem inter se et frēm Boleslaum non ex
aquo, aut Consiliariorum arbitrio, sed ex sensu proprio, priori irritata (Bo:
leslao natu minore aduersari non audente) multis uiris improban:
bus, celebrauit, meliora quaeqz in suam sortem approprians, & infacū:
da & quaeqz deteriora Boleslao fratri relinquens. Coniecit & in uin:
cula praefatus Przemislaus Posnamien Dux Thomam Castellatum Po:
snamien, et Thomislaum Pricernam filiumqz eius Sandziuogium nobiles
de Domo Nalencz: astruens illos ad se et frēm suum Boleslaum de Maioris Po:
loniae Ducatibus exiciendum, & ad tradendū Ducatus p̄fatos Boleslao Duci Liegmi:
czen conspirasse. Quos in Castro Gnesn aliquanto tempore ferreis catenis tenuit
constrictos ~

*Boleslaus Calvus Legnicen
Dux, iterum fratrem suum Hen-
ricum oppugnat sed suo malo.*

Boleslaus Calvus Legnicen Dux, sortem quæ sibi prius obtigerat, et de qua sponte Henrico germano suo cesserat, Ducatum vtr̃ Wratislauieñ repetiturus, Saxombus et Teutonicis cæterisque peregrinis militibus, quos precio in sui auxilium conduxerat, adiutus, al-
teram in Wratislauieñ terram agit expeditionem. Et fratre suo Henri-
co detrectante certamen, et Castra tantummodo et munitiones tueri con-
tento, Boleslaus Liegmice Dux, sortem et numerosum ducens exercitum
oppida et rura vastat, incendit, et prædam magnam pecorum et captiuo-
rum in terram Liegmice abducit. Terra autem peruastata, etiam Cui-
tatem Wratislauieñ secunda obsidione constringit. Aliquanto autem
tempore in eius obsidione commoratus, pluribus damnis per eruptiones et
invasiones, eorum qui pabulatum se conferabant, exceptis, in Liegmice
Ducatu fremens, et tristis, quod duabus expeditionibus nihil prosperè e-
gisset, rediit. Quem in Liegmice redeuntem Barones et milites sui capti-
uant et in carcerant, posthac de sinceritate faciendæ sponsionem faciens,
dimissus in libertatem Castra Teutonicis tradit, ut liberius proprios va-
staret, suam captiuitatem satagens ultum iri. Donat insuper Castrum
Lubusz Archiep̃o Maydeburgeñ, ea conditione, ut sibi in gentibus
transmittat auxilia. Quibus cognitis Przemislaus Posnamieñ Dux gener
suus, qui sororem suam germanam habebat in consortem, ipsum velut de-
lirantem detinuit, et sub honesta custodia seruauit captiuatum.

NICOLAUS Prageñ Ep̃us, apud Venceslaum Monoculum Bohemie,
Regem per æmulos famæ et nominis sui accusatus, quod et ipse cum filio
Regis Przemislao sensisset, et ipsum ad rebellandum patri subordinas-
set, iussu Venceslai Regis captus est. Propter quod interdictum ecclesi-
asticum in vniuersa Prageñ Diacesi, quousq̃ in libertatem rediit, fuit ob-
seruatum.

BRUNO Olomuneceñ Ep̃us dignitate sacerdotii neglecta, oppi-
dum Ratiborieñ ob quasdam similtates et inimicitias cum Wladislao
Duce Ratiborieñ, susceptas obsidione erigens, expugnat, et tam ecc̃las q̃
Monr̃ia et oppidum incendio absumit. Ad Castrum etiam Ratiborieñ ma-
chinas admolet, sed inde repulsus turpiter abiit. Post tractatus aut̃ varios

pro pace componenda hinc inde habitos Wladislaus Dux oppidum
Ratiborien tribus millibus marcarum à Brunone redemit.

Secunda expeditio per Ludouicū
cum Regem Franciæ contra Sara-
cenos male gesta.

FRANCORUM Rex Ludouicus, pro liberatione terræ Sciæ sumpta
cruce, cum suis Epīs Baronibus, & Principibus, transfretatu-
rus iter transmarinum, & in die Ascensionis Domini ex Cypro,
ubi integra hyeme hybernauerat, nauem conscendens nauigansqz, Por-
tum & Civitatem Damiatæ capit. Ultra verò ad expugnandum Sara-
cenos procedens, obuiam habuit multitudinem Saracenorum in passibus stri-
ctis, ubi multi de suis occiduntur, inter quos fuit frater suus Rober-
tus, cuius nimia celeritate clades ipsa acciderat. Ludouicus verò Fran-
ciæ Rex cum pluribus suis capitur, & cum captiuitatem annis quinque
pertulisset, data pecunia seipsum & omnes in libertatem vendicauit.

ANDREAS Ploczen Epūs dictus Cracouiē cū annis undecim se-
disset, febribus maceratus, decima septima Ianuarii moritur, & in Plo-
czen Ecclesia sepelitur. Cui Petrus cognominatus brevis Canonicus
Ploczen, per electionem Canonicam, via compromissi celebratam succedit,
à Fulcone Gnesnē Archiepō apud Calisz, Cazimiro & Semouito Ducib.
Masouia illum promouentibus confirmatus & consecratus est.

Occisio beati Petri Ordinis Prædicatorum.

CLARUIT sub hoc tempore in Lombardia uita, doctrina, atqz miracu-
lis beatus Petrus de ordine Prædicatorum natione Veronen. Sed
in territorio Mediolanen ab Hæreticis, Deum tantummodo visi-
bilibus, dæmonem inuisibilibus Creatorem astruentibus, uelut sectæ eorum
damnator, occisus magnis cepit corruscare miraculis.

INNOCENTIUS Papa III. Albertum Epūm olim Armacanum
tunc verò in Archiepiscopum Russiæ promotum ad Damielē Russiæ
Regem, obedientiam sibi et Romanæ Ecclesiæ ab eo præstitum iri

requirens, mittit. Sed Rex callidus et rebellis, neqz requisitioni Apo-
stolicae paruit, neqz se fidum sed hostem Romanae ecclesiae egit, Le-
gatumqz Apostolicum Albertum sine honore dimisit ~

*Henricus Imperator electus moritur.
Cui Guilielmus succedit ~*

Henricus Lantgravius et Dux Thuringiae, cognominatus Aspe-
filius beatae Helizabeth, mandato Innocentii Papae ab Ele-
ctoribus Imperii, post Frederici depositionem, in Regem Ro-
manorum electus, moritur. Et ex mandato eiusdem Summi Pontificis
Innocentii Electores ad electionem alterius Regis procedentes,
Guilielmum alias Vilkinum Comitem Hollandiae, in Regem et Im-
peratorem Romanorum eligunt ~

Cruciferos Prutheni cadunt ~

Adunato Cruciferi, qui Balgam et Elbing Castra et oppida
in Prussia observabant, non mediocri ex propriis et forensi-
bus militibus exercitu, Pruthenorum regionem Nactaga siue
Managa hostiliter ingressi, tam flammis quam caedibus gravissime ve-
xaverunt. Vastatione autem peracta, dum redirent, a Pruthenis ini-
quorum locorum opportunitate circumsepti, dum neqz effugiendi neqz
iusta acie dimicandi spatium foret, barbaris, qui et ipsi plures nume-
ro erant, instantibus, se hostibus (Marschalco Duce exercitus et
Henrico Crucifero nequicquam improbantibus) dedunt. A quibus om-
nes ad unum trucidati sunt atque deleti, circa villam vocatam Vit-
ke. Vbi etiam non mediocris alia caesa est a barbaris Christiano-
rum multitudo ~

Anno Domini 1750.

*Nuncios Romam missi pro so-
licitanda Canonisatione San-
cti Stanislai, et Papa proprium
Commisariu ad examen mittit ~*

Rescentibus stupendis & magnificis miraculis, quæ clementia
 Saluatoris, per beati Stanislai Pontificis Cracouiens gloriosa
 merita, Polonorum genti in earum cladum & afflictionum, qui-
 bus & à Tartaris & à civilibus bellis attrita est, leuimen, operari di-
 gnata est. Boleslaus Pudicus Dux, & Prandotha Episcopus Cracouiens,
 feruentis ambo deuotionis viri, Nuncios, Magistrum Iacobum Decre-
 torum Doctorem Decanum Crac, ortum de Skarzeszow, humilis quidem sor-
 tis, & staturæ infimæ & exiguæ, sed magnæ & raræ doctrinæ, pru-
 dentia & factiuitatis virum, & Magistrum Gebhardum Canonicum
 Crac, & fratrem Boguslaum Ordinis Prædicatorum Subpriorem Do-
 mus Cracouiens, Lugdunum ad Innocentium Papam, miracula ipsa expo-
 situros, transmittunt. Quæ etsi Summo Pontifici Innocentio in facie
 Consistorii publici, per Magistrum Iacobi De Skarzeszow Decani Crac
 organum, grauitè & disertè enarrata forent, Summus tamen Ponti-
 fex, grauitatem in rebus similibus, à Sede Apostolica custodiri solitam,
 obseruans, Archiepò Gnesnens, Wratislauiens Epò, & Abbati de
 Lubens, examen miraculorum beati Stanislai, per literas speciales man-
 dat & committit: iubens illis & singulariter iniungens, quatenus pro-
 pter diuturnam & longauam earum rerum, quæ de passione & marty-
 rio beati Stanislai Epì Crac ferebantur, protelationem, quendam mili-
 tem Centenarium (= Gethko hic erat) cum omni diligentia ac sollicitudine
 examinent. Qui etsi Sanctum Stanislaum non nouerit, eos tamen qui il-
 lum nouerant, pro comperito habebatur nouisse, & illis referentibus, vi-
 tæ beati viri puritatem & conuersationem, innocentem et religiosè per
 omne æuum traductam, ordinem deniqz & causam Martyrii & miracula,
 quæ in vita & morte operatus est, didicisse. Cuius Commissionis tale
 extat exemplar:

Commissio Papæ pro Canonisatione
 Sancti Stanislai Epì Copi Cracouiens.

Innoceñtius Episcopus Seruus Seruorum Dei, dilecto filio Iacobo
 Velleitrensi Ordinis fratrum minorum, Salutem & Apostolicam
 benedictionem. Licet Venerabili olim fratri nostro Episcopo Cra-
 couiens, & dilectis filiis Capitulo & Clero Cracouiens Civitatis & Diæce-
 sis, suis nobis literis intimantibus, quod mirabilis Deus in Sanctis suis
 piæ memoriæ, Stanislae Cracouiensi Episcopo, tot & tantis dat corrusca-
 re miraculis, ut illius Sanctitas apertis indiciis comprobetur, & ipsius
 inter alios Sanctos non inuocari suffragia est indignum. Venerabilibus

fratribus nostris Archiepiscopo Gnesnen, Episcopo Wratislauien, dile-
cto filio Abbati de Lubens Cisterciensis ordinis, Wratislauien Dia-
cesis, dederimus nostris literis in mandatis, ut assumptis sibi viris
religiosis & Deum timentibus, de virtute morum, & veritate Signorum,
operibus vult & miraculis, diligentissime inquirentes, quae inuenirent
nobis suis literis fideliter intimarent. Ipsisq; in negotio huiusmo-
di procedentibus et rescribentibus nobis, nos fidem adhibeamus, ut
conuenit, propositi eorundem: quia tamen in tanto negotio est grauitate
& maturitate prauiam procedendum, te ad partes transmittentes, eas-
dem discretionis tuae auctoritate praesentium, in virtute obedientiae
districte coniungimus, ut a dictis inquisitoribus, si superstites & praes-
entes in Prouincia fuerint, an sic processerint, sicut ipsorum Sigillis re-
cepimus, perscruteris, & ipsorum actorum exempla, ad maiorem certi-
tudinem locum portes, faciens tibi praesentari eos, qui dicuntur a di-
uersis infirmitatibus fuisse liberati, quos et quot potueris. Ac illos duos
Centenarios si superstites fuerint, de quibus mentio est in actis: quae di-
cuntur ab aliquibus accepisse, vel eorum alterum, quod Sanctum no-
runt eundem, & de ipsius clara et honesta conuersatione, dum viueret,
audierunt: inquisiturus ab ipsis & inspecturus an ita sit. Nihilominus
deuotionem populi, & famam communem super martyrio et causa mar-
tyrii, necnon Sanctitate ipsius inquiras. Insuper utrum Cracouien Dia-
cesis Paganis & Rutenis Scismaticis sit confirmis, ut per hoc ex ipsorum
confirmo lucrum prouenire valeat animarum. Ad hoc librum Chromi-
carum, quo ad Capitulum pertinet ad negotium memoratum, ex archi-
no Ducis Poloniae auditum, & etiam librum Annalium & Epithaphium
considera diligenter. Et his summam sub obtestatione iuramenti,
ubi tibi visum fuerit, coram prioribus inquisitoribus praestiti, plenius in-
tellectis, si aliqui testes super prioribus vel nouis articulis fuerint, eos
iuratos, secundum formam recipiendorum testium prudentum, recipias, &
diligenter examinare procures. Et sic instructus ad nos, ut per te super
his instruamur plene, reuertaris. Dat. Perusij septimo Calend. Iunij.
Pontus nri Anno ix.

Henricus Rex Dacorum a germano
suo Abel vita et Regno priuatus

Henricus Dacorum Rex Iul'is cum velut natu maior patre mortuo
in Regnum et paternum Solium successit, annis aliquot illud iuste
pie & religiose administrasset, a fratre iuniore Abel nomine

Regnum & Dominationem ambiente, tam Regno quam vita priuatur.
Cum nonnullis siquidem scelestis viris, in necem Regis et fratris sui, te-
nerimo illum diligentis affectu, conspirans, ipsum capit, captumqz mari-
nis suffocat undis, Regnumqz illico inuadit. Facinus tamen tam dele-
standum ulciscente Deo, neqz Principatus, neqz vita fuere illi diuturna,
Frisonibus enim, sub iugum illos cogi satagens, bellum anno insequentem in-
ferens, praelio inito ab illis occisus, et vitam et Regnum amisit.

*Legniczen sis Dux Boleslaus Henricum
fratrem Ducem Wratisslauensem, tertio vi-
temere ita in foelicissime impetit, et Ca-
strum Lubuccense a Regno Poloniam alienat.*

D Vabus expeditionibus contra Henricum Ducem Wratisslauensem
germanum, suumqz Ducatum, superioribus annis indictis, Bolesla-
us Calus Legniczen Dux tertiam adiecit, et aestate anni huius
stipendio conductis militibus, tertio et Ducatum Wratisslauensem vasta-
uit, et Civitatem obsedit, pluribusqz conatibus ad eius oppugnationem
curam et cogitationem impendit. Sed tam militum Ducis Henrici, quam
forti Civium resistentia, tertio repulsus in Liegmicz fremens rediret, sin-
gula vastavit igne. A militibus Teutonicis, quos conduxerat pro mercede
promissa vexatus, omnibus equis, armis, fortune, et Clientis se exiit, et
mercenariis militibus semiplene stipendium persolvit. Propter quod et in suo
Liegmiczen et Wratisslauensem Ducatibus, plura fuerunt nova loca, per pra-
dones et eos quibus solutio facta non fuerat, in castellata. Multis aut
Boleslaus Legmiczen Dux pressus incommodis Castrum suum Lubuccen
I Oanni et Othoni Marchionibus Brandenburgensibus, in leui pecunia-
rum quantitate (ea etiam spe illectus, quod Brandeburgen Marchio-
nes illum suis gentibus contra fratres Henricum et Conradum adunare
se astrinxerant) obligat. Ab eo quoqz tempore Castrum et Districtus
ipse, a Polonorum Regno iniuste alienatus, ad Marchionatum Brande-
burgen transiit. Verum dum nec sic longo bello rebus suis debitis, et aere
alieno inuolutus, providisset, et propriis militibus desertus et contemptus,
et mercenariis vero quibus non exolverat, caeterisqz praedonibus, Castra
nova occupantibus, adeo exinanitus et in aegritatem pene extremam
detrusus est, quod frequentius pedibus quam equo vectus, omnibus desti-
tutus familiaribus, uno tantummodo Surriano Figellatore miserrime associatus,

et stipe aliena nutritus, passim vagaretur. Ab Henrico quoque fratris sui militibus captus, et in vincula apud Wratislaviense Castellum coniectus iubente Henrico fratre, et calamitatem ignominiamque frater nam, non secus quam propriam, piis abhorrente precordiis dimissus in Liegnicz se recepit, et contra fratres suos Henricum et Conradum machinari non destitit. Et pro excutienda aegestate qua tenebatur, oppida Lithauiam et Gierliczam, in sua sorte consistentia, in summis grauiibus Baronibus et subditis suis tradidit, et miscripsit, Ducatumque suum iruinatione enormi discerpsit. Quae omnia beata Aua sua Hedwigis dum uiuere, nonnullis timoratis personis praedixerat. Ducatibus slesiae et fratribus per Boleslaum Legnicensem Ducem fore inferenda.

Fredericus Imperator moritur.
Is Cancellarium suum ex coniuratione false accusatum caecauit.

Fredericus quartus Romanorum Imperator, ab Imperio et Sicilia Regno, per Innocentium quartum sententialiter depositus, ex Italia ubi plures clades et infortunia pertulerat, Neapuliam ueniens graui aegritudine apud Terensoleum pressus, sine poenitentia, et in anathematis vinculo moritur. Quem, fertur Manfredus filius eius naturalis (Regnum Siciliae et thesauros paternos ambiens) uno Secretario Imperatoris conscio, ne ex infirmitate qua detinebatur conualesceret, cussino super faciem eius posito, suffocasse. Qui etiam Manfredus morte Frederici secuta Dominium Regni Siciliae usurpare et occupare cepit. A quo illum Conradus Rex filius legitimus Frederici, de filia Ioannis Regis Hierosolymitani susceptus, et quem Siciliae Barones, singulari prosequabantur fauore, deiecit. Hic Fredericus Petrum de Vineis Cancellarium suum, et omnium rerum suarum fidelem et solertissimum Curatorem, viginti notabilibus Curien, coniuratione contra illum ex liuore facta, Imperatori Frederico illum de certis et enormibus criminibus, pari relatione unoque tenore separatim accusantibus, fidem praestans, utroque lumine excaecauit. Accusatione tandem discussa, cum illum innocentem comperisset vehementer doluit. Petrus vero de Vineis priuationem luminum impacientius ferens, caput ad Petram allidens, miserabiliter expirauit. Qui post caecationem Imperatori reconciliatus in dolo consuluit, ut ad rescindendam aegestatem qua laborabat, extremis omnium Clenodiorum in Imperio et Regno Siciliae consistentium Ecclesiarum, acciperet medieta:

tem. Qui cum id consilium fuisset executus, exprobrauit illi in faciem
Petrus de Vineis, quod non syncere sed licorose & vafre illud sibi prae-
stitisset consilium: praecipitaturus illum ad Dei indignationem & furo-
rem, & supplicium suae cecationis de eo sumpturus ~

Anno Domini 1751.

Przemislaus Posnaniensis Dux
Castrum Rudam quod nunc
Wielun dicitur recuperat ~

OPolienſis Dux Wladislaus, glotem ſuam germanam Duciffam Lu-
ditham relictam olim fratris ſui Mieczſlai Ratiborienſis Ducis, &
filiam Conradi Maſouiae Ducis, orbam et ſterilem, pro quingentis
marcis argenti, quas in Ratiborienſi Ducatu pro dote a Conrado Maſo-
uia Duce prae ſuo intulerat, ſoluturus, quatenus villas et poſſeſſiones, in
Ratiborienſi Ducatu, occasione dotis et dotalicii eidem Ludithae Duciffae
inſcriptas, ab obligatione & eiusdem Duciffae tenuta abſolueret, & terram
Rudenſi a principali Caſtro & Ciuitate Ruda denominatam, quae nunc Wye-
liunenſis, ad amenos, irriguos, et perennes fontes, in baſſo & facundo ſo-
lo tranſlocata, cum Ruda in aeditiori loco conſiſtens ſterilis & in aquo-
ſa eſſet, appellatur. Quam tempore exilii, quo Przemislaus & Boleslaus
filii Wladislai Othonis, ab Henrico cum barba Slesiae Duce, de terris
Maioris Poloniae cum patre pulſi, de conuenientia eiusdem Ducis Henrici
cum barba, occupauerat, intelligens ſibi poſſeſſionem eius fieri non poſſe
diuturnam, praefata Luditha Duciffae gloti ſuae fratris Mieczſlai reli-
ctae (Duce Cazimiro Cuiacienſi & Lancitienſi rem gratificante) tradere
diſpomi in dotis ſuae poſſeſſionem. Cum autem dies, de quo inter Wladi-
ſlaum Opolienſem, & Czimirum Cuiacienſem & Lancitienſem, fratrem relictae
Mieczſlai, Duces, conuenerat, adueniſſet, Przemislaus Poſnaniensis & Cali-
ſienſis Dux, de his certior per amicorum auſamenta factus, ne notabilis
portio hereditatis ſuae, ex contractu eiusmodi, ampliorem alienationem
contraheret, cum expedita militum manu, verſus Rudam Caſtrum ad-
uenit, & tardantibus nunciis & gentibus Cazimiri Ducis Cuiacienſis &
Lancitienſis, ad poſſeſſionem illius apprehendendam tempeſtue venire,
Poſnaniensis & Califfienſis Dux Przemislaus, Caſtrum Rudenſe vacuum
reperiens (gentes enim Ducis Opolienſis Wladislai iam de illo diſceſſerant)

solo tenitorio cum paucis, ad tradendum illud Cazimiro Cuiacien' & Lancicien' Duci, relicto) in possessionem illius intrauit. Et in obedi-
tiam et subiectionem eius singulis militibus terræ Budensis sponte ruen-
tibus, terrā Buden' extunc pacificē, velut sortem sui patrimonii legiti-
mam possidere cepit. Quo cognito gentes Cazimiri Cuiacien' & Lancicien'
Ducis, qui tardiusculē pro Castro Buden' possidendo aduenerant, abie-
runt retrorsum concito cursu, veriti ne Przemislaus Posnamien' & Calisi-
en' Dux illos inuaderet. Dux etiam Opolien' Wladislaus, ademptum si-
bi Buden' Ducatum æquo animo tulit, nec illum iure aut iniuria à Prze-
mislo (sciens se illum violenter & præter æquitatem possedisse) repe-
rūt. Gloti autem suæ Ducissæ Iudithæ, Miecyslai relictæ, dotis summā
argento parato, Henrico Wratislauen' Duci, qui illam in consortem accepe-
rat, & filium Henricum filiamq; Hedwigim ex ea susceperat, exoluit.
Sed & cum Przemislao Posnamien' & Calisien' Duce affinitatem iun-
xit, & sororem eius Eufemiam accepit in consortem, nuptiis cum magna
subditorum hilaritate in Posnamia celebratis ~

Iterum nuncii cum testium disposi-
tione super miraculis pro Canonisa-
tione Scti Stanislai Romæ mittuntur.

Miraculis beatissimi Stanislai Epi Crac' & Martyris, per Commissa-
rio Apostolicos, Gnesnen' vlt' Archiepū, Wratislauen' Epū,
& Abbatem de Lubens, cum magna & exacta grauitate exa-
minatis, & in publicum scriptum redactis, priores huius negocii nuncii
vlt' Magister Iacobus de Skarzeszewo Decretorum Doctor, Decanus, &
Magister Gerhardus Canus, Crac', Canonisationem beati viri, apud
Innocentium quartum Papam sollicitaturi, ad Curiam Romanam per Fran-
dolam Epū & Capitulum Crac', sumptibus datis prouisi, altera vice
transmittuntur, & ut res ipsa facilius transigi et obtineri posset, Nunciis
præfatis nonnulli frēs Prædicatores & Minores, de Monasteriis & Do-
mibus Crac', in literis Diuinis eruditi, & Zelum Dei habentes adiuncti sunt.

Sal in rure Bochnia inuenitur.

In villagio & rure Bochnia, quinque à Cracouia miliaribus
distante Sal durum & compactum, quod extrahitur in peciebus
grossis, in plerisq; locis adeo candidum, ut Crystalli speciem
cuisentibus præbeat, cuius et hætenus habetur uberrimus usus, repertum est

Et oppidum locatum, Ecclesia quoque Parochialis in honorem S^ci Nicolai Confessoris, erecta, Et a Boleslao Pudico liberaliter dotata est. Quae quidem Salis reportio, beatæ faminae Kunegundis Ducissæ Boleslai Pudici consortis meritis, iam tunc fulgentis virtutum iubar, ascripta est.

A Boleslao Caluo Lubliti ad fratrem illius Conradum deficientem

B Oleslaus Caluus Legnicen^s Dux, filius Henrici a Tartaris occisi, bellum sibi a Conrado fratre germano, ob non præstitam contingentem compositionem, ratus quandoque imminere, Hinko, nem filium Mirszonis Castellani Gosn^{en}, quamvis sibi inter paucos earum spe exigendæ pecuniæ in Almanos et externos, cum quibus omnia sua agenda communicare consueverat, distribuendæ, qua parentem suum Mirszonem abundare sperauerat, capit. Et captum Almanis quibus pecuniam debebat, pecunia mulctandum, tradit. Quare adeo omnium Poloniæ Baronum, in suo Legnicen^s Ducatu, animi ab eo alienati, et sibi infensi facti sunt, ut Castrum et oppidum Crosnam, cæterasque, quæ in eorum potestate erant, munitiones, Conrado fratri et aduersario suo traderent, Et in illius se conferent, Boleslao Caluo deserto (tyrannidem suam indies amplius grassantem perosi) ditionem.

VIOLA genere Et natione Bulgara Ducissa de Opol moritur.

Castrum Lbaschin a latronibus occupatum Przemislaus Dux Polnamentis subito recuperat.

S Poliaturi fines Polonorum quidam ex Castro Lubusz latronum, culi, in campestria Castri Lbaszin perueniunt, Et gregem pecorum haud mediocrem nacti, etiam pastorem, ne facinus fugiens denunciaret, simul apprehendunt. At ille tam se quam pecus a se custoditum in libertatem vendicaturus. Si huc, inquit, prædatum uemistis, ampla potest vobis præda, si pecus meum inuiolatum fuerit, meo iudicio contingere. Lætis illis, Et incolumitatem tam sibi quam pecori pollicentibus, Castrum, ait, Lbaszin, gentibus ad illius excu;

bias pro sua vice (per vices enim custodiri solitum) tardē venienti-
bus, à tribus tantummodo, et his paucis & inertibus, custoditur. Illo
si quid audaciæ vobis est, facile potiri poteritis. Qui capta præda
omissa ē uestigio ad Castrum perueniunt, & pro custodia Castri se ve-
nisse, quemadmodum à pastore docti fuerant, mentiti, ad Castrum cum
favore intromissi, Castrum occupant, & eos quos ibi reperiebant vin-
ciunt. Cuius facti nocte novitas, cū ad Przemislum Posnamien-
& Calisien Ducem, altero ex quo contigerat die, festinantissima delata
fuisset, nihil rei atrocitate, quæ alium pauore perculisset, territus, festi-
nus et ipse cum paucis suorum Curien tantum manu, tam nobilibus quàm
agrestibus se celerrimē sequi iussis, ad Ebaszū peruenit, & speciem ob-
sidionis occupatoribus monstravit. Qua illi exterriti, cū et Castrum
victualium mops esset, & nemo obsessis opem laturus speraretur, vita
tantummodo à Principe impetrata, Castrum dedunt. Prius quoq; de-
ditio ipsa facta est, quàm illud milites, veram obsidionem effecturi, con-
sequerentur. Sed et gratiæ illi à latrunculis ingentes actæ sunt, quod
illis vitam, scelere eorum demeritam sua propiciatione donaverit.

*Cruciferorum cladem pū Prin-
cipes in Prussia ulciscuntur.*

In maxima egestate et penē desperatione Cruciferis, ex clade
apud Nactagam regionem suscepta, constitutis, Marchio Brande-
burgen, item Epūs Mersburgen, item Comes Henricus de Swarcz-
burg, cum gentium armatarum auxiliis adueniunt, & Pruthenos superio-
ri victoria exultantes, strage frequentius ædita adeo alterunt domantq;
ut quinq; Pruthenica regionis armis subactæ vzt Pomezani, Ermimi,
Pogezani, Barthimi, et Nactangini, etiam fidem Christi profiteri, & ido-
la relinquere coactæ sunt. Sub quo tempore quarto Magistro Prussiae
Hermano de Lalcza obeunte frater Conradus Lanigrauius Thuringi-
giæ in Magistrum suffectus est.

*Culmenlis Ecclesia de Saculari
in Regularem transfertur.*

Henricus aliàs Herdenricus qui et Albertus olim Armacanus, tunc
vero Culmen Episcopus, Ecclesiae suæ bonum regimen, & residen-
tiam Canonicorum assiduam ordinaturus, cū esset fr̄ ordinis Præ-
dicatorum, Ecclesiam prædictam Culmen, in die beatæ Mariæ Magdalenaë

de Sæculari in Regularem transfert, & Canonicis Prælatiſq; Sæcula-
ribus amotis & consentientibus, Collegium Canonicorum Regularium
in illa instituit. Qui bona temporalia habentes in communi, etiam do-
micillium haberent unum, & mensam communem.

Anno Domini 1787.

Conradus per fratrem Boleslaum
expulſus ad Przemiſlaum Ducem Po-
ſnamienſem fugit, à quo in Caſtro Bi-
thom reponitur, ipſiq; ſororem ſua
Salomeam iungit in matrimonium.

S Eceſſione militarium & ſubditorum ſuorum Boleslaus Caluus
Legmiezienſis Dux, quod ſe deſerto fratri et aduerſario ſuo Con-
rado adhaſerunt, Croſnamq; & alias munitiones tradiderunt.
vehementer furore irritatus, non à deſertoribus tantummodo ſuis, ſed
etiam à Conrado fratre, penas ſeceſſionis huiusmodi & contemptus
exigere cogitat. Conradumq; fratrem, nihil aliud quàm ſortem ſuam
ab eo repetentem, primùm captivare, deinde occidere deſtinat. (paci-
cus enim erat Princeps Conradus, & cum ob manſuetudinem tum ob
paupertatem iniuriæ opportunus) carnificesq; quibus id munus dele-
gat, prece et promiſſis ſubornat. Conradus autem Dux, inſidias, ſibi à
fratre Boleslao Legmiezienſi Duce comparatas, declinaturus, ad Przemiſla-
um Poſnamienſem & Calisienſem Ducem (neq; enim in altero germano Henri-
co Wraſiſlauenſi Duce, plus quàm in Boleslao ponebat ſpei) diuertit.
petens ſui miſereri, & ſe in patrimoniū ſui ſortem ſuo brachio reponi.
A quo non ſolum benignè exceptus, ſed etiam comiter et honeſtè habitus
eſt, et benè de reſtitutione ſua in ſortem et portionem ſuam ſperare ius-
ſus. Primum itaq; Przemiſlaus Poſnamienſis & Calisienſis Dux, ad Bole-
ſlaum Caluum Legmiezienſem, & Henricum Wraſiſlauenſem, Duces, Nun-
cios mittit, qui rogarent, ut iuſtam germano eorum Conrado, ex pater-
nis Principatibus ſortem tribuerent, ipſumq; deceterò in commune omni-
um ludibrium, exulem, & ſtipe aliena victum quaritantem, non ſinerent.
Henricus autem Wraſiſlauenſis Dux, & ſi de ſorte Conradum contingen-
te, nihil ſe habere reſpondit: obtulit tamen ſe apud Boleslaum Caluum

867

Legniczen' Ducem, qui et suam et Conradi portionem occupavit enixius
 quo posset, de reddenda Conrado portione, intercessurum. Boleslaus vero
 Legniczen' Dux, cum huiusmodi Przemislai Legationi, asperum et iniquum
 dedisset responsum, asserens Conradum fratrem suum, quod tonsura et of-
 ficio Clericali subdiaconatus relictis, Episcopatu etiam Bambergensem re-
 licto in saecularem militiam migraverit, indignum cui sors paterna debe-
 atur. Przemislai Posnaniensem & Calisiensem Dux, tam de suo quam fratris
 sui Boleslai Ducis Gnesnensem Dominio, collecto pedestri et equestri exerci-
 tu, in Ducatum Legniczen' & terras a Boleslao Caluo possessas, habens
 secum Conradum Ducem, venit, & Castrum Bithom supra flumen Odram
 prope Glogoviam construxit, illudque forti militum suorum imposito praesi-
 dio, fossatis quoque, vallibus, & turribus muniens, Duci Conrado tradidit,
 non prius a vexatione totius Ducatus Legniczen', donec sibi aequa per
 fratrem Boleslaum reddatur portio, quieturus. Sub ipsius autem Ca-
 stri constructionis tempore, Boleslaus Caluus Dux Legniczen' incautius
 speculatum, quid Przemislai Ducis exercitus ageret, progressus, a militi-
 bus Przemislai excubias agentibus, captus, & Duci Przemislao prae-
 sentatus, in vincula comiectus est, quae postea custodibus corruptis evasit.
 Consumato autem Castro Bithom, Przemislai Dux incolumis Posnani-
 am reversus, sororem suam Salomeam Conrado Duci praefato desponsat
 in uxorem, & magnificas Tulcone Archiepo Gnesnensem, Boguphalo Po-
 snaniensem Epopo, & Baronibus terrarum suarum praesentibus, celebrat nup-
 tias. Vbi Thomam Castellanum Posnaniensem, Thomislai Princes-
 nam filiumque eius Sandziuogium, accepta cautione, quod dolo quolibet
 circumscripto, sibi et fratri suo Boleslao Duci Gnesnensem, synceros fide-
 lesque se praestabunt, a captivitate absoluit. In die autem Sancti Ste-
 phani Protomartyris anni eiusdem, praefatus Przemislai Dux generum
 suum Conradum in Posnaniensem Ecclesia, Boguphalo Epopo Divina agente,
 balteo insignivit militari, & plura illi in Glenodiis aureis & deauratis
 contulit decora ~

*Alia commissio data nuncijs Regni Po-
 lomiae super examine testium in facto Ca-
 nomisationis Scti Stanslai, et bti Petrus
 ordinis Prædicatorum Canonisatur.*

Nuncijs Cracovien' Ecclesiae, vult Magister Iacobus de Skarzeszow,
 Decanus, & Magister Gerhardus Canonicus, Cracovien', ad pro-
 curandam Canonisationem beati Stanslai Cracovien' Episcopi,

in Lugdunum (illuc enim Innocentius quartus tenebat sedem) missi,
Et si grandia miracula, stupendaqz opera viri Dei Stanislai, coram Pa-
pa Innocentio, Et in Consistorio publico, organis propriis, diserte Et
splendide enunciaissent, examen insuper testium, per Apostolicos Com-
missarios factum, Et in scriptis redactum ostendissent, cura quoqz Et
solicitudine nienti, Et Ioannem Caietanum, tituli Sancti Nicolai in
Carcere Tulliano Diaconum Cardinalem, ad videndum examen testium
deputatum, Et Innocentium Papam de consumando Canonisationis mu-
nere vexarent, pluribus tamen Cardinalibus, propter vetustatem Et
longinquitatem temporis, de veritate eorum miraculorum haesitantibus,
maiora quoqz Sanctitatis beati Stanislai experimenta poscentibus, Nun-
cii negotio misecto in Poloniam redire ab Innocentio iussi, noua manda-
ta Commissariis Apostolicis afferunt. Quibus mandabatur, ut scrupu-
losius vitam, genus, martyrium, beati Stanislai, eius quoqz miracula, Et
ab his quos iam examinauerant, Et aliis inuestigarent, Et per noua scri-
pta sedem Apostolicam certiore facerent. Non intulit huiuscemo-
di dilatio viro excellenti Et optimo Prandotha Cracouien Ep'o, quod
alium desperare coegisset, fastidium, sed plenus feruore Et zelo, Et pro-
prios testes, et plures alios novos, Gethkam tamen praecipue militem Cen-
tenarium, ad Commissarios Apostolicos induxit, Et altiori indagatio-
ne illos examinari, dictaqz illorum in scripta redigi procurauit, Et dimi-
dium fere anni in conficiendo huiusmodi examinationis negotio, singula
per se curans et adiens, absumpsit. Discedit etiam Innocentius Papa ex
Lugduno, ubi annis nouem fuerat commoratus, Et in Italiam veniens,
apud Perusium consedit, et beatum Petrum Martyrem ab haeticis in
Lombardia occisum, illic Canonisauit, Et ad intrandum Regnum Neapo-
litantum contra Haufredum eius occupatorem magnum exercitum compa-
rabat ~

*Swiatopelkus clade suorum accepta
cum Cruciferis perpetua firmat pacem.*

Fratribus Cruciferis terram Pomerania vastantibus, dum
illis Pomeranorum exercitus, suas depopulationes prohibere,
rus, occurrisset, praelio conserto victus ab illis est, Et Monaste-
rium Oliua grauibz spoliis affectum. Cogebaturqz Dux Pomerania Swan-
topelkus per pacis sufferentiam bellum suspendere. Postea vero idem Swan-
topelkus, videns se et aetate Et bellis attritum fore, per medium Iacobi Leodi-
en Archidiaconi Aplici nuncii pacem perpetua cum Cruciferis de Prussia firma-
uit ~

*Castrum Dardzen a Pomeranis oc-
cupatum Przemislaus recuperat.*

Slesiano bello Barwin Dux inferioris Pomeraniae, cognoscens Przemislaum Posnamien et Calisien Ducem, occupatum, Castrum Dardzen quod in sorte Przemislaui tenebatur, inuadit, et septem nocte vigili-
bus, comprehendit. Sed Przemislaus rebus Slesiae ordinatis et compositis,
post unius mensis spacium, cum forti exercitu adueniens, illud oppugnat, et
favore Divo conquirit, milites quoque pro eius defensione et custodia relictos,
rebus omnibus quae habebant in praedam militibus suis datis, captivat.

*Bela Rex Hungariae, Moraviam, Austriam,
et Stiriam vastat, & Ducum Opaviensem
et Ratiboriensem ex concubina origo.*

Hungariae Rex Bela valido ex Hungaris et Cumanis (qui genus
a Tartaris ducunt, quique Tartaris in regiones suas ex Hungaria
abuentibus in Pannoniis consederant) collecto exercitu, Mo-
raviam, Austriam, et Styriam, sui illas iuris asserens esse, vastat. Et
multa strage in populo acta, maximam multitudinem utriusque sexus
hominum, ex terris praedictis in perpetuam abducit servitutem, Bo-
hemiae Rege Venceslao Moravis non ferente opem. Cuius filius Prze-
mislaus, Margaretam filiam Leopoldi Ducis Austriae relictam Henrici,
filii Frederici Imperatoris ducit uxorem. Quae cum sterilis esset, unam
de virginibus eius sequacibus filiam Baronis de Kunring nomine
accepit in concubinam. Ex qua filium generans, nomen illi Nico-
laus imposuit, et illi Opavien Ducatum (quem Mieczslao Ratiborien Du-
ce mortuo violenter occupavit) dat in sortem, ex quo Opavien et Ra-
tiborien moderni Duces traxerunt suum ortum.

*Lithuaniae Dux Mendog Christianum
se simulans in Regem coronatu.*

Mendog Lithuaniae Dux consilio fratrum Ordinis Cruciferorum,
Domus Teutonice inductus, et qui praefatis fratribus Crucife-
ris de Prussia, aliquot terras Lithuanicas donatione perpetua in-
scripserat, fidem simulate recipit Christianam, et nuncios ad Innocentium

Papam III. mittit. Nuncijs Magistri & Cruciferorum de Prussia adiun-
ctis, petens Coronam, et profitemse Catholicam accepisse puritatem. In
cuius fauorem Papa Innocentius fratrem Henricum alias Heidenricum
quondam Provinciale Poloniæ, & Officialem Armacanum tunc vero
Epum Culmen mittit in Lithuaniam, Qui veniens cum alijs Episco-
pis de Riga, Mandagonem in Regem consecrauerat.

Anno Domini 1253.

Missi nuntii pro Canonisatione Sancti
Stanislai denuo, cum res esset bene di-
gesta, et dum Cardinalis Reginaldus re-
listeret, miraculose ager factus demum
sanatus mox consentit in Canonisationem.

Secundario examine super vita, causa, & ordine Martyrii, &
magnificis famosisque miraculis, ac alijs omnibus, quæ ad consumma-
tionem Canonisationis viri beati Stanislai Crac' Ep'i conducere
videbantur, rite & iuste expeditis, priores nuntii Magister Iacobus
de Skarzeszow Decanus, & Magister Gerhardus, Canonicus Craco-
uiens, per Prandotham Epum & Capitulum Cracouiens ad Summum Pon-
tificem Innocentium III. iam ex Gallijs egressum, & in Italia consisten-
tem, suis et totius Cleri Diocesis Cracouiens (qui in id opus gratuito
quoties requirebantur conferebant) sumptibus, qui negotio ipsi suffice-
rent abunde prouisi, tertio reuertuntur. Qui cum Innocentium Papam
in Perusijs inuenissent, nouum illi de vita, miraculis, & martyrio beati
Stanislai suorum Commissariorum exhibent examen, noua omnium Prae-
latorum Poloniæ Ecclesiæ afferunt scripta & testimonia. Et pro illo-
rum ampliori firmitate, etiam testes viuos et presentes viros insignes
inducunt. In quos aut per merita beati Stanislai collata fuerant miracu-
la, aut qui eos, quibus conferebantur, viderant et nouerant, a pluribus
langoribus illos detinentibus, sanatos. Iam plures, Nuntii Cracouiens
Ecclesiæ in sollicitando negotio, dies exegerant, & veluti omnibus diffi-
cultatibus & impedimentis functi, alacres, laborum suorum fructum
gloriosum propè diem, de quo illos IOannes Gaietanus Cardinalis Com-
missarius, certos faciebat, percepturi, degebant, cum subito eodè Ioanne

871

Cardinali referente, audiunt, rem certam & claram, nullaquē fuscā ca-
 ligine (de quo Cardinalis ipse grandi admiratione & indignatione com-
 mouebatur) ad infectum & penē desperationem recidisse, Reginaldo
 Epō Cardinali Hostienē viro magnā grauitatis & prudentiā, cui & nūm-
 li Cardinales, auctoritatem illius non iudicium secuti assentiebantur, &
 nominationem viri Dei Stanisłai, propter diuturnitatem & moram temporis
 a die Martirii sui transfluxi, perseueranter obsistente, & indignum
 atquē incredibile iudicante, ut claritas tam illustis martirii, & tam insi-
 gnis sanctitatis, si vera & non simulata existeret, tanto tempore se-
 dem Apostolicam & Ecclesiam vniuersalem latuisset. Commissarium
 itaque suum Ioannem Gaetanum Cardinalem, Nunciū Ecclē Cracouiē
 quid facto opus esset consultantibus, inspiratus ipse (licet, ut postea
 referre solebat, fortuito se loqui credens) respondens. Necessarium ha-
 bet vester Sanctus Stanislaus, post tot quā eum egisse compertum est, unum
 finale, si Canonisationem suam perfici velit, operari miraculum, ut di-
 scordes in unam concordem impellat sententiam. Hi enim qui obsistunt,
 non nisi nouo signo (cū singula alia quasi vetustate obsoleuissent in du-
 bium reuocant) ad consensum induci poterint. Quid agerent Nunciū
 Cracouiē Ecclē & Procuratores Canonisationis viri Dei Stanisłai
 quō gradum verterent? quid ad consumationem operis adderent, quo Su-
 mus Pontifex & Cardinales moueri in Canonisationem possent? nescie-
 bant. Restabat unum, ut desererent se a Christo & viro beato Stanisłao,
 pro illius ecclesia & veritate passo, non posse, tenacissime considerent:
 qui ideo gloriosi martiris sui Stanisłai Canonisationis gloriam indiffi-
 cultari permisit, ut illam illustriorem nouis prodigijs declaratam effi-
 ceret. Re itaque Canonisationis viri Dei languidata, & penē ab om-
 ni cura excidente & elapsa, Reginaldus Epūs Hostienē prædictus, Ca-
 nomisationis viri Dei Stanisłai præcipuus hostis et aduersarius, cuius
 etiam sententijs & consilijs, propter notam hominis in utraq; scientia so-
 lertiam et prouidentiam probitatēque, Innocentius Papa differebat, gra-
 ui a deo morbo correptus est, ut tam suo quā Phisicorum iudicio, pro-
 pinquam sibi mortem imminere speraret. In qua cū dies aliquot la-
 boraret, vigilanti illi, & in camera priuata existenti solitario, bea-
 tus Stanislaus in Pontificali amictu cum magno splendore apparuit, &
 in grabato iacenti, de visioneque ignota personæ & insoliti fulgoris
 stupenti, vir Dei Stanislaus ait, Agnoscis ne me? Qui tremens ac
 stupens, & verba vix formans, Non agnosco respondit: quæso tamen
 quis sis, qui cum tanta luce clausis etiam ianuis cubile meum intraue-
 ris, edicas? Ego sum, ait, Stanislaus Cracouiē Epūs pro nomine

IESU Christi eiusque Ecclesia & veritate, glorioso martyrio a Boleslao Rege Polonorum damnatus. Cui tu te aduersarium, non recte de vita, & miraculis martyriique meo, propicia Diuinitate a me patris sentiendo, constituisti. Ad quem Reginaldus Cardinalis spiritu re-sumpto, ignosce, ait, mihi & ignorantia mea Praesul Sanctissimae & veniam praestare digneris meo errori, fortiorem promotorem Canonisationis tuae, quam impeditorum pertuleras, habiturus, Cui vir Dei Stanislaus, ut me, inquit, in conspectu Dei, & Sanctorum glorificationem & Sanctificationem, martyrio quod accepi, consecutum esse cognoscas, a grabato & aegritudine quibus detineris, valens & incolumis illico consurge. Caueque ne Canonisationi meae de cetero aduerseris, quam non tantummodo in meam amplitudinem et gloriam, qua ego iam plenissime in videndo Deo perfruo, sed in omnium fidelium salutem & profectum, Diuina decreuit consummare clementia, Cardinali Reginaldo omnia quae iubebantur expleturum se pollicente, visio disparuit. Qui accersitis seruis suis sterni sibi equum, quo ad Palatium Papale vehatur, imperat. Qui etsi illum primum delirare credidissent, eo tamen sine adiutorio & de lecto consurgente, & equum ascendente, in magnam et ipsi extasim, de subita domini sui conualescentia, versi, illum usque ad Papale Palatium iucundi comitantur. Innocentius denique Papa, Reginaldum Cardinalem venisse, & plene sanum, quem prope horam moriturum sperauerat, intelligens, etiam aduenienti occurrit, & quomodo ad bonam valetudinem tam subito redierit, solite inquit. Cui Reginaldus Cardinalis, beatissimus inquit Martyr Dei Stanislaus Cracouien Episcopus, cuius ego Canonisationis apud tuam Sanctitatem fui impeditor, hac eadem hora mihi cum claritate vix ferenda apparuit, & ignorantiae meae facinore benigno correpto, etiam mihi in euidentissimum suae Sanctitatis signum, sanitatem, qua me, ex homine paulo ante infirmo, & ad mortem iudicato, pollere vides, restituit, & beneficium pro iniuria rependit. Interminatus etiam ultionem si illius Canonisationi obstitero. Scelere itaque ignorantiae meae apud te recognito, & in viri beatissimi Stanislai Canonisationem pronus eo, et pro illa supplex ad pedes tuos, ne diutius illam differas, procumbo. Intercessionem etiam suam pro lapsu in terram testatus. Id miraculum dum in Perusiorum Urbe grandi et celebri sermone vulgatum esset, & omnium mentes ac pectora Polonorum praecipue & Nuntiorum atque Procuratorum Canonisationis viri Dei gaudio immenso repleuisset, omnes virum Dei Stanislauum certatim Canonisatione dignissimum depromebant. Sed et Papa Innocentius, ceterus quoque Cardinalium, miraculi, quod in Reginaldo Cardinali

acciderat. prodigio permoti, omnibus impedimentis quæ imponebantur cir:
cumscriptis, & quasi quodam Sole siccatis, virum Dei Stanislaum in sua
Sanctitate gloriosum et magnificum Canonisandum decernunt, & diem Na:
tivitatis beatæ Mariæ Virginis, quæ tempore qua ea agebantur vicinior
erat, in Assissio (illuc enim Innocentius Papa versus Neapuliam exer:
citum deducens venturus erat) constituunt. Ita verbum Ioannis Ga:
iethani Cardinalis ad nuncios Cracouien' Ecclesiæ fortuito prolatum,
in effectum prodiit. Verificari autem et defendi ea res potest, si quis
illam fabulosam aut commenticiam putet, per literas originales, per
præfatum Ioannem Caietanum Cardinalem Prandothæ Episcopo
& suo Capitulo Cracouien' in pergameno scriptas, per nos frequentius
visas & tractatas, in Scriptoriis Ecclesiæ Cracouien' repositas. Quo:
rum tale est Exemplar ~

*Litteræ Cardinalis Caiethani de
dignitate Sancti Stanislai ad Epi:
scopum et Capitulum Cracouien'.*

Venerabili in Christo Patri & amico char^{mo}. Episcopo Cracouien'
& eiusdem Ecclesiæ Capitulo, Frater Ioannes miseratione Divi:
na tituli Sancti Laurentii in Lucina Presbyter Cardinalis, Salu:
tem, & Polonorum Regem glorioso laudum venerari preconio, qui fimiti:
mum gregem ouilis Domini de insigni decorauit Martyre Stanislao.
O iucundum Diuinæ pietatis iudicium, quod Boleslaus vincendo vincitur,
dum ex eius crudeli ministerio Prothomartyr Polonis egregius mirifice
ministratur. Gratuletur Ecclesia se tantis prodigiis, feliciter illu:
stratam splendoribus, & ita insignitam corruscantibus undiqz mira:
culis, quorum multitudinis sufficiens est aceruus. Lætetur Ecclesia
Cathedralis Cracouien', cui iustus titulus & bona fides glebam San:
cti preciosam totaliter appropriauit cum præscriptione longi temporis, ex
cuius felici præsentia, non solum accrescit loco Sanctitas, sed etiam ex
crebra populi confluentia, famæ fecunditas et honoris. Gaudete vos
et exultate specialiter, qui quadrienno iam elapso, pro tanti patris Cano:
nisatione totis viribus laborastis, ut ascriberetur Sanctorum Githalo:
go: constituentes Procuratorem ad hoc Ecclesiæ vestræ Præpositum
virum oculatæ discretionis, & omni circumscriptione prouidum, qui con:
stanter laborauit, & fideliter in Curia prosequens negotium, toto misu

sed quot afflictionibus et angustis affectus extiterit, in ipsa prosecutione cum Collega sibi deputato, non est nobis facultas presentibus exprimere: quoniam lingua deficeret nec sufficeret calamus, nec Algorithmus inuenitor Algorithmi, cum suis radicum extractionibus, aduersitates quas passi sunt, posset efficaciter exarare. Nam si liceret obuiantium negotio per aculos obices & dentatas obiectiones seminatim et per ordinem, prout se habet veritas, distinguendo, describere, vix haberetur numerus in millenario. Tantas difficultates audientium, qui pro monstruosis rerum perplexitatibus, vellet fiduciam narratibus adhibere. Frequenter enim contigit, quod consummatum vel quasi coniecturis probabilibus aestimabatur negotium, & tunc ex abrupto inuenit tempestas impeditiva processus habitum, quod de facto consumpsit, quod ratio praedixerat consummatum. Sic Saturni motus experti sunt per effectum, qui planeta dicitur maliuolus, procedens & recedens ordine retrogrado. Et sic longanimitate exercebant Curiae studium, quod multi profecti sunt, & parum profecerunt intra terminum, non habente brauium cursu suo. Tandem vero cum redisset frater Iacobus Legatus, fidelis, & negotii firma sanitas, vix obtenta fuit ad referendum particularis audientia: quamuis ipse vidisset curatos, & examinasset inquisitores primarios, qui processerant in omnibus bona fide. Nos vero finaliter stupefacti, de tanta congerie probationum non admissa, Transposito Procuratori diximus quasi parabolicè. Necessarium habet Sanctus Vester, unum finaliter operari miraculum, quod discordantes in miraculis mirabiliter faciat concordare. Et factum est illa, quod ubi pestis grauior, ibi salus est suborta propinquior, & subito prius discordes conuersi sunt unanimiter ad concorditatem concordiae, decernentes unanimitate talem virum Canonisationis munere dignissimum, & per ea quae fecit miracula, quorum extat luculenta probatio veraciter esse Sanctum. Sane praefatum Procuratorem et collegam ipsius, pro sua multiplici diligentia, vestrae dilectioni recommendamus diligenter. Nam nostra interest, quod honorentur qui nobis astituerunt, in agone certaminis, & quod tractentur per vos tanquam benemeriti, saltem pro nostro nomine reuerentur. Quicquid enim honoris, fauoris, vel gratiae dilectis amicis nostris, cum pro sua probitate, tum pro nostro precamine, per vos exhibitum fuerit, nobis impensum esse generaliter aestimabimus, & ad Ecclesiae vestrae defensionem & conseruationem in suis iuribus, nostram vobis exilem potentiam, ad diligentem ipsorum instantiam liberaliter presentamus. VAlete in DOMINO IESU CHRISTO.

Canonizatur Sanctus Stanislaus in Ec-
clesia Alilien. et in ea Canonizatio;
ne mortuus resuscitatus est &c.

Natali Dominae nostrae excellentissimae Virginis Mariae aduemen-
te die Pontifex Summus Innocentius, cum Collegio Cardinali-
um & multitudine Praelatorum ad Basilicam Sancti Francisci
in Assissio, in qua suum et suorum sociorum corpora, recondita sunt,
ex Palatio, Canonisationem beati viri Stanislai Epi Cracouien. expletu-
rus, descendit, illamque multitudine plebis, quae futura viri Dei Canonisa-
tione vulgata, penè ex omni Italia confluerat, refertam reperit. Quo
in Ecclesia praefata Missarum agente solenniter Diuina, etiam pietas
agmi caelestis, ipsi Summo Pontifici Innocentio, quanti meriti Sanctus
Canonisandus apud se esset, declarauit. Adolens enim quidam ex
Assissio, in ipso articulo Canonisationis praefatae defunctus, ad Eccle-
siam Sancti Francisci, parentibus, fratribus, & necessariis magno
eiulatu mortuum illum lugentibus, inferebatur, aut humulandus, aut
meritis Sancti Canonisandi viuificandus. Propinquis itaque & cogna-
tis pro eius, obsecrationes & voces emittentibus, resuscitatione, Inno-
centius Papa ante altare cui insistebat, prostratus, fudit cum fiducia ora-
tionem suam in haec verba. O Pater & clementissime Domine, si
ea, quae de beato Stanislao Crac. Ep. Martyre tuo in nostro conspectu
sunt enarrata, vera per omnia, quemadmodum humana habet credu-
litas, probantur, declara quæso hodierna die nouum Sanctum à me
Canonisandum, nouo signo. Vix Pontifex Summus orandi fecerat fi-
nem, & mortuus nunciatur illi surrexisse, Tunc itaque mirum in mo-
dum et stupentibus et gaudentibus, ardentesque cereos, et luminaria
accensa, ut Ecclesiam arsisse putares, gestantibus, Summus Ponti-
fex Missarum solennia prosequitur. Quibus expletis sermone in lon-
gum de vita, martyrio, et miraculis beati Stanislai recitato, ambona
conscensa, virum beatissimum Stanisloum gloriosum Martyrem Cra-
couien. Pontificem Canonizat, & Sanctorum Cathalogo ascribit: man-
dans eius festum VII. Idus May ab vniuersa Catholica Ecclesia,
inter praeclaras martyrum festiuitates cum debita veneratione vene-
rari. Praesentibus autem omnibus unum annum & dies quadraginta
de indulgentiis largitus est, & orationem de Sancto Stanislao, tan-
gens in ea ipsius Sanctitatis merita, addidit, & per se publice pronun-
ciauit, quae incipit. Populum tuum quæsumus intercedente b. Stanislao &c.

Fabricata misuper est. Et in Sancti Stanislai honorem, Et in illius Canonisationis memoriam in lateris Sancti Francisci Ecclesiae in cedito loco Capella, a nobis aliquoties visa in qua gloriosum martyrium suum desculptum est.

Litterae Canonisationis Sancti
Stanislai Episcopi Cracouiensis.

Innocentius Episcopus servus servorum Dei. Venerabilibus fratribus Patriarchis, Archiepiscopis, ac Episcopis, dilectisq; filiis Abbatibus, Prioribus, Decanis, Archidiaconis, Archipresbyteris, Et aliis Ecclesiarum Praelatis, ad quos litterae istae pervenerint, Salutem Et Apostolicam benedictionem &c. Olim a gentiliū oculis tenebrarum deteresa caligine, & ab eorum cordibus infidelitatis gelida hyeme secedente, vernalis ex eo successit amantitas, redolentium florum venustate decora. Quod Ecclesiae prius deserta ac sterili, filii devotionis praecipui, valloq; constantiae praemuniti nascuntur. Qui cum flores primae, Et diffusam spirant suavitatem odoris, Et uberiores per Dei gratiam, fructum sibi proferunt honestatis. Sicq; filiorum sibi multitudine provemente innumera, suiq; loco a mari usq; ad mare tentorii dilatato, infra ipsius mualuit terminos vox turturis gemitus ac doloris dum saeva mitiscens tyrannorum crudelitas, idolis exterminio traditis ad lamenta paenitentiae suffragante illo, curus stupenda sunt opera, mirifice se conuertit. Gaudeat itaq; ob hoc ipsa Ecclesia, quae probrosa sterilitatis detrimenta abiciens, salubris incrementa fertilitatis suscepit, ac nuptiali foedere nunc illi gratiosa coniungitur. A quo priusquam assumpta esset de gentibus inuenerat se desertam. Laetetur igitur, amulq; suae de terrestri eiecta Hierusalem Sinagoga, videlicet, dudum sibi huiusmodi sterilitatis incommoda impingenti, secura res pendeat quod iam suae prolis fecunditate caelestes muri Hierusalem cicatrix obducitur. Et quae antiqui habitatores vacua domicilia reliquerunt, ipsa sua vniuersitatis illustrabit praesentia, felici postmodum refectione sui atq; integritate gaudente. Porro ne huiusmodi exuberante latitia in valle miseriae morientium, terra requiem posset sibi polliceri continuam. Cuius vita est aduersus inimicorum ingruentia bella, exterorum Castra, militia super terram, ac ne praedicta Ecclesia quae mater est cunctorum fidelium, maternae conditionis expers existeret, si solitas

in partu quorundam filiorum suorum matrum parientium molestias non
 subiret, interdum restauratur quodam modo sibi aduersitas opportuna, si-
 cut in passione piæ memoria beati Stanislai Cracouien' Epi, cuius
 meritis præfata refulget Ecclesia, patuit euidenter. Cum enim idem
 in sortem Pontificalis ministerii Dignè vocatus à Domino, super gre-
 gis sibi commissi prudenter custodiret: hostium sagaciter explorauit
 insidias, malignantium anticipauit consilia, amulqz nostri deprehē-
 dens laqueos, ipsius cautē retiacula dissoluebat. Hic nempe pro suis
 ouibus, cor suum tradiderat, ad vigilandum diluculo, ut si quem graui
 fortē deprehenderet tempore concussus: mox ubere consolationis ad-
 hibito, eum erigeret desolatum. Et quem in bono proficientem aduerte-
 rat, gratulationis ubere confortaret, ut non minus per hoc deficienti:
 bus subditis, se clavis indicis ostenderet esse Martyrem. Verum
 cum non sine internæ mentis angustia, Regem Polonorum nomine Bo-
 leslaum intentum horrendis voluptatibus subyci, carnisqz nefandis
 illecebris cerneret eneruari, ut in passionēs ignominia traditus, et
 in humanis contumeliis afficiens corpus suum, mulierum mamillis, auel-
 sis exinde propriis liberis, catulos apponeret miserabiliter educandos,
 ne execrandam fauore maliciam, et iniquitati eiusdem videretur
 præfatus Pontifex per dissimulationem fauere, postquam à præmissis fla-
 gitiis, sedula et paterna correctione, auocare non potuit, in ipsum con-
 sultē medicinalem Petri gladium exeruit, et in spiritu leuitatis, sperans
 ut percussus dolens, ad percutientem se in humilitate conuerteret, Domi-
 num exercituum suppliciter requirendo, percussit. Sed ipse corde indura-
 to medicinam exhorrens, et increpationem abominans disciplina, imo
 maleum velut stipulam reputans, non solum nulla pœnitundine correxit seip-
 sum, verum etiam ad peiora in suæ damnationis cumulum prouocatus
 iuxta aram, non ordini, non loco, nec tempori deferens, iussit Ponti-
 calibus indutum Antistitem per suos Satellites, diris corporis crucia-
 tibus deputari. Sed ipsi quoties in eum irruere tentant, toties compun-
 cti, toties mansuescunt prostrati. Et tunc idem Rex suæ inserviens
 impetuosus tyrannidi, manus in eum conuertit Sacri legas, sponsum et gre-
 mio sponsæ, pastorem abstrahit ab ouili, patrem inter filia complexus,
 et filium in visceribus maternis penè obtruncavit, iubens irritatus
 atrocitate ferali ipsius, proh dolor, corpus inhumamiter in frustra con-
 cidi, velut singulis membrorum partibus pœna inflictio deberetur. Sed
 ille apud quem patientia pauperum non peribit in finem, non solum ruti-
 lantibus huiusmodi Sanctissimi corporis partes splendoribus illustrauit,
 verum etiam ipsum, nullum in eo cicatricis apparente vestigio, integritati

restituens, aquilarum suarum presidio, miraculose a ferarum morsibus
praeservavit. Gustato demum acerrime ob Zelum iustitiae calice passio-
nis, cum ab eodem tyranno totaliter putaretur consumptus, ecce ut luci-
fer oritur, et quasi meridianus fulgor in firmamento consurgit. Propter
eius faciem, in suis nonnulli necessitatibus deuotissime deprecantur. Ipse
quidem defossus securus dormit, requiescit, et non est qui iam ipsum ex-
terreat. Nec mirum quia Ciuitatem illam, honoris et corona gloriae insi-
gnitus, inhabitat, ubi est mansio secunda, populus sine murmure, ac pa-
tria totum id continens quod delectat. Verum ne militans Ecclesia de
tali ac tanto patre sibi subtrahere inconsolabiliter quasi gemitus singu-
larios emitteret, si beneficiorum ipsius affluentia, eam non contingeret
saepius irrigari delectabiliter. Ecce gloriosus in Sanctis suis Dominus, vo-
lens eiusdem patris plenitudinem gloriae indicium exprimere manifestis,
et praestolanti Ecclesiae grata conferre super hoc recreationis remedia,
et tot et tantis fecit ipsum famosis miraculis coruscare. De quibus facta
nobis et fratribus nostris, prout debuit, per testes idoneos plena fides exti-
t, quod eius inter Sanctos ceteros implorare fiduciam et subsidium,
reputauimus merito non indignum. Nam mortuis vita, lumen caecis, au-
ditus surdis, verbum mutis, claudis gressus, epilepticis cerebri robur,
et daemoniacis immundis ab eis eiectis spiritibus, corporum requies, ad
eius inuocationem nominis, caelesti dextra subito conferuntur. Propter quod
ne huiusmodi rutilantem lucernam sub modio periculose abscondi contem-
neret, quam idem Dominus tot mirificis signis recte disposuit super Ecce-
siae candelabrum, honorifice collocari, praesertim cum ex hoc ignorantium
Deum propellantur tenebrae, confundatur peruersum haeticorum dogma, et
fidelium beata credulitas augeatur, eorumdem fratrum nec non Praelato-
rum, tunc apud Sedem Apostolicam existentium, communicato consilio, pra-
dictum Sanctum Siamis Episcopum digne Sanctorum Cathalogo duxi-
mus ascribendum. Quo circa vniuersitati vestrae per Apostolica scripta
districte praecipiendo mandamus, quatenus VIII. Idus Maij, die vbi quo
mortis absolutus vinculo victurus perenniter ad fontem supernae prodiit
voluptatis, festum eiusdem, prout miranda ipsius meritorum magnitudo
exigit, celebratis, et faciatis solenniter celebrari, ut id vobis de The-
sauris caelestibus, eius pia intercessione proueniat, quod ipse praestante
Christo percepisse dinoscitur, et possidere perpetuo gloriatur. Ceterum
ut vniuersitati fidelium inuisibilis aulae consequendi delicias, ex con-
cessa nobis potestate desuper, propitiant Domino, sit facultas, quinimo
et ut nomen Domini exaltetur altissimi, si sponte suam venerabilem se-
pulturam fidelium procuremus accessibus frequentari, omnibus vere

pœnitentibus et confessis, qui ad dictam sepulturam in memorato festo, et usque ad octavas ipsius, causa deuotionis accesserint annualim, ipsius suffragia petaturi, de omnipotentis Dei misericordia, et beatorum Petri et Pauli, eius auctoritate confisi, unum annum et quadraginta dies, accedentibus uero annis singulis ad prædictam sepulturam, infra eiusdem festi quindenam quadraginta dies, de iniuncta sibi pœnitentia misericorditer relaxamus. Datum Assisii XV.º Calen. Octobris, Pontificatus nri anno XI.º

*Przemislaus Dux Posnaniens' fratrem
e carcere soluit, ac nouam cum eo hereditatis diuisionem conficit ~*

Przemislaus Posnaniens' & Calisien' Dux, a Fulcone Gnesnen' Archiepiscopo frequenti castigatione argutus, ne germanum suum Boleslaum, quem quasi uitæ et Principatus sui insidiatorem captiuauerat, diutius detineret, ipsum in die festo Paschæ a captiuitate soluit. Et reconciliatione plena per Fulconem Archiepiscopum celebrata, noua etiam diuisio Principatuum inter illos, per medium eiusdem Archiepi & Baronum, communi conuentu apud Giecz Castrum habitato, confecta est, per quam Gnesna, Calisz terra Rudensis alias Wielunens', Pizdri, Szoda, Bnin, Biechom, Giecz, et Lobiedziska, Boleslao Duci largitis, Posnaniens' Ciuitatem & terram cum cæteris eius appendiciis, solus ipse Przemislaus Dux possedit. Ab eo quoque tempore in unione et concordia fraterna, unus alteri deferens, uterque vixit ~

*Monasterii in Sthaniatki fundatio
et approbatio ~*

Innocentius Papa quartus, Monasterium Sanctimonialium in Sthaniatki Ordinis Sancti Benedicti in Diœcesi Cracouiens' situm, quod Clemens de Klimuntow Comes, de Domo et Familia Græphorum, Castellanus Cracouiens', ex facultatibus propriis muro coctili condiderat, fundauerat et dotauerat, confirmat. Cuius quidem Clementis Comitissæ Castellani et suæ consortis Baczlaue corpora, in Sacristia dicti Monasterii, specialibus distincta manserunt, sepulta re, qui esunt ~

*Boguphalus Posnamiensis Episcopus qui Chorum
Ecclesie Posnamiensis priori diruto a funda-
mentis erexerat, moritur. Cui Petrus Deca-
nus succedens, vix confirmationem obtinuit.*

*Q*uinto Idus Februarii Boguphalus Posnamiensis Episcopus, vir doctus
et literarum amator, libris insignibus, quorum multitudine abun-
dabat. Ecclesie sue prefate Posnamiensis largitis, in praedio Epi-
scopatus sui Solieci cum annis decem, et hebdomadis sex, diebus no-
uemdecem vixisset in Pontificali sede, moritur, et in ecclesia Posnamiensis
sepelitur. Cuius opera chorus, priori propter varias rimas deposito, novus
et pulcherrimus muro a fundamentis, largiori stemmate, secundo Pontifi-
catus sui anno, erectus est. Post cuius mortem Capitulares congregatio-
ne pro die Dominico oculi indicta, facto in Petrum Praepositum, Petrum
Decanum, Gerhardum Scholasticum, Posnamiensis, compromisso, praedictum
Petrum Decanum genere nobilem de Domo Prawditarum, virum pium, et
religione ac devotione rarum, per viam compromissi eligunt in pastorem.
Cuius electionem Fulco Archiepiscopus Gnesnensis confirmare negavit, erat
enim sibi ab Hugone Cardinali, et Apostolica Sedis per universam Ger-
maniam et Poloniam Legato, Episcoporum confirmatio interdicta. Ca-
pitulum vero Posnamiensis Nuntiis ad Hugonem Cardinalem etiam alte-
ra vice, dum primi capti et spoliati essent, missis, licet et mandum Gnes-
nensi Archiepiscopo de confirmando suo electo, et literas quibus prohibitionem suam
de non confirmandis Episcopis Polonicae ecclesiae revocabat, retulissent
in termino tamen ad confirmandam eorum electionem eis in Slawno per
Fulconem Archiepiscopum Gnesnensem praefixo, Theophilo de Kuszask Archidia-
cono Gnesnensi et Canonicis Posnamiensis, Ioanneque Archidiacono Posnamiensis,
electioni suae, quoniam sprete et non vocati essent, se oppositibus, confir-
matio ipsa fuit tunc intermissa. Opiso tandem Abbas de Messano Apo-
stolicae Sedis altera vice in Polonia Nuntius, partes dissidentes ad se
in Wratislaviam evocans, pacem et concordiam inter illos composuit, et
Petrum Decanum Posnamiensis, cuius electionem etiam adversarii praefati,
agente Opisone Apostolico nuncio, probaverant, Fulconi Archiepiscopo
confirmandum et consecrandum transmisit. Qui confirmatione illi im-
pensa, etiam ipsum et Vitum Polonum fratrem ordinis Praedicatorum
pro Lithuanis in Episcopum nominatum, apud villam Rozlow consecrat.

Petrus Ploczenensis Episcopus, Posnamiensis Episcopum Boguphalum secutus,

Andream morte absumptus Praepositum Ploczen, Cziolk cognominatum, habuit successorem: cum annis quinque in Pontificatu Ploczen sedisset. Praefatus autem Andreas genere nobilis erat de Domo Taurorum, a Fulcone Gnesnen Archiepo Ducibus Masouiae Semowito et Cazimiro electione illius approbantibus apud Gnesnam confirmatus et consecratus est.

*Bela Rex Hungariae Morauiae,
am secundo vastat, atque Bohemis
magnum metum incutit.*

Bela Pannoniorum Rex, alteram in Morauos cum Hungaris et Cumanis agens expeditionem, uniuersam Morauiam, fortioribus Castris et Ciuitatibus exceptis, incendiis, caedibus, et spoliis, nullo resistentiam opponente vastauit, et pluribus Sanctorum ossibus, campanis ornamentis, et aliis ecclesiarum decoris ipsas spoliens in Hungariam optima secum ferens spolia, rediit. Quo quidem nouo vulgato, tantus Venceslaus Bohemiae Regem, et uniuersos Bohemos, crudelitatem Cumanorum perhorrentes metus inuasit, ut in singulis Castris et Ciuitatibus munitis duplicarentur custodiae, et Pragensis Ciuitas nouis muris, nouisque reficeretur munitiombus. Suburbis etiam ne hosti adiumento essent demolitis, et eorum habitatoribus in Ciuitatem Pragen translatis, tam Castrum Pragen quam Ciuitas ad tolerandum angustias obsidionis, victualium copia certatim fulcirentur.

*Boleslaus Puericus Poloniae Dux in
gratiam Bela Regis Morauiae populatur.*

Boleslaus Puericus Cracouien Dux et Polonorum Monarcha, Bela Hungariae Rege Socero suo solitante et deprecante cum potentiis gentium equestrium et pedestrium habens in suo comitatu Damiem Regem Russiae et auxilia Ruthenica Morauiam ingressus ipsam populatur spoliis et incendiis. Et magna multitudo captiuorum utriusque sexus ex Morauia et regione Opauensi, quae amplius vastabatur, in Poloniam et Russiam deducta est.

*Reliquiae Diui Stanislai
Bohemorum Regi donantur.*

Decimo Calend' Octobris Venceslaus Bohemiae Rex cognomina-
tus Monoculus, alterum enim oculum, cum esset venandi cupidus
feram agitando, ramo arboris excussum, perdidit, apud Pragam
moriitur, cum annis quatuor et viginti, mensibus octo regnasset, & in Mo-
nasterio Sancti Francisci, quod viuens fundauerat, sepelitur. Cui etsi
unicus filius Przemislaus successisset, non tamen se Bohemiae Regem,
sed Ducem aliquanto tempore nominauit. Hic magni ardoris et deu-
tionis in Sanctum Dei Martyrem Stanislauum Cracouien' Epum existens,
cum illius Canonisationem audisset, missis ad Prandotham Cracouien'
Epum nunciis, eius reliquias nondum ex tumultu leuatas, sibi donari ma-
gna precatone obtinuit, & Pragam allatas, solenni omnium Ecclesiaru'
& ordinum processione, solus illis ad lapidem septimum obuiam eundo,
cum magna reuerentia excepit, ac in Maiori Ecclesia Pragen' locatas,
argento vestiuit ~

Magna inundatio in Polonia ~

Anus hic apud Polonos & beatissimi Martyris Stanislai
Cracouien' Epi, quae ab annis multis neglecta erat Canonisa-
tione, & duorum sub uno fere tempore Posnamien' vni & Plo-
czen' Pontificum morte, & nunquam alias apud Polonos visa allu-
uione, insignis. Nocte siquidem et interdum, a festo Paschae usque ad
diem vigesimam quintam Iulii, caelo imbres & continuas effundente
in Polonorum regiones pluias, tanta aquarum moles et inundatio eru-
pit, ut in quibuslibet bassis et humilibus locis, aut amnis proximis fru-
menta cooperiret, & agri atque campi iuxta atque amnes navigabiles fo-
rent, querebantur a ditiora loca, quae frumenta collecta susciperent.
Ea quoque inundatione, & Lithuanorum infestatione, Visnensis terra
ad solitudinem et desolationem redacta est ~

Anno Domini 1754.

*Post reditum nunciorum ex Assilio cum
literis Canonisationis Sancti Stanislai oc-
taua die May corpus exhumatur, et os-
sa pro reliquiis in veneratione habentur.*

Cracouien' Ecclesia nunciis vzt Magistro Iacobo de Skarze.
 Szon Decano, & Gostuino Canco, Crac. fratribus etiam Prae-
 dicatoribus & Minoribus ex Curia Romana redeuntibus, & li-
 teras Canonisationis beatissimi Stanislai secum afferentibus, Cracouien'
 urbem ingressuris, omnis plebs effusa est, Prandotha quoqz Cracouien'
 Epus & vniuersus Clerus, processionum omnium urbis Cracouien' Ec-
 clesiarum honore, illos excepit. Digni prorsus quibus honor ille velut
 athletis & triumphatoribus, et longa peregrinatione fessis, publicumqz
 commodum referentibus, impenderetur. Foelicißimi certē, quibus labor
 ille et premiorum fructus, in eorum diem et tempora seruatus, obtigit.
 Ad leuandum autem ossa Sancti Stanislai de tumulo Octauam diem
 Mayi, quo festum eiusdem a Pontifice Romano celebrari sancitum est,
 Prandotha Cracouien' Epus indixit, & per vniuersam Polonicam Ec-
 clesiam praedicari & diuulgari ordinauit. Quo quidem die adueni-
 ente, ex omnibus Polonorum regionibus, sed et ex Hungariae Regno,
 tanta multitudo plebis vtriusqz sexus in Cracouien' urbem conuenit,
 vt homines aduenas urbs tanta non caperet. Sed & in campis quasi
 quidam greges turbae consisterent. Conuenerant insuper ad huiusmodi
 solennitatem eleuationis ossium Sanctorum explendam, plures Polonicae
 Ecclesiae Sedium Antistes, vzt Fulco Gnesnen' Archiepus, Opiso Ab-
 bas de Messano Apostolicus nuncius, Prandotha Cracouien', Tho-
 mas Wratislauien', Volmirus Wladislauien' Andreas Ploczen', Ger-
 hardus Butenorum, Vitus Lithuanorum, Episcopi, item Abbates Prae-
 positi, Canonici, caeteriqz Praelati, & Ecclesiarum Parochialium Recto-
 res, & vniuersi Religiosi, ex Cracouien' Ciuitate et Diocesi, & alioru'
 Polonicae Ecclesiae Diocesum. Petrum Posnamien' aduersa valetudo, Chel-
 men' vero, Lubuceen', & Camenecen' Epus, occupatio retraxerat. Conue-
 nerant et Principes Polonorum, vzt Boleslaus Iudicus Cracouien' & San-
 domiriensis Dux, qui tunc velut Monarcha Polonorum habebatur, Prze-
 mislaus maioris Poloniae et Posnamien', Gzimirus Cyrauiā et Lancitien',
 Semouitus Masouiae, et Wladislaus Opolien', Duces, Sub quorum praes-
 entia et populi multitudine infinita, ossa viri Sancti Stanislai ex tumu-
 lo prope portam meridionalem in Ecclesia Cracouien' consistente, a Ponti-
 ficibus qui conuenerant, vino lota, leuata, et populo plaudenti atqz vo-
 ciferanti, & patrocinium Scti Stanislai imploranti, ostensa sunt, & in Ec-
 clesias Cathedralis, & alias principatiores Collegiatas, Conuentuales &
 Parochiales Ecclesias, portio illorum, capite, brachiis, & aliis insigniori-
 bus apud Cracouien' Ecclesiam cum cineribus sacri corporis, membris re-
 manentibus, distributa.

Varia exorta bella inter Duces
Polonorum ~

Boleslaus Pudicus Cracouien' & Sandomirien', & Wladislaus
Opolien' & Ratiborien' Duces, moleste ferentes Opauien' op-
pidum & Districtum a Bohemis & Rege eorum Venceslao mor-
tuo occupatum esse, exercitu et de proprio & externo milite collecto, Ru-
tenorum etiam Principibus Boleslao Pudico ferentibus auxilia, terram
Opauien' hostiliter ingressi, eam totam spoliis, flammis & caedibus va-
stauerunt. Et omnibus oppidis atqz villis exustis, cum praeda tam
hominum utriusqz sexus, quam pecorum et variarum rerum ad propria
in columes reuertuntur. Sed et inter ceteros Polonorum Duces, aut
odia aut bella conserta erant. Nam Cazimirus Cuiarien' & Lanci-
tien' Dux fratrem suum germanum Semouitum Masouiae Ducem &
uxorem eius Gertrudim captiuat, captosqz in Siradia detinet. Et
Przemislaus Posnamien' et Boleslaus Calisien' germani, & Conradus
Slesiae gener eorum, Duces, terram Wratislauien' Henrici Ducis ho-
stiliter et cum exercitibus terrarum suarum (quod Henricus Dux
Wratislauien' mediam sortem Ducatum olim Henrici a Tartaris
occisi obtinens, Conrado fratri suo neqz illius portionem aliquam da-
bat, neqz ut ab altero fratre Boleslao Caluo Liegnicen' Duce daretur,
instabat, item quia Przemislaum Ducem Posnamien' de quinquaginta mar-
cis argenti pro quodam Teutonico capto & dimisso, solui obligatas non
contentauerat) vastabant. Omnibus autem villis et oppidis, circa
Olieszmiczam, Siczow, Trzebmiczam, Czerequiczam, et circa omnia
montana usqz ad flumen Widawa, uno a Wratislauia distante mi-
liari, peruastatis, & in praedam expositis, etiam vado in flumine Odra
reperito, in alteram ripam fluminis Odrae transgressi, magna vi & nume-
ro pecorum & spoliiorum potiti singula nullo obsistente in Maioris Polo-
niae terras deducunt. In hac autem vastatione omnibus Ecclesiarum
& Monasteriorum villis et oppidis, Ducum saeuero mandato, suus ho-
nos suaqz libertas seruata est. Prouiderant quoqz Duces adhibitis
custodibus ne quisquam de militibus, villas Ecclesiarum & Monaste-
riorum aut eorum homines ac possessiones in aliquo vel offenderet vel
contingeret. Laesum se eo bello eaqz expeditione & vastatione Opiso
Abbas de Messano Apostolicus nuncius vehementer queritans, quod
eo in Wratislauia agente & demorante, spoliatio & vastatio terrae pra-
dictae Wratislauien', in sui et Apostolicae Sedis vituperium & contu-

meliam tentata fuerit, in Przemislaum Posnaniē Duce excommuni-
cationis sententiam promulgat, nec ea contentus, etiam terram Posnaniē
Przemislaui Ducis Ecclesiastico, fines non solum iurisdictionis sed et mo-
destiā suā transgressus, supponit interdicto. Quod cum sex et viginti
diebus continuatum fuisset, tandem nuncius ipse Apostolicus Opiso Ab-
bas, a nunciis Przemislaui Ducis requisitus & eorum allegationibus con-
uictus, & sententiam in Ducem latam sustulit, & Interdictum, veritus
ne res ad notitiam Summi Pontificis deduceretur per appellationem quā si-
bi nomine Przemislaui Ducis intimabatur, relaxat ~

Contagione quadam bellica nec Slesiae Duces quieti erant, Conradus
namq; Slesiae Dux in Castro Bithom, per Przemislaum Posnaniē Duce
sibi aedificato consistens, et portionem patrimonii sui neq; a Boleslao Le-
gniczen, neq; ab Henrico Wratislauiē Ducibus, exigere valens, Hen-
ricum Wratislauiē Duce fratrem germanum, per pradia et curias
suas in cautius deambulantem, captiuit. Quem et si honeste seruauerit
et magis se erga illum germanum quā hostem egerit, non tamen ab eo
prius dimissus est, donec obsides dedit, quod aut portionem suam a Bo-
leslao Caluo Duce Legniczen repetet, aut si id efficere non poterit, sui
Ducatus Wratislauiē portionem, sibi bona fide praestabit ~

*Monasterium in Krzizanowicze
fundatur hodie in Busko propē Vi-
niczam manet translatum ~*

Varto Calen Iunii Boleslaus Pudicus Cracouiē et Sandomiriē Dux
Quā in villa sua Ducali Krzizanowicze supra Nidam sita Craco-
uiē Diocesis Monasterium Sanctimonialium ordinis Praemon-
stratensis, fundat, Ecclesiamq; de petra alba fabricat, conferens
eidem monasterio in dote villas Krzizanowicze, Konari, Lieszmi-
cza, Kowalie, Sarpkow, Kliczanow, Kobylniki, Solnik, Wolia, Gro-
chowiska, Swieborowicze, Koskrz, Biernartowicze, & Innowidz, li-
bertan hereditates praefatas ab omnibus datis, expeditionibus et tri-
butis ~

PETRVS Posnaniē Epus vir religiosus & deuotus, dum octauo
Calen Maij Apoplexia graui laborare capisset, quinto Idus eiusdem
mensis moritur, & in Ecclesia Posnaniē iusto honore sepelitur; cum

anno uno, mensibus duobus sedisset. In cuius locum Boguphalus ter:
tius de Cirnelin nobilis genere Polonus de Domo Rosa, per electionem
Canonicam via compromissi sexto Idus Iunii celebratam, quam Felco Ar:
chiepiscopus Gnesnen confirmavit in Kurzelow, successus est, Et anno
sequenti in Landensi Monasterio ab eodem Archiepo Gnesnen, conse:
cratus, ~

Apud Posnamien Civitatem Helniga Swantopelkonis Pomeraniae Ducis
soror. & Przemislai ac Boleslai Maioris Poloniae Ducum genitrix, diem
obit, & in Ecclesia maiori Gnesnen sepelitur. Consortis vero Przem:
islai Ducis Posnamien Elizabeth, filia Henrici Slesiae Ducis a Tartar:
is occisi, geminas filias uno partu emixa est ~

Innocentius III. Papa moritur. Cui Reginal:
dus succedit et Alexander III. dicitur ~

Innoce[n]tius Papa quartus cum ex Perusia Neapolim cum exer:
citu, Regnum Neapolitanum, contra Manfredum Frederici
persecutoris Ecclesiae filium naturalem, illud post mortem
Conradi occupantem defensurus, advenisset, & tempore aliquanto
Neapoli constitisset, infirmatus, celeriter sexto Idus Augusti moritur,
& in maiori Ecclesia Sancti Laurentii, honore debito sepelitur, cum
annis undecim et sex mensibus Papatum gessisset. Post cuius mortem
Reginaldus Cardinalis Epus Hostien qui Canonisationi beatissimi
Stanislai Cracovien Episcopi & Martyris gloriosi adversatus fuerat,
et quem idem Sanctus de languore gravissimo subito curaverat na:
tione Campanus de Anania in Summum Pontificem assumitur, & Ale:
xander quartus nominatur ~

Anno Domini 1255.

Boleslaus Calvus fratri Conrado
hereditatis eius sortem restituit ~

Trequentes & insidiosas vexationes per Conradum Ducem Henrici
Ducis Slesiae a Tartaris occisi filium, ob negatam portionem patri:
monii cum per se ex Castro Bithom, tum per Przemislaium & Bo:

leslaum Maioris Poloniae Duces, & eorum gentes pro Conrado Duce
velut genero suo interpositas, Boleslaus Caluus Legniczen, & Henri-
cus Wratislaviens Duces, cum a propriis militibus saepenumero ob eam
iniuriam carperentur, se daturi, apud Glogoviam vocato Conrado Duce
fratre, Conuentum agunt. Vbi post aliquot tractatus, pro pace & concor-
dia interpositos, cum causa Ducis Conradi suapte in iustitia clara esset,
Thomae Wratislaviens Episcopi, & Baronum communium arbitrio, Dux
Boleslaus Legniczen, quamuis multipliciter detrectans et resistens, &
Henricum Wratislaviens iuxta ac se ad dandam equam Conrado sor-
tem deberi astruens, conuincitur, ut solus ipse Legmiczen Ducatum,
cum Conrado, velut portionis suae consorte, diuidat, Henricum vero
Wratislaviens Ducem, cum frater alius germanus Salczburgen Epus
Wladislaus, cum quo illi consortium Principatus contigit, vicus extet,
ad largiendum aliquid sua de sorte Conrado non teneri. Quo quidem
decreto Boleslaus Legniczen Dux adductus Ducatum Legmiczen cu
Conrado, data ei Glogouia, sibi vero Legmicza reseruata, non sine
anxietate & exacerbatione vehementi ex aequo diuidit. Conradus itaqz
Glogoviam sortitus, et tributa in variis villis et oppidis in Legmiczen
et Wratislaviens Ducatibus imposita, relaxat, & obsides Henrico Du-
ci restituit.

*Mendog Rex Lithuaniae creatus
oppidum Liublin exurit.*

Mendog Dux in Regem Lithuaniae, opera fratrum Cruciferorum
auctoritate Innocentii quarti Papae eo anno euectus, oppido Liub-
lini tunc ligneo exusto, faciliqz in eius circuitu multis praedis
& spoliis, plurimos captiuos deducens, in Lithuaniae remouit. Euectio
autem in Lithuaniae Regem, dolo et astu fratrum Cruciferorum ex ra-
dice auaritia procurata, breuiusculo durans tempore disperiit, postquam
Magister Prussiae & ordo terras Lithuaniae & Samogitia ab eo sibi
donatas et inscriptas dari expetebant.

*Castrum Nakiel Pomerani Lubita
et inopinata irruptione capiunt.*

Ora Slesitica vix quietata, rursum in Pomerania bellum refulsit.
Dux siquidem Pomeraniae Swantopelkus, pacem pati non valens
Mszczugium filium suum qui apud Cruciferos fratres de Prussia

aliquot annis obses erat, cum exercitu versus Maiorem Poloniam terras
nepotum ex sorore infestaturum transmittit. Qui in nocte diem Sancti
Michaelis precedente ad Nakiel perueniens, quod Castrum in sua
sorte à Przemislao Duce Posnamien' pacifice tenebatur, & quod Swan-
topelkus astruebat intra terminos Pomeraniae consistere, minus probe
(neqz enim ab auunculo germano quicquam hostile Przemislus aut sui
verebantur) custoditum, aggressus comprehendit, uno ex balistariis
& defensoribus Castri, pecunia à Swantopelkone corrupto, tradimento
& ingenio suo pro comprehensione Castri praefati operam nauante.
Quod cum Przemislao Duci nunciatum est, paucis interpositis diebus,
cum fratre Boleslao Duce Calisien', & gentibus utriusqz Ducatus illuc
ire pergit, & Castrum Nakiel obsidione cingit. Cui in subsidium Ca-
limerus Cuiacien' & Lancicien' Dux cum gentibus terrarum suarum
personaliter venit, & Semouitus Conradi Masouiae Dux octingen-
tos. Boleslaus vero Iudicus Cracouien' & Sandomirien' Dux mille mi-
lites, in auxilium miserunt. Verum cum Castrum Nakiel et situ
et munitione difficilem sui expugnationem portenderet, Pomeranis ad
defensionem illius à Mszczugio in multiplicato numero relictis, stre-
nuè resistentibus, Przemislus Dux Posnamien' sano fretus consilio,
aliud Castrum è regione Castri antiqui versus occidentum infra dies pau-
cos aedificat, et vallis fossatisqz, ac copia victualium fulcitum, for-
tissimum de suis militibus qui egressum et ingressum Pomeranorum ex
Castro antiquo arcerent, ratus, ut erat, facilius illius conquisitionem pro-
uenire, praesidium imponit, & soluta obsidione etiam auxilia remittit.
Crebri itaqz inter Polonos et Pomeranos agebantur conflictus, & fere
diebus singulis ab utrisqz eruptiones facientibus, certamina diuerso Mar-
te nunc Polonis nunc Pomeranis cadentibus inibantur, Poloni inter se
duos desideratos milites Lacoslaum Friderici, & Hermanum velut ma-
gis insignes, amiserant ~

*Bohemia Dux Prussiam cum exercitu
ingressus, multos ad Christianam adegit
religionem, In cuius rei memoria Mons
Regius et Brunsburg construuntur.*

Bohemia Dux Przemislus aliqz Othokarus, treugarum inducias
cum Bela Hungariae Rege, sibi et terris suis hoste infesto
nactus, exercitu de Bohemis & Morauis comparato, habens in

comitatu suo Brunonem Pragensem Episcopum, item Marchionem Bran-
denburgen, item Marchionem de Merano, item Ducem Austria, item
Henricum Cuelmen, Anselmum Hermelien, & Olomunecen Episco-
pos, in Prussiam quam veteres Vimerigiam vocauerunt, contra barbaros
militiam acturus, aduenit. Ad quam et Cruce per Summi Pontificis
mandatum per Opisonem Abbatem de Messano Apostolicum in Polo-
nia et Prussia partibus Nuncium, predicata, & mensa, quam calli-
do et vasto fratres Cruciferi ingenio, locando in illa Duces Comites
Proceres, milites, pro cuiusque praeminentia, & illorum acta et stirpes,
per Arollos sub omni tempore, quo ad uescendum residebant, plus
vero et iusto efferendo, prouocatus erat. Et barbaris in obditiore
loca secedentibus, et decernere non ausis Dux ipse Przemislaus Pru-
tenos in Samensi regione, propter vastationem igne et gladio illatam,
deditionem facientes, per Pragensem Episcopum Brunonem, sicut illis no-
men imponens, baptizat. In ipsius insuper praesentiae memoriam Cruci-
feri nouam Civitatem prope mare Balteum & in flumine Pregor, quam
Regium montem, in Przemislai Ducis Bohemia (quamvis tunc non
Rex sed filius Regis existeret) item aliam Brunsberg in qua Eccle-
sia Cathedralis Varmiensis sita est, in memoriam Brunonis Pragensem
Episcopi, constituent. Przemislao autem Bohemiae Duce cum sua
Comitiua ex Prussia discedente, reliquarum regionum Prutheni, in
Samenses Prutenos, quod iniussu eorum hostibus se dediderant, ma-
gno debacchantur furore, et terram Samen hostili et valido agmine in-
gressi, incendiis caedibusque cuncta faciunt, atque e regione Castri Km-
sberg nouam munitionem quae a Cruciferis Wilom vocata est, erigunt.
Tunc quoque Magistro Prussiae nomine Conrado Calen Augusti obeunte,
Herhardum de Herzborg in officium assumunt, secundum vero alios
Loponem de Ostera ~

IACOBUS Archidiaconus Leodien, Apostolicus Nuncius et Le-
gatus, qui in Romanum Pontificem postea promotus, Urbanus quartus
vocabatur, in Prussiam ueniens, atrox bellum undecim annis inter
Swantopelkonem Pomeraniae Ducem & Cruciferos fratres gestum
intercipit, & per aquas conditiones pacem perpetuam ordinat, quae ab
utraq; parte fuit deinceps et custodita et seruata ~

Anno Domini 1256.

Przemislaus Dux Polnamiē Castrum
Racziasz Pomeraniā capit et comburit.
Swiatopelkusz Castrum propē Nakiel
aedificatum dum non posset acquirere pra:
sidium illius dolo euocat et profligat. Tan:
dem per Poponem Polonum Crucife:
rum Duces ipsi inter se paciscuntur.

Tardius quā animo destinauerat Przemislaus Polnamiē Dux
Castri Nakiel a Swantopelkone Duce Pomeraniā intercepti
expugnationem uidens succesisse, altera ob eam rem expedien:
dam suis & Boleslai Calisien Ducis germani sui terris expeditione in:
dicta, Cazimiro insuper Cuiauien, Lancicien, et Siradien Duce, Swan:
topelkoni oppido infesto, personale suffragium ferente, ad Nakiel
peruenit, expugnationem Castri Nakiel intercepti maturaturus.
Stragem autem militum si impugnare pergeret, aut ignominiam si ca:
pto irritō resilirot, veritus, itineribus nocturnis ad Castrum Ra:
cziasz, quod a Swantopelkone tenebatur, et in quod plures mi:
litares, Ciues, et agrestes, ex Pomerani cum personis, rebus, et for:
tunis pro comperto habebat confugisse, ante lucano tempore peruenit,
et Castrum illicō Racziasz, singulis qui in illo erant, in sopore exi:
stentibus, oppugnare capit. Quibus a somno expergefactis, tantus
pauor, aliis Castrum captum, aliis hostes iam intra Castrum, aliis iam
turres et quāqz optima loca occupasse vociferantibus, iniectus est, ut
militibus Przemislai et Cazimiri ignes Castro in locis frequentibus
adhibentibus, ad stationes Ducum per medias flammās exilientes, se
in potestatem eorum traderent. Ceteri igne inualescente dum per:
gunt fugere, a flammis miserabiliter fuere suffocati. Castrum omne
praeter res quae foueis et celariis mandatae fuerant, conflagratione
periit. Clade suorum et Castri Racziasz conflagratione Swan:
topelkusz irritatus, vices Duci Przemislao repensurus, ad suosqz qui in
Castro antiquo Nakiel, a militibus Przemislai in Castro nouo Na:
kiel consistentibus obsidebantur, victualia illaturus, in Quadrage:
simae medio, cum omni potentia gentium suarum, Duces Przemislaum
et Boleslaum maioris Poloniae, et Cazimirum Cuiaviae, post Castri
Racziasz conquisitionem, in sua remeasse cognoscens, in quadrigis
victualia ferens, versus Nakiel aduenit. Et victualibus non sine
suorum euidenti discrimine ad suos in Castrum antiquum illatis, omnes

vires et industriam ad conquisitionem Castri noui Nakiel, licet illud
 valido militum praesidio fulcitum nosset, interponit. Primumque lignis
 aridis et pinosis comparatis, fossata huiusmodi lignis implere, et agge-
 res ex lignis constituere, ligna quoque ipsa incendere, et per illa, flamma
 crescente, nouum Castrum Nakiel conflagrare nitentur. Verum cum
 una lignorum ad fossata importatio, vix superficiei tenus fossata impleset,
 captum perfecturus, gentes suas ad comportandum ampliorem, et ad opus
 perficiendum suffecturam, lignorum materiam, in syluam propinquior em-
 mittit. Sub quo tempore spacio requiescendi dato, milites Przemislai
 ex Castro nouo certatim descendentes, igne adhibito, omnes strues imiectas,
 antequam aliae adyicerentur, consumunt, et longum Swantopelkomi labo-
 rem in inflammatione huiusmodi dissolunt. At ille milites in stationes
 eo die discedere, corporaque curare, altera vero die ad tertiam horam
 armatos adesse iubens, cum milites dicto paruissent, ab omni parte no-
 uum Castrum expugnare adorsus est. Milites sui ex scutis testudine
 facta, fossatis transgressis, etiam ad latera Castri perueniunt, illudque
 proscindere, et ignem supponere, caeteris illos telis, bombardis, machinis
 et fundis ligneis, quae Troki vocantur, ptegentibus, et Castrum nouum
 eius defensores laceffentibus, conantur. Sed non minor fuit Przemislai
 militibus ardor pro defensione, quam Swantopelkomi pro impugnatione.
 ne. Itaque viginti ex eis qui propius accesserant occisis, et pluribus vul-
 neratis, caeteri ne praelio inuoluerentur, fugere et expugnationem inter-
 mittere coacti sunt. Swantopelk ex impugnatione tentata, caedem suo-
 rum referens, vario astumentis excruciat, dum nulla spes proposito suo
 affulsisset, gemens, tristis, et confusus ad Pomeraniam rediit. Altero dein-
 de exercitu Swantopelk congesto, in Nakiel clam et noctu aduenit, aper-
 tis et iustis pugnis non proficientibus, arte et astu in Polonos, et eos qui
 nouum Castrum Nakiel obseruabant, versus. Se itaque cum eo quem
 secum aduexerat, equitum et peditum exercitu, in montanis locis, quae
 haud longe a Castro nouo sita erant, velut in insidiis collocans, quid
 fieri velit, per fidum nuncium, nocte in Castrum antiquum penetran-
 tem, ad suos, et eos qui in Castro antiquo erant, mandat. Primo itaque
 mane diei subsequenter, milites Swantopelkonis eruptione ex Nakiel
 facta, militibus Przemislai ex Castro nouo in pugnam prouocatis, certa-
 men cum illis conserunt, et veluti victos fugere se simulant, Polo-
 nos milites, velut deuictis hostibus usque ad insidias perducunt. Ex-
 quibus Swantopelkus cum omnibus his copiis quae secum aduenerant,
 consurgit. et Polonorum militibus se ostendit, ex templo et hi qui se
 simulauerant fugere, ex fuga conuersi in Polonos inuehuntur, et Poloni

à tergo et fronte circumuenti, velut quædam victimæ in mediò nunc
ab his, nunc ab illis caduntur. Sed nec tunc Polonis animus deficit, ex
desperatione siquidem in furorem versi, magna strage in hostibus ædita,
ad extremum omnes aut trucidati aut capti sunt, non inuicentam hosti
reliquerant victoriam. Captus est autem inter alios miles Msczislavus,
qui multæ probitatis ostensis decoris, incumbentem undiqz prosternendo
hostem, Swantopelkone iubente, ut sui ferro parcerent, comprehensus, &
cum aliis in Pomeraniam deductus. Clades autem hæc cæterorum Prze-
mislai militum, qui in Castro nouo residui erant, quamuis illam supernè spe-
ctarent, animos non imminuit, quinimò Caduceatoribus à Swantopelkone
missis, ut Castrum dederent, ferox dederunt responsum. Plures captis
et desideratis, qui latitiam de clade fallaciter quæsita inultam fore non
sinent, in Castro Przemislai superesse. Swantopelk Pomeraniæ Dux
etsi victoria potitus ex Nakiel remeasset, fortius tamen et crudelius
bellum pro vnius Castri iniuste possessi, occupatione, ratus inter se & ne-
potes suos ex sorore eorumqz auxiliarios scripturum, per fratrem Laponem
(Polonus hic natione erat, genere nobilis & Cracouita, qui ordinem Cru-
ciferorum assumpserat, Swantopelkoni et Przemislao per maternam li-
neam sanguine iunctus) egit, ut Przemislau Duce ad reconcilia-
tionem mutuam secum induceret. Sed neqz Przemislavus Dux monente
illum Lopone, reconciliationem cum Swantopelkone aspernatus, Conuen-
tum apud villam Kojmiam, in vigilia beati Iacobi Apostoli cum Swanto-
pelkone tenuit. Vbi in prædictum Laponem à Principe utroqz pleno fa-
cto compromisso, frater Lopo prædictus, exploratam habens Swantopelko-
nis voluntatem, pronunciauit compromissi auctoritate sententiam, Ut
Swantopelkus Pomeraniæ Dux Castrum Nakiel, velut iniuste nepo-
ti suo Przemislao Duci Posnamien' interceptum, secutura die Sancti Iaco-
bi, restituat, & omnes captiuos liberos dimittat. Przemislavus verò Dux
Posnamien' Swantopelkoni quingentas marcas argenti, pro expensis factis
& Castri Raciazæ demolitione, in certis terminis daturus, interim obsi-
des soluat. Qua pronuntiatione sententiæ, ab utroqz Principe acce-
ptæ, ad Nakiel itum est, & iureiurando interposito, quod alter in alteri-
us terrarum & Castrorum occupationem aspirare non debeat, auunculus
& nepos osculo facto, reconciliantur, & Castrum antiquum Nakiel per
Swantopelkonem Przemislao Duci, cum ambo illud pacificati iunctis dextris
ingressi fuissent, resignatur, nouum verò per Przemislau Duce incen-
dio deletum est. Accepit & tunc Swantopelkus à Duce Przemislao no-
uem adolescentes nobiles pro obsidibus, Dirsicraium, vzt, & Dobrogo-
stium filios Vincentii, Wlodimirum Lrandothæ, Iacobum Boguphali de

Czernelm, Janussium de Pniew, Samsonem Gmieuomirouicz, Der slawm La;
reczewicz, Mroczkonem Trzeecz lauricz, & Sandiuogium Sbilutomicz,
qui apud illum comiter tractati demoratigz sunt, quousqz sibi de quin-
gentis marcis argenti a Duce Przemislao praestita est effectualis solutio.

*Boleslaus Caluus Dux Legnicensis
Thomam Epum Wratisslauensem cum
Prapposito et Canonico captiuat. Quem
decem millibus marcarum taxat, et ut de-
cima manipulares in fertones transmu-
tentur iubet. Propter quod ipse et Principa-
tus Legnicensis interdicto subicitur.*

Pomeranico bello quod pro Castro Nakiel a Swantopelkone Po-
merania Duce intercepto, tam ammis quam odiis infestis, inte-
gro fere biennio, inter proprios gestum est, per compositionem ex-
tincto, in Slesia rursum bellum ausu sacrilego Ducis Legniczen' Bole-
slai Calui renatum est. Qui quasi iacturam, quam Conrado fratri
Duci Glogouien', dimidium Legniczen' Ducatus dare coactus, pertulerat,
instauraturus, patrum suorum nonnullorum Regum et Principum Poloniae
itinerata praua sectaturus, dum minus prospera bella cum saecularibus acta,
succesissent, cum Ecclesiasticis ea, plus utilitatis minus impensa, & di-
spendii habiturus, gerere cepit. Thomam siquidem Wratisslauen' Epum,
virum & pro Pontificali excellentia, & pro victae sanctimonia, qua
inter ceteros Polonicae Ecclesiae Pontifices splenduit, & publico &
priuato officio sibi venerandum, in Gorka praedio Abbatis Sanctae Ma-
riae de Arena, in quod nouam ecclesiam dedicaturus aduenerat, quie-
scentem, nocte cum suis Teutonicis, quorum suasu & consilio in id fa-
cinus ferebatur, superueniens, cum Boguphalo Prapposito, & Hecardo
Canonico Wratisslauen', sexta Octobris die captiuat, omnesqz res, equos,
vestimenta, & fortunas Episcopales, illic secum consistentes diripit, &
non nisi Camisiola una, in qua dormitauerat, tectum, equo imponit. Quem
cum Satrapae sui Teutonici didicissent, equitandi, iam enim vir grandae-
uus erat, usum non habere, equo cui insidebat transmutato, in alterum
equum grauius portantem, illum, ampliore laborem et dolorem sibi ad-
iecturi, transponunt. Unus deinde latrunculus, ceteris omnibus Teuto-
nicis Boleslai Satrapis, nuditatem illius, & dentium, qui ex frigida

aura causatus est, stridorem irradientibus, misertus, vetusta & virgulata tunica, veteribusque suis ocreis, ne rigore hyemis consumeretur, illum vestit. Ac sic tectum in Castrum Boleslai Vlay nomine perducunt, & tam Episcopum quam Praepositum et Canonicum secum una captos, Duce Boleslao iubente (qui decimarum manipularium, quae Epō et universo Clero Wratislaviensium, more patriae Polonicae, in campis manipulatim de omni grano solvebantur, in fertonalem transmutationem, et decem millium marcarum solutionem, à Thoma Episcopo exigebat) in carcerem et vincula conyiciunt. Id scelus horrendum, dum nemo inueniretur, qui rescinderet (Dux enim Wratislaviensium Henricus siue mansuetudo siue pusillanimitas id faciebat, nam et à nonnullis de consensu ad capiendum Epū dato insimulatus est à Capitulo Wratislaviensium, quatenus de liberando Epō nauaret operam, rogatus, rem silentio & dissimulatione absoluit.) Fulco Gnesnen Archiepiscopus, Prouincialibus Poloniae Episcopis, ad Synodum in Lancitia indictam, celerrimè coactis, sumpta deliberatione, et Alexandrum Papam de facinore in Thomam Epū, Boguphalum Praepositum, & Hecardum Canonicum Wratislaviensium, per Boleslaum Legniczen Ducem patrato, literis totius Ecclesiae Polonicae & veloci nuncio auisat, et quid Apostolica sedes agendum censeat, consultat, & nihilominus contra Boleslaum Legniczen Ducem, et sui seculeris complices, Censuras grauiiores promulgat, Wratislaviensemque Diocesim Ecclesiastico supponit interdicto. In omnibus itaque Ecclesiis, Prouinciae Gnesnen, infra Missarum solennia communionem finita, & Psalmus, Deus laudem meam ne tacueris, procidentibus Ministris Dei in terram, & Oratio, Exaudi quæsumus Dñe Ecclesiam, non solum Paganorum percussionebus attritam, sed etiam Christianorum prauitatibus afflictam, usque ad finem, sonantibus in unam partem campanis, agebantur, & Dux Boleslaus Legniczen, recitata sua crudelitate denunciabatur anathematizatus. Sed et Papa Alexander literis Episcoporum Poloniae, et nuntii relatione in vehementem turbationem, super nouitate quae acciderat, motus, Archiepiscopo Gnesnen, & Cracouiens ac Wladislaviens Episcopis dedit in mandatis, ut Boleslaum Legniczen Ducem, de relaxando Thoma Wratislaviens Epō, auctoritate Apostolica requirerent, et abnuentem personam suam et facinoris complicum Censuris, terram verò suam Interdicti sententiis percellerent. Qui omnia ut iubebantur exequuti sunt ~

MICHAEL Epūs Wladislaviens, annis 40. in Pontificatu exactis, senectute bona plenus, octaua mensis Augusti, moritur, & in Ecclesia

veteri Wladislawien sepelitur. In cuius locum Wladimirus Praepositus Cruszuicien. Canonicus Wladislawien Ducum Semouiti & Cazimiri Masouiae Cancellarius, per electionem Canonicam successit, per Alexandrum quartum Papam Ducibus praefatis illum promouentibus, confirmatus, nobilis genere de Domo Boleslawum.

*Boleslaus Calisien Dux Belae Regis
Hungariae filiam accipit in uxorem.*

Boleslaus Gnesnen & Calisien Dux, & frater Przemislai Posnaniensis Ducis, Belae Hungariae Regis fratris Germani beatae Elizabethae filiam, nomine Iolentam, quae a Polonis Helena nuncupabatur, conciliante nuptias huiusmodi Boleslaus Pudico Cracouien & Sandomirien Duce, ducit uxorem. Et solennitas nuptiarum huiusmodi Cracouiae habita, praefata enim Iolenta in Curia Ducissae Ringae, consortis Ducis Boleslai Pudici sororis suae germanae, ex Hungaria traducta nutrita erat. In pluribus diebus sub praesentia multarum insignium personarum, acta est.

*Guilhelmus Romanorum Rex
occiditur, de cuius successore magna inter Electores dissensio.*

Romanorum Rex Guilhelmus alias Vilkinus, Comes Hollandiae, in Frisones detrectantes imperium expeditionem agens, ab eisde Frisonibus, subiectionem et imperata se facturos pollicentibus, occiditur. Dum autem Electores pro alterius electione conuenerent, discordem celebrarent electionem. Una siquidem pars elegit Alphonsum Regem Castellae, altera Richardum Comitem Cornubiae, et fratrem Regis Angliae, qui cum esset ditissimus, ab Archiepo Coloniensi suo electore coronatus, Regnum Almaniae pro magna parte obtinuit. Durauit autem questio huius scismatis multis annis, nec terminata fuit nisi amborum morte sequuta. Pro qua re, infinita pecunia ab utroque expensa est, sed praecipue a Rege Alphonso viro animoso, et honorem omnibus praeficiente. Qui Regnum suum Castellae dissidio huiusmodi durante multis thesauris exinamuit. Ambo huius de imperio contendentes, sed & Guilhelmus Comes Hollandiae, pro breuitate temporis quo regnauerunt, nihil egerunt memoria dignum, & omnes caruerunt Imperiali benedictione.

Anno Domini 1758.

Thomas Episcopus Wratistlauiensis transmutatus decimis, et datis duobus millibus marcarum argenti Boleslao Duci Legnicensi, a captiuitate liberatur. Postea volens idem Dux fratrem suum Conradum Glogouiensem Ducem captiuare ad se inuitatum, ipse per eum raptus Glogouiam deferitur.

Captiuitatis suae continuos languores squalloresque Thomas Wratistlauiensis Episcopus aliquando finire desiderans, cum a Boleslao Saeco (id enim cognomen post facinus in Episcopum patratum sortitus erat) ex Castro Vlay in Liegniczam deductus, et in terram proiectus, arctioribus compedibus vinciretur. Cumque censura Ecclesiastica, tam auctoritate Summi Pontificis, quam Episcoporum Polonicae Ecclesiae, in virum pessimum Boleslaum Saecum Ducem Legnicensem, ob id latae, quas ille velut stipulam reputans, saeuus in Episcopum et suae captiuitatis consortes, debacchabatur, nullam eliberationem effecturae sperarentur, cum Boleslao saeco captiuatore suo, paci scilicet. Et commutationem decimarum manipularium, non in sua tantummodo Liegniczen sorte, sed et in vniuersa Wratistlauiensi Diocesi, in fertonales, Capitulo suo Wratistlauiensi irrequisito, Archiepiscopo insuper Gnesnen Metropolitano suo, et Episcopis Polonicae Ecclesiae cum Provincialibus suis, qui pro illius libertate et substantias et sanguinem parabant se effusuros, inconsultis, duorumque millium marcarum argenti solutionem, praeter pannos Sarlaticos a Boguphalo Praeposito, et Hecardo Canonico Wratistlauiensi exactos, pollicitus, medietate pecuniae per prius soluta, de residua vero medietate, et promisso, de transmutandis decimis manipularibus in fertonales, implendo, filiis nobilium et Scultetorum suorum datis obsidibus, in festo Paschae a captiuitate, cum suae captiuitatis consortibus Boguphalo Praeposito, et Hecardo Canonico, solutus est. Saecum autem tam faedam in Thomam Episcopum, Boguphalum Praepositum, et Hecardum Canonicum Wratistlauiensem, depromptam, apud obrectatores suos leuaturus, non in Henricum solummodo Wratistlauiensem, sed et in Conradum Glogouiensem, Duces germanos, eorumque Consiliarios et Procures, iure ne an iniuria incertum est.

est, retorquebat, licet decimarum manipularium in fortionales transmutatio, etiam pro eorum terris obtenta, patrati sceleris reos, vehementi suspicionem argueret. Nihil itaque mirum, si providentia Divina ulciscens scelera patrum, in tertiam et quartam generationes, Principes Slesiae, id est, Regni Poloniae haeredes, ex lumbis et stirpe Regum Poloniae procedentes, de Regno ipso fecit extorres, qui se variis sceleribus, et praesertim, eade et captivitate ac Sanguine Pontificum et Sacerdotum, decimarumque usurpatione, inquinaverunt, et alienigenas eiusdem Regni fecit haeredes. Recenti scelere quo in Christos Domini, Thomam Episcopum, Boguphalum Praepositum, et Hecardum Canonicum, Wratislaviensem, Boleslaus Savius Legnicen' Dux, sacrilegas manus iniciens, usus fuerat, aliud adiecturus, germanum suum Conradum Glogouien' Ducem, ad se in Liegmiczam, verbo quidem ut secum conveniret, re autem ut captum Ducatu Glogouien' exueret, inuitat. Qui etsi a nonnullis Boleslai Savi satellitibus certior factus, ad quam iucundum et opiparum convivium vocaretur, venire repromittens, plures numero Proceres et milites secum in Liegmiczam assumit. Quorum maiori parte in sylva, Legmiczen' oppido vicina, relicta, ipse cum expedita aliorum manu, quibus insidias sibi a Boleslao Savi structas, patefecerat, et quid illos agere vellet, instruxerat, in Legmiczam pervenit, a Boleslao quoque Savi benignum demonstrante vultum exceptus, et in Legmiczen' Castrum perductus, videns Teutones Boleslai Savi milites, turres et quaeque superiora munimenta et cacumina occupasse, facinus in se per Boleslaum Saviu committendum anticipavit, et Boleslaum Saviu antequam in superna veniret, ubi capi Conradus debuerat, ascensus, captivat, et extra portam Castri, antequam milites Boleslai ex supernis possent decurrere, deductum, ad eos qui se in sylva operiebantur, militibus Boleslai sequi non audentibus, transportat, et abinde illum lento passu, in Glogouiam deducit, et arctae custodiae mancipat, nec prius dimisit, donec omnem pecuniam per Thomam Episcopum Wratislaviensem datam et dandam, ab eo, praedantem praedatus, exigeret.

Alexander Papa ob detentionem Epi
Wratislaviensis Cruciatam mittit ad Germaniam
et Poloniam pro illius liberatione.

P Randothae Cracovien', et Volmiri Wladislaviensis Episcoporum, literis Alexander Papa quartus, certior factus Boleslaum Saviu Liegmiczen' Ducem, et monita Apostolica contempnui, et Censuras

ab eis fulminatas, ludibrio habuisse, neqz Thomam Epum Wratislauiensem
et Boguphalum Praepositum, Hecardumqz Canonicum relaxare. Cuius
enim tunc illos Boleslaus Savius Legniczen Dux carcere clausos et com-
pedibus strictos tenebat, a captivitate voluisse, zelo Dei in Ecclesiasti-
ca libertate et ministris eius defendendis accensus, insolentiam et te-
meritatem Boleslai Savi Legniczen Ducis, virga Apostolica compressu-
rus, vexillum Crucis contra praefatum Boleslaum Savum et terras suas,
velut Ethnicum, et fidei ac religionis Catholicae hostem, decernit. Gne-
sensem quoqz et Maydeburgen Archiepiscopis, dedit per speciales liti-
ras, facinus in Thomam Wratislauiensem Epum per Boleslaum Savum
admissum declarant, in mandatis, quatenus per Poloniam et Germani-
am, Crucem huiusmodi praedicarent, et omnes Catholicos Reges, Prin-
cipes, Comites, Barones, et quoslibet fideles in praefati Boleslai Savi Lie-
gniczen Ducis, et suorum subditorum exterminium, invocarent et anima-
rent. Quo mandato Fulco Gnesensem Archiepiscopus accepto, altera apud
Lancetiam, pro die Sancti Calixti Synodo Provinciali instituta, Trando-
tha Cracoviensem, Thomam Wratislauiensem, qui iam tunc per pacta captivi-
tatem evaserat, Boguphalo Posnaniensem, Wolmiro Wladislauiensem, Andre-
am Ploczen, et Vilhelmo Lubucensem, Episcopis, multisqz Abbatibus et Prae-
latis Ecclesiae Polonicae convenientibus, mandatum Apostolicum omnibus
intimat, crucemqz contra Boleslaum Savum praedicat, et illam mandat
auctoritate Apostolica ab omnibus Episcopis suae Provinciae praedicari.
Argutus est et tunc Thomas Wratislauiensis Episcopus praedictus ab omni Ec-
clesia Polonica, quod pactionem factam tam exemplo pessimo quam re, in
transmutatione decimarum manipularium in fertionales, violando et liber-
tatem Ecclesiasticam, et laudabilem Polonicae patriae, quae propterea apud
exterarum nationes celebris habebatur, morem exterminando, fecerit. Qui
et metum qui in virum constantem cadere poterat, et multiplices passio-
nes suas, quas pertulerat, allegans, spondederat se, licet non impleve-
rit promissa, de transmutandis decimis manipularibus in fertionales,
nullo unquam tempore servaturum. Apostolicarum autem literarum Archi-
episcopis Gnesensem et Maydeburgen, de praedicanda contra Boleslaum Savum
Crucis, scriptae, quarum originales apud Ecclesiam beatae Mariae
Sandomiriae Cracoviensem Diaconus nos relinemus, tale extat exemplum.

Litterae Cruciatarum contra Boleslaum
Caluum Legniczensem Ducem.

Alexander Episcopus Servus Servorum Dei. Venerabilibus fratribus
 Maydeburgen' & Gnesnen' Archiepiscopis, eorumqz Suffraga-
 neis, Salutem & Apostolicam benedictionem. r. c. Non
 absqz multa cordis amaritudine iam dudum accepimus, quod Venli frē
 nro Epō Wratislauien', ad villam Gorka suā Diocesis, ubi quondam Eccle-
 siam erat consecraturus, diuertente, nobilis vir Dux Slesiae associatis si-
 bi quibusdam iniquitatis filiis, eundem Epū, Praepositum, & Hecardum
 Presbyterum Cancium, Wratislauien', capere usu sacrilego non expauit,
 Episcopum ipsum ad quoddam Castrum suum, reuerentia Pontificali postpo-
 sita, ferē nudum abducens; degustaturum ibidem angustias carcerales.
 Propter quod de ipsius Ducis, prout ad nostrum spectat officium, Salute
 solliciti, per Vnles frēs nros, Archiepū Gnesnen', necnon Cracouien' &
 Wladislauien' Epōs, moneri eum mandauimus, ut ipsum ac etiam alios
 cum eo captos, absqz difficultate aliqua pristina restituens libertati,
 eos liberē abire permitteret, et de ablatis rebus, & irrogatis iniuriis
 ipsi Episcopo et Ecclesiae restitutionem & satisfactionem plenariam im-
 pensurus. Verū eodem Duce tam salutaria paruipendente monita, ac eli-
 gente in suo scelere perire potius quā parere, praefati Archiepū &
 Epī, prout a nobis in mandatis acceperant, ipsum et omnes eius in hac
 iniquitate consiliarios & fautores, excommunicatos facientes publicē
 nunciari, supposuerunt terram ipsius, necnon et locum ad quem ipsum de-
 clinare contingeret, quā diu ibi esset, ecclesiastico interdicto: spe tam-
 enis quā nobis per hoc apposita, quod ipse sic percussus, dolens, ad percu-
 tientem se cum deuotione recurreret: congrua culpa suā requirendo
 remedia, praesertim cū salubrem nonnunquam sibi doloris immensitas
 inueniat medicinam. Porro idem Dux Ecclesiae malleum velut stipu-
 lam reputans, adhuc in sua perseuerat obfirmatus malitia, omnino con-
 tempta Ecclesiae disciplina, & quod ad cumulum suae damnationis
 magis accedit, eos nunc validioribus quā prius afficit pennis & tor-
 mentis; pedes enim ipsius Episcopi, qui calciati esse debent in Euange-
 lium pacis, ferreis nexibus alligantur. Et qui gregem suum sacrae prae-
 dicationis ubere deberet reficere, nunc in diri carceris ergastulo deti-
 netur, interdicto sibi Capellani sui suffragio, cui in confessione conscien-
 tiam suam pandere valeat, & cum quo possit interdum saltem Missa-
 rum officia celebrare. Equidem cū & nos talis iniuria vulnerat, &
 non leuem nobis in pressura maestitiam, ad procedendum contra Ducem
 ipsum acrius nos inuitat. Nam verisimilitudo non tolerat, ut paciente
 tanto ecclesiae membro, caput non langueat, aut expers doloris existat.
 Si ergo commissum est, nobis licet indignis, & curam gregis Domini

solicitam gerere, & medelam sauciati vulneribus adhibere, quomodo Du-
cem ipsum per mortales campos, per iter mortis ultra patiemur discurre-
re? quin ipsum ad pascua salutis reducamus. Cumq; infirmus saluta-
ria respuat, quærat noxia, et plerumq; desiderijs contrariis urgeamus.
Quomodo Ducem ipsum tanquam laborantem frenesi, impiæ relinqueamus
voluntatis arbitrio? quin ipsi, quantumcunq; inuito, amara salutis po-
cula propinemus? ut id ad curam sanus fuisse cognoscat, quod infir-
mus non poterat præsentire. Sanè postquam idem obstinatus spirituales
medicinam respuat, postquam Petri gladium prout congruit non attendit.
Quid superest nisi ut extrahatur materialis gladius contra ipsum?
Et ad quod leui medicamine voluntarius induci non potuit, pænæ sal-
tem formidine pertrahatur inuitus. En habitatores Poloniæ filios
speciales relinqueamus expositos illi discrimini, quod ex tam detestabili
facto ipsorum imminet regioni? Erat enim in tam enormi excessu patientia
nrâ tanta, ut & negligentius nomen assumat, & verè patientius nomen per-
dat. Et quidem quantumcunq; ob generositatem ipsius, & suorum proge-
nitorum merita, hactenus delulissimus eidem, id tamen ulterius non pati-
tur prædicti criminis magnitudo. Accusat enim ipsum carcer, arguunt
vincula, ac contra ipsum Deum ac homines prouocat ad vindictam.
Cæterum more pii patris, qui sententiam citò conuertit in veniam, & redi-
re non perire cupit filium, adhuc experiri volentes, si de fragmentis con-
scientiæ suæ, quæ velut lagena figuli est, grandi contritione confracta,
aliqua testa permanserit deuotionis igniculi retentiuæ, vniuersitatem ve-
stram rogamus, monemus & hortamur attentè, in virtute sanctæ obedi-
entiæ, vobis districtè præcipiendo mandamus, quatenus præfatum Ducem
super liberatione ipsius Episcopi & aliorum, nec non & super præmissis om-
nibus moneatis, & moneri & induci efficaciter faciatis. Quod si monitis
vestris (quod absit) pertinaciter aures obdurauerit cordis sui, ex tunc
singuli vestrum in suis Ciuitatibus & Diæcesibus, pro liberatione eiusdem
Episcopi contra Ducem ipsum, iuxta datam vobis à Deo prudentiam, per se
vel per alios viros ad hoc idoneos, prædicatis verbum Crucis. Nos enim
omnibus verè pœnitentibus contritis et confessis, qui ad prædicationem
vestram eam susceperint, & in propriis personis liberatione hmoi fuerint pse-
cuti, illam suorum peccaminū veniam elargimur, quæ in trā Sctæ subsidium per-
sonis accedentibus in gñali Concilio est concessa. Debent enim ad liberationem hmoi
fideles Chri non remissi sed feruentes et voluntarii reperiri, quia per detentionē
ipsius illi grauis irrogatur iniuria cuius legōne fungitur, et qui in suis ministris hono-
rari se asserit atq; sperni. Dat. in Laterano tertio Calen Aprilis Pontus nr̄i anno 3.
Anno vero Natiuitatis Dñi Millesimo Ducentesimo quinquagesimo septimo

*Cracouia Lus Teutonicum
et Aduocatus instituitur.*

Vrbem suam Cracouien' Boleslaus Iudicus Cracouien' & Sandomirien' Dux, ad incrementa, quæ sub Polonis et iure Polonico assequi non poterat, perducturus, Lus illi largitur Szzedense seu Teutonicum Aduocatūqz in ea constituit, qui urbis situm & domus, passim & sine lege, sine ordine consistentem translocat & transmutat. Et circo urbis primum ordinato, etiam plateas ipsius proportionaliter & ex æquo distinguit.

*Cracouia Monasterium Sancti
Marci fundatur.*

Alexander Papa quartus nouam religionem mendicantium de pauperum mitentia beatorum Martyrum intitulatam instituit. Cuius fratres & Professores Cracouiam aduenientes Boleslaus Iudicus Cracouien' & Sandomirien' Dux, benignè appellatos suscipit. Et Ecclesia in Sancti Marci Euangelistæ honorem de nouo fundata, illis locum Cracouia contulit, & sumptus pro Monasterii adificatione atque etiam Ecclesie, dari liberaliter iussit.

*Przemislaus Dux Posnaniensis
optimus moritur, vno filio eius;
dem nominis posthumo relicto.*

Pridie nonas Iunii in Posnaniensi Castro nobilis & Ill^{is} Princeps Przemislaus Posnaniens' Dux, filius Wladislai Othonis Ducis Maioris Poloniae, post quindecim dierum decursum, quibus ab ægritudine pressus languerat, tricesimum et sextum annum tantummodo agens, moritur, funusqz suum in Ecclesia maiori Posnaniens', cum cineribus Regum et Principum Poloniae, iusto honore, & lugubri omnium militum comploratu, sepultum est. Hic inter Poloniae Principes mitissimus sui temporis & supra ætatem prudens, duas præcipue virtutes, continentiam vlt & iustitiam, summa cura summoqz studio sectatus. Cilicina veste in diebus Quadragesimæ, ut caro seruiret spiritui, & ceruisia parum sapida, aut vino lymphato, utebatur. In pronuncianda verò sententia et lite dirimenda, tam modestus tam iustus, ut utraqz pars eius probaret decretum. Nemo illum vidit unquam aut ebrium aut iratum.

aut gestu, indumento, sermone, aut opere superbum. Sacro cenae die, duo, decem pauperum ablutis & osculatis pedibus, quemlibet nouo panno vestiebat. Media nocte, quod illi caerimoniale iam, & quasi ex debiti necessitate consuetudinariū factum fuerat, dum a familiaribus quiescere putaretur, consurgens, Cursum horarum Virginis gloriosae, quibus finiti Psalmos aliquos, & orationes quas didicerat, depromebat. Contulit ecclesiae Gnesnen villam Czinelm, Posnamien' Buk præter libertates, quibus utramque Barombus ei aduersantibus, magnis prærogatiuis extulerat. Quatuor ex consortes sua Elizabeth filias, vixit Constan- tiam, Veronicam, Ophkam, & Eufrosinam reliquit. Ea tamen consors sua Elizabeth, dum in morte viri grauida esset, filium posthumum in die Sancti Calixti, omnibus subditis de virili prole magna iucunditate ouantibus, effudit. Cui in patris charitatem & memoriam Boguphalus Posnamien' Epus nomen paternum in baptismo Przemislaus indiderat. Hunc Principem Baszko Custos Posnamien' in suis scriptis & Annalibus plurima laude celebrat ~

GRACOVIA & in vniuersis Pololonorum urbibus & regionibus grandis terrae motus apud Polonos, rei huiusmodi misuetos, pro mon- stro & religione habitus, pridie Calen' Februarii, æditus est, ter- rum horam ~

Przemislaus Bohemiae Dux
Bauariam ingressus ceditur ~

Bohemiae Dux Przemislaus, Bauariam hostiliter, multis Barom- bus Bohemiae expeditionem ipsam, cum causas iustas non haberet improbantibus, ingressus, cum eam usque in Lanczuth prædis & rapinis vastasset, vix Duce Przemislao cum modica parte exercitus pontem in flumine Eumò transgresso, milites qui sequebantur ponte con- fracto, in flumen proci, ab undis, paucis, natare scientibus, euadenti- bus, vorati sunt. Omnis vero reliquus exercitus suus, qui nondum pon- tem et flumen superauerat, a Bauaris, paucis fugientibus, deletus est. Et Bauari tam victoria, quam omnibus spoliis & impedimentis potiti, Dux vero Przemislaus cum paucis (nam et illi qui pontem transierant, a Bauaris misectati aut trucidabantur, aut capiebantur) in columnis fu- giendo euasit. Nonnulli ex Bohemis qui in oppidum Melendorff Ar- chiepi Salczburgen' diffugerant, tam diu a Bauaris illic obsessi, donec aequis conditionibus inter Przemislaum Bohemiae, & Bauariae Duces, pax sancita est.

Beatus Iacintus Cracouia mortuus

Quindecima mensis Augusti nonarum hora, beatus Iaczko ordinis
Prædicatorum, genere nobilis Polonus Districtus Opolien' ex
villa Lanka, post multos labores et opera, Et in dilatatione fidei
Christianæ & salute animarum apud Poloniam Et Russiam assidue exhi-
bita, & patratiōe multorum et stupendorum miraculorum (inter quæ
illud extat insigne, quod apud Viszegraden' oppidum deficiente na-
uigio, strata super undas cappa atqz conscensa, cum tribus fratribus
sui ordinis, vzt Floriano, Goduino, Et Benedicto, uniuerso populo Wy-
szegraden' inspectante Vislam fluvium sicco vestigio tranauit) famosus,
in Cænobio Sanctæ Trinitatis Cracouia' religiosissime deuotissimeqz vi-
ta excedit. Ad patriam claritatis æternæ, a matre misericordiæ ca-
nente, Ibo mihi ad montem Mirhæ. Et Angelico cælu prosequente
(quemadmodum virgini deuotæ religiosaqz Sanctimonia li Sromislaui,
in Zwierzinecē Monasterio professæ, per visum, in mortis præfati S.
Iaczkonis articulo, monstratum est) deductus, Et Prandota Cracoui-
en' Epō & populi multitudine in eodem Cænobio S. Trinitatis sepelitur.
Tantis autem et tam frequentibus prodigiis, illum Et in vita Et post mor-
tem insignire Et glorificare dignatus est altissimus, vt non solum dignus,
sed etiam dignissimus (si ipsa prodigia neglectum a Polonis, Et a noti-
tia Pontificis maximi suppressum iri non contigisset) Canonisatione vi-
deatur. Quinqz Monasteriorum sui ordinis, vzt in Trisak, ubi frēm
Hermanum Teutonum reliquit, in Cracouien', ubi solus præerat, in Praga,
ubi frēm Hieronymum præfecerat, in Wratislavia, quod fratri Creslao
Et frī Godmo, in Gdansk, quod fratri Benedicto, commendauerat, pri-
marius fundator.

Anno Domī 1258.

*Boleslaus Calisien' Dux Castel-
laniam Landensem a Calimiro
Cuiariē et Lanciciē Duce recuperat.*

Landensem Castellaniā a Calimiro Cuiariē, Lanciciē, Et Sira-
dien' Duce, qui illius annis aliquot iniustus occupator exliterat,
Boleslaus Cnesne' Et Calisien' Dux (ad illius enim Ducatus

sortem dinoscebatur pertinere) repetiturus, post multas altercationes
invasiones. Et terrarum hincinde vastationes, per quas agricultura depe-
ribat, et damna inualecebant, solitudinem terris illatura, expeditione
contra Cuiaviam indixit, et de omnibus terris Maioris Poloniae, etiam fra-
tris sui Przemislai pridem mortui, quae obeunte fratre suo, velut Curato-
ris parebant imperio, in notabili equestrium et pedestrium multitudine,
conuenientibus, Boleslaus Dux Cuiaviam inuadit, et oppidum Castrumque
Innowladislauiens, quod primum sibi Cuiaviam ingredienti occurrebat,
obsidione cingit, et fortius quo potest omni genere et ingenio impugnat.
Cui velut confederato Wartislaus Boguphali Slaviae et Caszubitarum
Dux, cum potentia gentium suarum personaliter laturus auxilia adue-
nit. Quod Casimirus Cuiaviens Dux considerans, vastationem Principa-
tus sui, et periculum, quod oppido et obsessis cum Castro imminabat, auer-
sus (neque enim si cum Boleslao decerneret, parem se fore considera-
bat, copiaque nisuper gentium suarum adhuc in arma cogenda erant)
missis aduocatoribus, pacem a Boleslao deposcit, offerens se et Castellam
am Landensem male occupatam redditurum, et Castrum Landense
quod superaedificauerat, deducto prasidio militari, demoliturum. Ad
quae exequenda Boleslao Calisien Duce oblatae pacis condiciones velut
aqua non abnuente, dies constituitur, et pactum literis et sigillis stipu-
lationeque manuali firmatur. Boleslaus quoque Calisien Dux credens
hostem suum Casimirum Cuiaviens Ducem, pactis statutum, et agrum et
oppidum obsidione soluens, in propria redit. Verum Casimirus Cuiaviens
Dux hostem se fefellisse, et ex agro obsidioneque deduxisse gloriatus, mil-
torum quae pactus fuerat, impleuit.

*Fulco Gnesnen Archiepus moritur.
Cui Ianussius succedit.*

Quinta die Aprilis Fulco Gnesnen Archiepus, vir grandaeuus, litera-
tus, et religione plenus, cum annis quatuor et viginti in Sede
Metropolitica sedisset, post mensem ex quo languerat Lancitiae mo-
ritur, et in Ecclesiam Gnesnen deductus, iusto honore tumulatur. Ad sub-
stituendum autem alterum Archiepiscopum, dum Capitulares XX. May
indicta, conuenissent, Ianussium Praepositum Gnesnen, genere Polonum et
nobilem, concordibus votis eligunt in pastorem. Qui pro obtenta sua ele-
ctionis confirmatione Henricum Decanum Posnaniens, Agidium Archi-
diaconum Lancitiensem, et Przibislaum Gnesnen Canonicos, ad Urbem
transmisit. Intelligens autem propter constitutionem nouam, Ecclesiis

Cathedralibus onerosam, nisi personaliter ventret, promotionem & confirmationem suam sequi non posse, ad Alexandrum III. Romam se personaliter fatigavit, confirmationemque suam faciliter feria sexta ante Dominicam Inuocavit, obtinuit. Atque in ipsa Dominica Inuocavit Romae consecratus, Poloniam incolumis rediit, Henrico Decano Posnaniensi, & Przibislaw Canonico Gnesneni, comitibus sui itineris in Lombardia peste absumptis ~

*Monasterii primi monialium
in Lauichost fundatio ~*

Boleslaus Pudicus Cracouiensis ac Sandomiriensis Dux, sexto nonas Martii, apud villam Korcezin, omnium terrarum suarum agit Conuentum. Ad quem non solum Prandotha Cracouiensis Episcopus, & Barones ac Proceres Cracouiensis & Sandomiriensis terrarum, sed etiam Casimirus Cuius ianien, Lancitien, Siradienque, Et Semouitus Masouiae Duces, Boleslaus Pudici fratres patruales germani, personaliter, cum suis Consiliariis rogati aduenerant. Tractatus autem illic differendi, non de bello hostibus inferendo, non de finibus propagandis, non de quaestu augendo, sed de rebus honorem Dei concernentibus, erant. Tractauit siquidem Pius Princeps, & id se in summis desideriis, quae in eo felix sua consors Ringa accenderat, longo gestasse tempore asseruit, ut Monasterium Virginum, cum nullum in terris suis haberetur, honorem Diuinum aucturus, & Baronum ac nobilium suorum filiabus, conditionis infirmae vel pannosae, aut connubia aspernaturis, prouisurus, satisfactorius insuper Sororis suae Salomeae, Gallatae quondam Reginae, precibus, fundaret, Petens se et propositum suum Casimiri et Semouiti Ducum fratrum suorum, Prandothae Episcopi & Baronum congregatorum consiliis iuuari. Omnibus autem intentionem suam magna laude magnaque commendatione certatim effertentibus, Lauichostensis oppidi locus aptissimus visus est, qui rem destinatam, & ab omnibus laudatam, expleat. Oppidum itaque Lauichostense et villas Ducales quinq; & viginti, ad illud pertinentes & nonnullas alias Sandomiriensis oppido vicinas, praedia insuper, lacus, & thelonea, quae pro sexaginta virginibus possent sufficere, nouo virginum Monasterio in dotem donat, literisque Ducalibus donationem perpetuat. Decernens oppidum et villas a se donatas, sempiterno tempore debere esse liberas, & ab omni Regum Ducum, & Dominorum temporalium iurisdictione, exactio: ne & tributo immunes. Suis deinde sumptibus, & Ecclesiam & Monasterium, habitationesque famulabus Dei aedificat et consumat, atque religionem

Monialium Sancti Damiani, ordinis Sancti Francisci, quam in praesens Sanctae Clarae vocitamus, in locum a se fundatum et dotatum, inducit. Quam quidem Sanctam Claram, Alexander Papa quartus, anno immediate praecedenti, Sanctorum Catalogo ascripserat, Religioque ipsa nomine mutata, Sanctae Clarae appellata. Ideo autem Boleslaus Pudicus fratres suos patriceles, Casimirum Cuiavienem, et Semovitum Masoviae Ducem, in id consilium adhibuit, ut fundatio et dotatio Monasterii praedicti, Lauchosten, eorum approbatione et consensu, validior atque solidior fieret. Cum enim sterilis atque orbis esset, et suorum Ducatum se absumpto, Casimiro Cuiavienem, et Semovito Masoviae Ducibus, et filiis eorum successio deberetur, opere precium visum est successores, in rem approbationem facturos, ne irritari aut rescindi, sterilitatis aut quocunque alio colore, posset, acciri. Quo siquidem negotio confecto, pia mater Boleslai Pudici Crzimislaava, quae et ipsa fundandi Monasterii praefati Lauchosten ardorem, sedula monitione iniecerat, defuncta est, et in Monasterio fratrum Minorum in Lauchost sepulta, duobus et triginta annis in viduitate, exactis.

ANNO eodem motus terrae per universam Poloniam exortus est. Ex quo processu temporis, guerris, dissensionibus, et plurimis incommodis vexata est Polonica Regio. Idem quoque motus terrae in Bohemia, Russia, et Hungaria fuerat.

STROINATVS Lithuaniae Dux partem terrae Masoviae circa Crim depraedatus est, et Crzum Orzimow conquiritens, viros et puberes occidit, impuberes vero concremavit, et plures faeminei sexus personas in captivitatem abduxit, et maximam crudelēque plusquam barbaricam in Catholicos exercens tyrannidem et impietatem.

Anno Domini 1759.

Varczislavus Dux Slavorum
Pomeraniam populatur.

V Arczislavus Slavorum et Caszubitarum Dux, iniurias suas frequentius a Swantopelkone Pomeraniae Duce sibi et suis terris irrogatas, ulturus, congesto ex omnibus subditis suis exercitu, habens insuper Boleslai Ducis Galisien sibi confederati, gentium et militum

expeditorum auxilia, pro præsenti necessitate sua ei transmissa, habens insuper in suo comitatu Epum Cuiavien' Volmirum, qui iniurias sibi tam in villis Episcopatus sui illuc consistentibus, quam in manipularibus decimis illatas, æque propulsaturus aduenerat, in terram Pomeraniæ dicit Swantopelkoni hostiliter ingrediuntur, eamque incendiis, caedibus, & depopulationibus vastare ceperunt. In Slup autem Warczislaus Dux perueniens, ut expeditus vastationi terræ hostilis intenderet, impedimenta & sarcinas, ac pro custodia illarum Epum Cuiavien' cum aliqua parte copiarum in stā; tiuis Slupen' relinquens, ipse cum delectis & expeditis militibus ad vastandū ire pergit. Quo Swantopelk ab exploratoribus comperto, Warczislauem quidem Caszubitarum Ducem reputans cum illo decernere periculosū, grassari in subditos, & tecta vni, prædasque & spolia agere permittens, ipse in Episcopum Cuiavien' & milites, ad impedimentorum & sarcinarum custodiam a Warczislao relictos, cum gentibus irruit, & incautos opprimens & debellans, Episcopo Cuiavien' cum paucis fuga elapso, ceteros omnes aut occidit aut captiuat, omnibusque spoliis potitus, priusquam a Warczislao et eius exercitu opprimi posset, in castra & munitiones, plus lucri ex spoliis, quam ex hostili vastatione damni consecutus, se recepit.

Calimirus Cuiavia Dux sub
absentia Boleslai Calisien' Du-
cis Ducatum eius vastat. Quem
Boleslaus a tergo aggressus proli-
gat, et cum magna potentia iterū
Calimiri terras inuadit et Lancien'
en' oppidum capit cū auxiliariis;

Vicem vastationis terræ suæ Cuiaviensis, per Boleslaum Calisien'
& Warczislaum Caszubitarum, Duces, infortunio eiusdem War-
czislai Ducis, quod ad Slupen' stationes a Swantopelko pertule-
rat, accepto, Calimirus Cuiavien', Lancien', & Siradien' Dux repensurus,
terram Calisien' cum omnibus potentiis clandestine ingressus, quanta potest
ampliori sauitia in eius deuastationem debacchatur. Quod cum per
celerem nuncium Boleslaus Pius Calisien' Dux, ex Glisz Posnamiam iter
faciens, comperisset, ex medio itinere reuersus, triginta tantummodo
militibus in locis quæ præteribat collectis, cum Curien' & familiari-
bus suis, agrestibusque, quibus pecus ereptum erat Calimitum Ducem &

exercitum suum præda onustum & pecus abegentem, insecatur. Quem in
pinoso nemore qui Soliecz dicitur, inter Opathomek Archiepalem, & Ka-
linam atq; Clomeam militarem, villas, situm, consecutus, neq; suam pauci-
tatem, neq; hostilem multitudinem pensi habens, in Cazimiri Cuiaui en' Duc-
cis exercitum, contrione per prius & in pugnam & in mortem suis animatis,
à tergo irruit. Et postremis aciebus debellatis, primas quoq; (-fortem
& numerosum exercitum Boleslai Calisien' Ducis, cum tegmen opponenti-
bus arboribus, quantus fuerit, dinosci non posset, existimantes-) facile in
fugam vertit. Multis itaq; caesis, multis insuper captis, Duce Cuiaui-
en' per fugam euadente, & præda omnis hosti excussa, & agrestibus red-
dita est, & Boleslai Calisien' Ducis exercitus trecentis equis, cæterisq;
spoliis hostilibus potitus. Sed & Palatinus Cuiaui en' Martinus, licet sau-
cius vivus tamen in potestatem Boleslai Calisien' Ducis, cum cæteris nobi-
libus fugam excreantibus, venit. Referbat postea miles Cazimiri Cuia-
ui en' Ducis, tanto se pauore, dum illos Boleslaus Calisien' Dux invaderet,
corruptos fuisse, ut circa singulas nemoris arbores ingentes hostiles co-
pias arbitrarentur consistere. Non quieuit tamen hac clade percul-
sus Cazimirus Cuiaui en' Dux, sed Hercobaldum Gnesnen', & Nico-
laum Calisien' Palatinos, Simonem Presbyterum frém Hercobaldi
Palatini Gnesnen', pluresq; alios nobiles in colloquium euocatos, ca-
ptiuos suos in Soliecz en' clade captos liberaturus, captiuat, & in oppido
Pakoscz, ad Ducatum et Dominium Boleslai Calisien' Ducis pertinetē
nouum castrum ædificat, & per milites in illius præsidium à se loca-
tos, vicinam oram spoliis et direptionibus infestat. Non tulit autem
Boleslaus Calisien' Dux, tot & tantas Cazimiri in se & suos depromptas
iniurias, sed die sexta Octobris cum Boleslao Pudico Cracouien' & San-
domirien' Duce patruale, Putenorum & Comanorum habente auxilia, &
Semouito Masouia' Principe, germano eiusdem Cazimiri Cuiaui en' Ducis,
fratribus, ob lacessitos eorum Ducatum iniuste fines, merito illum
infestum & exosum habentibus, & qui contra Cazimirum Cuiaui en' Du-
cem, velut communem pestem & publicum hostem, fœdus et societatem pe-
pigerant, item cum Romano filio Danielis Regis Russia', quem in sui au-
xilium Semouitus Dux Masouia' cum Putenorum exercitu adduxerat,
terram Lanciciensem eiusdem Cazimiri Ducis Cuiaui en' ingressus, in eius
exterminium & vastitatem tam micendiis quam spoliis & cadibus sæciebat.
Vniuersa autem Lancicien' terra, in miseram solitudinem & calamitatem,
etiam hosti complorandam, redacta, Castrum in illa ædificant, & vallis
fossatisq; munitum, & victualibus impletum, illud in fidem & potestatem
Semouiti Masouia' Ducis commendant. Quibus rebus Cazimirus Cuiaui en'
Dux

qui alias & in factis & in verbis superbo fastu tumebat, adeo humiliatus est, ut missis Legatis sufferentias pacis, ad diem beati Andreae Apostoli duraturas, a Ducibus praestandas expeteret, & in eodem Sancti Andreae die iuxta communium Baronum arbitrium, decretum, & Castris occupatis & finibus se cessurum, & impetrata a Baronibus se iureiurando spondit impleturum.

HEDVIGIS Ducissa consors Boleslai Legniczensis Ducis, & filia Comitis de Hanhadl, duodecimo Calendas Ianuarii, obiit.

*Monasterium Sanctimomialium
Gnesnae fundatur.*

Exemplum Boleslai Rudici Cracouien' & Sandomiriens' Ducis, Boleslaus Pius Galisien' Dux, secutus, alterum in Civitate Gnesnae foeminarum Monasterium Minoristarum seu Sanctae Clarae fundat, & villis, praediis, & introitibus ex fisco Ducali liberaliter dotat & libertat.

*Calimirus Cuiaviae Dux Castrum
Bacziasch pro Ep'o Wladislauien' eripit.*

Pincipatibus suis Lancicien', Cuiavien', Siradienq; Cazimirus Dux non contentus, Castrum Bacziasch cum suo Districtu ab Ecclesia Wladislauien' & Ep'o Volmino auferens, per iniuriam occupat, & suae applicat ditioni. Volminus autem Ep'us Wladislauien', tam grauem iniuriam non ferens, Cazimirum Cuiavien' Ducem excommunicat, & terras suas Ecclesiastico subijcit Interdicto. Confestimq; ne per Ducem Cazimirum impeti posset, Diaccesi sua egressus in Cracouien' Diaccesi apud Lagom morabatur. Dux autem Cazimirus, cum in Episcopum non posset, in bona sauire capit, & plures Curias suas cum horreis & frumentis, sub tempore Quadragesimae igne consumpsit.

*Ianussius in Archiep'um Gnesnae
Romae consecratur.*

Gnesnensis Ecclesiae Electus Archiep'us Ianussius, literis nunciatorum suorum, Henrici Decani Posnamien', Agidii Archidiaconi Lancicien', & Przibislai Canonorum Gnesnae, doctus, confirma:

tionem suam ob Statutum Alexandri Papae quarti, quo cauebatur, quemlibet in Sedem Metropolitanam electum, conspectui Summi Pontificis praesentari oportere, subsequi non posse, in Curiam personaliter transiit. Vbi praesentatione Summo Pontifici feria sexta ante Dominicam Inuocavit facta, et electio sua confirmata est. Et ipse mandato Papae illic die Dominico Inuocavit, consecratus, tarditatem priorem celeritate subsequenti Papa Alexandro praesente compensauit. In redeundo vero eo incolumi euadente, nuncios suos Henricum Decanum Posnamien, et Przibislaum Canonicos Gnesnen, in Lombardia pestis absumpsit.

Tartari Poloniam per tres menses
populantur. Sandomiriam cum Ca-
stro acquirunt et comburunt. Gra-
curiam in super capiunt, unde Bo-
leslaus in Hungariam fugerat. Tan-
dem nullo resistere auden cum ma-
xima praeda ad sua reuertuntur.

Expertes erant Cracouien et Sandomirien terrae Ciuium, quae inter
Principes Poloniae agebantur, bellorum, Sed haec quoque rursus in
bellum atrox, et plus quam ciuitas (maxime pacis bonum, siue
actiones sceleratae humanae, siue factorum inuidia id causet, rarum et
caducum est, perturbauerunt) pertractae sunt. Aduenit enim in illas
statim post festum beati Andreae Apostoli, Tartarorum ingens exerci-
tus, plures de solis Tartaris, quorum Nggai et Thelebuga erant Duces,
continens legiones, hunc Rutenorum et Lithuanorum Duces gentes et
copias ingentiores fecerant. Qui dum Vislam et ceteros fluuios, gelida
hyeme et glaciibus induratos, facile transissent, subito Sandomiriam perue-
niunt, et oppido Sandomiriensi incenso, Ecclesiaeque conflagratis, Sandomi-
rien Castrum, in quod fere uniuersa Sandomirien regio, cum coniugibus, pi-
gnoribus, et fortunis, Tartarorum aduentu vulgato, confugerat, corona em-
gunt, et nec ad quiescendum aut colligendum animos, ex subito pauore spa-
cio dato, illud nocte et interdium oppugnant. A quo dum militem Poloniae
brachio et resistentia repulsi forent. Waszilkus Dux frater Danielis ger-
manus, Leo insuper et Romanus, filii Danielis Regis Russiae, videntes
Castrum Sandomiriense difficilem et periculosam expugnationem existere, Cadu-
ceatores ad Petrum de Krampa militem Sandomiriense tunc Capitaneum

mittunt: persuasuros, ut si se cum vniuersis qui ad Castrum confluerant
seruare incolumes velit, humiliatus potius in Tartarorum Castra securus,
et tributum a Tartaris imponendum pensurus, quam resistantiam decem-
tero factururus, adueniat. Neque ea per Gduceatores depromere contenti,
etiam ipsi personaliter Petrum de Krampa Capitaneum conueniunt, et
iisdem quae a Gduceatoribus dicta erant, et amplioribus illum, velut virum
simplicem, et Ruthenicam dolositatis atque fraudis parum gnarum, promissis
inescatum et circumuentum, tam sibi quam omnibus, qui in Castro erant
securitate data, et quo magis illi fidei inesset, treuga in dies aliquot pa-
cta, in stativa tandem Tartarorum, haud procul a Castro consistentia, ger-
manum fratrem Sbigneum, et alios Poloniae milites magis insignes illum co-
mitantes perducunt. Vbi etsi Tartarorum Ducibus adoratis, tributum se
illis quemadmodum inter eum et Ruthenorum Duces conuenerat, pensurum
obtulisset, neque tamen oblatione Tartari ad misericordiam moti, tam Pe-
trum de Krampa Capitaneum Sandomiriensem, quam Sbigneum fratrem su-
um et omnes milites Polonorum, qui secum aduenerant, sero se a Rute-
norum Ducibus, querentes proditos, hospitali violata fide captiuant, et
spoliatos verberatosque ad ultimum casus capite obtruncant. Cum valido
deinde concursu et clamore ad Castrum inuecti, quo vel solo imbellis agre-
stium, infantium et matronarum turba, Capitaneum solum et alios milites
et defensores, audiens crudeli supplicio enecatos, perterrita, Castrum fa-
cile (non enim a quoquam defendebatur) irrumpit, et omnes penes illic re-
pertos, virginibus tantummodo et ingenuis matronis, pro explenda libi-
dine reseruatis, saeuissime trucidant, Castroque rebus omnibus spoliato et in-
censo plerisque homines, quibus aliquorum feritas pepercerat, ad undas flu-
minis Vislae grege facto impulsos, quasi iam dexterarum caede defatigatae es-
sent, aquis suffocant, sed et homines languidos et valitudinarios, ad Eccle-
siam Sanctae Mariae confugientes, laceratos necant. Tertius tantum tunc
Christiani et Polonici cruoris, barbarica rabie fusum, ut ex colle in quo
arx sita erat, in Vislam fluvium arci vicinum, quasi quodam torrente de-
fluxerit. Ea caede Cracoviam perlata, Boleslaus Pudicus Cracoviensem et San-
domiriensem Dux, vehementi dolore, manantibus lachrymis, affectus, dum ad
resistendum Tartarorum potentius imparem se nosset arce Cracoviensem in custo-
diam et defensionem Clementis Castellani Cracoviensis, et militum atque civium
Cracoviensis (qui omnes se in illam cum vxoribus infantibus et quibusli-
bet rebus contulerant) commendata, cum Kinga Ducissa consorte sua
in Hungariam abiit, illicque aliquanto tempore degit, quousque intellexit Tar-
taros in sua rediisse. Tartari vero clade et spoliis Sandomiriensem non
contenti Ducibus Ruthenorum et hominibus ductum praestantibus Cracoviam

adeunt. Quam etsi reperissent vacuum, in tecta tamen et homines valitudo-
 dinarios, qui fugere non poterant, ferro sauciunt. Multis quoque ex agrestibus
 utriusque sexus in cundo et redeundo occisis aut captis, multo misuper pe-
 core, multisque spoliis onusti, miserabilem secum deducunt captiuorum tur-
 bam, miserabiles fletus et eiulatus emittentem, quod parentes patriam,
 et penates suos amplius non essent visuri, in Tartariam, nullam resistenti-
 am experti, onusti praeda ingenti, tribus mensibus Poloniam populati, sub
 quibus plurimi captiui fuerant apud illos redempti, reuertuntur. Multo
 maiori clade, maiori que caede et spolio in Polonos debachati, quam quod mili-
 tes Cracouien et Sandomirien ad Tursko et Chmielik, et Henricum Du-
 cem Slesia ad Liegmiam, non sine suorum strage et incruenta victoria
 ante annos circiter decem et octo, conflixerant. Corpora eorum qui in Ca-
 stro Sandomirien fuere caesi, in Ecclesia et Cimiterio beatae Mariae San-
 domirien condita sunt, et Ecclesiae illi, nunciis Boleslai Tudici Cracouien
 et Sandomirien Ducis, Prandotha Epi, Ecclesiaeque Cracouien, vix Bo-
 dzantha Decano, et Alberto Canonico Sandomirien, interpellantibus, et
 quanta fidelium caedes per Tartaros illic edita fuerit declarantibus,
 per indulgentiam, quam ecclesia Sanctae Mariae ad Martyres de Vrbe
 habet, per Alexandrum quarium concessa. Quam Polomicus populus ma-
 gnam indulgentiam vocat, et tanto cultu tantaque veneratione, Extunc et
 modo prosequitur, ut ad merendum illas pro die secunda Iunii, quasi eti-
 am reliquias Martyrum, tunc a barbaris occisorum, honoraturus, singulis
 annis, quod nemini alteri Ecclesiae in Polonia reor contingere, in multitu-
 dine frequentissima accurrat ~

Anno Domini 1260.

Mendog Dux Lithuaniae baptizatus ad
 idolatriam rediens omnem Ma Louiam
 vastat, Castroque et Ciuitate Plo-
 censi exulto, et tandem Prussia to-
 ta depopulata rediit cum praeda ~

Mendolphus alias Mendog siue Mindak Lithuanorum Princeps
 et quem fratres Cruciferi de Prussia frequentibus in Lithuaniae
 oram expeditionibus vsi, primum fidem Catholicam cum nonnullis
 Prutenis et Lithuanis suscipere, deinde se Regem gerere induxerant,

sub eodem anno quo baptismi lauacro renatus erat, cum omnibus baptisatis ad idolatriam & vomitum rediit. Huius Mendolphi fratres Cruciferi de Prussia, plures habent literas, quibus illis & illorum ordini, multipliciter se ab illis honoratum et adiutum, simulatē & fictē magis quā iustē & verē astruens, plures terras quā ditionis suae erant, vñt Curoien, Iaczwingorum, Samogitarum, Vezizen, & deinde totam terram Lithuaniam, donatio: ne perpetua & irrevocabili, largitur, donat & inscribit. Poteratqz suae in idolatriam reversionis, vel principalis vel accessoria esse causa, doloris magnitudo & penitentia, quod a Cruciferis siue coactus, siue circumuen: tus, tot terrarum donationem, quam aersione rescindere conabatur, fecerat. Valido deinde exercitu, ex Lithuanis, Rutemis, Iaczwingis, Samogitisqz, ac aliis infidelibus nationibus, secum sentientibus, qui tri: ginta millia pugnatorum habuisse aestimatus est, congesto, Masouiae ter: ram hostiliter depopulandam, clandestinē & insperatē ingreditur. Et Se: mouito Masouiae Duce, qui nec spacium ad cogendum milites suos in arma habere poterat, pugnam cum tot barbarorum millibus, committit e propter euidentis periculum, detrectante, Mendog praefatus & suus exercitus in omnem Masouiae terram & eius incolae crudelissimē grassatus, & Ca: strum Ploczen a militibus, & civitatem a civibus & defensoribus desertā esse reperiens, succendit. Caetera deinde oppida et villas, totius terrae Masouiae, incendiis, spoliis, & caedibus vastavit, & plures utriusqz sexus homines captivos, in servitutem cum ingenti pecorum praeda in Lithuaniam remisit. Terra autem Masouiae pervastata, in Prussiam abiit, ubi Cruci: feris castra tantummodo & munitiones tueri contentis, urbes quas Cruci: feris extruxerant, flamma & caede delet & evertit, & Catholicos omnes illic repositos, caede promiscua lacerat et obtruncat, strageqz horribili & ingenti in hominibus, quorum etiam crudelitatem suam & furorem demon: straturus) aspernabatur captiuitatem, adita, pecus tantummodo & spolia in Lithuaniam reduxit.

**Castellum Santhok a Regno Poloniae
alienatum.**

Boleslaus Tius Calisien Dux, una maiore ex quatuor filiabus Prze: mislai olim Ducis Posnamien germani sui nomine Constantia, Conra: do Marchioni de Brandenburg alias Zgorzeliecz matrimoniali: ter desponsata, pro dote quam secum virgo Constantia, latūra erat Castellum & Castellam Santhocen, non sano usus consilio & integritate, Regno Poloniae, cuius ea re scissura agebatur, parum propitius, donat, obligat, &

inscribit. Ab eo quoque tempore Castri & Castellamæ præfatorum Santhoczen
alienatio orta, longam palestram Poloni & Saxoni, utrisque pro illius ade-
ptione & proprietate admittentibus, ex qua et multum sanguinis fusu est
& dispendia hinc inde secuta, in hanc usque diem reliquit. Reliquæ tres
sorores filia Przemislai connubia perosa, duæ uel Veronica & Eufrosi-
na Trzebmiezen Montii ordinis Cisterciën, primum sorores, deinde propter
morum & virtutum præstantiam, Abbatisæ, Offka uero Gnesnen Sctæ
Clarae, à Boleslao Pio Calisien Duce fundatum Monnium, ingressæ, fal-
citer illis obsequiis Diuinis mancipatæ, absumptæ sunt.

*Tartari in Sandomirien les eade
ædita Monasteria Lauichosten
le et Calui montis, ac alias ter-
ras minoris Poloniae impune vastant.*

T Artarorum validus exercitus, in Poloniam magna velocitate
ingressus, Castro et Ciuitate Sandomirien conquisitis, multa homi-
num utriusque sexus millia illic reperia, barbarice trucidant,
ceteros pecorum more in Vislam impellens, undis suffocauit. Foeminas spe-
ciosas et adolescentes in seruitutem abduxit, Monasterium Lauichosten
& Calui montis vastant, ad Cracouiam usque & Bithom agendo prædam,
& strages captiuitatesque hominum, grassantur. Et duobus mensibus inte-
gris in Polonia commorati, factis multis incendiis, cum maxima hominum
captorum & rerum præda, ad propria per Russiam (Rutenis & eorum Du-
cibus eis auxilia ferentibus) reuertuntur, nullo multitudinis Tartaricæ
audente resistere. Dux enim Boleslaus Cracouien in Hungariam, Prando-
tha Epus Crac in Castrum Ratiborien secesserant, milites & nobiles in ar-
cibus et syluis dogebant. Ad hanc vastationem Casimirus Cracouia Dux
Tartaros misimulatus est induxisse, quem Poloniae Duces propterea delere
conati sunt, & multas ei iniurias & contumelias irrogarunt.

*Bela Hungariae Rex, et Przemislaus Bohe-
mia Dux bellum in foedus pacemque conuertunt.*

T Reugis inter Belam Hungariae Regem ab una, & Przemislaum
Bohemiae Ducem partibus ab altera, expirantibus, ab utroque in nouum
bellum, occasione Stiria, quam uterque sibi vendicabat, itum est, &
magis copiis variisque nationibus gestum, Belam siquidem Hungariae Regem

915

Boleslaus Tudicus Cracouien' & Sandomirien' Dux, velut gener Socerum, it' Leszko mger Siradien' Dux, Cazimiri Suiacien' & Lancicien' Ducis filius, quem secum una Boleslaus Tudicus in Soceris auxilium adduxerat, item Daniel Russiae Rex, & filii eius Leo & Romanus, Bulgari misuper, Raczo, nes & Bosnen', Przemislaum vero Bohemia' Ducem Henricus Wratisla, wien', Wladislaus Opolien', Viricus Dux Corinthiae, Otho Marchio Bran, deburgen', Duces, adiuuabant. Bela autem Hungariae Regi Morauia, am ingressuro, & tam illam quam Bohemiam vastaturo, populationem suorum prohibiturus, quarto Idus Iulii Przemislaus Bohemiae Dux, cum auxiliari, bus propè Theben, ubi Moraua fluuius miscetur Danubio, occurrit, & una ripam Morauae Hungaris, alteram Bohemis obseruantibus, statim illic utriusque exercitus, usque ad diem beati Ioannis Baptistae, laceffentibus se inuicem Hungaris et Bohemis habita sunt. A quibus Przemislaus Dux Bohemiae secedens, versus oppidum Laya ire pergit, quem Stephanus Bela Regis filius, aliqua parte copiarum a patre impetrata, facilius in itinere oppressurus, aggreditur. Vbi certamine inito, Stephani exercitus, cum inferior quam Bohemicus esset, cum uniuersis Ducis Przemislai potentius decernens, fusus fugatusque est, & ad reliquum exercitum, quem Bela Hungariae Rex cum Ducibus auxiliariis in castris continebat accurrens, in flumine Moraua plures quam praelio amisit. Treuga demum, aliquot dierum interposita, pax inter Belam Hungariae Regem, & Przemislaum Bohemiae Ducem per communes Barones tractata, & a quibus conditionibus, Bela Rege iure cedente Stiria, composita & conclusa est, adiecta etiam affinitate quo diuturnior foret.

ANDREAS Episcopus Ploczen' vocatus Ciolek, cum annis sex sessisset moritur, & in Ploczen' Ecclesia sepelitur. Cui a Capitulo electus, & a Ianussio Gnesnen' Archiepo confirmatus, Petrus dictus & cognominatus Niedich, nobilis de Domo Serpentum, Canonici Ploczen', de Semouiti & Cazimiri Ducum Masouiae consensu, succedit.

Prutheni et Lithuani Cruciferos in Prussia inuadunt

CAstri Karszouin in monte Sancti Georgii erectione, per Magistrum et Cruciferos Prussiae facta, Prutheni & Lithuani barbari vehementer irritati, pro illius exterminio, cum quanto maioribus poterant copiis, ire pergunt. Duobus autem exercitibus, Prussiae vlt' & Liouoniae, qui in defensionem Castri aduenerant, offensis, in die

Sancta Margarethæ, iuxta fluvium Duxum in Curlandia confluent & magna strage ædita, & Henrico de Horuschnzen, Magistro Livonie, & Henrico Marschalco Prussiae, & pluribus aliis Cruciferis occisis, cæteris verò in fugam versis, victoria barbari potiuntur, & tam Castrum Korszo-
uin, quàm Heilsburg, maceratis fame defensoribus, conquirunt. Ad Cas-
trum deinde Kinsberg, obsidione promota, in ponte quem super flumen
Pregor construxerant, plures numero à Cruciferis trucidati, obsidionem
residui solvere coacti sunt ~

Helmericus sextus Magister Prussiae succedit ~

*Prutheni Neophiti ad idolatriam reuer-
Christianos finium suorum necant &c.*

EX huiusmodi autem victoria Prutheni Neophiti, in superbiam ver-
si, ad idolatriam fide Christiana relicta, in vigilia Sancti Ma-
thæi Evangelistæ apostabant. Et constituto sibi Glippino pro
Duce & Capiteo, correptis armis, in omnes Christianos, qui intra illo-
rum fines habitabant, crudelissimè sauciunt, Sacerdotes & ministros Chri-
& quolibet Christiano caractere insignitos, obtruncant, Ecclesias quasi-
bet igne consumunt, Sacramenta contaminant, sacris vasis & vestibus
abutuntur ~

Anno Domini 1761.

*Vituri cladem acceptam Prutheni &
Masovia, Lithuaniam ingrediuntur. Vbi
fusi et profligati sunt à Lithuanis ~*

Lithuanicam & Pruthenicam eorumque Principis, quem Cruciferi
Regem appellare soliti erant, Mendolphi, enormem populatione
& vastationem terris Masoviae & Prussiae illatam, ulturus exer-
citus Catholicus, de terris Regni Poloniae, Cruciferis & Almanis, aliisque
Crucesignatis, collectus, ad inferiores terras Prussiae ad Districtum
Nacrangorum, in festo Purificationis Sanctae Mariae (hoc enim
aptius tempus, stagnis, fluminibus, & paludibus, quibus ora Lithuanica
ferax est, cæterisque lubricis locis frigore duratis, pro consumando destinato

opere, visum est) conuenit. Et aciebus ordinatis, terras Lithuanorum, Sa:
 mogitarum, Iaczmigorum, & aliorum gentilium idolatrarum intrauit, terras
 ipsas vastitati & cadi desolationiq; per incendia subacturus. His autem
 autem qui in principio occurrebant, in stragem et flammis datis, cum resi:
 duum iter, quo in interiora Lithuanorum & aliarum nationum peruersa:
 rum, penetrandum erat, viscosum, et pluribus difficultatibus refer tum esset,
 fames quoq; pabulorum, barbaris frumenta pauca serentibus, et hæc ipsa
 in syluis & paludibus, occultentibus, crederetur tanto exercitui occursura, qua:
 drigis & impedimentis cum parua militum manu, qui ea tuerentur, relictis,
 ad meditulum barbarorum itum est. Sed Lithuani Pruthem et alii barba:
 ri, in armis et potentia sua diffisi, animos ad fraudes et dolos conuertunt,
 & ab exploratoribus suis edocti, quæ esset Catholici exercitus facies, quis
 tenor, qui ordo, milites qui ad impedimenta et sarcinas relictæ erant, omni:
 bus copiis inuadunt, resistentesq; paruo negotio (cûm Catholici respectu
 barbaricæ multitudinis pauci forent) fundunt, & in ore gladii ferè om:
 nem turbam illuc consistentem, perimunt & delent, sarcinisq; potiuntur.
 Quod dum Christiani, paucis qui fuga euaserant nuntiantibus, persensissent
 ad locum sarcinarum celerrimè, barbaros occupaturi, reuertuntur. Erat
 & barbaris par animus pugnam conferendi, propter quod & Christianorum
 reditum in sarcinatum loco operiebantur. Conuenientibus Christianis &
 barbaris, fit durum certamen inter utrosq; & pluribus horis, Ducibus suos
 adhortantibus, æquo Marte pugnabatur. Et licet magnæ turmæ barbarorum
 cecidissent, Christianis tamen primûm pedem referentibus, mox etiam terga
 uertentibus, barbaris prouenit, iusto Deo facinora Christianorum plecten:
 te, victoria. Qui vicisse contenti & locum insidiarum incidere veriti,
 profugientes persequi substituerunt, quo factum est ut clades aliquanto mi:
 nor quàm pro numero æderetur. Cecidit autem in huiusmodi prælio miles
 insignis et bellicosus, Schinkel de Bythen genere Vestphalus. Qui barba:
 rorum cuneos transuerberans, antequam medietatem attingisset, barbari:
 cis frameis obritus est. Cecidit & Comes de Reiderer, & plures alii mi:
 litaris & equestris ordinis viri. Sed & non parua multitudo uiua in ma:
 nus barbaricas venit. Ex quibus dum iuxta suas nefarias superstitiones
 Diis suis pro consecuta victoria oblaturi libamina, unum sorte deposcerent
 flammis cremandum, & sors in Hirczhals (quem Maydeburgen cecidisset,
 beneficio quoq; aliquorum barbarorum illum noscentium his liberatus foret,
 tertia demum vice, dum illum sors deposceret, sua sponte se obtulit, & sa:
 crilego ritu cum equo cui insidebat, flammis crematus est.

*Castellam Landensem Boleslaus
Calisien Dux bello recuperat.*

P Acto et sponsione, de restituenda Castellania Landensi iniuste occu-
pata, Cazimiro Cuiavien, Lancicien, & Siradien Duce, de quibus
inter illum & Boleslaum Pium Calisien Ducem, contractu duplici
conuenerat, non seruatis, praefatus Boleslaus Pius Calisien Dux, cum ma-
ioris Poloniae militibus, hostiliter circa festum Sancti Bartholomei, terras
Cuiaviae intrauit, et illas vastare et spoliis afficere cepit. Ad quem & si
Cazimirus Cuiavien Dux, nuntius missis Castellania Landen restitutionem ob-
tulit, Boleslaus tamen Calisien Dux, illud se iam altera vice respon-
dens, non prius ex Cuiavia copias deduxit, donec medietas Castri Lan-
densis, & Castrum quod Cazimirus Cuiaviensis Dux aedificauerat, sibi et
suis officialibus fuere reddita, & medietas Volmro Epo Wladislauion
post sibi aequae tradenda, fuit resignata. Pertulit & aliud Cazimirus
Cuiavien Dux praefatus, sub eodem tempore infelicitatis Eulogium, Duo
& enim filii sui Leszko niger & Lemomisl, quos de prima uxore susceperat,
noverca sua altera patris sui uxore, filia Swantopelci Pomeraniae Ducis,
false ne an vere, pro incomperito habebatur, quod illos veneno tollere co-
naretur, insimulata, patre deserto, Lemomisl Lancicien, Leszko niger
Siradien, terras & Castra, munitionesque earum, Baronibus & militibus
terrarum praedictarum, universali assensu et fauore, tyrannidem & iniu-
sticiam patris eorum perosi, in eorum subiectionem concedentibus, occupant,
& detinebant longo tempore occupata.

Cruciferorum quatuor Castra capiuntur.

S Vccursus facturus Christianis, in clade cum barbaris pugnantes
plurimum debilitatis et percussis, in Prussia militantibus, Comes
de Barboiga cum sua militia, in Prussiam aduenit, & Lambien-
ses cadibus et spoliis afficere cepit. Quem Lambienses in die Sanctae
Agnethis aggressi, deuictis suis copiis, Comitem ipsum, pluribus suis occisis,
captiuant. Et posthac Castrum Heilsburg, obsident, quod magis a fa-
me quam ab eorum armis expugnatum, Cruciferis ex eo saluis discedentibus
consequuntur. Tria deinde Castra, nomen Christianum erasuri de terra,
circumsident, vtz Kruczeberg, Kinsberg, & Gartenstejn, quae obsessi
tanta fame macerati, ut etiam dentes amitterent, barbaris dedunt. Quar-
tum vero dictum Keyssil, antequam obsideretur, periculum quod alii in tri-
Castris pertulerant, veriti, Cruciferi exustum deserunt.

*Flagellatorum Secta in Polonia
mox ut apparuit dispersit ~*

Flagellatorum quadam secta, quæ primum ex Galliis & Parisiis manasse ferebatur, errores & prauitates multiplices continens, in Almania mox coalescens, & fumiculos suæ peruersitatis dilatans, etiam ad Poloniae regiones peruenit. Incedebant siquidem homines sectam huiusmodi professi, processionaliter velatis capitibus, in claustraliu more corpore usq; ad umbilicum denudati, flagellis quoq; quadruplici corrigio connotatis, & nodos habentibus in extremitatibus, unus alterius dorsum acriter cadebat. Agebant insuper stationes, uenias, genuflexiones mirabiles, canendo carmen, quilibet iuxta distinctionem suæ lingue, inconditum, cum ex variis linguis & nationibus colluies ipsa contracta esset. Mutuo insuper se, quamuis non ordinati sed laici essent, de quantumcunq; enormibus peccatis, confessione audita, absoluebant, & penitentes solenniter introducebant, asserentes Sectam suam à Deo placidam existere, & animabus propinquorum suorum, etiam damnatorum in inferno existentium, & celos possidentium, & suis dum obirent adferre magnas consolationes & profectus. Dum autem secta hæc primum Cracouiam aduenisset, Ecclesiis uisitatis, & uelut penitentibus expletis, illico de Cracouia Prandothra Epô, ni celeriter inde recederet, carceres illi cominante, se euoluit. Sed & in cæteris Polonica Ecclesiæ Diæcesibus, Ianussio Archiepiscopo Gnesnen, & aliis Episcopis Poloniae eorum errores detegentibus, & Principibus Poloniae, ne quis Polonorum errores huiusmodi sectaretur, sub graui pœna & bonorum confiscatione, mandantibus, secta ipsa irrisa & spreta est. Apud alia uerò Regna igne et gladio deleta, errorque cæteris eius sectatoribus illum deserentibus, & quod laudabatur, exerantibus, subito dispersit ~

*Cazimirus Cuiavia Dux terram Lie
liouensē occupat, quam mox rursum
Boleslaus Iudicus Dux recuperat ~*

Cazimirus Cuiariens, Lanciciens, & Siradiens Dux, uno bello cum Boleslao Pio Galisien Duce, restituendo illi Landensem Castellam, iniuste à se detentam, vix perfunctus, repente aliud æque temerarium, Boleslao Iudico Cracouien & Sandomirien Duci mouit, Lie-liouensemq; Districtum sibi usurpans, & asserens iuris sui esse, Castrum in colle oppido Lieliouensi ppinquo adificat. Quod eo discedente Boleslaus

Pudicus conquirat, & in suam redigit ditionem. Et quoniam Casimirus Dux, rapere & occupare solitus erat aliena, iusto Dei iudicio promeruit, ut perderet propria. Quapropter duo filii sui Leszko niger & Lemomisl in illum consurgunt, & machinati hostilia Siradien' Castrum sub eo intercipiunt, quibus milites uniuersi Siradien' spreto patre eorum Casimiro, constanter adhaerent, tyrannidem patris perosi ~

*Przemislaus Bohemiae Dux temere
sine Imperatoris assensu Regiam
sibi usurpat dignitatem. ~*

Quindecimo Calend' Nouembris Przemislaus Bohemiae Dux Margaretham Ducissam Contoralem suam, cum qua annos plures in matrimonio exegerat, & propter sterilitatis opprobrium, & quia votum de ingrediendo Monasterio fecisse viro primo mortuo insimulata est, dimittit & repudiat, & Kunegundin' filiam Rosczislai Ducis Bulgarorum, neptem Bela' Hungariae Regis, accepit in uxorem, nuptiis sollemniter in Posonio celebratis. Octauo vero Calend' Ianuarii, die qui in Natalem Domi cadebat, se in Regem Bohemiae, & praefatam Kunegundin' nouam nuptam in Reginam per Vernerum Maguntinen' Archiepum, procurauit Pragae coronari, Vocatus per Electores ad Imperium, venire renuit, palam apud suos iactitans, plurius Bohemiae Regnum quam Imperium fore. Nondum enim tunc Pragensis sedes excellentiam consecuta erat Metropolitana, sed erat Maguntinen' Archiepo subiecta, & Bohemiae Rex quoties Regnum vacare contigebat, precaria & emendicata Archiepi Maguntinen' coronabatur et inungebatur manu ~

*Papa Alexander III. moritur
Cui Urbanus III. succedit ~*

Octauo Calend' Iunii apud Viterbium Alexander Papa III. cum annis septem & mensibus duobus sedisset, moritur, & in Ecclesia Sancti Laurentii Cathedrali Viterbii sepelitur. Cui Urbanus quartus natione Gallicus, Triconsis, Patriarcha Hierosolymitanus ex ex terra Sancta reuersus, & a Cardinalibus concorditer electus, in dieq; decollationis Beati Ioannis Baptistae, succedit. Qui exercitum Saracenorum Siciliam deuastantem, a Manfredi in patrimonium Ecclesiae immissum, per Crucesignatorum exercitum fugat, & Regnum praefatum Siciliae Carolo Comiti Provinciae, fri Regis Franciae, ut illud a Manfredi recuperet, confert ~

Anno Domini 1767.

*Lithuani cum Ruthenis iterum
Masoviam ingressi Ducem Semouitum
interficiunt, et filium eius
capiunt, nobilitateque profligata ac
omnibus exulæ ad propria reuertuntur.*

Conglutinati in unum Rutheni & Lithuani, iam inter se pactis & liga
federati, cum omnibus potentiis, & gentis utriusque copiis, hostiliter
per sylvas & nemora, silenter & clandestine, quò facilius incautos
fallerent & opprimerent, in Masovia' terras veniunt, Ducem quoque Ma:
sovia' Semouitum Conradi, in villa & Curia sua Iaszonsko alias Iazdow vel
Iazden, se tunc continentem, antequam fama eorum hostilis ingressus denu:
ciari illi posset, nocte in vigilia Sancti Ioannis Baptistæ aggressi, occupant,
& iam ipsum Semouitum Ducem, quam filium eius Conradum, & milites una
præsentem captiuant, Ducalemque suppellectilem diripiunt. Tantum autem
Ruthenorum in Polonos odium tunc expromptum est, ut etiam scirent in
victos & deditos. Dux & enim Smamirus Russia', siue Smarro, nepos ex
sorore Danielis Russia' Regis, in Semouitum Ducem Masovia', truculen:
tia plus quam carnicina debacchatus, captum & ligatum (in Ruthenorum
enim cesserat sortem) capite miserabiliter obtruncat: Pari cæde & carni:
ficio in filium suum Conradum usus, nisi sorte Mendog Duci & Lithua:
nis (a quibus servatus, & anno eodem pecunia redemptus est) obuisset.
Barones & milites Masovia' casu suorum Ducum, & terræ suæ hostili
deprædatione, ad quam peragendam Lithuani & Rutheni ex Iaszonsko
egressi se diffuderant, & nouitate et atrocitate rei experge facti, animos
tamen non omittunt, sed tam militaribus quam agrestibus in arma coactis,
alterius Principis indignam cadem vlturi, alterius liberationem effecturi,
populationemque agrorum & rectorum suorum exustiones prohibitori, in cam:
pum descendunt, etiam cum periculo suo (neque enim respectu multitudinis ho:
stilis, iustam & æquam habebant aciem) parati decernere. Hostibus itaque
Ruthenis & Lithuanis Nonis Augusti, in prædio & rure cui nomen Dlu:
gosziedlie, consecutis, pugnam ineunt, certamineque feruente inter utrosque,
quamuis Masovia' milites adnitendo pro victoria magnam in hostibus ædi:
dissent stragem, ad extremum tamen abundante hostili multitudine, Ma:
souitis fugere coactis, Ruthenis & Lithuanis cessit victoria, pluribus

insignibus militibus Masouia aut occisis aut captis. Posthac & ca-
ptiuitate Ducum, & victoria elati, uniuersam Masouia oram, & maio-
rem partem Cuiavia, in plures turmas et cuneos effusi, peragrant, & ho-
minibus cuiuscunqz conditionis, partim necatis, partim captis, immensas
praedas ex pecore & aliis rebus agunt, & tam oppida quam rura succen-
dunt, onustiqz praeda captiuorum & rerum maxima, in terras suas redeunt.

**Boleslaus pius Castrum et Cui-
tatem Plocensem reedificat.**

Conditionem miserabilem terra Masouia, in solitudinem penè du-
plici attritione barbarica redactam, Boleslaus Pius Galisien, mise-
ratus, & precibus Gertrudis Masouia Ducissae, relictæ olim Se-
mouiti Ducis Masouia, frequentius repetitis, peruietus, cum equestri &
pedestri exercitu, architectorumqz varia artis numero, & propugnaculo-
rum atqz victualium abundantia, ad illam in festo Sancti Michaelis
uenit, Reliquiasqz eius, qd se concurrentes colligit, solatur, & quibus
potest largitionibus et donatiuis reficit. Ad Plocensem deinde Cui-
tatem perueniens, Castrum a barbaris exustum et deletum, forti et mige-
noso opere aedificat, fossatisqz & wallis communit. Et omnibus ritè con-
sumatis, relictæ Ducis Semouiti et filijs eius Boleslao & Conrado, illud
praesentat. Non mediocriter ob id efferendus tam laude quam memoria,
quod opprobrium Polonica gentis abstulit, & ne natio & ora Masouia
a barbaris aut occuparetur, aut prorsus deleteretur, sua liberalitate & be-
migna fatiga & impensa prouidit.

**Canonisationis beatæ Hedwigis
procuratio incipit.**

Signis varijs & prodigijs, sanctitatem, fauorem, & splendorem, qui-
bus beatam Hedwigem Slesia & Polonia Ducissam, Henrici cum
barba Slesia & maioris Polonia Ducis relictam, pro suis operi-
bus & meritis insigniuit altissimus, in Polonia Regno, & Prouincijs uici-
nis longè lateqz se diffundentibus, Principes Polonia atqz Slesia, Wla-
dislaus Salczburgen Epus, Conradus Glogouien, Henricus Wratislauien,
nepotes illius, Thomas Wratislauien Epus, cum Clero et Ecclesijs sua per-
moti, ad procurandam Canonisationem, impensa collata, Salomonem Archi-
diaconum Cracouien, Magistrum Nicolaum Scholasticum Crac, & A-
hengebertum Decanum Wiszegraden, Canonicos Wratislauien ad Urbanum

Papam quartum transmittunt. Quorum propositione per organum Salomo-
nis Archidiaconi Crac' in Consistorio publico facta, qua genus, vitam, me-
ritum, & miracula, in vita et post mortem adita, beatae Hedwigis expli-
cabantur, Urbanus Papa quartus audita, gravitatem solitam servaturus,
Volmirum Epum Wladislawien', & fratrem Simonem ordinis Prædicatorum
Prouincialem Poloniæ, pro examinatione vitæ, & prodigiorum fæminæ
beatae deputat, & examen huiusmodi specialibus literis mandat. Conti-
nuatum autem fuit examen huiusmodi per Volmirum Wladislawien' Epum
& Simonem Prouincialem Poloniæ, usq; ad annum Domini Millesimum Du-
centesium Sexagesimum quartum, cum anno Millesimo Ducentesimo Sex-
gesimo Secundo, septimo Calen' Nouembris capisset ~

*Monasterium Sanctimonialium ex Lau-
choſt in Skalam transfertur, et prouentibus
augetur per Boleslawi Puidicum Crac' Ducem ~*

R Vthenorum, Tartarorum, Lithuanorum, cæterorumq; gentiliū
frequentibus & clandestinis in Ducatus suos irruptionibus Bolesla-
us Puidicus Cracouien' & Sandomirien' Dux, permotus, summoq; præ-
uidens & præcauens opere, ne barbaris in Domina sua ex improviso irru-
entibus ancillæ Chri Sanctimoniales in Monasterio Lauichosten' a se
fundato & dotato, aliquo a barbaris probro vel ludibrio tractarentur,
Lauichosten' Monasterium, et Sanctimoniales in eo degentes, de con-
silio Prandothæ Episcopi Cracouien' & Baronum suorum in tutiorem locum
qui Skala alias lapis Sanctæ Mariæ appellatur, tribus miliaribus a
Cracouien' urbe distantem, transtulit. Et oppido Skala, in loco qui Stan-
kon vocitabatur, pro nouo Monasterio erigendo, adiecto, etiam priorem
donationem, de oppidis, villis, decimis, lacubus, censibus, & libertati-
bus factam, nouis Priuilegiis & literis sexto nonas Marcii apud Kor-
czm, germanæ suæ Salomeæ Reginae olim Gallatiæ, habitum &
professionem, ordinis & Monasterii prædicti sortitæ, precibus deuictus
innouat & confirmat. Et micassaturus priorem dotem, villam Larno-
uicze, et tria telonea, item Ecclesiam ventrosam, cum decimis in Larno-
uicze illi annectit ~

*Ex commissione Legati Aplici lite sopita Castru
Raczia sz per Ducem Cuiaviae occupatum Episco-
po et Ecclesiæ Wladislawien' adiuudicatur ~*

Fater Guido tituli sancti Laurentii in Lucina Presbyter Cardi-
nalis. Summi Pontificis Clementis Papae quarti in Polonia Lega-
tus, anno eiusdem Pontificatus Secundo, committit Abbati & Custo-
di Sanctae Mariae Wratislauiensis, ordinis Sancti Augustini Canonico-
Regularium, longam litem & questionem periculosam inter Wolmirum Epum
& suam Ecclesiam Wladislauiensem ab una, & Casimirum Siawicem Lanci-
ensem, & Siradiensem Ducem partibus ab altera, occasione Castri Racziasz
quod idem Dux Casimirus occupauerat. Hic autem Abbas & Custos Sanctae
Mariae Wratislauiensis, quatuordecima Aprilis, Tribunali apud Wladi-
slauiam antiquamposito, partibus auditis causas per compositionem, adiu-
dicando Castrum Racziasz, quod idem Dux Casimirus occupauerat, cum suo
Districtu Wolmire Ep'o & sua Wladislauiensi Ecclesia, Duce quoque Cazi-
mire absoluto, Interdictum tollunt et relaxant, propter quod occupationem
dicti Castri obseruabant, Anno Domini Millesimo Ducentesimo Sexagesimo
Septimo.

Anno Domini 1263.

Lithuani Lowicz praedantur &
fugant Cruciferos Prutheni in Masouia.

Nouam calamitatem nouamque depraedationem, Lithuani & Prutheni
terris Masouiae anno superiori, & clade apud Dlugosiedlie, nec
non captiuitate caedeque Ducum & militarium, atque spoliis & in-
conditis afflictis, illaturi, iterum illuc adueniunt, sed dum desideris
et spei eorum non responderet spoliis, quae se consecuturos non dubi-
tabant (omnibus superiori anno incolis Masouiae, vel in seruitutem ab-
ductis, vel in loca syluestria & munita cedentibus) effectus, in Castel-
lam Lowicem, ad Archiepiscopum Gnesnensem pertinentem, quam ab explora-
toribus & transfugis didicerant integram esse, se conferunt. Atque illuc
concito gradu peruenientes, tam villas quam Archiepiscopales Curias, ho-
minibus & iumentis spoliatas, incendunt & igne consumunt, & praedam
satis multiplicem nemine defensionem ferente, in terras suas, stomachan-
do & superbiendo abducunt. Eadem pene huius fratrum Cruciferorum
de Prussia fuit fortuna, quos Prutheni barbari in Castro Weyszenburg
aggressi, in Masouiam Castro potiti fugere compellunt. Quos licet perse-
qui perseuerassent, Duce tamen eorum Dray vulnerato, persecutionem
omittunt.

*Mendog Lithuanorum Rex à suis
per insidias dormiens occiditur.*

Prospiciaturus clemens Dominus Polonis in terris Masovia con-
sistentibus, multifarie à barbaris, iusto suo permittente iudi-
cio, ob multiplicata et nusquam pœnitentia deleta scelera, af-
flictis, Lithuanorumq; & barbarorum in suâ virtutis dextera glo-
riantium, superbam et deliram temeritatem compressurus, dissidium inte-
stinum, civilesq; discordias inter illos gliscere primum, mox etiam succre-
scere et adolescere permisit. Molesta enim & grauis fuit cæteris Lith-
uanis Principibus Mendolphi aliâs Mendog Lithuanorum Regis, qua
sibi rerum summam usurpare conabatur, potentia, rati illam (si abro-
garetur in suam calamitatem recidere. Quem primum conuiciis apud
vulgum, quod veteri ritu relicto, in Christianorum fidem concesserat,
quod terras naturales Lithuanorum, æquæ sibi et illis communes, Cru-
ciferis inscripserat, lacerant, deinde conspiratione facta, Stroinath
aliâs Trognath, secundus post Mendog loco, nepos suus, dominatio-
nem & principatum apud Lithuanos occupaturus, illum quiescentem
per insidias obtruncat et omnes filios eius in dolo tyrannicè delet, et
rapit per vim Principatum.

*Fundatio Monasterii Ordinis
Prædicatorum in Thorun.*

Quarto nonas Aprilis frater Hanno de Sangerhausen, octauus
Magister Prussiae fundat Monasterium Sancti Nicolai or-
dinis Prædicatorum in noua Thorun supra fluvium Makra
qui non longè à Ciuitate erupit, conferens pro dote fratribus, præfa-
tæ Domus, in omnibus fluviiis, stagnis, lacubus, et paludibus pro suo
usu piscandi facultatem.

Solis eclipsis eo anno in die beati Dominici pueniens, multos tristes
in nonnullis regionibus, in Bohemia præsertim, causauit effectus,
ubi à grandine et siccitate, tanta est orta frugum caristia, & tan-
dem famas, ut multi homines sexus utriusq; famis inedia perie-
rint.

PETRVS Ploczen Epus cum in sede Ploczen annis duobus &
medio sedisset moritur, & in Ploczen ecclesia tumulatur. Cui

Thomas succedit Thomka vocitatus, nobilis genere de familia et cognatione Prussorum ortum ducens, à Lanusso Gnesnen Archiepo, apud Ecclesiam Gnesnen (fauentibus et consentientibus Boleslao & Conrado Ducebus Masouia) confirmatus et benedictus in ordinem Pontificalem.

Anno Domini 1264.

Boleslaus Pudicus Dux Cracouien gentem Iaczwingorum, quae ubi locorum fuerat, et quibus moribus praedita, recenset, profligatam in toto delet reliquis ad baptismum conuersis.

Boleslaus Pudicus Cracouien et Sandomirien Dux, contra Iaczwingos barbaros, Ducatibus suis propter immediatam vicinitatem infestiores, et quod Principatus suos frequentius lacefferent, bellum acturus, expeditionem omnibus terris suis literis indicit. Et omnibus copiis apud Lauichost conuenientibus, et ipse personaliter in bellum huiusmodi ire pergit. Est autem Iaczwingorum natio, versus Aquilonarem plagam, Masouia, Russia, et Lithuania terris contermina, sita, cum Pruthenica et Lithuanica lingua, habens magna ex parte similitudinem et intelligentiam, populos habens immanes et bellicosos, et tam lauidis quam memoria auidos, ut decem ex illis cum centum hostibus decerta- rent: ea sola spe illectos, quod post mortem et casum, scirent carminibus de fortibus factis se laudandos. Quae res illis in eam perniciem versa, cum pauci a multis facile superarentur, ut sensim natio ipsa fere vniuersa eladium interiret exterminio, nemine illorum aut iniquam detrectante pugnam, aut conserta fugere persuadente. Boleslaus itaque Pudicus Cracouien et Sandomirien Dux, fines illorum ingressurus, et acies ordinat, summa cura omnia quae disciplinam exigunt militarem prouidens, et milites pro contione vocatos in pugnam animat, Pluribus ante certaminibus, per suos milites commissis, quod cum hoste pertinaci, aut vincere aut mori destinato, pugnam propediem (neque enim Iaczwingos laturos, ut agri eorum ipsis nicolumibus popularentur) esset initurus. Adhibuit et Boleslaus Praefectos, qui et ultimum cogerent agmen, et milites a signis et locis discedere velarent, tam composito semper mcedens agmine, quasi hostes semper in conspectu forent. Neque illum opinio fefellit, Iaczwingi enim, apud quos tunc maior inter Duces Comath Princeps erat, Polomoru

audito aduentu, in arma alacres consurgunt, et populationem suam prohibitori, Polonis obuiam eunt. Decimo itaque Calend' Iulii, exploratores Boleslao denunciant, hostes adesse, et eodem die sole illucescente, adhuc Boleslao tenente statua, Iaczwingorum se acies ad pugnam parata ostendunt. Quibus visis et Boleslaus Tudicus acies suas educit et pugnam, alteris in alteros caeca et obstinata mente ruentibus, committit, et aquis viribus aequaque sorte, pugna in horas aliquot prolata, cum Iaczwingi vincendi mira pertinacia pro victoria admitterentur, Poloni multitudinem freti, recentes et incolumes, infessorum aut desideratorum locum cum subducerent, acies tandem Iaczwingorum succumbit. Vbi Princeps eorum Comath pugnam restitutus animosius pugnans, a Polonis exceptus, pugionibus confoditur. Neque tamen sui Ducis Comath casus, neque prostrata rarefactaque acies, reliquos Iaczwingos a praelio diuertere coegit, ad extremum enim cassi et obruti sunt. Neque Polonis meruerit, in victoria fuit, pluribus aut desideratis aut vulnera grauiora perpessus. Eo uno praelio omnis fere gens omnisque natio Iaczwingorum, adeo deleta et extincta est, ut caeteris et his quidem paucis et agrestibus aut valitudinariis in ditionem Boleslai concedentibus, aut Lithuanis se coniungentibus, haecenus ne nomen quidem Iaczwingorum extet. Terra eorum omni et pecore, quo plurimum abundabant, caeteraque eorum suppellectili Boleslaus Tudicus et suus exercitus potitus, omnes baptismum suscipere, et fidem Christianam profiteri iussit, detrectantes capitale mulctari. Papaeque Urbano supplicauit, ut in reliquis gentis illius religionem Catholicam professis, Episcopum constitueret pro Neophitarum confirmatione et stabilimento. De quo, ne de commento argui possimus, mandatum Apolicum Gnesnen Archiepo super ea re factum, habes infrascriptum.

*Mandatum Papae ad Archiepiscopum Gnesnen
ut Iaczwingis Episcopum constituat*

Alexander Episcopus Seruus Seruorum Dei, Venerabili fratri Archiepiscopo Gnesnen Salutem et Apostolicam benedictionem. Ex parte dilecti filii nobilis viri Boleslai Cracouien' et Sandomirien' Ducis, Ecclesiae Romanae deuoti, fuit nobis humiliter supplicatum, ut cum contra Paganos Iaczwingos, qui terrae ipsius Ducis, confines existunt, per te ac Suffraganeos tuos, praedicari mandauerimus verbum Crucis, et tam per hoc, quam etiam per exhortationem dilectorum filiorum minorum fratrum, quasi pro firmo speraretur, quod iidem Pagani ad fidem conuerterentur.

debeant Christianam, ipsorumq; terra Paganorum, eidem Duci sit, ut asse-
rit, ab Apostolica sede concessa, praefici ibidem aliquem Epum faceremus,
Ideoq; fraternitati tuae per Apostolica scripta mandamus, quatenus si ita est, eis:
dem Paganis, postquam ad fidem Christianam conuersi fuerint, dummodo ter-
ra ipsorum infra alicuius Episcopatus limites non existat aliquam personam
idoneam, auctoritate nostra sine alicuius iuris prauidicio, in Epum studeas
depulare. Datum Roma.

*Monasterii in Brzeschie Cuiacien-
ordinis Praedicatorum fundatio*

Nominis Diuini & ordinis Praedicatorum religionem, Casimirus Cui-
acien, Lancicien, & Siradien Dux, in suis Principatibus aucturus, in
oppido suo Brzeschie Cuiacien, Monasterium fundat & erigit, &
fratres praedictos a Trouinciali Poloniae petitos, ex Cracouien Conuentu as-
sumptos, in illo locat, curamq; illorum Ducali munificentia gerens, eccle-
siam pro illis erectam, calicibus, cassulis, caeterisq; clenodijs adornat.

*Culmenlis Ecclesia in ordinem
Cruciferorum commutatur*

Cuimensis Epus Henricus Ordinis Praedicatorum frater, Ecclesiam
suam Culmen, quam saecularem repererat, in regularem Canonicorum
Regularium beati Augustini transulisse non contentus, iterum il-
lam in Cruciferorum ordinem, Metropolitano suo Archiepo Gnesnen igno-
rante & inconsulto, transmutat, & ritu Canonicorum regularem atq; habitu
abiecto, habitum atq; ritum Cruciferorum ordinis Teutonicorum Sanctae Ma-
riae una cum Capitulo suo Culmen assumit, Generali tunc Magistro Prus-
siae Helmerico et fratribus sui ordinis, ipsum ac Capitulum suum, ad transmu-
tationem huiusmodi, tam prece quam persuasione impellente, adhibita gra-
tificatione & consensu Anselmi Epi Varmien, tunc Apostolicae Sedis in
Prussia Legati, in Calendis Februarii.

Cruciferos Prutheni cadunt

Castrum Bergfriedt Pruthenis barbaris obsidentibus, Cruciferorum
exercitus adueniens, in barbaros somno pressos irruit, & mille trecen-
tis occisis, reliquos in fugam egit, Castrumq; Bergfriedt, ne eo bar-
bari aliquando potirentur igne deleuit. Reparato nouo et fortiore exercitu

Pruthem, terram Culmen ingressi, spoliis, igne, et cædibus peruastrant, contra quos Helmericus Prussiae Magister cum Theodorico Marschalco dimicans, occisus succumbit, et barbaris praeualentibus, vires Cruciferorum, quadraginta etiam fratribus cum Magistro et Marschalco cadentibus, attrita sunt. In locum occisi Magistri Helmerici septimus Magister Ludouicus de Kaldenschein successit ~

BOGVPHALVS Posnaniensis Episcopus, miserabilium personarum pia miseratione calamitati compassus, in Civitate Posnaniensi, hospitale infirmorum sub honore et titulo Sancti Spiritus, extra muros Civitatis Posnaniensis iuxta fluuium Wartha, fundat, cui et dotem aliquam de mensa Episcopali largitur. Tunc etiam ecclesia Parochialis in Civitate Posnaniensi fundata in honorem et titulum beatæ Mariæ Magdalenaë ~

*Stroynath Lithuanorum Dux a filiis
Mendog Regis occisi occidit ~*

Non defuit ei hoc anno, inter Lithuanos et Prutenos, furor et clades civilis et intestina seditio. Nam cum Mendog Rex Lithuaniae cum filiis suis a nepote Stroynath occisus esset in dolo, Vojszalk filius, et Theophilus consobrinus Mendolphi alias Mendog Lithuanorum Ducis occisi, necem Mendolphi ulturus, in Stroynath Principem, qui Mendolpho occiso summam rerum, et maiorem apud Lithuanos Principatum rapuerat, conspirant. Et venationes tractantem aggressi, pluribus ante tormentis illatis, et Mendolphi causa de exprobrata, enecatam interimunt, Principatum quem morte Mendolphi amiserant, recuperant. Quamvis enim praefatus Vojszalk in Monachum Russiae tonsus foret: deserta tamen religione, assumptis et in auxilium sibi adiunctis Lithuaniae Ducibus, patris necem ultum iri cupiens, Stroynath occidit, et se Ducem Lithuaniae gerere cepit ~

Pro firmiori fœderis, inter Belam Hungariae, et Przemislaum alias Othokarum Bohemiae Reges icti, glutinio, Bela Dux filius Belae Hungariae Regis, Kunegundim filiam Othonis tertii Marchionis Brandenburgensis, ex Beatrice filia Venceslai et sorore Othokari siue Przemislai, Bohemiae Regum, susceptam, accipit in uxorem, sed sponso Bela post biennium mortuo, praefata Kunegundis Duci Luneburgeni nupsit, alterius germanae suae Methildis coniugium Baruin Sclavorum Dux sortitus est ~

*Cometes magnus apparuit, cuius ap-
paritionem mors Urbani Papae et qua-
drupedum in Polonia secuta est ~*

*C*ometes siue sydus accensum et ignitum, tam largus et mirabilis
qualem nullus mortalium tunc vivens ante viderat, apparuit ab
oriēte enim cum fulgore surgens, usq; ad medium caeli versus occi-
dentem, comam per lucidam protrahebat, duravit autem aspectus illius citra
tribus mensibus. Primoq; ortus sui die Urbanus Papa languere capit, & vlti-
mo Cometis die, in Perusio vltima Septembris occidit, cum annis tribus, mense
vno sedisset. Vt non aliud Cometes ipse, quam Summi Pontificis vicinam mor-
tem, praecisasse videretur, in Polonia tamen alium effectum produxit. Eo
enim desinente animalium quadrupedum mortalitas secuta est. Sepultu-
ram autem Urbanus Papa apud Perusium in maiori Ecclesia, iuxta funeri
Cardinalibus soluentibus, accepit. Qui celebritatem de Corpore Christi,
a Praedecessoribus suis neglectam instituit, beato Thoma de Aquino Do-
ctore officium illius, tam cognatis adaptante verbis, ut omnes veteris Te-
stamenti figuras, Sacramentum corporis Christi representantes, conti-
neat, licet institutio ipsa morte Urbani tunc imperfecta remanserit ~

*Literum nuncij mittuntur Perusium ad pro-
curandam Canonisationem beatae Hedwigis ~*

*N*unci priores ad procurandam beatae Hedwigis Ducissae Poloniae &
Henrici cum barba relictae Canonisationem, vzt Salomon Archi-
diaconus, Nicolaus Scholasticus, Cracouien', & Ahengebertus De-
canus Viszegradien', cum Regestro examinis testium, et literis Commissa-
riorum Apostolicorum, Volmiri Epi Wladislauien', et fratris Simonis
Provincialis Poloniae, in fine Augusti Perusium venientes, Urbanum
Papam quartum absumptum offendunt, de quo non mediocri consternati
dolore, cum omnia ad maiorem difficultatem sua negotia viderant mor-
te Urbani recidisse, substitutionem tamen alterius praestolari coacti sunt ~

BOGVTHALVS Posnamien' Epus quindecima Decembris in villa
suae Ecclesiae Cziazim als Girmna moritur, & in Ecclesia Posnamien'
sepelitur, cum annos decem in Pontificatu exegisset, virtutibus quas
sibi Deus Opt. et natura contulerat, abusus ~

Anno Domini 1265.

Ruthenos terram Sandomiriensem ingres-
sos nobilitas profligat et captiuitatem

Multus et frequens Ruthenorum exercitus, de singulis fere Principa-
tuum variorum Russiarum Ducum collectus, Smarnone tamen Rus-
sia Duce ceteros in arma et sollicitante et cogente, terras Sando-
miriensem Ducis Boleslai inuasi, easque diebus aliquot spoliis, rapinis, et in-
cendiis afflixit. Interim autem Sandomiriensem Barones, (Duce etiam suo
Boleslao, ne hostis rapti praeda euaderet, non consulto) in aciem cum
agrestibus, ut speciem maioris exercitus Ruthenis ostenderent, descendunt.
Et opportunitate captata cum Ruthenos sparsos et pallantes per agros, pra-
edationibus et spoliis operam dantes, ammauerunt, in illos irruunt,
et facili negotio, paucos pugnam cientes, fundunt et prosternunt, cete-
ros metu nimio percussos, et in fuga consecutos captiui aut interimunt.
magnaque caede in hostibus acta, omnibus quae rapuerant, recuperatis,
insignem de Ruthenis, omnibus eorum rebus, et castris direptis, potiti, victo-
riam referunt.

Boleslaus Pudicus Lestkonem nigrum nepo-
tem adoptat sibi Successorem in Ducatus.

Lestko niger Dux a patre suo Casimiro Cracouiensem et Lanciciensem Duce
emancipatus, Ducatumque Siradiensem, patre Casimiro concedente, pro
sua portione sortitus, a Boleslao Pudico Cracouiensem et Sandomi-
riensem Duce, velut fratris patruelis germani nepos, adoptatur in filium.
Qui illum speciali Privilegio et gratia, suorum omnium Principatum
haeredem instituit, et ipsum tantummodo sibi, in omnes suas terras, Du-
catus, et Domina (maior enim virtutis sibi et Consiliariis suis appare-
bat Princeps) successurum decreuit. Qui etiam niger Lestko, virginem
Griffinam Boleslai Ducis Ruthenorum filiam, Duce Boleslao Pudico
huiusmodi affinitatem conciliante, quo terrae suae quietiores essent, acce-
pit in uxorem. Apparatusque nuptiarum cum magna solemnitate in Ca-
stro Cracouiensem exactus est, quod Boleslaus Pudicus sub eo tempore nouis
et firmissimis aedificiis, vniuersum montem complexus, instaurauerat.

ELIZABETH relicta olim Przemislai Posnaniensem Ducis filia Henrici
Ducis Slesiae a Tartaris occisa, nona Ianuarii in villa sua dotali.

Moderz defuncta. Et Posnamiam relata, in maiori Ecclesia sepulta est. fa-
mina rara religionis et Sanctimonie, in Ecclesiam Dei, et in personas re-
ligiosas, munifica et liberalis ~

Mortuo Episcopo Posnamien, tres fue-
re competitores. Sed omnibus reiectis
Papa motu proprio sic Hecit Nico-
laum Scholasticum Cracouiensem.

M Onuersionis beati Pauli Apostoli, pro eligendo altero Posnamien
Epō, instituta aduemente die, Petrus alias Pietrzik Praepositus
Posnamien, nobilis genere, filius militis Drogoslai de Skorem, de
Domo et nobilitate Habdanc, via scrutinii in Epum Posnamien con-
corditer electus est. Qui etsi electione sua Ianussio Gnesnen Archiepo
in Lmina praesentata, eam petiuisset confirmari, Ianussius tamen Gne-
snen Archiepus fauens Taluta Decano Gnesnen, quem Boleslaus Pius
Dux Galisien et Gnesnen, et consors sua Ducissa Helena, ad Episcopa-
tum Posnamien, magnis instantiis promouebant, Pietrzikom electo igno-
rantiam literarum, et praesertim Canonum imperitiam obiecit. Propter
quod Decanus Posnamien Ioannes, Vestkomis militis filius, veritus, ne
a Gnesnen Archiepo, Pietrzikonis electio cassaretur, in appellationem
prorupit. Sed infra paucos dies, et suo electo, et appellatione desertis, Ta-
luta Decano Gnesnen adhaesit. Inter hac Capitulum Posnamien Pietrzi-
kone electo, languide ius electionis prosequente, aliam electionem (quod
ipsum quoque parum sensate factum videbatur, iam enim eligendo Pietrzi-
kone iure suo erat perfunctum) Pietrzikone electo de iure electionis
cedente, celebrans, Ioannem Archidiaconum Posnamien, virum literatum
et virtuosum elegit. Is quoque Gnesna Ianussium Archiepum, pro sua ele-
ctionis confirmatione interpellans, repulsam (sed iustam) passus est; alie-
gante Archiepo alium electum extare. Tum demum, noua appellatione
interposita, Causa ad Curiam Romanam deuoluta est. Qua non obstan-
te Ianussius Gnesnen Archiepus, Talutam Decanum Posnamien, in
oppido Pyzdri, altera appellatione, quam Capitulum Posnamien, a confir-
matione et consecratione praefati Taluta interposuerat, et Ianussio Gne-
snen Archiepo per Nicolaum Vicarium Posnamien, vocatum Collecta, insi-
nuauerat, reiecta, confirmavit et benedixit. Verum cum Clemens Papa
quartus, et Taluta confirmati per Gnesnen Archiepum, etiam apud se praes-
entis, et Ioannis Archidiaconi Posnamien electionem discuteret, utraq;
quoniam tantummodo merum factum et a iure Canonico abhorrens continebat,

cassata, Nicolaum Scholasticum Cracouien, Canonisationis negotium
beatæ Hedwigis tunc prosequentem, extulit et promouit in Posnamien
Epum, & in Viterbio ubi tunc agebat, mandauit consecrari. Sic tribus
de Epâtu Posnamien contendentes, quartus et ipse insuspicabilis, ut
Prophetæ talis compleretur scriptura, rapuit Diadema, nobilis et natione Po-
lonus ~

*Castra Santhok et Drdzen de consensu
Boleslai Galisien Ducis, et Conradi Mar-
chionis, per Arbitros facto demoliuntur.*

Castrum Santhok, neglectu vulgato, à Polonia militibus custodi-
tum, Saxones ingressu comprehendunt, et Conrado Marchioni Bran-
deburgen, velut consortis suæ Constantiæ Przemislai Ducis olim
Posnamien filia, munus dotale repræsentant. Sed Boleslaus Pius Ga-
lisien Dux, grauiter se captione Castri præfati, astruens iniuriatum, col-
lecto exercitu, ad expugnationem illius contendit. Verum antequam il-
luc pertingeret, per communes Barones mediatio interponitur, Conrado
Marchione cum Boleslao Pio conueniente, ea captatur conclusio, ut Bo-
leslaus Dux Galisien Castrum suum Santhok, Conradus verò Marchio al-
terum Castrum Drdzen, velut sibi dispendiosa, raptoribus verò et furibus
profectum afferentia, demoliat. Quod tandem uterq, prout inter illos
conuenerat, executus est ~

*Mortuo Papa post quinquennium
Guido Fulkodii eligitur inuitus
et Clemens quartus vocatur.*

Romana Ecclesia, dum post obitum Urbani quarti, Mensibus quinque
ob discordiam Cardinalium vacasset, tandem quinta Februarii Gui-
do Fulkodii natione Prouincialis de villa Sancti Egidii Cardina-
lis, Episcopus Sabinensis, licet absens, electus est, et quartus Clemens vo-
catus, vir magnæ probitatis et exempli, qui omnem statum mendi exper-
tus fuerat, et in quolibet gratiosè et virtuosè se gessit. Primo quidem
uxoratus, coniuge verò defuncta, Onixen Epus, deinde Carbonen Ar-
chiepus, per Urbanum quartum in Sabinen Epum promotus, ad pacifi-
candum Angliam, bello aspero, inter Henricum Regem, et Simonem Co-
mitem Montisfortis, concitato, feruente, missus, ab inde sub dissimula-
to habitu, Perusium propter guerrosa itinera, reuersus, vix cū lachrymis

Cardinalium vnicui potuit, ut Papatum assumeret. Quo assumpto in Viterbi-
um cum curia concessit, sic vigiliis, ieiuniis, et orationibus, ac aliis bonis
operibus intentus, quod multas, quas tunc Ecclesia Dei sustinebat, tribu-
lationes Deus suis meritis creditur extinxisse.

Anno Domini 1266.

Boleslaus Pudicus exercitum milso
contra Swarnonem Ducem Russiae
cum Palatino Cracouien' maximum
exercitum Ruthenorum profligat
fugiente Duce eorum praedictorum.

I Nixtam indignamque necem fratris sui patruelis germani Semouiti
Masouiae Ducis, in Iaszomsko per Swarnonem Russiae Ducem, ne-
potem ex sorore Danielis Regis Russiae, factam, carnificino more
irrogatam, Boleslaus Pudicus Cracouien' et Sandomirien' Dux ulturus, fre-
quentes quoque eiusdem Swarnonis in terras Poloniae insultus et inuasio-
nes repressurus, expeditionem omnibus terris suis, contra Russiam indicit.
Quam per Petrum Palatinum Cracouien', Consiliariis suis id consentibus
administrat, Copiis itaque apud Ropczicze conuenientibus, in terram Swar-
nonis itum est. Veritus autem Palatinus Cracouien' Dux belli, ne, si qua cla-
des exercitui accideret, aut minus prospere belli successus respondisset, sua
id temeritate et negligentia accidisse, in simularetur, nil nisi de sententia
consilii egit. Et cum Dignitariis una praesentibus et signanter Ianussio Pa-
latino Sandomirien', his quoque qui ducebant ordines, singula communicauit,
curam quoque exactam tam de statibus quam de progressu et pabulatione praes-
tavit, quam, quousque feliciter reditum est, non remisit. Ingressi Russi-
am Polonorum exercitui, et secundas stativas agenti, Dux Swarno cum
magno Ruthenorum et Tartarorum exercitu, in loco qui Liatha dicitur, fe-
ria sexta, decima octaua mensis Iunii occurrit, Castraque sua haud longe
a Castris Polonorum, speculatus eorum potentiam, locat. Et illo quidem die
exercitus Polonicus a praelio, crastinum operiens, abstinet, credens diem
illum, in quem Sanctorum Geruasii et Prothasii martyrum cadebat glo-
riosa celebritas, salubrem et felicem, Ruthenis vero fatalem (eo siquidem
die cum Romano Ruthenorum Duce, suisque ingentibus copiis ad oppidum Za-
uichost, feliciter superioribus annis pugnauerant) fore. Sabbato itaque San-
ctorum Geruasii et Prothasii die illucescente, et Palatinus Cracouien' Polonos,

Et Swarno Rutenos in aciem producit. Et Rutenis quidem sagittarum
imbrem, Polonis tela primum iacentibus, infestis animis concursum & acri-
ter ab utrisque pugnatum est: superior tandem acies Polonorum esse cepit, et
in medios hostes inuecta, maximam in hostibus stragem addidit. Swarno etsi
non Ducis solum, sed et militis opera usus, praelium et labantes suorum acies
in aliquot locis restituisset, ad extremum tamen et ipse, casas et rarefactas
acies suorum videns, in fugam, ne in Polonorum viuis veniret manus, pro-
siliit. Tassim deinde caedes fieri, omnibus Rutenis in fugam versis, capta
est, et non pauciores in fuga quam in certamine (fugientes enim Poloni in ali-
quot miliaria prosequabantur) interempti, magnus et captiuorum fuit nume-
rus, quibus Poloni, satiati caede, pepercerant. Castra posthac Rutenorum, om-
nis opulentiae plena, direpta sunt, et biduo in certaminis loco statuis habitis,
Swarnonis terra populata incensaque, victorem exercitum, Et multiplicem spo-
riorum varia suppellectilis praedam referentem, ex qua locupletatus est, Pa-
latinus (racouien' ouans et ipse, quod res ductu suo et auspiciis feliciter ge-
sta fuerit, Poloniam reduxit. Haec autem clades adeo Rutenos exter-
ruit domuitque, ut Polonorum terras posthac annis multis, nunquam aude-
rent contingere. Omnium autem hominum iudicio, triumphus iste tunc de Ru-
tenis relatus, non humanis viribus, cum hostes plus quam in quadruplo exce-
dentes habuerint, sed sola propiciatione Diuina, Et suffragiis ecclesiarum pro
gente Polonica, sedulius et impensius tunc, sacrificiis, precibus, lachrymis,
et obsecrationibus interpellante, maxime tamen meritis beatae Kingae Bo-
leslai Ducis consortis, creditus est prouenisse. Cui oranti et incolumita-
tem victoriamque Polonorum genti, de caelo dari interpellanti, duo viri in
albis vestimentis astiterunt, quorum oraculo de futura victoria, Polonis
propter suas intercessionem, conferenda, certior facta est, et hi Sancti Ger-
uasius et Prothasius, a nonnullis aestimati ~

Castrum Santok, quod contra pacta
Boleslaus edificauerat ex concor-
dia Marchionis Brandeburgensis
et Boleslai Pii Ducis exuritur.

P Actis et ordinationi, qua Boleslaus Pius Galisien' Et Maioris Polo-
nia Dux, de Castro Santhok demoliendo, et decetero non reedifi-
cando, cum Conrado Marchione Brandeburgensi genero suo iurauit,
contraueniens Boleslaus Pius Galisien' Dux, Castrum minus Ducale, altero,
quod militum et agrestium pro conseruando pecore largioris spaciū erat,
neglecto, habens secum suarum terrarum, equestrium et pedestrium

copias, Saxonum et Conradi Brandeburgensis Marchionis insultum et in-
terruptionem veritus, ædificat, Et infra unius mensis spacium, affatim
omni exercitu materiam architectoribus, qui et ipsi frequentes erant præ-
bentibus, consumat, præsidioq; militum Castro imposito, et victualibus pro-
pugnaculisq; proviso, discedit. Sed abeuntem Conradus Brandenburgensis
Marchio persecutus, Castrum Santhok obsidione vallavit, et ad illius ex-
pugnationem magna vi magnoq; ardore animum intendens, adeo illud gle-
bamq; illius, crudam et recentem, tormentis et bombardis contriuit, ut ni
succurreretur, expugnatio Castri propediem erat futura, Certamen itaq;
Boleslaus Pius Galisien Dux cum vicino et genero abhorrens, militumq; suo-
rum, qui Castrum defendebant, salutis et libertati providens, missis ad Con-
radum Marchionem Barombus, pacta se spondet et resumpturum et ser-
uaturum. Et Conrado Marchione conditionem acceptante, Castrum
Santhok, deducto præsidio, mandato Baronum Poloniae, et Conrado Mar-
chione eiusq; exercitu inspectante, exustum est.

Masouiam Lithuani et Prutheni vastant.

Lithuanorum, Pruthenorum, et aliarum barbararum nationum exer-
citus in unum congestus, dum alias Polonorum terras timeret
attingere, in Masouiam rursus venit, Et eam partem Masouiae quæ
inuastata remanserat, vastant spolijsq; et incendijs affligunt. Magnaq;
capta praeda Boleslao et Conrado Ducibus exiguas habentibus vires, et
tantummodo Castra et munitiones tueri contentis, resistantiam non facien-
tibus, in terras suas, facto etiam in Plockam insultu, abeunt.

*Prandotha Epus Crac' moritur. Cui
Paulus Canonicus Cracouien' succedit.*

Vigesima prima die mensis Septembris, Prandotha Episcopus Craco-
uien', vir vitæ venerabilis, et Canonisationis beati Stanislai præ-
cipuus effector et promotor, omnibus Sacramentis audiendo Misi-
sam, procuratus, religiosè et deuotè, circa noctis crepusculum, moritur,
et in Ecclesia Cracouien', apud Capellam Sancti Petri et Pauli sepeli-
tur cum annos decem et octo in sede Cracouien' absumpsisset. Electio-
ne autem per Prelatos et Canonicos Cracouien', super eligendo futuro Pon-
tifici celebrata, Paulus Canonicus Cracouien' nobilis genere de Domino
Polukosza, filius Comitis Iazdonis de Przemakow, Boleslai Pudici Can-
cellarius, concordie electione, per viam compromissi imita, ab Arbitris vzt

Gerhardo Praeposito Vislicien, Magistro Stephano et Viszon Canonicus Crac
 septimo Idus Octobris in Epum susceptus est, anno eodem a Metropolitano
 Ianussio Gnesnen in die Sanctorum Simonis et Iudae Apostolorum in Vnie:
 iore confirmatus. Anno vero sequenti in Lelom Dominica Remiscere
 in Epum per eundem Archiepum consecratus. Cupiebat autem praefatus
 Prandotha Epus Crac, vir sane optimus, et multis virtutibus clarus et
 celebris, dudum dissolui, ex hac malorum sentina ad Creatorem suum, ubi
 a quo fruatur sempiterno, proficisci ~

Wratislaviensis Ducatus ob frum discordiam bifari-
 riam scinditur, quorum Henricus moriturus Wla:
 dislao reconciliat, iniquae suorum tutelam committit.

Henricus Slesiae et Wratislaviensis Dux filius Henrici a Tartaris
 occisi etsi pro omnibus annis ex quo divisio secuta erat, paternorum
 Ducatum cum germano suo Wladislao Salzburgen Archiepo, quem
 suae portionis habuit consortem, concordem egisset vitam, nonnullis tamen mi-
 litibus, qui et Henrico praefato toxicum ministrasse insimulati sunt, di-
 scordiam serentibus, in eam animorum offensam irritationemque proruperant,
 ut Ducatum Wratislaviensem bifarie scinderent, Henricus autem Dux pro-
 pinquam sibi ex diuturno languore et veneno sentiens mortem adesse, fratre
 Wladislao Archiepo Salzburgen Archiepo accito, duplicem prolem quam
 ex Iuditha filia Conradi Ducis Masoviae prima consorte sustulerat, videlicet Hen-
 ricum filium et Hedwigem filiam, nondum pubertatis annos transgressos,
 et consortem secundam Saxoniae Ducis filiam, quam prima obveniente su-
 perduxerat, una cum Wratislaviensi Ducatu, obsecrans eorum geri curam,
 commendat, omnibusque Sacramentis procuratus, decedit, et in Monasterio
 Sanctae Clarae sepelitur, nonis Decembris absumptus ~

Daniel Russiae Rex qui post im-
 petratam coronam a Pontifice ad
 pristinos errores redierat moritur.

Absumptus est fere sub eodem tempore scismaticus Princeps Daniel
 Russiae Rex, duos filios relinquens, Leonem et Romanum. Qui
 dum scelere perfidia in Deum fuerat inquinatus, nam spondens se
 Ruthenico ritu abiecto, veram religionem et unionem atque dogma Catho-
 licum et Romanae Ecclesiae cum omni gente sua sectaturum, adeptus co-
 ronam, qua fuit ob eam fidem et devotionem, mandato Apostolico insignitus,

et Rex appellatus, ad vomitum rediens, in Rutenicum ritum, à Githo;
lica religione apostatans, rediit. Extant in Ecclesia Cracouiensi Alexan;
dri quarti, quibus illum de hac Apostasia arguit, originales literæ. Quo;
rum tenor talis est ~

*Monitorium contra Damielē Regem Russiæ,
ut reiectis erroribus Ruthenicis fidem
Catholicam quam abnegauerat resumat ~*

Alexander Episcopus Seruus Seruorum Dei, Damieli Regi Russiæ
timorem Diuini nominis & amorem rē. Inter alia quæ nobis ex
iniuncto Apostolatus incumbunt officio, animarum nos præcipue
conuenit inuigilare saluti, ut eas Regum Regi, qui nos illarum (licet
immeritos) voluit præesse regimini, lucrifacere, sua nobis cooperante
gratia, valeamus. Verum quia Deo non est acceptum obsequium, quod
sine fide præstatur, nec peruenit adificatio operum ad salutem, quod su;
pra fidei firmitatem non consurgit, ad propagandam et corroborandam eam
in mentibus omnium, et specialiter Regum et Principum, intentione tota,
omniq; sollicitudine, ac verbi et operis efficacia laborare debemus, ut Chri
stiana religione plenius diffusa, per orbem patris æterni filius, multiplica
tis seruatoribus, plenius honoretur. Sanè tu olim cupiens de infidelitatis
tenebris, quæ, postquam etiam renatus fuisti fonte baptismatis, oculos tuæ
mentis inuoluerant, ad lumen Catholice fidei, sine qua nemo saluatur, et ad
obedientiam Ecclesiæ Romanæ, non nisi Diuina inspiratione redire, iura
mento præstito, promisisti, Ecclesiæ prædictæ tanquam fidelis eius filius
obedire, ac fidem Catholicam prout alii Orthodoxi mundi Principes ser
uare. Propter quod Ecclesia eadem, volens te in sui deuotione, congruis
firmare fauoribus, et condignis gratiis confouere, personam tuam ad Re
galis dignitatis apicem sublimauit, faciendo te inungi sacri Crismatis oleo,
tuq; imponi capiti Regni Diadema. Sed tu sicut ad audientiam nostram,
non sine cordis turbatione peruenit, tam spiritualium quàm temporalium be
neficiorum ipsius Ecclesiæ immemor, tantæq; gratiæ prorsus ingratus, præ
stiti iuramenti religione contempta, id quod circa obedientiam eiusdem
Ecclesiæ, ac prædictæ obseruationem fidei, promisisse dinosceris, obserua
re post modum non curasti, in animæ tuæ periculum ipsius iniuriam fidei
Ecclesiæ prædictæ contemptum, et opprobrium IESU Christi. Super quo
tantò vehementius contristamur, quanto feruentius, super omnia cordis
nostri desiderabilia, cupimus, ut cultus eiusdem fidei longius latiusq; dif
fusus, continuum auctore Domino suscipiat incrementum. Volentes igr

Apostolicis apud te super hoc insistere monitis, et ad veritatem quam Christi-
STVS est, paternis te persuasionibus reuocare, ac sperantes, quod te graui-
ter contra Deum ac eius Ecclesiam deliquisse considerans, condigne pœnite-
as, Et errorem tuum corrigere studeas per teipsum, magnitudinem tuam mo-
nendam duximus, attentius et hortandam, quatenus ad tuam memoriam
reuocans, quanto studio quantaq; sollicitudine, circa exaltationem tuam Se-
des Apostolica laborauerit, considerans etiam quod non ecclesiam sed teip-
sum decipis, tuum in hac parte promissum damnabiliter non seruando, perdi-
tionis viam qua gradieris non differas abiurare, Et id, quod de ipsius obser-
uatione fidei, et prædictæ Ecclesiæ obedientia, iuramento præstito promisi-
sti inuolabiliter obseruare, procures, ita quod nos tuorum laudabilium ope-
rum odore percepto, multa exinde perfusi lætitia, dulcia ipsius Ecclesiæ
vbera, quæ dudum copiosè, in multorum beneficiorum perceptione suxisti,
tibi, tuis exigentibus meritis, affectuosius porrigamus. Alioquin Venerabi-
libus fratribus nris, Olomuncen' et Wratislauien' Episcopis, lris presentibus
iniungimus, ut te ad id per censuram Ecclesiasticam, appellatione remota,
compellant, inuocato nihilominus contra te auxilio brachii secularis, non ob-
stantibus aliquibus literis Apostolicis, cuiuscunq; tenoris existant, per quas
effectus presentium impediri vel differri valeat, et constitutione de duabus
dictis edita, Et Concilio generali. Datum Laterani Idus Februarii Ponti-
ficatus nostri anno tertio ~

Poloni Russiæ terras vastant ~

S Vb eodem tempore et anno, Poloni in magna multitudine glomerati va-
stant terras Russiæ, et Rutenorum Principes atq; exercitus, cum il-
lis decertare audentes confligunt ~

Cruciferi a Pruthenis cæduntur.

F Ratires Cruciferi à Pruthenis barbaris hostiliter inuasi, grandi cæde
confliguntur, Et Dux exercitus fratrum Henricus, dictus Stange,
Commendator in Kirczburg, occiditur ~

*Beata Hedwigis Ducissa
Poloniæ Canonizatur.*

Canonisatione beatæ Hedwigis Ducissæ Poloniæ, Et relictæ Hen-
rici cum barba Ducis Wratislauien', et propter immutationem

vacationemq; Sedis Romanæ, et emergentium rerum occupationem, in an-
nos aliquot dilata, dum nuncii ad id missi inter spem et metum positi, ob
varias difficultates, identidem interpositas, quadam distinerentur tristitia
et desperatione, apparuit uni eorum, Salomoni vizi Archidiacono Craco-
uiensi per quietem beata Hedwigis, et blandè consolatum, de expeditione
Canonisationis suæ, hilarem ac certum esse iussit, et diem quo proventura
erat, prædixit. Quæ visione cæteris recitata, cum impensius negotium so-
licitare capissent, et non tam testimonio hominum absentium, per Commissa-
rios Apostolicos receptorum, verum etiam multorum in Curia Pontificum
vsi, frequentius Papam Clementem et cæterum Cardinalium de ipsius Cano-
nisatione fatigarent; consentientibusq; Cardinalibus ferè omnibus, solus
Papa Clemens cum maiori maturitate gravitateq; negotium acturus,
rem indies extrahendo differret. Sanctitatem beatæ Hedwigis nouo
aliquo signo experturus. Susceperat autem ex legitima coniuge, dum
sortis adhuc laicalis esset, filiam, quæ debilitate oculorum contracta,
lumine perditò, per annos plures caeca erat. Inter Missarum itaq; solen-
nia, et suas ad Deum fusas obsecrationes, Clemens Papa orare non desit,
ut si beata Hedwigis tam percelli meriti, quemadmodum narrabatur, esset,
filiam eius cæcam, sanam et videntem efficeret. Evidentissimo certifi-
catus signo, filiam suam non multis post lapsis diebus, accepto nuncio,
puritatem videndi percepisse, faminam beatam Hedwigim Poloniæ Du-
cissam, miro deuotionis, et flagrantissimi in Deum amoris viduam, in Eccle-
sia fratrum Prædicatorum, Viterbii decimo octauo Calendæ Decembris,
Sanctorum adscribens Cathologo, Canonizat, die, quam Sancta prædixe-
rat Salomoni Archidiacono Cracouiensi per visum. Cuius Canonisatione
secuta, Pronepos beatæ Hedwigis Wladislaus Wratislaviensi Dux, et
Salczburgen Archiepiscopus, Capellam in Monasterio Trzebniczen in parte
Austali penes Chorum sumptuoso opere ex muro adificat et exornat.

Anno Domini 1267.

Cardinalis Guido Legatus in Polonia
contra Saracenos cruciatum publicat.

Guido Cisterciensis ordinis Sanctæ Ecclesiæ Romanæ tituli
Sancti Laurentii in Lucina Presbyter Cardinalis, et Sedis Apo-
stolicæ de latere Legatus, à Clemente quarto in Poloniam missus

primum Cracouiam quinto Idus Iulii ueniens, a Boleslao Pudico Cracouien
et Sandomiriens Duce, item Paulo Episcopo Cracouien, et processionibus om
nium Ecclesiarum, honore legationis exceptus est. Ex Cracouia uero Wla
dislauriam diuertit, ubi Synodum generalem Prouincialem in festo Purifi
cationis Sanctae Mariae tenuit. Ad quam cum Ianussius Archiepiscopus Gne
snen, Paulus Cracouien, Thomas Wratislaurien, Volmirus Wladislaurien
Nicolaus Posnamien, Thomas Ploezen, Vilhelmus Lubucen, Henricus
Culmen, et alii Polonicae Ecclesiae Episcopi et Ecclesiastici conuenerunt,
Guido Cardinalis et Legatus Apostolicus, terrae Sanctae oppressionem lon
go sermone exponens, et succurri illi celerrime dignum deducens, sub
uentionem a Clero Poloniae dari sibi, et laicalem populum ad contribuen
dum de facultatibus suis, et anni Iubilei gratiam percepturum, pro hu
iusmodi opere sancto animari expetuit. Crucem insuper contra Sarace
nos terram Sanctam occupantes in omnibus Ecclesiis praedicari manda
uit, et singula tam expetita quam mandata obtinuit. Constitutaque fue
runt per maiores Ecclesias archae, in quas pecunia per eos qui Iubileum
mereri uolebant, inferebatur, omnes Pontifices Polonicae Ecclesiae benigne
appellans et multipliciter honorans, in Paulum tamen Cracouien Episcopum, fa
uore et gratia utebatur propensiori.

**Leo Russiae Dux Vojschalcum Lithua
niae Ducem circumuentum obtruncat.**

Nona die Decembris Leo Russiae Dux, filius Danielis olim Rute
norum Regis, cum in Principatum Russiae patre obeunte succe
sisset, et tam opibus a patre relictis, quam gentibus suis potens esset,
cum Vojszalco Mendolphi alias Mendog filio Duce Lithuaniae, pro terris
Russiae, quas idem Vojszalco sui iuris facere nitebatur, in similitates
et odia perueniens, praefatum Vojszalk, in quodam rure se continentem,
circumuentum obtruncat.

GLECHANKOW Castrum Masouiae per Pruthenos barbaros capitur
et comburitur.

**Thomas Wratislaurien Episcopus moritur
atque idem Episcopus Wladislao Duci Wra
tislaurien Archiepiscopoque Salczburgen ad
uitae tempora in commendam conceditur.**

Tertio Calend' Iunii Thomas Wratislauiens' Ep'us in ætate grandæ,
ua consistens, exactis in Pontificatu annis quinq' et triginta, sub qui-
bus bona Ep'atus sui notabiliter auxit et ampliavit, moritur, et in Ec-
clesia Wratislauiens' sepelitur. Cuius ea erat, apud Canonicos et Prælatos
Wratislauiens' remissentia et charitas, ut nepotem suum ex sorore Tho-
mam, qui et ipse de nobili Prosapia militum Poloniæ erat, eligerent, rati
illum avunculo quem admodum loco sic et merito, successurum. Impedita
tamen fuit eiusdem Thomæ secundi confirmatio circa annis tribus. Wla-
dislaus enim Wratislauiens' Dux, filius Henrici à Tartaris occisi, Archie-
piscopus Salszburgen', per multas intercessiones, à Clemente quarto obtinue-
rat, vacantem tunc Wratislauiens' Ecclesiam, cum usu et perceptione om-
nium eius fructuum, ad tempora vitæ suæ conferri in Commendam.

Contentio inter Ep'um Wladislauiens'
et Cazimirum Curiauiæ Ducem per Ar-
bitros per Legatos Papæ constitutos cõ-
ponitur ratione Castri Racziq sz orta ~

Tater Guido tituli Sancti Laurentii in Lucina Presbyter Cardi-
nalis, Apostolica sedis Summi Pontificis Clementis Papæ quarti in
Poloniam Legatus, anno eiusdem Clementis Pontificatus secundo, com-
mittit Abbati et Custodi Monasterii Sanctæ Mariæ Wratislauiens', ordi-
nis Sancti Augustini Canonicorum Regularium, longam litem et quæstionem
periculosam inter Volmirus Ep'um et suam Ecclesiam Wladislauiens' ab una,
et Cazimirum Lanciciens' et Curiauiens' Ducem partibus ab altera, occasione
Castri Racziq sz, quod idem Dux Cazimirus occupauerat. Prædictus aut'
Abbas et Custos Sanctæ Mariæ Wratislauiens', quatuordecima Aprilis die
Tribunali apud Wladislauiam antiquam posito, partibus auditis, cau-
sam per compositionem, adiudicando Castrum Racziq sz cum suo Distri-
ctu Volmirus Ep'o et suæ Ecclesiæ Wladislauiens', dirimunt, Duce quoq'
Cazimiro absoluto. Interdictum tollunt et relaxant, quod propter occupatio-
nem dicti Castri seruabatur ~

Ossa beata Hedwigis ex tumulo
leuata in veneratione habentur ~

Quindecima Septembris die, ad leuandum ossa beata Hedwigis
Ducissæ Poloniæ, superiori anno Canonisatæ, ex tumulo, in dicta
aduemente, confluentem numerosa vtriusq' sexus, ad Trzebmien'

Monasterium, in quo corpus eius sacrum conditum erat, fidelium multitudi-
 ne. Nicolaus Abbas de Lubens, & Mauritius Abbas de Kamien
 cum Prælati & Canonicis Wratislaviensi, ossa sacra beatæ Hedwigis
 de suo sarcophago efferunt, et lota vino, nonnulla et insigniora in the-
 cam specialem, in eodem Trzebnicensi Monasterio præparatam, reponunt,
 alia in Wratislaviensi Ecclesiam, cæteraq; in Polonicas ecclesias distri-
 buunt. Testa capitis sacri leuata, cerebrum nulla putredine tabefa-
 ctum, sed omni ex parte sanum et integrum, quod in hanc diem in Trze-
 bnicensi habetur Monasterio, eundem tenorem integritatis obseruans,
 item tres digiti dextræ manus à corruptione salui, paruulam ex ebore
 virginis benedictæ Mariæ, gestantes imaginem, reperi sunt. Eam si-
 quidem imaginunculam uiuens beata femina Hedwigis in ueneratione
 habens, et cultu singulari prosequens, ubiq; eam secum circumferre in-
 sueuerat. Lapsam deinde fortuito et amissam, magnosq; ob id gemens,
 cum vario scrutinio inquisita reperiri requireret, anxiosa dolore, dum sus
 reptam dolabro oris eam gestans, femina beatæ in æde sacra oranti
 relata porrexisset, tanta demum illam cura, tanta sedulitatis tractabat
 obseruantia, ut vigilans dormiens, cibans, et quicquid operis agens, tri-
 bus digitis, ne quo casu iterum excidisset, eam compresserat. In morte
 demq; articulis, à quibus in uita gestabatur, adeo infixa adhæsit, ut
 nequaquam ex his, repetito sapius et irritò labore, diuelli posset, genitri-
 ci Dei, cui omnia uiuunt, membris etiam examinatis, gestus officio in se-
 pulchro, quo corpus cum imaginuncula claudi necesse erat, seruatura.
 Eleuationi autem ossium Sacrorum, unus tantummodo nepos suus germa-
 nus ex filio, Conradus Glogouien Dux, cum tribus filiis Conrado Henrico,
 et Przemislao, cum præter hunc duo alii, uizt Wladislaus Salzburgen
 Archiepiscopus, et Boleslaus Sæuus Legmicen Dux, superstites forent, interfu-
 it. Quos nedum ex vicina, sed ex remotissima ora, iustum erat et p. Auiæ
 honore, et consequendo merito, tanto celebritatis spectaculo interfuisse.

*Antiochia à Saracenis capitur, ubi
 Eodem ac turpiter Christiani à Ecce-
 sticissimis Saracenis fuere tractati.*

Antiochia Civitas insignis, et una ex Apostolicis sedibus, cum
 per Toldanum Babyloniam longa obsidione præmeretur, tabefa-
 ctis fame defensoribus, capitur. Cum ante annos aliquot Hierusa-
 lem, iam non ferentibus Regibus et Principibus Catholicis, laboranti in
 populo Christiano, subsidia, capta fuisset. Et sic sensim consumitur terra

Sancta à Saracenis, in Civitatibus & Castris à Christianis possessis. De populo autem Christiano præfata Antiochia Civitatis tunc captæ, horrendum & nunquam antea auditum, factum est per Saracenos exterminium & ludibrium, nullo crudelitatis genere omisso.

Anno Domini 1268.

Salomea Halicienlis Regina moritur
et inter Sanctos computatur.

D Ecima Nouembris die, Salomea virgo Illis Gallatiæ seu Halicien Regina, soror germana Boleslai Tudici Cracouien Ducis (quæ sponso suo Colomano Gallatiæ, seu Halicien Rege, cum quo omni carnis illecebra profligata, in virginitate et summa continentia, conuixerat obeunte, religionem et ordinem Sanctæ Clare professa, in Lauichosten Monasterium se contulerat, Et Lauichosten Monasterio ad Lapidem Sanctæ Mariæ aliàs Skalam propè Cracouiam translatum in obseruantia regulari, et rigore vitæ virginum Domino, annis duobus de triginta, nunquam à carne cilicium amouens, seruierat, Abbatissæ officium gerens in Lauichosten Et in Lapide Sanctæ Mariæ Monasteriis) moritur. Quæ licet diebus septem iacuisset insepulta, pro factore qui cadaueribus inesse consuevit, suavis odor Sanctimoniales, corporis suum frequentantes afflabat. Quarto demum Idus Nouembris in eodem Monasterio de Lapide sepultum, Anno sequenti quarto Calen Julij Cracouiam transuectum, in Ecclesia Sancti Francisci fratrum Minorum in Chori medio honore congruo sumatum. Sed nec tum quidem quamuis exarsuante Sole, ex cadauere poterat, à quoquam illum comitantium, factor sentiri. Sed et quædam ex Sanctimonialibus Canobii præfati Maribæ nomine, virgo religiosa et grandæua, pro constanti astruebat veritate, etiam tunc ex corpore suo, et suauitatem flagrantiamq; odoris, et stilicidium olei manasse, quo multi agrorum peruncti, integram se sanitatem recepisse testati sunt. Animam eius benedictam, cælos in magno fulgore potentem, in visione vidit frater Boguslaus, ordinis Minorum, vir deuotus et religiosus, et Angelicum cætum canentum suauitate inenarrabili carmen, Fronduit, floruit, Aaron virgula. Quæ in carne posita, frequentibus suspiriis, lachrymis et obsecrationibus, cælestem splendorem cognatumq; desiderabat, illic degendi normam, piorumq; conuentum sitiens.

*Cazimirus Cracouie et Lanci-
cia Dux moritur, et Castri Bid-
goscza proditor suo iussu occiditur.*

Cazimirus Conradi, Cracouien, Lancicien, et Siradien Dux, morbo magis quam senio vexatus, humanis eximitur, et in Wladislauen Ecclesia sepelitur, duos filios videlicet Leszkonem nigrum et Lemomisl, alias Semouitum, ex Constantia Ducis Wratislauen Henrici secundi a Tartari occisi filia, susceptos, relinquens. Et Leszko quidem niger a patre dum viueret, Ducatu Siradien emancipatus, Lemomislum fratrem restituit duos Ducatus duos videlicet Lancicien et Cracouien (quamuis sors sua inferior esset) passus est possidere. Desponsauerat autem vitam agens Cazimirus prefatus Dux Cracouien, Semouito filio suo nato minori uxorem, virginem Salomeam filiam Smantopolci Pomeranie Ducis, ex qua successione temporis tres filios, videlicet Leszkonem, Przemislum, et Cazimirum Duces Cracouie et Lancicie, et duas filias, Feminenam quae Regi Hungarie Stephano, nupsit, et Constantiam Trzebnicen Monasterii Abbatisam, suscepit. Mortem Cazimiri Ducis Cracouien, etiam Castri Bidgoscza, quod ad flumen Brda, in sorte Semouiti et Cracouien Ducatu situm est, defectio secuta est. Tenuarius enim illius Theodoricus genere Ruthenus, et qui idolatria relicta, fidem rectam professus erat, nulla necessitate nactus, tantummodo sperans se largitionem grandem consecuturum, Castrum prefatum Bidgoscza fidei sue creditum, Boleslao Pio Galisien Duci tradit. Sero tandem se perfidiam admisisse dinoscens, in desperationem versus, de consciscenda morte ratione inrita, accito familiari, ut se interficeret, imperauit. Qui iussa temeraria exequens, sponte ceruicem tendentem, mucrone, alieno se inquinans scelere, praecidit. Exiit prefatus Boleslaus Pius Galisien Dux tria alia castra sub eo tempore. Vnum quidem in villagio Comitis Sedrici, quod appellauit Dupin, aliud in villa Gmieuomiri filii Trzebieslai, quod vocauit Niesluch, tertium in terra Rudensi siue Wielunensi super Przosnam, cui ex nomine suo Boleslauiecz cognomen dedit. Quod solum prioribus duobus dissolutis, videmus a Cazimiro secundo Polonia Rege cocto latere firmatum, tantummodo superesse.

Clemens quartus Papa moritur.

Vltima Decembris die vir vitæ Sanctissimæ Clemens Papa quartus, insignis Iurista et Prædicator egregius, diu carnibus abstinens, asperimo lecto, vestibus verò lineis, et carnem nunquam in Papa: tu utens, Viterbi moritur, cum annis propè tribus sedisset, Et in Ecclesia fratrum Prædicatorum Viterbi honorifice sepelitur. Post cuius mortem scissis in varia vota Cardinalibus, stetit Ecclesia Romana, non sine suo et totius populi Christiani grandi dispendio, annis circiter tribus pastore viduata ~

Swiatopelk Pomeraniæ Dux moriturus mandat filiis ne Cruciferos aut Polonos impetant, quinimò auxilia a eorum re exigente, implorent ~

Quatuordecima mensis Iulii die, Swantopelkus Pomeraniæ Dux moritur, et in Monasterio apud Oliuam sepelitur, quatuor filios uzt Mesthuinum aliàs Mszczugium, Varczislauum, Samborium, et Ratiborium relinquens. Quibus in extremis agens dedit mandata, quatenus à guerra Cruciferis mouenda, quantum possent, se continerent, in Primi: cipes verò Poloniæ, omnem charitatem gererent, et in suis necessitatibus, eorum auxilia expeterent. Hi Ducatum Pomeraniæ inter se quadri: fariè partiti sunt, circa Mszczugium tamen natu maiorem, consensu Baronum Pomeraniæ omnis superioritas et iussio relicta ~

Anno Domini 1269.

Clemomisl Curiauiæ et Lanciciæ Dux, ut capit ad consilia Cruciferos admittj, Polonis spretis, spernitur, et Poloni ad Bo: lellaum Pium deficiunt. Qui relicto sibi Ca: stro Cruszicza Polonos Clemomillao conciliat ~

Clemomisl aliàs Semouitus filius Cazimiri Curiauiæ et Lanciciæ Dux Principatum ex morte patris adeptus, mores et politiam Teutonorum fratrum uzt Cruciferorum vehementer æmulatus (apud illos enim iuuentiam transegerat) omnia quæ sibi agenda erant cum illis communicabat, eorum sententiæ et arbitratu singula permittens, Barones autem et milites Curiauiæ et Lanciciæ cum se contemptum et

Spretum iri à Duce suo Lemomislao acriter ingemiscerent, Et nunc blan-
 dis nunc asperis verbis usi, contemptum suum rescindi frequentius cas-
 so labore interpellarent, Lemomislao Duce nequicquam à communio-
 ne Cruciferorum auerso, militari murmure primum, deinde seditione
 gliscente, mox etiam sauior defectio coorta est. Ad unum omnes, ne
 ludibrio forent, Lemomislao Duce suo deserto, et omni obedientia atq;
 subiectione eidem subtracta, à suo se Principatu et Dominio abdicant
 et quò diuturnior solidiorq; esset eorum defectio, ad Boleslaum Pium
 Calisien' Ducem fasces deferunt, et illius, reddita defectionis causa,
 profitentur ditionem, non se hostem infestum, pro Principe et Domino,
 qui illos multiplici opprobrio vexauerat, de cetero habituros. Serius
 quam sibi expediebat Lemomislao Dux suae transgressionis temeri-
 tate in milites discussa, Boleslaum Pium Calisien' Ducem, magnis fati-
 gatum obsecrationibus, donato insuper illi Castro notabili sortis et Du-
 catus sui Cruszuicien', peruenit, quòd et deditiōnem militum Cuiavien'
 et Lancicien' abnuit, et eos Lemomislao Duci, eo tamen pacto, ut Cru-
 ciferorum consiliis abiectis, eorum velut fidiōra probatioraq; secta-
 retur, reconciliauit.

Lithuani Cuiaviam praedantur.

A Vdientes Lithuani inter Lemomislao Cuiavien' Ducem et milites
 suos seminarium discordiarum irrepsisse, Iaczingis cate-
 risq; barbaris accersitis, terram Cuiavia' quarto nonas Septem-
 bris invadunt, et pluribus spoliis commissis, rapta praeda hominum et
 quadrupedum, illam, nemine obstante, in Lithuaniam deducunt.

Ploczenlis et Chelmenlis Epi qui de finibus suorum Episcopatum frequenter co- certabant per Wladen' Ep'm pacificantur.

D Iuturna concertatio, quae inter Plocen' et Chelmen' Ep'atus et
 eorum Pontifices super finibus Diacesum agebatur, per medi-
 um Volmiri Wladislauien' Ep'i, et fr'is Meincomis de Guer
 Dinuorth Magistri Prussiae generalis, octavo idus Decembris interce-
 pta et extincta est. Thomas siquidem Ploczen' Ep'us, ex sententia
 praedictorum arbitratorum, parti Diacesis suae, possessionibusq; et deci-
 mis, quam et quas obtinebat in terra Chelmensi, cedens, à Venero

Culmen Epō pro compensatione et vicissitudine villam Orszechow, cum
mensuris Episcopalibus & Iurepatronatus, item triaginta mansos in ter-
ra Lubawia sua Diocesis Ploceā contigua, nondum tunc cultor rece-
pit, ex quibus processu temporis villae locatae sunt, Ploceā Ecclesiae ditioni
servientes ~

Otho Marchio Brandeburgen' Castrum
Sulien'z propē Miedzirzecz edificat,
postea Civitatem Miedzirzecz capit,
Boleslaus vero Pius Castrum Sulien'z
expugnat, diripit, & comburit ~

S Anthocen' Castellamiam Otho Othonis Marchio Brandebur-
gen' in proprietatem et ditionem suam redactus Castrum
Sulien'z, inter Oppidum Regni Poloniae Miedzirzecz et Lu-
busz, properē de lignis, adaptata per prius lignorum materia, et ne
structura ipsa a Polonis dissolveretur, extruxit. Boleslaus autem Pius
Calisien' Dux, etsi structuram iam consumatam, Castrum praefati Sulien'z
graviter ferret, intelligens ex ea sibi terrisq; suis guerram necessario
eventuram portendi, abolitionem illius in aliud tempus differens, oppidum
suum Miedzirzecz, fossis et vallis, ligneisq; propugnaculis, quae blanki
apud Polonos vocantur, per circuitum communito cepit. Apparari ad-
versum se a Boleslao Pio Calisien' Duce Otho Marchio bellum, et illius
gratia Miedzirzecz muniri ratus, cum hostili exercitu in Miedzirzecz
irruens, et opus munitiōis semiplenum offendens, spoliato oppido, et suis
in praedam dato, tam illud quam captum munitiōis opus, Castrum Miedzi-
rzecz nequicquam expugnato, quamvis ad illius conquisitionem amplissi-
mē miteretur, incendit. Discedentem a Miedzirzecz, mox Bolesla-
us Pius Calisien' Dux, cum potentiis gentium suarum persecutus, dum
consequi nequiret, terram omnem Lubiccen' seu Lubusanam praefati
Marchionis, igne et spoliis in girum vastavit. Qua pervastata, ad Ca-
strum noviter a Marchione erectum Sulien'z, copias deduxit, mili-
tes autem Polonorum ex scutis testudine facta, quamvis supernē saxis
crebris obruerentur, usq; ad parietes Castrum irrumpunt, et glebatione
securibus perfracta, lignorum congerie pinosa et igne admotis, Castrum suc-
cendunt et conquirunt. In quo ferē omnibus Saxonibus, quos Otho Marchio
pro praesidio illuc relinquerat, igne consumptis, Sabel Capitaneus cum pau-
cis vivus in manus Polonorum, inhibentibus Polonorum militibus ignem

cui paulo ante nutrimenta addebant, venit. Præda omnis armorum, equorum et victualium, in Castro reperta, militibus partita est.

Dux acies in aëre concurrentes visæ.

Prodigium eo anno in Polonia regione frequentius visum nunciatum est. Duo enim exercitus armati et equestres, aciebus hostilibus et infestis inter se in aëre et nubibus concurrere, et durum certamen gerere conspecti sunt. Quod ne perniciem Reip. Polonorum portenderet, et deuotis et religiosis viris monentibus, Deo omnipotenti, supplicationes et obsecrationes habitæ sunt.

Anno Domini 1270.

Otho Marchio Brandeburgensis Castellum Santok, reedificat. Boleslaus Pius Dux itidem non longe ab eo Castellum aliud Drdzen, octo diebus extruxit. Quod Otho cepit.

In Castri Sulencz a Boleslao Pio Galisien Duce expugnati et demoliti, ultionem, Otho Brandenburgensis Marchio, obseruato tempore, quo præfatus Boleslaus Pius Galisien Dux Cracoui, am Duce Boleslaum Tudicum visitatum abierat, Castellum Santok de lignis circa Ecclesiam Sancti Andrea Februarii diebus ædificat et consumat, validoq; militum præsidio imposito, fossis et vallibus dispositis, discedit, Boleslaus autem Pius Galisien Dux ex Cracouia a Boleslao Tudico reuersus, Othonem Marchionem et pacta temerasse, et hostem se iam per ædificationem et occupationem Castri Santok professum esse, comperiens, Castellum Drdzen vallatus, stipatusq; forti militum agmine, ædificat. Et cum in die Sancti Georgii inchoasset, infra dies octo, abundante artificum multitudine, opus ceptum absoluit, locatq; militibus, Castellum Santok elisurus. Verum militibus Boleslai Pii tardius et negligentius munera præsidii obseruantibus, Castellum Drdzen a Saxonibus nocte, vigesima septima Decembris die, intercipitur, et pulso inde Boleslai præsidio, Otho Marchio Brandeburgensis, Castellum utriusq; nactus, occupauit.

*Archiepū Salczburgen' moritur.
In Ducatum autem Wratislauien'
quem regebat Henricus III. et in
Episcopatum Thomas succedit.*

Longo et assiduo languore Wladislaus Dux Wratislauien' Archie-
piscopus Salczburgen', filius Henrici a Tartaris occisi, vexatus,
(nonnulli enim Wratislauien' milites, insimulati sunt toxicum illi
per escam, dum morte fratris Henrici secuta, Ducatum Wratislauien', in ne-
pote relicto patrem et patruum agens, administrat, praeuisse) vigesima
tertia Aprilis die in Salczburg obiit, in Ecclesia Salczburgen' sepe-
litur. Quo absumpto Henricus quartus pubertatem iam egressus, in sor-
tem patris et patru' succedens, Wratislauien' Ducatus, optime a patre lo-
cati, utroq; parente orbat' (iam enim et mater sua Iuditha diem obie-
rat, et in Trzebnice' Monasterio sepulta erat) suscipit gubernacula. Et
Thomas electus a Capitulo in Ep'atū Wratislauien', quem idem Wladi-
slaus Archiep'us Salczburgen', administrabat, succedit, et a Ianussio
Archiep'o Gnesnen' Siradia confirmatur et benedicitur. Danti huic Wla-
dislao in adolescentia apud Patauinum alias Paduam, literis operam,
virgo decorae formae a patre Paduano (sive quodam diuite tunc vero impe-
quastus turpi gratia, adducta est, cuius ille conditionem miseratus fa-
cinusq; perosus, et egenti patri subuenit, et virgini pudore seruat'o, etiam
dotem contulit. Pro quo quidem opere, a singulis Paduani Studi Schola-
ribus celebratus est insigni fama.

Vno partu triginta sex pueri aduntur.

Multa monstra eo anno in Polonia' regionibus accidisse, nunciata
sunt, in terra Cracouiensi matrona quaedam nobilis Margaretha
consors Comitis Viroboslai de villa Kakiel, triginta sex pueros
vno partu, viuos quidem sed eodem die mortuos, effudit Cracouiae, trede-
cimo Calend' Februarii.

Die Lunae octauo idus Decembris, prima noctis hora, caelo patule in Cru-
cis modum aperto, lux immensa speciem lunae praeferens apparuit, et tam
urbem quam regionem Cracouiē' uniuersam, nouo fulgore illustrauit.

Apud Calisz oppidum infra Natalis Christi octavas, natus est vitulus habens dentes caninos, et duo capita canina, quorum unum maius in loco suo, aliud minus ad caudam situm erat, et septem pedes vitulinos, pelle etiam vitulina contextus, cuius cadaver nec canes nec alii, volebant contingere ~

In Slesia Odramet Nissam fluuios tribus diebus rubra et sanguinea aqua fluxisse ~

In eadem regione apud villam Michalom aestiuo tempore, caelum sanguine pro aqua pluisse ~

Haec prodigia non in admirationem solum sed et religionem versa, ne in perniciem Polonici populi verterentur, assidue a Sacerdotibus, religiosisque et deuotis viris ac feminis, suppliciter obsecrantibus, propitiatio Diuina exorabatur ~

Nec prodigijs tantum modo sed et tempestatibus et diluvijs, annus hic apud Polonos fuit insignis. A vigesima siquidem et secunda die Iunij usque prope dimidium Augusti, continuos nocte et inter diu caelo fundente imbres, adeo inflati aquis fluij ripas excesserant, ut non solum segetes, agros, prata, et campos, sed etiam villarum fastigia operirent. Visita insuper fluuius intantum excesserat, et vniuersum spacium inter montem Lassotinum, et Ecclesiam Sancti Stanislai de Rupella positum, occuparet, rabidoque suo cursu, et homines et domos plures, pecora pecudes, iumenta et quaeque reptilia, ac molendina absorbendo, vomeret, et agris syluisque, induceret exterminium Et orbitatatem, non agros solum sed et villas, culminaque earum et villarum incolas sorbens. Et demersos tunc agros ad longa tempora steriles et inutiles efficiens. Scelere humano diluuium huiusmodi Polonis contigisse creditum est, ut qui tunc multis et nouis peruersitatibus, clementiam Dei offenderent, noua et insolita punitione, a iusto Deo mulctarentur.

Pomerania Dux terras Prussiae primum, deinde Cruciferi Pomeraniam non sine clamore hostiliter ingrediuntur, tandem inter se pacem componunt &c.

Facile paternarum iussionum Mesthuinus alias Msczugius Tome-
ramia Dux oblitus, fretus Prutenorum infidelium auxiliis, bel-
lum mouens Cruciferis, terram Culmen vniuersam, et partem Prus-
sia, Epatum vlt Pomesanien, ex opposito oppidi Nome, spoliis, cadibus,
et ignibus vastauit, et plures Christianos deleuit, quindecim nuper na-
ues oneratas victualibus Cruciferis abstulit. Quo campum et exerci-
tum dissolvente, Ludouicus Prussiae Magister, exercitum de fratribus
ordinis sui et aliis auxiliaribus colligit in die beatorum Petri et Pauli
Apostolorum, Pomeraniam circa oppidum Nome ingressus, eam igne
et spoliis afflixit, pluresq; suos captiuos soluit. Nec ea vastatione
contentus, aliam expeditionem in Pomeraniam, in die Sancti Bartho-
lomei egit, et circa oppidum Thezow, singula spoliis et flammis comple-
uit. Quod malum Msczugius Pomeraniae Dux mitigaturus, per commu-
nes arbitros cum Magistro Ludouico et ordine agere capit de pace.
Quae tandem damnis hincinde compensatis stabilita est, et a parte utraq;
parum inuolabiliter custodita ~

**Bela Hungariae Rex moritur.
Strigoni sepelitur. Cui Stepha-
nus filius maior natus succedit.**

Quinto nonas Maij, alias die Veneris, exaltationis Sanctae Crucis
Bela Hungariae Rex socer Boleslai Rudici Crac Ducis, genitor
faelicis Kunegundis consortis Boleslai Rudici, moritur, cum an-
nos triginta nouem regnasset, et Strigoni in fratrum Monasterio muno-
rum, quod ipse regali sumptuosq; opere inchoauerat, corpus eius sepe-
litur. Quod licet Philippus Archiepiscopus Strigoniensis, de Monaste-
rio huiusmodi per potentiam abstulisset, et in Ecclesiam suam Strigoni-
ensem transtulisset, reddere tamen illud, querelam coram Apostolica
Sede fratribus minoribus facientibus, mandato Summi Pontificis Grego-
rii tertii constrictus, ad primarium locum coactus est. Cui filius eius
maior natus Stephanus germanus frater Kunegundis Crac Ducissae
consortis Boleslai Rudici, in Regno Hungariae successit ~

Decimo Calend' Octobris habita est Synodus Prouincialis in oppido Siradien
de mandato et vocatione Ianussij Archiepi Gnesnen, qui in illa personali-
ter praesidebat. Ad quam Paulus Cracouien, Thomas Wratislauien, Nicola-
us Posnamien, Thomas Ploceen, Vilhelmus Lubuacen Epi, conuenerant ~

Ludovicus Prussiae Magister moritur, &
Theodoricus eligitur. Mesthuinus autem ter-
ram Culmen, Theodoricus Pomeraniam vastat.

O Beunte Prussiae Magistro Ludovico de Baldensztejn, octa-
uus Magister Theodoricus concorditer electus succedit,
Et Mesthuinus Pomerania Dux Ludovici morte audita, cum
notabili suarum gentium exercitu, terram Culmen ingressus, eam feroci-
ter, specialiter tamen bona Epatus Pomesanien, ferro, spoliis, et incen-
diis devastat. Quo cum captivis et praeda discedente, Theodoricus
Prussiae Magister illum cum gente sua insecutus, magnam Pomer-
niae partem Mesthuino vicissitudinem referens, populatur igne et ar-
mis.

THOMAS qui et Thomka Episcopus Plocen, cum annis octo in
Ecclesia Plocen sedisset, a paralyti vexatus moritur, et in Ecclesia
Plocen sepelitur. Cui per electionem Canonicam Gostaus secundus
Canonicus Plocen, nobilitatem de Domo et Familia Grifonum du-
cens, succedit, a Ianussio Gnesnen Archiepo, fretus Semoviti et Con-
radi Ducum Masovia, favore et consensu, confirmatur, et in Epum
Plocen benedicatur.

Stephanus Hungariae Rex Craco-
viam venit. Vbi a Boleslao Pudico, op-
time habitus et honoratus factus inter
Poloniam et Hungariam renouant.

Stephanus Hungariae Rex, limina beatissimi Stanislai Craco-
vian Episcopi adoraturus, affinemque suum Boleslaum Pudicum et
Ducissam eius Ringam sororem suam germanam visurus, in ce-
lebris comitatu Cracoviam, septimo Calen Septembris, advenit, et proces-
sionum honore ab ecclesijs, a Duce vero Boleslao Pudico, singulis ne-
cessariis, ex quo Regnum Poloniae et terras suas intravit, tractatus
et prouisus, digna congratulatione obviam illi cum consorte sua Ringa
ad septimum lapidem eunte, exceptus est. Aduentum autem novi et gra-
ti hospitis Stephani Regis Boleslaus Pudicus Dux, ampliori gratula-
tione honoraturus, Curiam indixit, et hastarum ludos, et alios multifarios
varii generis assidue fecit, quibus expletis, victoribus proposita dedit.

premia. Multisq; diebus Stephanum Regem, et omnes milites suos splen-
 didis conuiuijs et mensis, et omnium necessariorum abundantia, munificē et
 liberaliter singula administrans, festinauit. Innovatum est extunc inter
 Hungariæ et Poloniæ Regna vetus fœdus, utriusq; Regni Consiliarijs
 id optimum et salutare pro quiete Regnorum consentibus, Et in verba sa-
 cra super lignum Crucis Dominicæ a Stephano Hungariæ Rege, Et a Bo-
 leslao Tudico Cracouiē et Sandomiriē Duce, Prælati quoq; et Baroni-
 bus Hungariæ et Poloniæ iuratum, ut omnes casus fœlices et aduersos
 ex æquo participarent. Impendentes et euenturas necessitates, communibus
 propulsarent viribus, eosdem amicos, eosdemq; hostes, manente vno et eo-
 dem tenore quietis et amicitia, inter eos et Regna habituri. Donatum
 deinde Stephanum Regem Hungariæ et suos Primores muneribus ma-
 gnificis, Boleslaus Tudicus Cracouiē et Sandomiriē Dux in Pannonias
 reuertentem usq; in Sandecz cum Kinga Ducissa consorte sua, est pro-
 secutus ~

Anno Domini 1271.

Castrum Santhok Boleslaus Pius
 recuperaturus omnem oram illius po-
 pulatur, multaq; capit. Verum Ca-
 stro Santhok irrecuperato rediit ~

D Vplicitis pacti prauaricatione Boleslaus Pius Calisien Dux a Mar-
 chionibus Brandeburgen offensus, quod vñt et Castrum suum San-
 thok occupauerant, Et aliud Drdzen munuerant, expeditionem
 contra illos indicit. Et ex omnibus terris maioris Poloniæ, tam suis quam
 nepotis sui Ducis Przemislai, sed et ex terris Cuiavia, in eius ditionem
 concedente Lemomislao Duce Cuiavia, copiis equestribus in vnum adu-
 natis, distincto in acies et iurmas propter numerositatem exercitū, in Ca-
 stellamiam Santhocen villis et oppidis, per Marchiones iure Teutonico
 optimē locatam descendit, Et populationem, incendia, vastationemq; tam
 adium quam agrorum et villarum latius iussit extendi, hostes ad pugna
 fumorum saltem irritatione eliciturus. Verū cū aduerteret illos, tra-
 dentibus idipsum exploratoribus, decertandi voluntate omissa, in Castra
 et munitiones se recepisse, mania tantummodō tueri contentos, ad oppi-
 dum Soldin, quod magis permunitum erat, copias duxit, et scalis apposis

illud capit, et inter milites spoliis partitis, incendit. Omni tandem
Santocen Prouincia peruestata, demolita, et euerfa, prædærum fre-
quentes greges, et spoliolum suppellectilem cum captiuis vehens in
sua rediit, Castroq; Cruszuicren nepoti suo Zemomislao Duci (uiauen
restituto, illud, ne a quopiam hostium intercipi contingeret, igne adhi-
bito iussit deleri ~

Ducibus Pomerania Msczugio et Var-
czislao de diuisione discordibus fra-
trem Msczugius capit. Cui reconcilia-
tus partem dat Ducatus. Qui ulturus in-
iuriam, a Conrado Marchione Brandebur-
gen suppetias petens, illi Castrum et Ci-
uitatem Gdansk pro soluendis belli
impenlis, tradit, tandem moritur.

C Lisciente primū inter Msczugium ab una, & Varczislau par-
tibus ab altera, de Principatu diuidendo discordia, Pomerania
Duces, fratres germanos, Swantopelci filios, mox etiam odium
hostile alterius in alterum coortum est, maiore natu Msczugio et su-
perbe et arroganter se erga Varczislau fratrem natu minorem, geren-
te, et Principatus Pomeraniae differente ex aequo partitionem, quam
milites Pomerani, quibus Varczislau fuerat in odio, fieri dissuade-
bant, Principatum Varczislai quam maximè perosi. Ob quam rem ve-
ritus in se Msczugius aut seditionem aut guerram a Varczislao exci-
tari, Varczislau nihil hostile suspicantem, a militibus suggestus et in-
ductus, capit et in vincula congerit. Qui apud Bedzk aliquanto tem-
pore tenebatur captiuus et vinculatus, quiq; fauentibus illi militi-
bus Msczugii Pomeraniae Ducis carceres euadens, confluentibus ad
illum plurimis Pomeranis, nouarum rerum spe sollicitis, fratri Mscu-
gio bellum inferit. Sed certamine cum Msczugio inito, dum Msczugius
probatos et exercitados milites, aciem insuper magis instructam et fre-
quentem haberet, Varczislau Tirones et hos quidem raros, paruo
negocio a Msczugio fusus, in syluas refugit, moxq; de alio exercitu
instaurando animum intendit. Verū omnibus Pomeranis stragem

mutuam execrantibus, Et in militiam agere cunctis, Mszczugius placitum cum fratre Varczislao compulsus, indicta ob id die Pomerania Ducatum ex a quo cum fratre Varczislao, in presentia militum partitus, reconciliatione mutua habita, civile abrogat bellum. Non quicquid tamen Varczislai animus in Mszczugium magnopere exulceratus, sed captivitatibus sua dedecus, magno furore magnaque indignatione persecutus, militibus etiam suis suapte ignito animo ampliores flammis adycentibus, bellum in Mszczugium tam proprio quam externo milite id gesturus, anxius et sollicitus apparat, non quieturus primum, donec vel Mszczugium captum, ea qua ipse pertulerat, vincitum pati cogat, aut ex Pomerania terra effugiat. Quod ut maturius expleat Conradum Marchionem Brandenburgensem, filium Przemislai Tosnamien olim Ducis matrimonio habentem, ad ferendum sibi contra fratrem Mszczugium suffragia, enixus, ut non tam precibus quam premiorum sollicitabat oblatione. Conradus autem Brandenburgensis Marchio, vir et ambitiosus et industrius, Castellania Santhocen in vim dotis sibi data iam inescatus, ad alias quoque terras Polonorum occupandas spem et animum porrigit, et laturum se Varczislao contra Mszczugium auxilia non abnuit, dum modo vel oblata premia vel certitudinem super ipsis acceperit. Varczislavus autem Dux pecunie et ipse ac donativum inops, conditionem tamen Conrado Marchioni Brandenburgensi, de premio dando (tantus fuit ulciscendi de fratre Mszczugio ardor) impleturus, Castrum Civitatemque Gdanske quae sibi in sortem cesserant, Conrado Marchioni Brandenburgensi praefato, donec summam, de qua inter illum et Conradum praedictum convenerat, exolveret, obligat. Castrumque Gdanske fortissimo Conrado Marchioni Brandenburgensi tradito, in Castrum aliud Wiszegrad, bellum Mszczugio fratri movendum apparatus, secedit, et gravi valetudine ac morbo correptus est, et post paucos dies decedit, in Iuniorumque Wladislawiam delatus, a militibus apud fratrum Minorum Monasterium sepelitur. Reintegratum sibi Dux Mszczugius morte Varczislai fratris ratus Principatum, etsi tam Wiszegrad, quam Thescow, Gniem, Szwiecie, et alia munitiones atque Castra, quae pro sorte sua Varczislavus acceperat, morte Varczislai secuta, in suam ditionem sponte concederent, Castrum tamen et oppidum Gedanensis possessionem repetenti, a Saxonibus Conradi Marchionis nomine illud occupantibus, responsum est, Castrum et oppidum Gdanske, ad ius et proprietatem Marchionis sui Conradi, ex pactis cum fratre suo Varczislao initis, et graves impensas ob id factas, recidisse, proinde abiret, et sua in quiete possidere sineret.

Quo responso offensus et irritatus, quid agendum expediret cum suis consultabat. Et nonnullis quidem videbatur Castrum Gdansk obsidio; ne et impugnatione continua, à Saxonibus euincendum esse, sed locus et natura et arte satis emunitus, longam obsidionem et difficilem expugnationem portendebat. Occurrebat, et hostium respectus, ne Conradus Marchio fortiori fretus potentia, obsidentes obterreret. Implorandum igitur omnes Boleslaum Primum Glesien Ducem, ex matre, tera Mszczugii genitum, Principem ea tempestate tam animo quam militia pollentem, ut fratri suo Mszczugio opem ferret, et portionem tam insignem Lomerania Ducatus, in quem ipse Mszczugio mortuo, et successorem non relicto, successurus erat, abrumpi dolis et vafrie Saxonum non permittat. Ea sententia ab omnibus comprobata, ad Boleslaum Primum Glesien Ducem itum est, et auxilia sua in recuperationem Castri Gdansk expetita. Quae etsi, deliberatione cum suis habita Boleslaus Primum, veteribus oblitteratis offensis, conditio: nem Mszczugii, fraude Saxonum violati, miseratus, se edixit praestitutum: hyeme tamen appetente, anni sequentis tempus, ad obeundam rem huiusmodi consignat: facilius aut induratura glacie aqua, aut Solis fervore calidata, quam caduca et fragili, vicesque varias mutante aura, expugnationem Castri praefati perfecturus.

*Leszkomis nigro in corona Baronum
impotentia obicitur à coniuge. Quam
illo relicto in monio Fratrum minorum
Cracouiae pro virgine se gessit.*

Consors Leszkomis nigri Siradien Ducis, Ducissa Griphina, filia Rasczislai Russiae Ducis, quamvis prope sex annis in viri sui Leszkomis nigri contubernio degeret, virginem tamen se gessit in eam diem, nec à viro suo cognitam, impotentiam et fragilitatem illi obiciens, Baronum et militarium matronarumque Siradien contione aduocata, agente etiam Leszkone Duce coram, et accusationem silentio profitente, deduxit: peplo, quo caput obuoluere, ut nupta solebat, in Monasterio fratrum minorum in Cracouia, sub multorum praesentia, detracto, virginem se deinceps, intecto capite deambulans, gerere, Leszkonisque Ducis consortia evitare capit, coniugii huiusmodi diuortium quassitura.

*Bellum inter Bohemos et Hungaros
repetitur, superiorq; factus Bohemie,
Rex spoliis onustus rediit in Austriam.*

B Ela Hungariae Rege satis absumpto, et in locum eius filio Ste-
phano per insignitionem Diadematis surrogato, bellum inter Hun-
garos et Bohemos, pactis et affinitate compositum, mox reinte-
gratum est. Idibus siquidem Aprilis Bohemiae Rex Przemislaus atq;
Othokarus Gstrum Preszburg ad fluenta Danubii situm hostiliter
inuadens illud conquirat. Caput et Tharnauiam et Nitram, et eis
spoliatis, in caeteras munitiones et regiones, igne et spoliis sauit. Ha-
bita quidem sunt inter suos et Hungarorum milites particularia cer-
tamina, variam sortem partibus adferentia, in congressum tamen
vniuersae dimicationis venire uterq; Regum distulit, ponteq; in
flumine Raab abrupto, Przemislaus Bohemiae Rex, praedis et spo-
liis onustus, in Austriam, quae tunc in sua ditione consistebat, mul-
tis militibus amissis, rediit. Quae eo ex Hungaria discedente, mul-
tis et variis, tam spoliis quam incendiis, per Hungarorum milites
vexata atq; lacerata est.

*Electio Papae Cardinalium di-
scordia in biennium producit,
tandem Gregorius X. eligitur.*

Prima Septembris die Cardinales Ecclesiae Romanae, qui sa-
tore zizaniae serente inter illos discordiam, de eligendo
Summo Pontifice, plusquam biennio, identidem conclauae ingre-
dientes (quamuis a Philippo Francorum, et Carolo Siciliae Regibus,
personaliter aditi, de expedienda electione sollicitarentur) conueni-
re non poterant. De Simbaldo Archidiacono Leodien' absente agen-
tes conclauae, conueniunt, qui natione Lombardus de Civitate Pla-
centina, et Domo Vicecomitum erat, etiam de Archidiaconatu suo
Leodien' ab Ep'o Leodien' (quem postea iustius sede sua priuauit)
expulsus, in Sanctam terram ex deuotione transfretauit. Et electio-
ne sibi praesentata, Viterbium, ubi adhuc degebat, Collegium Cardi-
nalem venit, Papatuq; accepto, Romam petiit, ibiq; coronatur et
consecratur. Vir mirae in Saecularibus experientiae, quamuis modicae
literaturae. Non pecuniarum, lucris, sed elemosynarum in pauperes

largitiōi operam dāns. In consecratione autem Gregorius decimus
nominatur ~

Conradus Glogouien' Dux Superdu-
cta alia coniuge, eidem tria Castra
et oppida dotis nomine obligat. Qui
ā Boleslao fratre Legnicen' Du-
ce quin captiuaretur parum aberat ~

Orbatus uxore prima Salomea filia Wladislai Othonis Ma-
ioris Poloniæ Ducis, Conradus Glogouien' Dux, aliam Superdu-
cil' Brigittam, filiam Theodoric' Marchionis Missnen', relictam quon-
dam Conradi nepotis sui ex filio Conrado Romanorum Imperatoris Fri-
derici, ā Grola Sicilia' Rege victi, et in Neapoli capite cæsi, magna
et in pecunia et in suppellectili secum dorem ferentem. Cui ratione nu-
ptiarum pro dotalicio et dote accepta, Conradus Glogouien' Dux Gro-
ssnam, Greifenstein, et Castra et oppida, obligauit et inscripsit. Re-
memoratus autem captiuitatis suæ Boleslaus Sæuus Dux Legnicen'
quam ā germano suo Conrado pertulerat oppidum eius Glogow interci-
pit, ubi se pariter et Conradum Ducem intercepturum rebatur, parum
quoq; absuit ut Conradus caperetur. Quiescebat enim in eo suo oppi-
do securus, sed de aduentu hostili Boleslai fratris sui paululum
antē præsciens, cum paucis exiliens euasit ~

VOLMIRVS Wladislauen' Epūs, cūm annis tribus et vigin-
ti sedisset, moritur, et in Ecclesia Wladislauen' sepelitur. Cui Al-
bertus Decanus Wladislauen', concorditer electus, nobilis de Domo
et Familia Perstina siue Wieniama, succedit per Gregorium deci-
mum prouisus ~

Paulus Epūs Cracouien' vitæ exemplo
malus, Diuinarum et humanarum legum
contemptor per Otham et Legolam de Ar-
mis bipennium capitur, et ad Siradien'
Castellum portatur. Indeque emissus per con-
cordiam, castigatis castigatis captiuatori-
bus et magna pæna per Boleslaum Epō soluta ~

Ad illicitos et statui culminiq; Pontificali aduersos abusus,
Paulus Cracouien' Ep'us, Episcopali grauitate pessundata,
conuersus, lasciuia primū et voluptates sectatus, Sancti;
moniali quadam ex lapide Sancte Marię violenter abstracta pro
concubina abutebatur, violentus tandem et intolerabilis subditis
et vicinis, Principi verō suo Boleslao Tudico Cracouien' et Sando-
mirien' Duci, et Iudiciis, contumax et rebellis. Assiduus in syluis
venationibus operam dando, rarus in officio et Ecclesia, Diuinam
et humanam contra se prouocabat ultionem. Neq; solū cum ad-
uersariis Ducis Polonię Baronibus, sed et cum Lithuanis et barbaris,
connubiis et affinitate sibi allicefactis, quo aduersus Ducem et le-
ges tutus et impunis consisteret, sentire cępit. Consistentem autem
illum in villa et Curia Episcopali Kunow, et tam salutifera monita
Ducis Boleslai et Pralatorum Canonicorumq; Cracouien', quā Le-
gum iuditiūq; scita, contemnentem, duo militares Otha et Ze-
gotha de Domo bipennium, consentiente et mandante Duce Bo-
leslao Tudico, an iniussu eius incertum est, aggressi, captiuant, et re-
bus suis inter se partitis, captiuum Ep'um in Siradien' Castrum, per
syluas et nemora, amicorum fratrum, consanguineorum, et familia-
rium Episcopi, vim et aduersitatem veriti, transportant. Vbi ā
Duce Westkone nigro Siradien' et eius officialibus susceptus, sub ho-
nesta custodia, captiuus, mense integro detinebatur. Quod maio-
rem suspicionem et coniecturam in Boleslaum Tudicum auxit, capti-
uitatis Pontificalis ipsum fuisse authorem, cū Westko niger Si-
radien' Dux, neq; susceptorem, neq; obseruatorem se captiui, nisi vo-
luntatē Boleslai Tudici Ducis habuisset exploratam, pręstitisset.
Captiuitatem illius, Ianussius Gnesnen' Archiep'us ut par erat de-
testatus, omnem Gnesnen' Prouinciam Ecclesiastico interdicto
subycit. Ea necessitate et probris populorum Boleslaus Tudic-
us Cracouien' et Sandomirien' affectus, Paulum Ep'um ā captiui-
tate soluit, et in Quadragesima cum illo per mediatores et arbi-
tros, vti Magistrum Versieragium Prępositum, et Valterum Ca-
nonicum Cracouien', sub certis conditionibus concordauit. Quorum
fuere hæ insigniores, ut Captiuatores Ep'i Otham et Zegotam
punit, et ā suo consilio et communionē sequestret, ut ducentas
marcas argenti illi soluat, ut sortem Ducalem in Dzierzyna illi
donec. Quę singula Boleslaus Tudicus Cracouien' et Sandomi-
rien' Dux executus, etiam Otham et Zegotam captiuatos in

vincula coniecit, ac per mensem unum vinctos tenuit. Qui tandem amicorum et fratrum soluti suffragiis, et pudorem illis illatum, et Episcopi et fratrum ipsius impendentes insidias euasuri, hereditatibus, quas in Cracouien' et Sandomirien' Ducatibus, obtinebant, venditis, ad Wladislaum Ducem Opolien' commigrauere, et in Opolien' regione acceperant incolatum ~

Anno Domini 1272.

Msczugius Pomerania' Dux cum auxilio Boleslai Pii Castrum et oppidum Gdansk vi et armis recuperat ~

Saxoniam et Marchionis Brandeburgen' Conradi affinis sui perfidiam, in occupatione Castri et oppidi Gdansk deprompta Boleslaus Pius Galisien' Dux repressurus, delectu expedito: rum militum ex Maioris Poloniae et Cracouiae terris habito, primum in Pomeraniam, ubi se illi Dux Msczugius Pomeraniae, cum uniuerso Pomeranico exercitu coniungit, quindecima mensis Ianuarij venit, ex inde aciebus instructis ad Gdansk applicat, et Castrum Gdansk tam aqua quam terra graui obsidione constringit. Quod cum diebus aliquot tormentis et bombardis frustra quasasset, projectionem tormentorum structuris Castrum sua firmitate elidentibus, nona demum die ad expugnationem Castri milites educit. Et testudinibus ex asseribus frequentibus, ne subeuntes supernè obruerentur, dispositis, Castrum milites aggressi, variè illud impugnant. Et hi quidem testudinibus Castro applicatis, securibus parietes violant, alii ignes parietibus adhibent, defensores flamma et fumo repellant, alii scalis appositis, mœnia conscendunt, sagittarijs mira pertinacia tela in Saxones iacentibus in suorum tutelam. Neq; Saxonibus minor animus inerat, tam se quam Castrum ex impendenti periculo tuendi, quin et ipsi Saxi in grandinis modum emissis, feruenti aqua et pice, Polonos et Pomeranos acrius insistentes, ferirent, et prosternerent. Expugnatione tandem in longum diei protracta, cum in sauciorum et desideratorum locum, Boleslaus Pius Dux singula oculis et diligentia lustrans, nouos et recentes milites secedere iuberet,

Saxones telis, saxisq; deficientibus pugnam et defensionem remittunt. Propter quod Polonorum et Pomeranorum milites, spacio dato, Castrum in locis aliquot perforant et perstringunt, clamoreq; valido, quem victores edere solent, sublato, Castrum irrumpunt, et obuios quosq; Saxones, cum perfidia tum acceptorum vulnerrum memores, suis parentaturi desideratis obterunt et obtruncant. Pauci in turrim editiorem euadunt, qui vitam tantummodo parati, armis et quae obtinebant deditis, compedibus et captiuitati miserae addicti sunt. Poloni et Pomerani Castrum fortissimo, praeter spem, in cuius oppugnatione longum tempus se absumpturos portendebant breui potiti, etiam spoliis Saxonum potiuntur. Castrum expugnato, et oppidum, quod a Solis Ciuibus sine militum presidio tenebatur, Duci suo Msczugio deditiōnem fecit. In hunc modum, perfidia Saxonum ulta, et Castrum Gdansk Duci suo Msczugio restituto, Boleslaus Pius Calisien Dux, prosequente illum Msczugio Duce, et se in eius fide, obsequio, et clientela, perpetuo una cum terra Pomerania, mansurum repromittente, in Ducatus suos, exercitus licenciato, abiit. Msczugius autem Pomerania Dux, in nonnullos Cives Ciuitatis Gdanen, et signanter in Arnoldum et Iacobum eorumq; cognatos, fratres, et affines, ultionem exercens, ipsos capite damnavit, bonaq; eorum singula, redogit in Fiscum, quoniam hi et in mortem suam et suorum Baronum conspirasse, propensiusq; Marchioni Brandeburgen adhæsisse, et maiorem hostilitatem Duci Msczugio ferebantur monstrasse. Duas autem villas, quae ad illos pertinebant Skrobotow et Vichomino Ecclesiae Wladislaui et tunc suo Epō Alberto, perpetuo donauit, beneficia Diuina recogitaturus ~

*Stephanus Hungariae Rex moritur.
Cui filius Wladislaus succedit ~*

In maiori insula Bude in Begmarum loco, Stephanus Hungariae Rex, germanus Kunegundis Graecae Ducissae, cum annis duobus tantummodo regnasset, moritur, et apud Albam regalem sepelitur, duos filios Wladislaum et Andream relinquens, Cui celebratis ex more exequiis, Wladislaus maior natus in Regnum successit, septima die post obitum paternum Praetorum et Baronum Hungariae favore ad Regium culmen suffectus. Alter uero germanus suus Andreas

cum maior annis esset, Ducale tantum nomen sortitus, sub Regis
ditione fovebatur.

**Boleslaus Pius misso Przemislao
Posnamien Duce cum copiis omnem
oram Brandeburgen vastat, et capit
Castra duo, Strzelcze & Drdzen.**

Quiete militibus ad expediendum arma, curandaque corpora qua-
tuor mensium concessa Boleslaus Pius Galisien Dux alteram
rursus omnibus passim terris sua ditionis expeditionem in Sa-
xones & Brandeburgenses Marchiones iniuriam occupationis Castri
Santhok prosecuturus, indicit. Ad quam, sexto Calen' Iunii copiis eque-
stribus et pedestribus convenientibus, ire aspernatus, in locum suum
Przemislau Ducem Posnamien, sedecimum iam agentem annum, surrogat.
Curam tamen traducendi & regendi exercitus, & omnem iubendi pote-
statem, Przedpolkoni Palatino Posnamien, & Iohanni qui Ianek ap-
pellatus Castellano Galisien, & ingenio & manu promptis, & quorum
aestimatio apud ceteros supereminerebat, mandat. His itaque Duc-
ibus exercitus Polonicus, terras a Saxonibus occupatas, ultra Dr-
zensitas ingressus Castrum Strzelcze, nouiter a Conrado Marchione
Brandeburgen fabrefactum, quod primum terras hostiles ingredientibus
occurrerebat, oppugnare aggressus, impetu et feruore expugnandi ingenti
adhibito, capit. Et fere omnes Saxones ad presidium illuc relictos
caedit interemitque, paucis vita tributa est, quibus ut parceretur, Prze-
mislau Posnamien Dux furentes milites assidua interpellatione agre
peruicit. In tecta deinde et in agros, igne et spoliis saevitum est, & om-
nis ora Saxonica citra Odram sita hostiliter & vsta & populatione
vexata. In Poloniam denique cum praeda pecorum & spoliis reuersu-
ro, & iam exercitu iuxta Castrum Wielun agente statim, nunciatur,
Castrum Drdzen paruo militum praesidio teneri, a Caszubitis quoque, qui
in Polonico exercitu erant, nauigio Castrum aggressis, et primam por-
tam adortis, igne appposito incensum esse. Militibus quibus iam disce-
dendi in Penates facta erat per Duces licentia, ex itinere reuocatis,
ad Castrum Drdzen admouit exercitum. Sed Saxones ad presidium
illius relictos, extrema, quae suis in Castro Strzelcze acciderant, se passu-
ros Castro conquisito veriti, vitam tantummodo et libertatem pacti,
Przemislao Duci de Castro Drdzen deditiorem faciunt. Quod illico

excedentibus de illo Saxonibus, Et ne violarentur, specialibus militibus
ad terminos terrarum conductis à Duce Przemislao, firmo militum præ-
sidio locatum est. Dux ipse Przemislaus Posnamien, Tiocinū sui pri-
micūs duorum Castrorum conquisitione insignitus, ad obeunda cate-
ra bella, prospero successu iniciatus, ovens rediit. ~

Pruthem à Cruciferis vincuntur ~

D Vobis Comitibus de Iulich & de Marka, in Prussiam cum genti-
bus die Sancti Vincentij in auxilium fratrum Cruciferorum, qui
iam biennio integro, graues et assiduas clades à Pruthenis bar-
baris pertulerant, venientibus, aciebus ordinatis in terram Sambien fit
descensus. Nec Sambien detrectauere pugnam, occurrentesq; Chri-
stianorum exercitui, acerrimè dimicant, ad extremum tamen, mul-
tis hincinde cadentibus, vincuntur barbari, et ad villam Skeluen
diffugiunt, ubi certamine innouato residui confliguntur, Et Crucife-
ris plena cessit victoria ~

*Gnesnen Archiepō mortuo
sex annis Sedes vacauit ~*

I Anusius Gnesnen Archiepō, cum annos duodecim in Ponti-
ficatu exegisset, vigesima sexta die mensis Augusti moritur,
Et in Ecclesia Gnesnen sepelitur. Post cuius mortem licet
Capitulum Gnesnen electionem celebrando, Philippum Gnesnen
Præpositum concorditer Et Canonicè elegisset, electio tamen sua,
Et propter Sedis Apostolicæ frequentes Et diuturnas vacationes,
Et propter alias causas, non fuit confirmata. Quapropter Ecclesia
Gnesnen, annis circiter sex, sub quibus magna in suis bonis pertulit
dispendia, viduata extabat Pasfore ~

*Glogouien Duci altera vxor moritur.
Cuius dotalia bona parens occupat
et Archiepō Maydeburgen vendit ~*

B Reuisculam Et non diuturnam Conradus Glogouien Dux
voluptatem altero matrimonio expertus, Brigittam secundam
sponsam suam Theodorici Marchionis Missnen filiam

superiori anno traductam, fato interceptam amisit. Genitor autem illius Theodoricus Marchio Missnen, morte filiae cognita, dotalia illius bona per Conradum Glogouien Duce[m] inscripta, vtz Krosnam, Greifenssteyn, et Przin, missis officialibus, Conrado Glogouien Duce ne, quicquam prohibente, occupat. Est illorum nactus possessionem, Conrado Archiepo Maydeburgen dicto de Steymberg ea in decem millibus florenorum obligat, & ipsum Archiep[iscopu]m & suam Ecclesiam Maydeburgen praefatorum bonorum, eo iure quod sibi compete[n]s in illis, instituit Dnu[m], haeredem & successorem.

Anno Domini 1273.

Przemislaus Rex Bohemiae cum Boleslao
Ludico de Ducatu Opauia concordatur i
conueniunt. Quam concordiam relinquunt
suspensam. Interim auctore Paulo Ep[iscop]o Crac
multi rebellant milites ad Wladislaum Opoli
en Duce[m] euntes, ipsumq[ue] vocantes ad Dutca
tum. Qua re Boleslaus cognita, millo exer
citu, omnes profligat, superstitionibus castigatis.
Item vicia Boleslai Ludici enumerantur.

Veteres similitudines, differentias, & odia Przemislaus Bohemiae Rex
ab una, & Boleslaus Ludicus Cracouien Dux partibus ab alte
ra, quae occasione Ducatus Opauiensis, a Przemisla Bohemiae
Rege per peram occupati, inter illos annis superioribus gesta sunt, requi
tatis via complanaturi, in Opauia conueniunt. Et Baronibus commu
nibus agentibus plures viae pro pacificandis Principibus, & tollendo
dissidio tentatae sunt. Verum cum nulla earum procederet, quoniam
neq[ue] Bohemiae Rex Przemislaus de occupato Ducatu Opauia, asser
rens illum post Miecyslai Ducis Opolien mortem, Testamento sibi le
gatum & relictum, ad se legitime deuolutum esse, cedere, neq[ue] Bolesla
us Ludicus Cracouien & Sandomiriens Dux, tam notabilem portionem
terrarum Regni Poloniae abrumpi, et altero Regno appropriari, vel
lent assentire, Barones communes & Consiliarij Regnorum, bella in
eorum capita & pericula recissura, pro posse euitaturi, Principes qui
dem invicem reconciliant, & amicitiae vinculum inter illos firman[ti].

Quaestione autem de Ducatu Opauia in annos viginti per sufferentias pacis in illud tempus duraturas, suspendunt. Redeuntem ex Opauien' dicta Boleslaus Tudicum Cracouien' & Sandomirien' Ducem, civile bellum, & nonnullorum militum suorum seditio, dudum quidem gliscens, sed tum primum erumpens excepit. Auctor illius principalis Paulus Cracouien' Epus insimulabatur, quem per licentia' campos iam tunc gradientem, & grauitate Pontificali omissa, venationes per se tractantem, cum Lithuanis quoq; et fidei & Polonorum hostibus, iungentem publice, quo aduersus proprium Ducem & Dominum Boleslaum Tudicum securior esset, affinitates & connubia. Ecclesiam suam Crac' rarissime officiantem, & conuentus nonnullos cum militibus rapto aut furto viuere assuetis, aut iudiciis damnatis, vel aere alieno grauatis, agentem, Dux Boleslaus vel capiando vel exiliando, restringere decreuerat. Erant & pleriq; milites Boleslao Tudico suapte infensi, quod quosdam illorum pro demeritis, bonis haereditariis, quosdam capite, nonnullos carcere et captiuitate, multauerat. Rebellaturi itaq; Boleslao Tudico suo Duci, et seditionem aduersus illum atq; bellum excitaturi, Wladislaum Opolien' Ducem, per nuncios secreta' primum conueniunt, et suis grauaminibus illi expositis, & eo praesertim, quod illis inconsultis et dissentientibus Boleslaus Tudicus Cracouien' & Sandomirien' Dux sibi successorem Leszkonem nigrum Ducem Siradien', Principem eis ingratum destinaret, deditiorem illi terrarum Crac' et Sandomirien' offerunt, precantes ut illam non abnuat suscipere, gratius ipsum quam Leszkonem nigrum in Ducem & Dnum propter multos respectus & vicinitatem connexionemq; terrarum, & commoda inde sequentia habituri. Elatus hac deditiione et oblatione, Wladislaus Opolien' Dux, eam parum deliberatus acceptat, sperans se Cracouien' et Sandomirien' Ducatum Dominum, et propter Boleslai Ducis orbitatem & senium, quo propediem moriturus destinabatur, facili negotio assecuturum. Mandat quoq; Cracouien' et Sandomirien' militibus, ut ad se personaliter pro die certo in Opoliam veniant, deditiorem ipsam iureiurando et lris firmaturi. Ad rem itaq; hmoi componendam, de consilio et suasu praedicti Pauli Cracouien' Epi in numero frequenti et fere omni sua et suorum potentia (inuationem enim a Duce Boleslao Tudico, re plurimum vulgata verebantur) progressi usq; in Bogehim villam Monachorum peruenerant, ubi illos Boleslai Tudici Ducis exercitus, ex Curien' et militibus nobilibusq; qui fidem Duci suo promissam temerare impium et nefas ducebant, collectus, die Veneris quarto nonas Iunii consequitur. Fit itaq; durum certamen.

inter utrosque, et tam atroci pugna certatum est, ut fere nemo loco cesserit, propter quod multi mortales ab utraque parte cæsi, omnes pectore aduerso loca quæ caperant, mortui occupabant. Inter desideratos Smantossalus filius Wladimiri, Rathiborius Castellanus de Lukow, et alii plures numerati sunt. Cessit tamen militibus Boleslai victoria licet non incruentâ, pauci qui euaserant ad Wladislaum Ducem Opolien, fuga se recipiunt. Sed post victoriam & in uiros & in desideratos rebelles, per Boleslaum Ducem amaduersum est, & bona eorum singula confiscata, & aut usibus attributa Ducalibus, aut victoribus distributa. Exlabant alia magis principales, magisque urgentes & verificæ seditiõnum causæ, calumniarum enim virus, Boleslao Pudico Duce et dissimulante et tollerante per omnia Principatuum suorum loca, adeo diffundebatur grassabaturque, ut plures militares numero, viri simplices et iusti, per Calumniatorum astus et dolos, iudiciis damnati et penis innocentèr addicti, aut exuerentur suis patrimonii, aut iudiciales transgressiones, quas culpas vocitamus, tam Duci et iudicibus, quam actoribus soluere coacti, grauissimis dispendiis subiacerent. Querulantium insuper, et se super suis offensis et iniuriis adeuntium, parum iustus parumque finalis decisor, munerumque et largitiõnum sectator, modico accepto munere, facile in partem utramque, cum unus tamen læsione & præiudicio præceps ferebatur. His accidebat quoddam canum nimius & immoderatus amator & fotor, venationum quoque excessiuis et intempestiuis tractator, tam Ecclesiasticis quam Secularibus uiris, crebra irrogans & ingeminans grauamina, uniuersis suis subditis qui pro ea tempestate ad tractandum & prosequendum Ducales venationes, ad nutriendum quoque Ducales canes, erant obnoxii, onerosus et importabilis censebatur.

*Lithuani terram Lublinen prædantur.
Quod etiam factum fertur Pauli Epi Cra:
courien, suggestionè euenisse. Cui vox
humana et lupus dixisse affirmantur, Ve
tibi Paule, Illo tandem contrito annuci:
asse postea septem annorum vitam.*

Opresso civili bello aliud aque horrendum & detestabile barbaricum emersit. Lithuani siquidem gentiles, Pruthenorum etiam et Samogitarum coacti auxiliis, hostili & graui exercitu, in terram Lublinen, prima die Iulii descendunt, & Boleslao Pudico Duce tam propter diminuta

ex civili bello potentiam, suis non ferente open, congrassabantur barbari passim in omnes, & maiorem partem terræ præfatæ Lublinen, velut in ultionem eorum, qui ad Bogehim ceciderant, peragrando, & incendia & stragem miserabilem addunt, et multos mortales cum spoliis & pecore in servitutem abducunt. Insimulatus est etiam et hanc cladem, Paulus Cracouien Epus, insimulatio; ne vulgata & notoria Cracouien Duci Boleslao suo aduersario, & terræ Lublinen, velut in ultionem illorum qui ad Bogehim cæsi sunt, procurasse, & Lithuanos suapte fidei Christianæ et Polonis hostes, ad inferendum Polonis & Ducatibus Boleslao Rudici bellum, tam literis quàm nunciis, tanquam confederatos et affines suos incendiisse. Occisorum quoque ad Bogehim domesticum bello, & in Lublinen terra exterio, sanguis adeo illi imputatus est, ut circumstantibus illum in Monasterio Sanctæ Trinitatis Ordinis Prædicatorum, in Cracouia tunc commorantem, septuaginta viris, vox ex aëre ad eum, boni ne an mali Angeli incertum, prolata ferebatur, eo ipso in tempore sonuisse. Ve tibi Paule Episcopo, satius tecum actum esset, si natus non fuisses. Visus est et a quodam religioso per quietem lupus, erectis prioribus in sursum pedibus, voce humana contra Paulum Epum exclamasse. Ve tibi Paule Episcopo, quoniam cepisti et occidisti. Qua voce et relatione contritus, plurimum contritus erat, cum fletibus et lamentis, sua scelera in cubiculo solitarius deplangeret, audiuit alteram vocem. Ne timeas inquit, Paule Episcopo, age quodlibet, in anno septimo moriturus. Cui voci respondit. Optime, inquit, agec mecum Diuina pietas, si vitam mihi usque in septennium protelauerit, infra illud tempus de factis meis digna penitentia expiationem obtenturus. Hæ voces adeo fuerunt sonoræ, ut etiam ab his qui fores cubiculi obseruabant, patenter exceptæ sunt.

**Terræ Polesitarum et Pruthenorum
a Ducibus Christianis populantur.**

Lithuanis terræ Lublinen vastationi intendentibus, Leslko et Conradus Cracouia et Masouia Duces, terras Polesitarum et Pruthenorum forti potentia migressi, ipsas igne, spoliis, et cædibus populantur, nullam quoque a barbaris experti resistentiam, magnum captiuorum et spoliorum numerum in propria deducunt, et vicissitudinem dignam in Lithuanos, pro terræ Lublinensis vastatione, fœnore geminato reddunt.

*Vlturus ambitionem Ducatum suorum
Ducis Opoliensis Boleslaus Rudicus cum
magnis copiis omnē Ducatū illius prædatur.*

CLadium, quas pertulerat ad Boghim Et in Lublinen ora, Boleslaus Rudicus Cracouien' Et Sandomirien' Dux, magnam Et principalem occasionem Wladislaum Opolien' Ducem, quod militibus Cracouien' Et Sandomirien' rebellionem, et nouas res molientibus fauerat Et rebellionis eorum acceptator extiterat, fore ratus, omnem iram in illum, velut suum Principatum ambitorem vertit, contractisq; ex omnibus suis Prouinciis copiis, ferentibus illi personalia auxilia Boleslao Pio Galisien' Maiorisq; Polonia' Et Lestkone nigro Siradien' Ducibus, terram Opolien' infesto agmine, in die Sanctorum Simonis et Iudæ Apostolorum, ingreditur, Et vastationem latius quod potest, vicos et oppida vrendo, extendit. Ad ipsam quoq; Civitatem Opolien' accedit, et omnia suburbana eius peruastat et inflamat, ab expugnatione et obsidione abstinet, urere tantummodo tecta, et depopulari agros contentus, Non poterant multiplices fumi et flammantes aedes, Wladislaum Opolien' Ducem elicere ad pugnam, euidentem enim periculum, cum tribus simul Ducibus, expeditis et probatis milites habentibus, si ipse cum paucis decertare statuisset, metuebat, in pabulatores tamen Et milites, qui longius à Castris progressi agebant prædas sapius irruens, Et pallantes passim per agros, milites deuincens, multis incommodis cædibusq; Boleslai exercitum et cæterorum Ducum secum unā militantium affecerat, et multos aut obtruerat aut ceperat. Ab Opolien' Oppido continuato itinere, versus Kozle Et Ratiboriam itum est, nec antè vastationi finis datus, donec omnes terræ, Wladislaui Opolien' Duci parentes, peruastatæ sunt.

NICOLAUS Posnamiē Epus, cū annis nouem Pontificatum exercuisset, Posnamia moritur, et ibidem sepelitur. Cui Iohannes primus dictus Wiszkomiecz Sanctus Posn' per electionem Canonicam successit, à Gregorio Papa decimo, per fauorem et intercessionem Boleslai Pii Galisien' Ducis, Et Przemislai Posnamiē, Et Maioris Polonia' Ducis, prouisus, nobilis genere Polonus.

Przemislaus Posnamiē Dux gratia contrahendi matrimonii in terras Slavorum descendit matrimoniumq; perficit.

Matrimonium propter relinquendum successorem Przemislaus Posna-
mien Dux (unicus enim erat, a Boleſlao Pio Calisien Duce, qui et
ipse, quo ad virilem sexum infacundus, persuasus et instigatus)
cum annum tunc sedecimum expleisset, contracturus, in Slavorum terras
et ad oppidum Stetin, ad Ducem Slavorum Barwin, neptem suam, filiam vix
filiae, natam Henrici Ducis de Visczimicz, vel quemadmodum alijs placet
Nicolai Caszubitarum Ducis nomine Lukierdem, visurus, descendit. Et
cum tam mores quam forma virginis illi placuisset, accipit illam in comu-
gium, Celebratisq; in oppido Stetin nuptiis, illam in Posnamiam septima die
Iulii aduehit, quae et processionis honore a Cathedrali Posnamien, ceterisq;
Ecclesiis, Et a Boleſlao Pio Calisien Duce, necnon Baronibus Et Optima-
tibus Maioris Poloniae, obuiam illi euntibus digna reuerentia excepta est.

Anno Domini 1274.

Boleslaus Pudicus Crac, et Wladis-
laus Opolien, Duces, reconciliantur.

Recrudescbat inter Boleſlaum Pudicum Cracouien Sandomirienq; Et
Wladislaum Opolien, Duces, anno superiori ceptum et gestum bellum,
Et alter in alterius perniciem copias expediebat, Et arma vicinosq;
Principes Et vicinas gentes, aut necessitatis vinculo, aut donatiuo, con-
trahebat, maioribus propè odiis quam armis bellum gesturi. Cum Wladis-
laum Opolien Ducem, exusti spoliatiq; Principatus, Et recentes cineres
atq; fauilla, in sua et Baronum ora recidentes, Ducem verò Crac Bo-
leslaum Pudicum indignitas facti, quod Wladislaus Opolien Dux in sua-
rum terrarum occupationem aspirauerat, Et a nonnullis Crac militibus iniu-
stam deditiōnem acceperat, ad inferendum bellum stimularent. Boleſlaus
interim Pius Calisien Dux, quamvis partium Boleſlai Pudici Crac Et San-
domirien Ducis esset, dissidentes Duces cepit ad pacis et aequitatis viam
reducere, Et utriq; pacem persuadere. Quorum per plures tractatus et
fatigas, flamma tandem restricta, aequis conditionibus, quod apud nomina-
los vix possibile videbatur, redditus hincinde captiuis et damnis compen-
satis, pacem composuit.

Monrium Ordinis Cisterciē olim Nowin Dobram
appellatum in Polpin fundatur seu transfertur.

971
Quarto nonas Januarij Mszczugius Dux Pomeraniae in Castro suo
Szmiczie agens, Monasterium in Polpin in terris Pomeraniae et ter-
ritorio Tunauien, sub titulo et honore beatae Mariae virginis ordi-
nis Susterkien, olim Nomin Dobrani appellatum fundat vel potius transfert,
Dudum enim Samborius Dux Pomeraniae patruus germanus dicti Mszczugii
illud fundauerat, Et bona Pogotkow, Kobylow, et Koszmin donauerat.
Quod propter inhabilitatem loci Mszczugius in Polpin transfulit, et ampla
dote ac libertatibus magnificauit ~

*Puer hora natiuitatis suae et dentes habet et loqui-
tur, Verum in baptismo mox amittit utrumque.*

In Cracouien territorio prodigium nunciatum, plures in admiratio-
nem sui conuertit. Puer enim natus masculus, ipso natiuitatis suae
die et hora, dentes habere, verbaq; articulatae proferre comperit, est,
et utrumq; illi tam dentes quam sermo ad baptismum mansit. Quampr-
imum vero fonte sacro renatus exiit, illico excidentibus dentibus, etiam
sermo et loquela interdicit, triennio tandem expleto, vitam quoq; amisit.

*Lugduni frequens Concilium celebratur. In quod
Legati Graecorum et Tartarorum venientes, illi
ad unitatem fidei redeunt, isti vero baptizantur.*

Gregorius Papa decimus, pro utilitate terrae Sanctae, cuius recu-
perationi decreuerat personaliter intendere, ex urbe et Italia
in Gallias descendit, et in Lugduno Galen Maij Concilium, quod
ante biennium indixerat, celebravit, in quo Graecorum et Tartarorum ce-
lebres interfuere nuncii. Et procurante Palliologo, qui tunc Constantinopo-
li imperabat, Graeci ad unitatem fidei redire promittunt, in cuius signu
symbolum alta voce et cum sollemnitate decantauerunt, profitendo Spum
Scum a pre et filio procedere. Nuncii vero Tartarorum, infra Concili-
um baptizati ad propria redierunt. Numerus autem Praelatorum, qui
interfuerunt huiusmodi Concilio, fuit quingentorum Eporum, septuaginta
Abbatum, Et aliorum Praelatorum mille. In quo Concilio multa salubria in
subsidiu terrae Sanctae sancita sunt. Et tam transfretantibus in illius
recuperationem, quam conferentibus suas substantias, gratia anni lu-
bilei concessa, et trunci in ecclesiis Cathedralibus Poloniae ad colli-
gendas eleemosynas instituti ~

*Rudolphus in Regem Romanorum
electus per Papam confirmatus R.*

Sub idem tempus Rudolphus Comes de Anesburg circa partes Ba-
silicae, homo inter Almanos humilis sortis et generis, sed animi magni
et celebris in Regem Romanorum eligitur. Quam electionem Gre-
gorius decimus in fauorem terrae Sanctae confirmat. Et pro eiusdem Regis
quiete in Regno et subsistentia, Alphonsus Castellae Regem, de iure Im-
perii, pro quo deducendo multos sumptus et fatigas impenderat, cedere et in
suis manibus, renunciare, prece et persuasione impellit. Qui quietatus et
confirmatus in Regno, Cruce illico cum Principibus et Baronibus Almaniae
se insigniuit.

*Prutheni Culmenli terra vastata Henrici,
cum in super Magistrum Prussiae vincunt*

Culmensis terrae grauem vastationem, quam illi Prutheni barbari Mo-
cagenses per caedes varias, praedas, et ignes inferebant. Henricus
Magister Prussiae prohibiturus, congesta omni sua potentia, barbaros
praedam ingentem vehentes, insectari cepit. Quos apud Lubaniam offendens,
illorum agmen inuadit, verum barbari fuga simulata in vicinum nemus abeunt,
ex quo fortius Cruciferorum exercitum, vicisse se ratum, et ob id solutis or-
dibus dispersum, inuadunt. Et licet durum et longum certamen inter utrosque
commisum foret, Prutheni tamen Henrico Magistro, et Theodoro Marschal-
co pluribusque aliis de exercitu Cruciferico occisis, euasere victores, sed et
praeda quam tulerant in suam regionem transuexerunt. Et licet in subse-
quenti tempore Dux Brunswiciensis, item Lanthgrauius Thuringiae, item Rex
Bohemiae, item Marchio Brandeburgensis cum filio, cum suis potentius Christia-
nis venissent in auxilium, nulla tamen re memorabili propter hyemis molitiem
et intemperiem, adita, in regiones suas abierunt. Marchio tamen Brande-
burgensis castrum et oppidum constituit, quod Brandenburg appellauit.

*Thomas de Aquino ad Concilium Lugdu-
nense vocatus in itinere mortuus est.*

Clarissimus et rarae excellentiae vir, tam in doctrina quam in vita, Tho-
mas de Aquino Ordinis Praedicatorum, Doctor insignis, post multos scri-
pturarum sacrarum, quibus Ecclesiam Dei multipliciter illustrauerat, labores,

ad Lugdunen' Concilium per Gregorium Papam decimum vocatus, dum ex Neapoli ubi degebat, Lugdunum perrecturus in Campaniam peruenisset, graui languore correptus, cum sui ordinis Monasteria de propere non extarent, ad Monasterium Cisterciens' ordinis, quod Noua fossa appellatur, diuertit. Et ingrauescente aegritudine, et cum ingenti deuotione, mentis quoque et corporis, qua semper splenduit puritate, moritur, Et in Presbyterio Altaris maioris Monasterij praedicti, honestissime sepelitur. Cuius sanctitatem clemens Dominus, multis miraculorum illustrauit splendoribus.

Anno Domini 1275.

Griphina consors Lestkomi nigro per
Boleslaum Pudicum reconciliatur.

Separatione qua se Griphina Ducissa, Lestkomi nigri Ducis Siradien' consors, obiecta illi frigiditate et impotentia, quadriennio iam transacta, seiunxerat, Boleslaus Pudicus Cracouien' et Sandomirien' Dux moleste ferens, ignominiam et dedecus, propterea fratri suo Duci Lestkoni nigro iniustam, abstersurus, in Siradiam personaliter descendit, Et tam per se quam Barones Crac', qui illum comitabantur, tractatibus interpositis, Griphinam Ducissam Duci Lestkoni nigro sexta mensis Augusti conciliat, et altercationes inueteratas et iurgia inter illos, prouida ordinatione rescindit, et coniugalem utriusque instaurat et ordinat charitatem, quae extunc ab utroque sincere et custodita, et usque in diem mortis seruata est.

Boleslaus Calvus alteram ducit
uxorem, quae adulterium illius
perosa ad patrem regreditur.

Hedwigis filia Henrici Comitis de Anhalt, uxor Boleslai Calui seu saui Legnicen' Ducis moritur, et in Monasterio fratrum Praedicatorum in Legnica per praefatum Boleslaum Ducem Legnicen' fundato sepelitur. Quamuis autem ex illa prolem, tam virilis quam feminei sexus suscepisset, in alteras tamen nuptias conuolat, et Adleydam virginem filiam Samborij Ducis Pomeraniae, sibi assumit leuo et infalici auspicio in uxorem. Haec etsi honestis moribus fuerit: propter consuetudinem tamen stupri, quod cum muliere adultera virum habente Boleslaus habuerat, illam habuit.

multipliciter infensam et exosam. Quæ viri contumelias et pellicis indigni-
tatem non ferens, Boleslaus deserto, in domum paternam dum aliter nequi-
ret, peditando rediit. Adeo enim præfata concubina et adultera Bolesla-
us ipse, per incantationes et carmina infasciatus, et illaqueatus ferebatur
amore, ut alioquin vir natura sauerus et ferox, libidine illius domitus, omnia
ex suo arbitrio egerit. Ex cuius etiam concubitu filium spurium susceptum
Jaroslaum vocavit ~

**Concilio Lugdunen' finito Gregorius
X. Papa moritur et fulget miraculis ~**

Lugdunen' Concilio in Galliis exacto, Gregorius Papa X. ex Lugduno in
Viennam venit, abinde Lausumpum, consequenter in Lombardiam di-
uertit, ex Lombardia Tusciam Aretium perueniens, infirmatur, et
ex languore continuo, quarto Idus Ianuarii moritur, et in Ecclesia maiori Aret-
ij sepelitur. Cui etiam gratia celestis illam virtutem præstitit, ut per inuo-
cationem sui nominis operetur in plerisque locis miracula. Sedit autem an-
nis quatuor diebus decem, accipiendo tempus quo Pontificio usus est, non
quo fuit creatus, inter creationem siquidem et acceptationem tres menses
effluxerant ~

**Puer semestris Tartarorum ad-
uentum Cracouia prædixit ~**

Prodigium eo anno nunciatum, multos pauore nimio concussit, apud
Cracouiensem siquidem urbem puer vix semestris in vocem articu-
latam prorumpens, Tartaros superuenturos, et Polonorum capita præ-
cisuros, prædixit. Quasitus ab astantibus unde id nosset, Diuino oraculo se-
fretum ista nosse respondit. Interrogatus deinde, an et ipse Tartarorum
aduentum pertimesceret. Quam maxime se timere adiecit, cum etiam inter
alios suam forent ceruicam præcisuri ~

Anno Domini 1276.

**Castra Greifenstein, Krosno, & Przin,
ad Ecclesiam Maydeburgensem deu-
luta per Henricum Wratislauien-
sem Duce[m] ab obligatione liberantur ~**

971

In graue et moleſtum faſtidium, Caſtrorum & oppidorum Kroſna, Greiſenſtein, et Przin, in manus externas deuolutio, apud Ducem, Sleſia pectora aſcendens, ne Caſtra et oppida huiusmodi à Polo-
nia alienarentur per ſuccedentia tempora, Regno aſſiduam ſollicitudinem ſcrupulumq; non Ducibus ſolùm ſed et Baronibus militariſq; Sleſia iniecit. Magnitudo quoq; et grauitas ſummæ, ſed et conditio ſpiritu-
alis et Eccleſia, cui per obligationem addicta erant, quoties recenſeban-
tur, et anxietatem ampliorem, pauoremq; pro alienatione, et deſiderium
altius pro rehabilitatione, accendebant. Quis tamen foret liberandi Ca-
ſtra et oppida obligata modus, non ſatis proſpici poterat, Et Conrado
Glogouien, de cuius proprietate et ſorte erant, et Boeſlao Legmice-
Ducibus, et tenues facultates habentibus, et alieno ære grauatis, Hen-
rico itaq; quarto, Henrici ſecundi à Tartariſ occiſi, ex filio Henrico
tertio nepoti, Wratiſlauien Duci, munus id deſtinabatur: quod et ſor-
te ſui Ducatus præſtantior, et pecunia in pubertatis tempore, à Curatori-
bus collecta, opulenti-
or cenſebatur. Is itaq; et conſiliis Baronum ſuorum,
et ſpe dilatandi finem ſui Ducatus inſtigatus, Conrado Maydeburgen
Archiepo decem millia florenorum exoluit, et Caſtra atq; oppida Kro-
ſnam, Greiſenſtein, et Przin, de obligatione liberans ſui iuris facit.
Quod quantum commoditatis Rebusp. Polonorum præſtitit, tantum di-
ſpendii præſati Henrici Ducis Wratiſlauien priuati cauſauit, utroq;
Duce et Boeſlao Legmice, Et Conrado Glogouien, iam tunc felicitàti
et incrementis rerum ſuarum vehementer inuidente ~

*Mors militis cuiusdam Polo-
ni inſoliciſſima ~*

Miles quidam Polonus ſauus et impius, in proprios ſubditos et exte-
ros, de vita futura nihil penſi gerens, cùm aſſiduis præuariatio-
nibus an Deum peccaret, conſiteri et pænitere pro ludibrio ducens,
etiã iras in ſe cæleſtium coaceruaſſet, in grauem incidit languorem. Sed
nec tunc quidem ſclerum conſcientia actus, quicquam ſibi de impetranda
propiciatione Diuina, ratus ſe ſuperuicturum, et ſuas transgreſſiones reſum-
pturum, proſpexit. Inualeſcente tandem morbo, frēs Prædicatores, per
conſortem illius pro ſananda ægra mente acciti, militem ad pænitendum
multifariè per ſalutaria monita inducebant. Quibus miſer homo commo-
tus, ſerius, inquit, ad pænitendum me impellit, ſerius confeſſionem iudica-
to iam et damnato ſuadetis, cùm pænitiæ et gratiæ tempore effluo,

confessionis et penitendi spatio mihi subrepto, iusto Dei iudicio in potestatem Spirituum tenebrarum traditus sum. Virgentibus deinde maiori instantia agrum fratribus, et ne qua desperatione commissorum facinorum, a confitendo et penitendo abstraheretur, opem Diuinam si peniteret et confiteri vellet, pollicentibus, extremam edidit vocem. Frustra, inquit, ingeritis de confitendo momenta, proprio exuto et spoliato arbitrio, etiam in Daemonum potestate consistenti, a quorum cateruis supereminentibus torquendus et flagellandus appetor. Audita illico sunt percussiones horrendae, ictus frequentes, et atrocissima ex sonitu et collisione atque reciprocatione flagellantium verbera, et in agri corpore licores, plagae, et vulnera a fratribus, et aliis circumstantibus visibilibus, ab inuisibilibus tortoribus illata, conspecta. Inter quae ille infelix et execrandus homo nec vocem nec gemitum edens, miserabiliter expirauit. In quo beatissimi Augustini sermo pro Diuino oraculo cuiuslibet peregrinanti, retinendus, impletus est. Haec est, inquit, iustissima lex Dei, ut qui viuendo obliuiscatur Dei, moriendo obliuiscatur sui.

*Hyems in sueta tempore in solito
Cracouiae ~*

Frigore immenso et sine exemplo Cracouiae Prouinciam in fine Septembris praementis, sexta deinde Octobris die, tanta niuium congeries descendit, Alpibus Sarmaticis, qui Poloniam et Hungariam diuidunt, et alijs quos Thatri appellamus de Kezmark sitis, insolitum caeli rigorem augentibus, ut omnem regionem spissitudine grossa vestiret, et pro autumno gelidam hyemem induceret.

HELENA alias Iohelith Ducissa, consors Boleslai Pii Galisien Ducis, partum famineum, dum maxime virilis desideraretur, apud Castrum Calisz peperit. Ob quod quidem puerperium, Boleslaus Pius Galisien Dux, solennitate baptismali instituta, plures dies in hilaritate deduxit, et natam filiam Annam nominauit.

Rudolphus Romanorum Rex quarundam Prouinciarum repetendarum gratia in Austriam venit, cum Przemislao tandem reductus in gratiam, eam a Hinitatis iure confirmat ~

977

Romanorum Rex Rudolphus Austriam, Stiriam, Carinthiam, Portum
 Naoniam, et Forum Iulij, quæ à Przemislao aliàs Othokaro Bohe-
 miae Rege, propter matrimonium cum Margaretha Leupoldi Austriae
 Ducis filia contractum, licet temporis processu dissolutum erat, possidebantur,
 asserens ad Imperium pertinere, mittit nuncios qui requirerent, ut faceret hu-
 iusmodi terrarum cessionem. Quo superbius respondente, Rudolphus Romano-
 rum Rex, potentius Imperii coadunatis, armis terras negatas proponit se quasi
 tutum. Ad cuius transitum prohibendum, dum Przemislus Bohemiae Rex exer-
 citum de suis, solus ipse Venationes domi tractaturus, versus Teplam
 transmisisset, Rudolphus Rex Rom. per alteram partem Danubij, Austri-
 am ingressus, multas Civitates et Castra, aut per vim aut per deditiorem con-
 quirit. Qua re Przemislus Bohemiae Rex permotus, et ipse personaliter
 in campum descendit. Et Rudolpho Rege circa Linz stativa habenti,
 ipse in altera parte Danubij Castra ponit. Vbi per Imperii et Bohemiae Ba-
 rones, pax inter Reges tractata et conclusa, affinitate etiam quo diuturnior
 esset firmata est, ut Rudolphus filio suo filiam Regis Bohemiae Agnethem,
 et filius Regis Bohemiae filiam Regis Romanorum Gutham, uxores despon-
 sent. Bohemiae Rex terris, pro quibus bellum natum est, cedat. Qua quidem
 pace ordinata uterq; exercitus regiones suas repetijt.

Innocentius V. Papatum quinq; men-
 bus tenens moritur, Cui Adrianus V.
 Succedit. Hic breuius multo vivens dece-
 dit tertius eligitur, et Ioannes XXI. vocatur.

Ad sedem Romanam, ex morte Gregorij X. vacantem, vigesima pri-
 ma Ianuarij die, frater Petrus de Tarantasio, Ordinis Praedicato-
 rum natione Burgundus, Cardinalis, Eps Ostien, vir magnae religio-
 nis et doctrinae, apud Aretium conclaua celebrantibus Cardinalibus, electus,
 et Innocentius quintus appellatus est. Qui post electionem de Aretia cum
 Curia recedens, venit Romam, ubi in ecclesia Scti Petri coronatione suscepta,
 in Lateranum se transfert, ibiq; quinq; tantummodo mensibus, et duobus die-
 bus in Papatu exactis, cum multa et insignia in animo facere destinasset, pre-
 ter suam et aliorum spem, vigesima secunda die Iunij moritur, et in ma-
 gna gratia Collegij, praesente Carolo Siciliae Rege in Laterano sepelitur.
 Deinde vigesima octava die Iunij, Othobanus Diaconus Cardinalis, natio-
 ne Lanuensis, et Innocentij quarti nepos, in Palatio Lateranen in Papam
 assumitur, et Adrianus quintus vocatur, qui solum in Papatu, uno mense

et nouem diebus uiuens, antequam ordinaretur in Sacerdotem, sine Corona.
tionis et consecrationis munere Viterbij moritur, et ibidem in Monasterio fra-
trum minorum sepelitur. In cuius locum in fine mensis Septemb. Petrus Lu-
liani dictus Hispanus, Cardinalis Epus Thusculanus, natione Portugali-
de Ciuitate Vlixbona ortus, et Ioannes XXI. nominatus, suffectus est. (re-
ricus vniuersalis, sed in sermone praeceps, et parum in moribus grauis, re-
ligiosis quoque minus fauorabilis, doctrina medicina multos antecellans.)

*Vigesima pars prouentuum per
Papam a Clero Poloniae exigitur.*

Nondum Innocentius Papa quinto rebus humanis absumpto misit praefa-
tus Innocentius V. fratrem Gotthfridum Teutonicum, ordinis Praedica-
torum unum ex Praedicatorum minoribus in Poloniam. Qui ab Episcopis
et vniuerso Clero Ecclesiae Polonicae vigesimam partem reddituum, iuxta
veterem Ecclesiarum et beneficiorum taxam, pro subsidio Ecclesiae Roma-
nae exegit, quam Innocentius V. mortuo, successoris suo Adriano V. praesentauit.

Anno Domini 1277.

Boleslaus Caluus Legnicen Dux inui-
dens auctis nepotis Henrici Probi Ducis
Wratislauiensis diutius, illum per insidias
captiuit. Quem liberaturus Wratislauienses,
cum auxilio omnium Poloniae Ducum con-
Boleslaum arma mouent, et a filio eius
Luperantur, capto Duce Polnamien. Tandem
donata Ciuitate Kloczko perpetuo Regi
Bohemiae fit concordia per Regem inter
Duces et Henricus liberatur datis mul-
tis oppidis Boleslao Duci Legnicensi.

Amplitudinem tam Principatum quam opum, qua Henricus quartus
Wratislauiensis Dux vocatus Probus, cum ex paterna et patris suc-
cessionem in vniuersum Wratislauiensem Ducatum, tum ex coemptione
Districtuum Gosnen, Greifensstem, et Brzin, ad muidiam usque creuerat,

Boleslaus Saluus seu Savius Legmiceſ Dux patruus ſuus germanus non ferens,
 cum nonnullis Wraſiſlauiens militibus hiis præſertim, qui Henricum ter-
 tium præm Henrici quarti, et patruum Wladislaum Archiepū Salczburgenſ
 inſimulabantur veneno ſuſtulſſe, in captivitatem Henrici Probi Wraſiſla-
 uienſ Ducis, verentibus militibus facinus in patre et patruo patrulum à filio
 ultum iri, conſpirat. Aſſerens Henricum Probū nepotem, ex morte Wla-
 diſlai Archiepi Salczburgenſ, portionem Ducatus Wraſiſlauienſ, æquē ad ſe
 et Conradum Glogouienſ Ducem alterum frēm deuolutam, præter æquum et
 iuſtum uſurpaſſe. Opportuno itaq; tempore, quo deſtinata perficeret
 explorato, Henricum Probū Wraſiſlauienſ Ducem, nihil minus quā,
 patruus verentem inſidias, ſecurius in villa et Curia ſua Leſche quie-
 ſcentem, iuſſis Satellitibus et latrunculis, feria quinta ante Dominicam Qua-
 dragimiſem Remiſcere duodeciſmo Calē Martij, in nocte ſoporatum, à
 lecto abſtrahit, capitiq; et captum in Caſtrum ſuum Lehen deductum, in di-
 ra vincula conſcit, ratus onere et grauiamine vinculorum Henricum
 nepotem ad cedendum de certis Caſtris, oppidis, et Diſtrictibus impelli poſſe.
 Captiuitatem Ducis ſui Henrici Probi, Barones et milites Wraſiſlauienſ
 ulturi, et illius liberationem procuraturi, bellum con' Boleslaum Saluum
 Legmiceſ Ducem indicunt, et pro illo regendo, quo maiore poſſunt vi et
 conatu, armantur. De propriis autem viribus diſſiſi, à Boleslao Ludi-
 co Cracouienſ et Sandomirienſ, Boleslao Pio Calisienſ, Przemſlao Poſna-
 menſ et Gneſnenſ, Conrado Glogouienſ, et Wladislao Opolienſ Ducibus,
 varijs ſupplicatiōibus interpoſitis, obtinent ſe iuuari. Duces enim præſa-
 ti, ſcelus Boleslai Sæui Legmiceſ Ducis, in nepote contra ius faſq; admis-
 ſum, magna execratione deſtaſti, Wraſiſlauienſ petita et promiſſa gen-
 tium ſuarum ſubſidia deſtinarunt. Boleslaus autem Savius Legmiceſ Dux,
 ſentiens aduerſum ſe per Wraſiſlauienſ, magnum apparari bellum, et quinq;
 Poloniæ Duces ſuis gentibus Wraſiſlauienſ adiuturos, capit et ipſe enixius
 apparare bellum, et Miſnenſ, Bavaros, Sueuos, donatiuo in ſui auxilium
 inducit. Tuſſet et Ioannes Marchio Brandeburgenſ, cum ſua gente Bole-
 slao Duci Legmiceſ ſuffragium, ſed Wraſiſlauienſ Barones, à ferendo ſub-
 ſidio illum auerſuri, quatuor millia marcarum dare illi paciſcuntur. Et cū
 parato ære pacta ſeruare non poſſent, Caſtrum et oppidum Krosnam in
 ſumma promiſſa illi obligant. Boleslaus itaq; Legmiceſ Dux, ne condu-
 cta ex Almaniſ gens copioſa fruſtra ſtipendium perciperet, primis copias
 ſuas, adiuuantibus illum filiis ſuis Henrico vñ, Boleslao et Bernardo
 eduxit, et terram Wraſiſlauienſ hoſtili vaſtatione aggreſſus ſpolijs et ricen-
 diō vexare cæpit. Contra quem Wraſiſlauienſium copie, populationē ſuorum

agrorum prohibita, egressa, in campestribus inter Skorolcz & Troczanum concurrunt. Sabbato quoque in die Sancti Georgii infestis signis committunt. Magnis viribus ab utrisque certabatur, tantusque fuit utriusque pugnantium ardor, ut penè usque ad interemptionem partis utriusque, neutra parte pedem referente, conflictus duraret. Eade quoque ingenti Boleslaus Legnicen. Dux suorum conspecta, ad extremumque suos suspicatus vincendos, cum uno tantummodo comite, ne in Wratislaviensem veniret manus e praelio diffugeret. Filius tandem suus maior natus Henricus, & Ducis & militis officium gerens, pugnam in locis pluribus, vel destitutam vel labantem, restituit. Animo deinde pertinaci, constantem se exhibens, Wratislaviensem et eorum auxiliares, Cracoviensem, Sandomiriensem, Galisiensem, Posnaniensem, Glogoviensem, & Opoliensem milites, peruenit et debellavit, atque plures de militibus auxiliariis, turpe fugere ratis, capit. Strages in eo praelio maior quam pro numero adita est, ut Legnicensem quamvis victores cruenta victoria obtenta, victis insultare nequiverint. In eo praelio Przemislaus Posnaniensem Dux captus, et plures milites suae ditionis. Perculsi ea clade Wratislaviensem ad Przemislaum alias Othokarum Bohemiae Regem auxilia petitori diuertunt. Et quo fidior parti eorum esset, cum velut avunculus germanus Boleslaum Legnicensem Ducem archiori affinitate contingeret, Castrum et oppidum Kloczko, morte sua in Henricum quartum Ducem Wratislaviensem revolvendum, tradunt. Cuius interpositione et opera constituto apud Kloczko placitorum die, pax inter Boleslaum Legnicensem, et Henricum Probum Wratislaviensem, Duces, sub his conditionibus, licet Henrico quarto Probo parum acquiescit, (iam enim Boleslaus Legnicensem Dux ex victoria insolentior factus fuerat) componitur. Ut Boleslaus Legnicensem Dux, nepotem suum Henricum Probum Ducem a captivitate solvat, Duci quoque Posnaniensi Przemislao & militibus in praelio apud Skorolcz captis, captivitatem remittat. Henricus Probus patruo suo Boleslao Duci Legnicensem de Castris et Civitatibus Strzegom, Novouo foro, Strossa, Greifenberg, Trzin, & Geswmdorff, perpetuo cedat. Quibus stabilitis, et ab utroque Duce acceptatis, Henricus quartus liber, tati pristinae restitutus, Krosnam a Baronibus suis Ioanni Brandeburgensi Marchioni, ne arma contra eos ferret, obligatam, volens redimere, coactus est praefato Ioanni Marchioni damna, sumptus, et expensas iniustas computanti, sex millia marcarum persolvere, cum tantummodo in quatuor millibus extiterat obligata. Nonnullos vero suos milites, et signanter Ianusium de Misch, Thomam, Ioannem, Terzucham, & alios qui cum Boleslao Legnicensem Duce contra eum sensisse instimulati sunt, captivat et gravi carcere mulctat. Ex eo autem tempore Arx et oppidum Kloczko, in Bohemiae

Regis Przemislai, usq; ad obitus sui diem, consistebat potestate, et in propri-
etatem Regni Bohemiae, quantum ad temporale Dominium, in ditionem vero et
Diocesim Pragen, per vim et nefas usq; ad nostra tempora concessit, a Regno
Poloniae quantum ad temporalia, a Diocesi autem Wratislavien quantum
ad spiritualia, Thoma secundo Epō Wratislavien iniuriam huiusmodi
et suae Diocesis mutilationem notabilem ferente magis quam rescindente,
abstracta ~

*Lithuani terram Lanciciensem
impune vastant ~*

Cladi ex civili Ducum Poloniae bello accidenti, alia aequae faeda
quasi una super alteram, in eum annum cumulate fortuna clades
accessit, Lithuani enim gentiles in multitudine gravi terram Lanci-
cien, quae tunc a Duce Lemomislao, filio Casimiri Ducis olim Cracovien, frē
germano Leszkonis nigri Ducis Siradien tenebatur, subito et inopinatē in
festo Scti Luca Apostoli et Evangelistae ingressi, eam gravi caede, graviq;
spolio, tota etiam urando pervasant: ad societatem quoq; nemine opponen-
te resistantiam, in eius depopulatione grassati, caesis senibus et impuberibus,
magnum utriusq; sexus numerum mortalium, ad quadraginta millia anima-
rum aestimatum, simul cum pecore et suppellectili, in servitutem miserabilem
abducunt ~

Caelum media nocte apertum ~

Alud Cracoviensem urbem in Circumsionis Dni nocte media, apertum
caelum luce ingenti resplenduit, et non solum Cracovien civitatem,
sed et universam, delectabiliter iuxta ac in media die Cracovien
regionem illustrans, breuiq; decidens, prodigii loco habitum est ~

*Ioannes Papa dum in seipso delectatur ab
aedificio collapso oppressus, Nicolaum III.
post sex menses electum habuit successorem ~*

Ioannes Papa vigesimus primus, cum mensibus octo, et diebus ali-
quot sedisset, et in Viterbio cum curia consisteret, ingressus cameram,
quam praeter Pontificale Palatium Viterbij, splendide nimis ipse
aedificauerat, respiciebat seipsum, ac totus soluebatur risu, quasi glorians

in seipso. Tunc subito camera super eum collapsa, ipsum oppressit, qui inter lapides et ligna collisus, sexta die post casum expirat, sua intentione fructu stratus, quoniam credebat, in sua confidens cum arte tum prudentia et doctrina (quem admodum multoties ipsemet asserere solebat) longose tempore in Papatu victurum. Vir etsi parua sapientia, humilis tamen, et qui cum singulis quantumcumque tenuibus, dummodo literati assent, conuersari non dedignabatur. Sepultus autem est Viterbij apud Ecclesiam Scti Laurentij, et vacauit sedes propter discordiam eligentium per sex menses, vnde ab hebdomada Pentecostes, usque ad festum Sctae Catharinae. In quo festo Ioannes Gaiethani tituli Scti Nicolai in Carcere Tulliano Diaconus Cardinalis natione Romanus, de Domo Ursinorum, electus est, Et Nicolaus tertius appellatus. Qui statim Viterbio egressus, et Romam veniens, in Basilica beati Petri in die beati Stephani Protomartyris in Presbyterum ordinatus et subsequenti die Dominico coronatus est. In moribus vir multum compositus, unde et apud multos appellabatur *de pulchrioribus mundi* sericus unus, de magna prudentia et matura responsione commendatus. Religiosorum sed praesertim minorum et Praedicatorum singularis fautor et amator, praecipuus elemosynarius. Qui constitutionem Gregorij X. de non assumendis de Domo Columnarum Cardinalibus reuocans, Iacobum de Familia Columnarum, creauit in Cardinalem.

Theodorico Prussiae Mgro mortuo Conradus in locum illius eligitur. Sub quo dum duo Duces Prussiae suspenderentur capti, tertius terram Culmen vastans, cum Conrado et Cruciferis congressus, victoriamque obtinens tria Castra comburit.

Absumpto Magistro Prussiae octauo Theodorico de Gatisleue, Conradus de Thirberg nomen assumitur. Sub quo Duces Prutenorum, unus Henricus de Naktaga, alter Clippe dictus de Szenaua, regionibus, capti, a Cruciferis in patibulum acti, vitam iugulo consumunt, tertius Diuam de Barthena, duorum necem miserabilem ulturus, terram Culmensensem cum copiis tam equestribus quam pedestribus submitrans, graui exterminio sub paucis diebus in illam grassatur, a Conrado Mgro Prussiae et eius exercitu inuasus est. Pugna autem conserua licet Cruciferi pro referendo triumpho operam nauassent, duodecim tamen Cruciferi et quingentis Christianis caesis, caeteris cum Conrado Mgro in fugam versis barbaris victoria obtigit. Nec multo post tempore effluxo, Prutheni barbari Castrum nouum, quod inter Culmen

et Lomesanien oppida, a Mgro Conrado, magnis sumptibus erectum erat, itz
Castrum Radzim, item Castrum Vartemberk, fortissima et constanti impugna:
tione usi, conquirunt, Et omnes Cruciferos et Christianos, in praefatis Castris re:
ptos, rabie barbarica interimunt, Castra vero conquisita, neq; tenere neq;
tueri ausi, igne consumunt, et in propria remeant ~

Anno Domini 1278.

Boleslaus Pius Galisien Dux
terras Brandeburgen depopu:
latur, et copias Marchionis frangit ~

Castri Santok quod in eam usq; diem a Brandeburgen Marchionibus
detinebatur, iniustam extructionem Boleslaus Pius Galisien Dux vitu:
rus, frequentes insuper iniurias, quibus Saxones Poloniae fines laceffe:
bant, restricturus, bellum contra Brandeburgen Marchiones indicit, Et non
solum ex proprio Galisien, sed et nepotis sui Przemislai Posnamien Ducis Princi:
patibus, equestres et pedestres copias ad id bellum armat. Sed et Mszczugium
fratrem suum Pomeraniae Ducem, cum omnibus Pomeranicis gentibus, persona:
lem sibi facere assistentiam requirit. Omnibus tandem copiis, et maioris Po:
meranicis convenientibus, Boleslaus Pius Galisien Dux, Przemislao Posna:
mien Duce, in Ducatibus ad omnes casus relicto, ipso Duce Pomeraniae Msczu:
gio comitatus, in terras quas Brandeburgen Marchiones, citra Odram occu:
pant, descendit, et illas igne et spoliis vastare capit. Cum autem usq; Sol:
dinum procesisset, Otho Longus, filius Ottonis tercii, cum Saxombus et alijs
suis auxiliariis illi occurrit. Vbi praelio commisso, cum multo inferior viri:
bus esset, facile a Boleslao, et suo exercitu victus, in castra et munitiones re:
fugiens, fortunam belli amplius tentare distulit. Boleslaus Dux et spoliis et
victoria, multisq; captivis potitus, omni terra citra Odram fluvium peruasta:
ta, et sufficienti pro suis iniuriis reddita vitione, in terras suas, spoliis ex aequo
cum Mszczugio Duce et Pomeranis partitis, remeavit ~

SAMBORIVS Dux frater Smantopelci Et filius Mszczugii, per se:
cutionem grauem nepotis sui Mszczugii pertulit, quem illi Deus in aduersarium
suscitauerat. Qui ab eo fugatus de terra, et a Cruciferis re collectus, in Tho:
run aliquanto tempore stetit. Ab inde vero sub dissimulato habito, intercipi
se enim a Cruciferis verebatur, discedens, ad filiam suam Crivariae Ducissam

confugit, et illic defunctus apud Iuminoladisslauiam extat tumulatus.

**Boleslaus Calvus Dux Legnicen' mo-
ritur, cuius mores et vicia explicantur.**

Brevi et modica ex Castris, oppidis, atq; possessionibus, quæ Boleslaus Calvus Legnicen' Dux, a nepote suo Henrico Probo Wratislaviæ Duce, post victoriam de eius gente obtentam, exegerat, voluptate et usu potitus, ex languore et semo apud Legniczam moritur, et in Monasterio fratrum Prædicatorum à se fundato sepelitur. Vir violentus in proprios et externos, fædo pellicis amore, usq; ad mortem vincitus, adeo corrupti et velocis sermonis, ut plerumq; audientes in risum et cachinum solueret. Tortuosus in factis et moribus, et in iudicando non cognita iustitia, in causis præsertim sanguinis præceps, unde non solum Sævus, sed et Rogatka, quod in Polonico cornutus significat, à plerisq; vocitatus. Tres filios superstites, quarto Conrado in pueritia mortuo, ex Hedwigi filia Comitis de Hanhalt susceptos, relinquens, vñ Henricum Legnicen', qui Crassus et ventrosus, quasi abdominis pinguis, appellatus, Boleslaum Smidmicen', et Bernhardum agilem, Tanta siquidem inerat illi agilitas, ut quatuordecim robora in aliquo adificio in sursum locatōnis ordine erecta, cursu præpeti conscenderet, et resiliens in pedibus fixus staret. Habuit ex præfata Hedwigi de Hanhalt uxore sua, quatuor filias. Quarum Agnethem unam ex eisdem filiabus Comiti de Wartemberg tradidit, alteram Hedwigim Conrado Masovia' Duci filio Semoviti, filii Conradi desponsavit, tertia Anna in Trzebnice' Monasterio ordinem professæ, et tandem Abbatissa, quarta Catharina in iuventute mortua apud Prædicates in Legnicza sepulta.

**Boleslaus Masovia' Dux, Henrici
Ducis copias sternit fugatque.**

Boleslaus Dux Masovia' anni huius æstate, habens secum in auxilio et Comitum Vladislaum Siradien' Ducem, Henrico Glogowien' Duci bellum infert, et circa Castrum Szermwin secum confligit, omnemq; potentiam Henrici Ducis prostermit. A Martino Abbate Luben' et Ierszowien' de hostium clandestina irruptione avisatus. Cuius beneficij Dux Masovia' Boleslaus memor, præfato Monasterio suo Luben' et Ierszowien' de consensu Semoviti et Troideni, plures libertates Privilegio suo contulit.

*Papa in Archiepū Gnesen neglecto
præsentato fratrem Martinum Ordinis
Prædicatorum eligit et confirmat ~*

*N*icolaus Papa tertius, quamvis ad providendum vacanti Ecclesiæ Gne:
sien de Pastore, per literas Boleslai Galisien, et Przemisien Posna:
mien, Ducum Maioris Poloniæ, de persona Philippi Præpositi Gne:
sien sollicitaretur, ipse tamen cū esset in fratres Prædicatorum exi. fauo:
ris, fratri Martino ordinis Prædicatorum genere Polono, uni ex minoribus
Penitentiarijs de illa providit. Sed is urbe in Archiepū consecratus, egres:
sus, dum in Poloniam pergeret, in Thuscian partibus, apud Bononiam mis:
mitate correptus, fato absumptus est. Et in Bononien Conventu frūm Prædi:
catorum, propē Sacristiam sepultus ~

Monstrum in lacu apud Crac' captum ~

*A*lud Cracouien Diæcesim, lacus quidam et in longum et in latum notabi:
li spacio porrectus, et infestatione Dæmonum, a piscatura et usu illius,
homines varijs terroribus et impedimentis arcentium, infamis habeba:
tur. Cū itaq; eo anno hyems solita asperior prouenisset, piscaturam lacus
præfati tentaturi viciniore, quinq; Crucibus et Sanctorum reliquijs, atq;
vexillis assumptis, lacum accedunt. Et laxatis retibus in capturam, pri:
ma quidem vice magna adnitentia et labore, sagenam velut gravidam
trahentes, tres tantummodò pisciculos percipiunt. Altera laxatione sagenam
in orbem contorta contractaq; casso labore sudarunt. In tertia verò, quæ
et ipsa maximam nigerbat trahentibus fatigam, captum et extractum mon:
strum terribile apparuit. Cuius oculi rubri, ignei, et flammigeri, ceruix in
caprarum caput desinebat. Quo viso uniuersi qui conuenerant, ingenti pa:
uore attoniti sunt, ut crucibus et vexillis relictis, pallati et tremebundi,
quod quemq; sors ferret, diffugerent. Quorum nonnulli morbidis ulceribus
fuere affecti. Monstrum autem terrore hominibus ingesto, in aquam subitus
glaciem desiliens, et per lacus amplitudinem, quasi pennigero volatu discur:
rens, strepitum etiam et sonitum horribilem ædebat ~

*Przemislaus Bohemiæ Rex fracto cum Rudol:
pho Romanorū Rege foedere Austriam cū exer:
citu ingreßus à suis proditus, per Rudolphū Be:
gem sternitur et occiditur. Cui filius eius succedit ~*

Pacis et fadere, quibus Przemislaus alias Othokarus Bohemiae Rex pacem cum Rudolpho Romanorum Rege composuerat, irritatis, vexabant enim Przemislaum cordacis spiritus virum, Austria, Stiria, Carinthiaque Provinciae ademptae. Bellum itaque ex integro, spe recuperandarum ademptarum terrarum, a nonnullis etiam Baronibus Bohemiae, callido magis quam sano consilio, ad id bellum incenditibus, renouans, cum omni Regni sui potentia in Austriam venit, et eam rapinis et incendijs vastare capit. Admoto demum exercitu ad Castrum Drosendorff, illud celerrime expugnat. Quo Rudolphus Romanorum Rex comperto, exercitum et ipse ex omnibus Imperij terris congregat, et Danubio transito Przemislaum Bohemiae Regem, ad flumen Moraua statim agentem, occupat, et multitudine exercitus fretus corona cingit. Erat Przemislaus Bohemiae Regi quidam Baro Bohemus Milotha de Dziedzicz, et ex inueterato odio et rancore infestus, cui nihil hostile Przemislaus suspicatus, Morauiae gubernationem commiserat. Is cum nonnullis alijs, ad nouandas res aspirantibus, proditorie se gerens, Rudolphum Romanorum Regem, de singulis, quae apud Bohemicum exercitum agebantur, auisabat, spondens se etiam in fauorem suum, proprium Regem Przemislaum, si decernendum duxerit deserturum. Rudolphus interea Romanorum Rex, eadem Catholicorum horrens, mittit ad Przemislaum Regem nuncios, qui monerent, ut ad bonam mentem rediens, cum fortiori, suorum etiam infidijs septus, signa conferre omitteret, Sed Przemislaus eo nuntio inflatior, altera die illucescente, quae fuit vigesima septima Augusti, cum Rege Rudolpho dimicat, et multis in conflictu hinc inde caesis, Rudolphus praeualet, et Przemislaus a Milotha, et alijs eiusdem factionis Bohemis desertus, fortissime ut labantem pugnam restitueret dimicans, occiditur, et Pragam reductus in maiori Ecclesia sepelitur. Cui in Bohemiae Regno, Venceslaus filius quinq; annorum puer successit, cuius et Regni tutelam Brandeburgensi Marchio Otholomaeus, ita enim pater vivens disposuerat, gessit. Et tam paruum Venceslaum quam matrem eius Reginam Cunegundam, ex Praga in Castrum Bezdzie nocte deducit, et Bohemis amotis, Saxones in eorum obsequia surrogat. Ex tutoria tamen huiusmodi, praementibus Saxombus Bohemos, ad miserabilem conditionem Bohemia redacta est. Grassari in Bohemiae Regnum post victoriam Rudolphus Rex disponebat, sed precantibus Bohemis, et pax et assinitas iuxta pacta superiora remitegrata, filiam suam Gritham, occisi Regis filio desponsante.

Henricus quartus Kloczko
repetit et uxorem ducit etc.

Occisione et morte Przemislai Bohemiae Regis secuta, Henricus quartus vocatus Probus Wratislaviensis Dux, Castrum et oppidum suum Kloczko, quod sui Barones Wratislaviensis Przemislao Regi pro danda parti eorum contra Boleslaum Rogatkam Legnicensem Ducem assistentia et favore, ad vita tempora contulerant et inscripserant, repetijt. Et ne ab aliquibus possessio per Przemislauem Regem temporaliter habita, ad perpetuitatem traheretur, non Wratislaviensem solum se Ducem, sed etiam Dominum de Kloczko, pro rescindenda omnium ambiguitate futurorum, titulauit. Accepit et tunc in consortium Methildem virginem filiam Othonis Longi Brandeburgensis Marchionis, qui propter gubernationem Regni Bohemiae famosus et celebris ea tempestate habebatur.

*Lithuani et Prutheni terras Culmen
praedantur, Castraq; aliquot conquirunt.*

Filius Ducis Lithuaniae, vocatus Trinotke, copiis Lithuanorum et Pruthenorum, quae triginta millia pugnatorum explebant, recensitis, eas trifariam diuidit. Vnam in Masouiam, duas vero in Culmen terras, transmittit. Haec autem turmae, quibus Culmen terra obtigerat, Castro Bergelow sub Cruciferis conquisito et incenso, omni terra Culmen peruastata, multas Christianorum animas in seruitutem abducunt. Eodem anno Prutheni barbari Sandouithae, cum Duce suo Skomant, Culmen terra repetita, duo oppida illius Luban et Chelm obseffa, et bombardis expugnata, conquirunt, et terram Cuiaviensem circa oppidum Rowalie praedantur. Sed et Lanciciensem ciuitas anno eodem a Lithuanis subita irruptione uenientibus, perpeffa est spolia et damna.

Anno Domini 1279.

*Boleslaus Pius Dux Calisien' relictis
tribus filiabus moritur. Cui in Ducatu
Przemislaus nepos Dux Posn' succedit.*

Magna charitatis in patriam, magniq; animi Princeps, Boleslaus Pius Calisien' Dux, febribus correptus in languorem incidit, quem cum indies augeri sensisset, nepotem suum germanum, Przemislauem Posnamensem Ducem accersit, eiq; Calisien' Ducatum ac consortium Helenam

et tres filias vxi Hedwigim, Helizabeth, & Annam, ex ea susceptas, com-
mendat, omnibus tandem Sacramentis deuote perceptis, apud Castrum Cali-
sien' die Veneris, septimo Idus Aprilis, moritur, & Posnamiam relatus in
maiori Ecclesia, in patrum suorum tumulo, Przemislao Duce nepote iusta
funeri soluente sepelitur. Post cuius mortem in Calisien' Ducatum Prze-
mislaus Posnamien' Dux successit, & maioris Poloniae Principatum nactus
tam relictam Boleslai Pii Calisien' Ducis, quam filias datis sumptibus et dote
abundanti, emancipauit. Et relictam quidem Boleslai Pii Calisien' Ducis He-
lena, alias Johellet, parum apud Calisz, morata, omnibus rebus et suppellectili
quae ad eam pertinebant sumptis, Cracouiam ad sororem germanam Kingam,
deuotionis et religionis singularis faminam, Boleslai Pudici Cracouien' &
Sandomirien' Ducis consortem, Deo decetero famulatura, concessit. Przemis-
laus autem Maioris Poloniae Dux, neptum suarum curam gerens, Hedwi-
gim seniore, Wladislao, qui ob nimiam breuitatem corporis, cubitalis, in Po-
lomico Loktek appellatus, filio Cazimiri (uiauius) Duci Brzesten', alteram
Helizabeth Henrico Legnicen' Duci, ventroso appellato, filio Boleslai Cal-
ui seu Rogatka, locat in consortem, tertia Anna in virginitate diem obiit.

Boleslaus Pudicus Dux optimus moritur Crac-
cutus uxor cum sorore Boleslai Pii uxore uita
Monasticam complectitur. Huic Lestko niger
nepos Dux Siradien' in Ducatum succedit.

EXcessum Boleslai Calisien' Ducis e vita, alter Boleslaus Pudicus Cra-
couien' et Sandomirien' Dux, secutus est, quasi annus hic Ducibus Po-
loniae, id nomen Boleslaus sortitis, fuisse fatalis. Qui cum liberta-
tibus pluribus, Privilegiis, praeminentiis, & gratijs, Ecclesiam Cracouien'
multipliciter extulisset, et nonnullas Ecclesias, Monasteria, et pia loca
fundasset, corpore suo ab omni illecebra custodito, Et pudicitia tam sibi quam
coniugi suae Kingae, per omnes annos, quo suum connubium nactus fuerat, serua-
ta, ob quod insigne virtutis meritum, Boleslaus Pudicus, quod nemini alij Prin-
cipum Poloniae, reor contigisse, cognomen sortitus, caelebs et virgo die Solis,
quarto Idus Decembris, deuotissime apud Cracouiam, cum annis septem et tri-
ginta regnasset, moritur, et in Monasterio Sancti Francisci fratrum minorum,
quod ipse primus fundauerat, in Choro Ecclesiae ad Aquilonarem partem se-
pelitur. Pompam funeris sui, Lestko niger Siradien' Dux, ab eo in filium
& successorem adoptatus, Paulus Cracouien' Epus, Kinga sua, & Helena
Boleslai Pii Calisien' Ducis, relictas, Gryphina consors Lestkomi nigrj,

Barones & milites singuli, Cetus et populus magna frequentia & concursu nec
 secus atq; in domestico luctu, marentibus publicè cunctis, honorarunt, efferen-
 tes laudibus mortuum, quantis ne viuum quidem atq; præsentem extulerant.
 Nec à proprijs tantummodo, sed à vicinis quoq; populis, per lugubres fletus
 et lamenta, ob probitatis et modestiæ opera, in omni vita exhibita, deside-
 ratus. Non tulit relicta sua Ducissa Kinga amplius mundanis actionibus
 se miscere, sed corpore mariti Ducis Boleslai pudici vix funerato, cum He-
 lena germana, Boleslai Pii Galisien Ducis relicta, in Ecclesia Sancti Fran-
 cisci Ordinem Sctæ Clare professæ, caput velavit, ostendens se ad eam perfe-
 ctionis religionem dudum aspirasse, et quam primum coniugali vinculo iugq;
 solutæ licuit, illic culmen illius apprehendisse. Nec fluere aliquam la-
 chrymam permisit, sed solum sponsum **CHRISTVM** cogitans, gratiarum
 actiones in illum assidue celebrabat, quod illam onere grandi liberasset.
 Pluribus quoq; utriusq; sexus hominibus, excessum Boleslai Pudici deploran-
 tibus, sola Kunegundis, nullum tristioris animi argumentum ostendit: ita se
 conuertens ad Deum, ut videretur mortem optasse. Omnem corporis cul-
 tum et vestium, adhuc calente corpore mariti proiciens, vilibus se induit, et
 omnibus preciosis gemmis, vniombus, et cenodijs venditis, in viscera egeno-
 rum recondidit. Successit Boleslao Ludico, nepos illius ex fratre patrue-
 le germano Casimiro Duce Cracouien, Leszko niger Siadicien Dux, tam Pauli
 Cracouien Epi, quam omnium Baronum militariumq; vni formi concordia, et quod
 Ducem Boleslaum Ludicum strictiori consanguinitate contingeret, et quod
 ab eo adoptatus et designatus successor fuerat, et quod Princeps frugi so-
 misq; Principatusq; dignus habitus, electus est. Ducissa Kinga Boleslai Pu-
 dici relicta, et à Leszkone nigro Duce, et à Baronibus magnis impetebatur
 supplicationibus, ut Cracouia residendo, summam administrandæ Reip. assu-
 meret. Sed cum nullis precibus posset expugnari, geminatus dolor apud Ec-
 clesiasticos et milites coortus est, querentium se pro vno tempore, et optimo
 Principe, et optima coniuge sua orbatos esse. Quamuis siquidem mortem ma-
 riti molestè ferret, eo tamen vno solabatur, quod liberius esset Domino
 cæli de cæteris seruitura. Quapropter assumpta sorore sua Joheloth Ducis-
 sa Galisien in Cenobium Sanctimonialium Sandecen, abiit, et residuam illic
 in operibus sanctis, multa sanctitatis ostendendo prodigia, exegit ætatem,
 castitatis et religionis exemplo prouocans tam virorum quam fæminarum
 studia. Frat autem Boleslaus Ludicus Dux vir moribus clemens, sed
 in decisione causarum varius, et à corruptella munerum parum purus,
 et à Venere contactuq; fæminæ prorsus alienus, vultu placidus, sobrius,
 venationum pro tempore sectator, vitæ mitidæ atq; castæ. Propter cuius

præstantiam. vniuersali sententia, Pudici cognomen sortitus, vit bonus, inge-
nij simplicis neq; ulla simulatione fucati.

Wloſtiborius in Gneſnen Archiepū eligitur.

Subſtituturi in locum Martini Gneſnen Archiepi. ſuperiori anno
mortui, alium Praſulem Praſati et Canonici Gneſnen, electione apud
Gneſnam celebrata. Wloſtiborium Decanum Gneſnen, moribus et
genere nobilem in Archiepū, per ſcrutiniꝝ formam eligunt. Qui licet
Principis maioris Poloniæ Przemislai aſſiſtentia, fauore, et interceſſione
adiutus, emixius ſuam electionem per ſedem Apoſtolicam confirmari labo-
raſſet, pluribus tamen impedimentis illum obruentibus, perditum iri ſuas
impensas et conatus videns, negociꝝ ſui proſequendi et ſeruorem et volun-
tatem omiſit. Videbat enim et ſentiebat Leſtkonem Cracouien et Sira-
dien Ducem, qui cognominabatur niger, iam tunc Regni Poloniæ Monar-
cham infeſtum ſibi aduerſarium fore, cum quo et cæteris Ducibus Poloniæ
qui cum Leſtkone ſentiebant, quamuis optimo iure fretus, cū meſſet et vir
modeſtus et manſuetus, ducebat indignum litem trahere.

Miraculum de duobus Cruciferis à barbaris Lithuanis necatis æditum.

In particulari quodam certamine et congreſſu Cruciferi de Prussia
de Domo Teutonica, à Lithuanis gentilibus deuicti, cū inter alios
captiuos, duos quoq; offendissent Cruciferos, vtrumq; exquisitis cru-
ciatibus deſtinarunt necandum. Propoſitum itaq; executuri, primum in
editiori arbore proprio equo alligatum, viuum cum equo vnā cremandum,
altero coram in ſpectaculum adducto, diſtendunt. Et igne ingenti extru-
cto, equus quidem illicò torrente igne videbatur voratus et conſumptus, Su-
per Crucifero verò aperto cælo ſplendor cæleſtis deſiſſus, ignis ardorem in va-
rias partes reſtringens, corpus Cruciferi reddidit inuictum. Cælum tandem
ſplendor ille, ex quo prodierat repetijt, cum quo ſimul et corpus Cruciferi,
in ſimilitudine virginis pulcherrimæ, mirantibus et ſtupentibus cunctis
barbaris adeo, quòd nec vllum corporis illius, relinqueretur veſtigium conſcen-
dit. Verū dum perfidia Lithuamica, non virtute Diuina id actum, ſed
carminebus et incantatione procuratum cenſeret, alter ſuperſtes Crucifer
in arboris rimam per ſecures et cuneos violentè introductam, includitur,
aliſiſq; et excuſſis cuneis, arbore in ſuam naturam redeunte, duriffima,

pressionē ab arbore tortus, pyra extructa viuis urebatur. Hunc quoq; quis
quædam niueo candida colore, nunquam alias conspecta, de flamma mediō
ereptum, deferre (attonitis supramodum barbaris, Et Christianorum Deum
magnum, suisq; cultoribus benigna et propicia dona largientem, profitentibus)
visa est in cælum ~

BOIESLAVS Masovia Dux filius Semouiti accepit in uxorem vir-
ginem Eophiam de Lithuania filiam Ducis Lithuaniae Troidem, et nu-
ptiarum sollemnitatem in Plocen Civitate agit ~

Cunegundis Regina Bohemiae
nuplit nobili ~

K Vnegundis Regina Bohemiae ex Castro Bersdziesz in quo cum filio
suo Venceslao seruabatur, quasi anniuersarium mortuo marito actu-
ra, Pragam venit, et ab inde ad Nicolaum Opauiae Ducem fi-
lium mariti sui naturalem diuertit. Eo quoq; procante Haviszium de
Krumlaw de genere Vitkonidum seu de Rozemberg accepit in maritum,
ex quo gravidata filium genuit, paterno nomine Havisza vocitatum. Quod
singulis ferē Bohemiae Barombus et militaribus execrantibus, et pro ludibrio
ducentibus, in singulare fastidium et liuorem cessit ~

**In Italia motus terræ maximus septem oppi-
da ab sorbet, et nubes rorant sanguine ~**

V Igesima quinta Aprilis, ex repentino et graui terre, in Italia motu,
septem oppida simul cum habitatoribus absorpta sunt, audiebanturq;
voces quadriduo vociferantium identidem ex abyssso, Misericor-
diam Deus misericordiam. Eodem etiam terræ motu, qui in quindecim dies
tendebatur nonnulla Castra, simul cum montibus in quibus sita erant, euerfa,
montes excelsi ad planiciem, non sine strage proximorum vicorum, deducti,
et solo æquati. Monasterium Sanctimonialium Cisterciens ordinis examina-
tis quinquaginta sororibus deleuerunt. Ipse insuper terræ motus duos mon-
tes, flumine inter fluentia distinctos, commisit, et undis fluuij retrorsum
conuersis, et agros et villas subuertens inundatione vastauit. In Alpibus
quoq; Bononiæ ros sanguineus insolitæ quantitatis decidit ~

*Pruthem molendino Elbingen obli diene
cincto, quod Ciues precipui confluxerant, il-
lud conquirunt et oēs crudeliter necant.*

Gomerati Pruthem barbari in aliquot cuneos, pro conquirendo Castro
et oppido Elbiag, adueniunt, sed cum difficilis expugnatio videre-
tur, molendinum Elbingen, in quod principales Ciues Elbingen
defensuri illud se contulerant, obsidione coartant. Non ferentibus autem
Cruciferis, quod se laturos sponderant praesidium, eo necessitatis ventum
est, ut datis viginti quinque obsidibus ex pacto, reliquis Ciuibus in molendi-
no conclusis, patere debebat et vita et libertas. Sed caduca et fluxa est,
apud barbaros, dum prospera fortuna vtuntur, fides. Obsidibus enim con-
tra ius gentium enecatis, crudeliter etiam vniuersos, qui in molendino consti-
terant, vario carnificio extringunt. In quorum ultionem Prussiae Magi-
ster Conradus, regiones Prutenorum ferro et igne aliquot hebdomadis vastans,
Castrum Elsberg etiam conquirunt.

Anno Domini 1780.

*Leonem Ducem Russiae potentissimum
et Regnum Poloniae forti potentia ingres-
sum, exercitus Lestkonis nigri Ducis
miraculose profligat, illumque depopulando
Russiam usque Leopoli sequitur & cum
maxima spoliūrum copia domū reuertitur.*

Successionem nouam noui Ducis Lestkonis nigri in Cracouien, Sando-
mirien, & Lublinen Ducatus, noui motus nouique bellorum stridores,
ab exteris et propriis illi cōsunt consecuti, dum fortuna Lestkonis
nigri, et in tot Principatus pro una vice successioni, a domesticis iuxta ac
forensibus inuideretur. Primum itaque Leo Ruthenorum Dux, Danielis olim
Russiae Regis, filius, qui inter Ruthenorum Duces ea tempestate tam mi-
lita quam terris et Dominijs potior habebatur, & multitudine gentium &
opum fretus, ad occupandum Cracouien, Sandomirien, & Lublinen Ducatus,
in animum induxit. Conductoque ex Tartaris, Lithuanis, & Iaczwingis
caeterisque gentibus et voluntario et mercenario milite, tribus exerciti-
bus, & pedite et equite refertis, in graui multitudine terram Lublinen

ingressus, eam vastare in tempestate Et hyberno tempore, tanta vis animum
 stimulabat bellandi, capit. Qua perugata, terram Sandomirien, Visla,
 ex hyeme glaciibus gelata, praeibente iter, introit, et quaq; obuia corripuens
 et affligens, ad Sandomirien castrum et oppidum peruenit. Cuius expugna:
 tione tentata, militibus Polonis egregie maiora tuentibus, dum secus quam
 sperauerat puenisset, ad praedandum et vastandum, vicos et oppida, vren:
 dumq; tota se conuertit. Quo apud villam Goszlicze, duobus a Sando:
 miria miliaribus positam, habente statua, exercitus Polonicus, quem
 Warszius Castellanus Cracouien, Petrus filius Alberti Cracouien, et Ia:
 nussius Sandomirien, Palatini, ducebant, in raro et infrequenti numero,
 iussu enim Leszkonis nigri Ducis, copiae in alium locum conuenerant, oc:
 currit. Et in solo caelesti praesidio spe posita, cum hostiles copias multifa:
 rio numero se excedere viderent, cum Leone et eius exercitu die Veneris
 tertia Februarij confligunt, temere magis quam animose dicerem, nisi pro
 Polonis et eorum facto, tam audaci quam insigni, fortuna stetisset. Certami:
 ne siquidem imito, ijs qui apud Rutenorum exercitum ordines ducebant,
 cassis, reliquos repente tanta trepidatio Diuinitus in barbaros immissa con:
 teruit, ut velut lymphatici proiectis armis fugam omnes passim inirent.
 Tartari parua et breui oppositione facta, mox et ipsi in fugam aguntur,
 Poloni per multa miliaria fugientes insecuti, paucis captis reliquos neca:
 bant. Octo millia casa, duo capta, signa militaria septem eo praebito interce:
 pta referuntur. Leo principalis Dux cum paucis, iterum expertis, fugi:
 ens, Et confusus auasit. Leszko niger repellere bellum nisi in ferret parum
 ratus, post dies quindecim exercitibus adunatis et recensitis, cum trigini:
 ta millibus equitum et duobus peditum, magis expeditorum Leonem in se:
 cutus, terras Russiae inuadit, multaq; Castra a Rutenis deserta, aut
 minus iusto praesidio locata, occupat, expugnat, et euertit, et usq; ad Leo:
 polim terra populata, praedam frequentem tam hominum quam pecorum Leone
 in vltiora Russiae diffugiente, et decertare non audente, in Poloniam
 adduxit. In populatione ipsa, quinq; millia casa, quatuor millia in capti:
 uitate abducta scribuntur.

THOMAS alias Thomka Episcopus Plocen, cum annis octo sedisset
 moritur, et apud Ploczen Ecclesiam sepelitur. Cui Goslaus per confor:
 mem capitularem electionem via scrutinij, nobilis genere de Domu Cripho:
 num successit, a Martino quarto Summo Pontifice Romano, Ducibus Ma:
 souiae consentientibus, confirmatus, et propter Gnesnen Ecclesiae dicitur;
 nam vacationem prouisus ~

Nouo genere mortis Nicolaus PP. iii. moritur.

*N*icolaus Papa tertius, cum annis duobus, mensibus nouem, diebus tribus sedisset, ad Castrum Szurianum supra Viterbium ad vnius leucae distantiam situm, quod cuidam nobili, sub praetextu haereticae prauitatis abstulerat, Et consanguineis donauerat, se transferens, singulari et noua moritur morte, priuatus omni sensu subito atq; etiam motu, vigesima tertia Augusti. Cuius corpus Romam translatum, in Basilica beati Petri, Et in Capella beati Nicolai, quam ipse edificauerat, sepultum est. Post cuius mortem variae seditiones Romae, inter Visinos Et Hannibaldenses fieri coepit.

Breui tempore, quatuor Prutenorum Magistri mortui. Quintus vero Conradus de Vichte nange eis successit Marienburg Castrum edificat.

*D*ecimus Magister Prussiae Loppo de Ostirra, Conrado de Thirberg vet per Prutenos occiso, vel excedente e vita, successit. Quo moriente Haimo substituitur, sed cum is quoq; absumptus esset, Hermanus de Hoderunge in officium assumptus duodecimum sortitur locum. Cui Conradus de Vichte nange successit, quo libere cedente Margolde Commendator Kinsbergen successit. Sub cuius regimine in loco Castri et oppidi Zantirn, veteri nomine abrogato Marienburg erectum est.

Anno Domini 1281.

*H*enricus Probus Wratislauiensis Dux captiuitatem suam vlturus sub specie consilii, Posnamensem, Glogouensem & Legnicensem, Duces captiuat. Veltko autem niger frater Przemislai Ducis Posnamensis captiuitatem dolens, Wratislauiensem terram omnem populatur. Tandem nactus Dietrichum Wielunensem a Duce Posnamensem & aliis depactatis illos liberos dimittit.

Cruciatu quondam & passiones suas, quas in captiuitate apud Bo-
 leslaum Sauium Legnicen Duce, vocatum Bogatka, Henricus
 quartus Probus appellatus Wratislauiens Dux, pertulerat, omnibus
 conatibus expetens ultum iri, cum aperte id se consecuturum parum et diffi-
 cile speraret, ad fraudes et dolos animum intendit. Et quod facilius cogi-
 tatum, et diuturno tempore iam in se agitatum facinus perficiat, Conuentum
 in villa Baricz instituit, et tam Maioris Poloniae, quam Slesiae Duces, lite-
 ris et nunciis illic conuenturos, & de pace ac bono statu, & ordine Principa-
 tum, deq; nonnullis alijs rebus arduis, per ipsum proponendis, bonum & pro-
 fectum publicum concernentibus, tractaturos, inuitat. Et ceteris quidem
 Ducibus, varias occupationes pro excusatione allegantibus, Przemislaus
 Maioris Poloniae, Henricus Legnicen, Conradus Glogouien, in Dominica
 Septuagesima (is enim dies ab Henrico Wratislauiens Duce ad conuenien-
 dum indictus erat) nullam fraudem ab Henrico Wratislauiens Duce suspi-
 cati, cum omnes tres arcta affinitate contingeret, cum modesto familia-
 rium et militum numero, conueniunt. Henricus autem Wratislauiens Dux
 etsi dolore ingenti angeretur, quod pauciores quam animo destinauerat
 Principes ad suam capturam conuenissent, non distulit tamen cogitatum
 exequi facinus. Sed praefatos Maioris Poloniae, Legnicen, & Glogouien,
 Duces, & iure hospicii, & iure gentium, iure quoq; Diuino & humano profa-
 nato, primo aduentus eorum die, locum consilij ingressos, scelerate per se
 et milites suos, quos in grandi numero secum adduxerat, captiuat, & captos
 in Wratislauiam deductos, arctae custodie & vinculis sigillatim includit.
 Quos cum usq; ad festum Pentecostes vinctos obseruaret, & multis Prin-
 cipibus pro eorum relaxatione, fatigas et instantias suas interponentibus,
 nihil modesti responderet. Leszko miger Crac, Sandomirien et Siradien
 Dux, fratris sui Przemislai liberationem, quam precibus et intercessioni-
 bus nequiuerat obtinere, armis effecturus, cum omnibus suis et terrarum sua-
 rum potentiss, in terram Wratislauiens descendit. Cui Msczugius Pomera-
 niae Dux, item omnes milites maioris Poloniae, auxilium praestituri adue-
 niunt. Triplici itaq; agmine Wratislauiens terram ingressus, eam spolijs
 et incendijs afficit, & omnium Polonorum pectore, iusta, pro Ducis sui
 Przemislai indigna captiuitate, eferuescente ira, plura crudelia adun-
 tur facinora. Nulli siquidem vico, nulli oppido, quod sub Henrici Wra-
 tislauien Ducis ditone consistebat, parsum est, sed vniuerso Ducatu Wra-
 tislauien flammis dato, etiam in suburbana Wratislauiensia sauitum est.
 Saxeum tamen Henrici Wratislauiens Ducis, & obstinatum pectus, neq;
 tot incendia in conspectu ab eo visa, neq; suorum militum & subditorum

frustra opem suam flagitantium, fletus & lamenta, vel ad opponendum
resistentiam, vel ad componendam pacem, & relaxandum captiuos, li-
quescere potuerunt, quin in proposito suo temere perseverans, neq; cum ho-
ste decertare, potentiam hostilem et suorum casum veritus, neq; suorum mili-
tum non tam lachrymis, quam variis contumelijs, et increpationibus illum,
pro iniusta Ducum captiuitate incessentium, potuit ad compassionem aut
aquitatem inflecti. Quo in sua obstinacia perseverante, Lesko niger Craco-
uien' Dux, vniuerso Ducatu Wratislauien' in fauillam redacto, & præda
ingenti de pecore et aliarum rerum suppellectili congesta, in terras suas,
Henrico Wratislauien' Duce in Castro Wratislauien' se continente, redijt.
Duces autem qui captiui ab Henrico tenebantur, molestias captiuitatis diu-
turna euaseri, cum illo per pacta de liberatione sua conueniunt. Et a Prse-
mislao quidem Maioris Poloniae Duce, quamuis frater suus amitalis fuerit,
terram Ruden', quæ nunc Wielunen' appellatur, asserens illam sui iuris esse
& ad se pertinere, suis quoq; prædecessoribus iniuste oblatam, extorquet
& depactat, ab Henrico quoq; Legniczen' & Conrado Glogouien', Ducibus,
cum exactionare aliquas sortes terrarum non posset, seruituros se sibi
cum lanceis triginta, contra quemlibet hostem. & in qualibet necessitate,
obligauit, datisq; per Duces de implendo pacto obsidibus, & iuramento
ab omnibus exacto, ne occasione suæ captiuitatis, quicquam contra illum
per se vel alios hostile molirentur, tum primùm illos ex captiuitate laxa-
tos, in Principatus suos remisit.

Prutheniā Masouitiis funduntur.

P Ruthenorum Primates et animosiores milites, in forti exercitu terras
Masouia ingressi, & Castrum Plocen' subita expugnatione adorti in
magna temeritatis suæ superbia, capere illud, & terras Masouia
caedibus, spolijs, et flammis affligere nitentur, sed a Duce Masouia Bo-
leslao & gentibus suis inuasi, paucis euadentibus, conflictu, temeritatis suæ
penderunt penas.

Papa Martinus III. eligitur & in veteri urbe coronatur.

S Eiusdem spacio a vacatione Ecclesiae Romanae effluxo, vigesima
prima Februarij, Simon Thuronensis, Sanctae Ceciliae Presbyter Cardi-
nalis, in Viterbien' Palatio in Papam eligitur, & Martinus quartus

appellatur, Thuronen dictus, quia inde tradunt Historiae originem cum,
traxisse, vel quia ibi nutritus referebatur. In sumptibus magnificus, et
religionum amator. Post electionem autem ex Viterbio discedit, Viterbien
mansionem perosus. Quoniam Cardinalem Mathæum in priuata Camera tempore
electionis, Cives Viterbien per contumeliam recluserant, Et venit Urbem
veterem, et illic coronatur, residentiaque biennio facta, in Parisium transijt.

*Wladislaus Hungaria Rex relegata
uxore Comanas Paganas in concubinas
accepit, et se earum moribus accomodat.
A quibus cum per nuncium Papæ retrahi nõ
posset, per suos capititur, et expulsis concubi:
cum uxore in Wilzegrod clauditur.*

H Ungarorum Rex Wladislaus, ad lasciuia et illecebras se resol:
uens, cum Comanorum tunc gentiliu habitu et moribus, una cum
militia sua uteretur, etiam et vicis eorum se capi et fœdari per:
misit. Uxore siquidem filia Caroli Sicilia Regis contempta, Andanam,
Ruptek, Et Mandalam, pluresque alias Comanorum mulieres, forma præ:
stantes, accepit in concubinas, et ritu barbarico illis caput abuti. Pericu:
lum fidei Martinus III. Papa veritus, Philippum Epum Firminum, viru
magnæ prudentiæ et doctrinæ, in Hungariæ et Poloniæ Regna Nun:
cium, cum potestate Legati de latere destinat. Qui in Pannonias primu
perueniens, Rege Wladislao adito, multifariis et salutaribus consilijs,
precibus, Et monitis illum obsecrat, ut habitum Et mores Comanicos dese:
rens, Catholicis se Regibus non solum in habitu Et moribus, sed Et in vi:
ta conformet, Et repudiatis concubinis barbaris, ne cor illius a puritate
Catholicæ fidei deprauent et seducant, legitimam uxorem resumat, Et
in casto pudicoque thoro iustæ consortis uiuat, Comanos insuper, quorum
consilijs regebatur, a se abdicet, Et Catholicorum potius Baronum
consilia sectetur. Qui salutarem doctrinam, mulierum Et concubina:
rum deuinctus amore, irridens et contemnens, Nuntium Aplicum pa:
rum honeste tunc tractauit, exposcit verò in conspectum non admisit.
Ille gravitatem et rigorem se et Apostolica sede dignam obseruans,
duos Episcopos, qui Regis opera fœda mulcebant, Et aut dissimulatio:
ne, aut consensu nutriebant, de eorum Sedibus deponit. Regem autem
primò, secundò, Et tertio commotum, dum desperet, Et autem ad cor:
ripientem se obturaret, ex communicatione primu, deinde anathemate,

velut Ethnicum et Ethnicis consentientem, inuoluit. Qui ob id insolentior factus, Apostolicum Nuntium praefatum Philippum Epum Firminum, missis Satellitibus impijs et Comanis, captiuat, et aliquibus illi contumelijs irrogatis, in curru illum extra Hungariae fines educit, interminans illi necem si redeat. Barones autem Regni Hungariae, temeritatem Regis sui, et illius varias in Deum et homines prauaricationes compressuri, illum capiunt, et omnibus suis concubinis cum ignominia relegatis, in Castro Viszegrød illum cum uxore legitima ponunt et claudunt: certis Barombus sua et Castri custodia commissa, ut vel sic lubricitate sua inhibita, ad iura maritimonij custodienda, animum intenderet, dareturq; Reginae fecunditas, et Regnum iusto haerede et successore non frustraretur.

*Pragensis maior Ecclesia à Marchione
Brandeburgenli tutore Bohemiae nullo
obstante omnibus opibus exuitur.*

Maiorem Pragen Ecclesiam Otho Brandeburgen Marchio et Bohemiae tutor, certo certius cognoscens, multis opibus, et varia ac preciosa rerum suppellectili, quam ciues et agrestes, Ecclesiastici et Saeculares, velut in locum tutum illuc deposuerant, refertam esse, mittit Saxones, qui omnibus ferris perfractis, opes et clenodia, omnesq; nobiles et preciosas sarcinas auferunt, et in Saxoniam deportant, Bohemiam ferè omni auro, argento, margaritis, gemmis et quicquid preciosum aut concupiscibile in ea erat, facili negotio exuunt et denudant. Sed nec repperit est aliquis ex Bohemis, qui tam grandis iniuriae genus, singulis nec muscitare audentibus, peteret rescindi, omnibus ea tempestate Saxonum formidine constrictis.

*Prutheni in terra Culmenli
quinq; Castra conquirunt.*

Puthenorum exercitus pedestri et equestri ordine collecto, terram Culmen ingressus, tanta caede tantisq; flammis et spolijs in eam, Magistro et Cruciferis, neq; decertare neq; resistere audentibus, grassatus est, ut quinq; Castris vult Grudziandz, Marieuerder, Szantyr, Cristburg, et Clementh expugnatis et conquisitis, singulos homines permiſcui sexus, quos in eisdem reperierant, nulli conditioni, sexui vel aetati parcendo, miserabiliter trucidarent.

Anno Domini 1787.

Lithuani cum Iaczwingis Lublinen' terrā
per quindecim dies vastant. Quos cum præ-
da redeuntes, Lestko niger per Angelum
hortatus cum parua manu consecutus, nullo ex
suis amisso profligat, et reuersus Ecclesiam
parochialem in Ciuitate Lublinen' fundat.

Iaczwingorum reliquiae, quae se Lithuanis iunxerant, cladem suam
et exterminium, a Polonis propicia Diuinitate inflictam, cuncta cum
Lithuanorum copiis, quae ad quatuordecim equitum et peditum
millia aestimabantur, in terram Lublinen' clandestinis itineribus et subito,
vigesima quarta Septembris die perueniunt, et illam caedibus et spoliis, exer-
citu tripartito, et populatione latius extensa, vastant, occisisq; Sacerdotibus
et Ministris (HRI, et duobus fratribus Ordinis Praedicatorum, Sibusq; et la-
icantibus, maximum hominum et pecorum numerum congerunt. Et quin-
decim diebus in eius vastatione et prädatione demorati, prædam ingentem
in Lithuaniam secum deferrebant. Agebat pro ea vice Lestko niger Cra-
couien', Sandomirien', et Siradien' Dux, Cracouia, iura reddens populis, quam
primum verò nuncius inuasionem barbaricam in terram Lublinen' demun-
cians, ei allatus esset, illico ceteris rebus postergatis, cum militibus qui se-
cum una Cracouia morabantur, ex Cracouia egressus, versus terram Lubli-
nen' celerrimo cursu, conquirens et colligens in itinere milites: procodebat,
existimans barbaros, in Lublinen' terra se reperituros, vel hostes vincere
vel mortem oppetere exaestuans. Verum in Lublinen' terram perueniens, nil
præter miserabiles reliquias, opem suam implorantes (iam siquidem barba-
ri præda onusti de illa excesserant) offendit. Quid itaq; ageret, perse-
queretur ne hostes, numero et potentia superiores, in sylvas et lacus, cae-
teraq; loca nullam pabulationem sibi, militibusq; suis præbitura, progressos
et an subsisteret vel rediret, sugillationem et insectationem multiplicem
suae expeditionis subiturus. Fluctuantem illum consilijq; inopem, visio An-
gelica, quae se Archangelum Gabrielem profitebatur, per soporem monstra-
ta monet, ut quolibet respectu et cunctatione abiectis, non differat perse-
qui hostes, certamq; illi futuram, victoriam promittit. Ea visione unuer-
sis militibus in contione vocatis exposita, etiam timidos et meticulosos, perse-
quiq; barbaros detrectantes, exhilarat. Nihil enim æquè animos militum

Et populatium confirmare solet, quam denunciata religio. Sumptis itaque
tam cibarijs quam armis, impedimentis vero, quae escas et pabula ferebant,
se subsequi iussis, recentia barbarorum vestigia intuentes, quae ampliori pos-
sunt celeritate vecti, barbaros insequuntur. Et licet illos Bug et Narew
flumina praetergressos comperissent, certi tamen de Oraculi visione, et ipsi
ijsdem fluminibus superatis, barbaros inter Narew et Niemen flumina
consistentes (neque enim propter praedarum multitudinem facile agmen bar-
barorum mouebatur), tredecima die mensis Octobris consequuntur. Terruit
supramodum omnes barbaros Polonorum conspectus, et multo maiorem quam
pro numero Polonorum exercitum, eundemque audacem et animosum, mori aut
vincere destinatum, animo et cogitatione metuebantur, paucos et timidos
in tam abdita et remota loca, nullatenus penetraturos. Habebat Lesko
miger Dux in suo comitatu, sex Polonorum de equite et pedite, inter quos
plures equites erant, millia, haud copias contemnendas, omnes tamen in
unum agmen coactas. Neque enim locus in quo certandum erat, plus sylvarum
quam camporum habens, diuidi copias in plures acies patiebatur. Quibus
adhortatis, ut non tam pro patria, coniugibus et liberis, quam pro fide Iesu
CHRISTI, de caelesti securi praesidio, viriliter pugnarent, maximo impetu
in barbaros, metu et subito Polonorum conspectu attonitos, insiluit. Et quam-
uis barbari primos Polonorum impetus excepissent, et aliquanto tempore
tollerassent, primis tamen et secundis ordinibus obtritis, reliqui referre
pedem, postea vero verti in fugam, ceperunt. Cades deinde non pugna
in omnes passim fugientes aedebatur, quam non solum milites Polonorum,
sed a barbaris capti Poloni, quos ex Lublino terra, in utroque sexu abdu-
xerant, operose promouebant. Terruerat et barbaros canum, quos simul
cum captiuis duxerant, viso Polonorum exercitu, ululatio et vociferatio,
exultantium speciem praefrens, sublata, qui et in certamine durante
et in fuga, diris morsibus, quasi morsent quos insectari deberent, lace-
sebant. Caede ingenti, et usque ad sacietatem aedita, nox superueniens
prosequendi fugientes finem dedit. Reliquias Iaczwingorum, ea cla-
de usque ad interemptionem ultimam deletas esse: huius enim pertinacius re-
stiterant, certum est. Plures insuper tam ex Iaczwingis quam Lithuanis,
qui fuga euaserant, pudore acti, dum in Penates proprios, aut metucunt
aut erubescunt reuerti, partim laqueo, partim fame, partim aquarum suffo-
catione, mortem sibi consciscunt, ut ex illo frequenti barbarorum exer-
citu, pauci fuerint superstites, qui aut Polonorum gladijs non cecide-
runt, aut sibi ipsis mortem miserabilem non conscuerint. Mirum dictum
et vix credibile apud Polonorum exercitum scrupulosius recensitum.

nemo repertus est in eo praelio Et in persequendo cecidisse. Quae res oracu-
lum Leszko Duci per quietem factum, non fantasticum non humanum, sed
Diuinum et caeleste, eo prodigio monstrauit. Leszko Dux et de hostium stra-
ge, Et sui exercitus incolumitate suorum insuper, quos gentiles ex terra Lu-
blinen captiuos duxerant liberatione, Dei omnipotentiam glorificans, eiusq;
laudes cum omni suo exercitu identidem resonans, spoliis etiam hostium poti-
tus, ouans in suos Principatus redijt. Ab eo quoq; tempore beatum Mi-
chaelem sui triumpho et successuum felicium auctorem, singulari pro-
sequebatur veneratione Et cultura. Ex Lithuanorum quoq; clade re-
uersus, in Lublin Basilicam Parochialem Scto Michaeli fundat, Et eius
nomini dicari procurat, quae etiam in diem hanc beneficia Angelica,
tunc Polonis collata, Et cladem barbaricam attestatur.

*Palatinus et Castellanus militesq; Sandomirienses
Conrado Masouiae Duce vocato illi terras Sandomi-
rien tradunt. Is tam enaudito aduentu Leszkonis ni-
gri, Castris et Ciuitatibus relictis, ad sua reuer-
titur, et Leszko Dux omnibus reconciliatur.*

EX Lithuanica Et Laczwingorum expeditione, Leszkonem mi-
grum Cracouien Et Sandomirien Ducem, Cracouiam reuersum, Et
paulisper illic commoratum, militem Sandomirien, quorum Ianussius
Palatinus, Christinus Castellanus, Sandomirien, erant Duces et capita,
cum quibus et Paulus Crac Epus astruebatur sensisse, rebellio excepit.
Qui ad nouandum res dudum proclui, Conradum Masouiae Ducem, Et
Leszkonis nigri patruelem germanum, quasi ille post Boleslai Rudici
Cracouien et Sandomirien Ducis obitum, tam iure quam aetate, ad succe-
dendum potior censeretur, in terram Sandomirien inducunt, Et tam San-
domirien et Lauichosten, quam aliorum terrae Sandomirien Castrorum
et Ciuitatum illi tradunt effectualem possessionem, nihil ea rebellione Et
nouitate Leszko niger Dux territus, exercitu de Curien Et terrae Craco-
uien armigeris, raptim Et tumultuario more congesto, versus Sandomi-
riam processit, cum Duce Conrado patrueli fratre pugnaturus. Conradus
autem Et de causa, Et de militum animis fluxis et ambiguis, diffusus, Le-
szkonis nigri fratris sui aduentum, per exploratores sibi nunciatum
sentiens, in Masouiam excedit, cum ampliori potentia et copiis reuersu-
rus. Leszko interim et Castra singula, quae Conrado dedita erant, re-
cuperat, ac Ianussium Palatinum, Christinum Castellanum, Sandomirien

ceterosq; milites defectionis auctores sibi conciliat, Et prudenti industria sine armis vicit, Et omnem submovet Et opprimit rebellionem. Astringunt nonnulli auctores Lesikonem nigrum Ducem, ob seditionem militarem in Hungariam, seditionum auctoribus eum propellentibus, diffugisse, Et post aliquantulum temporis, quo illic moratus est, reconciliatione inter Ducem Lesikonem celebrata. Cracoviam, Et suorum et Hungarorum agmine comitatum feliciter reuertisse.

*Fames vehementer in Poloniam, Bohemiam,
& Almamiam laeuit, quae pestis insequitur.*

Ad intestina et externa bella, fames horrenda, non solum in Polonia, sed etiam in Bohemiam et Almamiam, ceterasq; horribiliter desolans regiones, accessit. Quae adeo sui atrocitate agrestes, Et plures e plebe integro biennio afflixit, ut perniciem famis vitaturi, laribus vxoribus, et pignoribus relictis, aliqui in Hungariam, nonnulli in Russiam, stuporem quaesituri, diffugerent. Sed utrobique illos crudelior pestis et perniciis possedit, qui enim in Hungariam diuerterunt, ab Hungaris Comam tunc barbaris, venundati sunt. Qui vero ad Russiam, traditi Tartaris pro tributo: ut aliquando satius fuerit, famis morte in Polonia defungi, quam miserabilem et perpetuam servitutem, apud barbaras nationes experiri. Nefanda tamen et execrabilis Ruthenorum magis quam Hungarorum, qui verum ritum observant, conditio, quod in suam ditionem et fidem fugientes vicinos, calamitate afflictos, ampliori calamitate (nulla enim miseratione, quae etiam brutis et pecoribus inesse solet, ostensa) iure hospitum, iure gentium pessundato, non indignum putarunt involvere. Saevior alio, quanto fames Bohemos vexabat, qua praessi, matres pietatis oblitas, quam etiam belluae non sunt solitas negligere, fetus suos, famem exclusuras, manducabant. Famis malum vulgatis in corporibus, esurie, aut herbis, arborumq; folijs, et superfluitatibus nocivis cibis, morbis tabefactis et infectis, saevissima omnium Epidemia secuta est.

*Apostolicus nuncius exclusus Hungaria
in Poloniam veniens humanissime tractatur.*

Philippus Episcopus Firminus, Et Apostolicus in Hungaria et Polonia Regna Nuncius, a Vladislao Hungariae Rege et suis ignominiose tractatus, Et exclusus in Poloniam advenit, Et tam a Duce

Lesz kone nigro, quam ab vniuersis Ecclesijs cum magno honore excep-
ptus est. Et per omne tempus, quo in Poloniae Prouincijs demorabatur,
omnibus necessarijs a Pontificibus abunde procuratus, maximis laudibus
Poloniae Duces, Pontifices, Et nationem vniuersam Polonicam, Romam re-
uersus, extulit et celebrauit, munificam liberalitatem et ciuilitatem Polo-
norum praedicans coram vniuersis ~

*Comanorum exercitus a Wladislao
Hungariae Rege profligatus ~*

Oldamir Comanorum Dux, in superbam iactantiam eleuatus, Et cre-
dens se vniuersum Hungariae Regnum, propter Wladislai Regis
prauos et leues mores, subacturum, Hungariam inuadit. Cui Wla-
dislaus Hungariae Rex circa lacum Hood occurrens, secum configit.
Et praelio acri inter utrosque durante, tempestas ingens coorta, ora et
vultus Comanorum verberans et obtaecans, magno adiumento Hunga-
ris fuit, ut vincerent. Victus tandem est ab Hungaris Oldamir, Et om-
nis suus exercitus, paucis, qui fugiendo ad Tartaros euaserant, exceptis,
deletus ~

Anno Domini 1785.

*Lithuanos terras Sandomirienses
Vastantes in magna potentia, Leszko,
niger Dux, in parua comitatus manu pro-
fligat, et omnem praedam recuperat*

Exacerbati, ad Narew fluvium clade accepta, Lithuani, dolore
continuo vexabantur, stimulabanturque ad referendam Polonis
vicem et talionem. Decreta autem et indicta expeditione, id
pro sui desiderij faciliiori consumatione ponebant in prospectum, quate-
nus Polonos, in intempestiuo et non prospecto tempore, velut incautos inua-
derent. Quam sententiam et consilium secuti, aestate transfluxa, mul-
to maiorebus copijs quam ante, resistentiam veriti, quarta Octobris,
Sandomiriensem terram, per Lukouien regionem, et sylvas in ea consistentes
subito et improviso irrumpunt, Et multa caede passim patrata, per vicos
et oppida discurrunt. Interfectisque senibus Et impuberibus, viros Et

feminas, ceterosque puberes, pecus quoque et armenta capiunt, et citra sex millia Polonorum, cum nobilium et civium, tum agrestium, pluribus trucidatis in servitutem abducunt. Milites autem Sandomirienses, et si non in parvo numero Sandomiriam convenissent, tueri tamen tantummodo castrum, et civitatem contenti. Duce Lestkone nigro, qui tum Cracovia et colloquium et concilium agebat, de Lithuanorum hostili irruptione, per celerem nunciem auscultato, a certamine, propter sui paucitatem, et hostium numerosam multitudinem, abstinere: propter quod barbari, liberius in caedes spolia, et praedas grassabantur. Lestko itaque niger Cracoviensis et Sandomiriensis Dux, de suorum Principatum vastatione plurimum angustatus, cum omnibus Baronibus militibusque, qui illuc confluerant armis correptis de Cracovia exiit, et tam nocte quam interdiu gembundus et tristis, alta pro captivis qui abducebantur cum suis militibus addens suspiria, iter quam celerius potest rectiori gressu versus barbaros conficit, praemissis nuncijs, qui et eos, qui in Arcem Sandomiriensem confugerunt, et ceteros milites in castris et munitionibus suis consistentes, se ocyus subsequi iuberent, sciens barbaros rapta praeda velociter discessuros. Adunato itaque et hijs qui illum ex Cracovia comitabantur, et ex hijs qui Sandomiriam observabant, militibus, qualicunque exercitu, assumptis insuper agrestibus, ut species iustioris exercitus videretur, sciens omnem victoriam, non in multitudine, sed in solius Dei potestate et arbitrio consistere, exercitum universum confessionis et Eucharisticae Sacramente, se quoque primum communit. Propiciato quoque Deo qui illi anno superiori non speranti, de eodem hoste trophaea contulerat, et militibus in contumelia animatis, hostes, qui nondum metas Principatus sui ab exploratoribus nuntiabantur excessisse, prosequitur, ratus exercitum suum, spiritualibus et materialibus instructum armis, audacissime et feliciter cum barbaris pro patria, pro templis, pro focis, proque gente et natione sua in captivitate ducta pugnaturum. Quos cum in Lukouien regione consecutus esset, graves praeda, eoque impeditiori agmine procedentes, Lithuani permicem superioris cladis vitaturi, ne simul et cum Lestkone Duce eiusque exercitu, et cum captivis quos ceperant, pugnare cogerentur, in sylvas proximiores, vastas quidem et densas limosaque secedunt, ubi illos Poloni, veluti in munimento forti consistentes, distulerunt invadere, magnaque ob id anxietate acti, quod hostem et conspectu emisissent. Eadem penitus anxietas apud barbaros versabatur, nam et obsideri se a Polonis in sylva, in qua delitescabant, et si hinc evaderent, Polonos se usque in Lithuaniam secuturos portendebant. Captivis igitur ne Polonis adiumento forent in sylva durissime alligatis, ac sarcinis et impedimentis illic sub custodia paucorum et imbecillium relictis,

ē sylua glomerati, aciebus ordinatis prodeunt, et ad stationes Polonorum, qui
 in loco Romne appellato consistebant, vociferationes barbaras et incondi-
 tas emittentes, perueniunt. Terruit Polonos subitus eorum aduentus, et quos
 fugere putauerant, bellum sibi ultro inferre videbant, magis tamen multitu-
 dine hostili, ad suam paucitatem comparata, mouebantur, propter quod timido-
 res et inexercitati, in fugam spectare caperant, nisi Lesko niger Dux pru-
 denti orōne, pauorem militarem excussisset. Astringens nullum moris genus san-
 ctius praestantiusq; fore, quā quod pro fide et Penatibus susceptum esset.
 Gausuros illos potius, quā trepidaturos, quōd ea occasio pugnandi illos tene-
 ret, per quam honestissimē apud futura saecula, siue vincerent viuerentq;
 siue interirent, versarentur, dicens. Recolerent insuper an mitransacti vi-
 ctoriam, ē caelo sibi praestitam, Et nunc quoq; eadem et ampliōri spe, pro vi-
 ctoria admitterentur, postquam cum eodem hoste, recenter et identidem ab
 illis victo, esset certandum. Mouerentur captiuorum miserabilibus singul-
 tibus, qui in eorum dextris, fiduciam suā liberationis reponunt, se insuper
 nil salutis suae parsurum, sed pro exercitu suo et gente, gratissimē se cuiq; mor-
 ti expositurum. In duas tandem alas exercitu partito, quarum unam Le-
 gota Palatino Cracouien, alteram Ianusio Palatino Sandomirien, committit,
 in hostes insilit, Et obuios quosq; prostermit, primasq; hostium acies adeo obte-
 rit, ut et si caetera in eadem pugnandi constantia, aliquanto tempore con-
 stiterint, Poloni tamen iam, quasi se putabant primis ordinibus debellatis vi-
 ctore. Durante praelio Legota Palatini Cracouien ala (in ea enim Curien
 Ducis, et exercitatiores milites erant) primum vincere capit, a qua tandem
 ad aliam eadem fors peruenit. Fusi itaq; Lithuani fugatiq;. Et plura eoru
 millia eo praelio in stragem data sunt, quamuis et de Polonis aliquot insignes
 milites conciderint. Praelio obtento, ad syluas captiuosq; Lithuanorum,
 et sarcinas itum est, Et solutis captiuis, sarcinis quoq; Lithuanorum, in mili-
 tes diuisis, omnis praeda, quam ex Sandomirien terra tulerant, relata est. Le-
 gebantur et per plures dies, captiui Lithuani et spolia, qui locorum ignari
 fugiendo oberrauerant. In hunc modum propicia Diuinitate, et hostis fune-
 sta clade obtritus et omnis praeda erepta, Sed nec cognitu facile erat,
 prudentissimē ne Imperatoris, an strenuissimi militis in pugna Lesko niger
 Dux opera adiderit.

Monasterium fratrum Praedica-
 torum in Opathowiecz erigitur.

D Vodecima mensis Augusti, Thomas Montij Thimiecen Abbas in

oppido suo Opatowicz Crac' Diocesis, cooperante et instante Leskone nigro Crac', Sandomirien', et Siradien' Duce, Monasterium frum Tradicatorum fundat et erigit, et ipsis fratribus agros nonnullos, et terram donat ac largitur, pro pradio et cultura cum omni libertate.

PRZEISLAWA Ducissa genere Rutena, consors Semoviti Masouiae Ducis moritur secundo Idus Aprilis, et oppidum Gostini per Conradum Masouiae Ducem vastatur.

ZOPHIA Ducissa consors Boleslai Masouiae Ducis filium emixa est, cui nomen dum baptizaretur iubente patre Semouitus datum est.

*Iterum Paulus Episcopus Crac' iussu
Leskonis nigri Ducis captivatur.*

In uasione Lithuanorum eo et superiori anno patratam, Paulus Crac' Epus procurasse, multorum assertione insimulatus, mandato Leskonis nigri Crac', Sandomirien', et Siradien' Ducis, per milites, dum in oppido Lagom ageret capitur, et uinctus altera vice in castrum Siradien' deportatur. Vbi aliquanto tempore honeste et humane habitus est, neq' ob sui captiuitatem, vacabat enim tunc Gnesnen' sedes, Prouincia Gnesnen' censuris interdicti subiacuit.

Hospitale ante Calisz fundatur.

Pridie Calen' Ianuarij Przemslaus secundus Maioris Poloniae Dux, fundat hospitale ante portam oppidi Calisz, pro recollectione infirmorum et miserabilium personarum, et illud cum dote ei collata libertat, fribus Ioannitis illud dans in curam et regimen.

*Lukerdis vxor Przemislai maioris Poloniae Ducis a pedile quis misere inter-
ficitur. Cuius necis scelestae fama erat
conscium fuisse ipsum Przemislaum.*

Quatuordecima Decembris die Lukerdis Ducissa, consors Przemislai Maioris Poloniae Ducis, et filia Nicolai Gszubitarz Ducis in Polonia snamien' Castro diem obiit, a proprijs familiaribus et ancillis iugulata.

Quam Et si maritus suus Przemislaus Dux fleuerit, et Ducales illi funebri:
as celebrauerit, insimulatus tamen est, in mortem suam, quoniam sterilis es:
set, Et infacunditatis gratia Et prolis virilis Et successionis desiderio,
nonnullas personas subornasse. Auxit quoque suspicionem dissimulata vitio,
Et praestita authoribus indigna necis impunitas. Sed et carmina publica,
usque in aetatem nostram decantata, testabantur Ducissam Lukierdim, dum se
a marito praesensisset destinatum in mortem, flebilibus obsecrationibus ro:
gasse, ne vitam et famina Et consorti innocenti pateretur eripi, Sed Et pro
Dei reuerentia, et honore tam coniugali quam Ducali, permitteret eam in pater:
nam domum, etiam in unius Camisiae tegmento deduci: aequo animo sortem
quantumcunque inopem, dummodo relinqueretur vita, laturam. Facinus suum
Przemislaus Dux occultum, perpetuoque legendum silentio crediderat, velut
a paucis consciis, Et obscure actum. Quod tamen Deo efficiente, publico et
vulgari carmine, in suum dedecus audiebat cantari, quod etiam in nostra
usque aetatem, constat pertigisse, nostrisque saeculi illud concinunt theatra.
Trahebaturque praefatus Dux Przemislaus in facinoris praedicti vulgari qui:
dem sed veridico iudicio culpam, et a plurimis carpebatur, quod mors pra:
fata Lukerdis, alieno quidem ministerio, sed suo mandato et iudicio patra:
ta fuerat, neque Ducali reuerentia, neque prohibitione districta, potuit quali:
tatem sui facinoris de ore et pectore hominum abstulisse. Qui etiam occi:
sione consortis suae ob sterilitatem caelestium firmissimum et irretractabi:
le decretum impedire frustrareque conatus, et scelere se fa'dauit perpetui:
mo, et prole virili, altera uxore superducta, non potuit potius.

*Iacobus Swinka cassata per Papam Wloctiborii
electione in Gnesnen Archiepiscopum consecratur.*

Praelatis Et nuncijs Gnesnen Ecclesiae Electi sui Wloctiborii De:
cam Gnesnen, electionem suam per sedem Aplicam confirmari peten:
tibus, Martinus quartus Papa, electione eius cassata, Iacobo Swin:
ka Polono et genere nobili de Domo Torcaria, quae apud Polonos Swinka, id est
Sus vocatur, propter familiaritatem, quia illi in minoribus agenti coniunctus erat
puidit. Qui anno eodem die Saturni decima nona Decembris in oppido Glesz in Monio
frum minorum ordinatur in Presbyterum, et subsequenti die Solis consecratur a quor
Poloniae Episcopis, videlicet Thoma Wratislauien, Ioanne Posnamien, Goslao Plocen, et Volmi:
ro Lubuccen in Archiepiscopum. Quam solennitatem consecrationis, Przemislaus Dux Ma:
ioris Poloniae, exequijs suae consortis peractis, sua cohonestauit praesen Et nouo
Archiepiscopo Iacobo annulum, gemma et opere insignem pro munere obtulit.

*Monasterium Sanctimonialium Ordinis
Prædicatorum Polnamiæ fundatur atque
libertatibus et villis abunde dotatur.*

Sexto Calen' Ianuarij Przemislaus Secundus Maioris Poloniæ Dux
fundat Monasterium Scimonialium Ordinis Prædicatorum Po-
snamiæ. Cui tres villas, vñ Pignthkom Rudmicze, & Zaparczicze,
item lacum Gostimino dat in dotem. Coronatus autem in Poloniæ Regem
confirmat donationem per Vincentium Cancellarium, ac frēs eius Ni-
colaum Palatinum, & Mirosławum de villis Donathowo & Grzimisław,
item Nicolai Palatini Calisien', de villis Koszczinino, Bialekorzj
& Sokolniki, ac molendino ante Posnamiam, Item Ioannis Scholasticj
de villa Popowo factam, libertando hereditates prædictas ~

ALBERTVS Vladislauen' Epūs nonis Decembris, cū annos
duodecim in Pontificatu exegisset, moritur, & in Ecclesia Vladislav-
vien' tumulatur. Vir spectata virtutis, & in pauperes religiososq;
ac quoslibet inopes, liberalitatis profusus. Cui Vislaus Cancell' Wla-
dislauen', Præpositus Plocen' successit, anno subsequenti XIII Calen'
Aprilis à Iacobo Sminka Gnesnon' Archiepo in Monasterio Strzelneŋ Or-
dinis Premonstraten' Vladislauen' Diæcesis, prouisus et consecratus no-
bilis genere de Domo et Familia Labawa ~

*Sub tutela Othonis Bohemi consti-
tuti, Principem suum repetunt,
idq; nullo suo commodo obtinent;*

Varijs et externis Bohemiæ Barones et nobiles vexati incommo-
dis, Principem suum Venceslaum, sub cura et tutela Othonis Lon-
gi Marchionis Brandeburgen' constitutum, sibi reddi deposcunt.
Sed Otho Marchio præfatus, callida ad differendum ingenia conquirens,
Bohemorum expectationem, quam crebris identidem spebus implebat, illu-
debat, donec Bohemi terræ suæ dispendijs, diut in migravescentibus proui-
suri, paciscuntur Othoni Marchioni, Budissen' Marchiam cum nonnul-
lis Castris et oppidis, in perpetuam hereditatem et possessionem, nec non tri-
ginta quinq; millia argenti, se daturos. His duabus conditionibus Otho
Marchio motus, postquam sibi à Bohemis effectualiter impleta sunt, Ducem
Venceslaum illis, nono Calen' Iunij in Pragam adductum restituit. Sed

hunc ipsum demum, genitrix sua Cunegundis, consors Lauissij de Rozenberg, adeo blandimentis maternalibus deuinxit, ut totius Bohemiae regimen et gubernationem Victrico suo Lauissio committeret. Qui fastuosius se erga Bohemiae Barones gerens, multorum in se liuores et odia conuertit. Contur meliusq; tunc Bohemia sub eo, quam sub Othone Marchione dispendijs plurimis afflictata et pressa est.

*Tres Msczugii Pomeraniae Ducis frēs
Ordinem Cruciferorum subeunt
donatis ordini sortibus suis. Quod per
Legatum Papae est infirmatum.*

Germanus Msczugii Pomeraniae Ducis, et unus ex filijs Swantopelci Varczislau, tenuitate priua sortis, quae illi obtigerat, considerata, mundo relicto, Ordinem Cruciferorum de Prussia, conferens eidem Ordini sortem sui Principatus, assumit. Cuius exemplum duo alij frēs Samborius et Ratibor secuti, sortes suas ea conditione ordini donant, ut ordo illos, statu et habitu laicali permanentes, et seruitores eorum, expensis et sumptibus decentibus, procuret. Non tulit eam alienationem Msczugius Pomeraniae Dux maior natus, sed omnes tres, trium germanorum sortes, in suam ditionem redigens, misso specialia nuncio, apud Summum Pontificem Martinum quartum, de Magistri et ordinis Cruciferici, notoria ambitione, qua sortes fratrum ad se recisuras occupare mtebantur, querebatur. Qui ad rem inspiciendam Philippum Epum Firminum Legatum in Prussiam, transmisit. Legatus autem is, auditis utriusq; partis propositionibus et responsis, donationem per tres Msczugii frēs, Varczislau, Samborium, et Ratiborium, ordini factam, velut iniustam et iniquam, reuera et ait et rescidit. Ducem vero Msczugium ad donandum donatione perpetua Mgro et Ordini oppidum et Districtum Gniem, cum quindecim tantummodo villis, inducit. Quo sic firmato Magister et ordo, Castro Puerberg demolito, Castrum et oppidum Gniem muro adificauit.

Anno Domini 1284.

*Castrum Calisienle filius Palatinj
Polnaniē muneribus corruptus Henrici
eo Probo Wratislaviē Duci tradit*

Quod Przemislaus maioris Poloniae Dux, dum
expugnatione recuperare non potest, tandem
oblato pro eo Castro Olobok illud conquirat;

I Mesclatus Henricus quartus, Probus cognominatus, Wratislaviensis
Dux, suarum fraudum, quas in Przemislae Maioris Poloniae, Hen-
rico Legnicen, Conrado Glogouien, Ducibus captivandis, nequiter
commiserat, prospero successu, terra Ruden alias Wielunen, de qua pro li-
beratione sui, Przemislaus Maioris Poloniae Dux, illi cesserat, parum con-
tentus, rursus (ut est natura hominum, qui se cupiditati et avaritiae semel
permiserint, avidiori pectore aliena appetere) ad occupandos ceteros Ma-
ioris Poloniae Principatus, animum intendit, et nonnullos sibi ex Maioris
Poloniae Baronibus, eos praesertim qui rerum summae praerant, cum mu-
neribus tum promissis amplissimis, allicit et conciliat, opportuno tempore eorum
opera, ad consequendos ambitionis suae fructus, usus. Inter quos cum
Sandiugium Ioannis Palatinus Posnamen, spe et largitione corrupisset, San-
diugius ipse, castrum Galisien habens a Przemislae maioris Poloniae Duce,
in sua fide et teneta, ob nonnullas misuper similitates Przemislae Duci, et
quod in conferendis Magistratibus et officiis publicis doleret se ab eo pra-
teritum, infensus, ultima Septembris castrum Galisien (ciuitas siquidem
paululum ante septimo vlti (scilicet) septembris proprio incendio conflagrat.)
Henrico quarto Duci Wratislaviensis tradit, omnis humanitatis et honesta-
tis suae oblitus. Qua nouitate, non secus quam par erat, Przemislaus ma-
ioris Poloniae Dux permotus, vniuersis militibus suorum Principatum in
arma coactis, versus Galisz procedens, castrum Galisien, in quo iam frequens
ex Slesia militum Henricus Wratislaviensis Dux praesidium locauerat, et
tam victualium prouisione, quam propugnaculis munierat, ab omni parte
in coronae modum cinxit et vallauit, sperans se aut tractatibus interpositis,
fame urgente per deditionem, aut per violentam expugnationem castrum ha-
biturum. Caduceatoribus autem ad milites castrum obtinentes missis, qui per-
suaderent, ut castrum reddito, incolumes, omnibus ablatis, abirent, cum nil
responderetur pacati, Przemislaus maioris Poloniae Dux, castris propius
admotis, in diem tertium pronunciauit, ut milites pro expugnando castrum pa-
rati essent. Quo adueniente magna vi magnosq; conatu et impetu ad illius
expugnationem vniuerso fere die, cassos labores impendit, et loci natura,
et arte militumq; manu, conatus illius frustrante, Inclinata tandem die,
cum iam insignes milites expugnatio huiusmodi aut absumpsisset aut vul-
neribus

1011

neribus confacisset, signo dato receptui, illam, plus dedecoris et damni ex ea quam utilitatis referens, omisit. Interpositi tandem sunt per communes Barones pro pace tractatus, inter bellantes et dissidentes Duces. Et post plures fatigas et labores, sub his tandem conditionibus, Przemislaus maioris Poloniae Duci parum honestis pax convenit. Ut Dux Wratislaviensis Henricus, de Castro Galisz occupato cedat, et illud Przemislaus maioris Poloniae Duci reddat, Przemislaus vero in Olobog Castrum suis sumptibus aedificet, et illud cum regione, quae circa Olobog consistit, Henrico Wratislaviensi Duci consignet. In hunc modum pace confecta, obsidio soluta est.

*Henricus Probus multa Castra et oppida
ac alia bona Episcopi et Ecclesiarum Clerique
Wratislaviensis vicarij, et decimas omnes sibi
tribui iubet. Quae cum requiritus restituere
non curat, pro eorum recuperatione Synodus Pro-
vincialis ab Archiepiscopo Gnesnenensi indicitur.*

CVerba humana et sociali, licet admodum temeraria et iniusta, Henricus Wratislaviensis Dux, Probus per antiphrasim appellatus, cum illi magis improbitas conveniret, perfunctus, ad sacrilegam et magis detestabilem, siue peccus rerum avidum et insatiabile, siue inflatus plusquam humana superbia animus, id causabat, arma vertit. Et notabiles pecuniarum summas et subventiones, a Thoma Episcopo et Clero Wratislaviensi, sibi dari stricto mandato imperavit. Quae cum non praestarentur magna furia actus, Otmuchow Castrum Episcopale primum, deinde oppidum Nissa Ecclesiae cepit. Et quasi ea parva essent, omnium aliorum Castrorum, oppidorum, villarum, quae ad Episcopum Wratislaviensem aut eius Clerum pertinebant, possessionem per satellites suos, expulsis inde tenentariis et officialibus Episcopalis et Ecclesiasticis, apprehendit. Decimas insuper universas in suo Principatu (quae soli Deo in signum universalis Domini noscuntur reservatae) sub gravi interminatione et pana, iussit sibi praestari. Habebat insuper Episcopus et Ecclesia Wratislaviensis Castrum Eldeusten, in certa pecuniae summa sibi obligatum, ad illud quoque rapaces manus extendens, in suam redegit ditionem. Tot adversitatibus et persecutionibus, sub uno tempore in Ecclesiam Wratislaviensem, in cuiusdam tempestatis et procellae modum, coortis. Thomas Episcopus Wratislaviensis Episcopus provisorius, honestos nuncios ex Praelatis et Canonicis Wratislaviensis, ad Henricum Ducem Wratislaviensem, mittit, pro restitutione bonorum

rogaturos. Qui et si humiliter et submisſe legationem suam illi denunciaſſent: ſuperbum tamen et minarum plenum retulerunt reſponſum. Miſſi et alij it emq; alij: et cū in eodem ſuperbia et furoris tenore præſtare Ducem Henricum monſtrarent, ad extremum Thomas ipſe Wraſlauenſ Epus, ad mirandum ſauum et trucem animum, ire pergit. Sed à Duce Henrico, quamuis blandē et manſuetę preces iuſtas ingeminaret, aſperius obrutus. Iacobus Swinka Gneſnenſ Archiepo ſuo Metropolitano, per lras et nuncios, ſuas et Ecclę ſua Wraſlauenſ preſſuras, prouiſionem flagitans, intimat. Qui calamitatibus Ecclę Wraſlauenſ paterno et benigno affectu compaſſus, pro ſacra Epiphaniarum die anni ſubſequentis, neq; enim temporis qualitas, celerius patiebatur rem obiri, Synodum Prouincialem Lencicię inſtituit, et omnes Prouinciales Epōs ad illam inuitat, tam de teſtabili rei, ab Henrico Wraſlauenſ Duce molitę, ne in effectum procederet occuſurus ~

In Legano oppido Mon'rium fundatur.

Quarto decimo Calen' Iunij Przemislaus Sprotauenſ Dux in Legano oppido ſortis ſua Monasterium ordinis ad petitionem, et inſtantiam Alberti Plebani Leganenſ fundat et erigit, et condignam illi dotem de villis et introitibus Ducalibus largitur. ~

Burcardus Magr Prusſia' eligitur. Qui Saracenis à Ciuitate Accon depulſis, ex terra Sancta reuerſus, Ordini et officio ſuo renunciat. Quod poſtea Fruſtra, Mamer Magiſtro Saxone conſtituto ~

Mortuo Manegoldo Cruciferorum Mgro, Burcardus de Swanden ſurrogatur. Qui illius probitatis extitit, ut etiam Ciuitati Accon in terra Sancta diuturna obſeſſione Saracemica laboranti depulſis barbaris ſuccurreret. Poſt paucos uero dies de officio fratribus nequicquam flexis gembus rogantibus, cedit, et Ioannitarum ordinem aſſumit. In quo parum grauidē et prouidē habitus, officium in Prusſia reſpetere conatus, repulſam paſſus eſt. In cuius locum Mamer de Querinuorth natione Saxo ſubſtituitur. ~

Anno Domini 1785.

*Synodo celebrata Archiepiscopus Gnes-
nen' Swinka, Ducem Wratislaviensem
et eius Domina Ecclesiastico Interdicto sub-
ycit, quod fratres minores Wratislaviae nō
obseruant. A quo tandem Dux ipse ablo-
lutus est, nulla satis factione Episcopo
suoque Clero Wratislaviensi praestita.*

Epiphaniarum festo adueniente Gnesnen' Archiepiscopus Jacobus Swinka
in Lancien' oppido Synodum tenuit Trowincialem. In qua Paulo
Cracouien', Ioanne Posnamien', Vislao Wladislauien', Thoma Wra-
slauien', & Volmire Lubucen', Episcopi, caeterisque inferioribus Praelatis &
Abbatibus, in notabili multitudine conuenientibus, causa Wratislaviens' Ec-
clesiae, per Henricum quartum Wratislaviensem Ducem angustata & oppressa,
tractari et agi capta est. Et quoniam omni modestia erga tyrannum
Henricum Thomas Wratislaviens' Episcopus docuit se submissius, etiam qua
Pontificalem dignitatem decuerat, usum fuisse, Jacobus Swinka Gnesnen'
Archiepiscopus, de Coepiscoporum suorum votis et consilio, processu summario
contra tyrannum instaurato, ipsum et omnes suos Satellites, familiares, et
adhaerentes, et singulos qui eidem praestarent consilium, auxilium, et fa-
uorem, pro uolentia et oppressione, quam Ecclesiae Wratislaviens' intule-
rat, censuras Ecclesiasticas extendit et aggrauat, et tam Wratislaviens'
Civitatem, quam omnia loca alia Principatus sui Wratislaviens', Eccle-
siastico supponit Interdicto. Quod etsi mandatis sui Metropolitani iu-
rissimis parendo, uniuersae Ecclesiae, uniuersaque Monasteria Wratisla-
uiens' Civitatis et Diocesis obseruassent, et organa Diuinae laudis su-
spendissent, soli fratres Sancti Francisci Ordinis Minorum in Monasterio Sancti
Iacobi Wratislaviae, illud obseruare contempserunt. Sed pro ductis Hen-
rici et Civium Wratislaviens' favore et beneplacito, non compatiendo, quem
admodum caetera nobilia et iusta membra, capiti, publice et notorie profa-
nabant. Eiectus est igitur tam Episcopus quam omnis Clerus Wratislaviens',
eiecti et fratres Praedicatorum (quos honoris et virtutis causa nomino)
de Wratislaviens' Civitate et alijs oppidis, atque villis per Ducem Henri-
cum, et Cives Wratislaviens', qui secum una sentiebant, et suam fouebant
mulcebantque contumaciam et tyrannidem. Et omnes in exilium acti, in

in Poloniæ Diacones secesserant, et illic per omne tempus, quo persecutionis
detonabat procella, à Polonica Ecclesiæ Pontificibus, Tralatibus et Clero, be-
nigne et humane recollecti et habiti morabantur. Soli minores frēs humana
et temporalia lucra sectati, non sine sua et ordinis sui mole et ignominia sempi-
terna, non apud illa solū, sed etiam apud presentia et futura sæcula detesta-
bilem memoriam habituri, reperiuntur, qui Ecclesiasticæ doctrinæ nervo te-
merato, miserabiliter se inquinaverant, Et tyranno Henrico Duci, eiusq; Sa-
tellitibus et quibus Wratislaviens, per assistentiam addixerant. Apud quos
plus valere visa sunt humana quàm Divina, et iussis salutiferis præstan-
tiores victimæ. Thomas autem Epūs Wratislaviens, suam et Cleri iniuri-
am repressurus, ad Lugdunens Concilium se personaliter contulit, sed cū,
quoq; illuc speratum non offendisset remedium, Dux quippè Wratislaviens
Henricus, missis Procuratoribus, absolutionem à Censuris et Interdicto Gnesnens
Archiepi, obtinuit, nulla satisfactione de damnis et malis, quorum non erat
numerus. Thomæ Epō impensa, in Poloniam ex Lugduno mæstus redijt, et
in Ratibor à Duce Wladislao Opolien recollectus habitavit.

Deiecto Lestkone nigro Duce
Barones et milites minoris Poloniæ,
ab imperio, illud Conrado Malo-
via Duci deferunt. Ciues autem
Teutonici Cracoviens, dum fidem
cum Arce Cracoviens et coniugem
Lestkonis, eisdem ab illo credi-
tam servarent, Conradus à Lesth-
kone habente Hungarorum auxi-
lia superatur, & rebellantibus in-
grām susceptis, fidemq; Ciurum
Crac' remunerans prærogatiuis Spe-
cialibus, ipsis insuper Ciuitatem
muris et propugnaculis munitis,
plenariam tribuit potestatem.

SE data paululum, siue potius propter externa et barbarica bella
dilata et condita, militaris contra Lestkonem nigrum Cracoviens et
Sandomiriens Ducem, seditio atq; rebellio, quiescentibus bellis, maiorj

rursum turbine erupit, Et tam Paulo Cracouien Epō, quā Warfzio Castellano, Legotha Palatino, Cracouien, Ianussio Palatino, Cristino Castellano, Sandomirien, ceterisque Primoribus Baronibus terrarum Cracouien et Sandomirien, in illius deiectionem, et Conradi Masouiae et Zirnen Ducis institutione uno voto unoque tenore conspirantibus, Conradus praefatus Masouiae et Zirnen Dux, notabilibus fretus copiis, primum Lauichost, deinde Sandomiriam, Paulo Crac Epō, qui captiuitatis suae ultum iri parans molestias, eam procellam excitauerat, et omnibus alijs Baronibus, obuiam illi euntibus, aduenit. Vbi diebus aliquot, magno celebrato conuentu in verba sua ab vniuersis Cracouien, Sandomirien, et Lublinen, militibus, iuratum est, Et omnium Castrorum, Ciuitatum, et munitionum facta deditio. Vna sola Crac Arx et Vrbs restabat, in qua se Leszko niger Dux cum Griphina consorte, et paucis admodum familiaribus, a ceteris, ne illis perfidia esset si secum sentirent, desertus, continebat. Ad eam quoque comprehendendam, Conradus Masouiae et Zirnen Dux, ex Sandomiria cum copiis, a Paulo Crac Epō, et Baronibus et militibus Cracouien et Sandomirien, consultus, ire pergit, vnam victoriam in vno solo Leszko niger Ducis corpore, si capi posset, autumans consistere. Periculosam difficultate undique Leszko niger Dux coartatus, vario aestu mentis fluctuans, quid sibi agendum restaret, maestus et consilij inops, deliberabat, deliberationem autem metus et denuntiatio hostilis aduentus, interceptabat. Arcem quidem Cracouien, forti defensorum et militum praesidio locandam esse, Et ratio Et necessitas suadebant: quatenus ea velut capitali retenta, cetera facilius in ditionem redirent. Sed id quoque consilium militum defectio, Et eorum qui remanserant paucitas, difficiliter faciebant. Salubri tandem consilio Leszko niger Dux inspiratus ad Cracouien siue Teutonicos se conuertit, et tam Ducissam Griphinam suam consortem, quā arcem in eorum fidem et tuitionem committit, pollicitus fidem eorum in necessitatis articulo praestitam, de bellatis hostibus, abunde se premiaturum, ipse cum paucis, arce Ciuibus Cracouien tradita, suae deiectionis iniuriam amplexatus, in Hungariam ad Vladislaum Hungariae Regem, auxilia quaesiturus, quanto celeriori potest cursu, quatuordecima die Iulij ex Cracouia egressus, contendit. Cracouien autem Ciues aduersus Conradum Masouiae Ducem, aduersus quoque priores Barones et proprios milites defendere Ciuitatem, quod et humiles illius tunc muri, et parum prouisa maxima essent, et tam arcis quā Ciuitatis tutio, pro vno eodemque tempore, periculosa videretur, diffisi, Ciuitate deserta, cum vxoribus pignotibus, et fortunis, se in arcem recipiunt, contra quoslibet impetus illam tutantur. Aduenit tandem cum exercitu Conradus Masouiae Dux, Et urbem vacuam offendens, in eam se recepit. Mittit

deinde Barones ad Cives Cracouien' Teutonicos arcem obseruantes, famili-
ares et notos illis milites, qui monerent, ut arce reddita, et ipsi in Conradique
vniuersale et concors Baronum et militarium decretum, pro Duce delegisset,
ditionem venirent, neq; a comuni voluntate militarium desiperent, iustum et
favorabilem Ducem Conradum, in eorumq; votis si qua postulare vellent, cle-
mentem et propiciam, iuxta et amplius quam Lestkonem nigrum, si secum una
sentire caperint, habituri, presentis quoq; facinoris impunitatem perpetuam,
sin minus iratum et formidabilem, relaturi. Paruo temporis spacio Cives Crac'
ad deliberandum sumpto, respondent. Non licere illis propter iusiurandi sa-
cramentum, quod omnibus Baronibus Crac' et Sandomirien' Lestkoni nigro Duci
præstantibus, et ipsi præstiterant, nouo se pollucere periurio, et Lestkone uiuen-
te, in Conradi ditionem concedere: non esse rem sua conditionis suiq; iuris, obe-
dientiam semel præstitam, Lestkone superstite variare. Desinerent eos ad
rem illam asseiscere velle, quam integram, cum illi primum non deliberaissent,
se nihil de fide semel Lestkoni nigro Duci et Domino suo præstita, etiam si
extrema urgeret sors, mutaturos. Ea Cuius Crac' responsione tam Conra-
dus Masouia' Dux, quam Crac' et Sandomirien' Barones exacerbati, cum
arcis Cracouien' impugnatione et conquisitio non minus difficilis quam periculo-
sa videretur, conceptas responsione Cuius Crac' iras, in ecclesia eorum inno-
cua vertunt, Et igne in locis pluribus adhibito, Cracouien' urbem sauiissi-
me incendio conflagranti: cuius quondam structuras et ornatum magnopere a
Deo amorum vices, versante fortuna fulsisse optabant. Interim dum ea
Cracouia' agebantur, Lestko niger Dux, cum Hungarorum et Comanorum exer-
citu, ex Pannonia redibat, Vladislaus quippe Hungaria' Rex, afflictus
fortuna sua compassus, et præstantiores ex Cuius suis, tam Hungaros quam
Comanos, auxilium et restitutionem in Tricipatus sibi præstituros, socium
transmisit, Et insuper hortatus est, ad bellum capeffendum properè incumbe-
re. Huius quoq; rei gratia Conradus Masouia' Dux sibi occursum, et
prælium cum eo conserturus, ex Cracouia mouit Castra, ratus se cum fre-
quentibus suis copijs, facile Hungarorum et Comanorum paucitatem oppres-
surum, spei tamen sua' aduersus effectus respondit. In campis siquidem
villa Boguczicze, haud procul a flumine Raba, cum Lestkone nigro Du-
ce, et Hungaris Comanisq; suis adiutoribus collatis signis, secunda die
Augusti, cum occasio ipsa nec differendi nec retardandi occasionem daret,
pugnans, superatus atq; victus est. Et strage magna utrinq; proueniente,
Lestkoni nigro, qui iustiora arma induerat, cessit victoria. Conradus Ma-
souia' Dux, in aliquorum suorum militum paucitate, quam in hoste contem-
perat, effugiens, non prius fugam sistere voluit, donec in Masouiam et Castra

eius se recepit. Errorum autem suum, ea clade, quam Diuinitus prout erat, rebatur accidisse, percussus, recognoscens, impetitionem Cracouiensem et Sandomirien' Principatum, velut iniustam et deformem, omisit. Leszko niger Dux Hungaris & Comanis, a quibus usq; Cracouiam deductus est, pro opera quam in praelio nauauerant, munifice remuneratis, et in Pannomas remissis, victoria modestissime usus, et captos Barones in libertatem restituit, et profugas etiam deprecantes, in priorem statum et gratiam admisit. Expertus tunc in se Leszko niger Dux Cracouiensem, quod quisq; qui Reip. administrationem suscepit, inuidias, obreccationes, odia, seditones, repulsas, exilia, ca', desq; subeat, oportet. Cuius autem Cracouiensem qui et arcem illi conseruauerant, & nulla aduersitate ab illius fide poterant ducelli, multas libertates praestitit, et Cracouiensem civitatem, fossatis, vallibus, turribus, et muris muniti, et a solis Teutonicis illius regimen et gubernationem obtineri et dirigi (Baronibus et militibus magna execratione et stomachatione, rem improbantibus, ne quandoq; aduersus se calcitrarent) illis permisit. Tanta demq; charitate Leszko niger Teutonicos Cracouiensem ciues, ab eo tempore extulit et coluit, ut se tam coma quam habitu et moribus conformaret illorum.

Rutheniam a Louia primū, deinde Rutheni a Louia vicissim perualant et.

Boleslaus Masouiae Dux filius Semouiti, potentis gentium suarum, tam ex parte quam equite contractis terram Russiae ingressus, illam spolijs, igne, et caedibus vastat, et magna spolia in Masouiam refert. Cuius exercitu ad propria dilapso, Rutheni Masouiam repentina irruptione ingressi, illam vastant, et Boleslaus Masouiae Dux detrectante pugnam, spolia et ipsi frequentia in Russiam referunt.

Henricus Probus Wratislauiensis Dux innocenter milites suos trucidat, & traditorem arcis Calisien' captiuat.

Nondum una tyrannide Henricus quartus Wratislauiensis Dux perfunctus alteram orsus, Ioannem Niemczicz et germanū suū Petrum, ijs sibilatōne, militares et innocentes viros, quod de violentia Ecclesiae Wratislauiensis illata, ab eis reprehensus fuerit, trucidat. Sanduogium verō Ioannis Palatini Posn' filium, qui illi Calisien' arcem traderat, ijs Benjamin militem captiuat, et in carcere atq; vincula coniecit. Quos oīum aestimōne extinxisse creditus vitae tandē et libertati reddidit.

*Przemislaus Posnaniensis Dux post iu-
gulationem prioris uxoris suae, alte-
ram filiam Regis Sueciae superducit.*

Successorem et heredem Przemislaus maioris Poloniae Dux exastuans
relinquere, cuius rei contemplatione et respectu Lukieram confor-
tem suam, velut sterilem, insimulatus est per satellites suos iugulo
sustulisse. Rixam virginem filiam Sueciae Regis accipit in uxorem. Et
Undecima Octobris die adductam, Posnaniae nuptiarum celebrat solennita-
tem. De iugulatione autem uxoris praefatae Ducis Przemislai Lukierdis,
quae erat ex Prosapia Marchionum Brandeburgensium genita, in execratione
tam facti sceleris, Deo permittente carmina vulgaria ab agrestibus ruditer
composita, lingua Polonica usque ad nostra tempora canebantur. In quibus
praefata Lukierdis obsecrabat Ducem Przemislaum sibi vitam non eripi,
sed in paternam domum etiam in panis vilibus deduci.

Vermes in Prussia pestiferi.

Pestiferi vermes, caudas velut Cancris habentes, in terra Prussiae
in magna multitudine in fine mensis Junij ebullunt, et plures morta-
les suo tactu extinguunt, adeo enim eorum tactus lethalis existit,
ut quemcumque rostro pupugerint, altero aut tertio die examinabatur.

*Tartari Hungariam longe lateque perua-
sant, et multis occisis, quasdam terras
Imperii Constantinopolitani occupant.*

Miori pernicie Hungaria a Tartaris, quam Prussia a vermibus af-
flicta est, huius siquidem a Comanis, quos Hungari vicerant, instigati, in
Hungariam infra octavas Epiphaniae adveniunt, et caedibus spoliisque
eam usque ad Pestem et Budam pervasant, tanta freti multitudine, ut Wladislaus
Hungariae Rex congregatus cum illis timuerit. Diutius autem Tartari in Pannoniis
usque post festum Paschae commorati, tantum Hungaris dispendium intulerant,
ut pecoribus et iumentis deficientibus, homines bigas et aratra trahendo vicem
pecorum supplerent. Grandis tandem mortalitas, quae multa eorum millia ex-
tinxit, secedere illos ex Pannoniis coegit. Invaserunt eo anno Tartari Impe-
rii Constantinopolitani, multasque terras Imperii, caede ingenti in homini-
bus facta, occupaverunt.

*Martinus III. PP. moritur. Cui
Honorius quartus succedit.*

Feria quarta infra octavas Dñicæ Resurrectionis quinto Glendf
Aprilis Martinus III. Papa, apud Perusium, tribus annis sedens, mo-
ritur, et in maiori Ecclesia sepelitur. Cui Jacobus de Sabello Diaco-
nus Cardinalis natione Romanus, de Domo Sabellorum antiquo genere, Ho-
norius quartus vocatus, succedit. Vir sapiens et nulli nocivus. Qui post
creationem Romam recedit, et iuxta Sanctam Sabinam in monte Aven-
tino fabricat Palatia, pridie mensis Aprilis, apud Perusium in Papam
electus. Quarta verò die mensis May per Latiner Hostien Cardinalem,
primum in sacerdotem promotus, et tandem in Summum Pontificem consecra-
tus est.

KUNEGUNDIS Regina Bohemæ, relicta Othokati Regis
Et consors Lauisij de Rozemberg nona Septembris diem obiit, et apud
S. Franciscum Praga sepulta.

Anno Domini 1786.

Conradus Masovia Dux Lubornatis
Ruthenis et Lithuanis Castrum Go-
stimin, sub Wladislao Loktek conqui-
rit. Idem ipsi barbari alio tempore ingressi
Masovia, Sochaczow et Plocko Castra exurunt.

Indignè et moleste ferens Conradus Masovia et Zirnien Dux Ca-
strum et Districtum Gostimin à sua sorte et Ducatu sequestratum
esse, et in ditione atq; sorte Wladislai Loktek fr̃is patruelis Brze-
schen et Siawien Ducis consistere, captus illius ambitione, Lithuanos et Ru-
tenos in eius captiōem subducit et subornata. Cuius ut captiō facilius pro-
ueniret, nonnullos ex suis in Gostimin Castrum, tradimentum et fraudem op-
portuno tempore, de quo inter ipsum et Lithuanos Ruthenosq; conuenerat,
patratos, submitit. Lithuani itaq; et Rutheni ad constitutum diem clan-
culò et silenter aduentibus, nauantibus Conradi Ducis Satellitibus pro
tradimento operam, Lithuani et Rutheni Castrum Gostimin, fraude magis Con-
radi Ducis et suorum Satellitum, quàm robore expugnant et conquirunt, et

Et tanta crudeli strage in milites, quos in Castro reperierunt grassati sunt, ut in ore gladij trucidarent plurimos, reliquos in miserabilem ducerent servitutem. Sexcenti et amplius de ingenuis et agrestibus ea clade aut necati aut capti. Castrum Gostimin eade et innocenti Catholicorum sanguine, a barbarorum truculentia effuso, dotatum, Conradus Masouiae et Zirnen Dux accepit. Qui etsi cupidine sua potitus sit, ab umbris tamen eorum, quorum stragem effecerat, reor illum per quietem identidem potuisse vexari. Sed nec diuturna Conrado Masouiae Duci atq; suis militibus fuit ea laetitia, hii enim Lithuani atq; Ruteni, qui illum in conquirendo Castro Gostimin adiuvauerunt, sub eiusdem anni spatio Masouiam ingressi, et Castrum Sochaczow conquirunt, et Castrum Plocko negligentius custoditum intercipiunt, et exurunt, trucidatis utriusq; sexus hominibus, nonnullis vero in captiuitatem abductis.

Przemislao Posnamen Duci magna spe
filium expectanti filia nascitur.

Magna spe magnaq; expectatione, Przemislaum Maioris Poloniae Ducem, de futura virili prole, consorte et Ducissa sua Rikscha porrigente indies uterum, exultantem, femineus partus ab ea, prima Septembris die editus, a spe et hilaritate defecit, Baptismalium tamen solennitatem Posnamiae celebrans, a Praelatis et Barombus quos imitauerat, etiam virilem sexum sperare iussus, coniugis nomen nouae filiae Rikscha imposuit.

Wladislaus Loktek Castrum Plocko sub
Conrado expugnat, et Gostimin recuperat.

Trage suorum militum et hominum in Castro suo Gostimin, per Lithuanos et Rutenos patratam, Wladislaus Loktek Brzeszen et Cuiacien Dux, ulturus, simulq; Castrum Gostimin a Conrado Masouiae Duce occupatum, recuperaturus, iusta ira iustaq; indignatione in Conradum, Masouiae Ducem succensus, qui primum fratrem suum germanum Leskone nigrum Ducem de Cracouien et Sandomirien Ducatibus, exturbare et deicere conatus est, se deniq; ex Castro Gostimin deturbasset, collecto expedite et equite exercitu, in Masouiam silenti et latenti agmine veniens, Castrum Plocko sub intempesta noctis spatio aggressus, vigilibus trucidatis et comprehensis, expugnat et conquirat, et in suam redigit ditionem.

Quod non prius Conrado Duci, cuius erat, restituendum duxit donec Baronum communium, civile et domesticum bellum molestius ferentium, et extinguere pro viribus satagentium, interpositione, et damna singula circa interceptionem Castri Gostimin illata, sibi soluta sunt, et Castrium Gostimni redditum.

IOANNES appellatus Viszkorniecz Posnaniensis Episcopus, cum prope annis undecim sedisset moritur, et in Ecclesia Posnaniensi sepelitur. Cui eiusdem nominis, sed alterius appellonis vir Ioannes, cognominatus traditor alias Herbut vel Gierbisch Posnaniensis Canonicus, per electionem Canonicam, via scrutinij celebratam successit. Quem Iacobus Swinka Archiepiscopus Gnesnensis confirmans, praefatum electum in Landa Monasterio Sistericiensi ordinis, in Episcopum consecrauit.

Lithuanae Dux Pelussa principalem Ducem nuptias celebrante cum sponsa captiuat, et plurimos alios Duces crapula soporatos trucidat.

Crauit et iniquo animo Pelussa Lithuanae Dux ferens iniurias, quae illi a Principali Duce Lithuanae propinquo sanguine sibi iunctae inferebantur, easque ultum iri aestuans, ad Commendatorem in Kinsberg Albertum de Missen secreto veniens, dari sibi per Commendatorem viginti viros, quorum duo erant principales, Martinus de Golm, et Conradus de Tunil, in armis exercitatos, ad inferendum molestias Lithuanis, obtinuit. Dumque cum complicibus suis praefatis in interiora Lithuanae peruenisset, in Castrum principalis Ducis, in quod nuptias ex more celebraturi principales Lithuani conuenerant, nocte irruit. Et omnes per ebrietatem et crapulam soporatos inueniens, septuaginta Duces et maiores natu, plurimamque aliam multitudinem hominum permiscui sexus occidit. Sponsum vero et sponsam cum multis matronis et virginibus, captiuos, onustos spolijs et elenodijs insignibus in Kinsberg deducit.

BERNARDVS Legniczen ob corporis agilitatem et robur agilis appellatus filius Boleslai Sani Rogatki moritur. Et in Monasterio Legnicen fratrum Praedicatorum in sepulchro paterno sepelitur.

*Bohemia Rex filiam Rom. Regis ducit uxore
et sororem suam eius filio copulat ~*

*E*xtio nonas Iulij Venceslaus Bohemia Rex, Lutham filiam Rudolphi Romanorum Regis, et patris sui Othokari occisoris, quam necessitate ductus dudum desponsauerat, accepit in uxorem, et pro dote civitas Egra illi a Rudolpho pignori data est. Sororem vero suam Rudolpho primogenito filio prefati Rudolphi Romanorum Regis, vice versa tradit in consortem. Lutha Venceslai coniunx viro cautiore, inimicitias quae inter Venceslaum Bohemia Regem, et Albertum Romanorum consurrexerant, magno labore et studio interposito diremit ~

Anno Domini 1287

Districtum et Castrum Olobok, quod ex certis pactis in Ducis Wratislaviensis conditionem minus iuste cesserat maioris Poloniae milites, inconstituto Duce suo recuperant ~

*M*aximum et notorium dedecus, prout erat, milites Maioris Poloniae rati, quod Henricus Wratislaviensis Dux, pro restitutione Calisien Castri, quod suo tractatu et blandimentis pollicitationibusque fraude vero Sanduogij, filii Ioannis Palatini Posnaniensis, interceperat, Districtum et Castrum Olobok occupabat, iniussu Ducis sui Przemislai, facto agmine, illuc ire pergunt. Et die quatuordecima Iulij, Castrum Olobok, quod ex conditione foederis Przemislai Maioris Poloniae Dux edificare suo sumptu coactus fuerat, expugnare adortus, aliquot de suis desideratis, aliquot vulneratis, magna vi et contentione, ne conquiritur. Et nonnullis militibus Slesiae, qui illuc pro praesidio relictum erant, trucidatis, caeteros omnes in vincula conjiciunt, et tam Castrum Olobok, quam Districtum eius, quod Henricus quartus suo Wratislaviensis Ducatus iniuste annexerat in priscam reducunt formam, et suae Provinciae suaeque Maioris Poloniae Principatus restituunt. Eam autem conquestionem etsi Henricus quartus Wratislaviensis Dux acerbe tulisset, missisq; ad Przemislai Maioris Poloniae Ducem Fecialibus, Castrum et Districtum Olobok sibi reddi petisset, Przemislai tamen

restitutionem abnuente, ab armis abstinuit, sperans se dolo non ferro in iu-
riam suam aliquando ulturum. ~

LVIVS insuper anni tempore vigesima octava die mensis Decembris præ-
dictus Przemislaus secundus Maioris Poloniæ Dux, dum apud Gnesnam
ageret, Conradum Epum et suam Ecclesiam Lubucen, notabilibus libertati-
bus donat, ac bona eiusdem Ecclesie Lubucen sub suo Principatu consisten-
tia, ab omni servitute et angaria Polonica libera esse decernit. ~

*Vicini barbari Dobrzinensem Civitatem
spoliant et incolas illius trucidant &c.*

Dobrzinensem terram, quam Semovitus Dux quintus, et ultimus Ga-
simir: Cuiavien, Siradien, Et Lancicien Ducis filius, quemadmo-
dum in superioribus narraimus, in sortem acceperat, Lithuani,
Prutheni, Samogithæ, cæteri q; gentiles, et barbaræ nationes, furtivo
et silenti agmine ingressæ, præmum principalem Civitatem Dobrzin die Do-
minico, Civibus nihil hostile suspicantibus, et Divinorum officiorum auditio-
ne occupatis, comprehendunt. Spoliata deinde et incensa Civitate, truci-
clatis senibus et lactantibus, cæteros Et in Civitate et in rure compre-
hensos, in miserabilem captivitatem abducunt. Casorum et occisorum nu-
merus, ad tria hominum utriusq; sexus creditus est ascendisse millia. ~

*Lestko niger Dux prædicata et concessa
a Sede Apostolica Cruce, se et exercitum suum
ingentem signans, quasi contra barbaros pu-
gnaturus, Masoviam multis caedibus et spoli-
is affecit. Id tamen Deo illius pravaria-
tionem ulciscente haud impune tulit.*

Recentem Dobrzinensem cladem et vastationem, suas insuper ve-
teres atq; transactas invasiones, et iniurias, quæ et Lublinen Et
Sandomirien terris, a Lithuanis, Pruthenis, et Samogithis, cæterisq;
barbaris inferebantur, Lestko niger Cracovien, Sandomirien, et Siradien
Dux, ultum et restrictum iri se simulans, generalem expeditionem, omni-
bus suis Principatibus indicit. Et tam se quam milites suos et Satellites, Cru-
ce ab Apostolica sede, contra Lithuanos, Pruthenos, et cæteros barbaros
prædicata et concessa, signal et communit, quasi in barbaricum bellum.

cum copijs equestribus et pedestribus, profecturus. Congesto itaq; et recensito exercitu, barbaris omissis in Catholicos ire pergit. Et terram Masouiae Ducis Conradi, hostis et aduersarij sui, fratris patruelis germani, qui illum de Ducatibus Cracouien. Sandomicien. et Siradien. exturbauerat, triplici agmine ingressus, crudeli ferocitate eam caedibus, igne, et spolijs, vehementer, omni clementia et pietate exutus, vastauit, praedasq; pecorum et pecudum plurimas, Conrado Masouiae Duce neq; decernere audente, neq; aliquam resistantiam faciente, ex Masouia in Principatus suos aduexit. Pro ludibrio autem et similitate, quibus in Deum et Catholicos usus, arma a barbaris in fideles uerterat, adeo illum Diuina ultio persecuta est, ut omni felicitate, quam illi propiciatio Diuina, in bellis et actionibus suis largiri consueuerat, amissa, cladibus magis quam uictorijs insignior esset. Nam et in ea, quam contra Conradum Masouiae Ducem egerat, expeditione, plures insignes milites et bellatores, fluuijs, dum eos superare conantur, suffocatos, amisit. Grandem deinde Tartarorum inuasionem, postremo pestem et Epidimiam, in uniuersos grassantem, item famem, agrorum et frumentorum alluionem, mortalitatem quadrupedum, mordacitatem bestiarum et luporum, varias in super plagas Dei, subinuicem succedentes pertulit, ut tam sibi quam posteris documento sit et fuerit, ne quis de caetero Deo et sua religioni mentiatum et illudat, et quod sine religione arma, quantumcunq; potentia, non uincant.

*Pax et reconciliatio inter Henricum Probum
et Epum Wratislauien. quem in Ratiborz oblide-
bat, mirabiliter ratione offensus Episcopo illa-
tarum, prouenit, Et Ecclesia Collegiata in
Ratiborz per Episcopum fundatur.*

In annum quintum Thomae Episcopi, et sui Cleri Wratislauien. patrata per Henricum quintum Wratislauien. Ducem exiliatio, Et tam Civitatum, oppidorum, et villarum, quam decimarum et introituum Ecclesiarum, execranda occupatio tendebatur, tanti tamen temporis spatii satietas sua cupiditatis non poterat expleri. Sed nec Ecclesiastico Interdicto, a Iacobo Swinka Gnesnen. Archiepo in terras atq; Principatus suos promulgato, ambitio sua et tyrannis nequiverat restringi. Statum deniq; suum Pontificalem Thomas Epus Wratislauien. et virorum Ecclesiasticorum, qui secum una acti erant in exilium, de censibus, introitibus, et decimis, in aliorum Ducum Poloniae

terris et ditione consistentibus, quos Henricus Wratislaviensis Dux oc-
 cupare non poterat. sustentans, et in oppido Ratiborien' suae Wratisla-
 viensis Diocesis domicilium agens, quod tunc a Wladislao Opolien' Duce
 tenebatur, exilij sui ac suorum molestias aequanimius perferibat. Conatus
 illum Henricus quartus Dux Wratislaviensis, etiam de Sede illa deſcere,
 multis nuncijs et lris Wladislaum Opolien' Ducem sollicitat, ne hostem et
 adversarium suum Thomam Epum cum Clero Wratislaviensis in oppido suo
 manere sinat: hostem infestum, si secus agendum duxerit, ex se habiturus.
 Verum cum a Wladislao Opolien' Duce denunciationes suas et terrores
 contemptum et irrisum iri videret, grandi exercitu tam de proprio milite
 quam donativo ex pecunia, qua Ecclesiam Wratislaviensis multaverat,
 conducto, terram Wladislaui Opolien' Ducis hostiliter ingressus, oppidum
 Ratiborien', propter praesentiam Thomae Epi et sui Cleri Wratislaviensis
 obsidione vallavit. Quam et si Silesii diutius Ratiborien' aliquanto tem-
 pore pertulissent, et ampliori se sponderent laturos, vulgus tamen permi-
 scuum in substantijs et victualibus tenui, fame maceratum, continuas la-
 chrymas et voces, gemitusq; suspiriosos, execrationibus et impropijs re-
 fertos, con' Thomam Epum et suum Clerum Wratislaviensis, dum fames et
 desperatio indies cresceret, et praesidium Wladislaus Opolien' Dux, po-
 tentiam Henrici veritus, ferre cunctando negligere et, emittebat. Qui-
 bus Thomas benigna pietate, qua semper affluere visus, commotus, Sa-
 tius, inquit, est me et Clerum meum incidere in manus tyranni, quam hos
 innocentes fame consumi, liberemus ex templo obsessos, metu et fame mo-
 ritorios, periculo et loci huius, qui nos longo tempore sustinuit, et aluit im-
 pendentem perniciem, nostra captivitate, aut si ita visum caelestibus fuerit,
 morte seluamus. Induit deinde vestes sacras, nonnullos quoq; ex Clero
 iubet amici eisdem, ac sic Thiara et Pontificalibus insignijs, cum Clero suo
 cum universo exulante, oppido egressus, ad Castra pergat tyranni, iras suas
 supremo humilitatis genere placaturus. Cuius tyrannus viso a longe ad-
 ventu, tanto metu Divinitus percussus est, ut de tabernaculo suo exiliens
 in occursum Pontificis ocyus procurreret. Et corruens pronus in terram,
 quasi Divinum aliquod numen in Ep'o videns, et in spem illius aeternum
 Pontificem venerans, transgressionum suarum veniam precaretur. Quem
 Thomas Epus ex terra elevans, omnem se illi praevagationem transa-
 ctam, dummodo in ea contritione et deuotione persisteret, obortis la-
 chrymis, spondet indulturum. Et post flebiles amplexus, et oscula,
 hinc inde utrinq; praestita, proximam aedem beato Nicolao sacratam
 Dux atq; Pontifex absq; arbitris ingressi, longis et mutuis habitis tracta-

tibus, his demum conditionibus, eoq; pacto pax et reconciliatio, et omnium
offensarum obliteratio, conuenit. Vt Henricus Dux Wratislauiensis (a-
stra, Ciuitates, oppida, villas, decimas, et quascunq; sortes Ecclesiasti-
cas, quas occupauerat, Thomas Epō et suo Clero Wratislauiensi redderet, et
pro perceptis satisfactione condigna impensa, amplas libertates et immu-
nitates Ecclesie Wratislauiensis, scelus commissum expiando, conferret.
Ea reconciliatio secuta, sublato et relaxato per Gnesnensem Archiepū
Iacobum Swinka Interdicto, et Dux Henricus absolutus est, et Diuina
officia in eius Principatu resumī capta. Thomas deniq; Epūs Wratisla-
uiensis, beneficij et hospitalitatis a Wladislao Duce Opolienē exiliationis
tempore, sibi et Clero suo praeſtitorum, memor, Ecclesiam Collegiatam sub titulo
S.^{ti} Thomae Cantuariensis, in Castro Ratiborienē, a Duce Wladislao rogatus
fundat, eamq; decimis mensae Epūs Wratislauiensis dotat. Quae processu
temporis ex Arce in oppidum transuecta est, et plures Praebendae largitio-
ne Ducum Ratiborienē, in ea circa translationem fundatae.

*Tartari tempore hyemis durissimae, licet
a Sandomiria et postea a Cracouia pulsi
essent, tamen dum Westko niger Dux in
Hungariam discessisset, Cracouienē oram
versus Sandecz impune vastant, et cum pre-
da ingenti abeunt, duobus Monasterijs
in quibus beata Kinga degebat eius me-
ritis illorum saeuiciam non experientibus.*

Ferocissima et immanis gens Tartarorum, Pseudo Machometi spur-
cissimos et detestabiles ritus professi, tam actione quam nomine
Christiano nomini inimici, dum in Sedibus suis fame et media vexa-
retur in graui multitudine in terras Polonorum famem sedatura, Ducibus
Nogaj et Thelebuga, processit. Et Ruthenorum quidem terris, per quas
iter agebat, tributa illi iam tunc reddentibus, aliquantiſper victualium re-
ceptione, ut famem excluderet, vexatis, primū in Lublinenē et Masouia,
expost in Sandomiria, Siradia et Cracouia oras et terras, in locustarum
numeros et morem, pluribus agrimibus dispartita XI. Decembris die, quā
fortissimis et maximis frigoribus, et densissimis niuib, oras omnes Polonicas
prementibus, peruenit. Et pluribus Monasterijs, Ecclesijs, et munitionibus

in quas se homines abiderant, conquisitis et incensis, à Castro et Civitate San-
 domiriens, in cuius conquisitione dies aliquot immorabantur, cum ignominia et stra-
 ge repulsa est, militibus qui in praesidio erant, arcem et Civitatem strenue pro-
 tegentibus. A Monasterio insuper Sanctae Crucis Calui montis exercitus
 Tartaricus se continuit, neque illum locum suadentibus Ruthenis, qui in eorum
 comitatu erant, violare, sed nec attingere, ultionem Divinam, si secus face-
 rent, non evasuri, praesumpsit, applicaverunt posthac in vigilia Nativita-
 tis Christi Cracoviam, et illam expugnare oressi, dum aliquot insignes pugna-
 tores amisissent, magno ululatu adito ab ea discedunt, Et populationem
 ac spoliū latius per vicos et rura, neminem credentes suae multitudinis pos-
 se aut audere resistere, extendunt. Potuisset Leszko niger Cracoviensis
 Dux, palantes per agros Tartaros aequo loco, visa opportunitate, invade-
 re, sed et multitudo milium, et militum imbecillis fractusque animus, obsta-
 bant. Metu itaque nimio Leszko niger Dux correptus, et de viribus suis
 et militum suorum diffidens, in Hungariam secessionem, cum coniuge Gri-
 phina, et nonnullis Baronibus, fecit. Propter quod Tartari ex captivis
 Ducem Leszkonem in Hungariam secisse docti, omnem Cracoviensem terrae
 oram, versus Sandecz sitam, et usque ad Alpes Tannonicos licentius
 vastabant. Sub quo quidem tam miserabili tempore, felix Ducissa Kin-
 ga, Boleslai olim Cracoviensis Ducis, vocati Pudici, relicta, cum septua-
 ginta Sanctimonialium Sandecen castro, necnon et duabus germanis suis
 Iolenta Boleslai Pii Calisiensis Ducis, et Constantia Danielis Russiae Re-
 gis relictis, quae et ipsae Sacram religionem et habitum induerant, multisque
 Sacerdotibus et militibus in Castrum Piemini, quod supra fluvium Duna-
 iecz, et prope oppidum Kroszczienko, consistens, situm habet natura et arte
 munitissimum, uno tantum angusto transitu adibile, se contulit, et illic
 per tempus vastationis Tartaricae secunda mansit. Ad quod licet Tar-
 tari applicuissent cum exercitu, non tamen illud audebant, nedum impu-
 gnare, sed nec contingere, Divinitate illis imminente pauorem. Sed nec
 Monasterium suum quod deseruerat, fuit à barbaris aut incensum aut
 violatum, efferatam barbariem, prece et merito felicitis Ducissae Kingae
 restringente. Terris itaque nominatis, populo Christiano et pecore enormi-
 ter spoliatis, semibus, Sacerdotibus, et lactantibus trucidatis, tam ingentem
 hominum utriusque sexus generis Polonici praedam cepisse comperti sunt,
 ut praeda apud Civitatem Wladimirien partita viginti unum millia de
 virginibus iuenculis, nondum nuptis, fuere numerata. Ex quo uno ma-
 gnitudo caeterorum virorum, faminarum et paruulorum in captivitatē
 abductorum, poterit, iustiori habita aestimatione, censeri. Genus autē

pugna, quo Tartari in bellis utuntur, a cæteris nationibus diversum est. Pugnant siquidem eminus in girum iaciendo sagittas in hostes, præcur-
rentibus equis aut terga dantibus. Sape etiam fugam simulant, ut incau-
te persequentes aut vulneribus aut oppressione circumuehiant. Timpanis
non tubis utuntur. Plerumq; in ipso certaminis ardore prælia ideo deserunt,
ut paulo post repetant, ut cum te maxime vicisse putes, tunc tibi discer-
men subeundum sit grauius. Ingemio genti tumida, seditiosa, fraudulenta,
procacia. Prædatorum, spoliatorum, et largitionum avidi, natura taciti. Sed in
externos aut domesticos motus inquieti, in libidinem et crapulam cæterasq;
voluptates proiecti. Fides dicti promissiq; nulla, nisi quatenus expedit.

LEOMISL Cuiavia alias Wladislauius Dux, filius Casimiri Cuiavien-
Lancicien et Siradien Ducis, annis duodecim exilium de Ducatu suo, quod
Polonos odire, Alemanos fouere, et illos Polonis præferre solitus erat, iura
militarium temerare, hereditates eorum occupare, et genus Polonicum eli-
minare de terra, perferens, prima Octobris die mortuus, nullos liberos re-
linquens. Cuius Ducatus portio ad superstites fratres peruenit.

Honorius III. Papa mortuus.

In diebus Aprilis Honorius Papa quartus cum annis duobus et diebus
aliquot sedisset, Romæ apud Sctam Sabinam mortuus, et in Ecclia
Scti Petri sepelitur. Inclusis autem pro electione alterius Cardi-
nalibus, et septem ex eis propter temporis qualitatem calidam, mortuis,
cæteris qui supererant, in varia loca abeuntibus, substitutio Papæ in an-
num alterum erat intermissa.

Anno Domini 1288.

Siradien Palatinus iussu Leskoni
nigri Malouia impune perualata, dum
rediret, a Conrado Duce inuasus occidi-
tur, et multis captis prædam excussit.

Froris et indignationis facibus dudum contra Conradum Masouia
Ducem patruolem fratrem. Lesko niger Cracouien, Sandomizien et Si-
radien Dux exæstigans, alteram in illum et terras suas expeditione

dum superior parum prospere cessisset, moliebatur. Verum Cracouiens et Sandomiriens militibus, quod et bello eodem iam perfuncti, et clade Tartarica plurimum vexati erant, militiam huiusmodi detrectantibus, Leszko niger Dux, iras suas in Conradum Masouiae Ducem satagens explere, Palatinum Siradiensem Mattheum, et terrae tantummodo Siradiensem milites, qui minus vastationis a Tartaris pertulerant, contra Conradum Masouiae Ducem destinat. Qui etsi Ducis sui Leszkonis nigri mandata tam fideliter quam feliciter exequens, vniuersam ferè Masouiam spolijs et incendijs peruastasset, Conrado Masouiae Duce vel ex industria, vel ex impotentia incertum est defensionem et repressionem negligente, et belli quod gereret Matheum Palatinum Siradiensem sinendo fortuna defungi, ad extremum tamen grandis periculi et infelicitatis discrimine Matheus Siradiensis Palatinus et suus exercitus percussus est. Masouiae siquidem terra peruastata, agmine ex praeda et pecore onusto, et in composito ordine procedente, Conradus Masouiae Dux, cum militum et agrestium, clamma et incendia passorum, multitudine, opportunitatem bene gerendae rei, multi facie inuestigans et explorans, per niuia et abdita loca, quod facilius hostes falleret, sectabatur. In confinio tandem Masouiae praefatum Matheum Palatinum Siradiensem et exercitum eius, statim agentem apud quem per crebros exploratores, didicerat omnia, ut sit, a re bene gestata in negligentiam versa et soluta, secure, et custodijs non prouisum, quiescentem, in diluculo septimo Calen Julij inuadit. Stratosque somno et fatiga milites, repentina inuasionem adeo perterruit, ut pauci rationis et memoriae compotes, correptis armis, velut lymphantes et attoniti discurrerent, caeteri pauore percussi fugam maturarent. Matheus Palatinus Siradiensis Dux exercitus, cum paucis militibus qui ad se confluerant, constanter se certamine ingerens, multa probitatis signis aeditis, pugnans occiditur, Eadem et militum suorum erat fortuna. Conradus Masouiae Dux facili negotio Siradiensem exercitum fuso et debellato, et hostium Castris, fortunis, armisque potitus est, et omnem praedam de terris suis abactam, nonnullis etiam Siradiensibus captis, recuperauit.

LOPHIA genere Lithuana, consors Boleslai filij Semouiti Masouiae Ducis, faemina rara pietatis et deuotionis in Deum, moritur, et in Vlorens Ecclesia sepelitur.

Ex ulu aquarum per Tartaros infectarum ingens pestis in Russia prouenit.

In gens pestis et mortalitas in plerisque Russiæ terris inualescens, plurimos mortales in sexu utroque extinxit. Quæ non ex cælestium influentia neque contagione aut aëris afflatu causata, sed ex aquis malignitate Tartarorum, quas Rutheni superiori anno in vastandis Polonorum regionibus adiuuerant, sequi illis associaverant, infectis, Scita est iustissimo Dei iudicio provenisse, ut Rutheni pessimi sui obsequii Tartaris in debellatione præstiti, condignam reciperent mercedem, pessimo genere exitij ab his conficiendi, quibus contra Catholicos, qui et ipsi Catholici æstimari volunt, præsidium tulerant. Tartari siquidem post partitam, et in varias nationes venundatam, ex captivis Polonis sexus permiscui prædam, terras Russiæ excessuri, et Ruthenis clandestinam dum aperitam prohibentibus suis Ducibus, nequirem, perniciem irrogaturi, undas eorum et flumina hoc modo inficiunt. Corda siquidem Christianorum hominum Polonorum ex captivorum grege, quos pro sortilegiorum, divinationum, incantationum, et auguriorum officiis, quibus gens illa magnopere dedita est, peragendis, plus quam centum numero, occiderant, de cadaveribus occisorum extracta, fortissimis venenis imbebant et inficiunt, et tam in profluentes et stagnantes aquas, veribus et lignis in longum proiecitis, ut diutius durarent imposita, immergunt. A quibus aquæ infectæ, adeo in Ruthenos, qui aquas illas quocunque usu contingebant, venenum et morbos vulgauerant, ut subito procumbentes, nullis Antidotis profectum afferentibus, relevati, occiderint. Serò tandem, et plurimis per tabem in corpora ingestam consumptis, latens malum deprehensum est, et aquarum usus velut fatalis et pestifer à Ruthenis fastiditus.

Nicolaus III. Papa eligitur.

Vigesima secunda Februarij die Cardinales, qui ex infectione, apud conclavim proveniente, mortem evaserant, iterum conclave, viribus resumptis, pro eligendo Summo Pontifice ingressi, fratrem Hieronymum Ordinis minorum Presbyterum Cardinalem, virum religiosum, et ab omni carnalitate in nepotes et consanguineos secretum, ex Marchia Anconitana ex civitate Extulo ortum Nicolaum quartum appellatum in Papam eligunt. Qui illico ex Urbe se Reatam contulit, et uno anno illic immoratus, Romam reversus, ad Sanctam Mariam maiorem, residentiam usque ad obitum egit.

**Montrium in Bischovia in villam Schmeisse
quæ nunc Coronow dicitur, transfertur.**

Quarto Calen May, in die vlt Scti Vitalis Martyris, Vislaus Wladi:
slauien' Epus sub tempore et regimine Engelberti Abbatis Bissouien'
translulit monasterium Bissouien' de Bissouia loco suae fundationis pri:
marie, in locum et villam Smeische. Quam appellari voluit Felicem Vallem,
qua hodie vocatur Coronow. Monasterium autem praefatum, primum cepit
in hospitali villa supra Vislam, e regione Civitatis antiquae Wladislauien', in
de Bissouiam translatum. Vbi cum annis septuaginta durasset in Coronow
velut locum cultiorem, plures commoditates ob fluxum Obra qui illum pra:
terfluit, habentem, transfertur ~

Henricus Probus Wratislauien' Dux Ec:
clesiam Collegiatam Sctae Crucis in Wrat:
slauien' summo erigit et liberaliter dotat ~

Henricus quartus Wratislauien' Dux, Diuinitatem, quam, conscientia
meliori mente illustrata et discussa, deprehendit, exiliando Thomae
Epum et Cerum Wratislauien', bonaq; Ecclesiastica tyrannice occu:
pando, se vehementer offendisse, placaturus, Collegiatam Ecclesiam, in
Summo Wratislauien', sub Sanctae Crucis honore et titulo, pulcherrimam et
insignem, aedificat fundat, et erigit, ac certum Praelatorum et Canonorum
numerum, Vicariorumq; in eadem, qui iugiter laudes Deo concinerent, et
sacrificia offerrent, instituens, dotem vnicuiq; munificam, de villis et mtror:
tibus suis largitur et consignat. In crastino vero huius fundationis, frs
suos patruelos germanos, Henricum Legnicen', vocitatum Crassum, et Bole:
slaum Swidmicen', militari batteo accinxit. In eam insuper religionem pra:
fatus Henricus quartus Wratislauien' Dux, siue praeterita praeruaricatio:
nis in Deum et Ecclesiam recordatio et gehennae metus, siue orbitas id effi:
ciebat, perductus est, ut Civitatem Wratislauien' cum suis suburbis et attinen:
tijs vniuersis, Ecclesiae et Epatus Wratislauien', perpetua et irrevocabili
donatione decreuisset conferre, nisi Thomas Epus Wratislauien' donatio:
nem ipsam, veritus se Civitatem processu dierum, ab hostili inuasionem tueri
non posse, patenter et expresse abmisset ~

Anno Domini 1289.

*Leszko niger Cracouiens, Sandomiriensis,
et Siradiens Dux moritur. Post cuius mor-
tem cum Barones et milites Boleslaus Ma-
souiæ Ducem elegissent et in Arcem Craco-
uiensem induxissent Cives tamen Cracouiens
Henrico Duce Wratislaviensi accersito Ci-
uitate ei dedita in eligendo prævaluerunt.*

*V*arijs cladibus et bellis sub triennij spacio infelicitè gestis, cæterisq;
tam domesticis quam externis casibus, sub idem tempus acciden-
tibus, Leszko niger Cracouiens, Sandomiriens, et Siradiens Dux vexa-
tus, gravi mororis et mentis angustia angicæpit adeo, ut sensim in viribus
deflueret. Altiori deinde morbo et agitudine correptus, ultima Septemb-
ris die, in Castro Cracouiensi, sacro percepto viatico, animam exhalat, et in Mo-
nasterio Ordinis Prædicatorum, in parte chori sinistra, quem locum vivens
delegerat, iusto et Ducali honore sepelitur. Post cuius mortem, quoniam
non hæredem, non superstitem, non successorem, propter similitudines, dudum
inter illum et Barones, ac militares exortas, reliquerat, bellicus illico stri-
dor, et civilis commotio inter Poloniæ Principes ebullivit, dum Cracouiens, San-
domiriens, Lublinens, et Siradiens Principatum, qui cæteris in Poloniæ Re-
gno præstant, vacantem ex morte Leszkonis nigri successionem, sibi, alius
potentia, alius opibus fretus, alius germanitatem, alius consanguinitatem,
alius electionem, alius designationem, prætendens, destinant. Paulus
interim Episcopus Cracouiens, Baronesq; et militares Principatum Cracouiens,
Sandomiriens, et Lublinens (iam siquidem Siradiens sequestrato ceteris cæ-
teris, facto, in Wladislai Loktek Cracouiens Ducis ditionem, concesserat) de
futuro Duce sibi prouisuri, Conuentum apud Sandomiriam agunt, et Bolesla-
um Masouiæ Ducem, fastidito germano suo Conrado, pro quo toties periculis
se, cum proprio Duce Leszkone nigro pugnando, addixerant, et cui identi-
dem iureiurando se astrinxerant, mores illius perosi, et ne quid grauius
Principatu adepti, pro vastatione hostili, suo Masouiæ Ducatui irrogata,
in eos consulere, in Ducem eligunt et assumunt. Quem pro gerendo Prin-
cipatu honestis nuncijs a Masouia accersitum, Cracouiam deducunt, et
tam arcis quam Ciuitatis Cracouiens, sibi assignant possessionem. Boleslai
Masouiæ Ducis electionem et substitutionem, per Paulum Episcopum et Ba-
rones militaresq; Cracouiens et Sandomiriens factam, Cives Cracouiens ve-
lut sibi perniciosam, ne, Baronibus suadentibus Boleslaus nouus Princeps

in eos, pro Conradi fratris sui repulsa animaduerteret, irritaturj. Henricum quartum Wratislauiens Ducem Cracoviam accersunt, spondentes se illi arcem et urbem Cracoviens, ceterasq; munitiones conquisituros, qui confestim congesto exercitu, versus Cracoviam ire pergit. Adueniens vero eo, Cracoviens Civitas per vires, Carnificum maxime opera, qui tunc inter ceteros Mechanicos prestabant, patefactis portis, quas Boleslaus Masoviæ Dux ocluserat, tradita est. Boleslaus Masoviæ Dux a Castro Cracoviens prorumpens, ad Cracoviens et Sandomiriens milites, facturus Duci Henrico quarto Wratislauiens resistentiam, se recepit, et in Castro Sandomiriens paruo tempore comoratus, non illic perseverandum diutius ducens, altera die, militibus acies instructis, et ne se desereret, summopere precantibus, operamq; suam pro repulsione Henrici quarti Wratislauiens Ducis pollicentibus, furore et indignatione plenus, quod se non ad Principatum, sed ad bellum, cuius incertus eventus foret, accersissent, discedit. Cuius discessu Barones et milites Cracoviens Sandomiriensq; perculsi, ad Henricum quartum Wratislauiens Ducem Cracoviæ consistentem, cui etiam arcem Cracoviens, Boleslao Masoviæ Duce recedente, didicerant consignatam, insignes nuncios mittunt, certasq; illi, si apud ipsos Principari velit, proponunt conditiones. Quibus ab Henrico quarto Wratislauiens Duce, nihil enim præter æquum continebant, approbatis, Universorum pari consilio, voto, et consensu, Henricus quartus Wratislauiens Dux in Cracoviens, Sandomiriens, et Lublinensem Principem electus est et assumptus. Qui rebus apud Cracoviam compositis, Wratislaviam reuertitur.

*Calimirus Opolien et Bithomien Dux
non sine iniuria Regni Poloniae, et sui
ignominia Bohemiae Duci se subiecit*

Quam pluribus, largitionibus, donis, et promissis, Calimirus Opolien et Bithomien Dux, Wladislai quondam Opolien Ducis filius, a Venceslao Bohemiae Duce pellectus, et sua Regiae stirpis, et Prosapia nobilissima, quam a Regibus Polonorum ducebat, oblitus, non bello victus, non eruptionibus hostilibus fractus, non deniq; aliqua probabili aut evidenti necessitate prostratus, sed temerariam et avaram secutus mentem, se Domino et domino præfati Venceslai Ducis Bohemiae, necdum enim in Regem erectus erat, subiecit, se illius et Bohemiae Regni, non in sui solum sed et stirpis suae et Ducum Poloniae dedecus, Regniq; Poloniae enormem iniuriam et offensam, Vasallum et subiectum professus.

*Monasterium ordinis Prædicatorum
in Thesow atq; Der Law fundatur*

Octava Maij Mszczugius tunc Pomeraniae Dux pro die illa agens in Ca-
stro suo Swieczie, de consensu Vislai Wladislawien Ep'i in titulum et ho-
nozem gloriosissimæ virginis Mariæ fundat Monasterium ordinis
Prædicatorum in Thesow siue Verscham. Domans Monasteriū et frībus Mo-
nasterij præfati arcam et inhabitationem a pede montis, propē fluvium Visla
siti, versus orientem, usq; ad cimiterium Parochiæ versus occidentem. A meri-
die autem a platea civitatis, quæ a foro directē tendit versus Vislam, usq;
ad aggerem inter duo fossata positum inter Aquilonem. Dans nisuper eis po-
testatem et licentiam in vniuerso Principatus suo ligna, lapides, cæmentum
recipiendi, scindendi et comburendi, necnon in Visla et in riuulis, fluuijs,
torrentibus, et quibuslibet aquis, circum Civitatem Thesow fluentibus, li-
beram piscaturam, item per Vislam naulum et transitum liberum, absq; omni
thelonei et nauli solutione ~

*Victricum suum Lavisium, Dux Bo-
hemiae minus vera fraudis in simulatum
captivat et obtruncat ~*

Victicum suum Lavisium de Rozemberg, mris vti suæ Cunegundis
maritum, multorum Bohemorum similitate et inuidia, partim iusta
partim ficta, Venceslaus Bohemiae Dux apud se in simulatum pero-
sus, etiam illum de Capitaneatu Bohemiae, in quem illum euexerat, deiecit.
Qui noviter editi a se de filia Wladislai Hungariae Regis, quam nonnulli
momialem professam fuisse astruunt, et quam secundo matrimonio duxerat,
filij solennitatem baptismalium acturus, Venceslaum Bohemiae Ducem ad
illam, simulq; socerum suum Wladislaum Hungariae Regem, et Henricum
quartum Wratislavien Ducem, inuitat. Verum antequam solennitas huiusmo-
di aduemisset, Venceslaus Bohemiae Dux Lavisium de Rozemberg, quasi
cum Wladislao Hungariae Rege socero suo, et Henrico Duce Wratislavien
in suum interitum, in baptismalibus futuris efficiendum, conspirasset, captivat,
et biennio in Pragen Castro vinculis et carcere excruciatum, ante Castrum
suum Eriburg, ut de illo Venceslao Duci cederet, perductum, renitentem,
capite truncavit ~

Lithuanij Sambien sem oram spoliant ~

Lithuanorum Dux et exercitus in numero octo millium hominum Sambien^{em} regionem ingressus, caedibus, flammis, et spolijs eam vastavit. Cruciferis autem decertare cum hostium multitudine non audentibus, exercitus Lithuanicus, spolijs onustus in propria redijt, quinquaginta tamen de suis desideratis, qui per Cruciferos fuerant intercepti ~

Anno Domini 1790.

Wladislaus Loktek Cuiaviae Dux germanus Lestkonis nigri aggre ferens successum sibi ab Henrico Wratislaviensi Duce in Principatus finos præreptam, collecto exercitu, dum exercitum Henrici fudit, victor pro Principe a Cracoviensibus suscipitur. Breui vero a copijs Henrici latenter Cracoviam per quosdam Crues intromissis, Principatus Henrico recuperatur, Wladislaus in habitu monachali saluo vix au fugiente.

Opressum, per substitutionem Henrici quarti Wratislaviensis Ducis in Cracoviensem Sandomiriensem Ducatus, et Boleslai Masoviae Ducis cessione, civile bellum rursus erupit, per Wladislaum Loktek Cuiaviensem Ducem, et qui iam Siradiensem Ducatum obtinebat, reintegratum. Qui graviter et irato animo ferens, Lestkonis germani sui Ducatus, se, qui et germanus, et propinquior censeretur debebat, præterito, per Henricum quartum Wratislaviensem Ducem occupatos, omnibus viribus, omnibusq; conatibus ad consequendum illos, et ad excludendum Henricum quartum de Cracoviensi Sede intendit. Ad quod non solum suapte, qui natura ferox, manu et lingua promptus erat, sed omnium Masoviae, Lancitiae, et Maioris Poloniae, item Pomeraniae, Ducum, solatia sua illi ad rem pollicentium, movebatur. Primo itaq; Vere ex proprijs et acquisitis terris congesto exercitu, Cazimiro Lancitiae, Boleslao et Conrado Masoviae Ducibus, in proprijs personis, Przemislao vero maioris Poloniae, et Mszczugio Pomeraniae, Principibus, per milites illi auxilia ferentibus, versus Cracoviam, praesidium Henrici quarti deiecturus, contendit. De hac hostilitate Henricus quartus Wratislaviensis Dux, et nuncijs Cracoviensem, et rumore certior factus, nequions propter valitudinem, quam corripiebatur, bellum,

impedimentis minus obire, Henricum Legnicens, Przemslau Sprotawien
Duces, cum gentium suarum copijs ad Cracouiam tuendam transmittit.
Quos, rebus apud Cracouiam bene ordinatis, relictisq; nonnullis militibus
qui ciues et populares in fide continerent, in Slesiam reuertentes Wladi:
slaus Loktek Siuawien Dux cum caeteris Ducibus, circa oppidum Sziemior
statua agentes, inuadit, illis quoq; in arma ruentibus, atrox praelium, inter
fratres et milites, quarto Calen. Marcij, committitur. Et post multam stragem
utrinq; prouementem, Wladislao Loktek, et his qui illum comitabantur, ces:
sit, licet non incruenta, victoria, pluribus Slesianorum militibus caesis, aut
in fuga captis. In eo praelio Przemslaus Sprotawien Dux, filius Conradi
Glogouien Ducis, vix adolescentiam pertingens, occiditur, et in Slesiam re:
latus in Monasterio Lyben, cui ad id, in quo concidit, bellum iterus, duas
villas vzt Liosskouicze et Lirkow donauerat, sepelitur. Boleslaus
Opolien Dux capitur vulneratus, Duo quoq; certamina alterum apud Ska:
lam, alterum apud Swietmiez, per milites adita, duas quoq; strages in Sles:
sia militibus effecerant. Wladislaus Loktek Siuawien Dux, victoria et
spolijs hostium potitus, maiori spe et fiducia potiundi Cracouien et Sandomi:
rien Principatus, ex Sziemior Cracouiam diuertit, cui velut victori, et tam
Pauli Episcopi, quam Baronum et militarium Cracouien, adhaerentiam sortito
Cracouien ciues a duersari non ausj, portas aperiunt, et tam arce quam urbe
Cracouien susceptus, Princepsq; Cracouien declaratus in Castro Crac conse:
dit, Baronibus et militaribus, magis quam ciuibus Cracouien, propensiori
illum colentibus fide et deuotione. Nihil sua et suorum clade, quam
apud Sziemior pertulerat. Henricus Wratislawien Dux per fractus, novas
copias Cracouiam, spem deditiois haud ambiguam nonnullis ciuibus Craco:
uien afferentibus, sub Henrici Ducis Legnicens ductu, cum solus aduer:
sa valetudine detineretur, transmittit. Exercitus itaq; Ducis Wratisla:
uien Henrici, latenter Cracouiam adueniens, a ciuibus Cracouien, partes Hen:
rici Ducis Wratislawien sectantibus, nocte in urbem exceptus, parum abfu:
it, vt Wladislau Loktek, inter praesidia militum in ciuitate obuersantem,
viciu non caperet. Qui cum nonnullis militibus, pedester hostium manus,
quorum ingressum tardius persenserat, in frum minorum S^{ti} Francisci habi:
tu, illum per murum, suo Canobio coniunctum, demittentium, aegre effugit. Plu:
res tamen sui milites dum resistunt repugnantq;, aut caesi aut capti a Slesi:
tis sunt. Sed neq; Paulo Ep^o Cracouien parsum, qui et ipse velut praei:
patus Henrici Ducis Wratislawien aduersarius, rebus omnibus exutus, ca:
ptus et abductus, et aliquanto tempore, velut captiuus habitus est, captiui:
tatis calamitatem tertiam vice expertus. In bona deinde rebellium

militum, et qui Wladislaw Loktek Duci Cracouiensi se addixerant, aut qui in
ditionem Henrici Wratislaviensis Ducis detrectabant concedere, per Slesiam
et Henrici Wratislaviensis Ducis milites et exercitum animaduersum est, et
agri eorum peruestati, et Curiae eorum adesque incensae. Quibus malis mili-
tares attoniti, Henrico Duci Wratislaviensi se rursus subyciunt, qui Epum
Cracouiensem Paulum, et omnes milites captos relaxans, praesidium forte militum
in Cracovia iussit consistere, quod et Wladislaw Loktek Ducem Cracouiensem
ab inuasionem arceret, et desciscendi a se occasionem militibus praecideret. Fra-
tribus minoribus qui Wladislaw Loktek et suos nonnullos milites serua-
uerunt, peracto bello, gratiae habitae, eorumque Cenobio tam largitiones quam
immunitates Ducales concessae.

Henricus III. Probus moritur, Ducatibus
Wratislaviensi Conrado Glogouiensi, Cra-
couiensi vero et Sandomiriensi Przemislao
maiori Poloniae, Ducibus, legatis, Wratisla-
uienses tandem Conradum Ducem peroli
Henrico Legnicensi Duci se subyciunt.

Voletudinem aduersam ex veneno, sibi per suos Slesitas subministra-
to, a qua plus quam semestri detinebatur spatio, Henricus quartus
Probus alias Pius Wratislaviensis Dux, intelligens sensim inualesce-
re, et vim veneni augere et diffundi, Thoma Wratislaviensis Epum et Primo-
ribus Baronibus accersitis, cum nullum superstitem relinqueret, Wratislavi-
ensem Ducatum Patri suo Conrado Glogouiensi, Cracouiensi vero et Sandomiri-
ensi Przemislao maiori Poloniae, Ducibus, testamentali ordinatione consignat,
Ceteras res suas, partim Ecclesiae, partim consorti suae Mathildi, partim mi-
serabilibus personis partitus, undecimo Calen Augusti in Castro Wratisla-
uiensi decessit, et in Ecclesia S. Crucis a se nouiter erecta et dotata, sepeli-
tur. Post cuius obitum Conradus Glogouiensis Dux, cum se ab Henrico quarto
haeredem, et in Wratislaviensi Ducatum successorem nosset declaratum, Wra-
tislawiam aduenit, sperans se Wratislaviensem Ducatum pacifice, et absque
Competitore possessurum. Principatum autem illius nonnullis tam militari-
bus, quam ciuibus Wratislaviensi magnopere, quod et in guerras bellaque et dis-
sensiones petiuit. Et in sermone parum verax foret, fastidientibus, qui-
busdam vero approbantibus, re ex altercatione et iurgis iam in seditionem
spectante, Henricus Legnicensis Dux, filius Boleslai Savi Rogatka moribus

et virtute inter Slesia Principes spectatior, per maiorem et saniores mili-
tarium et civium Wratislaviensium partem, accersitus, advenit, Et Conradum Glo-
gouiensem Ducem patrum germanum, in Wratislaviensium Ducatus possessione, ali-
quanto tempore permanentem, ex Wratislavia discedere coegit. Veritus
siquidem Conradus Dux Glogouienensis, ne ab Henrico Duce Legnicensi vincere-
tur, per unam portam Wratislaviensem civitate egreditur, dum per alteram
Legnicensem Dux Henricus, militaribus et civibus in obvium illi effusis, ingre-
deretur. Militari itaque et civili favore Henricus Legnicensem Dux in
Wratislaviensem Ducatum succedens, plenam et pacificam illius obtinuit ali-
quanto, non tamen diuturno tempore, propter insidias, quas illi pro deiectione
sua Conradus Glogouienensis Dux molitus est, possessionem.

METHILDIS relicta Henrici quarti ad patrem suum Othonem Longum
ex Wratislavia solutione dotis habita divertens, et in viduitate Domino ser-
uiens, mortua, in Monasterio Lemnensi sepelitur.

Andreas Dux Hungariae Regis Vladislai
fugiens in insidias, primum ad Cunegundam
materteram suam in Sandecen Monio ordi-
nem professam divertit. Postea vero bonis
Chroberz prouisus, ibidem ab Hungaris per
fratrem corruptis submergitur. Quem et si
Cunegundis potuit, monita tamen Divi-
nitus tres ob causas, distulit, vivificare.

Erimanum fratrem Andream, Ducali tantummodo nomine in eam die
contentum, Vladislaus Hungariae Rex de Regni ambitu habens
delatum et suspectum, cum et ingens se propter execranda facino-
ra Primorum Hungariae odium, et in Andream fratrem, ipsum ad succe-
dendum, fratre depulso aut capto, in Regnum, notorius fauor, suspitioni
delationis, fidem faceret, ad occidendum illum clandestine carnifices desti-
nat et subornat. Quo periculo Andreas cognito, cum non reperiret in Hunga-
ria locum, in quo securus a fraternalis insidijs consisteret, cum paucis con-
socijs in Poloniam contendit. Et primum ad materteram suam Cunegundam,
Graecae Ducissam, in Monio Sanctimonialium in Sandecz antiqua consisen-
tem, peruenit, a qua per signa in corpore demonstrata, recognitus, causis in-
teritis et fugae expositis, tempore diebus pluribus habitus est. Qua etiam

intercedente, mansio illi per Przemislaum Cracouien et Maioris Poloniae Ducem apud Curiam Regalem Chroberz, consignatis mitribus alijs, qui suae conditioni suppeterent, concessa est. Verum quod vitam tutatum serualumque venerat, illic ibi ei breui erepta est. Nonnulli siquidem Hungari a Wladislao Hungariae Rege corrupti et immissi, ad Andream Ducem in Chroberz, quasi sui fidissimi, per Wladislaum Hungariae Regem nisi aufugissent, ultimo supplicio propter favorem in Andream depromptum, se simulantes plectendos, perueniunt. Qui charissimo affectu, ab Andrea Duca, velut compati- entes et unanimes, licet peccus proditionis refertum gestarent, tractati, viso opportuno tempore, Ducem Andream comprehensum in flumine Nida, qui villam Chroberz circumfluit, nihil praesentem et hospitalem veriti Deum, submergunt. Scelereque huiusmodi patrato, antequam vulgaretur in Hungariam, carnificij sui meritum, ab Hungariae Rege Wladislao, cuius mandato illud egerant, percepturi, dissiugiunt. Corpus Andreae Ducis a nautis in flumine Nida repertum, primum apud Monrium frum minorum in Koczyn, post paucos vero dies, providente devotissima femina Cunegundi Cracoviae Ducissa sua matertera, ad Monasterium Sandecen decima octava Novembris die deductum est. Pro cuius a morte resurrectione Sanctimonialium importunis precibus delecta, ferventissima suae supplicationis oratione in privato oratorio instante, tres Moniales varijs et vicariis exauditis vocibus, vti Hertrudis, Aldegundis, et Grzimislava, ad Oratorium praedictum, in quo et corpus praefati Andreae Ducis iacebat, exanime, accurrunt. Et videntes faminam beatam Cunegundin splendore caelesti illustratam, etiam illam cum quibusdam personis, quorum neque essentiam neque personam videre poterant, colloquentem, querentem quoque et responsa accipientem, percipiunt. Vident et in corpore Andreae Ducis filij Stephani Hungariae Regis, pridem undis apud Chroberz suffocati, vivificationis et resurrectionis signa. Ad quod benedicta femina Cunegundis, cum religiosis et devotis Sororibus accedens, et pedes illius tangens, surgere illud prohibuit. Quiesce, inquit, quiesce, quoniam ita Clementissimo tuo et meo Salvatore beneplacitum est, et tuae saluationi congruum, in pace. Et illico signis vitae ad imperiosa verba evanescentibus, funeri sua et mortis signa reddita sunt, corpusque sepulchro mandatum. Cum autem femina benedicta Cunegundis, per religiosas et devotas sui ordinis Sorores, cur mortuum corpus nepotis sui Ducis Andreae resurgere non simisset, quaereretur, silentio multifarijs vicibus absoluit quaestionem. A sororibus autem identidem vexata, rupto silentio, quaerentium molestias evasura, tres

fuisse causas Diuinitus sibi reuelatas, propter quas mortui Ducis Andree
cadauer, ad preces suas uiuificatum non extitit, edixit. Vnam, quod mors
illi salubris, et nulli peccato mortali pro ea uice irretito, acciderat, cui si
uita donaretur, plerisque scitus erat inquinandus sceleribus. Secundam,
quia multus Christianorum sanguis sui occasione ueniebat fundendus.
Tertiam, quod uiuificatio illius in uulgarem gloriam apud Polonici et
Hungarici generis populares homines, quae meritum praeteritorum operum
benedictae faminae mutilasset, uerteretur.

*Msczugius Pomeraniae Dux Przemislaum II.
maioris Poloniae Ducem Successorem designat.*

V Idens Msczugius Swantopelci filius, Pomeraniae Dux, se filiis
et filiabus orbem esse (vixerat enim incontinentem et lubricum fo-
uendo pro concubina sponsam Christi Sanctimoniam de Monaste-
rio Stolpicensi Sulkam nomine) Przemislaum secundum Maioris Poloniae
Ducem, propter identitatem et propinquitatem sanguinis, sibi designat ha-
redem et successorem, et ei de Principatu Pomeraniae cedit. Cui milites
vniuersi Principatus praedicti Pomeraniae, iubente Duce eorum Msczu-
gio, fidelitatis et omagii praestiterunt iuramenta.

Anno Domini 1291.

*Donatione illicita et iniusta Gryphinae Du-
cissae olim Lestkonis relictae, et cessione Prze-
mislat maioris Poloniae Ducis, odio Wladislai
Loktek facta Ducatus Cracouien' in potesta-
tem Vence slai Bohemiae Ducis venit. Cuius
exercitus a Spirans ad Ducatum Sandomirien',
dum oppidum Villicien' deditioe, Castrum
vero Oblekorn expugnatione cepisset a San-
domirien' Castro, turpiter per Loktek repulsus
in Bohemiam redire praesidio Cracouiae impo-
sito cogitur, et Wladislaus Loktek omnia per Bo-
hemos acquisita, praeter Cracouiam recuperat.*

F Vncto Marte, per funestas concertationes et praelia, inter cognatos
 et propinquos Polonorum Duces gesta, apud Cracouien et Sandomiri-
 en Ducatus, et pro illorum consecutione et ambitu ferociter detona-
 re, cum Wladislaus Loktek Cuiavien Dux, cui iam Siradiam et Sandomiri-
 am obtinenti, sola Cracouia deerat, a Przemislao Maioris Poloniae Duce
 occupata, multifarie Przemislum praefatum Maioris Poloniae Ducem pro
 illius cessione, armis et bello lacessitum in contenderet. Amplior quoque Du-
 catibus ipsis perniciēs accessit, Ducissa namque Griphina Lestkonis nigri Cra-
 couien, Sandomirien, et Siradien Ducis relicta, siue electionem et expulsio-
 nem de dotalicij sui bonis, si Wladislaus Loktek Cuiavien Dux consequer-
 retur Principatus, verita, siue guerris intestinis quae post mortem mariti inu-
 mescebant, et damnis ex illorum continuatione prouenientibus, afflictā, ad
 Venceslaum Bohemiae Ducem, nepotem suum ex sorore Cunegunde genitum,
 nuncios mittit, donans illi donatione perpetua, ex auctoritate, quam in se
 per Lestkonem nigrum maritum olim suum, literis etiam publicis attestanti-
 bus, astruebat transfusam, Cracouien et Sandomirien Ducatus, et rogans
 ut vel per se veniat, vel gentes suas mittat, ad capeffendum Ducatum
 praefatorum, antequam ab alijs iniustis Dominis occupetur, possessionem.
 Ludibrio et cachino alius hanc donationem excepisset, cum monstro persi-
 mile foret, matronam Bulgariae ortam Polonorum Principatus donandi
 et conferendi potestatem nactam esse, quam false sibi a Lestkone nigro Du-
 ce viro suo ementiebatur, literis, si quae extabant, viciatis, et praeter mari-
 ti voluntatem false signatis, attributam. Quamuis nec Lestko niger Dux
 praefatus, orbus ipse, et ad Principandum in Cracouien et Sandomirien Duca-
 tibus, accitus, poterat in fratrum suorum germanorum, et caeterorum Polo-
 niae Ducum, stricta illum affinitate contingentium, prauiudicium, Griphinae
 Ducissae huiusmodi facultatem, contulisse. Venceslaus tamen Bohemiae
 Dux, qui ad occupandum Polonorum Principatus vehementer flagrabat, et qui
 anno superiorj suum consobrinum fratremque Nicolaum de Ducatu Opavien
 per iniuriam eiecerat, tenuissima hac occasione, quasi iure iusto et legiti-
 mo, pellectus, temerariam matertera suae Griphinae Lestkonis relictae, ca-
 duco et labili, et plusquam arundineo fundamento nixam, acceptat de
 Cracouien et Sandomirien Ducatibus donationem, Et Thobiam Praegen Epi-
 scopum, cum exercitu Cracouiam destinat. Poterat Przemislus Maior-
 is Poloniae Dux, in cuius ditione Cracouia consistebat, Thobiam Epum Prae-
 gen et exercitum Bohemicum a Crac' urbe, arce, et Ducatu excludere, co-
 pias et milite, et omni apparatu bellico Bohemis superior et instructior, liuo-
 re tamen, quo in Wladislaum Loktek Cuiaviae Ducem, agebatur, ne Cracouien

illi ad reliquos, quos obtinebat, Principatus, accederet, perustus, Thobia Pragen Epō de arce atq; Cracouien Ducatu cedit, et illius sibi, Griphina Ducissa Lestkonis relicta, et nonnullis militibus et Civibus Cracouien, Wladislaw Cuiavia Duci in festis, procurantibus et fauentibus, tradit possessionem. Cracouien autem arce et urbe in possessionem recepta pro consequendo Sandomirien Ducatu, Bohemicus exercitus, versus Sandomiriam, militibus aliquibus Cracouien auctus, progressus, Visliciam oppidum, natura et situ, flumine insuper Nida, longo et porrecto ambitu circumquaq; illud stagnante, forte, deditione capit. Castrum insuper Obliekom propē fluenta Visla situm, in quo præsidium Polonicum habebatur, expugnat. A Sandomirien verō Castro et oppido per Wladislaw Loktek Ducem Cuiavien, et eius milites, dum illud expugnare, deditione non proueniente, contendit, turpi repulsa, et ignominiosa strage, plurimis Bohemis militibus, partim desideratis, partim vulneratis et captis, discedens, Cracouiam, et demum in Bohemiam, præsidiū militum Bohemia in Castro et Civitate Cracouien relicto, redit. Griphinam etiam Ducissam Lestkonis relictam, ne quo pacto donatio de Ducatibus Crac et Sandomirien, Venceslao Bohemia Duci per eam factam, ad irritum recideret, secum ducens. Quae apud Bohemos Praga annis aliquot contemptui et ludibrio habita, tandem moritur, et in Monasterio minorum Sancti Iacobi, iuxta sororem suam Cunegundam matrem Venceslai Bohemia Ducis sepelitur. Ex eo tandem tempore Venceslaus praefatus Bohemia Dux, se Ducem Cracouien et Sandomirien gessit et titulauit. Exercitu Bohemico et eius Ductore Thobia Pragen Epō ex Cracouien ora discedente, continuo Wladislaw Loktek Cuiavia Dux, armis et potentia adeo superior in Bohemos euasit, ut et præsidium Bohemicum de Vislicien oppido expelleret, et Vislicien oppido in suam ditionem redacto, ceteras a Bohemis possessas munitiones et præsidia, euertere expugnaretq; et usq; ad Cracouien Civitatis suburbia, cuncta aut vastaret aut suis cogeret seruire tributis. Propter quod militibus et Civibus Crac querelis de sua oppressione Venceslaw Bohemia Ducem fatigantibus, Thobias Pragen Epus cum nouo exercitu in Poloniam ad Crac Ducatum transmittitur, auxilium grauatius, pace per treugam composita, aut defensionem laturus. Sed Wladislaw Loktek Cuiavien Dux omnem compositionem et sufferentiam aspernante, et continuas in rebelles et Bohemos apud Cracouia agentes, excursions et congressus ad dente, Thobias Pragen Epus re infecta Pragam reuertitur, denuncians Wladislaw Loktek Cuiavien Ducis potentiam insolentem et fortem, cui a se resisti non posse, et ad illius oppressionem dominationemq; fortioribus copiis, quam quae sibi mandata fuerant, opus fore.

*Rudolphus Romanorum Rex moritur.
Cui Adolphus de Anaxone succedit.*

SEdecima mensis Iulij die, Rudolphus Romanorum Rex, aegritudine et senio gravatus, Imperiali benedictione non habita Erfordiae moritur, Et in Spiram (ivitatem Alsaciae deductus propter strenuitatem in Sepulchris Imperatorum condigno honore sepelitur. Qui quamvis Comes de Anusberg, tenuis et modicae substantiae fuerit, ex sua tamen probitate Regnum Almaniae in magna pace annis decem septem, recuperatis etiam nonnullis terris ab Imperio alienatis possedit. Electores Imperij tam Ecclesiastici quam Saeculares, celebrato Conuentu, Adolphum Comitem de Anaxone, virum strenuum in armis, sed in potentia debilem, eligunt in Imperatorem. Paucos siquidem habebat introitus, et parum in parentela radicatus, in corde tamen fuit magnificus, et virtute plenus, qui respectus Electores Imperij ad eligendum eum pertraxerat.

*Wladislaus Hungariae Rex, germanij
Iui Andreae Ducis occisor, occiditur,
In cuius locum Andreas Venetus Sanguinis
Regum Hungarie substituitur.*

Nona mensis Iulij die, Wladislaus Rex Hungariae, Andreae Ducis germanus et occisor, in tabernaculo suo, prope Castrum Kirilszteg quiescens, a Comanis et signanter a Barbusis, Trantek, et Kementhe eorumque cognatione, quorum ritui et moribus, Ecclesiae prohibitionem habens ostentui, se addixerat, citis vulneribus multipliciter sauciatus, occiditur et in Canadmo sepelitur: iusto atque innoxio Andreae Ducis, filio Stephani Hungariae Regis, sanguine pro ultione ad Dei Tribunal de terra vociferante, et sanguini innocenti Andreae Ducis parentatur. In cuius locum, quoniam orbus moriebatur Andreas de Venetijs, ex semine Regum Hungariae ducens originem, decimo octavo post Wladislai necationem die in Regnum substituitur et coronatur. Cuius ea fertur fuisse, quam superficie tenuis attigisse sat erit, originis propago. Cum Hungariae Rex Andreas, huius nominis secundus, quarti Bela Regis et Colomani Ducis uxore prima Gertrudij beatae Helizabelh genitrice assumpta, facto in terram Sacram passagio, in reuertendo, hospicio per Marchionem Esensem exceptus, filiam suam raris pulchritudinis illic offendisset, accepit illam in coniugem, et in Hungariam deducit, tractatque ut Reginam. Verum Andrea Rege rebus humanis exempto Regina in paternam Domum, priuignis cogentibus, reuersa, se

gravidatam Episcopis et Barombus Hungariae significans, et ad patrem
reversa edidit infantem, nomen Regum Hungariae Stephanus illi imponens.
Qui ad aetatem legitimam perueniens, auum Marchionatu E. stensi priuare
nititur, a quo pulsus ad Jacobum Aragonum Regem, sororem suam ex pri-
mo matrimonio, filiam Andreae Hungariae Regis, habentem pro uxore, se
contulit. Vbi aliquanto tempore exacto in Italiam redit, et a Raguennatibus
in potestatem assumitur, sed inde iterum pulsus, Venetias se confert, et a po-
tente ac diuite Venetiarum Sire, qui illum sanguinis Regii fuisse nouerat,
collectus, etiam in generum a scitus est, filia sua illi desponsata. Ex qua
filium suscipiens, autum nomen Andreas illi optauit. Qui cum adoleuis-
set, suffragio amicorum matris in pulcherrimo Comitatu in Hungariam venit
ad Wladislaum Regem, et tam moribus quam virtute, quis et unde esset se
et Regi et Barombus insinuans, Lannorum Diadema Wladislaui occiso,
cum nemo alius de sanguine Regio superstes foret, adeptus. Qui anno se-
cundo Regni sui, Austriam cum exercitu valido ingressus, ipsam vasta-
uit. Contra quem Bonifacius Papa octauus, a Ioanne et Henrico Hunga-
riae Barombus frequenti studio sollicitatus, Carolum undecim annorum
adulescentem, a Regibus Hungariae per lineam maternam descendentem,
adiungens Legatum de Latere in subsidium transmittit in Hungaria re-
gnaturum, sed resistentiam faciente Andrea Rege, nullo profectu habi-
to, exclusus est.

*Conradus Glogouien' Dux incur Liombus
clandestinis Ducatum Legnicen' affligit
et cum germano Henrici Legnicen' Ducis
conspirat, postea tamen germani secum pa-
ciscuntur et infesti Conrado redduntur.*

Dilectione sua a Wratislauien' Principatu Conradus Glogouien' Dux,
per Henricum quintum Legniczen' Ducem irrogata, cuius sibi fu-
erat ab Henrico quarto vocato Probo Wratislauien' Duce in extre-
mis agente, successio demandata, graui exacerbatus irritatione, omnes
cogitatus conatusq; suos, ad guerram et hostilitatem, Henrico quinto Wra-
tislauien' et Legmiczen' Duci opportuno tempore inferendam intendit. Quam
pro palam et vi aperta, quod Henricus tam gentibus quam opibus excelleret,
perficere desperans, versutis et dolis agendum duxit. Nam Ducatus Wra-
tislauien' et Legmiczen', per nocturnas clandestinasq; excursiones, praedatio-
nes captiuationes et incendia, plurimum et multifarie vexauit afflixitq;.
Et cum Boleslao Swidmicen' Duce, Henrici quinto germano, qui et ipse

in Henricum fratrem, felicitati illius magno perire invidens, iniquo erat animo, occultis conglutinatus fœderibus, captivitatem aut necem Henrico quinto moliebatur. Conspirasse fratrem suum Boleslaum Smidnicen Ducem aduersus se et in suam perniciem ignorans Henricus, ferri sibi præsidium, et se ab illo tam armis quam consilijs cō Conradum Glogouien Ducem iuuari et defendi, crebris nuncijs precibusq; optat: facilius mutuo et fraterno auxilio, Conradi nisi dias superaturus. Quo operam suam, dummodo sibi aliquam sortem de Wratislauien Ducatu, iuxta se ac illum contingente, donare consentiat, deuouente, fœdus secum paciscens, duas illi Ciuitates Iauor et Strzegom ex pacto donat. Qui donatione huiusmodi suscepta, astringit se iureiurando, omnem defensionem et assistentiam Henrico quinto cō Conradum Glogouien Ducem præsbiturum.

*Saraceni residuum quod fuerat Re:
gni Hierosolymitani conquirunt.*

Sub hoc tempore Tripolis, Achon, Et Tyrus Ciuitates terræ Sanctæ munitissimæ, et à Christianis in eam diem, licet Hierusalem amissa, possessæ, et defensæ, vi prælijs à Zoldano captæ sunt, triginta millibus Christianorum et amplius à Saracenis, qui de illis varia et inenarrabilia consuebant ludibria, occisis. Quibus conquisitis, nihil de Regno Hierosolymitano remansit, quod non fuerit à Saracenis occupatum.

*Cruciferi dum Lithuaniam igne, spolijs,
et cadibus aliquoties foeliciter a Hece:
sent, Dux Lithuaniae Curiauiam simili:
ter impune vastat, et prædam abducit.*

Cruciferi Sanctæ Mariæ de Prussia, Duce fratre Bartholdo de Brunhauin Comendatore Kinsbergen vsi, terras Lithuaniae prædatum ingressi, Castro Kglein conquisito et exusto, multis Lithuanis peremptis et septingentis captis, in Prussia oram reuertuntur. Inuasionem autem Cruciferorum Lithuani in terras suas prohibitus, Castrum Mingedm extruere ceperunt. Cuius extructionem Commendator Kinsbergen Bartholæus auersurus, nouo comparato exercitu, illuc ire pergit. Sed Lithuanorum multitudine, quæ ædificantes obseruabat deterritus, in alia loca diuertens, Castrum Lithuanicum Mederabe conquirat, Vbi omnes Catholicorum soluit captiuos, barbaros verò obtruncat aut captiuitati reseruat. Vix dum Bartholæus Commendator Kinsbergen, ex Lithuania redierat, cum continuo Mgr

Prussiae Momer cum forti et numeroso exercitu Lithuaniam aggressus, duos Districtus Posthomow et Gierschow, in cinerem redigit, et cum multa præda captiuorum et pecorum reuertitur. Agit et tertiam Magistro reuerso Henricus Commendator de Balga in Lithuanos expeditionem, et mille quingentis vigintiq; militibus assumptis, duos Districtus Okain et Mingaidin, igne et cædibus vastat. Post paucos deinde dies Lithuanorum Dux Vithenen, hostiliter terram Cuiaviae ingressus, spolijs et cædibus circa oppidum Brzeschie patrat, hominum et rerum prædam non parvam secum abduxit. Et licet Wladislaus Loktek, et Sazimirus Cuiaviae et Lanciciae Duces, cum militibus suis eos fuissent insecuti, Magister quoq; Prussiae Menhardus accersitus, tempestiue aduenisset, re tamen memorabili nulla ædita, omnes abiire retrorsum. Communi naturæ vicio, ut reor, Lithuanorum insultu, tumultuario quidem et repentino, quod illos tunc Lithuanorum latebat tenuis et incognita conditio, territi, eos persequi, ac cum illis decertare destiterunt.

Anno Domini 1297

Vencellaus Bohemiae Dux cum ingenti exercitu, oppressis à Wladislao Loktek auxilium laturus Cracouiam venit. Postea Siradiensi oppido non sine iactura suorum capto, in Bohemiam re parum prosperè gesta, multis de suis amissis reuertitur.

Rebra ac identidem repetita militum suorum, qui Cracouiam obseruabant, Venceslaus Bohemiae Dux querela et prece, de ferendo, angustiatis et oppressis per Wladislaum Loktek Cuiaviae Ducem, suffragio, victus, quam maioribus copijs ex Bohemis et Morauis conuenire iussis, versus Poloniam, ad ferendum suis opem, ire pergit. Et cum propriae copiae, ad id bellum gerendum, languidae viderentur, Othonem Longum Brandeburgensem Marchionem, suum in pueritia Curatorem, in sui auxilium conducit, bipartitoq; exercitu, per Opoliensem Ducatum, tractatis copijs, post Assumptionis Dñae nostrae diem, Cracouiam perueniunt. Vbi à Cracouien militibus et civibus, honore iusto exceptus, aliquot hebdomadas illic, de ordine belli, contra Wladislaum Loktek Cuiaviae Ducem gerendi, consultando, exegit. Et nonnullis versus Sandomiriam, cæteris versus Siradiam (ambae enim arces et civitates à Wladislao Loktek tenebantur) exercitum promouendū

consentibus, Vislicien' oppido itineri, versus Sandomiriam afferente et obyci:
 ente discrimen, versus Siradiam itum est, et agri tantummodo villarum
 et oppidorum, quæ Wladislao Loktek parebant, populati usq;. Wladisla:
 us enim Loktek Cuiarien' Dux, in pugnam universæ dimicationis, cum Vence:
 slao Bohemia' Duce, et exercitu eius, prudentissima consultatione, non veni:
 ens, in singulis locis, et statuis, quoties se offerret occasio et opportunitas
 utilis, Bohemicum et Almanicum exercitum, nocturnis insidiis lacef:
 sebat. Sed et milites pabulatoresq;, longius pabulandi aut populandi gra:
 a Castris progressos, obterebat fundebatq;. Tantumq; metum hostibus
 locorum imperitis, peritus ipse iniecerat, ut vigiliæ in Castris Bohemicis et
 Almanicis duplicarentur, et nemo pabulatum auderet, nisi sub forti mili:
 tum conductu, prodire. Sub tot et tantis difficultatibus Venceslaus Bohe:
 mia' Dux, cum Othone Longo Brandeburgen' Marchione, Siradiam per:
 ueniens, oppidum Siradien' obsidione cingit, et in die St'i Venceslai conqui:
 rit. Arcem vero Siradien' conquerere se posse desperans, palude enim
 et undis undiq; consepata, praesidio insuper forti munita, aut impossibilem
 aut diuturnam sui conquisitionem portendebat, in Bohemiam parum pro:
 sperè re gesta, militibus aliquibus Cracoviam pro tuendis subiectis remis:
 sis, ex statuis apud Siradiam habitis, gloriabundus, quod oppidum Sira:
 dien', nec arte nec natura emunitum cepisset, redit. Quo discedente
 Wladislaus Loktek Cuiarien' Dux, in Siradien' et Cracovien' Ducatibus
 principari non desijt, per tinatiusq; in Bohemos et rebelles grassatus.

Kinga Ducissa Cracovienlis in Monrio
 Sandecen' moritur et sepelitur. Cuius San:
 ctitas et si multis et variis miraculis de:
 clarata sit negligentia tamen Polonorum
 Canonizatio illius procurata non est.

Magna sanctitatis et religionis, miraq; devotionis in Deum, fœmina
 et virgo Ducissa Kinga Boleslai Tudicj Cracovien' et Sandomi:
 rien' Ducis relicta et filia Belæ Hungaria' Regis, cū annos
 tredecim in Monrio Sandecensi, in magna abstinentia, et proprij corpa:
 ris mortificatione exegisset, gravi infirmitate anno prope uno vexata,
 vigesima quarta Iulij deuotissime moritur, et in Monasterio Sandecen'
 sepelitur: diem et horam mortis suæ habens multo ante tempore, diuina
 reuelatione patefactam. In hora transitus sui fœlicis Christianus Cano:
 nicus Vislicien', vir religiosus et deuotus, Vislicia' in oratione positus, vi:
 dit animam eius ex corpore egressam, niueo candore in cælum, canentibus

agminibus sanctis Regnum mundi deferri. Quod cum admiratione magna
cerneret, dictum illi est, animam beatam unepundis esse in illo momento a cor-
pore solutam. Quæ quidem visio etiam pluribus alijs deuotis personis mon-
strata est, et quem admodum pietas agni caelestis in vita stupendis miraculis
eam extulerat, ita et post felicem obitum amplioribus prodigijs varios cu-
rando languores, corruscabat. Ab anno siquidem mortis suæ, usq; ad annu
Domini Millesimum trecentessimum vigesimum nonum, meritis suis octingenti
mortui vitæ pristinae redditi sunt, sexaginta cæci illuminati, quindecim ca-
ptiui a vinculis soluti, septingenti insuper homines utriusq; sexus a varijs
agritudinibus curati, ut satis mirandum sit ætatis illius Prælatos & Princi-
pes Poloniae Canonisationem tam sanctæ, tamq; Vnâbilis Ducissæ, propter can-
dorem virginæ, quem annis multis in thoro coniugali seruauit, inter Mar-
tyres computandæ, non procurasse. Tantam siquidem circa illam Regis
& terribilis benignitas magnitudinem suæ gloriæ, consolidando contractos, restau-
rando paralyticos, suscitando mortuos, mundando leprosos, liberando energu-
mineos, illuminando cecos, erigendo claudos collapsosq; et multiplices agri-
tudines suis sanando meritis, multipliciter noscitur effudisse, ut ex illis præ-
stetur certa et euidentis fiducia, quod quæ in vita præsentis dignitate præful-
gebat Regia, per gratiam Regis caelestis, glorificationem sit amplissimâ
inter superos consecuta. Nec mirum, coluit enim et custodivit assidue inte-
gritatem mentis, et nobilissimo pudore integerrimæ virginitatis castimoni-
am, sub nimio et arduo labore transegit. Expers palmarum non credenda mar-
tyrij, quæ puritate mentis duplici cum mortificatione, carnis suæ vlt et ma-
riti, assidue cum oculis, cum naribus, cum cæteris sensibus, cum quiete et
ocio, cum silentio et solitudine, cum ipso deniq; fastu et apparatu Regio,
cum cibis et potibus opiparè conditis, cum rerum temporalium affluentia, et
successuum felicitate, vestium, gemmarum, et vniuersum purpura, nocte atq;
interdium confligens, momentisq; singulis animi et corporis per ferebat cru-
ciatus, sanguineam rosam præferens, centeno fructu et geminata laurea,
virginitatis vlt et sanguinis meruit coronari. Virginitatem enim magnopere
custodiens, mente et spiritu hostem sævum, quocumq; se verteret, secum fe-
rebat, assidue premebatur certamine, sine inducijs bellum gerens, non ve-
spere, non nocte, non diluculo, non meridie, non mane respirasse permissa.
Sed singulis diebus atq; horis, fornacis medio succensa, auribus starpata, pu-
rior prodibat. Cogita quanti officij labor sit et fatiga. Hæc constante ma-
trimonio vixit modeste, castigate et abstinenter. Non cultus in ea luxuriosior,
non conuersatio cum viris, sed nec cum viro licentiosior, non conuictus splen-
didior. De qua sanè et eius virtutibus atq; Sanctis operibus tanta dici pos-
sunt, ut ad longum usq; Volumen exerescerent.

*Iterum pacta iureiurando inter Henricum
Wratislauiensem Legnicensem, et Boleslaum Smi-
dnicem Duces germanos contra Conradum Glogo-
uiensem Ducem nullo tamen profectu firman tu R.*

R Epressurus graues excursions et incendia Henricus quintus Wratisla-
uiensis et Legnicensis Dux, quae sibi et Ducatibus suis per Conradi Glogo-
uiensis Ducis subministrationem irrogabantur, germanum suum Bolesla-
um Smidmicensem Ducem cuius mentem largitione duorum oppidorum Taurorvitz
et Strzegom, se crederat sibi in totum conciliasse, de ferendo contra Conradum
Glogouiensem Ducem, quem admodum iureiurando pollicitus erat, auxilio, re-
quirere. Qui nunc languorem nunc militum remissionem, nunc intemperiem,
aeris allegans, cunctando, tempusque extrahendo, Henricum fratrem Wratisla-
uiensem Ducem fallebat. Pro exploranda itaque et sananda Boleslai Smidmi-
cen Ducis mente, alter instituitur Conuentus. In quo Boleslaus Smidmicensem, te-
nuem se sortem ab Henrico Wratislauiensi Duce recepisse causante, recusante
succursum. Henricus Wratislauiensis et Legnicensis Dux tria rursum illi op-
pida, videlicet Reymchembach, Frankesken, atque Strzelim ad priora adycit,
nouumque et iteratum iusiurandum accipit, pollicentem se omnibus viribus
et potentibus, rebus quoque, fortunis, et proprio corpore se Henricum contra
Conradum adiuturum. Parem tamen altero iuxta ac priori Sacramento
dans virtutem, prauaricato utroque cunctatorem se magis quam adiuto-
rem negocijs Henrici praecebat.

*Pauli Ep'i Crac' mors et factum in Ep'o clere.
Stabile. Cui Procopius Rutenus succedit.*

P Aulus Cracouien' Ep'us cum annos duos et triginta Cracouien' obtinu-
isset sedem, penultima mensis Nouembri, in curia sua Ep'ali in Thar-
schek, moritur, et in Crac' Eccl'a tumulatur. In eius locum Procopius or-
tus de Russia, Cantor Gnesnen', Praepositus Sandomirien', Sanctus Crac', et Lestko-
nis migri Crac' et Sandomirien' Ducis Cancellarius, et ipsius Lestkonis Ducis, ex par-
te matris cognatus, et canonica electione, et Principum Wladislai Loktek, et Vence-
slai Crac' et Sandomirien' Ducum, consensu et fauore, nobilis de stirpe Syphorum
succedit, per Jacobum Swinka Gnesn' Archiep'm confirmatus. Hic aut' Paulus Ep'us
in tanta venationis feruore ferebatur erupisse in animam, ut conditioni Pontificalis
oblitus, tractans in Districtu Kielcen' venationes, venatore, qui feram incautus, ne
usque ad sasses procederet, dispulerat, lancea manu gestata indignabundus, transfo-
deret, non veritus hominem per bestiam perdere, quem unigenitus filius Dei preciosissimo sanguine
suo redemit.

*Nicolaus Papa iiii. moritur, & mo:
tu terrarū in Italia multa Castra
et oppida inuertuntur eo tempore.*

*I*n Parasceue die Nicolaus Papa quartus, cum annis quatuor, mensi:
citra duobus sedisset, Romae moritur, et apud Scēam Mariam maiorem
sepelitur. Cardinales autem de communi consensu, Perusium se transfe:
runt, et illic conclauē ingressi, discordibus votis usi, nulla tenus de futuro Sumo
Pontifice, concordare potuerunt, et vacauit Ecclesia integro biennio. Quo
quidem tempore in Italia magni fuerunt terrarū motus, sed maxime versus Nea:
polim in valle de Biuano. Ruerunt enim illic Castra, et villae multae, personaeq;
plurimae simul cum illis perierunt.

*Thomas secundus Epūs Wratislauicē,
vita functus Romam habuit Successorem.*

*I*n diebus Marcij Thomas secundus Epūs Wratislauicē, cum annis vi:
ginti duo sedisset moritur, et apud maiorem Ecclesiam Wratislauicē se:
pelitur. Cui Ioannes vocatus Romka unanimum electionem sortitus
succedit, de annuentia et consensu Henrici Wratislauicē, Boleslai Smi:
dnice, et Contradi Glogouicē, Ducum, agrē ab illis obtento, qui potius Du:
cem Legam, filium Contradi Glogouicē Ducis Praepositum Wratislauicē,
succedere maluissent, ab Archiepō Gnesnē Iacobo Swinka confirmatus et
consecratus, nobilis Polonus de Domo Sulima.

*Meinhardus Prusiae Magister ex
coniuratione Prutenorum et Lithuanorū
qui occideretur parum abfuit.*

*P*rusiae Magister Meinhardus, dum exercitū paruo collecto, Lithuania
populaturus, ad fines illius peruisset, coniuratione per unum de Pru:
thenis, de qua inter Lithuanos barbaros, et Pruthenos quamuis baptisatos,
conuenerat, detecta et ad notitiam perlata, celerrimē in Knsberg nocte et interdū
reuertitur. Et coniuratione oppressa, ingens periculum depulit, quoniam et per Li:
thuanos a fronte, et per Prutenos p̄prios, qui ad gentilitatis errorem relabj
stauerant, a tergo, nisi sibi celerrimē consulisset debebat inuadi.

Anno Domini 1293.

Luthko Cuius parentem Pakoslaum Henricus quintus Wratislauiensis et Legnicensis Dux ad summos dignitatum gradus extulerat, et postea iusto iudicio in mortem condemnauerat. Oblitus beneficiorum in se per Henricum collatorum, eundem Dominum & benefactorem suum, in balneo nudum captiuit, et hosti suo Conrado Glogouien Duci praesentat. Quod Conradus diro et nouo genere vinculi inclusu adeo premit, ut et multa in sui liberationem dederit, et pristinum robur quoad vivebat assequi propter eam captiuitatem nequaquam potuerit.

Intelligens Conradus Glogouien Dux conspirationes quas cum Boleslao Swidnicen Duce, contra Henricum quintum Wratislauiensem et Legnicensem Ducem, in eius captiuitatem vel mortem congesserat, cunctatione et astu callido Boleslai Swidnicen Ducis, qui suis tantummodo consulebat profectibus, et per hostilitatem Conradi Glogouien Ducis, Castra, Ciuitates et oppida ab Henrico Wratislauiensi et Legnicensi Duce, sub praetextu ferendi auxilij pro suo libito emungebat, retardatas et neglectas esse, exquisito continuoq; studio, quo nam pacto cogitata perficeret, intentus, Boleslao Swidnicensi Duce omisso, qui eum crebris fallacibus promissis, deluserat, Consiliarium quendam Henrici quinti Wratislauiensis et Legnicensis Ducis Luthkonem nomine, inter paucos Henrico quinto charum, et inter Consiliarios praecipuum, in illius captiuitatem aut necem incendit. Erat in consilio et obsequijs Ducis Henrici quinti, prius quam ex morte Henrici quarti Probi Wratislauiensis consequeretur Ducatum, miles quidam Pakoslaus Luthkonis parens, de stirpe et Genealogia Habdank, qui et famulatu et industria factiuitateq; adeo sibi Henricum quintum deuinxerat, ut caeteros suos Consiliarios, fauore et auctoritate anteiret. Is cum quondam militem vicinum suum, siue casu, siue arrogantia, incertum est, occidisset, fratres et consanguinei occisi, quorum multitudine occisus praestabat, Pakoslaum occisorem coram Henrico quinto in aesto mimium, et pro casu qui Pakoslaus acciderat,

anxio sollicitoque, et eius Tribunali conueniunt. Causam itaque Pakoslaus a Du-
ce Henrico quinto, flentibus, querentibus, Et iustitiam expetentibus, amicis occi-
si, dicere iussus, insolenti et superba responsione utitur. Et in favore Princi-
pis, amicorumque multitudine insolentiam suam nutrientium, confidens, tumidè
Et iactanter respondet, se militem occidisse, et occisionem suam patratam, nullo
pacto a se inficiari velle. Amicis occisi iustam pronuntiationem post con-
fessata ferri petentibus, Henricus quintus Pakoslaus correpto, monet, ut amicis
consultis, aliter de se facta querela, respondeat. A iudicio itaque disgressus,
consultis amicis arrogantius addit responsum, profitens se obiectum homicidium
perpetrasse, et haud multum a magnitudinis Ducalis fastigio se distare cre-
dens, inficiari noluit crimen. Ea responsione Henricus quintus Dux turbatus,
partibus iudicis omisissis, partes amici assumit, Et Pakoslaum obiurgat. Stultissi-
me, inquit, virorum, quis te spiritus exagitat, ut proprio ore propriaque confessio-
ne, in necem tuam debaccharis. Secede itaque a Tribunali meo, et saltem pro
Vice tertia, tibi vitaeque tuae, dum licet, consule, positaque dementia, ad bonam
mentem redi, decetero me magis iustum iudicem, quam misericordem Ducem, nisi
tibi mitiori responsione prospexeris, experturus. Non mouit Pakoslaum tam
clemens et repetitus monitus, sed deliberatione cum consultoribus habita,
occidisse se vicinum, gloriabundus Et stomachans fatebatur. Expetent-
ibus itaque amicis occisi, Henricus quintus Dux in Pakoslaum sententiam
pronunciat, et ex propria confessione in mortem damnat, atque ex alio per
scalas in Legniczen castri, ubi iudicium agebatur, medium, deductum, capi-
te obtruncat, Et quem plurimis beneficijs ornauerat extuleratque, hoc uno fa-
tali et extremo casu damnat. Sed nec Pakoslaus perempto favorem remittit,
unum enim filium Pakoslai vigesimum agentem annum, qui Luthko vocaba-
tur, pro familiari continuo suscipit, et propensiori gratia pertractat. Verum
a Consiliarijs identidem, ne a se damnati Pakoslai filium, versari apud se
Et in camera sua patiatur, ne in ultionem paternam quicquam moliretur aduer-
si, argutus. Vehementer, inquirunt, suspicamur Luthkonem, necem patris iniquo
animo laturum, Et eius interitum tibi imputaturum fore, cogitaturumque omni
tempore et hora, quo pacto illam tuo periculo vindicet, maiore in te quam ca-
put ausurus. Aspernabatur Henricus Dux sibi fideliter suadentium, Et
periculum suum portendentium, consilia, tutiorem se factum ratus et gratia
quam patri viuo praestiterat, Et beneuolentia quam in filium deprobebat.
Luthkonem tamen aduocat, et praesentibus Consiliarijs in hunc alloquitur
modum. Vidisti, inquit, quantis desiderijs et laboribus aestuauerim, quan-
tosque conatus adhibuerim, ut parentem tuum Pakoslaum ex morte, quam ipse
met sibi, et occidendo innoxium, et homicidij profitendo in iudicio crimen,
consciscibat, eriperem, nouisti quoque patrem tuum sua superbia arrogantique

dementiaq, damnationem sibi nexuisse. Ex duobus itaq, unum infra tem-
 pus bimestre elige, aut damnationem pris iuste a nobis factam perpetuo obli-
 uiscere, aut ex curia nra, nunquam ad illam reuersurus, secede. Lapsa tandem
 constituto ad respondendum spacio, Luthko, adueniens, Et iuste legitimeq, prem
 damnatum, iureq, interysse, publica voce perhibet, et se illius necem non
 verbo, non facto, non publice non occulte, sed neq, nutu memoraturum, aut
 ulturum, molesteq, laturum, iureiurando confirmat, obsecrans Henricum
 Ducem, ne se et fidem suam suspectum iri permittat, se ea conditione eaq,
 mente fretum esse, ut fidelissime constanterq, et sincere, obliterateda priua
 nece, sit illi famulaturus. Excussit hac Luthkonis vox Henrico Duci la-
 chrymas, et complectens illum ait. In parentis me habebis loco, ea sumptu-
 rus ex me beneficia, pro quibus et tu et cognati necessarij q, tui, perpetuas
 mihi gratias agere poteritis. Nec sermone Ducali virtus veritasq, defuit,
 nam et Luthkoni plerasq, donationes liberaliter contulit, et ipsum suis inti-
 mis Consiliarijs inseruit. breuiq, effecit, ut auctoritate et fauore fere sin-
 gulos excederet. Hunc itaq, Conradus Glogouien Dux, tam promissis quam
 blandicijs in captiuitatem aut necem sui Domini & benefactoris Henrici
 quinti, asserens non esse ferendum, ut sui parentis indigna non compateret,
 tur morti, subornat. Qui opportunum tempus ad exequendum ea, quae cum
 Conrado Duce Glogouien pepigerat, obseruans, in Dominum suum Henri-
 cum quintum in balneo ad fluentia Odrae prope Wratislauien Castrum cor-
 pus curantem, cum Satellitibus armatis aduenit. Cuius etsi a ministris Henri-
 ci quinti praecisus fuerit, Et Henrico Duci denunciatus aduentus, bonum
 tamen et quietem eos habere animum, Et omnem suspicionis pauorem depo-
 nere iussit, cum Luthko suus familiaris, Curienis, et Consiliarius existat, Et
 impossibile sit quicquam sinistri illum moliri. Verum Luthko omnium benefi-
 ciorum, Et parenti Et sibi praestitorum oblitus, balneum in quo Dux laua-
 batur circumdat, Et familiaribus Ducis fugientibus, Et resistentiam nudis
 contra armatos, iniquum enim foret certamen, facere non audentibus, Hen-
 ricum Ducem Et Dominum suum, nona Octobris captiuat. Quem etsi unus
 ex familiaribus defendere nissus fuisset, et suo corpore Ducale praetexisset,
 a Luthkone tamen et suis vulneribus varijs confossus, interijt. Captus itaq,
 Henricus quintus Dux, Et ex balneo ignominiose nudo corpore tractus, in
 equum imponitur, Et vili palliolo super miecto, tota die et nocte illa subse-
 quenti, qua captus est, equitare cursu vehementi coactus in Sandmuth ab-
 ducitur, Et Duci Glogouien per Luthkonem praesentatur, infericitate sua ab
 eo proditus, cuius parentem in summum gradum prouexerat, Et ipsum quoq,
 proditorem promouere maturabat. Quem illico Conradus Dux Glogouiam
 perducens in dira coniecit vincula, vinctum quoq, Et catenatum, non solum

horrendo carceri, sed in vas ferreum angustum, et ex omni parte coartatum
duo tantummodo foramina et hac ipsa plurimum brevia et stricta, habens.
Unum quo escam exciperet spirareque posset, aliud quo alium purgaret. Et
in quo non sedendi, non standi, aut iacendi, sed vix aegre herendi, relicta
erat facultas, includit. Vbi per sex menses adeo tortus veratusque est, ut
de scapulis et femore eius, et sanies et multitudo vermium scaturiret. Mor-
tem itaque et crudeles passiones euasurus, dum videret germanum suum Bole-
slauum Smidmiceum Ducem, pro sua liberatione nullam operam nauasse, tri-
ginta marcarum millia in pontis medio supra flumen Czarna qui L. regni:
czam circumfluit, ex composito primum soluit, deinde in frascriptos Distri-
ctus, Castra, et oppida, vti Namislouiam, Berelchom, Kruczborg, Bydzi-
nam, Kuncestadt, Rozemberg, Hainouiam, et Boleslauiam, cum termi-
nis et distinctionibus suis Conrado Duci Glogouien, donat et inscribit, illisque
perpetuo renunciat. Post liberationem continuo languore afflictabatur,
quem illi ferralis captiuitas causauerat, nec ad diem mortis, ad vigorem pri-
stinum poterat restitui. Balnearum fomenta Polonorum Principibus ini-
mica et execrabilia, et sub illarum usu scrupulosiori ad sui custodiam uten-
dum illis cura. Tres enim constat Polonorum Principes sub balneandi tem-
pore periclitatos fuisse. Vnum de quo modo narrationem absolimus Henri-
cum quintum in valetudine. Item Lestkonem Album (rac. Sandomiriense,
et Lomeram Ducem, Poloniaeque Monarcham, in vita. Tertium Hen-
ricum cum barba Wratislauicum Ducem in corpore, propere ad mortem vul-
neribus lacero.

Wladislaus Loktek pro Principatu Crac
et Sandomiriensem plures refert de Bohemis
triumphos. Cuius potentiam Tartarorum
ingens multitudo Ducatum Sandomiriensem
ingressa, praedis inde abactis diminuit.

A pud Cracouien et Sandomiriensem oras captum inter Wladislaum Loktek
Cuiacien, et Venceslaum Bohemiae, Duces, pro Principatibus ipsis
bellum, acerrime gerebatur, et per Venceslai Bohemiae Ducis
absentiam, qui sub eo tempore, cum Rudolpho Romanorum Rege in Mis-
sina apud Grunhaim agebat conuentum, et affinitatem modico duraturam tem-
pore, dando filiam suam Agnethem Ruperto filio Regis, iungebat, pars
Wladislai Loktek Cuiacien Ducis, plures ex Bohemis referebat triumphos.

Superuenit tandem ingens Tartarorum multitudo et exercitus, in aliquot agmina diuisus, Et non nisi ad Sandomiriam grassatus, correpta praeda, et hominum utriusque sexus magna multitudine capta, Et seruituti mancipata, in Tartaricos campos unde ebullerat rediit. Quae res vires et potentiam Lokietkoms Ducis, cui circa oram Sandomiriensem parebatur plurimum hebe-
tavit.

Cruciferi Castrum Mingede conquirunt et multos Lithuanos trucidant. Dux autem Lithuaniae Vithenen, dum vastat Prussia, victus euasit.

Conradus Stange Commendator de Ragnetha, circa festum Sancti Iacobi Apostoli, in Lithuaniam cum gentibus suis licet paucis, veniens, Castrum Mingede, quamuis multiplici praesidio Lithuanorum septum, impugnans, comprehendit, Et magnam multitudinem Lithuanorum, paucis diffugi-
entibus, aut capit, aut occidit. Quorum secutus est vestigia Vithenen. Et Dux Lithuaniae, cum multitudine Lithuanorum Ruthenorumque, Pruthemicam oram diebus octoginta vastat. Infra quos a Cruciferis inuasus, victus succubuit, Et pluribus de suis amissis, cum paucis fugiens, euasit.

Anno Domini 1294.

Vithenen Dux Lithuaniae Lanciciam clandestine ingressus, Ecclesiam Collegiatam spoliat, domibusque incensis et eadem Ecclesia conflagrat. Eade autem ingenti aedita dum cum praeda rediret praelio con-
serto cum eo Casimirus Dux Lanciciae occiditur. Cui in Ducatu germanus suus Wladislaus Lokiet Crac Dux succedit.

Non defuit et hoc anno Diuina indignatio, per rabiem barbaricam de-
satiens, in Polonos. Vithenen enim Lithuaniae Dux, cum mille octo-
gentis equitibus, ex Lithuanis, Pruthenis, Et Samogitis collectis, in Lan-

ciciensem terram impetum facit. Quam dum feria quinta Penthecostes per
sylvas et nemora, Duce Boleslao Masouia' permittente et fauente, tam si-
lenti et ignoto agmine, ut quolibet pratercuntes fallerent ingressi fuissent,
primum ad Ecclesiam Collegiatam accurrunt, populiq; utriusq; sexus frequen-
tiam, quae illuc gratia celebrandi festi confluxerat, aut erucidant aut ca-
ptiuant. Praelatos, Canonicos, & Sacerdotes Domini, miserabiliter captiuant,
Vestes sacras vasa & Censodia diripiunt, caeteros qui ad Ecclesiam confuge-
rant, et in illa se viriliter defendebant, vicinis Domibus quae Ecclesiam cir-
cumstant, incensis, in Ecclesiam Lancicien' incendium inferentibus, suffocant
et extinguunt. Ad rura deinde et vicos discurrunt & praeda plurima
ex hominibus et pecore comparata, citato cursu redibant. Non tulit et
suam et gentis suae calamitatem Casimirus Lancicien' Dux, sed cum singulis
terrae Lancicien' militibus, barbaros persequi cepit. Quos cum in villa Fulkow
prope oppidum Sochaczow supra fluvium Bzura sito, secundum alios cir-
ca villam Troianow consecutus fuisset, paucitate sui agminis et hostili
multitudine minime pensata, in barbaros irruit. Et magna strage caedita,
multisq; captiuis per fugam feruente praelio elapsis, a multitudine barbarica
victus succumbit, et inter confortissimos et primos hostes audacissime pugnans
nobilem excipit mortem. Quo accidente fuga passim per Polonos fieri ce-
pta est, & plures ex Polonis, dum mortem honestam vitant, & in mortem
turpem incidunt, & in flumine Bzura ultra quod pugnatum est, aquis plus
tunc solito ex imbribus inflatis submerguntur. Lithuani et praeda et vi-
ctoria potiti, eam tunc ex captiuis Polonis praedam afferuntur retulisse,
ut cuilibet barbaro viginti Christiani Poloni in sorte cesserint. Non re-
liquit Casimirus Lancicien' Dux aliquem superstitem, propter quod Lancici-
ensem terram Vladislaus Loktek Cuiavien' Dux germanus suus, legitime
in se deuolutam, accipit.

Conradus Dux Masouiae Fundator
Monasterii in Blome moritur et in
Monasterio Czeruinen' sepelitur

D Vodecimo Calen' Nouembri Conradus Dux Masouiae, & Dnus Sirmen'
filius Semouiti in Lazdow a Lithuanis occisi in monio frum Cantorum
Regularium in Sirmiensto moritur, et in eodem monio iusto honore
sepelitur. Construxit hic monium in Blome, & tam in troitibus quam Censodijs
et ornamentis munificentia Ducali dotauit.

Coelestinus V. heremita in Summum Pontificem eligitur. Qui cum breui Papatu cessasset in locum eius Bonifacius VIII. succedit, et Coelestinum vinculis, in quibus mortuus corruscat miraculis, veritus ne Papatu repeteret includit.

B lennio Et amplius Cardinalium Collegio super electione Summi Pontificis per varias voluntates diuiso ad persuasionem Latini Hostien Episcopi fratrem Petrum de Murone, heremiticam vitam Ordinis Sancti Damiani sub Regula Sancti Benedicti agentem, virum maximae orationis, totum Deo consecratum, in partibus Aprucij, in magna vitae austeritate, in heremo habitantem, septima die Iunii eligunt in Papam. Qui ex heremo Aquilam veniens, in die Decollationis beati Ioannis Baptistae in Ecclesia Sanctae Mariae de Colomadiu in Papam consecratur Et Coelestinus V. vocatur, ubi et Curiam suam aliquanto tempore tenuit, Et Cardinales illuc ex Perusio venire fecit. Verum licet opera viri sancti fecerit, Et a primi status innocentia non recesserit, eandem humilitatem, eandem puritatem observando, decipiebatur tamen, velut vir in regimine Pontificali in expertus. Et ob impotentiam senectutis, cum aetatis decrepita foret, in gratijs et signaturis non sciens versutijs et fraudibus Curiae occurrere. Propter quod fere a singulis Cardinalibus periculo, in quo status Ecclesiae versabatur, intellecto, adita Constitutione, ut Papa possit cedere Papatui, in vigilia Sanctae Luciae Neapoli, in praesentia Cardinalium cedit Papatui. Et Papatus deponens insignia, praebuit humilitatis, stupendum cunctis, imitabile paucis exemplum, cum a septimo die Iulij, usque ad decimum nonum vel citra Decembris diem sedisset. Cardinales deinde ad electionem alterius procedentes, Benedictum Gaie-
thani, tituli Sancti Martini in montibus Presbyterum Cardinalem, natione Campanum de Anania oriundum, longo tempore Curiae experientiam habentem, in Papam eligunt, quem Bonifacium VIII. appellant. Qui praedecessorem suum Coelestinum, ad heremum latenter fugientem, Scismati praecauens, cum ab aliquibus dubitabatur, an cedere Papatui poluisset, capit, Et in Castro Fumonis sub honesta custodia includit, ubi vivens, tandem quatuordecimo Calen Iunii, anno uno, mensibus quatuor, diebus viginti exactis et octo, moritur, Et in Monasterio Sancti Anthonij de Terentino ordinis sui, Millesimo Ducentesimo nonagesimo sexto anno, sepelitur. Multis deinde corruscans miraculis, a Clemente V. sub nomine Sancti Petri canonisatur. Bonifacius ex Neapoli Curiam in Urbem transferens, illic suam mansionem aliquanto tempore agens, Sextum librum Decretalium composuit. Idem Coelestinus

ut aliqui aiunt, in Ecclesia Sancti Petri, ubi Crucifixus refertur, in monte
trans Tyberim extra Urbem, post cessionem Papatus, sanctiori vitam soli-
tariam ducere deuotione cupiens, inhabitauit. Quem Bonifacius succes-
sor, suspicatus et ueritus, ne unquam alio spiritu ductus Papatum repe-
teret, comprehendit, et uinctum, squallore carceris miserabiliter extinguit.
Hic successor Cessorj tyrannicam pro beneficio reddit vicem. Quo metu
posterj docti, in sua uocatione cum diuturniori uita consultius manere
deligunt, quam ea contempta, in tempestiuam sibi conscire mortem, Et ex
benefactoribus facere tyrannos.

*IVdaeorum Rabi et Prophetæ diem
certam Iudæis prædixerant, in quo
Signum redemptionis Sanctæ Crucis
seruentissime orantibus in Syndoni-
bus apparuit. Quo viso nonnulli
eorum turbati nonnulli baptisati fuerunt.*

In quarto Mense, qui apud Iudæos dicitur Chamez, ultima
die ipsius mensis, in qua die prædixerant Rabi Iudæorum
quod Iudæi debebant habere signum redemptionis suæ à Deo
miraculose factum. Ad quorum proclamationem omnes Iudæi fecerunt
suas pœnitentias in ieiuniis multis, cum satisfactionibus, eleemosynis, quasi
ad Deum reuersj, orantes ut sibi prædictum signum suæ salutis ostende-
ret. In quo anno, die, et mense, assignatis, intrauerunt Synagogas suas, ad
orandum Deum, induiti Syndonibus albis lineis seu sericis, prout est moris
apud eos, in die expiationis scilicet in die decima mensis septimi. Et tunc al-
tissimo Deo cooperante, qui nullum tempus sine bonitatis suæ testimonio reli-
quit, in Syndonibus quæ seruabantur, apparuerunt signa Crucis in omnibus
et ubicunq; erant, etiam in illis syndonibus, quæ condebantur in suis
apothecis. Quo signo viso, multi eorum fuerunt turbati. Quorum quidam
dicebant, quod hoc fuerat factum Diabolica arte, nimirum cum præde-
cessores eorum de Christo, maxima miracula faciente, in Belzebub excit-
auissent Demonia, Matthæi nono Capitulo, id ipsum dicebant. Nonnulli dubita-
bant, non audentes loqui, nec aliquid circa hoc iudicare, alij uero cre-
diderunt hoc signum fuisse veri Christi Crucifixi, Et disposuerunt se ad
eius fidem cum baptismo recipiendam, isti tamen fuerunt pauci, iuxta il-
lud Hieremiæ Cap. III. Assumam vos, unum de ciuitate, et duos de cognatioe.

Et attendendum, quod inter duos praedictos terminos, qui per praedictos Rabones, in suis libris et tractatibus assignati fuerunt, fuit terminus alius, a duobus Iudaeis in Hispania, qui Prophetae dicebantur, assignatus. Quorum unus erat in Civitate Abulen' Provinciae Compostellanensis. Et alius in villa quae dicitur Aylon, Saguntinensis Diocesis, Thelotanen' Provinciae. Qui quidem duo tam magnalia loquebantur semper Prophetae, ut quandoque futura prognosticabant, et occulta reuelabant, secundum morem eorum honeste vivebant, quod ab omnibus Iudaeis regionis reputabantur semper Prophetae. Et isti duo assignauerunt tempus ad videndum signum suae redemptionis in anno a Creatione mundi vlt' Millesimo quinquagesimo quinto, secundum eorum computationem. Qui quidem annus concurrebat cum anno Domini Millesimo Ducentesimo Nonagesimo Quinto praesentij.

Menhardus Prussiae Magister
certa Castra et Districtus sed
et Castrum Vizenle in Ma:
sovia conquirat et comburit.


In fine hyemis Prussiae Magister Menhardus hostilibus armis, terras Lithuaniae invadens duos Districtus Pasthom et Gierszow iterum vastat. Et Castrum Lithuanicum Mingedm bombardis quatit et impugnat. Duobus autem Castris inferioribus conquisitis et exustis, dum tertij expugnatio difficilior videbatur, captivis Lithuanorum in Prussiae Castra remissis, ad Castrum Vizenle Boleslai Masoviae Ducis exercitum ducit, illudque iuxta ac barbaricum et hostile, propterea quod Lithuani in eo habebant receptaculum, et frequentius etiam ex illo terras Poloniae et Prussiae infestabant, oppugnat, nec Boleslaus Masoviae Dux legationibus ac nuncijs fatigatus, facinus id rescindere volebat, conquirat et exurit. Lithuanorum Castro Kimel Ludovicus de Ragnetha Commendator armis sub idem tempus conquisito, eandem incensionis infert sortem.

Mortuo Msczugio Pomeraniae Duce
Przemislaus maioris Poloniae Dux ei
dem in Principatu Pomeraniae succedit.

○ Clauo Calen Msczugius Pomeraniae Dux moritur, &
in Monasterio Oliwa in praedecessorum suorum sepulchris sepelitur. Post
cuius mortem Przemislaus Dux maioris Poloniae ad quem
successio Ducatus Pomeraniae tam sanguinis quam
designationis iure pertinebat, venit Gedani
et totius Ducatus Pomeraniae, acce-
pit plenam et pacificam possessionem
Civitatemque Gdansk primus
blancis muniri pro-
curauit.

Finis Libri Septimi





Paulus Antonius Myreus Sander Legit & legit

